














1170 D1

G 10



Exhibit 1000

Genno 1841.



of sons.

1/12







*J. van werchter 1703*

**HISTORIA**  
**SACRA ET PROFANA**  
**ARCHIEPISCOPATUS**  
**MECHLINIENSIS.**

HISTORIA

SACRA ET REGIA

ARCHIEPISCOPUS

MECHLINIENSIS



# HISTORIA SACRA ET PROFANA ARCHIEPISCOPATUS MECHLINIENSIS;

Sive

DESCRIPTIO ARCHI-DIOECESIS ILLIUS;

Item

URBIUM, OPPIDORUM, PAGORUM, DOMINIORUM,  
MONASTERIORUM, CASTELLORUMQUE sub eâ,

IN XI. DECANATUS DIVISA.

Cum Toparcharum Inſcriptionibus Sepulchralibus,

*Ex Monasteriorum Tabulis, Principum Diplomatiſis inſertis,  
Et Inſpectionibus locorum verificata.*

Eruta Studio ac Opera

CORNELII VAN GESTEL,

*Pastoris in Weſtrem Comitatus Alooſani.*

Cum Figuris æneis.

TOMUS PRIMUS.



HAGÆ COMITUM,

Apud CHRISTIANUM VAN LOM, Bibliopolam.

MDCCLXXV.

HISTORICAL

ARCHAEOLOGICAL

RESEARCHES

IN THE

ANCIENT

REMAINS

OF THE

ANCIENT


REMAINS

OF THE

ANCIENT

REMAINS





EMINENTISSIMO & REVERENDISSIMO  
PRINCIPI  
THOMÆ PHILIPPO

Titulo S. Cæsarei S. R. E. Presbytero

CARDINALI

DE ALSATIA DE BOUSSU  
ARCHIEPISCOPO MECHLINIENSI  
PRIMATI BELGII &c. &c.



MINENTISSIME ET REVERENDISSIME DOMINE,

*Non erat mihi ambigendum cui potissimum consecrarem  
fetus hunc meum, qui ex solo libri titulo inclamat*



## DEDICATIO.

ARCHIEPISCOPUM MECHLINIENSEM. *Quod igitur facerem alias audacius, id nunc benignè indulgebis EMINENTISSIME ARCHIEPISCOPE, cum etiam injurius tibi essem si Archiepiscopatus Tui Historiam Sacram & Profanam, aut alteri offerrem, aut non Tibi dicarem. Etenim ut non esset in Te divinarum, humanarumque rerum scientia, non vita sanctissimè procedens, non mores ex vetere illa atque sanctissima Patrum disciplina compositi, non directum illud ad virtutem iter quod semper tenuisti, & quod invidi etiam & malevoli laudent, atque ex quibus non propriam ac peculiarem solum laudationem, sed æternam præterea Tibi memoriam comparabis; ut, inquam, hæc omnia non essent in Te, quæ omnibus suis numeris & partibus in Te perfecta conspiciamus, & quæ plus satis sunt, ut hic liber ab omni injuria custodiatur, esset tamen amplissima illa Tua Dignitas ARCHIEPISCOPALIS, ex qua Pastor noster es, & Rector, & Judex, & Tutor & Pater; quæ hos qualescumque conatus meos jure meritissimo Tibi vendicaret.*

*Cum enim Te intueor SACRORUM Nostrorum Præsidem ac dispensatorem, occurrit primò Episcoporum sacra inunctio; Abbatum & Abbatissarum benedictio; Presbyterorum, Diaconorum, & inferioris Ordinis Ministrorum, statutis de Jure temporibus, nunquam omissa a Te Ordinatio; offert se Templorum Consecratio operosa,*  
*Al-*

## DEDICATIO.

*Altarium dedicatio, Vasorum & omnis Ecclesiasticæ suppellectilis Sanctificatio; sed præ cæteris contemplandum se præbet pia illa, & sancta consuetudo Tua, quâ SACRORUM omnium maximo, sanctissimo, inquam, Missæ sacrificio operaris in dies singulos, & SOLEMNIA SACRA facis per vices singulas, & quæ non facis, præsentia, aspectu, & pietate Tuâ facis, ut ritè fiant: adeo ut ad Te referri debeat quidquid apud nos SACRUM occurrat.*

*Cum Te contemplor sedem fixisse Mechliniæ, loquitur primò Tua apud Ecclesiam Tuam Metropolitanam & Primatiale assidua commoratio; profert se Palatii Archiepiscopalis superba per Te à fundamentis constructa ædificatio; nec tacet spatiosa inibi ordinata Bibliotheca sexcentis à Te Voluminibus aucta; loquitur denique Tuum illud in rem publicam omne studium, unde in Clerum & Populum bonum omne dimanat, ut proinde cùm Diæcesim Tuam spiritualibus & temporalibus amplificaveris augmentis, in Tuo nomine prodire debeat quidquid in ea Sacrum & Profanum esse in hac mea Collectione exhibeo.*

*Accipe igitur EMINENTISSIME DOMINE Prædecessorum Tuorum Archiepiscoporum Mechliniensium imagines; Accipe Viros & gesta Capituli Tui Metropolitanici, quod ordinandorum Episcoporum Belgii veluti seminarium existit; Accipe Topographicam Diæcesis Tuæ descriptionem*

# DEDICATIO.

*& in clientelam Tuam suscipe librum, & auctorem ejus,  
qui post sacræ Purpuræ osculum profundissimâ veneratio-  
ne subscribitur.*

EMINENTISSIME DOMINE,

EMINENTIÆ TUÆ

Humillimus & Obedientissimus  
Servus & Clienſ

CORNELIUS VAN GESTEL,  
*Pastor in Westrem.*



# P R Æ F A T I O.

**D**O ecce tibi, benevole Lector, Historiam Sacram & Profanam Archiepiscopatus Mechliniensis, non quidem omnibus numeris absolutam, qualis erat mihi in votis; sed quam e classicis auctoribus, qui rerum nostrarum meminere, Principum & Antistitum Diplomatis, ac e variorum Monasteriorum Tabulariis, & Chartulariis deprompta, ac a fide dignis relata, & alibi a me excerpta, rudis mea industria potuit elicere.

Volupe mihi fuit inter Pastoralis curæ inducias in hoc argumento versari, & dum curiositate duce ad exteras terras peregrinantur alii, amore natalis soli hære domi; perlustrare Coenobia, visitare Ecclesias, enumerare, Patronos Toparchiarum Successiones, & Inscriptiones Sepulchrales ab interitu vindicare, aut destructas facere reviviscere.

Fateor me ab annis plurimis, quæ ad elucidandam hanc Historiam spectare videbantur, in chartis meis annotasse, in classes distribuisse; non tamen animus erat, ut illa lucem aspicerent publicam; sed ut aviditati, & curiositati meæ subservirent, terrebant me enim tot hiatus quibus scatebant, ac eapropter inter reliquas chartas meas sepelire decreveram; sed amicorum, & virorum non infimæ fortis rogatu & impulsu ut hunc conatum meum publici juris facerem, tandem manum dedi. Arbitrabar etiam non minus indecorum esse, & in opprobrium verti posse, quod cum in lucem prodiret Historia Episcopatum Foederati Belgii, Historia Episcopatus Antverpiensis, Sylvæducensis & Historia Ecclesiastica Geldriæ, interim in tenebris suis sepultus maneret Archiepiscopatus noster totius Belgii primarius, & cujus Antistes Primatum gerit.

Exinde manum ad tabulam dedi, & non impigro labore huic scriptioni sedulo insistere coëpi, ac viros primarios tam sacros, quam seculares convenire, ut ex Archivis Capitulorum, Abbatiarum, Monasteriorum, ea nobis suppeditarent, quæ huic Historiæ fidem certam dare possent, quod fatis feliciter a non paucis assecutus fui, adeoque nihil subposititium hic, nihil a veritate alienum, scienter a me prolatum vereare, ubi vero hi deficerent probatos auctores consului, sine tamen ullius ut spero offensâ, aut noxâ, eâ tamen mente, ut videant posteri in construendis Ecclesiis, in locupletandis Sacerdotiis, in pauperum constituendis solatiis, ac fundandis Monasteriis Majorum nostrorum propensissimum studium, ut saltem in chartâ nomina eorum perennent, quorum memoria jam oblitterata aut extincta est, & ut patriæ incolæ perspectis tot pietatis ac charitatis monumentis, in condendo, dotandove loca sacra exhibitis, grato animo memoriam beneficorum eorum prosequantur, atque a zelo majorum non degeneres, piâ charitatis eorum studia æmulentur.

In Toparchiarum Successionibus Registra supremæ Curiae Feudalis Brabantiae, aliorumque adivi, quæ illibata fidei documenta continent, plura dein viri nobilitate conspicui de Toparchiis ex manuscriptis, & schedis suis a Majoribus acceptis tradidere: attamen per hæc nostra scripta nulli cuiquam novum jus tribuere, neque juri suo inveterato, præcipue in referendis decimatoribus præjudicium interre contendere, & si alibi forsan erratum, aut minus accuratè dictum, ex nunc infectum & revocatum sit.

Cæterum Toparcharum alii aliis illustriores esse constat, de quâ generis inæqualitate dabo sigillatim nihil, ne dum familiam alteram alteri præpono, curis me mactem, & invidiâ onerem.



## P R Æ F A T I O.

Inscriptiones sepulchrales primitus sine quarteriis exhibui, dein amicorum instinctu serius quarteria addidi. Porro nolim quemquam mihi succensere, si forsan de aliquâ Ecclesiâ, Monasterio, Toparchiâ, vel loco parcè commemorata erunt, id non mihi sed aliis adscribendum, qui dum variè rogati nulla vel admodum pauca subministrarunt; nobis enim singula loca, singula monumenta, atque Archiva inspicere non licuit. Ut vel ob hanc causam facilius erratorum, atque omissionum (nam infinitè plura eo facientia scio posse erui) veniam sis concessurus, cum unus nec omnia scire, nec potest, nec debet; *Nam omnium memoriam habere, & in nullo penitus errare, divinitatis potius quam mortalitatis est, ait Imp. Justinianus.*

Si vero alicubi Geusiorum, aut Hæreticorum nomen in tam vasti operis decursu expressum, quemquam offenderit, non tam in hodiernos dissidentium cætus, quam in primitus factiosorum agmina calamus id ex aliis scriptis præter mentem expressit. Erunt forsan qui in stylum arietabunt, utpote non fucatum, & floribus inspersum, sed qui forsan Lectori nauseam & tenebras pariat; verum mihi placuit, hanc Historiam tradere succinctè & dilucidè, qui antiquariorum mos esse solet.

Errata propter absentiam meam a prælo nonnulla irrepserunt, quorum feriem in fine dabo, cætera benignus Lector emendare dignabitur. Vale & labore nostro frui.

---

## A P P R O B A T I O

### Censoris Ordinarii.

**L**egi Historiam hanc Sacram & Profanam Archiepiscopatus Mechliniensis, magno studio & labore concinnatam a R. D. Cornelio van Gestel Pastore in Westrem Comitatus Aloftani; nihilque in eâ reperi, quod Orthodoxæ Fidei nostræ, probis moribus, aut politico statui adversetur; sed talem eam inveni, qualem præfixus titulus exhibet; unde luce publicâ, dignam sensui, ut omnibus, ac præsertim Belgicarum Antiquitatum studiosis prosit. Dabam Mechliniæ hac 3. Augusti 1725.

S. VANDE CRUYS S. T. L. Canonicus  
Graduatus, & Pœnitentiarius Ecclesiæ Metropolitane S. Rumoldi, Archipresbyter  
Districtus Mechliniensis

*Librorum Censor.*

HISTORIA









# HISTORIA

## SACRA ET PROFANA

### ARCHIEPISCOPATUS

### MECHLINIENSIS.

---

#### DECANATUS MECHLINIENSIS.

**M**ECHLINIA, una ex XVII. Belgii Provinciis, Metropolis ac *Mechliniæ nomen & situs.* caput hujus sedis Archiepiscopalis, antiquis Malinæ, vel Maslines, Macline, Machlinia &c. Gallis Malines, olim Machelen, hodiè *Mechelen*. Sita est in medietate ferè Brabantiae, & licet a Brabantia insignibus, titulis, Privilegiisque distinguatur, moribus tamen, naturâ situque illius veluti cor aut umbilicus dici potest, Dilia fluvius eam mediam secat; & æquali ferè ab Antverpiâ, Bruxellâ, & Lovanio quatuor milliarium distat intervallo, loco plano, agroque fertili, terrâ levi & subarenosâ, omnigenum fructuum feraci.

Exigua admodum ejus fuerunt initia; & ne mireris non ab ita longo temporis tractu in eam, quâ nunc est sensim amplitudinem excrevisse, cum tot aliae urbes Belgicæ breviori temporis spatio a minimis initiis emerferint; quæ incrementa hisce in partibus adscribenda putamus præcipuè vastationibus Normannorum, incolis adversus eas simul confluentibus & sese munientibus. *Initia.*

Civitas ipsa hodiè situs amœnitate, munditie, laxitateque viarum, ædificiorum magnitudine ac venustate, pontibus lapideis plurimis, elegantibus templis & sumptuosis, ac turri altitudinis admirandæ, etsi nondum ad culmen perductæ conspicua est, e quâ plurimas undique civitates, pagos ferè innumeros, & amœnum valde agrorum tractum prospicias. Selectæ in eâ & sonoræ imprimis campanæ, quæ seu musicus aliquis Chorus, dulcissimum in præambulo maximè, sive horarum præludio edunt concentum. *Hodiernus status.*

Memoriæ veteres, & Manuscripta rerum Mechliniensium Chronica unanimiter asserunt seculo VIII. Mechliniæ Dynastam fuisse *Adonem Comitem.* & nobis ulterius obtrudere conantur, quod ei ob præclara merita, & navatam fideliter in multis rebus operam, *Pipinus Francorum Rex*, cui affinis erat Parisiis Anno 753. Augusti die 22. Terram tradidit in Bratuspantu (uti refert etiam Gramayus) ubi Scaldæ Tylam excipit dictam Francis *Maslines*, quod nobis sonat maris lineam, eo quod accessus recessusque maritimi hic statio sit. At veteres volunt *Malinam*, uti & *Ledonem* (quam Liram hodiè



diè vocant) non ejus nominis fluvios, sed crescentes & decrescientes Oceani æstus denotari. Vide *Du Cange* in Gloss. Latinitatis.

Interim undenam hæc a popularium Chronicis, & a Gramayo hausta fuerint, huc usque nemo indagare potuit, neque qui *Pipini* Diploma, aut saltem authenticum Diplomatis fragmentum proferat, hætenus inventus est nemo.

Adonem fuisse Mechliniæ Comitem facilè credimus; sed seu loci gubernatorem aut judicem a *Pipino* ibidem constitutum.

*Comites  
Antiqui-  
tus.*

Porro ævo isto Comitum dignitas erat permagna, quamvis illa ferè temporalis. Consensus eruditorum hodiè obtinet titulos & nomina Ducum, Marchionum, Comitum, Castellanorum non fuisse olim dignitatis; sed officii, Duces a ducendo exercitu præerant, Marchiones quod armis tuerentur limites, vulgo Marchias, Comites a Comitando Imperatorem, quod judices & gubernatores ab eo constituerentur districtusque ubi jurisdictionem exercebant appellarentur Comitatus, Castellanorum, quod vice Dominorum Castella & arces tuerentur, neque illa in hæreditarias possessiones, transisse, transmissaque ad posteros ante tempora *Caroli Magni*, erant enim plerumque præfecturæ tantum, quæ certis personis loco, & tempore a Rege vel Imperatore concederentur ad tempus, & quæ ad nutum amoveri poterant.

*Mechlinia  
vetus.*

*Maslinas* veteres *Adonis* ævo nequaquam utrumque Diliæ latus occupavit, sed quidquid sive pagi, sive vici in læva fluminis constitit *Adonis* domui adjacentis, populo latè sensim eam incolente, Cisdiliana Mechliniæ pars, ubi nunc præcipua urbis decora, sedes Archiepiscopalis, Domus Senatoria, forum, Coriariorum sedes (vulgo *den Ham*) & alia loca, mera tunc solitudo fuit, & ulmorum silva, dumis & paludibus horrida dictum *Ulmelum* ab hac confitâ frequenti arbore nuncupatâ, quo etiam nomine pueris hodiè satis notum est, quidquid prati ultrà medium milliare in eadem ripâ Thyliæ ad urbis muros protenditur, vulgo *t'Olmerbroeck* nuncupatum. Et rerum nostratium periti magno unanimique consensu id nominis præter prata & prædia quibus illud hodiè constat, novæ Cisdilianæ Mechliniæ pomeria latè olim fuisse complexum.

*Mechliniæ  
Dominium  
Antiquitus  
fuisse penes  
Reges  
Francorum.*

Jus supremum seu Dominium directum Mechliniæ sub *Adone* Comite competeat *Pipino* Francorum Regi, dein *Carolo Magno* ejus filio, cujus successores idem jus obtinuerunt.

In divisione regni *Lotharii* Imperatoris Anno 870. facta inter hujus patruos *Carolus Calvus* Franciæ & *Ludovicus* Germaniæ Reges in procaspide ad Mosam fluvium inter Haristallum & Marfanam VI. Idus Augusti, inter alia *Carolo* sunt tributa S. Servatii Trajecti ad Mosam, *Maslinas*, (hodie Mechlinia) *Ledi*, quo nomine Lira intelligitur. &c.

Anno dein 912. *Ludovico* ultimo Carolinæ stirpis in Germaniâ Rege sine liberis defuncto *Carolo* Simplici Francorum Regi, ut legitimo hæredijure licuit, non regnum modo *Lotharii*, sed & Germaniam quoque ipsam, si par in armis vis fuisset, repetere.

Anno 915. idem *Carolus* Simplex *Stephano* Leodiensi Episcopo & *Raginero* Marchione petentibus intuitu meritorum, *Stephani* præfati & *Franconis* ejus prædecessoris, qui in debellandis ad internecionem Lovanii & Mechliniæ Normannis egregiam operam navaverant, *Arnulpho* Regi dat varia prædia & bona Ecclesiæ Leodiensi. Diploma recitat A. Miræus in Diplom. Belg. Lib. 2. Cap. 18. novæ edit.

Præterea eodem anno donat Ecclesiæ Leodiensi Mechliniæ Dominium; rem probat *Barth. Fisen* in Historiâ Leodiensi his verbis ad hunc annum.

„ Do-

„ Donasse præterea *Brustemius* \* affirmat Abbatiam *S. Romualdi* (vult dicere *S. Rumoldi*) Martyris ad Demeram amnem cum Ecclesiis, & mancipiis utriusque sexus, terris cultis & incultis, aquarum decursibus: hoc est uno verbo Mechliniæ Dominium, de quâ quamquam rescriptum nullum habeam; *Brustemii* tane verba ex aliquo diplomate scripta non dubito. Neque vero de re dubitare quisquam potest; quandoquidem *Ottones* primus & tertius ratum id se habere testati sunt ”.

Porro ipsum Diploma extractum ex II. Libro chartarum perillustis Ecclesiæ Cathedralis Leodiensis N. 141. sub hoc titulo *Concessio Domini Caroli Regis Francorum facta Episcopo & Ecclesiæ Leodiensi sub certâ formâ de Abbatibus Hastieriensibus. & S. Rumoldi Mechlinien.* refert *R. P. Sollierius S. J.* in actis *S. Rumoldi* editis Antverpiæ Anno 1718. pag. 113. ut sequitur.

„ In nomine Sanctæ & individuae Trinitatis *Carolus* divinâ propiciante clementiâ, Rex Francorum. Si congruis fidelium nostrorum petitionibus aurem nostræ munificentiae aperimus, earum propensius animos ad nostram fidelitatem invitamus. Animadverterit igitur sanctæ Dei Ecclesiæ nostrorumque fidelium, tam in præsentem, quam in futuro tempore succedentium industria, quia nostræ dignitatis sublimitatem cum omni humilitate adeuntes Comes *Reynerus* & *Demarcus* & *Robertus* Comes & *Demarcus* nec non & *Robertus* nobis dilectus, pronis flagitaverunt genibus ut quamdam Abbatiam nomine dictam *Hastieriam* quam Comes *Windricus*, per præceptum habebat regale, quæ sita est in Comitatu Coivense, super fluvium Mosam; ipso consentiente & deprecante, per nostræ auctoritatis præceptum Sancti *Lamberti* contulissemus, eâ scilicet ratione quatenus eandem Abbatiam, & alteram in honore *S. Remoldi* Martyris constructam, quæ sita est in Comitatu Penis supra fluvium Tameram, quæ etiam sub potestate *Stephani* Sanctæ Tungrensis Ecclesiæ Episcopi, habebatur, ipso etiam consentiente, & deprecante, diebus vitæ suæ & uxoris ejus nomine *Cunegundis*, & unius filiorum ipsorum, videlicet nostri nepotis *Alberonis* possideant, cum omni integritate, quorum libentissimè precibus annuentes, concedimus animo libenter, quod nostram Majestatem deprecatum est humiliter: ac tam, ut supra dictum est, diebus vitæ suæ & uxoris ejus & unius filii ipsorum habeant, teneant atque possideant superscriptas Abbatis, cum Ecclesiis & mancipiis utriusque sexus, terris, cultis & incultis, vineis, silvis, pratis, pascuis, aquis, aquarumve decursibus & omnibus juste & legaliter ad se pertinentibus; jure siquidem beneficiario & usufructuario, post illorumque ab hac luce discessum, nemine contrariante, præmemoratae Abbatiae revertantur ambæ cum omni integritate, ad eandem potestatem, de quâ *MASLINAS FUISSE NOSCUNTUR*. Et ut hoc nostræ auctoritatis præceptum firmiter habeatur, veriusque credatur & attentius observetur, manu propriâ subter firmavimus, & annuli nostri impressione sigillari iussimus:

*Per extractum ut supra*

W. B I M Y.

Deest annus, quo diploma conditum fuerit, avulsus forte, aut temporis diuturnitate extritus. Ex hoc Diplomate evidenter constat non aliâ quam per Regiam *Caroli* Simplicis donationem, Ecclesiam Leodiensem Mechliniæ Dominium affecutum.

Barth.

\* *Joannes Brustemius* Ord. Minorum Trudonopolitanus scripsit Anno 1542. ad *Georgium Austrum* Leodiensem Episcopum Res gestas Episcoporum Leodiensium & Ducum Brabantiae a temporibus *S. Materni* usque ad Annum 1505. existat Leodii M. S.



Barth. Fisen supra citatus deinde pergens ad annum 980. ait: „ Bonorum „ omnium accessiones ad Ecclesiam (scilicet Leodiensem) factas, auctoritate „ Cæsarea firmari voluit *Notgerus*, impetravitque, quidquid *Pipinus*, „ *Carolus*, *Ludovicus*, rursusque *Carolus* Francorum Reges, & nuper „ *Otto* primus Imperator Ecclesiæ donarant, dato Diplomate ratum esse iussit „ *Augustus*; nominatim etiam *Hoium*, *Fossas*, *Lobium*, *Tungros*, *Mechliniam*. Normannicæ feritatis injurias superasse debuerint ista Regum „ rescripta, quæ *Notgerus* *Ottoni* confirmanda obtulerit. At ætatem nos- „ tram non attigerunt, hausta flammis aliis posterioribus. ” Hactenus Fisen.

Diploma *Ottonis* Imp. Anni 980. refert J. Chapeville in Hist: Pont: Leod: Tom. I. Cap. 53. in quo inter alia recenset *Maslines*.

Ibidem quoque refert Diploma, quo *Henricus Romanorum Rex* anno 1006. idem confirmavit, ubi inter alia item recenset *Maslines*.

Denique capite XLI. exhibet Diploma quo *Adrianus IV. Papa* Anno 1155. recensens omnes speciatim Ecclesiæ Leodiensis possessiones, inter cæteras iterum numerat *Maslinas*, & eodem Cap. recitans Diploma *Frederici* Imp. ejusdem anni 1175. ibidem inter capitales possessiones Ecclesiæ Leodiensis refertur *Maslinas*, *Heiste* cum *Advocatia*, & omnibus appendiciis suis.

Ex his Diplomatribus evidenter constat universum Mechliniæ Dominium & jus supremum spectasse ad Ecclesiam Leodiensem, quæ illud Dominium conservavit, & Mechlinia ei mansit subiecta usque ad annum 1333. quo illud *Ludovicus* Nivernensis Flandriæ Comes sibi & successoribus suis acquisivit emptionis tabulis ab *Adolpho* Episcopo Capitulo Ecclesiæ Leodiensis, de quo infra.

*Bertholdi*  
*nullum*  
*supremum*  
*Domi-*  
*nium possi-*  
*derunt in*  
*Mechlinia.*

Quid ergo de *Bertholdis* Grimbergarum Regulis quos volunt uno ferè ore omnes qui hactenus scripserunt obtinuisse Dominium supremum illius partis oppidi quæ est ultra Diliam? Non diffiteor plerosque etiam scriptis nobiles superioris ævi in illam popularem sententiam de duabus Mechliniæ partibus, deque harum Dominis propriis abiisse, & asseruisse in regione ejus ampliore in qua Basilica D. *Rumoldi* nunc Metropolitana visitur, jus supremum obtinuisse Leodienses Episcopos, alterius vero regionis trans-Dilianæ, in quâ Deiparæ Virginis hodiè Collegiata Ecclesia, olim *Bertholdos* Grimbergarum Dynastas fuisse Dominos, alii eos indivisim rexisse & possedisse Mechliniam asserunt, verosimiliter in errorem inducti ex pactis *Bertholdorum* cum Episcopis Leodiensibus, signanter seculo XIV. qui eorum potentiâ & viribus oppressi vi coacti pro bono pacis ipsis dimidium emolumentorum & utilitatum cesserunt, patetque ex pactis & Leodiensium Episcoporum querelis, uti in sequentibus demonstrabimus.

*Bertholdi* itaque nullum directum Dominium vel supremum jus in Mechliniâ obtinuerunt vel possiderunt, neque ipsi Leodienses Episcopi ipsis unquam aliquam ejus partem cesserunt, sed expressè semper conventum, Dominium & jurisdictionem oppidi fore penes Episcopos. Ad illa autem elucidanda oportet ab altiori principio rem illam auspicari.

Ecclesia Leodiensis tot Dominiis & opibus ex Imperatorum & Regum Donationibus aucta & ditata, illa conservare ubivis, difficulter potuit Episcopis rebus curisque Ecclesiasticis distentis, qui insuper a seculi Principibus eorum bonis inhiantibus terrefacti, plurimis in locis Advocatiam Dominiorum suorum Nobilibus committere, more illo tempore usitato, qui præfecturam in Ecclesiæ bona suæ tutelæ commissæ exercerent, jus dicerent & secularis bra-

*Advocatia*  
*quid Anti-*  
*quitus.*

brachii vim exercerent; Advocatia vero hæc nihil juris eis tribuebat, sed jus tuendi ac protegendum earum bona, & sicut togati Advocati sive Patroni non gratis patrocinantur suis clientibus, eorumque causas agunt; ita & olim decretum, ut Advocati armati habeant ex multis criminalibus & aliis emolumentis, ordinariè tertium denarium: at plures Advocati, hisce non contenti, variis prætextibus jura sua augebant variasque taxas exigebant, ipsaque Monasteria & Ecclesias mirum in modum sæpe gravabant, & qui facultates eorum tueri debuissent, eas potius rapiebant, & ex defensoribus, direptores facti videbantur. Hæc non abs re præmittenda duximus, ut lucem adferant, quæ mox tractabimus.

Ecclesia Leodiensis olim Advocatiam oppidi Mechliniensis commisit *Bertholdis* Grimbergarum Dynastis, quam ab eâ deinceps tenebant in feudum, seque Ecclesiæ Leodiensis profitebantur clientes; quo autem præcisè tempore & anno inchoatum, incertum est. Hoc certum, quod sæculo primo XIII. Advocatos Mechlinienses se scripserint *Bertholdi*, quod infra duobus Diplomatis probabimus. Proinde quod ea pars Mechliniæ, quæ hodie est Trans-Diliana paruerit *Bertholdis*, in eâque obtinuerint jus supremum, ad fabulas relegamus, & pro parte Grimbergenfium conficta esse constanter asserimus, & quidquid hi olim in eâ juris possiderunt, id non nisi per violentiam & iniquam usurpationem ab Ecclesiâ Leodiensi acquisiverunt, & nullum aliud jus in eâ obtinuerunt, præter meram Advocatiam, & quæ eis Leodienses Episcopi pro bono pacis indulserunt.

*Bertholdi  
Advocati  
de Mech-  
linia.*

Restat nunc variorum opiniones eâdere in medium proferre, easque validis, ac solidis argumentis refellere.

Manuscripta rerum Mechliniensium Chronica nulla habemus conscripta ante sæculum XVI. & antiqua Registra Capituli *D. Rumoldi*, & duo libri antiqui conscripti in pergamento, ex quibus hoc erui poterat, perierunt in direptione civitatis Mechliniensis anno 1580. die 9. Aprilis; ut proinde non mirum, si illa Chronica & nova Registra, quæ hodie exstant, illam popularem opinionem nobis obtrudere conati sunt, quod *Bertholdi* obtinuerint Dominium Trans-Dilianum.

*Refellun-  
tur Chro-  
nica &  
Auctores  
asserentes  
Bertholdos  
Dominos  
fuisse  
Mechliniæ  
partis  
Trans-  
Diliane.*

Ex auctoribus primus nobis occurrit *Pontus Heuterus*, qui scripsit in fine sæculi XVI. cujus opera sunt in plurium manibus; is in *Carolo Audace* ad annum 1474. imputat attritis *Bertholdorum* diuturno bello opibus, ut alteram hujus Urbis Domini partem Leodiensi Ecclesiæ vendere gravi necessitatis telo coacti fuerint; sed cum post annum 1000. arma primum à *Bertholdis* sumpta, & de rerum summâ cum Brabantia Ducibus dimicare cæperint, *Notgerum* vero Episc. Leod. ante annum 1000. Mechliniæ jura dixisse verum esse nequit quod ab eo asseritur.

Huic auctori fidem habuisse videtur *F. Zypæus* in hiatu Cassano obstructo, cum Lib. I. Cap. 16. scribit, a *Bertholdis* ad Episcopum Leodientem solido jure Mechliniam abiisse.

Initio sæculi XVII. Antiquitates Urbis & Provinciæ Mechliniensis descripsit *J. B. Gramayus*, qui Lib. II. sect. II. ab altiori principio rem exorsus, narrat *Monulphum* Comitis Dionantensis filium Mechliniam a *Guidone* Comite sub Annum 551. coemptam cum Jupiliâ & Capremonte donasse Ecclesiæ Leodiensi: ideoque passim *Patrimonium S. Lamberti* in veteribus Chronicis vocari. Hoc verum non esse patet ex præfato *Barth. Fisen* in Hist. Eccles. Leodiensis; ubi ait anno demum 1297. *Jupiliam* ab Ecclesiâ Viridunensi absolutè esse emptam a Canonicis Leodiensibus, quam ab anno 1266. ab eâ in emphiteusin acceperant sub annuo censu: Capremons vero



(quam hodie *Chievremont* dicimus) nunquam spectavit ad Ecclesiam Leodiensem, quam ut nidum rebellium & Leodiensibus semper infestam *Notgerus* Episcopus astu interceptit & funditus evertit Anno 980. Canonorum Præbendis ad Aquisgranensem *B. Mariæ* Basilicam translatis. Teste eodem *B. Fisen* & *J. Chapeaville*.

Gramayus deinde factò gradu ad sectionem proximam, præcedentium immemor, Leodiis tantum dimidiæ urbis imperium attribuit, de modo quoque & primo possessionis tempore incertissimus, putat quod *Bertholdi* alicujus filius (Joannem, inquit, vocant Arnoldi filium) in Laubio Monachum induens, dimidium Mechliniensis Peculii secum traxerit, diviso bifariam Dominio, istaque circa annum ab orbe condito millesimum acciderint. „Hoc „certum (ait) cum Abbatia Lobiensis ob alterius Domini potentiam præ- „sentiamque parum haud perciperet emolumenti, Abbatem, initâ permuta- „tione, Dominium suum Episcopo Leodiensi transcripsisse, ut alii anno 971, „ut alii An. 1171.”

Verum quis hujus narratiunculæ color? aut quæ in tantâ ambiguitate temporum, rerum certitudo sperari potest? Certe de Joannis Monachatu sententiæ velut fundamento vacillat fides, quem aliqui Arnoldi Grimbergani a feritate *Barba-Draconem* appellati filium, hoc est post annum 1100. finxere.

Hujus opinionis error clarè patet ex ante citatis Diplomatis cum ante & post annum 1000. inter capitales possessiones Ecclesiæ Leodiensis numerentur *Lobes* & *Malines*.

Insuper constat Episcopos Leodienses per VII. Scabinos ante annum 1220. Trans-Diliam jus dixisse, ibique plurima bona & census possedisse, probant autentica quæ adservantur in Archivo Hospitalis *B. Mariæ* Trans-Diliam; attento etiam eo, quod *Adonis* Comitis ævo vetus Mechlinia, in quâ hic Comes suam tenebat aulam, in loco ubi hodie Armamentarium Regium, non protenderetur ultra Diliam, ubi nunc Basilica *D. Rumoldi*, quæ erat solitudo nemorosa (Ulmetum nuncupatum) ut ante diximus, quæ post recessum Normannorum & Danorum primitus circa annum 990. inhabitari cæpit; & ipse Gramayus Lib. I. Sect. 6. ait: „Certe ab anno 897. prima redivivæ Mechliniæ „fundamenta ultra flumen jacta videor colligere ex Chronico Cameracensi „ante annos sexcentos conscripto, ubi hæc verba lego. *Apud Maslinas „quoque Monasterium est Canonorum, ubi quiescit pretiosus Dei Martyr „Rumoldus, genere Scotus, qui vitam Heremiticam ducens inibi martyrisa- „tus est.*” Deinde pergens: „Cæterum cum timeretur civitati a Barbaris, „religioni obprædonibus, sub annum 970. ultra flumen producta pomeria. „Et quidem *Notgeri* Episcopi Leodiensis ævo, constat urbis illius latus ab „Hanswyca nâ portâ (quæ tum Leodiensis vocabatur) muro fossisque munitam fuisse aliâ parte ligneis sepimentis instructa. Quæ tamen ante annum „1300. conformis superiori fuerit.”

Uterius abundè patet ex pactis *Bertholdorum* cum Leodiensium Episcopis, signanter anno 1213. cum *Hugone de Petramonte* & *Waltero III. de Berthout*, ubi conventum est in hunc modum.

*Ex Actis  
S. Rumoldi  
pag. 114.  
Walterus  
III.*

„Noverint universi, quod inter Dominum *Hugonem* Episcopum & Ecclesiam Leodiensem ex unâ parte, & Dominum *Walterum Bertholt*, ex aliâ parte, talis compositio est ordinata. Dominus *Walterus* recognoscit Episcopo omne jus & Dominium, & omnes redditus, quos Episcopus habebat in villâ de *Marlines*, & omnibus appendiciis suis, & præterea totam silvam de *Hesene*: & Dominus *Walterus* potest se accedere ibidem, dummodo non faciat injuriam de feudis vel de hereditatibus quæ tenentur ab Episcopo: & propter hoc accrevit dictus *Walterus* Episcopo,



„ copo, redditus suos triginta marcas Leodiensis monetæ, quas & ibidem assignavit singulis annis percipiendas. Et Episcopus vel Ecclesia non potest de cætero aliquam commutationem facere de villâ de *Marlines*, neque de appendiciis suis: & quidquid ipse W. (*Walterus*) ibi acquireret totum tenebit de Episcopo. Præterea ipse cognovit coram paribus suis, quod ipse est ligius homo Episcopi, & tenetur eum & Ecclesiam Leodiensem juvare contra omnem hominem. Hujus compositionis testes sunt, Dominus Joannes Præpositus S. Lamberti, & Dominus Theodoricus Decanus, Dominus Henricus de Jacia, Thomas de Hemmericurt, Radulphus de Numaico, Henricus de Eppia, Jacobus de Altaripa, Magister Herrewardus, Ludolphus, Archidiaconi, Ludovicus Comes de Los, Theodoricus de Walecort, Henricus de Argentaël, Clarebaldus de Altaripa, Anselmus de Salemanghe, Oliverus de Sotengiensi, Godefridus de Liewes, Gerardus de Hofenmont, Libertus de Gineffe, Fastradus de Hemmericurt, Godefridus de Scoves. Acta sunt hæc Leodii, anno Dominicæ incarnationis millesimo ducentissimo tertio decimo.”

Ex hoc toto instrumento tantum abest ut Mechliniæ Dominus nominetur *Walterus*, ut ne quidem Advocatus eatenus agnoscat, quæ appellatio primum innotescit altero Diplomate, quo *Walterus* IV. non nisi *Advocatus Mechliniensis* dicitur anni M. CCXLI. ut sequitur.

„ Ego *Waltherus Bertholt* Advocatus Mechliniensis, notum facio universis, præfentes litteras inspecturis, quod ego apud Tudinum, feriâ quartâ post Octavas Paschæ, venerabili Patri & Domino meo *Roberto*, Dei gratia Leodiensi Episcopo, feci fidelitatem prout tenebar & homagium ligium contra omnes. In cujus rei testimonium, præfentes litteras sigilli mei munimine roboravi. Actum die prædicto, anno Domini millesimo ducentesimo quadragesimo primo.”

Ex iisdem  
Actis pag.  
eâdem.

Per extractum ut supra

W. B I M Y.

Anno M. CCCVIII. *Theobaldus de Bar* Leodiensis Episcopus certis conditionibus mediis cum *Ægidio Berthout* in gratiam rediit & concordiam iniiit, conditione hac præcipuâ interpositâ, Dominium & Jurisdictionem oppidi Mechliniensis penes Episcopum fore cum vicinis annexis, Advocatiam Urbis, & suburbani *Ægidius* susciperet, clientem professus, commoda quæ ex judiciis, teloniis, aliisque obvenirent, æqualiter inter se partirentur, cum alias Advocatis non nisi tertia utilitatum portio deberetur. *Ægidius* eodem anno se dixit clientem, ejusque defuncti exemplo *Florentius* patruus ejus successor (qui erroneè a Gramayo ejus filius dicitur) Sacramentum innovavit anno M. CCCXII. neque illi tam duras, haud dubiè æquas leges recusarunt.

A. Miræus  
in Donat.  
Belg. Lib.  
II. cap.  
127. novæ  
Edit. pag.  
593.

Denique in ultimâ illâ Mechliniæ Flandriæ Comiti factâ transmissione Dominium Urbis cum pagis annexis ab *Adolpho* Episcopo, Advocatia a *Rainaldo* Geldriæ Comite *Sophiæ Bertholdicæ* viro vendita fuit, nempe Dominium summa 100000. Librarum Turonensium (ut Meyerus ad annum 1333.) Advocatia 60000. Librarum similium, ut testis idem Meyerus & alii. Atque inde clarè patet Domini nihil ad *Bertholdos* spectasse.

Cæteri Auctores ut Divæus, F. Haræus, J. Wachtendonck, A. Miræus & alii, suos errores ex præfatis auctoribus & Chronicis hauserunt, & ab eis in errorem inducti sunt; ideoque supervacaneum foret eos speciatim refellere, cum ex dictis, eorum opiniones satis superque refutatae sint.

Ultimus Auctorum est *C. Butkens* qui in suis Trophæis Brabanticis, nullo nixus fundamento, & absque ulla probatione, ac primus & solus, refert



*S. Libertum* Comitis *Adonis* filium in *Laubio* Monachum induisse, & Mechliniæ Comitatum paternæ hereditatis Peculium eidem Abbatîæ donasse, quod ex antedictis verum esse nequit, cum ex his & citatis Diplomati- bus constet Mechliniam spectasse ad *Caroli Magni* posteros, & in divisione regni *Lotharii* Imp. An. 870. tributam fuisse *Carolo Calvo* Francorum Regi ejusque posteris, ex quibus Anno 915. *Carolus Simplex* Mechliniam contulit Ecclesiæ Leodiensi, uti ante satis diximus; deinde ipsi Lobienfes *S. Libertum* pro suo non agnoscunt. Præterea in Chronico Lobienfi, quod exstat ad calcem vitæ *S. Ursuarii*, quodque Anno 1628. Gallico idiomate edidit *Ægidius Waulde*, nulla fit mentio *S. Liberti*, multoque minus hujus donationis factæ ab eo Lobiensibus, quod indubiè hoc Chronicon non omisisset.

Cæterum excepto præfato *Butkens*, nemo istam fabulam recenser, & stante illa opinione, falsæ erunt omnia præfata Diplomata Leodiensia, in quibus tam disertè & clarè asseritur *Malinas*, seu *Maslines*, Regum Franco- rum donatione ab Episcopo & Ecclesiâ Leodiensi possideri.

Primus qui ex gente Bertholdicâ titulum Mechliniæ Domini usurpavit, & assumpsit est *Waltherus* V. dictus *Berthout*, Tutor & Cancellarius Ducis Brabantiae, penes quem summa rei erat sub Ducissâ *Aleyde*, matre *Joannis* I. Ducis Brabantiae in minore ætate constituti; hunc titulum sibi primo invenio arrogasse in quodam Diplomate apud A. Miræum in Not: Eccl. Belg. Cap. 194. novæ edit. eumque titulum deinde arroganter gessit: Illum secuti sunt ejus posteris, Verum huic arrogantiae sese opposuit *Henricus Gelder* Episc. Leod. cujus imperium, cum, inductu præfati *Walteri*, Mechliniensis spernerent, eam urbem Anno 1267. valido exercitu cinxit, *Walterus* fretus suâ potentiâ, & Brabantinorum viribus adjutus, Episcopum compulit circa principium hyemis defectu victualium obsidionem solvere & re infectâ discedere.

Mechlinia  
ceditur ad  
tempus  
Duci Bra-  
bantiae.

Magna dein fuere dissidia inter Leodienses Episcopos & *Bertholdos* super Mechliniæ possessione, & persistere in suâ defectione usque ad Annum 1300. quo *Hugo de Cabillone* Leod. Episc. armis & viribus impar contra *Bertholdorum* potentiam, concessit Mechliniam & villam *Heyste*, cum inde dependentibus, *Joanni* II. Brabantiae Duci usque ad tertium hæredem; eâ lege ut eam suis sumptibus recuperet, quæ *Joannes Bertholdus*, ejusque majores injuriâ sibi vindicarunt. Diploma recitat A. Miræus in Diplom. Belg. Lib. 1. Cap. 97. novæ edit.

Universis præsentis litteras inspecturis Hugo, Dei gratiâ Leodiensis Episcopus, æternam in Domino salutem, cum notitia veritatis. Zelus Orthodoxæ fidei in eo probatur præcipuè.....

Heyst op  
den Bergh  
quarto la-  
pide à  
Mechli-  
nia.

Sane cum ad nos & Antecessores nostros, Ecclesiæ Leodiensis Episcopos, qui ipsam Ecclesiam rexerunt pro tempore, plurima & diversa jura ac Jurisdictiones in Oppido Mechliniensi, & in villa de *Heisse*, & appendiciis earumdem pertinuerint longis temporibus, & adhuc pertinere dignoscantur, quæ usque ad hæc tempora Nobilis Vir *Joannes Berthout* de Mechlinia, & sui Progenitores per potentiam suam violenter occuparunt, & adhuc detinent occupata, contra Deum & justitiam, in dispendium animæ suæ & prædictæ Leodiensis Ecclesiæ non modicam jacturam, consilio freti bonorum & Jurisperitorum, oportuno duximus eatenus nobis brachium invocare defensionis.

Cum igitur, quia Illustris Princeps Dominus *Joannes*, Dei gratiâ Dux Lotharingæ, Brabantiae & Limburgi, sit fidelis & major ac potentior inter fideles Ecclesiæ nostræ supradictæ, nostrum, imò potius Ecclesiæ nostræ gerens negotium, de mandato nostro & requisitione debita, prædicta jura & jurisdictiones diu injuriosè ac violenter occupata, ut est dictum, ad proprietatem Ecclesiæ nostræ supradictæ re-  
ducatur,

ducat, & reducere labore suis sumptibus & expensis, nostræque seu Ecclesiæ nostræ prædictæ facultates non sufficiant ad tanta supportanda;

Volentes suis laboribus & expensis meritò respondere, cum nemo teneatur suis stipendiis militare, prædicta Jura & Jurisdictiones universas & singulas, prout idem Dux revocaverit, ad jus & proprietatem Ecclesiæ nostræ memoratæ, liberè conferimus & donamus sibi suisque heredibus, usque ad tertium heredem inclusive, cum fructibus, proventibus & adventiciis quibuscumque:

Promittentes bonâ fide dicto Duci, quod quàm citiùs poterimus, procurabimus cum effectu, super collatione seu donatione prædicta, consensum Capituli dictæ nostræ Ecclesiæ, seu confirmationem Apostolicam adhiberi;

Præsertim cum sæpeditus Dux bene valeat promereri, pro eo, quædam Jura & Jurisdictiones, de quibus providendum est, quod ad possessionem prædictæ nostræ Ecclesiæ non venerint, quamvis multi Antecessores nostri, pro ipsis recuperandis, gravibus infudaverint laboribus & expensis.

In quorum testimonium & munimen, sigillum nostrum præsentibus litteris duximus apponendum. Datum anno Domini millesimo trecentesimo, Sabbato post Festum B. Lucæ Evangelistæ.

*Joannes* Brabantiae Dux rem suam non Ecclesiæ Leodiensis egit, transigit siquidem cum præfato *Joanne Berthout*, ut ipse medietatem a Duce obtineret in clientelare beneficium, juraque partiantur, & quo cives haberent obsequentiores & magis addictos, eos die S. Lucæ sacro eodem anno amplissimis donarunt privilegiis, præcipua stapula avenæ, falis, & piscium ab Antverpiensibus ante habita. *Theobaldus* ejus successor post decennium Duci Brabantiae litem movet in Curia Romanâ, & Episcopato Urbem illam revindicat & Anno 1310. sub Anathemate eam restituere compellit.

Anno 1308. præfatus *Theobaldus* certis conditionibus cum *Ægidio Berthout* concordiam iniit & conventionum tabulas confecit (ut ante dicere incepimus) Conditionum hæc summa erat, Dominium & jurisdictionem oppidi penes Episcopum fore, cui perinde parebunt vici suburbani & in territorio peculia jure urbis gaudentia *Hevere*, *Musines*, *Humbeke*, *Leeft*, *Heffene*, *Nieulant*, *Neckerspoele*, quæque ad huiusmodi villas referebantur. Advocatiam vero & dimidium utilitatum, reddituumque, in his omnibus portionem *Bertholdis* tribui: ita tamen ut quidquid dictis in locis possiderent, aut aliquando possessuri essent clientelam professi & sacramento præstito, tamquam feudum ab Episcopo susciperent, Scabini & Primores ut *Bertholdi* stent pactis omni se ope & opera pollicentur. Pactum hoc solemne hujus conventionis, integrum exstat apud A. Miræum in Donat: Belg. Lib. II. Cap. 127. novæ edit: ut sequitur.

Universis tam præsentibus quàm futuris, præsentibus Litteras inspecturis, *THEOBALDUS*, Dei gratiâ Leodiensis Episcopus salutem, & eorum quæ sequuntur agnoscere veritatem.

Cum Pax sive concordia inita sit & ordinata, inter Nos ex parte una, & Nobilem Virum *ÆGIDIUM BERTHOUT* ex altera, super juribus Villæ *MECHLINIENSIS*: in cujus Pacis concordationem expressè consensum exstitit, per Venerabiles Viros, Præpositum, Decanum, Archidiaconos, totumque Capitulum nostræ majoris Ecclesiæ Leodiensis, & consilium, consensum pariter & assensum Nobilium Nostrorum, scilicet Militum, Armigerorum, nec non consilium bonarum Villarum nostri Episcopatus prædicti, secundum tenorem & formam, super dicta Pace, in testimonium per alterutram partem confectam, & signatam Sigillo nostro dicti Capituli, & *Ægidii Berthout* prænotati, cujus Pacis formæ tenor ab initio usque ad finem de verbo ad verbum sequitur, in hunc modum:

Universis præsentibus & futuris, ad quos præsentibus Litteræ pervenerint, *THEOBALDUS* Leodiensis Episcopus salutem, & cognoscere veritatem. Noverint universi & singuli, quod cum dissensio fuisset inter Nos ex una parte, & Nobilem Virum



ÆGIDIUM dictum BERTHOUT de MALINES ex altera, occasione jurium in Villa Mechliniensium, tandem pro bono Pacis & de consilio proborum, videlicet Capituli nostri Leodiensis, Militum ac bonarum Villarum nostri Episcopatus, concordatum est inter Nos & dictum Ægidium in modum qui sequitur:

Videlicet, quòd *Hevere, Musines, Humbeke, Leeft, Heffene, Nieulant, & Neckerspoele*, & dictarum Villarum appendicia, sunt & erunt in perpetuum sub dominio & jurisdictione Episcopi & Ecclesiæ Leodiensis, sicut est Mechlinia.

Et judicio Scabinorum Villæ Mechliniensis, in omnibus negotiis, quæ judicium requirunt, ex nunc in antea, sub libertate, judicio & lege Mechliniensium, & mediante istâ ordinatione, omnes excessus, emendæ, obventiones & commoda, quæ proveniunt seu provenire poterunt ex judicio vel aliàs in Villa Mechliniensis, & in aliis Villis prædictis, & earum appendenciis, sive ex causâ judiciaria seu libertate, vel jure, ac alio quocumque modo, erunt communia & æqualiter dividuntur pro æquis portionibus inter Nos & Ægidium Berthout antedictum, salvis juribus Villæ prædictæ, prout ea Scabini Mechliniensium conservant.

Præterea omnes redditus, qui Nobis Episcopo ac Ægidio Berthout prædictis cedent in dictis locis & eorum appendiciis, erunt communes & æqualiter hereditariè dividuntur inter Nos & Ægidium Berthout prædictum.

Nec potest alter nostrum aliquid penitus acquirere in dictis locis, nisi interveniat utriusque consensus. Et si quid alter sine consensu alterius adquisierit, erit commune inter Nos. Insuper Villicus noster, qui Scultetus dicitur, habet instituere Scabinos in fidelitatem, quandocumque necessè fuerit Nobis tanquam Domino, ac Ægidio Berthout pro jure suo. Quod tale est, videlicet quòd in omni casu, super quo Villicus noster monebit Scabinos, qui super omnibus casibus, qui ad judicium Scabinorum spectant, potest & debet eos monere, statim post monitionem dicti nostri Villici, famulus Bertholdi potest ipsos monere, si velit, super eodem casu si præsens fuerit, nec non alio modo.

Nisi contigerit quòd Villicus noster in justitia prosequenda esset negligens vel remissus; in quo casu famulus Bertholdi potest requirere Villicum nostrum per tres dies placitorum, præsentibus Scabinis, quatenus super illo casu moneret Scabinos & faceret justitiam; & si Villicus noster hoc facere recusaret vel nollet, ex tunc famulus Bertholdi super illo casu potest monere Scabinos, & deberent Scabini de illo casu judicare ad monitionem ipsius, salvo jure in emenda, si quæ ac judicium pertinet. Et si tunc famulus Bertholdi in continenti monere negligat, semper Villico nostro monitio reservatur, ad quem spectat monitio super omni casu; & ad ejus monitionem semper Scabini judicare tenentur.

Præterea si contingat bellum insurgere, vel rixas moveri in prædictis locis, ubi Villicus noster præsens non fuerit, si famulus Bertholdi superveniat, nec sit ibi aliquis loco Villici, potest audire querimonias, indicare treugas, arresciare malefactores & eos ducere in prisonem, quæ est in Villa, ubi alii malefactores detinentur, secundum quantitatem delicti. Qui malefactores debent tractari per monitionem nostri Villici & judicium Scabinorum, secundum quod in aliis casibus superius est expressum.

Et quidquid dictus Bertholdus tenet & tenebit, ac ejus heres & Successores in dictis locis, tenet & tenebit ipse ac ejus Successores à Nobis ac nostris Successoribus, in Feodum tanquam homo noster ligius seu nostrorum Successorum, Episcoporum Leodiensium, qui erunt pro tempore.

Et ut omnia prædicta firmâ stabilitate consistant, Nos Episcopus prædictus, de consensu ac de voluntate Capituli nostræ Ecclesiæ Leodiensis, promittimus bonâ fide, quòd quocumque casu contingente, in perpetuum Nos vel nostri Successores non permutabimus, obligabimus, alienabimus, donabimus, vel vendemus ad tempus vel hereditariè Villam Mechliniensem, ejus appendentia, seu jura ad Nos pertinentia in dictis locis, in toto vel in parte; conservabimus Villam Mechliniensem in libertate ac francisiâ, quâ tenemus ac tenere debemus alias bonas Villas nostri Episcopatus, salvis juribus Villæ Mechliniensis, pro ut ea conservant Scabini dicti loci; & in quantum poterimus ipsos defendere & eis assistere, non substinebimus quòd aliqua impedimenta vel injuriæ inferantur.

Et Nos ÆGIDIUS BERTHOUT prædictus recognoscimus omnia suprâ dicta pro Nobis & nostris Successoribus, & ea rata habemus, & consentimus ordinationi; promittentes bonâ fide pro Nobis ac nostris Successoribus Pacem & ordinationem superius expressas, & prout in Litteris præsentibus continetur, in perpetuum inviolabiliter observare.

Et



Et Nos Episcopus per dictam compositionem nihil plus concedimus Bertholdo de jurisdictione, & Dominio, & de accessionibus ad ea in dictis locis, quàm verba expressa in ipsa compositione posita significant.

Et Nos BERTHOLDUS & omnes nostri Successores, quando levabimus Feodum nostrum ab Episcopo, jurabimus quòd in dictis locis, de jure ac dominio, & de accessionibus ad ea, non petemus, nec occupabimus per Nos vel per alium seu alios ultra id quod per verba expressa in hac ordinatione posita nobis conceditur.

Promittimus etiam Nos Bertholdus pro nobis & successoribus nostris bonâ fide, quòd in perpetuum, quocumque casu contingente, jus nostrum, quod habemus in Villa Mechliniensi & ejus appenditiis, mediante compositione prædictâ, non vendemus, obligabimus, alienabimus, permutabimus in toto vel in parte, hereditariè vel ad tempus, quin directè ad nostros heredes. . . . post nostrum obitum, istam ordinationem Pacis, jurabimus Nos & nostri heredes, prout in Litteris præsentibus continetur, fideliter observare, quotiescumque prædicta jura nos continget relevare à Domino nostro Leodiensi Episcopo, qui erit pro tempore.

Quæ omnia jura prædicta tam Nos quàm heredes nostri debemus tenere in Feodum ligium à Domino nostro Leodiensi Episcopo, & aliis Episcopis, qui pro tempore Ecclesiæ Leodiensis succedent. Et si contigerit Nos vel heredes nostros obligare seu alienare jura nostra in dicta Villa Mechliniensi seu ejus appenditiis, prout dictum est, Nos recognoscimus pro nobis & nostris Successoribus, quòd eò tempore Feodum amittimus prædictum.

Et Nos THEOBALDUS Episcopus Leodiensis prædictus, quia prædictam Pacem firmam & stabilem manere volumus in perpetuum, Sigillum nostrum præsentibus Litteris, unâ cum Sigillo Capituli nostræ Ecclesiæ Leodiensis, duximus apponendum. Et Nos Præpositus, Decanus Archidiaconi, totumque Capitulum majoris Ecclesiæ nostræ Leodiensis, approbamus & gratam habemus Pacem & ordinationem prædictas, & in eas consentimus, secundum quod præsentibus est expressum, & eas firmiter promittimus in perpetuum observare: propter quod Sigillum Ecclesiæ nostræ, unâ cum Sigillo Reverendi Patris, Domini nostri Leodiensis Episcopi, præsentibus est appensum.

Et Nos ÆGIDIUS BERTHOUT prædictus, quia prædictam ordinationem Pacis volumus in perpetuum inviolabiliter observari tam à nobis quàm à nostris Successoribus, præsentibus Litteris Sigillum nostrum, unâ cum Sigillis prædictorum Domini Episcopi & Capituli, duximus apponendum.

Nos MAGISTRI Communitatis, Scabini & Jurati, Consilium & tota Communitas Villæ Mechliniensis, de voluntate & ad requisitionem Domini nostri Episcopi Leodiensis & Capituli, ac Ægidii Berthout prædictorum, gratam habemus dictam Pacem seu Ordinationem, ac in eas consentimus, & promittimus benè & fideliter observare & facere observari, tam à singulis nostrum, quàm ab Ægidio Berthout ac ejus heredibus memoratis. Et singulis annis jurabimus, quando de novo instituemur ad Consilium Villæ, nos præsentem ordinationem observaturos, & facere observari, pro ut superius est expressum.

Et Nos Episcopus prædictus, de consensu Capituli nostræ Ecclesiæ Leodiensis, promittimus bonâ fide pro Nobis & nostris Successoribus, BERTHOLDUS, sicut ligio fideli nostro, & Villæ nostræ Mechliniensi præstare auxilium contra quoscumque, & in quibuscumque necessitatibus, pro defensione jurium eorum.

Et Nos ÆGIDIUS BERTHOUT pro nobis & heredibus nostris, Nos etiam Magistri Communitatis, Scabini, Jurati, Consilium, totaque Communitas Villæ Mechliniensis, promittimus bonâ fide, pro nobis & nostris Successoribus, præstare auxilium contra quoscumque, & in quibuscumque necessitatibus, ipsi Episcopo, tanquam Domino nostro, & Ecclesiæ Leodiensi, pro defensione jurium eorum.

Et quantum ad auxilium, tam impugnando quàm defendendo, præstando contra quoscumque adversarios Ecclesiæ Leodiensis, seu Villæ Mechliniensis prædictæ, Nos Ægidius Berthout prædictus ac nostri Successores minimè poterimus excusari occasione alicujus Feodi à quocumque alio Domino relevati seu relevandi, vel nos Mechlinienses occasione consuetudinis Marchiæ seu confinium habitorem cum vicino Domino, secundum possibilitatem sitûs nostri, quam debet videre Dominus noster, imminente guerrâ, cum Capitulo suo, Militibus, Consilio nostro, Villæ



Mechliniensis ac aliarum bonarum Villarum Episcopatus, vocatis & congregatis in Capitulo Leodiensi, prout moris est: & debemus stare ordinationi eorum, pensatis & consideratis situ & possibilitate prædictis.

Et nos Magistri, Scabini, Jurati, & Consilium & tota Communitas Villæ Mechliniensis prædictæ, ad requisitionem prædictorum Domini nostri Episcopi, Capituli, & Ægidii Berthout, ad maiorem stabilitatem prædictarum ordinationis & Pacis, præsentibus Litteris Sigillum nostræ Communitatis, unâ cum prædictis Sigillis, duximus apponendum.

Et Nos prædicti Episcopus, Capitulum, Ægidius Berthout ac Communitas Villæ Mechliniensis rogamus Nobilem Virum ARNOLDUM Comitem de Los & de Chiney, quatenus Sigillum suum velit apponere præsentibus, in testimonium veritatis.

Et Nos ARNOLDUS Comes de Los & Chiney prædictus, ad requisitionem prædictorum, Sigillum nostrum præsentibus Litteris, unâ cum prædictis Sigillis, duximus apponendum. Datum anno Domini millesimo trecentesimo septimo, feriâ sextâ post Festum B. Andreae.

Cumque Nos, sicut proborum interest, ordinationem dictæ Pacis, in qua aliâs expressè consensimus, ut est dictum tenere & inviolabiliter observare, & observatam in perpetuum remanere velimus, affectemus pariter & cupiamus, prout promissimus, præcipuè ob urgentem, probabilem, eminentem & verisimilem necessitatem Villæ nostræ Mechliniensis prædictæ, extra nostram Diocesim infra Brabantiam situatæ, huiusque conditionis, quod homines ejusdem necesse habent cum suis familiis & mercatoribus eorum in mercandisiis suis exercendis, quasi per totas mundi partes multifariè circuire, sine cujus Pacis perseveratione & consummatione Villa nostra prædicta & homines ejusdem in statu prospero & tranquillo permanere non possunt.

Nos affectantes & volentes, ob utilitatem & commodum Ecclesiæ nostræ, Patriæ & Villæ Mechliniensis, ut est dictum, procedere secundum formam dictæ Pacis præconceptam ac Sigillis prædictis consignatam, ut est dictum, volumus & consentimus expressè formam Pacis prædictam in perpetuum firmiter observari, & ad maiorem munitionem & stabilem securitatem de præmissis, absque aliquo modo contraveniendi in posterum, præsentibus Litteris Sigilli nostri appensione roborari fecimus.

Et Nos ÆGIDIUS BERTHOUT supradictus, quoniam formam Pacis prædictam Sigillo nostro signavimus, à promissis resilire nolentes, volumus dictam Pacis ordinationem, semper firmiter observare & à nostris heredibus seu Successoribus inviolabiliter in perpetuum observari. Et in munimen & stabilitatem præmissorum absque aliquo modo contraveniendi, per Nos vel heredes, aut Successores nostros, præsentibus Litteris Sigillum nostrum, unâ cum Sigillo Domini nostri Episcopi supra dicti, duximus apponendum.

Et Nos THEOBALDUS Episcopus, & Ægidius Berthout prædicti, ad maiorem securitatem de præmissis, requirimus & rogamus dilectos & fideles nostros Magistros Communitatis, Scabinos, Juratos, Consilium ac totam Communitatem Villæ Mechliniensis ante dictæ, quatenus dictam Pacem, secundum formam prædictam firmiter & inviolabiliter observent, & juvent in perpetuum observari, quodque Sigillum suum commune, unâ cum nostris Sigillis, præsentibus apponant.

Nos autem Magistri Communitatis, Scabini, Jurati, Consilium ac tota Communitas Villæ Mechliniensis, ad requestam Domini nostri Episcopi, ac Ægidii Berthout prædictorum, laudamus & approbamus formam Pacis prædictam. Et promittimus dictam Pacem tenere firmiter & observare, & juvare pro posse nostro observari. Et in horum testimonium Sigillum nostrum commune, unâ cum Sigillis prædictis, præsentibus Litteris duximus apponendum.

Datum anno Domini millesimo trecentesimo octavo in crastino Festi B. Andreae Apostoli.

*Mechlinia  
oppignora-  
ta Comiti  
Hannoniæ &  
Hollandiæ.*

Verum cum ditio Leodiensis maximis agigaretur turbis, summoque foret in discrimine, *Adolphus Marcanus* Leodiensis Antistes a *Clemente V.* Rom. Pont. non gravatè obtinuit Anno. 1313. ut ad belli gerendi, maleficosque compescendi, Mechliniam *Guilielmo* Hannoniæ & Hollandiæ Comiti oppignoraret pro XV. florenorum millibus; sed quæ intra quinquennium tene-  
retur eluere.

Anno



Anno 1315. *Florentius Berthout* eidem Comiti vendidit Advocatiam oppidi Mechliniensis cum omnibus inde dependentibus pro censu annuo duorum millium & trecentis libris grossis. Tabulas exhibet *C. Butkens* in suis probationibus Trophæorum Brabantiae idiomate Flandrico pag. 149.

Huic oppignorationi sese opposuit *Ioannes III.* Dux Brabantiae, a quo prae-  
tendebat Advocatiam oppidi Mechliniensis teneri in feudum, quæ dissen-  
sio ferè in acre exarsit bellum; sed amicorum interventu sopitum, ut præ-  
fatus *Guilielmus* Clientelam præstaret Duci Brabantiae, uti fecit Anno  
1316.

Cum vero Comes alteram partem, quam ab Episcopo oppignoraverat, resti-  
tuere compelleretur, pretio ei restituto, sentiens sibi parum commodam Ad-  
vocatiam urbis procul dissitæ, eam præfato *Florentio de Berthout* revendi-  
dit, & Anno 1319. Mechlinienses absolvit a juramento fidelitatis; & ita  
Mechlinia ad antiquos suos Dominos reversa est.

Hinc paucis annis elapsis animum *Adolphi* Antistitis, uti plurium ante-  
cessorum, isthæc pulsavit cogitatio, ut Mechliniam, Leodiensibus semper re-  
fractariam & infidam, & e quâ plus molestiæ quam quæstus perciperet, tan-  
dem aliquando absolute divendere, si modo præter Brabantum potens foret  
ejus rei emptor, obtulit se *Ludovicus Nivernensis* Flandriæ potentissimus  
Comes, Mechliniamque ingenti pecuniæ summâ ab Episcopo & Capitulo  
Leodiensi obtinuit. Has inter condiciones, ut illa uniatur reliquo totius  
Flandriæ corpori, nec dimembrari ab eo possit; deinde ut Comites illam ob-  
tineant ab Ecclesiâ Leodiensi in beneficium, sintque perpetuo Clientes; expressè  
etiam conventum, quod Flandriæ Comes in feudum teneret a prædictâ Ecclesiâ  
Leodiensi oppidum Geraldimontense & Castrum de Bornhem, quæ olim  
Anno 1163. Guido Flandriæ Comes ab Ecclesiâ Leodiensi in feudum acce-  
perat, tamquam unum feudum a præfatâ Ecclesiâ Leodiensi reciperet, salvo  
& retento prædicto Episcopo & suis successoribus jure conferendi Præpositu-  
ram sive Abbatiam secularem *S. Rumoldi* Mechliniensis: pretium fuit ut an-  
te dictum 100000. Librarum Turonensium. Actum primitus Cameraci An-  
no 1333. mense Julio; & finaliter litteræ expeditæ fuerunt in Capitulo Leo-  
diensi die 2. Octobris. Diploma exhibetur in Supplemento Diplom. A.  
Miræi parte II. Cap. 124. item Diploma Ludovici Comitis Flandriæ quo te-  
statur in præmissâ venditione reservatam fuisse Episcopis Leodiensibus præ-  
posituram sive Abbatiam secularem *S. Rumoldi* Mechliniæ, quod refertur  
ibidem cap. 125. quæ Diplomata hic duximus inferenda.

Universis & singulis præsentibus Litteras visuris & audituris *LUDOVICUS* Flandriæ, *Ex Bal-*  
Nivernensis ac Regitestenfis Comes, salutem in Domino sinceram.

Litteras à Reverendo in Christo Patre ac Domino nostro, Domino *ADOLPHO* Dei  
gratiâ Leodiensi Episcopo ejusque Venerabili Capitulo Ecclesiæ Leodiensis, super  
alienatione & translatione Oppidi Mechliniensis, Cameracensis Dioecesis, & pertinen-  
tiarum ejusdem, in Nos & Successores nostros Comites Flandriæ, factas pro certa pe-  
cuniæ summa, Nos recepisse & habere noveritis in hæc verba:

Universis præsentibus Litteras inspecturis, *ADOLPHUS* Dei gratiâ Leodiensis Episco-  
pus totumque Capitulum majoris Ecclesiæ Leodiensis, salutem in Domino sinceram  
cum notitia veritatis.

Noveritis quod Nos considerantes, quod Oppidum nostrum Mechliniense, cum  
suis pertinentiis & juribus universis, Cameracensis Dioecesis, extra nostram potestatem  
& districtum, in medio quasi Brabantiae situatum, taliter aliorum Principum & Do-  
minorum temporalium jurisdictionibus, territoriis, & districtibus inclusum sit & con-  
strictum, quod ad illud Nobis & nostris, præcipuè temporibus guerrarum, quæ,  
proh

*Restitui-  
tur Episc.  
Leod.*

*Mechlinia  
vendita  
Comiti  
Flandriæ.*

*Ex Bal-  
sio in Vitis  
Paparum  
Avenio-  
nensium  
Tom. 2.  
pag. 549.*



proh dolor, in partibus illis frequenter insurgunt, securus non patet aditus nec egressus, quodque dicto Oppido & habitatoribus ipsius debite præesse eorumque servitiis & subsidii, Nobis & Ecclesiæ nostræ debitis, liberè gaudere non valuimus nec valemus, prout nec nostri Prædecessores, bonæ memoriæ, poterant temporibus retroactis.

Unde gravia damna & dira pericula Nobis & nostris sæpius emerferunt, quodque tam propter præmissa, quam propter nonnullas graves & indebitas rebelliones hominum & habitatorum prædictorum, contra Nos & Prædecessores nostros motas, dictum Oppidum, cum dictis suis juribus & pertinentiis, Nobis & Ecclesiæ nostræ quasi sterile semper fuerit & intractuosum.

Et ob hoc præmissis & quàm pluribus aliis, quæ Nos movere poterant & debebant, possunt & debent, in considerationem sollicitam deductis, diligenti tractatu non tantum semel, sed pluries inter Nos, propter hoc in Capitulo nostro congregatos, præhabito, providaque deliberatione præmissa, ut Ecclesiæ nostræ Leodiensis meliora & utiliora prospiceremus, Nobili & potenti Principi, Nobis in Christo dilecto, Domino Ludovico Flandriæ, Nivernensi, ac Regitenti Comiti, Oppidum nostrum Machliniense prædictum, cum appendiciis, accessoriis, & pertinentiis suis universis, nec non cum omni districtu, honore, potestate, mero mixto imperio, omnimoda jurisdictione, feodis, homagiis, gardiis, fructibus, redditibus, obventionibus, exitibus, emolumentis, & aliis juribus quibuscumque, vendidimus, tradidimus, & deliberavimus, vendimus, tradimus, & deliberamus, pro certo & competenti pretio,

Videlicet pro centum millibus librarum Turonensium nigrorum, grosso Turonensi pro sedecim denariis Turonensibus computato, de quo Nobis est congruè satisfactum, & quod in Ecclesiæ nostræ Leodiensis utilitatem jam convertimus & profectum; ipsumque Oppidum cum dictis appendiciis, accessoriis, & pertinentiis, necnon & omne dominium, districtum, honorem, potestatem, merum mixtum imperium, omnimodam jurisdictionem, feoda, homagia, gardia, redditus, obventiones, exitus, emolumenta, & omnia alia quæ Nobis & Ecclesiæ nostræ Leodiensi competunt, seu competere possunt quoquomodo, conjunctim vel divisim in ipso Oppido, ejus appendiciis, accessoriis, & pertinentiis, in ipsum Comitem per te & Successores suos Comites Flandriæ, perpetuò possidendum & tenendum transulimus irrevocabiler & transferimus per præsentis sub modis & forma qui sequuntur.

Videlicet quod dictum Oppidum cum appendiciis, accessoriis & pertinentiis, honore, districtu, potestate, & aliis, ut prædictum est, universis, unà cum Geralmont & Bornehem, cum eorum appendiciis, accessoriis, & pertinentiis, quæ idem Comes & sui Prædecessores à Nobis in feodo tenuerunt & tenent, per dictum Comitem & suos Successores prædictos, à Nobis Episcopo & Successoribus nostris Episcopis Leodiensibus, de cetero in & sub uno feodo & homagia tenebuntur;

Ita quod ab ipso Comitatu, ratione terræ Imperii, nullis umquam temporibus alienari valeant, nec in alium quemlibet, quàm in Comitem Flandriæ transferri: hoc excepto, quod Bornehem, cum pertinentiis suis, ab ipso Comite ulterius in feodum dari, vel jam datum teneri valeat & esse retrofeodum nostrum & Ecclesiæ nostræ prædictæ, conventionem qualibet hætenus in contrarium habitâ non obstante.

Et ut ipsum feodum dicti Oppidi Machliniensis, cum Geralmont & Bornehem, sic unitum perpetuis temporibus cum dicto Comitatu Flandriæ, ut prædictum est, firmiter & fortius conjungatur & uniatur, volumus & consentimus, quod Comes Flandriæ, qui nunc est, & ejus Successores Comites Flandriæ, qui erunt pro tempore, dato quod ipsorum aliquem vel aliquos absque herede masculo vel nullo prorsus herede ex propria carne relicto, futuris temporibus decedere contingeret & ingredi viam universæ carnis; præfatum feodum ipsius Oppidi cum Geralmont & Bornehem sic unitum, non obstantibus quibuscumque consuetudinibus, usibus, legibus, juribus, vel Statutis Civitatis vel Diocesis Leodiensis vel aliarum partium quarumcumque contrarium forsan innuentibus, statuentibus, vel tenentibus, ad illum qui in dicto Comitatu, Comiti præmortuo legitime succedet, liberè transmittant.

Et tenebuntur tam dictus Comes qui nunc est, quàm ejus Successores Comites Flandriæ, dictum feodum à Nobis Episcopo & Successoribus nostris Episcopis Leodiensibus relevare & aliàs de eo facere quæ boni & legales vassalli Dominis suis facere tenentur.

Non tamen intendimus per inhabitam separationem prædicti Oppidi à prædicto Comitatu, seu unionem ipsius ad prædictum Comitatum, ipsum Oppidum conjungere



re feodo vel retrofeodo, quod Nos vel ipse tenemus ab Imperio, à Rege Franciæ, vel Alemanæ.

Nec etiam est intentionis nostræ, quod ab ipso Comite vel ejus Successoribus pro relevio vel ratione relevii quidquam exigatur vel solvatur.

Et debemus Nos & Successores nostri dictum feodum sic unitum cum Geralmont & Bornehem, cum juribus & pertinentiis suis, ut est dictum, universis, ipsi Comiti & ejus Successoribus Comitibus Flandriæ prædictis erga quoscumque, ut bonus Dominus feodi, defendere & garandizare.

Et quamvis intentionis nostræ non existat, quod virtute translationis universalis dicti Oppidi Machliniensis cum juribus & pertinentiis suis, de quo superius mentio habetur, transferatur in ipsum Comitem & ejus Successores prædictos jus conferendi, providendi, seu disponendi de Abbazia seculari seu Præpositura dicti Oppidi & juribus ejusdem, de qua nulli potest nisi Canonicis provideri, tamen per eam in dictum Comitem & præfatos ejus Successores omnia quæ in ipso Oppido, ejus appendiciis, accessoriis, & pertinentiis ad Nos, alterum nostrum, seu Ecclesiam Leodiensem communiter vel divisim spectant vel spectare possunt quoquomodo, sic universaliter transferre volumus & intendimus, quod præter superius expressa, nihil penitus retinemus in eisdem, constituentes ipsum Comitem traditione præsentis omnium & singulorum prædictorum, quæ ibidem habuimus & habere potuimus, sub modis & forma superius expressis, ex nunc verum & legitimum juris & facti possessorem.

Et promittimus bonâ fide quod Nos & Successores nostri præmissa omnia & singula firmiter & inviolabiliter tenebimus & observabimus, & quod contra ea ullis unquam temporibus non faciemus nec veniemus per Nos vel per alium, tacite vel expresse, quolibet arte, cavillatione, vel ingenio, directe vel indirecte, Nos & bona nostra ac Ecclesiæ nostræ Leodiensis ubilibet existentia, præsentia & futura, tenore præsentium ad hoc efficaciter obligantes;

Renuntiantes in hoc facto exceptioni doli mali, vis, metûs, circumventionis, rei non sic gestæ, exceptioni non numeratæ pecuniæ, non traditæ, non solutæ, in utilitatem Ecclesiæ non conversæ, solemnitatis & formæ, quæ in alienationibus rerum Ecclesiasticarum necessariae sunt aut requiruntur de consuetudine vel de jure, non observatis Authenticis: *Hoc jus porrectum legi jubemus, Capitulo Sine exceptione, Constitutioni Hoc consultissimo*, restitutioni in integrum, privilegio crucis sumptæ & sumendæ, ac omnibus aliis privilegiis, gratiis, & indulgentiis sub quacunque forma verborum nobis vel Ecclesiæ nostræ à Romanis Pontificibus aut Prælatiis aliis, seu ab Imperatoribus, Regibus, aut aliis quibuscunque Principibus impetratis, datis, vel concessis, seu in posterum impetrandis, dandis, vel concedendis, & quod eis contra præmissa vel aliquod præmissorum uti non poterimus, etiamsi gratis concederentur vel darentur, ac omnibus aliis exceptionibus juris & facti omnibus cavillationibus, subterfugiis consuetudinibus, legibus, usibus, cautelis, & statutis per quæ præmissa seu eorundem effectus in toto vel in parte impediri possent quomodolibet vel tardari; juri dicenti generalem renunciationem non valere, ac omnibus aliis quæ nobis & Ecclesiæ nostræ Leodienfi prodesse possent quomodolibet in hac parte & ipsi Comiti seu ejus Successoribus aliquatenus obesse.

Et ad majorem securitatem omnium & singulorum præmissorum, supplicamus Reverendo in Christo Patri ac Domino, Domino Walleramo Dei gratiâ Coloniensi Archiepiscopo, quatenus præmissa omnia & singula, quæ ad tam evidentem utilitatem & profectum nostræ Leodiensis Ecclesiæ, cum multa deliberatione & maturo consilio, facta sunt & provisâ, laudare velit & approbare, ac suâ Auctoritate Metropolitana confirmare, Decretum suum super iis interponendo, & defectum, si quis sit, eadem Auctoritate supplendo.

In quorum omnium Testimonium & munimen Sigilla nostra præsentibus Litteris sunt appensa. Datum & actum in Capitulo nostro prædicto, vigesimâ octavâ die mensis\* anno Domini millesimo trecentesimo trigesimo tertio.

\* Julii.

Hinc est quod Nos Ludovicus Comes prædictus Oppidum Machliniense prædictum sub modis & forma superius expressis, Nobis venditum esse recognoscentes, ipsum cum Geralmont & Bornehem unitum & conjunctum, ut præmittitur, ab eodem Domino Episcopo & ejus Successoribus Episcopis Leodiensibus, qui pro tempore fuerint successive, in feodum relevare sibi que homagium ac alia de ipso feodo facere, quæ Dominis suis boni vassalli facere tenentur, & à Comitatu Flandriæ dictum feodum sic unitum non alienare vel disjungere, nec in alium vel in alios, quam in Nos &



Succesores nostros Comites Flandriæ transferre, ceteraque omnia & singula superius in dictis Litteris expressa, in quantum Nos tangunt & tangere possunt quoquo modo, facere, tenere, adimplere, & inviolabiliter observare, pro Nobis ac nostris Successoribus prædictis promittimus bonâ fide, Nos & ipsos Succesores nostraque & cujuscumque eorum bona omnia & singula, mobilia & immobilia, tam præsentia quam futura, ubicumque fuerint, ad hæc specialiter & efficaciter obligando.

Renuntiantes in hoc facto exceptioni doli mali, vis, metûs, circumventionis, læsionis, deceptionis rei aliter gestæ quam scriptæ, quibuscumque privilegiis, beneficiis, gratiis, indulgentiis à Romanis Pontificibus, Imperatoribus, Regibus, aut quibuscumque Principibus ac Prælatibus, & aliis sub quacumque forma verborum impetratis, datis, concessis, impetrandis, dandis & concedendis, omnibus cavillationibus, subterfugiis ac cautelis, & generaliter ceteris auxiliis & remediis, tam juris quam facti, quæ nobis & Successoribus nostris prædictis, prodesse, præfatisque Dominis Episcopo & Capitulo sive futuris Successoribus Episcopis Leodiensibus aut Ecclesiæ Leodiensi obesse possent in præmissis vel aliquo præmissorum, & per quas ea vel eorum aliqua impediri valeant aut in aliquo retardari; ita quod valeat hujusmodi renuntiatio generalis, quemadmodum specialis fieret & expressa.

In quorum omnium testimonium & munimen, Nos Ludovicus Comes prædictus, pro Nobis & nostris Successoribus, præfatas Litteras eidem Domino Episcopo & Capitulo contulimus, Sigillo nostro majori, quo utimur, & uti consuevimus, sigillatas.

1333.

Datum anno Domini millesimo trecentesimo tricesimo tertio.

*Ex Vita  
S. Rumoldi in Actis  
SS.*

Nos LUDOVICUS Flandriæ, Nivernenfis & Regiteftenfis Comes, notum facimus universis, quod licet Reverendus in Christo Pater ac Dominus noster & Consanguineus carissimus, Dominus Adolphus Dei gratiâ Leodiensis Episcopus & ejus Venerabile Capitulum Ecclesiæ Oppidum Machliniense cum omnibus suis pertinentiis in Nos & nostros Succesores Comites Flandriæ titulo venditionis & emptionis, sub certis modis & formis, prout in Litteris super hoc confectis plenius est expressum, interveniente tractatu universaliter transulisse noscantur;

Collationem tamen & dispositionem Præposituræ seu Abbatix secularis Beati Rumoldi Machliniensis, cum suis attinentiis, eidem Domino Episcopo & ejus Successoribus Episcopis & Ecclesiæ Leodiensi recognoscimus esse perpetuis temporibus reservatas, & in contractu hujus venditionis & emptionis exceptas; prout in Litteris venditionis prædictæ plenius & non aliter continetur.

In quorum testimonium his Litteris Sigillum nostrum duximus apponendum.

1333.

Datum apud Tenerimundam anno millesimo trecentesimo tricesimo tertio, die XXI. mensis Octobris.

*Barth. Fisen* in Historiâ Ecclesiæ Leodiensis ad hunc annum refert sequentia, parte 2. pag. 82. „ Quam ingratum fuit hoc pactum Mechliniensibus, „ qui satis intelligebant in servitutem è libertate se labi: neque jam Principibus alicujus amicitiam ut hætenus Brabanti, sed dominationem esse subeundam: tam Leodienses omnes improbarunt, maximamque incurrit Episcopus cum Clero invidiam, quod Ecclesiam Leodiensem urbe nobilissimâ spoliasset. Comitibus habuit *Adolphus* quibus se purgaret; gravique oratione ostendit, eam urbem jam tum ab *Henrici Gueldri* Principatu rebellem, neque militiâ, neque vectigalibus ullum Ecclesiæ subsidium tulisse, contra bellis omnibus Brabantio adhæsisse; etiam in Leodios. Tantas igitur vires cum Patriæ non potuerint adjungi, hostibus fuisse detrahendas. Si quid Ecclesiæ videatur hoc pacto decessisse ingentem auri vim esse collatam, quâ novæ vires, dignitasque comparari possit.” Et post pauca pergens. „ Sub hæc advenerunt Mechliniensium Oratores in Principum oculis deprecaturi, ne ab Ecclesiæ Leodiensis ditione sejungerentur. Verum cum non audirentur, Leodium descenderunt: ibique in Ordinum Conventu populi Mechliniensis mentem non esse palam affirmarunt, ut a ditione Leodiensi separarentur; quod ut ne fieret, aut ratum haberetur centies & ipsi



„ ipsi millenos regales offerebant. Secundâ populi Leodiensis admurmura-  
 „ tione excepti sunt, probatumque faustis acclamationibus quod propone-  
 „ bant. Verum respondit Episcopus, serò id agi, quod pacti tabulæ publicâ  
 „ fide consignatæ essent. Tristes ad hæc, ad suos abiêre Legati ” &c. Hac-  
 tenus *Fisen*.

Cæterum cum intercederet *Ioannes III.* Dux Brabantia, omnemque mo-  
 veret lapidem ne in verba emptoris juraret Mechlinia, dictitans eam quam  
 Gueldrus vendiderat portionem esse suæ Clientelæ ac beneficii, Mechlinien-  
 ses in Brabantum promptiores, quos *Ludovicus* præfectumurbis, cæterosque  
 Officiales miserat capiendæ possessioni: excedere urbe cogunt, fœdereque  
 se jungunt Duci Brabantia: hinc inter illum & Comitem acre exarsit bellum,  
 varioque eventu sæpius pugnatum est, post hæc *Philippo* Francorum Rege  
 partes suas interponente, hic belli æstus deferbuit, qui sequestrem se consti-  
 tuens Mechliniam eatenus tenuit, donec de partium jure penitus edoceretur:  
 is dum moras necit, & urbem administrat, visum fuit partibus expedire  
 magis, ut concordia modus inveniatur. Anno itaque 1336. ultimâ Aprilis  
 Actum Teneramundæ, ut Dux Brabantia & Comes Flandria Mechliniam  
 pariter possiderent, Brabantus Flandrum, Flander Episcopum agnoscat feu-  
 di Dominum, Vectigalia & census æqualiter partirentur, Scultetum & Quæ-  
 storem simul constituerent: qui ad Neckerspoelam morantur Cives Duci,  
 qui vero ad Blydenbergam Flandro subessent, neutri invito alteri munitiones  
 construere liceret.

Iniqua hæc & contra jus, & æquum, juramentumque quod Flander præ-  
 stiterat, Conventio non mediocriter exacerbavit Episcopum, qui litteris hu-  
 manitatis plenis, die undecimâ mensis Junii sequentis anni datis, Mechlinien-  
 ses monet ne Brabantum admittant, aut pravis ejus suggestionibus obaudiant,  
 plurimaque illis pollicitus est, sed surdis canebatur fabula, unde cum diu  
 non convenissent inter illos, parum abfuit, quin arma eâ de re corripent.

Anno dein 1346. mensè Junio *Ludovicus Cressius* Comes Flandriae Me-  
 chliniam *Ioanni III.* Duci Brabantia totam cessit pro LXXXV. millibus  
 aureorum regaliū, juramento a *Clemente V.* Pontifice solutus, quo tene-  
 batur, ne id oppidum unquam alienaret. Ita Meyerus. Divæus hoc modo:  
 Mensè Junio Dux noster cum *Ludovico* Comite Flandriae convenit ut perfo-  
 lutis Comiti LXXXV. millibus regalibus, totam Mechliniam obtineret, im-  
 petraretque Sacramenti ejus quo juraverat Leodiensibus Mechliniense oppi-  
 dum a reliquâ Flandriâ nunquam avulsum iri, absolutionem. Porro ne id  
 fieret apud *Clementem* Pontificem summopere obnitebantur Leodienses, ut  
 vix intercessu *Philippi* Regis Francorum, Comes religione jurejurandi libera-  
 retur. Actum hoc 26. Junii eodem anno.

*Comes  
Flandriae  
cessit Me-  
chliniam  
Duci Bra-  
bantia.*

Verum antequam hæc pecunia numeraretur *Ludovicus* Comes moritur,  
 cæsus in proelio Cressiaco eodem anno, cui successit *Ludovicus Malannus*  
 Ludovici præfati filius, hic ductâ uxore *Margareta* filiâ Ducis Brabantia, su-  
 pradietæ, summæ gratiam focero suo fecit, & universam Mechliniam eidem  
 concessit. Litteris datis ad D. Quintinum anno 1347. die 6. Junii, quas lit-  
 teras refert. *C. Butkens* in Probationibus Trophæorum Brabantia pag. 182.

Sed eo mortuo quæstionem movet *Wenceslao* & *Joannæ* Brabantia Ducibus  
 super dotatione uxoris suæ *Margareta* Brabantina. Sopitus tandem belli  
 hujus turbo interveniente *Guilielmo* Hannonia & Hollandia Comite, haud  
 negligente commodi sui, pacis arbitro; quippe Heusden oppidum sibi &  
 Mechliniam Comiti Flandriae adscripsit. Actum Athi die 23. Julii Anno  
 1357.



Dein *Ludovici Malani* filia unica & hæres *Margareta* suis nuptiis Ao. 1369. juncta *Philippo* Audaci Burgundiæ & Brabantiae Duci &c. Mechlinia in Francicam Burgundiæ Ducum transiit familiam; quibus nuptiarum itidem jure *Maximilianus* Austriacus cum *Maria Caroli* Audacis filia & hærede succedens, aditum ad Mechliniam, & has Provincias aperuit, qui inter innumeros latissimæ dominationis suæ titulos, etiam Mechliniæ locum dederunt.

*Magnus  
Senatus  
Belgicus.*

Sedem habet in hac urbe Magnus Senatus Belgicus, quod Parlamentum vocant, ad quem ultima est in Belgio provocatio, quod *Philippus Bonus* Belgarum princeps erexit Anno 1455. suamque semper Senatores Aulam sequei voluit. Hac ratione subditorum lites appellatione cogniturus, ac quæ alicujus forent momenti eo judicio finiturus; frustra obnitente Senatu Parisiensi, & jurisdictionem, resortionemque Gallicam ex antiqua & perpetuatâ consuetudine longissimè extendere ambiente. Postea *Carolus Audax* Anno 1473. hanc Curiam fixâ sede stabilivit Mechliniæ, ne jus sibi reddi petentibus necesse foret Aulam sectari: cujus Curiae ipsemet, ipsiusque in absentia Cancellarius, atque hoc non præsentem Episcopus Tornacensis, caput erant: constituitque Præsides duos, Consiliarios Ordinis Ecclesiastici novem, profanos decem, e quibus quatuor Equestres Ordinis, quos virtus, legumque studium supra vulgus crexerat, supplicum libellorum Magistri sex &c.

Verum præclari, magnificique Senatus institutio cum *Caroli Audacis* vitâ desiit, quemadmodum & coeptum regali animo, sumptuque Palatium, donec anno 1503. *Philippus Austriacus* Belgarum Princeps in Hispaniam nuptiarum causâ proficiscens, Senatus formam a *Philippo Bono* Mechliniæ institutam, paucis in commodiorem formam mutatis restitueret, relicto Præside uno, Consiliariis sedecim, Scribis duobus, Secretariis octo, cum Procuratore Principis. Pars Bruxellis sedem fixit, assumpto Concilii Sanctioris, aut Privati nomine. Diploma *Philippi Austriaci* refertur in Supplemento Diplom. A. *Miræi*, Parte II. Cap. CXLVI. ut sequitur.

*Translatum  
est Gallico  
Idiomate  
in libro  
Statut.  
Mechlin.*

PHILIPPUS Dei gratiâ Archidux Austriæ, Dux Burgundiæ, Lotharingiæ, Brabantiae, Stiriae, Carinthiae, Carniolæ, Limburgi, Luxemburgi, & Gelriæ, Comes Flandriæ, Habsburgi, Tyrolis, Artesiæ, & Burgundiæ, Palatinus Hannoniæ, Lantgravius Alfatiae, Marchio Burgaviæ, & S. R. I. Hollandiæ, Zelandiæ, Ferretæ, Kiburgi, Namurci, & Zutphaniae, Dominus Frisiæ, Marchiæ Slavonicae, Portenaviæ, Salinarum & Mechliniæ, omnibus has præsentibus Litteras visuris, salutem.

Quoniam bonitate & providentiâ Divinâ, quâ omnia reguntur ac gubernantur, constituti & ordinati sunt Principes ad regimen & gubernationem Principatuum ac Dominiorum, ad hoc singulariter, ut per eos nomine Dei Creatoris nostri, terræ & subditi gubernentur ac dirigantur in bona unione, concordia, & laudabili politia: quod fieri nequit, nisi justitiâ bene ordinatâ ac regulatâ, quæ est Reipublicæ anima.

Qua in re semper optavimus & exoptamus omni munere nostro fungi, ad bonum & honorem nostrum, atque ad bonum terrarum nostrarum, ac subditorum:

Et quoniam ante hac, nostrum Supremum Consilium consueverit sequi Prædecessores nostros, & Nos, ad quod semper pertinuit cognitio & jus judicandi per appellationem de causis plurium nostrarum terrarum, & in prima instantia de causis dependentibus à nostra Supremitate & Auctoritate, quarum cognitio ad Nos pertinet.

Et cum quotidie longè major causarum multitudo illuc affluat & superveniat quàm unquam antea: adeoque si mandaremus prædicto Supremo Consilio ut sequatur Nos, qui intra longum tempus, uti verosimile est, deinceps haud diu erimus in eodem loco Justitiæ prædicti nostri Supremi Consilii ac subditi nostri, qui illo egent aut indige-



digebunt, tam pro expeditione suarum litium, quàm pro Decretis Judicialibus, mag-nopere retardarentur, & damnum paterentur;

Quin imo impossibile foret easdem lites æquè, commodè ac fideliter audiri, exami-nari, ac decidi, neque Registra æqualiter videri, dum opus fuerit, neque justitiam fieri æquè bonam ac brevem, quàm si ordinaremus dictum nostrum Supremum Consilium fixum in aliquo loco, ad quem subditi nostri commodum haberent refugium atque re-cursum pro causis supra dictis, non recurrendo ad Nos;

Notum facimus, Nos consideratis rebus ante dictis, & præhabito consilio ac de-liberatione quorundam de nostro Sanguine, nec non dilecti & fidelis nostri Equitis & Cancellarii Domini de Maigny, aliorumque Consiliariorum nostrorum, mandasse, instituisse, ac constituuisse, prout mandamus, instituimus, & constituimus prædic-tum nostrum Supremum Consilium fixum & stabile, formâ, & modo qui sequi-tur.

Ac primo mandamus ut illud Supremum Consilium maneat, atque resideat in Ur-be nostra Mechliniensi, quamdiu Nobis placebit, præter quatuor Magistros Libello-rum nostræ Curia, à Nobis designandos; qui Nos sequentur, cum prædicto nos-tro Cancellario, Episcopo Atrebatensi, Majori Præposito Ultrajectensi, & Magis-tro Gerardo de Plaine.

In eodem Supremo Consilio erunt ultra prædictos Magistros Libellorum, qui Nos sequentur uti dictum est, quatuordecim Consilarii, videlicet quinque Ecclesiastici, & novem Laici, & unus Præses, qui præsidebit in absentia dicti nostri Cancellarii: & iidem Magistri Libellorum habebunt ingressum ad idem Consilium quandocum-que ipsis placuerit, & absente prædicto Præsede præsidebit primus Consiliarius Lai-cus.

Habebitur dictum Consilium, tam pro litium discussionibus, quàm pro aliis nego-tiis in Domo Civica Mechliniensi, ubi Parlamentum haberi consueverat. Et à Festo Sancti Michaelis usque ad Pascha convenient diebus non Festivis ab hora octava usque ad undecimam: & à Paschate usque ad Festum Sancti Michaelis ab hora septima us-que ad decimam: & à meridie per totum annum ab hora tertia usque ad quintam: & inchoabitur quotidie Missa horâ septimâ vel octavâ secundum distinctionem ante dic-tam.

Et habebunt dicti Consilarii cognitionem & jus judicandi de quibuscumque causis & negotiis, de quibus Supremum nostrum Consilium ante præsentem Ordinationem cognoscere consuevit, tam in prima instantia quàm per appellationem; salvo, quod possumus evocare ad Nos nostrumque Consilium quod apud Nos manet, quascumque causas, prout libuerit & circumstantiæ requirent.

Item expedient quolibet die Martis & Veneris à meridie omnes Libellos & provi-siones justitiæ, prout in Cancellaria, dum Mechliniæ haberetur, ordinatum erat, & non ultra; videlicet Edicta in casu appellationis, Edicta criminalia, Restitutionis in integrum, & quascumque provisiones justitiæ. Sed expedire non poterunt neque sigil-lare remissiones aut gratias pro delictis aut criminibus, salvos conductus pro reis aut hostibus, nec dare veniam communicandi cum ipsis, nec revocationem ab exilio ad tempus vel in perpetuum; prorogationem in debitis, Litteras caussarum interdicto-rias, concessionem & confirmationem Privilegiorum, cæteraque omnia, quæ in funicu-lo serico & cera viridi expediuntur, neque etiam ullas evocationes: sed solummodo expedire poterunt ea quæ concernunt administrationem justitiæ. Hæc autem jam su-pra reservata expediuntur coram Nobis & prædicto nostro Cancellario, sub majori & sanctiori Sigillo.

Atque pro sigillandis prædictis mandatis, item sententiis, aliisque provisionibus, quæ à dicto majori Consilio expediuntur circa lites ibidem intentandas, fieri manda-vimus Sigillum, cujus custodiam habebit is, quem prædictus Cancellarius constitue-rit: qui quovis die Mercurii & Sabbati manè tenebitur ista mandata provisionesque si-gillare. Atque ubi difficultatem invenerit, consulat desuper, ac terminabit in Came-ra Consilii. Jus autem Sigilli exigetur atque servabitur per Commissarium Audientia-rii, & Inspectoris, \* dum præsentem non fuerint.

Et quandocumque prædictus Cancellarius fuerit in ea Urbe, in qua erit Consilium, dictum Sigillum cessabit, & convocabitur habebiturque Consilium, tam in causis li-tium quàm aliis, in ejus ædibus, prout ante consuetum est.

Poterunt autem expedire dictas Litteras ac provisiones justitiæ, Secretarii omnes qui ibidem erunt, secundum Libellos ipsis à prædicto Præsede tradendos ac distribu-en-dos, & non aliter. Et manebunt Secretarii prout jam sunt: & ordinarii annotabuntur,



\* *Vulgo*  
*Escreis.*

terminis recurrentibus in \* Registro expensarum Aulicarum, cum apud Nos fuerint, donec à Nobis Aulæ nostræ statum renovantibus aliter statuatur.

Item Tabulæ publicæ dirigentur per Graphiarios, qui ibidem sunt modo consueti, neque poterunt dicti Consiliarii, Magistri Libellorum, Procurator Generalis, Graphiarii, & Secretarii acceptare ab ullo officium neque pensionem, sub pœna privationis ab Officio & punitionis arbitrariæ.

Procurator Generalis, ejusque substitutus manebunt uti hodie sunt.

Huissarii manebunt prout sunt, donec aliter fuerit ordinatum; eruntque coram Nobis & prædicto Consilio prout per prædictum Cancellarium nostrum fuerit ordinatum.

\* *Vulgo*  
*Escreis.*

Qui manebunt, Mechliniæ, solutionem accipient ex Registro unius ex prædictis Graphiariis; quibus verò mandatum fuerit sequi prædictum nostrum Cancellarium, notabuntur in \* Commentario seu Albo ordinario Curiae nostræ.

Stipendia Secretariorum, Procuratorum & Advocatorum regulabuntur juxta Constitutionem desuper faciendam per ipsos dicti Consilii Assessores; & donec ab ipsis aliter ordinatum fuerit, retinebitur taxa, durante Parlamento Mechliniæ ordinata.

Omnes prædicti Consilii Assessores gaudebunt eadem præeminentiâ ac prærogativâ in omnibus nostris terris atque dominiis, quâ gaudent alii supradicti Magistri Libellorum ordinarii, perinde ac si commentario Curiae nostræ inscripti forent: eos enim Ministrorum nostrorum domesticorum loco habemus ac reputamus. Poterunt quoque præfati Consiliarii gerere Titulum Magistrorum Libellorum Curiae nostræ, uti & quatuor alii supra dicti; eritque unum & idem Collegium.

In quorum fidem, præsentibus Sigillum nostrum apponi fecimus.

1503.

Datum in Urbe nostra Bruxellensi, die xxii. Januarii, anno salutis M. D. III.

*In plica habebatur:* De Mandato Archiducis, Nos, Comes Nassoviæ primus Cubicularius, Princeps Chimaci, Domini de Ville, Sempy, du Fay, de Veire, Dominus Jeronymus Lauwerin, Supremus Ærarii Præfectus, & alii præsentis. Et erat signatum. Haneton.

Ad hoc Parlamentum quod Mechliniæ residet appellant ex provincialibus Curiis, Flandri, Arthesii, Hollandi, Zelandi, Namurcenses, Frisii, Luxemburgi, ac Valencenates, & in eo in gratiam maximè Peregrinorum Gallicè etiam litigatur.

Præsides hujus magni Senatus seu Parlamenti fuere hætenus sequentes, quorum seriem post *Christinæum* vol. I. Decif. N. 14. hic damus.

## PRÆSIDES MAGNI SENATUS BELGICI.

I. JOANNES PEETERS I. U. D. Toparcha de Cats. obiit Ao. 1521.

II. JUDOCUS LAUWEREYS I. U. D. obiit 1528.

III. NICOLAUS EVERARDI. Zelandus. I. U. D. ac Professor in Acad. Lov. fuit Officialis Episcopi Cameracensis in Urbe Bruxellensi, Dein Decanus Ecclesiæ Colleg. S. Petri in Anderlecht. Item A. 1506. Decanus ad S. Gudulam Bruxellis, hinc relicto statu Ecclesiastico factus Senator supremi Senatus Mechliniæ. Exinde A. 1509. Præses Curiae Hollandiæ; denique Præses Magni Senatus. obiit 1532. die 9. Augusti.

IV. LAMBERTUS DE BRIARDE Dunckercanus, Eques, I. U. D. primo in supremo Senatu Belgico, dein Sanctioris Bruxellæ Senator, exinde hujus Concilii per annos XXV. Præses. Vivere desiit Anno 1557. die 10. Octobris.

V. EVERARDUS NICOLAI Eques, Nicolai supra nominati filius, primum in Frisiæ Senatu Consiliarius, indeque ejusdem Senatus Præses, ac demum magni Senatus Mechliniæ. Mortuus Ao. 1561. die 10. Maji.

VI. JOAN-



VI. JOANNES DE GLYMES dictus de BERGIS. Eques Auratus, I. U. D. Dynasta de Waterdyck, ex Senatore Curiae Hollandiae, Magni Senatus Mechliniae Praefes. Obiit Ao. 1584.

VII. JOANNES VANDER BURCH. I. U. D. Eques, primo Confiliarius Magni Senatus, dein Concilii privati, exinde magni Senatus Praefes, ac Ao. 1592. Concilii Sanctioris Praefes, Rerumque status Senator. Vitam exiit Ao. 1595. die 5. Julii.

VIII. IGRAMUS VAN ACHELEN. Sylva Ducensis, Eques Auratus, antea Praefes Senatus Frisiae, exinde Senatus supremi Belgici. Fatis concessit 28. Octobris 1604.

IX. JACOBUS LIEBAERT Dominus de Sommaing, primo Senator magni Concilii, exinde Praefes Senatus Flandriae, denique magni Senatus Mechliniae. Mortuus Ao. 1622.

X. RAYNUTIUS DE FRANCE Toparcha de Noyelle-Wyon, Arthesius, primo Senator magni Senatus, dein Praefes Senatus Arthesiae, exinde magni Senatus Praefes Ao. 1622. Obiit Ao. 1628.

XI. ZEGERUS COULEZ antea Praefes Namurcensis. Mortuus Ao. 1638.

XII. HENRICUS DE VICQ. Toparcha de Meulevelt &c. antea in Sanctiori Regis Catholici Senator, post a Rege ad Concilium Status Evocatus, tandem magni Concilii Praefes Ao. 1638. Mortuus die 30. Maji Ao. 1651.

XIII. ANTONIUS L'HERMITE primo Ao. 1638. Senator magni Concilii, dein Ao. 1648. Concilii privati, denique Ao. 1651. die 25. Decembris Magni Senatus Praefes. Vivere desit 6. Junii Ao. 1661.

XIV. ADRIANUS DE FRANCE Toparcha de Noyelles, & de la Preè &c. ex Praefide Senatus Arthesiae, magni Senatus Praefes. Obiit Ao. 1669.

XV. JOANNES ANTONIUS LOCQUET Bruxellensis, Vicecomes de Hombeke, Dominus de Impele &c. primo Confiliarius Senatus Brabantiae, dein supremi Senatus Belgarum in Hispania, exinde Praefes magni Senatus Mechliniae, denique Ao. 1687. Cancellarius Brabantiae. Mortuus die 22. Martii Ao. 1688.

XVI. ANDREAS DE MARMOL. in supremo Senatu Rerum Belgicarum in Hispania Senator, exinde Praefes Magni Senatus Mechliniae Ao. 1687. Vita functus Ao. 1690.

XVII. GUILIELMUS PHILIPPUS MARCHIO DE HERSELLES &c. primo Confiliarius Senatus Brabantiae, dein in Supremo rerum Belgicarum Senatu in Hispania, exinde Praefes magni Senatus, denique Brabantiae Cancellarius. Obiit Ao. 1691.

XVIII. GUILIELMUS ALBERTUS BARO DE GRISPERE, GOYCK, ET LIBERSAERT, primo Senator magni Senatus, dein in supremo Senatu Rerum Belgicarum in Hispania, exinde Praefes magni Senatus, denique Ao. 1698. Cancellarius Brabantiae.

XIX. HYACINTHUS MARIA DE BROUCKHOVEN ex Comitibus de BERGHEYCK. primo Concilii Namurcensis Senator, exinde in Hispania apud Regem in supremo rerum Belgicarum Senatu Assessor, denique Ao. 1699. magni Senatus Praefes. Obiit die 28. Septembris 1707.

XX. JACOBUS STALIUS Dominus de Popenrode &c. primo Senator Concilii Flandriae, exinde magni Senatus, denique Praefes ejusdem Senatus. Mortuus Ao. 1714. die 22. Julii.



## XXI. CHRISTOPHORUS ERNESTUS BAILLET S. R. I.

Comes, primo Senator Concilii Luxemburgensis, dein magni Senatus Mechliniæ & Fiscii Imperialis Procurator Generalis, denique Ao. 1714. ejusdem Senatus Præses, hodie hac dignitate non minore gloria, quam summâ omnium laude fungitur.

*Privilegia  
Mechliniensium.*

Anno 1475. Mechlinia ob præstita in obsidione Novesiensi *Carolo* Burgundo Duci officia, multis privilegiis, etiam usque ad invidiam vicinorum est decorata vectigalium immunitate, & ab omni telonio, excepto Gravelingano (quod ævo isto grave erat, ob trajectum illuc mercium ex Angliâ) à quo dein Ao. 1489. mense Octobri *Maximilianus* Rex Romanorum & *Philippus Pulcher* ejus filius Mechlinienses etiam exemit.

*Clades  
Mechliniensium.*

Anno 1546. die 7. Augusti hæc Urbs maximam cladem accepit, cum vi tempestatis fulgur in turrim (vulgo de Santpoorte) pulvere repletam pyrio incidisset, tanto ædium & hominum damno & ruinâ, ut horum 200. necati, 600. læsi, illarum 300. eversæ, omnes aliquatenus læsæ perhibentur. Hanc cladem accuratè descripsit *Pontus Heuterus* Rerum Austriac. Lib. XII. Cap. VIII.

Anno 1572. cum *Dux Albanus* prima die Octobris fugientem *Auriacum* insequitur, Mechliniam contendit, & ad medium milliare ab eadem subsistens in pago *Muyssen*, faciæles ultra expectat, qui cum non venissent, castra ad ipsos muros communit. Tum elapsis Præfidiariis, Religiosorum hominum Ordines cruce prælatâ, & insignibus sacris, pro moenibus stantes, eique obviam venientes vim supplices miseræ plebi deprecantur: at nihil Preces & Infulæ sacerdotum valuerunt. Captâ citra certamen urbe, milites nullo non immanitatis, libidinis & avaritiæ genere, toto triduo in eâ grassati sunt. Tres tantum domus in tantâ urbe mansere intactæ, Comitissæ Hooghstratani, Domus ab Immerseel, quod Cressionerius gener ejus sub Albano militaret, ac pars Aulæ Regiæ quam inhabitabat Joannes a Brandion Juliano Romero dudum notus. Quarto die educto milite (excepto Præsidio) cum omnes finem miseriarum advenisse putarent, in prædam Præfectis conceditur civium vita, quamqui servare cupiebant pro fortunarum conditione carissimè redimere cogebantur. Vide *F. Haræum* in Annal. Brab. ad hunc annum.

Anno 1580. die nonâ Aprilis Mechliniam nudatam Præsidio, *Norricius* Anglorum Tribunus & *Oliverius Tempelius* Præfectus Urbis Bruxellensis, diversis locis adoriuntur & invadunt, & aliquorum dolo, omissis suorum ferè ducentis tandem obtinent, eamque sacri profanique nullo discrimine depopulantur. Multa ibi fæde, crudeliter immanem in modum patrata, Sepulchra eruta, spoliata Donaria, direpti loculi venerabilium Reliquiarum, inventum etiam in medio Ecclesiæ Corpus *S. Rumoldi*, & fædissimè conculcatum & dispersum, Dei tamen benignitate caput ex cranii cicatrice notam ope Virginis est conservatum: (at perierat paulo ante Ao. 1578. feretrum ejus, cujus valor erat ultra vas auri cum ab hostibus Religionis fuit profanatum & direptum) aræ etiam sanguine fædatæ ac polluta Adyta. Quodque mulieres ac imbellis turba eo confugerant, quisque pro libidine trahere, cedere, infantes a matrum complexu divellere, ac solo illidere. Sic militum furori parentatum Civium cæde, sanguine, & miserorum direptione. Vide *F. Haræum* in Annal. Brab. ad hunc annum.

Quoad alia Urbis Mechliniensis Privilegia, ornamenta, & cæteras calamitates, illa libens prætereo, ut a rebus profanis ad sacras gradum faciam, &







BASILICA BRUXELLENSIS  
S.S. MICHAELIS ET GUDILÆ.











12. P. 23.  
ECCLESIAE METROPOLITANÆ  
S<sup>T</sup>I RUMOLDI MECHLINIÆ.



ECTURON TURRIS  
ELEGANTISSIMÆ  
S. RUMOLDI. SI. UT  
Exhibetur hoc in typo  
tandem Aliquando per ficiat.





& qui plura ejus desiderat, consulat *Joannem Baptistam Gramaye*, qui libro speciali Urbis ac Provinciæ Mechliniensis Antiquitates complexus est initio sæculi elapsi, quamvis cautè legendus, cum pluribus in locis hallucinetur.

Nunc ad sacra me converto, & quidem quoad Religionem, certum est Incolæ, Accolæque Paganismi olim tenebris involutos, idola, & Deos coluisse; primam Christianæ lucis faciem quis intulerit incertum; hoc certum *S. Lambertum* Tungrensem Episcopum Christianæ fidei lucem hic & in vicinis locis ingenti virtutum exemplo, prædicatione, & miraculis invexisse; eaque ratione Taxandri & Malinates *S. Lambertum* omnes ut Apostolum suum venerantur, tempus etiam non obscurè indicatur: sanctissimus enim Præsul post exilium septenne in Monasterio Stabulensi, quo ab *Ebroino* Episcopatu detrusus abierat, *Pipini* opera Cathedræ suæ redditus, viginti annos quibus usque ad Martyrium superstes exitit, vitæ numeris omnibus perficiendæ exercitationibus, ultimum etiam septennium, non suæ modo Diocesis Spartæ ornandæ; sed supernumerario quoque infidelium lucro erogavit. Imo fertur Mechliniæ Deiparæ ædes, nunc Parochia & Collegiata Ecclesia, dignitate & civium numero secunda, ab eo in Machliniâ veteri consecrata. Jactant denique Mufena, Battela, & Zempfa (pagi sunt in viciniâ Mechliniæ) suas quoque olim a *S. Lamberto* dicatas Ecclesias. Porro post ejus mortem ad reliquias superstitionis, quas vix penitus dimiserant rediere, multi, & Venerem, Jovemque sub nomine *Nachkeri* noctis Domini, cultum circa Mechliniam, idque ex nomine superstitis vici *Neckerspolii* non male aliqui collegere.

*Mechlinienses convertuntur a Paganismo per S. Lambertum.*

In *Lamberti* labores Divino nutu successit & surrogatus est *S. Rumoldus*. Is genere Scotus & Regia stirpe natus, Patriâ relicta Christi Ministerium caducis rebus omnibus sibi anteponendum putavit. Romam igitur perfectionis studio, & ut Apostolorum limina videret profectus est, & in itinere existens nullam prædicandi verbi Dei occasionem prætermisit: Romamque cum venisset cælitus citò instruitur, ut in Galliæ partes, ubi Scaldis sese in mare exonerat, Evangelii Præco & Martyr futurus festinet contendere. Paret cælestibus monitis Vir Dei, & obtentâ *Stephani III.* Pontificis benedictione, tituloque Apostolatus & Legationis sacræ, ad gentium messem insignitus, brevi Mechliniam pervenit; susceptus ibi benignè ab *Adone* Comite ejusque Conjuge *Elisa*, quæ velut altera *Sara* in senectute suâ precibus sancti hospitii filium peperit *S. Libertum*, postea Martyrem, quem B. Antistes baptisavit, & de sacro fonte suscepisse fertur, qui postea grandiusculus factus cum in flumen cecidisset *S. Rumoldi* precibus a morte suscitatus est, qui eum deinde in sanctitate erudit, ac Clericis regulariter in *Ulmeto* viventibus (locus est vicinus Mechlinia) postea præfecit. Hinc *S. Rumoldus* Orthodoxam fidem Machliniæ & vicinis in locis tanto studio, tantoque proventu plantavit, ut Mechliniensium Apostolus meritò habeatur. Hunc igitur strenuè prædicationis munus obeuntem, & *S. Stephano* ædiculam sacram ibidem ædificantem, Sicarii duo Anno 775. vulnere capiti inflicto peremerunt, unum cupiditas auri, alterum S. Præsulis ob commissum adulterium reprehensio, ad tanti facinoris perpetrationem stimulaverat. Corpus ejus iidem illi Sicarii, ut crimen celarent in flumen demergunt, sed divino desuper radiante lumine per *Adonem* Comitem aquis extractum in Ecclesiolâ *S. Stephani* ab eo constructâ, honestè conditum fuit. Hodie Sacra ejus ossa religiose asservantur in illustri sui nominis Basilica, quæ modo Archiepiscopalis est & Metropolitana.

*Dein per S. Rumoldum. Vide Acta S. Rumoldi pag. 103.*



Canonico-  
rum Col-  
legium.

In eâ vetus est Canoniorum Collegium fundatum (ſeu ut verius erectum ac dotatum) circa annum 1000. a *Notgero* XLV. Leodiensî Episcopo (de quo postea) cui Episcopatuî usque ad ea ferè tempora tam in sacris quam profanis Mechlinia subiecta fuisse passim existimatur.

Quousque vero eidem subterfuerit, ex densissimis tenebris quis eruet? Usque ad Normannorum tempora eam subiectionem durasse, facile persuaderi posset: post quorum populandam Belgii Vastationem, cum plurima ubique esset mortis imago, atque in omni statu immanè chaos & confusio, suborientibus inter Christianos Principes frequentibus discordiis, Provinciarum & Imperiorum collimitia variè fuerint immutata, quam mutationem Mechlinienses etiam adfecisse credendum est, ut Cameracensi tandem sint adnumerati; quonam autem præcisè tempore vel anno, hætenus nemo assequi potuit; alii tamen volunt nunquam Leodiensium Episcopis Mechliniam subfuisse, sed semper Cameracensi paruisse. Hoc certo constat eam in sacris fuisse subditam Cameracensi Episcopo seculo XI. idque clare patet ex Chronico Cameracensi & Atrebatensi, conscripto a *Balderico* Noviomensi ac Tornacensi Episcopo circa annum 1050. dum Lib. II. describens Ecclesias & Monasteria Dioecesis Cameracensis & Atrebatensis (quæ Dioeceses ævo isto unitæ erant) cap. XLVII. refert, *Maslinas* quoque Monasterium est Canoniorum &c.

*Mechlinia* in sacris paruit Episcopis Cameracensibus usque ad annum 1559. quo in Archiepiscopalem seu Metropolitanam sublimata fuit per *Paulum IV. Pont. Max.* cujus Diploma exhibet A. Miræus in Donat. Belg. Lib. I. Cap. CLVI. novæ edit. Subordinatque huic Archiepiscopo, Antverpiensis & Sylvæducensis in Brabantia, Gandavensis, Brugenſis, & Iprensis in Flandria, & Ruremondensis in Geldria Episcopi. *Pius IV.* vero dotem, oppida, Municipia, Pagos, Vicos & alios limites Dioecesis seu Archiepiscopatus Mechliniensis a prædecessore suo instituti, & ut Archiepiscopus sit Primas totius Belgii, describit id amplo Diplomate dato Anno M. D. LX. V. Idus Martii, Pontificatus sui anno secundo, definitique limites hujus Archiepiscopatus; ita ut contineat in Brabantia, Lovanium, Bruxellas, Thenas, Leeuwas, Dieſtam, Landinum, Arſcotum, Sichenas, Vilvordiam in Flandria, Aloſtum, Gerardimontium, Ninoviam & pagos intermedios universim 455.

Mensæ Archiepiscopali pro dotis nomine unita fuit illustris Abbatia S. S. Apostolorum *Petri & Pauli* Affligemiensis Ord. S. Bened. primo lapide ab Aloſto, de quâ percipit hic Archiepiscopatus per conventionem dein initam annuè omnium bonorum & fructuum medietatem.

Ad hæc adjecit & incorporavit præfatus Pontifex mensæ Archiepiscopali Præposituram Ecclesiæ Collegiatæ *S. Rumoldi* Mechliniæ cum bonis annexis, & alia bona in præfato Diplomate expressa.

Diploma *Pii IV.* exhibetur in Donat. Belg. A. Miræi. Lib. II. Cap. CXXXIX. novæ edit: cujus tenor est ut sequitur:

Additio ex  
Archivis  
Archiepiscopatus  
Mechliniensis.

Pius Episcopus, Servus Servorum Dei, ad perpetuam rei memoriam.

Ex injuncto Nobis desuper Apostolicæ servitutis officio, ad ea libenter intendimus, per quæ Ecclesiarum quarumlibet, præsertim Cathedralium noviter erectarum, decori & venustati, ac illis præſidentium, & aliarum personarum in eis Divinis laudibus insistentium statui & opportuna subventioni, cum Divini Cultûs augmento, & animarum Christi fidelium salute, valeat salubriter provideri,

Ac desuper etiam ea, quæ à Prædecessoribus nostris consultè gesta fuerunt, ex ſaniori consilio imitando disponimus; prout locorum & temporum qualitas exigit, & ipsarum Ecclesiarum utilitas persuadet, & id in Domino conspiciamus salubriter expedire.

Cum



Cum itaque, sicut accepimus aliàs, postquam felicis recordationis PAULUS Papa Quartus Prædecessor noster providi vigilisque Pastoris more considerans, quodea pars inferioris Germaniæ, quæ charissimo in Christo filio nostro PHILIPPO Hispaniarum Regi Catholico hereditario jure etiam tunc subiecta erat, pro tanta Oppidorum suorum celeberrimorum frequentia, locorumque multitudine adeo paucas Ecclesias Cathedralas habebat, ut earum Episcopi, eâ quâ opus erat diligentia tantam animarum multitudinem minimè regere poterant,

Idque quibusdam eorum erat difficilius, quod ipsorum Diocesani linguæ idiomate, institutisque differebant, & quidam eorum etiam ejusmodi privilegia habebant, ut eos ad Sedem Episcopalem non liceret evocare; ita ut nec fidei doctrinâ, nec piè vivendi præceptis commodè instrui, nec si quid deliquissent facilè corrigi ab Episcopis suis possent:

Ad ipsos verò Episcopos visitandos, admonendos & in officio continendos nulla in tota illa regione Ecclesia erat Metropolitana: sed Archi-Episcopi extra fines ipsius ditionis existentes propter multa & varia impedimenta nulli Suffraganeis suis usui jam pridem erant, & propter assiduas infidias & dolos pestiferasque doctrinas populorum hæreticorum & schismaticorum, quibus eadem regio omni ferè ex parte cincta atque obsessa erat, Catholica illic fides, & animarum salus in maximo discrimine versabantur.

*Necessitas  
Novorum  
Episcopatu-  
rum.*

His & aliis gravibus causis impulsus, volens etiam precibus annuere, tamque pio desiderio satisfacere ipsius PHILIPPI Regis, habitâ, sicut rei magnitudo postulabat, cum Fratribus suis, de quorum numero tunc eramus, deliberatione maturâ, de eorum Fratrum consilio & Apostolicæ potestatis plenitudine, Mechliniense olim Cameracensis Diocesis, ac Antverpiense, Gandavense, Buscoducense, Brugense, Iprensense & Ruremundense, & certa alia tunc expressa Oppida dictæ regionis à suis tunc Diocesibus & Provinciis diviserat & exemerat, illaque in Civitates;

Et S. Rumoldi Mechliniensem, nec non Cameracensem & Trajectensem in Metropolitanas pro Archiepiscopis, & cæteras alias, Antverpiensem, Gandavensem, Buscoducensem, Brugensem, Iprensensem & Ruremundensem, aliorumque Oppidorum prædictorum Ecclesias in Cathedralas Ecclesias pro Episcopis, qui inibi respective præsiderent, cum Mensis Archiepiscopalibus & Episcopalibus aliisque Metropolitanarum & Cathedralium Ecclesiarum insigniis, erexerat & instituerat.

Necnon Ecclesiæ & Civitati Mechliniensi certum tunc expressum districtum per Nuntium suum postmodum ab eo illuc mittendum, limitandum pro sua Diocesi; ipsique Mechliniensi Ecclesiæ Antverpiensem, Gandavensem, Buscoducensem, Brugensem, Iprensensem & Ruremundensem Ecclesias, & qui pro tempore essent illarum, Episcopos pro Suffraganeis, nec non Clerum & populos pro Provincialibus suis perpetuò concesserat & assignaverat:

Prædictæ quoque Mensæ Mechliniensi annum redditum 5000. Ducatorum auri de Camera ex certis Decimis & bonis ac fructibus, redditibus & proventibus Ecclesiasticis per dictum Nuntium specificandis, & repartendis ex tunc pro ut ex illa die, & è contra, postquam specificati & repartiti forent, ac donec specificatio & repartitio hujusmodi factæ & effectum sortitæ essent, nec ultra:

Alium etiam annum redditum 3000. Ducatorum similium per dictum PHILIPPUM Regem de proventibus, quos ex dicta regione percipiebat, Archiepiscopo Mechliniensi pro tempore existenti annis singulis, quousque specificatio & repartitio prædictæ, ac pro ea tantum parte quæ plenarium suum effectum minùs sortita foret, integrè perfolvendum pro illius dote, perpetuò applicaverat & appropriaverat:

Eidem quoque Philippo Regi, ejusque Successoribus, qui pro tempore ejusdem regionis in temporalibus Domini essent, jus nominandi Romano Pontifici pro tempore existenti personam idoneam, ac alias certis tunc expressis modo & formâ qualificatam, ad dictam Ecclesiam Mechliniensem, etiam à primæva illius erectione hujusmodi, ac quotiescumque illam pro tempore vacare contingeret, per eundem Pontificem in Archiepiscopum, ad nominationem hujusmodi promovendum, reservaverat per quasdam sub plumbo, & deinde per alias suas in forma Breves, Litteras;

*Jus No-  
minationis  
Regiæ.*

Venerabili Fratri nostro; tunc suos, Salvatori Episcopo Clusino, & Apostolicæ Sedis Nuntio in partibus illis, dederat in mandatis, ut personas idoneas qui dictas Provincias & Dioceses distinguerent & limitarent; ac dotem dictarum Ecclesiarum à Monasteriis & Præposituris sub illis consistentibus dismembrarent, cum potestate omnia in his necessaria faciendi vice suâ deputaret:



Dilectus Filius noster Antonius S. R. E. Presbyter Cardinalis, tunc Episcopus A-trebatensis, & quatuor alii scientiâ & probitate insignes, quos ipse Salvator Episco-pus & Nuntius, dicto Prædecessore interea sublato de medio, vigore seu prætextu mandati & posteriorum Litterarum hujusmodi substituerat, licet forsan eorum aliqui de illis personis non essent, qui ad id canonicè subdelegari poterant, factâ nihilomi-nus diligenti rerum indagine, ac omnibus maturè pensatis;

Animadvertentes quod per dismembrationes bonorum in Monasteriis & Præpositu-ris prædictis, si fierent, cultus Monasticus non mediocriter læderetur, ipsa Mona-steria & Præposituras Mensis prædictis pro dote suarum Ecclesiarum, ad hoc ut E-piscopi etiam illorum curam perinde atque suam propriam perpetuò gererent, potiùs esse unienda;

Ac designationes & limitationes Provinciarum & Diocesium, divisionesque ac di-tributiones Oppidorum & Jurisdictionum in nonnullis partibus ipsarum Diocesium commodiores illis qui per primo dictas Litteras statuuntur;

Necnon constitutiones & assignationes dotium, & deinde numerum personarum ac Dignitatum, Præbendarum, Beneficiorum & Officiorum, statum quoque & for-mam in prædictis Ecclesiis etiam per hujusmodi dismembrationes, applicationes, sup-pressiones, translationes, novas institutiones & alias in universum accommodas ratio-nes habendas censuerunt. Ac super majori illorum parte processus & scripturas, fe-riò digestis rebus omnibus, formandos curaverunt, pro ut in illis ac singulis Litteris prædictis plenius continetur.

*Incorpo-  
ratio Ab-  
batia Af-  
fligemien-  
sis.*

Nos qui dudum inter alia voluimus, quod semper in unionibus commissio fieret ad partes, vocatis quorum interesset, cumque nuper Monasterium SS. Petri & Pauli Affligemiense Ordinis S. Benedicti olim Cameracensis, nunc verò dictæ Mechlinien-sis, cum primum illud per cessum vel decessum moderni illius Abbatis seu Commenda-tarii, aut aliàs quovis modo vacare contigerit, Mensæ Archiepiscopali Mechlinien-si ex tunc pro ut ex ea die, & e contra, de Fratrum nostrorum consilio pro dotis nomine perpetuò univimus, annexuimus & incorporavimus;

Considerantes, quod si priscis temporibus, dum dicti populi sensim accrescebant, de novis Ecclesiis Cathedralibus optimisque Præsulibus opportuno tempore prospec-tum fuisset, profectò tot perniciofa hæresum dogmata, quibus Religio Christiana istic passim laceratur atque affligitur, haud ita violenter invaluissent.

Nunc autem cùm ad illa arcenda & extirpanda, ac simul populos ipsos in sinceri-tate fidei continendos, dictus Prædecessor nulla alia magis opportuna remedia quam supradicta potuerit adhibere, ut illa juxta cordis sui atque nostri desiderium promp-tos & felices fortiantur effectus, nostri ministerii partes præmissis adjicere, illaque omnibus quibus possumus rationibus juvare & promovere volentes; ac Litterarum, processuum & scripturarum prædictorum veriores tenores, necnon Mensæ Archiepis-copalis Mechliniensis, ac illi uniendorum infracriptorum Canoniciatûs & Præben-dæ, fructuum, reddituum & proventuum veros annuos valores præsentibus pro suffi-cienter expressis habentes;

Continuis etiam hortationibus dicti PHILIPPI Regis id pro salute dictorum po-pulorum enixè prosequenti excitati, Motu proprio & ex certa scientia, ac de Apo-stolicæ potestatis plenitudine, divisionibus, limitationibus ac distributionibus dicto-rum Subdelegatorum in prædictis processibus specificatis, tamquam in melius reform-matis inhærendo;

Ac concessionem & assignationem per priores Litteras Prædecessoris hujusmodi fac-tas, quoad infra-scripta immutando, omnia & singula Oppida, Castra, Pagos, Vil-las & loca infra-scripta;

*Urbes ac  
Pagi  
Diocesis  
Mechli-  
nien-sis.*

*Videlicet Mechlinia, Bruxella, Lovanium, Vilvordia, Arscotum, Dieft, Thenæ, Aloftum, Ninive, Gerardimons, Landen, Sichene, Halen, Leeuw,*

*Vueren, Asche, Merchtem, Grimbergen, Rotfelaer, (1) Battel, Waelhem, (2) Roosendaël, Wavre S. Catharine, Waver-Onse-Lieve-Vrouw, (3) Neckerspoel, Boyen-beyde, Schrieck, Rymenam, Keerbergen, (4) Nynden, Wechter, (5) Veldonck, Bete-kom, Langdorp, (6) Thysselt, Schaften,*

*(7) Myn-*

(1) BATTEL, appendix sub Mechlinia.

(2) ROOSENDAEL, Abbatia Virginum Ordinis Cisterciensis.

(3) NECKERSPOEL, appendix sub Mechlinia.

(4) NYNDEN, &

(5) VELDONCK, appendices de Werchter.

(6) THYSSALT, alias Teysselt.



(7) *Mynten*, *Hever*, *Elewynt*, *Bortmeerbeke*, *Eppegem*, *Campenhout*, (8) *Ten-Troost*, *Percke*, *Berghe*, *Neerockerfeel*, (9) *Neeraxel*, *Puete*, *Melsbroeck*, *Steynockerfeele*, *Quaderebbe*, *S. Gertruyden Mechelen*, (10) *Heymelgem*, *Erps*, *Haecht*, *Wackeseel*, *Wespelaer*, *Tieldonck*, (11) *Wyckmael*, *Veltom*, (12) *Vilsen*,

*Herent*, *Winxele*, *Messelbroeck*, (13) *Zeelhem*, (14) *Donck*, *Linthout*, (15) *Lui-men*, *Rillaer*, (16) *Wedde*, *Nieuwenrode*, *Zelleke*, *Hauwaert*, *Becvoort*, (17) *Tassem*, *Houchem*, *Wesemael*, *S. Peeters-Rode*, (18) *Vrouw-perck*, *Onse Lieve Vrouwe Tielt*, (19) *Versbeke*, *Cortryke*, (20) *Thielt*, *Winge*, *Waenroo*, *Holsbeke*, *Molebeke*,

*Beets*, *Cortenaken*, (21) *Ghempe*, *Lynden*, (22) *Kiesken*, *Meensele*, *Miskem*, (23) *Bosch*, *Buinghem*, (24) *Geteroy*, (25) *Suerbeke*, *Wesere*, (26) *Lebbeke*, *Binckem*, (27) *Capelle*, *Kersbeke*, *Ruysbroeck*, *Willebroeck*, *Puers*, (28) *Calfvoort*, (29) *Heyendonck*, *Blaesvelt*, *Heffen*, *Lippeloo*, *Liesel*, (30) *Tyffelt*,

*Leeft*, (31) *Leliendael*, (32) *Hauthem*, *Hombeeck*, *Raemsdonck*, *Capellen*, *Londerfeel*, *Semps*, *Steenuffel*, (33) *Ympde*, *Humbeeck*, *Weerde*, (34) *Rossem*, *Wolverthem*, *Beyghem*, *Buggenhout*, *Maldere*, *Opwyk*, *Baerdeghem*, *Masele*, *Meusegem*, *Meldert*, *Mollem*, *Meyse*, *Bruysegem*, *Ballebeke*, (35) *Relegem*,

*Wemmele*, *Hekelgem*, *Offele*, *Strombeke*, *Cobbeghem*, *Neerbembecck*, *Eschenen*, *Hamme*, *Overheembeke*, *Lombeke-S. Catharine*, (36) *Nat*, (37) *Wilryk*, *Cappelle*, *Beeckerfeel*, *Zelleke*, *Wambeke*, (38) *Bugen*, (39) *Bigarden*, (40) *Gansboren*, *Laken*, (41) *Strythem*, *Dielbeke*, *Berchem*, (42) *Scheuten*, (43) *Schepdaele*, (44) *S. Gertruyde-Pee*, *Itterbeke*, *Anderlecht*, *Onse Vrouwe-Lombeek*, *S. Martens-Lennick*, *Vleserbeek*, *Bygarden*, *Gaesbeeck*, *Ruysbroeck*, *Goycke*, *Audenaken*, (45) *Laeckt*, *Vleteringen*, *Eysingen*, (46) *Beerle*, *Bogaerde*, (47) *Lembeke*, (48) *Tubeeke*, *Diegem*, *Meerbeke*, *Savelthom*,

*Cortenberge*, *Oversteke*, *Elingen*, *Everbeke*, *Meerbeke*, *Haren*, *Nossegem*, *Eygenhoven*, (49) *Gaere*, *S. Stevens-Woluwe*, (50) *Vos-Cappel*, *Berthem*, *Scarenbeeck*, *Sterrebeeck*, *Leeftael*, *Corbeke over Dyl*, *Crayenhem*, *Wesembeke*, *Vosssem*, (51) *Elsene*, *Etterbeeck*, (52) *Cameren*, *Op-woluwe*, *Duysborch*, (53) *Loembeke*, *S. Jooris-Weerde*, (54) *Voest*, (55) *Au-*

(7) MYNTEN, aliàs *Muyfen*.

(8) TEN TROOST, Monasterium Virginum Carmelitanarum, hodiè in Vilvordia.

(9) NEERAXEL, aliàs *Neerassent*, appendix de *Bucken*.

(10) HEYMELGEM, aliàs *Hummelgem*.

(11) WYCKMAEL, appendix sub *Herent*.

(12) VILSEN, aliàs *Wilsel*.

(13) ZEELHEM, Pagus est hodieque sub Diœcesi Leodienfi, ubi & Monasterium est Carthusianorum.

(14) DONCK &

(15) LUIMEN aliàs *Lummien*, Pagi prope Diestenum, qui hodieque manent sub Diœcesi Leodienfi.

(16) WEDDE, forsitan *Wabbecom*.

(17) TASSEM & HOUCHEM appendices Pagorum prope Diesthemium.

(18) VRAUWE-PERCK, Abbatia Virginum Ordinis Cisterciensis.

(19) VERSBEKE, aliàs *Wersbeecke*.

(20) THIELT, id est, Sinte Peeters Thielt.

(21) GHEMPE, Præpositura Virginum Ordinis Præmonstratensium.

(22) KIESKEN aliàs *Kiesecom*.

(23) BOSCH, appendix sub *Bungen*.

(24) GETEROY, aliàs *Aterode*.

(25) SUERBEKE, aliàs *Suerbempde*.

(26) LEBBEKE, aliàs *Lubbeeck*.

(27) CAPELLE, aliàs *Nieuw-Capelle*.

(28) CALEVOORT; appendix sub *Puers*.

(29) HEYENDONCK, appendix sub *Heffen*.

(30) TYSELST, appendix sub *Willebroeck*.

(31) LELIENDAEL, Præpositura Monialium Præmonstratensium, olim sub Parochia de Hombeeck, nunc Mechliniæ.

(32) HAUTEM, appendix Oppidi Vilvordienfis.

(33) YMPDE, appendix sub *Muesegem*.

(34) ROSSEM, appendix de *Wolverthem*.

(35) RELEGHEM, appendix de *Wemmel*.

(36) NAT, aliàs *Ter-Nath*.

(37) CAPELLE, aliàs *Sint-Ulrycks-Capelle*.

(38) BUGEN, aliàs *Bodegem* vulgo *Beugem*.

(39) BIGARDEN, est Abbatia Nobilium Benedictinarum juxta Bruxellam.

(40) GANSHOREN, appendix de *Jette*.

(41) STREYTHEM, appendix de *Burg-Grave Lombeke*.

(42) SCHEUTEN, appendix Parochiæ de *Anderlecht*, ubi quondam sita fuit Carthusia *Bruxellenfis*.

(43) SCHEPDAELE, appendix sub Parochia de *Sinte-Mertens-Lennick*.

(44) STE GERTRUYDE-PEE, appendix de *Ste Mertens-Lennick*.

(45) LAECKT, appendix sub *Leeuwa-Sancti Petri*.

(46) BEERLE, lege *Beerthe*.

(47) LEMBEKE; hic Pagus prope *Hallas* situs in Civilibus nullius est juris; in Spiritualibus verò semper mansit sub Diœcesi *Cameracensi*.

(48) TUBEEKE, aliàs *Tubize*.

(49) GAERE, lege *Hevere*.

(50) VOS-CAPELLE, appendix sub *Nosseghem*.

(51) ELSENE, appendix sub *Bruxella*.

(52) CAMEREN, Abbatia Virginum Ordinis Cisterciensis juxta *Bruxellam*.

(53) LOENBEKE, appendix sub *Neer-yssche*.

(54) VOEST, lege *Vorst*, ubi est Abbatia Nobilium Benedictinarum.



(55) *Auwegem*, *S. Peeters-Woluwe*, (56) *Beau*, *Eedewater*, *Watermale*, (57) *Droogenbosch*, *Huldenberge*, *S. Achtenrode*, *Linkebeek*, *Ottenberge*, *Rosieres*, *Arkenes*, *Beersele*, *Hollaer*, *Overysse*, *Huyfingen*, *Roo*, *Businghen*, *Halsenberg*, *Dorpe*, (58) *Steenborren*, *Hulpen*, *Pellenberg*, *Kerckem*, *Wewere*, *Holede*, *Leeuwe*, *Corbeek-overloy*,

(59) *Lovenel*, *Bautershem*, (60) *Clabbeke*, *Bunsbeke*, *Neer-Linter*, *Heelen*, (61) *Betsenhove*, *Hout-Hever*, *Bierbeke*, *Vertryk*, *Vissenaken*, *Hauthem*, *Gueffenhoven*, *Wemmershem*, (62) *Halle*, (63) *Roesbeke*, (64) *Breiffem*, *Greymde*, *Haeckendouvre*, *Orfmael*, *Neer-Dormael*, *Neer-Hespen*, *Dormael*, (65) *Walmusen*, *Willebringen*, *Cumptich*, *Oirbeke*, (66) *Overlae*, (67) *Bost*, *Over-Hespen*, *Neer-Velpse*, (68) *Holxem*, (69) *Ast*, *Meer*, *Neerwynde*, *Esmael*, *Midderwynde*, *Neerlanden*, *Nethene*, (70) *Wys*, *Hamme*, *Op-Velpse*, *Meldert*, *Autgarde*, *Goitsboven*, *Over-Wynde*, (71) *Remsdorp*,

*Hellesem*, *Lare*, *Wange*, (72) *Attenhove*, (73) *Florival*, (74) *Doorne*, *Benkom*, (75) *Sluyse*, (76) *Hugarden*, (77) *Littart*, *Nodebaix*, (78) *Linnen*, *Op-beyliffem*, *Raishoven*, *S. Geertruyt-Bossuyt*, (79) *S. Laurens-Capelle*, (80) *Meylan*, *Noduwe*, (81) *Liptai*, *Lissemeau*,

*Waelmont*, (82) *Haekdonck*, (83) *Viese*, (84) *Herdergem*, (85) *Ter Alfne*, *Liekercke*, *Pamele*, (86) *Lombeke*, (87) *Nuytgen*, *Liefringe*, *Pollare*, (88) *Wierbeke*, (89) *Eygem*, *Santberge*, *Grimmingem*, *Wiendeke*, *Nieuwenhove*, *Waerbeke*, (90) *Beaupré*, *Okefele*, (91) *Onksele*, *Meerbeke*, *Appels*, *Auwergem*, *Mespelaer*, (92) *Tonan*, *Gilegem*, (93) *Castenbeke*,

*Lede*, *Impe*, *Hoffla*, *Erpe*, *Eerdegem*, *Nieuwerkerke*, *Sonnegem*, *Meere*, *Burst*, *Wichele*, *Sefcamp*, *Wannefele*, *Smettels*, *Oordegem*, *Baxegem*, (94) *Papegem*, *Capelle*, (95) *Vlierse*, *Letter-hauthem*, *Molle*, *Masseme*, *Goutrode*, (96) *Lombergen*, *Westrem*, (97) *Lantshautre*, *Schelderode*, *Bottelaere*, *Moorsele*, *Oostersele*, *Vorste*, *Munte*, *Wyndick*, (98) *Waesene*, *Baygem*, *Dickelvene*, *Berlegbem*, *Alderheyligem*, (99) *Cottem*, (100) *Vorsbeke*, (101) *Hindelgem*,

*Balegem*, *Reefegem*, *Aygem*, *Capelle*, *Homborgen*, *Welle*, *Welden*, (102) *Velsebeek*,

(55) AUWEGHEM, vel Auderghem, Monasterium Virginum Ordinis Sancti Dominici.

(56) BEAU, EEDEWATER, loca hæc ignorantur.

(57) DROOGHEM BOSCH, Appendix sub Uckel.

(58) STEENBORREN, aliàs *Seven-borren*, Monasterium Canonicorum Regularium juxta Bruxellam.

(59) LOVENEL, lege *Lovenjoul*.

(60) CLABEKE, lege *Glabbeek*.

(61) BETSENHOVE, alias *Eegenhoven*, appendix de Hout-Hevere.

(62) HALLE, appendix sub Goitsenhove.

(63) ROESBEKE, lege *Roosbeek*.

(64) BREISSEM, aliàs *Brasem*, appendix sub Cumptich.

(65) WALMUSEN, aliàs *Walsbergen*.

(66) OVERLAE, aliàs *Overlaer*, Pagus sub Diœcesi Leodienfi.

(67) BOST, appendix de Overlaer in Diœcesi Leodienfi.

(68) HOLXEM, aliàs *Hoxem*, Pagus hodie Diœc. Leod.

(69) AST & MEER, appendices sub Goitsenhove.

(70) WYS, aliàs *Wez*, appendix sub Nethene.

(71) REMSDORP, aliàs *Rumpsdorp*.

(72) ATTENHOVE, Pagus sub Diœcesi Leodienfi.

(73) FLORIVAL, Abbatia Virginum Ordinis Cisterciensis.

(74) DOORNE, &

(75) SLUYSE, appendices sub Meldert.

(76) HUGARDEN, Municipium Patriæ ac Diœcesis Leodienfi, Brabantiae inclusum.

(77) LITTART, aliàs *Zittart*, five *Zetru*, &

(78) LINNEN, aliàs *Lummen* vel *Lumay*, Pagus sub Diœcesi Namurcenfi.

(79) S. LAURENS-CAPELLE, aliàs *Laurentfart*, appendix sub Bossuyt.

(80) MEYLAM, aliàs *Melain*.

(81) LIPTAIN, aliàs *Linsain* & LISSEMEAU, appendices sub Noduwez.

(82) HAECKDONCK, lege *Haefdonck*.

(83) VIESE, aliàs *Wiese*.

(84) HERDERGHEM, aliàs *Herderffem*.

(85) TER ALFINE, aliàs *Ter Alphen*, five *Elst*.

(86) LOMBEKE, aliàs *Burg-grave-Lombeek*.

(87) NUYTGEN, lege *Neyghem*.

(88) WIERBEECKE, lege *Meerbeke*.

(89) EYGHEM, appendix Parochiæ de Appelterre.

(90) BEAUPRÉ, Abbatia Virginum Ordinis Cisterciensis.

(91) MEERBEKE, lege *Moerbeke*.

(92) TONAN, aliàs *Schoonaerde*, Capella sub Parochia de *Wichelen*.

(93) CASTENBEKE, lege *Tusschenbeke*, Præpositura Virginum Ordinis Præmonstratensis in Parochia de Lede juxta Alostum.

(94) PAPEGEM, fuit olim Capella sub Parochia de Vliersele, nunc diruta.

(95) VLIERSE, lege *Vliersele*.

(96) LOMBERGE, lege *Lemberghe*.

(97) LANTSHAUTRE, lege *Landscautere*.

(98) WAESENE, appendix Parochiæ de Schelderode, olim Pagus.

(99) COTTEM, Appendix Parochiæ de Hilleghem.

(100) VORSBEKE, lege *Borsbeke*.

(101) HANDELGHEM, lege *Hundelghem*.

(102) VELSEBEECK, lege *Velsycke*.



beeck, Eelden, Aygem, (103) Hattert, Leeuwe, Heldergem, Heersle, (104) Hautbrechtegem, Kerckem, Ecregem, (105) Steenhamme, (106) Neerhamme, (107) Nysboek, Borst, Strype, Sottegem, Gotverdegem, Aspelaer, Denderhautem, S. Jooris-  
Ertegem, (108) Audenhove, Hillegem, Esche, S. Tentelins, Matere, (109) Bliesboeck, Roosbeeck,

Steenhuysse, Voorde, Cornelis-Horebeke, Miegelbeke, (110) Marienodenhove, (111) Affelt, Appelter, Marie-orebeeck, (112) Clare, (113) Lubbegem, Marcke, Etichove, Melde, Schorisse, Hemelverdegem, Neerbrakel, Martenlierde, Elst, Marielierde, (114) Vleuseghem, Smerebbe, Volkegem, (115) Kesselaer, (116) Liefse,

Schendelbeeck, (117) Eygem, (118) Overbrade, Sulseke, (119) Kerckhove, Berchem, Quarmon, Nukerke, Segelsem, (120) Ten Bosche, (121) Dolaere, Geertsberghe, Overboelaer.

In posteriori designatione Subdelegatorum hujusmodi comprehensa, cum Ecclesiis etiam Parochialibus, Monasteriis, Collegiis, etiam Canonicatibus, Capellis, Hospitalibus & beneficiis, locis & personis ac officiis Ecclesiasticis, Sæcularibus & Regularibus & populis quibuscumque aliis sub eis comprehensis,

Præfata Ecclesiæ Mechliniensis pro sua Diœcesi juxta designationem illi per præfatos Subdelegatos factam hujusmodi, Auctoritate Apostolicâ tenore præsentium perpetuò concedimus & assignamus.

Ac decimas majores nuncupatas Parochialis Ecclesiæ de Willebringhe prope Thenas aut Hoxem olim Leodiensis Diœcesis ad centum modios tritici vel circa ascendentes, sedecim modiis similibus Rectori dictæ Ecclesiæ pro honesta illius sustentatione quotannis remanentibus; ab eademque Parochiali, & a Personatu de Hal olim Camera-

Unitur  
Personatus de  
Hal, qui  
postmodum cessit  
PP. Jesuitis.

censis, nunc Mechliniensis Diœcesis prædictæ, proventum annuum 100. ducatorum auri de Camera, postquam ipsi Personatus & Parochialis Ecclesia vacabunt, & non antea, ex nunc prout ex tunc & è contra, etiam perpetuò dismembramus & separamus,

Unio Præposituræ.

Necnon Præposituram Ecclesiæ Mechliniensis prædictæ, quæ tempore illius Erectionis in Metropolitanam Ecclesiam, hujusmodi dignitas inibi principalis existebat, cujus fructus, redditus & proventus 120. ducatorum auri de Camera secundum communem æstimationem valorem annuum; ut etiam accepimus, non excedunt, Cum primum illam per cessum vel decessum, etiam apud Sedem Apostolicam prædictam, aut quamvis aliam dimissionem vel amissionem illam nunc obtinentis, aut aliàs quovis modo, & ex cujuscumque persona, etiam in aliquo ex mensibus in quibus vacantium Beneficiorum dispositio Nobis, aut Romano Pontifici pro tempore existenti, per Constitutiones Apostolicas vel Cancellariæ Apostolicæ Regulas reservata existit seu fuerit, seu Ordinariis Collatoribus etiam per easdem Constitutiones Litteras alternativarum, aut Concordata Germaniæ, seu alia Privilegia & Indulta, illis quomodolibet concessa & concedenda, vacare contigerit,

Etiam si actu nunc vacet, & tanto tempore vacaverit, quod ejus collatio juxta Lateranensis Statuta Concilii ad Sedem Apostolicam prædictam legitimè devoluta, ipsaque Præpositura dispositioni Apostolicæ speciali vel generali reservata existat, & ad illam consueverit quis per electionem assumi, eique cura etiam jurisdictionalis imminet animarum; super ea quoque inter aliquos lis (cujus statum præsentibus haberi volumus pro expresso) pendeat indecisa,

Etiam ex nunc prout ex tunc & è contra, suppressis & extinctis illius Præpositi nomine

- (103) HATTERT, lege *Haliert*.  
(104) HAUTBRECHTEGEM, lege *Woubrechtteghem*.  
(105) STEENHAMME, lege *Eenhaeme*, ubi Abbatia Benedictinorum.  
(106) NEERHAMME, lege *Neer-Eenhaeme*.  
(107) NYSBOECK, alias *Sinte Denys Boucle*.  
(108) AUDENHOVE, id est, *Sinte-Guerix-Audenhove*.  
(109) BLIESBOECK lege *Blaesboucle*.  
(110) MARIENODENHOVE, lege *Sinte Marie-Audenhove*.  
(111) ASSELT, lege *Op-Hasselt*.  
(112) CLARE, lege *Edelaere*.  
(113) LUBBEGHEM, lege *Leupegem*.  
(114) VLEUSEGHEM, alias *Vloeseghem*.

- (115) KESSELAER, id est, Capella Beatæ Mariæ Kesselaer sub Parochia de Edelaer.  
(116) LIESSE, locus mihi ignotus.  
(117) EYGEN, id est, *legem*.  
(118) OVERBRADE, lege *Over-Braeckel*.  
(119) KERCKHOVE, Parochia, quæ semper remansit sub Diœcesi Tornacensi.  
(120) TEN-BOSCHE, vulgo *Sinte-Mertens-Bosch*, appendix Parochiæ de Ste-Mertens Lierde, ubi Carthusia visitur.  
(121) DOLAERE, lege *Boulaere*, alias *Boulers*.

Has Notas nos ipsi annotavimus ad elucidationem Pagorum, & inseri permisimus in Bulla erectionis hujus Archiepiscopatus, relata in supplemento Diplom. A. Mirai.



mine & titulo, in Archidiaconatum pro uno Archidiacono, qui post cessum vel decessum eorum, qui nunc sunt Archidiaconi in illa parte Dioecesis Mechliniensis, talem habeat Jurisdictionem; qualem Archidiaconus Bruxellensis hætenus habuit,

Necnon ipsa Ecclesia Mechliniensis unum Archipresbyterum Civitatis nuncupandum, pro uno Archipresbytero Civitatis, qui curam Rectorum Ecclesiarum Parochialium, Verbi Dei & Sacramentorum Civitatis Mechliniensis,

Et unam Pœnitentiarum Dioecesanam nuncupandas dignitates, inibi pro uno Pœnitentiarum, qui curam conscientiarum populi per Dioecesim universam Mechliniensem specialiter habeant, similiter erigimus & instituimus.

Et ut Archiepiscopus Mechliniensis pro tempore existens speciali quâdam prærogativâ decoretur, & Ecclesiam suam, quæ in meditullio dictæ ditionis consistit, personis eruditis, & ad Jurisdictionem inibi exercendam, ceteraque munia Ecclesiastica obeunda idoneis debite instructam, jugiterque decoratam habeat,

*Primatia  
Belgii.*

Perpetuo statuimus & ordinamus, quod Ecclesia ipsa Mechliniensis ante Cameracensem & Trajectensem Ecclesias prædictas prima sit, & illius pro tempore Archiepiscopus primum locum in Conciliis Generalibus vel specialibus, Sessionibus aliisque actibus super Cameracensem & Trajectensem Archiepiscopos habeat,

*Canonica-  
tus Gra-  
duatorum.*

Quodque ex omnibus Canonicatibus & Præbendis majoribus dictæ Ecclesiæ Mechliniensis decem, quos primò per cessum vel decessum, etiam apud Sedem Apostolicam prædictam, aut alias vacare contigerit, etiam si actu non vacent, ut præfertur, ita affecti remaneant, quod ipse Archiepiscopus unum & unam primò vacaturos, tamquam Mensæ suæ Archiepiscopali perpetuò unitos, & quos Nos similiter & nunc pro ut ex tunc, & contrà, ipsi Mensæ perpetuò unimus, annectimus & incorporamus, obtinere, illarumque ratione Persona Capitularis esse, vocemque & auctoritatem, etiam in Capitulo, super Decanum & Canonicos habere,

Reliqui vero novem Canonicatus & Præbendæ prædicti tribus Magistris aut Licentiatibus in Theologia, & tribus Doctoribus Decretorum seu in eis Licentiatibus, & tribus aliis Nobilibus ejus Dioecesis, etiam in Jure vel Theologia, saltem Gradu Licentiaturæ, in famosa quapiam Universitate Studii Generalis, secundum tenorem primò dictarum Litterarum promotis, ordine in dicta designatione expresso servato, in perpetuum concedi & assignari debeant,

Quodque ad sex priores tam Nobiles, quàm alii non nobiles, ut præfertur, tamen qualificati, ad reliquos verò tres Canonicatus, & tres Præbendas ex reliquis novem, hujusmodi nulli nisi Nobiles & Graduati, ut præfertur, assumi possint,

Ac omnes & singuli ratione suarum hujusmodi Præbendarum, consilium & operam in negotio Ecclesiæ & Religionis ceterisque difficultatibus pro tempore emergentibus, quoties ab Archiepiscopo prædicto requisiti fuerint, tam conjunctim, quàm divisim præstare teneantur.

Ac unus Archidiaconus ad Archidiaconatum, & alius Archipresbyter ad Archipresbyteratum, necnon reliquus ex dictis Graduatis Pœnitentarius ad Pœnitentiarum hujusmodi ad nominationem dicti Archiepiscopi assumi, & omnium primos post Archiepiscopum vacaturos Canonicatus & Præbendas prædictos, ordine præmissis consequi valeant.

Ut autem de Viris spectatæ doctrinæ & probitatis ad ædificationem Ecclesiæ Dei accuratius prospiciatur, quod ipsi novem Canonicatus & novem Præbendæ hæc primâ vice per prædictum Archiepiscopum dumtaxat, & deinde quoties illi futuris temporibus, ut præfertur, vacaverint, ad electionem Archiepiscopi & aliorum Graduatorum prædictorum superstitum per eos conferantur.

Et in hujusmodi electione suffragium Archiepiscopi non plus juris seu momenti, quàm cujusvis cæterorum Canonicorum Graduatorum habeat, nisi vocatione paritate occurrente, tuncque iterum ad hoc Archiepiscopi suffragium paritatem vocationis hujusmodi dirimat,

Quodque posthac ipsi novem Canonicatus & novem Præbendæ sub nullis specialibus vel generalibus, etiam mentalibus reservationibus, affectionibus, etiam in Corpore Juris clausis, nec non expectativis, coadjutoriis, mandatis, facultatibus, Indultis de providendo, commendando & aliis disponendo, primariis Precibus, aut aliis gratiis præventivis, etiam per Nos, aut Romanos Pontifices pro tempore existentes & dictam Sedem Apostolicam, vel ejus Legatos, etiam consideratione, intuitu, contemplatione, vel ad instantiam Imperatoris, Regum, aut aliorum Principum, ac

ejus-



eiusdem S. R. E. Cardinalium, & ex quacumque causa, quantumlibet urgenti, pro tempore factis & concessis comprehendantur,

Nec etiam tamquam vacantes apud Sedem Apostolicam prædictam, aut ullâ aliâ ratione generaliter vel specialiter reservari, nec illorum vacatione per resignationem etiam ex causa permutationis pro tempore occurrente, per Romanum Pontificem aut Sedem eandem de illis provideri, vel aliâ quoquo modo disponi possit, sed forma electionis præmissæ omni tempore servari, nullâque causâ infringi debeat;

Quodque unus ex novem Canonicis prædictis Magister seu Licentiatus in Theologia, & alter Decretorum Doctor, seu etiam Licentiatus, seniores ratione suarum Præbendarum, facultatem habeant visitandi per universam Dioccesim Mechliniensem prædictam ab Archiepiscopo; ceteri verò Canonici Graduati prædicti quandocumque requisiti fuerint, illis assistere teneantur.

Ac ex reliquis senioribus Canonicis prædictis duo in Theologia & unus in Jure Canonico Graduati, ut præfertur, unâ cum Archidiacono curam habeant examinandi promovendos ad sacros Ordines, & admittendos ad Curas animarum, quâcumque autoritate illi provisi fuerint, neminem nisi idoneum, seque personalem residentiam facturum, medio juramento, promittentem admittendo.

Et quoniam impia hæreticorum studia, temporisque malitia Viros doctos ab Ecclesiis suis diutius abesse non patiuntur; quod si Canonici Graduati prædicti ab Ecclesia sua, nisi ab Archiepiscopo vel Capitulo missi, per duos menses absuerint, integros suæ Præbendæ fructus illius anni amittant, & Capitulo cedant.

Ac omnes proventus singularum Præbendarum dictæ Ecclesiæ in duas æquales partes dividantur, quarum altera pro quotidianis distributionibus, his solis qui Divinis Officiis in Choro deservierint, & inibi à principio usque ad finem, exceptâ necessitatis causâ, permanerint, ministrari debeant; nec quisquam ullâ dispensatione, vel alio Privilegio Apostolico, quâcumque causâ impetrato vel concessio, sese à residentia huiusmodi eximere possit.

Ceteræ Ecclesiæ Civitatis sub cura dicti Archipresbyteri Civitatis, extra verò eam & in Diocesi Mechliniensi existentes, vel sub suis Decanatibus seu Archipresbyteratibus, aliisque jurisdictionibus, prout hætenus, remaneant, vel meliori modo arbitrio dicti Archiepiscopi distribui, ipsorumque Decanatum Decani, salvâ dicti Archiepiscopi moderatione, emolumenta hætenus percipi solita percipere possint.

Verum quia fructus & proventus dictorum decem Canonicatum & Præbendarum tenuiores sunt, quàm conveniat pro sustentatione Virorum doctorum & gravium, qui munera præmissa obire velint, decimas ab Ecclesia Parochiali de Willebringa, & proventum annuum 100. ducatorum à Personatu de Hall huiusmodi dismembratum, ut præfertur, eisdem decem Canonicatibus & Præbendis primò vacaturis, per Archiepiscopum & singulos novem Canonicos prædictos æquis portionibus percipiendos, perpetuò applicamus & appropriamus,

Nec non collationem, præsentationem, provisionem, electionem, institutionem; confirmationem, & quamvis aliam dispositionem omnium & singulorum Dignitatum, Personatum, administrationum & officiorum aliorumque beneficiorum Ecclesiasticorum, cum cura & sine cura, Secularium & quorumvis Ordinum Regularium qualitercumque qualificatorum; ad collationem, provisionem, præsentationem, electionem, institutionem, confirmationem, & quamvis aliam dispositionem præfati olim Præpositi quomodolibet pertinentium & spectantium, Archiepiscopo Mechliniensi pro tempore esistenti; ita quod ipse ex nunc de cetero de illis, prout Præpositus poterat, liberè & licitè disponere valeat, etiam perpetuò reservamus, concedimus & assignamus, suæque ordinariæ collationi & dispositioni adjungimus,

Distriktius inhibentes Venerabilibus Fratribus nostris Archiepiscopis, Episcopis ac dilectis Filiis Abbatibus, ceterisque locorum Ordinariis, nec non Conventibus, Superioribus, & Personis, illique vel illis, ad quem seu quos Præposituræ, Personatûs, & Parochialis Ecclesiæ, ac Canonicatum, Præbendarum & aliorum Beneficiorum prædictorum, collatio, provisio, & quævis alia dispositio, communiter vel divisim pertinet, ac quibuscumque aliis cujuscumque Dignitatis, Statûs, Ordinis & conditionis existentibus, in virtute sanctæ obedientiæ, & sub excommunicationis majoris aliisque sententiis, Censuris & pœnis, nec non privationis omnium Dignitatum, Beneficiorum & Officiorum, Ecclesiasticorum, ac inhabilitatis ad illa, & alia imposteriorum obtinenda, ne de illis, si vacant, aut cum vacaverint, ut præfertur, cuiquam providere, aut aliâs disponere, seu præmissorum effectus & executionem in aliquo quan-



tumcumque modico, impedire, aut molestiam vel injuriam quampiam irrogare, quoquo modo præsumant.

Ac decernentes ex nunc plenum jus in præmissis omninò acquisitum esse, & super his beneficio Regularum de non tollendo jure quæsito, ac de annali & triennali possessore, nec non Privilegiis omnibus quibus diuturni possessores pacifici quomodolibet utuntur, potiuntur & gaudent plenariè, uti, potiri & gaudere debere.

Ac Præposituram ad hoc ut de cetero de illa quoquo modo disponi valeat de cetero vacare, & eandem & affectos decem Canonicatus & decem Præbendas prædictos per quoscumque, etiam prætextu Mandatorum de providendo, nominationum etiam juxta concordata prædicta, expectativarum & quarumcumque aliarum gratiarum, quoquo modo acceptari non posse, & nihilominus quascumque acceptationes, collationes provisiones, commendas, uniones, annexiones & incorporationes, ac alias dispositiones de eisdem, aut eorum aliquo etiam per Nos & Sedem prædictam quomodolibet factas & faciendas nullius prorsus roboris vel momenti fore, nullumque per eas cuiquam jus acquiri, seu etiam coloratum titulum possidendi tribui posse;

Ac suppressionem, extinctionem, dismembrationem, separationem, erectionem, institutionem, Statutorum ordinationem, unionem, annexionem & incorporationem, applicationem, appropriationem, reservationem, concessionem & assignationes, ceteraque præmissa ac præsentem Litteras ex nunc omnimodum effectum sortita esse & ceteri nec sub quibusvis revocationibus, alterationibus, suspensionibus & limitationibus unionum & suppressionum etiam effectum non sortitarum, quæ post hac per Nos vel Successores nostros tam in crastinum assumptionis cujuslibet eorum ad summi Apostolatûs apicem, quàm alios quomodolibet, ac cum quibusvis clausulis & Decretis, quocumque tempore fient, minimè includi;

Sed illis non obstantibus, in suis vigore, robore & efficaciâ persistere, & quoties illa emanabunt, toties in pristinum statum restituta, & de novo concessa, sicque incommutabilis voluntatis & intentionis nostræ fuisse, esse & fore, ac præsentem Litteras hujusmodi nullo unquam tempore de subreptionis & obreptionis, aut nullitatis vitio, seu intentionis nostræ aut quopiam alio defectu notari, aut in jus vel controversiam, quâcumque ratione vel causâ, vocari posse,

Sicque per quoscumque Judices ordinarios & delegatos, etiam Causarum Palatii Apostolici Auditores & Cardinales, in quavis causâ & instantia, sublatâ eis & eorum cuilibet quâvis aliter judicandi & interpretandi & facultate & autoritate, judicari & definiri debere, irritum quoque & inane si secus super his à quoquam, quâvis autoritate, scienter vel ignoranter contigerit attentari.

Quocirca Venerabilibus Fratribus nostris Archiepiscopo Cameracensi & Episcopo Amerinensi, ac dilecto Filio Præposito Arienfi, Audomarenfi, seu alterius Diocesis, per Apostolica Scripta Motu simili mandamus, quatenus ipsi vel duo aut unus eorum per se vel alium seu alios præsentem Litteras, & in eis contenta quæcumque, ubi & quando opus fuerit, & quoties pro parte moderni & pro tempore existentis Archiepiscopi Mechliniensis, & aliorum quorum interest, vel quomodolibet intererit in futurum, fuerint requisiti, seu aliquis eorum fuerit requisitus, solemniter publicantes, eisque & eorum cuilibet in præmissis efficacis defensionis præsidio assistentes, faciant autoritate nostrâ Archiepiscopum Mechliniensem & alios præfatos, dismembratione, separatione, statuto, ordinatione, erectione, institutione, unionem annexione, incorporatione, applicatione, appropriatione, reservatione, concessionibus, & assignationibus, & Litteris & aliis in eis contentis prædictis, specificè gaudere, ac alias Litteras & in eis contenta hujusmodi firmiter observari;

Non permittentes illos per quoscumque quomodolibet indebitè molestari, contraditores quoslibet & rebelles per Censuras & pœnas Ecclesiasticas, appellatione postpositâ, compescendo, nec non legitimis super his habendis servatis processibus; Censuras & pœnas ipsas etiam iteratis vicibus aggravando, invocato etiam ad hoc, si opus fuerit, auxilio brachii sæcularis,

Non obstantibus voluntate priori ac etiam nostrâ de valore tam in impetrationibus, quàm aliis gratiis, etiam Motu simili factis exprimendo, nec non Lateranensis Concilii novissimè celebrati uniones perpetuas nisi in casibus à jure permissis fieri prohibentis,

Ac P. M. Bonificii Papæ VIII. etiam Prædecessoris nostri de una, & Concilii Generalis de duabus, non tamen tribus Dietis, aliisque Constitutionibus & Ordinationibus etiam in Corpore Juris clausis, nec aliâ reservatoriis, nec non dictæ Cancellariæ



lariæ Regulis etiam revocatoriis & revocatarum innovatoriis, ac in favorem Ordinariorum, ac aliàs in contrarium quomodolibet editis & edendis,

Nec non Ecclesiarum Mechliniensium juramento, confirmatione Apostolicâ seu quâvis firmitate aliâ roboratis Statutis & consuetudinibus, nec non quibuscumque specialibus & generalibus reservationibus, expectativis, & aliis gratiis, absque consensu Coadjutorum deputationibus, nominationibus, citra regressus & accessus facultatibus, mandatis, Litteris & concessionibus, quibuscumque personis cujuscumque dignitatis, statûs, ordinis, gradûs & conditionis existentibus, etiam Cardinalatûs honore fungentibus,

Ac nostris etiam antiquis & descriptis familiaribus continuis Commensalibus ac Prælati Domesticis, nec non Romanæ Curiae Officialibus etiam officia sua actu exercentibus ex quavis etiam grandi causâ, consideratione, intuitu vel respectu etiam Imperatoris, & Regum, Ducem, & aliorum Principum, ac cum quibuscumque antelationibus, prærogativis & Decretis etiam irritantibus & clausulis etiam derogatoriis, etiam præsentibus, derogantibus, etiam Motu & scientiâ similibus, & aliàs quomodocumque concessis.

Quas, & quæ, illorum omnium tenores, ac si de verbo ad verbum infererentur præsentibus, pro sufficienter expressis habentes, eorumque omnium vim & effectum quoad præmissa omnino suspendimus, & in præmissis effectum fortiri aut locum sibi vindicare non posse neque debere, decernimus.

Nec non Privilegiis, Indultis, exemptionibus, conservatoriis, & Litteris Apostolicis, Ordinariis, aliisque Collatoribus & Personis per quoscumque Romanos Pontifices Prædecessores nostros, & Nos ac Sedem præfatam, & per vim generalis Legis & Statuti perpetui, nec non initi seu stipulati contractûs, seu quasi & aliàs sub quibuscumque tenoribus & formis, ac cum quibuscumque etiam derogatarum derogatoriis aliisque efficacioribus efficacissimis & insolitis clausulis irritantibusque & aliis Decretis, etiam consideratione, intuitu, contemplatione, vel ad instantiam præmissorum, & quorumcumque aliorum, seu motu, scientiâ & potestatis plenitudine similibus, nec non consistorialiter aut aliàs qualitercumque, quomodocumque & quotiescumque concessis, confirmatis & etiam iteratis vicibus innovatis & concedendis,

Quibus omnibus, etsi pro illorum sufficienti derogatione de illis eorumque totis tenoribus specialis, specifica, individua & expressa; non autem per clausulas generales idem importantes, mentio seu quævis alia expressio habenda aut aliqua alia exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & formâ in illis traditâ & observatâ inserti forent, præsentibus pro sufficienter expressis habentes, quamvis talia & multa sint, quæ sub clausula implicitæ derogationis latissimè extendenda in supplicatione apposita non intelligantur, aut aliàs comprehendantur,

Nihilominus in genere & in specie ad effectum sufficientis derogationis eorum, illis aliàs in suo robore permanens, hâc vice dumtaxat specialiter & expressè derogamus contrariis quibuscumque; aut si aliquâ Apostolicâ præfatâ vel aliâ quâvis auctoritate in dictâ Ecclesia Mechliniensi in Canonicos sint recepti, vel ut recipiantur insistant, seu si super provisionibus sibi faciendis in Canonicatibus & Præbendis ac Dignitatibus Ecclesiæ Mechliniensis, hujusmodi speciales vel aliis beneficiis Ecclesiasticis in illis partibus generales dictæ Sedis, vel Legatorum ejus Litteras impetraverint, etiam si per eas ad inhibitionem, reservationem & Decretum, vel aliàs quomodolibet sit processum,

Quas quidem Litteras & processum habitos per easdem & inde secuta quæcumque ad Archidiaconatum & Præposituram, & decem Canonicatus & Præbendas & alia beneficia hujusmodi volumus non extendi, sed nullum per hoc eis quoad assencionem Canonicatum & Præbendarum ac Dignitatum vel beneficiorum aliorum præjudicium generari, & quibuslibet aliis Privilegiis, Indulgentiis generalibus vel specialibus, quorumcumque tenorum existant, per quæ præsentibus non expressa, vel totaliter non inserta effectus earum impediri valeat quomodolibet vel differri, & de quibus quorumque totis tenoribus habenda sit in nostris Litteris mentio specialis:

Nulli ergo omnino homini liceat hanc Paginam nostræ dismembrationis, annexionis, incorporationis, applicationis, appropriationis, reservationis, concessionum, assignationum, adjunctionis, inhibitionis, Decreti, mandati suspensionis & voluntatis infringere vel ei ausu temerario contraire: si quis autem hoc attentare præsumpserit;



ferit, indignationem Omnipotentis Dei, ac Beatorum Petri & Pauli Apostolorum ejus se noverit incursum.

Datum Romæ apud Sanctum Petrum anno Incarnationis Dominicæ MDLX, quinto Idus Martii, Pontificatûs nostri anno secundo. Sic subscriptum FOED. CARDINALIS CÆSIUS, & signatum, A: DE ALEXIIS.

Verum licet foundationem hujus Capituli (de quo ante mox dicere incæpi-mus) communiter adscribant præfato *Notgero* Leod. Episc., antiqui tamen & probati scriptores *S. Rumoldum*, Mechliniensium Apostolum, institutorem & auctorem ejus esse asseverant.

*J. Molanus* apud A. Miræum de Canonicorum Collegiis cap. LXXIV. ait:  
 „ *B. Rumoldi* opus est Monasterium Canonicorum apud *Maslinas*. ” Et post  
 pauca. „ Fuit autem ab initio foundationis non Monachorum sed Canonico-  
 „ rum Monasterium, quomodo in Chronicis Cameracensibus ante annos fere  
 „ sexcentos conscriptis nominatur. Quâ autem phrasi Canonicorum Colle-  
 „ gia dici soleant Monasteria in primo lib. de Canonicis a nobis est explica-  
 „ tum. Situm erat in pratis intra ulmos, sed paulatim Mechlinia ex parvâ  
 „ urbe Trans-Dilianâ adeo excrevit, ut nunc Collegium *S. Rumoldi* in me-  
 „ ditullio urbis situm sit.

*J. B. Gramaye* in Antiq. Mechl. Lib. III. Sect. IV. „ Primo, inquit, obviam  
 „ habemus Collegium Canonicorum, vetus illud & celebre, quod initia  
 „ sua a *D. Rumoldi* aut viventis aut exaltati ævo repetit. ”

*A. Miræus* in Fastis Belg. & Burg. ad diem 9. Aprilis, item ad Cal. Julii ait.  
 „ Ex *Balderico* colligi posse videtur ante tempora *Notgeri* Mechliniæ Mo-  
 „ nasterium aliquod fuisse ab *Adone* Comite fortassis inchoatum, quod *Not-*  
 „ *gerus* postea prædiis & præbendis Canonicorum auxerit. ” Verum notasse  
 simul debuisset, quod ad ea tempora Canonicorum Collegia dicerentur Mo-  
 nasteria.

Hujus Monasterii auctor fuit *S. Rumoldus*, qui tantum loci, quantum Cænobio sat esset, *Adonis* Comitis beneficio nactus in Ulmeto (locuserat è regione Aulæ *Adonis* ubi nunc Armamentarium Cæsaris est) ab Ulmorum copia nomen fortitus, quidquid enim hodie Cis-Diliam, in quo Basilica hodie *D. Rumoldi*, & extra urbis pomeria ad Dilix ripam latè protenditur, sub nomine Ulmeti comprehendebatur (uti ante diximus) erat nemorum solitudo. Hic loci *S. Rumoldus* domicilium, & ædiculam *D. Stephano* sacram exstruxit, ibique remotam a sæculi pompâ & populi strepitu eremiticam (ut *Baldericus* vocat) vitam, penè solus agebat, dehinc collectis brevi viris aliquot pietate & religione insignibus, communem illam Clericorum simul in cætu vivendi rationem, quæ per id tempus præcipuâ laude virtutis florebat, neque ullo spatio ab ascetarum Religiosis aberat, eodem in loco gregis sacri moderator instituit.

Huic Collegio Clericorum inter alios aggregavit *S. Libertum Adonis* Comitis filium, & sub se Præpositum constituit. Normannis & Danis dein sæculo IX. Belgium vastantibus *S. Libertus* eversâ Mechliniâ ad *S. Trudonis* Monasterium confugiens, ante altare cum socio, ubi flexis genibus Dominum deprecabatur, a barbaris occisus est Anno 835. vel 836. alii, ut *Molanus* *Libertum* post An. 880. victimam per martirium cecidisse refert, quem sub annum 755. in lucem editum fuisse constat, adeoque annos 125. habere debuisse. Verum notandum, quod *Molanus* pleraque Normannorum & Danorum compendio complexus est, quæ temporibus maximè distincta fuerant, confundit & in unum locum congeisse voluit. Hæc semel annotasse placuit ne incauti decipiantur.



Itaque ut revertamur unde digressi sumus: Mos ille priscus *D. Rumoldi* tempore celebratissimus habuit, ut Canonici seu Clerici (hæ enim voces idem apud veteres plerumque sonant) locis Ecclesiæ vicinis, quæ Monasteria Clericorum dicebantur (deinceps vero claustra dici cæperunt) in quo vitam communem & claustralem secundum constitutiones Sacrorum Canonum agebant. „ Et eorum domicilia, refectoria, & alia id genus loca publica, quibus nostri Canonici (ait *A. Miræus* in notis ad regulam Canoniorum) olim usi fuerunt, hodie exstant, & cum admiratione monstrantur Colonia Agripinæ, Tornaci, Leodii, Brugis, Insulis & alibi.” Atque idem *Miræus* ibidem ad nostrum propositum ait. „ Monasterium Clericorum & Congregatio Clericorum instar Monachorum in commune viventium, sic passim loquuntur vetustioris & medii ævi scriptores *Baldericus* Noviomensis & Tornacensis Episcopus (qui obiit Ao. 1112.) in Chronico Cameracensi Lib. II. & alibi passim Cameracense & Atrebatense Cathedralia Canoniorum Collegia nuncupat, Monasteria Canoniorum *B. Mariæ*: quas tamen Ecclesias constat jam inde a primis initiis fuisse Clericorum seu Canoniorum non Monachorum. Sic idem *Baldericus* sub finem Lib. II. Monasterium Canoniorum *S. Rumoldi* apud *Maslinas*, & Monasterium Canoniorum a Viro Dei *Guntmaro* structum memorat, quæ sunt hodie illustria Canoniorum Collegia Mechliniense & Liranum in Brabantia.” Hactenus *Miræus*.

Et notandum quod a vitâ illâ communi Canonici *D. Rumoldi* olim dicti sunt Fratres, quo nomine hodieum Beneficiati omnes hujus Ecclesiæ qui sunt de gremio Chori vocantur Fratres, suntque numero LX.

Hæc communis Clericorum institutio in aliquibus locis citius, in aliquibus ferius esse desiit, Leodii disciplina illa sub *Alberone* II. Episcopo se remisit; sed magis periit sub *Radulpho*, qui disciplinam penitus collabi permisit, et si acerrimè a *Lamberto Beguo*, qui spiritu Prophetiæ clarebat, admoneretur: & totaliter evanuit teste *Chapeauville* tom. II. Ao. 1204. cum Canonici *S. Lamberti* possessiones Ecclesiæ mediante Cardinale *Guidone* & Episcopo *Hugone* inter se dividunt & Præpositum constituunt; quod etiam circa ea tempora Mechliniæ contigisse non obscurè colligitur, quando Canonici ad novam Basilicam *D. Rumoldi* migrarunt, secum magnâ pompâ conferentes corpus *S. Rumoldi*, & exemplo Canoniorum *D. Lamberti* Leodii, claustrum suum deseruerunt, insuper ex eo colligitur quod Ao. 1205. fundata sit Cantoria *D. Rumoldi*, illa autem dignitas ignota esset in claustro, necessaria vero inter Canonicos liberos, & sui juris pro directione Chori.

Cum hoc Canoniorum Monasterium per vastationes Normannorum destructum & in cineres redactum esset sæculo IX. *Notgerus* Leodiensis Antistes post eorum recessum, illud renovandum & restaurandum suscepit, & XII. in eo Præbendas erexit easque munificè dotavit circa annum 1000. eisque Abbatem sæcularem præfecit aut reddidit, qui etiam hospitalitatem curaret, & esset a consilio Episcopi, quod Abbatum nomen Mechliniæ omnino extinctum est, apud alios quosdam Canonicos imprimis Namurcenses mansit, qui titulus dein Mechliniæ in Præpositi nomen mutatus est & rursus Præpositi nomen extinctum, cum annui illius redditus auctoritate *Pii IV.* Summi Pontificis Archiepiscopatu huic incorporati sunt Ao. 1560. uti mox diximus.

Hoc Canoniorum Collegium stetit eo loco, antequam nova *D. Rumoldi* Basilica constructa est, ubi in eâ Urbe hodie degunt F. F. Minores, & constat antiquam eorum Ecclesiam fuisse intra septa hujus Monasterii, murum-



que meridionalem modernæ eorum Ecclesiæ fuisse murum septentrionalem, quod etiam ex crassitudine & vetustate omnino apparet.

*Auctum  
Canonico-  
rum Col-  
legium.*

Sæculo XVII. auctum hoc Canoniorum Collegium tribus præbendis noviter erectis & dotatis. Anno siquidem 1643. *Jacobus Boonen* Archiepiscopus Mechliniensis die 21. Julii, postquam erexisset in hoc Capitulo de novo Præposituram quæ in erectione hujus sedis Archiepiscopalis incorporata fuit Archiepiscopatu (uti in præfatâ bullâ expressum est) erexit in Canonicatum Plebaniam *D. Rumoldi*, item Porsonatum Ecclesiæ parochialis de Melle prope Gandavum, item Capellaniam . . . . . in Ecclesiâ Parochialis *B. Mariæ* de Laken, dotatus ulterius hic Canonicatus per R. Adm. *D. Joannem de Quarre* Præpositum Congreg. Oratorii Jesu. Item Anno 1644. fundavit in hoc Collegio Canonicalem præbendam *D. Petrus van Canteren* J. U. L. Canonicus, dein Cantor hujus Collegii & postmodum Præpositus *S. Salvatoris* Harlebecæ.

Anno 1250. *D. Arnoldus de Zellaer* Canonicus & Scholasticus hujus Ecclesiæ Collegiatæ, instituere cæpit in eâ ad decantandas horas Canonicas XII. Præbendas, quas amplis redditibus & bonis auxit Anno 1255. & foundationem illam perfecit Anno 1260. Mortuus anno 1264. cujus Anniversarium ibidem celebratur die 30. Januarii, sepulturæ locum nactus ante Odæum ad dextram. Hæ Præbendæ Anno 1644. erectæ sunt in Canonicatus, ex quibus una Anno 1611. annexa est Plebania. Vocantur autem ad distinctionem aliorum Canonici Zellarienses, a suo fundatore nomen adepti. Damus hic ipsa foundationis Diplomata præfati A. de Zellaer prout ipsi R. D. Canonici Zellarienses nobis pro suâ humanitate communicarunt. Quarum tria Diplomata inferi permisimus in supplem. Diplom. Miræi Parte II. cap. 99. 105. & 108. quorum tenor est ut sequitur.

*Ex MS.  
Archivis  
Capit. Me-  
chliniens.*

In nomine Sanctæ & Individuæ Trinitatis. Ego **ARNOLDUS DE ZELLAER** Scholasticus Mechliniensis fanus & incolumis, ac mentis meæ compos, spem fiduciamque in **JESUM CHRISTUM** habens, nullo præsentis periculi metu conterritus, sed solâ spe æternæ retributionis, quædam Beneficia in laudem & honorem Beatæ & Gloriosæ Virginis Mariæ de possessionibus meis & redditibus instituere decrevi. Lego ergo & in primis assigno xxx. lib. Lovan. quas Viri Venerabiles Abbas & Conventus de *Fliderbeke* de voluntate & adunatione mea solvere tenentur Abbati Loci *S. Bernardi Cisterciensis Ordinis*, Testamenti mei Executori, ad opus Capellanorum quibus duxero assignandas, pro bonis quæ tenent de me sub annua pensione & perpetua, in Villis videlicet (a) *Orbeka*, (b) *Grimda*, (c) *Betsche*, & in loco, qui dicitur (d) *Malayla* proprè Lovanium; sicuti in hac Littera super hoc confecta plenius continetur.

(a) *Oirbe-  
ke.*  
(b) *Grim-  
de.*  
(c) *Bets.*  
(d) *Mal-  
lays vicus  
in Pago  
Hulpe.*

Et xvii. lib. Lovan. quas Abbas & Conventus de *Grimberge* eodem modo tenentur solvere prænominato Abbati de Loco *S. Bernardi*, pro bonis, quæ tenent à me sub annua & perpetua pensione in Villis videlicet *Beygheem*, *Hombeka*, *Eppegeem*; sicuti in Littera eorum lucidè declaratur.

(e) *Sa-  
venthem.*  
(f) *Mels-  
broeck.*  
(g) *Steen-  
ackenfeel.*  
(h) *Bergb.*

Et xvi. lib. Lovan. quas Abbatisa & Conventus Vallis Rosarum simili modo tenentur solvere apud prædictum Abbatem Loci *S. Bernardi*, pro bonis quæ tenent de me ad firmam perpetuam, in Villis videlicet (e) *Zaventhem*, (f) *Meldebruck*, (g) *Hockenzela*, & in (h) *Berga*, sicuti in Littera eorum super hoc facta videbitur plenius contineri,

Et xxvii. lib. Lovan. quas Abbas & Conventus Loci *S. Bernardi* eodem modo tenentur solvere ad opus Capellanorum, quibus duxero assignandas, pro bonis quæ tenent de me sub annua & perpetua pensione.

\* *Hever  
apud Me-  
chliniam.*

Insuper & omnia bona quæ habeo in \* *Hevera*, cum omnibus pertinentiis suis xii. Capellanis deserviant in honore Sanctæ Dei Genitricis semperque Virginis Mariæ, pro beneficiis perpetuis in Ecclesia *B. Rumoldi* in Mechlinia, recepturi de prædictis redditibus singulis pariter & universis unusquisque æquam inter se portionem.

Quod



Quod Cappellanus Beatæ Mariæ in novo opere amplius habebit aliis Cappellanis de prædictis redditibus xxx. sol. Lovan. ad lampadem ante Altare B. Mariæ in novo opere; quæ lumina Beneficiatus jugiter tam die quàm nocte præstabit ibidem. Expensas autem hujus lampadis procurabit Capellanus dicti novi operis cum tanta diligentia, ut lumine numquam careat, & si quiddam super easdem expensas super esse contigerit, hoc dictus Cappellanus conservet in usus ornamentorum & Altaris sui meliorationem.

Nullus autem ex prædictis Cappellanis intromittet se de prædictis redditibus colligendis; sed Abbas Loci S. Bernardi, sine judicio quemadmodum hoc duxerit deputandum, prædictos redditus universaliter colliget, & recipiet, & eosdem singulis annis prædictis Cappellanis in tribus terminis anni per tres partes distribuet; videlicet infra quindenam Nativitatis Domini primam partem, infra quindenam Paschæ secundam, & tertiam in Festo Nativitatis Beati Joannis Baptistæ.

Si verò apud Abbatem Loci S. Bernardi sine judicio inde oportuerit expensas facere, pro dictis redditibus conservandis & colligendis, has expensas modestè factas in communi Cappellanorum utilitate fieri necessarias, recipiet de prædictis redditibus in communi.

Cappellani autem qui prædicta beneficia deservient, quod Horis Canonicis tamquam Canonici interesse tenebuntur, & nisi residentes Machliniæ ista Beneficia personaliter deservierint, nihil omnino de redditibus ad ea assignatis percipient vel habebunt.

Capellanus verò B. Mariæ in novo opere, qui prædictis xii. connumeratus est, Missam quâlibet die tenebitur celebrare.

Ut autem hæc omnia & singula prædicta robur perpetuum habeant, & ut ab aliquo impostore irritari non valeant vel infringi, Ego Sigillo meo proprio unâ cum Sigillis Venerabilis Domini \* B. Episcopi quondam Lauanensis, & Abbatis Loci S. Bernardi Testamenti mei Executoris præsentem Paginam duxi roborandam.

Actum anno Domini M. cc. L.

\* Id est B.  
Bonifacii.

1250.

Universis Christi fidelibus, quibus præsens Scriptum videre contigerit, ARNOLDUS DE ZELLAER Scholasticus Machliniensis salutem in eo qui est salus omnium, & Salvator.

Ex MS.  
Archivis  
Capit.  
Mechliniens.

Præsentium Testimonio Litterarum notum facio tam præsentibus quàm futuris, quod Ego pro animæ meæ salute, sanus & mentis meæ compos, ad redditus duodecim Beneficiorum, quæ in Ecclesia B. Rumoldi Martyris in Machlinia institui, superaddo nunc & assigno quasdam meas possessiones & redditus subnotatos; videlicet duodecim sextarios filiginis ad mensuram Machliniensem, quos Præpositus, Priorissa & Conventus Vallis Liliorum persolvent in perpetuum apud Machliniam inter Festum B. Martini & Purificationem B. Mariæ annuatim, de Decima mea in *Hombeka*, quam prædictus Præpositus, Priorissa & Conventus cum censu & terra, quam in eadem Villa tenui, receperunt à me ad perpetuam firmam pro duodecim sextariis prænotatis.

Assigno etiam ad eadem beneficia omnia bona mea, quæ habeo in *Werda* & in *Hellewita* cum omnibus pertinentibus eorundem.

Item assigno ad prædicta decimam quam habeo in *Eppeghem*, quam teneo à Bordino de Cobbenbosch jure hereditario pro vi. denariis Lovanienfibus.

Insuper addo prædictis beneficiis bona quæ habeo in *Zempsa*, circiter septem bonaria tam terræ quàm prata, cum censu & pertinentiis eorundem, & circiter quinque bonaria terræ quam habeo in *Heffena* cum omnibus pertinentibus suis, & quartam garbam quam recipio ibidem in Agro qui dicitur *Broth*.

Assigno ad prædicta bona annum censum quem habeo in Parochia Villæ Machliniensis, circiter xi. libras, x. solidos Lovanienfes, cum triginta & octo capponibus recipiendos annuatim de hereditate subnotata: videlicet de hereditate quæ fuit Henrici de Buis viginti duos solidos Lovanienfes & quatuor cappones; Joannis Fabri triginta unum solidos & duos cappones; de hereditate Gutryna xx. solidos & duos cappones; Wilhelmi de Gavegha & Joannis de Humbeka xx. solidos; Item prædictus Wilhelmus solvit unum den. & Franco unum; item de hereditate Rudolphi Pelliparii xv. solidos Lovanienfes & duos cappones; Walteri de Lupna xii. solidos & duos cappones; Bartholomæi viii. solidos; de hereditate quæ fuit Gerardi Plupert xiv. solidos & quatuor cappones; Henrici Rostra ix. solidos & duos cappones; Henrici Fa-



bri xviii. solidos & duos cappones; item de hereditate Amegardæ xv. solidos; Idæ Wenciaræ xvii. solidos; Magistri Ballenni Belsvaert iv. solidos & duos cappones; Arnoldi de Lupna vi. solidos; Abbatis & Conventus Loci S. Bernardi x. solidos; Margarethæ Cockmæ x. solidos; item de hereditate Abbatissæ & Conventus Vallis Rosarum vi. solidos; & heredum Alardi Longi vii. solidos & obulum; item de hereditate Wilhelmi Lecpetoris xiv. solidos & duos cappones; Rumoldi de Hobriga xviii. solidos & iv. cappones; Joannis de Dieft iv. solidos & duos cappones; item de hereditate Arnoldi de Grimberge xxvii. solidos, tres obulos, duos cappones. Sed Capellani prædictorum bonorum dabunt annuatim de dictis xxv. solidis, duodecim solidos Lovanienses ad anniversarium Magistri Nicolai.

Assignationem prædicti censûs facio dictis Capellanis cum omni jure & quibuscumque pertinentiis ad eundem censum spectantibus.

\* Alias  
Diligem.

Item assigno ad prædicta Beneficia tres libras & iv. solidos Lovanienses, quos Viri Religiosi Abbas & Conventus de \* *Jeth* tenentur solvere annuatim apud Machliniam de bonis quæ tenent à me sub annua & perpetua pensione, sicut in Littera eorum super hoc confecta plenius continetur.

Assigno & ad eadem Beneficia quatuor modios frumenti, quos Prior & Monachi de *Wavria* tenentur solvere de bonis quæ compararunt cum pecunia mea, sicut in Littera eorum super hoc facta plenius attestatur.

Capellani qui prædicta xii. Beneficia deservient, prædicta bona & redditus memoratos post discessum meum integraliter percipient, & æquâ inter se dividant portione: tali interim adjecto onere, quod quicumque ex ipsis sive ex suis Successoribus Sacerdotes extiterint, tenebuntur post discessum meum in novo opere Missam in qualibet quindena ad minus unâ vice perpetuo celebrare.

Ab hac lege excipientur D. Adam de Eppegem, nunc Capellanus dicti novi operis, & sui Successores, qui sicut in alia Littera præordinatum à me, quotidie tenebuntur in loco prædicto Missam celebrare.

Excipiuntur & ab onere prædicto D. Walterus de Suys & sui Successores, pro eo quod officium Capellani in Domo debilium Beginasii Mechliniensis perpetuo gerere tenebuntur.

Prædicti verò Capellani, censum, quem eisdem assignavi in Parochia de Machlinia, videlicet circiter undecim libras x. solidos & viii. den. cum xxviii. capponibus firmatis, Magistro Michaëli, si post me vixerit, annis singulis temporibus vitæ suæ de voluntate & ordinatione mea eo tempore & in illa summa quibus ipsi recipient, dare tenebuntur; & ipse D. Michaël se nequaquam intromittet de dicto censu à debitoribus recipiendo seu colligendo; sed Capellani dictum censum recipient, & prout eundem recipient, de manibus suis eundem refundent. Proventus autem qui ex prædicto censu ratione domini provenient, sicut sunt emptiones, venditiones hereditatum, acquisitiones, & hujusmodi, spectabunt ad dictos Capellanos; quoniam dominium de censu prædicto & suis pertinentibus pertinebit ad eosdem; nec ipse D. Michaël quidquam de hujusmodi per se, seu per aliam personam, exigere poterit vel debebit; & postquam decesserit, Capellani hunc censum sicut præordinatum est, inter se dividant & habebunt.

Insuper assigno ad lumen Altaris prædicti novi operis xxx. solidos Lovanienses recipiendos annuatim de hereditate quæ fuit Magistri Henrici de . . . . . situm in de *Besferstraete*.

Provisionem dicti luminis faciet Capellanus prædicti novi operis quotidie, prout melius & decentius poterit, de dictis triginta solidis ad omnes Missas in dicto loco perpetuo celebrandas. Quod si negligenter fecerit, ad demonstrationem Decani & Capituli Machliniensis ad hoc debet induci, ut ministracionem ejusdem luminis fideliter compleat & diligenter.

Ut autem omnia & singula præmissa semper sint firma & ab aliquo infringi nequeant in futuro, Ego Sigillo meo proprio unâ cum Sigillo Capituli Machliniensis & Abbatis Loci Sancti Bernardi Testamenti mei Executoris præsentem Paginam duxi roborandam.

1255.

Actum anno Domini nostri M. cc. lv. mense Septembri.

Ex Archi-  
vis MS.  
Capit. Me-  
chliniens.

NICOLAUS Dei gratiâ Cameracensis Episcopus universis præsens Scriptum visuris salutem & cognoscere veritatem.

Noverint universi, quod ARNOLDUS DE ZELLAER Scholasticus, sicut Nobis exposuit



posuit idem Scholasticus, attendens quod nihil morte certius, nihil incertius horâ mortis, de possessionibus suis & redditibus ad eum titulo justæ acquisitionis pertinentibus, quædam bona ad laudem & gloriam beatæ & gloriosæ Virginis Mariæ in Ecclesia B. Rumoldi instituisse dicitur in hæc verba:

In nomine Sanctæ & Individuæ Trinitatis, Ego Arnoldus &c. *ut supra.*

Nos ergo ipsius Arnoldi Scholastici bonæ voluntati facilem adhibuimus consensum, & pietatis operibus congaudentes, piam dicti Scholastici institutionem & ordinationem Beneficiorum hujusmodi quantum in Nobis est laudamus & approbamus, & ut ipsa ab aliquo irritari non valeant vel refringi, Auctoritate ordinariâ confirmamus, & in hujus rei Testimonium & munimen perpetuum, Sigillum nostrum præsentibus duximus apponendum.

Datum anno Domini M. CC. LVIII, Sabbato ante Festum B. Barnabæ Apostoli. 1258.

## Additio ad Foundationem Capellanorum de Zellaer.

UNIVERSIS præsentibus litteras visuris *Arnoldus de Zellaer*, Canonicus & Scholasticus Mechliniensis, salutem in eo qui est salus omnium & Salvator. Usus litterarum inventus est ob memoriam hominum reformandam, ne ea quæ aguntur in tempore evanescant. Universitati vestræ significo quod ego sanus & incolumis, ac mentis meæ compos in remissionem meorum peccaminum solâ spe æternæ retributionis inductus, duodecim Capellanas seu beneficia ad laudem & honorem beatissimæ & gloriosissimæ Virginis *Mariæ* de possessionibus meis, & redditibus in Ecclesia Beati *Rumoldi* in Machliniâ institui, quæ certis personis contuli deservienda, quorum nomina duxi præsentibus exprimenda. Adæ de Epegheem, Waltero de Suys, Henrico de Ulmo, Arnoldo de Epegheem, David, Waltero de Neckerspoele, Abel, Ægidio de Hockensela, Goswino de Weterstraete, Johanni de Steenhuffele, & Joanni de centum Marcis Presbyteris, & Magistro Waltero de Atrio, cum onere tali, quod prædicti, & qui pro tempore instituentur ipsis cedentibus vel decedentibus hoc modo deservient, quod horis Canonicis tamquam Canonicis interesse tenebuntur, & nisi residentes *Residentia personalis.* Machliniæ ista beneficia personaliter deservierint, nihil omnino de redditibus ad ea assignatis percipient vel habebunt, nisi in Scholis Theologiæ studio insistant, & licentiam obtinuerint a Capitulo Mechliniensi, & si alia de causâ quam pro studio ipsos absentes esse contigerit, Vicarius in absentes beneficio instituetur, & fructus per annum integraliter deservienti conferatur. Quod Capellanus Beatæ *Mariæ* in novo opere qui cum prædictis XII. connumeratus est, missam qualibet die tenebitur celebrare. Volo etiam quod vitæ meæ temporibus prænominati Presbyteri quilibet eorum decem Lib. alborum Veterum percipiet a Viro religioso Domino Abbate loci Sancti Bernardi Cisterciensis Ordinis executore mei testamenti, post meum vero excessum Capellani seu Clerici qui prædicta duodecim beneficia, ut dictum est, deservient bona ad prædictas Capellanas a me assignata de redditibus, quæ propriis vocabulis duxi adnotanda de manu dicti Abbatis vel illius, seu illorum quos ad hoc duxerit deputandos, percipient inter se æqualiter dividenda, videlicet XXX. Lib. Lov. a Viris Venerabilibus Abbate & Conventu de Fliderbeka, de quibus mihi tenentur de bonis quæ tenent a me sub annua pensione & perpetua in villis videlicet *Horbeka, Grimda, Bethsa*, & de loco qui dicitur *Malayfa* prope Lovanium. Item XVI. Lib. Lov. quas Abbas & Conventus de Grimberge eodem modo tenentur solvere pro bonis, quæ tenent a me sub annua & perpetua pensione in villis videlicet *Beygheem, Hombeke, & Epegheem.* Item XVI. Lib. Lov. quas Abbatissa & Conventus Vallis Liliorum simili modo tenentur solvere prædicto Abbati, ut dictum est, pro bonis quæ tenent a me ad firmam perpetuam, in villis videlicet *Zaventhem, Meldebroeck, Hockensela & Bergba.* Item viginti & septem cum dimidia Lib. Lov. quas Abbas & Conventus loci Sancti Bernardi eodem modo tenentur solvere ad opus beneficiorum prædictorum, pro bonis quæ tenent a me sub annua & perpetua pensione, & prædicta omnia solvi debent Abbati vel suo nuntio ad opus beneficiorum prædictorum, sicuti in litteris prælibatorum supradictorum Abbatis & Abbatissæ super hoc confectis plenius continetur. Insuper & omnia bona quæ habeo in *Herria* cum omnibus pertinentiis suis ad opus prædictorum duode-



*Bona æ-  
qualiter  
dividen-  
da.*

cim capellaniarum similiter assigno. Item quod singuli de prædictis Capellanis seu Clericis æqualem inter se, post meum discessum, de dictis redditibus singulis & universis recipiant portionem, & hoc in tribus terminis anni, videlicet infra quindenam Nativitatis Domini primam partem, intra quindenam Paschæ secundam, & tertiam in festo Beati Johannis Baptistæ; sed Capellanus Beatæ Mariæ in novo opere amplius habebit aliis Capellanis de prædictis redditibus XXX. Sol. Lov. ad lampadem ante altare Beatæ Mariæ in novo opere, qui luminis beneficium jugiter tam die quam nocte præstabit ibidem, expensas autem hujus lampadis procurabit Capellanus dicti novi operis cum tantâ diligentia, ut lumine nunquam careat. Et si quidquid super eadem expensas esse contigerit, hoc dictus Capellanus convertet in usus ornamenti sui altaris meliorationem. Si vero prædictorum beneficiorum a me assignatorum aliquod me vivente vacare contigerit, ad me collatio de Vacantibus pertinebit, post meum vero excessum ad Capitulum Ecclesiæ Machliniensis collatio prædictorum devolvetur. Et ut prædicta robor obtineant & firmitatem, præsentis litteras Sigillo meo una cum sigillis Capituli Machliniensis, quod præsentibus suum adhibuit consensum, & Abbatis loci Sancti Bernardi Cisterciensis Ordinis, mei testamenti executoris, duxi roborandas. Actum & datum Anno Domini Millesimo Ducentesimo Sexagesimo, mense Junio in Nativitate Johannis Baptistæ.

## PRÆPOSITI D. RUMOLDI.

FRANCO filius Ducis Austriæ.	Anno 1131.
FILIUS Ducis Thuringiæ.	Anno 1204.
HENRICUS FRATER Comitis Viennæ.	Anno 1230.
BALDUINUS DE ROSUT.	Obiit 13. Septembris 1273.
ALEXANDER DE BRUYN SHOREN.	Obiit 5. Decembris 1300.
GHISELBERTUS DE BUMDE.	Obiit 4. Decembris vel 2. Octob. 1355.
MARTINUS BENTII.	Obiit 4. Februarii 1379.
SIGERUS DE NOVOLAPIDE.	Obiit 18. Decembris 1383.
JOANNES DE DUNGEN.	Obiit 1401.
ARNOLDUS DE RYCKEL.	Obiit 15. Junii 1413.
IACOBUS DE LOOVELDE.	Obiit 27. Novembris 1452.
BRUNO DE BOECHEM.	Obiit 15. Junii 1456.
WALTERUS DE CORSWAREN.	Obiit 28. Januarii 1478.
SIMON DE SLUSA Rotterdamen- sis, simul Præpositus Cathedralis Ultrajectensis, & Medicus Caroli Ducis Burgundiæ.	Obiit Mechliniæ 29. Sept. 1499.
CONRADUS DE SARTO. Confilia- rius Philippi Austrii Archid.	Obiit 5. Febr. 1501.
SIGISMUNDUS PHIFFI.	Obiit 1502.
LUDOVICUS DE VERE.	Obiit 3. Februarii 1506.
GUILLIELMUS DE CROY postula- tus, cui substitutus	
LAMBERTUS DE OPHEM.	
PHILIBERTUS DE NATURELLI. Cancellarius Aurei Velleris, item Præpositus Cathedralis Ultrajectensis. Obiit 22. Julii 1529. Sepultus in Abbatia Villariensi.	
GUILLIELMUS DE ENCKEVOIRT, S. R. E. Cardinalis.	Obiit 18. Julii 1534.
ANTONIUS PERENOTTUS, qui resignavit in manus Pauli III. Pont. Max. 1536. qui eam contulit	

CLAU.



CLAUDIO DE BOISET Archidiacono Atrebatensi & Consiliario Cæsareæ Majestatis. Obiit 19. Augusti 1546.

ANTONIUS PERENOTTUS Secundo, Episcopus Atrebatensis, dein Primus Archiepiscopus Mechliniensis, sub quo Præpositura annexa est Archiepiscopatu per bullam Pii IV. Pont. Max. Ao. 1560.

Anno 1643. sub illustrissimo D. JACOBO BOONEN Archiep. resuscitata & de novo erecta est Præpositura, per Unionem Capellæ S. Crucis sub Ambone, & assumptus in Præpositum.

JOANNES A WACHTENDONCK Mechliniensis J. U. L. qui factus Ao. 1654. Episc. Namurcensis, ei successit eodem anno

DISMAS ELLEWAUT Plebanus D. Rumoldi. cessit Anno 1658.

FRANCISCUS VANDE VENNE Mechliniensis J. U. L. Canonicus Graduat, Officialis, dein in magno Senatu Consiliarius. Obiit nocte Paschatis Anno 1689.

PHILIPPUS ERARDUS VANDER NOOT Bruxellensis J. U. L. Canonicus Graduat, Nobilis, Archipresbyter, Vicarius Generalis ad exercitus Regios, dein Sede vacante Vicarius generalis, demum Ao. 1694. Episcopus Gandavensis.

DISMAS CORTEN Mechliniensis J. U. L. qui primum Collegiatæ B. Mariæ Virg. tum Metropolitanæ Canonicus, dein Cantor, & Graduat ac Præpositus B. Mariæ, demum Præpositus Ecclesiæ Metropol. Obiit die 25. Februarii. Ao. 1695.

PHILIPPUS FRANCISCUS BAERT de Berentrode Mechliniensis J. U. L. Baro de Mares, Canonicus Graduat, Nobilis, dein Vicarius Generalis ad Cæsareos & Regios in Belgio exercitus, hodie hac dignitate fungitur.

## DECANI D. RUMOLDI.

RANALDUS. 1134.

ROBERTUS.

DE UCANTO.

BALDUINUS DE EECKHOVE, Ao. 1183. 1186. & 1187.

IOANNES CANIS.

NICOLAUS BASE.

HENRICUS HONCHORNE. Ao. 1314. 1344. & 1364.

LANCELOTTUS.

CORNELIUS MAGNUS. 1369.

RUMOLDUS VALLE. 1399. & 1408.

ANTONIUS SANCTUS. Obiit 1463.

HENRICUS DE GHESTELE S. T. Bacc. Form. Obiit 1476.

IOANNES BOËCHEM. Obiit 1477.

HENRICUS GHISELBERTI. Obiit 1501.

JOANNES ROBYNS. Obiit 1532.

PHILIPPUS NIGRI. Boloniensis in Morinis J. U. D. Cancellarius Aurei Velleris Archidiaconus Morinensis, Præpositus S. Salvatoris in Harlebeke, & S. Pharaildis Gandavi, Decanus ad S. Gudulam Bruxellis. &c. Denique Nominatus Primus Episcopus Antverpiensis. Obiit 1562. Resignavit Ao. 1546.



PHILIPPUS DE L'ESPINOY. Consiliarius Ecclesiasticus Magni Senatus Obiit Ao. 1557.

RUMOLDUS VERGEEST J. U. L. Obiit 1584.

JOANNES LE CLERCK. J. U. D. qui Canonicatum & Decanatum permutavit cum Præbenda Canonicali Ao. 1593. ejus locum implevit

FRANCISCUS VANDER BURCH. J. U. L. hinc Ao. 1613. Episcopus Gandavenfis. Denique Archiepiscopus Cameracensis. Obiit 1644.

JACOBUS BOONEN J. U. L. Ao. 1617. Creatus Episcopus Gandavenfis; dein Ao. 1621. Archiepiscopus Mechliniensis. Obiit Ao. 1655.

ANTONIUS DE MOL, ex Pastore S. Catharinæ Mechl. Ao. 1599. Canonicus dein Archipresbyter Civitatis, & Districtus Mechliniensis. Obiit 1635. die 28. Decembris.

JOANNES A WACHTENDONCK Mechliniensis J. U. L. Canonicus Graduat. Nobilis, dein Consiliarius Ecclesiasticus Magni Senatus, dein Ao. 1643. Præpositus; inde Ao. 1654. Episcopus Namurcensis. Denique Ao. 1668. Archiepiscopus Mechliniensis. Obiit eo de anno die 25. Junii.

JOANNES LE ROY Nivellensis J. U. L. primo Canonicus, dein Consiliarius Ecclesiasticus in Supremo Senatu, inde Concilii Sanctioris, ac Vicarius Generalis Sede vacante Ao. 1655. Obiit 1656. Mense Aprili.

MICHAEL VANDEN PERRE, J. U. L. Obiit 1686. die 28. Septembris.

JOANNES DE CUYPERE, Bruxellensis S. T. L. Canonicus Graduat. Obiit 7. Decembris 1703.

CAROLUS LEODEGARIUS DE DECKERE Montensis S. T. L. Obiit die 14. Octobris 1723. in cujus locum electus est die 29. ejusdem mensis

HIERONYMUS STEVAERT Bruxellensis S. T. L. Canonicus Graduat.

## ARCHIDIACONI METROPOLITANÆ MECHLINIENSIS.

I. MAXIMILIANUS MORILLON. Lovaniensis J. U. L. primo Canonicus & Scholasticus Atrebatensis, Præpositus Arienfis Ao. 1559. Canonicus, item Ecclesiæ S. Gudulæ Bruxellis, Illustrissimi Antonii Perenotti Granvellani S. R. E. Card. Vicarius Generalis, tandem Ao. 1583. Episcopus Tornacensis. Mortuus ibidem Ao. 1586. die 27. Martii.

II. MATTHIAS HOVIUS. Mechliniensis S. T. L. primo Pastor ad S. Petrum in patriâ Urbe. Dein Canonicus & Archidiaconus, ac defuncto J. Hauchino Archiep. Vicarius Generalis Sede vacante. Denique Ao. 1596. Archiepiscopus Mechliniensis. Mortuus Affligemii Ao. 1620. die 30. Maji.

III. LAURENTIUS NAGELMAEKER Bergheycanus ex Campinâ Brabanticâ S. T. L. primus in Scholis Artium Ao. 1563. Dein Philosophiæ Professor in Porco, ac postea S. T. Professor in Abbatiâ Trudonensi Ord. S. Bened. Exinde Canonicus Graduat. Mechl. & Archidiaconus. Obiit 19. Junii Ao. 1602.

IV. PETRUS VANDEN WIELE S. T. L. primo Philosophiæ Professor in Falcone, dein Canonicus Graduat. exinde per XLI. Archidiaconus. Mortuus die 17. Januarii 1643.

V. HENRICUS CALENUS. Beringus Dicecef. Leodiensis, S. T. L. primo Pastor in Ascâ; dein Alofti, exinde S. Catharinæ Bruxellis ex Archipres-



presbyter districtus Bruxellensis, ac inde Metropolitanæ Mechl. Canonicus Graduatús & Archidiaconus, denique nominatus ad Cathedram Ruremondensem, cui dignitati renunciavit, motuus Bruxellis die 1. Februarii Ao. 1653.

VI. AMATUS CORIACHE J. U. L. Canonicus Graduatús, Officialis, & Archidiaconus ab Ao. 1653. & iteratè Sede vacante Vicarius Generalis. Obiit Ao. 1682. die 6. Octobris.

VII. JOANNES FRANCISCUS VANDEN DRIESCHE. J. U. L. primo Decanus S. Martini Alofti usque ad Annum 1658. quo Electus Canonicus Graduatús Metrop. Mechl. dein Archipresbyter, Officialis, exinde Ao. 1682. Archidiaconus. Subitâ morte extinctus Bruxellis Ao. 1685. die 22. Januarii.

VIII. FRANCISCUS VANDER VLIET Mechliniensis S. T. L. primus in Scholis Artium Lovanii Ao. 1663. dein pastorale munus gessit in Vlierzeele, hinc in Hever, dein Canonicus Graduatús & S. Theolg. Professor in Seminario Archiepiscopali, exinde Archidiaconus. Obiit Anno 1686. die 7. Julii.

IX. JOANNES LACMAN Tornacensis. S. T. D. in Universitate Lovanienfi, secundus in Scholis Artium, inde Philosophiæ Professor in Pædagogio Falconis, ex Præsede Collegii Atrebatensis Lovanii constitutus Præses Seminarii Archiepisc. Mechl. & Canonicus Graduatús, denique Archidiaconus. Mortuus Ao. 1703.

X. LUDOVICUS DE SCHORE. Lovanienfi J. U. L. è Canonico D. Petri Lovanii, Canonicus Nobilis Graduatús Metrop. Mechl. Ao. 1705. creatus Archidiaconus, hodie hac dignitate fungitur.

Ex hoc Canonicorum Collegio ad Episcopalem dignitatem pervenerunt, vel nominati sunt sequentes.

GUILIELMUS AB ENCKEVOIRT, erat anno 1516. Canonicus & Præpositus hujus Capituli, item Canonicus Cathedralis Leodienfi, & Archidiaconus majoris Capiniæ &c. dein Ao. 1522. Episcopus Dertrufanus in Hispaniâ & S. R. E. Cardinalis, denique Ao. 1534. Episcopus Trajectensis, quo anno Romæ mortuus est.

MAXIMILIANUS A BERGIS Ao. 1540. Decanus Liranus, ad Cameracensem.

PHILIPPUS NIGRI Canonicus & Decanus, nominatus ad Antverpiensem Ao. 1559.

MAXIMILIANUS MORILLON Archidiaconus ad Tornacensem Ao. 1583.

MATTHIAS HOVIUS Archidiaconus ad Mechliniensem Ao. 1596.

HENRICUS FRANCISCUS VANDER BURCHIUS Decanus ad Gandavensem Ao. 1613. dein ad Cameracensem Ao. 1615.

JACOBUS BOONEN Decanus, ad Gandavensem Ao. 1617. dein ad Mechliniensem Ao. 1621.

HENRICUS CALENUS Archidiaconus, nominatus ad Ruremondensem Ao. 1644.

JOANNES A WACHTENDONCK Decanus, dein Præpositus ad Namurcensem Ao. 1654. exinde ad Mechliniensem Ao. 1668.

PHILIPPUS ERARDUS VANDER NOOT, Præpositus, ad Gandavensem Ao. 1694.

HENRICUS JOSEPHUS VAN SUSTEREN Scholasticus, ad Brugenfem Ao. 1716.



JOANNES BAPTISTA DE SMET Poenitentiarius, ad Ipremsen  
Ao. 1721.

Basilica *D. Rumoldo* sacra crescente numero incolarum capta est exeunte sæculo XII; totaque hæc illustris structura demum consummata est sub finem sæculi XV. Et ex oblationibus & munificentia maximè peregrinorum *D. Rumoldi* sacrum corpus visitantium, in hanc magnam excrevit Ecclesiam.

Altare de *Mechlinia*, five hujus Parochialis Ecclesiæ, Canonicis *D. Rumoldi* concessum est a Capitulo *B. Mariæ* Cameracensi anno 1134. quod anno sequenti confirmat *Lietardus* Episcopus Camerac. utrumque Diploma refertur in Supplem. Diplom. A. Miræi parte II. cap. 49. ut sequitur.

Fragmen-  
tum ex  
Actis S.  
*Rumoldi*.

ERLEBOLDUS Præpositus, Gerardus Decanus, & quando cum eis est, S. Mariæ Cameracense Capitulum, Venerabili Fratri suo Ranaldo, Machliniensis Ecclesiæ Decano & Fratribus suis canonicè substitutis & substituendis in perpetuum. Altare de Machlinia cum appendiciis suis, exceptâ dote & capitalibus, Vobis censualiter concedimus; eo quidem tenore, ut in Festivitate Sancti Lucæ duæ marcæ, & in Palmis duæ marcæ Colonienfis ponderis, & argenti Cameracensis, Cameraci Ministris nostris, sub testimonio à Fratribus vestris, singulis annis persolvantur, quo si dotem & familiam Altaris jure nostro conquiesierimus, ea vobis censu convenienti assignabimus.

1134. Actum Cameraci anno MCXXXIV.

Lietardus Cameracensis Episcopus &c.

Petitioni dilecti & Fidelis amici nostri Raduardi, Machliniensis Ecclesiæ Canonici atque Curiae Imperialis Cappellani, nec non Cameracensis Ecclesiæ Fratrum; Altare prædictæ Machliniensis Ecclesiæ, à Fratribus Cameracensibus Sanctæ Mariæ, qui collatione liberalitatis illud possident, præfata Machliniensis Ecclesiæ Fratribus, in censum quatuor marcarum quotannis persolvendarum, jure perpetuo concessum, nostrâ Auctoritate confirmamus, & irrefragabiliter, sæpius memoratæ Machliniensis Ecclesiæ Fratribus possidendum corroboramus. Nos verò sæpè dictam Machliniensem Ecclesiam, pro amore & veneratione amplectentes, eandem ligandi solvendique potestatem, quâ nunc nostra Cameracensis Ecclesia in malefactores \* se suos, ipsi concedimus.

\* An non  
suos uti-  
tur?

Ut autem hujus Traditionis concessio semper inconvulsa atque inviolata permaneat, per præsentem Paginam, appositâ Sigilli nostri impressione confirmamus, datâ observatoribus pace, & prævaricatoribus maledictione.

1135. Actum anno MCXXXV.

Chorus seu novum opus extructus fuit post navem hujus Ecclesiæ, & constat ex fundatione *D. Arnoldi de Zellaer* (de quâ mox egimus) stetisse Ao. 1250. imo apparet perfectum fuisse sub initium sæculi XIII. deinde patet ex Monumento sepulchrali *Walteri de Berthout* istius nominis III. Advocati de Mechliniâ sepulti in ambitu hujus Chori a parte Septentrionali è regione Sacelli *S. Auberti*, qui Obiit Ao. 1219. In eodem Monumento dein conditi fuere *Walterus V.* qui Obiit 1286. item *Joannes de Berthout* Ao. 1304. & *Ægidius de Berthout* Ao. 1310. omnes Advocati de Mechlinia. Hoc Monumentum in turbis Belgicis undatum est suis Cimeliis & suscriptionibus; nihilque de eo hodie exstat nisi tumba elevata & lapis sepulchralis.

Verum cum structura Chori sit longè elegantior structurâ navis, hæcque etiam præferat vetustatem longe majorem, merito initia hujus Basilicæ referuntur ad annum supra memoratum ante finem sæculi XII.

Fornices hujus Basilicæ perfici capere Ao. M. CCCCLI, ut patet ex inscriptione Absidis Chori litteris teutonicis in eâ exstantibus.



**In 't Jaer M. CCCC. Opfticheen was d'Jaer van Jubileen  
Hier gemeen / doen wert gefloten desen Steen.**

Turris hujus Basilicæ incepta legitur Ao. M. CCCC. LIII. quæ omnia subsidio oblationum, & donariorum, quæ occasione jubilæi a *Nicolao V. Calixto III.* M. CCCCLVI. concessi, & a *Pio. II.* M. CCC. LIX. undique huc confluentes suppeditabant. Majoris navis fornicem clausum testatur inscriptio anno 1487. metrum Belgicum (quod ait opusistud eo anno publicè esse conclusum) accipe.

**Dit Werck wort gefloten in 't Jaer/  
M. CCCC. LXXXVII. openbaer.**

Turris vero elegantissima concameratio completa seu clausa indicatur alio versiculo :

**Gefloten was ick tot elcx aensien /  
Doen men schreef M. DXIII.**

Anno M. CCCXCXI. die XXIV. Maji in Choro hujus Basilicæ *Philippus Austrius* Belgarum Princeps Comitia Equitum Velleris Aurei magnâ pompâ celebravit, in quibus illustri huic Ordini adscripti fuere Equites frequentes. Horum nomina & titulos idiomate Gallico, quemadmodum in Archivis inscripta leguntur subjicio.

*Frederic d'Austrice, Empereur Romains tousjours Auguste III. du nom Roy d'Hongrie.*

*Henry VII. Roy d'Angleterre, Sr. d'Irlande.*

*Albert Duc de Saxe.*

*Henry de Wittem Sr. de Beersel.*

*Pierre de Lannoy Sr. de Fresnoy.*

*Everard Comte de Wittenbergh.*

*Claude de Nieuschatel Sr. du Fay.*

*Jean Comte d'Egmont Sr. de Bar.*

*Christophe Marquis de Baden.*

*Jean de Cruningen Sr. de Pamele.*

*Charles de Croy Prince de Chimay, Viscomte de Limoges.*

*Guillaume de Croy Sr. de Chievre.*

*Hugues de Melun Sr. de Hendine Vicomte de Gand.*

*Jacques de Luxembourg Sr. de Fiennes.*



Vifuntur ad utrumque latus Chori super Canonicorum fedilia Equitum Ordinis gentilitia infignia, atque nomina, qui hifce Comitiiis interfuerunt: hæc eo ordine & idiomate quo fcripta funt exprimenda duximus, inter quos duo expuncti funt, & eorum fententiæ infertæ, ut fequitur.

Ad latus Meridionale Chori.

*Maximilien d'Auftrice Empereur.*

*Philippe d'Auftrice Comte de Charlois.*

*Jehan Roy d'Arragon & de Navarre.*

*Don Ferrande Roy de Naples &c.*

*Jehan de Melun Sr. d'Antoing.*

*Lovies de Bruges Sr. de Grutufe.*

*Philippe de Savoye Comte de Baugay & de Breffée.*

*Philippe de Croy Comte de Chimay.*

*Pierre de Luxembourg Comte de St. Pol.*

*Pour ce que Mess. Jacques de Savoye Comte de Ramont adjourné par lettres de tres-haut Excellent & tres-puiffant Maximilien par la grace & clemence de Dieu Roy de Romains, tousjours Augufte . . . . . Monfr. Philippe par la même grace Archiduc d'Auftrice Duc de Bourgoigne, de Lothier, de Brabant &c. Chief & Souverain du dit Ordre, il s'est armé & de fon aucthorité privé, porte . . . . . contra le Roy & mon dits fils, leur a fait guerre, & commis plusieurs autres cas delits reprouchables . . . . . dignes de chafiment . . . . . & a vengeance a Dieu. Fait a chapitre general du dict Ordre tenu a Malines les xxiiii. jour de May l'an M. CCCC, quatre vingts & unze.*

*Glaude de Toulonion Baron Bonlienfe.*

*Pierre de Henmin Sr. de Boffu.*

*Iean Baron de Ligne & de Baillicul trespaffé :*

*Baudewin de Lannoy Seigr. de Molenbais & Solre.*

*Guillaume de la Baume Seigr. d'Irlain.*

*Jehan de Berghes de Walbain.*

*Tres-puiffant Prince Monfgr. Philippe d'Auftrice Comte de Charlois.*

Ad



## Ad latus Septentrionale Chori 1491.

*Maximilien Archiduc d'Autriche Empereur.*

*Philippe d'Autriche Comte de Charlois.*

*Ferrande Roy de Castille, de Leon, & de Seville d'Aragon &c.*

*Edouart Roy d'Angleterre Sr. d'Irlande.*

*Jehan Duc d'Alençon II. du nom Comte de Perches trespasé.*

*Jehan Sr. de Lannoy.*

*Antoine Bastard de Bourgoigne.*

*Adolph de Cleves Sr. de Ravesteyn.*

*Engelbert Comte de Nassau & de Vianden Seigr. de Breda.*

*Guillaume Seigneur d'Egmon trespasé.*

*Fosse de Lalaing Seigr. de Montigni trespasé.*

*Philippe de Bourgoigne Seigr. de Bevre.*

*Jacques de Luxembourg Seigr. de Fiennes trespasé.*

*Bertremy Seigr. de Lichtenstein.*

*Martin Seigr. de Polheim.*

*Puisque vous Philippe Pot Seigr. de la Roche & de Nolay que . . . . . jea soit ce qu'il ait esté souffisamment signifiæ, que par sentence de cettui tres noble Ordre de la Thoison d'or en estes duement privé, & pour ce vous ait esté ja par deux fois expressement enjournet de renvoyer le Collier du dit Ordre, que soliez porter, o intimation que se ne le faisiez l'on procederoit contre vous selon les Statuts du dit Ordre, & outrement comme il appartient, & neanmoins en enfraingmen le serment que avez a l'Ordre, ne l'avez renvoié, comme vous deviez, ne sur ce baille excuse souffisante le Roy premier Chief, Monssr. son fils & souverain &c. Messeigneurs le Chevaliers du dit Ordre vous declarent avoir commis crime de perjurement. Fait a Chapitre general du dit Ordre tenu a Malines le xxiiii. jour de May. M. CCCC. quatre vingts & onze.*

Aram principem hujus Basilicæ sua munificentia construi curavit ex marmore Asiatico *Andreas Cruesen V.* Mechliniensium Archiepiscopus, cujus



hæc est graphica inscriptio, quæ in altaris fronte sub eleganti *D. Rumoldi* statuâ exprimitur.

SanCtVs RVMoLDVs.

Et ex adversâ parte

RVMoLDo CrVsenVs.

Inferius vero

S. Rumoldo Episcopo  
Mechliniensium Apostolo & Martyri,  
Hujus Urbis, & Ecclesiæ Patrono  
Et ejus sacro corpori, huc recondito  
Andreas Cruesen V. Archiep. Mechlin.  
Votivam hanc aram  
M. DC. LXV. Posuit & Dedicavit.

In hac Arâ argentea Theca S. Corporis *D. Rumoldi* reposita est, Ao. 1631. summâ arte & pretio elaborata, de qua plura infra in elogio Jacobi Boonen IV. Mechliniensium Archiepiscopo dicemus.

Illustre marmoreum Odæum hujus Ecclesiæ ad ingressum Chori, cum duabus infra marmoreis aris constructum est Ao. M. DC. LXXII.

Anno M. DC. XCIX. in Cruce transversâ extructa sunt duo splendida Altaria ex candido marmore, unum Virgini Deiparæ sacrum ad portam septentrionalem, alterum ad meridionalem *D. Annæ* sacrum.

Anno M. DCC. XIV. & XV. ad hanc Basilicam constructi sunt duo magnifici porticus ad partem Australem & Borealem, qui mirificè eam exornant.

*A. Miræus* de Collegiis Canonorum Cap. LXXIV. ex *J. Molano* ait:  
„ In Coemiterio hujus Ecclesiæ situm erat Oratorium sive Sacellum a *D. Rumoldo* constructum, in quo is frequenter meditari solebat. Quod cum  
„ in summâ apud plebem Mechliniensem veneratione esset, fidei hostes, qui  
„ sibi Geusiorum nomen sumpserunt, funditus cum multis aliis sacris locis e-  
„ verterunt. Post restauravit illud *Matthias Hovius III.* Archiepiscopus  
„ Mechliniensis.

Verum non verosimile nobis apparet illud a *D. Rumoldo* fuisse constructum, sed potius pluribus annis post ejus martyrium erectum in ejus memoriam, in, seu propè locum ejus Martyrii: etenim Ecclesiam quam hic Divus construxit cum Monasterio, eidem fuit annexa, sacellum autem longius a Monasterio abest; deinde Manuscripta Mechliniensium Chronica asserunt antiquam Canonorum Ecclesiam, quam ad novam Basilicam transeuntes transferentesque corpus *D. Rumoldi* deseruerunt, fuisse intra septa Monasterii, nunc F. F. Minorum, murumque meridionalem modernæ eorum Ecclesiæ fuisse illius antiquæ murum septentrionalem, quod ex crassitudine & vetusta-









*Antonius Perrenot S.R.E. Card.  
Granvellanus. Archiep. Mechl. ac  
Bisont. pro Rex Neap. et Sup. Ital. C.P.*



tustate omnino apparet, accedit quod antiqua Ecclesia habuerit Cryptam, quam Sacellum non habuit.

Hoc Sacellum nunc in paulo minorem, sed elegantiorē, & ferè in formam rotundam a *Matthia III.* Mechliniensium Archiepiscopo restitutum initio sæculi XVII, adcoemitarium angulum visitur, in eoque a vetustâ manu *D. Rumoldi* gesta & miracula artificio singulari tabellis XXIII. delineantur. Certè mirari licet in Sacelli prioris & majoris destructione anno 1580. Hæreticos Iconoclastas ab iis manus abstinuisse, nisi impiorum hominum eo tempore in sacra grassantium metu, tuto loco tempestive absconditæ sint. In hoc sacello est Capellania sub titulo *S. Rumoldi* optimè dotata annexa Vicepastoratu Ecclesiæ Metropolit. *S. Rumoldi*.

Cæterum prodiit anno 1718. Antverpiæ typis J. du Molin in fol. liber continens Acta *S. Rumoldi* Episc. & Mart. R. P. Joannis Baptistæ Sollerii Societatis Jesu. In quo plura solidè ad gesta *S. Rumoldi* & Antiquitatem Rerum Mechliniensium elucidantur, ad quem proinde (ne in his longiores simus) lectorem remittimus.

Hinc ad Elogia Archiepiscoporum hujus Metropolitanæ progredimur.

## ARCHIEPISCOPI MECHLINIENSES.

Primus hujus sedis Archiepiscopus fuit

I. ANTONIUS PERENOTTUS GRANVELLANUS Burgundus, Nicolai Perenotti Domini a Granvellâ, *Caroli V.* Cæsaris Cancellarii & ab intimis consiliis, & Nicolæ Bonavoltæ feminae filius, in Civitate Vesuntio, vel in pago Ornaus apud Lupam fluvium Diœcesis Bisuntinae anno ab orbe redempto 1517. XIII. seu ut alii volunt ipsis Kalendis Septembris natus est. Penes parentes educatus, infans virtutem cum lacte hausit; ita ut in tenero corpusculo certissima signa divinæ cujusdam indolis effulserint. Mox curriculum studiorum in omni disciplinarum genere per celeberrimas Christiani orbis Academias diligentissimè transegit.

Lovanii in Castrensi Pædagogio Philosophiæ operam dedit commilitonibus *C. Janzenio*, *A. Hunneo* & aliis; deinde Aulæ negotiis intentus, Canonicus primum Vesontinae deinde Archidiaconus ejusdem Ecclesiæ, tum Ao. 1539. Atrebatensis Episcopus electus, unâ cum Nicolao patre ad Concilium Tridentinum a *Paulo III.* indictum Cæsareæ Majestatis nomine se conferens, ibi ad Patres qui convenerant eâ de re Ao. 1543. VI. Idus Januarii orationem habuit eloquentem. Anno vero 1544. ad ejusdem Cæsaris consilia admissus, Orator de pace ad Franciscum Galliarum primum, deinde ad Henricum VIII. Anglorum Reges, deinde ad celeberrimum prope Caletum Conventum mittitur, & anno 1559. a *Philippo* Hispaniarum Rege Margaretæ Austriacæ Belgarum Gubernatrici, Octavii Parmæ ac Placentiæ Ducis uxori Consiliarius datus est, apud quam adeo potentiâ valuit, ut invidiam Nobilium, præsertim Principis Orangii, Comitis Egmondani, Hornani & plurimorum Procerum Belgii æmulationem sibi conciliaverit; sed ut erat animi imperterriti, facile omnes eorum minas contempsit: donec apud Gubernatricem & Nobiles Belgii odio laborans, sive hominis peritæsi, quasi moderatoris, è Belgio Ao. 1564. dein a Rege *Philippo* in Hispaniam evocatus sit.

Instituit Ao. 1559. per *Paulum IV.* tribus Archiepiscopatibus, & XIV. Episcopatibus novis in Belgio, Archiepiscopatu Mechliniensi, & totius Belgii Primatu donatur Ao. 1560. in quam Cathedram magnâ solemnitate

x. *Scus?*



Ao. 1561. 21. Decembris magnâ solemnitate introductus est. A *Pio IV.* Presbyteris Cardinalibus titulo S. Bartholomæi in Insulâ primo, mox S. Silverii absens adscribitur, huic jam Cardinali enuntiato idem *Pius* Apostolico diplomate societatem Jesu commendavit. A *Pio V.* ad titulum S. Priscæ, tum S. Anastasiæ, mox S. Petri ad Vincula translatus est.

In Belgio adhuc agens, quia variis Reipublicæ negotiis distentus, *Maximilianum Morillonium* Præpositum Ariensem pro Archiepiscopalibus suis muniis obeundis Vicarium suum Generalem constituit virum virtute insignem, atque eloquentiæ nervis instructum, quemque Ao. 1563. idem *Philippus* Rex Catholicus ad Tornacensem Cathedram evexit. Dum autem justâ ex causâ idem Cardinalis ab Ecclesiâ suâ Metropolitanâ abesset diutius quam putabat Reverendissimus *D. Martinus Rithovius* senior hujus Provinciæ Episcopus, auctoritate Concilii Tridentini primam Provinciam indixit XI. Junii, eamque XIV. Julii feliciter absolvit, cujus decreta & Canones XV. ejusdem mensis publicata sunt Ao. 1570. & anno sequenti prelo Plantiniano excusa. Anno deinde 1574. mense Majo Lovanii in Collegio Sabaudia secunda Synodus Provincialis ab iisdem Patribus celebrata est, cujus decreta nuper in lucem typis edita sunt in Thesauro novo Anecdotorum, Parisiis impresso, tomo IV. Ao. 1717.

A *Philippo* Rege jam in Hispaniam evocatus perpetuo eidem charus ac honoribus auctus est. Anno 1570. cum Cardinale Pacheco eligitur ut cum *Pio V.* Pont. Max. de foedere principum pro bello contra Turcas suscipiendo tractet, & sit Neopolitani Regni Prorex, qui civitatem illam ingressus XIII. Kalendas Maji Ao. 1571. ibidem XIX. Kalendas Septembris ejusdem anni in Ecclesiâ *S. Claræ.* utpote Legatus Apostolicus vexillum bellicum Sacratum *Joanni Austriaco* initi contra Turcas Foederis Imperatori tradidit.

In Hispaniam revocatus dum Ao. 1580. in Lusitaniam idem Rex Catholicus expeditionem suscepisset, eidem Hispaniæ Regni administrationem in suâ absentia commisit. Sub *Gregorii XIII.* Pontificatu relicto S. Eudoxiæ titulo, illum *S. Mariæ Trans-Tyberim* assumpsit, ex quo Ao. 1584. ad Episcopatum Sabinum translatus, Archiepiscopatu Bisuntino post obitum *Claudii de la Baume* donatus est.

Demum Mantuæ Carpetanorum in Hispania (Madrîtum hodie vocant) discessit è vitâ Ao. Salutis 1586. ipso *S. Mathæi* festo, quo die & *Carolus V.* Imperator olim vitæ laboribus perfunctus est. Corpus in *S. Philippi* templo apud Eremitas *S. Augustini* depositum, Bisuntinum postea translatum ibi, non Metropolitanâ, sed apud Carmelitas juxta patrem conditum est. In funere hujus Cardinalis laudes ejus prosecutus est Joannes Baptista Saccus, ejusque tumulo hanc posuit inscriptionem sepulchralem Joannes Metellus.

HOSPES.

AULICUS.

H. Quis cubat hic modica magnus tellure sepultus?

A. Grandia cui celsos vela dabant titulos.

H. Cur pelagus vitæ fulcant: Durate secundis,

Inquit? A. Ne quondam nomina parta cadant;

Clara illa Imperio Caroli, Regnoque Philippi,

Quorum consiliis præfuit arte potens.

H.









*Ioannes Hauchinus Dei et Apost.  
Sedis gratia Archiepiscopus  
Mechelinensis II.*



- H. Ergo manu clavum strinxit; navimque gubernans.  
 Duravit fatis? H. insuperabilibus.
- H. At ne diu? A. Decies septenos vixit in annos,  
 Sequanicique fuit gloria prima soli.
- H. Quo capitur portu? A. Cunctis qui meta laborum,  
 Seu pueri, juvenes, bis puerive senes.
- H. Suffice Rex talem; dubiis qui DURET in undis.  
 Quas fera, Rex, sacris gens ciet, atque sibi.

Forma corporis fuit heroicâ & procerâ, summâ morum facilitate, singularique liberalitate præditus. Valetudine fuit perquam secundâ ac robustâ, dicere solitus se nonquam podagræ doloribus, calculo, herniâ & id genus morborum quoad vixit fuisse obnoxium. Septem linguas, Gallicam scilicet, Latinam, Græcam, præter Italam, Hispanam, Belgicam & Germanam ita calluit, ut singulas nativas diceret. Memoriâ tantâ ut alter *Julius Cæsar*, quatuor aut quinque scribas de arduis Reipublicæ negotiis variis linguis dictando fatigaret. Ingenio fuit acri & perspicaci, & non nihil quidem ad iracundiam pronior, quodque ei unicum in vitium imputatum est. Erga litteratos & eruditos singulari dum vixit fuit munificentia, eosque muneribus prosequabatur, cujus rei etiam testis est Vefuntina Academia, ejus auspiciis erecta, & opibus ditata, quo & *Franciscum Richardotum* & *F. Balduinum*, aliosque viros doctissimos evocavit. Annum agens LXXII. in febrem quamdam assiduam & insidiosam incidit ex qua septimum post mensem totus contabuit & eum tumulo intulit.

*Philippus* Rex Catholicus postquam imminentis mortis ejus fama ad eum pervenit, cum litteris propriâ manu exaratis, est consolatus, quas moribundus senex exosculatus perlegit, & ipsis quam officiosissime respondit, fratrisque filios & domesticos suos Regi commendabat.

Ita omnibus gratus semper fuit ut ejus imago a sexcentis artificibus, penicillo, Scalpro, Gypso, materiave quaque fusili ad vivum fuerit expressa. Habuit hic Cardinalis cum hanc Archiepiscopalem sedem occuparet *Pipinum Rosam* S. T. D., Professione Dominicanum pro Episcopo Suffraganeo hujus Ecclesiæ, sub titulo Episcopi Salubriensis, qui vitâ functus Mechliniæ die 7. Augusti Ao. 1569. Dein *Gisbertum Vroedum* sive de Vroede Dunkercanum S. T. L. in Universitate Lovaniensi, sub eodem titulo Episcopi Salubriensis, qui vitâ excessit circa Annum 1582.

Symbolum huic Cardinali erat DURATE.

II. JOANNES HAUCHINUS S. T. L. natus Gerardimontibus in Flandriâ Imperiali Ao. 1527. parentibus probitate & verâ Religione laudatissimis. Primis litterarum Studiis absolutis, & Sacratioribus imbutus, Gradum Licentiæ (ut vocant) in nascente Duacensi Academia, affectus est, ac primo Orangiæ Principi a sacris fuit, Dein Canonicus S. Gudulæ Bruxellis, exinde Ao. 1570 ejusdem Ecclesiæ Decanus, nec non Illustrissimi Cardinalis Granvellani Officialis Bruxellis.

Anno 1581. die 7. Maji acriter cum Hæreticis de Sacramento Altaris coram disputavit, ipsosque egregie convicit, ac confutavit; quare exacerbatum



ipsum 1. Julii ejusdem anni in carcerem conjiciunt ac per trimestre in eo detinuerunt.

Magnâ fide & constantia sese in Catholicam Religionem Regiamque Majestatem habuit, Superiorum Iconoclastarum Vefaniâ. Vir erat, candidus, moderatus & rerum Dioeceseos exploratè gnarus.

Anno 1583. die 30. Octobris ex resignatione Illustrissimi Cardinalis Granvelli, cui ipsius animi dotes admodum perspectæ erant inauguratus est in Archiepiscopum Mechliniensem Tornaci a Joanne Morillonio Tornacensium Episcopo, Remigio Driutio Brugenfium, & Francisco Wallon capellio Namurcensium Episcopis.

Primis annis quibus huic Sedi præfuit, incredibiles calamitates hæc Dioecesis perpeffa est; omnia enim loca præter Lovanium ferè ab hostibus nostræ Religionis infesta & occupata erant; adeo ut multis annis Clerus exulaverit & variis in locis dispersus fuerit, quibus malignis temporibus Lovanii eo plerumque continuit in Abbatia *D. Gertrudis*, mensâ turbulentis illis temporibus cum Prælato contentus. Donec Ao. 1585. divinâ assistente gratiâ Mechlinia, Bruxella, & reliquæ hujus Dioecesis civitates ab illustri Duce Parmensi ad obedientiam Regis Catholici reductis, ubivis Clerus & Religiosæ familiæ ad sua regressæ sunt; quare Ecclesias tam in suâ quam Gandavensi & Antverpiensi Dioecesi ab impiis, sacrilegisque Hæreticis ubivis profanatas reconciliavit, afflictos Catholicos consolatus, cunctosque ab Hæreticis incautè deceptos, & ad fidem Romanam Catholicam revertentes, benignè amplexus est.

Sacramentum Miraculosum, quod summâ veneratione Bruxellis in primariâ urbis Basilicâ S. Gudulæ adservatur (tres scilicet hostiæ sanguine tinctæ) quas anno salutis 1370. impiè Judæorum manus tractarunt, quod propter fidei hostes sex annos in excavatâ trabe latebat Anno 1584. die 18. Julii urbe & Religioni & Regi restituta, solemni supplicatione indictâ, ex illis latebris extractis, in prædictam Basilicam assistentibus Grimbergenfi, Parchensi & Diligemenfi Abbatibus die 15. Julii 1585. in locum & dignitatem pristinam restituit, quæ quotannis solemniissimâ supplicatione medio mense Julii per urbis compita circumferuntur.

Anno 1580. dum Mechlinia ex improvise ab Hæreticis occupatur, & sacra omnia profanantur & diripiuntur, sacra *D. Rumoldi* ossa per Ecclesiam dispergunt & conculcant, quæ a piis aliquot & venerabilibus personis collectæ sunt, atque divinâ benignitate caput ex cranii cicatrice notum, conservatum est. Has Venerandas Reliquias urbe a fidei & Regi hostibus liberatâ, Archiepiscopus postquam super earum veritate debitam indagationem & informationem sumpsisset, easdem Reliquias de novo approbavit, & uti veras & genuinas *D. Rumoldi* Reliquias honorandas esse præcepit, atque Ao. 1586. ad Metropolitanam Ecclesiam solemni supplicatione transtulit die III. Novembris, cujus memoria in Metropolitanâ, hujus translationis annuè eo die celebratur.

De cætero hic Præsul sex annos continuos summâ vigilantîâ, prudentiâque singulari, Diocesim suam moderatus est. Pastorale suæ Dioeceseos magnâ curâ elaboratum, adhibitis etiam Doctoribus Lovaniensibus typis Plantinianis primus prelo edi curavit Anno 1588.

Demum è vivorum numero exemptus est, ut meliorem in regione vivorum Sedem occuparet, die 5. Januarii 1589. Humatus in suâ Metropolitanâ, hac in tumulo ejus inscriptione & versibus.



D. O. M.

Joanni Hauchino Archiepiscopo.  
Mechliniensi II.

Viro incomparabili,  
 qui non subnixus jam obsoletis  
 Majorum suorum imaginibus,  
 Sed propria virtute,  
 Per omnes Sacræ militiæ gradus  
 Ad Archiepiscopatus apicem,  
 Favente Numine evectus,  
 Ita se ubique gessit,  
 Ut Candore, Comitatus, Prudentia  
 Pietate, vivus exactum  
 Omnibus Exemplum,  
 Mortuus sui ingens desiderium  
 Reliquerit.

Vixit ann: LXII. in Archiepiscopatu VI. Obiit anno restauratæ Salutis  
 M. D. XXCIX. ipfis Non. Januarii.

## NEMO SACRUM TURBET CINEREM.

Qui sua sacra Deo, qui Principibus sua jura,  
 Qui voluit populo commoda salva sua:  
 Cui sua privatim ratio sic constitit, omnem  
 Ut fortunam æquo pectore sustulerit:  
 Qui resipiscentes adaperitis obviis ulnis  
 Excepit; cunctis mitis ubique Pater:  
 Et tamen in dignas generosus rexit iras  
 Sic quoties fieri nempe necesse foret;  
 Qui prudens, sapiens, Pius & Candore nivali,  
 Nullo virtutum non genere emicuit:  
 PræsVL Ioannes IaCet haC HaVChInVs In Vrnâ  
 Cætera sClre qVeVnt IpsI etIaM AntIpoDes.



Joannes Bernartius J. C. & Caufarum in Curiâ & Consistorio Mechlinienſi Patronus ſcripſit ejus vitam Oratione funebri habitâ in ejus exequiis, die 24. Januarii, in lucem edita Lovanii typis Joannis Maſii.

Item Lovanii in ejus ibidem exequiis, *Hauchini* laudes deprædicavit Exim. D. Jacobus Janſonius S. T. D.

Hic Præſul Symbolo utebatur *Præſis ut Proſis*.

In hujus demortui locum a Rege Catholico nominatus eſt Ao. 1590. *Guilielmus Alanus* Anglus Lancaſtrenſis S. T. D. in Univerſitate Oxoniienſi, quem ex Angliâ pulſum, *Sixtus V. Pont. Max.* Ao. 1587. in Urbem venientem in numerum S. R. E. Cardinalium cooptavit; cumque illius conſilia in pluribus magnæ molis rebus utiliter adhiberet, non eſt paſſus ut ocus in Belgium regrederetur, ad Cathedræ ſuæ poſſeſſionem incundam. Verum Deus ad meliorem ſortem eum interea evocavit, priuſquam illum Mechlinia diu deſideratum amplecti poſſet, Romæ mortuus ex retentione urinæ, die 26. Octobris Ao. 1594.

Dein ad hanc Cathedralam deſignatus eſt ab eodem Rege Catholico *Livinus Torrentius*, II. Antverpienſium Episcopuſ, verum priuſquam omnia ad poſſeſſionem obtinendam curata eſſent & expedita, moritur Anno 1595.

Anno ſequenti ad eandem Cathedralam ab eodem Rege Catholico deſignatus eſt.

III. MATTHIAS HOVIUS *ſive Vanden Hove* S. T. L. Natus Mechliniæ Ao. 1542. parentes ſortitus non tam opulentos, quam integri nominis & famæ. Prima ſtudiorum ætate præceptorem naſtus eſt *Martinum Duncanum*, tum Wormariæ (vicus eſt Hollandiæ, quâ ea ab aquarum inundantiâ appellationem nominis habet) vigilantiffimi paſtoris munus gerentem, ubi coævus omnes & diſcendi celeritate & ingenii facilitate antecelluit, a quo non minus Litteris quam Chriſtianis virtutibus excultus fuit.

Curſo Philoſophico Lovanii in Domus Standonicæ Scholâ peracto, ad ſtudioſum S. Theologiæ ab Exim. D. *Michaele Bayo* in Collegium *Adriani VI.* non tam aſſumptus, quam ob futurorum ſpem quam tacitâ morum gravitate præmittebat adoptatus eſt. In ſtudio Theologico eundem *Michaelem Bayum* inſcripturas, & *Joannem Heſſelium* ſententias *Petri Lombardi* prælegentes habuit. Sacri ſtudii curriculo ad metam perducto, præter illius temporis rigorem S. Theol. Facultas ulteriorem curſum præſcivit, & tempore ſtudii nondum expleto, gradum Licent. Theol. ipſi annuit. Quod cum ipſi ad non mediocrem eruditionis, ac exiſtimationis valeret documentum, ipſe tamen nihilo factus excelsior, Officiuſ Vicepaſtoris D. *Petri* Mechlinienſis non eſt aſpernatus, pauloque poſt ejuſdem Eccleſiæ Paſtore ad ſuperos evocato, Paſchus renuntiatur. Hic ut verius animarum Paſtor mirificè excelluit, verbo clarus, vigilantia inſomnis, integritate irreprehenſibilis, & ſedulitate exſtitit aſſiduus, nec fortitudo aut conſtantia deſuit. Anno ſiquidem 1572. inter adverſariorum ſputa & opprobria, Officiuſ Paſtorale palam ac ſtrenuè adminiſtravit, donec Præſidio Ducem Albanuſ à Montenſi victoria deſcendentem, fugiente, fortitudinis & conſtantiæ materia in aliam commutata eſt. Direpta enim ab Albano milite Mechliniâ, fuit ipſi cum inopia domi & foris colluctandum.

Nec iſtâ fortitudine ſatis, Mechlinia exinde Ao. 1580. per gubernatoreſ Bruxelleniſem Oliveriuſ Tempeliuſ ab Anglis occupata, & religione profligata, exulare cogitur, & ſe recipiens Leodium ibidem ſacræ Theologiæ, in Abbatia D. *Jacobi* Ord. S. Bened. profeſſione aliſque Eccleſiaſticis officiis





*Matthias Covius Dei et Apost. Sedis  
gratia, Archiepiscop. Mechlin. III.  
a Consilio Status Belg.*







ciis vitam toleravit, donec Ao. 1585. Mechliniam jam per Ducem Parmensem recuperatam rediit, dignitate Archidiaconali auctus. D. siquidem Maximilianus Morillonus, Cardinalis Granvelli Archiepiscopi tunc Mechliniensis Vicarius, dein Ao. 1583. Tornacensis Antistes Matthiam tametsi exulem in Archidiaconum Metropolitanum adoptaverat.

Anno 1589. defuncto *Joanne Hauchino* Mechliniensium Archiepiscopo a Capitulo Metropolitano Vicarius Generalis vacante Sede electus est. Eo autem septennio quo turbato Provinciæ Statu suffragia de successore sufficiendo differebantur, nihil detrimenti viduata Cathedra sustinuit, ut quam consilio, prudentiâ & auctoritate *Hovius* moderabatur.

Cæterum immutatâ non nihil regiminis Belgici facie, dum *Philippus II.* Rex Catholicus unicè in votis habet, orbitatem Mechliniensis Cathedræ idoneâ successione temperare, præsertim renitente *Guilielmo Alano* S. R. E. Cardinale, & inopinato funere extincto *Livino Torrentio*, II. Antverpiensium Episcopo (ut quibus ea gubernacula decreta fuerant) cecidit fors super *Matthiam* nominante eodem *Philippo* Rege, & confirmante *Clemente VIII. Pont. Max.* Ao. 1595. Ad cuius rei nuntium attonitus primum: mox ubi certiori rumore vulgatur, & Regiæ munificentiae testes litteræ fidem faciunt, inter alta suspiria memorandam hanc vocem emittebat: ergone perpetuis ærumnis hoc vitæ stadium erit transeundum, & non nisi cum tremore illud mihi erit emetiendum? Sciebat Episcopatum oneris nomen esse non honoris, quod beatæ etiam mentes formidant. Verum ut eâ dignitate nihil est excellentius, ita qui eam exciperet, excellentior *Hovio* inventus est nemo. Anno itaque 1596. die 18. Februarii solemniter in suâ Metropolitanâ inauguratur a Petro Simonis Episcopo Iprensi Provinciæ Mechliniensis Suffraganeo seniore, assistentibus Petro Damant Gandavensium, & Gisberto Masio Sylvæducensium Episcopis. Pallium Archiepiscopale ei paulo post imposuit in eadem Metropolitanâ præfatus Petrus Simonis.

In hac Cathedra constitutus mirabiliter excelluit; vigilantia & sedulitas quanta hæc in *Hovio* fuerit, testis est assidua Dioecesis, quæ admodum extensa est & plusquam quadringentis & XL. baptismalibus Ecclesiis abundat illustratio; quam dudum per evidentissima vitæ pericula, imo & infortunia perfecit, cui etiam functioni immortalis est, testis etiam laboriosa non minus quam fructuosa totius Dioecesis, quos hac ratione in sollicitudinis suæ partem adsciverat, partitio. Pastorum erat amantissimus, uti etiam adhuc magis Archipresbyterorum, quibus etiam singulis in absentia claves commiserat certorum cubiculorum ut ibi hospitalitatis tessera uterentur.

Seminarium Archiepiscopale Mechliniæ juxta Tridentinæ Reformationis decreta, gravi suomet ære e primis fundamentis erexit circa annum 1600. illudque plurium annorum largitione sustentavit, quod & moriens dimidiatâ bonorum suorum portione locupletavit, altera ad officii Ecclesiastici in Metropolitana decentiam destinata.

Collegia Canonicorum & Monasteria seu virorum seu mulierum sibi subditarum persæpè lustravit, in meliorem formam restituit, & Sanctissimis legibus communivit. Jam quantus eo præfule Mechliniæ præcipuè in suâ Metropolitanâ erat in Choro decor Psalmodiæ, quis ordo, reverentia rituum, quanta religionis majestas, & ornatus, res ipsa palam loquebatur; quam sacrâ supellectili abundè etiam in vivis ditabat, innumeras penè Ecclesias, aras, coemiteria dedicavit, benedixit, consecravat, ac iis etiam suam munificentiam impendit.

Serenissimis Belgarum Principibus *Alberto & Isabella* fuit gratissimus, quibus



Cap. 9.

bus ut a Consilio status ipsorum esset Ao. 1603. electus est, & quia sciebant eum industrium ingeniorum scrutatorem, non nisi illo conscio quemquam ad Ecclesiasticas dignitates evehebant. In vindicandis criminibus erat inexorabilis, cujus auctoritatem ipsi etiam Hæretici suspiciebant, timebant & revereabantur, ita ut in duodecennalibus induciis cum Hollandis, in ejus Dioecesi, Hæreticis undique cincta ac penè commixta, non dico nidulari, sed vel hæreses suas profiteri & palam facere non auderent. Mechlinienses pagos tam ex Hæreticorum quam ex bellorum & hostium incurfu silvescentes, ac pene depositos, adeo ut toto territorio non tam Christiani quam Judæi aut barbari, (utpote qui multis annis nec sacra nec sacerdotes viderant) habitare viderentur, ita reparavit & reformavit, ut tunc impletum videretur illud Isaïæ. Populus qui ambulabat in tenebris vidit lucem magnam, habitantibus in regione umbræ mortis lux orta est eis, & fere innumera millia ex iis sacro Chrismate delinivit.

Anno 1607. Mechliniæ Synodum Provincialem tertiam, die 26. Junii inchoavit, & 30. die mensis feliciter absolvit, in cujus auspiciis doctam & elegantem habuit orationem de causis Synodi & abusibus Cleri & Ecclesiæ tollendis, quam etiam *Paulus V. Pont. Max.* confirmavit dato Brevi Apostolico Kalendis Maji anno 1608. quam item Serenissimus Belgarum Princeps suo decreto roboravit & observari præcepit. Iterumque alteram Synodum Dioecesanam celebravit Ao. 1609. eâ profecto intentione ut acquireret sibi populum acceptabilem sectorem bonorum operum, ut *Paulus* Apostolum *Titum* admonuit.

Tandem senio & laboribus fractus migravit ex hoc corporis ergastulo die 30. Maji. 1620. Affligemii, quo ex annuâ visitatione suæ Dioeceseos æger diverterat. Pro funere eum laudavit Exim. D. Jacobus Janfonius S. T. D. in solemnibus ejus exequiis Mechliniæ, die 16. Junii ejusdem anni, & Affligemii Laurentius Begerbruch Archipresbyter Cathed. Antverpiensis, die 7. Julii ejus anni.

Corpus in Monumentum quod sibi vivus paraverat illatum est in suâ Metropolitana, cor vero cum intestinis Affligemium, & ibidem in Sacello S. Crucis (ubi modo Sacristia) est terræ mandatum. Monumentum marmoreum sepulchrale habet in Æde Metropolitana à dextris altaris, prout hîc æri incisum exhibemus.

Hujus Antistitis Symbolum erat VINCIT PATIENTIA FORTEM.

IV. JACOBUS BOONEN. J. U. L. Natus est Antverpiæ Ao. 1573. patre Cornelio, Senatus Brabantiae Consiliario, & Gertrude van Eetvelde Stemmatibus nobilitate claris. Adolescens ingenii docilitate, & solertiâ suis quibuscum agebat a primâ ætate præcellerat, dein sub disciplinâ patrui sui Engelberti Boonen, qui Trajecti ad Mosam ad *S. Servatium* Præpositum agebat tyrociniis ingenii sui feliciter jactis, ejusdem in se amorem mirum in modum adauxit. Patruus nepotem, ut Latinitati, idiomatis Gallici adjungeret peritiam, Mussipontum Lotharingiæ Academiam demandavit, absolutisque humanitatis studiis, Lovanium se contulit, ibique studiis Philosophicis in Pædagogio Porci ita nervosè incubuit, ut in celebri illo quatuor Pædagogorum concursu quintus fuerit renunciatus, & quidem cum sedecim esset annorum, inde Jurisprudentiæ limina ingressus, in hoc studio adeo excelluit & profecit, ut omnibus esset admirationi. Absoluto itaque utriusque Juris studio ad Licentiæ gradum magnâ cum laude promotus est. Exinde post diuturnam de statu vitæ deligendo deliberationem, ad Ecclesiastici Ordinis statum se de-













*Jacobus Boonen Dei et Apost. Sedes  
gratia Archiep. Mechlin. IV. Consil  
Belg. et Reg. Exercit Dei Ap.*







determinavit, atque exinde quidquid donorum a naturâ acceperat, quidquid eruditionis studio compararat ad Ecclesiam transtulit, ejusque obsequiis deinceps mancipatus vixit.

Dein a Graduatis Ecclesiæ Metropolitanæ Mechliniensis Canonicis ad præbendam vacantem ultro rogatus, & a Matthiâ Hovio Archiep. in Officiale Curie Ecclesiasticæ est electus, & mox a Patribus Synodi Provincialis Mechliniensis Ao. 1607. in Judicem Synodalem assumptus. Cognita autem ejus in agendo dexteritas, in judicando causisque definiendis circumspecta justitia, movit magnum Belgii Concilium, ut in Ecclesiasticum Senatus sui Judicem nominaret. Serenissimos autem Belgarum Principes ut nominato hanc Provinciam deferrent, quo in munere omnibus se amabilem, omnibus (non respiciendo faciem hominis) se justum exhibuit. Insuper Anno 1611. ad Ecclesiæ Mechliniensis Decanatum pro meritis suis omnium calculis est evectus; sed altiori loco super candelabrum ponendus ut luceret omnibus qui in domo sunt, nominatione Serenissimorum eorundem Principum *Alberti & Isabellæ*, auctoritate Sedis Apostolicæ Gandensi Ecclesiæ Antistes præficitur, & die 5. Februarii 1617. solemniter inauguratur.

In quo munere se liberalem imprimis in pauperes exhibuit, quorum erat amantissimus, in visitatione suæ Dioeceseos erat exactissimus, quam sæpius non sine magno fructu instituebat. Pro ovium suarum salute maximè erat sollicitus, atque aberrantes, & ob Hæreticos, Ecclesiæ suæ oves per se, & per sedulos ministros, & coadjutores ad Ecclesiæ gremium reducere ex animo satagebat.

Tam latè autem virtutis ejus splendor & morum probitas in eo emicuit, ut e vivis sublato Ao. 1620. *Matthiâ Hovio* Mechliniensium Archiepiscopo, iidem Serenissimi Belgarum Principes eum in Archiepiscopum hujus Sedis nominarent, auctoritate Sedis Apostolicæ confirmatus, in Vigiliâ Nativitatis Domini nostri Jesu Christi eodem anno Mechliniæ inauguratus est. In tanto honoris culmine constitutus, non elatus est, sed intra Christianæ humilitatis limites se verè continuit, rem familiarem quam nimis splendidam judicabat, ad summam modestiam reformavit, pretiumque inde conflatum Christi pauperibus donavit, vestium in eo submissa mediocritas; byssino aut serico indui nonquam voluit; aliosque etiam Antistites, ita indutos videbat invitus, in famulorum vestitu omnem excessum cavens, voluit ne eorum habitus splenderet; sed neque voluit ut forderet. Impudicitiam non minus in se quam in aliis averfabatur: hinc maximo conatu, impensis etiam Eleemosynis magnis in Principe Urbe Bruxella, sua auctoritate domum emi curavit, ubi filiae quæ impudicâ vitæ transactione se & sua consumpserant, tum suo labore, tum fidelium Eleemosynis ab occasionibus peccatorum remotè viverent, & in se reversæ prævaricatrices redirent ad cor; quin existimabat omnibus laboribus & sumptibus in impediendis peccatis carnalibus abundè satisfactum, si vel unum saltem mortale peccatum foret impeditum.

Disciplinam Ecclesiasticam juxta Trident. Concil. Canones, Pastoralis sollicitudine studuit promoveri, præscribendo regulas ad confessionis Sacramentum ritè obeundum, & verbum Dei cum fructu prædicandum, quæ adeo utiles, adeo tersæ, ut plures Comprovinciales Antistites, imo extra Provinciam, easdem de verbo ad verbum secuti, suis observanda mandarint. In ordinandis, approbandisque ad verbum Dei prædicandum, fideliumque confessiones excipiendas, justè severus fuit.

Anno 1653. Sedem Apostolicam, ut praxis aliquarum sententiarum, quæ



a gravibus sacrae Theologiae Doctoribus censurâ perstrictae erant, prohiberentur instanter sollicitavit & impetravit. Plurima decreta edidit praecipue in Congregatione Decanorum Clero & populo utilia. Anno 1645. Congregationem instituit Episcoporum suae Provinciae, in qua plures salutares constitutiones decretæ sunt. Ex hac Pastoralis sollicitudine Dioecesis Mechliniensis sive Metropolitica, sive Collegiata, sive Regularium, sive Sæcularium Ecclesias, aut exemplarem conversationem spectasses, tam præclara emicuit facies, ut nulli alteri Belgicae Dioecesi quidquam debeat.

Advocavit e Galliâ Franciscum Bourgoign Oratorii Domini Jesu dignissimum Generalem, cum aliis Congregationis Sacerdotibus, ut Clericorum moribus ad pietatem informandis vacarent, qui sub auctoritate hujus Archiepiscopi prima Lovanii Oratorii fundamenta posuerunt Ao. 1626. Mechliniam dein Ao. 1629. Bruxellas vero Ao. 1633. aliaque loca vicina in Belgio Congregatio Oratorii feliciter dein, cum magno animarum fructu disseminata est.

Anno 1622. *Joannis Ruybrochii* Theologiae Mysticae scriptoris Ao. 1381. defuncti, ossa in Viridis Vallis Cœnobio, secundo a Bruxella lapide die 8. Novembris, ut pio multorum fidelium desiderio fieret satis, magnâ populi affluentia, & sacro apparatu e terrâ levavit, quæ in Holofericâ Lipsano-theca fimbriis aureis contexta, dono Serenissimæ *Isabellæ Claræ Eugeniæ* recondita sunt in meditullio ferè Chori Ecclesiæ.

Anno 1631. sacra *D. Rumoldi* Mart. Reliquiarum ossa insigni novâ argenteâ & artificiosè elaboratâ thecâ solemni ritu reposuit, cui parem in his & vicinis locis nullibi videre est, quæ majoribus anni solemnitatibus cunctis conspicienda exponitur & bis annue in solemni supplicatione circumfertur; Antiqua etenim deaurata Lipsano-theca jussu Principis Orangiæ Ao. 1578. ablata & direpta erat, cujus pretium exceptis gemmis & unionibus fuisse constat florenorum sexcentorum supra centum & tria millia.

Anno 1631. dum Episcopali munere suæ Dioecesis, parrochias haud procul Trudonopoli lustraret, ab Abbate hujus loci Rev. Adm. *D. Huberto Germeys* aliquam Lipsanorum *D. Liberti* Mart. portionem, quibus Martyris solum & Metropolitanam suam ditaret, magno muneris loco expetiit, insignemque Capitis sive Cranii partem consecutus est, quæ Venerandæ Reliquiæ die ultimâ Augusti ejusdem anni hujus Antistitis auspiciis solemni admodum pompâ, & incredibili totius urbis lætitiâ allatæ, & in equestri uti pingitur umbilico tenus effigie auro, argentoque pretiosissimâ compositæ, in ædem Metropolitanam importatæ fuerunt; quæque Reliquiæ diebus solemnibus populi venerationi in arâ principè exponuntur.

Pro publicis Patriæ necessitatibus plura florenorum millia contribuit, omitto alias ingentes pecuniarum summas quibus bona etiam patrimonialia aliquando obstrinxit ut Patriæ subveniret. Ita Catholicæ Majestatis erat devotus obsequio, ut etiam opportunè Brabantia Ordines obsecrando, arguendo, exhausto Regis ærario, notabilia subsidia Regi obtineret pro avitâ Religione contra Hæreticos tuenda; ita ut merito a Majestate Catholicâ de ejusdem fidelitate, affectuque erga se & Belgium informata, ad Concilium Status ut vocant Ao. 1626. evectus sit, & primo post Serenissimæ *Isabellæ*, secundo post *Ferdinandi Card.* Hispaniarum infantis obitum, cum paucis aliis Belgii Proceribus Gubernationi Politicæ totius Belgii utiliter præfectus fuit, & Ao. 1633. Kalend. Novembris præfatæ *Isabellæ* constitutus testamenti executor cum Antonio Triestio Episcopo Gandavensi.

In Eleemofynis elargiendis pruriebant illi manus ad earum distributionem,









*Andreas Cruesen Dei et Apost.  
Sedis gratia Archiepiscop. Mechlin.  
V. a Cons. Status Belgici.*



nem, & ad bene de omnibus merendum sic erat promptus & alacris ut liberalitatis desiderium satiari non posset, Deoque gratias agebat, quod propensionem ab eodem, & facultates ad Eleemosynas faciendas accepisset. Singulis Sabbathinis pro communibus faciendis Eleemosynis centum florenos insequentem septimanam numerari sibi voluit, quos plerumque dispererat feriâ secundâ aut tertiâ, inhians ad alia eroganda, cumque aliqua ex patrimonialibus, quorum domestici non erant conscii, penes se haberet, mirè gaudebat sibi suppetere, quibus secreto Eleemosynas suas aliis insciis augeter. Vestes suas manu propriâ ne aliis innotescerent colligatas sæpius tradidit pauperibus. Etiam ex annulo Episcopali gemmam, adulterinâ in locum ejus substitutâ, cum deessent pecuniæ, vendi curavit, & pretium in usum pauperum convertit.

Proscriptis Episcopis, Sacerdotibus, aliisque Hibernis Catholicis liberaliter assistit; civibus & mercatoribus, quibus ne subhastatione mobilium redderentur infames, nunc mille ducentorum, nunc mille, nunc sexcentorum, nunc plurium, nunc pauciorum florenorum elargitione opitulatus est; ita ut ultra illa, quæ Patriæ, quæ Congregationi Oratorii, Monasteriis invitâ suâ impendit; conscii illarum æstiment septingenta millia excedere. Moriens nihil consanguineis, præter bona patrimonialia reliquit, quidquid aliundè affluxerat, in pias causas erogari voluit. Instructissimam Bibliothecam Archiepiscopatu legavit, cætera pauperibus & hospitalibus indigentibus distribui mandavit.

Tandem longitudine dierum repletus & meritis plenus, ætatis Octogesimo secundo Anno 1655. die 30. Junii. pridie festo *S. Rumoldi* Bruxellis morte, quam biennio antè fuerat singulariter meditatus, subitâ quidem, sed placidâ ad premia cælestia evocatus est, tumulo illatus in suâ Metropolitanâ sive sepulchrali memoriâ tam illustri Prælato tamen meritâ & digna.

Pro funere laudavit in solemnibus ejus exequiis die 3. Augusti Godefridus Wreys S. T. L. Canon. & Pænitentarius ejusdem Ecclesiæ.

Symbolum illi erat VINCE IN BONO.

**V. ANDREAS CRUESEN** Natus Mosæ Trajecto, genere Consulari, puer penè Patria abiit, & Romam profectus est, ac ibidem in Collegio Germanorum eruditionem sacram & profanam accepit, studiisque Theologicis ibidem peractis in Germaniam ab Eminentissimo Cardinale *Klesfelio* Româ in Austriam evocatus, ibidem Doctorali Laureâ Viennæ ornatus est. Hinc ab Excellentissimo Comite Ognatensi ad Cæsarem Legato Regis Catholici, in exercitus Regii per Germaniam Vicarium Generalem assumptus est.

A *Ferdinando II.* Imperatore Canonicatu Cameracensi auctus, & Belgio redditus, brevi tanta præluxit pietate & eruditione, ut per omnium ferè ordinum dignitates, perspectis & probatis animi ejus virtutibus ascendendo, a Francisco Henrico vander Burchio Archiepiscopo suo muneribus variis, primo Ao. 1630. Scholastico, Archidiaconatu Brabantiae 1641, ac deinde toti Dioecesi Vicarius datus est. A Synodo Provinciali ad Sedem Apostolicam Ao. 1631. missus est pro ejus confirmatione, atque dein per annos plus XX. suam in omnibus eruditionem, obsequium, Fidem Archiepiscopo suo probavit.

Tandem ob præclara virtutis merita ad Ruremondensis Ecclesiæ gubernacula, jam per annos XI. Vacantia a Serenissimo Archiduce *Leopoldo* Belgarum ac Burgundionum Præfecto nominatus est, a Sanctâ Sede confirmatus,



Consecrationis munus accepit Brugis in Cathedrali cum Carolo vanden Bosch Brugenſium Epifcopo, ipſius quondam per novem annos Collegâ, Romæ in Collegio Germanorum die XXII. Julii *S. Mariæ Magdalænæ* ſacro Ao. 1651. ab Antonio Trieſtio Gandavenſi, aſſiſtentibus Gaſpare Nemio Antverpienſi, & nominato Cameracenſi Archiepiſcopo, & Jacobo de la Torre Archiepiſcopo Epheliſino, Præpoſito Harlebacenſi, & Vicario Apoſtolico Fœderatî Belgii.

Poſtquam Eccleſiam Ruremondanam magnâ benignitate, ſedulitate, ac prudentia annis VI. gubernaffet, ad Cathedralam Metropolitanam Mechlinienſem a *Philippo IV.* Rege Catholico Ao. 1657. evocatur, in quam die 26. Julii ejuſdem anni, eo Cleri ac populi applauſu introductus eſt, quo ante cum nemo.

Mox ab eodem Rege Catholico in ſuum *Status* (quem vocant) ſenatum coaptatus eſt, cumque Illuſtres Brabantia Ordines, inter viros tot eximios ac magnificos, pro capite ſuo venerati ſunt.

Magnanimitas, & patientia in eo eluxit maxima, præſertim in exagitationibus nephriticis calculi perferendis; ita ut anno ante ſectionem ultimo computatis diebus omnibus, vix habuerit octo, quibus non fuerit crudeliſſimè excruciatuſ: cumque calculi magis ac magis ipſum affligerent, & vires animo ejus impares eſſent ad obeundas functiones Episcopales Anno 1660. quî erat Sexageſimus nonus ætatis ſuæ, ex præſcripto & conſilio Medicorum, ſectioni, & non vano mortis periculo ſe ſubmiſit, atque in iis totum ſeſe Divinæ diſpoſitioni commiſit. Die 10. Maji factâ jam ſectione extractis duobus calculis, impedito operatore inquirendo & extrahendo tertio; dum illos utraque manu teneret & capiti imponeret, hæc ſacri textus verba iterum, iterumque ingeminavit: *Poſuiſti Domine in Capite meo coronam de lapide pretioſo*, tamque fortiter omnes dolores & cruciatuſ perpeſſuſ eſt, ut poſt extractoſ tres calculoſ, ne quidem venæ ipſius pulſuſ aliquam alterationem indicare compertuſ ſit; ſed coronam hanc quam de lapide pretioſo Deus capiti ejus impoſuerat non minuit; ſed novis additiſ in gloriam ejus auxit, quando uſque ad æternitatis introituſ acerbiffimam vitam patientiſſimè toleravit; fractuſ itaque labôribuſ & vehementibuſ cruciatibuſ, a ſummo Paſtore ex hac mortali vitâ evocatuſ eſt Bruxellis die 8. Novembris Ao. 1666. ætatiſ ſuæ LXXV. ejus corpus in Metropolitanâ terræ mandatuſ eſt, in caveâ ſubterraneâ ſub arâ principe, quam ſibi & Succeſſoribuſ ſuiſ exſtrui curaverat.

Liberalitatem ſuam ut vivuſ ita morienuſ oſtendit. Ultimeſ Teſtamenti tabuliſ Eccleſiaſticiſ & pauperes Mechlinienſeſ, atque pauperem militiam bonorum ſuorum ſcripſit hæredem.

In Metropolitanâ ſuâ principem aram D. O. M. ejuſque Eccleſiæ patrôno *D. Rumoldo* Mart. ex marmore Aſiatico proprio ære conſtrui curavit, munificentîâ maximâ, & tanta mole quanto ſplendore, aureiſ hiſ graphicis litteriſ conſpicuam *SANCTVS RVMOLDVS*, & ex adverſâ parte *RVMOLDO CRVSENVS*. Non minus etiam beneficuſ fuit *Societati Jeſu* Mechliniæ, cui magnificuſ (& qualem vix in Belgio videas) exſtruxit Collegiuſ, hac graphicâ inſcriptione ſuperimpoſitâ. *ANDREÆ PRÆSVLIS MVNIFICENTIA*. Bruxellæ eidem ſocietati ſuo ære conſtrui fecit ſplendidam & illuſtrem Sacriſtiam *S. Franciſco Xaverio* Sacram.

Anno 1660. in Choro ſuæ Metropolitanæ ad dextrum latuſ altariſ ſibi vivuſ magnificuſ marmoreuſ exſtruxit Mauſolæuſ; uti hic æri incifuſ repræſentatur.


















ΙΟΖΑΚΑΘ  
ΑΡΧΕΡΕΥΝ

*Joannes a Wachtendonck. Dei et  
Apostol. Sedes gratia Archiepiscopus  
VI. Mechliniae.*



In solemnibus ejus exequiis, eum oratione lugubri laudavit Franciscus Vanden Venne Præpositus & Canonicus Metropoliticus die XVII. Novembris ejusdem anni.

Symbolum illi erat VICTRIX FORTUNÆ SAPIENTIA.

VI. JOANNES A WACHTENDONCK J.U.L. Nobili stirpe ac familiâ Mechliniæ Ao. 1592. progenitus, Patrem nactus Joannem a Wachtendonck Prætorem vulgo Scultetum, dein pluries ejusdem Urbis Consulem, Matrem vero Catharinam vander Hoeve pari nobilitate conspicuam. Litteris humanioribus in Patriâ imbutus, Philosophicis vero ac Jurisprudentiæ Lovanii excultus fuit, ejusque Lauream Licentiæ cum laude ibidem adeptus fuit, indeque primo ad *S. Rumoldum* in Patria inter nobiles Graduatos adlectus est, post Decani ejusdem Ecclesiæ, dein Præpositi, ac Vicarii Generalis munere perfunctus est, summique Senatus Belgici apud Mechlinienses Consiliarius Ecclesiasticus, ubique Zelum pium pro Ecclesiâ & publico bono probavit. Anno 1621. die 6. Octobris in solemnibus exequiis oratione lugubri profecutus est laudes Serenissimi Belgarum Principis *Alberti*, & Ao. 1634. *Isabellæ Claræ Eugeniæ* Hisp. Infantis, Anno vero 1646. insignem habuit ad Clerum & Populum Orationem in Ecclesiâ Collegiatâ noviter erecta *B. Mariæ* ultra Diliam in delatione ad illam Reliquiarum Boni Latronis.

Ob Sylvam Ducis ab Batavis obsidione liberandam, aut ad alium Religionis finem, tuendæ in Patriâ fidei Catholicæ Romanæ, ærario Regio exhausto paucorum annorum spatio novies centena florenorum millia in illum contulit, quæ a variarum Provinciarum Clero collegit, quo tum a Serenissimâ Hisp. Infante *Isabellâ*, tum a Principe Cardinale *Ferdinando* ablegatus fuerat, nec alienas tantum opes corradere curæ fuit, etiam proprias ærario Regio imposuit, & jam Namurcensis Episcopus Ao. 1655. XVI. florenorum millia muniendæ urbi Namurcensi contribuit, suoque exemplo reliquam Cleri partem & Provinciæ Procures adeo animavit, ut ad octoginta florenorum millia in idem opus contulerint.

Hiscæ & aliis meritis illustratus ad Episcopale fastigium accessit. Etenim Engelberto Des-Bois Namurcensi Episcopo e vivis sublato, *Philippus IV.* Rex Catholicus, & Serenissimus Archidux *Leopoldus* eum, ob ejus merita in Ecclesiam & Rempublicam præstita, ad Cathedram Namurcensem nominavit, cujus confirmationis litteras a Sede Apostolicâ recepit die 5. Octobris 1654. ejusque Episcopatus possessionem adiit die 9. Novembris, inauguratus in Metropolitanâ *D. Rumoldi* die 13. Decembris ejusdem anni a Gaspare Nemio Archiepiscopo Cameracensi, assistentibus, Mario Ambrosio Capello Antverpiensium & Andrea Cruesen Ruremondensium Episcopis.

Is adeptæ dignitatis munus a se primum, deinde a propriâ domo auspiciatus est, quam exiguo famulatio, modestâ suppellectili instruxit. Agnoscens autem prædicationem Verbi Dei Episcoporum munus esse, nec illi deesse voluit; sed quâ pollebat eloquentiâ, Verbum Dei commissæ sibi plebi prædicare studuit. Sedulo deinde Dioecesim suam perlustrare sollicitus erat, collapsam Ecclesiæ disciplinam pro viribus restaurare studuit, utque laxitates Moralis Theologiæ sua Diocesi eliminaret, easque refrenaret Synodum indixit Ao. 1659. in qua plurima statuta salutaria & decreta utilia suis præscripsit, atque plures laxas moralis Theologiæ opiniones in eâ, Confessariis suæ



Dioeceseos interdixit, in cujus Synodi auspiciis elegantem & doctam habuit orationem de causis Synodi, deque abusus Cleri & Ecclesiæ tollendis.

Anno eodem 1659. a Sede Apostolicâ deputatur ut Delegatus iudex in causâ Beatificationis Martyrum Gorcomiensium, quam etiam optime instruxit, ac feliciter terminavit & absolvit.

Denique meritis & annis gravis ad Patriam Archiepiscopalem Mechliniensem Cathedram evectus est Ao. 1667. Postquam enim e vivis ereptus est Andreas Cruesen hujus Sedis Archiepiscopus, Civitas Mechliniensis in defuncti locum sibi exoptat ac exposcit Joannem a Wachtendonck Episcopum Namurcensem civem suum apud Serenissimam *Mariam Annam Austriam* Hisp. Reginam, & Regni Moderatricem, quorum votis annuente, Archiepiscopus hujus Sedis, eodem anno 1667. renuntiatur & a *Clemente IX.* Pont. Max. anno 1668. confirmatur.

Ad altiora assumptus, & ad Archiepiscopalem Cathedram evectus, diu istâ dignitate frui non licuit, & ad hanc Cathedram ascendit, non ut in eâ regnet; sed ut in eâ moriatur tamquam in nidulo, dicere solitus, in nidulo, inquit, meo moriar, verè etenim nidulus ei erat Mechlinia, ibi omnium votorum finis, ibi laborum requies, utique Patria.

Dum igitur per salebrosas vias vehitur annosus senex, magno labore Bruxellas pervenit: & Ashmate quo jam ab annis plurimis malè fortis fuerat, solito gravius affligi cæpit. Superare tamen spes erat, familiare utique ac toties devictum malum; sed ingruente negotiorum mole, cum per infirmitatem iis adesse non posset, ut erat ad agendum promptus, novum ex hac impotentia infirmo fuit supplicium: ac morbo tandem eo deducitur, ut post paucos dies ad beatam & immortalem vitam hinc emigravit. Dum ergo utrimque disponuntur ea quæ tam solemnis pompæ videbantur necessaria, & dum tota Urbs se in occursum ejus parat: invida mors eum terris eripuit, & defuncti corpus Mechlinia excepit in suâ Metropolitanâ humandum; adeo ut vix tribus mensibus in eâ dignitate supervixerit, mortuus Bruxellis die 25. Junii 1668. septuagenario major.

In solemnibus ejus exequiis ei parentavit die 31. Julii ejusdem anni Joannes vander Linden S. T. L. Canonicus Graduatús & Presbyterorum Oratorii *Jesu* Præpositus.

Huic Præfuli hoc Græcum lemma erat ΔΟΞΑΚΑΟ ΑΡΕΘΥΝ. quod Latine sonat  
*Ex Virtute Gloria.*

VII. ALPHONSUS DE BERGHES. In lucem datus est Bruxellis Anno 1624. Patrem nactus Godefridum Comitem Grimberganum, Matrem Honorinam de Hornes e stirpe Hornanâ spectabilem, eum de sacro fonte suscepit *Alphonsus de la Cueva* S. R. E. Cardinalis, Belgarum & Burgundionum Nuntius Apostolicus, emenso Lovanii Philosophiæ & Jurisprudentiæ curriculo, Ao. 1642. Præpositura Cliviensi decoratur, Ao. 1649. Canonicatum Cathedralis Tornacensis adeptus est, exinde Ao. 1656. serenissimis Principibus Archiduci *Leopoldo* & *Joanni Austriaco* a sacris Cortinis. Ao. vero 1657. a Perillustri Collegio Nivellensi electus in Præpositum Ao. 1663. a *Philippo* Rege Catholico designatus est Capellæ Burgundicæ Bruxellensi Archi-Capellanus, ejusdemque summus Eleemosynarius: tot tantisque meritis & dignitatibus cumulatam, idem Rex Catholicus Ao. 1667. ad sedem Episcopalem Tornacensem nominavit; sed eam relinquere, quam Regi Galliarum Tornaco eodem anno intercepto, subesse maluit, & Episcopa-





*Alphonsus de Berghes e Com. Grimb. Dei.  
et Apost. Sedes gratia VII. Mechl. Archiep.  
a Cons. Stat. Belg. et Reg. Exer. Dap.*















li insulâ, quam fide erga suum Principem exui; quo meruit ut munificentia Regiâ ad Metropolitanam Ecclesiâ Mechliniensis dignitatem, summo omnium applausu eveheretur, ad quam nominatus Ao. 1669. confirmatus Ao. 1670. & die 25. Januarii Conversionis *S. Pauli* Bruxellis Ao. 1671. inauguratus est per F. Marium Ambrosium Capello Antverpiensium Episcopum, assistentibus Martino Prats Iprensium, & Ignatio Augustino de Grobben-donck Namurcensium Episcopis.

Episcopali charactere insignitus, in id animum intendit, ut ejusdem Apostoli robur, firmitatem ac spiritum assequeretur, in hoc illius imitator egregius effectus, ut nec fulgore dignitatis, nec magnitudine ministerii elatus, Christianæ perfectionis fundamentum Humilitatem, ullo unquam tempore labefactare visus est: cui virtuti summam lenitatem & mansuetudinem adjunxit. Huic fundamento superstruxit egregiarum istarum virtutum seriem, quibus usque ad ultimum vitæ spiritum enituit: prudentiam in rebus agendis maturam, erga disciplinam Ecclesiasticam, sive restaurandam, sive conservandam Zelum indefessum, in visitationibus, morum correctione, Cleri & populi reformatione, Regularium sibi subditarum utriusque sexus ad perfectionem reductione diligentiam vigilantissimam. Immunitatis ac libertatis Ecclesiasticæ vindex fuit acerrimus. In promotionibus sive ad munia Sæcularia, sive Ecclesiastica facienda, semper stabat pro dignioribus. Probavit id singularis & indefessus labor, ut juxta Conc. Trid. Sanctiones Concurfus ad vacantes curas aut stabiliretur, aut manuteneretur, ne sibi quidem Pastoratum ad suam provisionem spectantium, liberam collationem ullatenus indulgens.

In ritibus Ecclesiasticis observandis erat exactissimus. Religionis & devotionis puritatem cordi habebat, de hoc imprimis sollicitus ut Augustissimo Sacramento cultus integer, solidus & defæcatus exhiberetur, tam in ejusdem expositione, quam publicâ gestatione. Temporalium bonorum nec copiam sectabatur, nec inopiam graviter metuebat, solitus ad notabilem eorumdem jacturam illud *Jobi* usurpare. *Dominus dedit, Dominus abstulit; sit nomen Domini benedictum.* Memor etiam præclari moniti *Tobiæ* ad filium suum: *Quomodo poteris: esto misericors.* Eleemosynas largas palam primum, demum occultè in sinum pauperum effundebat. Virum hunc tot præclaris dotibus insignem, & longiore vitâ dignum acutissima febris & accelerata nimium mors terris eripuit Bruxellis die 7. Junii 1689. Cessit ultimis Testamenti tabulis Ecclesiæ suæ Metropolitanæ plurima manu & acu regificè prætexta aula, quibus mirifice Chorus Metropolitanus solemnioribus anni festis exornatur. Conditus est in Choro Ecclesiæ suæ Metropolitanæ; ubi ad partem meridionalem juxta latus Altaris ei erectum est sepulchrale Monumentum cum Inscriptione, uti hic æri incisum exhibetur.

Hic Præsul hoc utebatur symbolo **DESCENDE UT ASCENDAS.**

In exequiis ejus solemnibus ejus laudes profecutus est Oratione funebri Joannes de Cuypere S. T. L. Canonicus Graduatus & Decanus Metropolitici.

**VIII. HUMBERTUS GUILIELMUS A PRECIPIANO,** Burgundus, ortus Bisuntii Ao. 1627. antiqua ac nobilissimâ prosapia, Patrem habuit Achillem Comitem de Precipiano & Soie. Ab ineunte ætate facræ militiæ nomen dedit. Constantiæ emensus est humaniora litterarum studia, & Bisuntiae Philosophiæ stadium, Cursum Theologicum Lovanii apud P. P. Societatis Jesu, in Dolanâ Academiâ J. U. Laureâ donatur, ac dein



S. Theologiæ Doctoralem Lauream reportavit. Juvenis adhuc in Metropolitana Bisuntinâ Canonicatus, dein Archidiaconatus majoris honore insignitur. Ab Archiduce *Leopoldo* Belgium & Burgundiam gubernante ad dignitatem Abbatis Bellæ Vallis evectus, afflictam hanc Abbatiam sub ruinis penè sepultam restituit & ornavit.

Anno 1661. vacante Decanali dignitate, Canonici Metropolitanæ Bisuntinæ existimantes sui juris esse electionem novi Decani, communi suffragio eum in Decanum elegerunt, huic vero electioni sese opposuit *Alexander Pont.* declarans Electionem Decani pertinere ad Sanctam Sedem. Hæc res multas & graves excitavit turbas in Ecclesiâ Bisuntina; sed tandem submisit se Humbertus humiliter Sanctæ Sedi & suæ electioni renuntiavit.

Interea cum spectata ejus virtus, aliæque præclaræ dotes *Philippo IV.* Regi Catholico innotuissent, visum fuit eum in Senatorem Ecclesiasticum supremæ Curiae Comitatus Burgundici adscissere & Ao. 1667. delectum in primarium suum Ablegatum pro Burgundiæ circulo ad Comitata Ratisbonam mittere, hoc Ablegati munere dum maximâ cum laude administrat, Anno 1672. Honore Consiliarii supremi pro negotiis Belgicis & Burgundicis apud Sacratam Regis *Caroli II.* personam condecoratur, ac Madritum evocatur, eoque in munere ultra sincerum Dei cultum, Regiamque dignitatem & utilitatem, ita *Carolo* annis octo, quos in isto munere posuit coram probavit eximiam eruditionem suam & virtutem, ut idem Rex *Carolus* ad majorem Ecclesiæ ac Reipublicæ utilitatem altiori eum regimini judicavit admoventum, nominavitque ad Episcopalem Cathedram Brugensem. Inauguratus die 2. Martii 1683. atque hujus Ecclesiæ factus Episcopus, eam tantâ integritate virtutis, ac vigilantia Pastoralis laude toto septennio administravit, ut mortuo Alphonso de Berghes hujus Sedis Archiepiscopo, Rex præfatus ad hanc primariam Belgii Sedem eum duxerit postulandum, accedente *Innocentii XI.* consensu & auctoritate Archiepiscopatus hujus regimen feliciter auspicatus est Ao. 1690. Quo in munere imprimis pro auctoritate Sedis Apostolicæ asserendâ, pro avitâ religione vindicandâ, pro disciplinâ, jurisdictione Ecclesiasticâ vel restaurandâ vel conservandâ, quantos sustinuit labores & prælia, & licet huic Sedi præfuerit difficillimis & exulceratis temporibus, & Mars in Belgium undique desæviret, salubria Antecessorum suorum Decreta non tantum renovavit & confirmavit omnia, sed & nova insuper addidit, etiam a Sede Apostolicâ approbata & laudibus exornata.

Ut tenera juvenus in Christianæ fidei punctis instrueretur Catechismum in Synodo Mechliniensi anno 1607. præscriptum, novis typis edi curavit, omnemque alium interdixit. Ut juniores optimæ spei adolescentes Clericuli militiæ adscripti, recte excolerentur, & ad Ecclesiastica & Pastoralia munia, moribus & doctrinâ efformarentur, in profectum Seminarii sui summâ sollicitudine intendit, qui ultimis testamenti sui tabulis etiam Singularem erga illud, affectum suum testatus est.

Numerari non possunt millia Christi militum undequaque accurrentium, quæ Salutis Chrismate delinivit, etiam non sine vitæ suæ aperto discrimine. Ecclesiam curæ suæ commissam reddere satagens rectè ordinatam, omnem adhibuit operam, ut illi qui ad ejus obsequium adhiberentur, uno ore, unâ fidei professione glorificarent Deum ac Patrem Domini *Jesu Christi*, petulantium ingeniorum fætus, libros a S. Sede prohibitos, vel contritas Hæreses instaurantia scripta, sollicitè per plura edicta prohibuit. Filios iniquitatis, publicæque tranquillitatis perturbatores, quod ad suave obedientiæ jugum attrahere non potuit, Zelo Apostolico semper conatus fuit a suâ Dicecesi arceri & proscribere.

























Thomas Philippus Tit. S. Casarei S.R.E. Presb.  
Card. de Albatia, de Bousfu, IX. Archiep.  
Mechl. Primas Belg. &c &c.



Calumnias & injurias, quas effrenis quorundam audacia in hunc Antistitem sæpissimè per libellos famulos disseminavit, patientissimò & forti animo toleravit, & pro auctoribus Deum exoravit, & deprecatus est.

Vitam moresque suos ita instituebat, ut ejus assiduum orationis, meditationis & negotiorum studium, sancta & honorata humilitas, ac rara suppellectilis modestia, Dei Zelum, Vanitatumque contemptum præ se ferrent. Erat in verbis & factis, totiusque familiæ cultu summè compositus, comis & blandus ad omnes, alloquio facilis infimis, æquè ac maximis, indifferenter universos affectu verè paterno complectens in visceribus Christi, in Dei templa regulariter munificus, nec minus effusus in pauperes, quorum indies integros greges alebat, in se vero admodum parcus, mensa ejus erat frugalis; tota domus modesta.

Quotidie sub horam quartam matutinati, hyeme æquè ac æstate, è strato surgens, quatuor continuas horas orationi aut meditationi dabat, atque ita præparatus sub horam octavam sacratissimam Agni immaculati Hostiam pro peccatis populi Altissimo offerebat, aut dum per infirmitatem non licebat, Sacrosanctum hoc Sacrificium coram se peragi curabat; diei reliquum constanter orationi, studio, aut tractandis Ecclesiæ negotiis impendebat. Tandem annis vitæ & meritis plenus, annum agens octogesimum quintum, pulmonum inflammatione Bruxellis ex hac vitâ, ad immortalem transiit die 9. Junii Anno 1711. Humatus in suâ Metropolitana, in quâ paucis ante obitum annis, illustre & nobilis Architecturæ erexerat Mausolæum ex adverso Cruëleniani, ubi cum germano fratre Comite Prospero Ambrosio depositus est; uti æri incidi curavimus.

Symbolum huic Præfuli erat NON IN GLADIO SED IN NOMINE DOMINI.

In funere, ejus Orationem lugubrem dixit Sebastianus vande Cruys S.T.L. & Canonicus Graduatus Ecclesiæ Metropolitanæ.

**IX. THOMAS PHILIPPUS DE ALSATIA DE BOUSSU;** Bruxellis natus anno 1679. mensis Novembris die decimâ tertiâ, Patrem habuit *Philippum Ludovicum de Alsatia*, Comitem de Boussu, Principem de Chimay, & Sac. Rom. Imp. atque Aurei Velleris Equitem &c. Cum in Bruxellensi P.P. Societatis Jesu Gymnasio humanioribus Littèris operam daret, annos vix natus septemdecim Clericali militiæ nomen dedit, & anno 1696. a *Carolo II.* Rege Catholico nominatus fuit Præpositus Ecclesiæ Cathedralis Gandavensis. Dein emenso Colonia in Tricoronato Collegio Philosophiæ curriculo, anno 1698. Romam profectus est, & Collegium Germanicum *S. Apollinaris* convictor ingressus, sacratoribus Litteris sese totum impendit. Primus isto in Collegio Polemicas Theses coram frequentissimo Prælatorum ac Doctorum cætu propugnavit publicè ac defendit. Anno 1701. die festo omnium Sanctorum in Sacello Pontificio coram *Clemente XI.* & Eminentissimis S. R. E. Cardinalibus inter Missarum solemnias Latinè dixit, ac post quatuor studii Theologici annos in Universitate Gregorianâ S. Theol. Doctoris Laureâ est insignitus, initiatusque Sacerdos cum Dispensatione Apostolicâ die 15. Octobris 1702. Eodem anno in Belgium redux, a *Philippo Erardo Vander Noot* Gandavensium Episcopo, Examiner Synodalis, & in ejus absentia Vicarius Generalis constitutus est. Romam secundo adveniens anno 1711. a *Clemente XI.* Sacri cubiculi honorarius renuntiatus est, & ejusdem Prælatus Domesticus cum sub finem anni 1712. in Patriam rediret. Anno 1713. ab eodem Pontifice ad Iprensê Cathedralam



destinatus, paucis post mensibus, nimirum 3. Martii 1714. ab Augustissimo Cæsare *Carolo VI.* Rege Catholico ad Ecclesiam Metropolitanam Mechliniensem nominatus est. Retardatâ nominationis expeditione, & suscepto Viennensi itinere, expedita illic reddidit omnia. Die 16. Decembris 1715. Romæ in Consistorio, ipso summo Pontifice præconisante, confirmatus, & Viennæ Austriæ, acceptâ per Bullas Apostolicas potestate a *Georgio Spinulla* Archiepiscopo Cæsariensi, tunc Nuntio Apostolico, nunc S. R. E. Cardinali *S. Agnetis* nuncupato, assistentibus duobus, ejus olim in *S. Apollinaris* Collegio Germanico, condiscipulis *Ladislao* Comite *Erdeodi* Nitriensi Episcopo, & *Sigismundo* Comite de *Collonitz* tunc Vaccienfi Episcopo, nunc Archiepiscopo Viennensi, die 19. Januarii 1716. consecratus est Archiepiscopus Mechliniensis Ecclesiæ: Suæ Metropolitanæ possessionem adiit per Procuratorem die 10. Februarii, illamque solemniter ingressus est die 15. Martii, & die 22. ejusdem è manibus *Ferdinandi Comitis de Berlo* Episcopi Namurcensis Pallium Archiepiscopale suscepit.

Anno 1716. Mensis Aprilis die 18. inter actuales intimos Status Consiliarios ab ipso Cæsare adlectus est. Anno sequenti Palatium Archiepiscopale insigni ac sumptuoso ædificio præclaræ & nobilis structuræ auxit atque decoravit.

Die 29. Novembris anni 1719. a *Clemente Papa XI.* creatus est S. R. E. Presbyter Cardinalis, cujus promotionis nuntium Cursor extraordinarius Romæ expeditus, in Palatium Archiepiscopale Mechliniense attulit die 13. Decembris ejusdem anni, plaudente Clero, exultante Populo, acclamante Belgio universo. Birretum Cardinalitium, nomine Pontificis, ei Româ attulit *Joannes Andreas Oliverius*, Sacri cubiculi Pontificii Honorarius, & Equestris Ordinis *S. Stephani* Commendator. Illud vero magnâ cum celebritate Cardinali Archiepiscopo inter Missarum solemnias, celebrata in æde Metropolitana *D. Rumoldi*, die 9. Junii 1720. imposuit *Philippus Erardus Vander Noot* Episcopus Gandavensis, præsentibus *Vincentio Santino* Internuntio Apostolico, & *Angelo d'Ongnyes* Episcopo Ruremondensi, multaque Nobilium caterva, succedentibus quoque lætis Mechliniensium applausibus, ignibus festivis.

*Clemente XI. Pont. Max.* die 19. Martii 1721. e vivis erepto, Cardinalis de Alfata die 10. Aprilis profectus est Romam ad Conclave S. R. E. Cardinalium. Venit in Urbem 5. Maji, & ingressus Conclave Electioni *Innocentii XIII.* Suffragatus est.

Die 10. Junii ejusdem anni in Consistorio publico, habito in Palatio Apostolico Quirinali, Galerum rubrum, e manibus *Innocentii XIII.* suscepta una cum Cardinalibus *De Roban*, *De Bissy*, *Czaky*, *Belluga*, *de la Cerdà*, *Borgia*, *Cienfuegos* Presbyteris, atque *Schonborn* Diacono. Dein die 16. ejusdem accepit Titulum Cardinalitium *S. Cæsarei*. Postquam summo Pontifici & sacro Collegio valedixisset, Româ discessit die 17. Martii 1722. Sed Arimini periculoso morbo detentus, & in aulâ Cæsareâ Viennensi integrum annum commoratus, post viginti & octo mensium absentiam ad Ecclesiam suam Metropolitanam Mechliniensem feliciter atque incolumis accessit die 10. Augusti anni 1723. a Clero, Senatu, Populoque Mechliniensi, omnibus letitiæ, & festivæ gratulationis signis solemniter exceptus.



## PAROCHIALES URBIS ECCLESIAE.

Metropolitanæ Ecclesiæ subcensentur Parochiæ V. Omniumque hujus Urbis antiquissimam esse ferunt, quæ D. Virgini & S. Blasii sacra ultra Diliam exstat, quam volunt a *D. Lamberto* Tungrensi Episcopo dedicatam, non vero ea quæ hodie visitur, quam post Normannorum destructionem, aliquam Parochiæ de Sempis appendicem fuisse putant, donec crescente incolarum numero per Episcopum Cameracensem ab eâ separata est, quæ dein Anno 1643. in Collegiatam X. Canonicorum erecta est, fundante eam & suis opibus dotante *D. Dismâ de Briamont* Canonico & Pœnitentiario Metropolitanæ *D. Rumoldi*, qui primus fuit ejusdem Collegii Præpositus, ibidemque conditus in Sacello ad honorem *S. Dismæ* Boni Latronis a se constructo Ao. 1653. cum hac inscriptione lapidis sepulchralis.

D. O. M.

Monumentum

R<sup>di</sup>. Adm. ac Amplmi Dñi  
Dñi Dismæ de Briamont S. T. L.  
Ecclesiæ Metrop. S. Rumoldi  
Canonici Graduati  
& Pœnitentarii  
Capituli hujus Collegiatæ  
Ecclesiæ Fundatoris,  
Et Primi Præpositi.  
Obiit 25. Junii 1652.  
R. I. P.

Hunc subsecuti sunt.

II. ADRIANUS CORTENS J. U. L. Obiit die 30. Martii Anno 1685.

III. DISMAS CORTEN J. U. L. (Hi fuere uterini fratres gemini), Obiit Præpositus Metropolitanæ *D. Rumoldi* die 25. Februarii 1696.

IV. FRANCISCUS IGNATIUS HUENS J. U. L. subitâ morte correptus Ao. 1719. cui successit ejus frater germanus.

V. CAROLUS HUENS, antea Canonicus ejusdem Ecclesiæ.

Decanatus hujus Capituli annexus est Pastoratui. Præpositura confertur a Patriæ Principe. Litteras foundationis hujus Capituli hic damus.

*Jacobus* Dei & Apostolicæ Sedis Gratia Archiepiscopus Mechliniensis, Venerabilibus nobis in Christo dilectis Præposito, Decano & Capitulo Ecclesiæ Collegiatæ *B. Mariæ* ultra Diliam Civitatis Mechliniensis, salutem in Domino. Sicut olim initam amicitiam & Societatem cum Judâ, Jonathâ & Symone fratribus Spartiatarum

Ex Archi-  
vis Capi-  
tul.



Principes scripserunt in tabulis æreis, & exemplum Numenii & Antipatris in segregatis populi libris ut esset in memoriam Spartatarum, ita merito his inscribitur & majori cum ratione Fundatio Reverendi Domini de Briamont Canonici & Penitentiarii Ecclesiæ Metropolitanæ, Præpositi simul Ecclesiæ B. Virginis, & de illâ optimè meriti.

Quam nos auctoritate nostrâ ordinariâ juxta antiquissimum hujus Patriæ usum & multis seculis observatum, confirmavimus, & in Capitulum Collegiatum ereximus, eique Præposituram, & Decanatum adjunximus, juxta conditiones, modificationes, & limitationes in litteris desuper confectis, contentas, & in contractu inter Capitulum Metropolitanum & subalternum inito, & per nos approbato, expressas, ut tanti beneficii memoria perennet in secula.

Quod ut cum omni certitudine, & juxta fundatoris intentionem fiat, Mandamus illam Fundationem, crectionem, & conditiones illi insertas, singulis annis cum Statutis coram dicto Capitulo & Clero respectivè perlegi quatuor distinctis temporibus, nimirum feriâ sextâ post diem Cinerum, feria sexta post Ascensionem Domini, feriâ sextâ ante festum Nativitatis B. Mariæ, & feriâ sexta ante festum S. Andree.

Monentur autem & singuli, ad quos ea res pertinet, ut eidem fundacioni & erectioni, & conditionibus sese conforment & adimpleant onera ibidem comprehensa ac alia Fundatoris Testamento ordinata, nec non & omnia singula a nobis præscripta & imposterum præscribenda in complementum voluntatis illius, de quo nos ejus Heredes reddidère certiores. &c.

### Extractum ex magno Registro Capituli Ecclesiæ Metropolitanæ Mechliniensis.

Illustrissimo ac Reverendissimo Domino D. Archiepiscopo Mechliniensi.

Exponunt debitâ cum Reverentiâ Ædifici Ecclesiæ Parochialis B. Mariæ ultra Diliam Mechliniæ, quod Ecclesia illa sit ex præcipuis & maximè insignibus Ecclesiis dictæ Urbis ampla & spatiosa sub titulo S. Sanctissimæ Virginis & S. Blasii dicata, habens Parochiam valde populosam, in circuitu tria ad minus millaria complectente, in qua decem altaria sunt, ita tenuiter dotata ut omnes eorum proventus & emolumenta duobus missis hebdomadalibus hoc tempore celebrandis nequaquam sufficiant; altaria autem illa nuncupantur S. Adriani, S. Catharinæ, S. Eligii, S. Judoci, S. Mariæ Magdalensæ, S. Mariæ in Coyvina, SS. Monulphi & Godulphi, S. Nicolai, S. Silvestris, S. Spiritus, omnia ad collationem Capituli Metropolitanæ pertinentia, quæ altaria, aut saltem novem ex istis eorumque proventus devotæ aliquot personæ augere & eisdem de sufficiente dote providere intendunt; ita ut ex nunc singulis altaribus viginti quinque minus florenos; post mortem vero & decessum illarum alios ducentos septuaginta quinque florenos substantiis & bonis per eas reliquendis cuique assignarunt, nullo in eo edictis & placitis suæ Majestatis facto præjudicio aut contraventione, cum tantum assignatio futura sit de redditibus redimilibus nummum vigesimum non excedentibus, atque illa singula alteria seu eorum possessores præter ordinarias distributiones & emolumenta quotidie obvenientia, annuè recipient trecentos & amplius florenos, de quibus & eorum perpetuis solutionibus per eandem personas debitè ex nunc annexetur, & iis ad quos pertinebit plena specificatio ad satisfactionem & implementi præmissorum securitatem exhiberetur, dummodo ad divini cultus augmentum, majorem populi devotionem, ornatum & decorem domus Dei, Confraternitatis B. Virginis Dolorosæ & S. Blasii, ibidem vigentium incrementum, ac Sedis Archiepiscopalis & Metropolitanæ Primæ Belgii in istâ Urbe collocatæ majorem dignitatem ac splendorem (quæ sola hæctenus unico capitulo, & ad huic parum numerofo fulcita & ornata subalternum in dictâ urbe non habuit, uti aliæ Metropolitanæ habent) præfata altaria in Canonicatus & præbendæ, dicta vero Ecclesia parochialis in Collegiatam & subalternam dictæ Metropolitanæ Ecclesiæ erigatur, cum dignitatibus Præposituræ, & Decanatus ubi divinum officium nocturnum & diurnum Collegialiter & Capitulariter decentius & in majori numero decantari & adimpleri posset, juxta conditiones & modificationes desuper concipiendas, nec non alias hic expressas, nimirum quod Præposituræ primæ istius Ecclesiæ futuræ dignitati pro dote incorporabitur Capellania S. Crucis in Battel, post Præpositum



tum primum locum habebit Decanus, nisi quod in Capitulo Præpositum præcedet, Pastor autem istius Ecclesiæ nunc existens, & omnes ejus successores semper & irrevocabiliter erunt istius Capituli Decani, & penes eos tam in proponendo, resolvendo, quam omnia & singula faciendo, quæ muneris Decanalis sunt, ea sit auctoritas, quæ ordinariè a Decano subalternarum Ecclesiarum spectat, & quæ illius per statuta isti Capitulo exhibendo attribuetur.

Capitulum autem Metropolitanum retinebit in Præpositum, Decanum & Capitulum novum B. Mariæ eandem jurisdictionem & auctoritatem quam hætenus habuerunt in Pastorem & Capellanos, sicuti etiam remanebit Illustrissimis Archiepiscopis pro tempore existentibus eadem in illis jurisdictio & potestas, quæ ante juxta Cap. I. & II. Synodi Provincialis Mechliniensis titulo de Correct. Clericorum pag. 55. & 56. illis competiit.

Soli harum capaces erunt Mechlinienses, vel iis deficientibus Provinciis Teutonicis Belgii ditionis Regiæ oriundi, callentes tamen utramque linguam Gallicam & Teutonicam. Omnes etiam debebunt idonei & approbati esse ad prædicandum verbum Dei & audiendas confessiones in istâ Ecclesiâ & de facto post admissionem tam sancto se operi applicare. Unus etiam ex istis, vel duo ad hoc specialiter approbati tenebuntur subire officium Vicepastorale Pastore petente & necessitate occurrente etiam alii, præterquam quod isti alii non tenebuntur administrandum contagione infectis. Nullus autem omnium istorum se immiscet audiendis confessionibus, vel prædicatione verbi Dei Pastore invito. Ab his excipiuntur muneribus qui de parentela sunt vel erunt dictarum personarum, quarum intentio est tales de parentelâ existentes cæteris magis capacibus & utriusque lingue peritis nec non proximiores remotioribus præferendosse, sicuti etiam inter non cognatos & extraneos qualificados eos, qui per duodecim ad minus annos in vineâ Domini laboraverunt, & curam animarum sedulo exercuerunt, quo sic tot jacta bonorum operum semina metentes in exultatione portent manipulos frugum in securitate & quiete.

Tenebuntur etiam tales præbendati capillitium gestare longum ad instar Theologorum in Collegio Pontificio Lovanii habitantium, & togam cum manicis & collo oblongo. Quia vero tam notabile bonum atque augmentum in utilitatem Communitatis vergeret, & in urbis & sedis honorem, ideo præactæ personæ eo intuitu præcise intenderunt sibi reservare in istis Præbendis seu Canonicatibus ex altaribus erigendis jus Patronatus laicum, & per præsentationes ad easdem quoties illa vacare contingerit per cessum, resignationem, vel decessum possidentium & iis personis defunctis succederent in jus illud proxime de familia earum, & inter eos semper ille qui fundatore proximior stirpe paternâ maternâ prælata, qui non possit esse natus ex civitate Leodiensi qui etiam non nisi de consilio & præviâ deliberatione R.R. Adm. DD. Decanorum utriusque Capituli Metropolitanæ scilicet & subalternæ, & non aliter personam idoneam & qualificatam, ac se (ut præmissum est) gerentem toties quoties unam vacare contingerit, Capitulo Metropolitanæ præsentabit, a quâ sic præsentata collationem & institutionem accipiet, & quem denique Cantor dicti Capituli Metropolitanæ in actualem, realem & corporalem possessionem inducet, ac stallum in Choro & locum in Capitulo assignabit.

Provisio vero Decanatus ibidem uniti Pastoratui ac dispositio ejusdem eodem modo, quo hætenus Pastoratus penes Decanum & Capitulum Metropolitanum erit, remanente nihilominus hac in parte illustrissimo Domino Archiepiscopo Mechliniensi pro tempore existente facultate quoad Pastoratum ad instituendum concursum ad effectus Conc. Trid. expressos, nec non jure institutionis auctorifabilis seu curæ animarum concedendæ & alios, per præmissum autem reservatum sibi jus patronatus intenderent dictæ personæ nullum simile ullo mense jus S. Sedi, aut nominationibus Lovaniensibus, neque ullam earum præbendarum & Canonicatum provisionem illis relictam esse, aut ullo tempore competituram, & si unquam hæc conditio posset frustrari (quod non putatur) tunc eo casu quicumque vigore reservationis vel nominationis hujusmodi aliquem ex dictis Canonicatibus prætenderet obtinere, nihil aliud quam antiquum altare in statu, quo fuit antequam in Canonicatum erigeretur & a dicta personâ dotaretur, consequi posset, & quoad ipsum & erectio & dotatio hujusmodi haberetur pro non facta, & quicquid ex his altari antiquo accessit proventuum & emolumentorum applicabitur prout in præactis conditionibus & modificationibus cautum reperietur. Prout etiam intenderent de consilio Decani nunc Præpositi Metrop. & Pastore B. Mariæ futuri Decani istius Ecclesiæ ad erigendos Ca-



nonicatus præsentare dicto Capitulo Metropolitano personas propediem ab iis nominandas.

Sed cum hæc & singula nullo modo fieri possit nisi auctoritas Ordinarii dictæ Ecclesiæ Metropolitanæ desuper interveniret, sicut olim in diversis aliis Parochialibus Ecclesiis factum reperitur & notanter in Ecclesia Thenensi, Leeuweni, & Arscotensi, in quâ Ludovicus de Bourbon electus & confirmatus Episcopus Leodiensis ad instantiam Comitum Porcianensis Domini de Croy, & communitatis Parochialem, in Collegiatam & Capellanas in Canonicatus erexit Anno 1462. mensis Octobris die penultimâ, nullius alterius auctoritate aut licentiâ desuper requisitâ, ideo prædicti supplicantes se convertunt ad illustrissimam Vestram Gratiâ, rogantes quatenus de plenitudine facultatis & auctoritatis suæ prædicta altaria in Canonicatus erigere, & dictam Ecclesiam Parochialem in Collegiatam elevare, eandemque Capitulari dignitate modo supra expresso cum Præpositurâ & Decanatu sublimare dignetur, sub conditionibus, limitationibus, & modificationibus præmissis, & aliis per eandem Gratiâ suam statuendis de consensu dicti Capituli Metropolitanæ, illo & aliis auditis quorum intererit, multum eadem Gratiâ sua merebitur de bono Ecclesiæ & Communitatis illius, & erit unde perpetuum ista præcabitur pro incolumitate, & prosperitate ejusdem, quare &c.

Inferius habebatur quod sequitur.

Mature perpenso hoc libello, & post varias super eâ re deliberationes, erigimus Parochialem *B. Mariæ* Civitatis Mechliniensis in Collegiatam cum Præpositurâ & Decanatu, prout hoc libello petitur, sub conditionibus eodem libello, nec non scripto hîscæ adjuncto, & a nobis subsignato comprehensis, aliisque de consensu Capituli nostri Metropolitanæ, & auditis quorum intererit, a nobis statuendis, & mandamus de omnibus litteras fieri in debitâ formâ. Actum Bruxellæ die quinto Septembris anno Domini 1643. & erat subscriptum Jacobus Archiepiscopus Mechliniensis, & erant hæc litteræ sigillatæ sigillo parvo dicti illustrissimi Domini in cera rubrâ.

*De cate-  
ro.*

Protendit se longè latèque hæc Parochia extra Urbis septa in vicis de *Hoffstade, Gerdeghem, Stuyvenbergh, & Battel*, in quâ Ecclesiâ diebus sacris divina celebrantur, hanc Ecclesiam dicatam & sacratam ferunt a *D. Lamberto* Tungrorum Episc., sed non ea quæ hodie exstat, quæ post turbas Belgicas seculi XVI. exstructa est, ibidem vetus Capellania *S. Crucis*, quæ pro dote incorporata est Præposituræ hujus Collegiatæ.

Aucto dein incolarum Urbis numero, in adjutorium Pastoralis curiæ hujus civitatis, assumpta sunt Divorum *Joannis, & S. Petri* Sacella, idque ante annos quadringentos.

J. B. Gramayus in suis Antiq: Mechl. ex archivis hujus civitatis refert Lib. II. Sect. V. quomodo seculo XIV. tempore scismatis *Urbani & Clementis VII.* Antipapæ. Joannes Hefwinus Parochus S. Petri in hac civitate auctoritate præfati Urbani Romæ acceptâ, insulis & Pædo Episcopali ornatus in suâ D. Petri Ecclesiâ Parochiali Cathedram suam constituerit Episcopalem, Cameracensi Episcopo (cui tunc Mechlinia suberat) alteram partem Clementis sequente, inque eâ Sacramenta consecraverit, & sacros Ordines contulerit, sed is reconciliatâ brevi post Cathedrâ Cameracensi cum præfato Urbano, successores nullos habuit, ac deinde Suffraganeus fuit Episcopi Leodiensis. Ad non minimam etiam laudem Ecclesiæ Parochialis. S. Petri facit, quod in eâ Parochi munus gesserit *Matthias Hovius*, dein laudatissimus hujus sedis Archiepiscopus III. item *Joannes Paludanus* S. T. D. Universitatis Lovaniensis, inde Ao. 1610. Plebanus ad *S. Petrum* Lovanii.

Post hæc portentosus textorum numerus Mechliniæ agens effecit, ut ante finem seculi XIII. Sacellum *S. Catharinæ* Virg. & Mart. Parochiali jure sit



sit donatum, item sacellum S. Spiritus in Neckerfpolio extraurbis septa Parochialis titulo & Honore ornaretur Ao. 1255. quæ Parochialis Ecclesia per tumultus Belgicos destructa seculo XVI. & incolarum numero graviter destituta, extincta & unita est Parochiali Urbanæ Ecclesiæ S. Petri, crescente dein incolarum numero Neckerfpolium sacrum Ministrum nactum est, qui ibidem in ejusdem Sacello divina peragit & ægris sacramenta administrat.

Ad extremum fundator Monasterii Hanswici *Guilielmus van Horen*, aliis van *Haren*, Canonicus & Scholasticus *D. Rumoldi* & Pastor in Muysen, & Hanswyck (quæ duæ Parochiæ olim unitæ erant) procuravit approbante Decano & Capitulo, ac *Guilielmo* Cameracensium Episcopo, ut Ecclesia D. Virginis de Hanswyck a Musinensi matre separata monasterio (quod ipse fundaverat) incorporaretur, quod situm erat ad teli jactum, extra portam Lovaniensem.

Hi religiosi Vallis Scholarium Canonici sunt *S. Genovefæ* ad institutum *S. Augustini* viventes, & primitus Leeuwis Anno 1288. evocati sunt a præfato *Guilielmo van Horen*. Hujus Monasterii Prior, perpetuus Pastor est hujus Ecclesiæ Parochialis de Hanswyck, eamque curam mandat, uni ex dignioribus suis Religiosis, & protendit se hodie hæc Parochia intra & extra septa civitatis.

In hac Ecclesiâ Hanswicanâ olim Icon Deiparæ Virginis reposita est cum navis fortè eam deferens ibidem cursum sisteret, certo divinæ locum hunc materno cultui eligentis dispositionis indicio, quo autem anno id contigerit non constat, ex eo quod cum Anno 1578. hæc Ecclesia & Monasterium a fidei Hostibus, Regique rebellibus in cineres redacta est, omnia antiqua monumenta igne consumpta sint, ex quibus hoc erui poterat. Sacrarium hujus Ecclesiæ pretiosâ instructum supellectile spoliatum est a furibus Anno 1462. turris etiam incendio bis absumpta, signanter anno 1516.

De cætero *Thomas Cantipratanus* Ord. S. Dominici antiquus & venerandus auctor Honorificam hujus loci facit mentionem ante annum 1280. dum miraculosam puellæ cujusdam a dæmonio liberationem ope D. Virginis hîc contigisse enarrat. Vastato ut ante dictum per tumultos Belgicos hac Ecclesiâ & Monasterio, Religiosi se in Urbem receperunt, & domus suos quas habebant propè portam Lovaniensem, in formam Monasterii adaptarunt, & concessum eis a Capitulo & Magistratu Sacellum contiguum, ubi hæc Deiparæ imago (quæ tempore quo hæc Civitas sub jugo Geusiorum & Regi rebellium gemuit, in caveâ subterraneâ portæ Lovanienfis ope divinâ servata est) novis illic cæpit clarescere Miraculis Urbe liberatâ & ad obedientiam Regis perductâ Ao. 1585.; ita ut hic locus in Hodiernam usque diem Miraculis illustretur. Unde hodiedum idem locus in tantâ populi veneratione est, quantâ vix alius in totâ Mechliniâ, potissimum festis Marianis & diebus Sabinianis, ac a fidelibus populis tanta ibidem Eleemosynarum donaria oblata sunt succedentibus temporibus, ut ex iis Ao. 1676. magnifica & illustris surrexerit Basilica Mariana, ac novum a fundamentis insigne Monasterium.

## COENOBIA VIRORUM.

In hac Urbe Coenobia Ordinum Religiosorum sunt sequentia, quæ secundum seriem antiquitatis referemus.

FRATRES MINORES Ord. *S. Francisci*. Anno 1231. locum eis  
S 2 aut



aut dedit aut emit *Walterus IV. de Berthout* Advocatus de Mechliniâ, anno quinto post mortem *S. Francisci*, qui Conventum Fratrum pro singulari suo erga Ordinem Seraphicum affectu suis sumptibus exstruxit, quique in hujus Monasterii Ecclesiâ non procul a summo altari in tumbâ elevatâ cum uxore suâ *Margareta* Comitis Britanniae minoris filiâ Ao. 1242. die 10. Aprilis vivis excedens sepultus est, ibidem sepultura *Florentii de Bertout* Advocati de Mechliniâ qui obiit 1331, ibidem suam Sepulturam elegit *Margareta Eboracensis, Eduardi III.* Regis Anglorum Soror, & vidua *Caroli Audacis* Ducis Burgundiae Brabantiae &c. condita in hac Ecclesia in Vestibulo Chori cum hac Epigraphe.

Sub lamina ostii hujus Chori Illustrissima Princeps Domina *Margareta* de Angliâ Ducissa Burgundiae, piâ humilite corpus suum condi mandavit, Serenissimorum Principum *Eduardi & Richardi* Regum Angliae soror, uxor quondam inclytæ memoriæ *Caroli* Ducis Burgundiae, Brabantiae, Comitis Flandriae, Artesiae. &c. Domini Mechliniae, Religionis Reformationis Pietati mirum faulrix; Obiit Mechliniae oppido suo dotalilio, Novembris die 23. Anno Domini 1503. orate pro eâ.

Ejus Anniversarium etiam servat Clerus *S. Rumoldi* XXIII. Novembris.

Hæc Illustris Princeps Conventu hoc per incendium diruto, Dormitorii partem cum Bibliothecâ reædificavit, ac plurima Ecclesiae ornamenta largita est.

Sæculo XVI. hæc & alia Monumenta sepulchralia in turbis Belgicis everfa sunt, aut suis cimeliis undata.

Ecclesia hujus Conventus satis Elegans, Hæreticorum furore Binis vicibus vastata est Ao. 1566. & Ao. 1580. quo in solidum solo æquata est. Post initio sæculi XVII. pia Senatus & bonorum civium munificentia, Ecclesiae novæ structuram, quæ hodie cernitur, inchoarunt. Ejus primum lapidem fundamentalem posuit *Matthias Hovius Archiep. Mechl.* Secundum vero totius Civitatis nomine *D. Jacobus de Cranendonck* primarius Urbis Consul Ao. 1606. die 23. Maji. fabricâ utcumque absolutâ, consecrata est ab eodem Archiepiscopo Anno 1610. die 17. Octobris.

Hæc Ecclesia dein variis, iisque elegantissimis est decorata tabulis, inter quas eminet artificiosissima illa inventore Antonio van Dyck pictore celeberrimo in arâ principe collocatâ, quæ repræsentat Christum cruci affixum cum Deiparâ & *S. Joanne* cruci adstantibus, cui parem vix dari in Urbe, ne dicam in Belgio plerique asseverant. Hac decoravit hanc Ecclesiam Nobilis *D. Joannes vander Laen Dominus de Schrieck & Grootloo.* In anteriori vero Ecclesiâ exstant duæ insignes tabulæ ab eodem artifice elegantissimè delineatæ, una in arâ *D. Bonaventuræ*, altera in arâ *D. Antonii Paduani*, quæ omnium intuentium oculos in sui admirationem rapiunt.

Hoc Monasterium igne deperiit cum generali illo incendio Urbis Mechliniensis



nienſis Ao. 1342. die 28. Maji, & rurſum Ao. 1557. die 12. Julii, quo omnia in cineres redacta fuere excepta Eccleſiâ.

Primi hi Fratres eâ Eccleſiâ uſi ſunt, quam ante deſeruerant *D. Rumoldi* Canonici: quo uſque enim inſignis illa, quæ hodiè cernitur *D. Rumoldi* Baſilica, necdum erat extructa, in prædicto loco officium Divinum a Canoniciſ perſolvebatur, qui modo eſt antiquum ipſorum reſectorium, ac in eodem loco clauſtraliter & in communi vivebant: qui cum deinde in vaſtâ illa Baſilicâ eo decantando vix ſufficerent Fratres Minores, præcipuis anni feſtivities ad præfatam Eccleſiam Canoniciſ in officio, recantando adjumento fuere.

Hi Fratres dein multiplicati, & a primævâ *D. Franciſci* institutione deviantes, redditus & bona temporalia admittere cæperunt; quare Ao. 1449. iis Fratribus (qui Conventuales dicebantur) dimiſſis a Clero & Magiſtrato, populoque Mechlinienſi, tranſlatus fuit ad Obſervantes Vicariæ Provinciæ Franciæ, non obſtantibus fortiſſimis dictorum Fratrum Conventualium oppoſitionibus, quorum poſſeſſiones ac redditus menſæ S. Spiritus applicati ſunt, prætioſiora vero pluvialia, ac alia ornamenta paupertati Minoriticæ adverſantia *D. Rumoldi* Canoniciſ oblata fuerunt. Priſtinam hanc Euangelicæ paupertatis obſervantiam viri Religioſiſſimi miſſi ex Conventu Andomarenſi reduxerunt. Iterum collapſo aliquantiſper per temporum licentiâ fervore Ao. 1597. reſumptu ſpiritu *Recollectarum* instituta ſecuti ſunt, in quo etiamnum fortiter perſeſerant.

EREMITÆ AUGUSTINIANI *Alexandro IV. Pont.* auctoritatem faciente, Mechliniæ Conventum inſtruere cæperunt, & Eleemoſyniſ Privatorem adjuti, Eccleſiam ſuis uſibus extruere aggreſſi ſunt; ac demum Ao. 1305. adnitente *Ægidio de Berthout* perfecerunt. Verum hallucinatur J. B. Grammayus dum refert in Antiq: Mechl. lib. III. Sect. 6. hæc contigſſe Anno 1252. auctoritate *Alexandri IV. Pont.* cum primum Ao. 1354. *Alexander IV.* ad Pontificatum ſic evectus & Ao. 1256. per bullam ſuam die 9. Aprilis Eremitas Auguſtinianos diverſarum nationem in unum corpus redegit, titulo *Eremitarum S. Auguſtini*, ac totum relicto eremo Urbes incolere juſſit, ubi verbo & exemplo nec non confeſſiones audiendo ſalutis fructum afferre poſſent, conſtituens eis pro Generali *Lanfrancum*, quod ſemel notaffe ſat eſt.

Eccleſia eorum in Turbiſ Belgiciſ devaſtata & deſolata eſt, aliam deinde novam favore Principum Belgii, Senatus auxilio, & populi munificentia reſtituit Henricus de Keyſer, ſecundus Provinciſ.

CARMELITÆ terra ſanctâ ejecti a Sarafenſi, circa annum 1238. in diverſiſ Europæ partibus ſe receperunt, & permiſſu ac ope *Joannes de Berthout* nonnulli tandem Mechliniam delati ibidem ſedem fixerunt & Monafterium adornare cæperunt, ac primum in ſuburbio Ao. 1254. in duobus lociſ diverſiſ extra portam Neckerſpoliam, atque Ao. 1303. conſenſu *Theobaldi* Leodiienſiſ Epicoſci, ac Decani & Capituli *D. Rumoldi*, ac Magiſtratus, cui acceſſit *Guidoniſ* Epicoſci. Camerac. in Urbem recepti ſunt, & ſtabilem locum ibidem adepti. Sequuntur litteræ conſenſuſ.

„ Guido Miſeratione divina Cameracenſiſ Epicoſcus Religioſiſ viriſ Priori & Fra- Ex A.  
 „ tribuſ Ordiniſ *B. Mariæ* de monte Carmeli apud Mechliniam commorantibuſ ſalu- Sanderi  
 „ tem in Domino ſempiternam. Devotioniſ veſtræ precibuſ inclinati, ut loco, quem Brabantia  
 T de Tom. II.



„ de consensu Dominorum, quorum interest, ac Universalitatis plebis ibidem nuper in Machliniâ conquissitis, & vestris possitis privilegiis uti, inibi procurare per aliquem Episcopum catholicum aptum vobis cœmeterium consecrari, auctoritate præsentium vobis indulgemus, harum testimonio litterarum. Datum anno millesimo trecentesimo tertio feriâ tertiâ ante *Lætare Jerusalem*.

Ex A.  
Sancti  
Brabantia  
Tom. II.

„ Decanus & Capitulum Ecclesiæ *S. Rumoldi* Mechliniensis salutem & veritatem cognoscere subscriptorum. Universitati vestræ significamus, præsentium testimonio litterarum, quod nos tam concorditer quam favorabiliter recepimus & per præsentem recipimus Priorem & Fratres Ordinis Beatae *Mariæ* de monte Carmeli ad commorandum in nostro patronatu intra oppidum Mechliniense, non obstante compositione quacumque inter nos ac ipsos jam antea ordinatâ & confectâ &c. Datum anno millesimo trecentesimo tertio, feriâ sexta post Dominicam *Oculi*.

Ex A.  
Sanderi  
Brabantia  
Tom. II.

„ Universis præsentibus litteras visuris & audituris innotescat; quod nos Scabini jurati, Concilium ac tota Communitas Villæ Machliniensis licentiavimus ac licentiavimus per præsentibus, quod Prior & Fratres Ordinis *B. Mariæ* de monte Carmeli ad Villam sive juxta Villam nostram prædictam possint venire, aptum sibi locum conquirere, in eoque manere, & Domino famulari. In cujus rei testimonium sigillum nostrum ad causas præsentibus duximus apponendum. Datum anno Domini millesimo trecentesimo tertio in Purificatione *B. Mariæ*.

Circa annum 1386. perfecta fuit insignis Ecclesia hujus Conventus intra Urbem scilicet Chorus & anterior pars, constans tribus navibus (ut vulgo dicitur,) & cruce transversâ. Anno 1400. ad partem Borealem exstructum fuit, expensis Prænobilis D. Florentii van Hemstede, insignis Sacellum juxta præfatam Ecclesiam ad honorem B. Virginis *Mariæ*, quodunâ cum Ecclesia & Conventu destructum fuit in turbis Belgicis Ao. 1580 & materialia omnia divendita fuere. Religiosi vero omnes civitate pulsi & ejecti. Mechliniâ reductâ sub obedientiâ Philippi Hisp. Regis Ao. 1585. die 19. Julii. Religiosi regressi in paupertate magna vixerunt. Interim ædificia adhuc restantia reparare cæperunt. Ao. 1612. cæptus reædificari Chorus cum cruce transversâ quæ anno 1615. perfecta & consecrata fuere. Ao. 1643. excitante & urgente insigni Legato D. Joannis vanden Berghe Presbytero super antiqua fundamenta & columnas construi cæpta est anterior pars Ecclesiæ & ad fastigium perducta anno 1651. Strictiorem observantiam seu Reformationem assumpsit hic Conventus ut cæteri Belgici. Ao. 1650.

Floruit hic Conventus priscis temporibus præclaris doctissimisque viris, inter quos octo Episcopi, scilicet.

P. Henricus des Tolvis Episcopus Rossensis, Suffraganeus Cameracensis ac etiam Leodiensis. Obiit anno 1326.

P. Jacobus Croatiensis Episcopus. Obiit Ao. 1370. die 12. Aprilis.

P. Elias Episcopus Radestensis, mortuus Ao. 1420.

P. Joannes de Arundine, vernacule *de Riet* S. T. D. Episcopus Usbitensis & Suffraganeus Trajectensis. Obiit Ao. 1497.

P. Laurentius Ducis Episcopus Hebronensis & Suffraganeus Trajectensis.

P. Ægidius de Merica S. T. D. Universitatis Lovaniensis, Episcopus Berrytensis ac Suffraganeus Cameracensis. Mortuus 1505. die 5. Februarii.

P. Martinus Cuperus S. T. D. Episcopus Chalcedonensis, Suffraganeus Cameracensis ac Abbas Crispiniensis Ord. S. Bened. in Hannonia. Mortuus 1570.

Subest curæ hujus Conventus Capella *S. Crucis* Vulgo *Bruyne Cruyce* sesqui quadrante horæ a Mechlinia, viâ quâ Liram tenditur. In eâ Crux est subnigri & fusci coloris, diciturque experienciâ sæpe compertum, eam colorem



rem ascititium respuere. Hæc Capella primum constructa & fundata Ao. 1358. ab Ægidio Byl Oppidano & Causidico cum consensu Capituli *D. Rumoldi* litteris datis deum 1408. In hac Capella divina peragunt prædicti Fratres Carmelitæ & toto anni tempore magnus illic populi visitatio & concursus, præcipue festo inventionis S. Crucis quando solemnitas illic peragitur Supplicatio, & singulis feriis sextis, est illic populi devotio, frequentatur autem potissimum contra febrium vexationes. In turbis Belgicis destructa est hæc Capella Ao. 1580. dein cessantibus turbis ea exstructa est quæ hodie exstat.

Ecclesiæ Carmelitarum contiguum est Recluserium seu Clusa, in quo tertiariæ quædam ejusdem Ordinis vitam Monasticam & Solitariam agunt, sub curâ & regimine prædictorum Fratrum, in quo aliquæ vitæ sanctitate nuper floruerunt. Institutum est hoc Recluserium Ao. 1657. per Venerabilem *Annam Petit*, quæ ibidem in odore Sanctitatis defuncta est Anno 1677. die I. Novembris.

CARTUSIANI ex Monasterio apud Scheinam in Angliâ prope Dudlum profugi ab anno 1592. hic Mechliniæ recepti sunt. Excesserunt hi finibus suis cum Dux de Feria Legatus Regis Hispaniarum, demortuâ *Mariâ* piissimâ Reginâ anno 1558. jamque regnante *Elisabetha* rediit in Belgium, cujus promissis freti, secuti sunt eum, & evaserunt in continentem, & primo Brugis in Cartusiâ benigne sunt excepti, mox ex Flandriâ Lovanium, & inde Antverpiam, & ad extremum anno prædicto Mechliniam sunt delati, ubi usque ad annum 1626. expensâ Regis Catholici se continuerunt in domo privatâ in vico de *Bleeckstraet*, donec spe meliorum illecti, sedem rursus in Flandriam Neoportum transtulerunt, convasatis omnibus, & valesfacto domui suæ derelictæ, ubi hæctenus sedem stabilem fixerunt.

FRATRES CAPUCINI hic admissi sunt anno 1599. die 13. Januarii a Magistratu & populo Mechliniensi, summo Præture agente *D. Joanne de Lathem*, Consulibus *Nicolao vander Laen* & *Joanne a Wachendonck* ac consensu *Matthiæ Hovii* Archiepiscopi & Capituli Metropolitani, idque favore potissimum, ac litteris commendatitiis serenissimi *Alberti* S. R. E. Cardinalis, & pro Rege Catholico Belgarum Præfecti, directis ad senatum Mechliniensem. Illustrissima *D. Joannâ de Bloys* relicta vidua *Philippi de Croy* Ducis Arscotani, majori ex parte contribuit pretium ad coemptionem domus & fundi hujus Conventus, qui exstructus est in vico vulgo de *Adegem Plaetse* propè portam hujus Civitatis cognominem. Hujus Conventus Ecclesia primum consecrata est Anno 1604. die 26. Januarii a præfato *Matthia Hovio* Archiep. dicata *S. Francisco*, & altare Sacelli lateralis in honorem *S. Claræ*.

Ex Archi-  
vis Mona-  
sterii.

Verum cum locus iste prædictis Fatribus non aptus satis, & nimis arctus, ac angustus foret, consensu Papali, Archiepiscopali & Magistratus, in loco publico ad portam Bruxellensem, vulgo dicto *Den Gansen Driesch* alium Conventum exstruere sunt aggressi, quem cum stagno vicino a Magistratu obtinuerunt Anno 1627. Præcipuam partem fundi, qui intra septa Monasterii comprehenditur, pretio iis comparatum est, ad quod Magistratus liberaliter contulit sex millia florenorum, & legatum testamentarium a patre *Onesimo* fratre Marchionis de Lede, dicto in seculo, *Adriano de Bette*, Domino de Peronne, quinque millia florenorum. Præterea a non paucis varias & largas Eleemosynas accepere. Itaque in dicto loco Conventum & Ecclesiam construere



cæperunt Anno 1633. die 13. Maji, primum lapidem fundamentalem ponente *Petro vanden Wiele* Archidiacono & Vicario Generali ex commissione *Jacobi Boonen* Archiepiscopi, tunc occupati Induciis tractandis cum Fæderatis Statibus in Hollandiâ; ex parte Magistratus secundum lapidem posuit *D. Theodorus vander Laen* Consul, præsentibus variis ex Magistratu ad hoc deputatis.

Hujus Conventus Ecclesia consecrata est a præfato Archiepiscopo Anno 1637. in honorem *S. Francisci* cum summo altari & alio minori in Sacello *B. Mariæ* Virginis. Anno 1659. posita sunt minora altaria ab utroque latere in Ecclesiâ. Hortus hujus Conventus deliciosus est & amoenissimus.

**PATRES SOCIETATIS JESU** Mechliniam venêre ibidemque Provinciæ Belgicæ Tyrocinium posuêre Ao. 1611. fautore *D. Henrico Francisco vander Burchio*, Capituli Metropolitani tum Decani, qui dein anno 1613. evectus est ad Cathedram Gandavensem, & exinde ad Cameracensem atque ibidem obiit Ao. 1644.

Domum Societati cessit uterque Serenissimus Belgarum Princeps *Albertus* & *Isabella*, ædes nempe Cæsareas amplissimi fundi, quam *Philippus* Rex primus, *Carolus V.* Imperator, *Philippus II.* ejus filius & *Maria* quondam Hungariæ Regina inhabitarunt, & in quibus idem *Carolus* Imperator *Fredericum* Saxoniae Ducem Germanico victum prælio in vinculis habuerat.

Augusti ipsorum templi fundamenta posita sunt Ao. 1669. quod Anno 1676. ferè ad perfectionem deductum solemniter dedicatum est *S. Francisco Xaverio* Indiarum Apostolo.

Collegium magnificum eidem Societati suo ære construi fecit *Andreas Cruesen* Archiepiscopus V. ut hæc graphica Collegii inscriptio declarat. **MVNIFICENTIA ANDREÆ PRÆSVLIS.** In hoc Collegio est perpetuum tyrocinium hujus Provinciæ.

**PATRES ORATORII JESU** instituti *Petri Berullii* S. R. E. Cardinalis Galliâ evocati Mechliniam venêre, adjutante *Jacobo Boonen* Archiepiscopo Mechliniensi, qui unâ cum Capitulo & Magistratu Anno 1630. Publicum Gymnasium illis Patribus commisit, ad juventutem hîc undique confluentem bonis moribus & litteris humanioribus imbuendam, in Basilicâ *D. Rumoldi* (cujus ipsi gremio incorporati sunt) variis sacris functionibus intendunt, & cura pastoralis Ecclesiæ *S. Joannis* in hâc Urbe eis commissa est circa annum 1640.

**CARMELITÆ DISCALCEATI** seu excalceati in Urbem recepti sunt Anno 1650. Conventum a fundamentis exstruere cæperunt Ao. 1669. Ecclesiæ (quæ multum insignis est) fundamenta posuêre privatorum & incolarum Elcemofynis adjuti anno 1702. in quâ solemniter Sacrificium altaris oblatum est die 15. Maji. Anno 1707.

**FRATRES S. DOMINICI** instituta sequentes Sylvæducis profugi, eâ urbe a Fæderatis Belgii Statibus occupatâ Ao. 1629. postquam non uno loco substitissent in Majoratu Sylvæducensi, ac Civitate Bredana, & Venlonensi. Tandem mense Majo anno 1651. Mechliniæ pedem figere cæperunt in loco eorum refugii, in quo de licentiâ *Jacobi Boonen* Archiep. Mechl. divina celebrarunt, sed januis clausis, nondum obtentâ admissione.

Dein



Dein anno 1652. favore Serenissimi Archiducis *Leopoldi* Belgarum Præfecti ac per curam & industriam R. P. Reginaldi Cools, postea Episcopi Ru-remondensis ac dein Antverpiensis, qui tunc morabatur Madriti, litteras patentes admissionis *Philippi IV.* Hisp. Regis obtinuerunt, & exinde eorum Refugium, mutatum est in Conventum. Primum in illo sacrum apertis januis solemniter decantavit *D. Joannes le Roy* Canonicus & Decanus Ecclesiæ Metropolitanæ & Consiliarius magni Senatus. Ibidem eo loco, nostrâ ætate insignem Conventum a fundamentis propè Urbis mœnia exstruxerunt. Vocatur hic Conventus hodiedum Conventus Sylvæducensis in Mechliniâ. Nihilominus hodiedum in Urbe Sylvæducensi manent aliqui PP. Dominicani Missionarii sub habitu seculari, suamque illic habent Ecclesiam Parochialem in privatis ædibus domesticam *S. Jacobo* Apostolo sacram conniventibus Fæderatis Ordinibus Belgii.

Anno 1720. die 10. Junii posuere novæ Ecclesiæ fundamenta, primus lapis fundamentalis positus est ab Eminentiss. Cardinale & Archiep. Mechl. secundus per D. Oliverium Sanctissimi Domini *Clementis XI.* Cognatum &c. qui eo tempore cum birreto Cardinalitio præfati Eminentissimi Romæ Mechliniæ advenerat. Tertius per Joannem Baptistam de Brouhoven Comitum de Bergheyck &c.

ALEXIANI quibus patronus *S. Alexius* a vitâ solitariâ & abditâ celebris, & *Cellitæ* dicti, nullis sacris Ordinibus sunt initiati, impensi ægrotis serviendi, mente captos curandi, & mortuos terræ mandandi ministerio, in Urbem recepti sunt adnitente Senatu Anno 1305. & primum illum locum inhabitaverunt in majori Beginasio prope Ecclesiam, qui hodiedum vocatur *Ten Cellebroers*. Cum Beginæ ex eorum Beginasio foris depulsæ in tur-bis Belgicis, coadunati Ao. 1595. se in urbem receperunt, locum & fundum suum Alexiani fratres Beginis pretio cesserunt, iique inde migrarunt ad Hospitalis *S. Catharinæ* ad Urbis portam eumque locum cum vicino, quem pretio sibi compararunt, ad suos usus & commoditates adaptarunt: Incolæ vero hujus Hospitalis sese receperunt ad Hospitalis Nassovianum in eadem Urbe.

## DOMUS PITZENBURGICA.

Domum & Commendariam de *Pitzenburgh* Equitum Teutonicorum Hospitalis *B. Mariæ* in Jerusalem fundarunt, & amplis possessionibus locupletarunt *Bertholdicæ* Stirpis Proceres Mechliniensium Reguli Anno 1198. Dein varii opibus potentes huic domui plurima bona, decimas, & agrorum possessiones liberaliter & abundanter eis contulerunt, sperantes per hos Equites in bello sacro contra Saracenos rem Christianam plurimum promovendam.

Nomenclatura hujus domus est a quodam cui nomen *Spits*, unde ab initio appellata fuit Domus de *Spitsenborch*, habebat illo loco prænominatus ille *Spitsius* ad Dylæ ripam ædificia sua, quorum adhuc pridem existere vestigia.

Ante Annum 1529. omnes qui hac Commendaria potiti sunt Commendatores, Equites Mechlinienses, aut Belgici Nobiles fuere, uti exsecuturâ serie patebit: at nunc Germanicæ Nobilitati soli, ea conditio & dignitas reservata videtur.

Hæc Commendaria subjicitur Magno Commendatori de *Confluentia* (Teutonice *Coblens*) ab eoque Commendatorem subalternum accipit.



Pristinis temporibus & usque ad turbas Belgicas seculi XVI. hanc Commendariam incolebant sub Commendatore justo numero plurimi Ordinis Teutonici Presbyteri & Equites, quasi Religiosorum Monasterium constituentes, Divina Officia peragebant quotidie Presbyteri Ordinis, illorumque Stalla seu Sedes Chorales usque ad nostra ferè tempora superfuere: at hic Presbyterorum & Equitum numerus sensim imminutus est; ita ut hodiè omnes hujus Domus magnæ opes & piarum donationes ab uno Commendatore possideantur, & unus Ordinis Presbyter vix in eâ resideat. Ecclesia hujus Commendariæ dicata est *S. Elisabethæ* filiæ Regis Hungariæ. Jus habet Ecclesiæ Parochialis; adeo ut ipse Commendator, nec quisquam alius de ejus familia alicui alteri Ecclesiæ, aut Parocho sit obnoxius.

## SERIES COMMENDATORUM.

- |   |  |
|---|--|
| 1269. FRATER JACOBUS Commendator Domus Teutonicorum in Machlinia. | TOT NICHENDICH. Obiit. 1560.   |
| 1272. F. HENRICUS DE AQUIS.                                       | 1560. D. OTTO DE SCHENCK.  |
| 1287. F. WILHELMUS.   | 1565. D. CUNO CRATS VAN SCHERPENSTEIN.   |
| 1293. F. HERMANNUS.   | D. ADRIANUS DE RAESVELT.   |
| 1296. F. THEODORICUS.   | D. DANIEL VAN SCHOENBERGH.   |
| 1300. F. JOANNES HOEDE.   | D. HERMANNUS VAN NIEWHOF. Obiit 1629.  |
| 1303. F. LUDOVICUS.   | 1629. D. JOANNES FREDERICUS VAN SIBERGH. Obiit. 1639.  |
| 1309. F. GYSELBERT VLEMINCK.                                      | 1639. D. WERNERUS SPIERS VAN BULLISHEIM. Obiit 1641.   |
| 1313. F. AYMERICUS.   | 1643. D. HENRICUS Liber Baro de Ruyschenbergh.   |
| 1328. F. JOANNES DORMALE.   | 1649. D. CHRISTOPHORUS Liber Baro de Lutzenrode. Obiit 1657.   |
| 1343. F. EDMUNDUS DE MONHEIM.                                     | 1657. D. HENRICUS Liber Baro de Ruyschenbergh.   |
| 1347. F. CONRARDUS DE COLONIA.                                    | 1661. D. GOSWINUS SCHEIFFARDT Liber Baro de Merode in Alnar, dein magnus Commendator Balliviæ Confluentia. Obiit 1684.         |
| 1359. F. JOANNES VANDER MOERE.                                    | 1680. D. JOANNES RENARDUS Baro de Hanzelaer Dominus de Ruyschenbergh. Obiit. 1684.   |
| 1368. F. RUTGERUS DE VYMERSHEIM.                                  | 1684. D. CAROLUS GODEFRIDUS Baro de Loë in Wissen, dein magnus Commendator Balliviæ de Confluentia. Obiit die 22. Martii 1715. |
| 1382. DOMINUS BERTHOLDUS.   | 1716. D. CHRISTOPHORUS Baro de Kyau præsens Commendator.   |
| 1387. D. JOANNES DE WEERDE.                                       | SE-  |
| 1391. D. PETRUS VANDER PASSE.                                     |  |
| 1392. D. WINERICUS VAN RYNDORP.                                   |  |
| 1399. WILHELMUS DE RODE.  |  |
| 1402. D. WERNERUS DE HOEGSTEDEN.                                  |  |
| 1404. D. GERARDUS DE RODE.  |  |
| 1429. D. JOANNES DE MUYLEN.                                       |  |
| 1454. D. NICOLAUS VAN GYLSTORP.                                   |  |
| 1457. D. REYNERUS DE BEPPENHOVEN.                                 |  |
| 1463. D. JOANNES DE WERDE.  |  |
| 1471. D. HENRICUS VAN URSELE.                                     |  |
| 1489. D. ADOLPHUS VAN HALLE.                                      |  |
| 1492. D. WERNERUS SPEYS.  |  |
| 1512. D. LUDOLPHUS A NASSAU.                                      |  |
| 1543. D. FREDERICUS KOEVEN VAN SEGHELBERGH.                       |  |
| 1544. D. PETRUS VAN WEYER   |  |



## SEMINARIUM ARCHIEPISCOPALE.

In hac Urbe olim fuit Domus Fratrum in Communi viventium, qui instituti fuere circa An. 1379. a *Gerardo Magno* Daventriensi, qui post prædicatum magno fructu animarum in partibus Batavicis verbum Dei, Clericos seu Fratres vitæ communis adgregavit, qui Ordinariis suberant & Scholas litterarias instituendæ juventuti aperiebant.

Hæc domus Mechliniensis fundata est Ao. 1490. a *Joanne Standonck*. Is Mechliniæ natus erat tenuissimæ fortunæ parentibus, & ad supremum S. Theologiæ Magisterium in celeberrimâ Parisiensi Academiâ meruit promoveri. Hic Illustrium virorum Eleemosynis adjutus instituit Cameraci, Valencenis, Lovanii, & hîc in patriâ Urbe, Domus seu Collegia pauperum, qualis fuit hæc Domus Fratrum vitæ communis, sita ad Brachium Dylæ, sed Calvinianis Belgium turbantibus & devastantibus desuit ab iisdem Fratribus circa annum 1580. inhabitari, quæ domus exeunte fere seculo XVI. a *Matthiâ Hovio* Archiepiscopo Mechliniensi conversa est in Seminarium Archiepiscopale hujus Diocesis, & bona & census Fratrum ei attributa, præfatus Archiepiscopus moriens illud ipsum scripsit bonorum suorum hæredem Anno 1620. Varii dein viri Illustres illud dotarunt, & illius benefactores fuere, inter quos præcipui *Petrus vanden Wiele* S. T. L. Canonicus, Archidiaconus, & Vicarius Generalis Archiep. Mechl. & *Gerardus Smits* J. U. D. Canonicus Ecclesiæ Metropolitanæ.

Decoratum est hoc seminarium a *Laurentio Neesen* Præsîde hujus seminarii per annos XL. & Canonico Theologali Ecclesiæ Metropol. plurimis novis ædificiis, & nitido ac splendido Sacello *S. Michaeli* Archangelo sacro, qui denique Ao. 1679. moriens bonorum illud suorum fecit Hæredem, adeoque exinde illud excrevit, ut hodie totius Belgii (absit verbo invidia) præcipuum & primum jure merito esse censeatur.

## COENOBIA VIRGINUM.

Inter alterius sexus Coenobia eminet Beginasium unde dictæ Beginæ, quæ tali propagatæ sunt initio. Circa annum 1207. Virgines quædam Beginarum nomine cælibem, sed liberam vitam agentes, venerunt in Brabantiam ex partibus Mosanis. Hæ cum primo in Urbes non reciperentur circa Scaldim sedem fixerunt, ibique recens exstructo *S. Bernardi* Monasterio sese huic subjecerunt, longoque post tempore Confessores suos ex isto Monasterio habuerunt, donec ob frequentes abusus impetrarunt a sanctâ Sede secularem qui rem divinam illis faceret Pastorem.

Hæ cum tempore Mechliniam delatæ in vico, cui adhuc nomen adhæret (vulgo de *Begyne-straet*) diutius resederunt: donec tandem crescente in immensum earum numero, pars anno 1249. extra muros oppidi missa, Curiam, officinas & habitacula sibi exstruxit, tanto successu, ut habitatio earum nonnullis certaret cum oppidulis, muroque includeretur late-ritio, & numerus earum esset aliquot millium.

I. G. a *Ryckel* Abbas *S. Gertrudis* Lovanii in vitâ *S. Beggæ* pag. 639. earum initia refert ad Annum 1259. quo *Nicolaus* Cameracensis Episcopus copiam Beginis fecit habitandi extra Urbis Pomæria, ubi seclu-



ſæ, ſegreſque tranquillius degerent, abſolutæ ab omni ſtrepitu ſeculi.

Anno 1572. vorax flamma uſque adeo huic Beginafio incubuit per Hæreticos immiſſa, ut parum abſuerit ab incineratione ſupremâ. Anno dein 1577. menſis Februarii 16. funditus everſum eſt, ac ferro flammæque violatum ſpecie Urbis muniendæ. Anno 1580. capta ab Hæreticis Mechliniâ immaniter afflictaæ ſunt Beginæ, fortunis omnibus exutæ & ad grave litrum coactæ. Denique exuſto turbis Belgicis hoc Beginafio, aliud Anno 1595. non minori loco in Urbe ſibi compararunt, & exſtruere ſibi domos & domicilia cæperunt. Anno 1629. auguſtum & magnificum ſibi templum erexerunt, cui vix ſimile in Belgio videre eſt.

Ex hoc Beginafio Mechlinienſi olim evocatæ ſunt VI. Beginæ ad inſtantiam *D. Nicolai Rolin* Cancellarii *Philippi Boni* Ducis Burgundiæ, Brabantiae &c. ad formandum Hoſpitale de la Baune in Ducatu Burgundiæ, ab eo fundatum Anno 1443. ita refert Auctor *de l'Histoire des Ordres Religieux* tom. VIII. pag. 7.

Pars Beginarum quæ in Urbe remanſerat Beginafio dicto minori ſub titulo *B. Mariæ Magdalenaë* initium dedit Ao. 1290. ſitumque eſt prope Eccleſiam Parochialem *S. Catharinaë*, cui Parocho in hodiernum diem ſubjicitur.

**VIRGINES VICTORINÆ** ad *D. Auguſtini* Regulam viventes, *Læti Mons*, vel *Mons Syon*, Vernaculè *Blydenbergh*. Si fides adhibenda ſit Mechlinienſium Chronicis & Scriptoribus, hi referunt a *D. Rumoldi* ævo exſtitiffe, vitam Religioſam agentes, ejuſque ſacri corporis cuſtodiaë adhibitas tradunt, & eum locum primitus inhabitaffe ad cœmiterium *D. Rumoldi* ubi nunc cavea vinalis Capituli (vulgo *Den Prieſters Kelder*). Hæ deſtructo ab hunnis earum Cœnobio, dein in eum locum tranſmigrarunt, ubi nunc in eâ urbe degunt Fratres Eremitarum *S. Auguſtini*. Ao. 1262. ad aliam Urbis partem ſe receperunt in ſuburbio propè; at extra portam dictam olim *De Nonne Poorte*, ad Dylam fluvium, quæ poſteris temporibus occluſa eſt.

Cum Ordo *S. Victoris* anno 1113. in Galliis exortus inclareſceret, ejus ritum & inſtitutum ſequi maluerunt; dein ſatius viſum habitum & etiam Regulas *S. Auguſtini* communes retinere, & clauſtrum ſub Priore Viridis Vallis amplecti hortante *Margareta* Eboracenſi viduâ *Caroli Audacis*, & Fratrem *Theodorico de Munſter* \*, ſub *Henrico de Berghes* Cameracenſi Epifcopo quod factum Anno 1480. teſte Chronico Bethleemitico Lib. VI. Art. VII. S. XIV. Ex quo tempore in communi vixerunt, & in Nativitate Domini ejusdem anni uſi ſunt eâdem menſâ & reſectorio.

Ex hoc Monafterio Ao. 961 vel 62. binæ olim directæ ſunt quæ Monafterium Nobilium Virginum de *Bieſelinge* in Zuyt-Bevelandia Zelandiæ Inſula fundarent, teſte *M. Smallegange* in Chronico Zelandiæ edito Middelburgi Ao. 1696. pag. 727.

Item ex hoc Monafterio anno 1374. evocatæ ſunt quæ Abbatiam vulgo *Den Groenen Briele* in Urbe Gandavenſi recens fundatam formarent, cujuſ Abbatiaë duæ primæ Abbatiffæ Religioſæ hujus Monafterii fuère, *Beatrix Vla-*

\* Frater *Theodoricus de Munſter* fuit Mechliniæ, Lovanii & alibi Guardianus, eratque verbi Dei præco eximius, qui anno 1489. peſtiferis magno Zelo & Charitate Bruxellis, emortuis

Pæſtoribus, inſervivit, mortuus in odore ſanctitatis Lovanii Anno 1515. de eo agit *A. Raiſſius* in ſuo auctuario ad Natales S. S. Belgii *Joannis Molani* die XI. Decembris.



*Vlaminx* quæ ibidem obiit Ao. 1384. & *Elisabetha de Bolloe*, quæ obiit Ao. 1416.

Cæterum hæ Virgines everſo earum atque in cineres redactò Monasterio Ao. 1578. in turbis Belgicis, per annos aliquot profugæ fuère ad partes Luxemburgenſes, poſtliminio cum Urbs Mechlinienſis reducta eſſet ad obedientiam Regis Catholici Ao. 1585. reverſæ ſunt, & in Urbem ſe receperunt, ac pretio ſibi locum compararunt in vico de *Boogaert-ſtraete* ex adverſo portæ majoris Beginſii, ibique ædificia ſuis uſibus adaptarunt & exſtruxerunt ac ſtabilem ſedem ibidem fixerunt. Earum Eccleſia exſtructa eſt ut inſcriptio declarat Anno 1627. Viſuntur in Eccleſiâ a vetuſtâ manu plurimæ artiſicioſæ tabulæ vitæ & Martyrii S. Viſtoris, quæ olim etiam ſacrilegas Iconoclaſtarum manus effugerunt.

**BETANIA** Prioratus Canoniarum *S. Auguſtini* Capituli Windeſemenſis, inſtitutis Conſenſu *Joannis* Epilcopi Cameracenſis litteris datis in Abbatîâ de Camerâ prope Bruxellas Ao. 1421. Feſto Cathedræ *S. Petri*. Fundatus eſt a *Maria* Domini Bergarum ad Zomam filiâ, quæ Curiam ſuam de *Peterſſem* juxta oppidi muros Anno 1422. Deo ejuſque Matri Virgini *Mariæ* pro XII. Virginibus donavit teſte Chronico Bethleemítico. Per tumultus Belgicos everſo atque in cineres redactò eorum Monasterio, hæ Virgines ſe in Urbem receperunt, & domum & fundum coemerunt, eoſque ad uſus eorum Monaſticos adaptarunt. Fuerunt primitus ſubjecti Priori Bethleemítico, dein Throniano juxta Herendalium, quo deſtructò unitum eſt Ao. 1616. Monasterio *S. Martini* Lovanii, eâque ratione huic Priori ſubjecti ſunt.

**THABOR** Prioratus Canoniarum *S. Auguſtini*, initia ſua debet ad annum 1451, fundavit eum *Joannes Pupper* Sacerdos Gochenſis in Cliviâ pro VIII. Virginibus Dei ſervitio ſe mancipaturis, atque ad eum finem Prætorium *Wilderenſe* (ut tum vocabatur) confinè oppidi mœnibus coemit, ubi hæ Virgines in honorem *S. Salvatoris in monte Thabor* ſecundum Regulam *S. Auguſtini* vitam Religioſam inſtituerent; ſed cum per turbas Belgicæ eorum Monasterium deſtructum eſſet & igne conſumptum, aliam ubi nunc agunt domum Ao. 1567. ſibi pretio compararunt intra Urbis ſepta, unde etiam anno 1580. pulſæ, poſt ſexennium redierunt & ſuis uſibus Monaſticis plenius adaptarunt. Hæ Virgines ſubſunt Ordinario uti etiam præfatæ Viſtorinæ Læti Montis. Inter alios viros illuſtres hoc Monasterium Rectorem habuit *D. Simonem Verepæum* libris etiam editis clârur, quos Valerii Andree Bibliotheca Belgica enumerat, hic in Turbis Belgicis a Calvinianis pulſus eſt, quem Sylvaducis Urbs Regi Catholico & Religioni Orthodoxæ fida, libens excepit, & Sacerdotio Canonico in Cathedrali *S. Joannis* ornavit, ibidem mortuus Anno 1598.

**MUYSEN** Prioratus Ordinis Ciſterciënſis, nomen ſumpſit a pago *Muyſen* agri Mechlinienſis, Originem vero a quatuor inibi reclusis, quæ Anno 1380. Ordinem & Regulam *S. Franciſci* amplexæ ſunt in feſto *S. Mariæ Magdalænæ*, ſeſeque auctoritati & directioni Decani & Capituli tum Collegiæ *S. Rumoldi* ſubjecerunt. Dein ſub *D. Bavonis* Gandenſium Abbate *S. Benediſti* Regulam aſſumpſerunt, atque adeo exinde excrevère & multiplicatæ ſunt, ut ſtudio potiſſimum & opera *Gerardi de Zipa* Abbate Bodeloenſis Ord. Ciſterc. (quæ Abbatia tum in Waſia erat) Ordini Ciſterciënſi ſint inſertæ pridie Natalis Domini, conſtitutâ primâ Prioriſſâ Anno 1387. *Cathari-*



na *Spaymans*, quæ celebris Mechliniensis Beginasii (quod fuerat tunc instar oppidi erat extra urbis septa) pridem fuerat inquilina, posteris deinde temporibus subiectæ sunt Abbati *S. Bernardi* ad Scaldim Ord. Cisterc. cui etiamnum subfunt, quæ in hoc pago de *Muyseu* tamdiu hæserunt in viciniâ Parochialis Ecclesiæ, donec vastato atque everso a militibus ibidem eorum Coenobio. Anno 1568. non uno loco profugæ, atque exulantes vix Anno 1586. Mechliniam reversæ sunt ubi coemptam domum quæ quodam Ducis Saxonie Palatium erat in Coenobii formam adaptarunt, ubi & Ecclesiæ fabrica nostrâ ætate eleganti modo constructa, quæ imaginibus atque picturis insignibus, marmoreo quoque splendidoque altario, aliisque ornamentis decorata & conspicua existit.

## SERIES PRIORISSARUM.

- |  |   |
|--|---|
| I. Prima quæ inter reclusas fuit <i>Catharina</i> . Obiit 1392.  | VIII. <i>Barbara Schals</i> . Obiit 1553.             |
| II. <i>Elisabetha Tsmans</i> . inter reclusas. Obiit 1404.       | IX. <i>Joanna de Hase</i> . Obiit 1570.               |
| I. <i>Priorissa Catharina Spaymans</i> Obiit 1394.               | X. <i>Margareta Snellincx</i> . Obiit 1575.           |
| II. <i>Maria vanden Daele</i> mortua in odore sanctitatis. 1434. | XI. <i>Elisabetha van den Broeck</i> . Obiit 1609.    |
| III. <i>Elisabetha Swalen</i> . Obiit 1465.                      | XII. <i>Anna van Royen</i> Obiit. 1621.               |
| IV. <i>Margareta Bruymans</i> . Obiit 1472.                      | XIII. <i>Dympna Verstrepen</i> . Obiit 1647.          |
| V. <i>Margareta van Brem</i> . Obiit 1492.                       | XIV. <i>Maria Robertina de Subia</i> . Obiit 1676.    |
| VI. <i>Margareta van Bovendonck</i> . Obiit 1505.                | XV. <i>Elisabetha van Thielen</i> . Obiit 1706.       |
| VII. <i>Sophia Pauwels</i> . Obiit 1538.                         | XVI. <i>Theresia Vermoest</i> . Obiit 1712.           |
|  | XVII. <i>Catharina Theresia de Smet</i> hodie præest. |

**CLARISSÆ PAUPERES.** *S. Francisci* primævam Regulam sequentes, hîc fundatæ sunt a *Godefrido de Vilain* Equite, Toparcha in Huyfse, Borcht, Swyndrecht &c. & *Elisabetha de Immerseel* Conjuges, hic defunctus est Ao. 1482, & hæc 1510, quæ a morte mariti habitum & Regulam Clarissarum assumpsit, quorum domus facta Claustrum Anno 1501. Hæ Virgines capta Ao. 1580. ab Hæreticis Mechliniâ, Coloniam per quinquennium profugæ, demum Ao. 1585. reversæ sunt.

**CARMELITANÆ VIRGINES** Excalceatæ, instituti *S. Theresiæ* Mechliniam venêre anno 1616. Operâ ac curâ sororis *Eleonoræ a S. Bernardo* quæ ab *Alberto & Isabellâ* Serenissimis Belgarum Principibus, optimè in familiam Thæresianam affectis, è Galliâ in Belgium cum *M. Anna a Jesu* & *Beatrice a S. Conceptione* aliisque Virginibus IV. evocata est, cujus etiam studio ejusdem instituti alia uti Lovanii, Gandavi, & Montibus Hannoniæ Coenobia excitata sunt.

**CLARISSÆ DIVITES** vulgo *Rycke Claren* qui mitiorem *S. Francisci* Regulam ex dispensatione *Urbani IV.* Pont. sequuntur, unde & *Urbanistæ* vocantur & annuos redditus possident, Sylvæducis profugæ, postquam in variis locis hæserunt, in hanc Urbem admissæ sunt Anno 1654. quæ



ex coemptis ædibus, eas ad eorum usus domesticos, & formam Cœnobii adaptarunt in vico den *Ouden Bruel*.

LEPROSARIÆ VIRGINES, curandis leprâ infectis operam dantes, vulgo *Sieckelieden*, a *Walthero III. de Berthout* qui ex Syriâ reversus obiit Ao. 1219. dotatae primum, & constitutæ sub annum 1209. quibus velum Monachale & statuta *Petrus* anno 1311. propria quædam *Henricus de Berghe*, ambo Cameracenses Episcopi præscripserunt. Hæ anno 1578. everso & combusto eorum Cœnobio extra portam Bruxellensem sito, in Urbem & tutum se receperunt, ubi hodie degunt haud procul a Basilicâ Parochiali & Collegiata *B. Mariæ* ultra Dylam.

SORES NIGRÆ, Nomen habentes a vestibus atri coloris quas gestant sub Regula *S. Augustini* viventes, institutæ sunt Anno 1465. sub sunt visitationi Ordinariorum, earum officium est ægris inservire, contagio laborantibus subvenire, aliaque his similia exercere munia Christianæ Charitatis, domi vero certo indies sacrarum precum penso persoluto manuali operi insistere, de eo vivere & rem familiarem curare.

VIRGINES NOSOCOMII B. MARIÆ, titulo *S. Elisabethæ*, iisdem institutis ferè viventes, ægris pauperibus ibidem deserviunt. Institutæ sunt circa annum 1200. fundum donante *Alberto Cuyckio* Leodiensi Episcopo, dein variis prædiis, redditibus & censibus a pluribus aliis sunt dotatae. Primitus in hoc Nosocomio erant Fratres & Sorores seorsim degentes, & singuli ægris sui sexus inservientes. A summis Pontificibus variis privilegiis & gratiis fuere insignitæ, atque hoc inter cætera, quod civitate suppositâ interdicto, Nosocomii hujus Ecclesia, istæ poenæ non subiaceat. Ex hoc Nosocomio circa annum 1556. evocatæ sunt aliquot Virgines pro Hospitali Municipii de Ghele, quæ substitutæ sunt ibidem Fratribus in Commune viventibus.

URSULINÆ in Urbem admittæ sunt Anno 1680. postquam primo aliquot annis Palatium Hoogstratanum incoluerant, domum coemptam ad eorum usus Monasticos formare incipiunt in vico de *Schipstraet*. Primæ quæ Coloniam hanc plantarunt venere Namurco.

Harum institutum est ad bonos mores & pietatem instruere puellas adolescentulas. Sequuntur Regulam *S. Augustini*, additis nonnullis singularibus statutis sub jurisdictione Ordinarii.

## PRÆPOSITURA VALLIS LILIORUM.

Ultimum Virginum Cœnobiorum (dignitate tamen primum) agmen claudit illustris Præpositura *Vallis Liliorum* vernaculè *Leliendael* Ord. Præmonstratensis, quæ anno 1231. in pago de *Hombeke* Agri Mechliniensis, ab ejus loci Parocho sumpsit exordium. Ajunt hujus Monasterii occasionem dedisse cantum avium XVIII, qui eo loco ubi Monasterium isto ævo ædificatum est, septies quotidie cantillantes a Sacerdote quodam & Parocho Hombecano *Lamberto* nomine visæ, auditæque sunt, quod quidem augurium sic ipse aliique interpretati sunt, ut Deus ibidem septem horas Canonicas sibi quotidie decantare hoc prognostico velle videretur. Non fuit furdus cantata fabula, Monasterium illico ædificari coeptum est, adlaborante potissimum *Lam-*



*berto* Parocho, qui ad id opus bona sua liberaliter delegavit, invenitque ad id pium opus fautores & probatores Mechliniæ & Duffulæ Dynastas Bertholdicæ stirpis Proceres. Virgines primæ & Ghempe seu insulâ Ducis ejusdem instituti Monasterio inter Dieftham & Lovanium sunt evocatæ. Primam fundationem confirmat Ao. 1233. Godefridus Episcopus Cameracensis hoc Diplomate.

Ex A.  
Sanderi  
Brabantia.

„ Godefridus Dei gratia Cameracensis Episcopus Universis præfens scriptum inspecturis salutem in omnium salutari. Tantò paterna benignitas „ ad exaudienda filiorum desideria piæ exauditionis aurem facilius & pronius „ debet inclinare, quantò eos honesta & salubria, ac nulli juri derogantia „ viderit postulare. Hinc est cur nos justis postulationibus dilectarum in Christo filiarum Sanctimonialium in Parochia de Humbeka juxta *Mackelinas* Congregatarum, ac Ordini Præmonstratensi de novo sicut dicitur incorporatarum; misericorditer inclinati Dyocesanâ auctoritate eis duximus indulgendum, ut in dicta Parochiâ liceat eis Monasterium construere, & vitam sub jugo Domini ducere regularem, salvo tamen in omnibus & per omnia jure Parochiali, & personæ ejusdem loci. Si vero de jure prædicto minus salvo contentio (quod absit) fuerit suborta, hujusmodi interpretationem, sive declarationem, sive juris conservationem, nobis reservamus, ne forte (quod absit) in tam pio opere aliquis de nobis habeat materiam conquerendi. Actum in die Purificationis Beatæ Virginis, anno Domini millesimo ducentesimo tricesimo tertio. Hactenus Diploma.

Porro quod ad fundationem attinet primamve dotationem hujus Cœnobii, luculentum hujusce rei tribuit testimonium diploma, quod in Archivis illius servatur & sic sonat.

Ex A.  
Sanderi  
Brabantia.

„ Universis præsentis litteras inspecturis *Walterus* dictus *Bertholt Dominus de Maglinia & Maria* uxor ejus, salutem, & hujus collationis cognoscere veritatem. „ Ut omnis novella Ecclesiæ militantis funditus radicaretur, & in suis stipendiis inviolabilis perseveret, oportunum existit providum & honestum, ut fundationis suæ „ titulo roboretur, & præcipuè in Collegiis confirmandis, ne divinus cultus in aliquo „ minuatur, vel etiam divinum officium sustrahatur, malitiis hominum est omnî „ diligentia obviandum. Nam jura Canonica protestantur, quod res semel Deo dicata, non est amplius ad humanos usus aliquatenus redigenda. Et quia breves sunt „ dies hominis, memoria labilis, fides modica, habundans malitia super terram, securum censetur, & necessarium judicatur, ut supradictis omnibus obvietur, & facta ac dicta singula conscribantur tempore opportuno, & per scripta autentica ad „ memoriam reducantur. Noverint igitur universi præsentis, pariter & futuri hanc paginam inspecturi, quod *Lambertus* Presbyter & Curatus quondam in *Humbeka* anno „ Domini millesimo ducentesimo trigésimo tertio, suum allodium, in quo fundata est Ecclesia Vallis Liliorum obtulit nostris progenitoribus & antecessoribus videlicet „ *Waltero* dicto *Bertolt* Domino de Maglinia, & ejus uxori Domine *Adeloie* renuntians omni juri quod sibi in fundo hujusmodi competeat, tali appositâ conditione quod in eodem fundo Ecclesia construeretur in honore Virginis Gloriosæ, „ in quâ Canonice commorantes Ordinis Præmonstratensis Deo perpetuo deservirent, & eundem fundum a nostris progenitoribus supradictis, & eorum successoribus „ universis sæpeditæ Sorores in hæreditatem tenerent, quas Sorores supradicti progenitores inhæredabant in fundo superius nominato, annuatim ad duos denarios censuales, „ quem censum postmodum liberè remiserunt & eundem fundum eisdem Sororibus in „ Allodium liberaliter reliquerunt, garentizabant, & ad garentiam observandam suos „ successores universos reliquerunt similiter obligatos. Unde in eodem fundo Canonice Ordinis Præmonstratensis in eodem anno inductæ fuerunt, investitæ & velatæ de licentiâ & mandato Domini Episcopi Cameracensis G. & de consensu & beneplacito speciali Abbatis & Conventus de Corthenbergæ, in quarum monialium „ personatu dictus locus Vallis Liliorum noscitur esse situs. In primâ missâ in eodem „ loco celebratâ *Sabina & Margareta de Nofcegem* Sorores & Canonice Ordinis „ Præmonstratensis habitum acceperunt. Huic Missæ & velationi ex mandato Domini „ minæ



„ minæ *Machtildis de Herpsa* tunc Abbatissæ in Cortenbergæ, interfuerunt Dominæ  
 „ *Ida* nunc Abbatissa ibidem dicta de *Blaisfelde*, *Heilebigis de Nosceghem* tunc Prio-  
 „ rissa, *Odilia de Bernem*, *Heilewigis de Craneim*, *Ida de Herpsa*, Domicellæ & Mo-  
 „ niales in Cortenbergæ. Testes vero omnium prædictorum existunt *Sabina* & *Mar-*  
 „ *gareta de Nosceghem*, *Elisabet* Priorissa, *Margareta* Suppriorissa, *Clementia de Leest*,  
 „ *Wachtildis*, *Beatrix de Hargeschole* & *Machtildis* Sorores, & *Aleidis de Bruxella* So-  
 „ rores professæ in Ecclesiâ Vallis Liliorum. Ut autem singula supradicta perpe-  
 „ tuam habeant firmitatem nostro duximus apponenda figilla. Datum anno Domini  
 „ millesimo ducentesimo sexagesimo quinto.”

Varii deinde fuere hujus Monasterii benefactores, inter quos *Henricus II.* Dux Lotharingæ & Brabantia, qui huic Monasterio contulit piscaturam in flumine Zenne a ponte de Zeimpe usque ad pontem de Heffene, item *Walterus IV. de Bertout* Advocatus de Machlinia qui eidem contulit piscationem a ponte de Weerde usque ad Ecclesiam ad Leest Ao. 1242. quam donationem eodem anno confirmavit præfatus Dux *Henricus*, a quo tenebatur in feudum; non minus etiam eidem Monasterio beneficus fuit Ao. 1259. *D. Arnoldus de Zellaer* Canonicus & Scholasticus Mechliniensis, qui eidem contulit varias agri possessiones in pagis de Saventhem, Melsbroeck, Steenockerfeel & Berghen, item in Hombeke.

Hæ Moniales in hoc loco hæserunt usque ad turbas Belgicas seculi XVI. in quibus Ao. 1580. everso & destructo earum Monasterio in Urbem se recepere Mechliniensem, ubi anno 1592. coemptam ab Abbate *S. Michaelis* Antverpiæ domum sui hospitii seu refugii in eadem Urbe in Coenobii formam, eam egregiè instruxerunt, & dein Ao. 1662. insignem Ecclesiam construere fecerunt, quæ solemniter consecrata est, ubi perfecta erat Ao. 1674. ac deinde marmoreo splendidoque Altari & pavimento ac elegantissimis tabulis decorata est, & adhuc eam illustrare pergunt.

Agunt in hoc Monasterio ferè semper numero XVIII. Virgines in memoriam totidem avium cantillantium, quem numerum cum aliquando excessissent, bis tervè olim studiosè observatum est, Præpositum & Priorissam qui hujus transgressionis causa exstiterant, intra anni terminum ex hac vitâ evocatos fuisse: ita A. Wichmans in suâ Brabantia Marianâ Lib. III. Cap. XLII. : at hodiè non tam observatur, & hoc periculum non tam graviter illis est formidini.

Ex hoc Monasterio anno 1411. evocatæ sunt, quæ Herentalii Brabantia oppido Monasterium ejusdem Ordinis, cui nomen *Hortus Conclusus B. Mariæ*, formarent, cujus Monasterii prima Præfecta seu Priorissa fuit *Anna de Boechout* cum aliis tribus Sodalibus ex Valle Liliorum eo directis. Diploma hujus novi Monasterii refertur in præfata Chorographia Vallis Liliorum A. Sanderi, & ex eâ in Supplem. Diplom. A. Miræi Parte III. Cap. C. XCIV.

## SERIES PRÆPOSITORUM.

D. <i>Petrus</i> . 1253.	D. <i>Godefridus Tfulle</i> . 1403. 1404.
D. <i>Simon</i> & <i>Joannes</i> Canonici in Ninive. Anno 1254.	1410.
D. <i>Henricus</i> . 1283.	D. <i>Ægidius de Rode</i> . 1412. 1416.
D. <i>Joannes de Teneremonda</i> . 1346.	1417. Obiit 3. Augusti 1425.
& 1349.	D. <i>Ægidius de Gotha</i> . 1428. 1430.
D. <i>Joannes de Resseghem</i> , 1399.	1447. 1451. Obiit anno 1463.
	D. <i>Petrus Wynrix</i> .
	Y D. <i>Joan-</i>



- |  |  |
|--|--|
| <p>D. <i>Joannes de Beer</i> Canonicus Abbatiae Diligemensis anno 1469. 1497. 1498. &amp; 1499.</p> <p>D. <i>Godefridus Danys</i> Canonicus Abbatiae Diligemensis. ita Gramaye in Diligemio.</p> <p>D. <i>Wilhelmus Tfas.</i> anno 1506. &amp; 1511.</p> <p>D. <i>Stephanus vanden Broeck.</i> Obiit 1528.</p> <p>D. <i>Ludovicus vanden Berghe,</i> exinde Anno 1543. Abbas Parcensis. Obiit 1558.</p> <p>D. <i>Henricus van Steenweghe.</i> Obiit anno 1558.</p> | <p>D. <i>Joannes de Harlebeka</i> Canonicus Parcensis, cessit Anno 1574.</p> <p>D. <i>Adrianus Nicolai Meremans</i> Canonicus Parcensis, cessit. Ao. 1602.</p> <p>D. <i>Petrus van Spoelbergh.</i> S. T. L. Canonicus Parcensis. Obiit Ao. 1636.</p> <p>D. <i>Gisbertus Mutzarts</i> ex Priore Tongerloënsi. Obiit 1668.</p> <p>D. <i>Jacobus Mollemans</i> ex Pastore in Duffel. Obiit anno 1683.</p> <p>D. <i>Augustinus van Lanschot</i> ex Pastore in Duffel. Obiit Ao. 1707.</p> <p>D. <i>Gregorius la Bastita</i> ex Pastore in Duffel præsens Præpositus.</p> |
|--|--|

## SERIES PRIORISSARUM.

- |   |   |
|---|---|
| <p>D. <i>Elisabetha.</i> Anno 1233.</p> <p>D. <i>Margareta van Oudenghem.</i> anno 1246.</p> <p>D. <i>Catharina Lancvoets.</i> 1352. 1370. &amp; 1372.</p> <p>D. <i>Elisabetha Aleyns.</i> 1381.</p> <p>D. <i>Catharina van Koyenbeke.</i> 1384.</p> <p>D. <i>Catharina van Tricht.</i> 1395.</p> <p>D. <i>Gertrudis van Horst.</i> 1456.</p> <p>D. <i>Catharina van Saventhem</i> 1507. &amp; 1528.</p> <p>D. <i>Petronilla van Kerbeke.</i> 1558. &amp; 1574.</p> <p>D. <i>Margareta Wiffchavers.</i> 1580. Obiit in exilio Coloniae Agrip-</p> | <p>pinæ cum Sanctitatis opinione.</p> <p>D. <i>Elisabetha Zuetens.</i></p> <p>D. <i>Maria Boonen</i> amita Jacobi Boonen Archiep. Mechl. Obiit 1601.</p> <p>D. <i>Anna Loots.</i> Obiit 1629.</p> <p>D. <i>Petronilla de Cottignies.</i> Obiit Ao. 1644.</p> <p>D. <i>Joanna a S. Trudone.</i> Obiit Ao. 1651.</p> <p>D. <i>Elisabetha van Beke.</i> Obiit Ao. 1673.</p> <p>D. <i>Anna Monica de Backer.</i> Obiit Ao. 1697.</p> <p>D. <i>Beatrix Moens</i> hodie præest.</p> |
|---|---|

ECCLESIAE PAROCHIALES  
RURALES.

BERGHEN latinè Berga in Diplommatibus legitur, pagus proximè terminus Campenhout, sub cujus est præfecturâ.

Anno 1560. hoc Dominium obtinuit a Rege jure pignoratitio *Franciscus Hinckaert*, & reoppignoratium a *Joanne Hinckaert* Ao. 1626. illud Anno 1644. die 6. Junii emptione absolutâ a *Philippo IV.* Hisp. Rege acquisivit *Maximilianus Hinckaert*; hinc per nuptias devenit ad gentem van *Steenlant* ex quâ hodie hoc Dominium possidet *Ludovicus Joseph van Steenlant*, cujus investituram accepit Ao. 1702. ita excepiimus ex Curia feudali Ducatus Brabantiae.

Ecclesia tutelarem colit *S. Servatium* Tungrensem Episcopum. Patronatus spectat ad Abbatem *S. Adriani* in Gerardimonte Ord. *S. Benedicti*, cum non



non exigua parte decimarum, dono *Nicolai* Episc. Camerac. Ao. 1142. Ejus Diploma refert *A. Miræus* in Donat Belg. Lib. II. Cap. XLIV. novæ edit.

In nomine Sanctæ & Individuæ Trinitatis. *NICOLAUS* Dei gratiâ Cameracensium Episcopus, tam futuris quàm præsentibus in perpetuum. Officii nostri dictatione compellimur, ut Ecclesiarum incrementis Pastoralis sollicitudine invigilemus. Sed cum ille unus cogitatur, qui nec excogitari potest, Deus Deorum, quis hanc sollicitudinem habeat, quis usque ad satis impleat?

Nos autem in his, quæ ex parte sunt, Deo placere cupientes, ut cum ea evacuantur, ad perfectum pertingamus, bonorum virorum in Cœnobiis degentium jejuniis, vigiliis & orationibus, divinâ miseratione elaborabimus.

Igitur Prædecessorum nostrorum exemplis conformati, Venerabili Filii nostri *GEROLDIMONTENSIS* Ecclesiæ Abbatis *GERBODONIS* petitionibus acquiescentes, tam sibi quàm Fratribus inibi servientibus, in subsidium Altare de *Berga* liberum ac sine persona, salvis tamen nostris nostrorumque Ministrorum debitis, in perpetuum possidendum contradidimus.

Ut verò tam hæc nostra Donatio quàm etiam & ea, quæ eidem Ecclesiæ à Prædecessoribus nostris, sive Principibus, cæterisque fidelibus ante collata cognovimus, rata in perpetuum permaneant, Sigilli nostri impressione ac fidelium nostrorum fidei attestatiōe confirmavimus;

Altaria scilicet, quæ ei Venerabilis hujus Ecclesiæ nostræ Episcopus *GERARDUS* *Vide supra* secundus contulit; Altare de *Holthem* cum appenditiis suis, *Hildregem*, *Idregem*, *pag. 513.* Altare de *Ockegem*, Altare de *Torincurth*, cujus obsonium per singulos sunt annos quattuor denarii; Altaria quæ *MANASSES* ejus Successor contulit, Altare *Vide supra* de *Lergia*, Altare de *Emelewordegem*, Altare de *Golddegem*, cum appenditiis suis *Im- pag. 165.* *pa* & *Otregem*, quod *ODO* Episcopus contradidit; quod etiam *BURCHARDUS* tradidit, Altare de *Asplar*, cum appenditio suo *Halu*.

Sed & libertatem, quam supra memorari Pontifices Gerardus & Manasses ei concesserunt & confirmarunt, ut in Altaribus suis nullus Ministrorum nostrorum Synodum celebrare, nisi vocatus ab Abbate, auderet; ipse etiam Abbas malefactores suos excommunicare, satisque facientes absolvere, nisi prius conquestus fuerit Episcopo, licentiam haberet, & Altare de *Hunegem* cum appenditiis suis *Geroldimonte* & *Boular*, ab omni obsonio liberum, quod eidem Pontifices concesserunt, concedimus & confirmamus.

Confirmamus etiam & terras, quas pius *ROBERTUS* Flandrensis Comes, provinciam Ecclesiæ scilicet, & duos dominicos mansos supra Teneram fluvium, cum prato suo, & terras arabiles de Monasterii fonte, cum pratis & silvis sive decimis, ab omni jure suo liberrimas dedit. Terras etiam quas *STEPHANUS* dedit de *Boular* in *Lergia*, terras de *Holtem*, terras de *Bacrahem*, terras de *Scindelbecca*, dimidium villæ de *Spinegem*, cum pratis & silvis; *Morengem* cum silvis & pratis, quartam partem villæ *Torincurth* cum silvis & pratis, terras quas eadem Ecclesia à *S. Waldetrude* censualiter in *Vlienberga* & *Morbecca* tenet, terras de *Guatzonifcurte* cum silvis & pratis, terras de *Wasterebba* cum pratis, minutiasque terrarum, quas ubi & ubi fideles contulerunt.

Ut verò hæc Charta indissolubilis permaneat, Sigilli nostri imaginatione firmata est: custodientes eam, in perpetuum benedictione ditati, infringentes eam anathematis gladio sunt fauciati. Ad hoc Testes idonei introducti sunt. . . .

Hujus appendix est, & proximè affinis, Capella de *Lel*. quæ *S. Lamberto* Mart. Tungrensi Episc. sacra est.

Capellanix *S. Lamberti* & *S. Antonii* sunt incorporatæ curæ Pastoralis de Berghen cum onere VIII. missarum in quindenâ, dum earum proventus per bella pereunt; habet Pastor ex contractu cum præfato Abbate 400. flor. alias tantum 218. flor. In Ecclesia de Berghen est Capellania B. M. V. cum onere V. missarum in quindenâ, ad illam præsentat Pastor, & Præfecti Fabricæ & *S. Spiritus*; item ibidem Capellania animarum gravata etiam V. missis in quindenâ. Patronus est præfatus Abbas.



BLAESVELT, olim in Diplommatibus *Blaisfelde*, uno milliari cum dimidio a Mechliniâ propè aquæductum Bruxellensem, districtus Merchtemensis, Municipium titulo Baronatus illustre, & insigni prætorio nobile; cujus schema exhibetur in Castellis Nobilium Brabantix Baronis *Le Roy*.

Possedit illud Anno 1328. *Rodolphus Pipenpoy* Senescallus Brabantix, cujus filia *Margareta* nupta *Joanni de Wytvliet* in illam transtulit stirpem; dein Ao. 1383. *Joanna* Ducissa Brabantix illud possedit; inde in exsolutionem debiti donatum fuit *Joanni Domino de Bouchout*; ab illo venditum *Joanni de Maerschalck* e Flandriâ: Post legimus *Blaesveldæ* Dominum *Adrianum Sanders*, item *Joannem vander Bruggen*, & ab illo transcriptum *Judoco de Prant*, qui duxit *Annam de Brande*, filiam *Joannis* & *Annæ de Brunne*, cujus patruus *Rolandus de Brande* Dominus de *Wevelghem* duxerat *Judocam de Halewyn* Dominam de *Leberghe*: *Judocus* autem de *Prant* genuit *Annam*, uxorem *Jacobi d'Ongnies* Toparchæ d'*Estrées*, a quibus descendunt Comites d'*Estrées* & *Coupigny*; & *Adolphum de Prant* Dominum de *Blaesvelt* Equitem *D. Jacobi*, qui ex *Margareta de S. Aldegonde*, filiâ *Nicolai* Domini de *Noircames*, & *Honorinæ de Montmorency*, genuit *Hugonem de Prant*, Dominum de *Blaesvelt*, qui ex *Clara d'Affetadi* procreavit *Cosman de Prant*, in cujus favorem hoc Dominium a *Philippo IV.* Hisp. Rege Ao. 1647. die 1. Aprilis in Baronatum erectum fuit, quod cognatæ suæ *Agneti Bernardinæ de Montmorency*, filiæ *Joannis* & *Lauræ d'Affetadi* die 12. Maii 1650. nubenti *Baltasari Guilielmo d'Ongnies* Comiti de *Coupigni* in dotem dedit, in quâ stirpe hætenus perseverat.

*Erectum  
in Baro-  
natum.*

In Choro templi de *Aertselaere* humi ante aram legitur hoc Epitaphium.

**Hier leght begraven Joncker Adriaen Sanders in  
synder tyt Heere van Blaesvelt / vander Brug-  
gen en Cleydaele / de welcke hy by weldaden  
vercregen heeft dat weerdigh heplich reliecke  
van Mirakele den rechten arm van Sinte Ve-  
nart / den welcken hy gegeven heeft ter eeren  
Godts ende onser Liebebrauwen deser Kercke  
van Aertselaere. Die sterf int jaer ons Heeren  
M. CCCC. XCIV. op Alderheplichen avont.**

In Parochiali de *Blaesvelt* exstat insigne Mausolæum marmoreum cum hac inscriptione.

## MONUMENTUM.

Illustrissimæ Familiæ de *Prant*, *Judocus de Prant*  
*Maximiliano* Cæsari a Cubiculis, ejusque stabuli Præ-  
fectus summus, cum eodem Cæsare Belgium ingressus  
uxorem duxit *Annam de Brande* stirpem generosam &  
incly-



inclytam, nobilibus filiorum conjugii, quæ ad usque *Cosmam de Prant* Baronem de Blaesvelt continuavit. Hic sine prole defuncto Mechliniæ XVI. Maji M. DC. L.

Hic jacet *Margareta van Hornes Cosma de Prant* Baroni de Blaesvelt marito suo decem & octo annis superstes liberis caruit, sed horum loco pauperes quasi in tot filios adoptavit, egenis verè mater, patrona, refugium, divitibus dilectionis pulchrè exemplum, immitare, eamque Deo commenda. Obiit Mechliniæ XXII. Septembris. M. DC. LXVIII.

Ecclesia quæ *S. Amando* sacra est, possidet Venerandas Reliquias *S. Crucis*, dono præfatæ *D. Margaretae de Hornes*, quæ & in hac Parochiali plures fecit sacras foundationes.

Patronatus spectat ad personam de Heffene. Decimarum participes sunt præfatus Personatus de Heffene, qui incorporatus est Capitulo Metropolitano *D. Rumoldi*, Baro hujus loci, & Parochus.

Hic pagus Anno 1580. propter illuviem aquarum & amissionem bonorum desiit habere Parochum, & Pastor vicini pagi de Willebroeck a quo distat horæ quadrante, deservit ad annum circiter 1616. a quo tempore proprium iterum habuit Parochum.

BOENHEYDE pagus est sub Præfecturâ Arculæa, primo lapide a Mechliniâ ad rivulum *Boeymeer*, nomen inditum voluit huic loco a vicino ericeto, quasi bonum ericetum; sed magis apparet a præfato rivulo nomen sortitum.

Hujus loci Dominium jure pignoratitio devenit die 17. Augusti ad *Jacobum de Castre*, & eidem familiæ absolutè venditum a *Philippo IV.* Hisp. Rege Anno 1648. die 6. Novembris, a quâ Anno 1705. titulo emptionis illud acquisivit *Petrus Franciscus Vitalis de Romrée* Dominus de Mazée, Padenborch, Zellaer, Canegem &c. Vir Consularis in urbe Mechliniensi, cujus Toparchiæ modo potitur filius Joannes Engelbertus de Romrée, titulo donationis propter nuptias cum *Joanna Isabella Vequemans* filiâ Baronis de la Verre. Locus hic salubris est, prædiumque quodini bi dominus habet amoenum.

Hic loci est Dominium de *Berentrode*, peculium antiquum gentilium de *Baert*, quod modo possidet *D. Philippus Franciscus Baert* Baro de Marez. J. U. L. Præpositus Metropolitanæ Mechliniensis Canonicus Nobilis Graduat &c. Hæc Toparchia non contemnendam hic loci habet jurisdictionem, Curiam feudalem, Censualem & plurimas agri possessiones cum prætorio, & variis præeminentiis instructa est, unde pagus olim vocabatur *Nostre Domina de Berentrode*, spectabat olim hæc Toparchia ad *Bertholdos* Mechliniæ & alibi Regulos.

In extremitate hujus pagi quadrante horæ a Mechliniâ ad pontem vulgo



*Pas-Brügge*. est una ex vetustissimis terræ Curiis (*Curiam Besseræ* dicunt) spectabilis. Flandricè *Het Hof van Besseren*, exercent autem hæc tales Curie supremam jurisdictionem in circumjectos aliquot pagos, qui ad eas, primà quod dici solet instantiâ, inde vero ad Cancellariam Brabantiæ appellant.

Ecclesia dicata est *Virgini Deiparæ Mariæ*, in qua viget cultus specialis *S. Rochi* pro pestiferis patroni. Patronatus comperit Capitulo Metropolitano *D. Rûmoldi*, quod potiorem partem obtinet decimarum: Parochus in iis suam habet portionem & certum districtum, habetque etiam suum *D. de Schiltboven* gentis de *le Cocq*.

**BOORT-MEERBEECK**, hodie per syncopen *Meerbeek*, milliari cum dimidiò a Mechliniâ, viâ quâ itur Lovanium, Præfecturæ Camphoutanæ.

Hoc Dominium anno 1644. die 16. Martii a *Philippo IV.* Hisp. Regè absolutè venditum *D. Susannæ de Meulenaer* viduæ *Caroli de Santacruz* equitis, cum antea a variis jure pignoratitio foret possessum, ejus Dominium hoc emptionis titulo spectavit ad gentem de *Santacruz*, quod inibi habet Prætorium vulgo *'t Hofter Høye*, quod exhibetur in Castellis Nobilium Brabantiæ Baronis *le Roy*.

Nuper hoc Dominium devolutum est ad hæredes familiæ de *Santacruz* ex quibus Ao. 1710. illud Dominium adiit, ejusque investituram accepit in Curia feudali Ducatus Brabantiæ *Antoniâ Baltina Tucher*.

Varii in hoc pago dominantur, suaque habent Prætoria, inter quæ eminet Dominium *d'Oudenhoven* cum Castello, quod pridem fuit gentis de *Lannoy*, quod hodie est jure uxorio Baronis de *Robecque*.

In hac Parochiali exstant sequentes sepulchrales inscriptiones Dynastarum in Choro.

D. O. M.

Hier boren leydt begraven Vrouwe Anna Sweerts doen sy leefde vrouwe deser Prochie ende **Douairiere van Ghes** / sterf den 21. October anno 1625. Die in dese Kercke heeft gefondeert een eeuwich jaergetey / met distributie van 13. wit stuyvers brooden aen derthien Arme / tot dien een maendelycke misse van Requiem.

Hier leydt begraven Joncker Philips Sweerts in syn leven Heer van Boort-Meerbeeck / die sterf den 17. dach van Meert Anno XV<sup>c</sup>. LXVIII.

D. O. M.

AC

Piæ posteritati *D. Caroli de Santacruz* Equitis Aurati &



& *D. Joannis vander Laen*, hic sepulti, quorum illum Illustri apud Hispanos, hunc prænobili apud Mechlinienses stemmate oriundos, *Domina Susanna de Meulenaer* Toparcha de Boort-Meerbeecke Hispalensis, non impari apud Flandros sanguine progenita, in Conjuges adlegit, imo elegit, utpote ambos debito virtuti defunctos officio, ille enim natali Antverpiæ, quâ amorem, quâ doctrinam, sæpius Senator, sæpius Consul, dicavit hic eisdem meritis, eisdem muneribus patriam amplexus fuit Mechliniam ambos una *Susanna* suos fecit, istum denatum Octavo Kalendas Aprilis anno 1640. ætatis 50. Hunc pridie idus Septembris anno 1664. vitæ 47. luxit subsecuta, ac in hoc loco sepulta est, dum annum numerabat nonum supra quinquagesimum 28. Februarii 1670. & subsecuturi brevi, æternum hoc amoris, luctusque sui monumentum Patri *Carolo*, Matri *Susannæ*, Vitrico *Joanni Francisco*, *Ioannes Franciscus* Toparcha de Boort-Meerbeecke, *Ferdinandus Carolus*, *Isabella Clara de Santa-cruz*.

P. C.  
R. I. P.

In Choro ibidem *B. Mariæ*.

**Hier leydt begraven Jo<sup>r</sup>. Louis de Lannoy, in syn leven Heere van Oudenhoven in Boort-Meerbeecke / Post-Heester van synen Coñ. Maj<sup>r</sup>. der stad Mechelen / sterf den 28. April 1645. ende syn Hupsbrouwe Jousfrau Catharina Heyleweghen, sterf den 22. Januarii 1654.**

Ecclesia tutelarem veneratur *S. Antonium*, cujus in hoc loco est cultus specialis & ad quem Divum hic plurima fit peregrinatio, eaque toto anni tempore perseverat. Patronatus hujus Parochialis olim spectavit ad Personatum hujus Ecclesiæ, & propter incorporationem eo jure utitur Archiepiscopus.



Decimarum varii sunt participes uti præfatus Personatus incorporatus ad opus Officialis Mechliniensis, Parochus, qui insuper solus gaudet Novalibus. Canonici Zellarienses *D. Rumoldi*, Monasterium de Musenis, Fabrica hujus Ecclesiæ & Capellania S. Crucis.

Est hic loci sacellum S. Annæ.

CAMPENHOUT. Præfecturæ hujus nominis caput, altero milliari a Mechliniâ. Oppignorum hoc Dominium a Rege die 8. Februarii 1631. *Philippo Lambrechts*, pretium fuit 7000. Flor. & reoppignorum die 10. Aprilis 1638. *Philippo Theodoro de Fourneau* Domino de Capelle, in quâ stirpe hætenus perseverat, qui modo *Franciscus Philippus de Fourneau* Comes de Cruyckenborch &c. Præfatus Comes hic loci possidet insigne Prætorium de *Wilder* cum Dominio, quod nobis exhibet Baro *le Roy* in Castellis Nobilium Brabantiae. Ibidem Castrum de *Ruysbeeck*.

Ecclesia dicata est Virgini Deiparæ *Mariæ*, ad Pastorale munus nominat Abbatisa Cortenbergensis Ord. S. Bened. Dono *Burchardi* Episc. Camerac. Ao. 1123. quod diploma (prout excepimus ex Chartulario hujus Abbatiae) exhibebimus in pago de Erps, cum de eo acturi sumus; hanc donationem deinde confirmavit *Rogerius* item Episc. Camerac. Ao. 1180. cujus diploma refertur in Suppl. Dipl. A. Miræi part. II. Cap. LXVI. ut sequitur.

*Ex Archi-  
vis MS.  
Eccl. An-  
derlecht.*

In nomine Domini. ROGERUS Dei gratiâ Cameracensis Episcopus, tam futuris quàm præsentibus in perpetuum.

Ex autentico scripto Venerabilis memoriæ Domini *Burchardi* Cameracensis Episcopi Nobis innotuit, quod Ecclesia de *Campenhout* Sanctimonialibus de *Curtenberga* ab eodem canonicè donata fuerit, & confirmata.

Unde quum de rationis consideratione, & officii nostri administratione Antecessorum nostrorum factis & scriptis Canonicis assentire tenemur, prædictam Donationem Ecclesiæ de *Campenebot*, quæ est dimidia Ecclesia, nostrâ quoque Auctoritate confirmamus, & subscriptorum attestazione, cum Sigilli nostri appositione, salvo nostro & officialium nostrorum jure, corroboramus.

Signum Anselmi de Tongre,  
Walteri Decani de Bavai,  
Herberti Capellani,  
Rogeri,  
Nicolai, Clericorum nostrorum.

Signum Arnulfi Personæ,  
Robini Decani de Bella,  
Walteri Decani de Cirvia,  
Fulcardi Subdecani de Antwerpia,  
Magistri Wilhelmi de Maslinis.

1180.

Actum anno Domini MCLXXX.

Univerſa hujus pagi Decima spectat ad præfatam Abbatiam cum plurimis agri & sylvarum possessionibus, Pastori ex iis decimis solvitur annuè competentia 400. flor.

Ad reparationem Ecclesiæ tenetur Fabrica, quæ pro onere illo recipit annuè a præfatâ Abbatia 40. Halsteria Siliginis mensuræ Lovaniensis & 40. Halsteria Hordei ejusdem mensuræ.

In Castello de *Wilder* est sacellum S. *Barbaræ* Virg. & Mart. & Capellania Castralis gravata tribus sacris in septimanâ.

CAPELLE hujus Præfecturæ nominis caput, ad Aquæductum Bruxellensem, altero lapide a Mechliniâ, vocaturque *Capelle op den Bosch*



*Bosch* ad distinctionem alterius Capellæ *S. Udalrici* Præfecturæ Rodensis.

Peculium olim fuit Nobilis familiæ cognominis, dein constat illud Ao. 1439. *Joannem Pipenpoy* vendidisse *Joanni Hammans*, nec multo post Ao. 1455. Dominum habuit *Gabrielem Offhuys*, & denique Ao. 1478. *Joannem Groelst* & anno 1515. *Antonium Hoots* tandem anno 1559. *Joannem de Merode* eodem titulo ad se & suas familias traxisse, a quo ad *Philibertum de Mol*; qui omnes jure pignoratio illud possiderunt.

Ao. 1626. die 1. Augusti a Rege reoppignoratum fuit cum pago vicino *Ramsdonck* *Joanni Bertholt* pretium fuit 22000. flor. a quo emptionis jure illud acquisivit *Jacobus de Bouton*, Eques Dominus de Stalle Ao. 1667. cujus filius *Petrus de Bouton* illud revendit *Hyacintho Josepho van Beughem* Domino de Ottignies, cujus investituram accepit in Curiâ feudali Ducatus Brabantiae die 11. Julii Ao. 1698.

Constituit cum *Ramsdonck* unum tribunal.

Ecclesiæ Patronus est in hoc loco *S. Nicolaus* Episc. Pastorale munus confertur per Archiepiscopum hujus Dioecesis, quo titulo dicitur in pago *Semps*.

Decima spectat ad Parochum, sed certum districtum Decimarum prætendit Abbatissa Cortenbergensis, sub prætextu quod ille subsit Parochiæ de *Leest*, an jure, hæcenus indagare non potuimus; attamen apparet ad Parochiam de *Leest* tantum devenisse ratione deservituræ, cum hic Pastoratus olim non haberet Parochum, & deserviretur ab unâ parte a Pastore de *Leest* & pro alterâ a Pastore de *Ramsdonck*.

*EELEWYT S. Huberti*, olim *Elewite*, Præfecturæ Campenhoutanæ, primo lapide cum dimidio a Mechliniâ. Dominium jam dudum spectans ad gentem de *Marselaer*, constituens cum *Parck* unum tribunal. Pars exigua hujus pagi subcensetur Eppegemio, & ad Nassovios pertinet.

In hoc pago situm est Castellum *Ter Borch* cum Dominio, possessum olim a gentilibus de *Waelhem*, in quâ stirpe permansit, donec per nuptias *Annæ de Waelhem* translatum ad *Jacobum de Godin*, Dominum de *Beaumets* & *Mericourt*, in quâ familiâ perseverat.

Hic pagus redolet antiquitatem Romanam, quod plurima vetera Romanorum numismata, quæ ibidem hodieum cruuntur, satis indicant.

Ecclesia dicata est *S. Huberto* Leod. Episc. qui cultu singulari ibidem colitur & ad quem Divum plurima fit peregrinatio, præcipuè in hujus Divi annuo festo, Ecclesia ornatur ejus sacris Reliquiis approbatis a *Jacobo Boonen* Archiepiscopo. Patronatus olim spectavit ad Thesaurarium Capituli Metropolitani Cameracensis, quæ dignitas cum Ao. 1603. sit extincta, eo jure utitur Archiepiscopus hujus Dioecesis.

Decimarum participes sunt Gerardimontis & Grimbergensis Abbates, Domus Pitzenburgica in Urbe Mechliniensi, Xenodochium *B. Mariæ* in eadem Urbe, & Toparcha, singuli in suis districtibus, omniumque tertiam cum Novalibus & decimas carniū percipit Parochus.

*EPPEGEM* olim in Diplomatibus *Eppinghem*, milliari cum dimidio a Mechliniâ, quâ per viam lapidibus nuper stratam itur Bruxellam, quam Zenna fluvius interfecat, Dominium Præfecturæ Grimberganæ ad Nassovios



ſpectans, Anno 1702. a Morte *Guilielmi* Aurangiae Principis atque Magnae Britanniae Regis, incertum ad quem ex Naſſoviis hoc Dominium cum Grimbergâ devolutum ſit.

Varii hic loci habent ſua Prætoria & Jurisdictionem perſonis & locis diſtinctam, inter quæ eminet Dominium & Prætorium *In de Velde* vulgò *Het Cattenbuys*, olim peculium *Micaultiorum*, hodie ſpectans ad Comitem de *Maldeghem*.

Item Dominium de *Impel* cum Caſtro, olim *Oyenbrugganorum* peculium, hodie emptionis titulo ſpectans ad gentem de *Locquet*, qui modo *Joannes Michael de Locquet* Prætor Urbis ac Provinciæ Mechlinienſis.

Eccleſiæ tutelaris eſt *S. Clemens Papa & Mart.* cujus ſacræ Reliquiæ magno fidelium concuſſu hic honorantur.

Pæſtorale munus confertur per Archiepiſcopum hujus Dioceſis jure Ordinarii in hac Parochiali eſt Capellania animarum gravata miſſa hebdomadali.

Decima in novem diviſa eſt manipulos, eorumque duos percipit Capitulum Metropolitanum Cameracenſe, reliqui cedunt Abbatiae de Camera Ord. Ciſterc. prope Bruxellam, Domui Olivetanæ Mechliniæ Parocho, Abbatiae Grimberganæ, Canonicis Zellarienſibus Mechliniæ, & Beginatio Bruxellenſi, habetque inſuper diſtrictum quemdam ſeſe extendentem ſuper XXVIII. bonariis Beginatium majus Mechlinienſe, ſed tertiam partem iſtius decimæ percipit Pæſtor, qui inſuper ſolus percipit decimas Novalium a parte ſeptentrionali fluminis *Zennæ*.

In hoc pago ante turbas Belgicas ſæculi XVI. fuit Hoſpitale pro viatoribus recipiendis; ſed a non pauco tempore deſiit, & bona & cenſus illius aliis ſacris uſibus ſunt assignata.

*Ereſtum  
in Comi-  
tatum.*

ER PS præfecturæ Vilvordienſis, milliari cum dimidio diſtans Lovanio, & tribus Mechliniâ, Dominium titulo Comitatus Illuſtre, jam dudum ſpectans ad Illuſtrem familiam de *Boiſſchot*, ereſtum in Comitatum cum ſuo annexo Quarebbe a *Philippo IV.* Hiſp. Rege Ao. 1644. die 31. Decembris in gratiam *Ferdinandi de Boiſſchot* Baronis de Saventhem in qua illuſtri familia perſeverat. Nuper per mortem *Eugenii*, *Giſleni*, *Valentini*, *Joſephi de Boiſſchot* Comitidis de Erps &c. hoc Dominium cum aliis Toparchiis adiit 28. Maji 1720. *Helena*, *Hyacintha de Boiſſchot* Comitiffa de Erps, & Koninchegg. &c.

Eccleſia inſcripta eſt *S. Amando* Tungr. Epiſc. cujus Patronatum gerit Abbatiffa Cortenbergienſis Ord. S. Bened. dono *Burchardi* Camerac. Epiſc. Anno 1125. cujus Diploma donationis excepinus ex Chartularia præfatæ Abbatiae ut ſequitur.

„ *Burchardus Dei gratia* Cameracenſium Epiſcopus, tam præſentibus quam futuris  
 „ in perpetuum. Scripturâ atteſtante, quæ ait Congregationi pauperum affabilem te  
 „ facito, ad paſſionem commonemur. Petitioni igitur ſororis noſtræ *Idæ* Abbatiffæ  
 „ de Cortenberge condeſcendimus & Eccleſiæ ſuæ ad relevandam Monialium ibidem  
 „ Domino famulantium paupertatem, Altare de *Erpſa*, Altare de *Campeneold*, quod  
 „ eſt dimidia Eccleſia, libera & ſine perſonâ, ſalvis noſtris, & miniſtrorum noſtro-  
 „ rum debitis conceſſimus; ad arcendas itaque quorumlibet importunitates, datâ  
 „ conſervatoribus pace, prævaricatores quoad reſipuerint anathematis gladio tranſ-  
 „ verberamus, & ſub ſignato Canonico teſtimonio, Sigilli quoquo noſtri approba-  
 „ tione decreti paginam confirmamus. Sigillum Rudolphi Archidiaconi, Anſelli  
 „ Archidiaconi, Theodorici Archidiaconi; Ereboldi Præpoſiti, Gilardi Decani,  
 „ Ha-



„ Hadeguini, Widonis, Radulphi, Gerardi, Offridi, Hugonis Canoniorum.  
 „ Actum Incarnati verbi M. C. XXV. Pontificatus Domini Burchardi VIII.

*Weriboldus Cancellarius Recensens vidi.*

Decimæ spectant ad Abbatissam Cortenbergensem tamquam principalem, ad Capitulum *S. Petri* Lovanii secundæ foundationis, Pastorem hujus loci, & Capellaniam hujus Ecclesiæ, habetque Pastor competentiam 400. flor. annuè, quam partim percipit a præfatis Canonicis, partim ex bonis Pastoratibus.

Ecclesiâ hujus loci igne fortuito de cælo tacta conflavit Anno 1706. dein jure decimarum & incolarum eleemosynis restaurata est.

In hac Parochiali sunt IV. Capellaniæ, scilicet *B. Mariæ* Virg. *S. Nicolai* primæ foundationis incorporata Pastoratui Anno 1585. ab *Joanne Hauchino* Archiep. Mechl. *S. Nicolai* secundæ foundationis, & *S. Barbaræ*, item hic fundatum Cautuarium *S. Barbaræ*.

HAEGHT amœnus & multum populosus pagus ad Dyliam fluvium olim dictus *Hoogh* ab eminentiâ loci, subcensetur Baronatui de Rotselaer, spectat ad Ducem Arscotanium qui modo Dux Arembergiæ.

In hoc pago ad Thylam, sive mollius Dyliam fluvium, utrumque enim sine delectu legitur (quod semel notasse sat est) est Dominium de *Roost*, antiquo castro celebre, ornatum supremâ, mediâ & infimâ jurisdictione, pridem gentilium *d'Oyenbrugge de Duras* erectum in Baronatum a *Philippo IV.* *Erectum in Baro-*  
*natum.* Hisp. Rege Anno 1651. die 30. Augusti in gratiam *Gerardi d'Oyenbrugge de Duras*.

Hoc Dominium Ao. 1695. jure emptionis devenit ad *Nicolaum Blanche* Senatorem Cancellariæ Brabantiæ, inde jure retractus Ao. 1696. ad *Gerardum Herckenrode* Patricium Lovaniensem, qui hodie dum Ao. 1722. quo hæc scribimus Consul Lovaniensis, & Dominium illud possidet.

Ecclesiâ tutelarem veneratur *S. Remigium* Episc. in sacris dependet ab Abbatia Parcensi Ord. Præmonstr. quæ hîc e gremio suo Parochum & in ejus adjutorium Vicarium constituit, quæ Abbatia obtinuit jus Patronatus hujus Ecclesiæ anno 1228. ab *Henrico I.* Duce Lotharingiæ & Brabantiæ, quæ isto ævo appendix erat Matricis Ecclesiæ de Wechter, quam donatione eodem anno confirmavit *Hugo de Petraponte* Episc. Leod. Anno 1266. *Arnoldus de Rotselaer* adjecit Parcensibus jus patronatus Altaris pro defunctis in Ecclesiâ de Haeght, sive, ut hodie dicimus, Capellaniæ animarum, & voluit ut Parcenses idem beneficium obtinerent, prout refert A. Sanderus in descriptione Chorographica hujus Abbatiae.

Decima spectat ad Abbatem Parcensem, qui solvit annuè Parocho pro parte portionis congruæ competentiam circiter 300. flor.

Sunt in hac Ecclesiâ præter Altare præfatum erectæ Capellaniæ tres, scilicet *S. S. Nominis Jesu. B. M. V. & S. Remigii*. Intra limites hujus pagi est Sacellum *S. Adriani* Mart. in quo nulla fundatio, tamen in eo pluries celebratur ad populi devotionem excitandam, item est Sacellum exiguum *B. M. V.*

HAESDONCK olim *Havelesdonck* & *Havekesdonck*, Ditionis Bornhemienensis in Flandriâ ad Rupelam fluvium contiguum fortalitio *S. Margaretae*, vocaturque vulgo *Natten-Haesdonck*, ad distinctionem alterius *Haesdonck in Wasia* non procul hinc distans. Dominium hoc cum pago de Hingene, qui est Dioecesis Gandavenensis, spectat ad Ducem de *Ursel*.



In sacris Ecclesia dicata est *S. Margareta. Virg. & Mart.* Patronatus spectat ad Archiepiscopum, uti Abbatem Affligemientem; obvenit autem huic Abbatiae ex jure Abbatiae Canonorum Regularium *S. Augustini* quæ anno 1100. fundatum fuit in Bornhem huic loco vicino, *Sigisfrido* Abbate hujus Coenobii secundo cum Sodalibus suis, institutum Benedictinum in Affligemio amplectente, & ita universa hujus Abbatiae bona Affligemientibus accesserunt; hoc autem evenit Anno 1120. ut *Anselmus* Gemblacensis annotavit ad hunc annum. Mutata exinde fuit hæc Abbatia de Bornhem in Prioratum Ord. S. Bened. ab Affligemio dependens, qui etiamnum adhuc viget, deguntque ibidem in Bornhem Monachi Abbatiae Affligemientis, qui illic sacra solebant obire; sed modo Parochus e Clero rem sacram administrat.

Decima hujus pagi ex parte ad hanc Abbatiam & Grimberganam spectat, partim etiam ad Toparcham, Parochum hujus loci & Pastorem de Hingene.

*A. du Chesne* in probationibus familiae Gandavenfis pag. 480. profert Diploma, quo Anno 1225. *Sigerus* Castellanus Gandavenfis duodecimam *Gardam* decimæ de Hingene & *Havekesdonck* donat in eleemosinam Abbatiae Affligemientis, uti sequitur.

„ Ego *Sigerus* Castellanus Gandavenfis omnibus præsentem paginam inspecturis in  
 „ perpetuum. Notum facio tam modernis, quam posteris, quod duodecimam *Gardam*  
 „ decimæ de *Hingene* & *Havekesdonck* in eleemosynam Ecclesiae *Affligemientis*  
 „ pro animabus omnium prædecessorum meorum, ac meæ & uxoris meæ *Beatricis*  
 „ in omni jure, quo eandem tenueram, perpetuo possidendam contuli, offerendo vi-  
 „ delicet eandem apud *Hafflighem* apud Altare in præsentia Domini *Roberti* Abbatis &  
 „ totius Conventus, banno quidem ad petitionem meam pronuntiato in omnes qui  
 „ super hac donatione aliquam antedictæ Ecclesiae molestiam inferre præsumerent. Ut  
 „ autem hujus Eleemosynæ meæ collatio rata habeatur & inconcussa conservetur, præsens  
 „ scriptum sigilli mei appensione & testium subscriptione dignum duxi roborare. Tes-  
 „ tes *Robertus* Abbas, *Goswinus* Prior, *Joannes* Supprior, *Wilhelmus* Cellarius,  
 „ *Theodoricus* de *Ponterave*, & *Ægidius* dicti Castellani frater, milites, & alii quam  
 „ plures. Actum Anno Domini M. CCXXV.

HEFFENE olim *Hefne*, Agri ac Provinciae Mechliniensis pagus, uno ferè milliari ab eâ urbe, quam interfecat *Zenna* fluvius qui in extremitate hujus pagi in *Dylum* se exonerat, nomen suum fortitus videtur a levando seu recipiendo vectigali, seu Portorio a mercibus hîc navi transeuntibus *Bruxellas* vel e contra, vernaculè *thol Heffen*; antequam enim Aquæductus fodi cœptus est, hic fluvius navium capax erat, & naves tendentes *Bruxellas* eo flumine utebantur.

Mechlinientes olim hic loci catenam in fluvio obtendebant ne quis interverfo vectigali præternavigaret: id ea severitate a mercatoribus exigentes, ut merces aliis navigiis inferri ac mensurari cogerent, magno dominorum incommodo, in iis præsertim mercibus, quæ translatione consumuntur, ut sale, frumentis &c. nullo tamen pretio hoc ab exactoribus redimi potuit: id malum cum diutius *Bruxellenses* torsisset, & cum *Scommatibus* excepti, quasi Mechliniensium veniâ navigarent, meatum *Sennæ* alio divertere cogitarunt: tandem anno 1550. quæsitis undique aquariæ rei peritis ardui operis fossam effoderunt a *Bruxellâ* usque *Willebroucum* decem annorum spatio, & feliciter perduxerunt, atque ita *Sennam* otiosam reliquerunt. Hæc est origo & causa Aquæductus *Bruxellensis*.

Ecclesia inscripta est *S. Amando* Tungr. Episc. Patronatum ejus gerit Capitulum



tulum Metropolitanum *D. Rumoldi* propter incorporationem Personatus hujus Ecclesiæ præfato Capitulo, possidetque eo jure potiore partem decimarum; cæteri decimatores sunt Parochus, Capitulum Metropolitanum Cameracense, Fabrica & Abbatia Grimbergensis.

In spiritualibus hujus Parochialis appendix est *Heyndonck*, illi unitus Anno 1603. cujus Ecclesia *S. Luciam* Virg. & Mart. veneratur, quæ ibidem singulari devotione colitur, & ad hanc Divam celebris hic fit peregrinatio. Decimæ spectant ad Capitulum Metrop. Cameracense, in quibus Parochus suam habet portionem. Solebet olim administrari magno incolarum incommodo per Parochum de Sempis.

HEMELGHEM. vulgo *Humelgem*, Districtus seu Præfecturæ Campenhoutanæ, milliari cum dimidio ferè a Vilvordiâ.

Hoc Dominium jure pignoratitio a Rege obtinuit Anno 1626. *Guilielmus de Coutereau* Baro de Jausse &c dein emprione absolutâ ab eodem Rege *Philippo IV.* hæreditariè acquisivit ejus filius *Guilielmus de Coutereau* Baro de *Fausse* &c. Anno 1655. die 5. Maji, pretium fuit 3000. flor., a quo titulo emptionis hoc Dominium acquisivit cum pago vicino de Steynockerseele *Petrus Fariseau* Anno 1698. post cujus mortem obvenit ejus Hæredi & cognato *Petro Robyns* Anno 1719. ita excepimus ex Curiâ feudali Ducatus Brabantiae.

Ecclesia dicata *S. Catharinae* Virg. & Mart. Collatio quondam Curæ Pastoralis annexa fuit personatui hujus Ecclesiæ; sed cum hic initio sæculi XVII. incorporatus est seminario Archiepiscopali hujus diœcesis, eo jure per hanc unionem utitur Archiepiscopus.

Majores decimæ intres partes partitæ sunt, duas earum partes possidet Seminarium præfatum propter unionem hujus personatus, tertia pars portio Parochi est.

Minores decimas obtinent Monasterium Leproforum Mechliniæ, Abbatia de Camera, Fabrica & Capellania animarum in hac Ecclesiâ fundatâ.

In hac Parochiali est Capellania *B. M. V.* gravata VII. missis in quindena, & Capellania Castralis *S. Antonii*. Item hic fundata missa hebdomadatim canenda.

HEVER olim *Havera*, quod aquæ trajectum teutonicè sonat, pagus agri & Provinciæ Mechliniensis, a quâ civitate distat primo lapide viâ Lovaniensi.

In hoc pago varia sunt prætoria, interque ea eminet *Schiplaken*, quod est gentilium de *Vischer*, magnifico & antiquo opere structum, variis circumambulationem itineribus, ac arboretis, pratis, vivariis, sylvis, & aliis id genus ambulationibus spectabile. Habet & Sacellum & Capellam Castralem. Pertinuit olim hoc Prætorium ad *Gerardum Cuyck* & Domicellam *Margaretam de Muysene* qui vixerunt Anno 1465. Ab his venit ad *Antonium vander AA* Equitem, illorum autem nepos *Philippus vander AA.* illud Ao. 156. transtulit *D. Mariæ de Rissart*, quæ uxor erat *Rolandi Longin* Equitis, Domini Capellæ *S. Udalrici* &c. Ab horum filio pervenit ad *D. Joannem Balthasarem de Vischer* Equitem, *Catharinæ Longin* sorores suæ filium, in qua stirpe perseverat, qui modo *Ferdinandus Philippus Ignatius de Vischer*.

Item illic Prætorium *Gottendeys* quod Fanum Martis sonat, spectans ad familiam van *Uffel*.

Ecclesia inscripta est Virgini Deiparæ *Mariæ*, ad Pastorum nominat Capitu-



pitulum Metropolitanum *D. Rumoldi*, cui competunt duæ tertiæ partes decimarum & tertia pars restans Parocho.

Subest huic Parochiali pars vici de Hoffstade, reliqua subest Parochiæ Urbanæ *B. M. V.*

*Erectum  
in Vice-  
comita-  
tum.*

HOMBEKE. pagus medio milliari a Mechliniâ, agri & Provinciæ Mechliniensis; huic in spiritualibus subest Dominium de *Op-Hombeke*, alias *Smal-Brabant*, Præfecturæ Capellenfis, instructum insigni Castello. Hoc Dominium emptione publicâ a Rege acquisivit die 18. Februarii 1649. *Carolus de Boccabella*, inde per transportum devenit Ao. 1670. ad *Joannem Arszola Ognati*, a quo transcriptum *Joanni Antonio Locquet* Præsidi Magni Senatus, illudque hodie possidet ejus filius *Joannes Michael Locquet* Prætor Urbis ac Provinciæ Mechliniensis. Erectum hoc Dominium in Vicecomitatum a *Carolo II.* Hisp. Rege Ao. 1681. die 20. Septembris in gratiam præfati Joannis Antonii *Locquet*.

Ecclesia Patronum veneratur *S. Martinum* Episc. Ad Pastorale munus jus habet nominandi Abbatissa Cortenbergensis Ord. *S. Bened.* Dono *Burchardi* Episc. Camerac. anno 1128. Diploma refertur in Supplem. Diplom. *A. Miræi* part. II. Cap. XLVIII. ut sequitur.

*Ex MS.  
Archivis  
Ecclesiæ  
Ander-  
lecht.*

In nomine Sanctæ & Individuæ Trinitatis, BURCHARDUS Divinâ miseratione Cameracensium Episcopus tam futuris quàm præsentibus in perpetuum.

Postulatione Cortenbergensis Ecclesiæ, Abbatissæ & ejusdem loci Congregationis sibi commissæ, imò etiam Nos Pastoralitatis curâ ad bene postulata cogente, præfata Ecclesiæ duo Altaria de *Hombeek* scilicet & *Leeft* ad usus inibi Deo servientium libera & absque Persona concedimus: ita tamen ut de redditu Episcopali Nobis aut Ministris nostris Abbatissa quotannis respondeat, & Presbyter ibi cantaturus de manu nostra Curam accipiat; & Capitula Archidiaconi & Decani custodiat.

Ut igitur hoc firmum & inconvulsum permaneat, sub imaginis nostræ impressione signavimus, & autenticarum Personarum nostrarum testimonio corroboravimus.

S. Anfelli eorundem Altarium Archidiaconi.

S. Erleboldi Præpositi & Archidiaconi.

Joannis Archidiaconi.

Gerardi Archidiaconi.

Celardi Decani.

Roberti Cantoris.

S. Ethumensii Abbatis.

S. Balduini Decani.

S. Gisleberti.

Rotberti Decani.

Riberti Sub-decani.

1119.

Actum anno Incarnati Verbi millesimo centesimo vigesimo nono, Indictione septimâ, Præfatus verò mei Burchardi anno XIII.

Ego Wenegaldus Cancellarius scripsi & recognovi.

Succedentibus temporibus, cum non levis controversia orta esset de jure harum decimarum inter hanc Abbatiam & Fratres Domus Teutonicorum in Mechliniâ, ad eam sopiendam, partes comparuerunt coram *Henrico I.* Duce Lotharingiæ & Brabantiæ, a quo prædicta decima tenebatur in feudum, in quâ comparitione prædicti Fratres renuntiarunt omni suo jure quidquid in his decimis se habere arbitrabantur: Dux autem præfatus contulit præfatas decimas in eleemosynam præfatae Abbatiae Cortenbergensi. Actum 1226. Diploma profertur in Supplem. Diplom. *A. Miræi* Parte II. Cap. LXXXVIII. ut sequitur.



In Choro Ecclesiæ Parochialis  
de Hombeke visitur hoc Monu-  
mentum Sepulchrale parieti  
insertum ad dextrum latus  
Altare.

T. 3. P. 98.









Henricus Dei gratiâ Dux Lotharingæ, universis hoc Scriptum videntibus salutem.

*Ex Archivis MS.*

Noverit universitas vestra, quod cum controversia verteretur inter Abbatissam & Conventum de Cortenberga ex unâ parte, & *Walterum Portarium* & quosdam alios Fratres Domûs Teutonicorum ex aliâ, super hoc videlicet, quod dicti Fratres nitebantur emere quasdam decimas in Parochia de *Hombeka*, quæ dignoscitur ad Ecclesiam de Cortenberga pertinere: eadem partes in nostra comparuerunt præsentia, & dicti Fratres ex consensu & voluntate Magistri sui, quidquid juris dicebant se habere & videbantur in illis decimis, in manus nostras ad opus Ecclesiæ Cortenbergensis reportarunt.

*Capit. Anderlecht.*

Has verò prædictas decimas, cum ad Nos jure feodi pertinerent, in manus dictæ Abbatissæ ad opus Ecclesiæ Cortenbergensis reportavimus, & eidem Ecclesiæ in eleemosynam liberè & absolutè contulimus.

Testes de Gemblaco, de Fliderbeca, & de Bona-spe Abbates.

Decanus, Plebanus, Joannes Notarius, Magister *Ægidius*, Canonici Bruxellenses.

Ludovicus Advocatus de Levedale,

G. Ammannus Bruxellensis,

Willelmus de Lombeca,

R. de Filfordis, Milites, & multi alii, tam Clerici, quàm Laici.

Actum apud Furam anno Domini millesimo ducentesimo vigesimo sexto, mense 1226. Aprili.

Decima hujus pagi olim erat tripartita, ejusque duæ partes erant hujus Abbatiae, & tertia Parochi; verum cum Ao. 1481. mota esset quæstio inter Parochum & hanc Abbatiam super jure Novalium, conventio inita est inter partes, qua pro futuris temporibus quisque medietatem omnium decimarum perciperet, prout hodie uterque gaudet medietate omnium decimarum, tam in antiquis decimis quam in novalibus.

Intra limites hujus pagi olim fletit Monasterium *Vallis Liliorum*, Virginum Ord. Præmonstrat. hic loci circa annum 1231. fundatum, quæ destructo per tumultus Belgicos earum Cœnobio Ao. 1580, in Urbem migrarunt Mechliniensem, ibique hodie mirabiliter florent; uti ante suo loco diximus cum hanc Urbem descripsimus & pluribus de eo egimus.

Præfatum Monasterium possidet in hoc pago certum districtum decimarum, quem Anno 1255. ab *Arnoldo de Zellaer* Canonico & Scholastico Mechliniensi obtinuit sub annuo censu XII. sextariis siliginis mensuræ Mechliniensis, quem censum adhuc hodiè Canonicis Zellariensibus annuè persolvunt.

Anno 1265. inita est concordia & conventio inter Abbatiam Cortenbergensem & Præposituram Vallis Liliorum super decimis ab eâ de novo acquirendis in Parochiâ de Hombeka, & juribus Parochialibus hujus Parochiæ. Tabulæ hujus Conventionis recitantur in Supplem. Diplom. A. Miræi Parte II. Cap. CX.

HUMBEKE olim *Hunnebeke*, *Hoenbeke*, vel *Hoenebeke*, altero lapide a Mechliniâ, quem interfecat aquæductus Bruxellensis, Præfecturæ Capellenensis, antiquum Bertholdicæ stirpis procerum Mechliniæ & alibi dominantium peculium. Primum hujus Dynastiæ titulum gessisse invenio *Ægidium de Berthout Walteri IV.* Advocati de Mechlinia tertio genitum, qui obiit anno 1303. die 11. Januarii, prout constat ex antiquo obituariis renovato & transcripto anno 1526. ex pervetusto missali Ecclesiæ de Humbecâ, qui in eâ fundavit suum anniversarium, pro uxore suâ *Beatrice*, & *Adâ* filiâ suâ.



suâ, pro quo dedit Curato de Humbecâ integrè Novalia hujus pagi, huic successit *Florentius de Berthout* Advocatus de Mechlinia ex fratre *Walteri V.* nepos. Hic anno 1313. venditionis tabulis transcripsit Humbecam *Danieli* Domino de Bouchout, ut patet ex antiquo registro Curiae feudalis Ecclesiae *S. Rumoldi* Mechliniae. Hic *Daniel* subscripsit litteris Privilegii concessis a *Joanne II.* Duce Brabantiae Ao. 1301. pago de Sterrebeke: signavit item cum praefato Duce plures tabulas anno 1307.

*Danieli* successit filius *Joannes* Dominus de Bouchout & de Humbecâ, adhuc in vivis anno 1333. ex quo & *Elisabetha Tay* de Elewynt, alter hujus nominis *Daniel de Bouchout* Toparcha de Loenhout & Humbeca, defunctus anno 1374. qui anno 1372. signavit litteras Cortenbergenses, & testamenti tabulis foundationem duarum Capellaniarum Castraliū, in honorem *D. Georgii* in Humbecâ, & Loenhout filiis *Danieli* hujus nominis tertio, eorundem locorum Toparchae & *Aegidio* mandavit, qui parentis ultimam voluntatem plenariè executi sunt, ut patet ex litteris foundationis & aliis super hoc confectis coram Scabinis Grimbergenfibus, feriâ tertiâ post festum *D. Lucae* mensis Octobris Ao. 1375. quarum ultimae mentionem faciunt *Joannis* Domini de Bouchout Vicecomitis Bruxellensis agnati germani dicti testatoris, & *Joannis van Ophem* Militum, nec non *Ludovici* de Wefenbeke, & *Guilielmi van den Zypen* Scutiferum, executorum dicti testamenti. Hic *Daniel* tertius reliquit *Danielem IV.* Dynastam de Bouchout, Humbeke, & Loenhout, nec non Vicecomitem Bruxellensem Capellaniae Castralis in honorem *D. Virginis Humbecae* & Anniversarii sui in dictâ Ecclesiâ anno 1392. fundatorem, nec non missae quotidianae in Abbatia Grimbergenfi anno 1417. qui etiam pactum inter Brabantos & Limburgenses Ao. 1415. signavit, & circa annum 1419. fatis concessit, relicta ex *Mariâ de Ghistele* uxore suâ *Joanna de Bouchout* filiâ unicâ, *Joanni de Wesemael* nupta & sine liberis defuncta circa An. 1445.

Cui successit *Daniel de Bouchout* Dominus de Latteghem, Diepensteyn, praedicti *Aegidii* & *Adrianæ de Reygersvliet* Dominae de Boulers filius & dictae *Joannæ de Bouchout* agnatus germanus, qui anno 1460. Anniversarium cum XXVI. mensuris Bruxellensibus Siliginis (Sisters vocant) pauperibus de Humbecâ annuè erogandis, & totidem pauperibus de Loenhout aliisque distributionibus testamento ordinavit.

Ex quo & *Margaretâ de Poucques* (*Eulari* & *Catharinæ de Borsele* filiâ) *Margareta* omnium dictorum locorum unica Haeres, ea Ao. 1465. *Everardo Marcano* (*Joannis* Domini d' *Aremberghe* & N. Comitissae de Warneburg filio) in dotem attulit. Vide *Pontum Heuterum* Rerum Burgundicarum in Genealogiâ Comitum Marcae & Arembergae pag. 244. & Notitiam Marchionatus S. R. I. *Baronis le Roy* pag. 375.

Porro in praefato obituario Ecclesiae de Humbecâ praeter praefata Anniversaria *Aegidii de Berthout* & *Danielium de Bouchout* Minorum de Humbecâ etiam fundata sunt Anniversaria *Joannis* & *Georgii de Bouchout*, nec non Domicellae *Margaretæ d' Aremberghe*, & *D. Cosinae le Cocq*, & *D. Petronillæ de Schietere* conjugum, moderni Comititis de Humbecâ parentum.

Initio seculi XVII. Ao. 1606. *Robertus Marcanus* Arembergiae Comes vendidit hoc Dominium *Roberto Noiret* Mercatori Antverpiensi, qui brevi post cessit suam emptionem *Jacobo Maillot* Nobili Luxemburgensi, cujus filia Hereditaria *Isabella* Domina de Humbeke illud in dotem attulit *Carolo de la Vieuville* Domino de Codry & Gouy:



Tandem Ao. 1643. litteris decreti acquisivit hoc Dominium *Philippus Maes* Consiliarius & supremi ærarii Regii Assessor, qui cessit suam emptio- nem prænobili viro *Balduino le Cocq* Domino de Wulvergem & Groen- hove (*Francisci* dictorum locorum Toparchæ & *Isabellæ D' Amman d'Oom- bergben* filio) & *Franciscæ de Lathem* suæ Conthorali, quorum inscriptio- nem sepulchralem infra exhibemus.

Successit horum primogenitus *Cosmas le Cocq* eorum locorum Dominus maritus *D. Petronillæ Carolinæ de Schietere*. Ille obiit Ao. 1673. die 10. Maji, illa Ao. 1703. die 15. Septembris. His successit eorum filius *Jacobus Franciscus le Cocq* horum locorum Dynasta, qui ex *Barbara Jacoba de Va- rick* Domina de Dieval unicum reliquit filium *Carolus Balduinum le Cocq*, Comitem de Humbeke, Dieval &c. Matrimonio junctum Ao. 1710. *The- resia Carolinæ de la Tour de St. Quentin* filia *Juliani Josephi* Comitis de la Tour, St. Quentin & de Zeninghem & *D. Theodoræ Genovevæ de Thiennes*.

Erectum est hoc Dominium in Comitatum a *Carolo II.* Hisp. Rege Ao. 1694. die 24. Novembris diplomate dato Madriti in gratiam præfati *Jacobi Francisci le Cocq*, qui inibi habet insigne Castellum, ab eo plurimum con- decoratum & illustratum, cujus prototypum nobis exhibet *Baro le Roy* in Castellis Nobilium Brabantia. Erectum  
in Comi-  
tatum.

Continet hic pagus 600. circiter terræ bonaria.

Capitulum Metropolitanum *D. Rumoldi* in hoc pago habet supremum & directum Dominium, quod de nullo tenet, ac liberum, ut vocant, Allodium est, neque in fide vel clientelâ tenetur ullius, nisi Dei & Solis, sicut antiqua perhibent documenta, habetque sub se & quod ab eo movetur & relevat, Dominium hujus pagi. Suprema Curia Domini hujus Capituli indicat per Arrestum, & nullum postea, quam revisionis remedium. Ab isto Dominio ejusque Curia feudali dependent ultra XXX. Clientelæ seu feuda a principali dismembrata, cum quibusdam censibus in feuda erectis. Habet quoque præ- fatum Capitulum Curiam censualem cum censuali Registro.

In hac Ecclesia Parochiali juxta aram principem ad partem Borealem, visitur in nigro marmore, tersissimo muro inserto, sequens sepulchralis in- scriptio.

Urna Nobilium D. D. *Balduini le Cocq* Toparchæ de Wulverghem, Humbeek, Schilthoven &c. Obiit 9<sup>bris</sup> 18. 1655. & *Franciscæ de Lathem* Conjugum. Obiit 7<sup>bris</sup> 24. 1652.

In sacris Ecclesia dicata est *D. Rumoldo* Mechliniensium Apostolo, Anno 1650. decorata favore & beneficentia *Jacobi Boonen* Archiep. & præfati Collegii Canonicorum ejus sacris Reliquiis. Ad quod spectat hujus Ecclesiæ Parochialis Patronatus.

Personatus hujus Ecclesiæ Anno 1454. incorporatus est ad usum Magistri Choralium Ecclesiæ tum Cathedralis Cameracensis, cui Dioecesi isto ævo suberat.

Præfatum Capitulum *D. Rumoldi* ibidem possidet duas partes decimarum, Capitulum Metropolitanum Cameracense unam sextam, cum onere reparan- di Chorum, & solvendi Parochi in supplementum competentia 50. florenos annuè, restantem sextam habet Parochus cum Novalibus.



KEERBERGE. olim *Kereberga*, Nominis Etymon petendum putant a montibus arenosis, qui ventorum turbine everfi, inundarunt subjectas paludes, quod in hodiernum diem testantur cespites, qui in vicinis ericetis eruuntur sub arenis quibus teguntur.

Dominium est perantiquum Districtus Hoochstratani, situm ad Dylam fluvium. Per plura secula fuit Gentis *Bertholdicæ* Mechliniæ & alibi dominantis. Anno 1447. transit a gente *Bertholdicâ* per nuptias *Catharinæ de Berlaer* cum *Joanne de Cortenbach* in istam familiam, indeque seculo XVI. jure quoque nuptiali in domum de *Berlo*, a qua illud demum viâ emptio- nis devenit Anno 1705. ad viduam *Cornelii Persoons*. Mercatoris Mechliniensis in quâ familiâ perseverat, quî hodie ejus filius *Cornelius Persoons*.

Mechliniæ in Choro templi D. Virginis legitur humi ad partem meridiona- lem litteris Teutonicis.

**Hier leet begrabe Jonckbrouwe Barbele Schoof  
wplen wettige Hupsbrouwe van myn Jonc-  
kers Yewans van Cortenbach Heere tot Keerber-  
gen / sy sterf int jaer ons Heeren M. CCCC.  
LXXXVIII. op den lesten dagh van Junii.  
Bidt voor de Ziele.**

Ibidem in eodem sepulchrali lapide litteris latinis.

Hier leet begraven die Edele ende Welgeboren Heer  
*Yewaen van Cortenbach*, Ridder, Heere van Keer-  
bergen, Raedt ende Kamerlinck der K. M. Schauter  
der stede van Mechelen, die sterf A°. XV<sup>c</sup>. XXIII.  
den XXV. Decembris.

Duffelæ in Choro summi templi visitur humi ad partem meridionalem se-  
pulchri *Ernesti de Berlo* Epitaphio tali Romanis litteris exarato circumcirca  
sepulchrale Saxum.

*Cy gist Noble & Illustre Sr. Ernest Baron de Berlo Sr.  
de Keerbergen, d'Ogny &c. vivant Capitaine d'une  
Compag<sup>e</sup>. de Cuirasse p<sup>r</sup>. la service de sa Ma<sup>té</sup>. agé de 38.  
ans, & decedé le 23. Janvier 1646. priez Dieu p<sup>r</sup>.  
son ame.*

Ante incendium initio seculi XVII. mox memorandum, Ecclesia Parochia-  
lis quæ *S. Michaeli* Archangelo sacra, sita erat ad Dylam fluvium cujus ru-  
dera & ruinæ ibidem conspiciuntur, eâque destructâ Capella *S. Antonii*,  
quæ



quæ ibidem sita erat ad viam publicam, quâ Mechliniâ itur Arscotum, conversa est in Ecclesiam Parochialem.

Ex Ecclesiæ hujus documentis & ejus Archivis constat, quod Parochialis Ecclesia igne fortuito in cineres redacta sit per Regios milites Ao. 1606. Cum enim circa illud tempus Coemiterium hujus Ecclesiæ in munimentum erectum foret, ne hostis flumen posset trajicere, circumcirca Ecclesiam tuguria straminea pro militibus Regiis constructa sunt, quæ incuriâ militum ignem concepere, iisque ardentibus, turris & Ecclesia igne consumptæ sunt.

Decimæ majores spectant ad Abbatiam Grimbergensem & hujus loci Parochum, unicuique suus est decimarum districtus, qui annuè mutatur & variatur; sunt insuper duæ minutæ decimæ, quarum una spectat ad Commendam de Pitzenburch Mechliniæ, & altera quam Affligemensem vocant, cujus tertiam partem percipit Pastor.

*D. Baro le Roy* in Not. Marchion. S. R. I. Lib. III. cap. XII. agens de hoc dominio ait. „ *Keerbergen* olim *Chierberge*, deinde pergens, Possederunt illud seculo XI. *Radulphus* vir nobilis cum conjuge sua *Gisla*, qui anno istius seculi XXXVI. *Aincuriense Canoniorum XII. Collegium* in „ Gallo-Brabantiâ fundarunt, quod inde postea Lovanium ad *S. Jacobi* ædem „ Anno 1456. translatum est; isti itaque Collegio præfati conjugēs possessionibus hujus seculi abundantes, sed de fructu carnis suæ Hæredem nullum habentes, inter cætera contulerunt *Chierberge cum integra Ecclesia* „ *in Comitatu Anguers.*” Diploma exhibet A. Miræus in Dipl. Belg. Lib. II. Cap. XXVII. novæ edit.

Sed salvâ ejus veniâ fallitur; non enim videmus quomodo hæc cohæreant & verè possint consistere. Imprimis certum est, quod prædictum Canoniorum Collegium nulla bona hic loci possideat, vel unquam possiderit, ne quidem hujus Ecclesiæ patronatum.

Deinde cum *Burchardus* Camerac. Episc. Bornhemensem Abbatiam inopiâ laborantem, *Fulgentio* Abbati Affligemensi ejusque successoribus regendam committit, suppressa *S. Augustini* Regulâ Ao. 1120. In eo diplomate commemorat præfatam Abbatiam *de Bornhem* cum appendenciis suis *Havekesdunck* & *Hingen cum Capellis Kereberga* & *Rimenham*. Hæc est origo Jurispatronatus & Decimarum, quas hisce locis Affligemensis Abbatia a tot seculis habuit.

In spiritualibus vicus hujus pagi vulgo *ten Cruycen* (ex eo quod ibi Capella S. Crucis) subjectus est Parochiæ de Wechter cui conterminus est.

LEEST agri ac Provinciæ Mechliniensis pagus, a quo distat ferè milliari.

Ecclesia tutelarem colit *S. Nicolaum* Episc. Patronatus ejus spectat ad Abbatiam Cortenbergensem Ord. S. Bened.

Initio seculi XVII. hæc Ecclesia incuriâ rusticorum igne fortuito conflagravit, cum hi ut in tuto, in eâ cum suis remanerent & pernoctarent propter excursiones militum Statuum Hollandiæ. Ita annotatum vidimus in visitationibus Antonii de Mol Archipresbyteri Districtus Mechliniensis.

Univerſa hujus pagi decima spectat ad præfatam Abbatiam Dono *Burchardi* Camerac. Episc. Ao. 1129. cujus donationis Diploma protulimus in pago de Hombeeck, cum de eo egimus.

Relicta olim fuit a præfatâ Abbatia Pastori hujus loci tertia pars decimarum pro suâ portione congruâ, hanc tertiam partem retinuit usque ad annum 1637. quando ipsi dari coepit competentia in certâ summâ pecuniæ, quæ



ſenſim auſta fuit, quoad uſque anno 1650. auſta & taxata fuit ad 400. flor. annuè, quæ hætenus a prædicta Abbatia ipſi perſolvitur.

Verum Anno 1707. præſendit Paſtor hujus loci ultra ſuam portionem congruam 400. flor. annuè ſibi competere Novalia in hoc pago accreſcentia, cui Abbatia Cortenbergenſis ſeſe oppoſuit in magno Senatu, & etiamnum ea cauſa ibidem indeciſa hæret.

Cæterum *Godefridus III.* Dux Lotharingæ & Brabantix, contulit anno 1150. Abbatix Cortenbergenſi in hoc pago & in minori Brabantia vulgo *Smal-Brabant* plurimas agri poſſeſſiones, prout in Chartulario hujus Abbatix annotatum vidimus.

**LIESELE.** tertio ferè milliari a Mechlinia, Præſecturæ Merchtemenſis Dominium, nuper *Guilielmi Florentii Rheni Comit*is, in cujus natis hoc Dominium perſeverat.

In Curiâ feudali Ducatus Brabantix de Dominiis oppignoratis & reoppignoratis, legitur *Liefele* pertinens ad Regem & Comitem Grimbergenſem oppignoratum Anno 1558. Dominæ *Margaretæ Micault* Ao. 1638. reoppignoratum Ao. 1630. a Comite Grimbergenſi & Anno 1638. rurſum oppignoratum *D. van Watere* pro ſuo Commendatario; pretium fuit 1400. flor.

In hoc pago varii dominantur & ſua habent Prætoria; inter ea non infimum locum habet quod nuper fuit gentis de *Liefkenrode*, quod dein jure emptionis devenit ad gentiles de *Blyleven*, & nuper ſimili via emptionis ad *N. Rubens* ærarii Regii, Agri ac Provinciæ Mechlinienſis receptorem generalem. Schema hujus Prætorii nobis exhibet *Baro le Roy* in Caſtellis Nobilium Brabantix. Item ibidem Prætorium cum Dominio *D. N. Du Mont* ſitum viâ quâ Mechliniâ itur Teneramundam.

**LIPPELO** olim in Diplomatiſ *Lippinglo*, medio fere itinere inter Mechliniam & Teneramundam, Præſecturæ Merchtemenſis Dominium quondam gentilium de *la Pierre*, ubi noſtra ætate *Jacobus Ferdinandus de la Pierre* Dominus de *Fay* pagi Toparcha, inſigne Prætorium condidit; quod exhibetur in Caſtellis Nobilium Brabantix *Baronis le Roy*. Inde per nuptias devenit ad *Philippum de Croy Marchionem de Warnecq*, atque dein per ſimiles nuptias ad *Guilielmum Florentium Rheni Comitem*, in cujus natis hoc Dominium perſeverat, conſtituit cum Maldere & Liefele unum tribunal.

Ibidem eſt Dominium *Melis*, ſpectans ad *Joannem Guilielmum Vicecomitem d'Alvarado & Bracamonte*. &c.

Eccleſia inſcripta eſt *S. Stephano* Protomartyri, Patronatus ejus ſpectat ad Abbatem Affligemienſem, eoque jure utitur Archiepiſcopus hujus Dioceſis.

Decima eſt tripartita cujus una triens ſpectat ad præfatam Abbatiam, altera ad Parochum, & tertia ad fabricam Eccleſiæ.

**LONDERZELE.** tertio ferè lapide a Mechliniâ, Præſecturæ Grimbergenſis, Dominium ad Naſſovios pertinens, a morte *Guilielmi III.* Magni Britannix Regis Anno 1702. incertum ad quem ex Naſſoviis devolutum ſit. Inſignis & multum populofus pagus, fuitque in eo olim nobile Prætorium Principis Naſſovii, cujus rudera & ruinæ viſuntur e regione Eccleſiæ vulgo de *Borcht*, quod in turbis Belgicis ſolo æquatum eſt. Ibidem viſitur Prætorium cum Dominio *N. de Deutegem* & *N. Vander Vecken*.

Eccleſia tutelarem colit Chriſti Martyrem *S. Chriſtophorum* ſub Patronatu

Archi-



Archiepiscopatus Mechliniensis jure Abbatiali Affligemienfis. Hæc Abbatia a parte occidentali percipit tres quartas partes decimarum, restantem vero Parochus; ex alterâ parte hæc Abbatia percipit medietatem; restantis medietatis Pastor habet unam tertiam, & reliquas D. de *Coninck*. Capellania B. *Mariæ* unita est anno 1650. Pastoratui; onus habet septem missas in quindena celebrandi.

Intra terminos hujus pagi est peramplum Sacellum *S. S. Crucis Domini*, nuncupatum *Mons Calvariæ* præcisè distans ab Ecclesiâ Parochiali, quantum mons iste distabat Jerosolymis, & intermediæ sunt stationes, in quibus exhibentur Mysteria Passionis: Sunt in Sacello venerandæ Reliquiæ *S. S. Crucis*, & frequens illic populi concursus maximè feriis sextis. Seculo elapso perfuncti sunt in hac Parochiali munus Pastorale plures insignes ac doctrinâ conspicui viri præclari, inter quos *Simon Servatius* S. T. D. Universitatis Lovaniensis, *Matthias Rosmer* Plebanus Metropolitanæ *S. Rumoldi* Mechliniæ, ibidem vitâ functus Ao. 1684. & *Cornelius Nuyts* Pastor & Decanus Eccl. Colleg. *S. Martini* Alofti, mortuus hoc anno 1723.

MALDERE Præfecturæ Merchtemensis non ignobile Dominium, hodie spectans ad natos Rheni Comitum, uti dictum in pago Lippelo, constitutum cum eo & Lisele unum tribunal.

In hoc pago varia Castra, Prætoria, & Ædificia ad voluptatem & opum ostentationem conspiciuntur, inter quæ eminet Prætorium de *Groenhove*, antiquum peculium a duobus seculis gentilium *le Cocq*, hodie spectans ad *Jacobum Franciscum le Cocq* de *Humbeeck* &c. quod nobis exhibet *Baro le Roy* in Castellis Nobilium Brabantiae. Item Prætorium de *Marselaer*, Antiquum feudum gentilium de *Marselaer* in clientela Ducis Brabantiae, & unde nomen suum hæc illustis familia nacta est, a qua illud titulo emptionis ad varios devolutum est; nuper illud possedit Domina *N. Du Marteau*.

In Choro Ecclesiæ de Maldere & alibi exstant plura Monumenta & inscriptiones sepulchrales Dominorum de *Groenhove*, & *Marselaer*, quorum feriem hic exhibemus.

In Maldere.

Nobilissimi Dñi Ferdinandi Damman Toparchæ d'Oombergen, Warnois &c. qui dum matrem Gronoviae peste laborantem invisit, ipse dirâ lue correptus parente superstes moritur 1<sup>a</sup>. Julii 1602.

Et nobilissimi Ferdinandi le Cocq Toparchæ de la Motte, hic a teneris Regi & Religioni piè & strenuè militans 300. peditum Dux in seditione Blavenfi apud Catalanos Catapultæ fato fungitur 19. Febr. anno 1640.

Hier boren leyt begraven Wiglius le Cocq, die  
Hierf den 7. April 1564. ende Jacques le Cocq,  
Dd die



**die sterf den 7. Junii 1574. kinderen van Heer  
Peeter le Cocq, Heere van Groenhoven / Baed  
van Vlaenderen.**

*Cy gist Noble homme François le Cocq, Escuyer Seigneur  
de Wulverghem, Waerde, Groenhove &c. qui trespassa  
le 9. Juin 1602.*

*Cy gist Dame Isabella Damman, fille ainée de Noble hom-  
me Jean D'ammen, Seigr. d'Oombergen &c. femme de  
Noble homme François le Cocq, Seigneur de Wulverghem  
Waerde, Groenhoven &c. que trespassa le 3. 7<sup>bre</sup>. 1638  
R. I. P.*

*Quarteria Francisci le Cocq apposita ad utrumque latus leguntur hæc.*

*Le Cocq Limoge, Lestoret, Casée, Sombeke dit Gortere,  
Volckaert, Grimberghe, d'Asche.*

*Wyts, Tenremonde, Borre, Bailliul, Hollebeke, Basse-  
rode dit le Prevost, Steenstraete, Lichtervelde.*

*Quarteria Isabellæ Damman leguntur hæc.*

*D'Amman Vaernewyck, Baenst, Utenhove, De la Ke-  
tulle, Ouredenc, La Porte, Dixmuyde.*

*Walbrouc, Arsele, Siveville, Wailly, Block, Varne-  
wyck, Cleuterin, Lyessals.*

*Mechliniæ in Ecclesiâ D. Petri in Sacello B. M. V.*

*Sepulture de Mess. Balduin le Cocq, fils de Hugues, Sei-  
gneur de la Motte, Broyaert, Groenhoven, & de Win-  
terpoele en son temps Conseiller & Procureur de sa Ma<sup>te</sup>.  
en son grand Conseil a Malines qui trespassa le 25. jour  
d'Avril 1558.*

*Et Damoiselle de Gortere alias van Sombeke fille  
Joannis & de Damoiselle Catherine van Grimberghen  
alias*



*alias van Assche sa compaigne que trespassa le 26. May 1556. priés pour les ames.*

Quarteria.

*Le Cocq, Limoge, Lestoret, Cassée. De Gortere alias van Sombeke, Volckaerts, Grimbergen alias van Assche, vander Eycken.*

Gandavi in Ecclesiâ Cathedrali S. Bavonis in Capella S. Annæ e regione altaris, humi exstat sequens Epitaphium.

*Cy gist Noble homme Baulduin le Cocq, Escr. en son vivant Sieur de Wulverghem, Groenhoven, La Motte, Beaurepair &c. Capitaine d'une Compaignie Infanterien pour le service de sa Ma<sup>te</sup>. lequel trespassa le 10. de May 1597. Et Dame Françoise de la Kethulle en son vivant Dame de Selsaet & Averie sa femme, la quelle trespas-  
sa le 16. de Sept. 1596. priés Dieu.*

Quarteria.

*Le Cocq, Gortere, Wyts, Hollebeke, Kethulle, Loveuses, Deurnaghel, Gracht.*

Ibidem Gandavi in Ecclesiâ S. Nicolai & Collegiatâ S. Pharaildis juxta summum altare.

*Cy gist Noble homme Pierre le Cocq, Escuier en son vivant Sr. de Wulverghem, Groenhove &c. Conseiller ordinaire de sa Ma<sup>te</sup>. au Conseil en Flañ. lequel trespassa le XVI. jour du mois d'Avril en l'an 1593. & Ma<sup>te</sup>. Catherine de Wyts en son vivant Dame de Waerde sa femme la quelle trespassa le V. du mois d'Avril, en l'an 1577. priés Dieu pour leurs ames.*

Quarteria.

*Le Cocq, l'Estorret, Gortere, Grimberghe, d'Wyts, Borre, Hollebeque, Steenstraete.*

In Choro Ecclesiæ de Maldere visitur humi in faxo cæruleo sequens inscriptio sepulchralis.

**Hier legt begraven Jan van Marselaere, Heere van Opdorp/ en Jouffrauw Joanne Shongen syn Wyf/**  
Dd 2 **sterf**



sterf Ao. XIII<sup>c</sup>. LXXVII. den XXVI. dagh in April.  
 Ende Adriaen haeren beyden sone/ stierf int selve  
 jaer den VI. dagh in Mey. Bidt voor de Sie-  
 len.

Ibidem ante altare *B. Mariæ*.

Hier licht begraven Uraffe Joanne Pipenpois Wet-  
 tige gesellinne Laureys van Afsche, Heere van Op-  
 dorp/ en Clais Pipenpoy synen Neve.

Cætera oblitterata sunt.

In Ecclesia pagi de Merchtem in sepulchrali lapide humi extat sequens in-  
 scriptio.

*Majorum memoria, Nepotumque imitationi.*

Nobili strenuo ac spectabili viro *D. Wilhelmo de Mar-  
 selaer, Ægidii F. Domino de Opdorpe*, arcis civitatis  
*Ostiensis* tempore *Adriani VI. Pont. Max.* Castel-  
 lano, ob solertiam, fidem, rerumque agendarum  
 experientiam, publicè privatimque laudatiss. *Hadria-  
 nus de Marselaer* eidem Principi quoad vixit a cu-  
 biculo secretis, fratri suo desiderio & lacrymis fune-  
 rato P. C. decessit ex hac vitâ anno Christian. cto. 10.  
 XLIII. dum vixisset annos propè LIV. humanarum mi-  
 seriarum memor.

In Ephemeribus Camerae rationum Brabantiae conscriptis de Dominiis oppi-  
 gnoratis & reoppignoratis legitur *Maldere, & Lippelo* Oppignorum die  
 1. Augusti 1620. Comiti Grimbergenfi, pretiique caput fuisse 4600. flor.  
 & reoppignorum Ao. 1638. Joanni de Burnez Secretario viduae & Comi-  
 tissae Grimbergenfi, quibus adhuc accesserunt 5500. flor.

Ecclesia de Maldere tutelarem colit *S. Amandum* Tungr. Episc. Ejus patro-  
 natus est Archiep. Mechl. uti Abbatis Affligemiensis.

Majorum decimarum possessores sunt praefata Abbatia pro partibus IV.,  
 Ecclesia pro parte unâ & Parochus pro restante parte alterâ, & ita in sex divi-  
 sa est manipulos.

In hac Parochiali est Capellania *B. Mariæ* annexa Pastoratui ad sustenta-  
 tionem Vicepastoris.

Hujus Parochialis in spiritualibus est appendix pagus & Dominium de  
*Opdorp*, olim *Oppendorp*. Ditionis Bornhemienfis, incolae qui ibi nascun-  
 tur aut moriuntur in Ecclesiâ de Maldere (quae ipsis Parochialis est) bapti-  
 santur



fantur aut sepeliuntur; ideoque incolæ Opdorpiani dicuntur vivi Flandri, & mortui Brabantii. Gaudent incolæ de Opdorp, magnâ immunitate in publicis oneribus & perfugio, calu delinquentes & ære alieno oppressi, fruuntur etiam immunitate omnium publicorum onerum & exactio-  
num, quæ personas, res, & jumenta inhabitantium spectant, quod *Guido* Comes Flandriæ Anno 1258. *Wilhelmo de Grimberghes* Domino de *Aske* & ejus Hæredibus indul-  
sit. Hoc Privilegio incolæ hujus loci sese publicis oneribus & exactio-  
nibus hætenus se subdixerunt. Diploma recitat A. Miræus in Donat. Belg. lib. I. cap. 114. novæ edit. Hoc item Diplomate idem Comes donat Dominium Opdorpium præfato *Wilhelmo de Grimberghes* Domino de *Aske* pro fidei præ-  
fati Comititis servitio.

*Marselarii* cum Grimberganis affinitate contracta, longo annorum tractu Toparchiam de Opdorp possederunt: *Gerardus* siquidem de *Marselaer* per nuptias cum *Elisabetha de Grimberghes* filia *Guilielmi de Grimberghes* Do-  
mini de Assche hoc Dominium *Marselariis* attulit, in quâ stirpe hæte-  
nus perseverat qui modo *Michael Hyacinthus de Marselaer* Baro de Perck &c.

Hæc Toparchia de Opdorp celeberrimum habet forum annuum, in quo omnis generis merces & magna copia equi, feriâ 2<sup>a</sup>. post Dominicam Festi  
Apostolorum *Petri & Pauli* unde quaque liberè inferuntur, venientibus eo  
mercatoribus ex locis longè diffitis tam ex Brabantiâ, quam Flandriâ,  
Galliâ, &c. Toparchia hæc Castellum seu domum prætoriam habet a *Mar-  
selariis*, qui hîc principantur olim conditum.

Est in hoc Dominio Sacellum *B. Mariæ* Virg. sacrum, cujus fabrica no-  
tabiles habet proventus, est in eo erecta Capellania, & Capellanus hyema-  
li tempore diebus sacris ibidem divina peragit.

Cæterum *D. Lindanus* profert sequens Diploma Lib. 1. Cap. 6. N. 79.  
quo *Robertus de Grimberghes* Dominus de *Asca* & ejus uxor totalem deci-  
mam quam habet in Opdorp confert in Eleemosynum Abbatiae *S. Bernardi*  
ad Scaldim Anno 1292. & vendiderunt iisdem quintum manipulum. En Di-  
ploma.

„ *Robertus de Grimbergis* Dominus de *Asca* cum *Maria* uxore, dederunt ob reme-  
„ dium animarum suarum, & animarum patrum & matrum prædecessorumque, ac  
„ amicorum suorum, totalem decimam suam quam habebant, vel quocumque mo-  
„ do postmodum habere poterant apud Opdorp; cum omni jure, quod illis in eam  
„ competiit, viris religiosiis Abbati & Conventui Monasterii loci *S. Bernardi* Cister-  
„ censis Ordinis, Cameracensis Diocesis, in veram & puram eleemosynam, dona-  
„ tione inter vivos: & vendiderunt quintum manipulum, in eodem pago, nihil re-  
„ tinentes, excepto alto Dominio Justitiæ suæ. Actum anno Domini millesimo du-  
„ centesimo nonagesimo secundo.”

MELSBROECK olim *Meltbruck* & *Meldenbroeck* pagus juxta agrum  
Vilvordiensem, non procul ad eo oppido situs, & insigni Prætorio instruc-  
tus, subcensetur Præfecturæ Campenhoutanæ: Ejus Dominium viâ emptio-  
nis absolutæ a *Philippo IV.* Hisp. Rege transit in gentem de *Loquengien*  
anno 1643. die 15. Novembris. In Baronatum erectum est ab eodem Rege  
1659. die 17. Martii in gratiam *Caroli de Loquengien*, in quâ stirpe hæte-  
nus perseverat.

*Erectum  
in Baro-  
natum.*

Bruxellis apud Brigittinas humi in lapide sepulchrali exstat sequens in-  
scriptio.



Monumentum Illustrium conjugum *Caroli de Loquengien* Baronis de Melsbroeck defuncti XIV. Octobris 1670.

Ac *Mariæ Middleton*, quæ decessit XVIII. Septembris 1664. Et posterorum.

*Requiescant in pace.*

Ecclesia tutelarem colit *S. Martinum* Turonensem Episc. ad Pastorale munus nominat Capitulum *S. S. Michaelis & Gudulæ* Brux. quod jus acquisivit Anno 1134. dono *Liettardi* Camerac. Episc. Diploma exhibet A. Miræus in Cod. Piar. Donat. Cap. 89. novæ edit. ut sequitur.

In nomine sanctæ & individuæ Trinitatis. LITTARDUS gratiâ Dei Cameracensis Episcopus tam futuris quàm præsentibus in perpetuum.

Bonorum justa petitio cum sit exaudienda, & per temporalia bona æternalia promerenda, petitioni bonorum honestum duxi acquiescere, & pro æternalibus quædam mea temporalia dimittere. Altare siquidem, quod est in *Meltbruck*, omni personatu liberum, tradidi *Brucsellæ* in oratorio S. MICHAELIS Archangeli, & gloriosæ Virginis GUDILÆ quiescentis ibidem, absque personarum mutatione, in perpetuum pro mea salute, Canonicorum XIV. ibidem famulantium satisfaciens petitioni: ne tamen redditus Cameracensis Ecclesiæ imminueretur, excepi.

Ut autem quod feci ratum permaneret, & Congregatio prædicta pacificè altare obtineret, banno confirmavi, & sub anathemate, ne aliquis ad hoc conturbandum vel subvertendum exurgeret, interdixi. Hujus facti testium nomina subsignavimus.

Signum Theoderici Archidiaconi.

S. Gerardi Archidiaconi.

S. Balduini Decani.

S. Alexandri Decani.

S. Movini.

S. Mionis magistri.

S. Gualteri magistri.

S. Guilelmi Sacerdotis.

S. Fromoldi Sacerdotis.

S. Gualteri Capellani.

1134. Hoc autem actum est BRUCSELLÆ anno Dominicæ Incarnationis MCXXXIV, Indictione X, anno Præfatus Domini LITTARDI III. GODEFRIDO Duce fines Lotharingiæ obtinente & LOTHARIO imperante.

EGO GUIRENBALDUS Cancellarius subscripsi.

Decima est tripartita, cujus duæ trientes spectant ad præfatum Capitulum, & altera triens est Parochi.

In hac Parochiali est Capellania *S. Martini* incorporata Pastoratui cum onere quinque missarum in quindenâ, item fundatio pro missa matutinali, sed insufficiens. Reliquiæ ibidem SS. Crucis.

MUYSEN olim *Musines* Agri Mechliniensis, ejusque Provinciæ pagus, a quâ urbe distat medio milliari, viâ quâ itur Lovanium. Locus est miræ antiquitatis, protendit se latè ad alteram Dylia ripam, quæ eam interfecat.

1. B. Gramaye in suis Antiq. Mechl. refert: „ quod sit antiquitate etiam „ celebris; si vera referunt memoriæ veteres, idolum hîc a popularibus cul- „ tum



„ tum a *B. Lamberto* everſum, ſacellumque ( quod *D. Lamberti* titulo „ poſtea notum) ſupererat, adhuc anno 1501. reſtitutum ”. Imo eundem ſanctum Muſenis Idolum evertiſſe volunt, ejeſtiſque idololatriſ, Clericos ſeu Canonicos ſubſtituiſſe, qui deinde *S. Rumoldo* ſeſe aggregaverint.

Eccleſia dicata eſt *S. Lamberto* Tungr. Episc. in memoriam quod incolæ ab idolorum cultu ab eodem ſint converſi. Patronatus ejus ſpectat ad Capitulum Metropolitanum *D. Rumoldi*. Decima ſpectat ad idem Capitulum & Parochum.

Olim huic Parochiali unita fuit *Hanswika* quæ Eccleſia etiam erat Parochialis, ſita viâ ferè mediâ inter civitatem Mechlinienſem, & hujus Eccleſiæ pagum, in quâ *Guilielmus van Horen* Canonicus, Scholaſticus Mechlinienſis & Paſtor utriuſque loci, *Scholares D. Auguſtini* Leeuwis evocatos anno 1288. inſtituit & hanc Parochialem Hanſwicanam cum conſenſu Capituli & *Wilhelmi* Camerac. Episc. eis dein conceſſit, qui deinde everſo eorum Cœnobio & Eccleſia per turbas Belgicas in Urbem ſe receperunt, uti in Mechliniâ fuſè diximus.

Ante vaſtitatem Belgicam ſeculi XVI. juxta Eccleſiam Parochialem de Muysen, ſtetit etiam Prioratus Virginum Ord. Ciſter. quæ deſtructo & vaſtato a militibus eorum Cœnobio in iiſdem turbis Belgicis, in Urbem ſe recipere coactæ ſunt, in quâ dein ſedem ſtabilem fixère uti in Mechliniâ cum illud Cœnobium ibidem deſcripſimus pluribus diximus.

NEDEROCKERSEEL. latinè *Ockerſelia inferior*. Præſecturæ Campenhoutanæ pagus, primo lapide cum dimidio a Lovanio. Hòc Dominium poſtquam a *Tſerclaſſis*, *Marſelariis* & aliis longo temporis tractu jure pignoratio poſſeſſum fuerat, acquiſivit titulo emptionis abſolutæ a *Philippo IV.* Hiſp. Rege anno 1644. die 15. Martii *Philippus Lambrechts*; pretium fuit 4000. flor.

Abbatia *S. Michaelis* Antverpiæ Ord. Præmonſt. hic loci habet amplum Dominium & juridiſctionem, ac jus ponendi Majorem & VII. ſcabinos dono *Joannis I.* Ducis Brabantix Ao. 1290. poſſidetque inſigne Prætorium & Curiam cenſualem.

Eccleſia quæ *S. Stephano* Proto-Martyri ſacra eſt, adminiſtratur per Canonicos præfatæ Abbatix, quæ hîc Curionem e gremio ſuo conſtituit, qui ex decimis hujus pagi quas levat hæc Abbatia ſuam annuè percipit portionem congruam.

Abbatia Cortenbergenſis habet certum inibi diſtriſtum decimarum.

Speſtavit olim res ſacra hujus Eccleſiæ ad Capitulum Soigniacenſe in Hannoniâ, quod dein tranſcripſit ſuum jus Patronatus & decimas hujus pagi præfatæ Abbatix. Hæc eſt origo juris quo præfata Abbatia adminiſtrat hanc curam Paſtoralem. Hæc extraximus ex antiquo manuſcripto Codice Episcopatus Cameracenſis qui apud nos exſtat, & in quo inter cætera leguntur.

*Hockenſele inferior* Patronus Capitulum Soigniacenſe.

Cap. *B. M.* ibid.

Cap. *S. Michaelis in Laere*.

Capellaniæ *S. Georgii* & *S. Catharinæ* incorporatæ ſunt Curæ Paſtorali, gravatæ tribus ſacris hebdommadatim. Sunt inſuper in hac Eccleſia Cap. *S. Antonii* Cap. *S. S. Trinitatis* in *Laere*, item fundatio miſſæ hebdommalis. Patronatus trium primarum Capell. ſpectat ad præfatum Abbatem,



ad quartam præsentat D. Censualis in *Laere*, estque Beneficium Castrale exigui valoris erectum in Castro Præfati Abbatis.

PERCK, Præfecturæ Campenhoutanæ, Dominium olim familiæ de *Wavere*, inde anno 1439. per nuptias *Catharinæ de Wavere* Dominæ de Perck & Elewyt &c. filiæ Domini de *Wavere*, qui filius erat legitimus filii naturalis Brabantiae Ducis *Joannis*, cum *Joanne de Bernaige* Milite Domino de Mouwe in illam stirpem translatus est, a quâ dein per similes nuptias *Margaretæ de Bernaige* cum *Frederico de Marselaer* Equite, ad hanc familiam devenit, in quâ hætenus permansit, quæ ibidem insigne habet prætorium, cujus schema exhibetur in Castellis Nobilium Brabantiae Baronis *le Roy*. Hodie illud Dominium possidet *Michael Hyacinthus de Marselaer* Dominus de Opdorp, per mortem sui cognati *Josephi de Marselaer* cujus investituram adiit Anno 1718.

Hujus & proximi pagi de Elewyt duobus quidem templis, sed unico dumtaxat feudo, una Præturâ, uno simul junctum Magistratus Collegio constat. Erectum est hoc Dominium in Baronatum a *Philippo IV.* Hisp. Rege die 5. Maji anno 1659. in gratiam *Frederici de Marselaer* Equitis, Parchæ Domini &c. Vide de hoc Dominio latius in Jurisprudencia Heroica pag. 321.

Bruxellis in Choro Ecclesiæ Parochialis S. Nicolai legitur sequens Epitaphium.

**Hier in de Choor liet begraven Heer Jan van Baronaige, Heere van Wouwe / Oyck / Herseaux / Perck ende Elewyt / ende Urauwe Catherine van Wavere syne geselmede / ende heeft den sone der voorschreven Heer Jan gefondeert een jaerge-tyde in den jaere ons Heeren M. CCCCC. XII. Bidt voor de Zielen.**

In Choro Ecclesiæ Parochialis de Perck visitur insigne marmoreum Mausolæum Præfati *Frederici de Marselaer* & *Margaretæ de Bernaige* uxoris suæ cum hac Epigraphæ.

Æternitati S. Omnipotentis misericordia, Gratia Virginis, quæ genitrix vitæ est, primævæ nescia labis, suffragiis SS. *Francisci* & *Clarae*, *Ignatii* & *Theresiæ* piorum precibus, sub hoc marmore quiescens post mortalis occasum, immortalis vitæ ortum exspectat.

FREDERICUS DE MARSELAER.

Eques auratus, Illustri a centum lustris lare Toparcha liberi Domini de Opdorp, Principibus & populo cha-






D. O. M.

ILLUSTRI MAGNANIMO, FORTI D. GUIL: DE  
BARONAIGE TOPARCHÆ DE PERCQ, ELEWEYT,  
HARZEAUX, OYCKE, &c: QUI MULTA UT  
STRENUUS GESSIT PACIS ARISQUE A<sup>o</sup>. 1622. CIS  
DEMERAM HOSTILI IGNE & UT PRESSAS PERCKUM  
VILVORDIAMQUE VENATORUM & AGRICOLARUM MANU  
FELICITER DEFENDIT. 8<sup>a</sup> JUNY 1626 CÆLIS RECEPTO

DOMINUS FREDERICUS DE MARSELAER EQVES,  
CUM DOMINA MARGARETA DE BARONAIGE  
CONJUGE HEREDE

H: M: PP:









charus, qui post septimum Urbis Bruxellæ Consulatum, nec non publica alia gesta munia, post discussam obeundæ apud Deum hominesque

## LEGATIONIS FORMAM.

Supremam suscepturus, in Cælum ut proficisceretur expeditius, hic sarcinam deposuit mortalitatis, juxta dignissimam casti thori conjugem

## MARGARETAM DE BERNAIGE.

Ex Baronibus de Wesemall', Lecke, Bautershem, Dominis de Wavre, Parck, Elewyt, quæ præmaturo cedens fato antecefferat XX. Julii anno M. D. C. XLVI. ipse subsecutus VII. Novemb. anno M. D. C. LXX.

O homo imago Dei, terræ vapor, Umbra, putredo,  
Summa boni & voti est, nosse & amare Deum.

Ecclesia inscripta est *B. Mariæ* Virg. Deiparæ. Patronatus olim spectavit ad Thesaurarium Metropolitanæ Cameracensis; quæ dignitas cum anno 1603. extincta est, & bona applicata Fabricæ præfatæ Metropolitanæ jus Patronatus devolutum ad Archiepiscopum hujus Sedis.

Decima pars, quæ erat olim Thesaurarii, applicatur Fabricæ præfatæ Metropolitanæ, quæ majores Decimæ vocantur, reliqua earum pars pertinet ad Parochum cum Novalibus, cui insuper in supplementum portionis congruæ solvuntur annuè ex decimis præfatæ Fabricæ 80. flor.

Item partem earum decimarum possidet Toparcha hujus loci & de Melsbroeck. In hac Parochiali visitur Miraculosa Deiparæ imago, quæ ab antiquissimo tempore in maximâ fidelium fuit veneratione, ob continua miraculorum beneficia, quæ jugiter ab eâ promanarunt, neque hodiedum omnino cessant, unde magnus etiamnum populorum ad eam confluxus, feriâ præsertim tertia post Pentecosten, quâ die imago solemniter solêt circumferri.

Invocatur autem præcipuè contra Herniæ malum, cui quasi certum & stabile hîc remedium, prout etiam pueris incurabili afflictione corporis laborantibus.

In hac Parochiali erectæ sunt duæ Capellanæ, quarum una est *B. M. V.* cui incumbit onus Missæ matutinalis diebus sacris, & trium aliarum hebdomadatim, altera *S. Nicolai*, cum onere unius Sacri per hebdomadam.

PUERS antiquitus *Puderse*, amœnus & multum populosus, ac vastæ extensionis pagus, sub præfecturâ Capellenfi, & in minori Brabantia situs vulgo *Smal-Brabant*.

Hoc Dominium olim fuit Abbatix *S. Cornelii* Judensis Ord. S. Bened. propè Aquisgranum, quod dein titulo emptionis a *Raqualdo* ejus loci Abba-



te acquisivit *Godefridus de Perwees*, cujus vidua *Felicitas* Domina de Hoboken illud tabulis venditionis transcripsit anno 1278. Abbati & Monasterio *S. Bernardi* ad Scaldim cum omnibus juribus, justitiis, terragiis, Ratiociniis; Homagiis, Reliviis & aliis bonis quæ hîc loci possidebat, cujus venditionis tabulas profert *C. Butkens* in suis Probationibus Trophæis Brabanticis pag. 230. & *A. Miræus* in Not. Eccl. Belg. Cap. CXCVI. quarum hic est tenor.

„ Universis præsentēs litteras inspecturis *Felicitas* dicta *Perweis*, Domina de Hoboken, relicta vidua *Godefridi de Perweis* salutem. Noverit universitas vestra, quod nos bona, quæ ab Abbate & Conventu *S. Cornelii* Judensis justo titulo acquisivimus in territorio de *Puderse* vendidimus Abbati & Conventui *S. Bernardi* Cisterciensis Ordinis. Actum M. CC. LXXVIII.

Prædicta Domina dedit insuper huic Abbatiæ totam decimam suam, quam in hoc pago possidebat, & ideo merito hujus Abbatiæ fundatoribus annumeratur. Præfata Abbacia possidet in hoc pago ingentia rura, & plurima optima prædia.

Ecclesia quæ multum insignis est, tutelarem colit *S. Petrum* Apostolorum principem. Patronatus Curæ Pastoralis est Archiepisc. Mechl. uti Abbatis Affligemienfis.

Decima est tripartita, cujus duæ trientes spectant ad præfatam Abbatiam *S. Bernardi*, reliqua triens ad dictam Abbatiam Affligemiensem, & a præfatis decimatoribus solvitur annuè Parocho competentia 500. flor.

Intra limites hujus pagi in Vico *Calfoort* stetit Patrum memoria *Hospitale*, cujus adhuc hodie exstant domus & ædificia, quæ domus incolitur a Sacellano, qui ibidem divina peragit in insigni Capellâ Deiparæ sacrâ, huic Hospitali contigua, nostrâ memoria ibidem exstructa, qui Sacellanus tenetur ad quinque missas hebdomadatim. Solemnis fit ad eam Capellam peregrinatio maximè Dominica post Assumptionem Deiparæ durante per octiduum & toto anni tempore, quæ pro febricitantibus potissimum invisitur, a quibus autem & quo tempore fundatum & exstructum sit hoc Hospitale hætenus indagare non potuimus.

Hujus Hospitalis bona & census e mortuis Monialibus initio seculi XVII. applicata sunt, & acceperunt sub certo onere seminario Archiepiscopali Mechlinienfi.

Ad limites hujus pagi in confinio Flandriæ Bornhemium & *S. Amandum* versus, est Dominium de *Oppuers*, Præfecturæ Merchtemensis, quod olim fuit peculium stirpis *Vander Meeren* a qua jure retractus obtinuit *Wal-Burgis vander AA*, *Philippi & Claræ de Barres* filia, quæ juncta *Judoco Snoy*, ei hoc Dominium attulit, in qua stirpe hodie perseverat, quod in gratiam *Joannis Caroli Snoy* anno 1664. a *Philippo IV.* Hisp. Rege erectum est in Baronatum.

Erectum  
in Baro-  
natum.

Intra fines etiam hujus pagi est vicus *Eyckevliet* ubi Sacellum *D. Lamberto* sacrum, quod per Capellanum in eo sacris operantem deservitur, a quo non procul, possidet præfata Abbacia *S. Bernardi* Castellum spectabile, quod vocatur *Coolhem*, cum villa & plurimis agri possessionibus annexis, quod Religiosi hujus Abbatiæ incoluerunt, cum per nefarios quosdam anno 1582. tota Abbacia in cineres abiit, quo illud Castellum in Cœnobii formam adaptarunt, ibique hæserunt usque ad annum 1616. cum ad flebiles sui Monasterii ruinas reversi sunt: est in hoc Castello Sacellum *S. Bernardi*, in quo sacræ ejus Reliquiæ asservantur, magnoque concursu honorantur, præsertim in festo hujus Divi.

PUE-



PUETY vel *Peuty*, Districtus Campenhoutani, pagus in viciniâ oppidi Vilvordienſis, a variis pridem jure pignoratitio Dominium hoc fuit poſſeſſum. Verum anno 1643. die 28. Novemb. abſolutæ venditionis titulo a *Philippo IV.* Hiſp. Rege devenit ad Dominam de *Zelem*: Hodie hoc Dominium poſſidet *Claudius Eugenius Bodequin* ſummus Prætor Præfecturæ Vilvordienſis.

Eccleſia ſacra eſt *S. Martino* Turon. Epiſc. Patronatus illius eſt Archiepiſcopi jure Ordinarii.

Decimarum varii ſunt participes; uti Abbatia Cameræ Ord. Ciſterc. propè Bruxellam, Collegium Viglii Lovanii, Capitulum Metropolitanum Cameracenſe & Parochus, ad quem ſolum ſpectant Decimæ novales, cui inſuper in ſupplementum competentia annuè ſolvuntur a præſatis decimatoribus 90. flor.

In hujus Parochialis Eccleſiâ fundata eſt Capellania animarum incorporata Paſtoratui, quæ gravata eſt tribus ſacris hebdommadatim, eſt & alia fundatio miſſæ hebdommadalis.

Colitur in hac Parochiali magnâ populi devotione & accuſſu *S. Leonardus Mart.* & ad eum hic fit plurima peregrinatio, pro cujuſvis corporis infirmitatibus.

In hoc pago quondam ſtetit Monasterium Monialium Carmelitarum, vulgo *ten Trooſt*, quod propter motus bellorum & Monialibus non uno loco profugis, circa annum 1586. in Vilvordiam ſe recepit, ubi illud hodiè florefcit & viget, ac Deiparæ Virginis miraculis & prodigiis celebris imago eſt, quæ a peregrinantibus eo voti cauſa multum inviſitur, uti ſuo loco dicetur in Vilvordiâ.

PUTTE olim *Wavera S. Nicolai*, Districtus Arculani, Municipium celebre, altero lapide a Mechliniâ, pagus notabilis & vultæ extensionis.

Porro hallucinatur Jurisprudentiæ Heroicæ Auſtor, dum refert in hoc pago eſſe Curiam *Befferanam*, vulgo *het Hof van Beffere*, cum illa ſita ſit & exerceatur in extremitate pagi de Boenheyde ad Pontem vulgo de *Pas-Brugge* uti ſuo loco diximus, cum hunc pagum ante deſcripſimus.

Hoc Dominium de *Putte* ſuperioribus ſeculis longo temporis tractu *Bertholdorum* Mechliniæ & alibi dominantium vetus fuit peculium, acquiſivit tandem a *Philippo IV.* Hiſp. Rege titulo emptionis abſolutæ anno 1650. die 4. Martii *Theodorus vander Nath*; pretium fuit 11100. flor. a quo emit anno 1660. *Antonius Ferdinandus*, *Gerardi de Brouckhoven* Toparchæ de Bergh-eyck, Weſterhoven & de Rithoven filius, in cujuſ gratiam anno 1664. die IV. Aprilis ab eodem Rege in Baronatum erectum eſt, in quâ ſtirpe hactenus permanſit.

*Erectum  
in Baro-  
natum.*

Quoad rem ſacram Eccleſiæ tutelaris eſt *S. Nicolaus* Epiſc. & Paſtorale munus confertur per Archiepiſcopum hujus Diœceſis.

Decimarum participes ſunt Archiepiſcopus Cameracenſis, & Capitulum ejus Metropolitanum, item Commendator in Pitzenburch Mechliniæ & Parochus, cui in Supplementum Competentiæ a prioribus decimatoribus annuè ſolvuntur 290. flor. Commendaria de Pitzenburch acquiſivit hanc decimam titulo emptionis Ao. 1314. a *Geldolpho Meerte*, quam ille pridem emerat anno 1304. ab *Henrico Bertholdo* Domino de Duffel, cujuſ emptionis tabulas profert *Baro le Roy* in Notitia Marchionatus S. R. I. Lib. IV. cap. IV.



Intra limites hujus pagi quadrante horæ a Parochiali est sacellum Virg. Deiparæ sacrum, in qua diebus Sabbatinis divina celebrantur, est & minus Sacellum *S. Nicolai* eo loco, in quo ante turbas Belgicas stetit Ecclesia Parochialis.

QUAREBBE. præfecturæ Vilvordienfis Dominium, proximè conterminum pago de Erps, a quo distat vix horæ quadrante, spectans ad Illustrem familiam de *Boisschot*, cum quo constituit unum tribunal. Olim hoc dominium longo temporis tractu cognomen dedit Equestri familiæ de *Quaderebbe*, cujus Heroes in Historiis nostratum celeberrimi, visuntur eorum monumenta Lovanii in Choris *D. Jacobi*, ac Beginasio.

Ecclesia inscripta est *S. Petro* Apostolorum principi, ejus Patronatum gerit Abbatissa Cortenbergensis, ex dono *Odonis* Cameracensis Episc. anno 1110. cujus donationis Diploma proferam in pago de Cortenberge, prout illud excepimus ex Chartulario præfatæ Abbatiae.

Duæ partes decimarum spectant ad Baronem de *Pellenbergh* de gente *Wisfenkercke*, qui hodie jure uxorio *Melchior Josephus de Villegas* Baro de *Hovorst*, qui insuper inibi habet plures agri possessiones: Tertia decimarum pars spectat ad Parochum cum novalibus, Abbatia Cortenbergensis habet exiguum districtum decimarum.

Hæc Cura Pastoralis longo annorum spatio solebat administrari per Pastorem de Erps; at nuper proprium suum nacta est Parochum, prout ante habuit.

Sunt in hac Parochiali erectæ duæ Capellaniæ una *B. M. V.* altera *S. Catharinæ*, earumque patronatus spectat ad Dominum Curiae Censualis *Ter Brugghe*.

RAMSDONCK olim *Ramesdum*, dein *Ramdorp* & *Rameldonck*, Præfecturæ Capellensis, cui pago multum vicinus est.

Hoc Dominium anno 1559. jure pignoratitio a Rege obtinuit *Bernardus de Merode*, dein *Philibertus de Mol*, tandem a Rege eodem jure illud anno 1626. obtinuit *Joannes de Bertholt*. Hodie viâ emptionis illud possident cum Capella gentiles de *Beughem* Patricii Bruxellenses. Vide plura supra in pago de Capelle. Constituit cum præfato Capelle unum tribunal, pars tamen hujus pagi ad Nassovios spectat & subcensetur pago de Londerseel.

In sacris Ecclesia Patronum colit *S. Martinum Turon.* Episc. Parochum habet ex Canonicis Abbatiae Grimbergenfis, ad quam ab antiquo attinet Cura Pastoralis, & memoratur in Diplomate quo *Lietardus* Cameracensis Episcopus anno 1132. Grimberganum Monasterium, quod *Arnulphus* cum fratre suo *Gerardo S. Norberto* ejusque sodalibus tradidit & confirmavit sub nomine *Ramesdum*.

Medietas Decimarum spectat ad præfatam Abbatiam in locis ubi recipit census: Altera medietas spectat ad Parochum, in reliquis autem agris duæ partes decimarum spectant ad Toparcham, & restans ad præfatam Abbatiam.

RUYSBROECK, Districtus Capellensis, pagus ad sinistram Rupelæ fluvii. Dominium hoc cum vicino pago de Willebroeck circa medium præcedentis seculi Marchio *S. Martini* vendidit *Joanni Helman*, *Petri & Mariæ vander Meeren* filio, in quâ familiâ perseverat, qui modo *Philippus Hyacinthus Helman* Baro de Willebroeck.



Ecclesia Parochialis, quæ Virgini *Mariæ* sacra est, administratur per Canonicos Abbatiae Grimbergenfis Ord. Præmonst.

*I. B. Gramaye* in Antiq. Belg. & in Bruxella pag. 30. novæ edit. refert quo modo *Alardus* Cameracensis Episcopus, assignavit fororibus in *Novo Sarto* hodie vulgo *Nieuwenrode* circa annum 1177. Altare de *Ruysbroka*, quod erat Virginum Ord. Præmonst. Cœnobium intra primum a Grimberga lapidem, quod paulo post emortuis monialibus desiit, & in quorum bonis successit Abbatia præfata Grimbergenfis.

Decima est tripartita, quarum duas tertias percipit Toparcha, & altera restans est Parochi ex cessione præfati Abbatis.

Sub hac Parochia est Sacellum *S. Catharinæ*; & Capellania istic erecta cum onere duarum missarum hebdommadatim, unita est Pastoratui.

**RYMENAM** Districtus Arculani primo lapide cum dimidio a Mechliniâ ad Dylam fluvium, qui eam interfecat. Hujus pagi Dominium a variis jure pignoratitio fuit possessum. Reoppigneratum fuit a Rege die 7. Augusti anno 1626. *Joanni de la Faille*; pretium fuit 12000. flor. Tandem titulo emptionis absolutæ illud acquisivit a *Philippo IV.* Hisp. Rege anno 1644. die 22. Decemb. *Jacobus de Brouxelles* Vicecomes de Dormael; pretium fuit 13000. flor. A quâ familiâ viâ emptionis Anno 1697. devenit ad *Danilem Cuypers*, Dominum de Mufselbroeck, Zuttingem &c. Graphiarium Urbis Mechliniensis.

In hoc pago ad alteram Dylæ partem est vetus Castellum de Hollaecken, annexum habens insigne dominium, Feudalitio jure dependens a Curiâ feudali Mechliniensis territorii.

Spectavit initio seculi XVII. hoc Dominium de Hollaecken ad *Christophorum de Medina-Montoia* Equitum *D. Jacobi*, a Consiliis belli & Magistri campi Generalis in Belgio locum tenentem, qui ductâ *Franciscâ Colomâ*, *Joannis Francisci de Coloma* primi Comitis Bornhemienfis amitâ, improles periit in conflictu d'Aveinensi die 20. Maji anno 1635. hic testamento suo quod condidit 24. Maji 1632. legavit centum & triginta octo millia florenorum in pios usus annuatim distribuendorum.

Post hujus obitum Dominium de Hollaecken pervenit emptionis titulo ad Hieronymum de Mayere Dominum de Sombeke; inde eodem jure emptionis ad gentem de Caluart, & per nuptias ad *d'Origone*; in quâ stirpe hætenus permanfit. Schema hujus Castellî exhibetur in Castellis Nobilium Brabantiae Baronis *le Roy*.

In hoc pago exstat præterea Dominium de *Calstre*, quod a gente de Calstris patriciâ Lovaniensi insignia & nomen habet. Castro instructum olim, cujus nunc vix rudera & fossarum vestigia supersunt, vel ex eo etiam nobile quod principio seculi elapsi resectâ ibidem olla numismatibus æneis Constantini & Constantis Imperatoris reperta sit. Pertinet illud hodie ex avitâ successione ad *Philippum-Franciscum Petrum Roose* Baronem *Lecuwæ Sti. Petri* &c.

Ecclesia tutelarem colit *S. Martinum* Tungr. Episc. Patronatus est Archiepiscopi uti Abbatis Affligemienfis.

*Burchardus* Episc. Camerac. Bornhemiensem inopiâ laborantem, *Fulgentio* Abbati Affligemienfi ejusque successoribus regendam comittens suppressâ *S. Augustini* Regula anno 1120. in Diplomate suo commemorat Ecclesiam hujus pagi eique vicinam de Keerbergen hisce verbis. „Præfatam Abbatiam de „Bornhem cum appendiciis suis *Haveskedunck* & *Hingen* cum Capellis *Kere-*



„*berga & Rimenbam* Apostolicâ auctoritate eidem præfatæ Hafligemienfi „Ecclesiæ sub regula S. Bened. permanfuram concessimus.” Hæc est origo juris, quod hic loci Affligemienfe Monasterium a tot sæculis habuit.

Cæterum Affligemientes illa, quæ in hoc pago ratione hujus unionis possidebant, variis deinde vendiderunt, & ex hoc capite plures hic participant de decimis.

Huic loco de Rymenam natales suas debet *Joannes Verhage* J. U. D. in Universitate Lovaniensi, qui ibidem obiit IV. Præses Collegii Trilinguis anno 1585. Hic fundavit in eadem universitate pro consanguineis Bursam, cujus collatio spectat ad Parochum hujus loci.

SCHRIECK olim dictus *St. Jans int Schrieck*, Districtus Arculani tertio lapide a Mechlinia pagus, conterminus Diocesi Antverpiensi. Dominium ejus, postquam a variis jure pignoratitio pristinis temporibus fuit possessum, ejus jurisdictionem cum Dominio de Grootlo acquisivit emptione absolutâ a *Philippo IV.* Hisp. Rege anno 1650. die 4. Martii *Theodorus vander Nath*; a quo eadem viâ emptionis ab eo devenit ad *Antonium Ferdinandum de Brouckhoven*, in quâ stirpe hodie perseverat.

Ecclesiæ tutelariorum est *S. Joannes Evangelista*, Patronatus spectat ad personam Personatus de Heyst, qui cum incorporatus sit Archipresbyteratui Cathedralis Antverpiensis eo jure utitur idem Archipresbyter.

Decimas hujus pagi pro duabus tertiis possidet Parochus, & restantem tertiam N. Wagewyns Hollandus, qui eâ ratione tenetur annuè solvere Parocho pro supplemento competentiae XVII. flor.

Porro præfatus *Wagewyns* Ao. 1721. vendidit cuncta sua bona, possessiones, & decimas, quas in hoc pago possidebat D. N. Hagaert Pastori in Boenheyde. Subest huic Parochiali Dominium de Grootlo in quo est Sacellum *No-minis Jesu*, in quo quibusdam festis divina celebrantur. In hoc Vico certum districtum decimarum possidet Abbas Parcensis, Novales utriusque loci sunt Pastoris.

SEMPs primo lapide a Mechlinia, ad Sennam fluvium, qui eam irrigat & interfecat Districtus Capellensis, Dominium Principis de *Bergbes*, antiquus & vetustus pagus, quippe olim matrix Ecclesiarum de Eppegem, Weerde, & Capelle opden Bosch. Manuscripta Mechliniensium Chronica eam consecratam asserunt a *D. Lamberto* Tungr. Episc. & vetustatem istam præ se ferunt structura, parvulæ fenestræ, & inserti lapides navis ejusdem Ecclesiæ. In hoc pago non contemnendum Dominium possidet Domus Olivetana Mechliniæ, dono *Godefridi de Villain* Toparchæ in Huyssen, Borcht, Swyndrecht &c. circa finem sæculi XV.

Item situm est in hoc pago Dominium de *Relegem* cum Castello, situm inter hunc pagum & Hombeeck, quondam *Nivei Mariani Invrea*, cujus filia & hæres dote attulit *Theodorico vander Nath*, in quâ stirpe perseverat; cujus Castellum schema exhibetur in Castellis Nobilium Brabantiæ Baronis *le Roy*.

Ecclesia hujus Parochialis, inscripta est Virgini *Mariæ* & *D. Petro* Apostolorum principi. In eâ olim Patronatum gerebat persona; at hic personatus dudum incorporatus est Fabricæ Metrop. Camerac. & ex concordia Ecclesia de Sempis cum subalternis ut Eppegem, Weerde & Capelle opden Bosch remanserunt ad collationem Episc. Cameracensis, scilicet ante erectionem hujus Archiepiscopatus, in quibus juribus successit per erectionem hujus sedis Archiepiscopalis, Archiepiscopus Mechl.



Decima hujus pagi divisa est in novem manipulos, quorum duos percipit Capitulum Metropolitanum Cameracense, tres Toparcha, tres Abbatia de Camera Ord. Cisterc. prope Bruxellam, & præfata Domus Olivetana Mechliniæ, & unum Parochus, qui ultra ab antiquo percipit decimas novales; at in quibusdam pratis juxta sententiam Senatus Brabantiæ tantum percipit earum medietatem, & altera medietas dividitur ut ante.

In hoc pago ad ripiam fluminis Sennæ Capella Mariana vulgo *Onse Lieve Vrouw* in *Hamme*ken fatis elegans, in quâ magno incolarum concursu singulis septimanis divina celebrantur. Originem ejus refert *A. Wichmans* in suâ Brabantia Mariana lib. 2. Cap. 65.

STEYNOCKERSEEL vel *Steenockerzeel*, latinè *Ockersalia superior*, vel *Ockersalia Petrea* ut *Gramayo* placuit, altero lapide cum dimidio a Mechlinia & Lovanio, Districtus Campenhoutani. Hoc Dominium emit Anno 1511. a *Philippo Hinckaert*, *Carolus de Lannoy* Eques Aurei Velleris; dein obvenit Ao. 1562. ejus Hæredibus Principibus de *Salmone*, a quibus emit anno 1577. *Catharina Brandenburgica*, quæ nupta *Joanni de Coutereau*, illud attulit in hanc familiam; ex quâ Ao. 1698. emptionis jure cum vicino Hemelghem devenit ad *Petrum Fariseau*, post cujus mortem Anno 1719. obvenit ejus Hæredi & cognato *Petro Robyns*: A quo Anno 1722. emptionis tabulis devenit hoc Dominium cum vicino Hemelgem ad *Rheni Comitem*.

Prætorium hujus Domini nobis exhibet Baro *le Roy* in Castellis Nobilium Brabantiæ.

In Choro hujus Parochialis visitur sepulchrale monumentum humi *Joannis van Hamme* Domini de *Steenockerseel*, & natorum ejus & circumcirca hæc Epitaphia litteris Teutonicis exarata, inque iis imagines eorum habitu prisco effigiatae, visuntur.

**Hier leyt begraven Heer Jan van Hamme, Bidde-  
re / Heer van Steenockerzele / Baet ende Camer-  
linck Coninck Eduwaert van Engellant / die  
geweest heeft in synder lebender tyt in XXIX.  
staende stryde ende in XXVII. Zeegevochten.  
Die sterft int jaer ons Heeren M. CCC. LXXII.  
XIII. in October.**

**Hier leyt begraeven Heer Jan van Hamme, Bidde-  
re / ende goede Heer Jans Zone / Heere van  
Stepnockersele / die sterft int jaer ons Heere  
M. CCCC. ende III. , V. daeghen in Januario.  
Bidt voor de Ziele.**

**Ende Jouffrauwe Margarita van Hamme , des  
Gg 2 Heere**



**Heere dochtere / Vrouwe van Steynockerseel /  
gheselinne Cornelius van Grimberghen, diemen hiet  
van AA. sy sterft int jaer ons Heeren M. CCCC.  
LXXII. XXIII. 7ber.**

Ibidem exstat sepulchrale Monumentum in medio Chori tumbâ elevatâ,  
cum hâc inscriptione.

D. O. M.

*Cy reposent Noble & Genereux Seigneur Messire Guilla-  
me de Coutereau, Baron de Jausse, Seigneur de Wydeu  
tot Assche, Steynockerseel, Gentines &c. aagé de soixan-  
te ans, & trespassa a Westmal le 2. d'Octobre 1620.*

*Et Dame Marie de Coutereau sa Compagne la quelle a  
vescû apres son mary 41.ans & trespassa le 26.xbre 1661.  
a Assche.*

*prie pour leurs Ames.*

Quarteria.

*Coutereau, Herdinch, Giudieu, Assche, Brandenburg,  
Ere, Edekercke, Douir.*

*Cy reposent aussi Henri filz aîné & Robert de Coutereau  
filz maisné des dits Seigneur & Dame, lesquels mouru-  
rent Jeunes enfant.*

In hoc loco in vico de *Ham* amplum habet Dominium Capitulum Metro-  
politanum *D. Rumoldi*, ex Toparchæ beneficio olim obtentum, quod libe-  
rum est allodium, quod de nullo tenet nisi de Deo & sole, ut vocant. Ab  
ejus Curia feudali relevat hujus loci Toparchia, quoties Dominium de Stey-  
nockerseel vacare contigerit, possidetque præfatum Capitulum præter Cu-  
riam feudalem, Censualem, habetque Majorem & tenentes cum Graphiario  
& Officiario, qui judicant de bonis quæ Capitulo censibus sunt subjecta,  
suntque valde notabilia.

Hoc Dominium obvenisse communiter putant præfato Capitulo a Dyna-  
stâ hoc modo. Cum B. Antistitis *Rumoldi* Corpus ob metum bellorum eò  
delatum & humi defossus circa castrum de *Ham*, pluribus annis latuisset,  
ubi quoad cessavit tumultus delituit, prodentibus miraculis agnitus, magnâ  
& solemni pompa a Cameraceno Episcopo in Urbem relatum, in quâ solem-  
nitate illud memoriæ veteres tradunt quodcum Dynasta intercessione & pre-  
cibus B. Martyris a morbo (quo affligebatur) convaluisse, in accepti benefi-  
cii signum Clero loci sui Dominium possidendum dederit; quo autem anno  
hæc contigerint, hætenus nemo assequi potuit. Porro hæc non ita certa  
esse



esse, ex pluribus judiciis & rationibus satis verosimile apparet, ejusque rei veritatem ac fidem relinquo aliis examinandam; nobis interim hæc Historia ex pluribus capitibus plurimum suspecta est.

Ecclesia Patronum veneratur *S. Rumoldum* Mechliniensium Apostolum, quæ sacris ejus Reliquiis ditata est. Patronatus hujus Parochialis con ætit præfato Capitulo Metrop. quod confirmavit Anno 1157. *Nicolaus* Episcopus Cameracensis; ejusque Diploma refertur in Supplem. Diplom. A. Mi-ræi parte 2. cap. 56. ut sequitur.

In nomine Sanctæ & Individuæ Trinitatis. NICOLAUS Divinâ miseratione Camera- Ex iisdem  
Archivis.  
censis Episcopus, tam futuris, quàm præsentibus, in perpetuum.

Ex Officio Pastoralitatis intruimur, Ecclesiarum nostrarum curam indefinenter gerere, & earum paci ac utilitati, prout possumus, debitâ sollicitudine providere.

Petitionem igitur Fidelium nostrorum paternâ pietate admittentes, dilectis Filiis nostris Mechliniensis Ecclesiæ Canonicis, Altare de *Hokenzela* & Altare de *Wavera*, Altare quoque de *Scella*, quæ à Prædecessoribus nostris eis canonicè collata sunt, libera & imperfonata, salvis nimirum nostris Ministrorumque nostrorum debitis, perpetuo jure possidenda concedimus & assignamus.

Concedimus etiam eisdem Fratribus, ut Altare Mechliniensis Ecclesiæ, quod à Cameracensis Ecclesiæ Canonicis sub censu quatuor marcharum singulis annis persolvendarum susceperunt, perpetuâ pace & stabilitate possideant; ita tamen ut Matri Ecclesiæ Cameracensi statutis terminis de debito censu respondeant.

Ut igitur hæc rata & inconvulsa perpetualiter permaneant, præsentis Paginæ Scripto & Sigilli nostri appositione confirmamus, & subsignato Testimonio corroboramus; datâ quoque conservatoribus benedictione; prævaricatoribus, ut, quoad resipiscant, induantur confusione.

*S. Egerici* Cellensis Ecclesiæ Abbatis.

*S. Algotis* Crispiniensis Ecclesiæ Abbatis.

*S. Gualteri*, *Raulphi* Clerici, Canonicorum.

Actum Verbi Incarnati millesimo centesimo quadragesimo septimo, Præfatus 1147.  
Domini Nicolai undecimo.

Decima pro potiori parte spectat ad præfatum Capitulum, reliqua ad Parochum. In hac Parochiali est insignis fundatio a Parocho hujus loci VI. Choralium, pendens annuè 350. florenos. Item in eâ sunt tres Capellaniæ, scilicet animarum incorporata Pastoratui, habetque onus duas missas hebdomadatim celebrandas. Capellania *B. M. V.* gravata onere canendi missam singulis diebus Sabbathinis, & ad eam præsentat Pastor, item Capellania SS. Trinitatis, cum onere missæ quotidianæ. Patroni illius sunt Præfecti Fabricæ & mensæ *S. Spiritus* *S. Gudulæ* Bruxellis. Sunt præterea in Ecclesia Reliquiæ & Confraternitas *S. Bernardi*, qui maximo concursu hic colitur. Sunt insuper duæ foundationes hebdommadales *S. Annæ*, & *S. Crucis*.

Intra limites hujus pagi Sacellum *S. Pharaïldi* Virg. sacrum possidetque ejus Reliquias, ubi celebris hujus Divæ memoria, quod propter miracula plurimum frequentatur, ubi nonnulli panes adservantur, quæ Dei & prædictæ Virginis judicio in lapides sunt conversi, hoc autem contigisse putant anno 1440. ita ferè *J. Molanus* ad Natales S. S. Belgii 4. Januarii.

STEENUFFEL Districtus Merchtemensis Toparchia, tertio lapide a Mechliniâ. Hoc Dominium a *Carolo II.* Hisp. Rege erectum est in Comitatum sub nomine de *Maldegem* anno 1685. die 25, Aprilis in gratiam *Joannis Eugenii Ambrosii de Maldeghem* Baronis de *Leyschot*, qui & inibi præclarum possidet Castellum de *Diepenstein*, cui annexum Dominium. Hujus sche-

*Erectum  
in Comi-  
tatum.*



ma exhibetur in Castellis Nobilium Brabantiae Baronis *le Roy*. Hodie illud Dominium possidet *Joannes Dominicus de Maldeghe* Comes de Steenuffel, sub nomine de *Maldegem*.

Hoc Dominium legitur oppignoraturn a Rege Ao. 1626. *Frederico Micault* pro 6500. flor. & reoppignoraturn 1638. pro aliis 2600. flor. Dominae *De Marquet*.

Ecclesia Patronam veneratur *S. Genovevam* Virg. Patronatus spectat ad Archiepiscopum jure Abbatialis Affligemienfis.

Decimarum participes sunt Toparcha, Comes Rheni, eo mortuo ejus nati, Pastor & Capellania in hac Parochiali fundata, quae Ao. 1706. unita est Pastoratui, ut ex fructibus ejus Vicepastor in perpetuum sustentetur.

**VILVORDIA** oppidum ad Sennae & Volvulae confluentes altero a Bruxellâ & Mechliniâ lapide, ad aquæductum Bruxellensem, hujus nominis Praefecturae Caput. In antiquis Diplomatis legitur *Filfurdum*, hodie *Vilvordia*, quam anno 1373. *Wenceslaus* Brabantiae Dux muris cinxisse & arcedonasse fertur, quae olim munitissima, & ferè inexpugnabilis; at hodie ad ruinam suam vergit; structa autem potissimum fertur ad coercendos & continendos Bruxellenses & Lovanienses, qui saepius ævo isto motus graves concitabant, dein solebat esse carcer reis lesae Majestatis, ut apud Flandros arx Rupelmondana.

In hac arce Archiva Brabantiae olim adservabantur Nivellis allata, quae hodie Bruxellis conservantur.

In Vilvordiâ est insigne Dominium de *Herlaer* cum Prætorio, quod *Joanni* naturali *Joannis Burgundi* filio olim donatum, quod dein emptionis titulo longo temporis tractu possiderunt *Dongelbergii*; quorum præclara monumenta sepulchralia visuntur ibidem in Ecclesiâ Parochiali. Hodie nuper literis decreti illud acquisivit *Joannes Baptista de Courcoul* Consiliarius & Magister Computuum Camerae Rationum.

Vilvordiae subest vicus *Hauthem* permagnae extensionis, in eo Capella *D. Antonio* sacra, in qua diebus sacris divina celebrantur.

Quoad rem sacram, unicam habet Parochialem Ecclesiam, quae *D. Virgini Deiparae Mariae* inscripta est, in eâ plures Capellaniae, quae præter suorum Beneficiorum fructibus gaudent notabilibus distributionibus. Hanc Ecclesiam *Pipinus Herstallius* Capitulo *B. Mariae* Aquisgranensi assignavit. Hanc donationem *Carolus Magnus* Rex Francorum & Longobardorum post Rom. Imperator, confirmavit anno 779. Diplom. refert A. Miræus in Donat. Belg. Lib. II. Cap. VIII. novæ edit: Semper fuit in clientela Canonici Aquisgranensis *B. M. V.* donec illi eam anno 1242. sub certo onere annui census Abbatiae de Camera Ord. Cisterc. prope Bruxellam cum decimis agri Vilvordiensis transcripserunt. Diploma exhibet A. Miræus in Donat. Belg. Lib. II. cap. CX. & CXI. novæ edit: ut sequitur.

Universis Litteras praesentes inspecturis GARSILIUS Dei gratiâ Decanus, totumque Capitulum Beatae Mariae in Aquis, salutem in Domino. Noveritis universi & singuli, quod nos, mediantibus bonis Viris deliberatione quoque ac diligenti tractatu nobiscum super hæc præhabitis, Abbatissae & Conventui de CAMERA, Cisterciensis Ordinis, Cameracensis Diocesis, dedimus, concessimus & tradidimus ad firmam perpetuam, sub annua pensione triginta quinque marcharum Colonienfis monetæ nobis Aquis persolvendarum, suis laboribus, periculo & expensâ, duodecim solidis pro marcha computatis, fructus omnes & proventus, tam praesentes quam futuros, omnium



nium bonorum, quæ habebamus in territorio Ecclesiæ de FILVORDIS, sive in Patronatu ejusdem Ecclesiæ, sive in oblationibus, sive decimis, sive annuis censibus, seu censibus capitum, ad dictam Ecclesiam de Filvordis pertinentibus sive in terris, vel quibuscumque ædificiis, seu quibuscumque rebus aliis, ad præfatam Ecclesiam pertinentibus, ab eisdem Abbatisa & Conventu perpetuò percipiendos.

In hoc autem Contractu pacta quæ sequuntur, inivimus, tam Nos quàm dicti Abbatisa & Conventus.

Ipsi etenim dimidietatem dictæ pensionis nobis solvent in festo Beati Martini hiemalis, alteram verò medietatem in festo Cathedræ S. Petri annuatim.

In solutione autem totalis pensionis prædictæ nullus eventus ignis vel aquæ, nullum infortunium sterilitatis vel guerræ, vel alicujus rei importuna calamitas, nobis vel Ecclesiæ nostræ aliquod asferre præjudicium.

Additum est etiam, quòd sæpè dicti Abbatisa & Conventus, homines bonis prædictis de Filvordis attinentes, in eo jure conservabunt & tuebuntur, quo Ecclesia nostra ipsos conservare & tueri debuisset. Quod si non fecerint, volumus iidem homines ad nos recursum habeant sui juris.

Supradictæ verò conventiones ab Illustri Viro HENRICO Dei gratiâ Duce Brabantiae, & Domino OTTONE Præposito nostro, approbatæ sunt & utiles reputatæ.

In cujus rei testimonium, ne aliqua prædictorum in posterum infringi valeant vel inficiari, præsentem Chartam sub chyrographo conscribi, & tam sigillo nostro quàm sigillo dictorum Abbatisæ & Conventus, nec non dictorum Ducis & Præpositi sigillis dignum duximus roborare.

Datum & actum Aquis in Generali Capitulo, proximâ secundâ Feriâ ante Festum B. Andreæ Apostoli, anno Domini millesimo quadragesimo quinto.

1245.

Universis præsentis Litteras inspecturis Soror MARGARETA, dicta Abbatisa, totusque Conventus de CAMERA, Cisterciensis Ordinis, Camaracensis Diocesis, salutem & orationes in Christo devotas. Noverit universitas vestra, quòd nos universi & singuli, tam Fratres quàm Sorores nostri Cœnobii, ad hoc specialiter convocati, consensimus vivâ voce Contractui, inchoato inter nos unâ parte, & Decanum & Capitulum Aquense ex altera, super bonis de FILVORDE. . . . In cujus rei testimonium præsens Scriptum sigillo Dominæ nostræ Abbatisæ, quo omnes utimur, duximus roborandum.

Actum & datum in Camera, coram totali Conventu nostro, anno Domini millesimo ducentesimo quadragesimo quinto, feriâ secundâ, proximâ ante Festum Beati Nicolai.

1245.

*Henricus* Major filius *Henrici I.* Ducis Lotharingiæ & Brabantiae contulit anno 1231. Abbatiae de Camera octoginta quinque terræ bonaria in quadam silvâ de Vilvordia jacentia. Declarat item quod usum huc usque habuerint in fodiendis ibidem turbis: tractus igitur ille circa Hauthem juxta Vilvordiam eo tempore paludosus & silvestris fuit. Utrumque Diploma refert A. Miræus.

Notandum quod præfato Diplomate habeatur Fratres de Camerâ manentes in curiâ de Holthem, & commorantes in allodiis de Filfordis; præsumendum nempe est, quod conversi Fratres de Villario, more illius temporis usitato, colerent terras de Camera in isto tractu de Hauthem, eo quod paternitas de Camera olim foret commissâ Abbati Villariensi.

## COENOBIA.

Cœnobium Fratrum Prædicatorum *S. Dominici* instituta sequentium, fundatum est a *F. Petro Malphæo* scriptis claro, & *F. Philippo Renato de Busleyden* Conventus F. F. Prædicatorum Bruxellensis, in seculo Vicecomite Grimbergensi, qui duo acquisitis variis elemosynis a parentibus, hæc impenderunt Vilvordienti fundationi, quæ facta & inchoata est cum omni so-



lemnitate tam Cleri quam populi anno 1623. in Vicariatum erectum eodem anno; dein anno 1686. in Prioratum elevatum, quod amplis ædificiis de novo erectis instructum est. Hi Fratres litteris humanioribus Juventutem informant.

Cœnobium Virginum *Carmelitarum* mitigitarum B. Virginis Consolatricis vulgo *Ten Troost*, primitus in pago Peutii juxta Vilvordiam fundatum circæ annum 1228. a *Sophia* uxore *Henrici II.* Ducis Brabantiæ. Erat hæc exemplo matris suæ *Elisabethæ*, Deo admodum devota & erga pauperes munifica; hinc Xenodochium in dicto pago crexit alendis VII. pauperibus, & profectionis ætatis mulierculis, quod muris cinctum multis donationibus dotavit, ac tanquam pia mater frequenter visitavit, & in perennem amoris sui tesseram imaginem sanctissimæ Deiparæ, quam a sanctâ matre suâ *Elisabetha* dono acceperat. eis reliquit. Lætæ hoc munere statuerunt id ipsum in exiguo Sacello juxta viam publicam ædificato, ubi dicta imago clarere cœpit miraculis, & frequenti populi concursu visitari. Tractu temporis substitutæ hoc in loco *Beginæ* sunt, sub quarum regimine, nescio quâ negligentia, non in tanto pretio memorata imago & cultus erat. Quare iis amotis in earum locum subrogatæ sunt *Carmelitanae* Virgines anno 1468. quo tempore per *Carolus Audacem* Brabantiæ Ducem &c. Leodium vastatum, atque inter cætera exustum harum *Carmelitarum* Virginum Monasterium extra muros Leodienses situm, quibus inopia coactis &c. in Brabantiam confugientibus Præfatus Dux hoc Xenodochium cum omnibus suis pertinentiis ad instantiam *Joannis Sorethi* Carmelitarum Generalis concessit, probante id ipsum *Henrico de Berghes* Cameracense Episcopo, atque Marianus cultus erga dictam imaginem hic denuo cœpit reviviscere & Xenodochium in Monasterium muratum, & miracula renovata.

Postmodum per tumultus Belgicos anno 1578. vastato eorum Cœnobio & exusto, Moniales ad varia loca oberrarunt cum veneranda suâ imagine D. Consolatricis, à quâ in necessitatibus solatium frequenter etiam expertæ fuere. Tandem anno 1586. Vilvordiam se receperunt, ubi a Magistratu Sacello *S. Nicolai* donatæ, Monasterio idem adaptarunt & deinde amplis ædificiis, & insigni ac conspicuâ Ecclesia adornarunt.

**BEGINASIUM** Vilvordienſe ex antiquissimis est totius Brabantiæ ab annis plus quam sexcentis fundatum, unde Mechliniense, Bruxellenſe, aliaque nunc maxime nota Beginasia, quasi sacrae Coloniae profluxerunt.

**VIRGINES** *S. Augustini* instituta sequentes titulo de *Betania* hodie dictæ in Sion Sylvæducis profugæ anno 1648. Senatu Vilvordienſi admiffæ sunt, & anno sequenti Diplomate Regio confirmatæ.

Primitus sua initia cœperunt propè Sylvæducis in pago de Vucht anno 1475 per IV. Virgines opulentas non procul a Monasterio Cartusianorum, quæ sub habitu Sororum tertiæ Regulæ *S. Francisci* de consensu *Ludovici Borbonii* Episc. Leod. sacrum illic velamen acceperunt. Postmodum propter bellicorum motus Sylvæducis admiffæ, habitationem in loco dicto *Wintermoelenbergh* obtinuerunt, ac ibi acceptaverunt ordinem & statuta Canonicorum Regularium, viventes clauſtraliter cum deportatione nigri velaminis, ibique sedem stabilem habuerunt usque ad annum 1629. quo occupata a Fœderatis Ordinibus Sylvæducis, postquam in variis locis hæserunt, tandem Vilvordiam receptæ sunt, ibique Conventum exstruxerunt. Anno 1673. novam & insignem Ecclesiam construere cœperunt, & post annos XL. restantem

par



partem perfecerunt, quæ anno 1719. ad culmen perducta est. Subsunt iurisdictioni Archiepiscopi Mechliniensis.

CARMELITANÆ THERESIANÆ Virgines in hunc locum admissæ sunt anno 1663. die 30. Martii. eas fundante & suis opibus dotante Domina *Ludovica de Sarmiento* uxore *Balthasaris Philippi Villani a Gandavo* Aurei Velleris Equitis, Principis Masminiensis, Comitis Issegemienfis &c. prima Priorissa constituta *Clara de S. S. Sacramento* alias *D. Daneels*.

Nosocomium hic est insigne & olim dives, ubi iusto numero Virgines ad præscriptâ *S. Augustini* viventes ægris subserviunt.

Hic etiam sedem hodie habet *Abbatia de Berne* Ord. Præmonst. primitus fundata prope *Heusden* ad Mosam fluvium anno 1134. Religiosi in turbis Belgicis vastato eorum Monasterio Sylvaeducis se receperunt, verum eâ civitate a Foederatis Statibus occupata in *Bern-Hese* hæserunt, inde etiam pulsî, tandem hic loci domicilium fixerunt, & ex bonis hîc in viciniâ sitis paucis Religiosorum numero cum Abbate sobriè vitam agunt, reliquis eorum bonis satis opulentis a Statibus Foederatis Anno 1648. fisco addictis, cæteri Religiosi sunt in curis Pastoralibus in Majoratu Sylvaeducensi. Hodiernus hujus Abbatiae Abbas *Leonardus Maes*, hîc Vilvordiae sedem tenet. Plurima ad hanc Abbatiam spectantia & seriem Abbatum invenies in Historia Episcopatum Foederati Belgii tom. I. pag. 254. & seq. ad quam proinde, quia limites hujus Dioecesis excedit, curiosum lectorem remittimus.

WACKERSEELE sub Baronatu de Rotfelaer Ducis Arscotani Dominium, filia fuit matricis Ecclesiæ de Wechter, & ab eâ dismembrata est Anno 1577. die 3. Augusti ad Supplicationem *Ambrosii Lootsi* XXIX. Abbatris Parcensis per *Antonium Perenottum Granvellanum S. R. E. Cardinalem*, & primum Archiepiscopum Mechliniensem, erecta in Ecclesiam Parochialem sub titulo *B. Mariæ Virginis Annuntiatae*, eæque annexæ sunt fructus Capellæ *S. Arnulphi* in confinio hujus pagi sitæ, sub onere duarum missarum hebdomadatim, hoc autem concessum propter multitudinem populi ad hanc Ecclesiam habitantis, tum etiam quod plerisque anni temporibus propter aquarum inundationes ad Ecclesiam matricem de Wechter non daretur accessus.

Ibidem Sacellum *S. Arnulphi* in vico Haeghdonck, sub quo medietatem decimæ percipit Priorissa de Terbanck & alteram Pastor, qui in Supplementum competentiae ab Abbate suo recipit summam 270. flor. annuè, cæteræ decimæ spectant ad Abbatem Parcensem, excepto exiguo decimarum districtu Pastoris in Wespelaer.

In hac Parochiali sunt approbatæ Reliquiæ *S. Huberti*, qui magno populi concursu hic colitur, ac etiam ejusdem sancti insignis Confraternitas amplis decorata privilegiis.

WAELEHEM Municipium Nethæ flumini adjacens, viâ quâ itur Mechliniâ Antverpiam, Præfecturæ Grimbergensis, quod plerique antiquissimum atque a Wallis, id est advenis Gallis, olim conditum dicunt, quasi Wal-lorum domum.

Dominium est gentis *de Merode* Marchionis de Deinse & Baronis de Duf-sele. Hic locus inclaruit quondam Toparchis suis ex gente de *Berthout*,



qui ab anno 1180. ei imperitarunt usque in finem seculi XIV. quo stirps illa desit, quomodo autem ex hac stirpe devolutum sit ad gentem de *Merode* dicetur in pago sequenti de Waverâ.

Waelhemum Anno 1463. in Vigiliâ Nativitatis Domini igne de cælo lapso (quod tamen mirandum in mediâ hyeme) totum ferè in cineres abiit. Hic locus olim multum fuit populosus, atque multiplicibus officinis instructus variarum mercium, & lanificio floruit. Hunc locum pessimè mutilarunt *Martinus Roshemius* & *Longevallius* cum anno 1542. eò exercitum Gallo-Geldricum traducerent, & incolæ pontonem, quo Netha amnis transmittitur in adversam ripam traduxissent; cum enim amnem Netham, cum ingenti timore & non paucis absorptis trajiciunt *Walemum* diripiunt, & cum pulcherrimo templo exurunt, dein per tumultus Belgicos multum etiam attritum ac devastatum est hoc Municipium.

In sacris Ecclesia Virgini Deiparæ *Mariæ* dicata est, cujus Chorus in suis adhuc jacet ruinis. Patronatus est Capituli Metropolitani Mechl. Univerſa hujus pagi decima spectat ad Parochum.

Sunt in hac Ecclesia duæ Capellaniæ exigui valoris, spectatque eorum Patronatus ad Priorem Bethleemiticum propè Lovanium.

W A V E R A S. CATHARINÆ. Districtus Grimbergenſis, primo lapide a Mechliniâ. Possederunt illud Dominium cum Walemo & pagis vicinis olim *Bertholdici* sanguinis Principes, e quibus *Catharina Henrici de Berthout* Domini de Duffelæ & *Margaretæ de Wesemael* filia, nupta *Theodorico de Hornes* Domino de *Peruwes*, ei sub anno 1353. hanc dotem attulit cum Duffel, Waelhem &c. Tandem per nuptias devenit anno 1451. in familiam de *Merode* in qua stirpe jam pridem perseverat, possidetque illud hodie *Joachimus Maximilianus* Comes de *Merode*, Marchio de Deinſe, Baro de Duffele &c. Hic pagus est permagnæ extensionis, continetque sub se ultra mille & sexcenta terræ bonaria.

Sæculo XI. hæc regio plurimum nemorosa fuit, nuncupataque *Waverwald*, quod testatur Diploma *Henrici Imp.* conscriptum anno M. VIII. quod profert B. Fisen in Historiâ Ecclesiæ Leodiensis ad hunc annum; ast hodie hic Silvæ nullæ nisi cæduæ existunt.

Ecclesia ut nomen indicat *S. Catharinam Virg. & Mart.* tutelarem colit, ejus Patronatum gerit Archiepiscopus hujus sedis.

Decimarum participes sunt Capitulum Metropolitanum Mechl. Archiepiscopus Cameracensis, ejusque Capitulum Metropolitanum, Parochus de Waelhem Marchio de Deinſe loci Toparcha &c.

Parocho hujus loci solvitur annuè competentia ab Archiepiscopo Camerac. ejusque Capitulo præfato.

In extremitate hujus pagi Waelhemum versus ad Netham fluvium est Illustris Abbatia Virginalis *Vallis Rosarum* Ord. Cisterc. Vernaculè *Roosendael*, de cujus origine & foundatione omnes ferè hallucinantur. Omnes enim eadem viâ incedentes foundationem ejus referunt ad annum 1220. & fundatorem ejus statuunt *Ægidium Berthout*; Verum multo esse antiquiorem certo constat. *I. B. Gramaye* in Antiq: Mechl. Lib. III. Sect. X. ait: „Vallis Rosarum Cisterciensis instituti circa Duffelam a *Bertholdis* fundata anno 1138. Coenobio bis everſo in Urbem translata.” *A. Miræus* in Not. Eccles. Belgii Cap. 160. novæ edit: postquam recitasset Diploma quo *Ægidius de Berthout* huic Abbatiae donat decimas de Berlare (hodie Ballaer) & Ghele cum filias suas in eâ collocarat. „ Ex his (ait) colligi videtur *Ægidium Ber-*

„ thol-



„ *tholdum* Monasterii Vallis Rosarum non tam fundatorem primarium fuisse.  
 „ se. Quis autem & quo anno primum fundaverit, ex illius loci archivis  
 „ hactenus erui non potuit. Hoc constat quartam ordine Abbatissam fuisse  
 „ *Sophiam Bertout*, Florentii Bertoldi Toparchæ Duffelenfis filiam, &  
 „ ab anno 1294. usque ad annum 1328. præfuisse, atque ab eodem fratre  
 „ Wastinam seu miricam monasterio vicinam & villam *Staeydeke*, Duffeliæ  
 „ sitam emisse.”

Cæterum Religiosæ Monasterio earum in turbis Belgicis everso & devastato, multo temporis tractu in earum refugio Mechliniæ sedem fixerunt, ibique moratæ sunt usque ad annum 1660. quo Mechliniâ reversæ suum Monasterium incolere coepere, & præclaris exinde ædificiis ac illustri a fundamentis erecta Ecclesia hanc Abbatiam decorarunt.

Claruerunt in hoc Monasterio *B. Ida* Lovaniensis quæ Christi V. Stigmatibus insignita fuit & spiritu Prophetiæ claruit, quæ obiit 1200. item magnâ opinione ibidem vixit Ven. *Margareta vander Elst* quæ obiit 1618, item Ven. *Elisabetha Tuback* ab humilitate & patientia summopere commendabilis, quæ circa annum 1560. ibidem piissimè obiit de quibus agit *A. Raifsius* in suo-auctuario ad natales S. S. Belgii I. Molani.

## ABBATISSÆ VALLIS ROSARUM.

I. <i>Oda Bertout</i> . Obiit 1247.	XXI. <i>Catharina Stercken</i> . resignavit. 1457.
II. <i>Catharina van Berlaer</i> . 1260.	XXII. <i>Theodora van Helmont</i> . resignavit. 1460.
III. <i>Sophia Bertout</i> . 1294.	XXIII. <i>Christina Vastrix</i> . Obiit 1490.
IV. <i>Sophia Bertout</i> . 1328.	XXIV. <i>Lilia van Hambroeck</i> . 1493.
V. <i>Catharina van Berlaer</i> resignavit. 1337.	XXV. <i>Catharina Ralspot</i> resignavit. 1505.
VI. <i>Mabilia Bertout</i> . Obiit 1339.	XXVI. <i>Martha van Baesrode</i> resignavit. 1531.
VII. <i>Jutta Keremans</i> resignavit. 1348.	XXVII. <i>Margareta Tfermer-tens</i> . Obiit. 1558.
VIII. <i>Laurentia</i> . . . . Obiit 1352.	XXVIII. <i>Elisabetha van Axel</i> . 1564.
IX. <i>Beatrix Blanckaert</i> resignavit. 1359.	XXIX. <i>Christina Cloets</i> . 1574.
X. <i>Margareta Schooians</i> resignavit. 1364.	XXX. <i>Anna Boyenhals</i> . 1575.
XI. <i>Maria van Remissen</i> resignavit. 1371.	XXXI. <i>Anna Torckx</i> . Sepulta Mechliniæ in D. Petro ubi visitur ejus lapis sepulchralis cum inscriptione. 1598.
XII. <i>Aleydis vander Heyden</i> resignavit. 1373.	XXXII. <i>Catharina de Fraifne</i> . 1618.
XIII. <i>Catharina Vleminckx</i> . resignavit. 1379.	XXXIII. <i>Joanna van Eywerven</i> sepulta Mechliniæ in D. Petro ubi visitur ejus lapis sepulchralis cum inscriptione. 1639.
XIV. <i>Ida Baerts</i> . Obiit 1389.	XXXIV. <i>Joanna van Lathem</i> . 1662.
XV. <i>Avesete Kermans</i> resignavit. 1397.	XXXV. <i>Maria van Eywerven</i> . 1679.
XVI. <i>Ida van Romerswael</i> resignavit. 1419.	XXXVI. <i>Norbertina van Diepen-dael</i> . 1719.
XVII. <i>Margareta van Muysen</i> . Obiit 1420.	XXXVII. <i>Liduvina vander Nath</i> hodie præest.
XVIII. <i>Beatrix van Halen</i> . 1427.	
XIX. <i>Catharina Werfelt</i> . 1442.	
XX. <i>Catharina Colibrant</i> . 1447.	



WAVERA B. MARIÆ Districtus Arculani, spectavit olim hoc Dominium ad *Bertoldos* Mechliniæ & alibi regulos.

*Erectum in Baronatum.* Hujus pagi Dominium acquisivit titulo emptionis absolutæ a *Philippo IV.* Hisp. Rege anno 1650. *Theodorus vander Nath.* Aliquot annis post Dominio ad Principem reverso, comparavit illud a præfato Rege *Joannis Nicolaus Franciscus de Bouchout* in cujus favorem in Baronatum erectum est a præfato Rege *Philippo IV.* Hisp. Rege anno 1670. die 10. Maji. A paucis annis devenit hoc dominium in familiam de *Vanden Werve* Consularem Antverpiæ.

Antverpiæ.  
Ecclesia quæ Virgini Deiparæ *Mariæ* sacra est anno 1606. igne injecta a militibus Batavis ob tributa non soluta in cineres abiit. Patronatus spectat ad Archiepiscopum hujus Dioecesis.

Decimas percipiunt Archiepiscopus Cameracensis, ejusque Capitulum Metropolitanum pro medietate per totum pagum, præterquam ad plagam septentrionalem, ubi tantum percipiunt unam tertiam, & Parochus, & Commendator de Pitzenburch singuli unam tertiam, alteram medietatem restantem partem pagi dividit idem Commendator cum quibusdam secularibus Mechliniæ; Novales sunt Pastoris, qui insuper in Supplementum competentia recipit annuè a præfato Archiepiscopo, ejusque Capitulo 180. florenos.

WECHTER sub Baronatu de Rotfelaer, Dominium Ducis Arscotani, ubi Dylia Demeræ miscetur, æquo ferè spatio a Mechlinia & Lovanio.

Quoad rem sacram Ecclesia quæ *D. Joannem Baptistam* tutelarem veneratur, olim fuit Matrix Ecclesiarum de Haeght & Wackersele, a quibus jam pridem dismembrata est, uti suo loco diximus. Res sacra administratur per Canonicos Abbatiae Parcensis.

*A. Wichmans* in suâ Brabantia Marianâ Lib. II. Cap. IV. refert quod cura Pastoralis de Wechter incorporata sit Abbatia Parcensi Ao. 1156. quando *Philippus II.* Abbas Parcensis emit villam in *Veldonck* & alia quædam bona ibidem sita a *Madekino* Abbate Middelburgensi ejusdem Ord. Præmonstr. in Zelandiâ.

Anno 1228. *Hugo de Petraponte* Episc. Leod. confirmat Abbatiæ Par-  
chenfi possessionem Altarium & decimarum de Rode & Wechter. Diploma  
exhibetur in Suppl. Diplom. A. Miræi parte. I. cap. LXVIII. novæ edit: ut  
sequitur.

Hugo Dei gratiâ Leodiensis Episcopus, Abbati, Priori, & Conventui de Parco  
juxta Lovanium Præmonstratensis Ordinis, & omnibus præfens Scriptum inspectu-  
ris, salutem in Domino.

*Ex Archi-  
vis. Abba-  
tie Par-  
ensis.*

Hugo Dei gratia Ecclesienſis Episcopuſ, & omnibus præſens Scriptum inſpectu-  
juxta Lovanium Præmonſtratenſis Ordiniſ, & omnibus præſens Scriptum inſpectu-  
ris, ſalutem in Domino.

Cum à Nobis petitur quod juſtum eſt & honeſtum, tam vigor æquitatiſ, quàm  
ordo exigit rationiſ, ut id per Officii noſtri ſollicitudinem ad debitum perducatur  
effectum. Cum igitur ſicut ex parte veſtra fuit coram Nobis propoſitum, quod cum  
Arnolduſ Mileſ de Rode, juxta Aerſchot medietatem Juris Patronatûſ, & dimidiam  
partem decimæ, tum majoriſ, tum minoriſ, exceptâ portione Inveſtiti ejuſdem lo-  
ci, quam in feudum ab Henrico Illuſtri Duce Lotharingiæ, in cujuſ Allodio funda-  
ta eſt dicta Eccleſia, teneret, prædictuſ Arnolduſ Mileſ animæ ſuæ ſaluti, & An-  
teceſſorum ſuorum volens devotiùſ providere, dictam partem Juris Patronatûſ & par-  
tem majoriſ & minoriſ decimæ prælibatæ, ad opuſ veſtrum in manuſ Illuſtriſ Ducis  
ſepediſſi, ſicut Nobiſ per inſtrumentum ſuum proprio Sigillo munitum, pleniùſ  
eluceſſit, in eleëmofynam perpetuam reportando effectuat. Dominuſ vero Dux,  
ſuæ collationi aſſenſum præbent, prout dictavit ſententia ſuorum Hominum, dictam  
eleëmofynam, medietatem ſcilicet Juris Patronatuſ, & decimæ tum majoriſ tum  
minoris vobiſ in eleëmofynam contulit jure perpetuo poſſidendam.

Nos

Nos



Nos autem prædictam decimam cum Jure Patronatûs vobis concedimus & confirmamus. Concedimus etiam vobis & confirmamus, quicquid Juris Patronatûs habebat Dominus Dux Lotharingæ in Ecclesia de Werchter, quæ Mater est Ecclesia, cum suis appenditiis, quod vobis contulit pro remedio animæ Nobilis Conjugis suæ *MARIÆ*, & Antecessorum suorum; prout in Litteris ipsius perspeximus contineri. In hujus rei testimonium præsentem Paginam Sigilli nostri munimine duximus roborandam.

Datum anno Domini millesimo ducentesimo vigesimo octavo, mense Aprili.

1228.

Decima spectat ad Abbatem Parchensem qui Pastori annuè solvit pro supplemento competentiae 300. flor. Matricularius hujus Parochialis habet notabilem partem decimarum valentem circiter 140. flor. annuè.

Hic pagus discriminatur in varios vicos, inter quos eminet *Neynde* in quo est insignis Capella *S. Barbaræ* cum Capellania, ad quam alternis vicibus præsentat Abbas Parchensis & Dux Arscotanus. Sunt insuper tria Sacella, nempe *B. M. V.* in quo hebdommadatim celebrantur duo sacra, item Sacellum *B. Mariæ ter Cluysen* & Sacellum *S. Juliani* quod hodie *S. Gislens* dicitur, & in his duobus hebdommadatim semel celebratur ad excitandam populi devotionem.

In hac Parochiali sunt duæ Capellaniæ fundatæ, *S. Crucis*, & *S. Catharinæ*, item missa de Venerabili.

*WERDA S. Martini* vernacule *Weert*, eundem habens Dynastam cum pago Semps.

Ecclesia Patronum veneratur *S. Martinum* Episc. Patronatus est Archiepiscopi hujus Dioecesis.

Decima est tripartita, quarum duæ trientes spectant ad Canonicos Zella-rienses Mechliniæ, altera triens spectat ad Capitulum Metropolitanum Cameracense & Parochum, qui in districtu de Vrirenbroeck habet insuper medietatem Novalium, & in altera medietate participat ut supra cum prioribus decimatoribus.

Administratur hæc Cura Pastoralis per Parochum de Semps: at olim solebat habere proprium.

*WESPELAER* Præfecturæ Campenhoutanæ pagus, æquali ferè distantia inter Lovanium & Mechliniam. Olim *Bertoldi* Proceres ei imperitarunt: Hodie Dominium Marchionis Spinolæ, quod pretio emptionis sibi nuper comparavit a Comite de Mastain, possedit illud seculo XVI. *Rolandus de Mol* Eques & Prætor Bruxellensis.

Olim hic loci fuit insigne & validum Dynastarum Castellum; subbellorum motibus & injuria temporum attritum & ferè destructum est, hodieum tamen cum horto amœnissimo spectabile.

Ecclesia tutelarem colit *S. Hubertum* Episc. Ejus Patronatum possidet Persona hujus Ecclesiæ. Viget in eâ cultus *S. Lucie* Virg. & Mart., cujus Venerandis Reliquiis & approbatis ea decoratur.

Decima est tripartita, cujus duæ trientes spectant ad Abbatiam *S. Bernardi* ad Scaldim Ord. Cisterc. dono a *Bertoldis* Mechliniæ Regulis ipsi collata, tertia earum pars ad Parochum pertinet.

Protendit se hæc Cura Pastoralis cum non exigua suâ parte in Wackersele ubi hic Parochus gaudet decimis de 100. bonariis terræ arabilis, & insuper in agris quibusdam habet tertiam partem & duas restantes Abbatissa Cortenbergensis.



In hac Parochiali fundata est Capellania *B. M. V.* cujus Patronatus spectat ad Dynastam, illique incumbit onus missæ matutinalis diebus sacris, item illic fundatio missæ de Venerabili, feriâ V. per annum.

**WILLEBROECK.** Celebris est pagus per omnem Europam notissimus, Districtus Grimbergenfis, amœno cum primis loco, ad quartum a Bruxella, tertium cum medio ab Antverpiâ & secundum ferè a Mechliniâ lapidem situs. Fossa Bruxellensi ditatur.

*Erectum  
in Baro-  
natum.*

Devenit hoc Dominium titulo emptionis a Marchione de S. Martino cum Toparchiâ de Ruysbroeck circa medium præcedentis seculi ad *Joannem Helman*, qui inibi spectabile condidit Prætorium, in cujus gratiam a *Philippo IV.* Hisp. Rege hoc Dominium erectum est Anno 1661. die 24. Septembris, in quâ stirpe hætenus permansit, qui modo *Philippus Hyacinthus Helman* Baro de Willebroeck. Hoc Prætorium visitur in Castellis Nobilium Brabantiae Baronis *le Roy*.

Ecclesia tutelarem veneratur *S. Nicolaum* Episc. Ejus Patronatum gerit Abbas *S. Auberti* Canon. Reg. S. Aug. Cameraci, Dono *Rogarii* Camerac. Episc. Anno 1180. Decima spectat pro unâ tertiâ ad hanc Abbatiam, & pro duabus tertiis ad Dynastam hujus loci, at minuta decima ad Abbatiam Affligemensem.

Præsentaverat nuperis annis præfatus Abbas *S. Auberti* ad hanc Curam Pastoralem Religiosum Abbatiae Grimbergenfis; at Archiepiscopus Mechliniensis *Humbertus Guilielmus a Precipiano* eum admittere noluit, & sese huic conatui opposuit, & per sententiam Senatus Brabantiae, ubi ea causa ventilata est, impeditus fuit præfatus Abbas *S. Auberti* præsentare Regularem.

Parocho hujus loci solvitur annuè a præfata Abbatia *S. Auberti* competentia 400. flor.

In hoc loco Moniales Carmelitæ Reformatæ *S. Terefiæ* Monasterium tali initio formare coeperunt. Hæ Moniales Sylvæducis Ao. .... profugæ, una earum pars se recepit Alofti in Flandriâ, ibique Anno 1632. admissæ Monasterium *S. S. Annæ, Josepho & Terefiæ* dicatum habent, & subsunt immediate Archiepiscopo Mechl. Altera pars migravit Aquilgrani, ibique stabilem sedem fixerunt, & altera pars restans se recepit Oirscoti Municipio Majoratus Sylvæducensis, ubi primitus ædes privatas incoluerunt, deinde foundatione *Silvestri Lintermans* Anno 1644. ibidem Monasterium formare coeperunt; sed vix sedem fixerant cum anno 1648. per tractatum pacis Monasteriensis totus Majoratus Sylvæducensis cessit Foederatis Belgii Statibus, ab iis proscriptæ sunt, & suum inchoatum Monasterium & locum deferere coactæ sunt. Itaque hæ Moniales ad Municipium Mollense in Campiniâ Brabanticâ circa annum 1665. diverterunt, & anno 1670. accedente foundatione præfati *Lintermans* Monasterium condiderunt; verum propter imminetia bella & penuriam piscium Anno 1704. relicta Mollâ, primo hæserunt cum consensu Vicarii Apostolici Dioecesis Sylvæducensis in castro de Cleydael propè Antverpiam, inde anno 1712. migrarunt ad pagum Willebroeck prope canalem Bruxellâ versus Antverpiam, ibique Prætorium familiæ d'Estinpuys emptionis tabulis acquisierunt, ubi stabilem sedem acquirere conatæ sunt, non sine gravibus difficultatibus, ob defectum consensus superiorum maximè præfati Vicarii Apostolici Episcopatus Sylvæducensis, & tandem ita conventum, ut pars earum reverteretur in Monasterium derelictum de Mol, & una pars hic loci remaneret.



Subest in spiritualibus huic Parochiali Vicus de *Thiffelt* olim *Thifla*, situs ad aquæductum Bruxellensem distans, medio milliari a Willebroeck Bruxellam versus, estque Districtus Grimbergani, Dominium Principis Grimbergensis.

Ecclesiam habet dicatam *S. Joanni Baptista*, in quâ per Capellanum ibidem fundatum diebus sacris & aliis divina peraguntur.

Decimarum ibidem participes sunt Abbas Præfatus *S. Auberti* Cameraci pro unâ tertiâ, & quoad restantes D. N. de *Fonsæca*.

Subjacet Parochiæ de Willebroeck vicus vulgo *Cleyn Willebroeck* ad Rupelam fluvium, atque ad finem aquæductus sive fossæ Bruxellensis, hîc statio navium quæ ex Rupelâ intrant hanc fossam, & vice versâ.

## FINIS DECANATUS MECHLINIENSIS.





# HISTORIA

## SACRA ET PROFANA

### ARCHIEPISCOPATUS

### MECHLINIENSIS.

---

#### DECANATUS LOVANIENSIS.

**L**OVANIUM. (five ut in priscis Diplomatis & libris legitur; plerumque mutato genere *Lovania*) Belgis *Loven*, Gallis *Lovain*. Vetus *Grudiorum* seu *Levacorum* sedes ut volunt. Sita est hæc Urbs, quæ prima Brabantiae Metropolis ad Dyliam fluvium, qui eam secatur, in ubere solo, eâ coeli clementiâ atque temperie ut intra muros & extra in adjacentibus collibus patrum memoriâ vinum legi solet, est sphericâ rotunditate, producta sunt pluries ejus pomeria, & postremus quidem murorum ambitus strui coëptus anno 1361. Unde initium nomenque coeperit incertum. Placuit *J. Lipsio* a *Lo* & *ven* monte & planitie adjacente ita dici. Alii ad *C. Cæsaris* tempora, nonnulli ad *Pipinos Austrasie* Principes conditam referunt: at nullo solido fundamento.

Illud constat notum fuisse *Lovanii* nomen ab anno 10. cccclxxxv. quo Nortmannos in regnum *Lotharii* revertentes in loco qui dicitur *Loven* castra metatos fuisse, & continuis infestationibus utraque regna fatigasse, ut scribit *Regino*, quamquam non oppidi, sed loci tantum ibi mentio fiat, cum potuerit ipsa planities seu tractus sic dici, inquit *Lipsius*, qui opinatur a victoriâ, quâ adversus Nortmannos eo loci potitus fuit *Arnulphus* Rex 10. ccc. xci. locum illum primum frequentari, si non habitari coëptum, confluisse ad eum recenti victoriâ insignem, plures accolae & advenas, & castra, munitionesque Nortmannorum in Urbem vertisse.

De hac victoriâ scribunt *J. Molanus* & *A. Miraëus* in Annalibus Belgicis ferè ut sequitur. Normanni in Regnum *Lotharii* classem transvehunt, & circa Leodium Mosam transeunt, pugnatur ad torrentem *Gulid* infra Trajectum VI. Kalendas Julii, Christiani superantur, & in prælio occumbunt *Hunderoldus* Archiepiscopus Moguntinus & *Arnulfus* Comes. Audita nostrorum clade *Arnulfus* Rex ex Bavariâ in Belgicam occurrit, Rhenoque transmissio ad littora Mosæ castra posuit; Normanni in agro Lovaniensi super fluvio (qui *Thilia* dicitur) lignorum, & terræ congerie more solito se muniunt. *Arnulfus* cum suis, quos inter *Franco* Leodiensis Episcopus pedestri prælio hostem aggressus, eos ad internecionem cedit; ita ut ex innumerâ hominum multitudine vix esset residuus qui ad classem (in Scaldi fluvio



fluvio ut plures volunt) Stationem habentem adversum nuntium reportaret. *Helmondus* Præbyter Lubecensis scribens ante annos quingentos narrat eorum cecidisse centena millia, vix ullò Christianorum desiderio. Eadem ferè referunt *Regino*, & *Sigebertus* ad annum 895. sed priori qui hoc tempore vivebat potius credendum putamus.

*Hist.  
Sclavor.  
cap. 7.*

In memoriam tantæ victoriæ quotannis solemnis Lovanii supplicatio habetur Dominicâ primâ mensis Septembris.

Hoc oppidum muris e candido lapide cingi cœptum anno crio. clxv. a *Godfrido* III. Lotharingæ, Brabantiæ Duce &c. exteriores adjecti anno crio. ccclvi. & anno crio. ccclx. (quod nisi archiva fidem facerent merito quilibet mirabitur) absoluti. Tantamque in magnitudinem urbs excrevit, ut factâ mensuratione per juratos Geometras, compertum fuerit superari Lovanium a Gandavo tribus virgis, Leodium octo, Lutetiam Parisiorum decem, Coloniam octodecim. Contigit hoc anno 1427. occasione Sponsionis inter quatuor *Joannis* Ducis Brabantiæ Palatinos *Schoonvorstium*, *Wesemaliensem*, *Diesthemiensem*, & *Bergizomiensem* habitæ.

Fuit olim Lovanium Comitatus Burggravicus nobilissimus, unde & hujus terræ Principes Comitibus Lovaniensis titulo indigebantur. De Comitibus Lovaniensibus tractat *A. Miræus* in Not. Eccl. Belgii Cap. 52. novæ edit:

Adjacet muris arx vetustate insignis, *Burgum* vocant, quam vulgus *Cæsaris* esse credit, Principum olim domicilium, aut secessus, absentes Burggravium, id est arcis Præfectum constituebant, liberos suos hîc locabant & alebant, etsi alibi jam, aucto imperio domicilium suum haberent.

*I. Lipsius* de Arce Lovaniensi ita scribit, in suo Lovanio Lib. I. Cap. VI. „ Arcem igitur istam, si quis meum sensum quærit, censeo a Comitibus nostris ante quadringentos aut circiter annos structum, sibi domicilium: ut solent illâ tempestate libenter in edito ædificare & habitare.” In hac arce *Henricus* Lovaniensium Comes a captivo suo anno 1078. interfectus, *Carolus V.* cum Sororibus puer hic est educatus, *Eduardus*, Angliæ Rex cum uxore totam hyemem in arce egit Anno 1338. Legitur instauratum hoc ædificium publico Senatus hujus decreto Ao. 1370. Puteum hic videre est miræ profunditatis, altitudo 130. pedum est, e profunditate adsurgit Echo, quod ferè ibi notatu dignum.

E regione Arcis turris est in ipso muro, rotundâ formâ in altum æqualiter surgit, non in alium finem factum quam speculæ usum, e candido lapide, eâque altitudine ut inde sereno cælo Antverpia videri possit octo magnis milliaribus distita; ob id turris impensæ perditæ seu supervacaneæ nomen adepta (vulgo *Den Verloren Cost*) quod similes septem cogitassent diversis partibus erigere Lovanienses; sed absolutâ unâ & superveniente calamitate, sumptibus impares a cœpto desistere coacti sunt. Hæc turris structa Ao. 1364.

Curia sive Senatorum domus: tota e secto per artem lapide, figuris & emblematibus variè ornata, insignis Lovaniensis elegantiae & opulentiae monumentum, sensim strui cœpta est, cujus operis primus lapis positus secundum Gramayum anno 1448: at *Lipsius* strui cœptam affirmat Anno 1450. & decem annorum spatio absolutam, erogata ad hæc ex ærario publico 60. florenorum millia. Causa struendi, abominatio prioris Curiae, illius infaustæ in Foro veteri, ubi Senatores XVII. e fenestris hujus Curiae præcipientes dati sunt, quos infernè lanceis, spiculisque exceptos crudeliter dilaniarunt. Hæc facta Ao. 1379. die 17. Novembris. Ab eo tempore abhorruerunt hanc



Curiam adire Senatores, & in Sagittariorum ædibus convenerunt, donec hoc opus absolveretur.

Anno 1317. Mense Aprili *Phalæ* textorum, five pannificum Lovanii struicœptæ, *Hallas* vocant ut solent ista hominum aut mercium receptacula. Annales referunt eo tempore fuisse bis mille & quadringentas textrinas, & cuique textrinæ opus fuisse non minus quam triginta aut quadraginta homines, qui lanam præpararent, qui carminarent, qui nerent, aliasque operas exercerent. Oportuit ergo ex solo illo genere ad sexaginta millia & quod excurrit in hac urbe viguisse. Unde hic tanta turba fuit, ut cum horâ undecimâ signum campanæ daretur desinendi operis, parentes sollicitè minores liberos in ædes ducerent, aut traherent, ne impetu aut impulsu obtererentur, omnesque tabernæ tantisper occludebantur, donec rursus ad opus se contulissent. Tantum de plebe Lovanienfi, quæ olim frequens & in flore, post imminuta, præsertim lanificibus, qui indignatione & metu sedem mutantes secesserunt in Angliam, ubi adhuc hodie eorum coloniæ & gloria pannificii. Ita fuit olim Lovanium florentissimum; modo defloruit, & ex veteri gloria, & copia non nisi umbra hodiè. Juerunt lapsum, grandis populus, opes, lascivia, dissidia, seditiones, pestes omnis status.

Hic locus a conditâ universitate a. S. P. Q. Lovanienfi deputatus est, prælectionibus, disputationibus aliisque actibus Academicis.

Plura qui volet de Lovanio, *Lipsum* legat & *I. B. Gramaye*, qui sunt in plurium manibus.

Nunc ad sacra accingar & quidem quoad Religionem. Error gentilitatis incolas & accolas, juxta ac cæteros Belgas diu tenuit, honorem uni vero Numini proprium, dæmonum simulacris deferentes. Quis Catholicæ Religionis faciem in hoc tractu Hasbanico prætulit, obscurius est, quam ut plenè & planè astrui queat: constat tamen *B. Martinum*, *Servatium*, *Amandum*, *Lambertum*, & *S. Hubertum* Tungrenses Episcopos in Hasbandam & in hunc tractum, ac circum vicinum verbum Dei prædicasse, aras idolorum evertisse, & Deo vero sacra loca erexisse, ejusque incolas idololatriæ cultui ad huc fordescentes, multâ Prædicatione & patientiâ ad Christi fidem convertisse.

Paruit olim Hasbania sub quâ etiam Lovanium usque ad Demeræ & Dylæ confluxum, & paulo ultra ante erectionem novorum in Belgio Episcopatum, Episcopo Leodiensi, sed anno 1559. *Paulus IV.* Pont. Max. hunc tractum Brabantix, quousque erat sub ditione *Philippi II.* Hisp. Regis, Archiepiscopo Mechlinienfi subjecit.

Ecclesiæ animarum curam habentes Lovanii (quas Parochias vocant) sunt numero V. olim in Urbe unica erat *D. Petro* sacra, cujus Basilica eâ Symetriâ constructa est, ut cum ipso artificio pulchritudo, ex æquo certare videatur. Diceres uno vivoque saxo exciso dedolatum non opus coagmentatum.

Turris hujus Basilicæ, quæ inter pulcherrimas Belgii habita ruinæ multum deformarunt, primâ anno 1570. & 1578. & denique 1604. ultimâ Januarii collapsa est. Ita *J. Lipsius* & *J. B. Gramaye* oculati testes in Lovanio. Cum vero brevi post Ao. 1606. vitâ excessisset illud præclarum Academiæ decus Clarissimus *J. Lipsius*, sequens Chronicon expressit utramque cladem.

#### OMNIA CADUNT.

Collegium ibidem Canonorum quod *Lamberto Barbato* Comiti Lovanienfi circa annum c10. XL. Principia sua debet, cui decimas suas agri Lovanien-



nienſis assignavit. Fundavit autem præbendas numero VII. Octavam adjecit *Godefridus Barbatuſ* Liotharingiæ & Brabantiaë Dux, cujus Diploma refert *A. Miræus* in Donat: Belg. Lib. I. cap. 62. novæ edit: ut hîc videre eſt.

In nomine Patris & Filii & Spiritûs Sancti, amen. Multa eſſent digna ſcribi ſuis in temporibus, quæ non ſcripta plerumque damno futuris cedunt hominibus; quia dum Scriptores ſuis curis impediti, propriis inhærent laboribus, publica & poſteris profutura, ſi quidem ſcriptis mandarentur, ſilentio tranſeunt, & quaſi proſuſ aliena omnino poſtponendo negligunt.

Quod Nos quidem præcaves, licet impediti pluribus, quæ Deus, & larga manus Magni ducis *GODEFRIDI*, Fratris Henrici Comitæ Tornaci armis interiit, Eccleſiæ S. PETRI, quæ eſt in Lovanio, noſtris contulerit temporibus, ſcripto commendari curavimus; tum ut caritas tanti Viri, exemplum benefaciendi futuris eſſet Principibus, tum ut noſtri Succeſſores, qui filii jam dictæ futuri forent Eccleſiæ, circa publica ſolliciti, potiùs illa augmentanda quàm imminuenda ſuis relinquerent ſequacibus.

Hæc autem erant, quæ Vir illuſtris Matri noſtræ Lovaniënſi adjecit Eccleſiæ, præter illa, quæ ad decorem Domûs Dei exteriùs reſpiciunt. (de Palliis enim loquor & cortinis, de cappis & caſulis, de dalmaticis & Subdiaconorum tunicis) ſcilicet Præbenda, de qua pendet molendinum, quod dicitur Wiſſecum, & viginti ſolidi, quos perſolvunt de *Binueſſe* manſuarii, & ſingulis diebus nummus unus de teloneo Lovanii; quam ſic pius Pater etiam donabat eſſe liberam, ut nullus illam obtineret, niſi Sacerdos, & quem Clerus loci puriſſimè eligeret.

Hoc verò factò, non multo actò tempore, Vir Præclarus benedictionem ſuper benedictionem paratus addere, Eccleſiam, quæ eſt in *RODE*, in communem reſectionem univerſæ Congregationis deſtinavit: quod quo ordine ſit completum explicandum ſuſcepimus.

Fuit quidam noſter Concanonicus, poſſeſſor hujus Eccleſiæ, dictus *Boſo*: ad quem cum plures conſuenerent ſtagitantes, ut in illa eſſe ejus mererentur ſucceſſores, complures etiam ad Ducem, non curantes de dicto Canonico, ut tantum donum obtinerent ab ipſo Advocato; neutra pars vel modicum valuit proficere, donec ei Canonico in Eccleſia S. Petri quæ eſt in Lovanio, complacuit. Ob cujus honorem, & animæ ſuæ redemptionem, Eccleſiam in manum Ducis poſuit, & quodeum ſcivit velle, ſcilicet ut eam, cum univerſa dote ſua, Altari S. Petri delegaret, ſimpliciter rogavit.

Sic enim, ut diximus Eccleſia de *Rode* in uſum Fratrum Lovaniënſis Eccleſiæ pertranſivit, oblato Altari S. Petri ab ipſo Duce, & ab ejus filio, qui paterni honoris fuit heres, & Patri æquivocus. His adjectis, ut *Bosonis* perpetua haberetur memoria, & in anniverſario Domini Ducis quandocumque occurreret, Fratres ſimul eſſent in caritate: & ſi res aliquando ad ea concreſceret, in anniverſariis Uxoris ejusdem Ducis Dominæ *IDÆ*, & matris ejus *ALEIDIS*, ſimilis ageretur lætitia.

Hæc ergò ſic ordinata, & ſigillo Ducis conſignata ne quis præſumat diſturbare, vim facturus Fratribus, anathemate demum ſint confirmata & ſic jubente ipſo Duce, ac ejus prole generoſâ, cui poſt Patrem, cum Comitatu & Ducatu, tota terra ſerviebat ſubdita.

Præter ſupradicta autem notum ſit omnibus Chriſti fidelibus, quòd omnes decimæ infra allodium Lovaniënſe, tam minutæ quàm majores, ſive proveniant ex agris ſive pratis, nec non de omnibus fructibus infra curtes Lovaniënſes creſcentibus, & etiam de pecoribus & alitibus ad ſeptem Præbendas Eccleſiæ S. Petri in Lovanio pertinent ſpecialiter.

Quas ſeptem Præbendas bonæ memoriæ *LAMBERTUS* Comes CUM BARBA in eadem Eccleſia conſtituit; & ad eaſdem ſeptem præbendas ſpectant omnes donationes Eccleſiarum in Lovanio, & donatio majoris Parochiæ, & omnium Altarium, & omnes oblationes, exceptâ portione Parochiani: & de his prædictis decimis diviſas habent decimas Cuſtos & Parochiani.

Ne autem per eleëmofynam proborum virorum accreſcentes Canonici in prænomina Eccleſia S. Petri, in prædictis decimis & oblationibus atque donationibus aliquid juris poſſent ſe dicere habere, & ut ſupradictorum omnium controverſia ſopiat,



tur, & ut falsitati malignantium contra Ecclesiam, per veritatem hujus Scripti, refutatur, hanc Paginam testimonialem Dux GODEFRIDUS, filius Godefridi Ducis cum Barba, sigillo muniri, & Testes subscribi fecit. Hi autem interfuerunt Testes,

Reinerus Archidiaconus,  
Henricus Præpositus,  
Thegenbaldus,  
Magister Stephanus,  
Magister Godefridus,  
Onekinus Parochianus, Clerici.

*Homines Ducis,*

Walterus Bertholt,  
Willelmus de Birbeka,  
Retzo de Tieldonck,  
Renerus de Heverle,  
Arnoldus Dapifer,

Ditferdus Dilenus, Villicus Lovanienfis, & alii plures.

1140.

Actum est Incarnationis Dominicæ anno millesimo centesimo quadragesimo.

Hoc Canonorum Collegium sensim auctum est, & deinde usque ad XVIII. ascendit, Ducum nostrorum, & privatorum opibus dotatum. *Simon Grindelius* anno 1140. *Ebbo & Lidericus* fratres anno 1178. *Godefridus* Villicus seu Prætor Lovanienfis anno 1188. alii non pauci homines privati varias præbendas in hac Ecclesiâ *D. Petri* instituerunt ac dotarunt. Septem autem primi, Fratres olim, postea Domini in Diplomatis appellantur, quod soli decimas veteres perciperent: qui tamen sponte anno 1311. alios juniores Canonicos in sui peculii communionem admiserunt, ex quo tempore, & bona communia & præbendæ æquales fuerunt.

Ex hisce XVIII. Præbendis confert Dux Brabantiæ XV., simul cum Præpositurâ, Cantoriâ, & Scholasteriâ & tres Magistratus Lovanienfis. Ex his modo annexæ sunt duæ Professoribus S. Theologiæ Regiis; item una Professori Sacrarum litterarum, una Censori librorum Apostolico & Regio, una Professori Catecheseos, una Professori Sacrorum Canonum, & una Professori Regio ad Decretum Gratiani.

Accessit post conditam Universitatem X. Canonorum Collegium Ao. 1443. quibus nullum residendi onus incumbit, quique in variis Brabantiæ pagis decimas percipiunt. Obligantur solum per sex septimanas in anno docere, duo Theologiam, duo in jure Civili, alii duo in jure Canonico, bini alii in Medicinâ, unus Eloquentiam, alter demum Ethicam Christianam. Hæ præbendæ spectant ad collationem utriusque Consulis Civitatis Lovanienfis, Diploma hujus foundationis sive Institutionis per *Eugenium* Papam refertur in Supplem. Diplom. A. Miræi part. I. cap. CXVII. ut sequitur.

*Ex Archi-  
vis. Uni-  
vers. Lo-  
van.*

Eugenius Episcopus Servus servorum Dei, Dilectis Filius Abbati Monasterii B. Mariæ Middelburgensis, Trajectensis Diocesis & Præposito S. Petri Trajectensis, ac Archidiacono Antwerpiensi Cameracensis, Ecclesiarum, salutem & Apostolicam benedictionem.

Dum intra pectoris nostri arcana revolvimus, & paternâ meditatione pensamus, quod per Litterarum studia viri efficiuntur idonei, quorum doctrina salutaris Civitatem Dei lætificat, ignorantie nubila repelluntur, Divini Nominis Fideique cultus protenditur, justitia colitur, tam publica quàm privata res utiliter geritur, omnisque prosperitas humanæ conditionis augetur, meritò inducimur Curam Pastoralem circa ea sollicitius impendere, per quæ studia hujusmodi vigere & incrementum suscipere valeant, ac venæ irrigui fontis scientiarum pocula, cum quibus illa haurientes, ignorantie profugatis tenebris, post acquisitam notitiam Summi Opificis in illius mandatorum via directi, per donum sapientiæ ad veri luminis claritatem perveniant, jugiter scaturientes penuriâ rerum nullatenus obturentur.

Sane



Sane sicut parte dilectorum filiorum Universitatis Studii Oppidi Lovanientis, Leodiensis Diocesis, Nobis nuper exhibita petitio continebat, licet dicti Studii, quod in praefato Oppido felicitis recordationis MARTINUS Papa Quintus Praedecessor noster in omnibus, praeterquam in Theologiae, instituit primò, & deindè Nos, eodem Praedecessore, sicut Altissimo placuit, de medio sublato, Divinà favente clementià, ad apicem Summi Apostolatùs assumpti, etiam in ipsa Theologiae ibidem vigere & observari volumus Facultatibus, plantatio nova existat, illa tamen, Altissimo annuente, plurimùm numero Suppositorum pollet, & ejus Universitas ab ejus initio intelligentiæ splendore illustratos palmites produxit & enutrivit.

Cum autem, sicut eadem petitio subjungebat, licet praefatum Studium Suppositorum multitudine polleat, ex eo tamen, quòd quindecim, qui de Patronatu Brabantiae pro tempore existentis Ducis etiam tunc existerant, in Collegiatis infra limites Ducatùs Brabantiae consistentibus Ecclesiis, Canonicatus & Praebendae, pro remuneratione illorum, qui in ipso Studio pro tempore Legent & Regent, sub certis modis & formis deputati, etiamsi deputationes hujusmodi fortiri possent, sicutinondum in omnibus fortitae sunt effectum plenum & debitum, pro illorum remuneratione non sufficiunt, & dictum Studium, licet locus amoenissimus, copià rerum, & temperie aeris atque aliis necessariis commoditatibus refertus, ac ad recipiendum & sustentandum generale Studium plurimùm aptus & idoneus existat, demptis gabellis sive assisiis ibidem solvi & recipi solitis, ac ex illis provenientes emolumentis, quae absque licentia, voluntate, sive permissione praefati Ducis recipi nequeunt, tantis facultatibus in communi non abundat, de quibus in his indeficiens provisio fieri valeat, ipsi Universitas Studii qui alias non habent, undè Magistris, Doctoribus Licentiatibus & aliis in dicto Studio pro tempore Legentibus & Regentibus, per quorum doctrinarum semina mortalibus omnibus ad bene beatèque vivendum via praebetur, & illi ad arcana mundi cognoscenda introducuntur, congruè provideri poterit, multipliciter timeant, quòd sui alumni tam copiosè tamque fructuosè allekti, ob dotis & alimentorum, praefatis Magistris, Doctoribus, Licentiatibus & aliis Legentibus & Regentibus pro tempore necessariò ministrandorum, defectum, aliquo turbinis flatu etiam ex quacumque levi causa prorumpente, aut parvo familiaris rei detrimento vel alià quavis necessitate occurrente, tamquam famelici dispergentur, & dictum Studium ob rerum carentiam ad nihilum penitus redigetur.

Pro parte dilectorum filiorum Nobilis Viri PHILIPPI Burgundiae & Brabantiae Ducis, ac Burgi Magistrorum, Scabinorum, Consulum & Rectorum Oppidi, illiusque & Studii praedictarum Universitatum, Nobis fuit humiliter supplicatum; ut ad profectum Orthodoxae Fidei & salutem plurimorum necessitatibus & indigentibus Universitatis Studii hujusmodi opportunè providere de Benignitate Apostolica dignaremur.

Nos igitur, in quorum manibus Universitas Studii hujusmodi, omnibus & singulis aliis à praemissis provisionibus pro Legentibus & Regentibus in dicto Studio per dictam Sedem & ejus auctoritate quomodolibet constitutis, spontè & liberè cesserunt, quique Cessionem hujusmodi admisimus, modum & formam deputationis ac verum annum valorem, cum qualitatibus quindecim Canonicatum & Praebendarum, nec non Ecclesiarum, quibus Canonicatus & praebendae ipsi existunt, nomina, ac si specificè, singulariter, ac individualiter expressa forent, praesentibus pro expressis habentes. Attendentes etiam quòd praefata Sedes, quae omnium spiritualium rerum provida administra existit, cujuslibet commendabilis exercitii constantissima adjutrix esse debet, & cupientes dictum Studium, ut ex ipso Ecclesiae militanti & Reipublicae commoditas praesidium & decus assidue praeparentur, & adsint, tamquam firmis anchoris stabilitum, in prosperitatis portu absque timore futuri periculi immobile permanere, ac Magistros, Doctores, Licentiatos, & alios, ad continuationem tam laudabilis & necessarij exercitii tantò ampliùs animari, quò ex hoc ibidem pro suis incumbendis supportandis pro tempore oneribus sibi liberaliter sentiant provideri: hujusmodi supplicationibus inclinati discretioni vestrae per Apostolica Scripta committimus & mandamus, quatenus vos vel duo aut unus vestrum si per summariam informationem super his per vos recipiendam praemissa vera esse repereritis, pro directione feliciori subsistentia & conservatione praefati Studii, de *Hakendovel*, cujus viginti quinque, de *Holsbeke*, cujus decem & novem, de *Cortbeke Over-loe*, cujus sedecim, de *Linthieris inferiori*, cujus triginta quatuor, de *Knuxel*, cujus etiam decem & novem marcarum argenti, nec non de *Brecht*, cujus nonaginta,



ta de *Scelle*, cujus octuaginta, de *Arbore* (*Boom*) cujus etiam octuaginta, & de *Erps*, cujus centum Librarum Turonensium parvarum fructus, redditus & proventus, secundum communem æstimationem, valorem annuum, ut asseritur, non excedunt, Leodiensis prædictæ & Cameracensis Diœcesis, Parochiales Ecclesias, cum omnibus juribus & pertinentiis suis, Collegiatæ & Parochiali Ecclesiæ S. Petri præfati Oppidi in qua præter illius Plebaniam, cui ejusdem Parochianorum animarum cura imminet, decem & octo Canonicatus & Præbendæ, quorum quindecim de Patronatu dicti Ducis Brabantiae existentis pro tempore existunt, & alii ad collationem dilectorum filiorum Decani & Capituli ipsius Ecclesiæ S. Petri Lovaniensis pertinent, fore noscuntur ultra illos pro quindecim, vel tot, sicut singulis considerandis sollicitè consideratis vobis videbitur inibi de novo creandis & instituendis, qui per alios quàm in ipso Studio Legentes & Regentes pro tempore obtineri nequibunt, Auctoritate nostrâ in perpetuum uniatis, annectatis & incorporetis.

Ita quod simul vel successivè cedentibus vel decedentibus singulis dictarum Parochialium Ecclesiarum Rectoribus, sive illas aliàs quomodolibet dimittentibus, liceat præfatis Universitati Studii per se vel alios corporalem possessionem singularum Parochialium Ecclesiarum, etiam si ex quavis causa dispositioni Apostolicæ specialiter vel generaliter reservatæ fuerint, juriumque & pertinentiarum prædictorum, auctoritate propriâ liberè apprehendere, ejusque fructus, redditus & proventus (reservatis prius & ante omnia per vos de eis pro singulis perpetuis Vicariis in singulis Parochialibus Ecclesiis prædictis per locorum Ordinarios ad exercitium curæ animarum Parochianorum earumdem instituendis singulis congruis portionibus, de quibus ipsi Vicarii sustentari, Episcopalia Jura solvere, & alia eis incumbentia pro tempore onera supportare commodè poterunt) in usus & utilitatem obtinentium pro tempore creandos & instituendos Canonicatus & Præbendas hujusmodi, percipere, convertere & perpetuò retinere, Diœcesanorum locorum & cujuslibet alterius licentiâ super hoc minimè requisitâ.

Et insuper si unionem annexionem & incorporationem hujusmodi per vos, ut præmittitur, vigore præsentium contigerit fieri, quamprimum illæ per vos factæ fuerint, in ipsa Ecclesia S. Petri, ultra dictos decem & octo inibi existentes, quindecim, vel tot, sicut fructibus redditibus & proventibus qui ex omnibus Parochialibus Ecclesiis præfatis reservandis pro Vicariis portionibus defalcatis, resultabunt attentis, vobis videbitur, pro formatis in Theologia Baccalaureis, sive in illa aut Medicina, vel qui per triennium legerunt vel rexerunt post susceptionem Magisterii gradus in Artibus Magistris, sive in utroque vel altero Jure Doctoribus, aut cum rigore examinis Licentiatis, in eodem Studio Legentibus pro tempore, eadem auctoritate creetis & instituatis, ac pro ipsorum dote resultantes fructus, redditus, & proventus prædictos, inter obtinentes pro tempore creandos Canonicatus & Præbendas eosdem æqualiter percipiendos, deputetis & assignetis: Illisque pro decore, venustate, profectu, & utilitate dictæ Ecclesiæ S. Petri, secundum vestræ discretionis arbitrium, onera adjiciatis & imponatis, nec non statuatis, decernatis & ordinatis, quod ex tunc perpetuis futuris temporibus in præfata Ecclesia S. Petri Canonicatum & Præbendarum numerus, qui inibi usque nunc fuit, tot, quot in ea dicto vigore creabitis & instituatis, Canonicatum & Præbendarum numero sit & censeatur adaugetur: ac quod singulis Canonicatibus & Præbendis creandis & instituendis hujusmodi nullus facer ordo annexus esse quodque Magistri, Doctores, Licentiati, & Baccalaurei, in dicto Studio Legentes, & Regentes, ac præfatos creandos & instituendos Canonicatus & Præbendas obtinentes pro tempore, cum resultantibus ex Parochialibus Ecclesiis, ultra portiones hujusmodi, atque aliis licitis modis acquirendis, præter & absque hoc quod aliqui percipiant de decem & octo Canonicatum & Præbendarum prædictorum fructibus, redditibus & proventibus, contenti manere debeant: ac infra & extra præfatam Ecclesiam S. Petri cum habitu & religione ac sine illis incedere, nec non stallum in Choro, locumque & vocem in Capitulo habere, ac privilegiis, favoribus, libertatibus, immunitatibus & indultis quibuscumque in omnibus & singulis pari modo absque differentia quacumque uti, frui, gaudere possint & debeant, sicuti personæ, præfatos decem octo Canonicatus & Præbendas obtinentes pro tempore solitæ fuerunt & existunt, incedere & habere, ac uti, frui, & gaudere: ac quod ad singulos creandos & instituendos Canonicatus & Præbendas primariâ vice, & exindè, Magistri, doctores, Licentiati & Baccalaurei, ut præfertur, nec non ad tres ex decem & octo Canonicatibus & præbendis, ad colla-



collationem & provisionem Decani & Capituli pertinentes, hujusmodi Canonicatus & ad Plebaniam ipsius Ecclesiæ S. Petri perpetuis temporibus, quoties illorum vacationes occurrerint solum & dumtaxat, ac in Theologia Magister vel Formatus Baccalaureus in dicto Studio Legentes vel Regentes pro tempore, & nulli alii, Burgimagistros Oppidi præsentari, & in Plebania, cujus viginti octo, ac tribus ex decem & octo Canonicatibus & Præbendis, quorum singulorum tredecim marcarum argenti, fructus, redditus & proventus, secundum æstimationem prædictam, valorem annum, ut etiam asseritur, non excedunt, per Decanum & Capitulum Ecclesiæ S. Petri, in singulis quoque creandis & instituendis Canonicatibus & Præbendis hujusmodi per Abbatem Parcensem Leodiensis Diocesis, vel Præpositum (*Monasterii*) S. Gertrudis Oppidi prædicti per Præpositum gubernari soliti, dilectos Filios, sive eundem Decanum ad quem fuerit pro tempore habitus recursus præsentandi, ut præfertur totiens, quotiens institui, ac in corporalem possessionem illius seu illorum, ad quem seu quos præsentabuntur pro tempore, juriumque & pertinentiarum suorum omnium induci & inductum defendi, amotis ex illa seu illis illicitis detentoribus quibuscumque, ac præsentandos ad Præbendas, in quibus instituentur, in dicta Ecclesia S. Petri in Canonicos & in fratres recipi, statlo eis in Choro, & loco in Capitulo ipsius Ecclesiæ, cum plenitudine Juris Canonici, assignatis, & ad Plebaniam hujusmodi, ut est moris, admitti, illisque de Plebania ac trium ex decem & octo Canonicatibus & Præbendis, nec non creandorum Canonicatum & Præbendarum, prout quemlibet eorum contingeret, fructibus, redditibus & proventibus, juribus & obventionibus universis, integrè responderi facere liberè ac licitè possint & debeant, absque omni impedimento: Quòdque sic præsentati & instituti pro tempore Plebanus & Canonici præbendati dictæ Ecclesiæ S. Petri solum & dumtaxat censeantur & existant, quamdiu in præfato sine intermissione legerint vel rexerint; ac quòd eorum singulis, impedimento non extante legitimo, in ipso Studio legere vel regere cessantibus, cessantium legere vel regere eorumdem, nisi infra certum peremptorium competentem, per Abbatem, Præpositum vel Decanum prædictos eis ad hoc assignandum, terminum legere cum effectù reinceperint, & sine fraude continuaverint, Plebania, Canonicatus, & Præbenda per cessationem hujusmodi eo ipso vacare censeatur sive censeantur, ac in eorum locis, quoties id evenire contigerit, alii modis & formis similibus illicò substituantur & surrogentur.

Super quibus omnibus & singulis vobis & illis plenam & liberam tenore præsentium licentiam concedimus, & etiam facultatem.

Cæterum ut præmissa omnia & singula debito quantociùs valeant demandari effectui, & per hoc fructus succedat adoptatus, à singulis Rectoribus singularum Parochialium Ecclesiarum, ac personis obtinentibus ad præsens Plebaniam, & singulos ex tribus de decem & octo Canonicatibus & Præbendis præfatis, Plebania & singulorum ex tribus Canonicatus & Præbendis hujusmodi resignationes, si eas simul vel successivè in vestris manibus spontè & liberè facere voluerint, auctoritate præfata hac vice dumtaxat recipiatis & admittatis eisque per vos receptis & admissis, singulis Rectoribus & personis obtinentibus Plebaniam, ac tres Canonicatus & Præbendas hujusmodi, ne propter resignationes ipsas nimium dispendium patiantur, super fructibus, redditibus, & proventibus per eis resignandorum Ecclesiarum & Plebania, ac Canonicatum & Præbendarum prædictorum, prout illas resignaverint, singulas annuas pensiones, de quibus, secundum vestra discretionis arbitrium, se rationabiliter contentos reddiderint, eisdem resignantibus, quoad vixerint, vel procuratoribus suis ad hoc sufficientia mandata habentibus, per Universitatem Studii hujusmodi singulis annis in locis & terminis per vos ad hoc constituendis, ac sub excommunicatione per vos in scriptis ferenda (quam singuli dictos creandos Canonicatus & Præbendas obtinentes pro tempore, si Universitas Studii præfati in solutione singularum pensionum hujusmodi in eisdem locis & terminis, vel infra triginta dies, singulos terminos ipsos immediatè sequentes; hujusmodi facienda defecerint, sive negligentes vel remissi fuerint, quoties hoc evenierit, sententiam, à qua aliquis ex ipsis, donec de singulis pensionibus eis, quos illæ contingent, vel etiam suis procuratoribus, integrè satisfactum, aut cum altero eorum amicabiliter concordatum fuerit, ab alio quàm Romano Pontifice, præterquam in articulo mortis constitutus; absolvi nequeat, lapsis singulis terminis eisdem incurrat: & si, quod absit, ipsi Universitas Studii, obtinentes creandos Canonicatus & Præbendas hujusmodi, eandem sententiam per sex menses ex tunc immediatè sequentes sustinere permiserint,



singulæ incorporaciones, annexiones, & uniones, de singulis Parochialibus Ecclesiis, cum quorum Rectoribus defectus solutionem commissi fuerint pro tempore, facto hujusmodi dissolutæ sint, ac illorum Ecclesiæ Parochiales, nec non Plebania ac singuli ex resignandis Canonicatibus & Præbendis prædictis per resignationes eorum, qui illas resignaverint, vacare censeantur eo ipso) integrè faciendam eadem auctoritate referveris, constituatis & assignetis, facientes singulis Rectoribus ac personis, Plebaniam & singulos Canonicatus & Præbendas resignandos obtinentibus, prædictas singulas pensiones, prout eos contingent, juxta reservationis constitutionis & assignationis per vos faciendarum formas, continentias & tenores integrè persolveri; contradictores auctoritate nostrâ, appellatione postpositâ compescendo.

Non obstantibus generalibus & specialibus, per Nos & dictam Sedem, ac nostrâ & ipsius Sedis vel quavis aliâ auctoritate, de Ecclesiasticis Beneficiis factis, & inantea faciendis, sub quacumque forma vel expressione verborum, reservationibus, atque aliis Apostolicis Constitutionibus & Ordinationibus, nec non præfata Ecclesiæ S. Petri, juramento, Confirmatione Apostolicâ, vel quâvis aliâ firmitate roboratis, statutis & consuetudinibus contrariis quibuscumque: Aut si aliqui Apostolicâ vel aliâ quavis Auctoritate in ipsâ Ecclesiâ S. Petri in Canonicos sint recepti, vel, ut recipiantur, insistant, seu si super provisionibus sibi faciendis de Canonicatibus & Præbendis ejusdem Ecclesiæ S. Petri speciales, vel aliis Beneficiis Ecclesiasticis in illis partibus generales dictæ Sedis vel Legatorum ejus Literas impetrârint, etiam si per eas ad inhibitionem, reservationem, & decretum vel aliâs quomodolibet sit processus.

Quas quidem Literas, & per illas habitos processus, ad Parochiales Ecclesias, & ex illarum fructibus, redditibus creandos nec non tres ex decem & octo Canonicatibus & Præbendis, Canonicatus & Præbendas ac Plebaniam prædictos volumus non extendi, sed nullum per hoc eis quoad assencionem Canonicatum & Præbendarum seu Beneficiorum aliorum præjudicium generari: Aut si venerabilibus nostris Leodiensî & Camaracensî Episcopis, ac præfatis Decano & Capitulo, vel quibusvis aliis, communiter vel divisim, a dictâ sit Sede indultum, quod ad receptionem vel provisionem alicujus, aut præstationem pensionis cujusvis minimè teneantur, & ad id compelli aut quod interdici, suspendi vel excommunicari non possint; quodque de Canonicatibus & Præbendis præfata Ecclesiæ S. Petri, vel aliis Beneficiis Ecclesiasticis, ad eorum collationem, provisionem, præsentationem, seu quamvis aliam dispositionem conjunctim vel separatim spectantibus nulli valeat provideri per Literas Apostolicas, non facientes plenam & expressam ac de verbo ad verbum de Indulto hujusmodi mentionem: ac quibuslibet Privilegiis, Indulgentiis & Literis Apostolicis, specialibus vel generalibus, quorumcumque tenorum existant, per quæ præsentibus non expressa, vel totaliter non inserta, effectus earum impediri valeat quomodolibet, vel differri, & quibus, quorumque totis tenoribus de verbo ad verbum habenda sit in nostris Literis mentio specialis: Seu si præsentandi & instituendi pro tempore prædicti præsentibus non fuerint ad præstandum de observandis Statutis & Consuetudinibus dictæ Ecclesiæ S. Petri solita juramenta, dummodo in absentis suis per procuratores idoneos, & cum ad Ecclesiam ipsam accesserint, corporaliter ista præstent.

Attente quoque provideatis, ne in aliqua resignationum earundem, si fiant ex parte alicujus resignantium Universitatis eorumdem, aliqua pravitas interveniat, sive etiam corruptela.

Nos enim ex nunc irrita & inania decernimus omnes & singulos processus, quos haberi, ac sententias, censuras & pœnas, quas ferri & promulgari, ac quicquid contra tenorem & effectum præsentium per Sedem eandem sive aliâs per quemquam Apostolicâ vel aliâ quâvis auctoritate scienter vel ignoranter contigerit attentari.

1443. Datum Senis anno Incarnationis Dominicæ millesimo quadringentesimo quadragesimo tertio, x. Kalendas Junii, Pontificatus nostri anno tertio-decimo.

Utriusque Capitulo idem est, ac præest Decanus qui eligitur a Capitulo. Præpositus similiter utriusque Capituli idem est, quæ est primaria hujus Ecclesiæ dignitas, & Cancellarii in Universitatē fungitur officio, atque a Principe dum auspicia imperii sumit solemne juramentum exigit, quæ dignitas olim non nisi in Principum & Procerum filiis collata fuit.

Damus hic Seriem Decanorum, & Præpositorum hujus Capituli.

DECANI.



# DECANI S. PETRI ante erectionem Universitatis.

MENSO Decanus 1125. & 1133.

PETRUS. 1189.

ENGELBERTUS. 1200. & 1209.

REGINERIUS. 1211.

ARNOLDUS DE CALSTERE. 1233.

GODEFRIDUS GRINDEL. 1244. & 1246.

ANDREAS. 1263.

GODEFRIDUS VANDEN BERGHE 1286.

HENRICUS. 1293.

ÆGIDIUS filius *Lise* 1300. { *I. G. A. Ryckel* in vita *S. Beggæ* pag. 236.

JOANNIS DE BERTHEM 1315. { eum nominat *Ægidius Lussenonius*, &

JOANNES DE SICHEM Decanus { *I. B. Gramaye Ægidius de Liesenfoene*.

usque ad annum 1343.

PETRUS DE CALSTERE J. U. D. celeberrimus usque ad annum 1384.

RADULPHUS CORSEBOLDUS alias *Corsbaut* 1389.

NICOLAUS SPECHT anno 1400. fuit simul Canonicus Anderlechtensis.

ÆGIDIUS DIVES alias *de Rycke* 1401.

ÆGIDIUS ROGGA. ita Divæus in M. S. Lovanio.

GODEFRIDUS DE CURIA. antea Cantor hujus Ecclesiæ, fuit simul Canonicus Nivellensis & Decanus Sylvæducensis, Cantor existens fundavit Coenobium Bethleemiticum Ord. Can. Reg. S. Aug. prope Lovanium.

GERARDUS DE BRUYN Diesthemius; sub hoc Decano condita fuit Universitas Lovaniensis anno 1424.

## DECANI post conditam Universitatem:

HENRICUS DE MERA vulgo *vander Meeren* Herentalensis Decret. Doctor. item Canonicus Cathedralis Leodiensis. Obiit 1440.

PETRUS DE MERA Henrici frater J. U. D. Obiit 1448.

GUILIELMUS DE BONT Lovaniensis J. U. D. & Professor primarius, fuit etiam Canonicus & Archidiaconus Antverpiensis, In Cathedrali Cameracensi S. S. Domini Capellanus, & sacri Palatii causarum Auditor. Obiit 1454.

ÆGIDIUS VRANCK. Lovaniensis renuntiavit 1476.

JOANNES DE THIMO alias *vander Heyden* Lovaniensis J. U. D. ac Professor resignavit An. 1497.

ADRIANUS FLORENTII Ultrajectensis S. T. D. ac Professor, Præceptor Caroli V. dein Imper. Præpositus ad S. Salvatorem Ultrajecti, & Canonicus Anderlechtii, Episcopus Dertrufensis in Catalauniâ, Cardinalis S. R. E. creatus anno 1517. & summus Pontifex anno 1521. Obiit Romæ 1523. ætatis 64. fundato Lovanii amplissimo sui nominis Collegio.

NICOLAUS COPPIN Montensis S. T. D. & Professor Hereticæ pravitatis inquisitor, mortuus 1535.

RUARDUS TAPPERUS ENCHUSANUS S. T. D. & Professor supremus fidei inquisitor, Præses Collegii Majoris, & ad Concilium Tridentinum missus a *Philippo II.* Hisp. Rege Theologus. Obiit Ao. 1559.



- MICHAEL DRIUTIUS Casletanus J. U. D. Officialis Curiae spiritualis Episcopi Leodiensis Lovanii residens, nec non fundator Collegii sui nominis. Obiit eodem anno 1559.
- MARTINUS BALDUINI Rithovius S. T. D. Praeses Majoris Collegii, qui anno 1562. factus primus Episcopus Iprensis Decanatum deposuit.
- JOANNES MOLINÆUS Gandavensis J. U. D. ac Professor, primum Decanus S. Jacobi Lovanii, & Eleemosynarius *Margaretæ* Ducissæ Parmensis. Obiit Ao. 1575.
- MICHAEL BAYUS Athenfis S. T. D. Praeses Collegii Adriani VI. celebris in Conc. Trident. Theologus. Obiit 1589.
- HENRICUS CUYCKIUS Culemburgensis S. T. D. Vicarius Generalis Archiep. Mechl. in districtu Lovaniensi, factus anno 1596. Episcopus Remondensis, renunciavit.
- CORNELIUS REYNERI Goudanus S. T. D. Praeses Collegii Atrebatensis. Obiit anno 1609.
- JACOBUS BAYUS Athenfis S. T. D. Praeses Collegii Sabaudici & fundator Collegii sui nominis, primo Decanus ad *S. Jacobum*, dein ad *S. Petrum* vivere desiit anno 1614.
- JACOBUS JANSONIUS Amstelodamensis, Praeses Collegii Adriani VI. Obiit. Ao. 1625.
- GUILIELMUS FABRICIUS Noviomagus S. T. D. Praeses Collegii Majoris & Conservator Privilegiorum Universitatis. Obiit anno 1628.
- GUILIELMUS MERCERUS Athenfis S. T. D. Praeses Collegii Adriani VI. vivere desiit anno 1639.
- LIBERTUS FROMONDUS Haccutianus S. T. D. Praeses Seminarii Leodiensis, defunctus anno 1653.
- JACOBUS SPEECK Antverpiensis S. T. D. mortuus Anno 1662.
- JACOBUS PONTANUS Hermalienfis S. T. D. Praeses Collegii Viglii, dein Collegii Houterlei, Conservator Privilegiorum Academicorum, Obiit Ao. 1667.
- FRANCISCUS VAN HOORENBEECK Bruxellensis J. U. L. Praeses Collegii de Cranendonck, renunciavit anno 1677. factus Episcopus Gandavensis.
- JOANNES COBBELGIERS Lovaniensis S. T. L. ex Plebano D. Petri electus Decanus, mortuus anno 1689.
- HENRICUS SCHAILLE Dionantius S. T. D. Praeses Majoris Collegii, electus Decanus, ante acceptam possessionem mortuus 1689.
- NICOLAUS DU BOIS Marchienfis S. T. & J. U. L. Sacrarum litterarum Professor Regius, Praeses Collegii Regii. Obiit anno 1696.
- MARTINUS STEYAERT Somerghemius S. T. D. & Professor Regius sacrarum litterarum, ac Regens Theologorum Praeses Majoris Collegii, Conservator Privilegiorum Universitatis Lovaniensis, Diocesis Sylvæducensis Vicarius Generalis Apostolicus. Vita defunctus anno 1701.
- HERMANNUS DAEMEN Tungrenfis S. T. D. & Professor, Praeses Collegii Atrebatensis, Conservator Privilegiorum Academicorum, hodie dum Decanus.



PRÆPOSITI D. PETRI ante erectam Universitatem  
fuere XXV. ex quibus innotuere sequentes.

GILEBERTUS Anno 1129.

HENRICUS Anno 1140.

SIMON Anno 1160.

FRANCO Anno 1164.

HENRICUS Anno 1199. & 1206. contulit *Franconi* primo *S. Gertrudis* præposito Ecclesiam ejusdem nominis anno 1212.

HENRICUS A LOVANO Anno 1226.

GOSWINUS A GOSWINI CURIA alias *Goetsenboven* Ao. 1233.

GERARDUS CUYCKANUS.

JOANNES CUYCKANUS.

GODEFRIDUS A LOVANO filius *Godefridi a Lovanio* Domini de Gaesbeke, Leeuw &c. 1285.

GUILIELMUS DE BERTOUT filius Waltheri V. de Bertout Advocati de Mechlinia J. U. D. Sacri Palatii Judex Ordinarius, simul Canonicus Cathedralium Ecclesiarum Leodiensis & Ultrajectensis usque ad annum 1296. quo electus est in Episcopum Ultrajectensem. Obiit cæsus in prælio contra Hollandos Anno 1301.

JOANNES ESSELENUS Præpositus circa annum 1310. hunc aliqui vocant filium naturalem *Joannis II.* Brabantiae Ducis, sed absque ullo fundamento teste C. Butkens in *Trophæis Brabanticis* pag. 371.

ARNOLDUS alias ALARDUS VAN OSSCH Præpositus Lovaniensis ac Senator Sanctioris Concilii *Philippi Boni* Burgundiae Ducis &c. anno 1342. 1350. & 1357.

NICOLAUS DE GYMENICH Anno 1363.

JOANNES DE LUXEMBURGO e Ducum Luxemburgensium familia oriundus Anno 1378.

JOANNES BARO DE ROTSELAER Obiit Anno 1419.

PRÆPOSITI qui & Cancellarii Universitatis.

I. GUILIELMUS AB ASCA filius *Guilielmi* Toparchæ de Asca Obiit Ao. 1477.

II. DOMINICUS DE BASSEDONIS Burgundus Præpositus *S. Petri* Lovanii, & *S. Waldetrudis* Montensis. Canonicus B. Mariæ Cameracensis ac Bizuntinus Obiit 1487.

III. NICOLAUS RUTHERIUS alias *le Ruistre* Luxemburgensis, Præpositus etiam *S. Bavonis* Harlemi, & Canonicus Lirani ac Teneramundani, trium ex ordine Brabantiae Ducum Consiliarius, dein Episcopus Atrebatensis. Vivere desit Mechliniae anno 1505. die 15. Septembris, sepultus in æde D. Petri Lovanii, fundato illic Collegio Atrebatensi.

IV. CONRADUS RENNER VONGHINGEN Germanus ex Illustri Ducis Brunwicensium stirpe, sacrarum Canonum Doctor & *Carolo V.* Imp. a Consiliis; absens ab Academia dignitatem sustinuit annis XXIII. Obiit 1532.

V. ROGERIUS DE TASSIS Mechliniens. J. U. D. Ecclesiae B. Mariæ

Nn 2

Ant-




- Antverpiæ Decanus, obitâque pro *Philippo II.* Hisp. Rege ad Pontificem Legatione, Patriæ redditus octuagenarius decessit Antverpiæ Ao. 1593. sepultus ibidem apud Bogardos.
- VI. GEORGIUS AB AUSTRIA *Maximiliani I. Imp. ex filio nepos.* Serenissimis Belgarum Principibus *Alberto & Isabella* ab eleemosynis, assumptus ad Præposituram anno 1598. fuit etiam Præpositus *S. Salvatoris* in Harlebeca, & Prior Commendatarius *S. Salvii* juxta Valencenâs. Vita excessit Bruxellis anno 1619. sepultus Lovanii in æde *D. Petri* ante aram principem.
- VII. CAJUS ANTONIUS HOPPERUS, *Joachimi Hopperi IV. Doctoris Philippi II.* Regi Catholico in Hispaniâ a Consiliis Status filius. Anno 1617. a Sereniss. Principibus *Alberto & Isabella* declaratus Coadjutor & Successor *Georgii ab Austria*, a morte ejus hac dignitate defungitur, fuit etiam Conservator Privilegiorum Academicorum, mortuus est Ao. 1634.
- VIII. FRANCISCUS JOANNES DE ROBLES ex Comitibus *d' Annapes.* Anno 1624. declaratus est a Serenissimo Principe *Isabella* Coadjutor, Successorque *Caji Ant. Hopperi*; Dein etiam Regii in Belgio Nofocomii Mechliniæ Præfectus, Serenissimo Archiduci *Leopoldo* Belgarum & Burgundionum Præfecto ab Eleemosynis & Oratorii Capellæ Burg. Archicapellanus. Anno 1652. factus est Episcopus Iprensisubi Obiit anno 1659.
- IX. Successor a Rege denominatus fuit Illustriss. *D. de Spinola* ex Comitibus de *Bruay*; sed mors immatura eum Academia eripuit.
- X. CAROLUS DE HOVINE. Caroli Sanctioris Concilii Præsidis filius, antea Canonicus Cathedralis Tornacensis. Obiit Anno 1666.
- XI. EUGENIUS DE VELASCO ex Comitibus *Dé Zalazar*, filius *Joannis De Velasco* Equitis Aurei Velleris, necnon Generalis armorum Præfecti in Belgio, ad Præposituram *S. Petri* nominatus fuit Anno 1666. Verum post tres quatuorve annos Ecclesiastici Status pertæsus, resignavit in favorem sequentis, ipse vero militiæ adscriptus, tandem infauſto casu submersus fuit in canali Bruxellas inter & Vilvordiam.
- XII. FERDINANDUS FRANCISCUS DE TRÄZEGNIËS ex Canonico Cathedralis Tornacensis, Præposituram administravit usque ad obitum Anno 1692.
- XIV. ALEXIUS ANTONIUS CHRISTIANUS FERDINANDUS Princeps Nassoviæ & S. R. I. Comes Catimeliboci, Viandæ & Diets, Baro Rothnac. &c. Canonicus Capitularis Metropolitanæ Ecclesiæ Colonienſis, antea etiam Leodiensis, Abbas S. Crucis de Bouzonvillâ in Lotharingâ hodie hanc Præposituram administrat.

In hac Basilicâ e Ducibus nostris conditi sunt *Godefridus II. Godefridi Barbatî* filius sepultus ad partem meridionalem Chori qui Obiit 1142. *Godefridus III.* filius præcedentis, sepultus juxta primam suam uxorem ad partem Borealem qui Obiit 1190. die 10. Augusti: & uti prædictorum, sic & hujus Principis Monumentum interiit.


Visitur in medio Chori tumulus *Henrici I.* filii *Godefridi* superioris, Ducis Lotharingiæ, Brabantiae &c. permansitque integrum in hunc usque diem ejus sepulchrale Monumentum elevatum, cui formam corporis ejus ad vivum insculptam esse satis apparet, cujus est hæc inscriptio.








THE HISTORY OF THE






















Hic primus jacet Henricus ordine quartus  
 Cui conjux bina Machtylt prior, inde Maria,  
 Prolem septenam genuit prior, ultima binam,  
 Brabantinorum Dux, Regni Marchio, morum  
 Regula, Justorum speculum, vindicta malorum,  
 Flos Patriæ, Pax Ecclesiæ, Clypeus Viduarum,  
 Spes veniæ, vas mundiciæ, tutela minorum.

Anno Dñi M. CCXXXV. Nonis Novembris. Obiit Henricus Quartus Dux Lotharingiæ. Bonæ & piæ memoriæ.

Exhibetur hoc monumentum sepulchrale in Trophæis Brabanticis *C. Butkens*. Item in ambitu Chori visitur hoc sepulchrale Monumentum *Mathildis & Mariæ* ejus uxorum.

In eodem Choro conditus est *Nicolaus de Ruistre* Episcopus Atrebatensis cujus lapidis sepulchralis hæc est inscriptio.

Hoc saxo tegitur pientissimus Pater *Nicolaus Ruistre* de Luxemburgo Episcopus Atrebatensis, Domus Burgundiæ Consiliarius, & servitor fidelis; Insignis hujus Ecclesiæ Præpositus & Universitatis Cancellarius, Collegii Atrebatensis in hoc oppido fundator magnificus, qui Obiit Machliniæ anno c10. 10 IX. Mensis Novembris die XV. R. I. P.

Basilicæ *D. Petri* contigua & adhærens est ædicula seu Sacellum in quo quiescit *Margareta Lovaniensis*, vulgo Vernaculè *Fiere Magrietke*, quæ a scurris aliquot sub vesperam vim & mortem passa est Anno 1225. Agunt de eâ *Cæsareus* Monachus Heisterbacensis (qui eodem tempore vixit) dialogo 6. cap. 34. & *J. Molanus* ad diem 2. Septembris. Item Martyrologium Ord. Cisterc. ad eundem diem.

Cum exeunte seculo XVII. indies cresceret Lovaniensium & vicinorum erga hanc *Margaretam* Lovaniensem devotio & visitatio, visum fuit ut plurius pio desiderio fieret satis, ejus Feretrum deaurare, & decentius exornare, ac publico fidelium ritu in Ecclesiâ exponere: itaque anno 1722. patefacto muro Ecclesiæ redegerunt illud in formam insignis Sacelli in *D. Petri*, in quo jam quotidie populi Lovaniensis & aliorum pia visitatio, & ejus patrocinii apud Deum publica invocatio. Impetrata per eam apud Altissimum beneficia, testantur donaria quæ indies in hoc Sacello offeruntur.

Parochia II. *D. Michaeli* sacra est, cujus templum portæ murorum veteri super exstructum anno 1165. atque hæc proprio vocabulo Parochia forensis, vulgo *de Buyten Prochie*, nuncupata est, turrim initio habuit altiorrem, sed teste *Petro Divæo* Rerum Brab. Lib. 10. subsidentibus fundamentis ruinâ suâ vicinas ædes & mortales aliquot oppressit Anno 1225. neque iterum educta est.



Inter Pastores *S. Michaelis* plures fuere Doctorali laureâ insigniti & scriptis clari, signanter *Jacobus de Rheno* J. U. D. qui Obiit 1559. *Samuel Loyaerts* S. T. D. Obiit anno 1610. *Petrus Marcelis* S. T. D. Obiit 1707. *Hermannus Daemen* S. T. D. qui hodie Decanus Eccles. Colleg. *D. Petri* Conservator Privilegiorum Academicorum.

Parochia III. est *D. Jacobi* super Bieftam in Suburbano veteri versus portam Bruxellensem, quæ ædes sacra anno 1200. memoratur exstructa, sed scire licet jam tunc ea loca ædibus, hominibusque frequentia fuisse, & illam partem suburbii in duplum accessisse, reliquorum more coepit in communionem oneris Pastoralis venire anno 1252. Hanc Ecclesiam & turrim ejus igne de cælo tactam conflagraffe tradunt anno 1350, dein reparatam, & pars veteris turris etiamnum manet.

Inter Pastores hujus Parochialis Doctoratu & scriptis illustres fuere *Jacobus Stockelput* Medicinæ Doctor. Obiit anno 1465. *Joannes Driedo* S. T. D. Obiit 1555. *Franciscus Sonnius* S. T. D. dein primus Sylvæducensis & exinde primus Antverpiensium Episcopus. Pastor circa annum 1540. *Joannes Molanus* S. T. D. qui Obiit 1585. *Joannes van Hamme* S. T. D. vitâ functus anno 1620.

Hæc Parochialis Collegium habet XII. Canonicorum, primitus fundatum anno 1036. a *Radulpho* cum conjugē suâ *Gisla in Aincourt* Gallo Brabantiae Municipio, Diploma recitat *A. Miræus* in Diplom. Belg. Lib. II. cap. XXIX. novæ edit: ut sequitur.

In nomine Sanctæ & Individuæ Trinitatis. REINARDUS Leodiensium Pastor indignus, omnibus qui sunt, & qui futuri sunt, in Christo pax & caritas multiplicetur.

Quia benefacta in lucem collocari volunt, ut per ea ad studium boni operis quam plurimi excitentur; sicut Dominus ait: Luceant opera vestra coram hominibus, ut videant opera vestra bona, & glorificent Patrem vestrum, qui in Cælis est.

Hujus vocem audiens Vir Nobilis RADULPHUS, cum conjugē suâ GISLA, luculentum & memorabile opus unanimiter . . . Qui prædiis & possessionibus hujus sæculi abundantes, sed de fructu carnis suæ heredem nullum habentes, Consilium Evangelicum simul acceperunt, ut facerent sibi amicos de rebus transitoriis, qui eos in æterna tabernacula recipiant, & servos Christi, imo ipsum Christum Dominum nostrum heredem suum designarent.

Itaque constructâ Ecclesiâ in proprio territorio, id est, in Villa quæ vocatur AINCOURT, omnes suas possessiones eidem contulerunt, ad usum videlicet duodecim Canonicorum, quos in obsequium Domini pro suis animabus ibidem constituerunt.

Quod cum nostro consilio & auxilio perfecissent, venerunt ad nostram Civitatem, & illic tradiderunt S. Mariæ, S. Lantberto medietatem Ecclesiæ, & dimidium alodium, cum omnibus facultatibus suis, & Brombais, quæ sunt in Comitatu *Dun-gleberc*, & Holtam, quæ est in Comitatu *Sceppes*, & Wolmereis, cum dimidia Ecclesia, quæ jacet in Comitatu *Brunengurt*, & Chierberge cum integra Ecclesia, in Comitatu *Anguers*, & aliam integram Ecclesiam de Opprebais.

Horum omnium traditionem fecerunt ambo Radulfus & uxor sua Gisla, ad altare S. Lantberti, me ipso Rainaldo Episcopo præsentē, & Nobilibus laicis, quorum præcipui isti fuerunt:

Rotfridus Archidiaconus.

Waizo Præpositus.

Nitzo Custos.

Gerardus Archidiaconus.

Joannes Archidiaconus.

Rotbertus Archidiaconus.

Gosbertus Archidiaconus.

Comes Gilbertus.



Comes Henricus, quem super hoc fecimus Advocatum.

Godefridus, Wolurardus, Gumbertus,

Bernerus, Griboldus, Giflanus,

Fulcuinus, Algifus, Liezelius,

Girardus, Lanzo,

Balduinus, Joannes, Helfridus.

Nunc ergo quantum ad nos pertinet, oramus & obtestamur, per nomen Domini, ut nemo nostrorum Successorum audeat de rebus supra dictis quidquam usurpare; neque commutationem neque precariam facere, neque in beneficium dare, neque unum omnino Canonicum de duodecim minuire.

Si autem sciens & cognoscens hanc rem ita firmatam esse, postea tamen contra hoc nostrum Decretum fecerit, non remittatur ei hoc peccatum neque in hoc seculo neque in futuro, sed condemnetur cum diabolo & ejus Angelis in die Judicii.

Actum in Urbe Letgia, pridie Kalendas Decembris: anno Dominicæ Incarnationis millesimo tricesimo sexto, Indictione quarta, anno autem Regni Chuonradi Imperatoris quartodecimo. 1036.

Dein non pauco tempore elapso, & necdum executioni mandato piorum voluntate horum conjugum, *Henricus* Episcopus Leodiensis Ao. 1179. (ut putat Gramayus) relictam hæreditatem partitus est; ita ut proventus sex præbendarum Abbatiae S. Laurentii Ord. S. Bened. Leodii assignaretur, & restantes sex Canonici manerent Collegio Ayncuriensi, cujus Abbas præfatus Patronus, & præbendarum Collator deinceps foret.

Hoc Canonorum Collegium inde Anno 1456. Lovanium in hanc Parochialem est translatum, agente apud *Nicolaum* V. Pont. Max. Duce nostro *Philippo* Bono. Movit eum solitudo & inopia oppidi & Academiae adspectus; at ante translationem hujus Capituli anno 1454. inita est concordia inter hoc Capitulum S. Petri Ayncuriense, & Rectorem hujus Ecclesiae Parochialis. Litteræ hujus Concordiæ exhibentur in Supplem. Diplom. *A. Miræi* parte I. cap. CXVIII. quarum hic est tenor.

Universis & singulis præsentēs Litteras visuris, lecturis & audituris, JOANNES DE LYSURA Decretorum Doctor, Præpositus Ecclesiae B. Mariæ ad gradus Moguntinenses, Sacrique Palatii Apostolici causarum Auditor, Judex & Commissarius executionis negotii infracti, autoritate Apostolicâ specialiter deputatus, assumptus pariter & electus, salutem in Domino; cum agnitione veritatis.

Cum ea, quæ ad honorem Dei omnipotentis, ejusque sacratissimæ Genitricis Mariæ Virginis, ac divini cultus augmentum salubriter fiunt & ordinantur, debeat, imò potius expediat studiosius scripturæ ministerio commendare, ne post longævi temporis intervallum, hominum fragilitate eorumque memoriæ labilitate pensatis, in oblivionis atrio sepeliantur.

Nuper siquidem felicis recordationis NICOLAUS Papa V. (prout sibi ex debito Pastoralis incumbbat officii) circa Ecclesiarum quarumlibet ex alto sibi commissarum, & personarum divinis inibi obsequiis deditarum statum in melius prosperandum diligenter intendens, affectuque benevolo promovere desiderans, quæ inibi ad Dei laudem, divinique cultus propagationem prospiceret redundare, ipsarum Ecclesiarum alterando & immutando, prout locorum, rerum, personarum providè pensatis circumstantiis, ut conspexerit in Domino salubriter expedire;

Ad Illustrissimi quidem & Inviictissimi Principis Domini, Domini PHILIPPI Divinæ favente clementiâ Burgundiæ, Brabantiae, &c. Ducis supplicationem, Collegium Ecclesiae Loci de EYNCOURT, Leodiensis Diocesis, ejusdem Domini Ducis temporali Dominio subjecti, vocatis prius Venerabilibus Dominis Decano & Capitulo ipsius Ecclesiae Loci de EYNCOURT, & aliis qui forent evocandi, ac constituto de assertis, & dummodo eorumdem Dominorum, ac aliorum quorum intererat, ad id expressus accederet assensus, cum dote sua & omnibus insigniis Collegialibus, Privilegiis, præeminentiis, juribus, libertatibus & immunitatibus ipsi Ecclesiae Loci de EYNCOURT quomodolibet concessis,

Ad Ecclesiam Parochialem S. Jacobi Oppidi Lovaniensis dictæ Diocesis (quod in-



signe admodum & notabile existit) transferri, ipsamque Ecclesiam Parochialem S. Jacobi in Collegiatam erigi, ac insigniis Collegialibus hujusmodi decorari, nec non dictos Dominos Decanum & Capitulum ipsius Ecclesiæ Loci de EYN COURT, & Collegium hujusmodi in ipsa Ecclesia S. Jacobi institui mandavit;

Ac voluit insuper, quod si Translationem & Erectionem hujusmodi fieri contineret, ut præfertur, utriusque Ecclesiarum prædictarum Cura Parochianorum cum omnibus suis juribus solitis, ad singulos illarum Rectores & eorum Successores divisi (prout hæcenus consuetum est) perpetuò pertineret, & per eos exerceretur, ac illarum onera consueta supportarentur, & deserviretur inibi laudabiliter in divinis, aliasque statuit, voluit & ordinavit, prout in Litteris Apostolicis desuper confectis & expeditis, hæc & alia plenius continentur & habentur.

Nos igitur JOANNES DE LYSURA Præpositus, Judex & Commissarius antedictus, summo desiderantes affectu, ut Translatio & Erectio prædictæ suum sortiantur effectum, gratum quidem ex hoc Deo, & acceptum impartiri credimus famulatum, dum Christi Fideles ad illa excitamus opera, quæ salutem conspiciunt animarum, exinde profectò ipsis Dominis Decano & Capitulo suffragia provenirent quàm plurima, fidelium accresceret devotio, Oppidum Lovaniente decoraretur, & salus utique prodiret animarum, cultus insuper divinus non modicum fusciperet incrementum, per quem non tam vivis salus quæritur, quàm mortuis celestis introitus aperitur, & beatorum invalescit fruitio beatifica:

Et quia Venerabilis Vir Magister Joannes Stockelpot Artium Magister & Doctor in Medicinis, tanquam Rector sive Curatus dictæ Ecclesiæ S. Jacobi sua non parum putavit interesse, hinc est quod Nos ad hujusmodi benevolum ab eodem obtinendum consensum, ac juxta dictarum Litterarum Apostolicarum formam & continentiam procedere volentes, nonnulla rationi juri & æquitati consona, amicitiae & tranquillitatis productiva appunctuamenta, sive capitula fecimus atque concepimus, prout in quadam papirea scedula, quam Notario publico infra scripto præsentibus inferendam ad manus tradidimus, plenius continetur. Cujus quidem scedula tenor sequitur sub his verbis:

Primo quidem Magister Joannes Stockelpot Curatus S. Jacobi supra Bieft, quamdiu ipse fuerit Curatus ibidem, habebit primum locum in sinistro latere Chori, & tempore Divinorum non intrabit Chorum sine habitu.

Item habebit idem Magister Joannes dimittere summum Altare in Choro; loco illius igitur assumet sibi Altare in novo Choro ibidem; videlicet Altare Beatæ Mariæ Virginis.

Item habebit levare idem Magister Joannes oblationes omnium suorum subditorum per totam Ecclesiam, demptis oblationibus fiendis in summo Altari; pro quibus assignabitur sibi certa quota per Dominum Judicem Executorem negotii Translationis hujusmodi.

Item legata, quæ fient ipsi Curato, spectabunt & pertinebunt ad eundem Curatum.

Item Fabrica Ecclesiæ Sancti Jacobi habebit providere eidem Curato de luminariis, & aliis more solito in Altari suo per eum jam electo in novo Choro, prout consuevit & tenebatur providere sibi in summo Altari.

Item idem Curatus reservabit sibi usum ornamentorum jam existentium ibidem.

Item in quatuor Festis solemnibus anni, nec non Patroni ejusdem Ecclesiæ, videlicet Sancti Jacobi Apostoli, ac Assumptionis Beatæ Mariæ Virginis, Circumcisionis & Epiphaniæ, ab octava hora usque ad nonam, nullus habebit celebrare Missam in præfata Ecclesia, nisi saltem completo offertorio ipsius Curati, demptâ primâ Missâ: neque aliis diebus poterit quis celebrare in dicta Ecclesia absque licentia petita & obtenta ab ipso Curato; exceptis tamen Beneficiariis ibidem, & illis de Capitulo cum suis Capellanis translatis ad Ecclesiam. Committitur tamen hoc discretioni Domini Commissarii tandem.

Item Dominicis diebus habebit Curatus, seu ejus Vice-gerens complevisse sermonem suum tempore hyemali, videlicet à festo Sancti Remigii usque Pascha, horâ octavâ vel circiter, alio verò tempore, ad medium horarum septimæ & octavæ, & semper finito sermone, habebit ad statim facere pulsari, & continuò celebrare suam Missam.

Item in Missis celebrandis & oblationibus recipiendis in majori Altari per Curatum,



tum, servabit idem Curatus ordinem ad modum Curati Sancti Petri Lovanienſis.

Item ultra præmiſſa manebit idem Curatus in omnibus & ſingulis antiquis libertatibus & juribus dictæ Eccleſiæ, prout Prædeceſſores ſui fuerunt, dolo & fraude ſecluſis.

Nec debet idem Curatus ſubeſſe Decano aut Capitulo ibidem, nec eis ut ſuis ſuperioribus obedire, niſi aliàs fieret Capitularis ibidem.

Quæ quidem appunctamenta, ſive Capitula omnia & ſingula ſupratacta, ſic per Nos concepta, Nos JOANNES Præpoſitus, Judex & Commiſſarius prælibatus, tanquam ritè & laudabiliter facta, rata & grata habentes, Authoritate Apoſtolicâ Nobis commiſſa, & quâ in hac parte fungimur, approbamus, laudamus, ratificamus, atque emologamus per præſentes.

Volumus inſuper & decernimus, quod ſpectabiles Viri Burgimagiſtri pro tempore præfati Oppidi Lovanienſis, pro pacis & tranquillitatis ubertate fovenda, & ut partes hinc inde ab omnibus, quæ jurgiorum in præmiſſis ſeu turbationum poſſent occaſiones afferre, diſpendiis releventur;

Præſertim etiam, ut jura, Privilegia, juridiſctiones & libertates utriuſque Eccleſiarum prædictarum ſucceſſu temporis remaneant illibata, promittent fide mediâ, loco juramentorum præſtandorum, tam ſuo quàm Oppidi prædicti, & ejuſdem futurorum Rectorum, Magiſtratum & Conſulum ſucceſſorum nominibus, omnia & ſingula in Litteris hujusmodi ſupra deſcripta & contenta firmiter adimplere, & adimpleri facere, ac inviolabiliter obſervare; nec contra ea, ſeu, aliquod præmiſſorum facere, dicere, vel venire, directè vel indirectè, quâvis occaſione, ratione, titulo, ſeu colore, dolo & fraude quibuſcumque in præmiſſis penitus ſecluſis.

In cujus rei teſtimonium veritatis præmiſſorum, præſentes Litteras exinde fieri, & per Notarium Publicum inſcripſum ſubſcribi, & publicari mandavimus, Sigillorumque noſtræ Præpoſituræ, quo ad præſens utimur, etiam pro corroboratione prædictorum, nec non dicti Oppidi, ad cauſas, per Burgimagiſtros, Scabinos, ac Conſules ejuſdem Oppidi, in eorundem juramentorum præſtationis ſignum, ac ad futuram rei memoriam volumus & fecimus appenſione communiri.

Datum & actum Lovanii, in Domo Conſulatus ejuſdem Oppidi, ſub an. à Nativitate Domini, milleſimo quadringenteſimo quinquageſimo ſexto, Indictione quartâ, die verò decimâ tertiâ menſis Novembris, Pontificatus Sanctiſſimi in Chriſto Patris & Domini noſtri Caliſti, diviâ providentiâ Papæ tertii, anno ſecundo;

Præſentibus ibidem Venerabilibus Viris Magiſtris Balduino de Ziericzee Decretorum Doctore, Decano Collegiatae Oppidi de Ziericzee, Petro Bote Scholaſtico Beati Petri Lovanienſis, Trajectenſis & Leodiensis Diœceſium, Eccleſiarum, & Joanne Lobbe in Decretis Licentiatum, Advocatum, Oppidi Lovanienſis, Teſtibus ad præmiſſa vocatis ſpecialiter & rogatis;

Et me Joanne Boels, aliàs de Kempenere Clerico Cameracenſis Diœceſis, publico Apoſtolicâ & Imperiali authoritatibus Notario, qui præmiſſis omnibus & ſingulis, dum ſic (ut præmittitur) per dictum Reverendum Patrem Dominum Joannem de Lyſura Præpoſitum, Judicem & Commiſſarium, ac coram eo fierent & agerentur, ordinarentur, appunctuarentur, laudarentur, & ratificarentur, unâ cum Teſtibus prænominatis interfui, eaque ſic fieri vidi & audivi;

Ideo præſentes Litteras manu alterius (me aliunde præpedito) fideliter ſcriptas exinde confeci, & in hanc publicam formam redegi, ſignoque & nomine meis ſolitis, unâ cum ejuſdem Domini Præpoſiti, Judicis, & Commiſſarii, ac Oppidi Lovanienſis prædicti ad cauſas ſigillorum appenſione ſignavi, rogatus & requiſitus; in fidem & teſtimonium præmiſſorum.

### *Confirmatio præſatæ Concordiæ per Oppidum Lovaniense.*

Univerſis & ſingulis præſentes Litteras viſuris, lecturis & audituris, Nos Burgimagiſtri, Scabini & Conſules Oppidi Lovanienſis, Leodiensis Diœceſis, ſalutem in Domino ſempiternam.

Noveritis, quod Litteras ſupraſcriptas vidimus, & intellèximus, ac ſuper appunctamentiſ & contentis in eiſdem Nos informavimus diligenter. Et quia per informationem hujusmodi comperimus omnia & ſingula in eiſdem contenta & deſcripta fore & eſſe rationabilia, rationi & æquitati conſona;



Ea propter, ea omnia & singula, ac quæ circa illa à dicto Reverendo Patre Domino Joanne de Lylura Præposito, Judice & Commissario concepta, facta & appunctuata, sive ordinata sunt (prout in præscriptis Litteris suprà continetur) rata, grata, firma & stabilia habentes, ratificavimus, approbavimus & confirmavimus, ac in Dei nomine ratificamus, approbamus, & confirmamus per præsentem;

Promittentes tam nostris quàm successorum nostrorum pro tempore ejusdem Oppidi Lovaniensis Burgimagistrorum, Scabinorum & Consulum nominibus, ea omnia & singula, futuris perpetuis temporibus, firmiter & inviolabiliter observare, fide nostrâ mediâ, loco juramenti per Nos præstiti.

In cujus rei testimonium sigillum ad causas dicti Oppidi Lovaniensis præsentibus duximus apponendum.

Datum inspectionis nostræ anno Domini millesimo quadringentesimo quinquagesimo sexto, mensis Novembris die decimâ tertiâ.

Radulphus Vir Nobilis ejusque Uxor Gilla, Canonicorum XII. Collegium anno 1036. fundaverunt in Aicuria, vulgò *Aincourt*, Vico Gallo-Brabantiae, eamque Fundationem Diplomate suo (supra exhibito pag. 263.) confirmavit Reinardus, seu Regnardus, Leodiensium Episcopus, qui & Comitem Lovaniensem Advocatum constituit.

Iusto interim tempore elapso, & necdum executioni mandatâ piorum voluntate Conjugum, Henricus Leodiensium Episcopus relictam here-

ditatem partitus est anno 1179; ita ut proventus sex Præbendarum Abbatiae S. Laurentii Ordinis S. Benedicti Leodii assignaretur, & restantes sex Canonicatus manerent Collegio Aicuriensi, cujus Abbas præfatus Patronus & Præbendarum Collator deinceps foret.

Anno 1454. Nicolaus V. Pontifex præfatum VI. Canonicorum Collegium, ob bellorum ac temporum injurias Lovanium transtulit ad Parochialem S. Jacobi Ecclesiam. Vide Notas pag. 264.

Hoc Canonicorum Collegium modo est *S. Jacobi*, olim erat *S. Petri*, fundatum uti mox dictum in Ayncuria Dioecesis Leodiensis, nunc Namurcensis, cujus Decanus eo nomine & qualitate erat Archidiaconus & Officialis pagorum & eorum appendicum de Ayncuria, Opprebasio, Rodio-speculi, vulgò Rouxmiroir & Longavilla.

Dignitates in hoc Capitulo sunt Decanus, Scholasticus, & Cantor. Ad Decanatum nominat Dux Brabantiae. Præbendas omnes confert Abbas *S. Laurentii* Leodii.

## DECANI D. JACOBI.

JOANNES LA COSTECYREE Decretorum Licentiatus, primo Promotor Universitatis circa annum 1446. dein Decanus.

CORNELIUS DE MELDERT Bruxellensis Decretor, Doctor & Professor, Decanus per annos LVII. Obiit 1556. die 18. Sept.

REMIGIUS DRIUTIUS J. U. L. factus Decanus eodem anno, dein anno sequenti Consiliarius Magni Senatus Mechliniae, exinde anno 1569. Episc. Brugensis.

JOANNES MOLINÆUS Gandavensis J. U. D. ac Professor, *Margaretæ* Ducissæ Parmensis ab Eleemosynis, Decanus ab anno 1557. exinde electus Decanus *D. Petri* Anno 1562.

CORNELIUS JANSENIUS Hullstensis S. T. D. ac Professor, ac Præses Collegii Majoris, Decanus ab anno 1562. usque ad annum 1568. quo factus est primus Episcopus Gandavensis.

LUDOVICUS PORY Aeriensis J. U. D. Decanus ab anno 1568. usque ad annum 1571. fuit præterea Archidiaconus & Officialis Atrebatensis, dein Consiliarius Parlamenti Mechliniae.

JACOBUS BAYUS S. T. D. & Professor, Decanus ab anno 1580. dein anno 1609. Decanus *D. Petri*.

FOILLIANUS DE FIEFVET Fraxinienfis ex Pastore Melinensi, dein Binchien-



chienti, Præses Collegii de Pels, inde Decanus ab anno 1609. usque ad annum 1612. quo obiit.

BALDUINUS DRIUTIUS Castletensis J. U. L. Præses Collegii Driutii, Decanus ab Anno 1612. usque ad annum 1630. quo obiit.

JOANNES HERMANS, antea ultimus Decanus Cathedralis Sylvæducensis Ao. 1630. Decanus *D. Jacobi*. Obiit circa annum 1634.

JACOBUS VAN SANTVOORT Amorfortius. J. U. D. & S. S. Canonum Professor primarius, Decanus ab Ao. 1634. usque ad annum 1648. quo obiit, fundato in hac urbe insigni *Orphanotrophio*.

FRANCISCUS REYSELS Antverpiensis, Præses Collegii van Daele, Decanus usque ad annum 1677. quo obiit.

PHILIPPUS VAN BEVEREN, Bruxellensis S. T. L. Regens Pædagogii Castri, Decanus ab anno 1677. usque ad annum quo factus Canonicus Ecclesiæ Cathedralis Leodiensis.

HUBERTUS VANDEN BERGHE Thenensis, Præses Collegii van Daele, Decanus ab anno 1679. usque ad annum 1704.

FLORENTIUS SULLIVANE Donckveranensis Hibernus S. T. D. Præses Seminarii Hibernorum Lovanii, Decanus ab anno 1705. præsens Decanus.

Quarta Parochialis est *S. Gertrudis*, hæc primum Sacellum seu Capella erat, Ecclesiæ *D. Petri* subjecta. Fama tenet turrim illam satis egregio opere construxisse lanifices potentem hinc scilicet frequentemque tunc nationem, idque collatio inter se ære, & perfectam fuisse Anno 1453.

Sacellum hoc fecit aut fieri curavit *Henricus I.* Lotharingiæ & Brabantiae Dux, & in Parochiam erigi, cujus quidem Capellæ Vicariam Præpositus & Canonici S. Petri contulerunt Anno 1200. Magistro *Franconi* primo Præposito, Diploma exhibet sequens *A. Miræus* in Not. Eccles. Belgii Cap. CXXVII. novæ edit:

Notum sit omnibus, quod ego Henricus, Dei gratiâ Ecclesiæ S. Petri in Lovanio Præpositus, & septem Canonici (quorum hæc sunt nomina, Gerardus Filius Villici, Simon Episcopus, Gossuinus de Nivella, Henricus de Liera, Arnoldus de Bruxella, Joannes de Sterrebeka) & Ego Henricus Præpositus septem aliorum, ad quos septem spectat donatio omnium Capellaniarum Lovaniensis Parochiæ, contulimus Vicariam Ecclesiæ S. Gertrudis in Lovanio Magistro Franconi, viro idoneo & litterato, in perpetuum habendam. Et ut hoc ratum permaneat, præsens scriptum Ego Præpositus auctoritate mei Sigilli confirmavi, & prætereà nos septem Canonici præfati Sigillum Ecclesiæ nostræ apposuimus.

Hujus rei testes sunt Canonici nostri, Balduinus Cantor & Magister Scholarum,

Godefridus,

Alfo,

Lambertus de Peudela,

Simon Filius Ducis,

Franco Villici Filius & alii.

Item Vicarii Ecclesiæ,

Godefridus Abeloi,

Walterus Custos,

Franco Filius Walteri,

Franco Canis,

Henricus Clericus: Parochiani,

Lambertus Clericus: Præpositi,

Arnoldus Bec & alii.

Item Vicarii Capellarum,

Joannes de Hove,



Herfo de Capella,  
Jonas de Blyft,  
Sigerus de S. Michaële.

1200.

Actum anno millesimo ducentesimo, Innocentio Papâ, Alberto de Kuc Præfule.

Anno 1204. idem Præpositus & Canonici *D. Petri* ad petitionem præfati Ducis Capellam *S. Gertrudis* permiserunt a jure & subjectione Ecclesiæ *S. Petri* eximi & Nobilibus Canonici *S. Augustini* tradi. Fragmentum hujus Diplomatis refert *I. B. Gramaye* in Lovanio ut sequitur.

„ *Henricus* Dei gratia Præpositus & septem Canonici Capellam, quæ erat filia & membrum Ecclesiæ *S. Petri* ad petitionem Illustris Principis *Henrici* a jure subjectionis majoris Ecclesiæ segregari permiserunt, & eam libertati donarunt, & auctoritate *Hugonis* Venerabilis Episcopi privilegiari fecerunt ad Ordinem & habitum *S. Victoris* pariter suscipiendum, & sicut ab antiquo Vicarii erant vocati in partem sollicitudinis Pastoralis, non in plenitudine potestatis, administrando vicinis Sacramenta, & confessiones audiendo idem regularent & facerent.”

Hæc prima Coenobii constitutio erat, quod perfectum est biennio post ab *Henrico* Duce Præfato. Diploma recitat *A. Miræus* in Cod. Piar. Donat: Cap. CII. novæ edit. quod sic se habet.

In nomine sanctæ & individuæ Trinitatis, amen. Sciat universitas præsentium & posterorum, quod ego *HENRICUS* Dei gratiâ Dux Lotharingiæ, divinâ præordiante providentiâ, volens amplificare cultum domûs Domini, pro salute animæ meæ, & omnium Antecessorum meorum, omniumque fidelium, in Ecclesia *S. GERTRUDIS* in Lovanio, Canonicos Regulares de Ordine & vita Regularium, Institutionis *S. Augustini* instituendos, tamquam verus Patronus approbavi, consensu & voluntate Præpositi & Canonice Ecclesiæ *S. Petri* in Lovanio, ad quorum jus Ecclesia prænominata spectabat: qui libero consensu eam, ad usum divini servitii, à præfatis Regularibus ibidem in perpetuum observandi, tradiderunt.

Ad prædictorum itaque Regularium sustentationem, contuli stabiliter in eleëmofynam sextam partem totius decimæ de *Landen* & *Dormala*, illam scilicet partem, quam *Daniel* de Crainhem diu tenuit sibi pignori obligatam, & filius suus *Ægidius*, & usum lignorum in silva mea, quæ dicitur *Merdal*, accipiendorum, ad necessitates eorum, & cum uno plauistro tantum, qui usus in nostro vulgari *Fagus* appellatur.

Præterea liberam eis conféro potestatem, prædictæ Ecclesiæ atrium circumcludere sepibus, vel muro, si possint, & in eo ipsorum officinas, quæ Religiosis competunt, ædificare, scilicet Dormitorium & Refectarium, & alia eorum necessaria, & possessiones, quas possunt juxta se emere, eis indulgeo, ad loci eorum amplificationem, ac dilatationem, etiam claustralis curiæ. Liberè & plenè concedo præfatis Regularibus domistationes, cum curtibus earum, quæ concluduntur inter plateam, quæ dirigitur versûs Ecclesiam *S. Petri* & *Tilam* fluvium, & quæ atrio *S. Gertrudis* continuantur, ut habeant eas in omnimoda plenitudine juris, quæ ego & antecessores mei eas possidebamus, scilicet cum censibus earum, & aliis justitiis, quæ ipsius domistationibus appendebant.

Ne igitur in dubium veniat in posterum, quæ sunt illæ domistationes, eas nominare expressis vocabulis dignum duxi. Domistatio, quæ fuit antiquitus Joannis de *S. Gertrude*, quæ solvit mihi & antecessoribus meis quatuor denarios censûs, & quæ modò divisa est in sex mansiones: in mansionem *Godefridi* de *S. Gertrude*, & mansionem *Arnoldi* Piscatoris, & mansionem *Walteri* Regis, & mansionem Joannis *Bec* de *Diest*, & mansionem *Henrici* de *Velthem*, & mansionem *Arnoldi* de *Godobolfrode*. Item domistatio *Walteri* *Maah*, & domistatio proxima atrio.

Dedi etiam potestatem sæpeditis Regularibus has domistationes emendi, cum hereditatibus, cum possunt, me non requirito, vel aliquo herede meo, vel aliquo Officiario vel Judiciario meo, vel successorum meorum.

Præ-



Præter hæc sciant omnes, quod ipsos Canonicos & omnia bona eis collata, & conferenda à fidelibus, meæ & successorum meorum suppono protectioni, ne aliquis contra eos audeat malignari, & ut perpetuâ pace gaudeant.

Ut autem hæc omnia firmam in Domino stabilitatem obtineant, præfens Scriptum confirmari curavi sigilli mei appensione, ut omnis falsitatis calumnia in posterum sopiatur.

Actum anno Dominicæ Incarnationis millesimo ducentesimo sexto.

1206.

Accessit deinde confirmatio *Hugonis* Episc. Leod. & *Engelberti* Archiepiscopi Colonienfis Anno 1207.

Basilica hujus Cœnobii consecrata est Anno 1228. & Parochiali jure donata Anno 1252. eo enim ipso anno hæc quinque Parochiæ institutæ sunt, quamvis autem quidquid mœnibus inclusum erat & suburbanum, antea soli & immediatè *D. Petri* subjaceret, tamen Sacella suburbanæ, ut tum erat, vicinis domibus administrandi quædam Sacramenta ab antiquo jus habuerunt.

Inter Parochos hujus Ecclesiæ Parochialis Doctorali laureâ insigniti fuerunt *Joannes Paludanus* Mechliniensis S. T. D. scriptis clarus, dein Plebanus *D. Petri* in hac Urbe. Obiit 1630. & *Guilielmus Delvaux* S.T.D. dein Ao. 1720. Præses Collegii *Viglii*.

Anno 1449. hoc Cœnobium ad instantiam *Philippi Boni* Ducis Burgundiæ, Brabantiae &c. a *Nicolao V.* Pont. Max. in Abbatialem dignitatem suppresso Præpositi nomine sublimatum est, cujus Præpositorum & Abbatum seriem hic damus.

## PRÆPOSITI S. GERTRUDIS.

- I. FRANCO cum Præpositi dignitate rexit annis XIII. Obiit 1229. die 27. Martii.
- II. FRANCO II. Obiit 1233.
- III. LIBERTUS. Obiit 1239.
- IV. ADAMUS DE BRUXELLA. Obiit 1248.
- V. GOSWINUS DE STADEN. Obiit 1289.
- VI. HENRICUS DE BOENSBECK. Mortuus 1296.
- VII. ARNOLDUS DE CASTRO. alias *vander Borcht*. Obiit 1307.
- VIII. GODEFRIDUS DE UDECHEM. Obiit 1320.
- IX. GUILIELMUS DE WILRE. Obiit. 1325.
- X. JOANNES JOLYS. Obiit 1327.
- XI. HENRICUS DE FURA. postquam XVII. Præpositum egisset, renuntiatus est Abbas anno 1344. Successoribus hunc titulum negligentibus, eo mortuo Abbatis nomen desit. Obiit 1347. die 21. Novembris.
- XII. HENRICUS DE ROEDE. Obiit 25. Januarii 1379.
- XIII. LIVINUS DE ERPE; ab aliis *Leonius* appellatus. Obiit 1402.
- XIV. CONRADUS VANDER BALCKT. Obiit 1420. die 21. Septembris.

## ABBATES.

- I. WALTERUS MOILLAERT. Præpositi munere functus annis XXIX. novam Abbatis dignitatem obtinuit a *Nicolao V.* Pont. Ao. 1449. ad petitionem *Philippi Boni* Ducis Burgundiæ, Brabantiae &c. designatus ante, anno 1428. primus Conservator Privilegiorum Universitatis,

Qq

quod



- quod munus successores Abbates ferè omnes exercuerunt. Vixit in eâ dignitate annis XV. ac resignatione factâ supervixit annis duobus. Obiit 1467. die 19. Aprilis.
- II. THEODORUS DE BRAKEL *dictus de Overdeyl* ex spontaneâ cessione sui prædecessoris factus Abbas anno 1465. Sodalitatem *S. Gertrudis* instituit, fuit Conservator Privileg. Academ. Resignavit 1487. Obiit 1488. die 10. Aprilis.
- III. JOANNES VANDER MOERE in Decretis Licentiatus ex voluntaria resignatione sui prædecessoris factus Abbas Ao. 1486. & Privilegiorum Conservator Acad. Lovan. Obiit Ao. 1514. die 5. Maji.
- IV. ANTONIUS VAN NIEUWENHOVEN. Lovaniensis ex Pastore Oosterwicano electus Abbas, fuit Conservator Privilegiorum Acad. Lovan. Obiit Ao. 1528. die 24. Decembris.
- V. PETRUS WAS Bruxellensis Prior quondam & Pastor in Helvoirt fuit Conservator Privilegiorum Academicorum expletis XII. Præfecturæ annis, postulavit Coadjutorem cum jure successionis *Philippum de Hofden*, ac tandem secessit ad curam Pastoralem Oisterwicanam ubi usque ad Annum 1553. supervixit.
- VI. PHILIPPUS DE HOSDEN ab an. 1538. Coadjutor sui Prædecessoris & Ao. 1551. die 22. Aprilis factus Abbas, eodemque anno electus Conservator Privilegiorum Universitatis. Obiit anno 1569. die 1. Junii.
- VII. JOANNES VANDER LINDEN Lovaniensis ex Priore electus Abbas, fuit Regi Catholico a Consiliis Status An. 1570. Interfuit nomine Ordinum Belgicarum Pacificationi Gandavensi Anno 1576. & 1579. & Coloniensi Anno 1581. Hinc inter tumultus Belgicos Civitatem Sylvæducensem in obsequio Regis Catholici sustinuit. Vivere desiit Ao. 1585. die 22. Januarii.
- VIII. ADRIANUS DE BEAUFORT. Ao. 1589. electus Conservator Privilegiorum Universitatis Lovaniensis. Obiit Ao. 1593. die 4. Aprilis.
- IX. ARNOLDUS AB EYNTSHOUTS Sylvæducensis ex Pastore Oisterwicano electus Abbas Anno 1593. fuit Conservator privilegiorum Academicorum. Migravit e vitâ Anno 1607. die 11. Martii.
- X. LUDOVICUS VAN EYNATTEN *de Lichtenbergh* fuit Conservator Privilegiorum Academ. Lovan. Obiit anno 1626. die 1. Martii.
- XI. JOSEPHUS GELDOLPHUS A RYCKEL ex pago Oirbeeck agri Theuensis, ex Pastore Oisterwicano electus Abbas, reliquit ingenii sui doctrinæque præclara monumenta, quæ in Bibliothecâ Belgicâ recenset Valerius Andreas, instituit in suâ Ecclesiâ Sodalitium pro animabus defunctis. Obiit Anno 1642. die 21. Octobris.

## ABBATES MITRATI.

- I. WINANDUS DE LA MARGELLE, è Baronibus de *Esden* primo superior, dein Parochus in *Neerlanden*, inauguratus Abbas 1644. die 6. Martii. Anno 1652. obtinuit ab *Innocentio X. Papa* pro se & successoribus Mitram & Pontificalia. Obiit Ao. 1664. die 28. Junii.
- II. MAXÆMILIANUS VAN LEEFDAEL ex Baronibus de *Leeftael*, primo Parochus in Betekum, exinde Præpositus Arfcoti, Judex Synodalis & Conservator Privilegiorum Universit. Lovan. Vivere desiit die 1. Januarii 1668.



- III. CLAUDIUS FRANCISCUS DE LA VIEUVILLE, Judex Synodalis & Conservator Privilegiorum Academ. Lovan. Obiit 1697.
- IV. ANTONIUS DE FOURNEAU ex Comitibus de Cruyckenburch, inauguratus die 9. Februarii 1698. Mortuus Ao. 1699.
- V. ALEXANDER CAROLUS PALLANT Luxemburgensis ex Priore electus Abbas, Judex Synodalis, Conservator Privilegiorum Academicorum, ad Comitata Ordinum Brabantiae pluries Deputatus Ordinarius, Ecclesiam suam, Abbatiam, & aedes vicinas novis aedificiis exornavit. Anno 1717. interfuit ex parte Ordinum Brabantiae inaugurationi *Caroli VI. Caesaris*. Obiit die 24. Octobris Ao. 1720.
- VI. GUILIELMUS PHILIPPUS ex Marchionibus de *Herzelles* ex priore electus Abbas, inauguratus die 25. Januarii Ao. 1722. Hodie laudabiliter praest.

In hac Abbatiâ a primâ institutione nulli nisi claris orti natalibus assumi possunt.

Parochias habent sibi subditas & a Regularibus suis, seu Canonicis administrari solitas sequentes *Oisterwyck*, *Helvoirt* in Dioecesi Sylvæducenti, *Arscot*, *Betecum*, *Langdorp*, *Rillaer*, *Thielt-B. Mariae*, *Ottenborch* & *Neer-Landen* in Dioecesi Mechliniensi.

Quinta Parochia est *S. Quintini*, cujus templum structum seculo XIII. in Suburbano ditionis Heverleensis. Hujus Ecclesiae ambitus dein extensus, & pulcherrimæ in speciem Ecclesiae conformatus. Hoc templum quidem non maximum, sed vel judicio *J. Lipsii* pulcherrimum.

In hac Parochiali conditus est *Revmus. Joannes a Stryen* Dordracenus II. Middelburgensium Episcopus ob religionem exul, qui obiit Lovanii Praefes Seminarii Regii, cujus Inscriptio sepulchralis est hæc.

Reverend<sup>mo</sup>. D. D. *Joanni Stryen* secundo Middelburgensi Episcopo, Seminarii Regis Lovaniensis primo rectori, ob Religionem exuli, defuncto Lovanii 8. Julii. 1594. H. H. P. R.

Inter Pastores hujus Parochialis memorantur *Petrus de Fine Liropius* S. T. D. & Professor. Obiit 1617. & *Martinus Deckerius* S. T. D. Obiit Anno 1618.

Atque hæ sunt quinque illæ Parochiæ Urbis Lovaniensis, olim unica erat *D. Petri* mansitque ad annum 1252. cum aucto mirum in modum Urbis Pomerio & incolarum numero, ad curas ejus Parochi allevandas, quatuor istæ Parochiæ designatæ sunt, *D. Petri* Patronatu & eminentiâ solum servatis, & aliis inæqualem Officii Pastoralis communionem assumptis supradictis Ecclesiis, singulis limites præfixi sunt jurisdictionum, accedente ad hoc Episcopali & Capitulari autoritate, ex quo tempore perseverat illa, quam adhuc servant, Parochiarum distributio.

## VIRORUM COENOBIA.

DOMINICANI: qui & tempore sunt inter Religiosos hîc primi, venerunt in Urbem sub annum M. CCXXVIII. quibus *Henricus III.* Lotharingiæ & Brabantiae Dux locum suum assignavit & cessit, scilicet Aulam suam,



suam, quam in Dylia Insulâ habebat, medio ferè Urbis loco, quam Annales Lovanienses *Bassam Curtim* (id est inferiorem Aulam) vocant, ad discrimen illius superæ, quam *Burgum* antiquitus & hodiè vocatum fuisse diximus.

Inter Sacellum *S. S. Rosarii* & Chorum conspicitur tumba marmorea præfati *Henrici* Ducis, ejusque Conjugis *Aleydis* cum hac inscriptione.

Hic subtus jacet Dominus *Henricus* ejus nominis tertius Princeps Illustris, Dux Lotharingiæ & Brabantiaë sextus, Hujus claustrî fundator, & totius fundi dator, qui Obiit Anno Domini M. CC. LX. Ultima die Februarii.

Hic jacet Domina *Aleydis de Burgundia* Ducissa Brabantiaë ejus uxor, istius claustrî & claustrî de Ouderghem pia fundatrix, nec non Ordinis Prædicatorum benigna amatrix, quæ Obiit anno Domini M. CC. LXXIII. XXIII. die Octobris.

Ad amplificandum hoc Monasterium donavit præfatis Fratribus idem Dux *Henricus* aream suam totam dictam *Offenvelt* sitam inter Dyliam & AA. retro hortum ipsorum Fratrum Anno 1258. cujus Donationis Diploma sic se habet.

„ Henricus Dei Gratia Dux Lotharingiæ & Brabantiaë Universis præsentis litterarum visuris salutem in Domino. Noveritis quod nos liberè contulimus propter Deum Fratribus Ordinis Prædicatorum in Lovanio Domino famulantibus aream totam, quæ dicitur *Offenensvelt*, sitam inter Dyliam & AA. post hortum ipsorum Fratrum pacificè & quietè ab ipsis perpetuo possidendam &c. Datum anno Domini M. CC. LVIII.

Præfata Ducissa *Aleydis* construi fecit in fundo F. F. Prædicatorum domum, quam a Priore ad vitam suam uno denario conduxit, ut eam in habitaret, atque ut esset propior tumbæ sepulchrali chari sui mariti, & ibidem remota a seculi curâ piis orationibus in Ecclesiâ ad ejus tumulum, vacare posset, quam domum testamenti tabulis post mortem suam legavit huic Monasterio. Hoc Diploma recitat A. Miræus in Donat: Belg. Lib. I. cap. CXIII. ædit: novæ, ut sequitur.

Aleidis, Dei gratiâ Lotharingiæ & Brabantiaë Ducissa, universis Christi fidelibus præsentis Litteras inspecturis salutem in Domino. Noverit universitas vestra, quod cum claræ memoriæ Dominus HENRICUS, Dei gratiâ tunc illustris Lotharingiaë & Brabantiaë Dux, Maritus noster carissimus in extremis agens, apud Ecclesiâ dilectorum in Christo Prioris & Fratrum Ordinis Prædicatorum in Lovanio, suam elegerit sepulturam.

Nos ob reverentiam & amorem corporis sui, nec non & devotionem dictorum Prioris & Fratrum, quos propter sanctam conversationem suam, sincerâ amplectimur in Domino caritate, domum unam, in fundo & proprietate memoratorum Prioris & Fratrum, ex concessione & licentia eorundem, construi fecimus. In qua pro tempore vacaremus nobis, & absconderemus nos à tumultuosis curis & occupationibus mun-











mundi hujus; visitaremus quoque interdum tumbam illius & sepulcrum, quem sicut viventem super omnem in Deo dileximus creaturam, sic eum in nostra memoria jugiter bajulamur mortuum & defunctum.

Sanè cum à principio Foundationis ejusdem domûs, nostræ fuerit voluntatis, quod præfatus Prior & Fratres illam, cum omnibus attinentiis suis post obitum nostrum propriis suis usibus debeant applicare; illam cum attinentiis suis, ipsis Priori & Fratribus, sub testimonio Petri & Ægidii Scabinorum Lovaniensium, nostrorum fidelium, propter hoc specialiter advocatorum, in eleëmofynam liberè & absolutè contulimus, ob remedium animæ prænominati Ducis & Mariti nostri carissimi; nihil juris in illa ac attinentiis suis nobis ac nostris heredibus reservantes: quam ad vitam nostram pro denario uno conduximus, secundum legem & consuetudinem Opidi Lovaniensis à Priore & Fratribus antedictis.

Rogamus autem dictos heredes nostros, & contestamur eos, per asperionem Sanguinis Jesu Christi, ut ipsum Priorem & Fratres sæpius memoratos pacificâ possessione domûs ipsius gaudere permittant, nec eos in aliqua occasione debeant molestare.

In hujus itaque Donationis nostræ testimonium eisdem Priori & Fratribus, sub dictorum testimonio Scabinorum, præsentem Litteras dedimus, Sigilli nostri munimine roboratas. Actum & datum Lovanii, in Ecclesia prædictorum Prioris & Fratrum, coram Altari, in crastino Paschæ, anno Domini millesimo ducentesimo sexagesimo tertio.

1263.

*Joannes II.* Lotharingæ & Brabantia Dux &c. avorum suorum vestigiis inhærens ex speciali erga hunc Conventum affectu, fundum ejus addito insigni prato multum adauxit anno 1305. ut patet ex hoc Diplomate quod refert *Edmundus Dinterus* in M. S. Chronico Ducum Lotharingæ & Brabantia, quod apud nos latet.

„ *Joannes* Dei gratia Dux Lotharingæ Brabantia & Limburgi. Universis præsen-  
 „ tes litteras inspecturis salutem & omne bonum. Noveritis nos contulisse propter  
 „ Deum Fratribus Prædicatoribus de Lovanio planitiem jacentem juxta Cœmiterium  
 „ Fratrum Prædicatorum prædictorum ab angulo Cœmiterii præfati usque ad molen-  
 „ dinum in longitudine, & a Cœmiterio usque ad aquam in latitudine ad muniendam  
 „ dictam planitiem pro ipsorum Fratrum commodo, secundum quod eis videbitur  
 „ expedire. In cujus rei testimonium his præsentibus litteris sigillum nostrum duxi-  
 „ mus apponendum. Datum Furæ in crastinum S. Dionysii. Anno M. CCCV.

In Choro templi fenestræ vitreæ sunt, quas præfatus Dux *Henricus* & liberi ejus donarunt, in quibus eorum effigies etiamnum apparent depictæ.

Fama tenet & certo constat *Albertum Magnum* Ratisponensem Episcopum huc venisse & altaria duo in anteriori templo consecrasse anno 1276. Consecrationis Litteræ præfati *Alberti* etiamnum servantur in hoc Monasterio.

Vetus quoque traditio habetur Angelicum Doctorem *Thomam Aquinatem Alberti Magni* Discipulum unâ cum Magistro Lovanium venisse eoque solemnia peragente, Diaconi ministerio functum fuisse, hodieque monstratur pluteus in Odæo Prædicatorum, quo fertur usus in Euangelio decantando, inquit *I. Lipsius*. Verumtamen, ut cum veniâ dicam, inquit *Locrius* in Chronico Belgico ad hunc annum Christi MCCLV I. altius id videtur referendum, nam ut habetur in Breviario Romano & alibi *B. Thomas* anno MCCLIV. in vivis esse desit.

Ex hoc Monasterio fuit *Pipinus Rosa* Episcopus Salubriensis & Suffraganeus Cardinalis Granvellani Archiepiscopi Mechliniensis qui obiit Mechliniæ anno 1568. & in hoc Cœnobio sepultus.

Item Venerabilis *Thomas Cantipratanus*, qui hic Supprior & S. T. Pro-



fessor fuit & communiter putatur fuisse Suffraganeus *Nicolai* Episc. Camerac. Sed nullo certo & solido fundamento. Obiisse putatur anno 1280.

FRANCISCANI hîc venêre quinquennio post *D. Francisci* mortem qui esset anno 1231. non diu post Dominicanos. Initio fuêre Conventuales, qui redditus, ac bona temporalia admittebant, qui hunc Conventum usque ad annum 1449. incoluerunt. Conventualibus successeêre *Reformati* (vulgo *Coletani* nuncupati) qui pristinae Euangelicæ paupertatis observantiam reducere cœperunt, donec tandem anno 1506. pridie exaltationis *S. Crucis P. P. Observantes* ad Monasterium hoc incolendum vocati sunt, qui deinceps in hodiernum usque diem pacificè in eodem morati fuêre. Cumque hi pro viribus *S. Institutoris* sui paupertatem zelantes, cunctos Monasterii redditus ac proventus abdicarent. Amplæ Conventualium possessiones partim Ecclesiæ Collegiatae *D. Petri*, partim majori ejusdem Urbis Hospitali auctoritate Apostolicâ applicatae sunt, ut apparet ex Bulla *Alexandri VI.* desuper data, quæ in Archivo ejusdem Monasterii adservatur.

In hoc Conventu ab ipsis Monasterii incunabulis totius Germaniæ Inferioris tyrocinium fuit, & perpetuo viget Studium Theologicum.

AUGUSTINIANI. locum in Urbe dono principis & Oppidi Anno 1263. templum & Cœnobium Eleemosynis privatorum consecuti sunt. Templum *Petrus Ortoniensis* Antistes & Suffraganeus Leodiensis anno 1270. consecravit festo Assumptionis *Mariæ*: ubi religiosè adservatur & miraculis claudit innumeris Hostia quædam mirabili Dei operatione in carnem mutata Anno 1374. Middelburgi in Zelandiâ, quam Coloniâ eodem anno attulit *Joannes Gheest* ex Archiepiscopi Coloniensis Confessario hîc Prior. Nostrâ ætate Anno 1674. die 8. Septembris hujus Sacrosanctæ Hostiæ miraculosæ in carnem conversæ solemne Jubilæum anni trecentissimi magnâ celebritate ibidem celebratum est, in cujus solemnitate Octavâ Exim. P. Christianus *Lupus S. T. D.* & Professor in Universitate Lovaniensi, optime de antiquitate Ecclesiasticâ meritis, insignem habuit Orationem typis edita in Opusculis ejus posthumis.

Denique memoriâ dignum, primum qui in erectâ Lovanii Academiâ Theologiam professus est, hujus loci Religiosum fuisse, ad extremum ob Theologiæ studium optimè audivisse hoc Cœnobium, quo studiorum honorumque causa ex variis totius Belgii hujus instituti Monasteriis, magno numero adolescentes & viri insignes confluent.

BEGGARDI sive *Bogardi Fratres*, olim Laici ut appellamus, & texendo vitam tolerabant; certis tamen legibus & communione devincti fuêre anno 1280. vel ante: nam extat tunc Diploma *Joannis* Ducis recipientis eos in tutelam, qui licet tertiam *S. Francisci* Regulam assumpserunt, tamen usque ad D<sup>næ</sup>. *Margaretæ* (quæ *Caroli* Burgundi uxor fuit) ævum An. 1468. Sacris non initiati fuerunt; dein anno 1596. receptis in suum Monasterium Vlietbecanis qui supererant, ad paucos redacti Fratres, *D. Benedicti* habitum & institutum amplexi sunt, accedent ad id auctoritate Pontificiâ.

Est & aliud *Beggardorum* Collegium seu Seminarium pro sui ordinis studentibus; fundarunt illud ejusdem Ordinis Patres Capituli Zepperensis, & admissum est ab Universitate sub certis legibus & conditionibus, quas iidem Patres approbarunt anno 1641.



PRIORATUS CANONICORUM REGULARIUM S. MARTINI sub Regula *S. Augustini* Capituli Windesemensis. Initia sua debet *Henrico Welens* in *D. Petri* Capellano. Is zelo pietatis & famâ Scholarium (sic vocabant Clericos in commune viventes) Daventriensium Advocatis ex illo loco Fratribus ejusdem instituti Collegium in honorem *S. Gregorii* instituit, ut qui juventutis formandam ætatem insumpserat, ejus vitâ functi Hæreditas ad similes usus applicaretur. Fratres enim illi ævo isto docendo scribendoque se occupabant. Hanc pii senis voluntatem, qui executioni mandarent designati Priores Viridis Vallis & Septem Fontium in Sylva Soniâ. Advocati Daventriâ Religiosi, & inter primos *Ægidius Walrami*, qui & novellæ plantationis negotium summâ diligentia confecit, exstructis potioribus, quæ nunc visuntur ædificiis, additoque Sacello ipso *D. Martini* festo, Unde *S. Martini* Cœnobium cognomen induit.

Interjecto paucorum annorum spatio satius visum magis expedire institutum vitæ mutare: itaque accedente Episcopali auctoritate idem *Ægidius Walrami* cum suis sub Priore Bethleemitico Regulam Canonicam *S. Augustini* profiteretur Anno 1447. ex Rectore Prior electus. Post cujus obitum *Henrico de Ponte* Priore agente unitum est anno 1462. Capitulo Windesemensi. Habet hoc Cœnobium insignem Manuscriptorum Bibliothecam produxitque viros pietate & doctrinâ illustres.

Seculo XVI. Thronianum Monasterium Canoniconum Regularium ejusdem instituti juxta Herendalium in Dioecesi Antverpiensi in cineres versum & etiamnum in suis ruinis sepultum, Religiosis ad ejusdem Ordinis Canonicam, quæ est Lovanii ad *S. Martinum*, translatis Anno 1616. etiam titulis cum plerisque bonis per sedem Apostolicam de consensu Principis eidem est unitus, qui jam vocatur *Thronus B. Mariæ ad S. Martinum*. Pars tamen proventus Collegio pro Studiosis Congregationis Windesemensis Lovanii erecto applicata manet.

## PRIORES S. MARTINI.

- I. ÆGIDIUS WALRAMI ex villa *Koesfris* in Hannonia. Obiit Ao. 1459.
- II. HENRICUS DE PONTE Lovaniensis ex Procuratore electus Prior. Obiit Ao. 1472.
- III. ANTONIUS AB EMICHOVEN Geldoniensis nobili stirpe ortus. Obiit Ao. 1483.
- IV. JOANNES BYVOERDEN Thenensis, cum vix per annum præfuisset, vitâ excessit 1484.
- V. GISBERTUS PIGGE. Lovaniensis ex Suppriori electus in Priorem. Cessit Ao. 1487.
- VI. PHILIPPUS DE SLUTERE alias *Cleymans* ex Haeght. Obiit Anno 1489.
- VII. ADAM JORDAENS alias *Bogaerdt*. Cessit Ao. 1493.
- VIII. JOANNES AERTS. Cessit Ao. 1497.
- IX. JOANNES IMPENS Thenensis. Cessit 1500.
- X. JOANNES DE JONCKHEERE Furnensis professione Viridis Vallis, hinc Prior electus. Obiit Ao. 1509.
- XI. JOANNES AERTS ex Noffegem. Obiit Ao. 1537.
- XII. JOANNES BAUWENS Lovaniensis ex Rectore Monialium in Ekeren. Obiit 1554.



- XIII. JOANNES COSTERIUS Lovanienses, scriptis clarus. Vitam exiit Ao. 1559.
- XIV. JOANNES VLIMMERIUS Lovaniensis ex Procuratore Prior electus, scriptis editis clarus. Cessit Ao. 1562. Mortuus senex Ao. 1612.
- XV. PAULUS VANDEN BOSCH Lovaniensis ex Priore in Crucis-Lenio Prior electus. Cessit Ao. 1577. & reliquum vitæ librorum scriptione insumpsit. Obiit Ao. 1592.
- XVI. PAULUS COOL. Professus in Rubeâ Valle, ibique Procuratorem agens, hic electus Prior. Resignavit post trimestre.
- XVII. AUGUSTINUS BASTENIUS Sichemiensis Procurator, dein Prior in Crucis-Lenio. In vivis esse desiit Bruxellis Ao. 1612.
- XVIII. JACOBUS A CANTELBEECK Mechliniensis. Professus in Throno prope Herendalium ex Rectore Monialium *S. Lucie* prope Trudonopolim, hic electus Prior. Obiit anno 1614.
- XIX. AUGUSTINUS KERCKHOVEN Lovaniensis. Cessit Ao. 1619. Mortuus 1624.
- XX. CHRISTOPHORUS PASTEELS Lovaniensis Supprior, dein Prior in Bethlehem, exinde Ao. 1619. ad regimen propriæ domus electus Prior. Obiit Ao. 1635.
- XXI. PETRUS DE WAERSEGGERE ex patricia familiâ Lovaniensium, post variis officiis perfunctis, Rectoris Monialium in mediâ platea Lovanii & in Betaniâ Mechliniæ, ac Præsidis Collegii Canonicorum Regularium Lovanii, hic Prior electus. Obiit 1652.
- XXII. PETRUS A S. TRUDONE alias *van S. Truyen* Mechliniensis S.T.L. ex Supprior electus Prior, dein anno 1656. Generalis Capituli Windesemensis, scriptis etiam editis clarus. Obiit Ao. 1677.
- XXIII. RUMOLDUS CROON. Mechliniensis. Vitâ excessit Anno 1683.
- XXIV. PETRUS DE WULF Brugensis. Obiit anno 1708.
- XXV. MARTINUS NEEK ex Lille. Obiit anno 1712.
- XXVI. PETRUS HOPFENBRAUWER Lovaniensis. Obiit anno 1720. die 26. Sept.
- XXVII. JACOBUS BOLLAERT Mechliniensis, electus in fine Septembris anno 1720. Hodie præest.

**CARTUSIA** cui nomen *S. Mariæ Magdalene sub Cruce* ad muros Urbis loco solitario & a turbis remoto. Ad hujus domus auspiciandum ædificium *D. Walterus Waterleet* Præpositus Malbodiensis & Scholasticus Bruxellensis, fundum emit quatuor jugerum terræ circa annum 1491. Fuerunt & duæ Illustres Matronæ *Margareta Eduardi* Regis Angliæ soror vidua *Caroli Audacis* Ducis Burgundiæ, & *Maria Magdalena Hamalia* Vidua item *Guilielmi Croy*, utraque pietate & liberalitate etiam in hospios usus insignes. *D. Joannes Overbosius* Nassoviorum Quæstor nomen secundarii Fundatoris adeptus est, qui sex millia Rhenensium ad hoc opus contulit. Inter cæteros fundatores numerantur *Ægidius* Archidiaconus Hannoniæ, qui in hoc pium opus tertiam bonorum partem testamento legavit. *D. Franciscus de Busleyden*, *S. Lamberti* Leodiensis ac *D. Donatiani* Præpositus. *D. Nicolaus le Ruistre* Episcopus Atrebatensis. *D. Conradus de Sarto* Præpositus Mechliniensis. Et plures alii.

In hoc Coenobio inquit *J. Lipsius* est spectabilis porticus magnitudine & opere: nec scio an hic aut in finitimis locis alia comparanda. Templum exstructum expensis duorum fratrum *Ghisberti* & *Walteri de Potere* dedicatum



tum anno 1501. per *Libertum* Episcopum Beritensem & *Joannem* Episcopum Cyrenensem.

Habuit hoc Cœnobium viros virtutis merito omnibus suspiciendos; ita ut præcipuorum in Universitate Collegiorum provisio (ut loquuntur) Priori hujus domus inter alios demandata sit.

**PATRES SOCIETATIS JESU** primum duo anno 1542. Lovanii advenère; dein plures accesserunt, quibus *Elias de Schore* Patricius & Senatus Brabantiæ a Secretis, hortos, ædesque amplas viâ Bacculanâ sitas suo ære comparavit, accedente consensu Senatus sub certis legibus anno 1562. Quæ ædes & fundi dein cum inde migrati fuere ab eis pretio sibi comparavit *Jacobus van Santvoort* J. U. D. & SS. Canonum Professor & Decanus *D. Jacobi*, & eas inhabitavit ac moriens Ao. 1648. convertit in insigne Orphanotrophium, illudque amplis redditibus ditavit. Porro Ao. 1598. cum Sociorum numero angusta ea esset habitatio, & in Urbis angulo retrusa, sedes transferre placuit, in eum ubi nunc agunt locum, universo Senatu annuente, & novas ædes civili exemptas jure inter Ecclesiastica liceret transferre, quas ædes Socii sensim suis aptavere usibus.

De Lovaniensi Collegio ante omnes quo favore, quâ donatione meritus est æternâ memoria *Livinus Torrentius II.* Antverpiensium Episcopus, qui moriens suas opes, & Bibliothecam quam habebat instructissimam, huic Collegio legavit Ao. 1595. quæ existimabatur isto ævo facile triginta florenorum millia.

Nostrâ ætate magnificum & sumptuosum a Patribus exstructum est Templum, in quo solemniter Sacrificium Altaris oblatum est festo *S. Matthæi* Apostoli die 24. Februarii anno 1666.

**FRATRES CAPUCINI** hanc Urbem ingressi sunt anno 1591. ac primum advenère duo *P. Joannes Landensis*, & *Jacobus Audomarensis* ad explorandum civium animos, an in eâ urbe in quâ Universitas celeberrima obtinere locum possent ad exstruendum Monasterium. Primum ea res apparebat pluribus difficultatibus obnoxia, tum propter temporis angustias, civium inopiam, excursiones militum statuum Hollandiæ, & tumultus præsidiorum militum. Tandem a Magistratu benignè recepti & perpauco tempore habitarunt in ædibus privatis propè Sacellum *S. Ursulæ* in mediâ plateâ; verum cum hic locus ob humiditatem non solum inhabitabilis, sed & sanitati noxius Fratribus foret, Urbem deseruere; sed dein paulo post reversi, eis fundum obtulit, quem in loco amœnissimo intra Urbis septa possidebat, cum quibusdam ædificiis dirutis *Exim. D. Jacobus Bayus* S. T. D. & Collegii Sabaudici Præses. Mox in eo fundo fundamenta novi Conventus jacta fuere ac mirabili populi adjumento & piorum donariis, brevi temporis spatio fabrica hujus Conventus mirum in modum accelerata est. Templum hujus Conventus Consecratum est anno 1595. die 27. Januarii a *Gisberto Masio* Episcopo Sylvæducesi, consensu *Matthiæ Hovii* Vicarii Generalis sedis Mechliniensis vacantis.

Dein cum hic Conventus nimis angustus & incommodus foret Fratribus Anno 1613. prædictus *Jacobus Bayus* liberaliter contulit ad alium novum Conventum exstruendum hortum suum & pomarium, quod habebat pulcherrimum priori Conventui contiguum, ubi amplior & laxior commoditas pro Fratribus; itaque destructo priori Conventu in superiori horti parte sito, ibidem novum Conventum & Ecclesiam exstruere aggressi sunt, primum la-



pidem fundamentalem ponente prædicto *Jacobo Bayo* juxta Rivulum *Furam* (vulgo *Het Voerken*). Ecclesia consecrata est Dominica prima Octobris Anno 1618. in honorem Dei omnipotentis & Virginis Deiparæ Immaculatae conceptæ a *Nicolao Zoefio* Episcopo Sylvæducenti, facultate obtentâ a *Matthia Hovio* Archiepiscopo Mechliniensi.

Inter benefactores qui ad fabricam hujus Conventus & Ecclesiæ plurimum contulerunt, primum locum obtinet prædictus *Jacobus Bayus* in cujus fundo exstructus est, qui insuper dedit calicem pretiosum deauratum; dein *D. Franciscus Muylbroeck* qui dedit ad hoc pium opus 2100. florenos, *D. Joanna van Straeten* quæ dedit 200. flor. reliqua opera piorum eleemosynis hinc inde collectis perfecta & absoluta sunt.

In hoc Conventu Fratres hætenus sedem stabilem fixerunt, & in eo dein constitutus est Tyronicium seu Noviciatus hujus Provinciæ.

**CARMELITARUM DISCALCEATORUM COENOBIIUM** in hac Urbe, est duplex unum plateâ Heverensi dicatum *S. Alberto*, ubi est Tyrocinium hujus Provinciæ fundatum Anno 1612. a Serenissimis Principibus *Alberto & Isabellâ*.

Alterum est ad Urbismœnia dicatum *S. Joseph* ubi quaquaversum patet aspectus amœnus, in loco hodiedum & antiquitus dicto *Placet* unde Coenobio nomen adhæsit, quod initium suum sumpsit Anno 1621. die 14. Septembris. In hoc Coenobio viget continuum studium Theologicum hujus Provinciæ, pro studiosis alumnis.

Ecclesiam in hoc Coenobio suo ære nostra ætate exstruxit *D. Stephanus de Gamarra* Eques militaris *D. Jacobi* Arcis Gandavenfis præfectus &c.

Ex Archivis Monasterii.

**CONVENTUS FRATRUM MINORUM HIBERNORUM** dicatus *S. Antonio de Padua*, erectus anno 1609. munificentia *Philippi III.* Hisp. Regis, curâ ac sollicitudine *Florentii Courii* Thuanensis Archiepiscopi, tum Hiberniæ Provincialis Ministri, primum lapidemponentibus anno 1618. Serenissimis Belgarum Principibus *Alberto & Isabellâ*.

Hic Conventus hodiedum floret per Religiosos verè observantes quos inter aliquando, exstitère Comitum, Baronum, Equitum Auratorum, procerumque primæ nobilitatis filii, sese omnes per pietatem, & studia præparantes ad excolendam vineam Domini, fidemque Orthodoxam in Angliâ, & Hiberniâ stabiliendam.

Vixerunt in hoc Conventu plures viri doctrinâ ac dignitate illustrissimi quos inter præfatus *Florentius Courius* Archiepiscopus Thuanensis, Theologus eximius, & in *S. Augustino* versatissimus, libris etiam editis clarus, *Hugo Cavellus* Archiepiscopus Armachanus, *Thomas Flemmingus* Archiepiscopus Dublinensis, *Boetius Egranus* Episcopus Elfinensis, & alii plurimi in missione Hibernicâ illustres, qui carceres, tormenta, opprobria pro fidei veritate perpeffi sunt, quorum indicem texere nimis longum foret, & hujus non est instituti.

In hoc Conventu primum editus est Catechismus linguâ Hibernicâ, cujus characteres diversi sunt ab omnibus Europæis.

**CARMELITARUM COENOBIIUM** primitus Collegium, instituit *Godefridus de Loë* ejusdem Ordinis alumnus Conventus Mechliniensis *S.*



S. T. D. studii Colonienſis, is anno 1431. auctoritate Apoſtolici apud Belgas Legati & approbante Theologicâ facultate, domum ſuam ac conjunctos illi fundos, ubi cum ſuis privatim habitabat, in loco primo *op de Bieſt* dicto, in Collegium pro Religioſis Ordinis ſui erexit; dein ad *D. Antonii* in hac Urbe Sacellum, indeque ab *Ægidio Fabri* Regente Collegii tranſlatum fuit ad aliam domum ſitam in plateâ lapideâ, eidem Collegio Scholaſtico legatam a *Georgio Bourgenſi* Cameracenſi J. U. L. ad *D. Joannem* Leodii Decano qui Ao. 1488. obiit: Quæ quidem domus ceſſit Collegio Ordinis Teutonici, poſtquam Anno 1617. migravit hinc ad Sacellum *D. Catharinae* ad Urbis mœnia, & ita hoc Collegium in Monafterium converſum eſt, ædificato ibidem a Superioribus Monafterio, ubi nunc Conventus comptiſſimus, & floret ſtudium Theologicum. Ibidem anno 1631. reformatio ſtrictioris obſervantiæ introducta eſt.

**DOMINICANI HIBERNI** ob atroces Hæreticorum perſecutiones patriam deferere coacti, Refugium aliquod ſibi compararunt Lovanii initio ſæculi XVII. pro educandis alumniſ ſui Ordiniſ, qui deinde ad miſſionem procederent.

Primo ſtabiliti fuere in Eccleſiâ prope *Burgum*, vulgo *Castrum Cæſariſ*, dein in loco ubi hodie morantur, in eo anno 1626. erectus fuit Conventus ſub invocatione *S. S. Crucis* incorporatus eſt Matriculariæ Univerſitatiſ anno 1659. ac eodem anno Eccleſiam eis ædificari curarunt *D. Gregorius Joyce* Canonicus Eccleſiæ *S. Nicolai* Galvienſis, Abbas Monafterii Canonicoꝝ Regularium Anagdenſis, & *Henricus Joyce* Vicarius Generalis exercitus Sereniſſimi Regiſ Magnæ Britanniæ in Belgio, & Paſtor Galvienſis in Hiberniâ, ac *Guilielmus Joyce* eorum frater. Situs eſt hic Conventus loco amœniſſimo ad portam dictam vinearum, nunc novam Bruxellenſem, fundus ejus nonnihil elevatus eſt contra inundationes aquarum, quæ quandoque magnam urbiſ partem operiunt.

**PATRES ORATORII JESU** inſtituti Petri *Berullii* S. R. E. Cardinaliſ. Fundari cœpere anno 1626. a *Jacobo Boonen* Archiep. Mechl. approbante Sereniſſimâ Belgarum Principe *Iſabellâ*. Fundum idem Antiſtes ſuo ære eis comparavit ab Abbate Vlierbacenſi, quod primitus erat Beggardoꝝ Cœnobium, & Beggardis Benedicthinum inſtitutum apud Vlierbacenſes amplectentibus anno 1596. obvenit Vlierbacenſibus. Idem Antiſtes doctem etiam liberaliter adjecit. In hoc Oratorio eſt Novitiatus, & ſtudia Philoſophiæ, atque ſacræ Theologiæ exercentur.

In hoc item Oratorio vivendi finem fecit *Balduinus Catzius* Archiepiſcopus Philippenſis & Vicarius Apoſtolicus Fœderati Belgii, ſepultus in Eccleſiâ hujus Oratorii cum inſcriptione ſepulchrali ut ſequitur.

**Illuſtriſſ. & Rever. D. Balduinus Catzius** Archiep. Philipp. & per Unitum Belgium Vicar. Apoſt. Obiit XV. Kal. Junii anno MDC. LXIII.

**MINIMORUM CONVENTUS.** ſitus eſt in plateâ quâ itur Dieſthemium. Fundatrix & dotatrix eſt *D. Erneſtina de Ligne*, vidua Excelentiſſimi *D. Joanniſ Comitiſ Naſſoviæ*, Equitiſ Aurei Velleriſ &c. Ao. 1639.



DOMINICANI ANGLI. expensis & fundatione testamentariâ Eminentissimi *D. P. Philippi Thomæ Howardi* S. R. E. Cardinalis erectum fuit Lovanii anno 1697. parvum Collegium in quo Fratres Dominicani Angli studiis Philisophiæ & S. Theologiæ incumbunt. Primus Rector hujus Collegii fuit *P. Dominicus Williams*, tunc Philisophiæ Lector, postea S. T. D. & Provinciæ Angliæ Prior Provincialis.

ALEXIANI, funeribus curandis potissimum operam dantes hîc & alibi in Brabantia apparere cœperunt circa annum 1343. erant autem primitus Viri Laici operibus misericordiæ se consecrantes, dicti tum *Lollardi* & *Mate-mans*; placuit horum obsequium in curandis ægris, phreneticis, mortuis publicè & privatim omnibus, datusque e publico locus, & denique anno 1485. consultius tertiam *D. Francisci* Regulam eis præscribere, quod factum.

Nuperis annis nitidum & perlucidum struxêre Sacellum.

## COENOBIA VIRGINUM.

BEGINARUM CURIA MAJOR cœpit teste *J. Lipsio* anno 1205. ævum earum, inquit, vidi in Templi lapidibus sculptum hisce litteris, *Anno M. CCV. Hæc Curia incepit*. Testantur antiquæ & ætate graviores Virgines, quæ a prædecessoribus semper irrefragabili traditione acceperunt, se ex vestito Brabantie Dominio de *Meldert* propè Hugardiam belli tempore Lovanium migrare, fuisse compulsas in loco *ten Hove*, unde *Curia de Hovis* vocatur.

Templum hujus Curie privatis earum opibus exstrui cœptum anno 1305. dein reparatum, ornatumque curâ *Mariæ* Domine Cerviensis & Arscotane.

Cura Beginarum de *Hovis* Lovanii a *Joanne II.* Duce Lotharingiæ & Brabantie anno 1310. commissa est Abbati Villariensi, eoque jure nominat ad hanc curam.

Ad perennem memoriam & gloriam hujus Curie facit, quod in eâ Parochum egerit *Adrianus VI.* Vir tantæ eruditionis & virtutis, ut Suffragantibus vitæ meritis ad summi Pontificatus apicem sublimatus sit anno 1522. Et ne hanc curam, quam charissimam habebat in terris deseruisse videretur omnino, Vicarium inibi sibi constituit quoad vixit, & non nisi moriens hanc curam dereliquit.

CURIA BEGINARUM MINOR putatur majori esse antiquior, licet Templi & locorum fundatorem agnoscat *Ægidium Liesensone* Decanum *D. Petri* circa annum 1360.

Ecclesia hujus Curie *D. Catharinæ* dicata est, erecta in Parochialem Anno 1631. auctoritate *Jacobi Boonen* Archiep. Mechl. suberat ante ea tempora Parocho Gertrudano.

HOSPITALE MAJUS sive *Xenodochium*, *D. Elisabethæ* sacrum, fundatum per *Sophiam S. Elisabethæ* Hungaricæ filiam, *Henrico II.* Brabantie Duci nuptam ante annos circiter CCCC. Unde hallucinatur *J. Lipsius* & *J. B. Gramaye*, dum institutum dicunt ab *Henrico I.* vel *III.* Brabantie Duce.

Anno 1479. Virgines solutiore modo viventes in ordinem redactæ & Regu-



gulam *S. Augustini* assumere compulsæ sunt, urgente imprimis *Margareta* vidua *Caroli Audacis* Burgundiæ & Brabantia Ducis &c. procurante earum reformationem *Guilielmo Storm* XIII. Priore Bethleemitico, & evocata aliquæ ex Hospitali Valencenensi, qui eas formarent, & cæteris norma essent.

In hoc Xenodochio annis XL. ægris assiduè ministravit *Maria Sulperia*, majore in proximos charitate an constantiâ haud facile dixerò. Ejusdem sacra ossa a Serenissimis Belgarum Principibus *Alberto* & *Isabellâ* elevata sunt & loculo imposita, tum Sacelli muro inserta, cum hujusmodi litteris aureis exarato epitaphio in marmore tersissimo:

*Maria Sulperia*, raro admodum exemplo, Christianæ officia pietatis amplexa, quadraginta annorum juge ministerium nosocomio huic spontè dedit, consilium aut solatium omnibus, paupertate dives, contemptu læta; non homines sed Deum sequi voluit. Hinc nudo vestigio terram perpetuo calcans, sprexit quidquid a cœlo remotum esset, sed corpus summo rigore inacerans dignum Deo animum effecit. Sic non minus virtute quam ætate veneranda, cum vixisset annos LXXV. ex umbra rerum ad lucem emigravit V. Kalendas Martias. M. DC.

Serenissimi Belgarum Principes *Albertus* & *Isabella* Archiduces Austriæ, Duces Burgundiæ Principes Belgarum, ossa extolli e terra in hoc conditorium curarunt, ut conspicuo magis loco tam rarum vitæ exemplum legeretur Anno M. DCXVII.

Hoc Xenodochium Rectores habuit post earum reformationem Viros eximios, ac inter eos *Godscalcum Rosemundum*, *Ruardum Tapperum*, & *Joan-nem Paludanum* omnes hujus Universitatis S. T. Doctores.

ALBÆ DOMINÆ quæ hodie vocantur, fuerunt ab antiquo & annos D. quædam titulo & exemplo *B. Mariæ Magdalena* Pœnitentes, hinc inde collectæ & in commune viventes, quæ mutato vitæ instituto Anno 1252. præscriptum & habitum *S. Victoris* assumpserunt, communique expensâ anno 1258. Sacellum erigendum curarunt, quos dein liberius agentes in ordinem paulum alium conformare jussus *Henricus de Ponte*, *B. Martini* Prior anno 1466. Sed parum ex Sententiâ. Denique Episcopali auctoritate compulsæ Anno 1501. *D. Augustini* Regulam assumpserunt, qui tempore ejusdem instituti professa illustri loco nata *Cecilia d'Argenteau Hoyo* adveniens potiore Coenobii partem suo ære extruxit.

Inter varios Viros illustres huic Coenobio per annos XIX. præfuit Vir  
Tt per



per omnia celeberrimus *Henricus Cuyckius* S. T. D. Decanus *D. Petri* dein Ao. 1596. laudatissimus Ecclesiæ Ruræmondensis Antistes.

**S. URSULÆ** *Prioratus Augustinianarum* initia sua debet *Elisabethæ de Wesel* viduæ *Henrici de Duysborch* civis honesti, quæ domus suas & hortos in mediâ plateâ (vulgo *d'Halfstraet*) legavit Ao. 1415. ad usum Collegii Virginalis, quod postea ratum habuit *Martinus V.* Pont. Max. anno Pontificatus sui tertio, scilicet anno 1420. Virgines ex primâ institutione in communi vitam agebant; sed postea Regulam *S. Augustini* & claustrum sub priore *Bethleemítico Petro Impens* assumpserunt Anno 1515. Templum earum sacrum *S. Ursulæ* & ejus sodalitiū. Hæ Virgines, cum Cœnobii proventus tenues essent, labore & industriâ ægestatem averterunt.

**GRISEÆ SORORES.** ab habitu Griseo dicuntur, quæ profitentur tertiam Regulam *S. Francisci*, de quorum initio nihil habemus. Mechliniâ relicta Lovanium se receperunt ante annos ferè CCC. sub sunt Abbati Gertrudano. Circa annum 1700. admiscere strictiorem observantiam Regulæ *S. Francisci*, evocatis in hunc finem tribus sororibus ex Cœnobio Mose-Trajectensi, quæ eas formarent.

**NIGRÆ SORORES,** suâ ipsæ industriâ surrexerunt, una quædam *Elisabetha* Beginæ habitu ex tractu Leodiensi veniens anno 1438. domum sibi comparans, Sociasque assumens, ægrorum se ministerio cœpit mancipare, unde loco paulatim ampliato & numero aucto Antistes Leodiensis *Ludovicus Borbonius* permisit anno 1462. & Sacellum exstruere, & Regulam sub Martiniano Priore profiteri. Templum paulo post struunt, quod consecravit *Libertus Berytensis* Episcopus & Suffraganeus Leodiensis anno 1478.

**CLARISSÆ,** quæ profitentur secundam Regulam *S. Clare* ab *Urba-no IV.* reformatam, unde *Urbanistæ* dicuntur. Instituit eas Nobilis Matrona *Catharina Oppendorp* vidua *Joannis Bloys*, Equitus anno 1508. Templum earum dedicatum est anno 1516. Primam dotem deinde auxerunt Nobiles de *Glavimans*, de *Wyngaerden*, de *van Dieven*, & de *Villeers*. Primæ Religiosæ Virgines, quæ hanc Coloniam plantarunt, venere ex Monasterio Sororum Clarissarum in Hoochstraeten.

**ABBATIA VIRGINUM ORD. CISTERCIENSIS** subiecta est *Castro Cæsariano* quoad situm, unde & Subcastrensis dicitur. A vineis ei olim vicinis *Mariæ Vineæ* appellata.

Fundata est anno 1519. a Nobili Viro *Waltero de Tympele*, Urbis Lovaniensis Consule & ejus filiis *Ludovico* & *Joanne*, qui volentes terrena & transitoria in cælestia felici commercio commutare domum suam cum orto, prato, pomerio, ædes in eo stantes & aliis suis pertinentiis adjacentibus, ad fundandum Monasterium Ordinis Cisterciensis, de licentiâ *Caroli V.* Cæsaris Hisp. Regis, Ducis Brabantiæ &c. cesserunt & transportarunt cum omnibus juribus & actionibus ipsis quomodolibet in illis competentibus. Diploma profertur in Supplem. Diplom. A. Miræi Parte II. cap. CXLIX. ut sequitur.

Ex MS.  
Archivis  
Urbis Lo-

Nos Consules, Scabini & Consilium Oppidi Lovaniensis, notum facimus omnibus has Litteras visuris & legi audituris, Nos nomine prædicti Oppidi & communium in-



incolarum ejusdem, prævio consensu Membrorum seu Consilii \* extraordinarii hujus Oppidi, ac etiam enixis precibus ac postulatione Reverendi in Deo Patris & Domini, Domini MARCI CRUYT Prælati & Abbatis † Domûs Dei S. Bernardi ad Schaldim, Ordinis Cisterciensis, & WALTERI VANDEN TYPPE Consulis nostri moderni, ac etiam prævio consensu, per eum ad hoc obtento, nostri Clementissimi Domini Imperatoris electi, hic ostenso, ac aliis antea actis & communicationibus eorum Deputatorum hujus Oppidi in consequentiam dictorum consensuum, de quibus inferius, inter prædictos Dominos ac Prælaturam præhabitis, & peractis, concessisse, & per præsentem consentire ac concedere pro Nobis ac Successoribus nostris, ad honorem Dei Omnipotentis & Benedictæ Matris ejus Mariæ ut erigatur, statuatur ac ordinetur & permaneat Domus Dei ac Conventus Monialium, aut Monasterium prædicti Ordinis, sub nomine *Dive Virginis in Vineâ*, in hoc Oppido, in platea Castrensi, in loco ubi id ipsum jam ædificari cœptum est, & ubi dictus Walterus habuerat Domum collapsam, cum horto, prato & omnibus aliis suis pertinentiis, quam dictus Walterus ad erectionem ejusdem Domûs Dei dedit ac transportavit, etiam prævio consensu præpotentis Domini prædicti, & nostrorum Prædecessorum in Consilio hujus Oppidi & Membrorum ejusdem, prout constat ex certa Acta desuper facta signata ac registrata de data ultimâ Maii M. D. XIX. præteriti, & hoc sub certis modo, conventionem ac Statutis hic infra declaratis, scilicet:

Primo quod eadem Domus Dei non poterit assumere numerum Personarum majorem quàm ad xxx. Personas, scilicet xxiv. Moniales, iv. Sorores, unum Patrem seu Confessorem, & unum Capellanum.

Item illi de Domo Dei prædicta poterunt pro sustentatione ac victu necessario pro unaquaque persona ibidem commorante, liberè habere ac coquere unum modium cum dimidio farinæ, ac etiam pro quoque capite habere quatuor hamas cerevisiæ, ex qua poterunt sumere tertiam partem bonæ cerevisiæ, ac duas alias parvas, quam quærere tenebuntur apud braxatores Lovanii. Et hoc omnino liberè absque ulla solutione accisiæ; & non plus. Et etiam quod ipsi nullam prorsus cerevisiam braxare poterunt.

Item similiter illi de Domo Dei poterunt habere ac cavæ imponere adeorum sustentationem ac necessarium victum & usum, ut ante, singulis annis quinque hamas vini, talis quale illis dabitur aut ipsi ement, etiam absque nulla solutione accisiæ; & non plus, nisi cum expresso consensu Oppidi.

Item dum aliqua in prædicta Domo Dei habitum assumet, vel Professionem emitte, tunc eadem Domus Dei, vel Consanguinei illius Filiæ debebunt quærere vinum quod ibidem consumetur, ad accisiâ Oppidi, & si vinum aliquod illatum fuerit, etiam accisia de eo debet persolvi.

Item quod prædicta Domus Dei poterit acquirere collapsas domunculas cum fundo adjacente ibidem sitas à parva platea Fontis Ducis retrorsum usque ad Pomarium Scholæ Castrensis ibidem, & quod eas versus rectam plateam intertinere tenebuntur, nec demoliri, nisi alias reædificare vellent: ut vel iis utantur vel elocent; nec poterunt alias Domos emere sine expresso consensu Oppidi prædicti.

Item quod eadem Domus Dei poterit acquirere tam in pastum jumentorum quam aliter duo bonaria cum dimidio prati in districtu Lovaniensi siti, nec reditus in eodem districtu acquirere sine expressa venia & consensu Oppidi, ut ante.

Item quod eadem Domus Dei tenebitur recipere & præferre Filias prædicti Oppidi aliis extraneis, etiam dum aliæ sunt æquè capaces, & sine exceptione personarum tam bene pauperes & ignobiles, quam divites aut nobiles, in quantum sunt capaces ad observandam Regulam Domûs Dei, & revera ibidem locus vacet, salvo numero prædicto.

Item quod prædicta Domus Dei erit & manebit de omnibus aliis negotiis & rebus obnoxia accisiis Oppidi, ad instar aliorum inhabitantium ejusdem Oppidi.

Item & ut prædicta Domus Dei in bona reformatione & regimine intertineatur, Reverendus Pater & Dominus, D. Prælatus Domûs Dei Sancti Bernardi ad Schaldim, pro tempore existens, semper erit & manebit Pater Abbas & Visitator immediatus hujus prædictæ Domûs Dei; ut eandem semper juvet quatenus intertineatur in bono regimine & vita veracis reformationis, & eis provideatur de bonis Confessariis, qui Domui Dei ac Monialibus sint honori & utilitati.

In quo bono regimine & in eadem primitiva reformatione eadem Religiosæ Domûs Dei prædictæ debebunt manere & sese tenere, sub amissione omnium Pri-

van.trans-  
latum è  
Flandrico.  
\* Bnten-  
Raede.  
† Flandri-  
cè Godts-  
buys.

1519



vilegiarum & libertatum per prædictum Oppidum eidem Domui Dei concessorum.

Item Oppidum Lovaniense eidem Domui Dei constituet annuè duos Mamburnos, prout constituit Domui in Banco, Begardorum, magni Beginasii, magni Xenodochii, duodecim Apostolorum, Sanctæ Claræ & plurium aliarum in Lovanio, quibus Mamburnis eadem Domus Dei annuè ordinabit pro molestia & labore, quæ semper impendere debebunt ad libitum & petitionem ejusdem Domûs Dei donum gratuitum, scilicet cuique dari par caponum, prout aliæ Domus Dei prædictæ suis Mamburnis dare solent.

Item quod etiam Receptor prædictæ Domûs Dei pro tempore existens constituetur & destituetur cum scientia & consultatione prædicti Prælati, aut Commissarii ejus, & prædictorum Mamburnorum ab Oppido constitutorum: qui Receptor erit obligatus in assumptione sua constituere bonam & sufficientem cautionem, quantum eidem Prælato & Mamburnis satis erit, & tenebitur annuè reddere rationem suæ administrationis & recepturæ coram prædicto Prælato, aut Commissario ejus, Mamburnis & Commissariis Oppidi qui ad hoc committentur, quæ prædicta Domus Dei tenebitur isti Receptoris satisfacere pro annuo suo stipendio sine onere Oppidi.

Item illi de prædicta Domo Dei tenebuntur orare pro Oppido Lovanensi & Incolis ejusdem, & pro communi pace atque prosperitate & ad consequendam semper gratiam: salvo tamen jure Ecclesiæ S. Gertrudis & cujuscumque alterius.

In quorum prædictorum notitiam & firmitatem, Sigillum ad causas prædicti Oppidi his Litteris appendi jussimus die xxvi. mensis Junii, anno Domini 1522. M. D. XXII.

Moniales primæ ex Abbatiâ *Walteri Braniâ* ejusdem Ord. in Gallo-Bra-bantiâ evocatæ sunt numero VIII. Abbatisa primâ constituta *Margareta ab Ittre* festo S. *Agathæ* anno 1519. atque anno 1521. auctoritate Capituli Generalis ejusdem Ord. Cisterc. Cura seu Paternitas dicti Coenobii commissâ est *Marco Cruyt* Abbati Monasterii S. *Bernardi* ad Scaldim ejusque Successoribus, qui & ob varias a se factas donationes quasi Secundarius fundator ab iisdem habetur.

## ABBATISSÆ SUBCASTRENSES.

- I. MARGARETA A ITTRE. Obiit anno 1541. die 1. Februarii.
- II. PASCHASIA SEELS præfuit annis LIII. Obiit die XXII. Februarii An. 1594.
- III. MARIA VANDER LAEREN rexit annis XX. Obiit IV. Februarii An. 1615.
- IV. SARA VANDEN BOSSCHE præfuit annis XIII. Obiit IV. Junii An. 1629.
- V. ANNA DE PAPE. rexit annis XXXIV. Obiit XXVI. Junii An. 1663.
- VI. ANGELA VAN MEERBECK. præfuit annis XIII. Obiit V. Julii An. 1676.
- VII. MARIA COLUMBA FANIUS rexit item annis XIII. Obiit XXX. Sept. An. 1689.
- VIII. MARIA DE ST. GISLAIN præfuit annis XXII. Obiit III. Decembris Ao. 1711.
- IX. CATHARINA THERESIA WILLEMAERS Præsens Abbatisa.

ANNUNTIATÆ Virgines originem habent a *Joannâ Valesiâ* Bituricensi *Ludovici XII. Francorum* Regis Conjugæ. Hæc viri lege soluta sacrum hunc Or-



Ordinem instituit, Regula ex præcipuis Deiparæ *Mariæ* virtutibus collecta, probantibus summis Pontificibus *Joanne VI. Julio II. & Leone X.*

Hoc institutum dein in pluribus Galliæ Provinciis & in Belgio propagatum est. Primæ Religiosæ hujus Cœnobii Brugis advenerunt numero VI. quæ regimen & exemplum novellis darent.

Fundatrix earum *Maria Hamalia* Vidua *Guilielmi de Croy* Marchionis Arscotani anno 1530. Ex hoc Monasterio dein evocatæ sunt, quæ ejusdem instituti Colonias plantarent, Gandavi, Trajecti ad Mosam, Thenis, Bruxellæ, Venloæ, Nivellis, Antverpiæ, Namurci, Alofti & alibi.

**MONASTERIUM S. MONICÆ ORD. S. AUGUSTINI** Anglicanarum Monialium, filia tradux Monasterii *S. Ursulæ* in mediâ platea, de quo ante. Hoc Cœnobium tali propagatum est initio Anno 1609. die 10. Februarii VII. Religiosæ Anglæ, quæ professæ erant in præfato Monasterio *S. Ursulæ* cum licentiâ *Matthiæ Hovii* Archiep. Mechl. & Superiorum approbatione discesserunt ab isto Monasterio, & alterius immediatè fundamenta quædam rudia posuere in eadem Urbe in Parochiâ *D. Jacobi*. Hac de causa conduxerunt primo refugium Abbatiae Vlierbacensis, quod dein pretio sibi compararunt & ad usum eorum Monasticos adaptarunt. Has ædes consecrarunt *B. Mariæ* Virg. Immaculatæ Conceptæ, sub protectione *S. Michaelis Archangeli*, ac sub titulo *S. Monicæ*.

Postea X. aliæ Virgines Religiosæ, & duæ Sorores Laicæ (omnes Anglæ) ex præfato Monasterio *S. Ursulæ* venerunt, & supradictis VII. se associarunt suas portiones ibi relinquentes, atque exinde non modicum incrementum sumpsit hic coetus Religiosus.

Hoc Monasterium adservat horridum & asperum Cilicium Christi Martyris *Thomæ Mori* Angliæ Cancellarii sub *Henrico VIII.* Angliæ Rege anno 1535. quo corpus suum nobile affligere solitus; est autem ut describit *Thomas Stappelltonus* in ejus vitâ Cap. VI. per modum reticuli valde nodosum magis sanè quam vulgaria Cilicia Religiosorum esse solent. Item, adservant ejusdem Rosarium quo preces ad Deiparam Virginem fundere consuevit.

**CARMELITÆ EXCALCEATÆ VIRGINES**, harum Monasterium Virgini *Matri Mariæ*, & *S. Joseph* ejus Sponso sacratum est anno 1507. Ædificiis a *Constantia Helmanâ* Virgine Antverpiana coemptis, cui prima præfuit *Isabella a S. Paulo* domo itidem Antverpianâ, quæ Pontificatâ cum monialibus aliquot advenerat.

**DOMINICANÆ** Lovanii venere atque eis locus concessus est anno 1654. inchoatum eodem anno earum Monasterium a Sorore *Agatha Bennebroeck*, quæ post observatam Religiosissimè Regulam Suppriorissæ muneri immortua est anno 1666. Primæ Religiosæ quæ hanc Coloniam plantarunt ex Monasterio Antverpiensi evocatæ sunt; earum Ecclesia non nisi anno 1713. demum perfecta est, consecrata eodem anno die 28. Augusti; peractâ benedictione eodem die Sacrificium Altaris in eâ solemniter oblatum est.

**URSULINÆ VIRGINES** formandæ juventuti femineæ operam dantes, in hac urbe initia sumpserunt anno 1669. die 3. Aprilis, quo consensu Regio, Magistratus, atque auctoritate Archiepiscopali



VI. Religiosæ cum una novitiâ hûc advenerunt ex Monasterio Huiensi, & mense Aprili anni 1671. Monasterium construere aggressæ sunt, tanto successu ut intra duarum mensium spatium, quinque novitias ad Habitum & Regulam assumpserint.

## DE UNIVERSITATE.

LOVANIENSIS UNIVERSITAS toto orbe Christiano celeberrima: Eam instituit *Joannes IV.* Brabantiae Dux, cum Urbs Lovanienfis, pereuntelafificio, paulatim ad vastitatem rediret, approbante *Martino V.* Pontifice Maximo, & potestatem faciente omne genus artium docendi, solâ tamen Theologiâ excepta. Diploma datum est signatumque anno 1425. V. Idus Decembris. Hoc Diploma hic subjungimus ex *A. Miræi* Diplom. Belg. Lib. 1. Cap. CVII.

MARTINUS Episcopus, Servus servorum Dei, ad perpetuam rei memoriam.

Sapientiæ immarcessibilis, cujus inextinguibile irradiat lumen, cujusque infinitus est thesaurus, omnem habens vigorem, & virtutis Altissimi dispensator, omniumque Chrismatum elargitor, ipse Dominus ad hoc suæ miserationis dignatu, nobis licet immeritis sponsæ suæ, Universalis Ecclesiæ, Regimen piâ dispensatione commisit, & nostræ debilitatis oculo jugum imposuit Apostolicæ servitutis, ut in Petri specula positi, tamquam de supremo vertice ad infima mundi, protoplastique posteris, qui non nativitatis deposcunt fructus, sed intelligentiæ spiritu, eandem, cujus initium verissima est disciplinæ concupiscentia, perstringendi sapientiam, divinis educantur eloquiis, reflectentes intuitum, quid pro indisciplinatis errantium curandum mentibus pro hujusmodi illustranda Ecclesia ad fidei propagationem conferat Orthodoxæ, quid statui conveniat fidelium quorumlibet, prospiciamus attentius, & qualiter à fidelibus ipsis profugatis ignorantiae tenebris, illi post supereminetissimam Summi Opificis notionem, per ejusdem sapientiæ donum in via mandatorum directi, veri luminis pertingant claritatem, solertiùs intendentes eò ad quærendum ipsius sapientiæ alimenta litterarum studia, per quæ divini Nominis & ejusdem fidei cultus protenditur, militantis Ecclesiæ Respublica, in spiritualibus & temporalibus, cum animarum salute geritur, pax & tranquillitas ubilibet solidantur, omnisque conditionis humanæ dilatatur prosperitas, nostræ provisionis, sollicitudinis ope, Apostolicisque favoribus propensius excitemus.

Sane pro parte dilectorum Filiorum, nobilis Viri Joannis Ducis Brabantiae, ac Præpositi, Decani, Scholastici & Capituli Ecclesiæ Sancti Petri, nec non Burgi-Magistrorum, Scabinorum, & Communitatis Oppidi Lovanienfis, Leodiensis Diœcesis, nobis nuper exhibita petitio continebat:

Quod licet in Ducatu Brabantiae, & in aliis Dominiis ipsius Ducis, nec non etiam in Leodiensi, Trajectensi, Morinensi, & Tornacensi Diœcesibus, cæterisque ibidem circumvicinis partibus, & dominiis, multa famosa & insignia loca populo Christiano & rerum copiâ admodum opulenta existant, nullus tamen in illis locus esse noscitur, in quo saltem Generale vigeat Studium litterarum. Unde partium illarum plerique, commodo & usu studii carentes, vel hujusmodi litterarum imperitiæ subiacent, vel in remotis partibus degere habent, scientiæ hujusmodi in eis sectantes incrementum.

Verum Oppidum præfatum, quod de temporali dominio ipsius Ducis existit, adeò rerum copiâ, aëris temperie, multitudinis capacitate, atque domorum, & aliorum rerum necessariorum commoditate per Dei gratiam est refertum, quod ad hujusmodi receptandum, confovendumque Studium, aptum plurimùm & idoneum existere perhibetur.

Quapropter ipsi, Dux, Præpositus, Decanus, Scholasticus, Capitulum, Burgi-Magistri, Scabini, & Communitas (considerantes attentius, quòd inter cætera virtutum opera, quæ tamquam accepta Summo rerum Auctori Sacrificia, quæ per manus offeruntur humanas, illa Divinæ Majestati grata plurimum nullatenus ambiuntur, per quæ ad suscipiendum singulare virtutum Diadema illis, qui scientiarum

earum.



earumdem sitiunt acquirere margaritam, opportunis remediis, & auxiliariis commodis subventionis præsidium efficaciter impertitur) Generale litterarum Studium in eodem Oppido ordinari desiderant, ut inibi disciplinæ atque sapientiæ se studiis exercentes, sibi & aliis meliores effici valeant, partium illarum prosperitatis Auctore Dominò faciliùs incrementum sequatur.

Et nihilominùs Dux ipse, unà cum Burgi-Magistris, Scabinis, & Communitate hujusmodi domos aptas, & loca convenientia illic cum scamnis & aliis necessariis officinis pro Magistris, Doctoribus & Scholaribus, ac aliis pro tempore legentibus, docentibus, disputantibus & audientibus deputare: nec non eisdem Magistris & Doctoribus legentibus, de salario competenti annis singulis, vel aliàs de Beneficiis Ecclesiasticis providere:

Necnon quòd Rector Universitatis Studii hujusmodi pro tempore existens super omnia membra Universitatis ejusdem, & illorum servitores, tam in civilibus quàm in criminalibus, & aliis quibuscumque causis, negotiis & excessibus, sine impedimentis quibuscumque Jurisdictionem, coërtionem, & emendationem dictis Duci, Præposito, Decano, Scholastico, Capitulo, Burgi-magistris, Scabinis & Communitati, communiter vel divisim in eodem Oppido quomodolibet competentes, exercere valeat, concedere, & jurisdictionem, coërtionem, & correctionem hujusmodi à se penitus abdicare, & in Rectorem ipsum plenariè transferre:

Singulis quoque Doctoribus, Magistris & Scholaribus, causâ studii ad dictum Oppidum accedentibus, vel de illo recedentibus, pro tempore quæcumque sua, res & bona secum asportandi, & ea pro suæ voluntatis libito deportandi, sive ibidem vendendi, libertatem tribuere intendunt pariter & proponunt.

Quare pro parte dictorum Ducis, Præpositi, Decani, Scholastici, Capituli, Burgi-Magistrorum, Scabinorum & Communitatis, desiderantium etiam, quòd Magistri, Doctores & Scholares supradicti pro potiori dicti Studii incremento condignis Privilegiis se communitis sentiant, quibuscumque Privilegiis, libertatibus, immunitatibus & exemptionibus aliorum Generalium Studiorum, quantum in ipsis, Duce, Præposito, Decano, Scholastico, Capitulo, Burgi-magistris, Scabinis & Communitate, & aliis ipsius Ducis subditis fuerit, gaudeant & utantur, nobis fuit humiliter supplicatum, ut in dicto Oppido Generale litterarum Studium in qualibet licita Facultate erigere & ordinare, de benignitate Apostolica dignaremur.

Nos igitur, qui relatione fidâ, post informationem diligentem super habilitate loci, & aliis circumstantiis præmissis de mandato nostro receptam, Oppidum ipsum aëris temperie politum, singularumque rerum humano usui necessariorum ubertate refertum, & aliàs pro hujusmodi Studio locum aptum didicimus, pium, meritoriumque eorundem Ducis, Præpositi, Decani, Scholastici, Capituli, Burgi-magistrorum, Scabinorum & Communitatis desiderium, per quod scientiarum fons, ex quo ad Dei laudem & gloriam haurire possint singuli viri consilii maturitate perspicui, virtutum & dogmatum ornatibus redimiti succedant, plurimùm commendantes, hujusmodi supplicationibus inclinati, auctoritate Apostolicâ præsentium serie statui-mus, & etiam ordinamus: Quodammodo in dicto Oppido Generale in Facultate quolibet, præterquam in Theologia, sit Studium, illudque perpetuis futuris temporibus ibidem vigeat, & observetur: Quodque omnes & singuli Doctores, Magistri, & Scholares inibi omnibus & singulis libertatibus, immunitatibus, & indulgentiis quibuscumque Doctoribus, Magistris, & Scholaribus, Colonia, Wiennæ, ac Lipsensis, Pataviensis & Merseburgensis Diocesium Oppidis studii causâ commorantibus per Sedem Apostolicam, vel aliàs qualitercumque concessis gaudeant pariter & utantur.

Singuli verò, qui cursu feliciter consummato in ea Facultate, quâ hujusmodi inhæserint studio, bravium obtinere meruerint, sibi quoque etiam pro aliorum erudimento docendi licentiam, ac Doctoratûs sive Magisterii honorem petierint elargiri, per ipsum inibi Doctores sive Magistros Præposito (quem Cancellarium studii in Oppido hujusmodi esse perpetuò volumus) si illic præsens fuerit, alioquin Decano dictæ Ecclesiæ, pro tempore existentibus, sive aliis ab eis deputandis præsententur, ut ab illis, si servatis consuetudine & modis, super talibus in dictis Studiis Generalibus observari solitis, ad hoc exstiterint idonei, sufficientesque reperti, licentiam & honorem fortiantur & reportent antedictos: & qui quidem præsentati quàmprimùm illos adepti fuerint, absque ulterioribus ab eis habendis examine, & approbatione in ipsa



Facultate, quâ licentiam & honorem attigerint, in eisdem legere & docere liberè & licitè ubique possint & valeant.

Rursus quoque omnium & singulorum, causarum, & negotiorum cognitio atque decisio Doctorum, Magistrorum, Scholarium, membrorum atque servitorum eorundem, sive Clerici sive Laici fuerint, & etiam de quibuscumque criminibus, & excessibus, correctio & punitio, ac omnimoda super illis jurisdictio ad Rectorem Studii in eodem Oppido (quem dictum Scholasticum per primum quinquennium esse, & ex tunc annis singulis inibi juxta consuetudinem studiorum hujusmodi eligi volumus) & non ad Ducem, seu ejus Successores, Duces Brabantiae, Praepositum, Decanum, Scholasticum, Capitulum, Burgi-magistros, Scabinos, & Communitatem praefatos, aut aliquem ex eis, ipsorumve Officiales pertinere omnimodè dignoscantur, praefatisque Duci, Successoribus, Praeposito, Decano, Scholastico, Capitulo, Burgi-magistris, Scabinis, Communitati & Officialibus, & aliis quibuscumque, de causis & negotiis hujusmodi cognoscendi, sive illa dirimendi, aut membra & servitores hujusmodi, vel ex eis aliquem, pro criminibus, & excessibus eisdem, aut quomodolibet corrigendi vel puniendi, seu aliquam in eos superioritatem vel jurisditionem exercendi, facultate & auctoritate penitus interdictis: Non obstantibus constitutionibus & ordinationibus Apostolicis, & aliis contrariis quibuscumque.

Volumus autem, quod nisi infra annum, à data praesentium computandum, Dux, & Praepositus, Decanus, Scholasticus & Capitulum, ac Burgi-magistri, Scabini & Communitas supra dicti, prout eos communiter vel divisim contingere censetur, privilegia, & libertates concesserint, ac jurisditionem à se abdicaverint, & eam in Rectorem ac Universitatem praedictos transtulerint, antedicta realiter, & cum effectu, praesentes literæ, & quaecumque inde secuta, nullius existant roboris, vel momenti.

Nulli ergò omninò hominum liceat hanc paginam nostrae constitutionis, ordinationis & voluntatis infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, & beatorum Petri & Pauli Apostolorum ejus se noverit incursum. Datum Romae apud Sanctos Apostolos, V. Idus Decembris, Pontificatus nostri anno nono.

Notandum quod vitio typographi in eo Diplomate habeatur anno 1426. cum fuerit anno 1425.

Lectioes demum anno sequenti postridie Kalendis Octobris in ea primum sunt habitae secundum praescriptum praefati Ducis *Joannis*, quod habetur in II. Vol. Edictorum Brabantiae. Anno 1431. *Eugenius IV.* indulgit ut & Theologia in hac Universitate doceretur: cum ejus rei causa Legatos Romanam misisset *Philippus* Burgundiae Brabantiaeque Dux, cognomento bonus. Derivata & prognata est haec Universitas ex Colonienfi, & ad maxima quaeque dein ascendit.

Dotata est dein infinitis Pontificum, Principumque privilegiis, quorum haec praecipua de fructibus in absentia percipiendis. Datum anno praefato 1425. a praefato *Martino V.* De Nominationibus ad Collatores, Praelatos, Capitula quaecumque totius Belgii a *Sixto IV.* datum Ao. 1483. IV. Kalend. Maji. confirmatum ab *Alexandro VI.* Ao. 1503. a *Leone X.* Ao. 1513. & a pluribus Belgarum Principibus roboratum.

Universitatis Caput est Rector, quinque Facultatum Suffragio electus ad trimestre, nisi quod mos obtineat per semestre continuandi, quem in refractarios censuris uti posse Ecclesiasticis, respondit & permisit Pontifex *Alexander VI.* anno 1501, in quem Dux, Magistratus & Capitulum jus & jurisditionem transtulerunt Ao. 1426. adeoque ut fulminis Apostolici, ita gladii via in reos potest animadvertere. Diploma Ducis refertur in Diplom. Belg. A. Miræi Lib. I. Cap. CVIII. item Tom. I. Edict. Brab. ut sequitur.



In nomine Sanctæ & Individuæ Trinitatis.

JOANNES Dei gratiâ, Lotharingæ, Brabantæ, & Limburgiæ Dux; Sacrique Imperii Marchio, necnon Hannoniæ, Hollandiæ, Zelandiæ Comes ac Dominus Frisiæ.

Universis & singulis tam præsentibus quàm futuris hoc præsens Privilegium seu præsentis litteras inspecturis, visuris, seu audituris, Salutem & omne bonum.

Cum omnis gloria sive potentia Principatûs, in subditorum constat præcipuè solidata fortunis, decet & expedit, ut quilibet in quacunque præeminentia constitutus sit subiectis in gratia liberalis: tunc enim dignitas Principum veræ laudis titulis sublimatur, & eminenti decore præfulget, cum Provincias suæ ditioni subiectas ad suæ provisionis prosecutionem prudentum virorum copiâ, in qualibet litterarum scientia eruditorum, fortunâ favente prospexerit decorari, & inibi pro bono Reipublicæ & subiectorum commodis in quacunque professione studia publica & generalia meruerit obtinere, ut suarum incolæ aliarumque vicinarum, extranei patriarum, jejuni & famelici doctrinarum, inveniant, unde ipsorum aviditatibus fatisfiat.

Nec compellantur, ad investigandas scientias, peregrinas nationes expetere, nec in alienis regionibus mendicare, ut inibi disciplinæ atque sapientiæ se studiis exercentes sibi & aliis meliores effici valeant, quorum sapientiâ & providentiâ Provinciis eisdem & incolis earundem, Auctore Domino, cultus justitiæ, pax & tranquillitas, cum prosperitatis incremento indubiè speratur feliciter provenire.

Nuper siquidem Sanctissimus in Christo Pater & Dominus noster, Dominus MARTINUS Divinâ providentiâ Papa quintus modernus, V. Idus Decembris, Pontificatus sui anno nono, per suas litteras Apostolicas more Romanæ Curie bullatas (ut litterarum scientia Deo auctore magis magisque & uberius refloreat, mentes, intellectus & corda devotorum irriguo suo fonte madescat, ac per eam morum, virtutum & devotionum copiarum multiplicentur, & tamquam in tellure compluta fructum germinent speciosum) ad instantes & humiles preces nostri pro parte suæ Sanctitati repetitis vicibus suggestas, in Oppido nostro Lovanienfi, loco quidem amœnitatis jucunditate, rerumque victualium ubertate multipliciter redimito, ac aliàs tanto negotio congruenti & idoneo, Studium Generale, piè, & ex suæ benignitatis clementiâ duxit erigendum,

Quod diversis libertatibus, exemptionibus, & Privilegiis Apostolicis, ad aliorum Generalium instar Studiorum fulcitum gratiosè decoravit, voluitque & ordinavit idem Dominus noster Papa,

Quod nisi infra annum, à data prædictarum litterarum inantea computandum, omnium & singularum causarum, negotiorum & excessuum Doctorum, Magistrorum, Scholarum, membrorum & servitorum Universitatis Studii hujusmodi, sive Clerici sive Laici fuerint, cognitionem, decisionem, correctionem, punitionem, omnimodamque superioritatem, & jurisdictionem exercendi, in eisdem, in prædicto Oppido nostro, nobis nostrive Officiariis quomodolibet competentes, quarum cognitionem & executionem nobis penitus interdixit, quasque ad Rectorem Universitatis Studii hujusmodi pro tempore existentem censuit pertinere, à nobis abdicaverimus, & eas in Rectorem & Universitatem prædictos transfulerimus, ipsisque juxta earumdem litterarum continentiam, privilegia & libertates concesserimus, quod prædictæ literæ & quæcunque inde secuta nullius existerent roboris, vel momenti, prout in prædictis literis Apostolicis, quarum continentiam & tenorem præsentibus haberi volumus pro sufficienter expressatis, plenius vidimus contineri.

Nos igitur, qui inter multiplicia, quibus divinæ petimur largitatis affluxu, Principatus & Dominia debitum rememoratione jugi convertentes intuitum, his summo perè reddimur intenti, per quæ ad communem corundem nostrorum Principatuum & Dominiorum, & signanter Ducatus nostri Brabantæ, quem, suâ virtute poscente, non immeritò præ ceteris adamamus, totiusque Reipublicæ commoditatem, utilitatem & profectum, in quorum prosperitate utique prosperamur, Studium Generale Lovanienfe, per nos summis expetitur consiliis, & ardentibus desideriis expectatum, per Sanctissimum Dominum nostrum Apostolicum tam consultè quàm providè ad nostram crebram ut præmittitur instantiam ordinatum & erectum, cui jam gratiâ opulante divinâ de spectabilibus & egregiis Doctoribus, Magistris, Licentiatis, Baccalaureis & Legentibus, ipsorumque stipendiis, domibus, scannis, & aliis ad id necessariò requisitis, sufficienter providimus & provideri fecimus, tam laudabiliter inchoatum Deo propicio felicitibus sub auspiciis continuari valeat perpetuè duraturum.



Quapropter dignum arbitramur & rationi congruum, debitum etiam exigit æquitatis, ut omnes & singulos ad prædictum Oppidum nostrum studiorum causâ confluentes, & pro tempore degentes in eodem, speciali prosequamur gratiâ & favore, ac eodem privilegio, quo cæteros Burgenſes nostros, sub aliarum noſtrarum regimine protegamus, ut eo libentiùs & liberaliùs literarum studiis intendant, quo abundantius & uberiùs noſtri favoris gratiâ se sentiant communitos.

Hinc est, quod nos animo deliberato & de sano & maturo Procerum, Magnarum, Comitum, Baronum & Nobilium fidelium noſtrorum consilio pariter & assensu, pro nobis, noſtrisque heredibus & Successoribus Brabantiae Ducibus, universis & singulis Doctõribus, Magistris, & Scholaribus ad prædictum noſtrum Generale Studium confluentibus, & studiorum gratiâ degentibus in eodem, membrisque, servitoribus & successoribus eorundem, ex certa noſtra ſcientia, & noſtra pura & mera liberalitate, indulſimus, dedimus, conceſſimus & donavimus, ac tenore præſentium de gratia noſtra ſpeciali indulgemus, damus, concedimus & donamus, Privilegia, gratias, libertates, immunitates, exemptiones per modum & formam inferiùs annotatos.

Imprimis ſiquidem in Dei nomine omnibus & ſingulis Doctõribus, Magistris & Scholaribus, cauſâ ſtudii ad dictum noſtrum Oppidum accedere volentibus cum eorum familia, ac libris, rebus & bonis ſuis quibuſcumque, dum venerint, moram traxerint, vel receſſerint ab eodem, pro tempore quæcumque ſua, res, libros, & bona ſecum apportandi, & ea pro ſuæ libito voluntatis deportandi ſive vendendi per poteſtates & diſtriſtus noſtros, tam per terram quam per aquam, ſecuram & liberam concedimus facultatem, & fiduciam, & licentiam ſpeciales, nullis repreſaliis ac aliis cauſis obſtantibus: quibuſcumque bannitis, proſcriptis, & fugitivi à noſtris Brabantiae Ducatu & Lovaniensii Oppido prælibatis aut quibuſvis exigentibus demeritis & forfeſtis in corporibus ſeu membris corrigi meruerunt ſemper excluſis.

Et inſuper volumus & ordinamus, quòd omnium & ſingulorum cauſarum, negotiorum cognitio atque decifio Doctõrum, Magiſtrorum, Scholarium, membrorum atque ſervitorum eorundem ſive clerici ſive laici fuerint & etiam de quibuſcumque criminibus correctio & punitio, ac omnimoda ſuper illis iuriſdictio ad Rectorem Uni-verſitatis ſtudii huiusmodi pro tempore exiſtentem, & non ad nos noſtroſque Succeſſores vel Officiarios debeant integraliter pertinere:

Nulla nobis noſtriſve Succeſſoribus & Officiatis facultate & auctoritate penitus reſervatâ, de cauſis & negotiis huiusmodi cognoscendi, ſive illa dirimendi, aut membra & ſervitores huiusmodi, vel ex eis aliquem pro criminibus & exceſſibus eiſdem aut quomodolibet corrigendi vel puniendi, ſeu aliquam in eos ſuperioritatem vel iuriſdictionem exercendi, quas à nobis penitus abdicamus: quaſque in Rectorem & Uni-verſitatem prædictos, ceſſimus, contulimus, donavimus, tranſtulimus, ac realiter & cum effectũ cedimus, conferimus, donamus & transferimus per præſentes:

Præterea quoque pro potiori dicti Studii incremento, de uberioris dono gratiæ & munificentia ſpeciali volumus & ordinamus, dantes & concedentes, quòd uni-verſi & ſinguli Doctores, Magiſtri & Scholares cauſâ ſtudii in prædicto noſtro Lovaniensii Oppido pro tempore degentes membraque & ſervitores eorundem, omnibus & ſingulis favorabilibus Juribus, Privilegiis, libertatibus & franchiſiis ubique terrarum & poteſtatum noſtrarum potiantur & gaudeant, quibus cæteri Oppidani & Burgenſes eiſdem noſtri Oppidi ex Privilegio de jure vel conſuetudine uti atque frui potuerunt ſeu conſueverunt, Conſtitutionibus, Ordinationibus & aliis contrariis non obſtantibus quibuſcumque.

\* Vulgò  
*Maierus.*

Quocirca Senefcallo noſtro Brabantiae & \* Villico noſtro, nec non Burgi-Magiſtris, Scabinis & Communitati Oppidi noſtri Lovaniensii prædicti, cæteriſque juſticiariis, officiariis, & ſubditis noſtris per dictum Ducatum noſtrum Brabantiae ac aliàs ubilibet conſtitutis & loca tenentibus, ac cuilibet eorundem, præſentibus & futuris, tenore præſentium diſtriſtè præcipiendo mandamus: quatenus Rectorem, Doctores, Magiſtros & Scholares, membraque & ſervitores Uni-verſitatis Studii huiusmodi ſupra-dicti, noſtris indulgentiis, privilegiis, gratiis, libertatibus, immunitatibus & exemptionibus, uti & gaudere pacificè & quietè faciant & permittant, ſine impedimento & perturbatione quibuſcumque, ſub obtentu gratiæ noſtræ, ipſoſque debitis proſequi favoribus & honoribus ſtudeant prævenire, quibuſcumque moleſtationibus, injuriis & violentiis, ipſis illatis vel inferendis, potentialiter deſenſare, quos ex nunc inan-



tea recepimus in nostris protectione, securo conducto & custodia seu salvagardia speciali:

Quæ omnia & singula Rectori & Universitati prædictis, volumus & promittimus bonâ fide pro nobis & nostris heredibus & Successoribus imperpetuum inviolabiliter observari, fraude & dolo in omnibus & singulis semotis penitus & exclusis.

Ad cujus rei memoriam & robur perpetuò valiturum præsens Privilegium seu præsentis literas inde fieri & sigilli nostri appensione iussimus communiri.

Datum in Oppido nostro Bruxellensi, Anno Domini millesimo, quadringentesimo, vicefimo, sexto, mensis Novembris die septimâ. 1426.

*Sic scriptum supra plicam*

Per Dominum Ducem in suo Concilio, in quo Engelbertus Comes Nassoviæ, Dominus de Lecka, & de Breda.

Wilhelmus Comes de Seyne Dominus de Rode Sanctæ Agathæ.

Johannes Dominus de Wesemalia, & de Fallais.

Dominus Johannes Dominus de Rotfelaer & de Vorfelaer.

Dominus Henricus de Lecka Dominus de Hefewyck.

Johannes de Glimes Dominus de Berghis supra Zoomam, de Grymbergis & de Melino Barones.

Magister Cornelius Proper, Præpositus Cameracensis.

Johannes de Wytham Dominus de Bautershem.

Wilhelmus de Montenaken Dominus de Grafen, & de Wilre, & quamplures alii interfuerunt. Sic subscriptum: De Dwynter.

Cancellarii secunda in Academiâ dignitas est, eique proximus a Rectore in Conventibus, atque concessibus, sive publicis sive privatis locus datur. Cancellarius studii generalis Lovaniensis perpetuus est *Præpositus Ecclesiæ Collegiæ S. Petri*. Jurisdictionem nullam exercet; sed auctoritate Pontificiâ exactis studiorum spatiis, titulos & honores confert, puta *Licentiæ*, *Magisterii sive Doctoratus*.

Absente Præposito prædictæ Ecclesiæ *D. Petri* Decanus juxta Privilegia Pontificia eandem quam Cancellarius habet potestatem gradus & honores Academicos conferendi. Verumtamen neque titulo Cancellarii unquam utitur, nec etiam eidem tribuitur.

Cancellarium proximè sequitur *Conservator Privilegiorum*, tertia in Academia dignitas, cui inde nomen, quod Academiæ jurâ, privilegiaque tueatur atque conserveat, adversus quoscumque, quæ dignitas plerumque, sed non statâ lege, confertur Abbati Gertrudano.

Constat Universitas membris V. quas Facultates vocamus, prima est Veneranda Facultas Artium, secunda Theologica, tertia Legum juris Civilis, quarta S. S. Canonum, & quinta Medica.

Caput Venerandæ Facultatis Artium est *Decanus*, subcensentur huic Facultati quatuor, ubi Artes & Philosophia perleguntur Gymnasia, quæ vulgo Pædagogia vocantur, & nomina sua ab insignibus antea habitis sortiuntur videlicet *Castrum*, *Porcus*, *Lilium* & *Falco*, quæ certum est privatas ante domos fuisse & scholas particulares, de quibus mox pluribus agemus. Studium seu cursus Philosophici a Kalend. Octobris inchoandi, hodie biennii spatio absolvitur, idque in præfatis Pædagogiiis.

Ex quibus IV. Pædagogiorum concursu omnes & singuli qui annue promoventur, eo ordine fit, quem ex votis Professorum per schedulas datis eorundem Pædagogiorum Regentes colligunt. Magno vero honori tribuitur inter promotos in Artibus primum nominari & salutari, ut & in secundis tertiisque consistere, quod annue contingit Dominica post festum *S. Martini*,



*tini*, & in cujus Pædagogio primus est, ibi per triduum noctes diesque campana pulsatur & ibi tam diu est studiorum vacatio.

Locus Prælectionibus, Disputationibus, cæterisque exercitiis seu actibus Scholasticis obeundis a S. P. Q. Lovanienſi a conditâ Universitate deputatus est, qui cum adhuc in flore esset lanificiis serviebat, vulgò *Hallas* vocant, de quibus supra egimus, rectius hodiè *Athenæum* appellaveris. In eo auditoria sunt IV. unum Facultati Theologicæ, reliqua in quibus Canones, Leges, Medicina ac Mathesis publicè & perpetuo docentur, quod ædificium Ao. 1686. meliori ordine & Symetriâ constructum, ac mirum in modum decoratum & illustratum est.

## COLLEGIA UNIVERSITATIS.

In hac Universitate Collegia sunt XLI. quæ secundum antiquitatis seriem referemus, ac primo recensentur IV. Pædagogia in quibus Philosophia docetur.

- I. Pædagogium *Castri*, Fundator ejus *Godefridus de Goimpel* Cantor & Canonicus *S. Joannis* Evang. Sylvæducis, qui Ao. 1457. per executores sui testamenti ex ædibus suis erigi voluit Pædagogium, sive Collegium Scholasticum in Facultate Artium.
- II. Pædagogium *Porci*, Institutor ejus fuit Ao. 1430. *Henricus de Loë* Lovanienſis S. T. B. & annos aliquot rexit, qui in promotione Artium primum locum obtinuisse dicitur, hic Ao. 1441. mundo valedicens in domo Capellæ propè Angiam Hannoniæ oppidum Cartusianorum institutum amplexus, exactisque in Ordine XL. in opinione Sanctitatis ibidem mortuus est Ao. 1481. Complectitur autem hoc Pædagogium etiam ædes Reverendiss. *D. Henrici de Berghes* Cameracensis Episcopi, a quo pretio emptum Ao. 1516.
- III. Pædagogium *Lilii* primus fundator fuit *Carolus Viruli* vulgo *Manneken* qui & Regens per annos LVI. ejusdem Pædagogii fuit, ita dicti ab insigni domus, quam eidem Pædagogo legavit testamenti tabulis anno 1493. partim ad usum pauperum pro foundatione Bursarum, partim ad usum Magistrorum in Artibus in Pædagogo Lilii se exercitantium & actualiter legentium.
- IV. Pædagogium *Falconis* nomen sortitum, qui pro insigni domus esse solebat. Hunc fundum emit Ao. 1543. *Guilielmus Everaerts* propter proprium commodum. Ab hoc emptum Ao. 1546. Facultas Artium sub onere Pædagogii ad se traxit atque instauravit. Postea cum labentibus annis simul collabescere ædificia, disciplinaque inciperent *D. Martinus Balduini Rithovius* Episc. Iprensis, & *Joannes Venduillius* tunc Regi Catholico a Secretis Consiliis, partim Eleemosynis & opibus propriis, partim a bonis viris exoratis egregiè restaurarunt, & ab interitu vindicarunt, eâ tamen lege ut questus inde secutus ad pauperum alimenta atque amictum indigentium conficeretur. Denique Ao. 1597. *Nicolaus Zoësius* J. U. L. tum Ecclesiæ Tornacensis Canonicus & Officialis, dein Episc. Sylvæducensis, & *V. N. Carolus de Zillebeke* dictus *Tackoen* dictum Pædagogium emptione suam fecerunt, idemque Ao. 1601. sub certis conditionibus transtulerunt in D. D. Provisores ejusdem Pædagogii, quod sic paulatim ad pristinum suum florem rediit; hodieque splendida ostentat ædificia.



- I. COLLEGIUM THEOLOGICUM. fundatum Anno 1442. a *Ludovico de Rycke*. Vir hic Patricius erat & Principis Quæstor. Illud varii deinde dotarunt & foundationibus auxerunt. Tradunt *Bessarionem Cardinalem* Patriarcham Constantinopolitanum, Magnum in Græcis Virum, cum Legatus a S. Sede Ao. 1463. ad *Philippum Bonum* Brabantiae Ducem in Belgium missus esset hîc fuisse & hospitio exceptum in hoc Collegio & in memoriam sui reliquisse *Biblia* Manuscripta, quod Collegium crescente inhabitantium numero, visum fuit Anno 1562. in duo partiri prout divisum videmus; unde hodieum vocatur Majus & Minus Theologorum Collegium.
- II. COLLEGIUM S. IVONIS vulgo Juristarum. Primus hujus Collegii auctor & fundator anno 1483. *Robertus de Lacu* vulgo *vanden Poele*, pro studentibus in Facultatibus utriusque juris.
- IV. COLLEGIUM S. DONATIANI fundatum per *Antonium Haveron* Ao. 1484. pro jure Canonico studentibus, dein per *Joannem Carondoletum* Archiepiscopum Panormitanum, utrumque S. *Donatiani* Brugis Præpositum renovatum, auctum ac dotatum.
- V. COLLEGIUM HOUTERLÆUM Auctor hujus Collegii est *Henricus de Houterlæ* Presbyter & Scholasticus *D. Petri*, conditoque testamento Ao. 1499. prædictum fundavit Collegium pro S. Theologiæ alumnis.
- VI. COLLEGIUM WINCKELIANUM Auctorem primum agnoscit *Joannem de Winckele* Scribam & Notarium Conservatoris Privilegiorum Universitatis Lovaniensis, qui obiit anno 1505. & moriens præcipua sua bona contulit in foundationem hujus Collegii ad usum Studiosorum utriusque juris.
- VII. COLLEGIUM ATREBATENSE fundatum per *Nicolaum Rutherium* vulgo *Ruistre* ex Præposito *D. Petri* &c. Atrebatensem Episcopum Ao. 1509. pro Philosophiæ, vel Theologiæ vel Juris Canonici Studiosis.
- VIII. COLLEGIUM STANDONICUM institutum fuit anno 1490. a Viro incomparabili *D. Joanne Standonck* Sacrarum litterarum Doctore & Professore Parisiis. Is natus Mechliniæ tenuissimæ fortunæ parentibus, & ad supremum S. Theologiæ Magisterium in celeberrima Academia Parisiana meruit promoveri. Hic piorum virorum eleemosynis adjutus instituit Parisiis, Lovanii, Mechliniæ in patriâ, Cameraci & Valencenis Collegia seu Domus pauperum, pro Philosophiæ & S. Theologiæ Studiosis. Obit fundator Parisiis anno 1505.
- IX. COLLEGIUM TRILINGUE, in quo Hebraica, Græca, & Latina suos Præceptores seu Professores habet. Alio nomine *Buſſidianum* dicitur, nimirum ab auctore *Hieronymo Buſſidio* Præposito Aienſi, gratioſo apud *Carolus V.* viro, qui moriens opes suas in studiorum usus communiter convertit. Ao. 1517.
- X. COLLEGIUM PONTIFICIUM ab *Adriano VI.* ante Pontificatum; cum hic Decanus in *D. Petri* æde erat, destinatum; & ultimæ voluntatis tabulis conditis, die ante obitum decimo anno 1523. die 3. Septembris pro S. Theologiæ Studiosis fundavit, ab aliis dein auctum & dotatum.
- XI. COLLEGIUM S. ANNÆ. instituit *Nicolaus Goublet* Præpositus Dionantensis Anno 1535. pro Studiosis primum Philosophiæ, & postea S. Theologiæ vel Juris.



- XII. COLLEGIUM SABAUDICUM fundatum anno 1551. per *Eustachium Chapuis* Sabaudum ex oppido Anessiaccensi oriundum, Consiliarium *Caroli V.* Cæsaris in favorem potissimum juventutis Sabaudicæ S. Theologiæ vel Juris utriusque Studiosis.
- XIII. COLLEGIUM DRIUTIANUM institutum per *Michaellem Driutium* J. U. Doctorem, Decanum *S. Petri* & Episcopi Leodiensis Officiale Ao. 1559. dein dotatum per *Remigium Driutium* II. Episc. Brugensem præfati *Michaelis* ex fratre nepotem.
- XIV. COLLEGIUM DALENSE fundavit *Petrus van Daele* J. U. D. Canonicus Cathedralis Antverpiensis & Collegiatae *S. Martini* Alofti Decanus &c. Anno 1569. & primo pro Philosophiæ, inde pro S. Theologiæ vel Jurisprudentiæ alumnis excitavit, tanto quidem Peristyliorum apparatu & structuræ magnificentiâ, ut Serenissimis Belgarum Principibus, & Præfectis Belgii eò divertentibus hospitium præbere soleat.
- XV. COLLEGIUM VIGLIANUM a *Viglio ab Ayta Zwichemio D. Baronis* Gandensium Præposito, & in Sanctiori apud Belgas Senatu Præsidente erectum anno 1569. primo pro Philosophiæ, ac deinde S. Theologiæ, vel Juris Canonici Studiosis.
- XVI. COLLEGIUM CRAENDONCK fundavit *Marcellus Craendonck* ad *D. Jacobum* Lovanii Canonicus Ao. 1574. in honorem *V. Vulnerum Christi* dedicatum, ad usus totidem Studiosorum Philosophiæ, S. Theologiæ aut Juris Canonici.]
- XVII. COLLEGIUM DIVÆI à *Gregorio Divæo* Bruxellensi donatum dotatumque anno 1575. per Testamenti sui tabulas, pro S. Theologiæ alumnis.
- XVIII. COLLEGIUM BRUEGELIANUM. Unicum est in Facultate Medicâ, *Petro Bruegelio* Sylvæducenti Medicinæ Doctore & Professore Regio auctore Anno 1577.
- XIX. COLLEGIUM seu SEMINARIUM REGIUM. *Philippus II.* Rex Catholicus & Belgarum Princeps instituit, procurante apud Regem *Joanne Venduillio*, tum eidem Regi a Secretioribus Consiliis, post Ecclesiæ Tornacensis Episcopus. Signatum Diploma Anno 1579. Mense Martio. Qui hic aluntur & formantur animarum curis destinantur. Primus Præsès hujus Collegii fuit *Joannes a Stryen II.* Middelburgensium Episcopus ob Religionem exul, qui obiit Lovanii Ao. 1594. sepultus in *S. Quintino*, cujus Epitaphium supra exhibuimus.
- XX. COLLEGIUM PRÆMONSTRATENSE inchoarunt & fundarunt pro sui Ordinis Alumnis Anno 1571. quatuor Abbates *Carolus vander Linden* Parchensis, *Ægidius Heyns* Averbodienfis, *Gerardus van Campenhout* Grimbergensis, & *Michael Malenus* Ninoviensis in Flandriâ, quibus se mox adjunxerunt alii tres Tongerloensis, Antverpiensis & Heylissemensis. In eum finem concessit contractu inito præfatus Abbas Grimbergensis ædes sui Monasterii Lovanii sitas.
- XXI. COLLEGIUM PELSIANUM a *Joanne Pelts* Westphalo Universitatis Notario Reclusianis suis destinatum Anno 1584. pro S. Theologiæ vel Juris Studiosis.
- XXII. COLLEGIUM MONTENSE a *Joanne Bievene* J. U. D. relictum Ao. 1596. atque a *Joanne Sauvaigne* Arthesio S. T. B. F. & Capellano in *D. Petri* Ao. 1646. dotatum; qui velut alter fundator & primus dotator merito haberi debet.



- XXIII. COLLEGIUM seu SEMINARIUM LEODIENSE. erigi cœpit Anno 1605. Auspiciis Serenissimi *Ernesti Bavari S.R.I. Electoris Coloniensis*, Episc. Leodienfis &c. in hoc Collegio qui Principis Clerique Leodienfis munificentia aluntur, omnes S. Theologiæ sunt Studiosi, singulique ad curam destinantur animarum.
- XXIV. COLLEGIUM BAYANUM exordia sua, Statutaque accepit a *Jacobo Bayo S. T. D.* ac Professore Regio, & ad *D. Petrum* Canonico & Decano, qui quidquid bonorum ipse possidebat, tum ex aliis patru sui *Michaelis Bayi S. T. D.* celeberrimi bonis, moriens suo *Bayano* Collegio destinavit universum anno 1614. pro Artium Magistris tendentibus ad Sacerdotium & Pastorum.
- XXV. COLLEGIUM D. PULCHERIAE vulgo *Hollandicum*. Occasionem huic Collegio dedit anno 1616. pia cujusdam foundationis ad propagandam fidem Orthodoxam Romanam in Universitate Coloniensi divisio; cui deinde ea ex multorum liberalitate accesserunt incrementa, ut inter prima Academiae hujus Collegia censeretur debeat. Theologi qui in eo aluntur fidei ut dixi propagandæ in Fœderato Belgio destinantur, quibus etiam a Philosophiæ studio facere initium licet.
- XXVI. COLLEGIUM CANONICORUM REGULARIUM S. AUGUSTINI anno 1618. prima initia accepit, procurantibus *Antonio van Berghim* & *Joanne Peetersen* respectivè Viridis Vallis & Bethleemitici juxta Lovanium Prioribus, pro sui Ordinis, ac Capituli Windesemenfis Religiosis.
- XXVII. COLLEGIUM MYLIANUM sive *Luxemburgense* fundatorem habuit *Joannem Mylium J. U. D.* qui obiit Madriti anno 1596. verum propter difficultates cum executoribus ejus testamenti, & lites supervenientes, erectum tandem est hoc Collegium Anno 1619.
- XXVIII. COLLEGIUM ORDINIS TEUTONICI instituit Generosus *D. Edmundus Huyn ab Amstenradt* Commendator Provincialis Ord. Equitum Teutonicorum Provinciæ *Juncetanae* (vulgo *Alden-Biesen*) anno 1621. pro XII. Artium ac Philosophiæ, hinc S. Theologiæ Studiosis, qui ubi Sacerdotes ordinati fuerint, redire ad Ordinem tenentur, ut in eo probato anno uno, dein Cruce ejusdem Ordinis insigniantur.
- XXIX. COLLEGIUM PASTORALE HIBERNORUM. Auctor ejus fuit Illustrissimus *D. Eugenius Matthæus* Archiepiscopus Dublinensis in Hiberniâ, qui Romæ agens movit ad hoc Patres, qui e Cardinalium Collegio sacræ de propagandâ fide Congregationi assident. Inchoatum hoc Collegium Anno 1623. Qui hic aluntur navatâ operâ Rhetoricæ & Philosophiæ, deinde S. Theologiæ se dare tenentur, inde in Vincam Domini & Curam animarum mittendi in Hiberniam.
- XXX. COLLEGIUM S. WILLEBRORDI *Nicolaus Zoësius V.* Sylvæducensis Episcopus in vitâ, & moriens fundavit Anno 1625. pro S. Theologiæ Studiosis curis præficiendi Pastoralibus.
- XXXI. COLLEGIUM ALNENSE. Auspiciis Reverend. Adm. *D. Edmundi de Jourvent* Abbatis Alnensis Ord. Cisterc. Ao. 1629. ejusdem Cœnobii Religiosis dedicatum fuit.
- XXXII. COLLEGIUM D. JOANNIS MALDERI. Instituit & fundavit *D. Joannes Malderus V.* Antverpiensium laudatissimus Episcopus, familiæ suæ cum paternæ tum maternæ, pro S. Theologiæ Studiosis ultimis testamenti tabulis anno 1633. quo vivendi finem fecit.
- XXXIII. COLLEGIUM D. FRANCISCI HOVII. ab Auctore ut plerisque aliis



aliis nomen Collegio datum fuit. *Is Franciscus Hovius* S. T. L. ejusdemque in Abbatia Gertrudanâ Lovanii Professor, inde a *S. Walburgim* Antverpiæ totos XXVII. annos sedulus Pastor obiit Anno 1633. conditoque testamento ex domo suâ quam Lovanii adquisierat institui voluit novum Collegium cum hac inscriptione, *Patrimonium Christi*, idem Collegium nominando & instituendo Hæredem pleno jure institutionis pro S. Theologiæ alumnis.

XXXIV. COLLEGIUM VILLARIENSE. Anno 1660. exordium sumpsit favore & curâ *Bernardi vander Heck* Abbate Villariensi Ord. Cisterciensis.

XXXV. COLLEGIUM S. MICHAELIS fundatum anno 1670. Auctores & fundatores habet *Paulum Hubens* qui obiit anno 1618. & *Laurentium Zoënum* S. T. L. Collegiatæ D. Petri Canonici & Præsidentem Collegii Divæi. Primus Præses constitutus est *Laurentius Zoënius* ejus ex fratre nepos.

XXXVI. COLLEGIUM PROVINCIAE MECHLINIENSIS initium sumpsit Anno 1675. curâ & studio Magistratus Urbis Mechliniensis.

XXXVII. COLLEGIUM S. S. WILLEBRORDI ET BONIFACII vulgo ALTICOLLENSE *Teutonicè den Hooghen Heuvel*. Lovanium translatum ex Universitate Colonienfi Anno 1685. pro S. Theologiæ Studiosis fidei propagandæ destinatis in Foederato Belgio, Auspiciis *Joannis van Neercassel* Episcopi Castoriensis, Vicarii Apostolici per Foederatum Belgium, cui saluberrimas leges, & accommodam disciplinam præscripsit, cuique moriens Ao. 1686. liberaliter providit.

XXXVIII. COLLEGIUM S. S. TRINITATIS vulgo *Novum Collegium* in quo studia usque ad Logicam docentur. Initia sua coepit anno 1657. est structuræ magnificentia multum insigne.

## SUBURBANUM LOVANIENSE.

In Urbis Lovaniensis Suburbano, Antiquitatis, & Ordinis, & meriti jure primum est *Abbatia Vlierbacensis* Ord. *S. Benedicti* sive ut antiqui scribebant *Fliderbeca*. Hujus Coenobii auctor fuit *Godefridus* primus cognomento *Barbatus* Dux Lotharingiæ & Comes Lovaniensis: iste locus traditus fuit Monasterio Affligemienfi ab eodem *Godefrido*, ut ibidem *Cella* construeretur & Monachi ponerentur, qui die noctuque supplicarent pro salute dicti *Godefridi*, qui etiam Successores suos Comites Lovanienses loci Advocatos seu Protectores constituit.

Notandum quod *Benedictini* suos Prioratus & minora Monasteria olim *Cellas* vocabant.

Hujus foundationis Diploma conscriptum Anno M. C. XXV. quod recitat *A. Miræus* in Cod. Piar. Donat. Cap. LXXX. novæ edit. ut sequitur.

In nomine sanctæ & individuae Trinitatis. Ego GODEFRIDUS, Dei ordinatione, Dux & Marchio Lotharingiæ, atque Comes Lovaniæ, omnibus fidelibus cælestes mercari divitias.

Considerans omnem mundi gloriam, instar fluminis, raptim præterfluere; & omnes amatores suos subito inanes & vacuos relinquere, utile mihi fore perspexi & necessarium, ut de divitiis, divinâ mihi largiente bonitate concessis, aliqua servis Dei vivens impartirer, quæ moriens integra invenirem.

Locum itaque quemdam FLIDERBECA appellatum, ab omni potestate; tam



mea, quàm Ecclesiæ Lovaniensis, liberum, beato Petro Hassligemienſis Ecclesiæ (ſicut moris eſt Principibus) cum omnibus pertinentiis ſuis liberè tradidi; ut Abbas Haſſligemienſis Cellam ibi, Dei & meâ meorumque opitulatione, extrueret, Monachos poneret, qui nocturne pro mea, meorumque ſalute, Deo ſupplicarent. Ut autem firma pax & concordia inter Clericos & Monachos, ſicut decet, inviolabiliter perſequeret, ex utraque parte immutabiliter decretum eſt; ne altera pars quidquam, quòd juris ſit alterius partis; ſibi uſurpet.

Advocatus verò loci erit, quicumque LOVANIÆ Comes fuerit: qui Advocatum alium pro ſe numquam conſtituet, nec de Advocatia illa aliud beneficium exiget aut recipiet, niſi devotas à fratribus orationes, & æternam à Chriſto remunerationem. Præterea omnem uſum tam in ſilvis, quàm in palcuſis, & aquis meis, fratribus libenter annui, & ut à teloneo, & omni hujusmodi exactione, in omni loco juris, perpetuò ſint liberi.

Ut autem hæc traditio noſtra firma & inconcuſſa perſequeret, præſentem paginam ſigillo meo ſignavi, & idoneis teſtibus, quorum ſubſcripta ſunt nomina, confirmavi.

Signum Meuronis Decani.

S. Richesonis Scholaſtici.

S. Everardi.

S. Joannis & Henrici de Bierbeke.

S. Henrici de Landen.

S. Wilhelmi de Bechevoort.

S. Arnulfi de Oppendorp.

Datum eſt hoc LOVANIÆ anno Incarnationis, milleſimo, centeſimo, viceſimo quinto. Indictione III.

*Menzonis.*

*Oppendorp.*  
1125.

Hanc donationem confirmavit *Henricus* Epiſc. Leodiensis Ao. 1147. & *Eugenius III.* Papa Anno 1148.

Diviſum eſt hoc Monasterium ab Affligemienſi Cœnobio cum conſenſu utriuſque Conventus ſub certis conditionibus, hac inter alias, quod niſi egremio Affligemienſium Abbates ſibi eligerent Vlierbacenſes: Id factum Anno 1173. Dein prædiis paulatim immunitis *Alexandri IV.* Pont. Max. juſſu Vlierbacenſes ab omni ſubjectionis jure, quo Affligemienſibus erant obnoxii, anno 1258. ſunt abſoluti, conſeſſumque ut Abbatem e gremio ſuo eligerent; primitus enim Præpoſitura erat ſeu Prioratus ab Affligemienſi Monasterio dependens.

*Diploma eſt in. Suppl. Diplom. Mlr. ei pag. 830.*

Situm eſt hoc Monasterium dimidio ferè milliari a Lovanio extra portam Dieſthemienſem. In turbiſ Belgicis pulcherrima ædificia pleraque & templum ipſum ignis abſumpſit, ab Hæreticis anno 1572. die 25. Septembris injectus.

Post vaſtatum Cœnobium Religioſi aliquamdiu in Trudonopolitano quod emerant hoſpitio Lovanii egerunt, donec anno 1596. auctoritate Apoſtolica Beggardorum in hac urbe Cœnobium (ordinem & Regulam S. Benedicti aſſumentibus qui inibi ſupererant Religioſis) eis conſeſſum eſt.

Hoc Beggardorum Cœnobium, quia Benedictinæ vocationi minus commodum foret Anno 1626. Patribus Oratorii pretio venditum, hætenuſque ab iſdem incolitur & Vlierbacenſem aliam commodiorem domum emptam inhabitaverunt, uſque ad annum 1642. quo Lovaniensi reſidentiâ deſertâ Vlierbacum reverſi ſunt, ac nova ædificia ſolida & apta e ruderibus humi jacentibus erexere, & inſignem dein Eccleſiam conſtruxere.



## ABBATES VLIBACENSES.

- I. EVERARDUS electus in Abbatem anno 1162. Obiit 18. Octobris; annus ignoratur uti & aliquot sequentium.
- II. WIGERUS Obiit 4. Augusti.
- III. THEODORICUS. Vir undique magnus Anno 1188. ab *Henrico* Cardinale Legato a latere *Gregorii VIII.* Episcopo Albanensi Leodii in majori Ecclesiâ solemner Benedictus. Obiit Ao. 1235. die 11. Aprilis.
- IV. GODESCALCUS vixit Ao. 1242. Obiit 4. Maji.
- V. FRANCO VAN ISSCHE e Monasterio Affligemiensi assumptus, uti & IV. ejus prædecessores. Vixit 1260. Obiit 18. Julii.
- VI. ARNOLDUS DE FLIDERBECA primus ex Vlibacensibus eligitur in Abbatem Obiit 1276.
- VII. ARNOLDUS. Vixit 1297.
- VIII. ARNULPHUS. Obiit 13. Januarii.
- IX. ADOLPHUS. Vitâ excessit 1. Januarii.
- X. GODEFRIDUS I. Mortuus 25. Januarii circa annum 1315.
- XI. GUILIELMUS DE CALSTRIS Patricia stirpe apud Lovanienses oriundus. Obiit 13. Novembris, annus ignoratur; vixit 1324.
- XII. GOSWINUS. Excessit e vitâ 24. Aprilis; annus ignoratur.
- XIII. WALTERUS I. Vivere desit die 13. Novembris.
- XIV. JOANNES KEYNOGHE. Obiit Anno 1350.
- XV. GUILIELMUS DE NETHENE ex Monacho Gemblacensi. Obiit Ao. 1361.
- XVI. THEODORUS NAGEL Monachus Abbatiae Egmondanæ in Hollandia, Equestri stirpe ortus. Vixit Ao. 1367. Obiit 7. Novembris, incertum quo anno.
- XVII. WALTERUS CANSE. Vixit Ao. 1381. Mortuus 19. Januarii.
- XVIII. RUDOLPHUS. Vixit 1399.
- XIX. ROLANDUS Vlibecanus. Obiit Ao. 1415.
- XX. RADULPHUS KEYSERS. Obiit Ao. 1424. die 29. Aprilis.
- XXI. ROBERTUS DE BERTHEM Obiit Ao. 1456. die 31. Martii.
- XXII. LEONARDUS DE GRIBOVAL. antea Religiosus *S. Bertini* apud Audomarenses, nobilitate ac doctrinâ conspicuus & J. U. D. in Universitate Lovaniensi, scriptis etiam editis clarus. Mortuus Ao. 1484. die 29. Novembris.
- XXIII. JOANNES DE LANGRODE illustri familiâ progenitus, hujus ævo Ao. 1518. per Abbatem *S. Jacobi* Leodiensis & Apostolicæ sedis Commissarium, introducta est in hoc Cœnobio Reformatio Bursfeldiensis. Obiit Ao. 1519. die 25. Martii.
- XXIV. LEONARDUS VRANX. Hic ex indulto Apostolico in Procuratore Augustiniano Lovanii, factus Benedictinus in Vlibeca, dein electus Abbas; Vir nobilitate & pietate clarus. Obiit Ao. 1535. die 8. Martii.
- XXV. JOANNES PANHUYS Hougardiensis prima professione Bogardus, dein Professus in Vlibecâ Regulam *S. Benedicti*, exinde electus Abbas, a *Clemente VII.* Papa Ao. 1532. Mitram & Pontificalia obtinuit. Obiit Ao. 1543. die 5. Septembris.



- XXVI. JOANNES MAROTEL. Religiosus Abbatiae *S. Bertini* apud Audomarenenses; cessit Ao. 1567. postquam praeuisset annis XXIV. Obiit Ao. 1568.
- XXVII. JOANNES HAUTAERT Affligemio evocatus electus Abbas. Mortuus est Anno 1571. die 23. Julii.
- XXVIII. PETRUS COELS dictus *Glymes*, genere Illustris ex Præposito electus Abbas in Vliedebeca, varias calamitates & miseras perpeffus est, a militibus Statuum Hollandiae captus, vinculis constrictus & variè circumductus, Gertrudisbergâ incarceratus; tandem gravi lytro redemptus ad suos rediit. Mortuus Anno 1586.
- XXIX. LIBERTUS SCHALOEN ab *Hulsbergh*, nobili genere natus; Prior in Abbatia *S. Trudonis* in Hasbaniâ, demum electus Abbas in Vliedebecâ. Anno 1599. ab Ordinibus Brabantiae Deputatus in inauguratione Serenissimorum Principum *Alberti & Isabella*, eorum juramentum excepit in loco solito propè Lovanium. Obiit Anno 1609. die 25. Januarii.
- XXX. PETRUS LEMMENS. Bruxellensis, ex Religioso Abbatiae *S. Vedasti* Atrebatî hîc electus Abbas. Obiit Anno 1627. die 26. Martii.
- XXXI. PETRUS SCRIBS Duacensis, Coadjutor sui Prædecessoris cum jure Successionis ab Ao. 1624. & Ao. 1630. Benedictus. Hic Abbas Religiosos suos, qui dudum fuerant morati Lovanii, ad Abbatiam & pristinum domicilium reduxit anno 1642. Obiit Ao. 1652. die 23. Septembris.
- XXXII. ROBERTUS GARESTA Bossûtensis, sæpius Deputatus Ordinarius ad Comitata Statuum Brabantiae. Obiit 1676.
- XXXIII. PLACIDUS LE FORT Duacenus. Obiit Ao. 1690.
- XXXIV. PHILIPPUS WALRAEVENS Hallensis. Obiit Ao. 1698.
- XXXV. PETRUS PARADANUS Turnhautanus olim superior aliquorum Eremitarum in Campiniâ in commune viventium, hodie præest.

Ad Australem partem & muros Urbis Lovaniensis sefe offert *Parchum*; Abbatia Ordinis Præmonstratensis, nomen habet ab ipsâ re & usu quem antea habuit, ut notat etiam *J. Lipsius*, fuit enim (inquit) *Vivarium* sive locus clausus, alendis feris ad delectationem Principum; quod genus *Parchos* nostri & finitimi dicunt, Flandricè *Waranden*. Olim & ab annis plusquam quingentis vetustiores Codices *Parchum*, & inde *Parchenses*. Hunc ergo locum ad meliores usus convertit *Godefridus Barbatus* Dux Lotharingiae; & Comes Lovaniensis in Monasterium Ord. Præmonstratensis Anno 1129. eundem locum *Waltero* Abbati *S. Martini* Laudunensis tradidit, filiis suis *Godefridi* & *Henrico* consentientibus; *Alexandro* Episcopo Leodiensi approbante Anno 1131. Qui quidem *Walterus* Fratres aliquot ex Cœnobio *S. Martini* Laudunensis eodem adduxit, & Disciplinam Monasticam, cæteraque eò pertinentia constituit. Quibus ritè peractis ad pristinum suum Monasterium anno 1131. rediit, *Simone* Canonico *S. Martini* Laudunensis Abbate apud Parchenses constituto. Præfatus Dux *Godefridus* Anno 1140. eodem mense Januario, quo obiit, donat Parchensibus varia Privilegia & Villulam cum mansionariis de *Vinckenbosch* &c. Hæc Diplomata Ducis *Godefridi* exstant in Cod. Piar. Donat. A. Miræi novæ edit. Cap. LXXXI. & in Supplem. Dipl. Part. I. Cap. XXIV. ac *Alexandri* Episc. Leod. in Cod. piar. Donat: Cap. LXXXII. Sequuntur Diplomata.



In nomino sanctæ & individuæ Trinitatis. Quia nova, quæ veteribus succedunt, ipsa vetustatis facta oblivisci nos faciunt: notum volumus fieri tam presentibus, quam futuris, quod GODEFRIDUS Dux Lotharingæ, idem & Marchio, & Comes, tam pro salute sua, quam suorum, silvulam in australi parte Lovaniæ sitam, quam fossato, & vallo clausam ferali lustro deputaverat; Deo inspirante, in meliores usus volens convertere, annuentibus filiis suis Godefrido & Henrico, Fratri Gualtero Abbati Ecclesiæ B. Martini de suburbio Laudunensis civitatis, & Fratribus suis secundum Regulam B. Augustini viventibus, ad construendam in ea Ecclesiam, in honore Sanctæ Dei Genitricis Mariæ, perpetuo possidendam donaverit.

Hoc etiam impetrante Tietdelino villico cum Uxore sua, qui omnia quæ infra ejusdem loci ambitum possidebat, scilicet tam molendinum, quam terras adjacentes, ad opus eorundem Fratrum, annuentibus hæredibus suis, in manu Ducis reddidit, hoc interposito, quod quam diu ipse, & Uxor ejus superessent, beneficia quædam; si vellent, in usus suos retinerent, sic tamen ut post obitum utriusque, Fratres Ecclesiæ Sanctæ Mariæ nulli ex hæredibus suis, aliquid de omnibus, quæ infra prædicti loci terminum continentur, rependerent.

Hoc autem factum est assensu Domini Alexandri Leodiensis Episcopi, qui eundem locum, per Decanum suum aquæ benedictæ aspersione visitavit, & prædicto Abbati & Fratribus suis Basilicam in honore Sanctæ Dei Genitricis ibidem ædificandi licentiam dedit.

Deindè verò ut præfatus locus ab omni Parochiali jure liber esset, & Fratres qui pro salute animarum suarum ad eam convenerint in libertate filiorum, soli Deo vacarent, Canonicos S. Petri Lovaniensis Ecclesiæ, & Fratres Ecclesiæ Sanctæ Mariæ, ipse Dux perpetuâ pace composuit.

Nam pro decima termini Lovaniensis Parochiæ, qui claudebatur hoc præcinctu, & pro decima omnium, quæ ibi haberentur, Ecclesiæ Lovaniensis singulis annis de suo allodio in villa, quæ dicitur *Hulsebeek*, tres solidos & sex denarios contulit, hoc appposito, ut neque Fratres sui aliquem de Parochianis Lovaniensis Ecclesiæ, postquam inciderit lectum ægritudinis, sive aliquem de Mortuis ejusdem Ecclesiæ sepeliendum acciperent, vel aliquid sibi usurparent de jure præfatæ Ecclesiæ, nisi ex consensu Præpositi, sive Canonici, vel Parochialis Sacerdotis, ad quos Parochiale pertinet beneficium.

Ut autem inter utraque Monasteria charitas intemerata permaneret, Fratres Ecclesiæ S. Petri & Fratres Cœnobii S. Mariæ, hoc debitæ charitatis se vinculo invicem conjunxerunt, ut quicumque Canonicus alterius loci mortis debitum solveret, Fratres loci alterius pro illo eadem, quæ pro uno suorum Fratrum tam in Vigiliis, quam in Missarum solemnibus, celebrarent officia.

Hæc autem fuit conditio inter Ducem & præfatum Abbatem S. Martini de prædicto loco, dum annuente Deo, & B. Virginis prosperantibus meritis, idem locus Conventum duodecim Canonici sustinere poterit, Fratres ibidem permanfuri Abbatem de professione Laudunensis Ecclesiæ canonicè eligent, & postea ab obedientia Abbatis Sancti Martini erunt soluti, nisi fortè, instigante diabolo, Abbas Ecclesiæ S. Mariæ à Regulæ suæ tramite, vel consuetudine Laudunensis Cœnobii deviare: habebit cum Abbas Laudunensis secundum institutionem Ordinis sui corrigere.

Post liberam verò & canonicam Abbatis sui electionem, Fratres Ecclesiæ S. Mariæ gratuitum Ducis Lovaniensis postulabunt assensum. Deinde verò Abbas electus virgam Pastoralem ab alteri Ecclesiæ S. Mariæ accipiet, & à Fratribus suis Episcopo Leodiensi consecrandus præsentabitur.

Hæc itaque facta sunt Lovaniæ, & confirmata anno Incarnationis Domini MCXXXIX. Indictione septimâ, his, quorum nomina subscripta sunt, Testibus.

S. Sigeri Præpositi.

S. Onekini Presbyteri.

S. Magistri Rekefonis.

S. Rodulfi Capellani.

S. Regenbaldi Presbyteri.

S. Walteri Subdiaconi.

S. Everardi Subdiaconi.

S. Magistri Menifonis.

S. Henrici Castellani.



S. Arnulphi Grimbergenfis.  
 S. Gerardi Grimbergenfis.  
 S. Gofuini de Heverle.  
 S. Arnulfi Dapiferi, & fratrum fuorum Wilhelmi, Walteri.  
 S. Reyfonis.  
 S. Henrici.  
 S. Tietdelini Villici.  
 S. Gifleberti.  
 S. Ronulfi.  
 S. Franconis Castellani.

In Nomine Domini amen. Postquam ego GODEFRIDUS Dux Lotharingæ, qui & Marchio, Monasterium de Parcho Ordinis Præmonstratensis, in honorem B. Mariæ fundassem, ob meam & meorum salutem, more & lege Virorum illustrium, quasdam libertates ac etiam bona Fratribus in dicto Monasterio Domino servientibus donavi.

*Ex Descriptione  
 Abbatiæ  
 Parcensis  
 per Sunderum.*

Ipsam itaque *Parcum* qui adjacet Lovaniæ in australi parte, eisdem Fratribus donavi cum pertinentiis, hoc est cum his quæ infra ipsius clausuram sunt, cum Villula & mansionariis de *Vinckenbosch* ab utraque parte rivi, usque ad molendinum, quod dicitur *Broecke*, prout nunc est, aut in futurum esse poterit, cum ea parte ejusdem Villulæ & mansionariorum apud *Langendael*, quam ab Anselmo Nobili Viro de Averendoren, per meum assensum acquisierant, nihil mihi juris in prædictis referans, præter altam justitiam. In cæteris autem dicti Fratres, tamquam in suo alodio, liberè omnia jura recipient.

Insuper dedi dictis Fratribus de Parcho, partem silvæ de mea foresta de *Sungia*, prout sita est inter Villam de *Fossam* & de *Fura*, usque ad medium Rivorum, qui ab utroque latere hinc & inde decurrunt, cum parte silvæ *Mosberch*, versus meridiem, ut & ipsi habeant plenam libertatem in usus suos seu necessitates quascunque, sine contradictione convertendi silvam prædictam cum fundo tamquam suum verum Allodium.

Habeant insuper dicti Fratres, in silva mea de *Loe*, juxta Lovanium, & in omnibus pascuis, per totam terram meam, ubi bona seu Curtes ipsorum sita sunt, usum & plenam libertatem pascendi & minandi greges ac animalia sua.

Liberos quoque ipsos decerno ab omni onere, angaria perangaria, theloneo, winagio, & omni justitia transitus per totam terram meam, ac aquam universam, in rebus suis emendis vel vendendis. Nec quicquam exigatur ab eis occasione stratarum publicarum quas chauchidas vocant, vel etiam pontium reparandorum, nisi quod spontè & voluntariè dare voluerint. Asini, muli & cætera animalia molendinorum dictorum Fratrum, licet seculares pro annuo pacto in eis resideant, liberum habeant introitum & exitum in omnibus Oppidis & Villis in terra mea constitutis, ad portandum & reportandum bladum, sive farinam, nec quisquam qui eadem molendina molere voluerit, aliquatenus prohibeatur.

Quidam liber homo *Gerardus de Wolue* dedit in eleëmofynam sæpeditis Fratribus per manum meam, duas mansiunculas & dimidium mansum apud *Goetsenhoven*, & molendinum ibidem, & apud *Landen* quatuor mansus terræ, & tria jurnalia, & sex mansiunculas.

Quæcumque igitur bona in præsentiarum possident aut in posterum acquirere poterunt, sub mea protectione, & Successorum meorum Ducum dumtaxat recipio. Hujus rei Testes sunt.

Henricus Comes,  
 Nicolaus de Rainst,  
 Arnoldus Dapifer de Rotfelaer,  
 Gofuinus de Heverla,  
 Gerardus de Huldenberge, & cæteri multi de Familia Ducis,

Actum anno Domini millesimo centesimo quadragesimo, concurrente primâ epactâ nullâ Indictione tertiâ. 1140.

In nomine sanctæ & individuæ Trinitatis. Ego ALEXANDER, gratiâ Dei sanctæ Leodiensis Ecclesiæ Episcopus, quia propitiante Domino, Pontificali Cathedræ, licet indigni, præsidemus, & si omnibus in communi nostræ Diœceseos fidelibus ge-



neralem curam debemus : illis tamen qui felici naufragio abjectâ seculari sarcinâ de mundi hujus fluctuante pelago, ad tranquillum & placidum contemplationis portum enataverunt, speciali dilectionis & sollicitudinis necessitudine obligamur, ut ex nostris eis prodesse, & aliorum erga eos liberalitatem approbare & confirmare studeamus, quatenus piâ vicissitudine de orationibus eorum aliquod imperfectioni nostrâ subsidium comparemus.

Notum volumus fieri, tam præsentibus quàm futuris, quòd GODEFRIDUS Dux Lotharingæ, idem & Marchio & Comes, tam pro salute sua quam suorum, silvulam in Australi parte Lovaniæ sitam, quam fossato & vallo clausam ferali lustro deputaverat, Deo inspirante, in meliores usus volens convertere, annuentibus filiis suis GODEFRIDO & HENRICO, Fratri Waltero, Abbati Ecclesiæ beati Martini de suburbano Laudunensis civitatis, & Fratribus suis, secundum Regulam Beati Augustini viventibus ad construendam in ea Ecclesiam in honorem Dei Genetricis Mariæ, perpetuò possidendam donaverit:

Et postea, nube seditionis & discordiæ inter nos & ipsum non bene habitæ, in beatæ pacis serenitate, propitiante Deo, conversâ, ut eundem locum in conspectu plurimorum, qui pro reformanda pace convenerant, liberum faceremus, & eandem libertatem sigilli nostri Impressione confirmaremus, piâ petitione suâ apud nos obtinuerit.

Hoc etiam donum Ducis factum est impetrante Tietdelino villico, cum uxore sua qui omnia, quæ infra ejusdem loci ambitum possidebat, scilicet tam molendinum, quam terras adjacentes, ad opus eorundem Fratrum, annuentibus hæredibus suis, in manu Ducis reddidit.

Hoc interposito, quod quamdiu ipse & uxor ejus superessent, beneficia quædam, si vellent, in usus suos retinerent.

Sic tamen ut post obitum utriusque, Fratres Ecclesiæ S. Mariæ, nulli ex hæredibus suis, aliquid de omnibus quæ infra prædicti loci terminum continentur, responderent. Deinde verò ut præfatus locus ab omni Parochiali jure liber esset, & Fratres qui pro salute animarum suarum ad eum convenerint, in libertate filiorum soli Deo vacarant, Canonicos S. Petri Lovaniensis Ecclesiæ, & Fratres Ecclesiæ S. Mariæ, ipse Dux perpetuâ pace composuit: nam pro decima termini Lovaniensis Parochiæ, qui claudebatur hoc præcinctu: & pro decima omnium qui ibi haberentur, Ecclesiæ Lovan. singulis annis de suo allodio in villa quæ dicitur Hulsebeck tres solidos & vi. den. contulit.

Hoc apposito, ut neque Abbas, neque Lovanienses sui aliquem de Parochianis Lovaniensis Ecclesiæ postquam incideret lectum ægritudinis, vel aliquem de mortuis ejusdem Ecclesiæ, sepeliendum acciperent, vel aliquid sibi usurparent de jure præfatæ Ecclesiæ, nisi ex consensu præpositi sive Canonici vel Parochialis Sacerdotis, ad quos pertinet Parochiale beneficium.

Hæc autem fuit conditio inter Ducem, & præfatum Abbatem S. Martini de prædicto loco: dum annuente Deo & B. Virginis prosperantibus meritis idem locus Conventum XII. Canonici sustinere poterit, Fratres ibidem permansuri, Abbatem de Professione Laudunensis Ecclesiæ canonicè eligent, & postea ab obedientia Abbatis S. Martini erunt soluti, nisi si fortè instigante diabolo Abbas vel Fratres Ecclesiæ Sanctæ Mariæ, à Regulæ suæ tramite, vel consuetudine Laudunensis Cœnobii deviaverint, habebit eos Abbas Laudunensis secundum institutionem Ordinis sui corrigere.

Deinde, verò Abbas electus Virgam Pastorem ab Altari Ecclesiæ S. Mariæ accipiet, & à Fratribus suis Episcopo Leodiensi consecrandus præsentabitur.

Hanc igitur, quam prælibavimus electionem, in eodem loco auctoritate Sanctorum Patrum liberè & canonicè fieri concedimus. Sepeliri in cœmeterio præmemoratæ Ecclesiæ tam suæ Congregationis, quàm familiæ inibi servientis defunctos, concedimus, alium verò nullum nisi consensu suorum Parochialium Sacerdotum; oleum quoque infirmorum ab Ecclesia nostræ Sedis, eisdem Fratribus diligenter impendatur.

Præterea verò prædictam Ecclesiam & Abbatem, tam nostrâ quàm ministrorum nostrorum, qualicumque exactione prorsus absolvimus. Generali tantum Synodo, si à nobis monitus fuerit, ne interesse negligat.

Orationes autem devotas quas potissimum amamus, & filialem obedientiam nobis retinemus. Ut autem ea quæ prædicta sunt rata & incommutabilia permaneant, sigilli



gilli nostri impressione, & testium subscriptione corroboramus, atque anathematis sententiâ quemvis harum Institutionum violatorem condemnamus.

Hæc itaque facta sunt Leodii, & confirmata anno Dominicæ Incarnationis MCXXXI. Indictione VIII.

Signum Godefridi Balthenfis Episcopi & Stepponis Archidiaconi & Præpositi.

S. Cæterorum Archidiaconorum, Johannis, Liberti, Dodonis, Reineri, Alexandri, & Reinzonis Decani, Reinbaldi, Arnulfi Custodis, & Sygeri Præpositi & Ovekini Presbyteri, & Magistri Rikezonis, & Legenbaldi Presbyteri, & Walteri Subdiaconi & Everardi Subdiaconi, & Godefridi Ducis filii, & Comitum Godefridi Namurcensis, Arnulphi Lonenfis, Lamberti Montaucensis, Gisleberti Duracensis, & Franconis Castellani, Arnulfi Dapiferi, & Reinzonis de Tild, Goscewini de Heverle, Willelmi de Dulg, Vingeri Advocati & Reineri, Guederici de Prato, & Arnulphi de Rode.

Anno 1416. *Joannes IV.* Lotharingæ & Brabantiae Dux declarat Abbatem Parchensem esse perpetuum & Hæreditarium Capellanum Ducis Brabantiae. Diploma recitat *A. Miræus* in Donat. Belg. Lib. I. Cap. CXLV. novæ ædit. ut sequitur.

Joannes Dei gratiâ Brabantiae & Limburgi Dux, Sacrique Imperii Marchio, universis & singulis, ad quos præsentis Litteræ nostræ pervenerint, salutem & dilectionem. Cum Venerabilis in Christo Pater Dominus GERARDUS, Abbas Monasterii B. Mariæ Parcenfis propè Lovanium, Præmonstratensis Ordinis Leodiensis Diœcesis, Capellanus noster fidelis & in Christo dilectus, Nobis exposuerit quòd Prædecessores sui Parcenfes Abbates, de jure & antiqua consuetudine, fuerint Archicapellani & Confessores perpetui Prædecessorum nostrorum Brabantiae Ducum, ipsisque etiam jus competierit, ratione prædictæ Parcenfis Ecclesiæ, in Summis Festivitatibus, coram præfatis Ducibus, & in ipsorum Capella, Mystica Servitia & alia Officia celebrare Divina; Nobis humiliter supplicando, quatenus ipsum, prædictæ suæ Ecclesiæ ac suorum Successorum nomine, in omni eo jure, quod sibi in præmissis quomodolibet competere poterit, conservare dignaremur, Litterasque sibi desuper concedere oportunas.

Hinc est, quòd Nos attendentes, quòd iusta petentibus non est denegandus assensus, communicato priùs super hoc Consilio cum nonnullis Consiliariis nostris, ac maturâ deliberatione præhabita, declaravimus, ac tenore præsentium declaramus, volentes prælibatum Abbatem ac Successores ipsius, tanquam nostros Archicapellanos & Confessores perpetuos, in nostra & Successorum nostrorum Brabantiae Ducum præsentia, in summis Festivitatibus Divina servitia & Officia celebrare, omnia alia & singula facere debere, ratione dictæ suæ Ecclesiæ sibi incumbentia quomodolibet, de consuetudine vel de jure. Quodque ipsi ac Successores sui memorati universis & singulis prærogativis, Privilegiis, gratiis, libertatibus & immunitatibus potiri debeant & gaudere, quibus Prædecessores sui freti fuerint & gavisi, ac cæteri Capellani nostri potiuntur & gaudent. Nec non ad Nos pro suis promovendis negotiis recursum habeant cum fiducia speciali, nostro vel cujuslibet alterius jure in præmissis semper salvo, harum testimonio Litterarum sigilli nostri appensione communitarum.

Datum in Oppido nostro Bruxellensi, mensis Aprilis die vigesimâ secundâ anno Domini millesimo quadringentesimo decimo sexto.

1416.

Per Dominum Ducem, Domino Henrico de Bergis Domino Grimbergenfi, & Domino de Melino, & Henrico Domino de Heverle, Militibus, ac Rafone de Graven Domino de Maleve, Reinero Moers, & Henrico de Werthusen, nonnullisque aliis Consilio præsentibus. DE DINTER.

Ex hac Abbatia velut filia prognata est Abbatia SS. *Cornelii & Cypriani* Nihoviensis in Flandriâ ejusdem Ord. Præmonstr. Anno 1137. unde ad hæc usque tempora præfata Abbatia Nihoviensis Abbatem Parchensem Patris Abbatis honore veneratur.



## ABBATES PARCHENSES.

- I. SIMON Abbatiae Laudunensis Canonicus. Obiit Anno 1142.
- II. PHILIPPUS ejusdem Abbatiae Canonicus; secessit Laudunum Ao. 1166.
- III. THOMAS. Obiit Anno 1166.
- IV. PHILIPPUS, resignavit anno 1190. & obiit 1192.
- V. DANIEL. Obiit Anno 1192.
- VI. SEBASTIANUS. Obiit Ao. 1212.
- VII. JOANNES DE BIRBACO. Claro Birbacensium Baronum genere natus. Sub ejus regimine anno 1219. initium sumpsit Monasterium Virginum in *Pellenbergh*. anno 1229. translatum ad *Insulam Ducis* prope *Gempe*. Mortuus anno 1226. die 12. Decembris.
- VIII. HENRICUS DE BRUXELLA, postulatus ex Abbatia Laudunensi resignavit anno 1239. & obiit Ao. 1244.
- IX. ALARDUS DE VURA. Vita excessit Ao. 1289. die 21. Martii.
- X. GUILIELMUS DE LIBBEKA. Mortuus Anno 1306 die 26. Martii.
- XI. SIGERUS DE VINCKENBOSCH. Vita excessit Ao. 1314. die 17. Junii.
- XII. GUILIELMUS DE HERENT, Lovaniensis. Mortuus die 7. Julii Anno 1316.
- XIII. GODEFRIDUS DE AETRODE Vivis excessit Ao. 1332. die 17. Maii.
- XIV. HENRICUS DE REDINGHEM Patricia & Equestri familia oriundus. Obiit Anno 1339.
- XV. JOANNES STEENHAUWERS de *Vinckenbosch*, antea Praepositus Monialium Insulae Ducis. Obiit Anno 1342. die 17 Junii.
- XVI. ARNOLDUS DE WESEMALE, primaria in Brabantia natus familia, antea Pastor in Archennes. Mortuus die 19. Decembris anno 1346.
- XVII. NICOLAUS BOSERET Nivelensis. Obiit die 26. Martii Anno 1361.
- XVIII. STEPHANUS S. T. D. antea Abbas Antissiodorensis, postquam annis VII. Abbatiam Parchensem rexisset, creatus est a Sede Apostolica Abbas Praemonstratensis, qui post multas difficultates, sub pensione cessit *Henrico de Overbeke* Canonicè e gremio Confratrum electo. Excessit e vita Praemonstrati anno 1368. die 10. Septembris.
- XIX. HENRICUS DE OVERBEKE Dictus de *Wespelaer*. Obiit die 8. Martii Ao. 1391.
- XX. JOANNES BARDURBEL Namurcensis, Mortuus Anno 1399. die 17. Maii.
- XXI. GERARDUS DE GOETSENHOVEN Lovaniensis. Obtinuit Anno a *Joanne IV*. Brabantiae Duce ut ipse ejusque Successores sint Archicapellani Ducis Brabantiae. Obiit die 2. Maji Anno 1534.
- XXII. WALTERUS DE BERINGEN. S. T. B. resignavit Ao. 1462. & obiit 1463.
- XXIII. THEODORICUS DE TULDEL Hilverenbecanus, Licentiatus in Decretis Parisiis, Canonicus Abbatiae Tongerloensis, & Pastor in Nispen, ex resignatione *Walteri* a Sede Apostolica Abbas confirmatur. Obtinuit Ao. 1475. a *Sixto IV. Pont. Max.* pro se & Successoribus Mitram & Pontificalia. Excessit e vita Anno 1494. die 9. Octobris.
- XXIV. ARNOLDUS WYTEN Hilverenbecanus ab Anno 1392. Coadju-



- tor sui Prædecessoris cum jure Successionis. Mortuus die 19. Septembris Anno 1515.
- XXV. AMBROSIUS DE ANGELIS Lovaniensis. Vitâ excessit die 16 Martii Ao. 1543.
- XXVI. LUDOVICUS VANDEN BERGHE, antea Prior, dein Præpositus Virginum Vallis Liliorum in Agro Mechliniensi. Obiit Ao. 1558. die 1. Octobris in præfato Monasterio, quò se contulerat mutandi aeris causâ.
- XXVII. CAROLUS VANDER LINDEN Lovaniensis, antea Prior Parchensis. Deputatus a Statibus Brabantiae ad Regem in Hispaniam, effecit ut exactio decimi nummi per Ducem Albanum indicta, fuerit suspensa. Præfuit calamitosis & turbulentis patriæ temporibus, obiitque Lovanii Anno 1576. die 22. Septembris.
- XXVIII. AMBROSIUS LOOTS, antea Pastor in Wechtere, periculossima tempora nactus est ob prædonum, & militum grassationes, Lovanii cum commisso sibi grege subsistere coactus fuit. Ejus potissimum curâ & sollicitudine obtenta fuit a Sanctâ Sede Anno 1582. Canonisatio *S. Norberti*. Excessit e vitâ Lovanii Ao. 1583. die 12. Januarii.
- XXIX. FRANCISCUS VAN VLIERDEN Antverpiensis S. T. L. ex Supprior electus Abbas, a Generali Ord. Premonst. Anno 1584. Vicarius Generalis Ordinis sui per Brabantiam & Frisiam est constitutus. Anno 1585. Conventum suum post VIII. annorum exilium Lovanio reduxit ad suum Parchense Cœnobium. Obiit Anno 1601. die 3. Maii.
- XXX. JOANNES DRUSIUS Thenensis S. T. L. Supprioris & S. Theologiæ Professoris munere in Cœnobio perfuncto, Abbaselectus est, atque mox a Generali Ord. Præmonst. constituitur Vicarius Generalis in Provinciis Brabantiae & Frisiae. Apostolicâ & Regiâ auctoritate designatus fuit visitator Academiae Lovaniensis, ita gratus erat Serenissimis Principibus *Alberto & Isabellæ*, ut mortuo *Matthiâ Hovio* propè evectus sit ad Archiepiscopatum Mechliniensem, & brevi post similiter ad Episcopatum Gandavensem. Obiit Bruxellæ die 25. Martii Anno 1634.
- XXXI. JOANNES MASIUS Lovaniensis, Monasterii sui Supprior & Novitiorum instructor, post Parochi munus gessit in pago de *Libbeke*, demum omnium Confratrum Suffragiis electus Abbas Anno 1635. Excessit e vivis Anno 1647. die 24. Maii.
- XXXII. LIBERTUS DE PAPE e Nobili & Patriciâ apud Lovanienses stirpe ortus, S. T. L. dein sui Monasterii Prior, demum electus Abbas & Vicarius Generalis per Circarias Brabantiae & Frisiae Provincias constitutus est. Vir in regimine & vitâ exemplari plurimum excellens, egregius Abbatiae benefactor, & ad Comitum Ordinum Brabantiae sæpius deputatus Ordinarius. Obiit Anno 1683.
- XXXIII. PHILIPPUS VAN TUYKUM ex pago Leefdael S. T. L. antea Præpositus Monialium sui Ordinis in Insulâ Ducis prope Gempe. Obiit Senio gravis. Anno 1704.
- XXXIV. PAULUS DE BRUYN Bruxellensis, præpositus Monialium in Insulâ Ducis propè Gempe, ab Ao. 1702. functus munere Coadjutoris sui prædecessoris cum jure succedendi. Obiit die 6. Februarii 1719.



XXXV. HIERONYMUS DE WAERSEGGHERE Lovanienſis S. T. B. F.  
ex Supprie electus Abbas, inauguratus Mechliniæ ab Excellentiffimo  
D. Archiepiſcopo Mechl. in Choro Eccleſiæ Metrop. aſſiſtentibus Grim-  
bergenſium & Heyliſſemenſium Abbatibus die 16. Julii Anno 1719.

Eſt inſuper in Suburbano extra antiquam portam Bruxellenſem ſub ditione  
Baronatus de Heverleâ, *Bancum* Teutonicè *Ter Banck* Cœnobium Virginum,  
Regulâ utens propriâ ad Auguſtinianam tamen accedente

Fundator hujus *Henricus I.* Lotharingiæ & Brabantiae Dux, promotor  
*Gofwinus II.* Dominus Heverleæ & alii. De anno foundationis non admo-  
dum conveniunt auctores, quorum ſcripta hîc in medium proferimus, ut ex  
iis æquus lector rem judicet. Clariffimus *Lipſius* Lib. III. Cap. IX. in ſuo  
Lovanio refert ſequentia. „ Eſt *Bancum* illud quod videris ad lævam, ipſâ viâ  
„ Bruxellenſi reliſta a portâ; Cœnobium Virginum eſt Ordinis *S. Auguſti-*  
„ *ni*, & auctorem habet *Henricum Primum*, cujus Diploma adſervant da-  
„ tum 1197. Inter alia peculiari inſtituto obligantur judicare de Leproſis, &  
„ judicatos recipere & alere, qui ſunt quidem Lovanienſes & Heverleênſes.  
*A. Miræus* in Chronico Belgico pag. 307. refert. „ *Henricus I.* in ſyriam  
„ ad bellum ſacrum An. 1197. ſe contulit Not. Cap. 169. Anno eodem in  
„ Banco propè Lovanium Moniales collocavit ac dotavit.”

Verum *Auguſtinus Wichmans* in ſua Brabantia Marianâ Lib. III. Cap.  
LXIII. exiſtimat ex Diplomatiſ loci foundationem hujus Monasterii eſſe cer-  
to referendam ad annum 1216. ubi poſtquam retulit ſupra citata verba J. Lip-  
ſii proferit ſequentia. „ A quo non parum diſcrepat *Petrus Divæus & Franc.*  
„ *Haræus* itidem fidus uterque & exactus rerum noſtratum Hiſtoricus. Ita  
„ enim prior Lib. 10. Rerum Brabant. menſe Julio anni ſequentis (fuit is  
„ 1216) *Henricus* Dux Cœnobium ac leproſorum domum condidit propè  
„ Lovanium, eo loco qui *Bancum* dicitur; cujus foundationis teſtes fuerunt  
„ *Gofwinus* Dominus Heverleæ, *Gofwinus ab* Heverlâ &c. Qui & ante l.  
„ 1. c. 4. paulo aliter de eodem in hunc modum memineral. Nec minor  
„ Heverlenſibus vetuſtas. *Reginherius* Barbatî ævo *Gofwinum* filium reliquit.  
„ Is *Gofwinum II.* Cœnobii quod *Bancum* adpellatur an. 1216. conditorem.  
„ Cui & ipſe *Haræus* in Annal. Brabant. ad an. 1216. conſentit. Conſen-  
„ tionem aliquam opinionum adferre videtur *Joan. Gramayus* dum in ſubur-  
„ bano Lovaniienſi, ita de hoc Monasterio ſcribit Fundator hujus *Henricus*  
„ primus. Promotor Dominus Heverleæ & alii. Anni non meminit qui ve-  
„ rè ſecundum authentica Diplomata mox ſubjicienda, & ſcripto mihi tranſ-  
„ miſſa fuit 1216. Unde bonâ veniâ Lipſii dixerim, hallucinatio aliqua in  
„ annis, nescio unde, ei obrepiſit. Siquidem in hujusmodi calculis

*Quandoque bonus dormitavit Homerus.*

„ Diplomata autem (ut clarius quoque prima Monasterii origo, & Status  
„ pateat, ac ſimul cui ſacrum ſit) ita ſonant referta in Supplem. Diplom. A.  
„ Miræi part. II. Cap. LXXXII. & LXXXIII. pag. 987. novæ Edit.

Ex Bra-  
bantia  
Mariana  
Wich-  
mans.

Ego HENRICUS Dei gratiâ Dux Lotoringiæ tam poſteris quàm modernis, in per-  
petuum.

Quæ temporis diuturnitatem expectant, ad commodum temporale, & maximè ad  
animarum ſalutem ſpectantia, providâ expedit ordinari diſcretionem.

Cum igitur ad honorem Dei, & glorioſæ Genitricis ejuſdem de conſilio & adſtipu-  
latione *Gofuini* Domini de Heverla, nec non & Burgenſium Lovanienſium, ad o-  
pus Leproſorum ſecus Lovanium, Domum Religioni mancipatam conſtruxerimus;  
ipſam Domum, Fratres & Sorores ibidem Deo in membris humiliter & devotè fa-  
mulantes, nec non & reliquas Perſonas eidem Domui adtinentes, poſſeſſiones quo-  
que



que ejusdem, cum omnibus pertinentiis suis, sub nostra nostrorumque Successorum suscipimus protectione &c.

Actum anno Verbi Incarnati millesimo ducentesimo sexto decimo, mense Julio. 1216.

HENRICUS Dei gratiâ Dux Lotoringiæ universis hoc Scriptum inspecturis, in Domino salutem. *Ex eodem libro.*

Ut res quæ providè geruntur inter præsentis, à futuris cognoscantur & sic perpetuæ firmitatis robur accipiant, Scripto solent commendari, & ita posteris cognoscenda transmitti.

Notum sit igitur universis, quòd Nos Divinæ remunerationis intuitu, duodecim bonaria silvæ nostræ de *Wenesele*, quæ Nos jure proprietatis contingebat in ea parte, in qua eadem silva Allodio de *Berthem* immediatè est contermina, Leprosis de *Bancho* pro nostra, Antecessorum & Successorum salute, eo jure quo ea possedimus, possidenda liberè contulimus & absolutè: ita videlicet quòd nullus omnino quidquam juris in dictis XII. bonariis silvæ, præter eosdem Leprosos, obtineat.

Istam autem Donationem fecimus anno Dominicæ Incarnationis M. CC. XVII. II. Idus Maji, eâ videlicet die, quâ primum lapidem fundamentorum Ecclesiæ de *Bancho* supposuimus. 1217.

Ut autem hæc donatio rata permaneat, præsens Scriptum eisdem Leprosis Sigillo nostro roborandum concessimus in Testimonium.

Hoc Coenobium primitus fundatum fuit pro novem mulieribus & novem viris qui utrique sexui lepra infecto inservirent, ut patet ex Bullâ *Honorii III.* Anni 1223. Kalend. Februarii. Quâ domum illam ad eorum supplicationem directioni Abbatis Villariensis subjecit. Vide *A. Wichmans* loco citato pag. 864.

Ante illud Coenobium icon est & Ara *S. Georgii*, ad quam in augurandus Brabantix Dux, primum solebat juramentum edere, & precibus nuncupatis dono aliquo honestare. Juramentum hoc exigit capitque Præpositus Ecclesiæ Collegiæ *D. Petri* in quos Advocatos *D. Petri* fore Duces profitentur, equum deinde Principis cui insidet, donativum habet. Ita fere *Lipsius* in suo Lovanio.

## SERIES PRIORISSARUM.

- I. D. HELWEYDIS quæ laudabiliter rexit annis X. & obiit 1. Maii Anno 1247.
- II. CLARISSIMA Vos. rexit tempore XXVII. annorum & Obiit die 5. Martii Ao. 1274.
- III. CATHARINA AUTHEVERLE rexit tempore XXVII. annorum & Obiit die 27. Maii Ao. 1301.
- IV. CATHARINA SEDELMERS rexit annis XXVI. & Obiit die 24. Junii Anno 1327.
- V. ALEYDIS ROEKELOOS. rexit annis XXVIII. & Obiit die 15. Junii Anno 1355.
- VI. ELISABETHA CROBANTS rexit tempore XXX. annorum & Obiit die 1. Januarii Anno 1385.
- VII. AGNES LAMBRECHTS rexit annis VIII. & Obiit. 1. Februarii Anno 1393.
- VIII. GERTRUDIS VANDEN KALSTERE rexit annis XXIX. & Obiit die 19. Novembris Anno 1422.
- IX. ELISABETHA LAMBRECHTS. rexit annis IV. & Obiit 28. Septembris Anno 1426.



- X. GERTRUDIS ANDRIES rexit XVIII. annis & Obiit die 5. Octobris Anno 1444.
- XI. GERTRUDIS WYTERLIMMINGEN rexit annis XXX. & Obiit 14. Augusti Anno 1474.
- XII. IDA ISACKX rexit annis XV. & obiit 9. Maii Anno 1484.
- XIII. CATHARINA LOBS rexit annis XXVII. & Obiit die 15. Octobris Anno 1516.
- XIV. JOANNA SCHOONVORST rexit annis XXIV. & Obiit die 14. Aprilis Ao. 1530.
- XV. ELISABETHA ONCLE rexit annis XXIV. & Obiit die 18. Aprilis Anno 1554.
- XVI. PAULINA ZEVEDONCK rexit annis XXIV. & Obiit die 9. Decemb. Anno 1578.
- XVII. JOANNA VERELST rexit annis XVI. & Obiit die 10. Januarii Anno 1594.
- XVIII. ALEYDIS VANDER LINDEN rexit annis XXX. & Obiit die 28. Decemb. Ao. 1624.
- XIX. MAGDALENA VANDEN PERRE rexit XXVII. annis & Obiit die 5. Decemb. Ao. 1651.
- XX. ANNA CATHARINA DE ST. MART. rexit annis XXX. & Obiit 25. Februarii Ao. 1681.
- XXI. JACOBA THERESIA WILMART rexit annis XXV. & Obiit die 29. Novemb. Ao. 1715.
- XXII. ELISABETHA VAN ASCHE Hodie laudabiliter præest.

## PAROCHIÆ RURALES.

ARCHANIA Gallis *Archennes & Arquenne*, pagus sub Rodio *S. Agathæ*, uno lapide a Wavria Lovanium versus, a quo distat tertio lapide.

Post litigium XXX. ferè annorum transactio de hac liberâ Toparchiâ facta est in Senatu Brabantiæ die 28. Sept. anno 1721. inter *Alexandrum de la Faille* Marcgravium Antverpiensem, nomine uxoris suæ *Magdalene de San-Victor*, & tutores filiorum *Marci Antonii d'Amenzaga*, quibus ultimis proprietates dictæ Toparchiæ attributa est, usufructu dumtaxat prædictæ uxori quoad viveret reservato, qua mortua *Marcus Guilielmus* filius tertio genitus præfati *Marci Antonii* (prout hic suo testamento disposuerat) die 25. Maii anno 1722. investituram prædictæ liberæ Toparchiæ adiit, nummo aureo in altum projecto, ac rursus e terra elevato, in signum quod non nisi a sole & terra eam Toparchiam accipiat utpote omnino liberam.

Ecclesia dicata est *S. Petro* Apostolorum Principi. Cura Pastoralis administratur per Canonicos Abbatiae Parchensis.

Anno 1257. Henricus vir nobilis & Equestris dono dedit jus Patronatus hujus Ecclesiæ de *Erkena* (ita nominabatur antiquitus) *Alardo IX.* Abbati Parchensi, quod eodem anno ratum habuit *Henricus* Episcopus Leodiensis, ut patet ex hoc Diplomate, quod refertur in Supplem. Diplom. A. Miræi part. I. cap LXXXIII.

*Ex Archi-  
vis Abba-  
tis Par-  
censis.*

HENRICUS Dei gratiâ Leodiensis Episcopus, universis ad quos præsentis Litteræ pervenerint, salutem in Domino.

Noverit universitas vestra, quod Dominus Henricus de Erkena Miles, in nostra præsentia constitutus, Jus Patronatus Ecclesiæ de *Erkena* quod ipsi jure hereditatis compe-



petebat, in manus nostras ad opus Ecclesiæ de Parcho juxta Lovanium Ordinis Præmonstratensis ob remedium animæ & Antecessorum, purè in eleëmofynam resignavit & quidquid juris in Jure Patronatûs habebat de consensu Fratris sui Domini G. Præpositi Ecclesiæ Beati Petri in Lovanio & heredum suorum, prædictæ Ecclesiæ de Parcho contulit & legavit.

Nos igitur tam piæ collationi consensum adhibentes, dictam collationem Autoritate nostrâ approbamus, & eandem confirmamus; inhibentes sub interminatione anathematis, ne quis super dicto Jure Patronatûs Ecclesiæ de *Erkena*, prædictam Ecclesiam de Parcho in aliquo præsumat deinceps molestare.

Actum anno Domini millesimo ducentesimo quinquagesimo septimo, mense Decembri. 1257.

Decima pro potiori parte spectat ad Abbatiam Parchensem, at una earum pars spectat ad Abbatem Aluensem Ord. Cisterc.

*Archania* adjacet *Vallis, Florida*, vulgo *Florival*, Abbatia Ord. Cisterc. Gallis *Vaulx Fleuri*, altero lapide cum dimidio a Lovanio ad Dylum fluvium versus Wavriam in Gallo Brabantia sita, & a cælesti prodigio nomen suum sortita; cum enim templi fundamenta eo loco jacta essent, qui hodieque vetus Abbatia & pratum Capellæ nominatur, divino monitu jussæ sunt locum petere floribus conspersum, & foundationi Ecclesiæ veluti opportuniorem futurum, eundem eligere. Id factum & prout repperant in orbem pictam floribus planitiem, templum exstruxerunt, atque hinc *Vallis Florida* loco nomen adhæsit. Primam ejus foundationem referunt ad annum 1096. per *Wernerum* Comitem Grezii, in reditu ab expeditione Terræ Sanctæ in manibus *Fulgentii* primi Abbatis Affligemiensis Ord. S. Bened. Fuerunt siquidem primitus hoc in loco Moniales Ord. S. Bened. Primam foundationem dein auxerunt Dux noster, Toparchæ *Ottiniaci, Nethenarum, Bossutii & Grezii*; sed anno 1218. Cisterciensis Ordinis habitum & institutum assumpserunt sub Venerabili *Genta* a suscepto Cisterciensium instituto prima Abbatisa; quæ ut ejus familiaris testatur *Thomas Cantipratanus* Lib. 1. *Apum Cap. II.* primo Monialis fuit Ord. *S. Benedicti*, ac Romam ad sedem Apostolicam profecta, ab eadem mutati Ordinis & Coenobii confirmationem impetravit anno 1218, uti mox dictum, & Crucem Reliquiis Sanctorum exornatam retulit, quæ etiamnum hic magno cum honore adservatur in perpetuum in ejus rei memoriam. Plura alia de Venerabili *Genta* memorat idem *Cantipratanus*, qui eam lectulo infirmitatis decumbentem paulo ante mortem visitavit; quæ etiam ab hujus recessu, non multo post ab hoc seculo discessit, globo ignis lucidissimo ejustransitum de cælo prænuntiante. Obiit vero Anno 1247. die Martii 23. Visitur in hoc Monasterio ejusdem Epitaphium licet pro more ejus seculi simplici & etiamnum conspicuum, quod in Hierogazophylacio Belgico recitat, ut sequitur, Arn. *Raiffius*, qui ad 23. Aprilis facram ejus facit mentionem.

Anno Domini millesimo ducentesimo quadragesimo septimo obiit Domina Genta quondam Abbatisa Vallis Floridæ. O. P. E.

Per circuitum lapidis vero hi versus conspiciuntur.



Archæ piæ fidei, mater miræ speciei,  
 Nutrix Virtutum, solvit natale tributum,  
 Grex desolatus tristatur, mole reatus  
 Nulla mulcetur, sed Cœlicolis societur.

In vitâ *Beatricis de Nasareth* juxta Liram legitur ejus Patrem Ven. *Bartholomæum Lanionem*, vulgo *Vleeshouwer*, Civem Thenensem extruxisse ac fundasse *Vallem Floridam*. Et *A. Miræus* in Chron. Cisterc. dicit primas Cisterc. Virgines cum præfatâ *Beatrice*, ex Lintrensi Monasterio juxta Thenas ad *Vallem Floridam* venisse. Ut ut sit relinquo hanc litem aliis dirimendam. Subjacet hæc Abbatia Villariensi Abbati.

## ABBATISSÆ VALLIS FLORIDÆ

- |  |   |
|--|---|
| I. <i>B. Genta</i> . Obiit in Odore Sanctitatis<br>Ao. 1247.     | XVII. <i>Margareta Oliviers</i> . 1516.   |
| II. <i>Aleydis de Mombeeck</i> . Obiit 1262.                     | XVIII. <i>Heylwidis Schreven</i> .<br>Religiosa Vallis Ducis, per<br>quam reformatio arctior in-<br>vecta est Obiit 1520. |
| III. <i>B. Machtildis de Bierbeke</i> . 1272.                    | XIX. <i>Maria Wittem</i> . Obiit 1537.  |
| IV. <i>Hildefondis de Sombref</i> . resignavit<br>1282.          | XX. <i>Elisabetha Rogiers</i> . 1548.   |
| V. <i>Maria de Hofden</i> . Obiit 1303.                          | XXI. <i>Elisabetha van Dieven</i> . 1557.   |
| VI. <i>Ida de Walhain</i> . resignavit 1327.                     | XXII. <i>Maria de Branis-Haga</i> . 1568.   |
| VII. <i>Sibilla de Bouler</i> . alibilego<br>Walhain Obiit 1358. | XXIII. <i>Joanna Robays</i> . 1575.   |
| VIII. <i>Margareta de Grez</i> . re-<br>signavit 1365.           | XXIV. <i>Amelberga Remels</i> . 1585.   |
| IX. <i>Catharina de Berne</i> . Obiit 1388.                      | XXV. <i>Elisabetha Peeters</i> . 1595.  |
| X. <i>Catharina de Larc</i> . 1408.                              | XXVI. <i>Martina Bossuyt</i> . 1613.  |
| XI. <i>Maria Uterlimminge</i> . 1437.                            | XXVII. <i>Anna vanden Berghe</i> . 1629.  |
| XII. <i>Elisabetha de Wavere</i> . 1442.                         | XXVIII. <i>Catharina Ronsmans</i> . 1658.   |
| XIII. <i>Jolendis de Pameke</i> . 1466.                          | XXIX. <i>Joanna Colibrant</i> . 1676.   |
| XIV. <i>Margareta Myneman</i> . 1478.                            | XXX. <i>Ida Bernaerts</i> . 1688.   |
| XV. <i>Margareta Pinock</i> . 1491.                              | XXXI. <i>Ludovica Doneux</i> . 1690.  |
| XVI. <i>Elisabetha Absolons</i> . 1504.                          | XXXII. <i>Margareta van Hanewyck</i> .<br>præsens Abbatissa.  |

BEERTHEM. pagus primo lapide a Lovanio ad Furam rivulum Baronatus de Heverle Ducis Arscotani Dynastia, olim Abbitis Corbiensis Benedictinorum peculium ex dono *Adelrici*, qui primo monachus, dein Abbas Corbiensis in Diœcesi Ambianensi, *Caroli Magni* stirpe progenitus, cujus erat patrimonium, teste *J. Molano* ad Natales S.S. Belgii, & *A. Miræo* in Fastis ad diem 11. Januarii; ita ut hæc Abbatia ex ejus donatione multa in Belgio hîc in vicinia se recepisse agnoscat, & penes ipsam fuerit hujus Ecclesiæ Patronatus.

Anno 1562. hæc Abbatia partim initâ permutatione bonorum, partim venditione, hæc & alia plurima per Belgium alienavit.

Priscis temporibus hic fuit Præpositura aliquorum Monachorum Corbiensium. Hinc ad varios devoluta sunt bona Corbiensium hîc & vicinia sita. Illa hic sita nuper possedit Clarissimus *D. Thomas Stappelltonus* J. U. D.  
in



in Universitate Lovanii S.S. Canonum Professor, qui Obiit Ao. 1694.

Ecclesia tutelarem colit *S. Eligium* Episcopum. Executores testamenti præfati *D. Stappeltoni* vendiderunt Duci Arscotano librum Censualem cui annexus erat patronatus, qui hodie eo jure possidet patronatum hujus Parochialis, qui fuit olim Abbatiae Corbiensis, uti ante dictum.

Decimas majores possident P. P. Societatis Jesu Lovanii & Collegium Driutii ibidem. De cæteris decimis participant P. P. Augustiniani Monasterii Lovaniensis Matricularius, & fundatio *D. Stappeltoni*; præfati, item Parochus cui insuper solvitur annue Supplementum competentiae.

Berthemio conjunctum est *Eegenhoven* vel *Eygenhoven*, quod Allodium five villam propriam sonat secundum mentem *Gramaye*: at *J. Molanus* putat dictam *Egonis Curia*. Eundem habet Dynastam Ducem Arscotanium, (credo inquit præfatus *Gramaye*) tamquam Advocatus Abbatiae Corbiensis, cujus hi pagi erant peculia.

Ecclesia Patronam veneratur *S. Raineldin* Virg. & Mart. Sororem *B. Gudulae*, de qua agit *J. Molanus* ad Natales S.S. Belg. 16. Julii. Olim fuit hæc Ecclesia, Parochialis & separata a Berthemienfi & proprium habuit Parochum sub Patronatu Abbatiae Affligemienfis; hodie administratur per Parochum de Beerthem, sed non de jure. Decima universa spectat ad præfatam Abbatiam Affligemensem.

BIERBEECK, Latinè *Birbacum*, olim *Birbachium*. Vetus Baronatus *Vetus Baronatus*. Ducis Arscotani & pagus insignis, latae & vastae extensionis, & numerosum habet populum, primo lapide a Lovanio, continet sub sua jurisdictione loca de *Mil*, *Werda S. Georgii*, *Blandam*, *Sylvamque Merendaliam*, & *Municipia de Merendael*, *Berghe*, *Mere*, *Haesroede*, *Overloo*, *Ruysbroeck*, *Meerbeke*, *Rode* & *Wetterbeke*.

Primos Birbacenses Dominos a Comitibus Lovaniensibus descendere tradunt Annales & *Joannes I.* Dux Lotharingae & Brabantiae Anno 1273. *Bierbecam* *Godefrido* fratri portionis hæreditariae loco assignavit, mansitque per aliquot secula penes *Godefridi* posteros *Arscoto* conjuncta. Post ad *Haercuriensis* Comites cum *Arscoto* devoluta, atque exinde in illustrem *Croyorum* familiam transiit inde in *Arenbergicam* de gente *Ligne*, hodieque permanet. Vide de antiquis Birbacensibus Dominis *Petrum Divæum* Rerum Brabant. Lib. I. cap. IV. N. 17.

Beneficia Birbacæ sunt Dominia Gallicanæ Brabantiae, *Birbacum*, vulgo *Birbais*, *Longchamp*. & alia alibi plura.

Quoad rem sacram Ecclesia inscripta est *S. Hilario* Episc. Patronatus ejus & Decimæ incorporatae sunt sacrae Theologiae Facultati in Universitate Lovaniensi, de quo mox plura, in hac Parochiali est notabilis portio brachii *S. Hilarii* Pictaviensis Episcopi inclusa insigni brachio argenteo, olim a quodam Pictaviensi Episcopo ad hunc locum missa ab annis 450.

Intra limitas hujus loci est sacellum in vico *Haesroede*, vulgo *Haessen*, item sacellum *S. Cornelio Mart.* sacrum in vico *Blanden*, item ibidem est Vicus notabilis *de Brempt* & *Mollendael*.

Olim in Birbaco fuit Collegium VI. Canonicorum secularium, quando autem illud erectum sit, hætenus indagare non potuimus.

Dein loco hujus Capituli secularis erectus est *Prioratus* pro Monachis *S. Nicasii* Remensibus, ut cum tempore si facultates sufficerent posset erigi Abbatia.

Initium hujus Prioratus debetur cuidem *Evanio* vel *Ivano* militi, Domino  
Ccc 2 de



de Birbaco, qui anno 1189. omne quod habebat in Ecclesiâ Birbacensi transtulit Monasterio *S. Nicasii* Ord. *S. Bened.* Remensi, cui dein assensum præbuit *Henricus I.* Lotharingiæ & Brabantiae Dux, permisitque, probantibus *Gregorio VIII.* Papa, & Leodiensi Episcopo, ut decedentibus, vel emortuis Canonicis Benedictini Nicasiani in eorum locum sufficerentur, quibus idem Dux Anno 1234. jus Patronatus in Ecclesiam Birbacensem concessit.

Erectio hujus Prioratus dein confirmatus fuit anno 1236. in vigiliâ Nativitatis Domini per *Joannem* Episcopum Leodiensem, quo consensit quod Religiosi de *S. Nicasio* mittantur in possessionem Capituli & Ecclesiæ de Bierbeeck, quod deinde per *Gregorium IX.* Papam item confirmatum fuit, quodque plenum effectum habuit, quando Decanus & Capitulum in hoc consensit. Factum id Anno 1260. approbante *Henrico III.* Lotharingiæ & Brabantiae Duce.

*Henricus* Archiepiscopus Colonienfis anno 1234. in litteris Confirmationis Prioratus de Bierbeeck inter cætera ait. „ Ita quod loco Canonicorum „ Birbacensium cedentium, vel decedentium de Monasterio eodem *S. Nicasii* constituantur, & bona quæ dicti Canonici obtinebant, ratione Birbacensis Ecclesiæ ad eorumdem monachorum de cætero transferantur. „ *Gregorius* vero IX. Pontifex anno 1237. in suo rescripto ait. „ Cum jus patronatus Ecclesiæ de Birbaco Leodiensis Diœcesis in quo erant Decanus „ & Canonici seculares (eis Abbati & Conventui *S. Nicasii* Remensis) fuisset a vero patrono collatum „ & infra „ ut decedentibus vel cedentibus Decano & Canonicis secularibus existentibus in eadem sex Monachi, & „ plures si facultates excreverint substituuntur ibidem in Domino perpetuo „ servituri. „

Dein omnibus Canonicis ad unum morte sublatis Monachi *S. Nicasii* Prioratum hîc Anno 1260 (uti mox dictum) instituerunt, eoque libere & pacifice potiti sunt, ac deinceps ibidem vixerunt sex, ac tandem unus aut alter religiosi cum priore Regulari, qui ex Abbatîâ *S. Nicasii* eò destinabantur usque ad annum 1562. quo *Pius IV.* Papa ad instantiam *Philippi II.* Hispaniarum Regis Prioratum extinxit, ejusque bona omnia, census & decimas univit Collegio Doctorum sacrae Facultatis Theologicæ Lovaniensis, quod & confirmatum fuit anno 1570. per Sententiam Senatus Brabantiae nequidquam reclamantibus Monachis Nicasianis. Diploma *Pii IV.* Papæ exhibetur in Supplemento Diplom. *A. Miræi* Parte II. Cap. CLX. hujus tenoris.

Ex MS.  
Archivis  
Universit.  
Lovan.

Pius Episcopus, Servus Servorum Dei, ad perpetuam rei memoriam.

Ex injuncto Nobis desuper Apostolicæ servitutis officio, ad ea libenter intendimus, per quæ Litterarum studia, ex quibus militantis Ecclesiæ Respublica gubernatur, Divini Nominis cultus protenditur, omnisque prosperitas humanæ conditionis augetur, ubique floreat & augeatur, personarum hujusmodi studiis insistentium commoditatibus consulatur. Et ut personæ ipsæ aliquod subventionis auxilium suscipiant & studia ipsa decentiùs manu-teneri valeant, de congruæ provisionis subsidio solerter providemus, ac desuper disponimus prout in Domino conspiciamus salubriter expedire.

Exhibita siquidem Nobis nuper pro parte dilectorum Filiorum Decani & Magistrorum Collegii Facultatis Theologicæ famosæ Universitatis Lovaniensis, Mechliniensis Diœcesis, petitio continebat, quod cum in amplissima & populosissima inferioris Germaniæ Provincia nulla alia insignis Universitas Studii Generalis fundata sit, & illa vetus stipendiorum sive portionum mediocritas, Professoribus & Studentibus in Theologia in dicta Universitate assignatur ad fovendum & alendum tot Scholares

Theo-



Theologicæ disciplinæ, quot præsentis seculi deplorata calamitas expostularet, neutiquam sufficiat; quin & pleræque ex ipsius portionibus plusquam expediret tenues sint;

Præsertim cum Theologiæ studium diuturno ac ærumnali labore transigatur ut exinde solidus fructus reportetur, innumeri pauperes claræ indolis & Magisterii Gradum in Artibus istis assecuti, ad altiora hujusmodi non provehantur, qui aliàs modico subsidio sustentati in ipsa Theologia præstantissimi evaderent; ut inde laboriosè haustâ salubri doctrinâ, jam undique incumbant Lutheri dogmatibus, ceterisque superstitionibus per universam Dei Ecclesiam conspersis sese fortiter opponere, pravaque Hæreticorum opiniones reprimere & confutare, ac denique auctoritatem & obedientiam Romani Pontificis pro tempore existentis adversus impios defendere possint.

Et licet jam inde ab eo tempore, quo Monasterium Sancti Nicasii Remensis, Ordinis S. Benedicti, illius Abbas & Conventus tunc Ecclesiam Secularem Collegiatam, nunc verò dicti Ordinis Regularem Prioratum loci Bierbacensis Leodiensis Diœcesis, à tunc Dominis temporalibus seu feudatariis dicti loci, ad quos Jus Patronatûs dictæ tunc Ecclesiæ spectabat, de consensu etiam tunc Ducem Lotharingiæ & Brabantiae, sub quorum Ditione temporalis dictus locus consistebat: nec non tunc Episcopi & dilectorum Filiorum Capituli Leodiensis, & Archidiaconi Brabantiae in Ecclesia Leodiensi, pietatis intuitu donatum eleëmofynam, cum ea conditione, quod cedentibus vel decedentibus sex Canonicis qui tunc erant dictæ Ecclesiæ, loco illorum totidem Monachi instituerentur, & de illorum bonis sustentarentur, jure & jurisdictione Episcopi, & dictæ Ecclesiæ Leodiensis, quam ipse Episcopus in Monachos ipsius Ordinis dictæ Leodiensis Diœcesis habebat, ac etiam Parochiæ Bierbacensis, nec non Canonicâ ejus justitiâ salvis remanentibus;

*Olim in  
Bierbaco  
Capitu-  
lum Cano-  
nicorum.*

Quodque Rector seu Vicarius Ecclesiæ Prioratûs hujusmodi, quæ etiam tunc Parochialis erat, per dictum Archidiaconum Brabantiae ad præsentationem Abbatis dicti Monasterii institueretur; eique de bonis prædictis portio quindecim librarum Lovaniensium annuatim assignaretur, receperunt, & post approbationem donationis hujusmodi à felicis recordationis Gregorio IX, seu X, aut alio tunc Romano Pontifice factam, dictus Prioratus uni Religioso ejusdem Monasterii dictum Ordinem expressè professio, ex collatione & provisione præfati Abbatis assignari soleat;

Nihilominus nec prædictus, nec etiam talis numerus Monachorum ibidem deseruiat, & quandoque unus, quandoque verò duo, nec unquam aut rarò plures Monachi cum ipso Priore ibidem degant, sitque Diœcesis prædicta Monasteriis aliisque Regularibus locis etiam ipsius Ordinis abunde dotata.

*Status  
Prioratus  
anno  
1562.*

Si dictus Prioratus, quem dilectus Filius Stephanus Flebay illius Prior obtinet, ac in eo dignitas Prioratûs & Conventualitas, & si quæ sint loca & Monachales portiones, nec non Ordo, status & essentia regulares supprimerentur & extinguerentur; ac illius bona, fructus & jura quæcumque Collegio Decani & Magistrorum hujusmodi, ad effectum erigendi & instituendi tot alias portiones Lectorum & seu studentium in Theologia, quot ex fructibus, redditibus & proventibus prædictis commodè ali possent, ac aliàs in manutentionem dicti Collegii, reservatis tamen & salvis infra-scriptis, applicarentur & appropriarentur,

Profecto per hoc quamplures Viri studium Theologiæ hujusmodi ob graves impensas alioqui deferere coacti, ad arcendos hæreticorum conatus & simul fundandum in ipsa Ecclesia Dei lætissimam frugem idonei suscitarentur.

Quare pro parte eorundem Decani & Magistrorum, asserentium fructus, redditus & proventus ejusdem Prioratûs, & illi forsan annexorum, trecentorum ducatorum auri de Camera, secundum communem æstimationem, valorem annum non excedere, Nobis fuit humiliter supplicatum, ut Prioratum ac dignitatem Prioratûs, & Conventualitatem, ac si quæ sint loca & Monachales portiones,

Nec non Ordinem, statum & essentiam Regulares prædictos supprimere & extinguere, ac illius bona, fructus, & jura quæcumque Collegio Decani & Magistrorum hujusmodi, ad effectum præmissum, reservatis & salvis infra-scriptis, perpetuò applicare & appropriare, aliàsque in præmissis opportunè providere, de benignitate Apostolica dignemur.

Nos igitur, qui dudum inter alia voluimus, quod petentes Beneficia Ecclesiastica aliis uniri, tenerentur exprimere verum annum valorem, secundum æstimationem prædictam, & Beneficii cui aliud uniri peteretur (alioquin unio non valeretur) & semper in unionibus commissio fieret ad partes vocatis quorum interesset, quique Fidei



Catholicæ propagationem & Divini Cultûs augmentum, & personarum Litterarum studiis insistentium & in iis Legentium subventionem, nostris potissimum temporibus, sinceris exoptamus affectibus, eisdem Decanum & Magistros, ac eorum singulos à quibuscumque excommunicationis, suspensionis & interdicti, aliisque Ecclesiasticis sententiis, censuris & pœnis à jure vel ab homine quâvis occasione vel causâ latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes,

Nec non ejusdem Collegii fructuum, reddituum & proventuum verum annum valorem præsentibus pro expresso habentes, hujusmodi supplicationibus inclinati, ipsius Stephani ad hoc accedente consensu, Prioratum prædictum, cum primùm illum per cessum vel decessum, aut quamvis aliam dimissionem vel amissionem præfati Stephani, etiam apud Sedem Apostolicam, aut etiam in aliquo ex mensibus in quibus vacantium Beneficiorum Ecclesiasticorum dispositio Nobis & Romano Pontifici pro tempore existenti & Sedi prædictæ per Constitutiones Apostolicas pro tempore reservata existit, aut Ordinariis Collatoribus per easdem Constitutiones seu Litteras alternatarum, aut alia Privilegia & Indulta Apostolica concessis hætenus aut in posterum, aut quomodocumque, & quandocumque concedendis vacare contigerit,

Etiam si actu nunc quovis modo & ex cujuscumque Persona, seu per liberam resignationem dicti Stephani, vel cujuscumque alterius de illo in Romana Curia, vel extra eam, etiam coram Notario publico & Testibus sponte factam, aut assentionem alterius Beneficii Ecclesiastici quâvis autoritate collati vacet, etiam si tanto tempore vacaverit, quod ejus collatio juxta Lateranensis Statuta Concilii ad Sedem eandem legitimè devoluta, ipseque Prioratus dispositioni Apostolicæ specialiter reservatus existat, dummodo tempore datæ præsentium non sit in eo alicui specialiter jus quæsitum:

*Extinctio  
Prioratus.*

Et in eo dignitatem Prioratûs ac Conventualitatem, nec non loca & portiones, & denique Ordinem, statum, essentiam & dependentiam Regulares, ex nunc prout ex tunc, & è contra, Autoritate Apostolicâ tenore præsentium perpetuò suppressimus & extinguimus, ac omnia & singula illius prædia, possessiones, bona & proprietates, nec non fructus, redditus, proventus, decimas, census, jura, jurisdictiones, obventiones & emolumenta, Collegio Facultatis Theologiæ hujusmodi ad effectum præmissum,

*Competentia.*

Ita quod liceat prædictis Decano & Magistris, illorum omnium & singulorum, corporalem, realem & actualem possessionem, etiam actu ex nunc, vivente dicto Stephano, absque spoliis & attentatorum vitio, aut Judicis Decreto vel alio ministerio propriâ auctoritate liberè apprehendere, & perpetuò retinere; ac etiam ex nunc ex eisdem fructibus, redditibus & proventibus, portiones hujusmodi, salvis tamen & reservatis ex ipsis fructibus quindecim libris Lovaniensibus, decem & octo ducatos auri similes vel circa, constituentibus Rectori seu Vicario dictæ Ecclesiæ Bierbacensis per prædictum Archidiaconum instituendo pro suâ portione competenti,

Nec non viginti quinque florenis Caroli, viginti stupheris pro quolibet floreno computatis, & duodecim ducatos similes vel circa, constituentibus Magistro seu Rectori Scholæ dicti loci pro illius manutentione, ad hoc ut ipse Magister pueros incolarum ejusdem loci scientiâ instruat bonisque moribus diligenter imbuat, perpetuis futuris temporibus; pro una videlicet in Domini nostri Jesu Christi, & altera medietatibus quindecim librarum & viginti florenorum hujusmodi in B. Joannis Baptistæ Nativitatum Festivitatibus persolvendis, erigere & instituere seu constituere & deputare, Dioecesani loci aut cujuscumque alterius licentiâ desuper minimè requisitâ, auctoritate & tenore præfatis, etiam perpetuò applicamus & appropriamus.

Nec non dilecto Filio Nicolao Monacho dicti Prioratûs, Ordinem ipsum, ut asserit, expressè professus, apud Nos de Religionis zelo, vitæ ac morum honestate aliisque probitatis & virtutum meritis multipliciter commendato, ut commodius sustentari valeat, de alicujus subventionis auxilio providere, ac præmissorum meritorum suorum intuitu, specialem gratiam facere volentes, eidem Nicolao pensionem annuam centum florenorum, etiam Caroli, quinquaginta ducatos similes vel circa constituentium, super fructibus, redditibus, proventibus, juribus, obventionibus, emolumentis & bonis præfatis, sibi quoad vixerit, vel Procuratori suo ad hoc ab eo speciale mandatum habenti, per Decanum & Magistros præfatos, ac alias personas Facultatis Theologiæ hujusmodi annis singulis, pro una videlicet in ejusdem Domini



nostri Jesu Christi, & altera medietatibus pensionis hujusmodi in Beati Joannis Baptistæ Nativitatum Festivitatibus prædictis integrè persolvendam, eisdem autoritate & tenore reservamus, constituimus & assignamus.

Decernentes possessionem prædictorum bonorum & proprietatum, fructuum, reddituum & proventuum, decimarum, censuum, jurium, jurisdictionum, obventionum & emolumentorum hujusmodi, sic actu ex nunc vivente dicto Stephano, ut præfertur, apprehensam, veram & non fictam, & pro continuata & non momentanea haberi & censi, nec Decanum & Magistros præfatos ad aliam ulterius apprehendendam teneri.

Et si quis occurrente vacatione dicti Prioratûs, ac etiam ex nunc quoquo modo, etiam ex Apostolica provisione in eo se intruserit, seu dictos Decanum & Magistros super possessione hujusmodi ejusque dependentiis molestare, perturbare, vel inquietare præsumpserit, illos super vera possessione molestatos, perturbatos, & inquietatos, ac etiam spoliatos censi, sibi que super spolio hujusmodi agere posse. Ac ex nunc Prioratum, ac in eo Dignitatem Prioratûs & Conventualitatem, loca, portiones, Ordinem, statum & essentiam Regularem hujusmodi ex nunc suppressa, nec non fructus, redditus, proventus & alia præmissa Collegio prædicto applicata & appropriata esse,

Ipsisque Decano & Magistris etiam ex nunc plenum jus in bonis, proprietatibus, fructibus, aliisque præmissis omninò acquisitum esse, & super his Beneficio Regularum de non tollendo jure quæsito, ac de annali & triennali possessione, nec non Privilegiis omnibus, quibus diuturni possesores pacifici quomodolibet utuntur, potiuntur & gaudent, plenariè gaudere debere;

Prioratumque prædictum, ad hoc ut cuiquam conferri seu commendari, uniri, aut aliàs concedi, seu de eo aliàs disponi valeat, de cetero vacare non posse, neque debere; irritum quoque & inane si secus super his à quoquam quâvis autoritate scienter vel ignoranter contigerit attentari.

Nec non Decanum & Magistros & alias personas præfatas ad integram solutionem dictæ pensionis eidem Nicolao faciendam juxta reservationis, constitutionis, & assignationis prædictarum tenorem fore efficaciter obligatos, ac volentes & eadem autoritate statuentes, quod illi ex Decano, Magistris & Personis prædictis, qui in dictis Festivitatibus, vel saltem infra triginta dies illarum singulas immediatè sequentes, pensionem prædictam, per eos tunc debitam non persolverint cum effectu, lapsis diebus eisdem sententiam excommunicationis incurrant, à qua donec Nicolao vel Procuratori prædicto de pensione hujusmodi tunc debita integrè satisfactum, aut aliàs desuper cum Nicolao vel Procuratore præfato amicabiliter concordatum fuerit, præterquam in mortis articulo constituti absolutionis beneficium nequeant obtinere.

Si verò per sex menses dictos triginta dies immediatè sequentes sententiam ipsam animo (quod absit) sustinuerint indurato, ex tunc effluxis mensibus eisdem suppressio & extinctio, ac applicatio & approbatio & appropriatio nulla & invalida, & dictus Prioratus in pristinum statum restitutus sint & esse censeantur. Eo ipso districtius exhibentes Episcopo, Capitulo, Abbati, Conventui & Archidiacono præfatis, quibuscumque aliis Personis, ne de Prioratu præfato, si vacat aut cum vacaverit, ut præfertur, & prætextu quorumcumque Privilegiorum & Indultorum Apostolicorum ac Litterarum alternatarum eis sub quibuscumque tenoribus & formis concessorum, cuiquam providere seu aliàs quomodolibet disponere, aut aliquem ad illum eligere, præsentare, assumere, seu in eo instituere,

Nec non quibuscumque aliis Personis cujuscumque dignitatis, gradûs, ordinis & præminentiae, etiam Cardinalibus & familiaribus continuis Commensalibus nostris etiam antiquis & descriptis, ac in Capella nostra Cantoribus, Capellanis, etiam Causarum Palatii Apostolici Auditoribus, nec non prædictis & aliis Romanæ Curiae Officialibus etiam officia sua actu exercentibus & illorum mensarum & aliàs qualitercumque qualificatis personis, quamvis etiam Episcopali, Archiepiscopali aut aliâ majori dignitate, seu etiam Imperiali vel Regiâ excellentiâ fulgentibus, quascumque speciales vel generales etiam mentales reservationes, primarias Preces, similes vel dissimiles uniones, annexiones & incorporaciones, suppressiones, extinctiones perpetuas & temporales, absque consensu Coadjutorum deputationes, ac nominandi, & conferendi, ac quascumque alias citra accessus vel regressus facultates, gratias & mandata, etiam



de providendo & commendando ac uniendo Litteras, concessiones, privilegia & indulta quaecumque, etiam cum provisionibus, commendis, unionibus, annexionibus & incorporationibus & aliis dispositionibus, etiam nominatim, specialiter, & expresse, de Prioratu prædicto vacante vel vacaturo, etiam consideratione, intuitu, contemplatione, vel ad instantiam Imperatoris, Regum, Ducum, & aliorum Principum, aut in eorum vel Ecclesiarum aut Monasteriorum, & illorum Mensarum & Beneficiorum quorumcumque,

Ac etiam in nullius favorem & ob remunerationem laborum & obsequiorum Nobis & dictæ Sedi impensorum, & in recompensam jurium cessorum vel ablatorum, aut spoliis & damnorum,

Ac etiam ex quibuscumque aliis quantumcumque urgentibus causis ac cum quibuscumque antelationibus, suspensionibus, restitutionibus & aliis efficacissimis & insolitis, etiam derogatoriis derogatoriis, irritantibusque & aliis etiam vim contractus seu pacti vel statuti perpetui inducentibus, & quæ ex tunc verè & non fictè effectum sortita censeantur decretis, etiam motu & scientiâ & potestatis plenitudine similibus, ac Consistorialiter, aut alias quomodolibet perpetuo vel ad tempus concessas & concessa, & in posterum concedendas & concedenda;

Quas & quæ, nec non Constitutiones alternativarum, ac Privilegia, Archiepiscopis, Episcopis, Collatoribus & Collatricibus ac Personis præfatis ac aliis quibuscumque, etiam cum similibus & fortioribus Clausulis concessa & concedenda, etiam si de illis ac Personis, de quibus & illorum prærogativa, autoritate, præminentia, nec non causis propter quas concessa sint vel fuerint, specialis, specifica & expressa mentio habenda foret,

Eorum tenores præsentibus pro sufficienter expressis, ac de verbo ad verbum insertis habentes, omnino suspendimus, & in Prioratu prædicto effectum sortiri aut locum sibi vindicare non posse neque debere decernimus; habentibus & prosequentibus, ac habituris & prosecuturis, ne in illo directè vel indirectè quovis quæsito colore se intromittere præsumant;

Ac etiam decernentes ex nunc quascumque acceptationes, collationes, provisiones, commendas, uniones, annexiones & incorporationes & alias dispositiones de eodem Prioratu, etiam per Nos & Sedem prædictam, etiam prætextu quarumcumque similibus vel dissimilibus gratiarum & concessionum factas & faciendas, nullius prorsus roboris vel momenti fore, nullumque per ea cuiquam jus acquiri, seu coloratum titulum possidendi tribui posse;

Ac suppressionem, extinctionem, applicationem & appropriationem hujusmodi ex nunc omnimodum effectum sortitas esse & censeari, nec in quibuscumque revocationibus, alterationibus, suspensionibus & limitationibus, suppressionum, extinctionum, applicationum & appropriationum etiam effectum non sortitarum, quæ post hac per Nos vel Successores nostros, tam in crastinum assumptionis cujuslibet eorum ad Summi Apostolatus apicem, quam aliàs quomodolibet, ac cum quibuscumque etiam derogatoriis, aliisque efficacioribus efficacissimis & insolitis clausulis irritantibusque & aliis decretis, quocumque tempore fient, tanquam effectum non sortitas, nisi de præsentibus & earum toto tenore & data specialis specifica & expressa mentio fiat, ac de consensu dictorum Decani & Magistrorum minimè includi, sed illis non obstantibus in suis vigore, robore & efficacia persistere, & quoties illæ emanabunt, toties in pristinum statum restitutas, ac de novo & sub quacumque data per dictos Decanum & Magistros eligenda concessas;

Sicque incommutabilis voluntatis & intentionis nostræ esse, fuisse & fore, easque nullo unquam tempore de subreptionis, vel obreptionis, aut nullitatis vitio, seu intentionis nostræ vel quopiam alio defectu notari, aut in jus vel controversiam quacumque ratione vel causâ etiam rationabili vocari, causamque seu causas, propter quas concessæ sunt, coram loci Ordinario etiam tanquam à Sede Apostolica Delegato minimè verificari;

Nec propterea, seu ex eo quod interesse putantes vocati non fuerint, per subreptionem obtentas præsumi, viribusque propterea carere: sicque per quoscumque Judices Ordinarios & delegatos etiam Causarum Palatii Apostolici Auditores & S. R. E. Cardinales in quavis causâ & instantia, sublatâ eis & eorum quilibet quavis aliter judicandi & interpretandi facultate & autoritate, judicari & definiri debere, irritum quoque & inane, si secus super his à quoquam, quâvis autoritate, scienter vel ignoranter contigerit attentari.



Quocirca Venerabilibus Fratribus nostris \* Muranensi, Amerinensi ac Feltrensi Episcopis per Apostolica Scripta mandamus, quatenus ipsi, vel duo, aut unus eorum, per se vel alium seu alios, præsentes Litteras & in eis contenta quæcumque, ubi & quando opus fuerit, ac quoties pro parte eorundem Decani, Magistrorum & personarum ac aliorum, quos eadem præsentes concernunt & concernent, fuerint requisiti, solemniter publicantes, eisque in præmissis efficacis defensionis præsidio assistentes, faciant autoritate nostrâ Litteras & in eis contenta hujusmodi firmiter observari,

\* Fortè  
Namur-  
censi.

Ac pensionem prædictam Nicolao quoad vixerit vel Procuratori præfato, juxta reservationis, constitutionis & assignationis prædictarum continentiam & tenorem integrè persolvi.

Non permittentes Decanum, Magistros & personas ac alios præfatos super Litteris & in eis contentis hujusmodi quomolibet indebitè molestari.

Et nihilominus quoslibet ex Decano, Magistris & personis prædictis, quos hujusmodi excommunicationis sententiam eis incurrisse constiterit, & quoties pro parte ejusdem Nicolai fuerint requisiti, tamdiu Dominicis & aliis Festivis diebus in Ecclesiis, dum major inibi populi multitudo ad Divina convenerit, excommunicatos publicè nuntient, & faciant ab aliis nuntiari, ac ab omnibus arctius evitari, donec Nicolao vel Procuratori præfato de pensione hujusmodi tunc debita fuerit integrè satisfactum, ipsique excommunicati ab excommunicationis sententia hujusmodi absolutio- nis beneficium meruerint obtinere:

Contradictores autoritate nostrâ, appellatione postpositâ, compescendo; non obstantibus priori voluntate nostrâ prædictâ, ac aliis præmissis, nec non Lateranensis Concilii novissimè celebrati, uniones perpetuas nisi in certis exceptis casibus fieri prohibentis, aliisque Apostolicis, ac in Provincialibus & Synodalibus Conciliis editis generalibus vel specialibus Constitutionibus & Ordinationibus, & aliis Cancellariæ Apostolicæ Regulis etiam revocatoriis & revocatarum innovatoriis ac in favorem Ordinariorum & aliàs in contrarium quomodolibet editis & edendis.

Nec non Monasterii & Ordinis prædictorum juramento, confirmatione Apostolicâ, vel quâvis firmitate aliâ roboratis statutis & consuetudinibus, Privilegiis quoque, Indultis & Litteris Apostolicis, illis eorumque Abbatibus, Conventibus, Superioribus, Patribus & personis per quoscumque Romanos Pontifices Prædecessores nostros, ac Nos & Sedem prædictam, etiam per viam generalis Legis ac Statuti perpetui, necnon initi & stipulati contractûs seu quasi, & aliàs sub quibuscumque tenoribus & formis, ac cum quibusvis etiam derogatarum derogatoriis, aliisque efficacioribus efficacissimis & insolitis clausulis, irritantibusque & aliis Decretis, etiam consideratione, intuitu, contemplatione, vel ad instantiam præmissorum aut quorumcumque aliorum, seu motu, scientiâ & potestatis plenitudine similibus, nec non Consistorialiter, ac aliàs quomodocumque & qualitercumque, ac quotiescumque concessis, confirmatis, & etiam iteratis vicibus innovatis, ac concedendis, confirmandis, ac etiam iteratis vicibus innovandis;

Quibus omnibus, etsi pro illorum sufficienti derogatione de illis eorumque totis tenoribus specialis, specifica, individua & expressa, non autem per clausulas generales idem importantes, mentio seu quævis alia expressio habenda, aut aliqua alia exquisita forma ad hoc servanda foret, tenores hujusmodi præsentibus pro sufficienter expressis habentes, illis aliàs in suo robore permansuris, hâc vice dumtaxat specialiter & expressè derogamus contrariis quibuscumque:

Aut si aliqui super provisionibus sibi faciendis de Prioratibus hujusmodi speciales, vel aliis Beneficiis Ecclesiasticis in illis partibus generales dictæ Sedis vel Legatorum ejus Litteras impetrarint, etiam si per eas ad inhibitionem, reservationem & decretum vel aliàs quomodolibet sit processum;

Quas quidem Litteras ac Processus habitos per easdem & inde secuta quæcumque ad dictum Prioratum volumus non extendi, sed nullum per hoc eis quoad affectationem Prioratum vel Beneficiorum aliorum præjudicium generari:

Seu si Decano, Magistris & personis præfatis vel quibusvis aliis communiter vel divisim à dicta sit Sede indultum, quod ad præstationem vel solutionem pensionis alicujus minimè teneantur, & ad id compelli, aut quod interdici, suspendi, vel excommunicari non possint per Litteras Apostolicas non facientes plenam & expressam ac de verbo ad verbum de indulto hujusmodi mentionem, & quibuslibet aliis Privilegiis, Indulgentiis & Litteris Apostolicis specialibus vel generalibus, quorumcum-

Ecc

que



que tenorum existant, per quæ præsentibus non expressa vel totaliter non inserta effectus earum impediri valeat quomodolibet vel differri, & de quibus quorumque totis tenoribus habenda sit in nostris Litteris mentio specialis.

Nulli ergò omnino hominum liceat hanc Paginam nostræ absolutionis, suppressionis, extinctionis, applicationis, appropriationis, reservationis, constitutionis, allogenationis, decreti, voluntatis, statui, inhibitionis, suspensionis, mandati & derogationis infringere, vel ei ausu temerario contraire.

Si quis autem hoc attentare præsumpserit, indignationem Omnipotentis Dei, ac Beatorum Petri & Pauli Apostolorum ejus se noverit incursum.

1561. Datum Romæ apud S. Petrum, anno Incarnationis Dominicæ M. D. LXI, octavo Idus Decembris, Pontificatûs nostri anno secundo.

*Supscriptum*: CARD. GLORIERIUS.

Cæterum Anno 1262. Religiosi Præposituræ de *Hamme* pagi huic vicini se unierunt huic Prioratui de Bierbeeck, & hoc modo Præpositura de Hamme extincta est & annihilata, atque ita Prioratus de Bierbeeck formatus est ex bonis Præposituræ de Hamme & Capituli Secularis de Bierbeeck de qua mox plura suo loco dicemus.

BOSSUT vulgo *Bossuyt*. Tertio ferè lapide a Lovanio versus Wavriam. Hic pagus in eminentiori loco situs est, unde quaquaversum patet aspectus amoenus; distat horæ quadrantæ a Sylvâ Merendaliâ, in agro fertili, pingui & ubere glebâ, & feracissimo omnis generis frumenti: nomen ejus licet parum corruptum seipsum indicat ac propter eam situationem vocatur *Bossuyt*, quasi extra Sylvam, licet communiter vocetur *Bossut*.

Hoc Dominium postquam a Rege Ao. 1628. & 1638. fuit oppignoratam, illud titulo emptionis absolutæ a *Philippo IV.* Hisp. Rege acquisivit Anno 1644. *D. Maria le Roy*. Hodie hoc Dominium possidet & *Marcus Guilielmus de Amezaga*, habetque arcem in ea spectabilem.

Ecclesia tutelarem colit Virginem Deiparam; ejus Patronatus cum parte decimarum olim spectavit ad Abbatiam Gemblacensem Ord. S. Bened. in Gallo-Brabantia dono *Alberti* Archidiaconi Leodiensis Ao. 1190. qui fuit *Godfridi III.* Lotharingæ Brabantiaque Ducis ex *Margareta Limburgicâ* filius; exinde Episcopus Leodiensis, pro defensione libertatis Ecclesiasticæ apud Remos in Gallia martyrio coronatus anno 1192. Has decimas & jus Patronatus dein a præfatâ Abbatiâ Gemblacensi emptionis tabulis acquisivit Anno 1639. *Guilielmus le Roy* Dom. de Bossut, quo titulo hujus loci Dynasta in prædicti *Guilielmi* jure succedens, sibi arrogare & attribuire conatur in Senatu Brabantia Patronatum hujus Parochialis independentem a consensu.

Decimarum participes sunt per portiones inæquales Dynasta hujus loci, Abbatissæ de Linter & Florida Vallis, Abbates Parchensis Ord. Premonst. & Alnensis Ord. Cisterc. Capitulum Metropolitanum Cameracense, & Beneficiatus S. Catharinæ in hac Parochiali.

Appendix hujus Parochialis est Vicus & Dominium de *Goddechîn* sive *Gotttechien*, quod a Rege oppignoratam fuit Ao. 1626. *Gerardo de Vdekem*, & reoppignoratam Anno 1638. *Judoco vande Eede*, & ei absolutè venditum a *Philippo IV.* Hisp. Rege Ao. 1657. dein obvenit *Joanni l'Hoste* primario Syndico urbis Lovaniensis; inde per nuptias devenit in familiam *Sylvii*, ex qua *Joannis Ludovicus Sylvius* Primarius Syndicus urbis Lovaniensis illud possedit; eo vero sine prole mortuo transivit ab intestato ad *Henricum Huens* Consulem Mechliniensem, qui mortuus Ao. 1723. mense Januarii & *Joannem Richardum d'Amans* Dominum de Sluyse, qui hodie illud Domi-

nium



nium possident. In eo est Capella *S. Remacii* in qua sunt quædam beneficia minoris proventus; sed a paucis annis erecta est ibidem fundatio V. missarum hebdomadatim per prædictum *Joannem Ludovicum Sylvium*.

Est etiam in hoc pago *Vicus* dictus *Peck-Rode* in quo Sacellum *D. Roberto* sacrum. Item sacellum domesticum in villâ vulgo *Beaufart* Abbatiae *Alnensis* Ord. Cisterc. ubi olim aliquot Religiosi degebant pro Fratribus laicis, qui eis præerant, ipsisque rem divinam curabant, qui Fratres inibi proprias terras colebant, & alia rusticalia exercebant, more illo tempore apud Cistercienses usitato.

**BUEKEN**, pagus est inter Lovanium & Mechliniam, in clientelâ Baronatus de Heverleâ, ejus Dominium cum *Beysssem* & *Affent* (quæ huic vicina sunt) devenit a gentilibus *Schotte* circa annum 1634. via emptionis ad *Christinaeos* Urbis ac Provinciæ Mechliniensis Syndicos a quibus partim jure emptionis partim jure uxorio transiit ad gentiles de *Haese* in qua stirpe perseverat. Exstat Bruxellis apud Cartusianos sequens Epitaphium *Theodori Schotte* Toparchæ de Bueken, *Beysssem* & *Affent*.

*Apotheosi virginis Matris, & Memoria Nobilium Conjugum D. THEODOR SCHOTTE D. ELISABETHÆ VANDEN BRANT Toparch. de Buekem, Beysssem, Affent & Herbays. quorum ille per annos XL. patriæ bono variis defunctis muneribus, Regi idem exercitus supremus judex anno ∞ ICQ. XXIX. xv. Kal. Novemb. dubium an Castrorum incommotis an merore rei publicæ a præfecto infelicitè, an & infelicitè gestæ in Velavia morbo correptus occubuit. CAROLUS SCHOTTE F. Eques Auratus, supremo Regis ærario a Consiliis, & assessor hanc aram posuit in hoc asceterio, ubi ex JOANNE ANGELUM, ex duce Religiosum, ex Fratre Deo devotum nunquam perituro affectu prosequitur. Posterii horum in Sacrificiis memoriam conservanto.*

Sub hoc pago est Dominium de *Schiltbove* dudum spectans ad gentem de *le Cocq*.

Ecclesia Parochialis quæ *S. Antonio* sacra est longo temporis tractu administrata fuit per Pastores de *Thieldonck*, a quâ Ecclesia distat medio milliari; verum ad instantiam Dynastæ & incolarum anno 1687. proprium accepit Parochum ad præsentationem Domini temporalis hujus loci Toparchæ. Universi pagi decima spectat ad Parochum.

**CORBECA ULTRA DYLIAM.** Hoc Dominium ita describit Auctor jurisprudentiæ pag. 324. „ Corbeca ultra Dylam sic dicta quod jurisdictionis suæ limites ultra præterlabentis fluvii Dylæ, (qui illam fecat & alluit) ripas protendat: ad distinctionem etiam alterius Corbecæ dictæ „ Overloo sub præfecturâ Libbecanâ, primo lapide a Lovanio abjuncta est, „ & præfecturæ Herentsusi olim subcensebatur. Triplici jurisdictione, „ liberâ Warandiâ, amplisque juribus & privilegiis donata. Possedit illam Ao. „ 1308. Joannes de Wavre, Joannis Miewe *Joannis I.* Brabantiae Ducis nothi, „ filius, frater Ludovici militis, qui primus cognomen de *Dongelberge* assumpsit, „ & ad descendentes suos (inter quos *Henricus*) transmisit. Dein fuit in familia de *T'Serraerts*, item in illâ de *Calstris*, inde in illâ de *Pinnoc*, post „ a gentilibus de *Keersmakere* possessa, quibus affines *Tympelii* successerunt anno 1510. quorum Joannes Miles acceptâ a Rege titulo emptionis „ anno 1562. summi juris potestate, hoc dominium illustrius reddidit. Hinc „ ad filium suum Oliverium vanden Tympele anno 1567. devoluta. Post a „ Maximiliano *Scheyfve* anno 1598. decreti & emptionis viâ acquisita est.

Ecc 2.

„ Tan-



*Erectum  
in Baro-  
natum.*

„ Tandem cedente Rege obtinuit anno 1644. 5. Februarii *Carolus Strei-*  
„ *gnart* Dominus de Huldenberghe, & ab illo 1656. 26. Octobris *Henri-*  
„ *cus de Dongelberghe*, Francisci Equitis Aurat. & *Joannæ Oudaert* filius,  
„ in cujus gratiam hæc Dynastia cum Dominio de Steenberghe, ei contiguo  
„ olim Oudartiorum peculio, & antiquâ Arce & Prætorio ornato, in  
„ Baronatum erecta est, Diplomate anno 1661. 17. Augusti Madriti da-  
„ to. ”

Devenit hoc Dominium cum *Steenberge & Valbeeck* anno 1687. emptio-  
ne publicâ ad gentiles & patricos Bruxellenses *Jacobs*, in qua stirpe perle-  
verat; *Corbecæ* investituram adiit Ao. 1696. *Guilielmus Franciscus Jacobs*,  
jure uxorio Toparcha de Moerseke ad Scaldim fluvium ditionis Teneræ-  
mundanæ.

CORBECA ULTRA LOO. ad distinctionem alterius de quâ jam  
egimus, quæ est ultra Dylam, hæc autem ultra rivulum de *Loo*, sub  
præfecturâ Libbecanâ, sita est, primo lapide a Lovanio versus The-  
nas.

*Erectum  
in Baro-  
natum.*

Antiquus Brabantiae pagus est, olim peculium *Calsteriorum* gentis patriciæ  
Lovaniensis, transiit postea ad *Wittemannos* Patriciam similiter stirpem, in-  
de ad *Uranxios*; Unde postquam a variis similiter jure pignoraticio fuit pos-  
sessus Anno 1651. 19. Julii viâ emptionis absolutæ a Rege acquisivit *N. de*  
*Boot*, a quo emptionis titulo obtinuit *Joannes Baptista Daneels*, in cujus  
gratiam erectus est in Baronatum Anno 1671. 20. Julii, in cujus filio Joanne  
Baptista Lanceloto Daneels aliquot annis permanfit. Nuper hoc Dominium  
acquisivit emptionis tabulis a præfato Daneels Clarissimus Dominus *Antonius*  
*Benaert* Lovaniensis J. U. D. Antecessor Primarius Universitatis Lovanien-  
sis cujus investituram accepit in Curiâ Feudali Ducatus Brabantiae Anno 1714.  
19. Februarii.

Ecclesia quæ *S. Cruci* sacra, administratur per Canonicos Abbatiae  
Parchensis. Anno 1513. confirmat *Julius* Papa Ecclesiam de Corbeke ul-  
tra *Loo* Monasterio Parchensi, quam *Theodoricus XXIII.* Abbas Par-  
chensis acquisierat ab Abbate & Conventu *S. Trudonis* sub annuâ pen-  
sione.

Ecclesia hæc Parochialis Anno 1716. a fundamento pulchrè fuit reædifi-  
cata. Universa pagi decima spectat ad Abbatiam Parchensem. Appendix hujus  
Parochiæ est *Vincken-Bosch*, locus in Diplomate foundationis Abbatiae Par-  
chensis.

CORTELKEN *alias Cortryck.* ad secundum ferè a Lovanio lapidem,  
pagus sub districtu Libbecano, quod cum Rhodio *S. Petri* unum feudum  
constituit. Hoc Dominium multo temporis tractu hæsit in familiâ vanden  
*Tympel* patriciâ Lovanienfi, à quâ per nuptias Scholasticæ vanden *Tym-*  
*pel* devenit ad illustrem Principem de *Rubempré*, in quâ illustri stirpe hæte-  
nus permanfit.

Ecclesia inscripta est *S. Catharinæ* Virg. & Mart. cujus Pastoralis cura ad-  
ministratur per Canonicos Abbatiae Parchenses.

Universa pagi decima spectat ad Monasterium Virginum *Insulæ Ducis* pro-  
pe Gempe Ord. Præmonst. uti & Patronatus Ecclesiæ.

Anno 1236. Henricus Dominus de Boutersem confert jus Patronatus  
hujus Parochialis præfatis Monialibus. Et anno 1255. idem Henricus Domi-  
nus de Boutersem confert eisdem Monialibus *Insulæ Ducis* omne jus suum,  
quod



quod habebat in Ecclesiâ de Cortelke, Diploma hujus donationis exhibetur in Supplem. Diplom. A. Miræi part. I. Cap. LXXXI. quod sic se habet.

Universis præsentibus Litteras inspecturis, HENRICUS Dominus de Bouterzeem salutem & scire veritatem.

Noveritis, quod Nos jam \* dudum in præsentia Viri Venerabilis Petri Decani Concilii Lovaniensis constituti, tempore nostræ adolescentiæ Jus Patronatûs quod nobis in Ecclesia de *Cortelke* competeat, de consilio bonorum Virorum Amicorum & Consanguineorum nostrorum, intuitu Dei, pro nostra & Antecessorum nostrorum, salute, Ecclesiæ Insulæ Ducis Præmonstratensis Ordinis, pleno jure contulimus ab eadem in perpetuum possidendum.

Et ne supradicta nostra collatio à quocumque in posterum valeat impediri, prætextu ejus quod tempore collationis prædictæ vicesimum quintum ætatis nostræ annum tunc nondum compleverimus, collationem ipsam de consilio bonorum ratam habemus, & eandem innovamus. Volentes quod supradicta Ecclesia Jure Patronatûs prædicto liberè & pacificè in perpetuum uti possit & frui.

Insuper Jus, quod videbamus in novalibus in prædicta Villa habere, ob remedium animæ nostræ & Parentum nostrorum, in eleëmofynam contulimus Ecclesiæ memoratæ; ita quod Patris nostri ac Matris nostræ nec non & nostrum & dilectæ Uxoris nostræ MARIE anniversaria Conventus sæpeditæ Ecclesiæ in perpetuum celebrabit. Testes

Dominus Alardus Abbas de Parcho,

Ægidius Prior,

Wilhelmus Præpositus,

Ludovicus Canonicus Parcensis,

Geldulphus &

Henricus de Oppendorp Fratres, ac Milites,

Joannes Investitus de Winghe,

Frater Walterus Canonicus Antverpiensis, & alii quàm plures.

Ut autem hæc rata & inconcussa permaneant, Sigillum Viri Venerabilis Abbatis de Parcho Ordinis Præmonstratensis cum Sigillo nostro, præsentis Scripto fecimus apponi.

Datum & actum anno Domini M. CC. LV. mensè Maio.

1255.

Hanc Donationem Juris Patronatus de Cortelke confirmat Anno 1254. Innocentius IV. Pontifex hoc Diplomate; quod refertur in eodem Suplem. Diplom. A. Miræi Part. I. Cap. LXXXII. ut sequitur;

Innocentius Episcopus Servus Servorum Dei, dilectis Filiis Præposito & Conventui Monasterii de Insula Ducis, Præmonstratensis Ordinis, Leodiensis Diocesis, salutem & Apostolicam benedictionem.

Cum à Nobis petitur quod justum est & honestum, tam vigor æquitatis, quàm ordo exigit rationis, ut id per sollicitudinem officii nostri ad debitum perducatur effectum.

Sane vestra petitio Nobis exhibita continebat, quod Nobilis Vir Henricus de Battersheem Dominus de Cortelke, Thomas & Henricus de Eysche Milites Jus Patronatûs quod in Capella de *Cortelke* Leodiensis Diocesis habebant, vobis pietatis intuitu contulerunt, ac dilectus Filius Henricus Leodiensis Electus Collationem hujusmodi confirmavit, prout in Litteris inde confectis plenius dicitur contineri.

Nos itaque vestris supplicationibus inclinati, quod super hoc providè factum est, ratum & gratum habentes, id Auctoritate Apostolicâ confirmamus, & præsentis Scripti patrocinio communimus.

Nulli ergo hominum liceat hanc Paginam nostræ confirmationis infringere, vel ei ausu temerario contraire. Si quis autem hoc attemptare præsumpserit, indignationem Omnipotentis Dei & Beatorum Petri & Pauli Apostolorum ejus se noverit incursum.

Datum Laterani VIII. Idus Februarii, Pontificatûs nostri anno undecimo.

F ff

EVER-

Ex Archivis Cœ nobii.

\* Anno 1236.



EVERBERGHE seu ut Gramayo placuit *Mons Everardi* five *Everensis*. Pagus inter Lovanium & Bruxellam, sub præfecturâ Campenhoutanâ cum insigni castello ad Sylvæ ingressum. Longo temporis tractu fuit inclytæ stirpis Montenacensis peculium, a qua devenit (inquit Gramayus) ad illustres ex Hungariæ Regibus descendentes de *Rubempré* nupta *Carolo Maria* Anno 1498. in quâ illustri stirpe perseverat.

*Erectum  
in Principatum.*

Erectum hoc Dominium ab Archiduce *Alberto* 18. Januarii 1620. in Baronatum, ei adjuncto Dominio de Montenacq. ob merita & grata obsequia *Philippi de Rubempré* Comitis de Vertaing, Aurei Velleris Equitis &c. & in Principatum a *Carolo II.* Hisp. Rege die 1. Maii 1686. sub titulo de *Rubempré & Everberghe* in gratiam *Caroli Philippi Antonii de Rubempré* Comitis de Vertaing &c. Magni Brabantiæ Venatoris, cujus filia *Ludovica Brigitta de Rubempré* per nuptias hoc Dominium & alia attulit *Francisco Philippo de Merode* Comiti de Monfort, præsentî Principi de *Rubempré & Everberghe* A. V. Equiti &c. cujus Illustris familiæ nomen & insignia assumpsit.

Subest huic Pago Vicus notabilis dictus *Vree-Bosch*.

In sacris Ecclesia dicata est *S. Martino* Turonensi Episc. ejus Patronatum gerit Mater majoris Xenodochii Lovaniensis, ad quod spectat Univerfa pagi decima cum pluribus agri possessionibus, ex quibus ejus loci Parocho solvitur annuè Pastoralis competentia.

*Vetus Comitatus.*

GREZ. latinè *Gravia* Municipium amplum ac nobile, Comitatus titulo insigne, nundinas suas, Leges, & Tribunal proprium habet, quod nobilium familiæ de *Greze* diu cognomen dedit, cujus Heroes in Historiis notratum sunt notissimi, exinde venit in Patrimonium Principis.

Anno 1626. pignori datum a *Philippo IV.* Hisp. Rege Baroni de Wonsheym fiduciario jure possidendum. Dein ab eodem Rege auctioni exposita est Anno 1645. 10. Januarii; quis illud emerit hætenus nos latet.

Exinde simili emptione illud acquisivit Carolus Comes *vanden Berghe* dictus Uytterlimmingen, qui dominium illud hodie possidet.

Graviæ plura sunt dominia, Vici, & appendices, inter quæ eminent *Laurenst* Comitatus titulo instructum Ao. 1674. in gratiam *Petri Ignatii Vereycken* Baronis de *Boulez* &c. item *Dulcheau*, *Argenteau*, *Bercus*, *la Motte*, *Morsaing*, *Lis* &c. de quibus pluribus Baro le Roy in Gallo Brabantia pag. 187.

Templum Parochiale *D. Georgio* sacrum est, & Venerandis Reliquiis *D. Marculphi*, celebre; est illuc accursus peregrinorum maximus, invocaturque potissimum ab iis qui strumarum incommodis laborant, ad quas continua observantur miraculosæ sanationis indicia.

Abbatia Vallis Ducis duabes a Lovanio milliaribus Ord. Cisterc. Graviæ potitur decimis, ibique sacrum ministrum constituit. Harum medietatem hæc Abbatia dono accepit anno 1236. *Mathilde* filia *Henrici I.* Ducis Lotharingiæ & Brabantiæ, Vidua *Florentii IV.* Comitis Hollandiæ; teste *C. Butkens* in suis *Trophæis Brabanticis* pag. 212.

In hac Parochiali varia sunt beneficia, quibus anno 1704. accessit fundatio facta per *D. Christophorum vanden Berghe*, pro sacro quotidiano.

Olim hîc loci Beginasium fuit, hodieque monstrantur ædes quas nunc aliquot anus inhabitant, vitam expitanciâ tolerantes: adjacet sacellum, Capellano



pellano & dote instructum non exiguâ, cujus collator Toparcha de Pielerbais. Ita præfatus Baro *le Roy* in suâ Gallo Brabantia. Lib. V. Cap. I. ubi pluribus de hoc Dominio agit.

HAMME pagus altero milliarii a Lovanio. Dominium longo temporis tractu fuit Abbatia *S. Nicasii* Remensis, quod nuperis annis suæ Abbatia acquisivit Juliana *van Boeckstal* Abbatissa Hodierna Vallis Ducis.

Olim hic loci fuit Præpositura Benedictinorum Abbatia *S. Nicasii* Remensis, fundata per *Arnulphum de Gest*, qui ut aliquid suæ observantia erga *S. Nicasii* Coenobium testaretur, dedit ei quidquid possidebat in Villis *Ham*, *Resbais*, *Hesbain*. . . . Anno 1044. Hæc fundatio confirmata fuit eodem anno per *Alberonem* & deinde Ao. 1154. per *Henricum* ambo Episcopos Leodienses, quæ præpositura extincta fuit, cum ea unita fuit Anno 1239. Prioratui de Bierbeek, & plenum effectum fortita anno 1262, atque ita bona Præposituræ de Hamme annexa fuere Prioratui de Bierbeek.

Guilielmus Marlot Monachus Benedictinus *S. Nicasii* Remensis in Historia Metropolis Remensis tom. I. pag. 659. agens Ciceronem pro domo suâ probare conatus est hanc veterem Præposituram de *Hamme* non dependere a prioratu de *Bierbeek*, & consequenter per *Pium IV.* Papam Anno 1562. non esse incorporatam Facultati Theologicæ Universitatis Lovaniensis; at ea causa nostrâ ætate ventilata fuit in Senatu Brabantia, & post diuturnam litem Facultas Theologica per sententiam hujus Senatus eâ in parte causa recidit Anno 1672.

In hoc pago est Abbatia VALLIS DUCIS Ord. Cisterciensis, Gallicè *Van le Duc*, Vernaculè *s'Hertogen-Dael*, sita apud Sylvam Meraldiam, altero lapide a Lovanio, ideo dicta *Vallis Ducis*, quia ab *Henrico II.* Lotharingia & Brabantia Duce fundata, a quo sua initia & incrementa refert Anno 1230, qui cum (ut in Chronico Villariensi legitur) non haberet hæredem masculum, Virginal Collegium se excitaturum voverat, si prole masculâ ex conjuge suscepta bearetur; itaque filio auctus, & voti compos, ut suis promissis & votis satisfaceret, Monasterium Virginum extrui fecit in libero suo allodio Sylvæ Meraldia pro LX. Virginibus Religiosis & XXX. Conversis, & duobus Presbyteris Anno 1232. Sic habent monumenta hujus Abbatia. Præfatus Dux hunc locum Cisterciensi Abbati obtulit cum justo Prædiorum & Vectigalium numero, idque *Gregorio IX.* Papæ & Capitulo Generali Ord. Cisterc. mox placuit. Narrat *E. Dinterus* in M. S. Chronico Ducum Lotharingia & Brabantia quod apud nos latet, eum inter cætera bona dedisse Ao. 1235. magnam decimam de *Tysca* superiori, quod huic Abbatia vicinum est Municipium. Idem *Dinterus* in eodem Chronico lib. IV. Cap. 13. ait., *Henricus II.* per suas certi tenoris litteras datas Lovanii anno M. CC. ., XXXVI. Sabbatho post festum *B. Barbaræ*, dedit & reportavit in eleëmofynam Abbatissæ & Conventui Vallis Ducis medietatem decimæ de Greys tam minutæ quam majoris perpetuo possidendam, quam soror sua *Mathildis*, relicta quondam Illustris Comitissæ *Florentii* Hollandia in ejus præsentia constituta, omne jus quod in eadem decimâ habebat, ad opus Abbatissæ & Conventus prædictorum in manus suas deportavit, prout, in litteris desuper confectis plenius continetur." Hactenus *Dinterus*.

Curam hujus Abbatia præfatus Dux *Henricus I.* commisit anno 1233. *Wilhelmo de Bruxella* Abbati XI. Villariensi.



Prima hujus Monasterii Abbatissa fuit *Aleydis*, natura, ingenio, virtute & gratiâ clara.

Eidem Duci filia erat *Margareta*, hæc magno desiderio affectans se totam Deo mancipare in hoc Monasterio cum XVI. Nobilibus Virginibus secum ductis Ordinis Cisterciensis habitum & Regulam assumpsit, atque exinde adeo Religiosis virtutibus excelluit, ut reliquis omnibus fuerit præfecta, & mortua *Aleyde*, II. Abbatissa sit electa, dein suis summâ prudentiâ & pietate pluribus annis præfuit, quæ obiit in odore Sanctitatis anno 1277. tumulus ejus etiamnum illic hodie conspicitur in Choro Monialium ante Deiparæ Virginis aram sub cæruleo lapide, sed litteræ inscriptionis evanuerunt.

Cæterum cum succedentibus temporibus disciplinæ & clauistro non ita tenaces virgines liberius agerent, & ferè seorsim viverent, introducta, ut cum magno labore, ita maximo cum fructu est Reformatio per *Franconem Calaber XLI.* Abbatem Villariensem & *Elisabetham Baton XXII.* hujus loci Abbatissam, allaborante *Isabella Lusitana* uxore *Philippi Boni* Burgundiæ & Brabantiae Ducis, & Capitulo Generali jubente: Id factum refert *Grammaius* Anno 1460., at Monumenta hujus Monasterii Anno 1467.

Ad laudem hujus Monasterii facit quod plures exinde in eo, virtute & exemplari vitâ excelluerint, & in odore Sanctitatis obierint, ac etiam aliquæ alibi ad præfecturam electæ sint, inter quas *Elisabetha de Bergis* alias *de Sevenberge* Abbatissa de Camerâ propè Bruxellam, *Catharina Briffaert*, *Philippina de Bie* & *Magdalena de Muysen* Abbatissæ de *Binderen* in Diocesi Sylvæducensi prope Helmondam, *Margareta van Wemelingen* Abbatissa Vallis *S. Bernardi*, hodiè Diefthemii, *Cornelia Lommel* Abbatissa de *Rotthem*, *Helwidis Schreven* Abbatissa Vallis *Floridæ*, quæ etiam ibidem Reformationem induxit, *Maria Wittem*, item Abbatissa Vallis *Floridæ*, *Clara Bollaerts* Abbatissa de *Bonnegem* in Diocesi *Trevirensi* propè *Luxemburgum*.

Ad non minorem etiam hujus Abbatissæ laudem facit quod refert *A. Miræus* in Chronico Cisterciensi, agens de Abbatia *Binderen* his verbis. „ Hujus loci Moniales liberius viventes *Dionysius Zeverdonchus* Abbas Villariensis in ordinem redegit, adjuvante *Maria Hungarica Caroli V.* Imperatoris forore Belgarum Gubernatrice, & novâ Abbatissa cum Monialibus ex Valle Ducis ad *Bindersusis* Monasterii regimen evocata, ut in Chronico Villariensi fusius legitur.

Reformatio hujus Abbatissæ, ejusque fama & fructus, ita late innotuit, ut certatim ejus vitæ desiderio, ex Monasteriis Brabantiae, Flandriæ, Arthesiæ, Leodiensis tractus, immo Picardiæ adventarent, tum ut horum cætui aggregarentur, tum ut cum his aliquamdiu consuescentes, sacrum Reformationis modum, ad suas reportarent. Ita fere *J. B. Gramaye* in *Lovanio*.

In turbis Belgicis seculi XVI. multas acerbis calamitates ac devastationes perpeffa est hæc Abbatia, bis incendio in cineres fere redacta. Virgines hisce malis graviter afflictæ, *Lovanium*, per XVIII. annos profugæ, multum cum temporis injuria colluctatæ, tandem ad flebiles ruinas sui Monasterii regressæ, sua restaurare & reparare aggressæ sunt, venditâ non exiguâ parte bonorum & censuum, foundationis sui Monasterii. Succedentibus deinde belli temporibus, cum Mars in iis partibus crudeliter sæviret, in magnâ miseriâ & egestate fuere, ex quâ tandem ope divinâ, ac curâ & vigilantia superiorum suarum cum pace respirare incipiunt, & ad pristinum statum redire pergunt.



Monasterium hoc hodie est insigniter formatum, & Moniales in regula-  
ri observantiâ hactenus vivere perseverant.

## ABBATISSÆ VALLIS DUCIS.

I. *Aleydis.*

II. *Margareta Filia Henrici II.*

Ducis Brabantiae, ac Fundatoris  
hujus Monasterii. Obiit in odore  
Sanctitatis Anno 1277.

III. *Jaquelina des Champs.*

IV. *Gertrudis de Goetsenhoven.*

V. *Maria van Saelm.*

VI. *Ermetrudis de Montfort.*

VII. *Joanna van Prand.*

VIII. *Anna Smoers.*

IX. *Catharina van Susper.*

X. *Margareta de Schaedeboeck.*

XI. *Elvidis.*

XII. *Catharina de Goetsenhoven.*

Obiit 1420.

XIII. *Elvidis van Meerbeeck.*

XIV. *Bernarda de Pinnockx.*

XV. *Magdalena de Graen.*

XVI. *Beatrix vander Linden.*

XVII. *Joanna de Vinghen.*

XVIII. *Maria van Gaesbeeck.*

XIX. *Cornelia Weelemans.*

XX. *Juliana van Overtvelt.*

XXI. *Aleydis.*

Post Reformationem.

I. *Elisabetha Baeten* prima Reforma-  
trix.

II. *Margareta Calabers.*

III. *Helwidis s'Greven.*

IV. *Jaquelina del Campo.*

V. *Elisabetha Voghels.*

VI. *Magdalena van Vlaenderen.*

VII. *Margareta van Wemelinghen.*

VIII. *Anna de Moor.*

IX. *Joanna Voghels.*

X. *Maria Vander Spicht.*

XI. *Elisabetha Vyter-Hellight.* Obiit  
1610.

XII. *Joanna Mudæus.* Obiit 1619.

XIII. *Maria van Opsen.*

XIV. *Robertina Henrion.*

XV. *Elisabetha Leemans.*

XVI. *Scholastica Reusmen.*

XVII. *Juliana van Boxstal,* præsens  
Abbatissa.

HERENT. Præfecturæ istius nominis Caput, pagus ad pedem mon-  
tis de *Roeselbergh*, de eo sic meminit auctor Jurisprudentiæ Heroi-  
cæ his verbis pag. 319. „Pagus Herentensis, Equestris apud Brabantos fa-  
„ milia nomen & peculium. Cujus vestigium Curia Herentensis, illa a 200.  
„ annis a Waltero Evelogio & posteris possessa, donec Catharina marito  
„ stirpis Wyfelet nupta anno 1450. in ejus nomen cum Dominio abiit. Tan-  
„ dem mortuis matribus, Margareta van Pede anno 1507. Philippus Water-  
„ malius anno 1554. Philippus vander Noot anno 1557. Ægidius de Busley-  
„ den anno 1586. in hæc bona succedentes suis familiis Curia possessio-  
„ nem communicarunt.” & post pauca. „Dominium emptionis titulo Joan-  
„ nes vander Ee, obtinuit anno 1570, quod hodie possidet Renatus de Mol  
„ Antonii militis Toparchæ de Balen, Dessel, Rollant &c. & D. Mariæ  
„ Triest filius, in cujus gratiam anno 1658. 17. Augusti in Baronatum est  
„ erectum.” Postmodum transiit hoc Dominium ab eo emptionis titulo ad  
justum Philibertum Spangen, in cujus gratiam rursum in Baronatum erectum  
est sub nomine *Spangen* a *Carolo II.* Hisp. Rege anno 1687. die 15. Julii, *Erectum  
in Baro-  
natum.*  
in qua stirpe hactenus perseverat, qui hodie *Philippus Ludovicus*, Baro de  
*Spangen*.

Ecclesia dicata est Virgini Deiparæ *Mariæ* in Cælos assumptæ. Fuisse  
hic olim celebrem ad Virginem Deiparam miraculis tum coruscantem po-  
puli concursus testatur destinatum peregrinis & obsessis, præcipuè a ma-  
li-



ligno dæmone quondam Nosocomium, in quo recipiebantur, hujusmodi genus hominum, donec certo dierum numero vota sua Divæ persolvissent.

Patronatus hujus Parochialis spectat ad Capitulum Metropolitanum Cameracense, possiderque primarias decimarum partes, idque eo titulo (ut vulgo fertur) quod olim hujus loci Pastor factus Canonicus in hoc Capitulo, eas huic Capitulo de consensu summi Pontificis, & Episcopi univerit. Reliqui decimatores partiales sunt 1. Commendator de Pitzenburch Mechliniæ 2. Abbatia Parci Dominarum Ord. Cisterc. 3. Pastor in Thieldonck titulo beneficii in suâ Ecclesia. 4. Abbas Gertrudanus Lovanii, 5. Abbas Parchensis. Subfuit olim hæc Pastoralis Cura, cum Thieldonck & Oisterhem ante erectionem novorum Episcopatuum in Belgio, Episcopo Leodiensi.

Hujus Ecclesiæ Parochum egit Anno 1602. *Laurentius Beyerlinck* S. T. L. & Archipresbyter Districtus Lovaniensis, dein primus Præses Seminarii Antverpiensis ibidem Cathedralis *B. Mariæ* Canonicus Graduat & Archipresbyter, scriptis etiam editis clarus, quæ Valerii Andrææ Bibliotheca Belgica recenset.

Subest huic pago Vicus de *Wyghmale* ad Dylum fluvium ubi statio navium & retinaculum Dylæ in quo est sacellum *D. Adriano Mart. sacrum*.

Sub hujus latè patentes Parochiæ ambitu est *Thudichemium* nomen & peculium inclytæ stirpis.

Item Coenobium *Bethleemiticum* Ord. Canonicorum Regularium *S. Augustini* Capituli Windesemensis, propè Lovanium ad pedem montis qui vulgo *Roeselbergh* dicitur in Vico de *Oisterhem*, olim Ecclesia Parochialis, cujus Cura, quæ olim erat quarta Capella de Heverleâ eidem Monasterio incorporata est, adeo ut eorum Ecclesia sit simul Parochialis hujus vici, & dependeat a Monasterio de Bethlehem, perpauca habens Parochianos.

Hoc Monasterium ex Clusâ quâdam in Monasterium conversa est Anno 1407. Fr. *Jacobo de Vriese* Coenobitâ Corfendoncano in primum Priorem constituto, succrevitque in elegantis formæ Canonicam. Primum Capitulo Viridis Vallis incorporatum fuit, postea anno 1412. Capitulo Windesemensi se subjecit.

Hic olim Canonicum & Priorem egit *Petrus Impens* initio seculi XVI. Auctor Chronici Bethleemitici, citati sæpius ab Augustino Wichmans in Brabantia Marianâ, quo in opere Lib. III. Cap. III. Historiam Canonicæ Bethleemiticæ leges, nec non apud J. B. Gramaye in Lovanio pag. 29. novæ edit: Præfatum Chronicon M. S. adservatur in hoc Monasterio.

## SERIES PRIORUM IN BETHLEEHEM.

- I. JACOBUS DE VRIESE alias de Halle professus in Corfendonck. Electus Prior Ao. 1407. qui triennio vix expleto officium deposuit Ao. 1410.
- II. ARNOLDUS KENENS Diesthemienensis Professus in Corfendonck. Ao. 1410. quod munus per triennium strenuè administravit, resignat Ao. 1413.



- III. ARNOLDUS DE HOLAER ex Monasterio Viridis Vallis, Ao. 1413. rexit per annos VIII.
- IV. ARNOLDUS KENENS Diesthemienfis Germanus frater prædicti Arnol- di qui VII. annis officio fungens absolutus est, & denuo reelectus tri- bus annis completis cum magnâ opinione Sanctitatis obiit. Ao. 1431.
- V. HENRICUS OBRECHTS Bruxellensis. Anno 1431. qui dum VII. an- nis præfuiſſet absolutus est, in eodem anno electus Prior in Throno Mariano, ubi anno nondum expleto defunctus, & ibidem sepultus est.
- VI. ÆGIDIUS BONCKEROUL, Leodiens. Anno 1438. præfuit annis VII.
- VII. HENRICUS DE PLATEA, ex Monasterio Viridis Vallis. Anno 1445. qui post biennium rediit ad domum suæ Professionis.
- VIII. BARTHOLOMÆUS CONRARDI, de Harlem. Anno 1447. præfuit annis tribus.
- IX. HENRICUS DE MERICA, ex Arscot. Anno 1450. post regimen VII. annorum, absolutionem humiliter petiit & accepit. Sed postea in Prio- rem XII. electus est.
- X. OLIVERIUS DE BEROT, ex Procuratore Viridis Vallis ubi professus erat in Priorem hic anno 1456. electus est, qui anno nondum expleto re- vocatur ad magisterium domus propriæ.
- XI. CORNELIUS DE KEREWERF, ex Zelandia, Anno 1457. cum humi- li resignatione post biennium absolutionem obtinuit.
- XII. HENRICUS DE MERICA qui supra, reelectus Anno 1459. qui cum hac vice XIV. & VII. ab ante simul XXI. annis multa pace & gratiâ præfuiſſet, morbo aliquamdiu affectus. Vir admodum mitis & magni ingenii, cui oblata fuerat Prælatura Parchensis, sed respuit, vita pa- riter & dignitate functus, migravit ad Dominum Anno 1473. 2. Sep- tembris.
- XIII. GUILIELMUS STORM, Bruxellensis ex Rectore Monialium in me- diâ plateâ Lovanii, quibus laudabiliter annis XVII. præfuerat, elec- tus Prior Anno 1473. fuit promotor reformationis Xenodochii Lovä- nienſis. Hic duorum annorum spatio non plenè exacto, humiliter abso- lutionem petiit & obtinuit, ac dein rexit Moniales in Jericho Bruxel- lis, qui tandem senio confectus ibidem obiit.
- XIV. GUILIELMUS GUENNENS, Bruxellensis Artium Magister ex Con- fessore Vallis *B. Mariæ* Diesthemii, quibus laudabiliter præfuit ac profuit annis XV. hic Ao. 1473. eligitur Prior. Anno 1499. 4. Septem- bris suum celebravit Ordinis Jubileum, ac demum multis curis ac debi- litatibus fractus anno ætatis suæ 80. professionis 54. prælaturæ 39. piè prout vixerat obdormivit in Domino anno 1503. 23. Octo- bris.
- XV. PETRUS IMPENS Thenensis ex Supprie Reſtor Monialium in Val- le Marianâ Diesthemii, quibus memorabili fructu præfuit ac profuit an- nis XVI. inde Anno 1504. 3. Januarii ad prælaturam in Conventu suo proprio sublimatus est. Qui vir magnæ prudentiæ & doctrinæ fervato professionis suæ Jubileo cum Supprie Germano fratre suo Severino vitam cum officio reddidit Altissimo anno 1523. 13. Decem- bris, Prioratus sui XX. Professionis LV. ætatis LXXII.
- XVI. JOANNES BOSVERCKENS, Bruxellensis. 1524. qui dum per an-



- nos XVI. summâ cum laude rexisset obiit Anno 1540. 17. Maii.
- XVII. JOANNES SEGERS Antverpiensis electus Prior anno 1540.
- XVIII. ROBERTUS DIERIX, Lovaniensis hic professus, electus prior anno 1455. qui & XX Prior dein fuit.
- XIX. JOANNES DE KOKERE, Bruxellensis Anno 1576, qui iterum reelectus fuit XXI. Prior.
- XX. ROBERTUS DIERIX qui supra XVIII. Prior fuit.
- XXI. JOANNES DE KOKERE, qui supra XIX. Prior. Obiit anno 1597. per annos XXV. Rector Monialium in mediâ plateâ Lovanii & novem annos Prior, tempore Hæreticorum in media plateâ sepultus.
- XXII. ARNOLDUS VANDER VORST, Lovaniensis hic professus.
- XXIII. PETRUS BEYDAELS. Bruxellensis hic professus. Obiit Lovanii anno 1603. & sepultus in Monasterio ad mediam plateam, ubi ante fuerat Rector annis V.
- XXIV. ROLANDUS VAN ASBROECK, Bruxellensis professus in Rubeâ Valle, hic electus Prior anno 1603.
- XXV. JOANNES PEETERSSEM, Campinienſis professus in Hagâ Mariana apud Eyndoviam, existens Rector in mediâ plateâ Lovanii, fuit hic electus Prior Ao. 1614. fuit aliquot annis Secretarius Capituli Windefemensis, quinto post anno electus est Prior sui Cœnobii Hagæ Marianæ.
- XXVI. CHRISTOPHORUS PASTEELS, Lovaniensis professus ad S. Martinum Lovanii hic electus Prior Ao. 1629. qui vocatus ad regimen propriæ domus professionis anno 1626. ibidem obiit anno 1635.
- XXVII. CHRISTOPHORUS HUNÆUS, ex Wyghmael Anno 1626. hic electus Prior, cum per annos XXIX. præfuiſſet, & per annos XVII. Secretarius Capituli Windefemensis, obiit anno 1657.
- XXVIII. PETRUS VAN GEELE, Lubbecanus electus Prior Ao. 1657. Obiit 1659.
- XXIX. GODEFRIDUS DE RIEMER, Antverpiensis, professus ad S. Martinum Lovanii, electus Prior Ao. 1659. qui Prioratum resignavit Ao. 1676. & ad domum professionis suæ reversus obiit Ao. 1687. hic etiam fuit Secretarius Capituli Windefemensis.
- XXX. AUGUSTINUS VANDE CAUTER, Roosbecanus hic professus, præfuit usque ad annum 1683. qui jubiliarius existens obiit anno 1690.
- XXXI. GISLENUS JOURET, Mechlinienſis hic professus, electus Prior 9. Aprilis anno 1683. Obiit 19. Julii anno 1683.
- XXXII. JACOBUS MARIEN, Bruxellensis qui fuerat per annos V. Prior in Melle prope Gandavum; electus hic Prior anno 1683. Obiit 27. Februarii anno 1702.
- XXXIII. GASPAR JOURET, Antverpiensis electus Prior 14. Martii anno 1702. hodie præest.

Barona-  
tus.

HEVERLEA, vernaculè *Heverle*, compendio seu mutilatione *Hever* appellant, Præfecturæ hujus potens Dominium, ad muros Urbis Lovaniensis. Jurisdictio ejus olim quam nunc amplior, cujus pars cum agro suo, nunc Urbs & Urbis est, illa nimirum ubi *S. Quintini* Parochia est & *Beginaſium*.

Domini ejus inter vafallos Comitſ Lovaniensis, & Comitibus eveſtis ad Ducalem dignitatem *Camerarii* (dignitatis id primariæ nomen) Brabantia Ducis Hæreditarii cenſentur.

An-



Anno 1450. devenit hoc Illustre Dominium a *Rasone Graviensi* Maleviæ Toparchâ emptionis titulo ad *Antonium Croyum* Regia Hungarorum stirpe editum.

Heverlea Baronatus titulo insignitur a *Carolo V.* Imperatore anno 1518. dum ad Ducatus apicem proveheretur Arscotum. Erektionis Diploma qui nosse vult in jurisprudentiâ Heroicâ inveniet pag. 265.

Arcem Heverleensem in supercilio Dylæ, situ & amoenitate, amplitudine nulli ex vicinis facile cessuram, Cerviæ Dominus *Guilielmus* inchoavit, perfecit *Philippus Croyus* Arscoti Dux primus, circumductoque flumine reddidit Augustiorem Arscoti Dux IV. quorum hic portentoso opere perfossis montibus latam Lovanio viam deduxit, hortos eximio vultu & dispositione direxit, omnia denique ex veteribus nova fecit aut refecit.

Tandem *Anna de Croy* Ducatus Arscoti Hæres, nupta *Carolo Arenbergio* e gente *Ligne* transtulit præclarum hoc Dominium in illam stirpem, in quâ jam pridem & hodie perseverat possideturque ab *Arenbergia* & *Arscoti* Duce, sibi que subjecta habet *Berthemium*, *Eygenhoviam*, *Heverleam* veterem five Altam *Heverleam*, qui pagus est ad ingressum Sylvæ *Merendaliæ*, item feuda *Beersemium*, *Bueken* & *Affent* &c. Arx Heverleensis exhibetur in Castellis Nobilium Brabantiae Baronis *le Roy*. Simulque ibidem veteres dynastas recenset. Heverleam item accuratè describit Auctor jurisprudentiæ Heroicæ pag. 247.

Quoad rem sacram, referunt memoriæ veteres *S. Lambertum* Tungrensem Episc. conversioni infidelium operam dantem hîc loci erecto Sacello rem divinam peregrisse, ideoque forsitan fertur quod ejus Parochialis Ecclesia sit antiquissima totius Brabantiae, quæ hodiè patronum veneratur eundem *S. Lambertum*, consecrata ut fertur a *S. Huberto* Episc.

Patronatus ejus & Decimæ spectant ad Scholasticum Ecclesiæ Collegiatæ *S. Bartholomæi* Leodii; earum decimarum pars spectat ad Abbatem Parchensem quam *Henricus de Overbeca* XIX. Abbas Parchensis suæ Abbatiae acquisivit anno 1399. a Domino de Heverlè sub certâ pensione vitali.

Hæc Heverlea, Parochia est multo antiquior, quam altera Heverlea, quæ non a vetustate, sed a vicinâ Sylvâ *Merendalia* dicenda est *Haut-Haver*, quæ olim fuit Capella *S. Annæ* sacra, dein erecta in Parochialem sub eadem S. tutelari. A tempore immemorabili unita cum præcedenti Heverleâ.

*J. B. Gramaye* in Lovanio pag. 59. edit: novæ ait „ Secundum Diplomata „ *Hout-Hever* appellandam *Oudt-Hever* id est Hcverleam veterem non *Hout-* „ *Heverlè* id est Sylvarum Heverlea, nec *Haut Heverle*, id est alta He- „ verlea. Deinde ibidem ait „ *Heverlea Vetus*, quam licet aliqui ob confines „ voces Gallicas & Teutonicas *Hout* id est lignum, & *Hault* id est altum „ aliter appellent, tamen ex Diplomatribus ad unum omnibus constat *Out* id „ est veterem dicendam. Cui accedit ratio quod ante coeptam coli moder- „ nam Heverleam hic Capella tantum, Parochia in veteri semper fuerit. Hactenus *Gramaye*. Quidquid sit ego litem non dirimam, relinquens hanc rem aliis examinandam.

Subjacet huic Parochiali vicus & Dominium *Valbeek* in quo Sacellum *B. Mariæ Magdalene* sacrum, subest Priori Viridis Vallis, qui ejusdem loci gaudet decimis.

Sub *Haut-Heverlea* est Dominium *Steenbergen*. Anno 1687. Dominium de Corbeca ultra Dylam cum *Steenbergen* & *Valbeek*. Emptione publica



devenit ad gentiles *Jacobs* Patricios Bruxellenses, inde *Steenberghe* jure nuptiali obvenit *Simoni de Herckenrode* ex gente patricia Lovanienſi, qui hodie Conſul Urbis Lovanienſis. In hoc Dominio *Steenberghe* eſt celebre & illuſtre Sacellum D. Virgini ſacrum, erectum olim Dynaſtæ expenſis hujus loci in ejus fundo. Colitur hîc imago Deiparæ Virginis multis clara miraculis, quæ præcipuè celebratur cultu & officiis Theologorum majoris Collegii. Tractat pluribus de hac miraculoſâ imagine Deiparæ A. Wichmans in Brabantia Marianâ Lib. II. Cap. VI. & quia eſt in plurium manibus ad eum curioſum lectorem remittimus.

Intra Heverleam eſt Monasterium Ordinis Cæleſtinorum quod in Belgio eſt unicum, fundatum anno 1521. a *Guilielmo Croy* Cerviæ Domino & *Maria de Hamal* ejus conjuge, Advocatis e Gallia Religioſis, ambo inibi conditi ſplendidiffimo Maſſolæo elevato. Diploma foundationis hujus Monasterii refertur in Suppl. Diplom. A. Miræi part. 2. cap. CL. ut ſequitur.

*Ex Archi-  
vis Mona-  
ſterii.* Nos MARIA DE HAMAL Marchioniſſa Arſchoti &c. Vidua deſuncti Nobilis & potentis Domini D. GUILIELMI CROVIACI, dum viveret, Marchionis dicti Arſchoti, Comitſ Bellimontis, Domini Cerviæ & Hevriæ &c.

Omnibus præſentes Litteras inſpecturis, aut audituris, notum facimus, quod ad perficiendum & exequutioni mandandum teſtamentum & ultimam voluntatem dicti mei Domini & Mariti, quâ ex expreſſo conſenſu Majeſtatis Imperialis voluit, ordinavit, & conſtituit, quod in loco dictæ Hevriæ juxta & extra Urbem Lovanienſem, fundaretur, dotaretur & erigeretur unum Clauſtrum & Monasterium viginti quatuor Religioſorum Ordinis Cæleſtinorum;

Nos fecimus, commiſimus, ordinaviſus & conſtituimus, & per præſentes facimus, committimus, ordinamus & conſtituimus Reverendiſſimum in Chriſto Patrem Carolum Crouiacum Adminiſtratorem Episcopatus Tornacenſis & Abbatiae Affligemenſis, noſtrum Nepotem, ad & in nomine noſtro Religioſos dicti Ordinis Cæleſtinorum realiter & effectivè ponendos, & inducendos in realem, actualem, & corporalem poſſeſſionem dicti Clauſtri & Monasterii, in dicto loco Hevriæ per Nos inchoati, ut ibi per dictos Religioſos fiat, & celebretur Officium Divinum conſequenter & juxta contentum dicti Teſtamenti, & ultimæ voluntatis.

Quod Clauſtrum & Monasterium, quia nondum eſt perfectum, promiſimus & promittimus per præſentes perficere quantum ad ædificia, quæ reſtant adhuc faciendâ: & etiam dotare, juxta tenorem & contentum dicti Teſtamenti & ultimæ voluntatis.

In cujus Teſtimonium præſentibus noſtrum Sigillum appendi juſſimus anno gratiæ milleſimo quingenteſimo vigefimo quinto, xxvii. Septembris.

In hac Eccleſia inquit J. B. Gramaye in Lovanio, quæ plane plenèque renovata eſt poſt annum 1569. rem toti non Belgio, ſed Europâ ſuſpiciendam, & admirandam Illuſtriſſimus Dux (*de Croy*) molitur, Principes Croyos & affines ſingulis marmoreis repræſentans monumentis: ut non immerito, Maſſolæum Croyacum liceat appellare. Horum Monumenta ſepulchralia & inſcriptiones, plura qui volet, reperiet in Heverleâ Cæleſtinâ Cap. III. & in jurisprudentiâ Heroicâ pag. 248. & ſeq.

HOLSBECKE, olim *Hulſebecck* de hoc pago ſic meminit Auctor jurisprudentiæ Heroicæ his verbis: „Holsbeca in diſtrictu Libbecano intraprium a Lovanio lapidem ſita eſt & an. 1561. cedente Rege *Joachimum*, *Gielis* Fiſci Ducalis Advocatum Dominum agnovit, dein *Hieronymum*, ejus filium, & anno 1518. *Simonem Hugonem de Creton* Matris *Mariæ*, *Gielis* præfati *Joachimi* filiæ Hæredem. *Joanna Iſabella de Riviere Caroli*



„ *rolé de Schoonhoven* Domini de *Horst* vidua absolutum Dominium anno 1650. a Rege obtinuit, & eâ mortuâ successit anno 1652. *Rudolphus Maximilianus de Riviere d'Arscot*: tandem obtinuit *Fredericus de Dielbeke*, in cuius gratiam anno 1661. die 17. Augusti in Baronatum erecta „ est ” eidem unientes Dominia d' *Attenhoven* & *Dutsele*: Verba sunt Diplomatis.

Erectum  
in Baro-  
natum.

Hoc Dominium hodie possidet *N. Gathovius* Advocatus Bruxellis.

Ecclesia tutelarem colit *S. Maurum Abb.* Patronatus spectat ad Præpositum Ecclesiæ Collegiæ *D. Petri* Lovanii, ad quem etiam spectat potior pars decimarum. Decimas minores possidet Capitulum secundæ foundationis in eadem Ecclesiâ, item Thesaurarius ejusdem Collegiæ pro parte exigua; Pastor habet novales.

LEEFDAEL, olim *Lovedalia*. Præfecturæ Vilvordienfis magnæ dignitatis Dynastia, & Baronatus prænobilis, jure gaudens municipali, primo lapide cum dimidio distans Lovanio, ad *Furam* Rivulum, & si *Guicciardino* fides Brabantinorum omnium antiquissimus Baronatus.

Longo temporis tractu possessus fuit a nobilissimâ hujus nominis familiâ, longè latèque per totam provinciam clarissimâ, quæ cœpit declinare cum hæc Dynastia in aliam transiit familiam. De pristinis Leefdalæ Baronibus vide jurisprudentiam Heroicam pag. 284.

Nuperis annis emptionis via devenit ad *Philippum Helman*, cujus filia & Hæres dote attulit *Joanni de Brouckhoven* filio primoginito *Joanni Baptiste de Brouckhoven Comititis de Bergheyck* & *Helena de Forment*.

Anno 1679. Leefdalæ Baronatus in gratiam prædicti *Joannis de Brouckhoven* Diplomate *Caroli II.* Hisp. Regis confirmatus est. Ibidem est insigne Dynastæ Prætorium, cujus schema exhibet *Barole Roy* in Castellis Nobilium Brabantia.

Confirmatum in  
Baronatum.

Ecclesia patronum veneratur *S. Lambertum* Tungrensem Episcopum consecrata (ut fert vetus traditio) a *S. Huberto*. Patronatum ejus gerit Archiepiscopus Mechliniensis jure Abbatiali Affligemienfis, ad quam Abbatiam potior & primaria spectat decimarum pars, reliqua ad hujus loci Parochum & Matricularium spectat.

Appendix hujus Parochialis est Ecclesia *S. Veronæ*, quæ teste *J. Molano* ad Natales S. S. Belgii die 29. Augusti titulo S. Crucis dicata est: In eâ quiescit *S. Verona Virgo*, ac ejus sepulchrum in medio Ecclesiæ situm magnopere visitatur & frequentatur, & extra Ecclesiam fons ejus piè bibitur. Hujus Ecclesiæ patronatus spectat eodem jure ad eundem Archiepiscopum, in hac appendice Pastor solus percipit decimas.

LOVENIOUL id est *Lovaniolum*, pagus juxta Lovanium, a quo distat ferè primo lapide sub districtu Libbecano, ejus dominium postquam a Rege oppignoratam fuit anno 1558. & 1628. devenit viâ emptionis absolutæ a *Philippo IV.* Hisp. Rege anno 1648. die 7. Octobris ad gentiles de *Spoelbergh* patricos Lovanienses, in qua stirpe perseverat.

Ecclesia tutelarem colit *S. Lambertum* Tungrensem Episcopum, ejus patronatus spectat ad Capitulum Visitenſe Ditionis Leodiensis ad Mosam fluvium. Decima spectat ad idem Capitulum; sed Pastor habet Decimas Novales & competentiam ab eodem Capitulo.

In hoc loco in Vico *Ter Dunck* olim habitavit *S. Ermelindis* ubi in Monasterio (quod a multis annis desiit) Virginitatem suam duodenis Deo consec-

En février 1878  
on y a découvert  
une tombe  
de l'époque  
romaine. Elle  
contenait plusieurs  
ossements.  
On en fait  
l'acquisition,  
en janvier 1879.  
L. Gt.



fecravit. Ita *J. Molanus* & *A. Miræus* ad diem 29. Octobris, nonnulli tamen putant eam habitasse non in hoc loco, sed partim in *Maillard*, partim in *Tourine* & in *Bavrechiem*, qui locus hodie est Dioecesis Leod.; sed quo fundamento, relinquo aliis examinandum.

LUBBEKE, *sive Libbeke*. Nobilis olim pagus, & Equestris cognomen familiæ. Caput istius nominis districtus sub Lovanio, a quo distat primo lapide cum dimidio inter Diesthemium & Thenas.

Hoc Dominium titulo emptionis absolutæ a *Philippo IV.* Hisp. Rege acquisivit N. Dominus de *Schoonhove* Anno 1640. die 27. Septembris.

Hodie illud possidet Excellentissimus Princeps de *Rubemprè*, & *Everbergh* &c.

Anno 1626. a Rege oppignoratatum fuit *Joanni Fannio* Equiti Sanctioris Senatus a Consiliis, cujus lapis sepulchralis visitur in Ecclesia Collegiata S. S. *Michaelis* & *Gudulæ* Bruxellis cum hac inscriptione.

### D. O. M.

*Joannes Fannius* Eques, Lubecæ ac Pellenbergæ Toparcha R. M. Sanctioris, ac supremæ Architalassiæ Belgicæ a Consiliis cum Coniuge *Maria Cloet*, duobus liberis Hieronymo & Ludovico, ille XXII. Septembris, hæc XVII. Octobris M. DC. XXXVI. iste XVII. Aprilis M. DC. XXXVII. postremus parentes, fratremque præivit III. Octobris M. DC. XXXVI. more nescia Ordinis Heredes hic, te lector, alibi expectat.

In hoc pago est Dominium *Ten Daele*, quondam *Gregorii van Dieve* fundatoris Collegii Divæi patrimonium, qui illud anno 1571. testamenti tabulis: transcripsit *Cornelio van Dieve* Cognato suo filio *Petri van Dieve* Patricii Lovaniensis, dum viveret Syndicus Urbis ac Provinciæ Mechliniensis, & Historici celeberrimi; a quo *Cornelio* per Successionem devenit ad *Gerardum van Dieve* ejus filium Urbi Lovaniensi a Consiliis & Secretis. Post cujus obitum anno 1708. partim titulo emptionis, partim jure uxorio illud acquisivit ac etiamnum possidet *Carolus de Herckenrode* Patricius Lovaniensis &c. hodie Consul Urbis Lovaniensis.

Ecclesia S. *Martino* Turonensi Episc. dicata, subest in sacris Abbatia Parchensi, e cujus gremio Canonicus Norbertinus eandem pro suo instituto ab Ao. 1232. secundum Diploma *Gregorii IX.* Papæ Anagninæ datum administrat: est autem hujus tenoris.

„ *Gregorius* Episcopus servus servorum Dei, Dilectis filiis Abbati & Conventui  
 „ Monasterii de Parcho juxta Lovanium Præmonstratensis Ordinis, Leodiensis Dioe-  
 „ cesis, salutem & Apostolicam Benedictionem. Cum a nobis petitur quod justum  
 „ & honestum est, tum vigor æquitatis quam ordo exigit rationis, ut id per solli-  
 „ citudinem officii nostri ad debitum perducatur effectum. Eapropter dilecti in Do-  
 „ mino filii vestris postulationibus grato concurrentes assensu, jus Patronatus Ecclesia-  
 „ rum



„ rum de Wechtere, de Rode juxta Aerschot, Vura, & de Libbeke: nec non Ca-  
 „ pellæ de Hæght, cum possessionibus, & aliis bonis vestris, sicut ea omnia justè  
 „ ac pacificè obtinetis, vobis ac per vos monasterio vestro confirmamus, & præsen-  
 „ tis scripti Patrocinio communimus. Nulli ergo omninò hominum liceat hanc pa-  
 „ ginam nostræ confirmationis infringere, vel ei ausu temerario contraire: si quis  
 „ autem hoc attentare præsumperit, indignationem omnipotentis Dei & Beatorum  
 „ Petri & Pauli Apostolorum ejus se noverit incursurum. Datum Anagninæ 2. Nonas  
 „ Feb. Pontificatus nostri anno sexto. Amen.

*Alexander III.* Papa confirmans Parchensibus possessiones & Ecclesiarum donationes, inter cætera recenset Ecclesiam de Libbeke cum dote suâ & decimis suis, Diplomate dato Anno 1179. quod refertur in Supplem. Diplom. A. Miræi part. 2. Cap. LXV. quodque alio loco exhibebimus.

Est hic Sacellum amplum D. Virgini sacrum, quod magnitudine haud multum cedit Ecclesiæ Parochiali, in quo ab antiquo illius veneratio, quæ a miraculis ibidem per illam patratis crevit & est propagata ab anno 1341. ubi D. Virgo expellendis infernalibus geniiis & energumenis liberandis invocatur. Vocatur autem nostra Domina de Capella, Vernaculè *Onse lieve Vrouwe Capelle*. Originem hujus Capellæ, ædificatam anno supradicto, refert A. Wichmans in Brabantia Marianâ Lib. II. Cap. III.

LYNDEN olim *Lindenaet*, ita in Diplomatribus passim videre est non uno loco apud *A. Miræum*. Pagus Districtus Libbecani sub Lovanio a quo distat primo lapide. Illud Dominium a Gresiensibus olim possessum fuit, inde per nuptias ad Calsterios, & inde Roelandicos, Tommeosque devenit, nam una ex gente Roelandicâ *Nicolao vander Tommen* enupta in illam duxit familiam. Dominium anno 1507. auctum a Rege gladii & supremæ jurisdictionis honore Anno 1560.

Hodie hoc Dominium spectat ad gentiles de *Vroye* Patricios Lovanienfes.

Ecclesia inscripta est *S. Quintino* Mart. ejus Patronatum gerit Abbas Vlierbacensis Ord. S. Bened. qui possidet potiolem partem Decimarum; Pastor reliquam.

In hac Cura Pastoralis, tenuioris tamen proventus, hacque ratione ab omnibus derelicta initio seculi XVII. ex merâ Charitate Parochi munus gessit, Vir per omnia celeberrimus *Jacobus a Castro*, dein Præses Majoris Collegii Lovanii S. T. D. &c. ac tandem Ecclesiæ Ruremondensis laudatissimus Antistes, ibidem anno 1639. in odore Sanctitatis vitâ functus.

MEERBECKE, olim *Merbecca* & *Meirbecloa*, ita legitur apud *A. Miræum* in Diplom. Belg. novæ edit: Cap. XLIX. & alibi, primo lapide cum dimidio a Lovanio, Præfecturæ Campenhoutanæ. Hoc Dominium a Rege oppignoraturn fuit anno 1568. & reoppignoraturn anno 1638. 10. Aprilis *Arnoldo de Fumael*. Dein viâ emptionis absolutæ illud acquisivit a *Philippo IV.* Hisp. Rege anno 1644. 22. Januarii *Rogerius Robertus Clander*, a quo Anno 1649. devenit ad *Robertum Dennetieres*; inde per nuptias *Petronillæ Dennetieres*. Anno 1672. illud obvenit *Comiti de la Tour*; a quo emptionis tabulis acquisivit *Joannes Baptista Christyn* Senator Sanctioris Concilii, dein Cancellarius Senatus Brabantia, cujus investituram adiit in Curia Feudali Ducatus Brabantia Anno 1686. 20. Decembris, in cujus gratiam erectum est hoc Dominium a *Carolo II.* Hisp. Rege in Baronaturn Diplomate dato Madriti Anno 1687. die 11. Januarii; post

*Erectum  
in Baro-  
naturn.*



cujus mortem illud possidet ejus primogenitus *Joannes Baptista Christyn II.* Baro de Meerbecke. Ita excepimus ex Curiâ feudali Ducatus Brabantia.

Ecclesiâ (quæ *S. Antonio* sacra) patronatus spectat ad Archiepiscopum Mechliniensem uti Abbatem Affligemensem, & gaudet hæc Abbatia potiori parte decimarum. Alteram partem habet Pastor.

*Burchardus* Cameracensis Episcopus dum Bornhemensem Abbatiam inopiâ laborantem *Fulgentio* primo Abbati Affligemensi, ejusque successoribus regendam committit anno 1120. donat Affligemensi Ecclesiâ Altare de *Merbecca* cum suo appendicio de *Bergefem* (quod hodiè *Beysssem* vocatur) Diploma refert *A. Miræus* loco supra citato.

Hodie Ecclesia de *Beysssem* quæ hujus Parochialis appendix est & *S. Michaeli Archangelo* sacra; quamvis ea olim etiam Parochialis fuerit, Bellorum motibus & injuriâ temporum jacet in suâ ruina solis parietinis extantibus, quæ juxta novam viam lapideam (quæ Lovanio Bruxellam tendit) se offert videndam.

Monasterium *Ter Banck* juxta Lovanium inibi possidet majorem partem decimarum.

**NEDERYSSCHE**, vulgo *Neer-Yssche*, latinè *Isca Inferior* olim *Nerisca*, Præfecturæ Herentensis, secundo lapide a Lovanio ad Dylum fluvium, ubi teste Chronico *Sigeberti* Gemblacensi anno 1125. mulier uno partu IV. masculos enixa est.

Primus supremam jurisdictionem a Rege obtinuit Anno 1560. *Antonius de Tenremonde*, dein fuit penes gentiles de *Gottignies* Patricios Bruxellenses. Denique titulo emptionis absolutæ a *Philippo IV.* Hisp. Rege Anno 1644. die 16. Januarii illud acquisivit *Albertus Bauwens vander Boyen*, prætium fuit 10200. flor.

Ereclum  
in Baro-  
natum.

Ereclum hoc Dominium in Baronatum in gratiam *Joannis Renati Bauwens vander Boyen* a *Carolo II.* Hisp. Rege anno 1691. die 1. Octobris, post cujus mortem anno 1698. obvenit ejus filio *Joanni Alberto Bauwens vander Boyen*, qui hodie hunc Baronatum possidet.

Ecclesia dicata est S. S. Apostolis *Petro & Paulo*. Ejus patronatus olim spectavit ad Abbatiam Corbientem de qua antea egimus in Pago de *Beerthem*, cum potiore parte decimarum; dein hoc jus variis transcriptum, quod etiam nostra ætate fuit Nobilis familiæ de *vander Laen* apud Mechlinienses Consularis; inde nuperis annis obvenit emptione publicâ Collegio Driutiano Lovanii.

Prior Viridis Vallis certum inibi habet districtum decimarum. Pastori, præter varias quas, habet agri possessiones, solvitur annuè a præfato Collegio certa competentia in granis.

Capellaniæ hujus Ecclesiæ Parochialis *S. Mariæ & S. Nicolai* unitæ sunt pastoratui in Subventionem Vicepastoris.

**NETHENE** pagus sub Dominio *Rodano S. Agathæ* altero lapide a Lovanio ad fines Sylvæ Merdaliæ, Dominium vetus & antiquum Capituli *S. Joannis* Leodii.

Ecclesia *S. Joanni Baptista* sacra, ejus Patronatum gerit præfatum Capitulum. Decima universa spectat ad idem Capitulum. Pastori annuè solvitur ab eodem competentia.

Sub



Sub hac Parochiali est Vicus de Wez cum Sacello, quod apparet olim fuisse Ecclesiam Parochialem.

In hoc pago de *Nethene* est Conventus Eremiticus Carmelitarum Discalceatorum, inchoatus anno 1687. a *P. Maximiliano a Sancta Maria* ejusdem Ordinis Religioso, Philosophiæ ac S. Theologiæ Professore, viro in seculo potente, Munificentia vero ac favore *Caroli Henrici & Annæ de Lotbaringia Vaudemontii* Principum fundatus. Dicatus est hic Eremitus *Verbo incarnato & S. Joanni a S. Cruce*: est autem locus admodum amœnus & spatiosus formâ pæne orbiculari, partim in declivi, partim altis collibus assurgit, interfluit cum *Nethene* fluviolus a quo pagus nomen assumpsit, estque hic Eremitus instar oppidi amplissimi, muris undique cinctus, silvas, prata, agros, vineta & stagna suo ambitu complectens.

In medio exstructum est Monasterium cum duodecim circiter cellulis (quales ferè Monachi Carthusiani habent) horto muroque a se mutuo distinctis. Præter has sunt & aliæ cellæ laxiores, seu domunculæ plus minus octo, medio ferè horæ quadrante ab invicem, & ab interiore Monasterio distantes, in quibus singuli Monachi, more veterum Ægypti & Syriæ Anachoretarum, dies noctesque Deo vacant.

Hic Eremitus est muro lateritio ab omni parte clausus, nec ulli viro, ne quidem hujus Ordinis Religiosis, sine expressâ facultate P. Provincialis datur ingressus.

NODEBAIX, vel *Nodebays* pagus Gallo-Brabantix, altero lapide cum medio a Lovanio. Oppignoratus a Principe Anno 1626. Baroni de *Wonsheym*. dein a Rege venditum in auctione publicâ Anno 1645. quis illud adquisierit hætenus nos later.

Hodie Dominium hoc possidet *Carolus Comes vanden Berghe* dictus *Wyterlimmingen*, insuper pro parte Abbas Walciodorensis Ord. S. Bened. prope Dionantum.

Ecclesia *S. Waldetrudi* sacra est, Patronatus spectat ad præfatum Abbatem ratione Prioratus Hasteriensis, qui eidem Abbatix unitus est.

Ecclesia hæc Parochialis ab annis circiter XVIII. de novo a fundamentis reædificata est.

Decimas partialiter habent Capitulum *S. Pauli* Leodii & præfatus Abbas Walciodorensis.

OTTENBORGH, quasi *Ottonis Castrum*, latinè *Ottiniacum* sub Dominio *Rodano S. Agathæ* in Districtu Lovanienfi ad rivulum *Lanam* & fines Gallo Brabantix tertio lapide a Lovanio, spectat ad Comitem Rodanum, Baronem de Limale gentis *Lopez de Ulloa*.

Ecclesia tutelarem veneratur *S. Nicolaum* Episc. Ejus patronatum gerit Abbas *S. Gertrudis* Ord. *S. Augustini* Lovanii. Solebat hæc cura Pastoralis administrari per Canonicos præfatæ Abbatix, hodie per Parochum secularem de Clero curatur. Decima universa spectat ad præfatam Abbatiam, quæ præstat annuè competentiam Parocho.

PELLENBERGH, pagus districtus Libbecani primo lapide a Lovanio, ejusque Urbis obsidione anno 1635. & non semel ante cum vicinis pagis mirum in modum attrita, & graves pertulit calamitates. Olim regem Dominum agnovit. Oppignoratum ab eo anno 1626. *Joanni Faunio* Equiti Sanctioris Senatus a Consiliis &c. Dein titulo emptionis absolutæ illud acquisi-



*Erectum  
in Baro-  
natum.*

vit a *Philippo IV.* Hisp. Rege Anno 1650. die 21. Aprilis *Joannes de Hoves* pridem civitatis & territorii Lyrani Sculterus, a quo acquisivit simili titulo emptionis *Joannis de Wissenkercke*, Prætor Lovaniensis, in cujus gratiam anno 1655. a *Philippo IV.* Hisp. Rege titulo Baronis condecoratum est. Hodie Dominium illud possidet cum Baronatu *Melchior Josephus de Villegas* Baro de Hovorst jure uxorio ex præfata familiâ de Wissenkercke. Porro Stemma familiæ de Wissenkercke invenies in Not. Eccl. Belg. A. Miræi Cap. CLXV. novæ edit.

Ecclesia patronum veneratur *S. Petrum* Apostolorum Principem, ejus Patronatus spectat ad Præpositum Capituli *S. Petri* Lovanii. Decima est tripartita cujus duas trientes possidet præfatus Præpositus, altera triens est Parochi cum 49. flor. competentia annuè ab eodem Præposito solvendæ.

In hac Ecclesia colitur imago Deiparæ olim magnâ devotione frequentata & habita tamquam miraculosa.

Hic loci olim fundatum fuit anno 1219. Cœnobium Virginum Ord. Premonstratensis, quod inde 1229. in locum commodiorem translatum est ad pagum *Winge* in Vico illius dicto *Gempe* Lovanium inter & Diefthemium, a quo hodieque communiter *Gempense* Monasterium dicitur: Locus vero in quo monasterium illud hîc constitit, hodie ad Abbatiam spectat Parchensem.

RHODIUM S. AGATHÆ, Vernaculè *St. Achten-Rode*, Dominium & Præfecturæ istius nominis caput, spectans ad Limalæ Dominum gentis *Lopes de Ulloa*, quod ab ea divâ tutelari, cujus in eo loco magna est veneratio, nomen trahit, etiam puto ad distinctionem aliarum Brabantiæ Rhodiarum *S. Genesii* & *S. Brixii* agri Bruxellensis.

*Erectum  
in Comitatum.*

Erectum est hoc Dominium in Comitatum a *Philippo IV.* Hisp. Rege in gratiam *Thomæ Lopes de Ulloa* Baronis Limalæ Diplomate dato Madriti die 11. Maii. 1651. in qua stirpe perseverat, qui hodie *Carolus Lopes de Ulloa* Comes de Rhodes, Baro Limalæ &c.

Cura animarum commissa est Capitulo *S. Petri* Lovanii, cui competit universa hujus pagi decima, & ex iis solvitur annuè Parocho sua portio congrua. Præfatum Capitulum hanc dono acquisivit anno 1040. a *Lamberto Barbato* Comite Lovaniensi, confirmante id *Godefrido* item *Barbato* Lotharingiæ & Brabantiæ Duce, quod diploma exhibuimus in Lovanio cum Capitulum *S. Petri* ibidem descripsimus.

Ecclesia hæc Parochialis, est insignis, & elegantis admodum structuræ.

RHODIUM S. PETRI vernaculè *St. Peeter-Rode* sub Districtu Libbecano, Dominium Principis de *Rubemprè*, cum Dominio & insigni castro de *Horst*. Vide plura supra in pago de *Cortelken* pag. 210.

Ecclesia, ut nomen indicat, *S. Petrum* Apost. veneratur, animarum cura dependet ab Abbatiâ Parchensi, quæ per ejusdem Abbatia Canonicos administratur.

Anno 1227. translata est a Nobili viro *Arnoldo de Rode* Parchensibus reliqua medietas decimarum de *Rode*, simul & medietas juris Patronatus ejusdem Ecclesiæ, cujus alteram medietatem jam possederant ab anno 1151. teste Chorographicâ descriptione Abbatia Parchensis *A. Sanderi*.

In hoc pago Sacellum est D. Virgini sacrum, vocaturque vernaculè *Onse lieve Vrouwe op den Roelsbergh*, sive *Onse lieve Vrouwe ter Stocxkens* a

ba-



baculis five stipitibus quos peregrinantes ad asperam collem ibi relinquunt, maximè Arscoto, vel Lovanio. Situm est autem inter Rhodium *S. Petri* & Gempense Monasterium ab utroque ferè distat milliari, visitatur autem potissimum hoc Sacellum pro remedio contra febres.

ROTSCLAER Municipium & vetus Brabantiae Baronatus, altero lapide a Lovanio, Ditionis caput, cui subcensentur *Wechtere*, *Haeght* & *Wackerseel*. Nobilis hæc ditio multis seculis sui nominis habuit gentiles, & agnovit Dominos, quorum præcellentis nobilitatis non levia sunt argumenta dignitatum tituli, quibus etiam antiquissimis temporibus insigniti fuerunt, ut Dapiferi & Seneschalli hæreditarii Brabantiae; Advocati insuper Urbis Trajectensis.

*Vetus Baronatus.*

Hæc ditio per plura secula penes gentiles de Rotsclaer permansit, donec initio seculi XVI. in Domum Croyacam & per illam in Arembergicam tractu temporis & connubii jure translata est, in qua illustri stirpe perseverat.

In hoc Municipio procera & mirandæ formæ & antiquitatis est turris vulgo *Ter Heyen*, inque eo plura conclavia & cellaria, aliæque instructæ domus commoda. Dependet feudalitio jure a Rotsclariæ Barone, possideturque jam pridem a gentilibus de *Eynatten*, cujus schema exhibetur in Castellis Nobilium Brabantiae Baronis *le Roy*.

Est in hoc Baronatu Dominium *de Dieve*, unde Nobilis familia *de Dieve* nomen sortita est, *Arnekinus de Arscot Godefridi* Comitis de Arscot & *Alixæ d' Albret* secundæ suæ uxoris filius duxerat *Machtilden Arnoldi* Baronis de Rotsclaer filiam Dominam *de Dieve* anno 1195. quorum filius *Godefridus* Eques primum se Dominum *de Dieve* scripsit a quo deinde Nobilis familia *de Dieve* emanavit Rotsclariæ & Lovanii, possideturque illud cum municipio de Rotsclaer a Duce Arscotano.

Ecclesia quæ tutelarem colit *S. Petrum* Apost. dependet ab Abbatia Averbodiensi Ord. Præmonstr., cujus Abbatiae Canonici hîc solent ad animarum curam & rem divinam peragendam ablegari; idque acquisivit hæc Abbatia anno 1280. dono *Gerardi de Rotsclaer* Dapiferi Brabantiae.

Fama popularis & apud vulgus tenet, quod hæc Ecclesia nunc quidem Parochialis, olim videtur fuisse Collegiata, & hodieum in eâ sunt distributiones in solemnitatibus & officiis divinis pro sacris Ecclesiae ministris.

Decimarum partem de Rotsclaer acquisivit Abbatia Virginalis Parci Dominarum a *Daniele Domino* de Rotsclaer anno 1242. Dein Anno 1261. *Arnoldus* Dominus de Rotsclaer cum *Beatrice* conjuge suâ decimam majorem atque minorem quas in Rotsclaer possidebant præfato Monasterio Parci Dominarum in Eleemosynam contulerunt.

Decimarum hodie participes sunt Abbatiae scilicet Averbodiensis, Parthenensis, & Parci Dominarum. Pastor loci, D. N. van Graeve, Vicarius, & Matricularius hujus Parochialis.

THIELDONCK præfecturæ Herentensis, Dominium primo lapide cum dimidio a Lovanio, viâ qua itur Mechliniam.

Hoc Dominium partim viâ emptionis absolutæ a *Philippo II.* Hisp. Rege anno 1644. partim jure nuptiali devenit in familiam de *l'Archier*, in quâ in gratiam *Caroli de l'Archier Carolus II.* Hisp. Rex Diplomate dato die 10. Septembris erexit hoc Dominium in Comitatum, a quâ nuperis annis deve-

*Ereclum in Comitatum.*



nit per nuptias *Mariæ de l'Archier ad Maximilianum Josephum de Lalaing* Vicecomitem Aldenardensem; & Præfectum Urbis Brugenfis.

Ecclesia patronum veneratur *S. Joannem Baptistam*. Patronatus spectat ad Capitulum Metropolitanum Cameracense quod & possidet præcipuam partem decimarum; reliquarum participes sunt Abbatia Parci Dominarum, Ord. Cisterc. Domus Equitum Teutonicorum de Pitzenburch Mechliniæ & Parochus.

Olim hæc Parochialis erat appendix Parochiæ de Herent; sed ab eâ jam ab aliquot sæculis dismembrata est, subfuit ante erectionem novorum Episcopatum in Belgio cum Herent, Oisterhem & Monasterio de Bethlehem Episcopo Leodienfi, licet hæc loca sita sint ultra Dyliam fluvium.

Cæterum solebat hujus loci Pastor administrare Ecclesiam Parochialem de *Bueken* sed anno 1687. suum proprium accepit Parochum quo dudum caruit uti suo loco dictum.

VELTHEM. primo lapide a Lovanio juxta novam lapideam stratum qua itur Bruxellam, Præfecturæ Herentensis Dominium, spectans ad *Carolus Franciscum Boot*, cujus familia hoc acquisivit titulo emptionis absolutæ a *Philippo IV.* Hisp. Rege 19. Julii anno 1651, postquam jure pignoratitio illud ab anno 1638. ante possederat.

Ecclesia sacra est *S. Laurentio Mart.* ejus patronatum gerit Præpositus *D. Petri* Lovanii. Potiorem partem habet idem Præpositus; pro aliâ parte participant Capitulum præfati *S. Petri*, & hujus loci Parochus.

VOSSEM. olim Fossa in Diplomatis, altero lapide a Bruxella, subest Baronatui de Leefdael ac Dominio *Joannis Baptistæ de Brouckhoven Comitibus de Bergheyck*.

Ecclesia inscripta est Conversioni *S. Pauli* Apostoli, Patronatus spectat ad Archiepiscopum Mechliniensem jure Abbatiali Affligemiensis.

Deservituram hujus Curæ Pastoralis longo tempore habuerunt Pastores de Leefdael, sed circa annum 1684. proprium accepit Parochum, cui præfata Abbatia dein pro competentia cessit non exiguam partem decimarum quas inibi possidebat, alteram partem percipit Abbatia Parchensis & Collegium Mylianum Lovanii.

Ecclesiam Parochialem plurimum suo ære ornavit & quasi renovavit, uti & domum Pastorem *D. Maximilianus Snel* hujus loci Pastor hodiernus.

WERDA S. GEORGII. Vernaculè *St. Joris Weert*, Baronatus Birbacensis, Dominium Ducis Arscotani ad Dyliam fluvium & Sylvam Merdalliam, primo lapide cum dimidio a Lovanio.

Ecclesia, ut nomen præfert, *S. Georgium* Patronum veneratur, ad Curam Pastorem nominat Capitulum *S. Pauli* Leodii.

Decimæ pridem spectarunt ad præfatum Capitulum, quas a paucis annis cessit hujus loci Parocho pro suâ portione congruâ.

*Vetus Baronatus.*

WEZEMAEL Pagus & Dominium celebre inter Arscotum & Lovanium, Baroniam veteris titulo, insigni Curiâ & Dominorum suorum merito Marischalli hæreditarii Brabantiae dignitate a *Godefridi Barbat* ævo jam olim clarum.

Ditionis nomen est. Eos ex antiquis Comitibus de Arschot originem trahere non vanis sanè ducti argumentis nonnulli credunt, sicut & Dominos de Rotfelaer, de Rivieren, de Schoonhoven, & plerisque alios minoris notæ, famo-



famosos in eodem tractu, paria enim ostentant insignia, tria scilicet lilia, solâ colorum varietate distincta.

Potentes habuit Dominos, testes *Gerardum*, qui ductâ Ducis nepte amplissimam *Bergarum* ad Scaldi ditionem sibi & posteris suis accepit possidendam; *Joannem*, qui Falesium præclaram arcem cum magno dominio genti suæ asseruit. Cæterum Anno 1462. *Joannes* Joannis filius Wezemaliæ Dominus sine prole legitimâ moriens, hæredem scripsit *Carolus*, tum Comitem de Carloys, postea Brabantiae Burgundiæque Ducem. Tabulæ referuntur in Donat. Belg. A. Miræi lib. 1. Cap. 149. novæ edit. Qui *Carolus* postmodum *Joanni de Croy* Domino de *Reux* Wezemaliam dono dedit. A *Joanne de Croy* anno 1472. illam emit *Guido de Brimeu* Dominus de *Humbercourt* Eques Aurei Velleris a Gandavensibus anno 1477. capite plexus. Anno denique 1562. *Gaspar Schets* Grobbendonckii Dominus a *Carolo de Brimeu Guidonis* præfati nepote *Wezemaliam* emit, hodieque tenent ex eadem gente *Grobbendonckii* Comites cum Castello; cujus schema exhibetur in Castellis Nobilium Brabantiae Baronis *le Roy*.

Ecclesia quæ *S. Martino* Turonensi Episc. sacra est dependet ab Abbate Averbodiensi, dono *Gerardi de Wezemale* anno 1232. qui sacrum ministrum e suis Canonicis ibidem constituit, & in ejus adjutorium Vicarium.

Hæc Ecclesia abundè dotata est, ut cum decore officia divina in eâ peragantur. Instrueta pulcherrimâ & pretiosâ sacrâ suppellectili, habuitque olim VII. Capellanorum collegium, & fundatæ fuere distributiones pro assistentibus officio divino,

Celebris ibidem memoria *S. Job* in Sacello eidem sacro, quod multum visitatur & frequentatur a Lovaniensibus & populis vicinis, præcipue die 10. Aprilis, & frequens ad ejus intercessionem sanatio ab ulceribus, scabie & id genus morbi, & augendæ fidelium devotioni Pontifex maximas largitus est indulgentias.

In hoc Dominio sita est Abbatia Virginalis Ord. Cisterc. dicta *PARCUM DOMINARUM* Vernaculè *Vrauwen Parck* ad distinctionem nimirum *Parchi Dominorum*, quod Canonicorum Ord. Præmonst. extra muros Urbis Lovaniensis est Abbatia.

Hoc Monasterium primitus fuit fundatum pro sororibus sub Regulâ *S. Augustini* degentibus, & fundamenta sua habere volunt cuidam *Joanni & Beatriçi* conjugibus in Parco habitantibus, (& domus monstrantur vestigia) cui cum nullam prolem Deus largiretur, visum bona in pios usus convertere, & extruxere Monasterium pro sororibus Regularibus *S. Augustini*, quæ anno 1215. florens tunc temporis institutum Cisterciense sunt amplexæ, adlaborante *Renero* quodam Equite, & res Monasterii agente.

*Henricus I.* Dux Lotharingæ & Brabantiae Abbatiam hanc Sanctimonialium anno 1216. confirmavit, *Gregorio IX.* Pont. Max. factum collaudante. Dotem postea auxerunt Vicini *Wezemaliæ & Rotfelariæ* Barones.

## ABBATISSÆ PARCI DOMINARUM.

I. *Margareta* vixit anno 1223.

II. *Ermetrudis Bollo* vixit anno 1233.

III. *Oda* vixit anno 1237. & 1244.

IV. *Margareta* vixit anno 1254.

V. *E.* . . . . vixit anno 1261.

VI. *Margareta* vixit anno 1266.

VII. *E.* . . . . vixit anno 1272.

VIII. *Agatha van Dyeven* obiit 23.

Maii 1275.

Kkk 2

IX.



- IX. *Anna van Merxem* vixit Ao. 1279.  
 X. *Margareta van Rotfelaer* vixit Ao. 1291.  
 XI. *Machtildis van Calstre* vixit anno 1309.  
 XII. *Maria vanden Calstre* vixit anno 1326.  
 XIII. *Gertrudis de Duras* vixit anno 1331.  
 XIV. *Margareta van Dormale* vixit Ao. 1334.  
 XV. *Margareta van Rode* vixit anno 1344.  
 XVI. *Machtildis de Boleric* vixit anno 1364.  
 XVII. *Machtildis de Bollo* vixit anno 1365.  
 XVIII. *Margareta Oemkens* vixit anno 1381.  
 XIX. *Catharina van Wilre* vixit anno 1392.  
 XX. *Maria van Lathem* obiit 20. Aprilis 1415.  
 XXI. *Margareta van Wefemale* vixit Ao. 1423.  
 XXII. *Maria van Dormale* obiit 12. Octob. 1441.  
 XXIII. *Maria Lieftkenrode* obiit 20. Januarii 1470.  
 XXIV. *Anna van Rivieren* obiit 21. Februarii. 1495.  
 XXV. *Joanna vander Smiffen* obiit 27. Martii anno 1517.  
 XXVI. *Gertrudis van Hulle* obiit 4. Aprilis anno 1521.  
 XXVII. *Margareta van Dormale* vixit 1522.  
 XXVIII. *Joanna van Rivieren* obiit 27. Julii anno 1532.  
 XXIX. *Jacoba vander Smiffen* obiit 27. Julii anno 1553.  
 XXX. *Anna vander Vliet.* obiit 7. Novembris 1559.  
 XXXI. *Catharina Hax* obiit 11. Novembris Ao. 1574.  
 XXXII. *Joanna de Ferry* obiit 21. Martii Ao. 1604.  
 XXXIII. *Christina vander Meren* Obiit 26. Junii anno 1618.  
 XXXIV. *Catharina Bellens* obiit 30. Septembris anno 1638.  
 XXXV. *Maria van Ryckel* obiit 15. Octobris anno 1655.  
 XXXVI. *Robertina d'Amazaga* obiit 26. Aprilis anno 1663.  
 XXXVIII. *Bernarda Taelmans* obiit 26. Novembris anno 1674.  
 XXXVIII. *Benedicta Hauwaart* Obiit anno 1712.  
 XXXIX. *Robertina Roseneck* hodie præest.

WILTZELA. Vernaculè *Wilsele*, medio milliari distans Lovanio ad pedem montis vulgo *den Roefelbergh* (forte sic dicto a rufo lapide qui in eo abundanter reperitur, quamvis in Diplomate *Bertholdi* inveniam nuncupatum *Russenbergh*.)

Hic pagus situs est partim sub jurisdictione Urbis Lovaniensis, partim sub districtu Libbecano, quem intersecat Dylia fluvius, ad cujus levam est Ecclesia Parochialis, habetque illic per paucos incolas.

Hoc Dominum olim a Greziensibus fuit possessum, per nuptias a Calstetriis, & inde ad Roelandicos, unde ad gentiles de vander Thommen devenit. hodie illud possidet *Joanna Gabriela vander Moeren*.

Ecclesia *S. Martino* Episc. sacra est, ejus Patronatus spectat ad Capitulum *D. Petri* Lovanii, quod ibidem omne jus habet decimarum, ex quibus Parocho datur annuè competentia.

Celebris hic ad *D. Virginem* Deiparam concursus est, & solemnis anniversaria supplicatio, quæ feriâ secunda post Pentecosten peragitur, civium frequenti multitudine eodem concurrente.

WINGE. Præfecturæ Halensis secundo lapide cum medio a Lovanio.  
Op.



Oppignorum hoc Dominium a Rege cum vico *Gempe* Ao. 1642. Dein Ao. 1651. a *Philippo IV.* Hisp. Rege die 11. Julii.

Dein illud possedit *Carolus Josephus d'Amazaga* a quo emptionis tabulis transcriptum Ao. 1702. gentilibus de *Pape* patriciis Lovaniensibus; hodiè illud possidet *Anna Maria de Pape* uxor *Jacobi Ferdinandi de Villegas Comitis S. Petri* &c. cujus investituram adiit in Curiâ Feudali Ducatus Brabantiae Anno 1721.

Ecclesia tutelarem colit *S. Georgium* Mart. Ejus Patronatum gerit Priorissa Monasterii Virginalis Insulæ Ducis Ord. Præmonst. Cura animarum administratur per Canonicum Parchensem, Dono Regneri de Winge Diaconi & Geldolphi ejusdem loci Militis.

Decimas pro majori parte possidet præfatum Monasterium Insulæ Ducis, reliquas inter se dividunt Abbatia Averbodiensis & Gertudana Lovanii.

Anno 1241. *Florentius* Abbas *S. Cornelii* Indensis confirmat Monasterio Insulæ Ducis patronatum Ecclesiæ de Winge a præfatis eidem collatum. Diploma refertur in Supplem. Diplom. A. Miræi part. I. cap. 75. idem confirmat *Henricus* Leodiensis Episc. Anno 1252. Diploma ibidem refertur cap. 80.

FLORENTIUS Dei gratiâ Indensis Abbas, omnibus præsentibus Litteras visuris perpetuam in Domino salutem.

Sciant universi, tam præsentis ætatis quàm futuræ, quod cum Geldolphus Miles dictus de Oppendorp, & quidam alii Jus Patronatûs in Ecclesia de *Winge* in eleëmofynam Ecclesiæ Insulæ Ducis Præmonstratensis Ordinis contulerunt, Præpositus dictæ Domûs dictam eleëmofynam à nobis ratificari postulaverit.

Nos verò ad petitionem dicti Præpositi, intuitu Divinæ remunerationis præambulo, quicquid suprascriptus Geldolphus & sui participes fecerunt, ratum habemus & firmum, factæ Donationi consentientes; salvo tamen omni per omnia nobis jure. Et hoc vobis sub Sigillo nostro significamus.

Datum anno Domini M. CC. XLI. mense Augusto.

1241.

HENRICUS Dei gratiâ Leodiensis electus, universis præsentibus Litteras inspecturis salutem in Domino.

Cum Geldolphus Miles de Winghe, Magister & Conventus Domûs Leproforum de Bincho \* in Lovanio, Reinerus de Winghe Diaconus, Jus Patronatûs Capellæ de *Winghe* quod habere dinoscebantur, dilectis in Christo Præposito & Conventui Monasterii in Insula Ducis, Præmonstratensis Ordinis, Leodiensis Diocesis, in eleëmofynam liberè contulerint, sicut in Litteris authenticis super hoc confectis (quibus fidem adhibemus) plenius vidimus contineri: Nobis verò Geldolphus de Winghe Miles prædictus, dictique Præpositus & Conventus supplicaverunt, ut hoc gratum habentes, Collationem dicti Patronatus dignaremur confirmare:

Nos ipsorum piis supplicationibus annuentes, dictam Collationem ratam habemus, & auctoritate nostrâ confirmamus: sub anathematis vinculo districtiùs inhibentes, ne quis ei ausu temerario contraire præsumat. Si quis autem hoc attemptare præsumpserit, indignationem Omnipotentis Dei, Beatæ Mariæ Virginis; Beatique Lamberti Martyris, & Nostram se noverit incursum.

Datum & actum Lovanii, anno Domini millesimo ducentesimo quinquagesimo secundo, mense Aprili.

1252.

In hoc pago vicus est *Gempe* in quo Monasterium & Præpositura Virginalium Ord. Præmonst. a Parcho dependens fundata anno 1219. & tali propagata initio teste *A. Miræo* in Chronico Præmonstratensi ad hunc annum, ubi sic ait. "

„ *Reinerus* nobili familiâ apud Brabantos Patre *Reyffone ab Udekem* natus, „ cum ex *Laureta Perwetana* filios IV. filiasque VIII. suscepisset, *Pellen-*

Ex Archi-  
vis ejus-  
dem Mo-  
nasterii.

Ex Ar-  
chivis Cæ-  
nobii.  
\* Ter-  
Banc.



„ *bergæ* (pagus est uno milliari distans Lovanio) in domo propriâ claustrum  
 „ & ædiculam extruxit & filias suas VIII. albis vestibus induit anno 1213.  
 „ festo Ascensionis Domini, easque cum amplis facultatibus Ordini Præmon-  
 „ stratenſi dicavit, quem quidem Virginum cœtum post in familiam suam  
 „ adoptarunt Patres Capituli Generalis Præmonstratenſis, *Reinero* id coram  
 „ ab iisdem patribus postulante. Datus est Virginibus istis Præpositus *Baldui-*  
 „ *nus* Canonicus Tungerloensis, cui defuncto sufficitur *Ægidius* Canoni-  
 „ cus Ninivensis.” Hactenus *Miræus*. Posteris temporibus Parchenses Præ-  
 positi munus gessere.

In hoc Pellenbergensi vico & in paternis ædibus (cujus fundus hodie ad Cœnobium Parchense spectat) Monasterium istud constitit ad annum 1229. Quo *Ægidius* secundus Præpositus in locum commodiorem illud tranſtulit ad Vicum nimirum *Gempe* in pago de Winge a quo hodieque communiter *Gempense Monasterium* dicitur, ubi sacellum eo ipso anno extructum *Jacobus Vitriacus* Suffraganeus Leodiensis in honorem Deiparæ consecravat.

Porro hunc locum & fundum in quo præfatum Monasterium translatum est, huic Monasterio in Eleemosynam contulit *Henricus I.* Lotharingæ & Brabantiae Dux Anno 1229. mense Novembri. Diploma refertur in Not. Eccl. Belg. A. Miræi Cap. 165. ut sequitur.

Additio ex  
 Archivis  
 MS. Mo-  
 nasterii.

In nomine Patris & Filii & Spiritûs Sancti. Ego HENRICUS Dux Lotharin-  
 giæ & Marchio Antverpiæ notum vobis facio tam præsentibus quàm futuris, quòd  
 cum in Parochia de *Pellenberga* Conventus Dominarum Ordinis Præmonstratenſis  
 in cantando & legendo Deo devotè servantium, per aliquot dies sim commoratus, &  
 idem locus Religioni non fuerit satis aptus, earum considerans incommodum &  
 miseratus defectum, de habundantiis meis earum alleviare defectum proposui, & lo-  
 cum Religiosis magis congruum providi.

Cum ergo ante multos annos duodecim circiter bonaria tam terræ vacuæ quàm ne-  
 moris & prati vel broci in Parochia de Winge ab Hominibus terræ meæ compara-  
 veram, & in quieta pace possederam, dicto Conventui ad Claustrum suum ibidem  
 construendum, & se ut ibi maneant transferendum, de consensu Majoris Filii mei  
 Henrici, cum molendino meo super vivarium, quòd ibidem habeo, constructo, in  
 perpetuam eleemosynam devotè contuli.

Et dictam Congregationem, ac omnia ad ipsam pertinentia tam mobilia quàm im-  
 mobilia, de cetero in meam ac Successorum meorum defensionem ac conservationem  
 suscepi; omnem eis aſſentiam & usum in pascuis, aquis & aliis communitatibus per  
 totam terram meam & ditionem concedens, & tantâ ac tam plenariâ (quâ om-  
 nes Abbatiae Præmonstratenſis Ordinis in terra mea congaudent) libertate condo-  
 nans.

Ut autem hæc omnia rata in ævum maneant & inconcussa, præsentem Paginam  
 tam mei quàm præfati Filii mei Sigillorum emisimus munimine roboratam.

1229.

Actum apud Lovanium anno Domini M. cc. xxix. mense Novembr.

Anno demum 1252. in festo *S. Nicolai* prædictum Virginum Cœnobium  
 cum viæ publicæ nimium vicinum esset, in locum ab eadem nonnihil disti-  
 tum, adeoque quietiorem atque amoeniorem translatum est ab *Henrico* Ba-  
 culo, Teutonicè *vander Stock* tunc Præposito ex Monasterio Parchensi as-  
 sumpto, in quo etiamnum resident, quem quidem locum *Insulam Ducis*  
 hodièque appellant, forsitan ita dicto, quod ad Ducem Brabantiae pertineret  
 qui tunc erat *Henricus III.* cum *Aleyde* conjuge, D. Thomæ Aquinati fa-  
 miliari, conditus Lovanii apud Prædicatores.

Templum novum ibidem anno 1260. demum perfectum dedicatum est Oc-  
 tavâ Paschæ ab *Arnoldo* Suffraganeo Episc. Leod. in honorem Deiparæ &  
*S. S. Joannis Baptistæ & Evangelistæ*; ita ferè A. Wichmans in Brabantia  
 Ma-



Marianâ lib. III. cap. XLIII. & A. Miræus in Chronico Præmonstratensi pag. 165.

Ex hoc Monasterio Anno 1231. evocatæ sunt Virgines quæ Vallem Liorum in agro Mechliniensi fundarent. Anno 1618. hinc etiam evocatæ quæ reformarent Nemus Cæsareum ejusdem Ordinis, Vernaculè *Keyfers-Bosch*, in Comitatu Hornano.

Huic vico de *Gempe* in pago de Winge natales suas debet Exim. *D. Georgius Colvenerius* S. T. D. in Universitate Duacensi, Vir in antiquitate Belgicâ versatissimus & scriptis editis clarus, quæ Bibliotheca Belgica Valerii Andreæ recenset, qui ibidem plenus dierum obiit die 29. Maii. Anno 1649. ætatis 88..

WINCELA vernaculè *Winxel* Præfecturæ Herentensis pagus medio milliari a Lovanio juxta stratam lapideam quæ Lovanio Bruxellas tendit.

Hoc Dominium anno 1645. die 19. Augusti viâ emptionis absolutæ a *Philippo IV.* Hisp. Rege acquisivit *Joannes van Cauwenhove*, cui Ao. 1638. ab eodem Rege oppignoratam erat, a cujus familiæ *Hærede Joanne Hyacintho van Cauwenhoven* emptionis tabulis illud Ao. 1716. obtinuit *Josephus Nicolaus Baert de Berentrode*.

In hoc pago etiam dominantur Canonici *D. Gudula* Bruxellenses dono *Joannis* Archidiaconi Bruxellensis Nothi Ducis Brabantiae Anno 1482.

Huic pago subest Vicus dictus *Helle*.

In Choro hujus Parochialis exstat humi lapis Sepulchralis cum hac inscriptione.

**Hier leyt Begraben den Edelen Heer Jan van Cauwenhove, Heere van Wincrele / Ghesbroeck etc. die sterft den 8. Mey int Jaer ons Heeren 1666.**

**Ende Ur<sup>e</sup>. Anna Maria van Grieken, syne Huysvr<sup>e</sup>. die sterft den 25. April. Anno 1652.**

**Hier leyt Ur<sup>e</sup>. Marguerite de Herzelles, Heer Philips dochter / tweede Huysvr<sup>e</sup>. des Heeren voorz. die sterft den 8. October 1666. Bidt voor de Zielen.**

Legitur in memoratæ Ecclesiæ fenestrâ sequens Epigraphe.

**Dit gelas heeft gegeven Jo<sup>r</sup>. Jan van Cauwenhoven, Heere van Wincrele etc. Ende Ur<sup>e</sup>. Marie Anne van Grieken etc. anno 1639.**

Ecclesiæ tutelar is est Virgo Deipara & vocatur *Onse lieve Vrouwe tot Winc-*



*Wincxel*, in quâ D. Virgo jam a multis annorum centuriis eximiè culta fuit, & miraculis insigniter coruscat, potissimum vero in liberandis a maligno spiritu energumenis. Ex fidelium oblationibus multum aucta est, & satis præciosè olim exornata, ac anno 1718. ditata a Dynasta venerandis Reliquiis *S. Erasmi* Mart. & *S. Rosaliæ* Virg. Ecclesiam hanc *Eugenius IV.* Rom. Pont. olim sacris muneribus decoravit.

Patronatus hujus Parochialis spectat ad Præpositum *D. Petri* Lovanii Decima in quatuor partes divisa est, quarum ex æquo participes sunt præfatus Præpositus pro integrâ medietate, pro tertia prænominati *D. Petri* Capitulum, & reliquam partem habet Pastor hujus loci.

### FINIS DECANATUS LOVANIENSIS.





# HISTORIA

## SACRA ET PROFANA

### ARCHIEPISCOPATUS

### MECHLINIENSIS.

---

#### DECANATUS DIESTHEMIENSIS.

**D**IESTHEMIUM aliis *Diestla* & *Diestum*, Halâ tantum unius, *Vetus Baronatus.* Thenis IV. & Lovanio V. leucarum itinere diffitum. Urbs olim populosa & lanificio multum potuit, intermontana inconvallibus sita, quam suo perfluxu irrigat & recreat fluvius *Demera*, territorio tamen non latè diffusa, habet titulum & dignitatem Baronatus, estque ejus Dynastia veteri quadam prærogativa *Vice-Comes*, vel ut vulgo vocant *Burggravius Antverpiensis*; multis seculis sui nominis Dynastas habuit, & agnovit Dominos in Historiis & Diplomatribus celeberrimos. Exinde per varias nuptias pluribus Principibus subfuit, ac tandem a *Guilielmo* Juliacensi circa annum 1490. cum Sichenis per commutationem factam cum territorio de *Vucht*, *Gangela* & *Mille* devenit ad familiam Nassoviam, in quâ hæsit; at per mortem *Guilielmi III.* Magnæ Britanniae Regis Anno 1702. litigatur de eo inter Nassovios. Vide stemma veterum Dominorum Diestensium in Jurisprudentiâ Heroicâ pag. 276.

Quoad rem sacram habet *Diestla* Parochias tres, antiquissima illa, quæ *S. Joanni Baptiste* inscripta est, quam anno 1297. *Hugo* Episcopus Leodiensis petente *Gerardo* Domino de Diest in Collegiatam XII. Canonicorum instituit. Diploma recitat *A. Miræus* in Donat. Belg. Lib. I. Cap. CXXXVI. novæ edit. ut sequitur.

Hugo, Dei gratiâ Episcopus Leodiensis, universis præsentis Litteras visuris, salutem in Domino sinceram, cum notitia veritatis.

Deus, qui Ecclesiam suam Sponsam vocare dignatus est, ipsam Ministris discretis & honestis fulciri, in eadem devotè psallentibus gloriatur, & quantò solenniùs & devotiùs in Ecclesia Dei Divina Officia celebrantur, ad ipsius gloriam & honorem, tantò acceptius Deo est, & gloriosius nomen Majestatis suæ honoratur.

Quare Nos totis viribus & mentibus Ecclesias in nostris Civitatibus & Dioecesi cupimus & volumus, ad reverentiam & honorem Dei, in Divinis Officiis ampliare, & ipsas cum omni reverentia venerari.

Sane dilectus in Christo Filius, Nobilis Vir, GERARDUS Dominus de DIEST, Miles nostræ Dioecesis, considerato, quòd Villa sua de Diest est magna & diffusa, & in eadem regnat multitudo populorum, cupiens dignè Domino famulari, cum in Villa nulla hætenùs existeret Ecclesia Collegiata, supplicavit Nobis humiliter, ut Ecclesiam Parochialem *Beati Joannis Baptiste*, sitam in dicta Villa, cujus jus Patro-



natûs ad ipsum pertinet, Collegiatam Ecclesiam, & in eadem duodecim Canonicos vel circiter, Decanum, Scholasticum, Cantorem & Custodem constitui & ordinari faceremus, cum ex largitione sua & aliorum fidelium, ipsius Parochialis Ecclesiæ ad hoc sufficiant facultates.

Nos de tam devoto proposito dicti Nobilis congaudentes, reperto per inquisitionem auctoritate nostrâ factam, quod Ecclesia Parochialis S. Joannis Baptistæ prædicta, & ejus locus honesti sint & bene dispositi, quodque in eadem Ecclesia est Rector Ecclesiæ, & decem Capellani, habentes competentiam in redditibus annuatim, de quibus in Collegio tamquam Canonici vivere possunt;

De Consilio Jurisperitorum, Auctoritate Dei Omnipotentis, B. Mariæ Virginis, S. Lamberti & nostrâ ordinariâ, volumus, ordinamus & statuimus, quantum in Nobis est, & salvo jure aliorum, quod dicta Ecclesia S. Joannis Parochialis sit ulterius Collegiata, & quod in eadem Ecclesia dicti Capellani, & alii usque ad duodecim, sint Canonici, quorum unus sit Decanus, unus Scholasticus, unus Cantor, & unus Custos, à dicto Collegio eligendi.

Et nos Rectoriam dictæ Ecclesiæ Parochialis dicto Decanatui, quantum ad nos pertinet, adunivimus. Ita quod ipse Decanus habeat curam Decanatûs, Canonicorum, & etiam Parochialis Ecclesiæ prædictæ, & ad ipsam Parochialem Ecclesiam admittetur per illum, qui alias præsentatos consuevit admittere ad eandem. Decanus verò confirmationem à nobis & nostris Successoribus recipiet, & Decanus, Scholasticus, Cantor, & Custos nobis facient homagium & fidelitatem, prout Decani, Scholastici, Cantores & Custodes aliarum Ecclesiarum Civitatis ac Diocesis Leodiensis, facere consueverunt.

Et volumus quod dicta Ecclesia Collegiata gaudeat Privilegio & jure, quibus aliæ Ecclesiæ Collegiatæ Civitatis & Diocesis Leodiensis gaudent: scilicet Decanus, ratione Rectoriæ prædictæ, suberit nobis, Archidiacono loci, & Decano Christianitatis, & aliis Prælati nobis subditis, prout Rectores dictæ Ecclesiæ subesse consueverunt.

Et de dictis Canonicis octo erunt Presbyteri, duo Diaconi, & duo Subdiaconi, & quotidie Missam animarum, & de die, cum Diacono & Subdiacono, & Horas Canonicas solenniter celebrabunt: & si aliqua alia emerferint ordinanda aut statuenda, quæ ad cultum Divinum pertinent, & quæ per dictum Decanum & Capitulum dictæ Ecclesiæ non poterunt commodè expediri, ea nostræ Ordinationi reservamus.

Volumus & eis injungimus, quod in die obitus nostri commemorationem faciant Canonici memorati, & ex tunc anniversarium nostrum faciant in futurum. In cujus rei testimonium Sigillum nostrum præsentibus Litteris duximus apponendum.

1297. Datum anno Domini millesimo ducentesimo nonagesimo septimo; Sabbato post Assumptionem B. Mariæ Virginis.

Altera *S. Sulpitii*, quæ Collegio XIII. Canonicorum ornata est Anno 1457. ab *Henrico de Voren* XXVI. Abbate Tongerloensi, ad quem Abbatem spectat eorundem Canonicatum collatio, & in eodem e suis Præpositum, qui simul Plebanus seu Pastor est, constituit; jus siquidem Patronatus jam olim anno 1163. ab *Helwige* Vidua *Arnulphi* Domini de Diest collatum est Tongerloensibus.

Decimas illas opimas Civitatis Diesthemienensis & Vicinorum pagorum dono accepit Abbatia Tongerloensis anno 1167. a priscis Dominis de Diest. Diploma foundationis hujus Collegii Canonicorum profert *A. Miræus* in Donat. Belg. Lib. I. Cap. CXLVII. novæ edit. quod sic se habet.

LUDOVICUS DE BORBON, Dei & Apostolicæ Sedis gratiâ electus & confirmatus Leodiensis, universis & singulis præsentia visuris seu auditoris salutem, quam Jesus ex Virgine natus generi profudit humano. In Domino exultantes iis præsertim Christi fidelium oraminibus, quibus Ecclesiæ militantis status crescere perspicitur, libenter congaudemus, eaque favoribus prosequimur oportunis.

Sane



*Henricus  
de Voren  
XXVI.  
Abbas  
Tonger-  
loënsis.*

Sane exhibita nobis pro parte Religiosi in Christo HENRICI, Abbatis Monasterii B. Mariæ de Tongerloë, Ordinis Præmonstratensis, Cameracensis, ac pro tempore Mamburnorum seu Provisorum fabricæ Ecclesiæ Parochialis S. Sulpitii, in Opido Diestensi, nostræ nostræ, Dioecesium, petitio continebat;

Quod Ecclesia S. Sulpitii prædicta Insignis quidem & quoad Parochiam bene populosa, in qua præter Rectorem Ecclesiæ, communiter Investitum vocitatum, quique de Conventu antefati Monasterii Tongerloënsis, ad præsentationem Abbatis Monasterii ejusdem, à tempore & per tempus, cujus initii non exstat memoria, ad Ecclesiam ipsam Parochialem assumi, & per dilectum in Christo Archidiaconum Brabantiae in Ecclesia nostra Leodiensi admitti, in ipsaque Ecclesia cum suis juribus & pertinentiis Rectoriæ seu Investituræ ex usu competentibus, institui consuevit, fuerunt hætenus & de præsentibus existunt, quemadmodum & infra limites Parochiæ quàm plura Altaria, similiter ad præsentationem Abbatis supra dicti;

Quodque mediantibus aliquibus ex Altaribus in ipsa Ecclesia consistentibus, potissimè summo Altari & principali subscripto, ac Altari Sanctarum Mariæ dolorosæ & Gudilæ Virginis, similiter Altari trium Regum ante Chorum, per dictos Provissores, cum decem florenis censualibus hæreditarii censûs Opidi Diestensis, ex testamento quondam Joannis de Halen proventus dotato, item Altari S. Spiritûs, nec non Altari S. Andreæ, item Altari S. Jacobi, similiter Altari S. Bartholomæi, & Altari S. Nicolai, ac Altari S. Theobaldi, item Altari S. Judoci, & Altari S. Agathæ, nec non Altari S. Genoservæ primæ foundationis, similiter Altari S. Genoservæ secundæ foundationis, in Collegiatam Ecclesiam, ut in ea Divinum Officium, nocturnum & diurnum, dietim conventualiter de cetero per Præpositum, Decanum & Canonicos inibi creandos, aliaque Ecclesiæ supposita devotius celebretur, congruè erigi possit & institui, juxta per ipsos exponentes desuper habitum conceptum.

In primis, quod Investitus Ecclesiæ, Religiosus siquidem de Monasterio Tongerloënsi antedicto, censeatur & sit Præpositus Ecclesiæ; ita quod in Choro & Capitulo sit dexter, habeatque primam vocem nomine Investituræ. Factis autem votis singulorum Canonicoꝝ, etiam Decani, habeat adhuc ultimam vocem veluti Præpositus; ut sic occasione primi voti rem tractandam aperiat & postquam alios audiverit, in ultimo voto suo se resolvat, sicque Decanus concludat secundum sanioꝝem & majorem partem votorum.

Idemque Investitus seu Præpositus, ut disparitas habitûs, quatenus possibile fuerit, evitetur, in Choro & Capitulo, ad instar Decani & Canonicoꝝ, debet esse indutus superpellicio, similiter uti Almutio vario Canonicali. Insuper quotidianæ Missæ, per ipsum Investitum, Vicariosque suos ex more celebrandæ, de cetero dicentur in dicto Altari trium Regum ante Chorum, ad onera Curæ & illius exercitium appropriando.

Cæterum quod in Decanum Collegii, cui personalis residentia incumbet, quique in Choro sinister erit, pro prima vice crearetur Magister Petrus de Cortys, qui similiter ad titulum hujus secundæ foundationis summi seu majoris Altaris Chori, pro parte ipsorum Provissorum, sub vocabulo SS. Mariæ ac Dionysii originalis, & Sulpitii secundarii, Patronorum Ecclesiæ, cum duodecim florenis censualibus hereditarii redditûs seu census dicti opidi Diestensis, ad & supra domum & illius pertinentias Magistri Alexandri de Vossẽ, opidani ibidem, ex testamento quondam Henrici de Veerle descendentiæ dotati, Canonicatum in ipsa Ecclesia obtineret.

Quodque postquam cesserit Decanatu, vel in eo transiverit, Præpositus & Capitulum infra tempus juris procederent ad electionem novi Decani, unum ex Canonicis receptis & præbendatis eligendo. Et ad finem, ut jura Abbatis in ipsa Ecclesia conserventur, factâ electione, eandem Præpositus & duo Canonici dicto Abbati præsentarent, ipseque Abbas per suas Litteras hujusmodi electionem, una cum Præposito & Capitulo, ulterius nobis seu nostris in Ecclesia Leodiensi Successoribus Episcopis vel electis præsentare teneretur, solito more confirmandam.

Qui siquidem Decanus verbum Capituli gerere debet per se seu alium, donec aliquem in Scholasticum Ecclesiæ hujusmodi contingat deputari. Ipsique Præpositus & Decanus prædicti alternatis vicibus, seu aliàs, prout inter se concordaverint in Festis Nativitatis Christi, Circumcisionis &c. ad Officium Divinum erunt adstricti. Insuper conceperunt, quod in ipso Collegio erigendo unus Canonicoꝝ deputaretur in Cantorem, & unus in Thesaurarium. . . .



Nos igitur Ecclesiam ipsam S. Sulpitii in Collegiatam Ecclesiam, ad instar Ecclesiarum nostrarum secundariarum Leodienſium, nec non Investitum qui pro tempore exiſtit, & in futurum erit, in Præpoſitum, dictumque Magiſtrum Petrum in Decanum, ac Arnoldum Scorreken in Cantorem, ſimiliter Libertum Meeus in Theſaurarium, & prænominata Altaria, videlicet ſummum Altare, ſingulaque tredecim Altaria ſuperius ſpecificata, cum fructibus, redditibus & proventibus eorundem, adæquandis tamen, in tredecim Canonias Præbendales & Sacerdotales, ipſorumque Rectores præſentes & futuros in Canonicos Præbendatos . . . creamus, inſtituimus & erigimus: ipſorumque Canonicatum & Præbendarum collationem liberam, ſalvis diſpoſitionibus Apoſtolicis & Legatorum ejus, religioſo Abbati pro tempore dicti Monafterii attribuiamus in perpetuum & reſervamus.

1457. Ut autem præmiſſa omnia & ſingula perpetui roboris obtineant firmitatem, præſentibus Sigillum noſtrum ad Cauſas apponi mandavimus. Datum Leodii ſub anno à Nativitate Domini milleſimo quadringenteſimo quinquageſimo ſeptimo, Indictione quintâ, die verò Jovis, duodecimâ menſis Januarii, Pontificatûs Sanctiſſimi in Chriſto Patris & Domini noſtri Domini Calixti Divinâ providentiâ Papæ tertii anno ſuo ſecundo.

## PRÆPOSITI ECCLESIAE COLLEGIATÆ S. SULPITII.

- I. JOANNES GERARDI antea Paſtor, factus primus Præpoſitus anno 1457. Obiit 30. Maii anno 1460.
- II. JUDOCUS CELENIUS, eo ſe munere exiit anno 1473.
- III. JOANNES MATHÆI S. T. D. Obiit 29. Martii anno 1487.
- IV. ARNOLDUS TSGROOTEN juris Pontificii Licentiatus, inde electus anno 1504. Abbas Tongerloenſis.
- V. JOANNES VAN DYCK ex Hooghloon. Mortuus anno 1530.
- VI. JOANNES VAN ESCH Oiſterwicanus, ex Camerario Prior Tongerloenſis, inde Præpoſitus. Mortuus 1. Aprilis anno 1541.
- VII. EMBERTUS NIVELAER Arendoncanus, Medicinæ Licentiatus, Prior Tongerloenſis, exin Paſtor in Weſterlo, dein Præpoſitus, electus anno 1553. Abbas Heyliſſemenſis. Obiit 1557.
- VIII. HENRICUS RAETS. Sylvæducenſis. Mortuus anno 1561.
- IX. ARNOLDUS GIBERIUS Balenſis, antea Supprior Tongerloenſis. Obiit anno 1567.
- X. RODOLPHUS GEFFEN Sylvæducenſis. Mortuus anno 1598.
- XI. JOANNIS JACOBÆUS. Gelenſis, antea Prior Tongerloenſis. e vivis exceſſit anno 1599.
- XII. GODSCALCUS VAN NIEUWENHUYSEN ex Paſtore in Waelwyck factus Præpoſitus. Obiit contagio Anno 1607.
- XIII. JOANNES COENEN Mollenſis S. T. L. ac Præſes Collegii Præmonſtratenſis Lovanii, ceſſit hanc dignitatem Prior factus Tongerloenſis. anno 1615.
- XIV. MATHÆUS WYNANS. ex Cellario Tongerloenſi factus Præpoſitus. Obiit Ao. 1617.
- XV. JOANNES HULSTIUS Ruræmondanus, ex Supprior Tongerloenſi Præpoſitus. Peſte extinctus anno 1629.
- XVI. JOANNES VERBRUGGEN Miertenſis S. T. B. F. ex Paſtore S. Mariæ Dieſthemii factus Præpoſitus. Peſte ſublatus anno 1635.
- XVII. BARTHOLOMÆUS PLUCKERIUS Quaet Mechlinienſis S. T. L. ex Profeſſore S. Theologiæ Tongerloenſi factus Præpoſitus. Obiit 1668.
- XVIII.



XVIII. JOANNES EVERMODIUS VAN BERLICUM S. T. L. & Professor ex Pastore in Dieffen & Decano Christianitatis Bekenfi Præpositus. Obiit die 11. Aprilis Ao. 1670.

XIX. JOANNES VAN MOECKENBERGH ex Pastore Tongerloensi, dein Westerloensi Præpositus. Mortuus anno 1688.

XX. FULGENTIUS FESTAETS S. T. Professor in Postel tum in Tongerloâ, dein Collegii Romani & exinde ex Pastore in Dieffen Præpositus. Obiit anno 1707.

XXI. JOSEPHUS VANDER ACHTER primo S. T. Professor in Postel, tum in Tongerloâ, post Poenitentiarius in Duffel. Hodiernus Præpositus, qui anno 1724. die 7. Maji inauguratus est Antverpiæ Abbas Tongerloensis, ab illius urbis Episcopo.

Cæterum erga hoc Canonorum Collegium sese ostenderunt valdè munificos subsequentes Abbates Tongerloenses, maximè *Augustinus Wichmans* XXXVIII. Abbas Tongerloensis, qui ut officium fieret decentius anno 1660. iisdem Canonicis assignavit quotidianas distributiones, ordinatis ad hoc (quæ ejus representant insignia) plumbetis.

Tertia Parochialis est *B. Mariæ*. Cum frequentia populi impar unius Pastoris humero onus foret, divisa est *Sulpitii* Parochia & Capella *B. Mariæ* in tertiam Parochiam; erecta est anno 1253. quæ per Canonicum Tongerloensem administratur, olim dicta Capella *de Castro*, quia nimirum huic vicina erat Aula Dominorum de Diest, a quibus forsitan fuit ædificata.

Virilis sexus Monasteria sunt hæc.

FRANCISCANUM exstructum ab *Arnoldo V.* Domino de Diest anno 1270. *A. Wichmans* ejus initium ponit ad annum 1228. Cum antea Conventuales essent; observantiam amplexi sunt anno 1502, & post annos IV. aliis patribus reformatis se univerunt.

BOGARDORUM juxta ædem D. Virginis *Mariæ* tertiam Regulam *S. Francisci* amplexi sunt; quo autem anno eorum Coenobium fundatum, hætenus nos latet.

EREMITARUM S. AUGUSTINI Coenobium, construi cœptum anno 1614. & anno sequenti Gymnasium Scholæ latinitatis aperuerunt.

ALEXIANI curandis funeribus operam dantes & mente captis & ægris inserviendis destinati. Monasterium ipsorum publicis sumptibus cœptum, incertum quo anno.

Inter alterius sexus Coenobia eminet BEGINARUM CURIA olim sub Parochiâ Webbecanâ, & in patrimonio *S. Trudonis*; dein ab *Arnoldo IV.* Domino de Diest in hoc oppido structa, dotata, & Privilegiis ornata anno 1252. situ, dispositione, disciplinâ nulli totius Brabantiae facilè cessura, & cum antea sparsim & liberè agerent hîc loci Beginæ, eas in ordinem redegit *Nicolaus Eschius* earum Pastor vitæ & Sanctitatis illustris, & septa & ædificia ferè quæ conspiciuntur erigi & disponi curavit. Obiit anno 1578. Diploma foundationis hujus Beginasii recitat *A. Miræus* in Not. Eccles. Belg. Cap. CXCV. novæ edit. ad quem curiosum lectorem remittimus.

PRIORATUS VALLIS B. MARIE Ord. Canon. Reg. *S. Augustini* vernacule *Mariendael*. Ejus originem ex archivis loci sic nobis refert *A. Wichmans* in Brabantia Marianâ lib. III. Cap. LVI. his verbis.

„ Anno Domini 1419. Plures devotæ feminæ Diesthemienfes continuis  
„ votis & consiliis de extruendo aliquo ibidem inter se Monasterio quotidie  
„ tractabant. Quarum pio desiderio (nam nullum in eâ civitate tunc tem-



„ poris erat Virginum Coenobium) commotus honestus & dives quidam civis nomine *Arnoldus Rumelans*, ejusque conjux *Elisabetha Nys*, rem cum Priore Bethleemitico *Joanne Holar* (filium enim in hoc Coenobio Religiosum habebant) qui unus erat ex discipulis Vener. *Joannis Rubroquii*, communicat, & domum suam cum agris adjacentibus fundando Coenobio, de consensu conjugis suæ offert. Cujus promptam voluntatem præfatus Prior lætus amplectitur, atque omnem operam suam eidem addicit.

„ Interea temporis *Joanne Waldenrodio* Episcopo Leodiensi defuncto, neque alio in ejus locum debitè subrogato; *Joanne* item *Holario* ad Prioratum Viridis Vallis translato, per triennium hujus bonæ voluntatis executionio suspensa hæsit. Moritur quoque anno 1422 supra nominatus *Arnoldo Rumelans*; quo sublato, sublata pariter spes omnis negotium exequendi. Nihilominus *Elisabetha* defuncti vidua, hortantibus Priore Viridis Vallis prædicto, itemque *Joanne Kenens* Priore tunc Bethleemitico Canonico Corsendoncano & Cive Diefthemienfi, piam voluntatem mariti sui executioni mandavit, eodem adhuc illo ipso anno 1422. quo etiam *Joannes Hensbergius* Episc. Leod. foundationem prædictam confirmavit die 23. Augusti, ac nomen Coenobio indidit *Vallis B. Mariæ & S. Catharinæ*; quamvis ordinariè non nisi *Marien-Dael*, nominetur.

„ Primæ Religiosæ *Aleydis Cokens*, & *Elisabetha Bernardi a Swollis* procurante *Joanne de Holar* ex Monasterio *B. Mariæ* in Neomago Gelandriæ oppido, huc directæ sunt. Anno autem 1423. die 10. Augusti perpetuam clausuram acceperunt, quam huc usque inviolabiliter omnino, oppido a Geniis possesso servaverunt, ac sedem suam nonquam deseruerunt, quamvis Monasterium etiam a Geniis militibus fuerit inhabitatum. Adeo tenaces clausuræ suæ fuerunt, longo tempore in infirmitorio conventuali, ter sese continentes. In memoriam vero continuatæ & inviolabiliter observatæ Clausuræ quinquagesimo quoque anno, per modum Jubilæi, diem solemnem celebrant.” Huc usque *A. Wichmans*.

Illusterrimus *D. Jacobus Boonen* Archiep. Mechl. (cui hoc Coenobium subest) solebat illud vocare coronam omnium Monasteriorum sibi subditorum.

MONASTERIUM GRYSEARUM SORORUM, quod Vallem *S. Anne* vulgo vocant, situ Beginasio proximum, initia sua sumpsit ante annum 1366.

Hæ Religiosæ non ex obligatione, sed ex charitate ministrant infirmis, ac etiam contagio laborantibus, & magno Reip. bono assistunt morituris.

Hoc Monasterium circa annum 1550. injuriâ temporum collapsum, a fundamentis erectum, ac integrè novum factum est per præfatum *Nicolaum Eschium* Pastorem & IV. Rectrices Beginasii. In eo Virgines XV. Beginas constituit, ut locum collapsum renovarent, quæ simul uno eodemque die præcedente Crucis signo ingressæ, Gryseum habitum susceperunt: ac anno probationis elapso, professionem emisere, vitam hodièque agunt exemplarem, & subsunt Ordinario. Rectores ex eo tempore habuerunt insignes ac inter alios Præfatum *N. Eschium* qui huic Monasterio simul & Beginasio præfuit, *Albertum Gerbrandi*, *Jacobum a Castro* laudatissimum Ecclesiæ Ruremondensis Antistitem, *Petrum Hinsenium*, *Engelbertum Hennephoven* omnes S. T. Licentiatos & Inclytæ Averbodienfis Abbatiz Lectores.



Ex hoc Monasterio circa annum 1650, tres Religiosæ directæ sunt quæ Xenodochium Arscotanum restaurarent & feliciter peregerunt.

MONASTERIUM CONGREGATIONIS B. MARIE vulgo *Loreynoosfen* ab annis non ita multis, hîc initia sua sumpsit. Illustrissimus *D. Jacobus Boonen* Archiep. Mechl. hîc inducta Colonia Religiosarum Thenensium, quasi fundator earum censendus est. Hæ Religiosæ quæ Diesthemium venêre, postliminio reverlæ sunt ad Monasterium suæ Professionis cum hæ formatae essent.

In agro suburbano olim Abbatia erat Virginum, dicta *Vallis S. Bernardi* Ord. Cisterc. ab *Arnoldo* Domino de Diest anno 1235. fundata, *Gregorio IX. Pont. Max.* anno 1238. & *Henrico III.* Duce Brabantiæ anno 1255. hoc opus approbantibus & confirmantibus. Subest Abbati *S. Bernardi* ad Scal-dim ejuldem Ord. Cisterc.

Hoc Coenobium bellorum turbine eversum est anno 1577. exstantibus solummodo parietinis ac paucis adhuc ruderibus derelictis. Hinc hæ Religiosæ intra hanc urbem se receperunt, & stabilem sedem fixerunt.

*Xenodochium S. Elisabethæ* præcipuum Urbis Hospitale est, & mediocriter dotatum, quo autem anno fundatum sit hæctenus nos latet.

ARSCOTUM Lovanio juxta ac Diesthemio pari trium leucarum intervallo abjunctum, Mechliniâ & Lyra sex, Demeræ fluvio adjacet ex parte qua depressus est, ab alterâ enim collibus assurgit, verè inter Brabantiæ veltutiora oppida censendum. Nam si *J. Lipsio* aliisque fides, fuit hic Aquilæ Romani exercitus repositorium, sive sedes, unde ipsi *Arscotum* nominant, quasi sinus seu repositorium Aquilæ Vernaculè *Arents-Schoot*.

Quindonam oppidi jure donatum incertum, tamen & Villæ nomine appellatum a 500. circiter annis constat ex Diplomate Abbatix *D. Gertrudis* Lovaniensis, verosimile sub aut paulo ante tempora *Godefridi Virzonii* portas plerasque cum fossis & aggere urbem cingente strui coeptas, quo nimirum anno 1283. per Ducis Diploma descripti sunt limites libertatis Arscotanæ.

Urbem solebant olim VII. Prætoria nobilium coronare, ex quibus sunt *Rivieren*, *Schoonhoven*, Dominium hodie gentis de *vander Noot*, qui modo *Carolus Bonaventura Comes de vander Noot* Toparcha de *Schoonhoven*, *Beaumont*, *Petrain*, Consiliarius Senatus Brabantiæ, item *Stade* &c.

*Arscotum* sub se complectitur Illustres Baronias de *Rotseleer*, *Heverle* & *Bierbeeck*. Universim pagos XV. & Vasallorum sub se habet plus quàm quatuor millia.

Habuit hoc oppidum jam olim ab anno 1125. Toparchas Comites, legiturque *Arnulphus* Comes de *Aderscot* in Diplomate *Godefridi* Ducis apud *A. Miræum* in Donat. Belg. Lib. I. Cap. XLIV. novæ edit.

*Arscotum* transiit per nuptias ad varias illustres familias, & tandem in *Croyacam* & *Arembergicam*. Illud Marchionatus titulo decoravit *Carolus* Hisp. Rex Anno 1518. mense Novembri in gratiam *Guilielmi de Croy*; titulo vero Ducatus idem *Carolus* jam Imperator in gratiam *Philippi de Croy*, anno 1533. mense Aprili. Erectionum harum Diplomata nosse qui volet, in Jurisprudentiâ Heroicâ inveniet pag. 265. & seq. item ibidem reperiet Veteres Arscoti Dominos.

*A. Miræus* in Chronico Belgico ad annum 1533. scribens ait „ *Carolus V.*



„ Imperator Genuâ, quo 28. Martii pervenerat, solvens, in Hispaniam navigat  
 „ ad uxorem vitendam. Idem Genuæ existens *Philippum Croyum* ex Mar-  
 „ chione primum *Arscoti* Ducem & *Rentici* Marchionem creavit; tabulis  
 „ ibidem mense Aprili conscriptis.”

Illud Illustre Dominium hodie possidet *Leopoldus Philippus Carolus Josephus* Dux & Princeps Arembergiæ & S. R. I. Dux Croyus & Arscoti Princeps Porceanus & de Rebecque, Marchio de Moncornet, Comes de Lalaing, Eques Aurei Velleris, Magnas Hispaniæ &c.

In sacris Ecclesiam Parochialem habet unicam Virgini Matri inscriptam, cujus Icon in eâ olim miraculis clara frequenti peregrinorum concursu visebatur.

*Henricus I.* Dux Lotharingiæ & Brabantiae anno 1231. Ecclesiam de Arscot cum aliis multis Cœnobio *D. Gertrudis* in Lovanio assignat, aut verius confirmat, & ante annos enim aliquot (scilicet anno 1210.) idem Dux Ecclesiam de Arscot sitam in illo allodio Gertrudanis dederat, ut persona & clericis secularibus ibi tum sacra peragentibus, mortuis, *S. Gertrudis* Prælati, sive is Abbas sive Præpositus esset, liberam haberet suos Canonicos introducendi potestatem. Ita fere J. B. Gramaye in Arscoto.

Instructa est Ecclesiâ anno 1462. insigni XIII. Canonicorum Collegio, curâ *Antonii Croy* & *Margaretæ* Lotharingiæ conjugum. Litteras erectionis *Ludovici Borbonii* Episc. Leod. recitat *A. Miraus* in Donat. Belg. lib. I. cap. CL. novæ edit. quæ sic se habent.

LUDOVICUS de Bourbon, Dei & Apostolicæ Sedis gratiâ electus & confirmatus Leodiensis, ad futuram & perpetuam omnium & singulorum memoriam. . . .

Sane exhibita nobis pro parte Illustris Domini ANTONII de Croy, Comitis de Porchien, ac Domini temporalis de *Arscot*, suæque devotæ ac generosæ conthoralis MARGARETÆ, ac Villici, Burgimagistrorum, Scabinorum & Consulium, & singulorum incolarum dicti Opidi de Arscot, nostræ Leodiensis Diœcesis petitio continebat, quod in eodem Opido unica duntaxat Ecclesia Parochialis existit, sub titulo B. Mariæ Virginis dedicata: quam præfati Exponentes, bono zelo ducti, in Collegiatam erigi ferventer cupiunt & desiderant, ad divinum Officium nocturnum & diurnum collegialiter ibidem deinceps devotè celebrandum. . . . .

Nos igitur Ecclesiam ipsam congruis honoribus prosequi volentes, hujusmodi supplicationibus inclinati, de consensu venerabilis Capituli nostri Leodiensis, dilectorumque Archidiaconi Brabantiae in Ecclesia nostra Leodiensi, & Decani Concilii, itemque Abbatis & Conventûs *S. Gertrudis* Lovanii, ipsam Ecclesiam B. Virginis Mariæ Parochialem in Collegiatam Ecclesiam, adinstar aliarum Ecclesiarum nostrarum secundariarum Leodiensium, erigimus. . . .

1462. Datum in Opido Trajectensi, sub anno à Nativitate Domini millesimo quadringentesimo sexagesimo secundo, Indictione decimâ, die verò penultimo mensis Octobris, Pontificatûs Sanctissimi in Christo Patris & Domini nostri Domini Pii divinâ providentiâ Papæ secundi anno suo quinto.

In hoc Capitulo præfatâ Abbatia ex suorum Canonicorum gremio constituit Præpositum, Cantorem & totius oppidi Parochum, vulgò Plebanum, qui simul Canonicus. Decanus hujus Capituli est de Clero seculari qui eligitur a Capitulo.

Ab Ecclesia Arscotanâ dependet Vicaria de *Balen* vulgò *Bael*, ubi Ecclesia *S. Annæ* sacra, cujus Vicarium nominandi est juris Abbatis Gertrudani. Ab annis paucis propter distantiam ab Arscoto, a quo distat integro milliarium in eâ erectus est fons Baptifimalis, verum necdum obtinuit jus sepulturæ sacrae, licet ab Arscotana Ecclesia sub *Alphonso de Berges* Archiep. Mechl. sepa-



separata sit, habeatque Ministrum sacrum qui rem divinam curat, & populo Sacramenta ministrat, excepto Matrimonii.

Ecclesiæ Arscotanæ subcensetur Vicus de *Gelrode*, latinè Flavum Rodium, in quo amplum Sacellum *D. Cornelio* Papæ & Mart. sacrum; in eoque diebus sacris divina celebrantur per Sacellanum.

In hoc Sacello erexit nuperis annis vir clarissimus *D. Nicolaus Blanche* Consiliarius Senatus Brabantiae, insignem & opulentam foundationem, cui assignavit omnes census quos in eodem vico percipiebat in filigine & nummis, ascendentes annuè ad CL. Halstaria, & sexaginta florenos; eratque intentionis ut hic Vicus erigeretur in Parochiam: at vel morte præventus executioni mandare non valuit, quod tamen optandum fuisset ob distantiam loci ab Ecclesiâ Arscotanâ eorum incolarum in isto vico, vel ex eo hoc opus unde quaque pium & necessarium intermissum mansit quod Gertrudani conditiones quas proposuerat nollent admittere.

In vicino Dominio de *Schoonhoven* pridem fuit Sacellum de *Weerde* extra portam aquaticam, quod volunt olim & Arscoti & pagorum aliquot fuisse Parochiam. Hoc Sacellum a Judæis habitatum & exstructum quidam volunt: at injuriâ temporum & reparatione neglectâ totaliter dirutum est. Solebatque olim esse Ecclesia Parochialis pro Vico de *Langdorp*, sed Gertrudani & Incolæ hujus Vici dein aliam exstruxerunt, nimirum illam quæ hodie visitur, hâc ratione potissimum inducti, quod Ecclesiam de *Weerde* non possent accedere nisi transmissio flumine Demerâ, & quod sæpissimè hyemali tempore aquarum illuvie ab eâ arcerentur.

In hoc oppido est virilis sexus Cœnobium *Bogardorum*, qui laici olim erant, extrinsecus operam dantes, institutum anno 1283. curâ publicâ & privatorum eleemosynis, tertiam Regulam *S. Francisci* assumpserunt anno 1323. 1. Maii.

Alterum est FRATRUM CAPUCINORUM, qui in hoc oppido recepti sunt Anno 1685. ac liberalitate potissimum Dominæ de *Schoonhoven* de gente vander *Noot* & Priorum eleemosynis Conventum exstruxerunt ad ripam amnis Demeræ loco amoeno. Anno 1688. eorum novum templum consecravit *Alphonsus de Berges* Mechl. Archiep. in honorem *S. Antonii Paduani* die 5. Septembris.

Alterius sexus est celebris non ampla, attamen elegans *Beginarum Curia*, quæ initia sua refert anno 1259. ab *Henrico III.* & *Aleydi* ejus Conjuges Brabantiae Ducibus, qui Virginibus jam inde congregatis horreum suum assignarunt cum amplâ hæreditate ei adjunctâ, & Abbatem Gertrudanum Patronum dederunt. Cum vero hic locus nulla clausura esset munitus, omnibusque noctu dieque patens, post varia incommoda & damna etiam a Ducibus Arscotanis perpeffa, anno demum 1636. sua septa, & constructo muro tandem suam clausuram accepit.

Est & aliud Cœnobium titulo MONTIS S. NICOLAI vernaculè *St. Nicolaes-Bergh*, cujus tale fertur initium.

Quædam *Gertrudis Brant* Virgo duabus comitata Virginibus ex Daventriâ Transfulanæ regionis oppido veniens, locum ad famulandum Deo quærebat. Evenit *Nicolaum* de *Aernhem* Ecclesiæ Arscotanæ Sacellanum pias Virgines videre, hospitio excipere, & de proposito interrogare, observatoque eorum Zelo iis domum cum exigua hæreditate ad sacros usus convertendam relinquere. Illæ itaque opera manualia sedulo exercentes, & numero auctæ tertiam *S. Francisci* Regulam amplexæ sunt anno 1451. sed denique consensu *Joannis Heinsbergii* Episc. Leod. *S. Augustini* Regulam &



claustrum sub Priore *S. Martini* Lovanii Professæ sunt anno 1454. 15. Januarii. Hodiedum subest Archiepiscopo Mechl.

Arscoti est Xenodochium verus, quod *Jacobus Boonen* Archiep. Mechl. circa annum 1650. restauravit, vel quasi de novo crexit in Monasterium, adscitis tribus Religiosis Virginibus ex Monasterio *Vallis S. Annæ* Diesthemi.

ASPRICOLLIS Vernaculè *Scherpenheuvel*, Gallis *Montaignu*, medio milliarii a Sichemio oppidulo & primo lapide a Diesthemio situs est. Jure hæreditario spectat cum finitimis ad gentem Nassoviam, per mortem *Guillemi III.* Magnæ Britanniae Regis Anno 1702. Incertum adhuc, ad quem ex Nassoviis hæc hæreditas, devolvetur. Locus facer est & celeberrimus & miris prodigiis a Dei Matre Illustris evasit tali initio.

In illo colle quercus fuit & in hac *Divæ Virginis* adfixa imago, a multis retro seculis culta ab accolis, quod morbis & præsertim febri solemnem ac pænè certam ibi medicinam invenirent. Confluebant undique cives, pagani, militares, & salutarem illic opem a Deo & Virgine Deiparâ poscebant & accipiebant, mansit imago quercui affixa usque ad annum 1602. quo ob majorem indies concursum per *Godefridum* Parochum Sichemicensem (cui hic locus tum suberat) ex arbore detracta est, & in Sacello modico, quod e tabulis ligneis juxta struxerat, ritè & piè collocata; sed enimvero cum id augustum turbis undique confluentibus esset Sacellum, e lapide secto aliud inchoatum, absolutum & a *Matthiâ Hovio* Mechliniensium Archiepiscopo anno 1604. die 13. Junii D. Virgini est dedicatum: at Quercus Paulo ante jussu *Joannis Miræi* Antverpiensis Episcopi designati (quem *Hovius* ad cognoscenda & examinanda miracula eo miserat) a stirpe excisa est, ex qua multi postea Icunculas sibi fecerunt, alii frustulis in potu usi sunt, & constat quod cum morborum medelâ. Crescente dein Miraculorum famâ *Albertus Pius* & *Isabella* Belgarum Principes magnificam ac verè regiam a fundamentis Basilicam formâ rotundâ, instar stellæ radiatam ex candido lapide excitandam curarunt, quod spatio XII. annorum anno 1621. demum est absolutum, cujus structura trecentis amplius aureorum millibus constitit, & inter Belgica miracula merito annumeratur, dedicata est a *Jacobo Boonen Archiep. Mechl.* solemni, ritu præsentē Serenissimâ *Isabellâ*, Marchione *Spinola*, ac Aulâ universâ Anno 1627. die 6. Junii.

Hanc Basilicam præfata *Isabella* dein statuis marmoreis, pictis elegantibus tabulis, tapetibus, Lampadibus, Calicibus, omni denique sacra supellectili, aureâ, argenteâ, ac æreâ copiosissimè instruendam curavit.

In eodem hoc Colle primum apud Belgas ORATORIUM seu Congregatio Presbyterorum institutionis *S. Philippi Nerii* a præfato *Jacobo Boonen* anno 1624. constitutum fuit, favente præfata *Isabellâ*, & *P. Hyacintho* Casalensi Capucino hortante, cui Congregationi per eundem Archiepiscopum Pastoratus Aspri Collensis unitus est. Eisdem Presbyteris ædes verè regias præfata *Isabella* ædificari curavit.

Hic facer locus vallo ac fossis circumdari coëptus est anno 1620. ab Archiduce *Alberto* formâ triangulari præfinitus, quam Serenissima vidua *Isabella* sanctè observari mandavit ac perfici curavit anno 1630.

Adeo dein *Aspricollis* annis subsequētibz illustris evasit, ut nullus in toto Belgio prodigiorum & miraculorum gloria & magis celebrior & frequentior.

Cæterum inter Præpositos qui ab initio erectæ præfatae Congregationis illi



illi præfuere, primus fuit *Judocus Bouckaert* S. T. L. patriâ Brugenfis. Hic onus fabricæ hujus Basilicæ, promovendæ congregationis feliciter fustituit, qui cum Pastorum Aspricollensem XXXII. circiter annis, Præposituram vero XVIII. gessisset, evehctus est ad Cathedram Episcopalem Iprensem anno 1641. ibidem vitâ functus anno 1646. die 1. Novembris.

**BECKENVOORT** olim *Bechevoort*, milliari cum dimidio a Diesthemio, districtus Sichemiensis, Dominium ad Nassovios spectans, nunc ad eorum hæredes.

Hic loci est *Commendaria* Ord. Equitum Teutonicorum, quæ magno Commendatori de *Juncis* Vernaculè *ten Aldenbiesen* subjicitur, ab eoque Commendatorem subalternum accipit.

Hi Commendatores hic olim residere soliti erant, quorum domus cum bellorum motibus in turbis Belgicis attrita & devastata fuit, in Urbe vicina Diesthemienfi se dein recepere.

Ecclesia inscripta est *S. Petro* Apostolorum Principi. Cura Pastoralis solebat administrari per Presbyterum Ord. Teutonici hodie per Parochum de Clero curatur. Jus Patronatus ad hanc Commendariam spectat, cum universa pagi decima, ex quibus sacro ministro annuè datur competentia.

**BETEKUM** olim *Beteghem* pagus districtus Arscotani, primo lapide ab Arscoto ad Demeram amnem, Dominium Ducis Arscotani.

Ecclesia dicata est *S. Laurentio* Mart. quæ longo temporis tractu administrata est per Canonicos Abbatiae Gertrudanæ Lovanii, hodie per Sacerdotem de Clero curatur.

Acquisivit hæc Abbatia hujus Ecclesiæ Patronatus a *Carolo de Arscot* anno 1243. cujus tabulas Donationis exhibet *A. Miraus* in Not. Eccles. Belgii Cap. CLXXV. novæ edit.

Decima universa spectat ad hanc Abbatiam, quæ Parocho solvit annuè competentiam.

**CAPELLE**, vulgo *Nieu Capelle*; pagus districtus Halensis medio ferè itinere inter Diesthemium & Thenas, Dominium hoc oppignoratam a Rege Ao. 1626. *Catharina van Schoor*. Hodie spectat ad Comitem vanden *Berghe* dictum *Vuyterlimmingen*.

Ecclesia tutelarem colit Virginem Deiparam, ejusque Patronatu potitur Capitulum Tungrense. Universa ferè pagi Decima spectat ad Parochum.

**CORTENAKEN**. pagus Districtus Halensis, a quo primo milliari distat ad Velpam fluviolum, Anno 1626. oppignoratam fuit a Rege *Cornelio van Baussel*.

Hodie Dominium Baronis *van Voort*.

Ecclesia sacra est *S. Amori* Conf. Ejus Patronatus spectat ad Abbatem Vlierbacensem Ord. S. Bened.

Decima est bipartita quarum una pars spectat ad præfatum Abbatem, altera ad Parochum.

**GLABBEKE**. Districtus Halensis, primo lapide cum dimidio a Thenis. Dominium hoc jure pignoratitio a Rege acquisivit Ao. 1626. *Catharina van Schoor*.



Peculium hodie gentis de *Pape* patriciæ Lovaniensis.

Bruxellis in Ecclesiâ Annuntiatorum visitur Monumentum sepulchrale *Leonis Joannis de Pape* Sanctioris Senatus Præsidis Toparchæ de Glabbeke ejus Conjugis cum hac Epigraphe.

D. O. M.

Ill<sup>mus</sup>. *D. Leo Joannes de Pape* Eques Auratus Toparcha de Glabbeck &c. post varia dignitatum incrementa *Carolo II.* in Hispaniis, & Belgio a Consiliis Status, Sanctioris Senatus Præsides summus, hîc quiescit, carissima Conjugi adjacet Ill<sup>ma</sup>. D<sup>na</sup>. *Elisabeth van Langenhoven* vitæ & itinerum Comes fidissima, uterque dierum & spei Christianæ pleni obiere, ille VIII. Aug. M. DC. LXXXV. ætat. LXXV. hæc XXX. Junii M. DC. LXXXVII. ætat. LXX.

Quarteria circum circa leguntur hæc.

*De Pape, Pels, vanden Hove, La Cousture.*

Ecclesia patronum veneratur *S. Nicolaum* Episc. Administratio Curæ Pastoralis spectat ad Abbatiam Heylissemensem, quæ illic e suis Canonicis Curationem constituit. Universa pagi Decima spectat ad Parochum.

Huic Ecclesiæ ordinariè jungitur ZUERBEMPDE, Præfecturæ etiam Halensis, Toparchia *D. de la Fiefville* Abbatis in Galliâ.

Decimam majorem obtinet præfatus Abbas Heylissemensis, minutam Pastor deserviens.

HALEN exiguum Brabantiae oppidulum uno milliari a Diefthemio, Dominium Ducis Brabantiae, Caput hujus nominis Præfecturæ & ampli territorii sub se pagos plurimos continens. Getâ & Velpa fluviolis alluitur, in mediis paludibus sita, Eburonibus contermina, bella Leodiensia & Geldrica effecere, ut nonquam potuerit a malis suis respirare, & hodiedum jaceat penè excisa.

Inter Halen & Hercam est campus *Vranckryck* appellatum, olim Francia secunda, Legum Salicarum solum, cujus decimas percipit Ecclesia Halensis, ubi anno 1622. effossæ urnæ cinerum & ossium ex adverso Sacello Doncani haud procul a portis Halensibus, & si conjecturæ locus est, ego inquit (profundè doctus *G. Wendelinus*) *Pharamundum* levatum crediderim in Campo illo *Vranckryck* Halæ inter & Hercam, inque illo admodum prædiolo regni *het Coninckryck*.

Ecclesia tutelarem colit *S. Petrum* Apost. Pastorale munus confertur per Capitulum Cathedrale *S. Lamberti* Leodii, quæ majorem obtinet decimam cum Abbate *S. Trudonis*, ex quibus Pastori annuè solvitur Supplementum competentiae.

Hæc Ecclesia Parochialis est matrix plurium pagorum, cujus Personatus unitus est huic Pastoratui.

Ad.



Administrat hujus Ecclesiæ Parochus, Ecclesiam de *Betecum* vulgo *Betecum*, quæ ab Halen integro milliari abjuncta est, item Ecclesiam de *Zellick* seu *Selck* antiquis vicus Salicus sive Saliorum sedes; ita *Wendelinus*, ambo Dominium Ducis Brabantiae. Hæc Ecclesia quæ *S. Pancratio* sacra, est filialis de Halen prout & *Betecum*; in *Zellick* diebus sacris divina operantur.

Decimas horum locorum percipiunt Capitulum præfatum *S. Lamberti* & Abbas *S. Trudonis*, & pro exigua parte Pastor deserviens.

Halæ adjacet ad Velpam fluviolum *Abbatia* Virginalis *Sartum B. Mariæ*, vulgo *Rottthem*, olim *Rocbeem*, Ord. Cisterc. fundata anno 1304. a *Theoderico de Anderane* milite; & notandum quos olim milites, hos hodie Equites dicimus, quod semel notasse sufficiat.

**HAUWAERT** sive *Houdert*, æquali fere spatio inter Lovanium & Diesthemium, Præfecturæ Sichemensis, duobus Dominis jam olim dominatur, unde duo ibidem sunt tribunalia, unum ad Nassovios alterum ad Principem Rubempré spectans.

Ecclesia inscripta *S. Dionysio* Mart. ad Curam Pastoralem nominat præfatus Princeps de Rubempré. Majorem decimam hic loci percipit *Abbatia* Parchensis, Minuta decima portio Parochi est.

Ab hoc Parochiâ in spiritualibus a non paucis tempore avulsa & dismembrata est, nulla interveniente legitimâ auctoritate, ferè media pars hujus pagi, & occupata partim a Parocho *S. Petri*, partim a Parocho *Novi Rodii*, ambo *Abbatia* Parchensis, ratione decimarum quas in istâ parte, avulsâ percipit *Abbatia* Parchensis, ne cogeretur ad competentiam Parocho de *Hauwaert*, qui hodie cogitur esse contentus decimis quæ in suâ parte levantur, quæque sunt exigui valoris. Accedit præterea magna incommoditas incolarum, qui in parte avulsâ morantur, eo quod longo & difficillimo itinere distent ab Ecclesiis *S. Petri* & *Novi Rodii*, præcipuè hyemali tempore.

**KERSBEKE**. Districtus Halensis pagus, altero lapide a Thenis ad Velpam fluviolum, olim peculium inclytæ stirpis de *Elderen*, dein Dominium gentis *Sleuwegia*, hodie spectans ad Dominum de *Juncis*.

Ecclesia patronum colit *S. Servatium* Tungrensem Episcopum, ad Curam Pastoralem præsentat alternis vicibus *Baro de Carloo*, de gente *vander Noot* & Dynasta de *Horenbeeck*.

Decima est tripartita, cujus una triens spectat ad Parochum, altera triens ad *D. Schott*, & tertia ad Dynastam de *Juncis*, Baronem de *Carloo*, *D. de Hauthem*, & Capitulum *S. Germani* Thenensæ.

**KIESEKEM** altero lapide distans Lovanio, viâ ferè qua itur Diesthemium, Præfecturæ Halensis. Dominium olim gentis de *Rampart*, quod jure pignoratitio acquisivit a Rege anno 1568. quod dein per nuptias *Catharinæ Rampart* devenit eodem jure ad *Adrianum vander Noot*, in qua stirpe eodem titulo perseveravit hoc Dominium, donec illud emptione absolutâ obtinuit a *Philippo IV.* Hisp. Rege *Leonardus vander Noot* anno 1658. in cujus favorem erectum est in Baronatum ab eodem *Philippo IV.* Diplomate dato Madridi 4. Augusti anno 1674. in quâ stirpe perseverat, qui modo *Matthias Leonardus vander Noot* Dynasta de *Bouchoute* &c.

*Erectum  
in Baro-  
natum.*

Bruxellis in Ecclesiâ Carmelitarum exstant hæc Epitaphia Dynastarum de *Kiesekem*, renovata 1704.



Hier leght begraven Heer Jacob vander Noot, in  
syn leven Heere van Kiefekem ende Over Bor-  
ghemeester deser Stadt Brussel/die sterft den 11.  
Junii 1637.

Ende Grauwe Catharina van Taye van Goyck, syne  
Huysbrauwe / die sterft den . . . . . 1640.

Item Ibidem.

*Cy gist Messire Jacques vander Noot, Seigr. de Kiefekem, Kerc-  
kem trespasfé le XI. de Juin 1637.*

*Et tresnoble Dame Catherine Taye de Goyck sa femme  
morte le . . . . . 1640.*

*Et son fils Leonard vander Noot Baron de Kiefekem.*

*Et ses deux femmes tresnobles Dames Isabelle Claire vande Gra-  
ve Dame de Grez trespasfé le XXVIII. de Juillet 1666.*

*Et Anne Marie Domalum morte le VI. Septembre, renouvelé  
apres le Bombardement de l'an 1695. par leur fils Rasse Leo-  
nard vander Noot Baron de Kiefekem, mort le . . . . .*

Ecclesiæ (quæ *S. Petro*, sacra est) Patronatu gaudet Commendator de Chan-  
train in Viliampont Ord. *S. Joannis* Jerosolymitani, vulgo Equitum Meli-  
tensium. Decima ferè universa ad Parochum spectat, etiam illa quæ fuit pri-  
dem præfati Commendatoris.

LANGDORP pagus milliari ab Arscoto, cujus est territorii, Domi-  
nium Ducis Arscotani, qui modo Dux Aremburgiæ, latine dicitur *Lon-  
gus Pagus*, estque nomine & re latæ admodum & longinquæ exten-  
sionis.

In sacris, Ecclesia, quæ *D. Petro*, sacra est dependet ab Abbatia Gertruda-  
nâ Lovanii ex dono *Joannis de Arscot* anno 1260. Diploma recitat A. Mi-  
ræus Lib. I. cap. CXVI. novæ edit: quo *Joannes de Arscot* dictus de Schoon-  
hove donat Ecclesiæ & Præposito *S. Gertrudis* in Lovanio & Conventui  
loci ejusdem, quidquid juris habebat in jure Patronatus, de *Weerde & Lang-  
dorp* tenendum in perpetuum & regendum, De *Weerde* egimus in Ar-  
scoto.

Decima universa spectat ad hanc Abbatiam, & Pastori solvitur a præfatâ  
Abbatia annuè competentia.

Solebat hæc cura Pastoralis administrari per Canonicos præfatæ Abbatia,   
hodiedum per Parochum secularem de Clero.

LINTHOUT ad Demeram fluvium & limitem Eburonicum, vulgo den  
*Luycksen Kempen*, Præfecturæ Halensis, Dominium Comitis de la Marke.

Ec-



Ecclesia *S. Trudoni* sacra est. Parochum præsentat alternis vicibus præfatus Abbas *S. Trudonis* & Comes de la *Marke*, litteræ vero præsentatoriae expediuntur communi nomine.

Decima universa spectat ad Parochum.

MIEUSELDORP vulgo *Meensel*, Pagus præfecturæ Halensis, situs inter Diesthemium & Thenas, medio ferè itineris spatio. Hoc Dominium jure pignoratitio a Rege acquisivit Anno 1630. *Philippus de Hertoghe*. Hodie illud possidet *N. de Proost* Drossardus Diestensis.

Ecclesia quæ *S. Mathæo* Apost. sacra deservitur per Pastorem de Kiese-kem. Patronatus ejus spectat ad Abbatem *S. Cornelij*, ad *Indam* Ord. S. Bened. in agro Aquisgranensi.

Decima est tripartita, cujus duas trientes possidet præfatus Abbas, tertia triens portio Parochi est cum jure Novalium.

MISSELBROUCK ad Demeram Amnem, Districtus Arscotani; ad cujus Ducem pertinet ejus Dominium, qui modo Dux AreMBERGIÆ.

Ecclesia Patronum colit *S. Michaellem* Archangelum, cujus res sacra dependet ab Abbate Averbodiensi qui & Parochum ibidem e suis Canonicis præsentat, ad quem spectat decima granorum, præter exiguum partem quam habet Plebanus, Præpositus & Cantor Ecclesiæ Collegiatae Arscotanae. Abbas Averbodiensis præfatus hic loci possidet decimam fœni.

Olim fuit una Ecclesia Parochialis cum Theffelt; sed quia utrumque pagum interfecat omnis Demera, propter aquarum illuviem præsertim hyemali tempore & difficultate viarum, erectæ sunt duæ Ecclesiæ Parochiales, ut populo certius subveniretur.

Abbatia Averbodiensis obtinuit has Ecclesias Parochiales anno 1198. a Domino *Henrico Wasmodo*, *Sigero*, *Apro*, *Waltero Parvo*, & altero *Henrico*, item a Domino *Salutario*, *Wabinaino*, *Susanno* cum filiis suis *Joanne de Welme* & aliis e familia Ducis. Ita *A. Sanderus* in Chorographicâ descriptione Abbatia Averbodiensis.

MOLEBEECK inter Lovanium & Diestam medio ferè itinere, Districtus Sichemensis, Dominium gentis Nassoviæ.

Ecclesia inscripta est *S. Laurentio* Mart.

Cura Pastoralis administratur per Parochum Novæ Capellæ & ad eum spectat universa decima.

RILLAER pagus est Districtus Arscotani, ad cujus Ducem ejus spectat Dominium, appendix olim Parochis Urbanæ de Arscoto, nunc ejus filia, & ab ea distat primo lapide.

Ecclesia Patronum veneratur *S. Nicolaum* Episc., quæ solita fuit administrari per Canonicos Abbatia Gertrudanæ Lovanii, modo habet Parochum secularem de Clero.

Decima spectat ad præfatam Abbatiam ex quâ Pastori annuè præstatur competentia.

RHODIUM NOVUM vulgo *Nieu Rode* primo lapide ab Arscoto districtus Sichemensis, Dominium gentis Nassoviæ.

Ecclesia tutelarem colit *S. Laurentium* Mart. ejus Patronatum possidet Priorissa Monasterii *de Gempe* Ord. Præmonst., illius animarum cura



hodie administratur per Canonicum Abbatiae Parchensis.

In Supplem. Diplom. *A. Miræi* parte I. Cap. 77. exhibetur diploma, quo Anno 123. Archidiaconus Leodiensis in Brabantia confirmat donationes factas Monialibus Insulæ Ducis & specialiter hujus loci de *Nu-rodē*; Item Cap. 78. Diploma, quo *Henricus II.* Dux Brabantiae Anno 1239. confert iisdem Monialibus omne jus quod habebat in Capella de *Nu-Rodē*; Item Cap. 79. Diploma, quo *Joannis Miles de Arschot* eisdem Monialibus confert omne jus quod habebat in Patronatu Capellæ de *Nu-rodē*; & denique litteræ Cap. 82. *Innocentii IV.* Papæ, quibus confirmat iisdem Monialibus jus Patronatus Capellæ de *Nu-rodē* anno 1254.

Decimæ spectant ad Pastorem, in locis qui in Spiritualibus subsumt huic Parochiæ; alibi percipit Abbas Parchensis spectans ad Rhodium *S. Petri*; interim incertum quo titulo, & jure, cum olim administrata fuit per Clerum secularem; attamen hoc certum, cum nuperis annis domus Pastoralis esset vetustate collapsa, Parchenses novam domum, non in fundo Pastoralis, sed in proprio illi adjacente ædificaverunt, veriti ne si Pastoratus reverteretur ad Clerum secularem, hanc domum veluti Pastoralem occuparet Pastor secularis.

**SCAFFEN** olim *Scafuis* pagus medio milliari a Diesthemio versus Campiniam Leodiensem vulgo *Luyksēu Kempen* Dominium gentis Nassoviæ sub Baronatu Diesthemienfi.

Ecclesia tutelarem colit *S. Hubertum* Episc. & *S. Trudonem*, cui *Robertus* Comes Anno 746. dictum locum cum Ecclesiâ obtulit, eoque jure Abbas *S. Trudonis* gerit hujus Ecclesiæ Patronatum. Diploma hujus donationis refert *A. Miræus* in Donat. Belg. Lib. II. Cap. V. Decimas hujus pagi suæ Abbatiae comparavit Anno 1403. titulo emptionis *Joannes Gerardi a Sichenis* XXIV. Abbas Tongerloensis.

Hæc cura Pastoralis solebat administrari per Clerum secularem; ast *Jacobus Boonen* Archiep. Mechl. cum consensu Capituli sui Metropolitanani anno 1653. sub certis conditionibus consensit eam deinceps curari a Tongerloensibus, inter cætera etiam eâ, quamdiu maneat Regularis disciplina in Tongerloâ.

**SICHENE**, latine *Sichemium*, oppidulum ad Demeram fluvium, inter exigua quidem, sed vetera Brabantiae oppida recensetur.

Hoc Dominium beneficio Brabantiae Ducis primus obtinuit *Godefridus Virsonius* anno 1284. inde per nuptias Comiti Loffensi, dein Juliacensi evenit, a quibus *Reinero Schoonvorstensi* venditum, cujus filius Diestensi Baroni Dominium quod in Sichenas habebat transcripsit, ex quo tempore Diestensi conjunctum Dominium Sichemenfe, manetque adhuc. Illud possedit ab Anno 1490. familia Nassovia, per mortem *Guilielmi III.* magnæ Britanniae Regis anno 1702. Incertum ad quem ex Nassoviis hæc hæreditas devoluta sit cum pagis sibi subjectis.

Quoad rem sacram, Ecclesiam Parochialem habet unicam *D. Eustachio* & fociis ejus adscriptam, exstructam anno 1500. cujus Chorus perfectus est post annum 1387.

Patronatus ejus spectat ad Decanum Capituli *D. Petri* Lovanii, percipitque decimas majores cum Capitulo præfato, & Abbate Gertrudano Lovanii.

In minutis decimis tertium manipulum obtinet Pastor, duo restantes spectant ad Capellaniam ibidem *B. Mariæ*.



In hoc oppidulo est Coenobium unicum Canoniarum Regul. *S. Augustini* cui nomen ALNETUM B. MARIE Vernaculè *Onse Lieve Vrouwe Else*.

Hoc Coenobium ante annos CCC. Beginarum Curia fuit fundata per *Helwigem Cools*, *Margaretam Raes* & *Catharinam Beckevorde*. Anno 1468. *Ludovicus de Bourbon* Episc. Leod. ad preces devotissimi Presbyteri *Joannis Moens* investiti seu Perionæ & Dom. *Heitwigis Cools* Rectricis Beginasii Sichemensis, illud idem Beginasium erexit in Monasterium tertiæ Regulæ *S. Francisci*: consentientibus, in eandem erectionem, Personatus extinctionem &c. Decano & Capitulo Ecclesiæ *D. Petri* Lovaniensis tamquam loci Patronis. Anno 1470. idem Episcopus de libero consensu omnium Sororum sive Virginum, accedente etiam licentia eorum omnium quorum intererat, idem Monasterium ob certas causas erexit & transtulit in Monasterium Canonissarum Regularium *S. Augustini*; quæ omnia auctoritate Apostolicâ sunt confirmata per *D. Lucam* Sabiniensem Episcopum.

Hoc Monasterium subiectum fuit usque ad ultimas turbas Belgicas Corfendoncanis, quo tempore illud deseruerunt; factumque est ut *Jacobus Boonen* Archiep. Mechl. tamquam Ordinarius illam Subjectionem Corfendoncanis subtraxerit, & sibi omnem jurisdictionem assumpserit.

Hodie ex Commissione & Consensu Archiepiscopi Mechliniensis illud Coenobium administrat Canonicus Abbatia Averbodiensis.

Sichemio adjacet AVERBODIUM Abbatia Ord. Præmonstratensis medio milliari ab eo & uno a Diesthemio in Brabantia & Leodienfis agri confinibus, ita ut locus Abbatia in Brantiâ, Conventus in ditione Leodiensi situs sit, adeo ut communi Suffragio electus Abbâs, atque a Duce Brabantia nominatus, post impetratam a Generali Ordinis Præfecto confirmationem a Leodiensi Episcopo consecratur, eique ut Ordinario subsit, quo etiam fit ut Abbas Averbodiensis in Comitibus Ordinum Brabantia suum habeat locum more aliorum Prælatorum: ita quoque simul ac consecratur fit Ecclesiæ Cathedralis *S. Lamberti* Canonicus, & veteri usu Comitum Lossensium Capellanus & Sigillifer.

Fundata est hæc Abbatia ab *Arnulpho* ceu *Arnoldo III.* Comite Lossensij ejusque filio *Ludovico* in *Averbodio* allodio suo, honori Virginis Matris & *S. Joannis Baptista*, in eo collocans Canonicos Præmonstratenses sub Regulâ *S. Augustini* a *B. Waltmanno* primo Abbate *S. Michaelis* Antverpiæ, primo Abbate illic constituto *Andrea*, sociisque *Arnulpho*, *Ludovico*, *Hugone* & *Noleno*, qui in Necrologio Averbodiensi primi fundatores dicti.

Quo autem præcisè anno Præmonstratenses *Averbodium* immigrarint, primaque Monasterii injecerint fundamenta, Auctores variant. *A. Sanderus* in Chorographiâ sacrâ hujus Abbatia & memoriæ veteres id factum tradunt anno 1128. *Barth. Fisen* & ex eo auctor compendii Historiæ Leodiensis Universalis scribunt Averbodiense Coenobium conditum anno 1131. idque ex eo credo quod *Arnulphus* Comes in Diplomate mox producendo, non nisi anno 1135. dicat se fundasse Ecclesiam *S. Mariæ*, Sanctique *Joannis Baptista* in Averbodio, obtinuisseque firmari hanc donationem ab *Innocentio II.* bonæ memoriæ Universalis Ecclesiæ Patre nostro, quod contigit quando anno prænotato Leodii adfuit, & vivæ vocis oraculo solum approbavit.

*A. Miræus* in Chronico Belgico inchoatum ait anno 1133. quem plures sequuntur, quod ad ea quæ diximus non reflexerint animum. Diploma Comitum, ne vel Sillabâ imminutum habetur in Cod. Piarum Donat. Cap. XC.



novæ edit. & IV. alia Diplomata hanc foundationem concernentia Cap. XCI. XCII. XCIII. & XCIV., quæ sic se habent.

In nomine sanctæ & individuæ Trinitatis. Respectu divinæ misericordiæ dignum ad-  
judicamus fideles Christi famulos debere confovere, & de nostra abundantia necessi-  
tatibus eorum concurrere, & eorum inopiam sublevare: ut cum defecerimus, reci-  
piant nos in æterna tabernacula.

Hinc est quod ego ARNOLDUS Dei gratiâ dictus Comes de Los, cum LODOVICO filio meo, Ecclesiam Sanctæ Mariæ, sanctique Joannis Baptistæ in Averbodio, Allo-  
dio nostro fundavimus, & in ea Canonicos Præmonstratensis Ordinis, sub regula B. Augustini degentes, collocavimus; quibus omnem terram cum nemoribus, à termi-  
no Erdeberghæ usque ad terminum qui dicitur Ulrepack, cum pascuis circum jacen-  
tibus, liberè concessimus.

Ecclesiam etiam de Tesselenderlo, cum decimis & appenditiis, prædictis Fratribus in usus proprios largiti sumus. Hanc etiam donationem à patre nostro universalis Ec-  
clesiæ Pontifice bonæ memoriæ Innocentio firmari fecimus.

Ne autem aliquis Successorum meorum hanc nostram donationem temerè violare præsumat, præsentem Paginam sigilli nostri attestatione communivimus.

Acta sunt hæc anno Incarnationis Dominicæ 1135, Indictione XIII, præsentibus liberis hominibus nostrisque Ministerialibus, quorum hæc sunt nomina,

Walterus de Heere,  
Cono frater ejus,  
Engranius de Los,  
Godefridus & Hildefridus fratres ejus.  
Eggebertus de Rolenghem,  
Oldericus de Bilrewelt,  
Helias de Gelmene,  
Sebaldus & Conrardus de Gelmene,  
Godefridus de Mettencoven,  
Robertus de Berloz,  
Hugo frater ejus,  
Hermannus Busch,  
Hermannus de Bovingen.

*Andreas  
pro An-  
drea.  
Erebodio  
pro Averbodio.*

INNOCENTIUS Episcopus Servus Servorum Dei Dilecto Filio Abbati Andreæ sanctæ Mariæ sitæ in Averbodio, tuisque Successoribus canonicè substituendis, in perpetuum. Piæ postulatio voluntatis, effectu debet prosequente compleri, quatenus devotionis sinceritas laudabiliter enitescat, & utilitas postulata vires indubitanter assumat. Eapropter dilecte in Domino Fili, Andreas Abbas, tuis petitionibus clementer annuimus & Ecclesiam Sanctæ Mariæ sitæ in Erebodio, quam utique nobilis vir Arnulfus Comes, ejusque consortes, piæ devotionis intuitu fundaverunt, & ad vestram sustentationem omnipotenti Domino, pro animarum suarum remedio liberè obtulerunt, à termino videlicet Endeberghe, usque ad terminum, qui dicitur, Ulrepack, cum pascuis circumjacentibus, sub protectione Beati Petri suscipimus, & præsentis privilegii paginâ communimus. Statuimus etiam ut quascumque possessiones, quæcumque bona, idem locus in præsentiarum justè & canonicè possidet, aut in futurum concessione Pontificum, largitione Regum vel Principum, oblatione fidelium, seu aliis justis modis, Deo propitio, poterit adipisci, firma tibi, tuisque Successoribus, & illibata permaneant.

Adjicimus quoque, ut idem locus ab omni exactione liber maneat, sicut ab iisdem fundatoribus statutum fuisse cognoscitur. Nec aliquem præter Episcopum habeat Advocatum. Et ut Ordo Canonicus secundum Regulam Sancti Augustini, & institutionem Præmonstratensis Ecclesiæ, ibi perpetuo conservetur, sancimus etiam, ut nemini Fratrum post factam in eodem loco professionem, absque licentia Prælati sui, ad alium locum liceat transmigrare.

Quod si discesserit, & canonicè commonitus redire contempserit, facultatem nihilominus habeatis, eundem à divinis officiis interdicere, interdictum verò nullus Episcoporum, vel Abbatum, suscipere audeat, vel retinere. Sanè de laboribus quos

pro-



propriis manibus, & sumptibus colitis, decimas exigi prohibemus. De nutrimentis quoque animalium vestrorum, id ipsum observari præcipimus.

Ut autem quietius, atque liberior manere possitis in Omnipotentis Dei servitio, auctoritate Apostolicâ inhibemus, ne cui Episcopo, liceat vos ad sua negotia, nisi fortè ad Synodum, invitum trahere, vel vocare. Porro sepulturam ejusdem, loci, omnino liberam esse concedimus, ut videlicet eorum, qui illic sepeliri deliberaverint, devotioni, & extremæ voluntati (nisi fortè excommunicati sint) nullus obstat, salvâ nimirum matricis Ecclesiæ canonicâ justitiâ, vel reverentiâ. Inter ceteras ejusdem loci possessiones Ecclesiam, quæ dicitur Tesselenderlon, nihilominus confirmamus.

Decernimus ergo ut nulli omnino hominum liceat eundem locum temerè perturbare, aut ejus possessiones auferre, vel ablatas retinere, minuere, seu aliis perturbationibus fatigare; sed omnia integrè conserventur, pro quorum gubernatione & sustentatione concessa sunt, commodis usibus profutura. Si qua sanè imposterum Ecclesiastica secularisve Persona, hanc nostræ Constitutionis paginam sciens, contra eam temerè venire temptaverit, secundò tertiove commonita, si non congruè satisfecerit, potestatis honorisve sui dignitate careat, reamque se Divino Judicio existere de perpetrata iniquitate cognoscat, & à sacratissimo Corpore & Sanguine Domini nostri Jesu Christi aliena fiat.

Conservantes autem hæc omnia Omnipotentis Dei, & Beatorum Apostolorum ejus Petri ac Pauli benedictionem, & gratiam consequantur. Amen, Amen, Amen.

Ego Innocentius Catholicæ Ecclesiæ Episcopus. Datum Laterani per manus Almerici S. Romanæ Ecclesiæ Diaconi Cardinalis & Cancellarii xvi. Kal. Maii, Indict. 11. Dominicæ Incarnationis anno MCXXXIX, Pontificatûs Domini Innocentii Papæ 11. anno decimo.

EGO ALEXANDER, divinâ ordinante clementiâ, Dominici gregis in Episcopo Leodiensi humilis Custos, ac Provisor: notum facio, ac sigilli nostri impressione memoriter tenendum trado, tam posteris sequacibus, quàm nostri temporis Catholicæ fidei cultoribus; quod videlicet Comes Ernulfus de Los, assensu aliorum nobilium participum suorum, scilicet Ernulfi de Arscot, Ernulfi de Dist, Cunonis de Repe, & Radulfi Abbatis Sancti Trudonis, Allodium quod nominatur Averbodo, *Averbodo pro Averbodium.* ad laudem & honorem Christi, Domino ibi famulari volentibus dederit pro salute animæ suæ, & Patrum suorum, ut ibi ædificent, & semina spargant, unde in terra viventium manipulos colligant.

Hoc autem in nostris diebus stabilitum est, me teste, me præsentem, temporibus quoque Litherii Imperatoris, Brunonis Archiepiscopi Colonienfis, Pagani Ducis Lembergenfis, Godefridi Comitis Namurcensis. *Litherii pro Lotharii.*

Hujus sanctionis idonei existunt Testes, Steppo, Præpositus in Ecclesia Beati Lamberti, ac Archidiaconus; Johannes Archidiaconus; Gilbertus Archidiaconus; Dodo Archidiaconus; Reinerus Archidiaconus; Hermannus Archidiaconus; Alexander Archidiaconus.

Bannum ergo Dei & nostrum ponimus, ne quis de cetero institutionem præscriptam infringat, quod si quis fecerit, anathema sit.

In nomine Sanctæ & individuae Trinitatis Patris & Filii & Spiritûs Sancti STEPHANUS divinâ miseratione Metensis Episcopus, omnibus tam futuris quàm præsentibus in perpetuum.

Quia juxta Apostolum bonum operari ad omnes commonemur, & debitores sumus, maximè illis curam beneficentiæ impendendam esse non dubitamus, qui relicto fluctuantis mundi præsentis naufragio ad tranquillum contemplationis portum feliciter se contulerunt ac in eo anchoram suæ salutis confixerunt.

Igitur ob remedium nostrorum peccatorum seu omnium Prædecessorum nostrorum vel Successorum, petitione nec minùs Gerardi venerabilis Sanctæ Crucis Cardinalis, tunc etiam Apostolicæ Sedis Legati, terram quæ *Averbodium* vocatur, usque ad hæc tempora solis latronum vel prædonum spurcitiis, rapinis, ac homicidiis vacantem, in qua cum aliis nobilibus viris, portionem aliquam Ecclesia Sancti Trudonis habuit, consensu Radulphi ejusdem Ecclesiæ Abbatis & Fratrum, Ecclesiæ Sancti Johannis Baptistæ, quæ inibi fundata est, liberè possidendam contradidimus; eo quidem te-



nore, ut Ecclesiæ Sancti Trudonis singulis annis in Epiphania Domini, aureum nummum sive pretium ejus Fratres Ecclesiæ Sancti Johannis superiùs memoratæ persolvant.

Huic nostræ traditioni assensum præbuerunt Advocati prædictæ Sancti Trudonis Ecclesiæ, Walerammus Dux & Marchio Lotharingæ, & Giselbertus de \* Durato. Ut autem hæc rata & inconvulsa jugiter permaneant, præsentem paginam conscribi jussimus, sigilli nostri impressione roboratam.

Testes quoque hujus rei adhibiti & advocati sunt, prædictus Cardinalis Gerardus, Bruno Coloniensis Archiepiscopus, Episcopus Albero Leodiensis, Andreas Trajectensis, Nicolaus Cameracensis. Comites Godefridus de Namuco, Arnoldus de Los, Walerammus Dux, Giselbertus de Duraco, Lambertus de Monte \* Acuto.

\* Mohaut  
puto, prope  
Huyum.

1136.

Actum anno Incarnati Verbi millesimo centesimo, xxxvi, Indictione xvi. In nomine Domini feliciter Amen.

Ego Raduardus Curia Imperialis Capellanus, vice Cancellarii Metensis recognovi.

PHILIPPUS Dei gratiâ Coloniensis Archiepiscopus, dilectis in Christo Fratribus, STEPHANI Abbati, & toti Conventui in AVERBODIO . . . . Domum vestram in Averbodio, quam licet possessione tenuem, devotione invenimus locupletem, in protectione nostra suscipimus.

Tessel  
Keyfers-  
bosch.

Nominatim autem Jus patronatûs Ecclesiæ de *Tessenderlo*, à Comite de Los vobis collatæ, similiter jus Ecclesiæ de *Thestolt*, item quidquid pertinet ad curiam vestram de *Cheiserbuch*, item beneficium quod contulit vobis GERARDUS Comes de Los in *Tessenderlo*, præsentis scripti patrocinio confirmamus. Datum in Averbodio, Pontificatûs nostri anno decimo octavo.

Inter cæteras laudes Abbatia Averbodienensis non minima est duplicem quasi foetum ex eâ natum, Virilem unum *Montis S. Joannis* vulgo *St. Jans-Bergh* apud Maseycam ditionis Leodiensis oppidum. Verum iniquitas in novellam hanc plantationem atrocissimè sæviit, bis namque a malevolis incensa, in cineres abiit & plane periit, Abbate cum suis Averbodium reverso. Alter foetus felicior magisque vitalis fuit. Est is illustre Monialium nobilium Monasterium in Comitatu Hornano apud Ruremondam Geldriæ Urbem situm vulgo *Keyfers-Bosch* latinè Cæsareum nemus nuncupatum, quod primitus fuit propè Averbodium, inde anno 1200. ab *Engelberto Hornano* Domino mirum in modum auctum ad Nemus Cæsaræum id est *Keyser-Bosch* translatum est, ubi in devotione maximè florescit & regitur per Præpositum constitutum ab Abbate Averbodienfi.

Post decursu temporis Disciplina Regularis in eodem Monasterio per tumultus Belgicos, ac depopulationes collapsa fuerat, eam *Valentinus* Averbodii Abbas XXXIII. anno 1618. adductis ex Parthenone de *Gempe* propè Lovanium Monialibus ejusdem instituti, in pristinum vigorem illud restauravit sub firmâ clausuræ Regularis custodiâ, atque in eo Religionis Zels dictum Monasterium fideliter perseverat.

Cæterum ut revertamur unde digressi sumus. In Averbodio nostrâ ætate *Servatius Vaes* XXXV. Abbas, Illustrem Neo-Basilicam, maximo sumptu construi fecit, & ad culmen perduxit.

## ABBATES AVERBODIENSES.

I. B. ANDREAS inter Beatos refertur, ipso procurante ac dirigente fundata fuit Abbatia in Monte *S. Joannis* prope Maseycam, quæ brevi post interiit. Obiit Ao. 1139.

II. B. STEPPHO obiit Anno 1189.

III. St-



- III. SIBERTUS. circa annum 1200. Coenobium Monialium Ord. Præmonstr. ex Sylvâ Averbodianâ, transtulit in Villam sui Monasterii, vulgo *Keyfers-Bosch* in tractu Hornano, quod hodiè ibidem floret. Obiit Anno 1202.
- IV. ALEXANDER. Mortuus Ao. 1206.
- V. EGGERICUS. Vivis excessit 1210.
- VI. GODEFRIDUS. Vir magnæ auctoritatis apud *Henricum I.* Lotharingiæ ac Brabantiae Ducem, & *Ludovicum* Comitem Loffensem. Obiit Ao. 1215.
- VII. BALDUINUS qui multum familiaris fuit S. Martyti *Engelberto* Archiepiscopo Colonienfi. Obiit anno 1226.
- VIII. ROBERTUS. Obiit anno 1238.
- IX. JOANNES DE BOSSUIT DE THESTELT. Obiit Anno 1258.
- X. WALTERUS DE WESEMALE ex Illustri familiâ Dynastarum de Wesemale. Obiit Ao. 1270.
- XI. GODEFRIDUS DE THESTELT. Obiit Anno 1274.
- XII. JOANNES DE TIELDONCK. resignavit Ao. 1279. Dein obiit Anno 1297.
- XIII. OTTO DE LOVANO. 1289.
- XIV. JOANNES DE ROTSELAER. ex Abbatiâ *S. Michaelis* Antverpiæ Pastor in Corfel, exinde electus Abbas; resignavit Ao. 1304. & supervixit usque ad annum 1308. numeratur apud *C. Butkens* inter Nobiles sub *Joanne II.* Duce Brabantiae.
- XV. JOANNES QUISTWATER. A Lovanio ex Provifore electus Abbas. Obiit Ao. 1311.
- XVI. JOANNES LOVANIENSIS dictus *Pistorius*. Obiit Anno 1354.
- XVII. REYNERUS DE ARSCOT. 1356.
- XVIII. ARNOLDUS DE VENLO. Ex Pastore in Venlo, electus Abbas. Obiit Anno 1360.
- XIX. HENRICUS DE WINCXELE. Obiit Anno 1369.
- XX. ARNOLDUS TULDENUS. 1394.
- XXI. JOANNIS MULTORIUS ab Herlaer, ex Commissione *Joannis de Bavaria* Epif. Leod. anno 1394. visitat Corfendoncam, cum recens fundaretur, & primos Religiosos ad habitum & professionem recipit. Obiit Ao. 1422.
- XXII. DANIEL LAECKMAN. Obiit Anno 1441.
- XXXIII. JOANNES BAUDEWYNS S. T. D. ex Abbatiâ *S. Nicolai* Furnensi, intimus Consiliarius *Philippi Boni* Ducis Burgundiae, Brabantiae &c. *Eugenio IV.* Papæ admodum familiaris. Fuit Vicarius Generalis Circariæ Brabantiae. Anno 1454. impetravit a *Nicolao V.* Papâ mitram & pontificalia sibi & Successoribus, resignavit Anno 1458. & supervixit usque ad annum 1460.
- XXIV. ARNOLDUS VANDEN VALGAET, abdicavit dignitatem Anno 1482.
- XXV. BARTHOLOMÆUS VANDEN VALGAET. Obiit Anno 1501.
- XXVI. GODEFRIDUS VANDER SCHAEFT J. U. L. Mortuus Anno 1532.
- XXVII. DIONYSIUS VANDER SCHAEFT J. U. D. Successit Patruo. Obiit Ao. 1541.
- XXVIII. PAULUS GIELMANS ex Provifore electus Abbas obiit Ao. 1543.



XXIX. HIERONYMUS FABRI, vulgo *Smets*. Obiit Anno 1546.

XXX. MATHÆUS FULLONIUS, Vernaculè *Swolders* ex pago de Rethy. Obiit Ao. 1565.

XXXI. ÆGIDIUS HEYNS Fundati Collegii Præmonstratensis Lovanii præcipuus auctor. Obiit Ao. 1574. Vacavit sedes ob turbas Belgicas usque ad annum 1585. quo electus.

XXXII. ARNOLDUS VANDER HEYDEN, Hasselensis ex Priore creatus Abbas. Obiit Diestæ Anno 1588. quo propter grassationes militum cum suis Religiosis refugerat; sepultus ibidem in Ecclesia *S. Sulpitii* ante aram Principem.

XXXIII. MATTHIAS VALENTINI, ex pago Corsel. Monasterium ab Hispano milite exustum Anno 1594. reparavit, ad quod ab exilio Diesthemienfi suos reducit Anno 1604. rem domesticam in temporalibus & spiritualibus restauravit & auxit. Obiit anno 1635.

XXXIV. NICOLAUS AMBROSII, antea Præses Collegii Præmonstratensis Lovanii. Obiit Anno 1647.

XXXV. SERVATIUS VAES, ex Priore electus Abbas, insignem Neo-Basilicam suæ Abbatiæ magno sumptu extruxit & perfecit. Obiit ferè Nonagenarius postquam annis 50. præfuisset. Anno 1698.

XXXVI. STEPHANUS VANDER STEGHEN, ex Pastore de Venlo creatus Abbas; inauguratus die 15. Junii 1698. totam fere Abbatiam renovavit. Hodie laudabiliter præest.

THESTELT ad Demeram fluvium inter Diesthemium & Arscotum medio itinere, Districtus Arscotani, Dominium ejusdem Ducis qui modo Dux Arembergiæ.

Ecclesia tutelarem veneratur *S. Petrum* Apostolorum Principem, olim una Ecclesia Parochialis cum Misselbrouck, uti ante diximus cum de eo pago egimus. Res sacra administratur per Canonicum Religiosum Abbatiæ Averbodiensis Ord. Præmonstr. cui hæc Cura Pastoralis incorporata est, & ad quam Patronatus spectare dignoscitur.

Decimas Universas hic loci possidet præfata Abbatia, & Parocho datur annuè competentia.

THIELT B. MARIÆ. Vernaculè *Onse Lieve Vrouw van Thielt*, primo lapide cum dimidio ab Arscoto, Dominium Districtus Sichemienfis, gentis Nassoviæ.

Ecclesia ob sacram Deiparæ Iconem miraculorum gloria illustris & copioso peregrinorum adfluxu, visitatur ab iis qui purulentis, iisque albicantibus ulceribus instar lepræ infecti sunt.

Subest hæc Parochialis quoad rem sacram & munia Pastoralia Abbatiæ Gertrudanæ Lovanii, cujus instituti Canonici solebant ad curam animarum & rem divinam ablegari, & ad quam Abbatiam spectat hujus pagi decima.

Hodiedum hæc Cura Pastoralis per Sacerdotem secularem de Clero administratur eique annuè a præfatâ Abbatia præstatur competentia.

THIELT B. MARTINI altero lapide a Diesthemio viâ qua itur Lovanium, Præfecturæ Sichemienfis. Dominium gentis Nassoviæ.

Ecclesia ut nomen indicat *S. Martino* Episc. inscripta est. Patronatus est Abbatis Heylissemensis, cujus Abbatiæ Canonici hanc curam Pastoralem administrant.



Decima Univerſa ſpectat ad hujus Eccleſiæ ſacrum miniſtrum.

WAENROY ſive *Wanrode* inter Dieſthemium & Thenas a qua diſtat tertio ferè lapide, Diſtriſtus Sichemenſis. Dominium gentis Naſſoviæ.

Eccleſia ſacra eſt *S. Bartholomæo* Apoſt. cujus Patronatus ſpectat ad Abbatiffam Lintrenſem Ord. Cifterc., quæ ceſſit ad certum annorum ſpatium ſuas quas illic poſſidebat decimas; ſexta earum pars ſpectat ad hanc Eccleſiam. Commendator etiam de *Beckevoort* nuperis annis ceſſit ſuas quas hic poſſidebat decimas Parocho.

WEBBECUM olim *Wicbecum*, appendix oppidi Dieſthemienſis, verum nihil cum eo commune habet, niſi quod a Duce noſtro *Henrico I.* anno 1215. *Arnoldus III.* Dominus de Dieſt obtinuerit Advocati jus, reliquum Trudonenſis Abbatix vetus peculium & a *S. Trudonis* patre *Wicboldo*, proſectum qui & in Eccleſia hujus loci ante mille annos tumulatus eſt & pagus nomen obtinuit, cujus putatur fuiſſe patrimonium, & hæreditas.

Eccleſia inſcripta eſt *S. Trudoni*. Ejus Patronatus ſpectat ad Abbatiam præfatam *S. Trudonis*, cujus Abbas hic loci Dynaſta eſt.

Decima eſt tripartita, cujus una triens ſpectat ad Parochum, altera triens ad fabricam hujus Eccleſiæ, & reliquam dividunt menſa *S. Spiritus* Dieſthemienſis & Monasterium Virginal Vallis Marianæ Ord. Canon. Reg. *S. Auguſtini* ibidem.

Sub hac Parochia eſt Capella Mariana in vico de *Aſſent* in quâ diebus ſacris Sacellanus ſacra peragit.

Item ſub eâ anno 1323. exſtructa fuit altera Capella, Mariana dicta ad Altam Vineam ſub Patronatu præfati Abbatis, ubi plurima interceſſione Virginis Deiparæ fuere obtenta beneficia; verum hæc Capella in turbis Belgicis exuſta eſt, cujus rudera & veſtigia ſolummodo hodiè ſuperſunt. Bona hujus Capellæ hodie poſſident Capellani *S. Sulpitii* Dieſthemii oriundi.

Hæc miraculoſa Deiparæ imago præfatæ Capellæ, quæ olim etiam impias iconoclaſtarum manus effugit, delata eſt ad Eccleſiam *S. Sulpitii* Dieſthemii atque illic viſitur & colitur ad ingreſſum Chori.

Denique ſub hac Parochiâ olim fuit Beginarum Curia Dieſthemienſis, ſed ab eâ dein ſeparata & diſmembrata eſt per *Arnulphum IV.* Dynaſtam de Dieſt Anno 1252. uti ante dictum.

WEERSBEKE altero lapide a Dieſthemio, Diſtriſtus Sichemenſis. Dominium gentis Naſſoviæ.

Eccleſia tutelarem colit *S. Quirinum* Mart. Patronatus ejus ſpectat ad Abbatem Heyliſſemenſem Ord. Præmonſtr. qui e ſuis Canonicis Religioſis ſolet huc ablegare hujus Eccleſiæ ſacrum miniſtrum, qui percipit univerſam hujus pagi decimam.

## FINIS DECANATUS DIESTHEMIENSIS.



# HISTORIA

## SACRA ET PROFANA

### ARCHIEPISCOPATUS

### MECHLINIENSIS.

---

#### DECANATUS LEEUWIS S. LEONARDI.



LEEUA S. LEONARDI Caput hujus Decanatus, Belgicè *Sout-Leeuw*. dicta ex eo quod aqua loci falsuginem quamdam exhalet. Vocatur autem *Leeuwa S. Leonardi* ad differentiam alterius *Leeuwa S. Petri*, quod Municipium est infra Bruxellam in Hannoniæ finibus, a Leonibus ut apparet nomen habens, duabus infra Thenas milliaribus ad Getam rivulum, qui haud longe ab oppido in Getam influit oppidum. Olim adversus Leodienses propugnaculum, vario Marte sæpe expugnatum est. Primo cum anno 1213. illud *Hugo* Episc. Leodiensis expugnavit, spoliavit & incendit anno 1356. Flandriæ Comes illud subegit, sed mox Duci suo restitutum. Anno 1382. illud exules & proscripti Lovanientes opprefferunt &c. Sed semper & mox Duci suo restitutum.

Quoad rem sacram unicam habet Parochialem Ecclesiam *S. Leonardo* dicatam, in quâ magnâ populi devotione & frequenti peregrinorum concursu colitur hic Divus. Maxima solemnitas cum publicâ supplicatione in hoc oppido est feriâ 2. Pentecostes.

Ad hanc Curam Pastoralem nominant alternis vicibus Abbas Vlierbacensis, & Capitulum S. Dionysii Leodii.

Olim hic loci Parochialis fuit Ecclesia *S. Sulpitii* extra civitatem isto ævo sita, quæ anno 1353. data fuit Religiosis Scholaribus ab Abbate Vlierbacensi & Capitulo S. Dionysii præfati. Aucto dein anno 1231. urbis ambitu, translata fuit Parochialis in ædem *S. Leonardi*, quæ ex collatitiâ stipe & Eleemosynis accurrentium ad famam miraculorum intercessione istius Divi patratum aucta & multum exornata est.

In eâ XII. Canonorum Collegium, quod ex fundatis sensim Capellis auctoritate *Adolphi a Marca* Leodiensis Episc. constitutum est anno 1338. Hujus Capituli Canonicatus VIII. conferunt præfati, Abbas Vlierbacensis & Capitulum S. Dionysii Leodii alternis vicibus. Decanatum & Cantoriatum confert Capitulum hujus Collegiatæ.

Decima est tripartita, cujus duæ trientes spectant ad hoc Capitulum, altera triens ad priorem Scholarium in hoc oppido, quas decimas præfatum Cœ-



nobium obtinuit ab *Henrico II.* Lotharingæ & Brabantiae Duce.

In Diplomate erectionis hujus Collegiatae Investitus (ita Præpositus & Curator vocabatur) mansit & investituræ annexus est Canonicatus, ademptaque animarum cura, quæ in Plebanum translata est cum unione Canonicatus per hæc verba in Diplomate expressa. „ Et Investitus ipse eisdem fructus, „ redditus, proventus & obventiones dictæ investituræ, quos hactenus percipere consuevit, percipiet impostero cum integritate absque aliqua sui „ diminutione facienda, & nihilominus exoneratus erit cura Parochiæ, & „ ipse Plebanus eam geret. ”

Huic Plebania (uti mox dictum) annexus est Canonicatus & beneficium incorporatum *B. Mariæ* in *Beets*, deinde aucta fuit competentia per sententiam Provisionalem Senatus Brabantiae anno 1646. & per definitivam anno 1650. ad 118. florenos annuè, 18. Halst. Silig., & 48. Halst. Speltæ quam competentiam Capitulum & Prior Scholarium annuè Plebano solvunt.

In hoc oppido est Capella Clericorum nostræ Dominæ, olim XIII. Ecclesiasticis, totidemque Secularibus constans Præbendatis, fundata anno 1297. nunc ad numerum octonarium redacti sunt. Hac Capellâ dirutâ officia divina peraguntur in Ecclesiâ Collegiatâ.

Est insuper *Prioratus* magni olim nominis, Ordinis Vallis Scholarium *S. Augustini*, inchoatus anno 1232. Priores hujus Monasterii singulis trienniis eliguntur, & Prior electus a Principe confirmatur. Hi Religiosi institutores dein fuere Coenobii Vallis Scholarium olim extra, modo in Urbe Mechliniensi, vulgo *Hanswyck*, anno 1288.

Dum horum Monasterium in Castrum tunc exstructum versum est anno 1673. Religiosi ad Refugium Heylissenense missi sunt, in quo hactenus stabilem sedem fixerunt.

In hoc oppido item est Coenobium Beggardorum tertiæ Regulæ *S. Francisci*, Capituli Zepperensis membrum, fundatum anno 1397.

Alterius sexus est ampla Beginarum Curia ex Symbolis & collectis piorum fundata circa annum 1327. extra urbis septa. Cum adhuc staret extra oppidi muros anno 1577. ipsis feriis *S. Apostoli Petri* fuit incendio deformata; dein intra oppidi septa translata.

Est & Coenobium Grysearum sororum de *Betania* fundatum anno 1477. 18. Julii ex Collegio Virginum de *Cruysalen*, quod fundum & domum in hunc finem inter civitatis fines emit de consensu *Joannis de Horne* Episc. Leod. anno 1487. Et cum per annos tres fundatrices ob bella huc confugerant, nonnullis ad fundandum relictis ad propria redierunt. Dein eis se associarunt Virgines Religiosæ de *Bosch* pagi de Heelen.

Supervenientibus deinde Turbis Belgicis, multum cum inopiâ luctatæ sunt. Anno 1618. vocatæ per Superiores Ecclesiasticos & Civiles sunt quædam Gryseæ sorores Thenis, quæ certis conditionibus ad curandos ægros Leeuwis moratæ sunt. Anno 1652. sedem fixerunt Gryseæ Sorores prope portam Trudonensem, ibique nidificantes dum anno 1672. fortalitia extenduntur, propriis ædibus depelluntur. Hæ Religiosæ denique ad domum Refugii Abbatia de Lintris destinantur, quæ domus cum horto; cum omnibus pervia erat, successu temporis pariete hortus munitur, & a paucis annis exstructa est nova Ecclesia, ipsumque Monasterium restauratum & ad debitam formam redactum est.

In Suburbano portâ Trudonopolitanâ in conspectu oppidi stagnum est 100. ferè passuum, & in vicino Sacellum Virginis *Mariæ* vulgo *Onse Lie-*



ve *Vrouwe op den Offen-wegh*, latinè *Diva Virgo viâ Bovinâ*, ex eleemôsynis peregrinorum erectum anno 1536. quod longè latèque admodum celebre ob miraculosam in eo *Deiparæ* imaginem; ad & per quam frequentissima diversarum curationum beneficia, fidelibus olim hodieque exhibita. Hoc Sacellum bellorum injuria ferè dirutum nuper piorum eleemôsynis restauratum est, quod per Scholares Religiosos *Leeuwenfes* curatur & administratur, ibique domus quam inhabitat Religiosus hujus instituti, proventus per Magistratum *Leeuwensem* administrantur.

**BEETS** latinè pagus *Bethasiorum*, prope *Halenum* oppidulum, locus magnæ extensionis, Præfecturæ *Halenfis*, *Getæ* fluviolo adjacet ad limitem *Eburonicum*. Hanc Dynastiam circa annum 1600. obtinuit *Renerus Rens*, & *Maria Splenten*, circa annum 1640. *N. Preston*, cui successit *N. Gys*, hodie Dominium *N. Richemans* jure uxorio *Dominæ Gys*.

Ecclesia tutelarem veneratur *S. Paulum* Gentium Apostolum. Ad curam Pastoralem præsentat alternis vicibus Abbas *Vlierbacensis* & Capitulum *S. Dionysii* *Leodii*, uti & ad Beneficia & alia.

Decimarum majorum participes sunt pro tertia parte Capitulum *S. Petri* *Lovanii*, pro altera tertia Abbatia de *Rotthem* & restante tertiâ Abbas *Gertrudanus* & *Vlierbacensis*. Pastor percipit omnium sextam; insuper præfato Abbati *Vlierbacensi* soli competunt decimæ in *Vico de Auraen*; item ei competit medietas decimæ *Silvestris*; alteram habet Capitulum præfatum *S. Dionysii*. Decimam foeni obtinet præfata Abbatissa de *Rotthem*. Hæc Abbatia obtinuit has decimas anno 1304. partim donatione *Theodorici de Anderane*, partim emptione a *Theodorico* & *Arnoldo* filiis præfati *Theodorici de Anderane* Anno 1318. Utrumque Diploma recitat *A. Miræus* in *Diplom. Belg. Lib. I. cap. 98. & 99.* novæ edit. Decimam agnorum & anserum habet Pastor solus in vicis *Auraen*, *Waelseyck*, *Borckelen*, *Vinckepoel*, & *Elsmere*, in aliis pagi partibus habet Pastor undecimam, Abbatissa de *Rotthem* vigesimam secundam. Matricularius decimas percipit tam in terris, quam in Sylvis Pastoris.

Ad laudem hujus Parochialis facit, quod in eâ Parochi munus gesserit ab anno 1620. *Godefridus Wendelinus* Vir in omni litterarum & præsertim Mathematicis disciplinis ad miraculum excultus; exinde anno 1633. *Hercanæ Ecclesiæ* Parochus. tandem *Condatensis* in *Hannoniâ* Canonicus, ac denique *Tornacensis*, ac ejusdem Dioecesis Officialis, qui ibidem plenus dierum obiit Anno 1660.

**BUNGEN** alias *Budingen* ad *Getam* fluviolum medio milliari a *Lecuwis*, Præfecturæ *Cumpticensis*. Possedit hoc Dominium jure pignoratitio anno 1633. *Antonius a Burgundia* alias *Suetlant*. Acquisivit illud emptione absolutâ a *Philippo IV.* Hisp. Rege anno 1648. die 13. Decembris *N. de Longin*, in quâ familiâ perseverat.

Ecclesia sacra est *S. Cyriaco*. Patronatus ejus spectat ad Abbatem *Vlierbacensem* & Capitulum *S. Dionysii* *Leodii* alternis vicibus nominantes, obtinetque majores decimas, minores Abbas *Vlierbacensis*, Abbatissa de *Rotthem*, & Archipresbyter districtus *Leeuwenfis* jure incorporati beneficii in Sacello de *Bosch* in pago de *Heelen*. Ibidem extat Capella *D. Petro* sacra sub vico de *Hoogen* in qua fundata, missa hebdommadaria feria VI. celebranda, pro quâ terræ & sylvæ in foundationem relictæ.

Hæ ambæ Ecclesiæ olim fuerunt quartæ Capellæ Parochiæ de *Leeuw*.



**DORMAEL INFERIUS** Vernaculè *Neer-Dormael*, secundo millia-  
ri a Thenis versus agrum Leodiensem, Præfecturæ Getensis. Dominium nu-  
per gentilium de *Brouxelles* in Urbe Mechliniensi titulo emptionis absolutæ  
a *Philippo IV.* Hisp. Rege anno 1648. die 7. Decembris.

Hodie illud Dominium possidet *N. Aceloos* Mercator Vervicum in Lin-  
tris Superioribus residens.

Ecclesia inscripta *S. Martino* Episc. Patronatum ejus obtinet Dynasta &  
familia *Goofsens* alternis vicibus nominantes; uti & ad Beneficium B. M. V.  
fundatum in hac Ecclesiâ; sed ad Beneficium *D. Martini* in eadem Ecclesia  
nominat Pastor.

Decima est tripartita; quarum una triens spectat ad Abbatissam de *Weer*;  
altera ad Commendatorem de Chantrain, & altera restans ad Parochum,  
qui insuper recipit annuè quoddam supplementum competentiae granorum ab  
Abbate *S. Trudonis*, ratione cujusdam districtus vicini pagi de Haelmael agri  
& Diocesis Leodiensis, qui subest in Spiritualibus hunc Parochiæ.

In hoc pago olim fuit Sacellum B. M. V. sed injuriâ bellorum a non pau-  
co tempore dirutum. Ibidem ejusdem tituli Beneficium fundatum; ad quod  
nominat Pastor.

**DORMAEL SUPERIUS** Vernaculè *Op-Dormael*. Municipium & *Vicecomi-*  
Vice-Comitatus in limite ultimo Leodiensi & olim magni nominis pagus. *tatus.*  
Arcem habuit spectabilem, cujus Schema exhibetur in Annalibus Genealo-  
gicis familiæ de *Lynden*, *C. Butkens* Lib. VII. quæ in fine seculi XVI; hic  
principabatur; ast injuria temporum & bellorum jacet in suâ ruinâ sepulta.  
Hoc Dominium Anno 1562. obvenit tabulis emptionis a *Joanne* Marchio-  
ne de Berghes *Theodorico de Lynden*, dein venditum a *Georgio de Lynden*  
*Joanni Drenowaert* ærarii Regii Thesaurio generali anno 1582. qui obiit  
Anno 1606, inde fuit gentilium de *Brouxelles* in Urbe Mechliniensi titulo ut  
supra. Hodie idem Dynasta qui in Dormael inferiori.

In Choro Ecclesiæ Collegiæ *D. Petri* Lovanii exstat lapis Sepulchralis  
*Theodorici de Lynden* cum hac inscriptione.

**Hier leght begraven den Edelen ende Erenfes-**  
**ten Heer Dierick van Lynden, Ridder / Erfbor-**  
**grave van Dormael etc. hy sterft int Jaer ons**  
**Heeren M. D. LXVI. stil. Brabant den V. April.**

**Ende die Edele Vrauwe Marie van Elderen, syn**  
**Huysvrauwe / die sterft M. D. ....**

**Ende Joncker Coenraerd van Lynden, haere**  
**beyder Soone / die sterft anno M. D. LXIII.**  
**V. Julii. Bidt voor de Zielen.**

In Ecclesia Parochiali Oppidi *S. Trudonis* exstat lapis sepulchralis *Georgii*  
*de Lynden* cum hac Epigraphe.



*Cy gist le noble & genereux Seigneur Messire George de Lynden Chevalier Vicomte de haut & bas Dormael, en son vivant Drossart & souverain Officier du pais de Montenaken, & Majeur Souverain de la ville de saint Truyen, qui trespassa le vingt & deuxiesme jour de Janvier de l'an Mil cinq-cents quatre-vingt & douse, & Dame Marie Nicolay de Hemfdyck son epouse que trespassa. . . . .*

Mechliniæ in Choro Ecclesiæ FF. Minorum exstat marmoreum Mausoleum ad partem borealem *Jacobi de Brouxelles & Philippi Daneels* cum hac inscriptione.

### Monumentum Virorum.

<p><i>Jacobi de Brouxelles, Vicecomitis hæredit. de Dormael, Toparchæ Superioris &amp; Inf. Dormael, Grandrein, Rymenam, Gissendam, Heysbroeck. &amp;c.</i></p>	<p><i>Philippi Daneels Equitis Aurati, Baronis de Attenrode, de Wevere, Hautem &amp;c. urbis &amp; Provinciæ Mechliniensis. Prætori.</i></p>
---	--

Hoc amplius etiam cælo ut nobiles essent, Deo justitiæ vixere; immortui vero 21. April. An D. 1652. ætat 41. 23. Nov. Ann. D. 1660. ætat. 42. Quid naturam incuses beneficii genus est citius evolare hinc posse, qui in libertatem filiorum Dei resolvimur. Crede Viator bene his precare.

Utrique conjug.

*Illust. Eleonora Oem nominat. Loc. Domina posuit.*

Ecclesia quæ sacra fuit *D. Petro* totaliter est diruta, & solum supersunt parietinæ. Patronatus ejus spectat ad Abbatem *S. Gertrudis* Lovanii, & longo temporis tractu administrata fuit hæc cura Pastoralis per Canonicos hujus Abbatia; at modo deservitur a Parocho Dormael inferioris, cui præfatus Abbas cessit omnes suas decimas quas in hoc loco percipiebat.

Olim hæc Parochia fuit quarta Capella de Neerlanden.

GUSSENHOVEN ad Getam fluviolum uno fere milliari a Leeuwis Præfecturæ Getensis Dominium N. van *Asch* Scabini dein Quæstoris Urbis Bruxellensis.

Ecclesia patronum colit *S. Lambertum* Tungrensem Episc. Ejus Patronatum gerit Abbas *S. Laurentii* Leodii, cui competit media pars decimarum; reliqua media pars portio Parochi est.

Huic Parochiali anno 1619. unitus est HESPEN INFERIUS Dominium præfati N. van *Asch*, cujus Ecclesia *S. Martino* sacra est & Secundariè *S. Antonio* cum Indulgentiis Anno 1716. a *Clemente XI.* Papa concessis.



Patronatus est præfati *S. Laurentii* Abbatis Leodii, qui possidet medietatem decimæ; ex restante medietate habet duas tertias Pastor in Gussenhove & Neerhespen, alia tertia pro duabus tertiis est Commendatoris de Chantrain & pro restante tertiâ parte Pastoris in Hespen Superioris; decimas æstivales solus percipit Pastor. Capellania *B. Mariæ* unita est Pastortui Ao. 1653.

Locus hic anno 1684. totaliter per Gallos incendiarios exustus est, unica domo (quæ modo Pastoralis est) exceptâ.

Anno 1693. in conflictu Laudensi pro maximâ parte iterum desolatus est, incolis aut mundo aut solo natali expulsis, & si quid post ædificatum & constructum fuerat, ad fovendas culmas in obsidione Leeuwenfi anno 1705. consumptum est a milite.

Est hic *Weser* vulgo *Melckweser* in temporalibus sub Magistratu Leeuwenfi. Sacra administrat Pastor in Gussenhove, qui & confert beneficium ibidem fundatum sub onere celebrandi diebus sacris, & aliud B. M. V.

Decimas percipiunt Abbas *S. Laurentii* Leodii cum Pastore de Gussenhove pro unâ medietate, & alteram medietatem dividunt æqualiter Commendator de Chantrain, Pastor in Orsmael & Abbatia de Ramey Ord. Cisterc. in Gallo-Brab.

Est hic Sacellum *S. Pancratii* Mart. Sacrum, proventibusque propriis ornatur & reparatur. In ultima obsidione Leeuwenfi anno 1705. non tantum ornamenta omnia cum suggestu & omnia combustibilia ligna, sed & duæ campanæ ablatae sunt & perierunt.

HEELEN Districtus Leeuwenfis a quo distat medio milliari, ad Getam fluviolum, Dominium Ducis Brabantiae.

Pagus hic anno 1705. in obsidione Leeuwenfi adeo destructus fuit ut ne tugurium remanserit.

Ecclesia tutelarem veneratur *S. Laurentium* Mart. ejus Patronatus spectat ad Pastorem de *Orsmael*, cujus est filia Parochialis.

Decima in IX. divisa est manipulos, cujus V. percipit Abbatia Lintrensis, unum Commendator de Chantrain & tres restantes Parochus hujus loci.

In hoc pago in Vico de *Bosch* est Sacellum sacrum Matri Dolorosæ & in eo erectum ejus Sodalitium. Notum hoc Sacellum ob reclusorium vetus hic olim, Sanctarum aliquot Virginum receptaculum, teste Chronico Bethleemico, quæ circa initium hujus foundationis sese omnes receperunt ad clausuram *Betaniæ* Leeuwenfi.

HESPEN SUPERIUS milliari cum dimidio a Thenis, Præfecturæ Getensis, Dominium N. van *Afch* Scabini, dein Quæstoris Urbis Bruxelensis.

Ecclesia sacra est *S. Sulpitio* & *S. Antonio*; ejus Patronatum gerit Commendator de Chantrain.

Decima est tripartita, cujus duas trientes percipit præfatus Commendator & altera triens spectat ad rectorem Capellaniæ in Ecclesiâ de Hugardiâ, solvuntque hi decimatores Parocho integrè competentiam. Hæc cura Pastoralis olim administrata fuit per Presbyterum Ord. Melitenfium, hodie per Sacerdotem de Clero curatur.

Sub hac Parochia est Vicus & Dominium de *Walsberge* in quo opulentum



prædium præfati Commendatoris de Chantrain instructum Sacello, in quo diebus sacris divina celebrantur, bisque in septimanâ.

Denique huic Parochiæ subest Sacellum *S. Joanni Baptiste* sacrum, in quo beneficium optimè dotatum ad collationem præfati Commendatoris.

**HOLEDEN** ad Velpam fluviolum sub Baronatu Dieftensi Dominium *N. le Jeune*.

Ecclesia inscripta est *S. Amando* Tungrensi Episc. quotidiano concursu celebris. Cura Pastoralis administratur per Canonicos Abbatiae Heylissemensis Ord. Præmonst. Decimas majores percipit præfatus Abbas.

**LANDEN** *Landam* veteres, dein *Landenum* hodie *Landinum* vocant. Vetustissimum, at exiguum Ducis Brabantiæ oppidum in confiniis Hasbania, Thenis & *Hanuto* pari duarum milliarium intervallo absumptum, omnium Brabantiæ oppidorum putatur antiquissimum, olim peramplum ac magnificentum, hodie Urbecula dumtaxat & vix nominis umbra. Conditorem habuisse fertur *Pepinum*, qui ab eo Landensis dictus, Major Domus Austrasiæ, quem vulgo nuncupant (at malè) primum Brabantiæ Ducem, Ducatus enim Brabantiæ demum aliquot post sæculis nominari cœpit. Hic *Pepinus* ibidem circa annum 640. fatis concessit, postea sub *Dagoberto* Nivellas translatus, ubi quiescit in capsa portatili juxta altare *S. Gertrudis* filia suæ, quæ circumfertur in diebus Rogationum: at alii malunt quod ejus Palatium hîc fuerit, & quod ejus oppidi habitatione delectaretur, cujus aulae locum haud procul hinc monstrant, ubi nunc *D. Gertrudis* fanum, & juxta cernitur pars ejus tumbæ Sepulchralis, atque ibidem altera tumba *Carolomanni* patris *Pepini* quæ hodiè exstat integra. *J. B. Gramajus* ait ob fontium Landæ salubritatem valetudinarium Cæsaris hic fuisse.

Porro hæc Urbs post vastationes Normannorum viluit & in augustam formam redacta est. Denique bella Geldrica, Namurcensia, Leodiensia, & ultimo novissima Gallica, eam in hanc miseram formam redegerunt.

Quoad rem sacram constans Scriptorum & hominum opinio est Landam primam Religionis Christianæ participem fuisse.

Parochialis ejus est extra oppidum *D. Gertrudi* sacra, fertur a *S. Amando* dedicata, & miraculis interventu *S. Virginis* clara, quæ in hunc diem perseverant; ita ut annis singulis plures phrenetici & mente capti ad sanam mentem redigantur interventu tam nobilis & Sanctæ Virginis.

Ad hanc curam Pastoralem nominat Capitulum Cathedrale *S. Lamberti* Leodii, ibique percipit universas decimas, uti & in pagis vicinis de *Raetshoven*, *Waesmont*, *Rumpsdorp* & *Attenhove*, qui est Diœcesis Leodiensis, & Parochis eisdem solvitur a Præfato Capitulo annuè competentia.

Parochus Landensis insignem habet prærogativam, confert enim IV. Prædictos Pastoratus quia sunt filia Landensis Ecclesiæ Parochialis, præterea confert beneficia omnia in IV. prædictis locis, & eâ quæ in Sacello Ducali, Ecclesia Parochiali & Hospitali fundata fuere.

Est in hoc oppido Sacellum Ducale dictum Virginis Matris, fundatum a Duce Brabantiæ, est magnæ vetustatis, in quo plurima devotionis pia exercitia ab incolis frequentantur.

Item ibidem fuit Hospitale administrari solitum per Religiosas titulo de *Jerusalem*, a piis civibus mediocriter dotatum anno 1564. cujus pars bonorum



rum quæ pauca restabant, cum hæ Religiosæ suas fedes deseruerunt Bethanienſibus Virginibus Leeuwenſibus acceſſit, altera pars etiamnum ibidem exiſtit.

Landæ Natales ſuas debet *Pipinus Roſa* vulgo *Roofen* Ord. Prædicat. S. T. D. Episcopuſ Salubrienſis, Suffraganeuſ *Antonii Perenoti Granvellani* S. R. E. Card. Archiep. Mechlinienſis, rebus humanis exemptuſ Mechliniæ Anno 1569. die 6. Auguſti. Sepultuſ Lovanii in ſui Ordiniſ Coenobio.

LANDEN INFERIUS Vernaculè *Neerlanden*, milliari ferè a Landino, Præfecturæ Getenſis, Dominium Abbatiſ *S. Gertrudiſ*, emptione abſolutà a *Philippo IV.* Hiſp. Rege anno 1648. 7. Decembris illud ſuæ Abbatix acquiſivit *Winandus de la Margelle* Abbas præfatæ Abbatix *S. Gertrudiſ*.

Eccleſia *S. Aldegundi* Virg. ſacra eſt. Ejus Patronatuſ ſpectat ad præfatuſ Abbatem dono *Henrici I.* Lotharingiæ & Brabantix Ducis anno 1221.

Secundaria hujus Eccleſiæ patrona eſt *S. Maria Magdalena*. Hanc Eccleſiam Parochialem luculento admodum Choro & affabrè factu atque instructo ampliavit *Winandus de la Margelle* primuſ Abbas mitratuſ *S. Gertrudiſ*, & in qua ante Parochi munuſ gesserat. Altare præterea ſummuſ *D. Mariæ Magdalene* cum tabula egregii operiſ & effigie ipſiuſ Divæ in cryptâ decumbentis ex marmore liguſtico artiſcioſè ſculpta ibidem conſtituit, in cujuſ *D.* cultuſ hic eſt Sodalitium cum indulgentia plenariâ.

Hæc cura Paſtoraliſ eaque unica hodie adminiſtratur per Canonicuſ Religiouſ præfatæ Abbatix.

Decimaſ majoreſ percipit præfatuſ Abbas, Parochuſ minoreſ. Huic Curæ Paſtorali unita eſt Capellania *B. Mariæ* Virg.

LAERE paguſ inter Thenaſ & Landinuſ a quo medio diſtat milliari, Præfecturæ Getenſis, Dominium N. de *Labbeſtraet* Scabini Antverpienſiſ.

Eccleſia eſt *S. Trudoni* & *S. Agathæ* Mart. ſacra. Ad Paſtoratuſ nominat Abbateſ *S. Trudoniſ*. Decimarum participeſ ſunt Capituluſ Cathedraleſ *S. Lamberti* Leodii pro duabuſ tertiis, alteram reſtantem cum minutis decimiſ poſſidet Parochuſ.

LINTER INFERIUS Vernaculè *Nederlinter* ad Getam fluviolum, Præfecturæ Cumptienſiſ Dominium, paguſ magnæ & vaſtæ extensioniſ. Ubi defecit vetuſ genuſ de *Linter* a *Riveriſ* coepit poſſideri hoc Dominium; in iſ invenio *Raſonem de Riviere*, qui anno 1414. ſignavit pactuſ inter Brabantuſ & Limburgenſeſ, dein eoruſ hæredeſ, & per matrimoniuſ gentileſ de *Baillet*, ac dein per uxoreſ gentileſ de *Hontoy* pro parte poſſiderunt. Hodie peculiuſ familiæ de *Trips*.

Eccleſia inſcripta eſt *S. Foilliano* Episcopuſ, ejuſque Patronatuſ poſſidet Abbatiffa Lintrenſiſ Ord. Ciſterc. Hæc Parochialiſ olim Capellanoſ ſolebat numerare XI. præter hæc ad quæ Paſtor præſentat. Eſt Beneficiuſ Caſtraleſ cujuſ Patronuſ Toparcha, uti etiam fundatiſ ad Sanctam Crucem, de quâ infra. Sacruſ miniſtruſ Sacelli Montis Arietuſ vernaculè *Ten Ramsbergen* alterniſ vicibuſ nominat Dynaſta & Paſtor, ad Matriculariam, quæ eſt beneficiuſ præſentat Abbatiffa Lintrenſiſ.



Fabricam hujus Parochialis reparat Communitas, quæ olim ab Abbatiſſa Lintrenſi Decimatrice hoc onus ſuſcepit pro ducentis nummis, dictis *Franſche Croonen* vel ut alii malunt *Blaauw Croonen*.

Decima eſt tripartita, duas earum tertias poſſidet præſata Abbatiſſa Lintrenſis, alteram reſtantem Capitulum *S. Petri* Lovanii ſecundæ foundationis & Parochus, quam præſatum Capitulum anno 1718. ceſſit Parocho pro competentia. In Supplemento Diplom. A. Miræi part. 2. cap. 90. proferitur Diploma quo *Joannes de Brienne* Dominus de Nederlinter Anno 1234. donat Abbatia de Lintris Decimam hujus loci; & Cap. 91. Diploma Henrici I. Brabantia Ducis prædictam donationem confirmat eodem anno; item Cap. 92. Diploma quo *Joannes de Appia* Episc. Leod. idem confirmat anno 1236. item Cap. 93. Diploma quo præſatus *Joannes de Brienne* Anno 1236. renovat ſuam donationem, probante, *Henrico I.* Brabantia Duce; quæ Diplomata ſic ſe habent.

Ex Archivis  
MS. Parochia de  
Nederlinter.

JOANNES Miles Dominus de *Nederlinter* univerſis & ſingulis hanc paginam inſpecturis ſalutem in vero ſalutari.

Qui providè contrahunt, ad hoc ſcripto tradunt, ut non minùs poſteriorum quàm præſentium memoria commendentur.

Sciunt igitur tam præſentes quàm futuri, quod Ego Joannes habitâ deliberatione competenti cum amicis meis, de conſilio virorum prudentum, & Matris meæ conſenſu & voluntate: Decimam totius Parochia de *Nederlinter*, tam majorem quam minorem, ſicut eam hucusque tenui, Domui & Conventui Vallis Virginum, pro quadrigentis & triginta libris Lovaniensibus titulo pignoris obligavi: additâ tali conditione, quod prædictam decimam liberare non potero de Feſto omnium Sanctorum proximo venturo infra annum; & ſic primo anno devoluto, eam liberare potero in Feſto Omnium Sanctorum, de anno in annum, & non aliter. Fructus quoque, quos de ſæpèdicta Decima percipient, quamdiu pecunia prædicta non fuerit perſoluta, prædicto Conventui Vallis Virginum contuli in eleëmofynam.

Fict autem ſæpèdictæ Decimæ redemptio, cum denariis Lovaniensibus, valoris cujus nunc ſunt, ſive æſtimationis eorundem. Eſt autem valor denariorum Lovaniensium nunc temporis talis, quod pro Marca albi argenti dantur triginta tres ſolidi Lovaniensēs.

Et ut Contractus iſte rationabiliter factus, de conſilio Virorum prudentum, ratum permaneat & inconcuſſum, præſentem Paginam, Domini Arnoldi de Weyſemale & Domini Arnoldi de Dieſte Sigillis, & meo, præſatæ Domui ſive Conventui contuli roboratam.

1234.

Acta ſunt hæc, anno Domini milleſimo ducentiſimo triceſimo quarto, menſe Februario.

Ex iſſlem  
Archivis  
MS.

In nomine Sanctæ ac Individuæ Trinitatis. HENRICUS Dei gratiâ Dux Lotharingia, omnibus quos præſentes Litteras videre contigerit, ſcire veritatem.

Noverint tam præſentes quàm futuri, quod de noſtro eſt conſenſu & voluntate, & Henrici Filii noſtri majoris, quod Vir Nobilis, Johannes Briene, obligavit Decimas ſuas magnas & minutas de *Nederlinter*, quas à Nobis tenet in feodum, in Clauſtro Sanctimonialium de Valle Virginum, pro trecentis & triginta libris Lovan. denariorum, ad valorem triginta tantum ſolidorum pro marca albi argenti, dum perſolvent.

Addita tali conditione, quod prædictas decimas liberare non poterit, de Feſto Omnium Sanctorum proximo venturo infra annum. Et ſic primo anno devoluto, poterit liberare de Feſto Omnium Sanctorum, de anno in annum, & non aliter. Fructus quoque quos percipient de decimis, quamdiu pecunia prædicta non fuerit perſoluta, prædictis Dominabus contulit in eleëmofynam.

Et ut hoc ratum teneatur & firmum, præſentem Cartam Sigillo noſtro & Henrici Filii noſtri majoris fecimus roborari, & Teſtium nominibus conſcribi. Teſtes

Godefridus de Lovanio, Filius Ducis.

G. de Parueis.

Ar-



Arnoldus de Dieft.  
 Arnoldus de Wefemale.  
 W. de Grintberges.  
 Arnoldus de Rochelar.  
 Go. de Gochenhove.  
 W. Clutinc.  
 H. de Attenhoven.  
 W. de Hacht, & multi alii.

Actum & datum anno Domini M. CC. XXXIV. apud Lovanium, feriâ secundâ infra 1234.  
 Paschâ Domini.

JOHANNES Dei gratiâ Leodiensis Episcopus, universis præfens Scriptum intuen- *Ex iisdem*  
 tibus salutem in vero salutari. *Archivis*

Debent ea quæ præcedentium statuit auctoritas tantâ ratione firmari, Ne sequentium *MS.*  
 oblivione, immutari valeant aut deleri. Ea propter notum facimus tam præsentibus  
 quàm futuris, quod Johannes Briene, Vir Nobilis, omnem decimam, majorem vi-  
 delicet & minorem, de *Nederlintre*, cum omni integritate, & Jus Patronatûs  
 Ecclesiæ, quæ idem Vir Nobilis à Duce Brabantiae in feodo possidebat, ad opus  
 Abbatissæ & Conventûs Vallis Virginum, Cisterciensis Ordinis, in Manus ejusdem  
 Ducis primò & postea in nostras reportavit: & quicquid Juris in eadem decima & in Pa-  
 tronatu dictæ Ecclesiæ habebat, de assensu & voluntate prænominati Ducis omnino  
 renunciavit.

Nos verò Divinæ miserationis respectu memoratis Sororibus Vallis Virginum,  
 prædictam decimam, cum omnibus appendiciis suis, & Jure Patronatûs, sicut ad  
 nostrum pertinet officium, contulimus, & eas in corporalem possessionem induxi-  
 mus.

Et ne aliquis de cetero, super hoc ipsas molestare possit, præsentem Paginam  
 Sigilli nostri munimine duximus roborandam, confirmantes eis omnia prædicta præ-  
 sentium Auctoritate.

Datum anno Domini M. CC. XXXVI. mense Januario.

1236.

JOHANNES Vir Nobilis, dictus Briene, Dominus de *Nederlintre*, universis *Ex iisdem*  
 Christi fidelibus tam præsentibus quàm futuris præfens Scriptum intuentibus æternam *Archivis*  
 in Domino salutem. *MS.*

Universitati vestræ notum esse volumus, quod Nos Virorum prudentum consilio,  
 de consensu Matris nostræ & amicorum nostrorum totam Decimam de *Nederlintre*  
 tam minutam quàm grossam, quam à Domino Duce Brabantiae in feodo tenebamus,  
 cum omnibus appenditiis suis & Jure Patronatûs ipsius Ecclesiæ coram Duce & Ho-  
 minibus suis constituti in manus ipsius liberè & absolutè ad opus Abbatissæ & Con-  
 ventûs Vallis Virginum Cisterciensis Ordinis reportavimus, & per judicium hominum  
 ipsius effectucavimus. Ita quod nichil juris Nobis vel heredibus nostris & posteris in  
 præfata Decima reservavimus, excepto tantum usufructu medietatis prædictæ Deci-  
 mæ, quem Mater nostra quoad vixerit obtinebit: quâ defunctâ, decima totalis præ-  
 nominato Conventui cum omni integritate, sicut eam tenebamus, remanebit; quam  
 idem Dominus Dux prædicto Conventui in Allodium & eleemosynam integraliter,  
 sicut in Scripto ipsius continetur, contulit perpetuò possidendam.

Judicatum est insuper coram Domino Duce ab Hominibus suis, quod Mater no-  
 stra, ratione usufructuarii medietatis Decimæ tempore vitæ suæ percepti, nulli Ec-  
 clesiæ vel heredi vel cuiquam homini quicquid juris poterit assignare: nec quisquam  
 heredum ipsius jus aliquod in eadem Decima de cetero poterit reclamare.

Et in hujus rei Testimonium, & ut factum hoc ab omnibus conservetur illæsum,  
 præsentem Paginam Sigillo nostro appenso confirmamus. Testes

Dominus Dux Lotharingæ Comes de Gelre.

Arnoldus Dominus de Dist.

G. Frater suus.

Arnoldus Dominus de Wefemale.

Arnoldus Dapifer de Rochelar.

H. de Attenhoven.

R. de Thunen.

Karle de Arfcot.



Magister Daniël.

Magister W. de Liere.

Gerelmus Scriptor, & alii quàm plures.

1236.

Datum anno Domini M. CC. XXXVI, mense Majo.

HENRICUS Dei gratiâ Dux Lotharingæ, omnibus præsens Scriptum intuentibus scire veritatem.

Notum sit universis, quod Vir Nobilis ac Fidelis noster JOHANNES de Briene totam decimam de *Nederlintre*, tam minutam quàm grossam, quam à Nobis in feodo tenebat, cum omnibus appendiciis suis & Jure Patronatûs coram Nobis & Hominibus nostris liberè & absolutè ad opus Abbatissæ & Conventûs Vallis Virginum Cisterciensis Ordinis reportavit & per judicium hominum nostrorum effestucavit. Ita nichil juris sibi vel suis heredibus & posteris in præfata Decima reservavit, excepto tantum usufructu medietatis prædictæ Decimæ: quem Mater sua, cujus consensus huic facto interfuit, quoad vixerit obtinebit. Quà defunctâ, Decima totalis prænominato Conventui cum omni integritate sicut eam dictus Johannes tenebat, remanebit.

Judicatum est insuper coram Nobis ab Hominibus nostris, quod Mater sæpediti Johannis, ratione usus fructuarii medietatis Decimæ tempore vitæ suæ percepti, nulli Ecclesiæ vel heredi vel cuiquam homini quicquam juris poterit assignare, nec quisquam heredum ipsius jus aliquod in eadem Decima de cetero poterit reclamare.

Nos igitur Divinæ retributionis obtentu prænominatam Decimam & Jus Patronatûs ipsius Ecclesiæ integraliter in Allodium & eleëmofynam sæpedito Conventui Vallis Virginum contulimus perpetuò possidendam. Testes,

Dominus Comes de Gelre.

Dominus Arnoldus de Disfe.

G. Frater suus.

Arnoldus Dominus de Wesemale.

Arnoldus Dapifer de Rotchelar.

H. de Attenhoven.

R. de Thunen.

Carlo de Arschot.

Magister W. de Liere.

Magister Daniël.

Gerelmus Scriptor & alii quàm plures.

1236.

Datum apud Wiswilre, anno Domini M. CC. XXXVI. in Vigilia Ascensionis Domini.

In Vico *Ten Ramsbergen* est amplum Sacellum Deiparæ Virgini sacrum, & in eo Imago B. M. V. miraculis celebris; & inibi erecta duo beneficia. Diebus sacris ibidem divina celebrantur per Sacellanum qui ibidem moratur.

Est & aliud Sacellum nuper exstructum *S. Crucis* in via quæ ex hoc pago ducit ad vicum præfatum, in quo fundatum sacrum hebdomadarium.

LINSMEAUX vernaculè *Linchemael* & *Lisrael*, latinè *Mola S. Leonardi* & *Lismella*, pagus Gallo Brabantiae, Præfecturæ Orpiensis. Arx in eo spectabilis & munita Getæ adjacens fluviolo. Dominium Comitis d' *Argenteau*.

Ecclesia dicata est *S. Petro* Apost. Principi. Res sacra dependet ab Abbate Heyliffemensi, qui e suis Canonicis Religiosis sacrum ministrum præsentat.

Majores decimas percipit præfatus Abbas, cæteras Ecclesiæ hujus Parochus.

In hac Parochiâ est Sacellum Virgini Deiparæ sacrum, vulgo *Du Peron*, in quo sacra ejus imago miraculis inclyta & fidelium pia veneratione frequentatur, ibidem Beneficium sub eodem titulo.

MIS-



MISKUM. ad Velpam fluviolum, Præfecturæ Sichemenfis. Dominium gentis Naffoviæ.

Ecclesia sacra est *S. Germano* Episc. ad curam Pastoralem nominat alternis vicibus Abbas Villariensis & Abbatissa Lintrensis, ad Beneficia Pastor; habentque singuli Præfati Abbas & Abbatissa unam tertiam decimarum, restantem tertiam Parochus.

Hæc Cura Pastoralis a non paucis tempore proprium Parochum non habuit; deservitur per Pastorem de Kersbeke Decanatus Diestensis.

ORSMAEL districtus Leeuwenfis, a qua primo lapide ad Getam fluviolum. Dominium N. de *Wolf* Mercatoris Thenensis saltem in Villâ *Ten Steene* ratione sui Registri Censuales sic intitulati. Aliam in hoc pago jurisdictionem sibi vindicare prætendit Civitas Leeuwenfis.

Ecclesia inscripta est *S. Petro* Apost. Principi. Ad Curam Pastoralem præsentat Præfatus N. de *Wolf*, ad Beneficia Pastor.

Hæc Parochialis est Matrix Ecclesiæ Parochialis de Heelen, eoque jure hujus Ecclesiæ Parochus nominat ad hanc curam Pastoralem.

Decima est tripartita quarum ex æquo participes sunt pro una tertia Abbatissa de Rameya Ord. Cisterc. in Gallo-Brab. pro altera Commendator de Chantrain & pro restante tertia Parochus.

RAETSHOVEN olim Aula *Razonis*, Præfecturæ Getensis. Dominium Ducis Brabantiae.

Ecclesia quæ filia est Landinensis Ecclesiæ, & cujus Parochus ad hanc Curam nominat & ad Beneficia, inscripta *S. Christophoro* Mart.

Decima pro duabus tertiis spectat ad Capitulum Cathedrale *S. Lamberti* Leodii, & restans tertia portio Parochi est.

RUMPSDORP id est, ait Gramaius, Vicus Romanus & olim a Romanis nomen assumpsisse fama est. Dominium ejus est Ducis Brabantiae.

Ecclesia quæ *S. Aegidio* sacra, filia est Landinensis Ecclesiæ & communem habet Parochum cum Landino.

Decima Univerfa est Capituli Cathedralis *S. Lamberti* Leodii. Capellatum specialem habet, qui diebus sacris isthic divina celebrat & incolit vicinas Ecclesiæ ædes spectantes ad Rectoratum.

WAESMONT a magno & insigni illic fonte nomenclaturam sumere videtur, quasi *Watermont*, vel potius *Wassermont* ut Germani enuntiant. Nota antiquitus aquam simpliciter *As* dictam, inde *Wasser*.

Hic pagus est Præfecturæ Getensis ad fines Gallo Brabantiae, medio miliari a Landino, Dominium N. *vander Vecken* Bruxellis.

Ecclesia quæ insignita est *S. Pancratio* Mart. filia est Landinensis Ecclesiæ, ad quam nominat ejusdem Ecclesiæ Parochus, uti & ad beneficia.

Decima spectat ad Capitulum Cathedrale *S. Lamberti* Leodii.

Parochum nuper accepit proprium quo dudum caruit, eique solvit competentiam præfatum Capitulum.

WANGE Vetus Baronatus, olim Dominos primæ notæ habuit, ex quibus aliquot Senescalli Brabantiae fuerunt, uti & plures Comitatus Na-

*Vetus Bar.  
ronatus.*



murcensis. Stirps primæva illa illustris cum defecisset, successit Liemingana Patricia primaria Lovaniensis titulo Baronis.

Dynasta hodie Ufufuctuarius est. *N. Hulleplanche* degens Mechliniæ.

Ecclesia quæ est filialis Windæ Inferioris & cujus appendix est, dicata est *S. Apolloniæ* Virg. & Mart. Patronus & Decimatores iidem qui Winde inferiori.

**WINDE INFERIOR** vulgo *Neerwinde* ad Getam fluviolum, Præfecturæ Getensis. Dominium N. de *Labbeſtraet* Scabini Antverpiensis.

Ecclesia inscripta est *S. S. Cruci*. Ad Pastorum nominare solebant alternis vicibus Abbas Heyliffemensis, & Præposita Audana Nobilium Canoniarum Collegii ad Mosam fluvium, Namurcum inter & Huium. Hodie nominat Abbas Averbodiensis ratione alicujus permutationis inter ipsos initæ.

Decimas percipiunt singuli præfati cum Pastore partem tertiam, & solvunt Pastori supplementum competentæ; minores decimas percipit præfatus Abbas Heyliffemensis.

Hujus Parochialis appendix est Wange uti mox diximus.

Sub hac Parochia est Sacellum *S. Cruci*, juxta quod anno 1693. edita maxima Gallorum strages in famoso prælio Landensi, uti & in hoc pago, qui pluries tam in hoc quam in pago Neerlandensi repulsi, tandem per pagum de Lare, non sine prodicione perfregerunt & exercitum Foederatorum retrocedere compulerunt.

**WINDE SUPERIOR** vulgo *Over-winde*, Præfecturæ Getensis, Dominium hujus pagi a Rege obtinuit jure pignoratitio anno 1626. N. de *Wachtendonck*.

Ecclesia tutelarem colit *S. Aldegundim* Virg. Patronatus ejus spectat ad Capitulum *S. Dionysii* Leodii & percipit hujus pagi decimas majores, Pastor minutas.

Cæterum inter Winde Superius & inferius existit olim *Middel-winde*; cujus termini & fines cum ignorentur, prætendit Capitulum *S. Joannis* Leodii, eos incolis destitui, eoque jure sibi decimam integram de Middel-Winde vindicat, eamque Plebano Thenensi pro sustentatione sui Vice-Pastoris assignavit.

Cæterum verosimiliter in hoc loco de *Middel-Winde* olim domicilium habuit *Windogasto* ex IV. qui in Hasbaniâ condiderunt Legem Salicam latine expressam, tumultus forsan sub tumbâ Mediæ Windæ.

**WOMMERSEM** præfecturæ Getensis inter Thenas & Lecuwas a quibus fere distat uno milliari.

*J. B. Gramaye* de hoc Dominio tradit sequentia. „ Anno 1561. quoad „ Dominum coepit agnoscere *Franciscam Charles* cedente Rege, & ea mortuâ „ *Franciscam Sgroots* filiam anno 1574. ad extremum *Arnoldum Baerts* Doctorum & Consiliarium Mechliniæ per mortem *Anna Sgroots* primæ uxoris „ anno 1592.

Hodie illud Dominium possidet *N. van Loen*.

Mechliniæ in medio Chori Ecclesiæ Collegiæ B. M. V. visitur lapis sepulchralis cum hac inscriptione.



*D. Dionysius Sgroots* Artium & *J. U. D. Dominus* temporalis de Wommerfom, Walsberge &c. Regiæ Majestatis Confiliarius, Religione & pietate insigni matronæ *D. Franciscæ de Charles* uxori charissimæ defunctæ VIII. Febr. An. cīō. 15. LXXII. cum summo animi dolore sculpi jubebat.

Orate pro salute animæ.

Ecclesia sacra est *S. Quintino* Mart. ejus Patronatum obtinet Abbatissa Parci Dominarum Ord. Cisterc. quæ moderno Pastori cessit omnes suas decimas, quas illic pridem percipiebat.

In hoc pago habet Commendator de Chantrain insigne prædium in quo Sacellum quod intra limites hujus pagi continetur. At villa dicta de *Bosche-ten* subest Parocho de Hackendover.

FINIS DECANATUS LEEUWIS S. LEONARDI.





# HISTORIA

## SACRA ET PROFANA

### ARCHIEPISCOPATUS

### MECHLINIENSIS.

---

#### DECANATUS THENENSIS.

**T**HENÆ sive *Thenæ in Montibus* ut veteres Schedæ habent & contractè *Tillemontium* (quamvis in publicis Consulum instrumentis antiquitus *Thienhoven* inveniatur nuncupatum) oppidum est ad Getam fluvium, qui haud procul inde exortus eas interfluit, unde porro Halam proventus in Demeram tandem aquas suas exonerat. Distat hoc oppidum Lovanio pariterque Centronibus pari trium leucarum intervallo, estque amplum satis & grande; quin temporibus paulo magis remotis fuit maximi nominis & commerciis florida civitas, idque cum legatur passim, tum vel ex eo colligitur quod ter ejus pomeria fuerint olim producta, & quarta fuerit inter primarias Urbes Brabantiae; at continuis Geldrorum & Eburonum incursionibus bellisque attrita, eam prærogativam, Sylvæducis cessit, & manet magnâ ex parte deserta & cultoribus vacua.

Hæc Civitas bellorum strage pluries crudeliter diruta & devastata est, maximè anno 1635. die 9. Junii cum ab exercitu Batavo-Gallico occupata barbarum in modum direpta & incensa, ac templis ipsis sacrilegè exustis, nulloque libidinis & efferatæ immanitatis genere, adversus cujuscumque ordinis sexus aut ætatis homines omissum est.

Non parvam tamen piè gloriandi occasionem habuit, quod *Adrianus VI.* Rom. Pont. Belgam nostrum & educare meruerit & litteris instruere. Obiit hic Romæ Anno Domini 1525. die 13. Sept.

Quoad rem sacram Ecclesia Parochialis est unica *S. Germano* Altiosiodorenfi Antistiti sacra, cujus Reliquias a *Godefrido Bullonio* huc translatas esse fama tenet.

In hac Parochiali olim duo erant Pastoratus, instituti anno 1242. ab Episcopo Leodiensi, qui alternis hebdommadibus Pastoralia exercebant. Anno 1620. facta est unio harum Pastoratuum cum onere assumendi Vicepastorem. Hujus Ecclesiæ Pastor communiter Plebanus vocatur, habetque duas præbendas sibi unitas. Anno 1695. unita est præbenda Canonialis Vicepastorati.

In hac Ecclesia est XII. Canonicorum Collegium, incertum quis illud & quo



quo anno fundatum, *J. B. Gramaye* fundatum refert anno 1210. & *A. Miræus* anno 1221. ab *Henrico I.* Brabantiae Duce; sed hallucinantur & contrarium patet ex ipso Diplomate quod refert ipse *Miræus* Lib. I. Cap. LXXIX. Diplom. Belg. novæ edit.

HENRICUS, Dei gratiâ Dux Lotharingæ, omnibus hoc Scriptum videntibus salutem.

Sciatis quòd nos ad Præbendas faciendas THENIS in Ecclesia B. Germani, pro salute Prædecessorum & Successorum nostrorum, & pro nostræ animæ salute, contulimus in elemosynam eidem Ecclesiæ XII. bonaria paludis, quæ tenemus juxta *Walfeberghe* & decimam de tota palude, quàm primùm ad prata & ad quæcumque comoda fuerit conversa, scilicet de octoginta & tribus bonariis, quæ ibidem tenemus, & ad hæc tria terræ bonaria juxta *Bosfi*.

Et ut hæc clausula cunctis temporibus ipsi Ecclesiæ sit stabilis & rata, præsens Scriptum figillo nostro sigillatum tradimus. In testimonium Testes,

Goswinus de Gorencourt.

D. Walterus Decanus Thenensis.

N. Scholasticus de Thenis.

N. de Hopen Notarius, & alii complures.

Datum anno Domini MCCXXI.

1221.

Ex hoc Diplomate clare colligi videtur *Henricum* non tam fundatorem quam dotatorem fuisse, quandoquidem huic Diplomati ut testis subscribat *D. Walterus* Decanus Thenensis.

Præterea in Diplomate quod refert idem *A. Miræus* Lib. I. Diplom. Belg. Cap. LXX. novæ edit. quo *Rodolphus* Episc. Leod. & *S. Albertus Godefredi III.* Brabantiae Ducis filius anno 1189. Donationem Ecclesiæ ac Decimæ Thenensis Collegio *S. Joannis* Leodiensi factam confirmant, inter alia habetur. „ Quod *Godescalcus* . . . . . sicut eam justè & Canonice tam- „ quam Dominus fundi tam in personatu Ecclesiæ ejusdem (Thenensis) quam „ in decima & oblationibus fidelium, & in omni jure, quo ipsam possidebat „ intuitu Dei & *B. Joannis* Evangelistæ pro salute animæ suæ contulit. ” Ad- „ dentes nonnullas condiciones: inter illas hæ sunt, quod. „ Decedente Thenen- „ sis Ecclesiæ Persona Decanus *S. Joannis*, assensu Capituli Personatum te- „ neat, & in Ecclesia Thenensi Canonicus ejusdem Ecclesiæ Præpositus no- „ minetur, & per discretos Sacerdotes sicut institutio exigit, Ecclesiæ pro- „ videat, servatâ etiam ordinatione & stabilitate, quæ circa Canonicos ip- „ sius Ecclesiæ Thenensis . . . . . Cum unus autem viam carnis fuerit „ ingressus, vel rationabiliter a Canonicatu fuerit amotus, alius per manum „ personæ in eadem Ecclesia instituatur, ut sic pia ratione initiata semper „ vigeat præbendarum Stabilitas &c. Ex hoc Diplomate patet hoc Capitulum jam ante annum 1189. fuisse fundatum; at quo Patrono nondum constat.

Inter Decanos Capituli Thenensis fuit quidam *Gerbertus* Anno 1212. de cujus miserabili exitu & punitione divinâ agunt *J. Chapeauville* Tom. II. de gestis Pont. Leod. pag. 215. & *B. Fisen* in Hist. Eccl. Leod. ad annum 1213.

Cantoria Ecclesiæ erecta invenitur per *Petrum Combitorum* & *Asellam* ejus uxorem anno 1257.

Decanatus ultra Præbendam habet unitum Beneficium titulo *S. Michaelis* in eadem Ecclesia. Hanc dignitatem confert Dux Brabantiae.

Prima hujus Capituli visitatio facta est teste & præsentem *D. Thomâ Aquinate* anno 1243. olim Capituli Patronus fuit Dux Brabantiae, & per Ducem Abbas *S. Dionysii* in Brocqueroiâ Ord. S. Bened. propè Montes Hanno-



niæ. Postea anno 1479. Collegium Canonorum *S. Joannis* Leodii incorporationem impetravit, ejusque vigore, præbendarum hujus Capituli collatores hodie sunt per turnum Canonici *S. Joannis* Leodii.

Est in oppidi Thenensis foro medio Sacellum amplum planè & per insignè turri præaltâ & suavissimi soni campanis nobile, structurâ testudinei operis præclarum, quod *Diva Virgo ad Lacum* Vernaculè *Onse Lieve Vrouwe ter Poel* indigetatur, cujus initia sunt a studioso quodam *Theodorico* Campensi miraculosè hic reperti anno 1073. Historiam hanc ad longum refert *A. Wichmans* in *Brabantiâ Marianâ* lib. II. Cap. 37. In hoc Sacello XII. Clericorum est Collegium, cui præsidet Primicerius in quo & Ecclesiastici & Coelibes & conjugati exceptis bigamis recipiuntur. nemo in hoc Collegio hîc admittitur nisi qui in oppido natus, vel ejus jus legitimè obtineat. Nec id mirum quia Cleri & Civium liberalitate in tam magnam surrexit fabricam dictum Sacellum. Conferunt ipsimet Canonici, quorum ulque nunc religiosè celant proventus & redditus.

## VIRORUM COENOBIA.

Primo *Franciscanum* *D. Francisci* Regulam & institutum sequentium, Senatus & privatorum ope exstructum anno 1266. Initio fuere Gaudentes qui redditus & bona temporalia admittebant, ideo dicti Gaudentes. Hi spontaneo Zelo bona sua pauperibus distribuentes spontaneam paupertatem amplexi sunt, quorum bonorum tertia pars Capitulo *S. Germani*, altera magno Hospitali, reliqua tertia mensæ *S. Spiritus* attributa fuit, quod factum fuit circa annum 1400. teste Chronico Bethleemitico lib. II. parag. I. Et denique anno 1540. Observantibus adscripti sunt.

*Fratribus de Monte Carmelo* locum habitationis in palatio suo assignavit & dotavit ampliter anno 1372. *Joanna Ducissa Brabantiæ*. Pro ut indicant incompti versus (pro illo ævo) olim inscripti in interiori templi pinna-culo.

Hoc Monasterium statuit Ducissa Joanna  
Anno Milleno cum quadragesimoque.  
Bis decem remove, nec non octo simul inde 1372.

Vix alia de fundatione aut rebus memorabilibus istius Conventus dari possunt: exitialia enim incendia non semel monumenta in cineres redigere: damnum tamen postea hujus Conventus refarcivit *Margareta Maximiliani* Cæsaris filia Belgarum Moderatrix, cujus munificentiae memoriam testantur versiculi rudes inscripti olim dicto loco pinnaculi Ecclesiæ interius, his verbis.

Anno Milleno, nec non quinquagesimoque  
Et septeno, tum Spoliatum porro sequenti 1507.  
Gratia restaurat me Margaretae generosæ 1508.

In Choro ante Aram principem hujus Conventus Sepulturam accepit sub insigni lapide Sepulchrali *Dionysius Stephani*, ex hoc Conventu assumptus in Suffraganeum Episcopi Leodiensis, & Episcopum Bossensem, cum hac inscriptione.

Hic



Hic jacet inhumatus R. in Christo Pater & Dominus *Dionysius Stephani*, Episcopus Bossensis, nec non Suffraganeus Illustrissimi Domini *Joannis de Amsberghe*, Episcopi Leodiensis, ex isto Conventu Fratrum Ordinis Carmelitarum assumptus, qui obiit An. MD. CCCC. LVIII. Domini die mensis Octobris XXV.

In eodem Choro conditus est *Joannes Beets* ejusdem Conventus S. T. D. Lovanienſis, cum hoc Epitaphio.

Hic jacet inhumatus Pater Magister *Joannes Beets* sacræ paginæ Professor eximius Regens ac ordinariè legens in Theologica Facultate Lovanii, qui obiit an. MD. CCCC. VI. mensis Junii.

Reformatio in hoc Conventu solemniter introducta fuit anno 1656. die 11. Junii.

*Begardorum* Monasterium, Laicorum olim Conventus a tenuibus initiis coepit circa annum 1414.

*Augustiniani* in hoc oppido admissi, habitationem suam inchoarunt An. 1615. & Gymnasium litterarum aperuere anno 1617.

*Fratres Capucini* Civium rogatu, favore Senatus, auctoritate Regiæ & Archiepiscopali in hoc oppidum benevolè recepti sunt An. 1669. die 20. Decembris. Primum venere duo cum Fratre Laico, exinde plures, qui in privatorum ædibus tantisper morati sunt. Fundum dein eis coemptum, & cunctis ad ædificationem Monasterii inchoandum paratis, Anno 1671. lapidem fundamentalem Ecclesiæ solemniter posuit Illustrissimus & Excellentissimus D. *Joannes Dominicus de Zuniga Comes de Monterey* &c. Belgarum & Burgundionum Præfectus. Cæremonias sacras, ut delegatus nomine *Alphonſi de Berghes* Archiep. Mechlin. peregit *Claudius Franciscus dela Vieville* Abbas S. *Gertrudis Lovanii*. Cujus lapidis fundamentalis hæc erat inscriptio.

Ex Archivis  
Monasterii.

D. O. M. & V. Immac. dedicatur primus lapis hujus Ecclesiæ ab Excell<sup>mo</sup>. Comite de Monterey 4. Sept. 1671.

Ad hanc fabricam præfatus Comes plura florenorum millia liberaliter contulit.

Fabricæ hujus Ecclesiæ & Conventus præcipua fundatrix fuit Domicella *Maria de Beauprè* nobili stirpe genita, quæ magna charitate ad hoc pium opus liberaliter contulit ferè XVI. florenorum millia. Plures deinde ad hanc fabricam perficiendam & Conventum largas eleemosynas erogarunt.

In hac Ecclesia solemniter Sacrificium altaris oblatum est anno 1672. die



29. Julii. Hortus hujus Conventus comptissimus est & primum hujus Provinciae locum obtinet.

*Alexiani* curandis funeribus operam dantes coeperunt hic An. circa annum 1200. & combusto in turbis Belgicis eorum Coenobio anno 1578. domum *S.S. Trinitatis* inhabitant.

## VIRGINUM COENOBIA.

Inter alterius sexus Coenobia primo occurrit.

*Beginarum Curia* olim extra oppidum, fundatum circa annum 1200. Cura hujus Beginasii commissa est Abbati Villariensi, eoque jure Archiepiscopo praesentat.

Canonicae ad *D. Augustini* instituta viventes sunt tres sequentes.

*Vallis S. Barbarae* vulgo *Barberendael*. Hujus Monasterii initio occasionem dedit *Fr. Henricus de Hoorn* Prior Monasterii Canonissarum Reg. in *Lens S. Remigii* juxta Huium, qui unâ cum Suppriorissâ & Conventu suo anno 1388. Thenas se transtulerunt. Fundus emitur construendo Monasterio; adveniunt decem Moniales & duæ conversæ & locus in honore *B. Mariae ac S. Barbarae* consecratur, & anno sequenti Ecclesia in honore *S. Barbarae* per *D. Arnoldum Capitoliensem Episcopum* Suffraganeum Leodientem Anno 1393. *F. Henrico* a Prioratu absoluto Episcopali auctoritate Suppriorissa fit Priorissa & Prælata Monasterii. Cum autem hæc eadem Priorissa Teutonicum idioma ut ajebat perdiscere non posset anno 1403. officio se abdicat, locum de licentiâ Episcopi deserit, atque cum sex Sororibus ad antiquum suum Monasterium in *Lens* rediit.

Rebus sic incultis dein *Fr. Walterus a Ghierlis* Prior in *Corfendonck* supermanentibus Virginibus compatiens, Priorissam Canonicè electam illis praefecit, Statuta praescripsit & Monasticam disciplinam edocuit, & Rectorem *Godefridum de Trajecto* *Corfendoncae* Professum, qui in lecturâ, cantu, aliisque Religiosis caeremoniis eas instrueret. Anno 1404. eodem *Waltero* instigante perpetuam clausuram promiserunt.

Cæterum anno 1410. *Fr. Walterus* Sorores hæc sub Capitulo Viridis Vallis incorporari curavit, & Anno 1412. Generali Capitulo *Windefemensis* unitæ fuerunt. Hæc Moniales ab anno 1457. sub commissione Priorum *Rubeae Vallis* vixerunt, hodièque vivunt.

Alterum *Cabbekanum* vulgo *Cabbeke* ex eo appellatum quod *Joannes Raetshovius* & *Maria Meerhout* conjuges Prætorium *Cabbekanum* emerunt ad usus Virginum sub regula *S. Francisci* viventium, quæ tamen assensu ipsorum & Episcopi hortatu anno 1414. Regulam *S. Augustini* amplexæ sunt, & demum sub Priore *Bethleemitico Joanne Holaer* claustrî perpetui votum emiserunt, factum hoc anno 1416.

Tertium *Albarum Dominarum*, quæ ab antiquo poenitentes erant titulo & exemplo *Mariae Magdalene*, postea *S. Victoris* Regulam amplexæ sunt. Denique ad Augustinianam componere jussæ anno 1601.

*Annuntiatae* Virgines hîc sedem fixerunt, & locus concessus est anno 1629. die 3. Martii dato eis Sacello *S. Jacobi* in *Wayenbergh*. Primæ quæ hanc Coloniam plantarunt venêre *Lovanio* numero IV. & incolarum ac piorum eleemosynis adjuti insigne Monasterium hîc extruxerunt.

*Hospitale* majus fundatum ab annis 500. auctum sensim, initio seculi XVII. Curâ & auctoritate *Matthiae Hovii* Archiep. *Mechl.* & ductu *Elisabethæ van Dyck* reformatum est.



*Gryseæ Sorores* tertiam *D. Francisci* Regulam amplexæ sunt Ao. 1414. cum & sub *Begardis* cœperunt & coaluerunt.

DAENEBOECK. De hoc Cœnobio Virginum nihil ad nos certi pervenit.

Cæterum Parochiæ Urbanæ extra oppidi septa subsunt, primum Sacellum *S. Martini in Arendoren* in quo etiam diebus sacris divina peraguntur.

Item Sacellum *S. Crucis* in Vico *Stock* satis miserum, in quo semel in anno tantum Sacrificium altaris offertur.

Denique Plebania Thenensi incorporata est *Winda Media* Vernaculè *Middel-Winde* pro sustentatione sui Vicepastoris uti mox dictum.

ATTENRODE sive *Aetrode*, vulgo *Atroy* Præfecturæ Halensis, milliari cum dimidio a Thenis. Hoc Dominium cum *Ivesere* devenit emptione absolutâ a *Philippo IV.* Hisp. Rege. 3. Decembris anno 1643. in familiam *Daneels*, erectum ab eodem Rege in Baronatum in gratiam *Joannis Baptistæ Daneels* Equitis Aurati anno 1658. die 15. Martii. *Erectum in Baronatum.*

Hodie hoc Dominium est gentilium de *Cordes*, Barones de Attenrode.

Mechliniæ in Choro F. F. Minorum extat monumentum Sepulchrale præfati *Joannis Baptistæ Daneels* cum hac inscriptione.

### D. O. M.

Monumentum Illust. Amplissimique Domini *D. Joannis Baptistæ Daneels* Equitis Aurati Baronis de Attenrode Toparchæ in Wevre, Corbeque over Loo &c. Regi a Consilio Privato, quod ipse defunctæ Conjugi *D. Philippæ d'Hovine* sibi & suis posuit. Obiit ille xx. Octobris M. DC. LIX. illa XIV. Aprilis anno M. DC. XLVI. Qui transis bene apprecare.

Ecclesia tutelarem colit *S. Andræam* Apost. Patronatum possidet Capitulum *S. Joannes* Leodii.

Decima universa spectat ad Parochum, etiam illa quæ fuit præfati Capituli, quam nuperis annis Parocho cessit.

AUTGARDEN præfecturæ Getensis, primo lapide a Thenis versus Gallo-Brabantiam.

Dominium hoc hodie possidet *N. Gatlovius* Advocatus Bruxellis.

Ecclesia Patronum veneratus *S. Nicolaum* Episc. ejus Patronatum gerit Capitulum Vifetense.

Decima quæ fuit præfati Capituli pridem sententiâ provisionali Senatus Brabantiaë adjudicata fuit Parocho, ita ut gaudeat fere universa hujus pagi decimâ.

Hæc Parochialis olim fuit appendix Parochiæ de Hackendover.

BAUTERSEM olim *Baltersem*, medio ferè itinere inter Lovanium & *Vetus Bataviam*. *The-ronatus.*  
Yyy 2



Thenas, Præfecturæ Cumpticensis, antiquum Dominium & Vetus Barenatus. Boutersemienſes Dynaſtæ fuerunt habiti olim inter XVIII. Primates Brabantiae, quos noſtri Barones vocant, & manſit hæc Toparchia penes hujus nominis gentiles, donec *Henricus de Bouterſem* miles hoc Dominium vendidit Domino de *Valckenborch*, dein *Reginaldus D. de Valckenborch* præfati filius illud a patre ſuo emptum vendidit *Guilielmo de Duvenvoorde* Toparchæ de Ooſterhout, cujus filia *Bertha* Domina de Bouterſem nupſit *Gerardo vander Heyden* Droſſardo Brabantiae; ſed ſine liberis defuncta, cum altera ejus filia *Amelberga de Duvenvoorde* nupſiſſet *Joanni* dicto de *Coffelaer* Militi, Domino de *Wittem* filio naturali *Joannis III.* Ducis Brabantiae, dictum Dominium de Bouterſem ad Poſteros hujus devolutum eſt. Tandem *Maria Eliſabetha Hobenſolleren, Henrici Herenbergæ* Baronis de Hedel & *Margaretæ de Wittem* Dominæ de Bouterſem filia & hæres unica, anno 1647. vendidit hunc Baronatum *Joanni Jacobo d'Ittre* dicto de *Caſtre*, qui illius confirmationem a *Philippo IV.* Hiſp. Rege impetravit diplomate dato Madridi die 14. Martii anno 1650. in qua ſtirpe hic Baronatus permanſit uſque ad annum 1719. quo emptione publicâ hoc Dominium acquiſivit *Guilielmus Gilbertus* . . . . Dynaſta de *Weerdenſteyn* Ultrajectinus. Pretium fuit 7000. flor.

Arx Dynaſtæ eſt antiqua & olim inter hujus tractus pulcherrima, quam collapsam & dirutam plurimum reſtauravit & novis præclaris ædificiis exornavit præfatus Baro circa medium ſeculi elapſi; cujus Schema exhibet Baro *le Roy* in Caſtellis Nobilium Brabantiae. Sita eſt ſub pago de Butzel.

Eccleſia ſacra eſt *S. Hilario* Episc. ejus Patronatus ſpectat ad Dynaſtam Decima Univerſa competit Parocho.

Huic Parochiali unitus eſt *VERTRYCK* pagus ad Velpam fluviolum Præfecturæ Cumpticensis. Dominium ſpectans hodie ad *Joſephum de Gouſpy* jure emptionis, qui anno 1718. in hoc pago condidit a fundamentis elegantem & nobilem Arcem.

Eccleſia ſacra eſt Virgini Deiparæ, in quâ ſpeciali cultu colitur *S. Lucia* Mart. Ejus Patronatus fuit Dynaſtæ de Bouterſem.

Decimas majores obtinet Abbas Villarienſis, Minores Parochus, qui a præfato Abbate percipit Supplementum competentiae. Has decimas acquiſivit præfatus Abbas a Capitulo Cathedrali *S. Lamberti* Leodii viâ permutationis.

In Caſtro *Redingen* eſt Sacellum cum Capellania Caſtrali.

*BINCKEM* vulgo *Binckum* altero lapide a Lovanio & Thenas, Præfecturæ Cumpticensis, Dominium *Comitis de Rummen*.

In ſacris Eccleſiae tutelaris eſt *S. Joannes Baptiſta*. Paſtoratum cum Capellaniis ſuis & Matriculariam confert Commendator de Chantrain, qui inſigne & pingue prædium hic poſſidet.

Decimarum participes ſunt præfatus Commendator, Abbates Gertrudanus Lovanii, & Villarienſis ac Parochus.

Subeſt huic Parochiali Sacellum *D. Jobo* ſacrum quod plurimum inviſitur & frequentatur.

*BUNSBEECK* ad Velpam fluviolum, præfecturæ Thenenſis, a quo oppido diſtat primo lapide, Dominium pridem gentilium de *Robiano*, hodie *N. vanden Berghe* Thenenſis.



Ecclesia sacra est *S. Quirino* Mart. Subest in sacris Abbati Heyliffemenfi Ord. Præmonstr. cujus animarum cura per ejusdem Abbatiæ Canonicos Religiosos administratur.

Ad hanc Abbatiam spectat universa pagi decima.

Hujus Parochialis appendix est *Hauthem S. Margaretæ*. Ab eâ Diva nomen hic locus sortitus est, in quo diebus sacris divina celebrantur & populus tunc instruitur per Sacellatum Abbatiæ Lintrensis, cui ad hoc facultas binandi concessa est.

BUTSEL ad Velpam fluviolum, Præfecturæ Cunipticensis; Dominium Dynastæ de Boutersem, qui hodiè *N. Werdensteyn*.

Ecclesia tutelarem veneratur *S. Martinum* Turonensem Episc. Ejus Patronatus spectat ad Dynastam de Boutersem.

Decimas obtinent Abbas Villariensis & Pastor: Ecclesia ex parte diruta est. Officium divinum diebus sacris in Choro peragitur; deservitur per Pastorem de Roosbeeck.

In hoc pago juxta arcem Dynastæ est ædes Mariana vulgo *Onse Lieve Vrouwe van Sterre-Bornè*, quasi latinè dixeris *Virgo a Stella & Fonte*. Est hæc ædes sacra sita medio itinere Lovanium inter & Thenas, & celeberrima ob frequentia miracula, quæ ibidem patrata sunt, & magno hominum concursu solet frequentari, ad quam diebus potissimum Sabbathinis ex oppido Thenensi aliisque circumjacentibus locis magna visitatio est. Juxta hanc ædem Marianam est miraculosus fons sive puteus, cujus aquam quicumque gustant, certam quasi & indubitam contra febres medelam consequuntur.

In hoc pago olim fuit Hospitale in loco vulgo *den Crommen Herinck* ad quod etiam frequens olim hominum concursus annuatim esse solebat, festo Virginis ab Angelo salutatæ, sed hodiè totaliter dirutum est; & jacet in suâ ruinâ, bona illius aliis sacris usibus sunt assignata.

CUMPTICH olim *Cumptheum* in Diplommatibus invenitur, primo lapide a Thenis, Præfecturæ hujus nominis caput, a quo nobilis per Hasbaniam familia nomen habet. Dominium olim nobilissimæ familiæ de *Vytenlimmingen* primariæ inter Patricios Lovanienses: ex qua *Joannes d'Vytenlimmingen* illud cedente Rege obtinuit Anno 1561, & post eum ejus filius *Robertus*, dein *Antonius*, item anno 1610. *Philippa d'Vytenlimmingen Antonii* filia Domina de *Wange*; tandem devenit ad *Alphonsum Henricum de Vicq*, in cujus gratiam Anno 1662. die 3. Julii a *Philippo IV.* Hisp. Rege in Baronatum erectum est, in qua stirpe hodie permanet, qui modo *Philippus Albertus de Vicq* Baro de Cumptich.

*Erectum  
in Baro-  
natum.*

Ecclesia dicata est *S. S. Ægidio & Georgio*. Patronatus ejus spectat ad Abbatem *S. Cornelii Indensem*, qui percipit minores decimas cum onere competentiae Parocho annuè præstandæ.

Decimas majores participant Abbas Gertrudanus Lovanii, Abbatiæ de Camera & parci Dominarum Ord. Cisterciensium.

In hoc pago bina sunt ampla Sacella, unum *S. Jacobi*, quod olim fuit hospitale pro peregrinis recipiendis, alterum in Vico de *Braysen* appendice hujus Parochialis *S. S. Cruci* sacrum, poene collapsum, at moderni Pastoris curâ restauratum & rectum. Hic loci olim fuit Præpositura Benedictorum ab Abbatia Indensi dependens.

Huic pago de *Cumptich* natales suas debet *Joannes Drusus S. T. L. & XXX.* Abbas Parchensis, qui obiit 1634.



Erectum  
in Baro-  
natum &  
Comita-  
tum.

ELISSEM sive *Elixem*, utrumque enim sine delectu legitur. Præfecturæ Getensis, ad Getam fluviolum; primo lapide cum dimidio a Thenis. Antiquum peculium gentilium de *Ruyschen*, quod *Arnoldus a Moers* anno 1565. a Rege obtinuit, a cujus viduâ *Maria Straesbergicâ* emit 1595. *Petrus Ruyschen*, in quâ stirpe hætenus perseverat. Hoc Dominium Anno 1692. a *Carolo II.* Hisp. Rege erectum est in Baronatum in favorem *Michaelis Constantini Ruyschen*. Denique in ejusdem gratiam anno 1705. die 5. Aprilis a *Philippo V.* Hisp. Rege titulo Comitatus ornatur, qui præfatus perillustis *D. Ruyschen* dein Præses supremi Senatus Hannoniæ creatus est & Ao. 1720. sacre Cæsareæ ac Catholicæ Majestatis Consilii Status in Belgio Assessor.

Ecclesia Patronum veneratur *S. Martinum* Turonensem Episc. Ejus Patronatum gerit Abbas *Vlierbacensis* Ord. *S. Benedicti* propè Lovanium.

Decima est tripartita, cujus duæ trientes spectant ad præfatam Abbatiam, tertia portio Parochi est.

EZEMAEL Præfecturæ Getensis ad Getam fluviolum, primo lapide a Thenis. Dominium spectans ad gentiles de *Coutereau* Marchiones de *Ascâ*.

Ecclesia inscripta *S. Aldegondi* Virg. Ad curam Pastoralem præsentat Præpositus Capituli Huiensis, qui percipit quatuor partes nonas decimarum, Pastor tres nonas, Abbas *Averbodiensis* & Monasterium Vallis Scholarium Can. Reg. *S. Augustini* Leeuwis singuli nonam.

Deservitur hæc cura Pastoralis per Parochum de *Elissem*.

FENACUM S. MARTINI vernaculè *St. Mertens Vissenaken*, Præfecturæ Halensis, primo ferè lapide a Thenis. Dominium gentilium de *Houthem*, hodie gentis de *Robiano*.

Ecclesia ut nomen indicat *S. Martino* sacra est, administratur a Canonicis Religiosis *Tongerloensibus* Ord. *Fræmonstr.*, ubi gloriosus Confessor Christi *Himmelinus* cum miraculorum gloriâ quiescit, quem vulgo tradunt fuisse Presbyterum atque etiam *S. Rumoldo* carne propinquum; sed sine solido fundamento, agunt de eo *J. Molanus* ad diem 10. Martii; item *Dionysius Mutzardt* in Annalibus Ecclesiasticis vernaculo Sermone conscriptis ad annum 801, ubi historiam lectu dignam inveniet lector. *A. Wichmans* in *Brab. Marianâ* pag. 690. tradit se ibidem ejus tumulum conspexisse frequentibus miraculis gloriosum: ad quem olim, atque etiamnum hodie magnus populi concursus. Capitulum *S. Joannis* Leodii contulit anno 1219. Cœnobio *Tungerloensi*, Jus Patronatus Ecclesiæ in *Fenaco S. Martini*, & Decimas.

FENACUM S. PETRI vernacule *St. Peeters Vissenaken*, primo lapide a Thenis, Præfecturæ *Cumpticensis*. Dominium gentilium de *Vicq*, qui modo *Philippus Albertus de Vicq*, Baro *Cumpticensis*.

Ecclesia ut præfert nomen *S. Petro* Apostolorum Principi sacra est, administratur per Canonicos Religiosos *Tungerloenses*.

Anno 1239. Nobilis Vir *Petrus* Dominus de *Fenaco S. Petri*, & *Margareta* ejus mater, eorumque consortes, donarunt præfatæ Abbatix *Tungerloensi* jus Patronatus Ecclesiæ in *Fenaco S. Petri*, & hætenus hæ ambæ Curæ Pastorales administratæ sunt a *Tungerloensibus*.



GOIDSENHOVEN olim *Gozilonis* Principis Francorum Aula, si dicta quasi *Gozilonis* & *Gozonis* Curia, a qua nomen videtur fortita. Primo lapide cum dimidio distat a Thenis, Præfecturæ Getensis. Dominium Comitum de *Nalin de Merode*.

Ecclesia *S. Laurentio* Mart. sacra est. Ad Curam Pastoralem præsentat Decanus *S. Dionysii* Leodii, eique competunt majores hujus pagi decimæ. Minores decimæ spectant ad Parochum, qui & plurium beneficiorum collator est, uti & in Sacellis vici de *Meer & Aft*, cujus primum satis amplum *D. Petro* sacrum, posterius Virgini Deiparæ sacrum est, & quæ hujus Principales appendices sunt.

Hic pagus est permagnæ & vastæ extensionis & numerosum habet populum. Hoc in loco ortum habuit *Petrus Lupus* vulgo *Wolfs* Ord. Carmelitarum S. T. D. De eo sic, legitur in Fastis Academicis Valerii Andrææ pag. 119.

„ *Petrus Lupus* Goedsenhovius agri Thenensis Ord. Carmelit. Conven-  
„ tus Mechliniensis professus ac Prior, & per Germaniam Inferiorem Prior  
„ Provincialis, invasâ a Rebellibus & Hæreticis Mechliniâ, dum sese omni-  
„ bus ejusdem civitatis incolis pro Deo & Rege suo exhibet antesignanum,  
„ trucidatur, eo ferè loco, ubi vetus hodiè Palatium visitur an. M. D. LXXX.  
„ Non. Aprilis.”

GRIMPDE. in Suburbano Urbis Thenensis. Gaudent incolæ jure civium. Pagus hic eo nomine celebris, quod olim ibi vexillum bellicum Thenense clavem *S. Petri* præferens adservaretur, & quiesceret. Ejus dominium spectat ad Ducem Brabantiæ.

Ecclesia dicata est *S. Petro* Apost. Res sacra dependet ab Abbate Heylissemenfî; & a suis Canonicis Religiosis Pastoralis cura administratur.

Decimarum participes præfatus Abbas, Capitulum Hugardienfè, Rector Capellaniæ *B. Mariæ* in Maleve, Hospitale Thenense & Monasterium d'Auwegem Monialium Ord. S. Dominici prope Bruxellas.

Est sub hac Parochiâ ad viam publicam versus Haeckendover decorum & amplum Sacellum Leprosarium dictum *Ten Steene* plurimum frequentatum & adiri solitum, & inibi tres tumbæ, ubi tres Virgines olim sepultas esse fama tenet.

HAECKENDOVER. olim in Diplomatis *Hackendorne*. Intra primum lapidem ab oppido Thenensi, sub Præfecturâ Getensi. Pagus magnus & celebris, Dynasta ejus. *N. Gatlovius* Advocatus Bruxellis.

Ecclesia *S. Salvatori* dicata est, & est annua ad ejus memoriam supplicatio, & Salvatoris veneratio miraculis clara. Ecclesia hæc est elegantis structuræ, quam ferunt cum reliquis Salvatorem struxisse. Ejus Patronatum gerit Abbas Vlierbacensis Ord. S. Bened.

Decimas majores obtinet Abbatissa Parci Dominarum Ord. Cisterc. propè Lovanium, quas obtinuit anno 1248. donatione *Henrici III.* Lotharingiæ & Brabantiæ Ducis, teste *C. Butkens* in Troph. Brabant. pag. 253.

Minores decimas obtinet Capitulum secundæ foundationis *S. Petri* Lovanii jure incorporationis Pastoratus, quod & annuè præstat Parocho competentiam.

Huic Parochiali subest & ejus appendix est Vicus & Dominium *Wulmer-*  
Z z z 2 *sum*



*sum*, in quo Sacellum & in eo duo beneficia incorporata huic Pastoratui. Toparcha idem ut supra.

HEYLISSSEM INFERIUS vernacule *Neer-Heyliffem*, primo lapide cum dimidio a Thenis, ad Getam fluviolum, Præfecturæ Getensis. Dominium vetus Abbatis Heyliffemenfis.

Ecclesia tutelarem veneratur *S. Sulpitium* Mart. Hic loci olim stetisse volunt Monasterium Abbatiae Floenensis Can. Regul. *S. Augustini*, quod modo situm est ad Mosæ ripam inter Leodium & Huium. Ejus Patronatum gerit præfati Monasterii Abbas Floenensis, obtinetque majores decimas, qui præstat Parocho annuè Supplementum competentiae.

Appendix hujus Parochialis est Vicus & Dominium de *Hamptean*, sive *Champtean*, utrumque enim legitur; cujus Dominium spectat ad N. de *Tombeur* Senatorem magni Senatus Mechliniæ. In eo est Sacellum *S. Gertrudi* Virg. Sacrum.

HEYLISSSEM SUPERIUS, Antiquirus *Helichem*, Vernaculè *Opheylysssem*, quam volunt olim dictam *Domum Heliconis*, distat altero lapide a Thenis ad Getam fluviolum, Præfecturæ Getensis. Dominium Abbatis Heyliffemenfis.

Ecclesia inscripta est *S. Martino* Episc. quæ sita intra septa Abbatiae Heyliffemenfis. Patronatus hujus Parochialis spectat ad Abbatem Floenensem, & ejusdem cura Pastoralis administratur per ejusdem Abbatiae Floenensis Religiosos.

Decima universa spectat ad eundem Abbatem, ejusque sacro ministro præstat annuè competentiam.

Hic sita ABBATIA HEYLISSSEMENSIS ORD. PRÆMONSTR. fundata a Nobili viro *Renero de Setru* anno 1129. qui evocatis e Floressiâ Canonicis Religiosis Ord. Præmonstr. donavit bona sua plurima & ampla in *Cappendaël*, Ecclesiam de *Pellein*, atque in proprio suo allodio de *Heyliffem* Cœnobium iis exstruxit ad honorem S. Genitricis Dei *Mariæ*, *Alexandro* Episc. Leodiensi donationem factam eodem anno comprobante, quod post eum quoque fecit *Innocentius II.* Papa, prout constat ex Diplomate ejusdem dato anno 1134. in quo inter cætera habetur., *Renerus* Miles ob peccatorum veniam promerendam Ecclesiam in honorem S. Genitricis *Mariæ* in proprio allodio quod *Heliffem* dicitur construxit, ut juxta *D. Augustini* Regulam & formam Religionis Fratrum Floressiensium omnipotenti Deo inibi, serviatur."

Missi igitur & Floressiâ candidi Canonici Religiosi, & quidam ex iis *Emericus* primus Abbas constitutus est. Nam Heyliffemense Cœnobium tradux Colonia e Floressiâ & Spiritualis ejus filia est.

Dominium temporale Cœnobio datum est a Nobili Viro *Huberto de Godtsenhoven*, cujus tumulus etiamnum visitur in antiquissimâ Capella *B. Mariæ de Heyliffem*, quæque hodiè integra perseverat in Cœnobii hujus pomerio, jam a sexcentis annis structa, & prima dicti loci Ecclesia, quæ frequentes bellorum tumultus & incendii devastationes, quibus Cœnobium hoc miserè attritum est, hætenus evasit. Dotem postea auxerunt Brabantiae Duces & vicini Dynastæ.



## ABBATES HEYLISSEMENSES.

- I. EMERICUS. inter Beatos reputatus præfuit anno 1144.
- II. GERARDUS.
- III. ALBERTUS. Vixit 1178.
- IV. ADAM.
- V. EVERARDUS.
- VI. FRANCO.
- VII. ÆGIDIUS ex Canonico Religioso Abbatia Ninkoviensis electus Præpositus Monialium Insulæ Ducis in Ghempe, inde hic postulatus Abbas, post annos aliquot spontè resignavit, & factus est denuo Præpositus in dicto loco; præfuit annis VII.
- VIII. JOANNES.
- IX. JACOBUS DE BOMAL.
- X. SIMON LA MOTTE.
- XI. JOANNES DE SLUYSE.
- XII. JOANNES BERGINIS.
- XIII. ARNOLDUS DE BUNSBEKE nobili stirpe natus.
- XIV. HENRICUS FORVY.
- XV. JOANNES HOLEINGNOUL.
- XVI. JACOBUS FOVRY. anno 1417.
- XVII. HENRICUS MONTENAKEN. Equestri stirpe ortus Ao. 1437.
- XVIII. SIGERUS NICOLAI alias *Amours*. 1457.
- XIX. JOANNES BUYTEN. 1500.
- XX. GUILIELMUS MOLENDINUS electus 1507. primus insulatus, qui opere magnifico domum Abbatialem exstruxit.
- XXI. RENERUS PANISGREVE. qui templum reædificavit, exstruxit Chororum &c.
- XXII. EMBERTUS NIVELAER S. T. L. ex Religioso, Priore Abbatia Tongerloensi & Præposito *S. Sulpitii* Diestensi postulatus Abbas Ao. 1553. Obiit 1557.
- XXIII. ÆGIDIUS BERNARDI BRAES 1557. Sub eodem Monasterium pro majori parte combustum. Propter angustias temporum exulavit Leodii, & Leeuwis, ubi obiit & sepultus in æde *D. Leonardi* sacra Ao. 1582.
- XXIV. BALTHASAR LOVIUS. Hic in curiâ Pharmacopolæ veneno extinctus est anno 1582.
- XXV. JOANNES BRAZE. Vir eruditione, prudentiâ & pietate eximius; sed propter bella dudum cum Fratribus se continuit Leeuwis. Abbas electus Anno 1588.
- XXVI. JOANNES DE FRAYTEUR ex Provifore, dein Parocho in Moltenbasio electus Abbas anno 1612. Obiit 1645.
- XXVII. JOANNES RAWLETS. qui monasterium combustum pro majori parte reparavit. Obiit Anno 1661.
- XXVIII. LAMBERTUS BALS electus Anno 1662. Obiit 1688.
- XXIX. HUGO DE FALIZE electus Ao. 1689. Obiit eodem anno.
- XXX. WALTERUS CHABOTEAU inauguratus Ao. 1690. Obiit Anno 1714.
- XXXI. GABRIEL BRION Inauguratus die 17. Februarii Ao. 1717. Hodie præest.



Cæterum notandum quod propter belli turbas, & hujus tractus devastationes, varia Abbatum gesta & acta omnino esse deperdita.

KERCKEM sive *Kerckebem* sesqui milliari a Lovanio, Præfecturæ Cumpticensis. De hoc Dominio legitur in adversariis Cameræ Rationum Ducatus Brabantiae conscriptis de Toparchiis pignoris, reoppignoris, ac venditis. „ Kerckhem *avec le Hameau de Byvoorden a esté engagé le 17. d'Aoust 1630. pour deux mille florins, & vendu absolument le 17. Decembre 1648. au Sr. Arnoud de Raet pour autres deux mille florins.*

Hoc Dominium hodie possidet *N. Cleymans.*

Ecclesia tutelarem colit *S. Martinum* Turonensem Episc. Ejus Patronatum possidet Abbas *S. Cornelii* ad Judam Ord. S. Bened. propè Aquisgranum, cui competunt duæ partes majoris decimæ, tertia earum pars portio Parochi est cum Novalibus, item decima fœni & lignorum.

In hoc loco primitus fundari cœpta est Abbatia Virginalis de *Rameja* Ord. Cisterc. loco ab Abbate præfato *S. Cornelii* Indensis eis donato, vi cujus huic Abbati etiamnum annuum censum pendunt, in quo loco etiamnum veteris Cœnobii & murorum vestigia conspiciuntur; sed cum aucto Virginum numero & aquæ defectu locus ineptus judicaretur, alio in loco & fundo per *Alwidem* Abbatissam Nivellensem & *Gerardum* Jaceæ Dominum illis donato, eo migrarunt propè Geldoniam, & inibi Claustrum cum Ecclesiâ exstruxerunt circa annum 1220. in quo hodiè degunt.

LINTER SUPERIUS vernaculè *Oplintere*, primo lapide a The-  
nis, Præfecturæ Cumpticensis. Duobus Dominis jam olim dominatur, unde duo ibidem tribunalia; unum hodiè ad viduam *Absolons*, alterum ad *N. Hinnisdael* spectans.

*A. Sanderus* in Flandria Illustratâ tom. II. pag. 546. de hoc Dominio tradit sequentia. „ Toparchia de *Couderburgh* sita non procul Tamisâ, familiam „ habuit sui nominis priscam, nobilemque. In eâ claruerunt *Simon de Couderburgh*, Eques Dominus de Oplintere ad annum 1376. & *Philippus de Couderburgh* *Simonis* filius Castellanus de Rupelmondâ 1381. a quo posterii complures. Tandem per nuptias *Adrianæ de Couderburgh* cum *Guilielmo de Corenbuyse* Viro optimo, Equite & Concilii Flandriæ Præsidi, Toparchia de *Oplintere* in familiam *Corenbuserum* migravit.

In Ecclesia antiquâ Abbatiali *S. Petri* Ord. S. Bened. Gandavi olim visebatur humi in lapide Sepulchrali ante Chorum sequens Epitaphium.

**Hier licht begraven Jo<sup>r</sup>. Joos van Cauwenburch,  
Schiltcnape/ Heere van Oplintere/ waer Bail-  
liu bande mannen van Leene van myn Heer de  
Prelaet der Kercke van S<sup>r</sup>. Pieters/ die over-  
leet int jaer 1507. den 22. dagh van Wedmant.  
Bidt voor de Ziele/ Pater noster.**

Huic loco natales suas debet *Bartholomæus Petri* S. T. D. Academiae Duacensis, ubi piè & plenus dierum obiit Anno 1630.



Ecclesia Patronam colit *S. Genovevam* Virg. Ad Patronatum & alia Beneficia præsentat D. Vidua *Abfolons*.

Decima spectat ad Abbatiam Lintrensem.

Sita est in hoc pago ABBATIA VALLIS VIRGINUM. Ord. Cisterc. Vernaculè *Maeghden-Dael*. Ab hoc pago communiter vocatur Monasterium Lintrense, olim Virginibus claro genere natis tantum patens. Ejusdem Fundator fuit *Bartholomæus Vleeshouwer* Civis & Incola Thenensis, Vir Dives & pius anno 1220, licet aliqui ad annum 1215. ejus initia referunt. Hunc aliqui volunt esse *Bartholomæum de AA*, filium *Leonis* Vicecomitis Bruxellensis & *Odæ de Walcourt*; sed nescio cui bono eum nonnulli hoc titulo sine ullo solido fundamento illustrare velint, cum non intersit an a Viro Nobili vel plebeio ædificetur Domus Domini, in cujus conspectu omnes pares sumus parèque morimur.

Fundationem deinde auxit anno 1225. *Henricus I.* Lotharingæ & Brabantiae Dux qui dedit decimas suas hujus pagi præfato Monasterio.

Anno 1244. *Arnoldus de Wesemale* amplissimos proventus adjecit huic foundationi dum filiam suam in eam collocaret. Hujus *Arnoldi* visitur in Ecclesiâ hujus Abbatiae sequens Sepulchralis inscriptio.

Hic jacet *Arnoldus de Wesemale*, & uxor  
ejus *Alexis*, qui huic domui munificè benefecerunt  
circa annum M. C. LXXV.

Item *Franco de Wesemale* miles, qui obiit M. CC. xcvi.

Hic *Arnoldus* dedit anno 1232. huic Abbatiae decimas suas quas habebat in hoc pago. Subest hæc Abbatia curæ Villariensis Abbatis.

## ABBATISSÆ VALLIS VIRGINUM.

- |   |   |
|---|---|
| I. <i>Ermegardis</i> . Obiit 1243.  | XII. <i>Gertrudis vander Beken</i> nobili profapia 1447.              |
| II. <i>Elisabetha de Mombeeck</i> . 1266.   | XIII. <i>Maria de Bossuyt</i> Obiit in opinione Sanctitatis 1462.     |
| III. <i>Catharina van Quarebbe</i> . 1276.  | XIV. <i>Ida Pinnoox</i> Claris orta natalibus 1468.                   |
| IV. <i>Odilia de Mombeeck</i> . 1296.   | XV. <i>Margareta Ardennekens</i> . 1474.                              |
| V. <i>Maria van Attenhoven</i> . 1322.  | XVI. <i>Christina Goederthuys</i> 1475.                               |
| VI. <i>Maria van Hoyer</i> . 1336. Præfatæ Abbatissæ obierunt in odore Sanctitatis.                             | XVII. <i>Maria Vilters</i> . 1500.                                    |
| VII. <i>Jutta de Wanroy</i> claro genere nata. 1359.  | XVIII. <i>Maria Roelants</i> . 1504.                                  |
| VIII. <i>Gertrudis de Hornes</i> Filia Comitissæ Hornani Domini de Altena. Vixit in opinione Sanctitatis. 1360. | XIX. <i>Barbara Usselm</i> . 1515.                                    |
| IX. <i>Catharina vanden Berghe</i> Nobili stirpe orta 1362.   | XX. <i>Joanna van Bausel</i> . 1522.                                  |
| X. <i>Beatrix vanden Winckel</i> obiit in opinione Sanctitatis. 1383.   | XXI. <i>Elisabetha vanden Berghe</i> . Equestri profapia orta 1539.   |
| XI. <i>Elisabetha de Herimez</i> dicta de Gavera nobili stirpe. Obiit in Odore Sanctitatis.                     | XXII. <i>Maria van Liefkenrode</i> , nobili stirpe nata 1555.         |
|   | XXIII. <i>Elisabetha vander Bieft</i> . 1560.                         |
|   | XXIV. <i>Maria Happart</i> . Dormitorium & Claustum construxit. 1602. |



XXV. *Maria Halder*. 1611.XXVI. *Catharina Bosmans*. 1627.XXVII. *Martina Pinchart*. 1636.XXVIII. *Catharina Valckenaer*.

1680.

XXIX. *Ferdinanda Sprimont*. 1636.XXX. *Cecilia Gunnens*. 1692.XXXI. *Maria de Libert* præsens Abbatissa.

MELDAERT Gallis *Meban* olim *Meldricis*, tertio milliari a Lovanio versus Hugardiam, Præfecturæ Cumpricensis Dominium, cum arce olim validâ, magna gaudens immunitate. Olim pars fuit Comitatus Turinensis ab *Alpaide* Hugardiensibus donati.

Denique Durrachiensis Dynastæ cœperunt possidere, & per unicæ Hæredis nuptias cum Durrachio transiit in familiam Oyenbrugganam, & perseveravit in eâ ultra annos ducentos. Hodie illud possidet Baro de *Carloo* de gente vander *Noot* jure uxorio Comitissæ de *Duras*.

Hic locus olim *Meldrada* & *Meldrecem* dictus & in Insulâ situs creditur, nunc continens, notum ob *S. Hermelindis* natales, ejusque miracula, quæ cum duodennis Virginitate superis consecrata a fratribus in *Bevecum* exagitaretur, Angeli monitu hic jussa fugere, in solitudine vitam cœlibem Sanctissimo fine coronavit; sed quis annus a Christo nato verteretur, quando Meldariam venit, aut vitâ cum abiit; quantum illic tempus egerit, proditum non est. Hoc constat, beatam animam admirandis meritis gravem Sanctissimè efflavit, sponsi amplexibus fruituram æternum. Ita fere *B. Fisen* in Hist. Eccl. Leod. ad annum 559.

Post annos XLVIII. a *Pipino* Austrasiæ Principe Consanguineo hujus Virginis, Patre *S. Gertrudis* & *S. Beggæ* in tumulum augustiorum relata circa annum 1640. qui prædiorum quoque maximâ multitudine locum ditavit, instituens in confini loco Virginum Monasterium, item alterum in monte a vitulis nomen sortitum vulgo *Calsmont* pro Religiosis Presbyteris ad Sacra pereagenda, quos ex *D. Bavonis* Cœnobio Gandavi evocavit. Neutrum Cœnobium hodie exstat, Normannorum ut creditur manibus eversum. De *S. Hermelinde* agit *J. Molanus* ad diem 29. Octobris, cujus festum eo die hoc in loco celebratur magno ritu cum novem lectionibus, & ejus translationis dies 21. Aprilis.

Anno 1236. *Robertus VIII.* Abbas Averbodiensis & *Ægidius* Abbas Heylissemensis Reliquias *S. Hermelindis* a Sacrilegis apud Meldariam de caplâ spoliatas, & a tempore *Pipini* ibi reconditas, jussu *Joannis* Episc. Leodiensis sigillis suis munitas, rursus reverenter repoluere. Ita *A. Sanderus* in Chorographicâ descriptione Abbatix Averbodiensis. pag. 12.

Bona præfatorum Monasteriorum dein assignata sunt Capitulo *S. Bartholomæi* Leodii ait *J. Molanus* in Indiculo S. S. Belgii; sed Rectrices & Seniores Beginasii Lovaniensis hoc negant, & ajunt ipsas primitus fuisse Meldariæ & inde migrasse Lovanium, easque hodie possidere bona, census & redditus Monasterii harum Sanctimonialium Meldariæ. Ita *J. G. a Ryckel* in vita *S. Beggæ*. *A. Miræus* in Donat. Belg. Lib. I. Cap. XIX. novæ edit. refert Epistolam *Otheboldi* XXVIII. Abbatis *S. Bavonis* ad *Otginam* Flandriæ Comitissam *Balduini Barbari* conjugem, ubi inter cæteras possessiones dicti Monasterii injustè ablatas circa an. 1030 recenset ut sequitur. „ Ex quibus duas „ fiscales derinuit Episcopus Leodiensis *Calmud* & *Meldrada* cum eorum appendentiis. „

Ecclesia Parochialis consecrata est *S. Hermelindi*. Patronatus ejus spectat ad



ad Capitulum *S. Bartholomæi* Leodii, cum univerſa pagi Decima, ſolvitque annuè Parocho competentiam.

In cæmeterio hujus Parochialis eſt inſignè Sacellum *S. Hermelindi* ſacrum, & in medio monumentum, ſub quo illam tumulatam fuiſſe aſſerunt. Ad illud maximus accuſſus peregrinorum ultimo die feſto Pentecoſtes, ejuſque Reliquiæ in proceſſione ſolemni circumferuntur cum feretro magnâ pompâ: eo peregrinantes e tumulo hauriunt aquam, ad depellendas febres, aliasque corporis infirmitates.

Vita hujus Divæ marmoreis ſculpturis per circuitum Sacelli & in ſummo altari exprimitur.

MELIN ſive *Melain* antiquitus *Mielens* ſive *Mielent*, pagus eſt Gallo-Brabantiae in finibus hujus Diœceſis, Præfecturæ hujus nominis caput.

*Philippus IV.* Hiſp. Rex erexit anno 1655. die 23. Auguſti Dominium de *Melin* in Marchionatum in favorem *Philiberti Soto Major Manuel Benavides de Gevarra*, in quâ ſtirpe hodie dum manet.

*Ereſtum  
in Mar-  
chiona-  
tium.*

Eccleſia ſacra eſt Virgini Deiparæ *Mariæ*. Ad Curam Paſtorales præſentant alternis vicibus Abbatiffæ de Rameja & Vallis Floridæ Ord. Ciſterc.

Decima eſt tripartita, cujus unam trientem habent ſingulæ præfatæ Abbatiffæ, altera reſtans triens ſpectat ad Parochum.

Subſunt huic Parochiali duo Sacella, unum *S. Antonii* invico de *Sartcouvert*, alterum *S. Mariæ Magdalænæ* ſacrum in Vico de *Giebertange*, in quo beneficium ſub eodem titulo cum onere trium miſſarum hebdomadatim.

NODUWEZ pagus Gallo-Brabantiae, altero lapide a Thenis, hoc Dominium Anno 1626. a Rege oppignoratum fuit *Erneſto de Reniers* pro 2100. flor. & abſolutè venditum 10. Septembris 1648. a *Philippo IV.* Hiſp. Rege *Maſſin de Labbaye* pro ſuo mandatario, quibus adhuc 2400. floreni acceſſerunt.

Hoc Dominium hodiè poſſidet *N. vanden Bogaerde* Bruxellis.

Eccleſiæ tutelaris eſt *S. Georgius* ad Curam Paſtorales alternis vicibus præſentant Capitulum *S. Joannis Evang.* Leodii, & Abbas Heyliſſemenſis, habetque præſatum Capitulum medietatem decimarum, alteram dividunt Abbas Villarienſis & Heyliſſemenſis; Parochus vero decimas percipit in vico & Dominio de *Libertange*, cujus Dynaſta eſt *Balthaſar le Roux*. In hoc loco eſt Sacellum in quo beneficia bina, in eoque diebus ſacris divina celebrantur.

OIRBEECK vel *Oorbeeck*, utrumque enim ſine delectu legitur, primo milliari a Thenis ad limitem Eburonicum verſus Hugardiam, Præfecturæ Cumpticensis Dominium. Illud a Rege anno 1626. 14. Auguſti manſit oppignoratum *Paulo van Ryckel* pro ſummâ 3100. flor.

Eccleſia Patronum veneratur *S. Georgium Mart.* Patronatum ejus gerit Abbas Vlierbacenſis Ord. S. Bened. & Capitulum *S. Germani* Thenenſe alternatim.

*Antonius Sanderus* in Chorographia ſacra Abbatiae Tongerloenſis cap. V. refert quomodo *Wipertus III.* Abbas Tongerloenſis ſecum ex ſuo patrimonio ad præſatum Monasterium attulerit Eccleſiam Oirbecanam in Diſtrictu



Thenensi, magnamque partem decimarum. Cum fratre item suo *Gerardo* Ecclesiæ Binchemiensis vulgo *Binckum* (olim Tongerloensibus subditæ) dimidium fundum.

Postea anno 1246. sub Abbate *Joanne* ejus nominis primo certo contractu inter Tongerloenses & Canonicos *S. Germani* Thenenses. Ecclesia de Oirbeka, simulque decimæ jam memoratæ ad præfatos Canonicos translatae sunt. Ita ferè ibidem *Sanderus*. Posteris temporibus præfatum Capitulum cessit has decimas Parocho pro Supplemento competentiae.

In hoc loco natales suas habuit *Josephus Geldolphus a Ryckel* Nobilis, Abbatiae *S. Gertrudis* Lovanii XI. Abbas, libris editis clarus, & de Antiquitate Belgicâ non infimè meritis, qui obiit 1642.

ROOSBEECK, pagus medio ferè itinere inter Lovanium & Thenas Præfecturæ Cumpticensis Dominium. Oppignoratam a Rege Anno 1638. pro 3000. flor. & absolutè venditum anno 1646. a *Philippo IV.* Hisp. Rege pro aliis 4600. florenis, *Rodolpho Navarra* Magistro Generali Stationum exercitus suæ Catholicæ Majestatis.

Hodie hoc Dominium possident gentiles de *Loon*, qui inibi habent Castellum spectabile, quod inhabitant: ex quâ gente hodie Dynasta *Joannes Gerardus van Loon*.

Ecclesia Patronam veneratur *S. Annam* Virginis Deiparæ Matrem. Ad curam Pastoralem præsentat Abbas *S. Cornelii* Indensis Ord. *S. Bened.* propè Aquisgranum.

Decima est tripartita. quarum duæ trientes spectant ad hanc Abbatiam, altera triens restans, portio Parochi est.

VELPA INFERIOR Vernaculè *Neer-Velpen*, sita ad ejus nominis Rivulum, altero lapide a Lovanio, Præfecturæ Cumpticensis. Dominium hodie spectat ad *Dionysium Willemaers* Equitem.

Quoad rem sacram dependet a Prioratu Bierbecano, qui anno 1562. incorporatus est Collegio Doctorum sacrae Facultatis Theologicæ Lovaniensis, uti suo loco diximus, cum in Decanatu Lovaniensi de pago Bierbeke pluribus egimus. Præfata sacra Facultas jure hujus incorporationis, præsentat ad hanc curam Pastoralem, eique competit universa hujus pagi decima, eaque annuè solvit Parocho competentiam.

VELPA SUPERIOR Vernaculè *Opvelpen* nomen sortita a Velpa Rivulo qui ibidem oritur, Præfecturæ Cumpticensis. Dominium *N. Cra-beels* Lovanii.

Ecclesia sacra est *S. Lamberto* Epif. & Mart. Ejus Patronatus spectat ad Abbatissam Lintrensem propè Thenas, & gaudet potiori parte decimarum.

WEVERE ad Velpam Rivulum primo milliari a Thenis, Præfecturæ Halensis. Dominium *N. de Cordes* Baronis de Attenrode.

Ecclesia Patronum veneratur *S. Antonium*. Ad Curam Pastoralem præsentat Dynasta, qui hodie est Baro de Attenrode de gente de *Cordes*. Decima Univerfa spectat ad Parochum.

WILLEBRINGEN altero lapide a Lovanio versus Hugardiam, Præfecturæ Cumpticensis. Anno 1630. a Rege oppignoratam cum vico de *Houfsem*



*sem* pro 2000. flor. & anno 1630, reoppignoratū pro aliis 200. flor. & anno 1644. die 9. Martii a *Philippo IV*, Hisp. Rege absolutè venditū *Comitissæ de Mulaert*. Hoc Dominium nuper obvenit Principi *de Rubempré* de gente *Merode* jure uxorio *Sabinæ Claræ* Principissæ *de Rubempré*, cujus nomen & insignia assumpsit.

Ecclesia inscripta est *S. Petro* Apost. Principi. Ejus Patronatus spectat ad Abbatem *Vlierbacensem* Ord. *S. Bened.*

Majores Decimæ incorporatæ sunt anno 1560. huic Archiepiscopatu per Bullam *Pii IV*. Pont. Max.

Reliquarum decimarum participes sunt præfatus Abbas, & Parochus.

FINIS TOMI PRIMI.





ASTOR LENOX TILDEN FOUNDATION  
 155 E. 42ND STREET  
 NEW YORK 17, N. Y.

THE NEW YORK PUBLIC LIBRARY





# HISTORIA SACRA ET PROFANA ARCHIEPISCOPATUS MECHLINIENSIS;

Sive

DESCRIPTIO ARCHI-DIOECESIS ILLIUS;

Item

URBIUM, OPPIDORUM, PAGORUM, DOMINIORUM,  
MONASTERIORUM, CASTELLORUMQUE sub eâ;  
IN XI. DECANATUS DIVISA:

Cum Toparcharum Inscriptionibus Sepulchralibus;

*Ex Monasteriorum Tabulis, Principum Diplomatibus insertis,  
Et Inspectionibus locorum verificata.*

Eruta Studio, ac Opera

CORNELII VAN GESTEL,

*Pastoris in Westrem Comitatus Alostani.*

TOMUS SECUNDUS.



HAGÆ COMITUM;  
Apud CHRISTIANUM VAN LOM, Bibliopolam.  
M D C C X V.



# HISTORY

OF THE

STATE OF

NEW YORK

1800

THE

OFFICE OF THE

CLERK OF THE

LEGISLATURE



NEW YORK

1800



# HISTORIA

## SACRA ET PROFANA

### ARCHIEPISCOPATUS

### MECHLINIENSIS.

---

#### DECANATUS BRUXELLENSIS.

**B**RUXELLA Belgicarum Urbium nobilissima, Principum Brabantiae Sedes, fontium perennium scaturigine amœna, partim in clivo montium, partim in decliviori loco sita est: quam partim *Senna* Fluv. in Hannoniâ ortus irrigat. Veteribus ferè *Brofella*, vel *Brusella*, aut *Bucfella* scribitur. *Meyerus* in Annal. Fland. An. 974. *Brusolam* nominat. Cingitur duplici muro, quorum posterior & exterior An. 1361. est circumductus, impletumque hoc opus XXIX. annorum spatio.

In editiore Urbis parte Palatium suum Princeps habet, a *Joanne III.* Brabantiae Duce circa annum 1300. inchoatum, renovatum perfectumque Anno 1452. a *Philippo* Bono, auctum a *Carolo V.* qui & Capellam vulgo Burgundicam An. 1525. exstruxit, aut perfecit potius, nam antea *Philippus* ejus parens inceperat, quæ dedicata est An. 1553. Denuo renovatum a Serenissimo Duce *Alberto*.

Ad latus Palatii est *Parcum*, seu nemus & labyrinthus sub An. 1450. a Burgundis Principibus adornatum, & salientibus passim aquis amœnum, a Senatu coemptis aliquot hæreditatibus muro cinctum, ubi, feris, piscibus, volatilibus servandis; item obambulationi, pilæ ludo, epulis sua sunt loca deputata.

Præter hæc sunt Principum, Comitum, & Magnatum Palatia plurimæ Superbissima, ac Nobilium augustæ domus, inter quæ eminent *Arscotanium*, *Auriacum*, *Egmondanum*, de la Tour & Tassis, *Arembergicum*, *Ligniacum*, *Spinolæ*, de Berghes, *Rubempræum*, *Bournovillii*, *Croyacum*, *Hornanum* & plurima alia. Ad extremum civium ædes plurimæ splendent amplitudine, specie & commoditate fontium; & licet An. 1695. per Gallos ignitis pilis & bombis permagna, eaqua præcipua hujus Urbis pars in cineres redacta sit, brevi tamen temporis spatio gloriosior & augustior exsurrexit, & exstruxere domus singuli sumptuosas admirandæ & nobilis structuræ.

Hortorum hîc non amœnitas solum sed & luxus est, & invenies qui flores in exiguo hortulo natos pluribus florenorum millibus aestiment.



Hic quoque perpetua sedes fixumque domicilium CANCELLARIÆ BRABANTIÆ (quam a Cancellis *Cancellariam*) idque ab An. 1430. Per *Philippum* Ducem Brabantiæ &c. nisi quod in turbis Belgicis, quando Bruxella partium studiis distracta, An. 1580. Lovanii aliquanto tempore hælerit, sed post sex annos reversum est. Constat hodie uno Cancellario, XV. Consiliariis, Consiliario Fiscali uno, & Procuratori Generali uno, sex Secretariis, & duobus Graphiariis. Munus Cancellarii est summæ auctoritatis, & præminentiae dignitas; in administrandâ enim iustitia est velut Gubernator Brabantiæ, & Vicarius quidam Ducalis, quorum seriem hic damus.

## CANCELLARII BRABANTIÆ.

\* *Placcæ-  
ten van  
Brabant.*

- I. ROGERIUS VAN LEEFDAEL Toparcha de Oirschot & Parcke, Cancellarius anno 1326. sub *Joanne III.* Duce Brabantiæ. Ita *P. Divæus*.
- II. JOANNES VAN LOEN Toparcha de Agimont, Walhain & Gheet, Cancellarius anno 1372. sub Duce *Wenceslao*. Ita *Chartularium \* Edictorum Brabantiæ* tom. I. fol. 134. ubi ante reliquos Senatores Concilii Brabantiæ nominatur.
- III. PETRUS DE CAMDONCK J. U. D. antea Præses Senatus Flandriæ, vixit anno 1407. sub *Antonio* Duce Brabantiæ.
- IV. JOANNES DE BONT J. U. D. Canonicus & Cantor Ecclesiæ *S. Guldæ* Bruxellis, Cathedralis Cameracensis Canonicus & Thesaurarius & Archidiaconus Famennæ in Ecclesiâ Leodiensi, sponte sese munere Cancellarii abdicavit. Obiit Bruxellis anno 1453. restaurato Hospitali XII. Apostolorum Bruxellis pro decrepitis senibus, quod Patruus suus *Guilielmus* fundaverat.
- V. JOANNES GISLENIUS natus Sarti in Gallo-Brabantiâ, Canonicus Cathedralis *S. Lamberti*, & Præpositus *S. Dionysii* Leodii, creatus Cancellarius a *Philippo Bono* Ao. 1429. & obiit 1443.
- VI. GOSWINUS DE RYT Antverpiensis, Eques Auratus, Cancellarius ab anno 1445. usque ad 1462. quo mortuus est.
- VII. JOANNES L'ORFEBVRE, J. U. D. antea Præses Concilii Luxemburgensis subitanâ morte extinctus anno 1465.
- VIII. JOANNES DE GROOTE Cancellarius ab Ao. 1467. paulo post mortuus.
- IX. GELDOLPHUS VANDER NOOT Bruxellensis Eques, Auratus, antea ejusdem Senatus Consiliarius, munus Cancellarii propter senium deposuit anno 1481. & obiit 1492. ætatis 78.
- X. JOANNES DE LA BOVERIE. Eques, Toparcha de Bierbeeck, Waevere &c. teste *Christinæo* creatus est Cancellarius Ao. 1481; sed quo anno mortuus sit ignoratur.
- XI. CAROLUS DE GROOTE, Eques, creatus Cancellarius Ao. 1483. paulo post obiit.
- XII. JOANNES DE HOUTHEM, Eques Auratus, Toparcha de Houthem, Oirberghe, Vissenaken, Huldenberghe &c. Cancellarius ab Ao. 1485. usque ad 1498. quo obiit.
- XIII. GODEFRIDUS RAES Toparcha de Pamele & de Leetberghe; juxta *Christinæum* Cancellarius ab anno 1498. Obiit anno sequenti.
- XIV. GUILIELMUS DE STRADIO, Eques, Toparcha de Maleves, Orbays &c. Cancellarius ab anno 1499. usque ad 1503. quo obiit.



- XV. LUDOVICUS ROELANTS Lovaniensis J. U. D. ejusdem Universitatis, Toparcha de Wilfel, & Putte, Consiliarius Brabantiae; juxta Christianæum Cancellarius ab anno 1503. Obiit. 1504.
- XVI. JOANNES VANDER VORST Bruxellensis, Eques Auratus, Toparcha de Loonbeke creatus, Cancellarius anno 1504. Obiit Ao. 1508. ætatis 48.
- XVII. JOANNES SYLVAGIUS, vulgo *Sauvage*, Eques Auratus, Toparcha de Escambeke, Bierbeke &c. e Præside Senatus Flandriæ Cancellarius Brabantiae Ao. 1509. inde magnus Burgundiæ Cancellarius ab Ao. 1514. Obiit in Hispaniâ 1518.
- XVIII. HIERONYMUS VANDER NOOT Bruxellensis, Eques Auratus, Toparcha de Luteaux, Cancellarius ab anno 1514. usque ad 1531. quo munus senio confectus & oculis captus dimisit. Vita defunctus Ao. 1554. ætatis 77.
- XIX. ADOLPHUS VANDER NOOT Bruxellensis, Eques Auratus, Toparcha de Doignies, J. U. D. e Consiliario Brabantiae Cancellarius Ao. 1531. hinc supremæ Curiae Clientelaris Brabantiae Vicarius Anno 1540. Obiit Ao. 1543.
- XX. ENGELBERTUS VAN DAELE Mechliniensis, Toparcha de Wildere & Leeftael, Consiliarius magni Senatus Mechliniæ. Cancellarius ab Ao. 1540. usque ad 1556. quo obiit.
- XXI. JOANNES SCHYF Antverpiensis J. U. D. Toparcha de Rhodio S. Agathæ Nethene, Cancellarius ab anno 1557. Legatus *Caroli V.* Cæsaris ad Regem Angliæ Eduardum, & Mariam Reginam ejus Sororem; sua in Rempublicam merita foedavit turpiter, dum anno 1577. Bruxellensium partes (tunc temporis Imperium Regis Catholici detrectantium) sectatus fuit. Hinc a munere suo depositus, obiit anno 1581.

Extat in libro \* Edictorum Brabantiae Tom. I. pag. 255. Decretum Regium in Abbatia Lintrensi Ordinis Cisterciensis juxta Thenas die 19. Julii 1578. de mandato Joannis Austriaci tunc Belgium gubernantis, quo Concilium & Cancellaria Brabantiae stabilitur in Urbe Lovaniensi, revocatâ omni Jurisdictione illius Concilii quod Bruxellæ residebat, factaque prohibitione sub pœna rebellionis, ne quis isto Concilio adhæreret.

\* *Placcaten van Brabant.*

Tunc quoque novus Cancellarius institutus fuit *Desiderius Sexagijs*, de quo infra, novique Consilarii Martinus Antonius Del-Rio, Philippus Veuvels J. U. D. Guilielmus van Candriessche, Gregorius Ayala, & Goswinus Batzon Fisci Patronus.

THEODORUS A LIESVELT anno 1581. in locum Schyffii Cancellarius creatus est a Statibus Patriæ contra Regem rebellantibus, favore Guilielmi Principis Auriaci, a quo Legatus ad Regem Galliae anno 1584. missus fuit. Ita *S. Strada* in Hist. Bellorum Belgii *Decade 2. Lib. 5.*

XXII. DESIDERIUS SEXAGIUS, vulgo *t'Sestich*, Eques, e Consiliario Senatus Brabantiae Cancellarius ab anno 1578. usque ad 1585. quo obiit.

XXIII. NICOLAUS DAMANT Eques Auratus, Vice-Comes Bruxellensis, Toparcha d'Ottignies, Bauwel, Olmen &c. Consiliarius Status, Præses Senatus Flandriæ, dein Sanctioris Concilii Senator, inde Supremi Concilii Rerum Belgicarum in Hispania Præses. Obiit Anno 1616.

XXIV. PETRUS PECKIUS, Eques, Toparcha de Bouchout, Borsbeke, & S. Laurentii ten Hove filius Petri J. U. D. in Acad. Lovan. celeberrimus.



rimi, antea Senator Magni Senatus Mechliniæ, dein Sanctioris Bruxellæ, Legatus inde Archiducum ad Henricum IV. Galliarum Regem, & ad Foederatos Belgii Ordines. Mortuus 1625.

XXV. FERDINANDUS DE BOISSCHOT, Eques Ordinis Militaris S. Jacobi, Comes d'Erps, Baro de Saventhem, Nosségem, Sterrebeke &c. Sanctioris Concilii Senator, atque Legatus ad Henricum IV. Galliarum & Jacobum Angliarum Reges. Creatus Cancellarius ab anno 1626. usque ad 1649. quo vitâ excessit.

XXVI. FRANCISCUS DE KINSCHOT Bruxellensis, Eques Ordinis Militaris S. Jacobi, Toparcha de Rivieren, Jette, Ganshoren &c. e Senatore supremi Concilii Belgici in Hispaniâ creatus Cancellarius anno 1653. Obiit anno sequenti ætatis 74.

XXVII. ROBERTUS ASSELIERS Antverpiensis, Consiliarius Senatus Brabantiarum, inde Supremi Concilii Belgici in Hispania apud Regem Senator, Cancellarius factus anno 1654. Obiit anno 1661. ætatis 85.

XXVIII. PHILIPPUS GUILLIELMUS DE STEENHUYSE Baro de Poederle, Toparcha de Flers, Mourbeke &c. primo Senator Magni Senatus Mechliniæ, dein Sanctioris, & Status, Cancellarius creatus anno 1661. Obiit 1668.

XXIX. SIMON DE FIERLANT, primo Magni Senatus Consiliarius, dein in Hispaniâ Supremi Belgarum & Burgundionum Senator. Obiit anno 1686.

XXX. JOANNES ANTONIUS LOCQUET Bruxellensis, antea Consiliarius Senatus Brabantiarum, dein in Hispania Rerum Belgicarum, exinde Præses Magni Senatus Mechliniæ, fatis concessit anno 1687.

XXXI. JOANNES BAPTISTA CHRISTYN Mechliniensis, Baro de Meerbeeck, primo Magni Senatus Consiliarius, exinde Concilii Sanctioris & Legatus ad Congressum pacis Neomagensem, dein in Hispania Supremi Belgarum apud Regem Senator. Vitâ excessit Anno 1690. Libris editis clarissimus.

XXXII. GUILLIELMUS PHILIPPUS, *Marchio d'Herzelles*, primo Consiliarius Senatus Brabantiarum, dein in Supremo Rerum Belgicarum in Hispaniâ, exinde Præses Magni Senatus Mechliniæ. Mortuus Anno 1698.

XXXIII. GUILLIELMUS ALBERTUS DE GRISPÈRE. Baro de Goyck & Liberfart, Consiliarius Magni Senatus, dein in Hispania in supremo Rerum Belgicarum, exinde Præses Magni Senatus Mechliniæ, creatus Cancellarius in fine anni 1698.

In hac Urbe Palatinâ residet Concilium Imperii sive *Status*, vulgo *Conseil d'Etat*, quod Regi, vel ejus per Belgium Vicario Governatori ex more assistit, incerto quodam, & pro re nata, ipsiusque adeo Principis voluntate, nunc plurimum, nunc paucorum rursus Consiliariorum numero constat. Agitur in eo de pace, bello, & universalis terrarum regimine.

Item hic Concilium Sanctius, sive Privatum, vulgo *le Conseil Privé*, & Financiarum, vulgo *Conseil des Domaines & Finances du Roy*, opum ac Patrimonii Principum curam habens, & Camera Rationum suprema. Item ab anno 1494. hic perseveravit Curia Feudalis Ducatus Brabantiarum.

Inter præcipua Urbis opera eminet *Curia* Senatorum curâ publica & Principis strui coepta anno 1402. perfecta est anno 1442, cujus turris raræ altitudinis, Gothicæ, sed admirandæ structuræ insignis, & e medio frontispicio



cio exurgens, re & nomine præferens Archangelum Michaelē statuā versatili æreâ pedum XV. perfectā anno 1454. mobilis est circa axem ferreum, & globo insistens æreo, variorum ventorum stationem, conversione suâ distinguit.

Ex adverso hujus Curiae est foro publico *Domus Panis* vernaculè *Het Broot-huys*; Pannarium enim initio fuit, in quod panes foris advehi soliti reponebantur, constructa est anno 1518. Ubi tribunalia hodiè exercentur, Venationum, Aucupiorum, Piscationum, Vectigalium &c. in cujus medio & frontispicio constituta est major Deiparæ Virginis statua ex albo lapide, cui hæc sequentia auratis characteribus subscripta A PESTE, FAME, ET BELLO LIBERA NOS MARIA PACIS. HIC VOTVM, PACIS PVBLICÆ ELISABETHA CONSECRAVIT. Cætera circum circa ædificia rotidem sive Curiae, sive Prætoria videntur.

In hac Urbe est ad quinque milliaria se extendens *Aquæ Ductus*, incredibili civium & mercatorum commodo defossus, coeptus anno 1550. die 16. Junii, & perfectus anno 1561, cujus inventor & fuscitator primarius *Joannes Locquengien* Urbis Prætor, directore usus celeberrimo Architecto *Georgio Rinaldi*, a machinis, consiliisque bellicis *Alexandro Farnesio* Parmensium Duci & perfamiliaris. Hic Aquæductus quinque locis ad servandam profunditatem certis retinaculis continetur; ita ut a primo limine quod est Bruxellæ usque ad ultimum quod est Willebrocæ 42. pedum differat altitudine. Cæterum cum tota aquæ moles ibi sustineatur, ad singulas tamen stationes pro navigantium commodo immitti vel emitti, augeri vel minui potest. Ferunt impensas hujus operis 800000. florenorum vix superasse, quæ constitutis novis vectigalibus eâ omnium promptitudine collecta sunt, ut nec infimi quidem alicujus ex plebe de novo gravamine, quæstus toto eo temporis spatio exauditus sit.

Quoad rem sacram Bruxella VII. habet Curæ animarum destinatas Ecclesias. Antiquissima fuit illa quæ *S. Gauderico* sacra est, non ea quæ hodiè Parochialis quæ augustior priori, in quâ *Carolus Lotharingus D. Gudulæ* corpus ex Morsellâ non procul Alosto, ubi negligentius & contemptim habebatur adventum, transtulit anno 980. Porro pluribus agitur eâ de re in Decanatu Alostano cum de præfatâ Morsellâ agemus.

Prima quæ dignitate & antiquitate primaria, est quæ *D. Michaeli & S. Gudulæ* sacra est, olim *D. Michaeli* Urbis tutelari soli dicata. Hoc templum erectum vel potius auctum, ornatumque a *Balderico* Comite Lovaniensi circa annum 1047. Parochiali jure donatum atque a *Gerardo I.* Cameracensi Episcopo dum *D. Gudulæ* corpus in hunc collem ex ædē Gauge-ricianâ, ipso *Gerardo* Episcopo præsentē solemni, pompa transtulit & exivit ut ibidem illustrius conditum, majori pietate coleretur.

Porro augustum *D. Gudulæ* templum quod hodie exstat, ab *Henrico I.* Brabantiae Duce coeptum est circa annum 1226. ut patet ex ejus Diplomate apud *A. Miræum* Lib. I. Diplom. Belg. Cap. LXXX. infra producendo, & *Henricus III.* Lotharingæ & Brabantiae Dux anno 1273. ad *D. Gudulæ* perficiendam fabricam, in solidum a novo ædificari coeptam, jussit secundi anni fructus Canonicorum eo verti.

In hac Basilicâ verus est XII. Canonicorum Collegium unâ cum Decano, Cantore, Scholastico & Thesaurario. Decanatum confert Dux Brabantiae; cæteri eliguntur. Circa foundationem non admodum conveniunt Scriptores & scripta; sunt qui volunt erectum a *Balderico* prædicto anno superius expresso; rectius sentiunt qui *Lambertum Baldericum*



Comitem Lovaniensem Ecclesiam *D. Michaeli* & struxisse & Clericos ibi constituisse asseverant, *Henricum* filium ejus a *Lietberto* Ecclesiæ immunitatem obtinuisse: *Lambertum* vero *II.* sive *Baldericum* bona quædam assignasse anno 1047. & in *XII.* Clericorum (sic ævo isto Canonici vocabantur) usus distribuisse; & *J. B. Gramaius* refert *Henricum I.* Ducem nostrum duas Sacerdotales præbendas addidisse, sed hallucinatur, non enim superaddidit *Henricus* ille *XII.* jam ante fundatis duas alias præbendas Sacerdotales, sed ex duodenario illo fundatarum antea numero, duæ sub illo Sacerdotales factæ sunt, quæque alternis scilicet vicibus, divina quotidie in summo altari officia celebrarent, has duas præbendas cum vacant ex concessione præfati *Henrici* eodem anno, conferuntur a Capitulo. Cæteræ *X.* Præbendæ conferuntur a Duce Brabantiae. Diploma ipsius *Balderici* an. 1047. recitat *A. Miræus* in Cod. piar. Donat. Cap. XLVII. novæ edit: en Diploma.

Quidquid in hoc seculo fundamento bonitatis quisquam superædificat, apud Dominum in æterna remuneratione retribui confidat.

\* *Hominibus  
Weymsius.*

Quapropter ego *BALDRICUS* Parochialem Ecclesiam *BRUCSELLIS* consecrari feci, & in ea corpus sanctissimæ Virginis Christi *GUDILÆ*, quantâ potui honorificentia, transtuli, quod in Ecclesiola *S. GAUGERICI* negligenter positum inveni, eidemque sanctissimæ Virgini, cum appendiciis omnibus, ipsam Ecclesiam, pro animæ meæ meorumque propinquorum remedio, legaliter coram \* omnibus tradidi, addens quinque mansos in *Hafcreold* & in *Wolewe* septem bonaria. Hoc totum quamvis esset parum, in clericorum duodecim præbendas dedi, & divisi, quos ibi ad serviendum Deo & sanctæ Virgini constitui, pro animæ meæ heredumque meorum & proheredum redemptionel, eisque in pascuis, silvis, teloneis talem concessi libertatem, ut absque ullius redditu servitutis, liberè horum fruerentur utilitate.

His ita constitutis, quorum Ecclesia nullo erat juvamine fulta, & undique egens auxilii, ad ejus ædificationem redimiculi præbendarum partem dimisi, ne statum eleemosynæ omnino viderer vendere pretio. Ad hoc etiam concessi illis, ut unusquisque fratrum ipsorum, post vitæ suæ spatium, per annum integrum, præbendam suam, cuicumque sibi placuerit relinquat, & si quis eorum supra præbendam terram ædificavit quidquam, per annum istum heres ejus, aut cuicumque ipse adhuc vivens concefferit, ædificationes ejus sibi auferat.

Si quis autem, quod absit, heredum aut proheredum meorum, aut etiam extranea quælibet persona, hanc meam traditionem pervertere, & inde demere tentaverit quidquam, iram Dei, & offensam *S. Michaëlis* Archangeli, cujus in prædicta Ecclesia veneratur memoria, & prædictæ *S. Virginis* in perpetuum incurrat, & excommunicationem sancti Pontificis, quæ in præsentia cunctorum, qui aderant, terribilis resonabat, nunquam evadat, sed semper hujus vinculi nodo appareat, ante vultum Altissimi, contrictus.

Actum publicè *BRUCSELLÆ* anno Dominicæ Incarnationis millesimo quadragésimo septimo, Indictione decimâ quintâ, *LEONE* Nono in Apostolica Sede præsidente Pontifice Summo, regnante *HENRICO* Imperatore tertio, *Cameracensium* Pontificalem Cathedram Domino *GERARDO* obtinente Præsule, qui in his omnibus, cum uxore mea *ODA*, adjutor mihi exstitit, tam auxilio quàm consilio, & præsens eandem Ecclesiam dedicavit, & ut præscriptum est, excommunicatione omnia firmavit. Ejus præsentia sunt omnia ibi constituta, & testibus idoneis firmata.

Signum Domini *GERARDI* prædicti Episcopi.

*S. Gerardi* Archidiaconi.  
*S. Emelini.*  
*S. Ingelberti* fratris ejus.  
*S. Sigeri.*  
*S. Folcardi.*  
*S. Ornulfi* filii ejus.  
*S. Gerardi.*

*S. Lietberti.*  
*S. Azonis* Presbyteri.  
*S. Folberti* Presbyteri.  
*S. Ostonis.*  
*S. Joannis.*  
*S. Fastradi.*  
*S. Joannis.*

*S. Step-*



S. Stepponis.  
S. Siberti.  
S. Thiedonis Decani.  
S. Heimezonis.

S. Hartfridi Presbyteri.  
S. Adelardi.  
S. Radulfi.  
S. Emmonis.

Præfatus *Henricus I.* Lotharingæ & Brabantiae Dux Anno 1226. X. novos Canonicos veteribus adjecit & dotavit quamvis non ita opulenter, quorum duas præbendas confert Capitulum, septem alias conferunt Canonici secundum turnum, restantem vero alternis vicibus conferunt Illustrissimus D. Cancellarius Brabantiae & Canonicus Turnarius. Diploma hujus foundationis profert *A. Miræus* in Diplom. Belg. Lib. I. Cap. LXXX. novæ edit. quod sic se habet.

HENRICUS Dei gratiâ Dux Lotharingæ, tam præsentibus quàm futuris in perpetuum. Nos considerantes quod ait Apostolus, qui parvè seminat, parvè & metet, & qui seminat in benedictionibus, metet vitam æternam; seminare proponimus in terris, undè Domino redtente multiplicatum fructum in cælis colligere debeamus.

Cum igitur in Ecclesia Bruxellensi à Prædecessoribus nostris pauci sint Canonici instituti, à quibus pro modulo suæ paucitatis Deo laudabiliter serviatur, nos cupientes Cultum Divinum ampliare, & Canonicorum numerum augmentare, pro salute nostra, & pro salute animarum Prædecessorum & Successorum nostrorum, nec non & uxorum nostrarum; MATHILDIS scilicet & MARIE, liberaliter & absolutè memoratæ Ecclesiæ Bruxellensi, quæ ad voluntatem nostram & admonitionem de novo reædificari incipit, in honorem Beatissimæ Virginis Dei Genitricis Mariæ, concedimus & donamus allodium nostrum in \* *Didenghem*, quod comparavi-  
mus à nobili Viro Ægidio de Wangha, & duas partes totius decimæ de \* *Holpa*,  
tam in cultis quàm in excolendis, cum Ecclesia ejusdem villæ, nec non & quatuor  
mansos terræ ibidem. \* *Digbem.*  
\* *Hulpen.*

Hæc autem concedimus, ad usum decem Canonicorum, de novo instituendorum in Ecclesia memorata, qui à Decano & Capitulo debent eligi, & nobis & Successoribus præsentari: nec aliquid de prædictis bonis percipient, si non faciant residentiam personalem, & si admoniti à Decano & Capitulo, ad Sacros Ordines non sint promoti, nisi Decano & Capitulo videatur aliud pro utilitate Ecclesiæ faciendum.

Actum anno Gratiae millesimo ducentesimo vicesimo sexto, mensè Augusto.

1226.

Anno 1605. Serenissimi Belgarum Principes *Albertus & Isabellâ* suâ munificentia non parum augmentarunt ac dotarunt majus Canonicorum Collegium, luculentâ dote illi assignatâ, scilicet centum ferè jugeribus terræ, quæ Scaldis propè Valencenas Hannoniæ Urbem fœcundat, quâ dote fundarunt missas quatuor dietim celebrandas, per totidem majores ejusdem Ecclesiæ Canonicos, cum Anniversariis duobus pro animarum suarum refrigerio faciendis. Diploma refertur in Donat. Belg. *A. Miræi* Lib. II. Cap. CXLII. novæ edit. hujus tenoris.

ALBERTUS & ISABELLA CLARA EUGENIA Hispaniarum Infans, Dei gratiâ Archiduces Austriæ, &c. omnibus has præsentis visuris salutem.

Cum ex tempore Lati nostri Introitus & successionis in Ditionibus nostris citerioribus Germaniæ Inferioris singulariter Nobis commendatio fuerit accepta, ut in Dei honorem & exaltationem nostræ Catholicæ Apostolicæ & Romanæ Fidei, videremus proficere Divinum Officium in Ecclesiis Metropolitanis, Cathedralibus & Collegiatis dictarum nostrarum Ditionum tum & in Ecclesia Collegiata S. Gudulæ in hac Urbe nostra Bruxellensi, quæ ab antiquo ædificata fuit à Prædecessoribus nostris Brabantiae Ducibus, a quibus in ea fundati fuerunt duodecim Canonici cum Decano suo quamvis modicè dotati, quibus incumbit cura Officii Divini quod peragitur quotidie in dicta Ecclesia, cupientes ex parte nostra dictum Officium proficere & auge-

*Additum  
ac transla-  
tum ex  
Diploma-  
te Gallico,  
quod habe-  
tur in Ba-  
silica  
Bruxel-  
lensi.*



re dotem præfatorum Decani & Canonicorum, atque etiam procurare ut oretur pro salute Personarum nostrarum, felicitate & bono successu rerum nostrarum, pro solatio animarum Prædecessorum nostrarum, atque ut Missæ post decessum nostrum, aut aliàs secundum intentionem nostram fiant:

Quibus conformiter tractari curavimus cum Venerabilibus nobis caris & dilectis præfatis Decano & Canonicis dictæ Ecclesiæ, eò usque ut contenti fuerint suscipere onus celebrandi in illa quatuor Missas privatas quotidie & duo anniversaria annuè, semper atque in perpetuum in forma & modo prout sequitur:

Videlicet præfati Decanus & Canonici obstringent se pro se ipsis & suis successoribus ad celebrandum personaliter per se ipsos quotidie semper & in perpetuum in dicta Ecclesiâ quatuor Missas privatas dividendo æqualiter dictum onus inter se, adeo ut quatuor ex ipsis quâcumque hebdomadâ eâ obligatione fungantur, habeatque dictus Decanus qui modo est, & qui successuri sunt, eoque absente aut non residente, primus Canonicorum post ipsum curam principalem & specialem ut id accuratè & exactè mandetur executioni tam respectu quatuor prædictarum Missarum, quàm duorum Anniversariorum.

Eapropter, tum & quia præfata dignitas modicè satis est dotata pro se, jure prærogativæ ex redditibus & fructibus bonorum ipsis assignandorum præcipiet florenos centum annuè cum residebit, & quinquaginta cum non residebit; & quinquaginta florenos restantes prædictus primus Canonicorum, & quod supererit æqualibus portionibus dividetur inter præfatos Decanum existentem Canonicum & Canonicos Confratres ejus, deductis primùm & ante omnia sumptibus & impensis faciendis pro dictis Missis & duobus Anniversariis, ut infra dicitur.

In initio verò cujuscumque anni fiet dicta repartitio, quomodo in ejus decursu hebdomadatim præfata Missæ celebrandæ sint, cujus repartitionis quilibet dictorum Canonicorum particularem habebit declarationem ejus quod sibi facere incumbet, & præfatus Decanus generalem aliquam, ut ex ea possit discernere an quisque eorum adimpleat ordine designato Missas sibi injunctas: qui verò inter dictos Canonicos non erunt Presbyteri, neque partem, neque portionem bonorum hujus fundationis habebunt, quanto tempore Presbyteri non erunt, sed ipsorum portio simul & Missæ oneris ipsorum æqualiter distribuentur inter alios Canonicos Presbyteros; neque etiam Fundationis participes erunt Canonici foranei, aut absentes, nisi prædicti absentes substituunt aliquem ex numero præfatorum Canonicorum suis expensis.

Quod si contingat aliquem dictorum Canonicorum residentium, morbo, invaliditudine, aut alio impedimento legitimo detineri, ut non posset obligationi dictarum Missarum per se ipsum satisfacere, poterit curare, ut id fiat per alterum; modò faciat, ut dictus morbus aut impedimentum præfato Decano innotescat, tum simul, cui Sacerdoti aut Religioso curam istam seu dederit, seu dare desideret, idque ideo, ut ipsi pro quacumque Missâ celebranda ex redditibus dictorum bonorum dentur in eleëmofynam decem asses, qui detrahentur de competenti portione dicti Canonici aut Canonicorum infirmorum & impeditorum.

Quod si aliquis præfatorum Canonicorum contentus fuerit obligationi alterius satisfacere, præferetur quibusvis aliis Sacerdotibus, vel Religiosis; atque tunc inter ipsos curabit dictus Decanus fieri distributionem quantum maximè poterit æqualem.

Si contingat, dictum Capitulum non adimplere omnia quæ supra dicta sunt, suâque culpâ in defectu persistere, semelque aut bis ex parte nostra aut dictorum Successorum nostrarum commoniti, non emendaverint neque satisfecerint, liberum licitumque erit Nobis seu Successoribus nostris Ducibus & Ducissis Brabantiaë omni & quovis tempore dicta bona recipere, eaque transferre, atque cuipiam Ecclesiæ aut Monasterio donare, ut per eorum seu Clerum seu Religiosos, dictæ Missæ & Anniversaria celebrentur, prout cum ipsis conventum fuerit.

Atque ut tanto firmiùs celebratio dictarum Missarum & Anniversariorum constituatur, si quis Canonicus in sua parte deficiat, per culpam suam aut negligentiam, à præfato Decano, aut in ejus absentia à primo post ipsum mulctabitur viginti assibus in singulas Missas neglectas, qui distribuentur inter alios Canonicos & Presbyteros, qui defectui supplebunt.

Si autem in dicta Ecclesiâ tam pauci forent Canonici residentes, ut per ipsos satisfieri nequiret celebrationi antedictarum quatuor Missarum privatarum indies, eo casu tantummodo obstricti erunt eas dumtaxat celebrare quas commodè poterunt, par-

rien-



tientes Missas restantes inter alios Presbyteros qui equidem illas in Ecclesia præfata, & non alibi, celebrare debebunt, quibus etiam distribuetur integra portio emolumenti, quæ alias pertineret ad Canonicos Missarum dictarum celebrationi obstrictos.

Celebrabuntur verò dictæ Missæ durante nostrâ amborum vitâ de Sancto, aut de Festivitate quæ occurret, pro salute personarum nostrarum, felicitate & bono successu rerum nostrarum, & solatio animarum Prædecessorum nostrorum. At verò quacumque feriâ quintâ, si non incidat in eam diem festum aliquod solemne, dictæ quatuor Missæ privatæ celebrabuntur de Sancto & Venerabili Sacramento.

Et post obitum nostrum aut alterius nostrum, celebrabuntur omnes pro solatio animarum nostrarum & dictorum Prædecessorum nostrorum & felicitate Successorum nostrorum Ducum & Ducissarum Brabantiae, Dominorum & Dominarum hujus Belgii, & in diebus Paschatis, Pentecostes, Omnium Sanctorum, Nativitatis, Dominicis, Festis B. Virginis & Apostolorum, S. Michaëlis, S. Gudulæ aliisque similibus, celebrabuntur omnes quatuor secundum diem & festivitatem occurrentem, & à quovis celebrantium in fine cujusvis dictarum Missarum legetur Responsorium de Defunctis, durante nostrâ amborum vitâ pro animabus Prædecessorum nostrorum, & post obitum nostrum pro solatio nostrarum, prout dictum est.

Celebrabuntur autem dictæ quatuor Missæ super Altare Sacelli S. Sacramenti miraculosi in præfata Ecclesia, & non alibi. Ad quod inchoandum, curabimus subministrari nostris expensis Casulam, Albam, Cortinas, Calicem, atque omnia ulterius ad dictum Officium requisita, secundum specificationem quæ desuper fiet. Eâ conditione ut præfati Decanus & Canonici obstringant se ad illa in perpetuum facta conservanda, & cum opus fuerit, renovanda suis impensis & sumptibus, tam honorificè quàm nostro & Successorum nostrorum honori convenit, subministrando jam nunc & deinceps perpetuò insuper luminaria panem atque vinum.

Quæ Casula, Alba, Cortinæ & alia ornamenta custodiri debebunt in Sacello, quod ædificatum & ponè majus Altare Chori S. Sacramenti miraculosi in dicta Ecclesia, eritque antedictum Sacellum usui præfatorum Decani & Canonicorum, ut inibi induantur tanquam in Sacratio, committentque ipsi suis expensis ædituum, seu ministrum aliquem, qui custodiat & reponat dicta ornamenta.

Insuper etiam obstringent se præfati Decanus & Canonici pro se suisque Successoribus, ad faciendum & celebrandum duo Anniversaria quotannis in perpetuum in magno Choro supradictæ Ecclesiæ pro animabus nostrorum Prædecessorum, donec vixerimus; quorum alterum fiet sub Octavam omnium Sanctorum die minùs impeditâ Officio, & alterum mense Febuario; & post obitum alterius nostrum, fiet unum dictorum Anniversariorum pro illo quotannis ipsâ die obitus sui, eodemque modo fiet, cum Deus ex hoc modo evocaverit alterum; nisi propter Dominicam aut Festum solemnius fieri non possit; quo casu transferentur in diem proximiorum & minùs impeditam.

Obstringetur dictum Capitulum tempestivè significare & notam facere diem quâ unumquodque Anniversariorum celebrabitur, Nobis & Ducibus & Ducissis Brabantiae Successoribus nostris, aut eorum pro isto tempore Provinciarum Præfectis generalibus; debebuntque insuper curare ut prædicta dies populo annuntietur Dominicâ præcedente in concione prima, ut qui piè affecti fuerint Officio possint interesse.

Jubebunt etiam pro quolibet Anniversario pulsari quater maximas campanas, primum eo tempore quo inchoabuntur Virgiliæ, secundò eadem die sub Vesperam, horâ in hujusmodi casibus consuetâ, tertio die sequenti horâ sextâ matutinâ, & quartum dum inchoabitur Sacrum, quod immediatè subsequetur Missam solemnem ordinariam isti diei propriam.

Duorumque horum tempore Officiorum obstringentur dicti Decanus & Canonici curare, ut circumvestiatur magnus Chorus præfata Ecclesiæ panno, aut crispo lano nigro suis sumptibus & expensis, atque ut tumulus dictorum Ducum & Ducissarum tegatur umbellâ serici heteromalli, qualem Nos ad eum finem fieri jubebimus pretiosè ornatam talibus insignibus & inscriptionibus, prout convenire judicaverimus, quam umbellam ipsi factam debebunt conservare; & cum opus fuerit eadem formâ renovare.

Circum tumulum debebunt ardere viginti quatuor tædæ toto dictorum duorum



Officiorum tempore, sex magnæ candelæ in Altari summo, & aliæ quatuor in Choro, suis quatuor æneis candelabris impositæ, sumptibus & expensis præfatorum Decani & Canonicorum.

Dictus Decanus celebrabit Officium supradictarum Vigiliarum & Missarum, eo-que absente aut extra hanc urbem impedito dignior Canonicorum post Cantorem; qui Cantor cum seniore Canonico præsidebunt Choro, induti pluvialibus nigris, ceteris ad latera assistentibus in habitu Chori.

Fientque dictæ Vigiliæ cum tribus Lectionibus secundum ritum Romanum, cum Laudibus, post quas dicetur absolutio supra dictum tumulum per præfatum digniorem Canonicorum. Prima supradictarum Lectionum cantabitur Musicæ à Cantoribus, secunda cantu Gregoriano per aliquem Canonicum minorem aut Sacellanum, & similiter tertia per digniorem dictorum Canonicorum, *Benedictus* & *Magnificat* \* Musicâ rudiori, Absolutio supra tumulum musicè, prout & Missa, eaque finitâ, Absolutio supra dictum tumulum.

\* *Faux Bourdon.*

Ipso die quo celebrabitur Missa dicti Anniversarii, distribuunt centum panes, singulos valoristrium assium pauperibus totidem, duodecim designandis à præfatis Decano existente Canonico per plumbeta aut aliam tesseram, & singuli præfatorum Canonicorum eligent singulos octo, modò Presbyteri fuerint: si verò non resideant tam multi, residentes repartientur inter se plumbeta absentium & deligent pauperes quos voluerint.

Præfatus Decanus, aut qui eo absente peraget Officium, habebit pro sua præsentia in Officio singulorum prædictorum dierum tres florenos; Presbyter qui ei assisteret pro quolibet Officio pro sua præsentia & assistentia decem asses, Diaconus & Subdiaconus pro ministerio in Missa & præsentia sua singuli decem asses, Cantor ejusque collega pro sua præsentia & præsentia singuli pro quolibet Officio unum florenum, ipsorumque duo Vicarii pro assistentia & præsentia in duobus Officiis singuli unum florenum; Canonici majores in quolibet Officio decem asses, Magistri Cæremoniarum & Accensus virgatus totidem; Canonici minores & Sacellani singuli quinque asses pro singulis præsentis.

Canonici qui eodem, die, quo dicta Anniversaria fient, Missam celebraverint, Collectamque pro Defunctis dixerint, habebunt asses quinque, Canonici minores & Sacellani tres. Atque, hæc omnia mediante assignatione sufficiente bonorum & fundorum terræ, infra exprimendorum.

Ad quæ omnia & singula supradicta præstandum & solvendum, præfati Decanus & Canonici obstringent se ipsos & suos Successores in perpetuum, sicut dictum est, tradentque Litteras suas reciprocas obligationis susceptæ in forma debita & luculenta, ita ut neque unquam neque in futurum possint se desuper excusare; nisi fieret ut redditus dictorum bonorum & possessionum ipsis assignatarum pro dicta Fundatione, five bello five alio casu sine ipsorum culpa diminueretur ultra unam tertiam modernorum proventuum. Quo casu non erunt obligati aliter quàm secundum proportionem fructuum quos inde recipient, usque dum prædicta bona referant antecedentes proventus, postquam id Nobis aut Successoribus nostris indicaverint.

Notum facimus quod Nos, his de quibus supra consideratis, cupientes ad effectum deducere in perpetuum Fundationem dictarum quatuor Missarum privatarum, duorum Anniversariorum, eleëmofynæ, distributionum, & omnium quæ inde dependent, post maturam consilii deliberationem, ex judicio Nobis planè dilectorum & fidelium Præsidum, Thesaurarii generalis & Delegatorum ad nostra Dominia & Financias, ex nostra certa scientia, potestate & auctoritate, pro Nobis, heredibus nostris & Successoribus, Ducibus & Ducissis Brabantiae, Comitibus & Comitissis Hannoniae, Dominis & Dominabus Valencenarum, donaverimus, cesserimus & transferimus, donemus, cedamus & transferamus propter Deum in eleëmofynam, & ad effectum de quo supra, præfatis Decano & Canonicis dictæ Ecclesiæ S. Gudulæ in Urbe nostra supradicta, amodo & Successoribus eorum nonaginta quatuor jugera, tres quartas aut circiter pratorum, quæ nominantur *les-Prets-le-Comte*, quodlibet jugerum quinque \* mencaldorum, ad Nos spectantia sub Questura Domini nostræ † Aulæ in dictis Valencenis, libera à jurisdictione Toparchiarum vicinarum, & sita intra territoria *Domraingy*, *Vy* & *Frasne*, simul cum iis comprehenso prato, quod vocatur ‡ *Apparitoris*; quod continet jugerum unum. Quæque prata modò ‡ per auctiones publicas locata sunt diversis personis in sexdecim portionibus, pro summa mille quin-

\* *Mencalds.*

† *De la Sale.*

‡ *Du Sergeant.*

‡ *Par recours publics.*



quingentarum & octo librarum & quindecim assium annuè, librâ æstimatâ quadraginta grossis Monetæ nostræ Flandricæ, quæque locatio finietur ultimâ Septembris millesimo sexcentesimo septimo;

Ut præfati Decanus & Canonici eorumque Successores illa teneant, iis gaudeant, illaque possideant semper atque in perpetuum libera & exempta ab omnibus censibus & redditibus, \* vectigalibus nobilibus, & cum eadem ipsâ libertate & exemptione, quâ Nos ipsi usque ad præsens iis gavisi sumus, illaque possedimus.

\* Charges  
Foncières.

Sub onere & conditione, ut satisfaciant ipsique adimpleant bene ac debitè celebrationem dictarum quatuor Missarum quotidie, duorum anniversariorum annuè, distributionem, luminaria, subministrationem & conservationem ornamentorum & præstationes, nihil omnino excepto, ut gaudeant dictis pratis à die datæ harum & deinceps ad ratam reddituum.

Cum autem & inceperint facere & celebrare dictas quatuor Missas privatas, ad eum effectum separavimus & distraximus, separamus & distrahimus à nostro Dominio in dictis Valencenis prædicta prata, per has memoratas præsentis; idque omnino, non obstantibus nostris Ordinationibus & Edictis, illisque Prædecessorum nostrorum in contrarium, statuentibus ut nullis Ecclesiasticis, Abbatibus, Prælatibus, Capitulis aut aliis à \* caducaria legè immunibus liceat novas facere acquisitiones, aut jure hereditario obtinere fundos, redditus, census, aut alia bona. Quibus Ordinationibus & Edictis, respectu hujus modò institutæ Foundationis, cessionis & transcriptionis, per hæc derogavimus & derogamus, atque ex ampliore nostra gratia prædicta prata \* jure caduci liberavimus & † liberamus, atque hæc universim sub oneribus & conditionibus prædictis.

\* mortes  
mains.

\* avons  
admorti.  
† ad mortu-  
tiffons.

Idque eâ conditione, ut præfati, Capitulum Decanus & Canonici tradant Litteras suas promissionis, obligationis & reciprocas in bona & rata forma pro se, suisque Successoribus, continentes planè dilucidè atque amplè, quod per nonaginta quatuor jugera tres quartas pratorum, agnoscant sibi abundè & ad beneplacitum suum provolum, dotatum & factum esse satis, idque ad manus Præsidis & Senatorum Cameræ Rationum in Brabantia, ut ibidem pro nostra securitate asserventur, ad eas recurtius habeatur cum opus fuerit.

Quæ omnia supra dicta & singula eorum, Nos pro Nobis ipsius, heredibus nostris & Successoribus Ducibus & Ducissis Brabantiæ, Comitibus & Comitissis Hannoniæ, Dominis & Dominabus Valencenarum promissimus & promittimus per hæc, fide Principis præstare & præstari facere, fovere & observare; ita ut nec inferamus nec inferri patiamur à quoquam, quisquis fuerit directè seu indirectè quocumque modo, turbationem, aut impedimentum ullum in contrarium.

Et propter ampliorum ipsorum securitatem & Successorum eorum, renuntiavimus & renuntiamus per hæc præsentis omnibus juribus Regiis, aliisque quæ Principes possent exigere, omnibusque quæ quis posset aut vellet allegare ad impugnandum aut irritam faciendum modò institutam Foundationem, Donationem, Cessionem & Transcriptionem, quin imò & juri quo asseritur, generalem renuntiationem non subsistere, nisi peculiaris præcesserit. Atque ubi dictus noster Quæstor Valencenarum has dictas præsentis intulerit, *Vidimus* aut earum Copiam authenticam; volumus & statuimus ut memorata nonaginta quatuor jugera tres quartæ pratorum eradantur ex Quæstura computuum ejus, sintque tam ipse quàm ejus Successores in munere in potterum exonerati, ut non desuper ulterius rationem reddant quocumque modo.

Quapropter mandamus, Nobis admodum caris & fidelibus Primis Præsidibus & personis nostrorum Sanctioris & Magni Conciliorum, Concilio Montensi, prædictis nostrarum Financiarum Præsidi & personis nostrarum Rationum Insulis, nostro Præposito-Comiti in dictis Valencenis, dicto nostro Quæstori ibidem præsentis & futuro, omnibusque aliis nostris Iustitiæ & Officiorum administris & subditis ad quos hoc pertinebit, ut hæc nostrâ præsentis Cessione & Transcriptione iis conditionibus, secundum & juxta modum, prout dictum est, ipsi & eorum singuli faciant, patiantur & sinant præfatos Decanum & Canonicos memorati Capituli S. Gudulæ in hac Urbe nostra Bruxellensi, ipsorumque Successores integrè, pacificè & perpetuò frui & uti, neque ipsis faciant, inferant aut moveant turbationem ullam aut impedimentum in contrarium, procedentibus dictis Financiarum nostrarum, atque iis qui rationum nostrarum Insulis curatores sunt ad verificationem & inscriptionem harum dictarum præsentium, juxta formam & tenorem suum absque ulla contradictione aut difficultate.

Prevoost-  
le-Comte.



Quibus Curatoribus Rationum nostrarum Infulis præfati Decanus & Canonici pariter tradere debebunt Copiam authenticam Litterarum suarum obligationis, promissionum atque recipiarum, eo non obstante quod per Edicta antè facta super administratione nostrarum Dominiorum & Financiarum inter alia diserte prohibitum sit, ne dicta nostra Dominia vendantur, onerentur, oppignorentur aut alienentur, quod nullatenus volumus in ipsorum præjudicium cedere, verum ab eo ipsos exemimus & exemimus per hæc dictas præfatos, perque illas præfatos Financiarum & Rationum nostrarum, aliosque omnes nostros Officiorum administratores jurejurandi obligatione per ipsos respectivè præstiti quoad conservationem & observationem prædictorum Edictorum absolvimus, illis attamen quoad cetera persistentibus in suo robore & vigore, non obstantibus etiam quibuscumque aliis nostris Edictis, restrictionibus, mandatis aut inhibitionibus huic contrariis. Quoniam ita Nobis placet.

Quod ut firmum sit & in perpetuum stabile, dictas præfatas Sigillo nostro jussimus muniri, jure nostro in aliis salvo atque alieno in omnibus.

1605.

\* Id est  
Aurei Velleris.  
† Chiefs.

Datum in Urbe nostra Bruxellensi, mense Martio anno gratiæ millesimo sexcentesimo quinto. Inferius scriptum est: De mandato Archiducum,

Marchio de Havre Eques \* Ordinis,

Baro de Haveskercke Toparcha de Vendegies † Præfides,

Dominus Johannes de Drenckwairt, Eques Toparcha de Dormale, Thesaurarius generalis,

Philippus Stercke,

\* Commis.

Joannes Dennetieres, \* Curatores Financiarum, & alii præfatos.

Signatum Verreyken.

Anno 1606. die 7. Aprilis iidem Principes ad augendum Dei cultum, tria in hac eadem æde fundarunt Sacra quotidiana, unum item Anniversarium in Februario XXII. die celebrandum pro animâ *Ernesti* Archiducis Austriae, qui *Alberti* frater summa cum laude *Philippi II.* Regis Catholici nomine paucis antea annis Belgium, Burgundiamque gubernarat.

Erecti vel nominati sunt ex hoc Canonicorum Collegio ad Episcopalem dignitatem sequentes.

*Vesontinam.* FRANCISCUS BUSLEIDEN.

Anno 1502.

*Cameracensem.* MAXIMILIANUS A BERGHES.

1559.

*Mechliniensem.* JOANNES HAUCHINUS.

1583.

*Tornacensem.* MAXIMILIANUS MORILLON.

1583.

*Buscoducensem.* LAURENTIUS METZIUS.

1570.

*Gandensem.* PETRUS DAMANTIUS.

1590.

*Antverpiensem.* JOANNES MIRÆUS.

1604.

*Iprensem.* MARTINUS PRATS.

1665.

*Ruræmondensem.* LANCELOTTUS DE GOTTIGNIES.

1672.

*Antverpiensem.* JOANNES FERDINANDUS DE BEUGHEM.

1679.

*Ad Antverpiensem nominatus est* PHILIPPUS NIGRI.

1561.

*Ad Audomarensensem.* JACOBUS PAMELIUS.

1586.

Habuit & Episcopum Trapezuntinum.

*Damus* hic exactam seriem Decanorum hujus Capituli; prout a Viro primario hujus Capituli ex archivis ejus accepimus.



# DECANI ECCLESIAE COLLEGIATAE S. GUDULAE.

- I. D. TAYDO. anno 1047.
- II. MARCUS.
- III. PETRUS.
- IV. ARNOLDUS.
- V. MICHAEL notus *S. Bonifacio*.
- VI. ALBERTUS.
- VII. PETRUS DE BURGUNDIA. anno 1132. qui fuit Archidiaconus Cameracensis.
- VIII. BALDUINUS. anno 1134. & 1143.
- IX. GODESCHALCUS. 1174.
- X. BONIFACIUS. 1216.
- XI. GODEFRIDUS. 1222.
- XII. AMELRICUS. 1257.
- XIII. MAURITIUS. 1267.
- XIV. JOANNES PIPENPOY. 1273.
- XV. FRANCO PYLEYSER.
- XVI. HENRICUS PROCHIAN. Fundator Capellaniarum *S. Jacobi & S. Catharinae* anno 1259.
- XVII. JOANNES VANDER HELLEN. Fundator Capellaniae *S. Laurentii* 1290.
- XVIII. HENRICUS COCKE.
- XIX. NICOLAUS CLOPPER.
- XX. HENRICUS SLABBAERT. qui & fuit Canonicus Teneramundæ, ibique fundavit anno 1343. Domum S. Spiritus obiit anno 1347.
- XXI. JOANNES SERCLAS Anno 1357. teste *C. Butkens* in Prob. Troph. Brab. pag. 195. Anno 1378. fuit evehctus ad Episcopatum Cameracensem obiit Ao. 1389.
- XXII. JOANNES STOOFS.
- XXIII. JOANNES COLUMBANUS. antea Pastor & Canonicus *S. Gaugerici* in Haeltert propè Alostum obiit Anno 1402.
- XXIV. LAURENTIUS DE BOUCHOUT. anno 1410. fuit quoque Canonicus Anderlechtii.
- XXV. GISELBERTUS DE MONTE Magister in Artibus & Medicinæ Doctor; Decanus anno 1416. item fuit Canonicus Anderlechtensis.
- XXVI. JACOBUS VANDER HORST. Legum Doctor, recensetur anno 1429. inter primos Professores Academiae Lovaniensis.
- XXVII. ARNOLDUS DE REYSENAELDE, Bredanus Decretorum Doctor, inter primos quoque Jurium Professores in Academia Lovaniensi enumeratur, vivebat anno 1440.
- XXVIII. MARTINUS DE STEENBERGHE Secretarius ac Grapharius Ordinis Aurei Velleris, cui officio renunciavit anno 1468. Decanatum vero Sæ. Gudulæ dimisisse videtur ab anno 1446. Obiit plenus dierum die 9. Octobris 1491.
- XXIX. JOANNES COREMANS anno 1448.
- XXX. MATHEUS DE BRAKEL Consiliarius & Eleemosynarius Ducis Burgundiæ fuit Decanus anno 1455. recensetur quoque inter Præpositos



tos ad Sanctam Pharaïldem Gandavi & Sanctam Mariam Brugis. Obiit anno 1458.

XXXI. MARCUS DE STEENBERGHE. Decretorum Doctor & Professor in Academiâ Lovaniensi. Erat Decanus S. Gudulæ anno 1487. Fuit quoque Præpositus Ecclesiæ Sti. Hermetis Rothnaci. Obiit 1507.

XXXII. GEORGIUS DE THEMSICKE J. U. D. primum Consiliarius Ecclesiasticus in Magno Senatu Mechliniæ, dein assumptus in Concilium Sanctius Bruxellis, fuit Decanus anno 1491. dein Decanus S. Petri Casleti, & S. Salvatoris in Harlebecâ, item Persona seu Præpositus Harlemi. Vivebat adhuc 1530.

XXXIII. NICOLAUS EVERARDI. Zelandus J. U. D. ac Professor in Academia Lovaniensi, fuit Officialis Episcopi Cameracensis in Urbe Bruxellensi. Anno 1498. Decanus Anderlechtensis. Hinc anno 1506. Decanus ad S. Gudulam Bruxellis, exinde relicto Statu Ecclesiastico factus Senator magni Senatus Mechliniæ; dein 1509. Præses Curiae Hollandiæ. Denique Præses præfati Magni Senatus. Vivere desit anno 1532.

XXXIV. JOANNES GODEFRIDI, de Wemelinghem Zelandus J. U. D. ac Professor in Academiâ Lovaniensi. Erat Decanus S. Gudulæ anno 1519. fuitque Conservator Privilegiorum Academiæ Lovaniensis. Obiit anno 1525.

XXXV. REINERUS STOOPS. Cameracensis anno 1526. Post hunc nominatus est ad Decanatum *Petrus Vorstius* Episcopus Aquensis & Inter-Nuntius Apostolicus; sed possessionem non adiit.

XXXVI. PHILIPPUS NIGRI Cancellarius Ordinis Aurei Velleris. Concilii Sanctioris Senator, Præpositus Harlebecæ, & ad S. Pharaïldem Gandavi; Decanus quoque S. Gudulæ Bruxellis &c. inde primus Antverpiensium Episcopus nominatus, ante Consecrationem obiit anno 1561.

XXXVII. LAURENTIUS METZIUS. Gerardimontensis S. T. L. ex Plebano designatus Decanus. Fuit quoque Conservator Privilegiorum Academiæ Lovaniensis, anno 1570. factus Episcopus Sylvæducensis. Vivere desit anno 1580.

XXXVIII. JOANNES HAUCHINUS Gerardimontensis S. T. L. ex Decano renuntiatur Archiepiscopus Mechliniensis anno 1583. Obiit 1589.

XXXIX. HENRICUS VANDEN BROECK antea Canonicus Anderlechtii, obiit anno 1591.

XL. PETRUS PANTINUS Tiletanus S. T. L. Primo Græcarum Litterarum Professor Toleti in Hispaniâ, inde Decanus ad S. Gudulam, Delegatus Apostolicus ad exercitus Regios in Belgio, Senissimisque Belgarum Principibus *Alberto & Isabella* a Sacris Oratorii. Fuit quoque Præpositus Ecclesiæ B. M. V. Condati. Vir scriptis clarus. Obiit anno 1611. ipso die Natali Domini.

XLI. PETRUS VINCK. Vicarius Generalis Archiepiscopi Mechliniensis, & Archipresbyter districtus Bruxellensis. Obiit anno 1618.

XLII. CÆSAR CLEMENS Anglus S. T. D. antea *S. Petri* Anderlechtii Decanus, fuit quoque Vicarius Apostolicus ad exercitus Regios in Germaniâ Superiore & Inferiore & Capellanus Oratorii Regii Bruxellis. Vivere desit Bruxellis anno 1626. ætatis 65.

XLIII. PHILIBERTUS DE MOL. ex Canonico D. Gudulæ, Magistro Fabri-



brica, & Cantore Successive Decanus. Obiit die 8. Octobris anno 1637.

XLIV. CAROLUS A MANSFELT filius Petri Ernesti Comitis Mansfeldii, (qui fuit Gubernator Belgii per biennium anno 1592. dein Provinciæ & Urbis Luxemburgensis, ubi obiit anno 1604. ætatis 103.) Fuerat antea Præpositus Ecclesiæ *S. Petri* Seclinii, Consiliarius Equestris in Senatu Luxemburgensi, Vicarius Apostolicus ad Exercitus Regis Catholici, Aulæque ejus Bruxellensis Capellanus ac Cæremoniarius. Obiit anno 1647.

XLV. MARTINUS PRATS Bruxellensis J. U. L. primo Cathedralis Atrebatensis Canonicus dein Præpositus *S. Petri* Seclinii. Successit Mansfeldio in Decanatu D. Gudulæ, item in Vicariatu Apostolico ad Exercitus Regis Catholici; inde factus Cancellarius Ordinis Aurei Velleris; tandem anno 1665. Episcopus Iprensis. Obiit Ao. 1671.

XLVI. MATTHIAS MIDDEGAELS Hilvaribecanus S. T. L. Archipresbyter oppidi ac Districtus Bruxellensis, judex Synodalis ac Librorum Censor, ex Plebano Anderlechtensi, Plebanus D. Gudulæ, factus hujus Eccl. Decanus Diplomate Regio die 16. Maii 1665. Vivere desit die 22. Februarii 1673.

XLVII. JOANNES FERDINANDUS DE BEUGHEM, Bruxellensis J. U. L. Canonicus & Fabricæ Magister ad Decanatum erectus anno 1673. die 26. Martii & anno 1679. ad Cathedralam Antverpiensem, ubi obiit anno 1699.

XLVIII. GABRIEL DE LA TORRE Canonicus Eccles. Metrop. Cameraensis, creatus Decanus hujus Eccl. die 17. Novembris 1679. & die 25. Martii Anno 1681. factus est Præpositus Eccl. Cathed. Gandavensis.

XLIX. AMBROSIIUS IGNATIUS DE THOSSE Antverpiensis, Canonicus primo Sti. Gummari Liræ, creatus hujus Ecclesiæ Decanus die 8. Decembris anni 1681. Obiit anno 1694.

L. JACOBUS DE MAEYERE Bruxellensis, primo Secretarius Illustriss. *D. Alphonsi de Berghes* Archiep. Mechl., dein hujus Eccl. Canonicus, creatus anno 1684. elevatus a Rege Catholico ad Decanalem dignitatem anno 1694. die 11. Octobris. Vivendi finem fecit die 20. Februarii 1722. ætatis 79.

LI. JOANNES BENEDICTUS JOSEPH DE STOCKAERT DE TIRMONT Dom. d'Harmignies, præsens Decanus.

Basilicæ hujus novam fabricam cum geminis turribus ad quas 500. gradibus ascenditur auspicatus est *Henricus I.* Brabantix Dux, circa annum 1226. Præludium horarium cum horologicis indicibus in eis esse cœpit ad annum 1535. Biennio ante, hoc est ad annum 1533. vetus Sacellum Sacramenti Miraculosi destructum fuit, ut ædificaretur augustius & splendidius, quod hodiè videtur (ubi tres adservantur Hostiæ a Judæis confixæ Ao. 1369. purum stillantes Sanguinem, quæ hodieum ingenti hominum frequentia videntur & venerantur) Primus ibi lapis positus est per *Philippum de Lannoy* Dominum de Molenbaix Aurei Velleris Equitem nomine *Mariæ* Hungariæ Reginæ Belgium pro Cæsare fratre tum gubernante. Perfectum fuit anno 1539. & consecratum die 24. Aprilis Anno 1552. Nec parvum ornatum Sacello huic adferunt fenestræ vitreæ versus cæmeterium a Magistro *Rogério*



famossissimo Bruxellensi pictore delineatæ, in quibus notantur variæ inscriptiones videlicet *Caroli V.* Imp. *Ferdinandi* Imp. *Fancisci I.* Francorum Regis, *Mariæ* Viduæ *Ludovici* Hungariæ Regis, *Joannis* Portugalliæ Regis, *Philippi* Archiducis Austriæ, *Caroli V.* filii, *Maximiliani* Archid. Aust. *Ferdinandi Cæsaris* filii.

Ante Aram majorem seu intra suppedaneum Aræ majori antepositum visitur lapis Sepulchralis, nullis insignibus, titulis nec inscriptione ornatus ex candido marmore, sub quo quiescunt exuviæ mortales Serenissimorum Archiducum *Alberti & Isabellæ* Conjugum Belgii Principum: at vero cujus Principis exuviæ sint, melius compertum sit, solent inscriptiones loculis inferi, sic in *Alberto* factum, ejusque loculo plumbeo inserta est lamina ærea, hac Epigraphæ.

## ALBERTI.

Archiducis Austriæ  
Burgundiæ, Brabantiaque Ducis,  
Belgarum Domini,  
&  
Imperatorum  
Maximilian II. & Ferdinandi I. Augustorum  
Filii, Nepotisque,  
Isabellæ Claræ Eugeniæ  
Philippi II. Hisp. Indiarumque Monarchæ  
Filix Mariti.  
Pietate, Justitia, Clementia  
Magni & æternum memorandi Principis  
Exuviæ mortalitatis,  
Immortalitatis gloriam  
Beata resurrectionis in spe  
Hic exspectant.  
Vixerat annos LXI. Mens. VII. Diem I.  
Rexerat religiosè, prudenterque annos XXV.  
Obiit verum Christiani Principis exemplar  
Anno Christiano M. DC. XXI.  
III. Idus Julii.

*Isabellæ* autem loculo inserta hæc fuit inscriptio.

Deo.  
Et sacrae memoriæ  
Magnæ Principis  
ISABELLÆ CLARÆ EUGENIÆ  
D. G. Hisp. Infantis.  
PHILIPPI II. Regis Filix



CAROLI V. Imp. Neptis,  
Regum PHILIPPI III. & IV. Sororis & Amitæ  
ALBERTI Pii Archiducis Austriae

Principis Belgii

Pientissimæ Conjugis

Sanctimoniae, Sapientiae, Clementiae

Cæterarumque, dum Vixit in terris, Cælestium Virtutum

Incomparabilis Heroinæ

Mortales Exuviae hic sitæ sunt

Vixerat in solatium omnium annis 67. menses 3. dies 68.

Devixit summo cunctorum mærore,

Kal. Decemb. M. DC. XXXIII.

Visitur in eodem Sacello inscriptio sepulchralis Serenissimi Principis Electoralis *Josephi Ferdinandi Leopoldi, Maximiliani Emanuelis* Bavariæ Ducis filij, ut sequitur.

Hoc in Sarcophago quiescit corpus Ser<sup>mi</sup>. JOSEPHI FERDINANDI LEOPOLDI &c. Principis Electoralis Bavariæ Filii Primogeniti Serenissimorum Principum MAXIMILIANI EMANUELIS Utriusque Bavariæ Ducis Electoralis, Gubernatoris Belgii, & MARIE ANTONIÆ natæ Regiæ Principissæ Hungariæ & Bohemiæ, Arciducissæ Austriae Conjugis ejus, qui natus est Viennæ Austriae 28. Octobris Ao. CHRISTI 1692, mortuus autem Bruxellis Metropolis Brabantiae die veneris 6. Februarii intra primam & secundam matutinam Anno CH:TI 1699. Ætatis suæ annorum sex, mensium trium, & dierum novem.

Cæterum Serenissimi Belgarum Principes *Albertus Pius* & *Isabella Clara Eugenia* pro singulari suâ Religione huic Sacramento Miraculoso Coronam triplicem auream unionibus gemmisque pretiosissimis distinctam, & alia ornamenta decem aureorum millibus æstimata obtulerunt ac dicarunt.

In medio Chori hujus Basilicæ apparet Mausolæum marmoreum, cui leo æreo simulacro affabrè factus, atque inauratus, dextrâ tenens gentilitium Brabantiae scutum, super incumbit: tumulus est Serenissimorum Brabantiae Ducum, Archiducis *Alberti* pietate, munificentia & sumptu ita restauratus. Et novissimum resurrectionis diem hic expectant *Joannes II.* Brab. Dux & uxor ejus *Margareta Eduardi* Angliæ Regis & *Eleonoræ* Castellæ filia. Obiit ille anno 1312, 27. Septembris, illa anno 1318. quibus adjacet *Antonius Philippi Boni* Burgundiæ, Lotharingiæ, & Brabantiae Ducis filius, qui supremum diem clausit anno 1431. Ibidem sub terra in Hypogæo muro inscripta leguntur sequentia.

In hac tumbâ jacet *Joannes II.* Dux Lotharingiæ, Brabantiae, & Limburgiæ qui obiit Anno Domini M. CCC. XII. nec



non hic subtus jacet *Margareta Eduardi* primi Regis Angliæ filia, quæ erat conthoralis *Joannis* secundi Ducis Brabantia.

A Sinistris In hac tumbâ nobilis *Antonius* filius primogenitus Illustriss. Strenuiss. Principis *Philippi* Burgundiæ, Lotharingiæ, Brabantia, Limburgiæ Ducis moderni, nec non Flandriæ, Artesiæ, Burgundiæ & Namurcensis Comitis, qui quidem *Antonius* obiit anno M. CCCC. XXXI. quinta die mensis Februarii.

Ibidem sub terrâ suprâ Thecam vel cistam egregiè ornatam.

Ernestus Dei gratia Archidux Austriæ, Dux Burgundiæ, Stiriæ, Carinthiæ, Carniolæ, Wittenbergiæ, Comes Habsburgi, Tirolis, Maximiliani II. Imperatoris filius, Belgicarum Provinciarum Gubernator, moritur Bruxellis anno M. D. XCV. Die XX. Febr. Ætatis suæ anno XLI. mens. VIII. D. V.

In Choro vero ad latus Epistolæ, ejusdem Mausolæum spectatur, ejusque Symbolum: *Soli Deo gloria*: ex Cœnotaphio Principem nosce:

Memoriæ Serenissimi Principis  
ERNESTI Archiducis Austriæ  
MAXIMILIANI II. Imperatoris filii.  
EX MARIA CAROLI Imp. filia  
FERDINANDI I. nepotis.  
MAXIMILIANI I. abnepotis  
RUDOLPHI II. fratris:

Qui cum regnum Hungariæ & finitima loca per annos XVII.  
fortiter feliciterque administrasset  
ad Belgii gubernacula

a PHILIPPO Rege II. Avunculo vocatus  
ejusdem Provinciæ.

etsi brevi XIII. mensium spatio  
cum æterna sua laude, & gratia rexit.

In avita religione, in pace, in Imperio reducendo,  
intentus.

In iisdemque curis mortuus anno M. D. xcv. x. Kal. Mart.  
cum vixisset annis XLI. menses VIII. dies V.

Posuit ALBERTUS Archidux Austriæ, Belgii Princeps  
Singulari in fratrem affectu,  
ejusque corpus,

Ex adverso Ducum Brabantia tumulo reliquit,  
Monumentum hæc voluit extare.



Chorum hujus Basilicæ præterea non parum exornant Scutorum gentilitiorum Equitum Ordinis Aurei Velleris hinc inde depictæ imagines, in memoriam quod non semel hæc fuerunt celebrata Ordinis Comititia. I. *Philippo Bono* Ordinis Institutore anno 1435. & cum non constaret de cujuspiam Equitis obitu, nulli fuerunt novi electi. Deinde sub *Philippo Pulchro* anno 1501, & sub *Carolo V.* anno 1516. atque in demortuorum Equitum locum alii electi; horum nomina & titulos, quemadmodum Gallico idiomate in Archivis conscripta leguntur subjicio:

Electi in Comititiis XVI. habitis anno 1501. sub *Philippo Pulchro* Ordinis supremo Principe IV.

*Wolfgang Seigneur de Polheim.*

*Eitelrich Comte de Zollern.*

*Cornille de Berghes Seigneur de Zevenberges.*

*Philippe Bastard de Bourgoigne Admiral, Seigneur de Somerdyck.*

*Michiel de Croy Seigneur de Sempy.*

*Jean de Luxembourg, Seigneur de Ville.*

*Charles d'Autriche, Duc de Luxembourg depuis Roy d'Espagne, & Empereur V. du nom.*

Sub Rege *Carolo V.* Ordinis Supremo Principe in Comititiis XVIII. habitis anno 1516. electi.

*Treshaut, tresexcellent & trespuissant Prince François I. Roy de France I. du nom.*

*Don Ferdinand Infant d'Espagne, Archiduc d'Autriche, depuis Empereur I. du nom.*

*Frederic Comte Palatin Duc en Baviere Eleeteur.*

*Jean Marquis de Brandenburg.*

*Guy de la Baume Comte de Montreveil.*

*Hoier Comte de Mansfelt.*

*Laurent de Gorrevod Marquis de Marnay.*

*Philippe de Croy Comte de Porcean.*

*Jacques de Gavre Seigneur de Fresin.*

*Antoine de Croy Seigneur de Thou & de Sempy.*

*Antoine de La Laing Seigneur de Montigny.*

*Charles de Lannoy Seigneur de Senzelle.*

*Adolph de Bourgoigne Seigneur de De Beures.*

*Philibert de Chalon Prince d'Oranges.*

*Felix Comte de Werdenbergh.*

Et quemadmodum in iisdem Comititiis pro complendo numero quinquagenario per *Carolus* Regem instituto, XX. electi fuerunt Equites, eorum quoque nomina & titulos ordine prosequar.



*Tres haut, tres excellent & tres puissant Prince Emanuel Roy  
de Portugal I. du nom.*  
*Tres haut, tres excellent, & tres puissant Prince Louis Roy d'Hongrie.*  
*Michel Seigneur de Wolckensteyn.*  
*Maximiliain de Hornes Seigneur de Gaesbeke.*  
*Guillaume Seigneur de Ribaupiere.*  
*Jean Baron & Seigneur de Trazegnies.*  
*Jean Seigneur de Waffenaer, Vicomte de Leyden.*  
*Maximiliain de Bergbes Seigneur de Zevenberges.*  
*François de Melun Comte d'Espinoy.*  
*Jean Comte d'Egmont.*  
*Don Fabrique de Toledo, Duc d'Albe.*  
*Don Diego Lopes Pacheco Duc d'Escalona.*  
*Don Diego Hurtado de Mendoza, Duc de l'Infantado.*  
*Don Inigo de Velasco, Duc de Frias, Conestable de Castille.*  
*Don Alvaro de Zuniga Duc de Vejar.*  
*Don Antonio Manrique de Lara, Duc de Najara.*  
*Don Ferdinand de Remon-Folck, Comte de Cardona.*  
*Don Pedro Antonio Sanseverino, Duc de San-Marco, Prince  
de Bisignano.*  
*Don Fabrique Henriques de Cabrera, Comte de Modica, Ad-  
miral de Castille.*  
*Don Alvaro Perez Osorio, Marquis de Astorga, Comte de Tra-  
stamara.*

Cæterum hæc Basilica Anno 1707. circumscæpta est illustribus & magnificis Balustris, & gradibus quasi Regalibus ex patrio marmore, ad quam ex inferiori parte ad eam ascenditur.

Secunda Parochialis non vetustate, sed dignitate est *S. Jacobi* Frigidi Montis vernaculè *Cauwenbergh*, in quâ Præpositura Ord. *S. Augustini* in Monte Palatino, adscitum Palatio Ducis Brabantiae, quam licet vulgo credant & putent *Ludovicum Pium* instituisse anno 830. tamen ex Diplomati- bus ait *J. B. Gramaye* „scio *Henricum I.* anno 1228. Ecclesiam *D. Ja-* „ *cobi de Frigido Monte* contulisse Canonicis Regularibus ibidem Deo famu- „ lantibus perpetuo possidendam. An autem *Godefridus* Dux Cœnobii jecerit „ fundamenta, præterquam quod tradunt Historici ignoro.”

Quoad initium foundationis hujus Cœnobii attinet fieri potuit, ut qui primo hic Regulares constituti fuêre Capellani tantum fuerint ipsius Aulæ ad officium divinum nocturnum atque diurnum istic decantandum deputati vel ut seculares Canonici, sed in eodem loco ac Societate viventes ut Religiosi, nisi forte dicatur etiam quod lapsu temporis ea vivendi ratio tale detrimentum passa fuerit, ut ex Regularibus Canonicis plane defecerit ad seculares. Constat interim post aliquot secula VIII. Canonicos qui cum Præposito suo hoc in Cœnobio convivebant oprasse & rogasse assignari sibi Regulam *S. Au-* gu-



*gustini* quod *Godefridus* Cameracensis Episcopus ipsis concessit anno 1228. datae sunt litterae consensus Capituli ejusdem anni.

*A. Miræus* in Not. Eccl. Belg. Cap. CXXX. novæ edit. profert Diploma quo *Henricus I.* Brabantiae Dux, ejusque frater *Guilielmus* de Peruwes & Rusebroeck dotant Coenobium *S. Jacobi* in Monte Frigido Anno 1201.

*Alexander IV.* Pont. Concedit ut Canonici Regulares Frigidi Montis possint obtinere in Ecclesiâ *S. Gudulae* Bruxellis unam Præbendam anno 1257. refertur in Supplem. Diplom. *A. Miræi* novæ edit: part. 2. Cap. 106.

*Philippus Bonus* Burgundiae ac Brabantiae Dux Anno 1460. cedit Præposito Montis Frigidi jus Patronatus in quasdam Ecclesias Ducatus Limburgensis; refertur Diploma in præfato Supplem. part. 2. cap. 140. novæ edit. sequuntur hic tria hæc Diplomata.

Notum sit tam præsentibus quàm futuris, quod Ego *HENRICUS* Dux Lotharingiae terram in *Rusbruc*, quæ *Wilhelmi* Sacerdotis fuit, quam *WILHELMUS* *Rusebroeck.* Frater meus à censu annuo, ab omni jure suo & ab omni exactione liberam mihi resignavit & defestucavit, in usus Canonorum *S. Jacobi* in *Caldenberga* liberam contuli, & Sigillorum, mei videlicet & *Wilhelmi* Fratris mei attestazione, & Testium subscriptione corroboravi. Testes *Cauwenbergh.*

*Sigerus* Cameracensis Archidiaconus in Brabantia,

*Michaël* Parochianus,

*Arnoldus* Notarius,

*Heinricus* Villicus,

*Alardus* Rapa,

*Arnoldus* de Bigardis,

*Hugo* Waurus,

*Walterus* Bach.

Actum anno Incarnationis Domini millesimo ducentesimo primo.

1201.

Ego *WILLELMUS*, Dominus de Peruwes & de Rusebruc, omnibus hoc Scriptum intuentibus in perpetuum. Scire vos volumus, quod *Willelmus* devotus Sacerdos terram quamdam XII. bonaria continentem, inter terram arabilem & prata, à parentibus suis hereditariò jure ei relictam, in *Rusebruc* nostro Dominio jacentem, liberè & absolutè per Scriptum Domini & Fratris nostri Ducis Lotharingiae in elemosynam contulit Ecclesiæ *S. Jacobi* de *Caldenberga*, ad usus Clericorum ibidem Deo deservientium. Censum verò & exactiones, quas eadem terra nobis debuit, prædictæ Ecclesiæ contulimus in elemosynam perpetuam liberrimè possidentiam.

Et ut hoc nostrum Scriptum perpetuâ firmitate roboratum teneatur, Domini & carissimi Fratris nostri Sigillo ac nostro duximus utile Paginam præsentem communi.

Hujus facti Testes sunt,

*Magister Sigerus* Cameracensis Archidiaconus,

*Heinricus* Bruxellensis Decanus,

*Magister Michaël*,

*Arnoldus* Ducis Protonotarius,

*Henricus* de *S. Joanne*, de *Aerscoet*, &

*Henricus* de *Hilduberga*.

*ALEXANDER* Episcopus Servus Servorum Dei, dilectis Filiis Præposito & Conventui Monasterii Frigidi Montis de *Bruxella* Ordinis Sancti Augustini Cameracensis Diocesis, salutem & Apostolicam Benedictionem. *Ex Archivis MS. Capituli Anderlechts.*

Cum à Nobis petitur quod justum est & honestum, tam vigor æquitatis quàm ordo exigit rationis, ut id per sollicitudinem officii nostri ad debitum perducatur effectum.

Sane petitio vestra Nobis exhibita continebat, quod dilectus Filius noster *P. Sancti Georgii* ad Velum aureum Diaconus Cardinalis tunc in partibus Alamanniæ Apostolicæ Sedis Legatus ob tenuitatem reddituum Monasterii vestri præfati, Auc-



toritate suæ Legationis Vobis per suas concessit Litteras, ut in S. Gudulæ de Bruxella Cameracensis Diœcesis unam Præbendam, si Nobilis Vir Dux Brabantiae Patro-  
nus ipsius Ecclesiæ, ac Decanus & Capitulum ejusdem Ecclesiæ, ad collationem  
quorum & præsentationem spectant Præbendæ ipsius Ecclesiæ, ipsam Vobis confer-  
re voluerint, licitè recipere ac retinere libere valeatis, & in eadem Præbenda per  
aliquem de vestris Canonicis facere deserviri.

Nos itaque vestris supplicationibus inclinati, quod super hoc ab eodem Cardinali  
providè factum est, ratum & gratum habentes, dummodò ad id Diœcesani accedat  
assenfus, id Apostolicâ Auctoritate confirmamus, & præsentis Scripti Patrocinio  
communimus.

Nulli ergo omnino hominum liceat hanc Paginam nostræ Confirmationis infringere,  
vel ei ausu temerario contraire. Si quis autem hoc attentare præsumperit, indi-  
gnationem Omnipotentis Dei & Beatorum Petri & Pauli Apostolorum ejus se nove-  
rit incursum.

Datum Laterani xv. Februarii, Pontificatûs nostri anno tertio.

Ex MS.  
Archivis  
Capit. An-  
derlecht.

PHILIPPUS Dei gratiâ Dux Borgundiæ, Lotharingiæ, &c.

Ducalis nostræ celsitudinis magnificentia mentem nostram excitat & inducit, ut  
ad ea, per quæ Ecclesiarum, Ecclesiasticarumque Personarum quarumlibet, præ-  
sertim titulo Dignitatis præditarum, nobis subjectarum (ne cum omnis temporalium  
rerum tenuitas urgeat, earum vilesceret decentia statûs) opportunitatibus & commo-  
dis consulitur, ac eorum honor ac decentia procurantur, operosis studiis & remediis,  
non immeritò nostræ sollicitudinis partes impendamus.

Sane per Nos intellecto, quod Præpositura Monasterii Sancti Jacobi in Frigido  
Monte in Oppido nostro Bruxellensi Canonicorum Regularium Ordinis S. Augusti-  
ni Cameracensis Diœcesis per Præpositum soliti gubernari, nostro Ducali Palatio vi-  
cina & contigua, quæ Dignitas magni nominis & principalis inibi adeo tenuis & exi-  
gua existit, quod ipsius Monasterii Præpositus, qui prout veridica relatione percepi-  
mus, vix duodecim coronas aureas, ultra communem distributionem aliis ipsius Mo-  
nasterii Religiosis annis singulis dari solitam, percipit;

Quodque præterea, si aliunde sibi non foret aut esset provisum, onera incumbencia  
supportare, ac ipsam Præposituram regere, illique præesse, nec statum suum secun-  
dum ipsius decentiam ducere minimè valeret, ut deberet, in ipsius Monasterii vili-  
pendium & dicti Præpositi pro tempore scandalum non modicum & contemp-  
tum.

Cum autem, sicut Nobis Venerabilis Religiosus Vir Dominus Ægidius Strael,  
dicti Monasterii modernus Præpositus suâ petitione monstravit, si Meniæ dictæ suæ  
Præposituræ, S. Petri in Gallopiæ, & Sanctorum Petri & Pauli in Tennen, regio-  
ne Brabantiae, & de Clarrat in Gallica Patria, Parochiales Ecclesiæ Provinciæ Lim-  
burgicæ nec non Sancti Pancratii de *Serle* Personatus, cum suis appendiciis Terræ  
*Valkenborgh*, Ducatum & Dominiorum nostrorum, ad Nos pleno Jure Patronatûs  
spectantes & pertinentes, perpetuò incorporarentur & unirentur & adnecterentur,  
ipse Præpositus pro tempore existens, incumbencia sibi onera supportare statumque  
suum decentiùs, & eo meliùs ducere posset & valeret, cultusque etiam Divinus in  
dicta Ecclesia sive Monasterio per amplum suscipere posset augmentum.

Quare pro parte dicti Domini Ægidii Præpositi Nobis fuit humiliter supplicatum,  
ut dictas Parochiales Ecclesias & Personatum, quamprimum eum vel eas, aut earum  
alterutrum conjunctim aut divisim vacare per cessus vel decessus, aut cessum vel de-  
cessum, vel aliàs quomodocumque vel qualitercumque vacare contigerit, cum pleni-  
tudine Juris Canonici, & omnibus juribus & pertinentiis suis dictæ Meniæ Præpo-  
situræ in perpetuum unire, adnectere & incorporare de benignitate nostra dignare-  
mur.

Nos igitur, prælibati Domini Ægidii Strael Præpositi moderni, qui prout intel-  
ligimus de Nobili genere procreatus, & Consiliarius noster Juratus existit, precibus  
favorabiliter annuentes ad honorem Dei, ejusque Genitricis Mariæ, vivificæ Sanctæ  
Crucis, ad quam in dicto Monasterio populus singularem gerit devotionem, Beatique  
Jacobi Majoris Apostoli & Patroni dicti Monasterii, totiusque Cœlestis Hierarchiæ,  
Divinique cultûs augmentum, proque nostræ charissimæ Ducissæ dilectissimique Fi-  
lii nostri Caroli de Borgundia Comitis de *Charlois*, nostrorumque Prædecessorum,  
Here-



Heredum & Successorum, animarum remedio & salute;

Dictas tres videlicet de *Gallopia*, de *Tennen* & de *Gfarrat* Parochiales Ecclesias, ac Personatum de *Serle* cum pertinentiis suis, & quamlibet earum conjunctim ac divisim, ad Nos pleno Jure Patronatûs, ut præmittitur, spectantes & pertinentes, ac spectantem & pertinentem, cujuscumque annui valoris existant, aut quævis earum existat, vacantes vel in posterum vacaturas, aut aliquam earum vacantem aut vacaturam, aut dum vacare contigerit, ex nostra pura & mera liberalitate cum omnibus juribus & pertinentiis supradictis, Mensæ Præposituræ dicti nostri Monasterii de Frigido Monte, pro supportatione onerum & decentia statûs ipsius Monasterii pro tempore Præpositi, Divinique cultûs augmento, pro Nobis, Heredibus & Successoribus nostris Ducibus & Dominis dictorum Brabantiae & Limburgiae Ducatum & Domini de *Valkenborg*, in perpetuum incorporamus & adnectimus & unimus.

Et ex nunc prout ex tunc, & pro tunc prout ex nunc, moderno & pro tempore dicti Monasterii Præposito de dictis Parochialibus Ecclesiis, & earum qualibet, ac de Personatu cum suis appendentiis, tam conjunctim quam divisim, providemus, ipsumque Dominum modernum & pro tempore Præpositum investimus, præsentium per tenorem; ita & taliter quod cedentibus vel decedentibus dictarum Parochialium Ecclesiarum & Personatûs, ac ipsarum appenditiarum Rectoribus, aut earum altero cedente vel decedente, ipsaque Ecclesias Parochiales & Personatum & appenditias ejusdem, aut aliquam ipsarum dimittentibus vel dimittente, tam conjunctim quam divisim lubeat & liceat, aut lubebit & licebit præfato moderno, aut pro tempore prædicti Monasterii Præposito, per se vel Procuratorem seu Procuratores suos, idoneum vel idoneos, corporalem, realem & actualement possessionem ipsarum Parochialium Ecclesiarum ac & Personatûs de *Serle* & ejusdem appenditiarum, juriumque & pertinentiarum earundem propriâ auctoritate liberè & impunè, hujusmodi nostrarum Litterarum vigore & prætextu, apprehendere, & perpetuò habere, regere, & possidere, tenere, & retinere; ac hujusmodi illarumque & quarumlibet earundem Parochialium Ecclesiarum & Personatûs de *Serle* cum suis appenditiis, fructus, redditus & proventus in suos & dictæ Mensæ suæ Præposituræ usus & utilitatem commodumque, Nostri, Successorumque nostrorum, & Hæredum prædictorum super hoc licentiâ minimè requisitâ, aut absque alterius expectatione ulterioris mandati à Nobis vel Successoribus & Heredibus nostris desuper habendi vel obtinendi.

Volumus autem quod in singulis Parochialibus, Personatu & appenditiis prædictis, & qualibet earundem per prædictum pro tempore Præpositum aliquis sui Ordinis instituatur Vicarius perpetuus. Et cuilibet eorumdem perpetuorum Vicariorum super fructibus, redditibus, proventibus, juribus & obventionibus ipsarum Parochialium Ecclesiarum, ac & Personatûs de *Serle*, congrua portio reservetur; ex quibus ipse Vicarius vivere & se commodè sustentare, corporalia jura solvere, & alia incumbencia onera valeat congruè supportare; proviso ac attento, quod divinus cultus in ipsis Parochialibus Ecclesiis, vel Personatu de *Serle*, cum ipsis appenditiis non diminuatur aut supprimatur, sed inibi bene & laudabiliter conservetur & continetur.

Quo circa præcipimus & mandamus omnibus & singulis, etiam viris Ecclesiasticis, quâcumque auctoritate fulgentibus, nec non Officiariis & aliis subditis nostris Brabantiae, Limburgiae & Valkenbourg, & aliis quibuscumque quorum interest, aut interesse poterit in futurum, quatenus prælibatum Præpositum, aut ipsius legitimum Procuratorem, cum & quoties vigore præsentium desuper requisiti fuerint, aut alter eorum fuerit requisitus, ad dictarum Parochialium Ecclesiarum & quarumlibet earundem, & Personatûs de *Serle* cum ipsorum appenditiis, dum eas aut aliquam earundem simul vel successivè vacare contigerit, ut præfertur, hujusmodi nostrarum Litterarum vigore, absque alicujus ulterioris expectatione mandati, indilatè, & sine quacumque contradictione, in corporalem, realem, actualement possessionem inducant, & inductum defendant & manuteneant, ipsque, vel dicto ejus legitimo Procuratori de ipsarum Ecclesiarum, & cujuslibet earundem, ac & Personatûs de *Serle* cum ejus appenditiis, fructibus, redditibus, proventibus, juribus & obventionibus universis plenariè & integrè faciant respondere: ac quilibet eorum inducat, inductum defendat, manuteneat, & quantum in eis ac eorum altero est, aut erit, respondere faciat temporibus congruis & opportunis.

In cujus rei Testimonium Sigillum nostrum præsentibus duximus apponendum.



1460. Datum in dicta Urbe Bruxellensi, mensis Martii die ultimâ, anno Domini millesimo quadringentesimo sexagesimo.

Idem *Philippus Bonus* anno 1456. designavit Præpositum Montis Frigidi Capellanum suum domesticum, & eodem procurante anno 1461. ex indulto Pontificio Præpositus utitur mitrâ, & ornamentis Pontificalibus.

Prima autem Capella Aulæ censetur hoc templum Montis Frigidi, ubi & in Choro locus eidem semper Principi reservatus est.

Cæterum anno 1405. Plebanus *S. Gudulæ* concedit in Frigido Monte administrari duo Sacramenta Eucharistiæ nimirum & extremæ unctionis, deinde sub *Matthiâ* Archiepiscopo erectus etiam fons Baptismalis, & acquisivit jus Parochiale exceptâ Sepulturâ.

Ad commendationem hujus Ecclesiæ Parochialis facit quod in eâ Parochi munus gesserit in fine seculi XVI. *Joannes Miræus* laudatissimus Antverpiensium Antistes, mortuus Anno 1611.

In Choro hujus Ecclesiæ legitur hæc Sepulchralis inscriptio.

Francisci Divi Maximiliani Imperat.

Cæsaris semper Augusti filio

Philippi Hispan. Regis Catholici

Et

Ill<sup>mæ</sup>. Dominae Margaretae Fratri Germani.

Qui natus anno M. CCCC. LXXXI.

Cum vixisset circiter menses quatuor

Concessit fati.

Jacet in Choro majori in tumbâ marmoreâ nigrâ, cum imagine ejusdem defuncti ex alabastro.

In hac Ecclesiâ in Sacello laterali sepulchralem locum adeptus est *Emundus Dynterus* Brabantus ex pago Dynter Historicus, *Antonii* filius, qui *Antonio I.* ejusque filiis *Joanni* & *Philippo*, ac demum *Philippo Bono* Brabantiæ Ducibus fuit a Secretis. Aulicæ vitæ pertæsus sacris initiatus est & factus Canonicus in *D. Petri* Lovanii, scripsit Chronicon Ducum Lotharingiæ & Brabantiæ M. S. quod apud nos laet, & utinam typis aliquando edatur. Huic talis est inscriptio Sepulchralis.

D. O. M.

Hic jacet Magister de Dynter Illustrium Principp. & Dominorum quondam *Antonii*, *Joannis* & *Philippi* &c. ac etiam *Philippi* Burgundiæ & Brabantiæ &c. Ducum Secretarius, qui obiit anno Domini M. CCCC. XLVII. mense Februario XVII. cujus anima R. I. P.

Item conditus est in hac Ecclesiâ *Olivèrius de la Marche* scriptis clarus, qui nobili domo e Burgundiâ oriundus, domesticus *Philippi Boni*, *Caroli Audacis*, *Maximiliani*, ejusque filii *Philippi*, quibus omnibus charus extitit, in funesto illo ad Nancæium prælio captus, tantum non periit, qui obiit



obiit Bruxellis die 1. Januarii anno 1501. sepultus cum uxore suâ in hac Ecclesiâ, cujus tumulus in turbis Belgicis per Iconoclastas violatus & devastatus est, cui hoc Symbolum insignibus adfixum erat TANTA MARCANUS TULIT.

Nobilitatur hæc Ecclesia insigni & artificiosa tabulâ in summo altari *S. Ildefonsi* Archiepiscopi Toletani a manu & penicillo *Petri Pauli Rubenii* pictorum facilè principis.

Item imagine perantiquâ Deiparæ Virginis ex Civitate Sylvæducenti dum ea anno 1629. in potestatem Statuum Hollandiæ devenerat huc advecta, a frequentibus miraculis (quæ R. P. *Otto Zylius* Soc. Jesu stylo suo evulgavit) famosissima.

Quæ imago primum quidem in æde *D. Gaugerici*, a Serenissimâ *Isabellâ Clarâ Eugeniâ* posita fuit anno 1630. at postea jussu *Ferdinandi* Principis Cardinalis ipso natalis sui die videlicet 16. Maii 1641. inde solemni cum processione ab ipsis dicti Monasterii Religiosis ad hoc *D. Jacobi* Templum deportata fuit, ipso Principe comitante, cum magno populi Bruxellensis concursu & applausu, ubi nunc magna in honore habetur, coliturque sub titulo & invocatione MATRIS DULCEDINIS.

## PRÆPOSITI MONTIS FRIGIDI.

I. <i>Gilbertus.</i>	Obiit 1225.	XXIII. <i>Joannes Coudenberg.</i>	1564.
II. <i>Henricus Pius.</i>	1250.	XXIV. <i>Judocus Custos.</i>	1572.
III. <i>Leonius Bruer.</i>	1286.	XXV. <i>Joannes Rempelberch.</i>	1581.
IV. <i>Walterus de Rubra.</i>	1291.	XXVI. <i>Joannes Bonnecroy</i> ex	
V. <i>Joannes de Fura.</i>	1302.	Pastore in Duysborch.	1620.
VI. <i>Joannes Catharinæ.</i>	1307.	XXVII. <i>Henricus Muelemans</i>	1634.
VII. <i>Giselenus Hinckaert.</i>	1329.	XXVIII. <i>Dionysius de Carnin.</i>	
VIII. <i>Joannes Bruer.</i>	1331.	Vocatus ex Abbatia <i>D. Ger-</i>	
IX. <i>Hermannus.</i>	1336.	trudis Lovanii, titulum	
X. <i>Joannes de Fraye.</i>	1341.	Abbatis a summo Pontifice	
XI. <i>Dionysius Erest.</i>	1342.	pro se tantum impetravit.	
XII. <i>Joannes de Pede.</i>	1376.	Obiit	1653.
XIII. <i>Theodoricus Lembeke.</i>	1397.	XXIX. <i>Ægidius van Linthout</i>	
XIV. <i>Ægidius Lombeke.</i>	1399.	Bruxellensis ex Priore	
XV. <i>Gerardus de Platea.</i>	1432.	hujus Coenobii.	1677.
XVI. <i>Henricus Spiekaert.</i>	1454.	XXX. <i>Carolus vander Baren.</i>	1687.
		XXXI. <i>Franciscus Palfart.</i>	1688.
		XXXII. <i>Andreas van Ophem</i>	
		cessit.	1705.
XVII. <i>Ægidius Strael.</i>	1500.	XXXIII. <i>Thomas Bernaerts</i>	
XVIII. <i>Joannes Everard.</i>	1516.	Obiit.	1720.
XIX. <i>Sybertus van Omssen.</i>	1524.	XXXIV. <i>Joannes Tserstevens.</i>	
XX. <i>Hermannus de Tumba.</i>	1535.	ex Pastore in Neygencinau-	
XXI. <i>Ægidius de Dieft.</i>	1550.	guratus die 2. Julii 1720.	
XXII. <i>Nicolaus de Marie.</i>	1551.	hodie præest.	

Tertia Parochialis Ecclesia est *Cappelenfis*, in eâ *Godefridus Barbatu* Lotharingæ & Brabantiae Dux Præposituram seu Cellam (ut veteri verbo utar) *B. Mariæ* fundavit Anno 1134. quæ ab Abbate S. Sepulchri Ord. S. Benedicti Cameraci dependet, tunc extra, nunc vero intra Urbis septa. Diploma



ma hujus foundationis refert *A. Miræus* in Diplom. Belg. Lib. I. Cap. LIIII. novæ edit. ut sequitur.

In nomine Domini nostri Jesu Christi. Ego GODEFRIDUS Lotharingæ Dux, ab Ecclesiarum Doctoribus intelligens omnium hominum salutem in eleemosynarum largitione plurimum constare: Principibus verò hujus seculi, utpote qui amplius acceperunt à Deo, ut retribuunt ei, idipsum magis congruere, eò quòd eleemosyna peccatum exstinguat, at, & animam vivificet; & quia Prophetæ Danielis testimonio, Rex quondam ille Babylonicus eleemosynis à peccatis redimi potuisset, si tamen acquievisset doctrinis horum & exemplis; operam dedi, & quorundam fidelium meorum salubri usû consilio, quæ aure perceperam, opere adimplere curavi.

Denique causâ salutis animæ meæ, patrumque meorum ac filiorum, allodium quoddam meum, Bruxellæ Opido adjacens, & Capellam in eo ad honorem Domini-  
ci Sepulcri, Dominique Genitricis Mariæ constructam, cum omnibus suis appendiciis PARVINO Abbati ac Monachis S. Sepulcri Cameracensis Ecclesiæ in eleemosynam dedi: in tantum videlicet liberè, ut nullus Clericorum, sive Laicorum aut potentum, illud omninò in perpetuum violare præsumat, vel sui juris aliquid ex eo vindicare queat.

Eâ tamen consideratione, ut ibidem Deo & ejus Genitrici, die noctuque obsequia divina impendantur, nec non & obitûs mei memoria, in prælibata capitali Ecclesia à Fratribus annualiter habeatur. Et ut hæc donatio mea in æternum inconvulsa permaneat, sigilli mei impressione ac legitimorum testium subscriptione, confirmo & corroboro.

Signum GODEFRIDI Ducis.

S. Filiorum ejus Godefridi & Henrici, quorum consensu hæc peregīt.

*Signa Liberorum.*

Henrici de Birbeca.

Willermi & fratris ejus Henrici de Dungleberga.

Sigeri de Wavera.

S. Rodulfi Leodiensis Canonici & Capellani.

S. Walprici Capellani.

S. Godezonis Capellani.

S. Arnulfi Clerici.

S. Franconis Castellani & Dapiferi de Bruxella.

S. Franconis Pincernæ de Issa.

S. Arnulfi Dapiferi de Lovanio.

S. Gozewini Pincernæ.

S. Alardi fratris sui.

S. Amulrici Militis.

S. Franconis Ministri de Bruxella, cujus labore & industriâ hæc suggesta sunt.

S. Radulfi fratris ejus.

S. Gosewini Ministri.

S. Henrici Monetarii.

Signa ceterorum fidelium meorum de mea Curia.

*Signa quorundam Nobilium.*

Walteri Rodeftoc & filiorum ejus.

Walteri Anglici.

Stephani Duri.

Hugonis Rampart.

1134. Actum apud ISSAM mense Decembri XIII. Kalend. Januarii, anno Dominicæ Incarnationis MCXXXIV. Indictione XIII. Imperii verò Domini Lotharii Regis anno IX. & IV. Liethardi Cameracensis Episcopi.

Hanc foundationem suo Diplomate confirmavit anno 1138. *Nicolaus* Episc. Ca-



Cameracensis, quod profert idem *Miræus* in Not. Eccl. Belgii cap. LXXVII. novæ edit. cujus tenor est talis.

NICOLAUS Cameracensis Episcopus tam futuris quàm præsentibus in perpetuum.

Consilio Clericorum nostrorum, Venerabilis Fratris nostris Parvini S. Sepulcri Abbatis petitioni condescendimus, & Altare de *Tornepia*, cum Capella de *Ruschebroc*, eidem S. Sepulcri Cameracensis Ecclesiæ liberè & sine Persona concedimus.

Quod verò Illustris Lotharingæ Dux, imò Bruxellæ & Lovaniæ Comes inclytus Godefridus Capellam B. Mariæ, Bruxellæ contiguam, præfato Abbati Parvino, suisque Successoribus tradidit, & Privilegio suo confirmavit, idem eisdem libertate Ecclesiasticâ assignamus, & omnia quæ jam collata in agris, pratis, aquis, & in posterum conferenda sunt, cum duabus partibus decimæ de *Hundesto*, & tertiâ parte decimæ de *Ros* eidem Ecclesiæ confirmamus.

Quod autem *Bauduinus* Decanus, & ceteri S. Gudilæ Canonici, Monachorum ordinatione, Presbyteri ibidem populo Divina celebraturi positionem sæpe-fatæ Ecclesiæ concesserunt, approbamus, & Episcopali auctoritate confirmamus.

SS. Theodorici, Joannis, Alardi, Theodorici; Archidiaconorum,

S. Guidonis Præpositi,

S. Gerardi Decani & Archidiaconi,

S. Alexandri Decani,

S. Werrici Abbatis Lesciensis,

S. Algoti Abbatis,

S. Mainardi Abbatis,

S. Walerici Abbatis S. Auberti.

Actum anno millesimo centesimo tricesimo octavo, Præsulatus Domini Nicolai secundo. 1138.

Ego GERINBAUDUS Cancellarius recensui.

Ex hoc tempore solet S. Sepulchri Abbas ex suis Religiosis aliquem & nonnumquam aliquos huc mittere, quorum unus Præpositi nomine ornabatur, olim ad placitum Abbatis revocabilis, nunc post confirmationem a Duce obtentam non nisi perspectâ causâ amovibilis, cujus Capella aucto hominum numero in partem Curæ Pastoralis assumpta est anno 1210. per Sigerum Archidiaconum Brabantiae, Robertum Abbatem Affligemensem, & Balduinum Scholasticum *D. Petri* Lovanii divisâ Parochiâ, ut patet ex hoc Diplomate edito in Suppl. Dipl. A. Miræi part, II. cap. LXXXI.

SIGERUS Cameracensis Archidiaconus in Brabantia, ROBERTUS Dei gratiâ Abbas Affligemensis, Magister BALDUINUS Scholasticus Lovanienfis, omnibus præsentem Paginam inspecturis salutem in perpetuum.

Ad tollendum materiam jurgiorum quæ facilè de rebus exiguis in magnam discordiam fuscitantur, necessaria valdè sunt monumenta scriptorum, quæ dum rerum gestarum exhibent veritatem, litigandi malitiam sive causam excludunt.

Propterea volumus testimonio Scripti hujus omnibus notum esse: cùm Ecclesia S. Sepulchri Cameracensis Capellam quamdam haberet in Oppido Bruxellensi, jus autem Parochiale in circummanentibus & vicinis eidem Capellæ ad Ecclesiam S. Gudilæ pertineret, utrique Ecclesiæ visum fuit ut Parochialis Ecclesia fieret de Capella eadem, ad tollenda pericula vel defectus qui ex nimis remota Parochiali Ecclesia, vel quandoque proveniunt aut poterant provenire.

Ut autem hoc ad commodum utriusque Ecclesiæ meliùs ordinari valeret, in nos utraque Ecclesia compromisit firmiter, Canonici quidem fide interpositâ, Abbas verò sub poena centum marcarum promittens ordinationi, quam super hoc faceremus, parère.

Nos autem præhabitâ deliberatione solerti, rerumque circumstantiis diligenter inspectis, pro pace & comodo utriusque Ecclesiæ ordinavimus in hanc formam. Ecclesia B. Mariæ pleno jure habebit omnia Parochialia, videlicet sepulturam, baptisterium

Ex Archivis MS.  
Præpositura de Capella.



rium . . . . . & superiori Ecclesiæ perfolvet quindecim libras Lovaniensis monetæ singulis annis: quinque ad Natale, quinque ad Pascha, quinque ad festum B. Joannis. Termini autem Ecclesiæ B. Mariæ sicut antiquitus limitati erant permanebunt.

De Domo hospitalis B. Joannis, Canonici D. Gudilæ de sepulturis Fratrum & Sororum & infirmorum oblationes habebunt. Nemo sibi in eodem hospitali eligere poterit sepulturam; si verò aliquis ex prædicta Parochia sibi elegerit sepulturam ad Ecclesiam B. Gudilæ, vel è converso, Sacerdos funus suum prosequetur, & ibi Missam celebret & oblationes percipiat illâ tantum die quâ sepelitur defunctus.

De Capella B. Petri sic ordinatum est, ut omnino subjecta sit Ecclesiæ B. Mariæ, & eundem centum quem perfolvit Ecclesiæ B. Gudilæ, perfolvet Ecclesiæ B. Mariæ.

Prædicta summa quindecim librarum perfolvetur de universis proventibus prædictæ Ecclesiæ ad Altare spectantibus, in quibus Presbyter habebit partem, exceptis confessionibus & visitationibus quas specialiter Sacerdos retinebit.

Deductis verò quindecim libris, de residua summa Sacerdos tertiam partem, Procurator Abbatis & Ecclesiæ duas partes recipiet.

Præterea si acciderit terram vel Oppidum interdicto supponi & interdictum tantummodo per mensem duraverit, nihil ob hæc minuetur de summa Canonicis perfolvenda; si autem ampliùs duraverit, pro rata temporis fiat subtractio, videlicet pro singulis mensibus singulæ libræ; si autem per annum duraverit, duodecim libræ subtrahantur, & tres tantum perfolvantur: nam illæ tres libræ æstimantur pro confessionibus & visitationibus & baptisteriis, in quibus non obest interdictum.

De reverentia quæ debetur Ecclesiæ B. Gudilæ in die Palmarum, omnes Parochiani dictæ Ecclesiæ conveniant ad majorem Ecclesiam, nec aliqui alibi benedicantur rami palmarum: & in majoribus solemnitatibus Sacerdos dictæ Ecclesiæ postquam celebraverit, ad magnam Missam ad majorem Ecclesiam accedat.

Omnes Parochiani dictæ Ecclesiæ ad Synodum in majori Ecclesia conveniant, nec Synodus in prædicta Ecclesia celebrabitur.

Item si acciderit aliquem Parochianorum dictæ Ecclesiæ pro excessu suo à Canonicis majoris Ecclesiæ excommunicandum, Sacerdos ibidem ministrans ad exequendam sententiam eis obtemperabit.

Præterea si contigerit Sacerdotem decedere, Abbas S. Sepulchri idoneum Sacerdotem Canonicis majoris Ecclesiæ præsentabit, quem ipsi ad suscipiendam Curam animarum Episcopo præsentabunt, nec ipsi præsentatum ab Abbate poterunt recufare.

Item in Ecclesia majori oleum ad Pascha fumatur.

Ut autem Ordinatio prænotata stare possit in posterum, tantoque firmiùs observetur quanto fuit solemnitàs declarata, eam nostrorum impressiõibus Sigillorum fecimus consignari.

1210. Actum anno Dominicæ Incarnationis millesimo ducentesimo decimo, mense Decembri.

Damus hic seriem Præpositorum prout modernus Præpositus nobis communicavit, & assequi potuit.

## PRÆPOSITI B. MARIAE DE CAPELLA.

<i>D. Joannes</i> vixit anno	1218.	<i>Amolricus.</i>	1304.
<i>Gerardus de Bousies.</i>	1251.	<i>Wilhelmus.</i>	1329.
Dein an. 1262. Abbas S. Sepulchri.		<i>Jacobus.</i>	1335.
<i>Ægidius de Hordaing.</i>	1276.	<i>Theodoricus.</i>	1340.
<i>Wilhelmus.</i> . . . . .		<i>Petrus Beauregniès.</i>	1360.
. . . . .	1287.	<i>Joannes d'Enghiven</i>	1365.
. . . . .	1292.	<i>Jacobus de S. Georgio.</i>	. . .
. . . . .	1298.	<i>Jacobus de Haussy.</i>	1380.
			<i>Joan-</i>



<i>Joannes de Bethune.</i>	1385.	Synodo Dicecesano Mechliniensis.	1609.
<i>Philippus de l'Epinoc.</i> Prior			
Abbatia S. Sepulchri.	1401.	<i>Joannes Secourgeon.</i>	1619.
<i>Stephanus du Bois.</i>	1425.	<i>Antonius Charlait.</i>	1637.
<i>Stephanus de Sorre de St. Amand.</i>	1443.	<i>Dionysius Gilles.</i>	1662.
<i>Joannes Baschelier.</i>	1447.	<i>Bernardus de Haye.</i>	1676.
<i>Bertrandus Fouret.</i>	1480.	Dein Abbas S. Sepulchri.	
<i>Joannes Bavelinghen.</i>	1493.	<i>Victor Lejuste.</i>	1678.
<i>Petrus Jacobi.</i>	1513.	<i>Claude de Hove.</i>	1697.
<i>Petrus de Hennin.</i>	1536.	<i>Hyppolite Brogniart.</i>	1706.
<i>Joannes Riqueloit.</i> Obiit	1556.	<i>Placidus Pouilliande.</i>	1713.
<i>Franciscus de l'Honoré.</i> Obiit	1574.	Dein Coadjutor Abbatis	
<i>Augustinus Laloux.</i> Obiit	1583.	Hafnoniensis.	
<i>Joannes Fruy.</i>	1591.	<i>Adrianus Bruonit</i> ei successit	
Dein Abbas S. Sepulchri.		Anno 1714. 13. Junii; Præ-	
<i>Raphael Rincheval.</i>	1595.	fens Præpositus.	
<i>Antonius de Noyelles.</i> interfuit			

Quarta Parochialis est *S. Gaugerici*, sita in veteribus urbis moenibus cujus antiquitatem ipsa structura præ se fert, quæ in Parochialem erecta est circiter anno 1525.

Quinta Parochialis est *S. Catharinae*, quæ tamen revera tantum pars aut Vicaria exstat Molenbecæ, producto anno 1357. Urbis pomærio Parochiali jure donata, Parochus tamen inscribit se Pastorem S. Joannis de Molenbeeck residens ad S. Catharinam.

Sexta Parochialis Ecclesia est *S. Nicolai*, in foro inferiori, ubi turris pridem miræ antiquitatis, in quâ bannalis Urbis campana, absque aliquo no-cumento collapsa olim anno 1367. sed pulchrius restaurata anno 1380. & anno 1602. insigni horologio & præludio musicali pridie *S. Nicolai* instructa, ingenti impensa e publico suppeditata, ac dein Ao. 1662. Magistratus hujus Urbis aliud optimo concentu, & suavissimâ modulatione antambulorum horarium in eâ collocavit. Verum hæc omnia generali illo & funesto incendio Urbis Bruxellensis anno 1695. a Gallis pilis ignitis & bombis per tormenta bellica injectis cum Ecclesiâ igne consumpta sunt.

Denique anno 1714. novo iterum horologio & præludio musicali maximis impensis cum Ecclesiâ restaurata est. At vero die 29. Julii horâ circiter decima vespertinâ ejusdem anni, subito hæc turris corruit, non sine gravi Ecclesiæ, vicinarum ædium, & hominum strage, neque hæcenus esteducta.

Septima Parochialis & ultima est *B. Mariæ Finis Terræ* in nova Urbis regione. Primo fuit humile Sacellum Virginis Deiparæ, a populo tamen in magna veneratione fuit.

Deiparæ hoc in loco cultæ nomen additum ad aliarum distinctionem *S. Mariæ Finis Terræ*, prout ex Superliminari Sacelli inscriptione patebat, quia nimirum ibi erat finis quasi Urbis, priusquam initio seculi XVII. elapsi locus iste novis plateis & domibus est accomodatus, ut nova ibi Civitas videretur exsurgere. Plebs tamen per crasin aut nominis malè intellectum, vocat eam *Onse L. Vrouwe inde Venster Sterre*. Quæ duo postrema verba cum illis *Finis terræ*, rudi populo adfinitatem habent. Sacellum dein elegans & justæ magnitudinis ex albo lapide constructum est Anno 1618. & in tantum excrevit hæc Parochialis, ut cum hoc Sacellum non caperet suos Paro-



chianos Anno 1710. insignis & nova Basilica Mariana, destructo veteri Sacello, piorum eleemosynis exstruere, coepta sit, atque ad illius consummationem plura Sortilegia (vulgo *Loteryen*) usque in hodiernum diem ad eundem finem indulta sunt. Atque ita sperandum quod brevi suam perfectionem acquirat.

Anno 1650. commissa & incorporata est hæc Parochialis Patribus Oratorii instituti *Petri Berullii* S. R. E. Cardinalis favore & gratia *Jacobi Boonen* Archiepiscopi Mechl. & consensu Decani & Capituli S. S. *Michaelis & Gudulæ*.

Inter majores hujus Urbis Ecclesias una est quæ cognominatur nostra Domina in Sabulo vernaculè *Onse L. Vrouwe op den Savel* sub Parochiâ de Capella. Hic locus antiquitus Coemiterium erat a Matre Zenodochii D. *Joannis* Collegio S. *Antonii* Balistæ vetustioris datus anno 1304, ut in eo Sacellum D. Virgini exstrueretur annuente Abbate Diligemensi dicti Xenodochii provitore, jussu quoque *Joannis III.* Brabantiae Ducis. Structura plane elegans est & vitreis perillustris, cujus peculiaris cura ad Cives spectat, qui aperiunt & claudunt. Fuit in eâ ante plures annorum centurias Miraculosa Deiparæ statua, multis gloriosa prodigiis, devotissima populi devotione culta; quam Deiparæ imaginem anno 1348. quædam Beatrix Soethens ex Templo Antverpiensi Mariano sublatam huc transtulit; sed monente per Somnium *Maria*, & monitum duplici miraculo confirmante, cum & Sacrista Antverpianus resistere parans immobilis hæsit, & navis a portu donec tam sacri pignoris bajula adventasset nulla artè potuit dimoveri, ad famam itum a Bruxellensibus obviam, & *Joannes III.* Brabantiae Dux ipse humeris exceptam Statuam in Sabulonem intulit, cum Magistratu Supplicatione solemni, ubi continuis semper floruit Miraculis: donec furibundorum Iconoclastarum barbarâ & Sacrilegâ feritate anno 1580. rapta & contrita est. Sed alia substitutâ ei a Marianis cultoribus, secundum pristinam formam, quam singulis cujusque hebdomadæ Sabbatis, præter alia quotidiani cultus argumenta supplicatione solemni venerantur.

Hic Dominicâ præcedenti festum Pentecostes publica & solemnis admodum Supplicatio cum totius Urbis lætitiâ servatur quotannis, soletque magnificâ plane pompa per Urbis compita hæc Deiparæ imago cum Reliquiis S. *Julianæ* Virginis Nicomediensis & Martyris, quæ olim per *Joannem I.* Ducem Brabantiae reportata de hostibus victoria, Bruxellam ad D. Virginem in Sabulo ex Galliâ delatæ sunt, & hæreticis Bruxellæ omnia sacra diripientibus per nonnullos probos Catholicos adservatæ, intactæque permanserunt.

Cujus vero rei in memoriam annua hæc Supplicatio? agendis Deiparæ gratiis instituta est pro Victoriâ Woringanâ, ejus ope per Ducem nostrum, nostrosque obtenta anno 1288. Unde peculiare etiam festum illi decretum, cujus in Fastis Belgicis ita meminit *J. Molanus*. „Ad quintum diem Junii „ Bruxellæ commemoratio B. *Mariæ* semper Virginis instituta ob gloriosam „ victoriam, quam hac die apud Woringam habuit *Joannes* hujus nominis „ primus Lotharingæ, Brabantiae & Limburgi Dux anno Christi 1288.” Illam porro Victoriâ fuscè descripserunt ille ipse *Molanus* in libello de sacra Ducum Brabantiae militiâ, *F. Haræus*, *A. Miræus*, & alii rerum Brabanticarum Scriptores.

Alia Basilica est Mariana D. Virginis Auxiliatricis in hac Urbe sub Parochiâ S. *Gaugerici* (vulgo *Onse L. Vrouwe ten Bystandt*) juxta antiqua moenia interiora, quibus illud cinctum fuit ad forum carbonarium, haud procul



Carmelitarum mitigatorum Coenobium, ubi antiquum Sacellum fuit in honorem *S. Jacobi* erectum, cui adjunctum erat Hospitale recipiendis peregrinis. In hoc Sacello reperta est imago Deiparæ anno 1625. tempore quadagesimæ, inter Sordes dicti Sacelli a viro quodam pio Jacobo Mees nuncupato, cui tum ex officio dicti Sacelli cura incumberebat, quæ statim cœpit miraculis clarescere, quæ hodieum perseverant, atque ab illo tempore usque in hanc diem devotio & concursus populi tantus est, ut fidem pæne dicas excedere. Deinde cum Sacellum illud angustum non caperet populum eo confluentem Venerationis, vel voti causa, nostrâ ætate destructo hoc veteri Sacello, Augusta & Illustris ibidem constructa est Basilica; adeo ut nullus hodie Bruxellâ totâ locus sit celebrior & nullus in majori populi veneratione.

## VIRORUM COENOBIA.

FRATRES MINORES D. FRANCISCI Regulam professi, publico consensu & privatorum eleemosynis est locus assignatus structumque Monasterium in medietate hujus Urbis anno 1227.

In medio Chori hujus Conventus olim erat *Joannis I.* Lotharingæ Brabantiae & Limburgi Ducis marmorea tumba elevata ante summum altare, cujus hæc erat inscriptio.

Anno Domini 1294. Obiit  
Virtutum Amator, Justitiæ Procurator,  
Ac Defensor;  
Flos mundi, Speculum Justitiæ  
Ac totius Probitatis Spectaculum  
Illustrissimus Princeps JOANNES  
Primus Dux Lotharingæ & Brabantiae  
Sepultus ante summum Altare hujus  
Conventus in tumba lapidea.

Verum hæc tumba cum suâ inscriptione & templi Choro in turbis Belgicis funditus est everla. Dein anno 1620. Serenissimus Princeps *Albertus* monumentum hoc Sepulchrale restitui curavit, cum laminâ cupreâ quâ Sepulchrum obtexit adjectâ, hoc appposito Cœnotaphio.

Potentissimus Princeps JOANNES Primus Lotharingæ, Brabantiae, Limburgi Dux, Sacri Romani Imperii Marchio in hastiludio Vulneratus, Obiit die III. Maii 1294.

Anno 1695. Generali illo ac funesto Urbis Bruxellensis incendio hic Conventus cum Ecclesiâ in cineres redactus est, & simul hæc tumba Sepulchralis adeo ut ejus tumbæ vel Epitaphii nullum appareat hodie vestigium.

Hic Conventus & Ecclesia paulo post ex cinere suo & ruinâ piorum eleemosynis & donariis gloriosior & splendidior surrexit; at hæc tumba mansit in interitu.



Ante turbas Belgicas & Iconoclastarum rabiem seculi XVI. visebatur in eodem Choro Mausolæum *Mariæ* uxoris *Joannes III.* Ducis Lotharingiæ, Brabantia, Limburgi &c. quæ fatis concessit Anno 1335. die 30. Octobris, sub quo dein condita *Maria* ejus filia vidua *Rainaldi III.* Geldriæ & Zutphania Ducis quæ vitam exiit Bruxellis anno 1399. die I. Martii. Quarum inscriptio Sepulchralis erat hæc.

Requiescunt corpora Illustrissimarum Principum & Ducissarum *Mariæ* senioris, filia quondam Ludovici Comitis Ebroicensis, filii Regis Francorum, quæ fuit conjux gratiosa magnifici Principis Johannis hujus nominis III. Lotharingiæ, Brabantia & Limburgi Ducis, quæ obiit an. 1335. mensis Octobris 30. Atque *Mariæ* filia Junioris præfatorum Joannis III. & *Mariæ* Ducum Brabantia, quæ fuit Ducissa Gelriæ & Domina de Turnhout. Obiitque an. 1399. I. die mensis Martii.

Hanc inscriptionem refert in suâ Historiâ Gelricâ *Job. Isaacus Pontanus* pag. 339.

CONVENTUS FRATRUM DE MONTE CARMELO inter omnes vetustæ & primæ Religionis Carmelitanæ in Brabantia, primus fuit Bruxellensis, fundatus anno 1249. eo videlicet tempore, quo Ordo ille in Syria ob Saracenorum incursum & diram tyrannidem interibat, & in Europâ cum fœnore propagabatur. Annum foundationis hujus Conventus pridem declarabat hæc inscriptio legi solita super ostium Claustrii.

Hujus Conventus Fundatio incepit anno Domini M. CC. XLIX. Tempore Innocentii Papæ IV. Sub Generalatu Magistri Simonis Stock, jam miraculis Clarescentis, Regnante Duce Brabantia Henrico Tertio.

Anno M. D. I. stylo veteri die XVII. Januarii. celebrata sunt in hoc Carmelo Bruxellensi Comitia Aurei Velleris a *Philippo* Archiduce Rege Castellæ, Maximiliani I. Imperatoris filii, creatique in iis Equites VII, quorum nomina & titulos hic damus Gallico idiomate ut in Archivis leguntur.

*Wolfgang Seigneur de Polheym.*

*Ijtel Frederick Comte de Zollern.*

*Cornille de Berghes Seigneur de Sevenberghes, & Grevenbroeck.*

*Philippe de Bourgogne Seigneur de Somerdyck, & de Blaton.*

*Michiel de Croy Seigneur de Sempy.*


*Jean de Luxembourg Seigneur de Ville & de Hamaide.*

*Charles d'Austrice Duc de Luxembourg, depuis Roy d'Espagne I. & Empereur V. du nom.*

In medio Chori Ecclesiæ hujus Conventus olim condita fuit tumbâ elevatâ *Joanna* Lotharingiæ, Brabantia, & Limburgi Ducissa &c. & circum  
cir.



Sepulture de la Duchesse Ienne aux Carmes à Bruxelles.









circa ejus Monumentum legebatur hæc inscriptio litteris latinis in laminâ  
 aeneâ sculptis.

*Salgher*

Hier leet begraven Ghedenckenisse die Hoo-  
 ghebornen Vermogende Vorstinne Vrouwe Je-  
 hanne, by der gratien Godts Hertoghinne van  
 Lotryck / van Brabant ende van Limborch /  
 Marck-Grevinne des Heyligh Ryckx / Oufte  
 dochter Lodewyckx, Greve van Ebreux / die Zoon  
 was Philips, Coninck van Aranchryck / welke  
 Vrouwe Jehanne hadde drie Broeders / te weten  
 Henricken, Janne, ende Godevaerde, die alle dry  
 hoe wel sy ende elck van hen aen Conincklyck  
 bloet te huwelycken state waren komen aflybich  
 worden sonder ennige wittige geboorte achter  
 te laten / ierst te mannen hadde Willem, Greve  
 van Henegouwe / van Hollant / van Zeelant /  
 ende Heer van Arieslant / ende naer dat hy af-  
 lybich was Wencelyn van Behem, Hertoghe  
 van Luxemborgh ende Grave van Chinex / Al-  
 let by den lebenden lyve Hertogen Jans haer  
 Vaders voorschreven / Ende dese Vrouwe Je-  
 hanne hadde opck twee susteren daer af die outste  
 was geheeten Margerite, die te man hadde Lo-  
 dowyck, Grave van Vlaenderen etc. daer af sy  
 hadde een dochter oock geheeten Margriete, die  
 te man hadde Philips, Sone des Coninck van  
 Aranchryck / Hertoge van Bourgoignen etc.  
 daer af zy hadde drie Sonen / te weten Janne,  
 Anthonis ende Philips. Ende d'ander hare jonck-  
 ste Suster was geheeten Maria, die te manne had-  
 de Reinalt Hertoge van Gelre / ende starf sonder  
 wittige geboorte. Welcke voorschreven Vrou-  
 we Jehanne na dat zy LI. jaer lanck hare landen

*Supplé :*

\* des leeden herto-  
 gen Jans von  
 Brabant ende  
 vrouwen Marien  
 dochter.



**in grooter eeren hadde beseten ende geregeert /  
stark opck sonder eenige geboorte van haren ly-  
ve achter te laten int jaer ons Heeren XIV. hon-  
dert ende VI. den eersten dach van December.**

Verum fatali illo incendio Urbis Bruxellensis anno 1695. per Gallos igni-  
tis pilis & Bombis per tormenta bello injectis, hic Conventus cum Ecclesiâ  
& in eâ hoc Sepulchrale Monumentum voracibus flammis igne consumptum  
& in cineres abiit, Ecclesia quidem subsequenter annis & Conventus re-  
stauratus est: at hoc monumentum in interitu mansit.

COENOBIIUM BEGGARDORUM tertiæ Regulæ *S. Francisci*  
a privatis inchoatum anno 1330, origo ejus a pannificum Collegio, qui te-  
nes suos ibi nutriebant, quibus visum 1359. tertiam Regulam *S. Francisci*  
de poenitentiâ assumere.

CONVENTUS FRATRUM S. DOMINICI Institutum sequen-  
tium, initia sua debet *Isabellæ Philippi Boni* Burgundiæ Brabantiaque Ducis  
tertiæ Conjugi, *Joannis* Portugallia Regis filia ac Matri *Caroli* Audacis,  
quæ litteras erectionis & construendi hoc Monasterium impetravit a *Calix-  
to III.* Pont. Max. anno 1457. quas refert. *A. Miræus* in Donat. Belg. Lib.  
I. cap. 148. novæ edit. quæ sunt hujus tenoris.

Calistus Episcopus, Servus Servorum Dei, dilectis filiis Archidiacono Bruxellensi,  
Cameracensis, & S. Pancratii Leidenensis, ac S. Pharaïldis Gandensis, Trajectensis &  
Tornacensis Diœcesis, Præpositis Ecclesiarum, salutem & Apostolicam benedictio-  
nem.

Piis Christi fidelium desideriis gratum Nos decet præstare consensum, & ea quæ  
Religionis propagationem, cultûsque Divini augmentum respiciunt, ut votivum con-  
sequantur effectum, favore prosequi gratiofo.

Sane pro parte dilectæ in Christo filia, Nobilis Mulieris, *ISABELLÆ* Ducissæ  
Burgundiæ, Nobis nuper exhibita petitio continebat, quod cum in Opido *BRUXEL-  
LENSI*, Cameracensis Diœcesis, quod admodum insigne & populosum existit, nulla  
Domus pro inhabitatione Fratrum Ordinis Prædicatorum existat, ipsaque Ducissa,  
ob singularem devotionem, quam erga Ordinem ipsûm & *S. VINCENTIUM* Con-  
fessorem gerit, desiderat in ipso Opido, in loco ad hoc congruo & honesto, unam  
Domum sive Conventum, pro usu & inhabitatione dictorum Fratrum, regularem  
vitam inibi ducentium, unâ cum Ecclesia, campanili, campanis, cœmeterio, re-  
fectorio, hortis, hortalicis, aliisque officinis necessariis, in honore sub titulo dicti  
*S. Vincentii*, de novo fundare, erigere, ac construi facere ferventer exoptat, dum-  
modò ei ad id Apostolicæ Sedis suffragetur auctoritas.

Quare pro parte ejusdem Ducissæ nobis fuit humiliter supplicatum, ut suo pio  
proposito favorabiliter annuentes, ei Domum sive Conventum hujusmodi cum Eccle-  
sia, campanili, campanis, cœmeterio, refectorio, hortis, hortalicis aliisque offi-  
cis prædictis, in dicto Opido, in loco ad hoc congruo & honesto, fundandi & eri-  
gendi ac construi faciendi, ipsisque Fratribus, postquam constructum fuerit, illum  
sive illam recipiendi, & pro usu & habitatione prædictis perpetuò retinendi, li-  
centiam concedere, ac alias super his opportunè providere, de benignitate Aposto-  
lica, dignaremur.

Nos igitur qui cultum Divinum nostris potissimè temporibus ubique adaugeri in-  
tensis desideriis affectamus, hujusmodi, supplicationibus inclinati, discretionis vestrae  
per Apostolica Scripta mandamus;

Quatenus vos, vel aliquis vestrum, dictæ Ducissæ Domum sive Conventum ip-  
sum,



sum, juxta Instituta & regularem observantiam dicti Ordinis in Opido præfato, in loco ad hoc congruo & honesto, per ipsam Ducissam eligendum, cum Ecclesia, campanili, campanis, cœmeterio, refectorio, hortis, hortaliis aliisque officinis prædictis, de novo fundandi, erigendi seu contrui faciendi, ac illam seu illum pro eorum usu & habitatione recipiendi, & perpetuò retinendi, & plenam & liberam, auctoritate nostrà, licentiam largiamini; Diocesani loci, aut cujuscumque alterius licentiâ minimè requisitâ.

Nos enim, si Domum sive Conventum ipsum fundari, erigi seu contrui contingat, ut præfertur, universis & singulis Fratribus, in ipsa Domo seu Conventu pro tempore commorantibus, ut omnibus & singulis prærogativis, indultis, libertatibus, exemptionibus, immunitatibus, aliisque gratiis & concessionibus, quibus cæteræ ipsius Ordinis personæ & Domus, ubilibet potiuntur & gaudent, etiam uti & gaudere possint & debeant, auctoritate Apostolicâ, tenore præsentium indulgemus.

Non obstantibus piæ memoriæ Bonifacii Papæ VIII. Prædecessoris nostri, illâ præsertim, quâ prohibetur, ne Fratres Ordinis Mendicantium ad inhabitandum de novo loca recipere, seu hactenus recepta mutare præsumant, absque dictæ Sedis licentia speciali, faciente plenam & expressam de prohibitione hujusmodi mentionem, & aliis Apostolicis constitutionibus, nec non statutis & consuetudinibus Ordinis hujusmodi, juramento, confirmatione Apostolicâ, vel quâvis firmitate aliâ roboratis, cæterisque contrariis quibuscumque; jure tamen Parochialis Ecclesiæ, & cujuslibet alterius in omnibus semper salvo.

Datum Romæ apud S. Petrum, anno Incarnationis Dominicæ millesimo quadringentesimo quinquagesimo septimo, Nonis Novembris, Pontificatûs nostri anno 1457. tertio.

Prædicta *Isabella* ad inchoandum hunc Conventum emit domum valde amplam dictam de *Rummen* in plateâ de *Ridderstraet* a filiis *D. Walteri vander Noot* cum adjacentibus ædibus & fundis, quæ omnia dedit liberali dono & in puram cleemosynam, qua de re dedit litteras amplissimas cum Ducali sigillo in cerâ rubrâ anno 1463. die 8. Novembris, quas *Philippus Bonus* maritus ejus rati habuit & confirmavit die 12. ejusdem mensis & anni.

Fundatorum etiam nomen obtinuerunt Illustrissimi Duces Cliviæ *Adolphus* & *Anna Philippi Boni* & *Isabella* supra memoratæ Ducum Burgundiæ & Brabantiae filia, qui Chorum a fundamentis extruxerunt, Anniversaria fundarunt, partem domus Conventui cesserunt, variaque alia beneficia præstiterunt; qui Chorus demum perfectus est anno 1529.

In Chori meditullio ante conflagrationem anni 1695. conspiciebatur insigne Mausolæum ære fustum ex metallo deaurato super ingentibus marmoribus seu potius lapidibus Lydiis præfati *Adolphi* Ducis Cliviæ, Comititis Marcani, Toparchæ de Ravesteyn, ejusque secundæ & dotariæ Conjugis *Annæ Burgundicæ Philippi Boni* filiæ, extitit illud super humum ad quinque pedes, & superposita erant simulacra dictorum Ducum ære fusa apparatu Ducali, ubi circumspiciebantur triginta duo insignia, prosapiæ partim ex Regibus, partim ex ipso Imperatore, supremisque Principibus deductæ. Antrosum quoque ejus, ambarumque Conjugum insignia, retrorsum inscriptio latina, & ad imagines superiores Gallico idiomate ut sequitur.

*Sous cette lame gist le corps de noble Memoire, d'Adolf Duc en Cleves, Comte en la Marck Seigneur de Ravestain &c. fils puisné d'Adolf Duc de Cleves, Comte de la Marck, & de Dame Mariæ de Bourgogne, sœur germaine du bon Duc Philippe de Bourgogne, le quel apres avoir nourry son nepveu, le allia*



par Mariage, a tresnoble Dame Beatrix fille de l'Infant Don Petre de Coymbre, fils, frere, & Oncle des Roys de Portugal, dont d'eux est demeure Philippe Duc & Comte esdicts Pays Seigneur de Ravestain, leur seul Heritier, apres le deces de cette Dame, dont le corps gist a Quesnoy, desunct se remaria a noble & Puissante Dame Anne fille du bon Duc Philippe, ces deux conjointts apres avoir vescu ensemble XXII. ans, & ayant en ce lieux dont ils son fondateurs esleu leur sepulture, le dit Seigneur Adolf delaisant la dicte Dame Anne Douagiere, trespassa le XXV III. jour de Septembre M. IIII<sup>c</sup>. III. XX. XII. & Icelle Dame Anne que cy gist lez susdit Seigneur, trespassa le XVII. jour de Janvier M. XV<sup>c</sup>. & un. Priez Dieu pour leurs Ames.

Ad dextrum latus Chori non longe ab arâ Principe, fornice factâ in muro Chorum dividente, est Sacellum *Philippi* Apost. non adeo amplum sed magnificum, exstructum expensis *Philippi* filii prædicti *Adolphi* & *Beatricis* ejus primæ uxoris, in quo sub magnifico marmorio Mausolæo jacent *Philippus de Clivia* Dominus de Ravesteyn supradicti *Adolphi* filius, qui obiit die 28. Januarii anno 1527. & *D. Francisca Luxemburgica* infelicis Comitissæ *S. Pauli Ludovici* Francorum Regis jussu decollati filia, quæ obiit in Flandriâ in Castro de Wynendaele die 5. Decembris anno 1523. cujus defuncti corpus ad hunc Conventum delatum est die 15. Januarii anno 1524. ubi postridie cum maximâ pompâ conditum est.

Navi hujus Ecclesiæ ad partem borealem adhæret Sacellum Regium vulgo Capella Hispanorum, quod erexit pietas & liberalitas Hispanorum, dicatum Immaculatæ Deiparæ & S. S. Virginis Rosario, quod ex refectorio hujus Conventus factum est & templo junctum anno 1593.

Anno 1695. hoc Sacellum cum Ecclesiâ & Conventu in cinerem & favillam redactum, postea a Serenissimo *Maximiliano Emanuele* Duce & Electore Baviaræ &c. Belgium gubernante solo æquatum est & aliud novum multo splendidius ædificatum fuit.

Hujus Conventus Ecclesia dein piorum eleemosynis splendidior formam induit. Conventus paulatim restauratus curâ & industriâ *Jacobi de Bode* Prioris, qui sexto huic Conventui præfuit, & obiit ibidem Anno 1718.

**CONVENTUS FRATRUM EREMITARUM S. AUGUSTINI**, ante annos CCCC. Collegium erat Fratrum Tertiariorum, alio instituto, ac diverso a Beggardis capite, eâ tempestate viventium, sub Ministri unius obedientiâ, a tenuibus initiis duorum aut trium Societate mediocriter auctum, & tandem anno 1406. Cœnobiis oppidi associatum. Illi ubi per inopiam aut temporum adversitatem res suas, censu, litteris defluxisse vident & jam officiis publicis haud pares essent, ii qui supererant *Fratrum Eremitarum S. Augustini* Anno 1589. Regulam & habitum assumpserunt, & hoc modo Fratribus Eremitis *S. Augustini* Episcopali, & Senatoriâ auctoritate accedentibus, hic Conventus concessus est.

His ita constitutis anno 1589. die 11. Novembris hanc Coloniam novam  
Fra-



Fratres Augustiniani adierunt Lovanio egressi, Prior designatus *Joannes Crabbius*. Hinc Fratres numero, eruditione, & re familiari plurimum aucti, anno circiter 1606. in hoc Conventu Scholas Humaniores aperire coeperunt, favente imprimis Senatu & populo hujus Urbis, quem in usum Illustris Gymnasium, in quinque classes litterarias distributum ad Sennam fluvium anno 1614. a fundamentis excitarunt, procurante *P. Nicolao Crusenio* tunc illius loci Priore. Quod quidem adeo placuit Serenissimis Belgarum Principibus *Alberto & Isabella*, ut in dicti Gymnasii ædificationem non modo ingentem pecuniæ summam liberaliter contulerint; sed in ejusdem quoque frontispicio insignia sua gentilitia præfigenda mandarint.

Hujus Conventus Ecclesia, nobilis & admirandæ architecturæ a fundamentis exstructa est anno 1642.

CARTUSIA titulum præfert *Domus Mariæ de Gratia*. Hi Religiosi ex loco suburbano, vulgo *Scheut-velt*, diruto per turbas Belgicæ eorum Monasterio, in Urbem migrarunt anno 1588. empto ad eum finem fundo dicto olim *Treeff* ab hæredibus Floriani Vitael, qui illum non ita pridem emerat ab Abbate & Conventu *S. S. Cornelii & Cypriani* Ninoviensis, quorum jam ab anno 1431. Hospitium sive Domus Refugii fuerat, hunc ergo locum Cartusiani sibi pretio compararunt, atque paulatim in Monasterii formam, Claustrum, Cellas, atque Ecclesiam perfecerunt, maximè munificentia & liberalitate Serenissimorum Principum *Alberti & Isabella*, & aliorum benefactorum.

PATRES SOCIETATIS JESU Bruxellas advenère anno 1584. & auspiciis Collegio datur anno 1586. primo propè *D. Gudula* commoratio, alteraque in Sabulone brevis temporis spatium fuere, propter ædium angustias, tandem Palatium Episcopi Cameracensis pretio comparata laxam stabilemque habitationem dedit, itaque perstitit in eo fundo Societas, & Anno 1604. Scholas humaniores ab ipsis Principibus *Alberto & Isabella* postulatas aperuit, ac præcipuè eorum liberalitate templum illud augustum *D. Michaeli* sacrum anno 1621. magno Urbis tum commodo tum ornamento est ædificatum, illo insigni & nobili Architecto *Jacobo Franquart* opus perficiente. Juventus studiosa gaudet ibidem nobili Gymnasio.

PATRES CAPUCINI Bruxellis procurante Serenissimo Principe Parmensi in Urbem recepti sunt anno 1587. ejusque liberalitate, ac diligentia *Leonardo de Tassis* Curforum Præfecto Conventum ibidem & Ecclesiam exstruxerunt, quæ consecrata est anno 1595. Auctus hic Conventus anno 1637. & rursus Ao. 1619. quo etiam aucta est Ecclesia, & ædificata tria nova altaria, consecrata a *Matthia Hovio* Archiep. Mechl. die 7. Aprilis anno 1620.

Verum cum Conventus & Ecclesia lapsu temporis absque manifestissimo periculo ruinæ diutius stare non possent, nam in pluribus partibus rimas agebat grandes, tandem deliberatum fuit anno 1650. de novo Conventu cum Ecclesiâ exstruendo, & veteri destruendo, quo circa cunctis ad ædificationem auspicandam paratis & aptatis anno 1651. die 20. Martii primum lapidem fundamentalem Ecclesiæ & Conventus solemniter posuit Serenissimus Princeps *Leopoldus Guilielmus* Archidux Austriæ Belgarum & Burgundionum Præfectus; quæ fabrica deinde tam prosperum etiam ac festinum habuit progressum & successum ut anno 1652. die 14. Julii fuerit consecrata, di-



cataque S. Patri *Francisco*, eam solemnitatem peragente *Jacobo de la Terre* Archiepiscopo Ephesino, Vicario Apostolico Foederati Belgii &c. Ordinarii vices in hac functione subeunte: anno subsequente 1653. fabrica totius Monasterii absoluta fuit & completa non obstante ejus amplitudine & grandi capacitate.

Fundatores hujus novæ Ecclesiæ potissimum fuere Principes Illustrissimi Ducatus Domus Arebergiæ Dux Arscotanus, e quibus *Philippus Franciscus Albertus* Dux Arebergius, Dux Arscotanus &c. qui ad illius ædificationem liberaliter contulit XXX. millia florenorum.

Hic Conventus situs est in eminentiori Urbis loco juxta Hospitale *S. Juliani*, unde patet amoenissimus æque ac latissimus quaque verum aspectus, variisque abundat uberrimis scaturientibus fontibus.

**COENOBIIUM CARMELITARUM EXCALCEATORUM** Bruxellis initium sumpsit anno 1610. adjutantibus & rempromoventibus ipsis Serenissimis Archiducibus *Alberto & Isabellâ*, anno sequenti novo Monasterio Ecclesiæque in eorum proprio solo construendæ positus est primus lapis a præfatis Archiducibus, & deinceps auctum perfectumque fuit ædificium ex liberalibus piorum fidelium eleemosynis, maximeque Archiducalis Aulæ procerum donis munificentissimis; perfecta autem novæ Ecclesiæ fabrica & primum in ea Sacrificium Altaris oblatum die V. Octobris M. DC. XIV. ipsa die qua S. Matris *Teresiæ* Beatificatio primum celebrata fuit.

**CONVENTUS MINIMORUM** Bruxellis initia sua debet Anno 1616. *D. Helenæ de Sermoise* e Galliâ in Belgium profugæ viduæ *Nicolai de Rieux* Urbis Laudunensis & Castri Petrifundi Gubernatoris in Galliâ, accedente favore & gratiâ Serenissimorum Principum *Alberti & Isabellæ*. Comparatâ ampla & utcumque magnificâ domo in editiore Urbis loco, eam ad usum eorum Monasticos adaptarunt. Ad situm Monasterii & fabricam quod attinet, situs (utpote in eminentiori loco) amoenissimus est, aere totius Urbis saluberrimo perfusus, tum quæ hæcenus ædificata sunt, splendida & augusta.

Anno 1621. templi Augustissimi eorum jacta fundamenta, cujus primum fundamentalem lapidem posuit Serenissima Belgarum Princeps *Isabella Clara Eugenia*; verum annis plurimis inchoatum mansit: at nuperis annis novis animis iterum opus hoc exstruere aggressi sunt, atque anno 1715. ad culmen perductum est.

**PATRES CONGREGATIONIS ORATORII JESU** Instituti *Petri Berullii* S. R. E. Cardinalis primitus e Galliâ evocati, Bruxellis advenere anno 1633. favore & gratia *Jacobi Boonen* Archiep. Mcchl. Hi Patres in Basilica *D. Gudulæ* & alibi in eâ urbe magno animarum fructu variis functionibus sacris intendunt.

**ALEXIANI** sepulturæ potissimum operam navantes, nullis sacris Ordinibus initiati a *Joanne Colay* dotati sub tutelâ eleemosynariorum ac sub tercia Regula *S. Francisci* in Urbe recepti sunt anno 1368.



## COENOBIA VIRGINUM.

BEGINASIUM sub titulo *B. Mariæ Virginis de Vineæ*, situm, positumque in Parochiâ Molenbecana ad novam fossam ejusdem Urbis opportuno & amœno loco est, inter Labensem & Vilvordientem portam locum occupat velut peninsula quædam, ita fossis aqueis fluvioque undique alluitur, olim situm extra Urbis septa; sed per ultimum Urbis hujus augmentum anno 1357. intra moenia hujus Urbis. Ejus foundationem referunt ad annum circiter 1230. a *Reynero Breeteycken* Presbytero factam, venerunt autem in hunc locum primitus illæ, contentiente Decano & Capitulo *S.S. Michaelis & Gudulæ*, & Presbytero seu Parochio de Molenbeca, absolutæque dein sunt ab eadem Parochiâ, sic ut proprios Sacerdotes habere possent in Ecclesiâ suâ; ita ut modo regantur in rebus spiritualibus ab uno Presbytero quem Curatum, hoc est Parochum, vocant, cui coadjutores aliquot Sacerdotes alii conjuncti sunt; præterea e senioribus plerumque habent quatuor directrices, ut rem hujus loci communem ac temporariam junctis consiliis moderentur, deque moribus ac disciplina inhabitantium aliquid statuunt.

Anno 1275. Jus Patronatus quod habebat in hac Ecclesiâ, Altaribus, Curato, Capellanis, & aliis &c. Decanus & Capitulum *S.S. Michaelis & S. Gudulæ & Arnoldus* Abbas Villariensis transferunt in Abbatem *S. Bernardi* ad Scaldim Ord. Cisterc. approbante *Joanne I.* Duce Brabantia, qui vicissim concedit Capitulo liberam electionem ad duas præbendas Canonicales, quod jus Patronatus præfato Abbati etiam hodie competit, eoque jure utitur Episcopus Antverpiensis uti Successor jurium Abbatis *S. Bernardi* per conventionem initam anno 1649. in dismembratione ejusdem Episcopatus a præfatâ Abbatiâ *S. Bernardi*.

Ecclesiâ hujus Beginasii quæ multum insignis est, & Architecturæ admirandæ dicata est *S. Joanni Baptista*; ea exstrui coepta est Anno 1657.

BEGINASIUM MINUS initium sumpsit circa annum 1663, curâ Venerab. Viri *Joannis Vernimmen* Presbyteri Oratorii *Jesu*, in cujus perennem memoriam ibidem in Ecclesiâ parieti insertum est insigne marmoreum Monumentum cum hac inscriptione.

D. O. M. & Memoriae Reverendi Admodum Patris *Joannis Vernimmen* Winocibergensis J. U. L. Oratorii D. *Jesu* Præsbyteri, & pluries Assistentis, hujus Beginasii ad usus pauperum puellarum Institutoris, Verique ac magnifici Patris, hoc grati animi Monumentum piæ filiæ posuerunt. Obiit 31. Julii 1677.

NOSOCOMIUM publicum *S. Joanni* inscriptum, vulgo *St. Jans op den Poel*. (ubi omnis generis cura, & ære publico per Medicum & Chirur- gum peculiares foveantur & curantur) ab *Godefrido I.* Duce institutum & dotatum non mediocriter; cujus templum anno 1131. ab *Innocentio II.* Pont. Max. adstantibus pluribus Episcopis dedicatum. Quæ vero fuerit causa adventus Pontificis in Belgicam nostram paucis edisseram. Is *Innocentius II.*



*Honorio II.* Papâ defuncto anno 1130. legitime creatus & *Anacleti II. Petri Leonis* dicti per Scisma Subrogati potentiam fugiens in Galliam migravit, Noviomio, Cameraco, aliisque Urbibus lustratis Ao. 1131. mense Martio Leodium ad *Lotharium* Imperatorem se contulit, inde Brabantiam profectus, aliquam Bruxellæ moram traxit, templum hujus Nosocomii in honorem Virginis Deiparæ *Mariæ*, *S.S. Petri & Pauli*, *S. Stephani*, *S. S. Medardi & Gildardi* Anno 1131. Eidus Octobris solemniter ritu consecravit, a *Divo Joanne* interim retinente Xenodochio nomen. Diploma Pontificium refert *A. Miræus* in Cod. Piar. Donat. Cap. LXXXIV. novæ edit. ut sequitur.

HENRICUS DE BERGIS, Dei & Apostolicæ Sedis gratiâ Episcopus Cameracensis universis & singulis præsentibus litteras inspecturis, pariter & audituris, salutem in Domino sempiternam.

Quoniam pium est & rationi congruum, veritati testimonium perhibere, in iis præsertim, per quæ salus procuratur animarum, devotioque crescit in populo, & cultus augetur divinus, hinc Universitati vestræ notum facimus, ac tenore præsentium fideliter attestamus, quod litteras fel. record. INNOCENTII Papæ, consecrationis, dedicationis & Indulgentiarum Ecclesiæ S. Joannis Bruxellensis, nostræ Diocesis, cum sigillo oblongo, in cera viridi impendente impresso sigillatas, nobis per dilectos nobis in Christo Mamburnos & Gubernatores hospitalis dictæ Ecclesiæ S. Joannis præsentatas, nos cum ea, quâ decuit, reverentiâ recepimus, ejusmodi sub tenore.

1131. Anno ab Incarnatione Domini millesimo centesimo tricesimo primo, Idibus octobris regnante LODOVICO seniore in Francia, Dominus Papa INNOCENTIUS Ecclesiam istam dedicat, in honore B. Mariæ Virginis, & beatorum Apostolorum Petri & Pauli, & B. Stephani Protomartyris, & beatorum Confessorum pariterque Pontificum Medardi & Gildardi. Quo facto, hujus dedicationis diem tot annis agi solemnem à populo celebri festivitate instituit, quot & peccatorum veniam se adepturos, & Domini gratiam promerituros incunctanter se à Sede Apostolica, ex auctoritate B. Petri, scirent, qui ad hunc diem singulis annis convenire, hunc solemnitè peragere, hunc diem cum spiritali jucunditate, cum cordis puritate & animi pia devotione, ex jussu & auctoritate Apostolica celebrarent.

Exterarum autem regionum plebes ne peractæ benedictionis, & tantæ gratiæ, & tanti muneris haberentur expertes, trium mensium tempus dominus Papa indicit, ut locum veniæ, donum gratiæ, in hac domo orationis perciperet, quicumque huc hoc tempore, cum devoti cordis sacrificio, adveniret, & condignâ satisfactione à præteritis resipisceret. Huic autem dedicationi interfuerunt,

HUGO Rotomagensis Archiepiscopus, Ostiensis Episcopus.

MATTHEUS Albanensis Episcopus.

ALBERUS Virdunensis Episcopus.

GAUFRIDUS Catalaunensis Episcopus.

ALUISUS Atrebatensis Episcopus.

Post quarum quidem litterarum præsentationem & receptionem, nobis & per nos, ut præmittitur, factas, fuimus per præfatos Mamburnos & Gubernatores dicti Hospitalis, debita cum instantia, requisiti, quatenus ipsas præinsertas litteras auctoritate nostrâ ordinariâ transumptari, exemplari & collationari, ac in publicam transumpti formam redigi facere, nec non aliquas Indulgentias eis concedere dignaremur.

Nos HENRICUS Episcopus præfatus, attendentes postulationem ejusmodi fore justam & rationi consonam, quodque justa petentibus non est denegandus assensus, idcirco dictâ nostrâ ordinariâ auctoritate, litteras istas præinsertas, in præsentia Reverendi in Christo Patris Domini GODEFRIDI, eadem gratiâ Episcopi Dagenensis, nostri Suffraganei, ac nobilis viri Domini ROLANDI DE MOL militis, *Reineri de Atrio* Canonici Anderlechtensis, *Servatii de Kerhoven* Presbyteri, Leodicensis Diocesis, nostri Capellani & *Francisci Lupart* Clerici ac nostri Secretarii, Rectoris parochialis Ecclesiæ de Celles, nostræ Diocesis, legimus atque tenuimus. Et quia illas sanas & integras, non vitiatas, non cancellatas, neque in ali-



aliqua sui parte suspectas, sed omni prorsus vitio & suspitione carere reperiimus, eas ratas & gratas habentes & approbantes, ipsas per nostrum Secretarium inibi, in praelibatorum dominorum conspectu, exemplari, collationari, ac transumptari, & in publicam transumpti formam redigi fecimus....

In quorum & omnium & singulorum fidem & testimonium praemissorum, praesentes litteras fieri & per Secretarium nostrum subscribi, sigillique Camerae nostrae iussimus appensione communiri.

Datum Bruxellae nostrae Diocesis, xxii mensis Novembris, anno Domini 1497.  
MCCCCXCVII.

Olim in hoc Xenodochio Fratres & Sorores dicti infirmis subserviebant. Certas vitae leges quas sequerentur acceperunt a Joanne II. Cameracensium Episcopo, Regulaeque eis confirmata ab Episcopo anno 1220. Nunc solae Sorores, sed magno numero ægris subserviunt.

Porro templum S. Joannis hujus Xenodochii, de quo in Diplomate, quod antiquissimum esse dicitur totius Urbis, subest Rectori & edituis secularibus, Religiosae vero non nisi Chorum suis usibus tenent. Hoc Nosocomium, ejusque templum multum deformatum est fatali illo & infausto Urbis Bruxellensis incendio Anno 1695. at plurimum restauratum, per plura indulta Sortilegia vulgo *Lotteryen*.

COENOBIIUM S. GERTRUDIS. prope Scalam majorem Basilica D. Gudulae olim fuit Hospitale B. Mariae & XII. Apostolorum, cum matrona Risleidis Virgo locum suum D. Gudulae vicinum Alberto Parochiano in pios usus contulisset; is domum Hospitalitatis B. Mariae & XII. Apostolorum ibi fundavit; hanc donationem tabulis confirmavit Godefridus Barbatius Lotharingae & Brabantiae Dux anno 1138. Diploma recitat A. Miraeus in Dipl. Belg. Lib. I. Cap. LVII. novae edit. En Diploma.

In nomine Summae & Individuae Trinitatis. Notum sit tam futuris quam praesentibus, quod matrona quaedam RIKELDIS videlicet locum quendam atrio S. Michaelis, sanctaeque Gudulae continuum, omnique jure hereditario liberum in spem aeternae retributionis, ad usus pauperum, Alberto Bruxellensi Parochiano atque Canonico tribuit, in quo ipse Domum Hospitalitatis, in honore sanctae Mariae semper Virginis, & duodecim Apostolorum, impensam rerum suarum, à principio fundavit.

Cui adhuc consolatione temporalium carenti, quidam fidelium divinitus inspirati, manum benignitatis extenderunt, & partem patrimonii sui, ad recreationem pauperum intulerunt; Faltradis curtem unam, Frideburgis unam, Everwinus Carens bonarium culturae, Hugo dimidium bonarium, Theodericus de Molla bonarium & dimidium, Oda, quae dicebatur Rufa, dimidium bonarium, Elterus quartam partem bonarii, Everwinus de Scarenbeca unum bonarium prati, unum culturae, tres modios annonae de molendino, & partem decimae in *Haren*.

Iis se sic habentibus, & Alberto, bonae memoriae viro, viam universae carnis ingressio, ego Folbertus, Christianae Religionis Professor minimus, tam ex praecepto Godefridi Ducis Lotharingae, quam exhortatione Burchardi Episcopi, & utriusque sexus petitione populi, praefatam domum procurandam suscepi: cui sollicitudinem & laborem, ad honorem Dei & salutem animae meae, prout potui, vigilantius impendi.

Eidem Hospitali praefatus Episcopus, Deo inspirante, & nostra admonitione inductus, redditus Altaris, quod est in *Etterbeke* ad usus pauperum, pro salute animae suae, assignavit, & habendos in perpetuum canonicam auctoritate confirmavit.

Quia verò dotes praefati Altaris, videlicet viginti unum bonaria culturae, incuriam praecedentium personarum, ab eodem alienatae fuerunt, quadraginta duobus & ducentorum quinquaginta modiorum annonae impensam, tandem eas Ecclesiae diligenter restituiimus.



Præterea sex bonaria, quæ ad Godefridum, filium Theoderici, jure hereditario descenderant, ab eodem Godefrido, in præsentia heredum non reclamantium, novem marcis comparavimus; quibus in potestate prænotati Principis liberè traditis, præfatam domum Hospitalitatis, per manus ipsius, in præsentia multorum, iis donari imperavimus.

Iis Everwinus Dives unum bonarium, in remissionem suorum peccatorum, addidit: iis præterea unum bonarium addidimus, quod ab heredibus Franconis Lupi comparavimus.

Testes & assensum præbentes filii Ducis,

G O D E F R I D U S scilicet & H E N R I C U S.

Testes, Waldricus Godeza, Arnoldus, Capellani.

Leoninus Franco Castellanus.

Arnoldus Dapifer.

Egebertus de Bigardis.

Gerardus Hurat.

Giselmus Franco, Pincerna,

Henricus de Spalt,

Euwinus de Scarenbecca,

Goswinus Clibinc, Franco Canus.

Egericus, Arnoldus de Widecat,

Goswinus, Balduinus, Meinardus, Scabini.

1138. Actum Bruxellæ, anno Verbi Incarnati millesimo centesimo tricesimo octavo.

Ego G O D E F R I D U S Dux Lotharingiæ recognovi, & sigilli mei appensione hæc inconvulsa manere volui.

Hoc Hospitale desit & Virgines Religiosæ inibi degunt *S. Augustini* Regulam sectantes sub jurisdictione Ordinarii, quibus etiam vivendi Regulam præscripsit anno 1255. *Nicolaus* Episcopus Cameracensis.

COENOBIMUM S. ELISABETHÆ Canoniarum Regularium *S. Augustini*, tali initio propagatum est. Loco cui palus olerum nomen erat cis *B. Laurentii* Sacellum, reclusæ aliquot Virgines Deo famulabantur, impetrato per Sacerdotem Religiosum *Arnoldum van Rienevelt* ab *Hinc-kartiis*.

Donec *Margareta van Bruele* sub tertia *D. Francisci* Regula ibidem Deo militans pio religionem propagandi tacta desiderio institit ut Cellaria hæc in Coenobium Virginum reclusarum mutaretur; adeoque rem ope & favore suo *Elisabetha* Portugallensis *Philippi Boni* Ducis Conjux adjuvabat anno 1420. & 1422. ut *Joannes Liedekerckius* Cameracensis Episcopus Regulam *S. Augustini* anno 1434. die 7. Augusti eis præscripserit. Hæ Virgines subiunt Ordinario.

COENOBIMUM S. PETRI Canoniarum Regularium Ord. *S. Augustini*, vulgo *St. Peeters ter Sieken*, in colle suburbano olim Bruxellensi nunc partim intra moenia clauso, post ultimum videlicet hujus Urbis augmentum ampliataque moenia anno 1357. situm.

Incolunt illud Virgines instituti Augustiniani sub auctoritate tamen & Jurisdictione Ordinarii. Anno 1269. *Joannes I.* Brabantiae Dux eis locum dat atque fundum in pago Opbruxellensi, olim extra Urbis septa in quo Monasterium tunc constitutum erat, ut lepra infectis Cives inibi a Virginibus foventur.

Cæternm hoc in loco a parvis initiis hic res religiosa coepit, primum duæ honesto loco natæ Virgines, collata in medium modica pecuniola ædificationem



nem hoc in loco inchoarunt in solatium leproforum, quorum numerus per ea tempora frequens erat, ut nos leproſaria paſſim ubivis condita docent; cum enim tempore Jerofolymitanæ expeditionis ſæpius a Belgis, Francis, Germanis &c. repetitæ, plurimi iſtorum e Judeâ leproſi domum redirent, plurima quoque ubique ac nominatim hic in Brabantia erecta fuere leproſaria majora, quibus hujusmodi infectum hominum genus recipiebatur: ita hoc in loco qui in pago Opbruxellenſi ſitus erat; & hoc ſemel notaſſe ſat eſt.

Harum Virginum exemplo permotæ tres aut quatuor aliæ Virgines ſeſe duabus illis Prioribus ſocias adjunxerunt, præhabitaque ab Epifcopo Cameracenſi licentia Monaſteriolum ædificarunt, Capellam primo ligneam, exinde lapideam conſtruxerunt, quæ anno 1228. conſecrata fuit. Ipſæ vero Virgines annuente dein Cameracenſi Epifcopo habitum & Regulam *S. Auguſtini* aſſumpſerunt, & Canonicam inibi profeſſionem emiſerunt. Quo autem anno hoc præciſè factum ſit, hætenus nos latet.

Hæ Religioſæ exinde ſenſim varia & elegantia ædificia ſuis uſibus apta conſtruxerunt, ad Eccleſiam quod attinet ea aliquoties immutata fuit, & anno 1717. deſtructa veteri, nova inſignis & ſplendida ad Urbis muros a fundamentis exſtructa eſt. Hæ Virgines etiam ſubſunt Ordinario.

**COENOBIMUM** *titulo S. Mariæ Magdalænæ dictum Betania* olim inſtitutum proad meliorem frugem converſis mulieribus, cujus initia debentur anno 1506. *Marco Steinbroek* Plebano & Canonico *D. Gudulae* relinquire ad uſus hos pios domum ſuam, accedente ad hoc Capituli & Magiſtratus conſenſu.

Pœnitentes quæ huc ex magno animæ naufragio evaſerunt, primo certam ad cujus præſcripta viverent, Regulam non habuerunt; auctæ numero certam vivendi legem acceperunt, & denique inſtitutum *S. Auguſtini* reformatæ ſuſceperunt, & ſubſunt Jurisdictioni Ordinarii.

Hoc Monaſterium cum Eccleſiâ generali illo ac funeſto Urbis Bru-xellenſis incendio anno 1695. in cineres redactum eſt, parietibus ſolum exſtantibus, dein iterum ſenſim reædificatum priſtinum ſtatum obtinere cœpit.

**COENOBIMUM B. MARIE VIRGINIS** *Sub titulo Roſæ plantatæ in Jericho* Ordinis Canoniarum Regularium *S. Auguſtini* Prioratus, olim Monaſterium *S. Catharinæ*, ſive *Albarum Dominarum*, nuncupatum, vulgo *Witte Suſters*, ab habitu nimirum in integrum candido, ſecundum inſtituta Canoniarum Regularium *S. Viſtoris* propè Pariſios viventium, per Brabantia Duces ab antiquo fundatum & erectum, quo autem anno hætenus aſſequi non potuimus. Cumque ſupradictæ Viſtorinæ Virgines ſenſim ſolutius, quam par erat, viverent, *Philippus Bonus* & *Isabella* Portugalleniſis ejus Con-jux Duces Burgundiæ, Brabantia &c. ſubſtituere earum loco 1456. Sancti-moniales Ord. Canoniarum Regularium Monaſterii Virginum propè ſeptem Fontes dicto *Ter Chuyſen*, id eſt ad Cluſam ſive Recluſorium, quæ incenſo, & in cineres redacto illic earum Monaſterio Bruxellas ſe receperant, eæque ſub certis conditionibus & legibus de conſenſu Epifcopi Cameracenſis in hoc Monaſterio ſedem fixerunt, illudque hætenus incoluerunt.

Situm eſt hoc *Jerechuntinum* Cœnobium juxta forum frumentarium Bru-xellenſe, ſubſiſt ab anno 1445. Priori Viridis Vallis, & ab anno 1438. antequam Bruxellasmigrarunt clauſuram ſuſceperunt.



NIGRÆ SORORES. ita ab habitu dictæ ex præscripto *S. Augustini* viventes, & ægris operam suam totâ urbe locantes, Bruxellis ab annis ferè CCCC. exstitisse probantur, & initium sumplerunt a sex, quæ multiplicatæ & habitum & Regulam post assumpserunt.

COENOBIMUM VIRGINUM primam *S. Claræ* Regulam, paupertate & abstinentia sequentium, vulgo *Pauperes Clarissæ*, cœpit hoc loco, ubi antea longo tempore tertiariæ Collectæ vixerunt ante annos CCC. in fine seculi XV.

Hæ Virgines hoc arctius vitægenus volentes lubentesque amplexæ sunt, adjuvante pios hos in Domino conatus *D. d'Esau* anno 1502.

CLARISSÆ DIVITES vernacule *Rycke Claren*, latinè *Urbanissæ*, secundæ Regulæ *S. Francisci*. Earum Monasterium anno 1343. suo ære exstruxit ac dotavit *Guilielmus Duvenvoirde* nobilissimâ apud Batavos familiâ natus, Dominus de Dongen & Oisterhout in loco Opbruxellâ ad muros Urbis Bruxellensis, ubi hic fundator honorificè conditus fuit anno 1353. cujus tumultum unâ cum Monasterio civilia apud nos bella exciderunt.

Hæ Moniales vastato & exciso eorum Cœnobio in Urbem migrarunt, ac stabilem sedem fixerunt anno 1585. eo ipso loco, quo Fratres Hieronymiani sive vitæ communis Cœnobium & Gymnasium litterarum olim habuerunt, haud procul a Basilicâ Parochiali *S. Gaugerici* accedente ad preces Senatus, Pontificiâ & Archiepiscopali auctoritate.

Et notandum hos Fratres vitæ communis olim hic habuisse Domum dictam *B. Mariæ de Nasareth* seu Annuntiationis Deiparæ, fundatam circa annum 1460. a *V. N. Philippo Heetveldio* prope Ecclesiam Parochialem *S. Gaugerici* ad Sennam fluvium.

Erant illi Clerici docentes humaniores litteras, non modo Bruxellæ, sed & in pluribus Belgii Civitatibus. Ex eâdem scholâ prodiit *Joannes Miræus* Antverpiensium Episcopus, aliique plurimi viri clarissimi; sed Calvinistis Belgium ipsamque Bruxellam perturbantibus circa annum 1580. desit hæc domus a Patribus inhabitari. Posteaque demandatum fuit onus docendi humaniores litteras P. P. Societatis, uti & paulo post Augustinianis.

Dein anno 1345. dotavit hoc vetus Monasterium Clarissarum amplis redditibus *Guilielmus* præfati filius Dominus de Donghene tabulis Mechliniâ datis, quæ in *A. Miræi* Donat. Belg. Lib. I. Cap. CXLI. novæ edit. recitantur ut sequitur.

In nomine Domini amen. Per hoc publicum Instrumentum cunctis pateat, quòd anno 1345. Vir strenuus Willelmus de Duvenvoirde junior, Dominus de Donghene, Miles, dedit in puram eleëmofynam *D. Ægidio de Bake* Presbytero, Provisori Monasterii in honore B. Claræ Virginis, Bruxellæ per Guilielmum de Duvenvoirde seniorem, Dominum de Oisterhout, Militem, Patrem prædicti Willelmi junioris, de novo constructi & fundati, omnes redditus & census acquisitos erga Joannem de Bouehout Dominum de Loenhout, Militem, in Wavera S. Mariæ, Putte, Beerlele, Ieteghem, Riemenam & Zellaer.

1345. Acta sunt hæc Machliniæ, anno ut suprâ.

ABBATIA ET CONVENTUS Nobilium Anglicanarum Virginum sub Regulâ *S. Benedicti* initia sua sumpsit anno 1599. favore & auxilio serenissimorum Principum *Alberti* & *Isabellæ*. Primæ Virgines quæ hoc Monasterium fundarunt, venere Remis ex Galliâ, quæ piorum opibus adjunctæ,  
ades



ædes sibi pretio compararunt *D. Rolandi Longin* Equitis & Vicecomitis Bergis *S. Winoci*, sitas ad gradus Basilicæ *SS. Michaelis & Gúdulæ*, easque ad usus eorum Monásticos instruxerunt. Dicatus est hic Conventus sub titulo Virginis *Mariæ* in cælos assumptæ.

Hoc Cœnobium quasi sacrum asylum est pro nobilissimis Angliæ Virgini- bus quæ pro fide Christianâ rapinam bonorum suorum cum gaudio fuscipien- tes in his partibus exulant. Ex hoc Monasterio prognatæ sunt Abbatiæ Be- nedictinarum Anglicarum Gandavi, Duncheræ, Ipris, & Pontesii (vulgo Pontoise) in Galliâ ad Sequanum fluvium.

Cæterum admiratione dignum est, quod hæ Religiosæ Virgines maluerint amplis dotationibus catere, ipsis a Serenissimâ *Isabellâ Clarâ Eugeniâ* Belga- rum Principe præsentatis, ne libertatem & liberam electionem amitterent, eligendi sui Monasterii Abbatissas.

## SERIES ABBATISSARUM.

- I. D. JOANNA BARKLEY, Benedicta die 14. Novembris anno 1599. per *Matthiam Hovium* Archiep. Mechl. Obiit 1616.
- II. D. MARIA PERCEY. Obiit 1642.
- III. D. AGNES LENTHALT. Obiit 1651.
- IV. D. ALEXIS BLANCHARD. Obiit 1652.
- V. D. MARIA VAVASOUR. Obiit 1676.
- VI. D. ANNA FORSTER. resignavit 1682.
- VII. D. DOROTHEA BLUNDELL. Obiit 1713.
- VIII. D. THEODOSIA WALDEGRAVE. Obiit die 12. Decembris anno 1719.
- IX. D. MARIA CRISPE. Benedicta Mechliniæ die 4. Februarii 1720. per Eminentissimum D. Archiepiscopum S. R. E. Cardinalem. Hodie præest.

COENOBIIUM VIRGINUM DISCALCEATARUM. Pri- mum hujus Belgii, Regio plane sumptu, a fundamentis excitavit, amplif- simèque dotavit Serenissimi Belgarum Principes *Albertus & Isabella* anno 1607. Saxo fundamentis substrato. Hic titulus, rei apud posteros testandæ scriptus

ALBERTUS & ELISABETHA  
CLARA EUGENIA Hisp. Infans  
Duces Burgundiæ, Lotharingiæ, Brabantiaë,  
Limburgi, Luxemburgi & Geldriæ,  
Comites Habsburgi, Flandriæ, Artesiæ,  
Burgundiæ, Tirolis Palatini,  
Hannoniæ, Hollandiæ, Zelandiæ, Namurci,  
& Zutphaniæ  
Marchiones sacri Imperii Romani  
Domini Frisiæ, Salinarum, Transisulanæ  
Oppidorum, & Territorii Mechliniæ,



Trajecti & Groningæ.  
Dedicarunt anno M. DC. VII.

Deo Opt. Max.  
Et Mariæ Virgini  
D. Annæ  
atque  
D. Josepho.

Ex hoc Monasterio plurimæ velut sacræ Virginum Colonia in Germaniam nostram inferiorem ac superiorem, ac ipsam quoque Poloniam, *Sigismundo* Rege ejusque Coniuge evocantibus, sunt deductæ ac propagatæ.

Monasterii hujus ac aliorum Belgii in spiritualibus initium debetur Vener. *Annæ de Jesu*, quæ ex primis *S. Terefiæ* Sodalibus in Belgium venit, ab *Alberto & Isabella Clara Eugenia* optimis Principibus nostris invitata; quæ demum laboribus, senio, morbisque exhausta die 26. Februarii anno 1612. in hoc Cœnobio piissimè in Domino obdormivit. Ad cujus defuncti corpus spectandum ac terræ mandandum magnus fuit Aulicorum ac civium concursus, quod pietatis officium & ipsi Belgarum Principes præstiterunt.

Anno eodem 1612. idem Serenissimus Belgarum Princeps *Albertus* sacrum corpus *S. Alberti* Leodiensis Episcopi Præfulis sibi cognominis Remis anno 1192. ab impiis cæsi, Bruxellas transferri curavit, & suis honoribus in hoc Cœnobio magna celebritate invexit die XI. Decembris.

Anno 1618. iidem Principes pro singulari erga Religiosas Virgines affectu insignem fontem in hoc Monasterio, quamquam alto loco situm, ex vicino ferarum vivario derivarunt.

ANNUNTIATÆ VIRGINES primum in Gallia a *B. Joanna Valesia* Franciæ Regina institutæ huc e Cœnobio Antverpiensi venerunt anno 1616. Serenissimis Belgarum Principibus *Alberto & Isabella* primum lapidem in fundamentis templi ponentibus.

Illustre COENOBIMUM Nobilium Virginum Regularium seu Canoniarum sub Regula *S. Augustini* viventium, suo ære a fundamentis excitavit ac dotavit Excellentissima *D. Margareta de Lalaing* Comitissa de *Berlaimont* anno 1627. *Urbano VIII.* Pont. Max. approbante, unde & Monasterium *Berlaimont* communiter hodiedum appellatur. Primæ Religiosæ anno prædicto feria 3. post Pentecoste, præsentē Serenissimâ Principe *Isabella*, a *Jacobo Boonen* Archiepiscopo Mechl. veste Regulari sunt indutæ. Earum institutum est ad bonos mores & pietatem instruere puellas adolescentulas.

MONASTERIUM VIRGINUM BRIGITTINARUM crexere Bruxellis Serenissimi Belgarum Principes *Albertus & Isabella* circa annum 1619. Primæ quæ hanc Coloniam plantarunt venere Teneræmundâ.

CAPUCINÆ VIRGINES Bruxellis admissæ sunt anno 1658. Primæ Religiosæ advenere Cortracō anno 1659. mense Decembri numero VI. quæ foundationem feliciter inchoarunt, ac promoverunt, earum prima Ma-  
ter



ter Ancilla de Cortraco dicta *Maria Franciscæ de Mechliniâ*. Anno 1666. fundamentalem templi lapidem posuit Excellentissimus *D. Franciscus de Moura-Cortereal* Marchio Castelli-Roderici Belgarum & Burgundionum Præfectus.

VISITANTINÆ VIRGINES sive Filiae *B. Mariæ* Institutionis *S. Francisci Salesii* Episcopi Gebenensis in hac Urbe recepti sunt anno 1650.

Porro Anno 1721. ex hoc Monasterio Viennam Austriæ evocatæ sunt sex Moniales a Serenissima *Guilielmâ Ameliâ Josephi I.* Cæsaris viduâ, ut ejusdem Instituti Monasterio fundamenta, formam & Regulam darent.

DOMINICANÆ ANGLICANÆ hic sedem fixerunt Auspiciis & fundatore Eminentissimo *Philippo Thoma Howard*, Excellentissimi D. Norfolkciæ & Arundeliæ Comitis filio S. R. E. Cardinale, Ord. F. F. Prædicatorum, qui obiit Romæ 1697. die 17. Junii.

Primitus hæc Moniales fuere Vilvordix anno 1660. prima Priorissa constituta Sorore *Lucia de Hertoghe* alias *Paddeschoot* ex Monasterio Tamisienti de licentia Episcopi Gandavenfis, cui Virgines Dominicanæ Tamisientes subfunt; sed cum hic locus belli tempore non esset satis tutus ac securus ab hostium incurfionibus, inde placuit migrare Bruxellas, ubi obtentâ facultate Regiâ & Archiepiscopali anno 1669. ædificium quoddam magnum instar castrî cum Sacello & horto amplissimo, quod olim *Het Spellekenshuys*, nunc *Pelicanus* vocatur, a Patribus Oratorii qui illud inhabitaverant, & ad locum commodiorem transmigraverant, emit prædictus Cardinalis pretio XX. florenorum millibus, quibus persolutis, prædictas Moniales in quadagesimâ ejusdem anni Vilvordiâ Bruxellas deduxit ad novum illud Monasterium inchoandum, quod etiamnum inhabitant.

URSULINÆ VIRGINES, quæ puellis piè educandis & instituentis potissimum dant operam sub Regulâ *S. Augustini*, Bruxellis sedem fixerunt anno 1662. Primæ quæ hanc sacram Coloniam plantarunt venere Monitibus.

VIRGINES LOTHARINGÆ Congregationis *B. Mariæ* sub Regula *S. Augustini* Monasterii *S. Nicolai* in Lotharingâ, propter belli incommoda Luxemburgum commorantes. Hujus Monasterii nonnullas Religiosas Bruxellas evocavit anno 1638. Excellentissima *D. Henrica a Lotharingia* Principissa de *Phalseburg* & de *Lixim* ut sedem figerent in hac Urbe Palatinâ, eisque obtentis ad hunc finem partem ædium suarum inhabitare benevolè concessit. Post septem annorum decursum, cum votis ejus, non fieret satis, & res uti speraverat non succederet, Illustrissima Principissa Aurelianensis ex hisce Religiosis anno 1643. nonnullas secum in Galliam deduxit, ubi eis optimâ fundatione Monasterium exstruxit. Hoc perspicuens soror ejus D. Principissa de Lixim a Superiore Monasterii Luxemburgensis expetiit ut ei aliquot Religiosas pro continuanda juventutis femineæ instructione Bruxellis submitteret, quam exercebant in ædibus hujus Principissæ, ubi aliquot annis degentes ex hoc charitatis officium magno cum fructu exercentes, superatis difficultatibus plurimis a Magistratu Bruxellensi tandem publicè admissæ sunt anno 1663. licet jam inde ab anno 1649. die 14. Januarii litteras pa-

Ex Archi-  
vis Mona-  
sterii.



tentes (ut vocant) a *Philippo IV.* Hisp. Rege obtinuissent. Primitus hæ Virgines privatorum aedes in eadem Urbe conductas incoluerunt, eâ intentione & mente ut eas pretio sibi compararent; sed plurimis supervenientibus molestiis & difficultatibus super earum emptione, a Magistratu eis concessum, ut aedes D. de *Bie* emptione sibi compararent; quod cum votis earum succederet, placuit eo migrare, ubi stabilem hætenus sedem fixerunt, eamque habitationem in Cœnobii formam, sacello, cellulis, aliisque claustralibus officinis, per vicinarum etiam ædium applicationem præpararunt, ubi assiduâ hætenus Virguncularum instructione & formatione, popularem affectum ad se pertraxere.

## SUBURBANUM BRUXELLENSE.

Primum a parte Australi occurrit *Elsenum*, & in eo ob celebre Salutiferæ Crucis memoriam Sacellum, a magnâ frequentiâ hominum adiri solitum, in quo divina peragunt Canonici Regulares Montis Frigidi.

Abbatia  
Camerac.

Cujus in viciniâ *Pennebeca*, est Cisterciensis Instituti Abbatia Virginum vulgo *Camera B. Mariæ*. Fundatio ejus referenda est ad annum 1201, quo *Henricus I.* Lotharingæ & Brabantiae Dux, ejusque Conjux *Machtildis*, *Mathæi* Comitis Bononiensis filia contulerunt Religiosæ Sorori *Gislæ* (*Gildam* alii vocant) locum juxta Bruxellam qui vocatur *Pennebeke* (ita locus dictus in quo Monasterium situm) ad construendum inibi Cœnobium Sanctimonialium in honore Dei & B. Virginis *Mariæ*, quam foundationem *Joannes* Cameracensis Episcopus confirmavit anno 1202. utriusque Diplomata exhibet *A. Miræus* in Donat. Belg. Lib. I. Cap. LXXIX. & LXXX. novæ edit. prout sequuntur.

In nomine Sanctæ & Individuæ Trinitatis. Ego HEINRICHUS Dei gratiâ Dux Lotharingæ omnibus præsentibus & futuris in perpetuum. Quoniam redemptio animæ viri propriæ divitiæ; de multis bonis, quæ præstitit mihi Deus, necessarium duxi, aliqua in opus pietatis, hoc est, Divini cultûs, pro ejus amore expendere.

Inde est, quod pro remedio animæ meæ, & Prædecessorum meorum, assensu & voluntate dilectæ consortis meæ MACHTILDIS Ducissæ, contuli Religiosæ Sorori GISLÆ locum juxta Bruxellam, qui vocatur *Pennebeke*, ad construendum inibi Cœnobium Sanctimonialium, in honore Dei, & Beatæ semper Virginis Mariæ. Contuli etiam eidem Sorori juxta prædictum locum tres mansos terræ incultæ & nemoris, de meo proprio, ab omni jure seculari liberrimos, & partem meam decimæ de *Russebroech*, & viginti bonaria terræ, cum censu, quem prædicta Gislæ emit à Waltero Kibus.

Prædictum itaque locum, & quæ cum eo in præsentem contulimus, vel quæ in posterum nostrâ aut quorumlibet fidelium liberalitate conferentur, potestate Nobis à Deo concessâ, Cœnobio construendo in perpetuum confirmamus, sub nostra & Posterorum nostrorum cura & protectione suscipimus, auxilium & defensionem in necessitate promittimus.

Quod ut ratum & immobile apud posteros habeatur, præsentem Paginam sigilli nostri impressione signavimus, & Testium probabilium subscriptione munivimus: quorum ista sunt nomina;

Sigerus Archidiaconus,  
Magister Michaël,  
Arnoldus Notarius,  
Godefridus Castellanus.

1201.

Actum anno Incarnationis Domini millesimo ducentesimo primo.

JOANNES Dei gratiâ Cameracensis Episcopus dilectis in Christo Filiabus,  
GER.



GERTRUDI Abbatissæ & Monialibus de *Pennebeke*, observantiam Ordinis Cister-tiensis professis, in perpetuum.

Sicut suscepti regiminis necessitate constringimur, ad exemplum Prophetæ & imitationem SS. Patrum, de agrò Dominico spinas hæresum, & tribulos vitiorum succrescentes manu prædicationis evellere, & ne iterum radicem mittant . . . . . sarcùlo correctionis prorsus destruere; ita Ecclesiam Dei rectæ fidei fundamento tene-mur construere, & in longitudine Spei; & Caritatis latitudine sanam Religionem plantare.

Ea propter carissimæ in Christo Filiæ, devotionis vestræ precibus grato concur-rentes assensu, locum ipsum, in quo secundum Instituta Beati Benedicti, & Profes-sionem Cister-tiensis Ordinis, Divino mancipatæ celsis obsequio, sub Beatissimæ Dei Genetricis Mariæ, nostrâ & Successorum nostrorum perpetuâ protectione suscipi-mus; Pontificali Auctoritate statuentes, ut bona quæ vobis impræsentiarum ab Illu-stri Viro HENRICO Duce Lotharingæ, cum assensu & voluntate Serenissimæ Consortis suæ MACHTILDIS Ducissæ, collata sunt, sive quæcumque in perpe-tuum, annuente Domino, largitione Prælatorum vel Principum, seu eleëmofynis fidelium justis modis poteritis adipisci, firma vobis & posteris ibidem Domino ser-vituris quæta & illibata permaneant, usibus ac necessitatibus vestri Collegii profutura. Ad hæc libertatem vobis à prædicto Duce concessam, cum bonis vestris, quæ nunc pacificè possidetis, vobispræsentis Scripti patrocinio confirmamus.

Ut igitur humilitatis vestræ plantatio in sanctæ meditationis otio possit quiescere ab incurfu & turbine secularis tumultûs, & desuper rorem contemplationis accipiat & in conversatione terrena abundantia bonæ actionis pinguescat, sub anathemate & interminatione judicii prohibemus; ne quis temerè quietem vestram turbare aut concutere, vel excutere possessiones vestras, & infringere libertatem præsumat.

Actum anno gratiæ millesimo ducentesimo secundo: . . . . .

1202.

Paternitas hujus Monasterii (ut vocant) commissâ est *Carolo VIII.* Abba-ti Villariensi, qui obiit anno 1209. quæ Paternitas hodie spectat ad Abba-tem Camberonensem.

Requiescit hîc, ubi etiam piissimè vixit & obiit die 19. Februarii anno 1266. magnus Deiparæ cultor *S. Bonifacius* Lausanensis apud Helvetios olim Episcopus, Civis Bruxellensis, & Doctor Theologus Parisiensis. Hæc Civitas Laufana sita est ad locum Lemani Episcopali Cathedrâ nobilis & Archiepiscopo Vefontino tamquam Metropolitano subjecta Gallicè *Be-zançon*.

Hic *Bonifacius* renuntians ut fieri potuit suo Episcopatu, reliquum vitæ suæ hoc in loco magnâ cum Sanctitate transegit, habitavit autem in Camerâ annis XVIII. & in loco ubi devixit elegans ædificata est sacra ædícula in quâ bis per Septimanam res divini peragitur, dummodo non sit impedimentum. Sacrum ejus corpus anno 1600. die 25. Junii de terrâ elevatum est & arcæ ligneæ decenter inclusum a *Roberto d'Ostelaert* Abbate Camberonensi & Al-timontensi de consensu, & auctoritate *Matthiæ Hovii* Archiepiscopi Mechl. cujus eâ de re Diploma refert *A. Miræus* in Fastis Belg. & Burg. ad XIX. Februarii, dicitque eundem per totam Diocesim Lausanensem Religiosè coli vocarique sanctum. Habent præterea in Camerâ ejus Cali-cem quo Christi Sanguinem in incrementum missæ Sacrificio consecrabat, eoque die 18. Februarii, qua ad coelum evolavit eo solum utuntur, & distri-buuntur Dominica die Lætare magni panes propter beneficia multa, quæ Monasterio præstitit, qui panes *S. Bonifacii* vocantur.

Eodem in Monasterio anno 1250. die XII. Junii ad superosivit *B. Aley-dis Scarebecana* (a vicino Bruxellis pago ita cognominata) Monialis leprosa carus; sed spiritu sana & decora, cujus Sanctitatem a morte Deus Miraculis ostendit. Ejus merita & Miracula leguntur in Rubicâ Vallis Monasterio apud



*J. Gillemans* in Hagiologio Brabantiae. Hodiedum hujus Virginis locus monstratur, in quo ne alios leprâ inficeret separata fuit, & foramen per quod ei cibi subministrati, & fenestra per quam sacram percipiebat Communionem. Ibidem etiam admodum Sanctè vixit atque devixit *Godefridus Capellanus* cujus in morte Angelorum cantus exauditos refert *Thomas Cantipratanus* Lib. II. Apum Cap. XL. cui notus exstitit & dilectus.

## ABBATISSÆ DE CAMERA.

- |  |                                       |       |
|--|---------------------------------------|-------|
| I. <i>Gertrudis.</i>                       | mationis.                             | 1512. |
| II. <i>Oda.</i>                            | XXVIII. <i>Elisabeth de Bergis</i>    |       |
| III. <i>Ermetrudis.</i>                    | alias de <i>Sevenberge</i> VI.        |       |
| IV. <i>Margareta de Bieft.</i>             | Obiit 1556. & resignavit              |       |
| V. <i>Elisabeth Leonis.</i>                | 16. annis ante mortem.                |       |
| VI. <i>Aleydis.</i>                        | XXIX. <i>Magdalena d'Ittre.</i> O-    |       |
| VII. <i>Margareta II.</i>                  | biit 1554. aliis                      | 1556. |
| VIII. <i>Ermetrudis II.</i>                | XXX. <i>Maria de Ligne</i> alias de   |       |
| IX. <i>Aleydis de Frigido Monte II.</i>    | <i>Barbançon</i> V.                   | 1557. |
| X. <i>Margareta III.</i>                   | XXXI. <i>Anna vander Cammen</i> I.    | 1562. |
| XI. <i>Elisabeth Yssche II.</i>            | XXXII. <i>Barbara Tassia</i> I. Obiit |       |
| XII. <i>Elisabeth Poots III.</i>           | 1598. & resignavit IV. an-            |       |
| XIII. <i>Maria Scotelvolts.</i>            | nis ante mortem.                      |       |
| XIV. <i>Ida.</i>                           | XXXIII. <i>Catharina d'Ittre</i> III. | 1599. |
| XV. <i>Aleydis III.</i>                    | XXXIV. <i>Joanna de Hennin</i> II.    | 1642. |
| XVI. <i>Helewigis Swaefs.</i>              | XXXV. <i>Maria de Rovelly.</i>        | 1667. |
| XVII. <i>Maria de Thenis.</i>              | XXXVI. <i>Francisca Alsatia</i> de    |       |
| XVIII. <i>Aleydis IV.</i>                  | <i>Bouffu</i> , prius assumpta ex     |       |
| XIX. <i>Catharina Thys.</i>                | moniali de Camera in Ab-              |       |
| XX. <i>Elisabeth IV.</i>                   | batissam monasterii de                |       |
| XXI. <i>Elisabeth de Monte.</i> Obiit 1430 | Münster ejusdem Ordinis               |       |
| Reliquarum præcedentium                    | Ruremondæ, inde electa                |       |
| dies & annus mortis igno-                  | Abbatissa Cameræ. Obiit 1683.         |       |
| ratur.                                     | XXXVII. <i>Isabella Clara Eu-</i>     |       |
| XXII. <i>Maria Belanda.</i> Obiit 1442.    | genia de <i>Grobendonck.</i>          |       |
| XXIII. <i>Maria de Ligni.</i> 1444.        | Obiit                                 | 1709. |
| XXIV. <i>Catharina de Grimbergen.</i>      | XXXVIII. <i>Ernestina de Gand</i>     |       |
| dicta de <i>Affcha</i> 1467.               | & <i>Villain</i> Benedicta 1713.      |       |
| XXV. <i>Margareta Smols</i> IV. 1477.      | Obiit 29. Januarii Anno 1718.         |       |
| XXVI. <i>Joanna Smols.</i> 1490.           | XXXIX. <i>Ludovica Deliano y</i>      |       |
| XXVII. <i>Maria Smols</i> , sub qua        | <i>Velasco</i> Benedicta Anno         |       |
| origo & Principium Refor-                  | 1718. hodie præest.                   |       |

Succedit suburbicum a *S. Judoco* (vulgo *St. Joos ter Hove*) ejus inibi Sacellum frequentibus peregrinorum votis peti solitum nomen servans, situm extra portam Lovaniensem, ubi magnificæ Principum aliquot, & imprimis quæ quondam Arscotani Ducis ædes fuere, nunc Comitis Erpsæ, fontibus, piscinis, omni quod ad voluptatem facere posset olim instructæ apparatu; sed dein plurimum de suo splendore perdidit. Hoc Sacellum & locus subest Capitulo & Plebano *D. Gudulæ*.

In Suburbano Bruxellensi sunt præterea plures pagi quæ jure civium gaudent præcipuè hæ sequentes *Anderlecht* de quo mox agemus, *Laken*, *Schae-*



*rebeeck, Opbrussel. & Forestum* de quibus in sequentibus suo loco erit agendum.

ANDERLECHT, latinè *Anderlacum*, Municipium nobile & ampli territorii, medio lapide a Bruxellâ, jure Civium gaudens, multos sub se Vicos (nostratibus *Gebuchten*) complectitur, in his de *AA*, *Walcourt*, & alios. Vicus & Dominium de *AA*. qui potenti olim Castellanorum Bruxellensium familiæ cognomen dedit, situs est ad *Sennam* Fluvium medio ferè itinere inter Anderlechtum & Forestum, præter molendinum aquaticum habet Sacellum vetus amplè dotatum. Unitum ejus beneficium Anno 1621. Curæ de Gaesbeke: ad hoc Sacellum in diebus Rogationum quotannis Clerus & populus Anderlechtensis solemni supplicatione procedit.

In Anderlechto est vetus XVIII. Canonicorum Collegium sensim auctum & dotatum. Dominus dicti vici de *Walcourt* (qui nuper *Cornelius de Man* Consiliarius Senatus Brabantiae, qui illud acquisivit emptionis tabulis anno 1689. & in qua familiâ post ejus mortem perseverat) confert Canonicatus seu Præbendas XI. ob Donationes a *Waltero de AA*. anno 1233. & Matre ejus *Mabelde* Anno 1173. & *Lamberto* ejus fratre factas Ao. 1195.

Dux Brabantiae confert Præbendas IV. ob donationes ab *Henrico I.* Duce anno 1195. & ab ejus filio anno 1228. factas, ac etiam ob diversa Privilegia & immunitatem Capitulo concessas, inter quas ne quem teneantur ad residentiam admittere nisi in sacris constitutum.

Magistratus Bruxellensis confert Præbendas tres.

Seriem Dominorum de *Walcourt* qui Patroni & Advocati Ecclesiæ *S. Petri* Anderlechtensis, vide apud *A. Miræum* in Not. Eccl. Belg. Cap. CIV. novæ edit. pag. 711.

Anno 1215. mense Julio *Leonius de Bruxella* & uxor ejus *Clementia*, item *Oliverius de Sottegem* conferunt Ecclesiæ Anderlechtensi Decimam quam inibi possidebant. Diplomata hujus Donationis profert *A. Miræus* in Not. Eccl. Belg. Cap. CXLIX. novæ edit. ut sequitur.

Ego LEONIUS de Bruxella posterorum notitiæ duxi committendum, quod consilio & voluntate Matris meæ *Gisla*, Uxore meâ *Clementia*, Filio meo *Waltero*, & reliquis liberis meis assensum præbentibus, decimam quam in Anderlechtensi Parochia possidebam, cum jam vitæ meæ terminus appropinquaret, Ecclesiæ Anderlechtensi in elemosinam legavi. Ita videlicet quod Canonici residentiam ibidem facientes & in Ecclesia canonicè ministrantes, usu perpetuo fructus recipiant ejusdem, nec aliquam prorsus ejusdem Ecclesiæ Canonici Foranei recipiant portionem.

Hanc igitur Donationem ratam permanere cupiens, Testium nomina subnotari, & memoratæ Matris meæ, cum mei & Cognati mei Castellani Bruxellensis Sigillorum impressionibus præsentem Paginam feci communiri.

Adfuerunt autem, cum hæc fierent,

Godefridus, Castellanus Bruxellensis,  
Franco de Ruyscabrouc,  
Henricus de Wembelne,  
Henricus de Alsinghem,  
Reinbaldus de Dielbeca,  
Balduinus de Pithia, Milites.

Actum anno MCCXV. mense Julio.

Ad posterorum transeat memoriam, quod Ego \* OLIVERUS de Sottegem, unâ cum Coniuge *Perona*, decimam, quam in Anderlechtensi Parochia à Prædecessoribus meis ad Nos devolutam possidebamus, Ecclesiæ de Anderlecht, unanimi consensu liberorum, contulimus.

Actum MCCXV. mense Septembri, IV. Kalendas Octobris.

1215.

\*Cruce  
signatus.

1215.



Ad foundationem Ecclesiæ quod attinet ea fuit ab antiquo exile *D. Petri* Sacellum ad usus Canonicorum ibidem sacris operantium. Cæterum percrebescente miraculorum *D. Guidonis* famâ translatione in sublimius feretrum corpore (de quo pluribus agemus in *Laken*) ex eleëmofynis peregrinorum *Gerardus II.* Episcopus Cameracensis Anno 1195. jussit illustrius prout nunc visitur ædificari. Quod in Parochiale erectum a *Joanne* Præposito, *Adamo* Decano & Capitulo Cameracensi Personatum cum Decimis ad eundem spectantibus conferente. Anno 1185.

Initia hujus Capituli, ait J. B. Gramaye in *Bruxella*, præcise scire nequeo, certus ante annos fere DCC. & Canonicos & Decanum & Capitulum fuisse.

Collegii Canonicorum primaria dignitas est Decanatus ad collationem Principis spectans, quorum seriem prout ex Archivis Capituli nobis submissa est hic damus.

## DECANI ANDERLECHTENSES.

S. WONEDULPHUS de quo plura in vitâ *S. Guidonis*. Hunc non fuisse primum Decanum constat ex eadem vitâ, in quo memorantur fuisse Decanus, Vicedecanus & Canonici.

De eo scripsit *Arnoldus de Raiffe* in suo Auctuario ad Natales S.S. Belgii *J. Molani* die 12. Septembris. *A. Miræus* in Fastis Belg. & Burg. ad diem 12. Septembris. *L. Surius*, & Vita M. S. *S. Guidonis* conscripta a CC. annis.

LAMBERTUS. vixit 1185.

WALTHERUS. vixit 1215.

ANDREAS. vixit 1225.

HENRICUS. Anno 1230.

WILHELMUS fundator Beginasii Anderlechtensis anno 1252.

ÆGIDIUS DE BRANIA, alias de *Brachene* antea Canonicus, fuit etiam Canonicus S. Donatiani Brugis & Præpositus in Harlebeeck anno 1291.

THEODORICUS. Vixit circa annum 1255.

JOANNES DE NATH. vixit Canonicus anno 1289. factus postea Decanus.

SIMON DE PEDA ab anno 1295. Decanus obiit anno 1307. sepultus in Cryptâ Anderlechtensi.

ARNOLDUS DE PEDA vixit Decanus 1313. quo anno verosimiliter obiit.

HENRICUS VAN OPHEM Decanus Anno 1337.

ÆGIDIUS DE BOXHOREN antea Pastor in Laerbeke, 1340. factus Canonicus, vixit Decanus 1355.

RUDOLPHUS DE MOL. vixit Decanus 1380. & 1385.

JOANNES PHILIPPI. vixit 1390.

JOANNES LAURENTII DE AST. Obiit 1393.

JOANNES DE MONTE. vixit Decanus 1401. Obiit 1409.

JACOBUS VOLXEM, vulgo *Gaspeldoren*, vixit Decanus 1409.

JOANNES COREMAN ex Pastore de Scharenbeke Decanus in Anderlecht viâ permutationis cum prædicto *Volxem* Anno 1413. de eo multa narrat *Gazet* in suâ Historiâ Ecclesiasticâ fol. 106.

THEODORICUS VAN ANDEL. vixit Decanus 1447.



- PETRUS DE THYMO factus Decanus Anno 1465. Mortuus Cartusianus in Valle gratiæ, vulgo *Scheut*.
- GUILIELMUS SWINNEN fuit Decanus ab Ao. 1476. Obiit Ao. 1498.
- NICOLAUS EVERARDI J. U. D. Decanus Anderlechtensis Ao. 1498. Obiit dein Præses Magni Senatus Belgici Ao. 1532.
- JACOBUS COELMAN Medicinæ Doctor viâ permutationis factus Decanus Ao. 1510.
- JOANNES TIMMERMAN Anno 1515. ex Decano in Anderlecht factus Canonicus & Scholasticus *D. Gudulæ* Bruxellis.
- JOANNES MINELLE J. U. L. successit prædicto anno 1524.
- MATTHIAS RIDEMONT alias *Reydommel*, fit Decanus Anno 1547. Obiit Ao. 1552.
- CORNELIUS BRUSLANT. Hactenus jus eligendi Decanum erat penes Capitulum; sed *Cornelius* prædictus impetravit collationem hujus a *Carolo V.* mediante indulto Apostolico. Successit *Matthiæ* prænominato anno 1553.
- JOANNES AB OUDENHAGHE successit prædicto viâ permutationis Ao. 1556. Vivere desit Anno 1585.
- HERMANNUS VANDER HEYDEN S. T. B. ex Canonico factus Decanus Anno 1587. Mortuus est Anno 1603.
- CÆSAR CLEMENS Anglus S. T. D. nominatus est Decanus 1603. Interfuit anno 1607. Synodo Provinciali Mechliniensis. Anno 1618. nominatus est ad Decanatum *D. Gudulæ* Bruxellis, ubi obiit Ao. 1626.
- PETRUS VANDEN VELDE Bruxellensis S. T. B. F. ex Canonico & Cantore nominatus Decanus Anno 1618. ibidem obiit Ao. 1628.
- JOANNES VAN PEDE Bruxellensis J. U. L. ex Canonico & Cantore nominatus Decanus Anno 1628. Mortuus Ao. 1632.
- LANCELOTTUS VAN GINDERTALEN Bruxellensis J. U. L. ex Canonico & Cantore nominatus Decanus Anno 1632. Obiit Ao. 1637.
- GUILIELMUS VAN CAVERSON Bruxellensis S. T. B. E. ex Canonico Trajectensi nominatus Decanus Ao. 1639. Mortuus Ao. 1643.
- BARTHOLOMÆUS SALINAS loco præcedentis nominatus Decanus anno 1645. Dein Ao. 1654. nominatus ad Decanatum *S. Gummari* Liræ. Ibidem obiit Ao. 1674.
- JOANNES BLEYENS ex Decano Ecclesiæ Colleg. de Hooghstraten Decanus Anderlechtensis Ao. 1654. Renuntiavit eidem dignitati Ao. 1658.
- MELCHIOR VAN COTTHEM Alostanus ex Canonico Alostano Canonicus Anderlechtensis; exinde Ao. 1658. Decanus, procuravit unionem unius præbendæ Decanatui. Obiit subitanæ morte Anderlechtis Ao. 1689.
- CAROLUS FRANCISCUS TAYE de *Wemmel*; Toparcha de Marquet J. U. L. Decanus Anderlechtensis anno 1689. exinde Decanus Teneramundanus Ao. 1693. & Decanus Cathedralis Antverpiensis Ao. 1705. Ibidem moritur Ao. 1713.
- SEVERINUS DU MORTIER Tornacensis nominatur Decanus Ao. 1693. exinde initâ permutatione fit Canonicus & Cantor Ao. 1701. Obiit Octuagenario major Ao. 1718. Choraulis ex assc hæredibus institutis.
- GUILIELMUS FRANCISCUS LE FEBURE Bruxellensis J. U. L. ex Ca-



nonico & Cantore factus Decanus Anno 1701. via permutationis cum præcedente. Vivere desiit Anderlecht Anno 1714.

CAROLUS PHILIPPUS VANDEN ZYPEN Mechliniensis J. U. L. ex Canonico Metropolitanæ Mechliniensis nominatus Decanus Ao. 1714. hodieum illud munus administrat.

FRATRIBUS MINIMIS Sectoribus *S. Francisci de Paula*, hoc in loco Monasterium ædificari coeptum Anno 1618. a *Carolo Lotharingiæ* ejusque Coniuge *Maria a Lotharingia* Ducissa d'Elbeuf, in quo notabilem partem *S. Crucis* reposuit. Adservantur in hoc Monasterio variæ Reliquiæ, imprimis notabilis portio sacri ossis de corpore *S. Francisci de Paula*, atque integer manipulus *S. Caroli Borromæi*, quo in incruento Missæ Sacrificio usus fuit, nec non portiuncula Calcei *S. Annæ* Genitricis Deiparæ.

Hic loci anno 1252. fundatum olim fuit Beginasium a *Wilhelmo* Decano Anderlechtensi, in quo hodieum pauca quædam vetulæ mulieres pullo habitu & vix a civili discretæ degunt; sed tamen nomenclationem Beginarum induerunt. Diploma hujus foundationis refertur in Suppl. Dipl. A. Miræi Parte II. Cap. CI. ut sequitur.

Ex Archi-  
vis MS.  
Capituli  
Ander-  
lecht.

Universis præsentis Litteras inspecturis, Anderlechtensis Ecclesiæ Capitulum cognoscere veritatem.

Noverint universi, quod cum WILLELMUS G. Decanus noster medietatem fundi, in quo quondam mansionem habuit, siti videlicet juxta atrium ex una parte, & ex parte altera juxta rivum, humili Conventui Begginarum de *Anderlecht* condigno pretio vendidisset, idem Decanus postea salutis animæ suæ intendens, reliquam medietatem fundi prædicti dictis Begginis liberè in eleemosynam contulit pariter & legavit, resignationem coram nobis faciens simul & coram Tribunariis Ecclesiæ nostræ; scilicet Mauritio de Peda, Thoma . . . . . Waltero de Curegem; Anselmo de Peda, Arnolfo de Relegem, totius juris quod in dicto fundo totali habuit, ad opus Begginarum tam præsentium quàm futurarum dignè ac obedienter viventium.

Unde sciendum est, quod dictæ Begginæ dictum fundum cum omni integritate sua ritè adeptæ sint, sub annuo censu duorum denariorum annuatim Capitulo nostro solventorum, remotâ omni quæ poterit eis super isto irrogari calumniâ, in perpetuum possidendum. Nec prætermittendum, quod domos in dicto fundo fundatas, rationabili commercio acquisierint.

Interfuerunt autem huic collationi sive legationi,

Magister Renerus de Bruxella,

Joannes Filius Mauriti de Peda,

Goswinus de Paepsem, & alii quàm plures tam Clerici quàm Laici.

Ut ergo jam dictis fides plenariè exhibeatur ab omnibus, præsentem Paginam Signilli Capituli nostri munimine dignum duximus communire.

1252. Actum anno Domini millesimo ducentesimo quinquagesimo secundo, mense Junio.

Intra limites Municipii de Anderlecht est locus *Scheut* ubi Sacellum Deiparæ dicatum, ad quod in diebus Rogationum quotannis a Clero & populo Anderlechtensi fit Supplicatio. Ad hunc locum a sæculis fuit frequens peregrinorum & accolarum concursus, vulgo nuncupatum nostra Domina de *Gratia in Scheut-velt* in quo præclara eaque non pauca ante hæc tempora contigerunt Miracula. Nomen *Scheut*, sive *Scheut-velt* huic loco adhæsit a magna illa prisci sæculi & usus Catapulta, sive Balista arcuali, quæ Bruxellis etiamnum adservatur, cujus jactus teli ab oppidi mœnibus ad hunc usque locum se extendit, unde ei nomen adhæsit.



In hoc loco anno 1356. *Wenceslaus* Brabantiae Dux contra *Ludovicum* Flandriae Comitem praelio improspere inito, victus profligatusque est, multis suorum millibus partim caesis, partim *Sennâ* fluvio ablumptis.

Juxta dictum Sacellum olim constructa fuit *Cartusia*, dicta *Vallis Gratiae*, munificentia Civium & Magistratus Bruxellensis, qui huic novellae plantationi adjecit bona Fratrum Saccitarum de Poenitentia Anno 1454. *Philippo Bono* ejusque Coniuge *Isabella* negotium promoventibus & locum dotantibus; quorum filius *Carolus Audax* primum lapidem hujus Sacelli Mariani posuit, & *Carolus* Imp. ejus nominis V. postmodum Ecclesiam Coenobii aedificavit, quae dein bellorum turbine funditus cum Coenobio est destructa & ruinis suis insepulta. Patres sede sua pulsi toto septennio variaque jactati fortuna, ad flebiles ruinas reliquiasque sui Monasterii postliminio redire. De instauratione actum: sed melius consilium placuit relicto agro in Urbem Bruxellensem Regi & Religioni jam redditum sacra & bona transferre. Transferunt itaque novum Monasterium intra septa Urbis, templumque struunt: quod cum statum illam Marianam reciperet, in ipsa videbatur agri pietatem collocare. Vide ulterius de hac Cartusia in Bruxella.

**BERCHEM** medio milliari a Bruxella; Praefecturae Rodensis. Dominium Ducis Brabantiae.

Subest huic pago in spiritualibus Dominium de *Cockelberge* in viciniâ Urbis Bruxellensis. Hoc Dominium anno 1722. devenit ad Dom. N. van Hamme Advocatum Bruxellis jure retractus.

Ecclesia Patronam veneratur *S. Agatham* Virg. & Mart. Pastoralis cura administratur per Canonicos Regulares Abbatiae Grimbergensis Ord. Praemonstr. Decima est tripartita, cujus duae trientes spectant ad Abbatiam Diligensem; altera triens ad Abbatiam Grimbergenlem.

In Diplomate *Lietardi* Episc. Cameracensis Anno 1142. vocatur hic pagus *Berbecem*, ut appendix de *Wamblinis* qui modo *Wemmele*; indeque patet quod haec Ecclesia olim fuit appendix Parochialis de *Wemmele*, quod testatur praefatum Diploma *Lietardi* Camerac. Episc. quod in Grimberga proferemus. Distat hic locus a *Wemmele* milliari cum medio.

Hic loci celebris picta memoria *Caroli V.* Imperat. & rustici. Imperator a venatione aberrans a rustico offenditur vesperi, Bruxellas fera nocte nemine comitante, omnibus insciis, imo ipso duce rustico reducitur, quid inter illos ibi actum inquire ab inhabitantibus.

**BEYGHEM** sive *Baychem*, olim *Beyhenghem*, medio milliari distans ab aquaeductu Bruxellensi, & Grimberga; Praefecturae Grimberganae. Dominium ad Nassovios pertinens, quod nuper fuit *Guilielmi III.* Magnae Britanniae Regis, post cujus mortem anno 1702. incertum ad quem ex Nassoviis devolutum sit.

Ecclesiae tutelarum est in hoc loco Virgo Deipara. Ejus Patronatus spectat ad Archiepiscopum hujus sedis jure Ordinarii, qui & potiore habet partem decimarum; reliqua earum portio Parochi est.

In hoc pago circa medium praecedentis seculi fuit insignis & celebris Schola Latinitatis, moderatore *Hieronymo Colx* Parocho; ex qua plures sago & togâ viri illustres prodire.

**CORTENBERGA** medio ferè itinere inter Lovanium & Bruxellam; Praefecturae Campenhoutanae. Antiquum Dominium Ducis Brabantiae.



Ecclesia Parochialis sacra est *S. Amando* Tungrensi Episcopo. Patronatus & universa pagi Decima spectat ad Abbatiam Cortenbergensem, & Parochodatur annuè portio congrua. Hæc Abbatia decimam hujus loci acquisivit a *Godefrido Barbato* Lotharingiæ & Brabantiae Duce Anno 1126.

Hoc in loco & ipso monte Cortenbergensi juxta Parochialem Ecclesiam olim situm fuit Monasterium Virginum Ord. S. Benedicti (vernaculè *Cortenbergh*), Quando autem & a quo hoc Cœnobium conditum fuerit, omnino certo non constat; longâ tamen traditione, a majoribus velut per manus acceptâ, creditur ipsum Forestensi Cœnobio vetustius, & initia sua debere piæ cuidam mulieri Eremiticam in Cortenbergensi monte vitam agentî, quæ *Columba* seu *Duva* conclusa ab ejus loci Monialibus hodieque nominatur, cujus corpus ibidem adservari solebat in capsâ ligneâ retro aram summam, sed fanaticâ Calvinistarum rabie Anno 1572. periit.

Huic Virgini *Columbæ* ita inclusæ, dein plures aliæ Virgines sese aggregarunt; adeo ut anno 1110. *Odo* Cameracensis Episcopus Diocesim suam lustrans & visitationis ergo ad montem Cortenbergensem veniens atque in eo Ecclesiam reperiens; quam nonnullæ piæ Virgines in honorem Deiparæ & *S. Amandi* ibidem congregatæ incoherent, iis ipsis Virginibus contulerit altaria seu jus Patronatus Pastoratuum de Cortenberga, Quarebbe & Nossagem, qui sunt pagi vicini; cujus Diploma ex Chartulario hujus Abbatiae nos ipsi accepimus.

Odo Dei gratiâ Cameracensis Episcopus cunctis fidelibus salutem in Christo Jesu. Noverint tam futuri quam præsentis; quia dum loca Parochiæ meæ perquirerem, quænam sub Religione, quænam alio modo essent, inveni locum, apud *Cortenberge*, Ducis *Godefridi* assensu & auxilio, nec non & Advocatorum *Arnulfi* & *Gualteri*, servitio Ancillarum Dei jam ex parte decoratum, quem precibus Archidiaconorum meorum, & Fidelium, ampliare curavi.

In eo scilicet, quod Altare illud a debitis annuatim obsoniis Episcopalibus liberum mei auctoritate feci, & debita illa in usus inibi Deo ac Sanctæ ejusdem Genitricis Mariæ Sanctoque *Amando* famulantium perdonavi.

Concessi etiam Altare de *Quatrebbe* & Altare de *Nothengem* prædictæ Ecclesiæ libera Personis. Sic tamen, ut per singulos annos jura Episcopalia Episcopo & Ministris ejus ex iisdem solvantur.

Statui siquidem, ut Presbyteri horum & supradicti Altaris de manu Episcopi Curam animarum accipiant; Capitula Archidiaconi & Decani observent; Abbatissa loci illius in Festivitate Lucae Evangelistæ ad Synodum Cameracensem veniant.

Si quis autem contra hoc nostræ institutionis Privilegium venire tentaverit, fiat reus, & alienus a conspectu Domini, donec resipuerit. Et ut hoc fixum maneat, subterfignatorum Testimonio corroboravi.

S. Domini Fulgentii Abbatis Affligemensis.

S. Domini Gisleberti Ehamensis Abbatis.

S. Radulphi eorundem Altarium Archidiaconi.

S. Domini Gualtelmi Jettensis Abbatis.

S. Domini Martini Bornehensis Abbatis.

S. Evrardi Archidiaconi.

S. Gualberti Ilsenfis.

S. Bernardi, Gerardi, Mazelini Canonorum.

S. Oilardi, Alberti, Brusselensium Clericorum.

S. Gisleberti.

S. Thitboldi Ronnacensium.

1110. Actum Incarnati Verbi MCX. Præsulatus vero mei V. Indictione III. Epacta XXVIII.

*Burchardus* dein Episcopus Cameracensis contulit eidem Monasterio An-



no 1125. Altaria de Erps & Campenhout, & anno 1129. Altaria de Leest & Hombeke; quæ diplomata suis locis protulimus. Anno 1284. *Martinus IV.* Papa constituit Abbatem Affligemensem Conservatorem bonorum Monasterii Cortenbergensis.

Cæterum quo ferè tempore ex ipso monte aquarum inopiâ laborantes ad vallem subiectam loco admodum amœno & aquis irriguo sese Monialestranstulerint, ibique Cœnobium suum ædificaverint, colligere licuit ex lapideâ quadam a Calvinistis Anno 1584. exusti columnâ, cujus inscriptio testabatur templum istud ædificatum Anno 1222. locum eis concedente *Henrico I.* Lotharingiæ & Brabantiae Duce.

In hoc Cœnobio amplissimum visitur Atrium, in quo olim Ducum & Procerum Brabantiae concessus non semel fuere, Comitum Provinciae, Leges scriptæ, iusdictum, & maximæ notæ sunt Tabulæ Cortenbergenses a *Joanne II.* Brabantiae Duce publicatæ & signatæ, quas LV. Brabantiae Proceres suis sigillis firmarunt anno 1312. ex his tabulis originem suam sumpsit Cancellaria Brabantiae sive Senatus Brabantiae, qui precedentibus seculis ad eam pervenit Majestatem & amplitudinem qua hodiè fulget.

Hoc Cœnobium Anno 1584. in fatali isto calamitatum quæ universum Belgium involverunt turbine, militum proterviâ incensum in cineres abiit, sacrae Virgines Coloniam Agrippinam profugæ multum cum temporum iniquitate conflictatæ; tandem ad flebiles sui Monasterii parietinas redierunt, illudque hætenus insigniter restaurarunt.

Hæ Moniales Anno 1616. sub *Matthia Hovio* Archiepiscopo Mechliniensis clausuram strictam admisērunt Festo Pentecostes, & in regulari observantiâ & exacta disciplinâ hætenus vivere perseverant.

Denique ad gloriam hujus Monasterii non modicè facit, quod cum Hospitalariæ Virgines Domus Leproforum Gandavi (vulgo *Het Rycke Gasthuys*) anno 1626. Regulam *S. Benedicti* & Clausuram amplexæ sunt, duæ Moniales ex Cortenberga evocatæ sint, quæ eas formarent & instructionem darent.

Seriem Abbatissarum (prout ex Chartulario hujus Abbatiae manu propria excepimus) hætenus ineditam hic adjungimus.

## ABBATISSÆ CORTENBERGENSES.

- I. *Elisabetha de Patientia.*
- II. *Ida.* anno 1125.
- III. *Mabilia.*
- IV. *Benedicta.*
- V. *Laurentia.*
- VI. *Juta.*
- VII. *Ida.* M. XXc.
- VIII. *Albernia.*
- IX. *Marina.*
- X. *Margareta.*
- XI. *Elisabetha de Wyneghem.*
- XII. *Aleydis.*
- XIII. *Willeberna.*
- XIV. *Aleydis.*
- XV. *Juta.*
- XVI. *Aleydis de Bindere.*

- XVII. *Gertrudis.*
- XVIII. *Maria Clutinx.*
- XIX. *Gertrudis.*
- XX. *Margareta Colays.*
- XXI. *Maria de Levedaele.*
- XXII. *Gertrudis.*
- XXIII. *Ascecha.*
- XXIV. *Euphemia de Gisen.*
- XXV. *Hodierna.*
- XXVI. *Thilendis.*
- XXVII. *Margareta de Lira.*
- XXVIII. *Margareta vander*  
Noot. Obiit 1452.
- XXIX. *Catharina de Hamma.*
- XXX. *Maria Taeys.*
- XXXI. *Joanna Baxen.*

TOM. II.

P

XXXII.



XXXII. <i>Nicolaas Wastel</i> . Obiit 1560.	XXXIX. <i>Maria de Witte</i> . 1667.
XXXIII. <i>Maria de Balluel</i> . 1572.	XL. <i>Elisabetha van Tympel</i> . 1670.
XXXIV. <i>Maria de Hochstadt</i> . 1576.	XLI. <i>Maria Leermans</i> . 1682.
XXXV. <i>Joanna Daelmans</i> . 1596.	XLII. <i>Maria Druwè</i> . 1705.
XXXVI. <i>Magdalena de Nivel-</i> <i>le</i> . 1617.	XLIII. <i>Petronilla de Caverfôn</i> . 1706.
XXXVII. <i>Clara de Hulsboes</i> . 1623.	XLIV. <i>Seraphina Tfervrancx</i> . Benedicta Anno 1707. ho- dierna Abbatissa.
XXXVIII. <i>Maria Bleyleven</i> . 1663.	

Notandum quod in Diplomate foundationis Vallis Liliorum Ord. Præmonst. Anno 1233. a nobis ibidem relata nominentur duæ Abbatiſſæ de Cortenbergæ, ſcilicet *Machtildis de Erpſa* & poſt eam *Ida* quæ in hac ferie non proferuntur.

**CRAYENEM.** amplus pagus, primo lapide cum dimidio ferè a Bruxellâ, Præfecturæ Rodenſis. Peculium olim Illuſtris familiæ de *Crainhem*, cujus Dynaſtas inter Barones Diplomatiſtis ſubſcripſiſſe, & in bello inſignem operam Ducibus noſtris præſtiſſe conſtat. Gentiles dein de *Bernaige* Dominos habuit, ex quibus *Joannes* ſummum juridiſctionis honorem Anno 1560. a Rege obtinuit. Hodie eſt familiæ de *Burchem*.

Eccleſiæ tutelariſ eſt *S. Pancratius* Mart. & ad Paſtorale munus nominandi juſ olim habuit Perſona hujus Eccleſiæ, ſed propter incorporationem Paſtoratui jure illo utitur Archiepiſcopus hujus Dioceſis.

Decima pridem erat tripartita, cujus duæ trientes erant Abbatiaſ Affligemienſis, & altera Parochi; ſed a paucis annis hæc Abbatia ceſſit ſuas decimas, quas hic poſſidebat, Parocho, ita ut univerſa ferè hujus pagi decima hodie ſpectet ad Parochum.

**DIEGHEM** olim *Didenghem*; Præfecturæ Vilvordienſis, uno milliari cum dimidio a Bruxella verſus Vilvordiam. Hanc Dynaſtiam jure oppignoratitio Ao. 1561. a Rege accepit *Carolus van Brecht*; ita *Gramaye*, & poſt eum Ao. 1596. *Carolus Oudaert* qui obiit Ao. 1610, inde per nuptias *Catharinae Oudaert* devenit ad *Philippum Happart*.

Dein circa medium ſeculi XVII. emptione abſolutâ a *Philippo IV.* Hiſp. Rege permanſit in præfata familiâ de *Happart* in quâ hætenus perſeverat, quæ inibi loco admodum amœno habet Prætorium, quod *Baro le Roy* in Caſtellis Nobilium Brabantiaſ exhibet. Hodie illud Dominium poſſidet *Joannes Antonius Happart*.

Inſcriptiones ſepulchrales Dynaſtarum ſde Dieghem invenimus ſequentes Bruxellis in Eccleſiâ Parochiali *S. Catharinae*.

**Hier licht begraven Heer Jan van Brecht, Heer van Dieghem / die ſterft op den XXII. dagh Februarii M. Dc. en XXXV.**

In Eccleſiâ Parochiali de Dieghem.

*Cy giſt Noble homme le Sieur Charles de Brecht, Eſcuyer en ſon*



*son vivant Seigneur de Dieghem, Corbeque &c. qui trespassa le 1. de Juin 1595. aage de 77. ans.*

Quarteria.

*Brecht, vander Noot, Absolons, Ligneham.*

*Cy gist Noble homme le Sieur Alexandre d'Oudaert, Escuyer Seigneur de Ranst, Millegem, Rymenant, Opstal &c. qui trespassa le XI. de Juin 1594. aage 51. ans.*

Quarteria.

*Oudaert, Wesemal, Douvrin, Coudenbergh,*

*Ces Epitaphes ait ordonné par testament le Sieur Charles Oudaert, Seigneur de Dieghem, Rymenant, Opstal &c. Son fils qui trespassa a Francfort le 7. de Septembre 1618. a fondé une messe journaliere en cette Eglise sur l'autel de nostre Dame, ou sur le Chasteau ainsi qu'il plaira au possesseur. P. D. P. L. Ames.*

Quarteria.

*Oudaert, Brecht, Douvrin, vander Noot.*

In Choro Ecclesiæ Parochialis de Dieghem.

*Illustres ac Nobiles Domini D. Philippus Happart & D. Catharina Oudaert, Conjuges Domini de Dieghem, Rymenant, Corbecque, Opstal &c. hoc Monumento teguntur, quibus dum viginti tres annos unanimi voto peregrissent, importuna mors ulterius superesse & vita & dulcissimis liberis frui invidit, suisque & omnibus bonis eripuit, illum ætatis anno 65. 16. Januarii 1631, hanc vero ætatis 60. 25. Junii 1639.*

*Ecclesia quæ insignis admodum structuræ est & cum turri præaltâ ex albo lapide tutelarem colit S. Catharinam Virg. & Mart.*

*Patronatus olim spectavit ad personatum hujus Parochialis, sed per unionem Pastoratui hoc jus ad Archiepiscopum hujus Diocesis devolutum est.*

*Decimarum participes sunt Abbatia S. Cornelii Indensis prope Aquisgranum & Parochus, at parvum districtum decimarum habet Pastor in Haren, Præfata Abbatia nuper cessit suas quas inibi possidebat decimas Parocho pro portione congruâ.*

*In hac Parochiali plurimum colitur S. Cornelius Papa & Mart. & ad eum Divum ibidem a populo celebris & frequens toto anni tempore fit peregrinatio.*



DUYSBOURCH pagus est miræ antiquitatis, olim *Dusenborch* & *Duysburch* appellatus in Diplomatis Montis Frigidi. Municipium amplum & nobile juxta Furam medio ferè loco inter Bruxellam & Lovanium. Præfecturæ Vilvordienfis, & si Guicciardino fides omnium Municipiorum Brabantiae antiquissimum.

Devenit hoc Dominium circa annum 1690. viâ emptionis cum Vice Comitatu Furenfi ad *Libertum Franciscum Christyn*, cui *Carolus II.* Hisp. Rex permisit continuationem tituli Vice-Comitatus de Ter-vuren & *Duysburch*. Anno 1690. Hic sine liberis anno 1718. defunctus, successit in hoc Vice-Comitatu filius secundo genitus ejus fratris *Joannis Baptistæ Christyn*, Cancellarii Brabantiae, Baronis de Meerbeeck &c.

Ecclesia Patronam veneratur *S. Catharinam* Virg. & Mart. In eâ Parochum constituit Præpositus Montis Frigidi Ord. *S. Augustini* Bruxellis e suis Canonicis, & gaudet universa hujus Municipii decima.

Antonius Sanderus in Chorographiâ sacrâ *S. Jacobi* Caudenbergensis sive Montis Frigidi refert sine expressione, quod *Clemens* Papa concesserit ut in Ecclesiis de *Duysburch* & *Bevinge* (ubi Præposito & Conventui jus Patronatus competeat) per ejusdem Cœnobii Canonicos Episcopo a Præposito præsentatos & ab illo approbatos, divina possint officia celebrari.

*Erectum in Baronatum.* **ETTERBEKE** in suburbio Bruxellensi, a quo distat medio milliari, Præfecturæ Rodensis, Dynastia spectans ad gentem de *a Căstro*, in cujus gratiam *Carolus II.* Hisp. Rex erexit anno 1673. in Baronatum in gratiam de *Don Diego Henriques a Castro*, in qua familia perseverat.

Ecclesia Patronam colit *S. Gertrudem* Virg. Ejus Patronatum possidet Capitulum *S. S. Michaelis* & *Gudulæ*. Bruxellense, dono *Burchardi* Episc. Cameracensis anno 1127. Diploma refert *A. Miræus* in Not. Eccl. Belgii Cap. LXXI. novæ edit. ut sequitur.

\* *Etterbeeck.*

**BURCHARDUS**, Dei gratiâ Cameracensis Episcopus, Altare de Jettebecca \*, quod est dimidia Ecclesia, salvis nostris & Ministrorum nostrorum debitis, Ecclesiæ, quæ est Bruxellæ in honore Dei Genitricis & Sanctæ Gudilæ, liberum assignamus. Sic tamen ut Hospitalitium pauperum, quod in honore B. Mariæ & duodecim Apostolorum memoria ædificatum eidem Ecclesiæ proximum est, redditus præfati Altaris, omni exactione semotâ, solutis singulis annis in Nativitate S. Mariæ XII. Bruxellensis monetæ denariis à præfata S. Gudilæ Ecclesia, in perpetuum possideat.

1127.

Actum anno millesimo centesimo vigesimo septimo, Indictione quartâ, Præfatus Domini Burchardi XI.

Ego Guerimbaldus Cancellarius scripsi & recognovi.

Decima est tripartita cujus duæ triones spectant ad illustre Capitulum Nivellenfè, & altera ad Parochum.

Ex Etterbeca Serenissimus Belgarum Princeps *Albertus* opera cujusdam Germani anno circiter 1602. copiosissimum fontem miro artificio molis aquariæ deducendum curavit in altiore partem Urbis Bruxellensis & in Palatium, hortos, ac parcom ferarum Palatio adhærens.

**EVERE** primo lapide a Bruxellâ, Præfecturæ Campenhoutanæ, Illustrissimæ familiæ Hornanæ peculium.

So-



Solum hujus pagi bonitate superat circumvicinos pagos, & præcipuè fructus raparum hic crescentium ob singularem saporem ab omnibus avidè amantur & exquiruntur.

Ecclesia *S. Vincentio* Conf. sacra est. Patronatus ejus spectat ad Capitulum Soigniacense in Hannoniâ, quod cum Pastore gaudet hujus pagi decimis; unicuique est suus decimarum districtus.

FORESTUM vernaculè *Vorst* in Suburbio Bruxellensi & ab eâ distans urbe medio milliari, ejusdem libertatis particeps, ita ut Forestenses gaudeant & jure civium Bruxellæ.

Templum Parochiale Forestense *S. Dionysio* sacrum est sub Patronatu Abbatiae Forestensis Monialium Ord. *S. Benedicti* dono *Waltheri* Archidiaconi Brabantensium anno 1117. in Diploma hujus donationis quod refert *A. Miræus* in Not. Eccles. Belgii Cap. LXII. novæ edit.

Noverint quàm præsentēs tam futuri, quoniam ego WALTERUS, licet inutilis Sacerdos, Dei tamen gratiâ Brabatenſium Archidiaconus, petitione Fulgentii Abbat̃is Affigemenſis, Sanctimonialibus in Ecclesia de *Forest* Deo famulantibus Altare ejusdem Ecclesiæ, cum *Ucles* & appenditiis suis, liberum & sine Persona fore concessi, & tradidi ab omni obſonio immune.

Signum Sifridi Burnhemensis Abbatis,

S. Ducis Godefridi,

S. Walteri Militis de Bruxella, & Filii ejus Stephani,

S. Franconis Castellani,

S. Razonis Dapiferi Ducis, & aliorum.

Actum M. C. XVII.

1117.

Decimæ spectant ad hanc Abbatiam dono *Godefridi* Barbat̃i Brabantiae Ducis Anno 1110. hoc diplomate ibidem apud eundem *A. Miræum* Cap. LIX.

Ego GODEFRIDUS, Dei gratiâ Dux Lotharingæ & Comes Lovaniensis, tradidi B. Mariæ semper Virgini, & Sanctimonialibus apud Forestum ei servientibus, partem silvæ meæ, ab Ecclesia Hermanñi Monachi usque ad rivum Glatbeke, libere, sicut possidebam, possidendam, assentientibus Filiis meis Godefrido & Henrico, cum decima & omni usu pro animæ meæ & Filiæ meæ redemptione, Parentum quoque meorum ac Filiorum.

Ut autem Traditio hæc inconvulsa permaneat, Chartam hanc Sigillo meo signavi, & idoneis Testibus subter-annotatis roboravi.

Signum Walteri Rochestock,

S. Eleberti. . . .

Nolo etiam ignorari, quod allodium meum apud Milebecche & apud Montem, ad opus Sanctimonialium Forestensis Ecclesiæ, coram subscriptis Testibus, libere contuli. Testes,

Lambertus de Crahinhem,

Walterus Rodestock,

Franco Castellanus,

Amelricus de Bigardis,

Franco Loco,

Walterus de Ulenbruc,

Walterus de Anselir, & alii plures.

Acta sunt hæc anno M. C. X.

1110.

Pastor habet portionem congruam partim in decimis, granis & nummis. Huic Parochiali adjacet præfata Abbatia Forestensis, de cujus initio variant auctores & scripta.

TOM. II.

Q

Por-



Porro fundata traditur Anno 1096. a *Gifelberto* feu *Gilleberto* de Ganda-vo viro Equestri *Balduini* Aloftani filio tertio genito: Is siquidem Anno 1088. a *Lotberto* Abbate Hainonienſi Ord. *S. Benedicti* ad Scarpam fluvium tria emit allodia *Aloft*, *Rassegem* & *Lede*, ex tribus autem Allodiis, Aloftanum idem *Gifelbertus* ad bellum sacrum profecturus tradidit Domno *Fulgentio* Abbati Affligemienſi (quod erat propè Aloftum) anno 1096. ut ibidem Ecclesia & Clauſtrum conſtrueretur in honore *B. Mariæ* Virginis, ubi ſub Regula *S. Benedicti* mater ejus nomine *Oda* cum filiâ ſua *Lutgarde* Monachicam vitam ducerent, ubi complures dein Deo dicatæ ſacræ Virgines vixerunt. Diploma recitat idem *A. Miræus* in Codice piarum Donat. Cap. LXVIII. novæ edit. ut ſequitur.

*Vide Chronicon noſtrum Belg. ad hunc an.*

*Vide Sanderum in Brabantia ad Cœnobium de Foreſto.*

In nomine ſanctæ & individuæ Trinitatis. Ego **FULGENTIUS** Dei gratiâ primus Abbas in loco, qui vocatur **HAFFLINGEM**, omnibus Chriſti fidelibus, poſt hujus exilia carnis, in regimine vivorum habitacula cum Sanctis.

Notum vobis fieri volumus, quod quidam Miles **GISELBERTUS** nomine, filius *Balduini de Aloft*, filii *Adolphi*, alodium, quod ab Abbate *S. Petri de Haſnon* emerat, noſtræ Eccleſiæ, pro ſalute animæ ſuæ & omnium Anteceſſorum ſuorum, liberè tradidit, ut in eodem alodio, cum ejuſdem alodii appenditiis, Eccleſiam & Clauſtrum, in honore Beatæ Mariæ Virginis, conſtrueretur, ubi ſub regula *S. Benedicti*, mater ſua nomine *ODA*, cum filia *LUTGARDE*, Monachicam duceret vitam.

His me, ſimul cum fratribus, conſentiente, quæſivit à nobis chartâ & ſigillo hæc confirmari, ne nos, vel poſteri noſtri, ex his beneficiis, deinceps loco illi conferendis, aliquid uſui noſtro, abſque voluntate Sororum inibi manentium, vindicemus, ſi regulariter & ſecundum ſubſcriptam inſtitutionem vixerint. Sin autem non, quod avertat Deus, perſolvant auri unciam, quam idem Miles, cauſâ reſpectûs, per ſingulos annos nobis dari inſtituit.

Hujus rei teſtes ſunt.

*Albertus Snagardus.*

*Bernerus de Tenremonde*, & nepos ejus *Aſtricus.*

*Lanxo de Aloft*, & *Henricus* privignus ipſius.

*Sigerus de Aloft.*

*Suboldus* Caſtellanus, *Godeſcalcus* nepos ejus.

*Tiboldus de Hoſſtade.*

Et quia animabus earum vagatio non expedit, conſtitui, ut ex noſtro loco fratres ætate & moribus maturos habeant, qui inibi per ſe habentes habitacula, tam de divinis officiis, quàm de ſecularibus procurent eis quoque neceſſaria.

Una autem ex iſdem aptior ceteris regendis, electione Abbatis & Sororum Dominum timentium, ab ipſo Abbate præponenda eſt illis. Abſque conſilio Abbatis in ſuo conſortio nullam eis concedimus recipere, nec Abbati ullam, abſque earum conſilio, eis inferere.

**ORDINAMUS** inſuper & præcipimus, ne cupiditate aliquâ, infantium vel juvenularum ſibi attrahant multitudinem, ne quoque adverſus Converſas puellaris prævaleat levitas, & ipſius Congregationis deſtruatur ſanctitas. Notamus etiam Abbatem, vel ejus nuntium, ſi neceſſe fuerit, publico placito, quod ter fit in anno, intereſſe; quia præter illum alius Advocatus ipſius alodii non æſtimabitur. Quod ſi contigerit in earum poſſeſſione, vel in earum Conventu, alicujus rei magna tranſgreſſio, Abbatis præſtolabitur præſentia.

Super omnia autem decrevimus Ordinem *Cluniacenſem* Sanctimonialium de **MARCINIS** debere eas obſervare, vel aliarum feminarum, ſub regulari Abbate conſiſtentium; ita ut numquam de clauſtro, poſtquam intraverint, liceat exire, ſed clauſtri clavem Abbas habeat, aut Monachus maturus, & Deum timens, cui bene credat. Profeſſiones ſuas coram Abbate faciant: nulli mortalium, & maximè hominum, abſque licentia in colloquutione ſocientur; quod tamen cum magna gravitate & honeſtate fiat, præter verba otioſa, & riſum moventia, & abſque inordinata conjunctione, & hoc non ſine teſtimonio Sororum Dominum timentium, cum clara luce diei.

Fac-



Facta est hujus traditionis charta, anno Dominicæ Incarnationis millesimo nonagesimo sexto, Indictione IV, eo anno, quo Occidentales, unâ conspiratione, Jerusalem contra Paganos proficiscuntur, cum quibus & iste GISELBERTUS profectus est.

Ego autem, post discessum ipsius *Giselberti*, loca ipsius alodii peragrans, & situm congregationi aptum non inveniens, in Ecclesia FORESTENSI, ab ODONE Cameracensi Episcopo nobis tradita, eas transtuli: ubi Christus, qui est sacrarum Virginum sponsus, pacem tribuat eis, & vitam quietam det eis, inibi sanctè & castè sub eodem sponso suo vivere, per omnia & in omnibus ei placere, ut cum eodem in cælesti palatio possint regnare, & in ejus piis amplexibus valeant in æternum gaudere. Quod filius æterni Regis eis præstare dignetur. Fiat, fiat, fiat.

Sed cum Alostanus fundus ad id minus idoneus videretur, *Fulgentius* Abbas prædictus in Ecclesiam Forestensem ab *Odone* Cameracensi Episcopo sibi traditam, hoc Monasterium transtulit anno 1107. ubi hodieque perstat hæc Illustris Nobilium Virginum Abbatia Ord. *S. Benedicti*. Et cum ex primæva institutione Prioratus esset Affligemiensi Abbati subjectus, *Guido* Episcopus Cameracensis anno 1238. certâ ratione ductus, ab eâ subjectione illud exemit, & ab Affligemio separavit, binâ visitatione per annum Abbati relicta, correctione vero Episcopo relervatâ. Prima Abbâtissa electa fuit *Petronilla Segeri* Templarii Equestris ordinis Castellani Gandavenfis filia Cameraci benedicta a præfato *Guidone* die 2. Octobris anno 1239.

Templum Parochiale Forestense quod est Abbatia contiguum a *B. Aman-do* Tungrensi Episcopo traditur dedicatum, auctum deinde est ex elemosynis peregrinorum ad *B. Alenæ* Virg. & Mart. Reliquias confluentium, exornatum, & fornicibus desuper tectum anno 1482.

In hac Ecclesiâ quiescit corpus præfatæ *B. Alenæ* sive *Halenæ* Virg. & Mart., quæ temporibus *S. Amandi* floruit. Erat illa Reguli Dielbecani Ethnici filia unica (Toparcham hodie diceremus) circa annum 640. quæ dum ad Forestensem Ecclesiam devotionis causâ sub noctem iret, furtivas Deo nostro preces fusura a satellitibus patris deprehensa in viâ, violenter illi brachium extrahi jussit, quâ ex mutilatione mortua & Martyrum palmam adepta est, brachium ab Angelis in altare repositum, corpus inter abstrusas sylvas repositum; in cryptâ reconditum, tot vero tantisque cœpit mox coruscare miraculis, ut illis pater excitatus fidem Christi & baptismi gratiam perceperit *Heroldus* in regeneratione nuncupatus (cum antea *Lewoldus* vocaretur) unâ cum conjugē suâ *Hildegardē* in vitâ, & post eam mira operatus. Sepultus est autem *Heroldus* cum conjugē suâ Dielbecæ in Ecclesiâ quam ad honorem *S. Ambrosii* exstruxerunt.

Cum autem capsa S. Virginis sic dein contracta esset, ut sacra ejus ossa conspicerentur, ne quid inde eriperetur ex Ecclesiâ, quæ *S. Alenæ* dicitur, translata est ad cryptam matricis Ecclesiæ quæ est S. Dionysii.

Cæterum *Godscalcus* Abbas Affligemiensis anno 1193. ex cryptâ retulit sacras Reliquias & populo exhibuit: in quâ ostensione multi sanitatem recuperarunt. Ita ferè *J. Molanus* ad Dominicam diem ante natalem *S. Joannis Baptistæ*. Deinde iterum ab *Adriano* Episcopo Rossensi & Suffraganeo Cameracensi visitatum Anno 1529.

Succedentibus temporibus cum Dielbecani incolæ certo affirmarent se possidere corpus *S. Alenæ*, non vero Forestinæ Virgines, hæc vero contra, tandem *Matthias* Mechliniensis Archiepiscopus anno 1601. rebus benè & diligenter examinatis, Forestinas Moniales verum *S. Alenæ* corpus possidere declaravit. Dielbecanis vero incolis sub interminatione divini judicii & cen-



furarum fulminatione interdixit, ne imposterus in vulgus quid simile spargerent.

In Coemiterio nux avellana monstratur ab ipsa virgine plantatâ, cujus fructus sæpe laborantibus fuit salutaris; hodie suis parietibus circumsepta est, & in veneratione habetur.

Denique Virgines hujus Abbatiae omnes ex primâ institutione jubentur esse, nec assumi nisi nobiles, & militari (hoc est) equestri familia natæ.

## ABBATISSÆ FORESTENSES.

- |  |   |
|--|---|
| I. <i>Petronilla Segeri</i> Castellani Gandavensis filia. Obiit 9. Maii.       | XIX. <i>Catharina de Bouchaut</i> . Obiit 1516.   |
| II. <i>Helwidis de Bauterssem</i> . Obiit 7. Julii.                            | XX. <i>Barbara de Leaucourt</i> . Obiit 1516.   |
| III. <i>Maria</i> . Obiit 15. Decembris.                                       | XXI. <i>Margareta de Liedekercke</i> ex Abbazia Gislengemienfi, Forestanam novis statutis reformavit & obiit 1541. die 25. Septembris.  |
| IV. <i>Machtildis de Asca</i> . Obiit 29. Octobris.                            | XXII. <i>Margareta de Liedekercke</i> . neptis præcedentis obiit 19. Maii 1560.   |
| V. <i>Aleydis de Pollaer</i> . Obiit 9. Junii.                                 | XXIII. <i>Francisca de la Douve</i> dicta de Sanguis cum Monialibus exulavit e Monasterio, quod per hereticos fuerat destructum; obiit Bruxellis Ao. 1583. sepulta in templo Clarissarum. |
| VI. <i>Claricia de Cattendyck</i> . Obiit 10. Octobris.                        | XXIV. <i>Adriana du Petit Cambray</i> . Obiit 1608.   |
| VII. <i>Catharina Beaufort</i> . Obiit 26. Decembris.                          | XXV. <i>Maria Taye</i> . Obiit anno 1638.   |
| VIII. <i>Catharina Kesterbeke</i> . Obiit 8. Aprilis.                          | XXVI. <i>Francisca de Bette</i> sub hac Antistite anno 1660. reformatio strictioris clausuræ amplecta est & introducta; obiit Anno 1666.  |
| IX. <i>Margareta van Bovynes</i> . Obiit 21. Martii.                           | XXVII. <i>Catharina Quarre</i> . Obiit Ao. 1668.  |
| X. <i>Tolenta van Tysche</i> . Obiit 2. Martii.                                | XXVIII. <i>Dorothea Christina D'Yve</i> . Obiit 1692.   |
| XI. <i>Joanna van Heusden</i> . Obiit 12. Martii.                              | XXIX. <i>Agnes Scholastica</i> de Riviere d'Arscot. Obiit 1711.   |
| XII. <i>Isabella de Masmines</i> . Obiit 6. Decembris.                         | XXX. <i>Maria Josepha de Spinosa</i> . Benedicta die 18. Aprilis Ao. 1717. hodierna Abbatissa.  |
| XIII. <i>Aleydis de Goer</i> electa 1384. Obiit 6. Decemb.                     |   |
| XIV. <i>Maria de Trasignies</i> electa 1386.                                   |   |
| XV. <i>Maria Sconincx</i> electa 1388.   |   |
| XVI. <i>Catharina de Maldeghe</i> . electa 1418. Obiit 6. Augusti.             |   |
| XVII. <i>Elisabetha Skonincx</i> electa 1430. 9. Februarii. Obiit 19. Augusti. |   |
| XVIII. <i>Margareta van Scoers</i> electa 1458. die 20. Julii. Obiit 1489.     |   |

FURA vernaculè *Ter Vueren*, præfecturæ Vilvordienfis, Municipium celebre & Nobile, medio ferè itinere inter Lovanium & Bruxellam, situm ad initium sylvæ Soniæ; locus perquam amœnus, venatum Ducibus nostris exhibere solitus. Constat certe *S. Hubertum* hunc locum ut patrimoniam ante Clericatum in deliciis habuisse, atque in ipsâ arce Furanâ Ao. 727. feli-



liciter & piè obiisse, item *Henricum I. Joannem II. Antonium, Joannem IV.* & alios Principes nostros hic vixisse, aut vivere desiisse.

Hic frequenter Principem ejusque Consilium commorari solitum docent frequenter ibidem exarata & iussignata Diplomata.

Castrum hic vetus a Normannorum ævo, quod sumptu & opere magnifico *Margareta Eduardi* Angliæ Regis filia, *Joannis II.* uxor exornans ex arce Palatium fecit ingenti ambulacro, vivario, hortis, nemoribusque elegans & conspicuum, quod temporis bellicue injuria magnâ ex parte collapsum, *Albertus* Belgarum Princeps instauravit, ædificiis auxit, & novum a fundamentis Sacellum, eo ipso loco quo *S. Hubertus* creditur exspirasse, erexit. Sacellum ipsum in arcis areâ situm, & ternas in eo aras se præsentem, Anno 1617. a *Matthia Hovio* Mechliniensium Antistite consecrari curavit. Schema hujus Arcis exhibetur in Castellis Nobilium Brabantiæ Baronis *le Roy*.

Hic etiam Vice-Comitis Prætorium cum ipso Vice-Comitatu; hunc Anno 1435. emit a *Joanne vanden Bosche Joannes Hinckart*, cujus ex *Philippo* filio neptis *Joanna* nupsit *Joanni de Cortenbach* Helmondæ Domino, sicque jure nuptiali transit ad gentem de *Cortenbach*, a quâ circa annum 1690. viâ emptionis devenit ad *Libertum Franciscum Christyn*, cui *Carolus II.* Hisp. Rex permisit continuationem tituli Vice-Comitis de *Tervuren & Duysbourch*, diplomate dato Madriti die 1. Aprilis 1690. Hic sine liberis defunctus Ao. 1718. successit in hoc Vice-Comitatu filius secundo genitus ejus fratris *Joannis Baptistæ Christyn* Cancellarii Brabantiæ, Baronis de Meerbeeck &c.

*Erectum in  
Vice-Comi-  
tatum.*

Sub Præfecturâ Furanâ situm est *Altum Forestum*, Teutonicè *Hooghevorst* secundo a Bruxellâ lapide. Acquisivit illud emptione absolutâ a *Philippo IV.* Hisp. Rege anno 1638. die 14. Novembris *Philippus vander Linden*, magnus Brabantiæ Saltuarius, in cujus gratiam eodem anno ab eodem Rege in Baronatum erectum est. Successorem habuit in hac Dynastiâ filium *Carolum Philippum*. Eo mortuo successit ejus filius *Franciscus Joseph*, qui hodie hunc Baronatum possidet.

*Erectum in  
Barona-  
tum.*

Bruxellis in Ecclesiâ F. F. Minorum exstare solebat ante nuperam hujus Ecclesiæ conflagrationem anni 1695. sequens sepulchralis inscriptio.

**Hier licht begraven den Edelen Joncker  
Jooft van Steenweghen, Heere van Hooghvoorst /  
synde voorszien van syne Maj<sup>te</sup>. met het Hoogh-  
schout ampt van Maestricht / is binnen deser Stadt  
overleden den 12. September 1630.**

Quoad rem sacram, Ecclesia, Parochialis olim fuit, quæ nunc ædícula *D. Joannis Baptistæ*, quæ medio quadrante horæ distat a modernâ Parochiali, quam magnificam & satis amplam pro populi commoditate verosimiliter construxerunt Duces nostri, quæ dicata est *S. Joanni Evangelistæ*, cujus jus Patronatus *Henricus I.* Lotharingiæ & Brabantiæ Dux contulit Abbatîæ Parchensi Anno 1227. uti patet hoc Diplomate.

**HENRICUS** Dei gratiâ Dux Lotharingiæ, Universis præsentem Litteras inspectionis, salutem. Ea quæ providè disponuntur, ad hoc Scripto traduntur, ut non minus posterorum, quam præsentium memoriæ commendentur.

TOM. II.

R

Sciant

*Ita Sande-  
rus ex Ar-  
chivis, Par-  
censibus.*



Sciant igitur tam futuri, quàm præsentes, quòd Nos habitâ deliberatione sufficienti, & tractatu cum Viris prudentibus & Juris peritis, Fratribus de Parcho, juxta Lovanium, Canonicis videlicet Regularibus Præmonstratensis Ordinis, Jus Patronatûs Matricis Ecclesiæ in *Vura* sitæ in allodio nostro, contulimus in perpetuum; volentes quòd dum jam dictam Ecclesiam vacare contigerit, dicti Canonici eandem Ecclesiam ad usus proprios teneant, unusquisque eorum Sacerdos, in eadem personam ministeret.

Et ut collatio ista rata permaneat, & inconcussa, præsens Scriptum, Sigilli nostri impressione roboramus his Testibus,

Domino Holtone de Trafenis,  
G. de Sterbeka,  
W. de Iska, Militibus,  
Magistro G. Fisyco,  
G. de Sergingen,  
Magistro R. Hogsen,  
I. de Sterbeka, Clericis nostris,  
D. Villico de Bruxella,  
G. de Werda,  
J. filio Seboydi,  
Et aliis quam pluribus,

1227. Actum anno gratiæ M. CC. XXVII.

Hanc donationem confirmavit Anno 1259. *Nicolaus* Episc. Cameracensis ad instantiam Dominæ *Aleydis* Ducissæ Brabantiae, simul concedens ut sicut antedictæ Ecclesiæ per sæculares erat deservitum, ita de cætero eidem deserviretur per unum e Canonicis Ecclesiæ Parchensis. Diploma exhibetur in Chorographia sacra Abbatiae Parchensis *A. Sanderi* in fol. pag. 22. Quin & eodem anno 1227. idem Dux *Henricus I.* contulit Præfatæ Abbatiae duas Capellas in *Vura* sitas, unam infra Curtim (ubi tenetur mortuus *S. Hubertus*) alteram constitutam in summitate dictæ villæ scilicet *Vuranæ*, quæ vocatur *S. Evangelistæ*, & simul dedit duas partes Majoris decimæ, reliquas duas partes possidet Capitulum *S. S. Michaelis & Gudulæ* Bruxellensis.

Hæc Capellania Ducis Brabantiae gravata est missa quotidiana, fundata, in bonis & decimis in vico *Yseringe*.

Porro Ecclesia Parochialis possidet *Lipsana* quædam sacra, partem ossis *S. Huberti* Episcopi Leodiensis ex donatione *R. P. Caroli de Arcembergh* Capucini a *Mechliniensium* Antistite *Jacobo Boonen* approbati; Cornu item eburneum argenteis laminis obductum, ponderans libras VIII. quo idem sanctus ante Clericatum uti solebat. Est autem hic magna fidelium devotio erga hunc Sanctum ac veneratio singularis, & plures ejus intercessione a rabie aliisque plagis Deo miserante curantur & præservantur. Fuit etiam quondam *Furæ* Xenodochium, in quo infirmorum curam gerebant Moniales; at illud modo extinctum est, bonaque mensæ pauperum Parochianorum applicata, aliaque domus curandis infirmis destinata.

In Basilicâ Parochiali *Furanâ* Serenissimus Belgarum Princeps *Albertus* trium ex ordine Ducum Brabantiae *Antonii I.* qui prælio Azuriensi Ao. 1415. periit, ejusque filiorum *Joannis IV.* qui Lovaniensem Academiam condidit & *Philippi I.* qui Lovanii in arce fatis concessit communem tumulum, antea mutum, loquentem fecit, hoc est additâ hac eleganti & proluxa inscriptione decoravit.



Deo Optimo Maximo.

## ANTONIUS, JOANNES, PHILIPPUS.

Lotharingæ, Brabantia, & Limburgi Duces, ille Pater, hi filii, cum *Joanna Sanpaulina* Matre commune hoc monumentum habent parvum magni, sed vel ideo magnum.

*Antonius Justus*, acer, ac militaris pugna Azincuriensi cæsus VIII. Kal. Novembris M. CCCC. XV. Cadaveribusque hostium obrutus, triduum & pulcherrima morte, velut sepultus, ut majorem huic gloriam tumulo inferret.

*Joanna Antonii* uxor Valeriani Comitis Sanpaulini filia, pulcherrima forma, castissimis moribus, sed ante maritum extincta pridie Eidus Augusti M. CCCC. VII.

*Joannes* natu major pietatis ac doctrinæ amans XIII. ætatis anno Dux XVI. maritus, at infausto mox Conjugio XXIII. Academia Lovaniensis conditor, diem haud multo post obiit Kal. Majas M. CCCC. XXVI.

*Philippus* natu minor, tribus annis rerum potitus cum sponfam e Sicilia, Ludovici filiam expectaret, Lovanii in arce fati concessit pridie Non. Aug. 1430. sic pater, mater, filii, quem vivi amarunt locum, mortui illustrant. Sed Serenissimi *Albertus* & *Isabella Clara Eugenia*, Archiduces Austria, Duces Burgundiæ, Brabantia &c. mutum hæcenus monumentum non passi sine scriptura esse, Patris, Matris, filiorumque nomina inscribi voluerunt, pridie Kal. Novembris D. DC. XVI.

Intra limites Municipii Furani est Conventus, seu verius Eremus F. F. Minorum Capucinorum ad ingressum Sylvæ Soniæ. Donavit eis locum Anno 1625. cum omnibus arboribus in eodem fundo sitis ad exstruendum inibi Cœnobium in Sylvâ Soniâ, Serenissima *Isabella Clara Eugenia* Hispaniarum Infans Belgii Gubernatrix, in quo cum piorum fidelium eleemosynis unius anni spatium hic Conventus totus perfectus est anno 1627. In hoc Patres Novitiatum egressi, adolescentiores mittuntur, ut hoc ab eis loco pristinae devotionis Spiritus resumatur, & ad cœlestia contemplanda aptiores fiant.

Ab hoc Conventu medio milliari viâ continuâ arborum serie consistit in Sylvâ Soniâ intra terminos Municipii Furani est ædicula Mariana ad Quercum *Jesu* nominata, vulgo *Jesukens Eyck*, ubi miraculosâ Deiparæ imago requiescit in viâ quæ Namurco Bruxellas tendit. Ad eam frequens est a Bruxellâ præsertim (a qua distat duobus milliariibus) populi concursus. Locus sub curâ Abbatia Parchensis constitutus, & ab ejus Abbatia Canonicis administratur, ac jure Parochiali nuper donatus, licet paucissimi sint hujus loci incolæ, De hac ædiculâ pluribus agit *A. Sanderus* in Brabantia parte I. ad quem Lectorem remittimus.

GRIMBERGA Municipium illustre, Præfecturæ istius nominis caput



*Vetus Baronatus.*

& maximi nominis Dynastia ac Baronatus olim inter Brabantinos ex antiquioribus & celeberrimos amplissimæque jurisdictionis & territorii, pagosque complures & Parochias magni nominis complectens; Vilvordia medio milliari, Bruxella duabus, Mechlinia vero duabus milliariibus cum medio distans.

Potentes olim habuit Bertholdicæ stirpis Dynastas, sed a Brabantiæ Ducibus prælio victi, in ordinem redacti sunt.

Defecit hoc stemma in *Gerardo de Berthout* seculo XIV. qui duas filias hæredes reliquit, alteram Comiti Vianensi junctam, in cujus bona Nassovii successerunt, alteram *Leonio de AA.* Castellano Bruxellensi, cujus posterii Bergensibus juncti in illam stirpem portionem hæreditatis suæ transtulerunt. Ita ut Grimberga a duobus hodie Dominis (quorum unus ex gente Nassovia, alter ex familiâ Bergiâ) indivisim possideatur. Vide Chronicon Belgicum *A. Miræi* pag. 316. Ex Nassoviis nuper *Guilielmus III.* Magnæ Britanniae Rex, post cujus mortem Anno 1702. litigatur inter Nassovios de hoc Baronatu. Vide Diplomata *A. Miræi* novæ edit. pag. 219.

*Erectum in Comitatum dein in Principatum.*

Bergenses inibi præclarum habent Castellum, ab antiquo Baronatus, ac Comitatus titulo ab anno 1625. illustrè, qui Comitatus a *Carolo II.* Hisp. Rege in Principatum erectus est sub nomine de *Berghes* anno 1686. diplomate dato Madriti die 23. Maii in gratiam *Philippi Francisci.* Hujus Castellî schema exhibetur in Castellis Nobilium Brabantiæ Baronis *Le Roy.*

Peculia gentis Nassoviæ sunt pagi sequentes *Meys, Eppegem, Beyghem, Offele, Londerseele, Brusségem* & pars de *Eelewynt* & de *Raemsdonck.*

Bergensis Principis sunt *Semps, Thisselt* & pars Domini de *Buggenbout.*

Stemma Bergensium invenies apud *C. Butkens* in Trophæis Brabanticis Lib. IX. in fine. Item apud *A. Miræum* in Not. Eccles. Belgii Cap. CXXXII. novæ edit. ubi ad hæc tempora Comites & Principes *Bergenses* referuntur.

In ipso Grimbergano Municipio præter Arcem Principis: complura sunt Prætoria, & Dominia; e primis sunt, Prætorium de *Poddegem* cum Dominio olim gentis Crainhemensis, hodie N. de *Brouckhoven* jure uxorio.

Prætorium de *Oyenbrugge* cum Dominio, vetus *Oyenbrugganorum* peculium, a quibus testamenti tabulis devenit ad Baronem de *Roost* ex eadem gente. Ibidem est Sacellum *D. Annæ* sacrum, in quo singulis diebus festivis divina celebrantur.

Prætorium *Linth* cum Dominio olim gentilium *Wingiorum*, dein de *Berthy*, hodie familiæ de *Brouckhoven*, ibidem est Sacellum Domesticum *S. S. Trinitati* sacrum.

Dominium & Castellum de *Padenbourgh* Anno 1550. emptum fuit a *Philippo Veusels* Magistro Camerae Rationum Brabantiæ, & *Emerentiana Sterck* Conjugibus: quæ soror fuit consanguinea *Annæ Sterck* Dominæ de *Stabroeck, Casterle, Lichtert* &c. uxoris *Ferrici a Bergis* Baronis Grimbergani.

*Emerentiana* vero *Sterck* plures liberos peperit: inter quos *Wilhelmus Veusels* Decanus *S. Petri* Trajecti ad Rhenum, qui ab hæreticis Anno 1578. hac dignitate spoliatus ad Præposituram *S. Servatii* Urbis Molæ Trajectensis, & ad Senatoriam dignitatem in Magno Senatu Belgico meruit promoveri. *Bernardus Veusels* Præses Camerae Rationum Brabantiæ, Eques creatus 5. Januarii anno 1590. *Godefridus Veusels S. Servatii* Trajecti ad Mosam Præpositus, & Ecclesiasticus in Magno Consilio Regio Senator. *Philip-*



*lippus Veuſels* in ſupremâ Brabantiae Curiâ Senator. Et *Emerentiana Veuſels* Domina de Padenbouch, quæ 11. Septembris 1576. nupſit *Joanni de Romrée* Domino de Fraypont & de la Chapelle pro parte, in aula Maximiliani Cæſaris Nobilibus Palatinis aggregato: qui patrem habuit *Joannem de Romrée*, matrem autem *Catharinam de la Marck*.

*Joannes Carolus de Romrée*, filius ſecundi thori, Dominus de Mazée & de Padenbourg iteratis vicibus Conſul Mechlinienſis, ductâ *Lucretia van Hoof* Domina de Caneghem, filiâ Joannis Domini Machlæ *S. Gertrudis* & *Joannæ Kerremans* obiit 5. Decembris 1683. cujus filius *Petrus Franciſcus Vitalis de Romrée* Toparcha de Boenheyde, Caneghem &c. præclare caſtellum ſuum de Padenbouch inſtruxit: qui modo *Maria Anna Thereſia vander Boyen* ex Baronibus de Neeryſſche & de Makem conthorali ſuâ orbatus, vitam Mechliniæ in dignitate Conſulari populariter ducit, omnibus gratus, cui Neſtorios annos apprecantur quivis boni.

Prætorium *Schiplaken* cum Dominio, olim *Immerſeliorum*, dein gentilium de *Viſſcher*, hodiè *D. vander Cruycken* cum ſuis. In eo Sacellum *S. Cruci* ſacrum.

Prætorium & Dominium *Ter Tommen*, Vice-Comitum Grimberganorum & Dominium de *Borcht*, olim fuit *Busliadanorum*, dein jure nuptiali Baronum de *Tſerclaes*, a quibus anno 1692. via emptionis devenit ad *Henricum van Kerrenbroeck*, cui *Carolus II.* Hiſp. Rex permiſit continuationem tituli Vice-Comitis Grimbergenſis die 13. Aprilis anno 1694. quo, anno 1699. ſine liberis mortuo, devenit ad ejus fratrem juniorem *Ignatium van Kerrenbroeck*, in quâ ſtirpe perſeverat; atque hodiè illud poſſidet *Thereſia Joſepha van Kerrenbroeck*. In eo Sacellum *S. Salvatori* ſacrum vulgo de *Borcht*, in quo diebus ſacris a Grimbergenſis Abbatiae Canonico divina celebrantur, quo frequens concuſſus; in cujus vicinia monſtratur locus Arcis Grimberganæ veteris, cum ſuâ viciniâ gaudens libertate propriâ; ſitum eſt juxta Vilvordiam.

In Choro *S. Nicolai Bruxellis* exſtat ſequens Epitaphium.

*Cy giſt Dame Anne vander Tommen, fille de Louis vander Tommen, Eſcuyer, Seigneur d'Oplinter, Linden, Wiltſele, femme de Meſſire Jean de Fourneau, Chevalier, Seigneur de Cruyckenborch, Wambeke, Lombeke, & Ter Nath, que treſpaſſa le 17. jour de Septembre 1632.*

In Eccleſia Parochiali *S. Catharinæ* ibidem extant ſequentia Epitaphia Vice-Comitum Grimbergenſium Dynaſtarum de *Borcht* & de *Ter Tommen* ut ſequitur.

**Hier licht begraven Heer Adolf van Busleyden, in ſyn leven Borchgrave des lants van Grimbergen / Heere vander Borcht ende Ter Tommen, die ſterft den 3. Heert 1614.**

**Ende Vrouwe Philipote van Oyenbrugge ſyne huysvrouwe / Borchgravinne der voorgeſeyde plaetsen etc. die welke ſterft den 19. 8ber 1656.**



*Cy gist tres noble & Generoux Seigneur Jacques, Baron Tserclaes, Vicomte de Grimberghe, Seigneur de Borcht & de Ter Tommen &c. vivant Escuyer de feu Serenissime Archiducesse Isabelle, Infante d'Espagne, lequel mourut le 29. Septembre 1639.*

*Et Dame Jenne de Busleyden, Baronne, Vicomtesse & Dame de Dits lieux, laquelle mourut le . . . . .*

Hoc Illustre Dominium Grimberganum plurimum exornat eique decori est *Abbatia* vulgo dicta *Grimbergana* Ord. Præmonstratensis, a *Walthero Bertholdo* Mechliniæ & Grimbergæ Regulo in allodio suo Anno 1110. fundata, primitus pro Canonicis Regularibus *S. Augustini*, *Odone* Cameracensi Episcopo approbante eodem anno; sed prædicti Canonici Regulares propter dotationis tenuitatem, seu propter malorum temporum injuriam, post aliquot annorum spatium spontè discedentes, alios colonos accersendi facultatem præfato *Walthero* præstiterunt, qui proinde mox Monachos Ord. *S. Benedicti* iterato ejusdem *Odonis* consensu, ibidem suffecit. Verum hietiam, *Walthero* defuncto, post modicum temporis ob supradictas rationes verosimiliter loco voluntariè cesserunt; quapropter *Gerardus & Arnoldus*, præfati *Walteri* filii & hæredes, dictum Monasterium Grimbergense *S. Noberto* Ord. Præmonstratensis conditori, tradiderunt, qui in eo sui Ordinis Sodales collocavit, *Liethardo* Episcopo Cameracensi anno 1131. id Diplomate suo confirmante, sicque Altaria, prædia & bona, quæ antea erant Canoniorum Regularium, ipsis assignata sunt. Diploma recitat non uno loco *A. Miræus*, & *A. Sanderus* in Chorographia sacra Abbatiae Grimbergensis. En Diploma.

In nomine sanctæ & individue Trinitatis. **LIETHARDUS** Dei gratiâ Cameracensium Episcopus, tam futuris quàm præsentibus in perpetuum. Divinâ attestante Scripturâ, quæ ait: *Ante mortem tuam benefac: quoniam non est apud inferos invenire cibum*: ad bene agendum invitamur: providendum itaque nobis est, ne de nostra tarditate post mortem abjudicemur.

Ecclesiam igitur GRIMBERGENSEM, in honore S. Dei Genitricis Mariæ, & S. Petri Apostolorum Principis . . . . . sitam, exaltare & nobilitare decrevimus: & qualiter ad nos à Prædecessoribus nostris emancipata pervenerit, subnotare censuimus. Cum enim præfatam Ecclesiam \* **GUALTERUS** quidam Nobilis, quia in alodio suo sita erat, teneret, Dominus **ODO**, Prædecessor noster, petitione ipsius **Gualteri**, & redditione, eandem Ecclesiam ab omni laica manu, & exactiõne aliqua & debitis obsoniis, ad usum *Canonicorum*, secundum Regulam B. Augustini viventium, primò emancipavit.

\*Obiit anno 1131.

Succedentibus verò temporibus, cum illi nihil profecissent, & penitus Ecclesiam in nihilum redactam reliquissent, iterum petitione ejusdem prædicti **Gualteri**, Monachorum Ordinem sub eadem libertate ibidem imposuit. Sed & illi persecutiones malefactorum & paupertatem sustinere non valentes, iterum desolatam reliquerunt.

\* Draekenbloedt.

Novissime verò defuncto **Gualtero**, heredes ejus, **GERARDUS** videlicet \* & **ARNULPHUS**, quia patris & matris & parentum eorum ibidem ossa requiescebant, desolationem Ecclesiæ non ferentes, petierunt à Domino **NORBERTO**, viro spectabilis religionis, per legatum suum hominem quemdam **ALVARICUM** nomine, ut suæ religionis Fratres in præfata Ecclesia poneret.

Ipse verò tandem petitionibus eorum acquievit, & Fratres ibidem impositi, sub tutela Abbatis & Fratrum PRÆMONSTRATÆ Ecclesiæ, per aliquot tempus commorantes, & de die in diem, adjutrice gratiâ, in melius pro sua paupertate & pro-



posito proficientes, à nobis, & Abbatem & præfatam libertatem innovari petierunt. Nos verò iustis eorum petitionibus annuimus, sic videlicet ut libera esset à servitio, à ceterarum consuetudine Ecclesiarum, ab omni prorsus exactiōe Episcopi, Archidiaconi, & Decani.

His autem Ecclesiæ concessis, Ecclesiæ Cameracensi hoc solum de illa habendum retinui, Ordinationem Fratrum, & filialem loci subjectionem. Et si quem, secundum ordinem & tenorem Præmonstratæ Ecclesiæ, à qua descendit religio, Abbatem canonicè elegerint, vel ejusdem Præpositum, Ego & Successores mei facrent, vel ubi petitione Fratrum, & necessitate idoneâ cogente eum sacrari permiserint: si quid etiam in Conciliis, in Synodo, de jure & negotiis, & utilitatibus Ecclesiasticis tractare contigerit Episcopum, de quiete sua Abbas evocetur ad ejus dirigendum consilium.

Ipsemet verò Abbas Parochiam cuilibet Sacerdoti boni testimonii committat, quem Episcopo per se, vel unum de suis Fratribus ad suscipiendam populi curam præsentet. Qui si peccaverit, vel Fratribus in aliquo molestus fuerit, sicut ab Episcopo vel ministro ejus, sic ab Abbate removeatur vel corripiatur.

Concedo etiam ut si inbannitur terra, remotis excommunicatis, hæc cantet Ecclesia, clausis januis. Interdico autem, ne quemquam à prædicto Ecclesiæ Claustro, sine permissione Abbatis, & assensu totius Congregationis liceat discedere, discedentem verò nullus audeat recipere.

Bona etiam & possessiones, quas justè & legitimè prædicta Ecclesia possidet, ad usum Canonicorum Regularium ibidem Deo servientium, præsentis Scripti paginâ confirmamus: Altare videlicet de (a) *Wamblinis* cum appendiciis suis, (b) *Barckhem*, (c) *Radelegim* & (d) *Ramesdum*: Altare de (e) *Meyse*, cum appendiciis suis (f) *Opehem* & (g) *Rode*, Altare de (h) *Strombeke*, & decem & octo mansos terræ. Ex quibus prædictus *Gualterus* sex dedit, *Gerardus* filius unum, *Alvericus* tertius filius suus . . . *Reinerus* duos; & quod superest, antiquitus possedit Ecclesia. Quæcumque præterea justè adipisci poterit, firma & illibata illi conserventur. Ad arcendas igitur quorumlibet importunitates, datâ conservatoribus pace, in prævaricatores, quoad resipuerint, excommunicationis sententiam proferimus, atque Canonicâ subsignatione, nostrâque subimaginatione hujus nostri Decreti paginam confirmamus.

Signum mei ipsius LIETHARDI Episcopi.

S. Joannis, Theoderici, Alardi,  
Theoderici, Gerardi, Archidiaconorum.

S. \* Elebaldi Præpositi, Gildardi Decani, Rothberti Cantoris. Guidonis,  
Hugonis, Werimbaldi, Lantberti, Adam, Bartholomæi, Canonico-  
rum.

Actum est hoc Cameraci, anno Incarnationis Domini millesimo centesimo tricesimo secundo, Indictione decimâ. Ego WERIMBALDUS Cancellarius scripsi & recognovi . . .

(a) *Wemmel.*  
(b) *Berchem.*  
(c) *Releghem.*  
(d) *Ramsdonck.*  
(e) *Meys.*  
(f) *Ophem.*  
(g) *Nieuwen-rode.*  
(h) *Strombeek.*  
*Pagi vel*  
*Ici, ubi*  
*Pastores*  
*sunt Religi-  
osi Grim-*  
*bergenjes.*  
\* *Aliis Er-*  
*lebalus.*

1131.

Subsecuti deinde Toparchæ Grimbergani avitæ pietatis ac munificentia æmuli Coenobium illud certatim muneribus & bonis auxerunt.

*Humbertus* primus Abbas Ecclesiæ Grimbergensis in eodem suo Monasterio simul instituit patris *Norberti* exemplo insistendo, ab initio Sorores Moniales, & ita Coenobio virorum Grimbergensi junctum fuit Coenobium *Norbertinarum*, uti per totum Ordinem juxta *S. Norberti* constitutum, constat fuisse observatum, quod manifestè Necrologium ejusdem Abbatia & vetera monumenta testantur; verum id postea vitandis periculis & scandalis anno 1137. in Comitibus generalibus ab *Innocentio* Papa confirmatis ubique abrogatum est, & dictus *Humbertus* anno 1139. virtute hujus decreti Moniales ad Parochiam de *Meyse*, in loco dicto *Novo Sarto*, vernaculè *Nieuwen-Rode*, horæ circiter spatio a Monasterio diffito sub regimine discretæ Priorissæ transtulit, ubi præfatæ Sorores in religiosa domo, sibi sub tutelâ & titulo *B. Mariæ* Virginis exstructâ, in omni Sanctitate & humilitate Domino vixerunt juxta Pontificum & Capituli Generalis constitutiones, usque ad tempora



*Goswini XI.* Abbatis Grimbergenfis, quo fuerunt penitus extinctæ. Locus habitationis Sororum Monialium in Novo Sarto post illarum extinctionem, propter defectum inhabitantium, mox fuit desolatus, dirutus & extinctus.

Ab immemorabili tamen tempore ibidem semper postea existit Sacellum D. Virgini sacrum, cui præfici solet hujus Ecclesiæ Canonicus cum titulo Vicarii.

In illarum Monialium bonis dein Successere Grimbergenfes. Hoc semel annotasse placuit, ut lucem afferant, cum in foundationibus Abbatiarum Præmonstratensium fit mentio Monialium Norbertinarum simul cum viris cohabitantibus; nam Abbatia Præmonstratensis primitus fuere utriusque sexus, uti hodie nonnulla Brigittinarum Monasteria.

Floruit in hac Abbatia magnâ cum opinione Sanctitatis Vener. *Daniel a Campenbout*, ibidem dum viveret Prior, qui obiit anno 1552. die 11. Septembris, cujus sepulchrum apud Grimbergenfes in veneratione est, tamquam pii hominis Deo digni; ejusque sacram memoriam ponit *A. Raiffe* in Auctuario ad Natales S. S. Belgii *J. Molani* die XI. Septembris.

Ecclesia Parochialis *S. Servatio* Episc. Tungrensi sacra est, quæ ab Abbatia Grimbergenâ dependet, & universa ferè hujus pagi Decima.

Divisio Parochiæ a Coenobio quoad Officii Divini celebrationem facta est anno 1280.

Ex hac Abbatia prognata est Abbatia *S. Nicolai* Furana prope Neoportum anno 1128. vel 1129. cujus proinde est filia.

Ecclesia Abbatialis nova & splendida cum insigni & altissimâ turri, nostrâ ætate construi cœpta est, eamque multum promovit nuper defunctus Abbas *Hermannus Demunck* circa annum 1700.

Cæterum Anno 1715. & subsequenribus annis novus & insignis Conventus a fundamentis exstrui cœptus est præclaræ & nobilis Architecturæ, qui hanc Abbatiam plurimum illustrat.

## ABBATES GRIMBERGENSES.

- I. HUMBERTUS a *S. Norberto* ex Præmonstrato missus anno 1128. Præmonstratensem Religionem in hoc loco collocavit. Obiit circa annum 1148.
- II. THEODORICUS ex Præmonstrato huc missus, vixit circa annum 1158.
- III. EGBERTUS primus hujus Abbatia Professus præfuit ab anno 1170. usque ad An. 1179.
- IV. SYMON vixit Anno 1180.
- V. JOANNES.
- VI. JOANNES DE MERCHTENIS.
- VII. HESCELO. Obiit An. 1222.
- VIII. GUILIELMUS. Obiit An. 1229.
- IX. FRANCO. Obiit anno 1244.
- X. WALTERUS DE ROESBEKE. Canonicus Grimbergenfis, ex Abbate Diligemensi, postulatus a Grimbergenfibus Abbas Ao. 1256. Obiit 1259.
- XI. GOSWINUS vixit Ao. 1260. & usque ad An. 1270.
- XII. WALTERUS DE CAELMONT Canonicus Grimbergenfis electus Abbas Diligemensis, dein postulatus Abbas Grimbergenfis, præfuit ab Anno 1270. Obiit Ao. 1312.

XIII.



- XIII. ANSELMUS. Obiit Ao. 1314.  
 XIV. JOANNES DE PODDEGEM. Obiit Ao. 1320.  
 XV. GERARDUS DE ISKA. Obiit Ao. 1330.  
 XVI. WALTERUS DE MARCA. Obiit Ao. 1354.  
 XVII. GODEFRIDUS DE VOS. Obiit Ao. 1370.  
 XVIII. JOANNES VAN HOVE. Obiit Ao. 1392.  
 XIX. JOANNES DE SAPE Brugensis. Obiit Ao. 1396.  
 XX. RADULPHUS DE BUYSINGEN. Obiit Ao. 1397.  
 XXI. BALDUINUS DE PRICKERE. Obiit Ao. 1400.  
 XXII. ÆGIDIUS DE BOUCHOUT. Obiit Ao. 1416.  
 XXIII. CORNELIUS DE KEMPENER. interfuit Concilio Basileensi & obiit Ao. 1446.  
 XXIV. JOANNES VRANX Bruxellensis. Obiit Ao. 1465.  
 XXV. JOANNES DE MECHLINIA. Obiit Ao. 1474.  
 XXVI. JOANNES DE MOLENDINO, alias *Sceers*. Obiit Ao. 1477.  
 Post cujus mortem *Judocus Bruylant* Professione Religiosus Grimbergen-  
 gensis, sinistra ambitione, ope *Luca* Episcopi Sabiniensis, in Belgio  
 Nuntii Apostolici a *Sixto IV.* Papa obtinuit provisionem Abbatiae  
 Grimbergenensis contra Canonicam electionem & provisionem de Perso-  
 na *Marci de Platea*; sed opera ac industria *Theodorici de Tuldel* Abba-  
 tis Parchensis rejectus fuit ab Abbatia Grimbergenfi.  
 XXVII. MARCUS DE PLATEA Lovaniensis, a *Maximiliano I.* Cæsare  
 An. 1478. obtinuit ne Abbatiae Grimbergenensis, S. Michaelis & Tonger-  
 loensis, ullouquam tempore dentur in Commendam. Obiit Mechliniæ  
 contagioso morbo correptus Anno 1489.  
 XXVIII. ARNOLDUS PERSOENS rexit usque ed annum 1506. quo annis  
 gravatus resignavit Abbatialem dignitatem *Petro van Wayenberge*  
 triennio ante mortem.  
 XXIX. PETRUS DE WAYENBERGE Bruxellensis, obtinuit anno 1524. a  
*Clemente VII.* Papa usum Mitræ & Pontificalium. Obiit Bruxellis An-  
 no 1540.  
 XXX. FRANCISCUS DE BLIOUL Bruxellensis per annos XVIII. fun-  
 ctus munere Coadjutoris, non nisi duos annos ut Prælatus præfuit. Obiit  
 An. 1542.  
 XXXI. NICOLAUS DE SPIRA Bruxellensis, primus ex nominatione  
 Principis inauguratus est Abbas anno 1543. Hic ex Sacrista Supprior,  
 inde Prior ac denique Abbas, laudabiliter præfuit, & publicis Pa-  
 triæ negotiis fructuosè pluries adhibitus. Vitâ excessit Anno 1568.  
 XXXII. GERARDUS DE CAMPENHOUT ex Pastore in Wemmel Abbas  
 Anno 1571. ædes Monasterii Lovanii sitas in Collegium Præmonstra-  
 tense, contractu inito cum aliis ejusdem Ordinis Belgii Prælatis, con-  
 cessit. Hujus tempore omnis pretiosior Ecclesiæ sacra supellex ab hæ-  
 reticis direpta est juxta Teneramundam, quo illa transvehabatur, ut la-  
 trociniis, & rapacitati tutius subduci posset. Obiit Anno 1577. die  
 20. Aprilis.  
 XXXIII. ANTONIUS VAN OYENBRUGGE ex Priore in Prælatum elec-  
 tus Bruxellis, quo se cœtus Religiosus subduxerat propter patriæ tur-  
 bas, Monasterio flammis absumpto, facultate Pontificiâ & Regiâ no-  
 tabilem prædiorum, bonorumque portionem emptioni exposuit, ut de-  
 structa repararet, & Religiosorum necessitatibus subveniret. Obiit An-  
 no 1594. die 13. Februarii.



- XXXIV. PHILIPPUS RAUBERGEN Mechliniensis ex Pastore in Wemmel, Conventum ex Bruxellensi exilio reduxit, & pristino loco restituit, & loca Conventualia in suis ruinis propè sepulta restauravit, & pristino ferè decori restituit. Mortuus Ao. 1613.
- XXXV. CHRISTOPHORUS OUTERS Trudonensis, Pastor & Prior Grimbergensis, domos Pastorales exstruxit in Berchem, Raemsdonck & novo Sarto, prout etiam ædes Bruxellenses. E vivis excessit apoplexiâ correptus die 12. Septembris anno 1647.
- XXXVI. CAROLUS FERNANDEZ DE VELASCO Bruxellensis, primo Pastor in Berghem & Beygaerden, deinde ex Pastore Grimbergensi Abbas denominatus anno 1647. Laudatissimè præfuit annis 18. In pauperes profusus; nihilominus ædificia multa construxit, ipsamque Templi fabricam suâ parcimoniâ magnificam & sumptuosam ædificare cepit & admodum provexit. Pietatem & religiosam observantiam exemplo potentius commendavit quam imperio: & constitutus Vicarius Generalis Hispaniarum Disciplinam ac Studia etiam apud externos diligenter restituit promovitque. Obiit Bruxellis 13. Octob. 1665. ætatis anno 69.
- XXXVII. JUDOCUS VANDER ELST Grimbergensis, primum Pastor in Berghem deinde in Wemmel, utrobique zelosus, exemplaris, intrepidus: ætate provectior Abbas denominatus, biennio non toto præfuit. Vir antiqui candoris & gravitatis, humilis, patiens & hospitalis. Obiit Bruxellis 21. Februarii 1670. ætatis 71.
- XXXVIII. LAURENTIUS BOGAERTS Flander, ex Provifore Abbas, luctuosus belli temporibus prudentissimè rexit, in adversis constans & pacatissimâ animi tranquillitate sedatus, demissione, & titulorum fastusque odio, ac singulari morum exactitudine admodum commendabilis. Turrim Ecclesiæ magnoperè provexit, & spiritali non minus quam temporali regimini utiliter intentus. Obiit Bruxellis die 24. Januarii 1692. ætatis 72. Prælaturæ 22.
- XXXIX. JUDOCUS BASSERY Bruxellensis, nominatione Regiâ ex Cura de Ophem ad Prælaturam promotus gregem sibi commissum (etsi bellorum injuriâ ut plurimum abesse coactus) prudenter fideliterque rexit, paternâ Charitate & singulari benevolentia suos semper complexus, dignusque, qui Vicarius Generalis Circariorum Brabantiae & Frisiae constitueretur. Vastam Ecclesiæ turrim à Choro avulsam & penè lapsum minitantem felici successu restitui curavit. Publicatâ pace domum indilatè redux, dum majora molitur, è vivis abripitur Bruxellis 8. Maii 1698. Ætatis 65. Prælaturæ 6. expleto.
- XL. HERMANNUS DE MUNCK Mechliniensis, primum S. T. Suprior & Novitiorum Magister laudatissimus, deinde Pastor in Wolverthem annis 17. Gregem sibi commissum verbo & opere diligentissimè pavit, pauperum & infirmorum paternam Curam habuit, eapropter æstimatissimus. Divinum Cultum Devotionemque erga Virginem Deiparam egregiè promovit ædificato Sacello ejus Impdano hodiedum celebri. Abbas constitutus non minori in omnibus Zelo exarsit, templi fabricam magnopere promovit & ornavit; Divini Cultûs majestatem & decorem impensissimè dilexit, religiosam observantiam opere ac exemplo non minus quam frequenti facundoque sermone sancivit, & in pauperes affectuosissimè profusus, omnibusque ingenitâ demissione & candore bene-



nevolus omnium sibi amorem devinxit. Obiit Grimbergæ 6. Decemb. 1712. Ætatis 69. Prælaturæ 15.

Vacavit Prælatura annis quatuor.

**XLI. AUGUSTINUS VAN EECKHOUT** Bruxellensis quondam Magister Novitiorum, S. T. Supprior & Prior. Deinde Pastor in Wemmel & Archipresbyter Districtus Brux. annis octo. Denominatione Cæsareâ & Regiâ Abbas anno 1716. possessionem adiit 23. Decemb. 3. anni sequentis Abbatiales Infulas suscepit. In Archidiecepsi Mechliniensi Judex Synodalis, & Illustrissimorum Brabantiae ordinum Deputatus Ordinarius; hodie regit.

**HAM** altero lapide a Bruxellâ, Præfecturæ Merchtemensis. Dominium Comitis *S. Petri Jettensis*, uti alibi pluribus dicitur, constituens eum Jette, Ganshoren, Relegem, & Bever unum tribunal. Pagus est exiguae extensionis; complectitur enim vix centum & quinquaginta terræ bonaria, habens perpaucos incolas.

Ecclesia dicata est *B. Virgini Deiparæ*. Patronatus ejus spectat ad Archiepiscopum Mechliniensem jure Abbatiali Affligemiensi. Univerſa pagi decima spectat ad Parochum.

Capellania *S. Crucis* hujus Ecclesiæ annexa est Pastoratui anno 1591. die 6. Maii per *Matthiam Hovium* Vicarium Generalem Dioecesis Mechliniensis vacantis, habet onus trium missarum hebdomadatim.

Incolæ hujus pagi colunt ad diem 8. Januarii festivo ritu *S. Gudulam* Virg. Patronam Bruxellensem, errore inducti hanc Divam hunc locum de Ham olim incoluisse. Quis autem locus sit Ham quam hæc Diva olim inhabitaverit dicemus in pago de Moorſele in Decanatu Aloſtano.

**HAREN** primo lapide cum dimidio a Bruxella, Præfecturæ Campenhoutanæ, situs ad aquæ ductum Bruxellensem.

Anno 1626. jure pignoratitio hoc Dominium a Rege acquisivit *N. Maadoets*: Dein Anno 1644. emptione publicâ a *Philippo* Hisp. Rege devenit ad *Godefridum vande Wouwer*. Hodie Dominium hoc possidet *Guilielmus van Langendonck*.

Ecclesia tutelarem colit *S. Elisabetham* Vid. Patronatus curæ Pastoralis spectat ad Capitulum *S. S. Michaelis & Gudulæ* Bruxellis, cui competit potior pars decimarum dono *Henrici I.* Lotharingiæ & Brabantiae Ducis anno 1224. ac *Guilielmi Pipenpoy*. anno 1208. Diploma recitat *A. Miræus* in Donat. Belg. Lib. II. Cap. XCII. novæ edit. ut sequitur.

Universis præſentes Litteras inspecturis G. Decanus, totumque Capitulum B. Gudulæ in Bruxella, salutem in Domino.

Noverit universitas vestra, quòd cum Dominus **WILLELMUS** Pipenpoy, jus decimæ, quod habebat in *Hare*, in manus nostras liberè & absolutè, nomine eleemosynæ, resignasset, humiliter & devotè à nobis supplicavit, ut post vitam **ALEYDIS** Uxoris suæ anniversarium suum in perpetuum faceremus. Nos verò devotionem ipsius attendentes, promissimus eidem anniversarium ipsius Aleydis facere; & ad hoc in perpetuum faciendum nos obligamus.

In anniversario prædicto fructus decimæ totius præſentibus distribuentur, excepto quòd inde Custodi Ecclesiæ quattuor denarii, pro campanis pulsandis, conferentur.

Actum anno gratiæ millesimo ducentesimo octavo, feriâ sextâ post Trinitatem. 1208.

Cæterum cum *Risfeldis* Matrona dotat Hospitale *B. Mariæ*, & XII. Apo-



stolorum Bruxellis, inter cætera donat partem decimæ in Haren teste *A. Miræo* in Dipl. Belg. Lib. I. Cap. LVII. novæ edit. quod diploma protulimus in Urbe Bruxellensi cum Coenobium *S. Gertrudis* ibidem descripsimus.

Hodie decimarum participes sunt præfatum Capitulum, item Capitulum Soigniacense in Hannoniâ, & Parochus; unicuique est suus decimarum districtus; at nuperis annis decima præfati Capituli Soigniacensis relicta est Pastori in Evere pro parte portionis congruæ.

HÈEMBEKE Inferior, Teutonicè *Neer-Heembeke*, ad aquæ ductum Bruxellensem. Præfecturæ Merchtemensis Dominium, in sublimitate collis situm, primo lapide a Bruxellâ. Dominium Heembeke superioris & Inferioris anno 1574. possedit *Antonins van Off*, Eques, & Prætor Bruxellensis, dein *Franciscus le Vasseur*, exinde eodem fiduciario jure acquisivit a Rege die 1. Augusti *Jacobus van Ophem*, & emptione absolutâ ab eodem Rege *Philippo IV.* anno 1649. 22. Januarii *Joannes Bollaert* Mercator Antverpiensis. Tandem Dominium Inferioris *Heembeke* devenit in familiam *D'Oblet*, qui hodie *Franciscus Josephus D'Oblet* per mortem patris sui ejus investituram adiit Ao. 1716.

Bruxellis in Æde sacrâ *D. Jacobi* in Monte Frigido exstat sequens inscriptio sepulchralis.

*Cy gist Messire François le Vasseur, en son vivant Chevalier Seigneur de Moriensart, Neer- & Over-Heembeke, du Conseil de guerre, Secrétaire de Conseaux d'Etat & Privé, & Greffier de l'Ordre de la Toison d'Or de feu & treshaute memoire le Roy d'Espagnes Don Philippe II. de ce nom, & depuis de Serenissimes Archiducs Albert & Isabelle Claire Eugene Infante d'Espagnes &c. qui trespassa le 16. de Mars 1603.*

*Et Dame Marie Butkens sa Compagne . . . . .*

Ad dictam *Mariam Butkens Petri* Equitis & Camerae rationum Brabantiae Præsidis creati 16. Aprilis 1574. filiam pertinebat in pago de Neer-Heembeke elegans Castrum *Crayenhoven* dictum, situm medio milliari ab oppido Vilvordiae, ad eum canalem quo Bruxellis Antverpiam commeatur: a qua progenie orbatâ transiit 18. Decembris 1607. per nuptias *Annæ Butkens* ejusdem Præsidis neptis ad *Joannem de Bejar* Equitem, Blasii Equitis filium: in quâ gente perseveravit usque ad *Annam Isabellam de Bejar* Francisci filiam, & familiae suæ ultimam, perillustri Viro *Petro Coloma* Baroni de Moriensart nuptam, quæ dum adolefceret, tutelari curæ patrui sui *Joannis de Bejar* Decani Ecclesiae Cathedralis Gandavenfis commissa fuit: is vetus ibidem Sacellum sub nomine *S. Landerici* Episcopi Meldensis, accolarum devotione celebre, exornandum curavit: cui vicinus fons febricitantibus sæpe visus afferre medelam. In arâ hujus Sacelli spectatur *S. Landericus* pictus cum gallo cucuriente ad latus: fortasse ut loci a cucuritione dicti esse Patronus significetur, quemadmodum singulariter observavit *P. Henschenius* in Actis S.S. Aprilis Tom. II. edit. An. 1675. pag. 962.

Hodie *Crayenhoven* a Gentilibus de *Glymes* emptionis titulo possidetur. Cæterum in pago Neer-Heembeke ad Canalem Bruxellensem nuper exstructæ sunt a Civibus Bruxellensibus Prætoria & ædificia ad voluptatem ac opum ostentationem.



ostentationem elegantissimæ formæ, & Architecturæ nobilis, cum uberri-  
mis scaturientibus fontibus, inter quæ duæ eminent unum indigetatum *Ver-*  
*saillies*, alterum *Marly*, ad quæ divertendi causa multum excurrit Nobilitas  
& Populus Bruxellensis, præsertim tempore æstivo.

Ecclesia Patronum veneratur *S. Nicolaum* Episc. Parochum habet ex Ca-  
nonicis Abbatiae Diligemensis Ord. Præmonst. ad quam ab antiquis tempo-  
ribus noscitur spectasse Patronatus hujus Curæ Pastoralis, quæ administra-  
tur ab eis cum Heembeke inferiore. Decima spectat ad hanc Abbatiam.

Anno 1272. Abbas *S. Cornelii* Indensis prope Aquisgranum Ord. *S. Be-*  
*nedicti* vendidit Abbati & Conventui Jettenfi (hodie Diligemensi dicto) Ord.  
Præmonst. varia bona sita in pago de Neerheembeke.

HEEMBEKE *Superior* priori pago proxime contiguus, ejusdem di-  
strictus Merchtemensis. Hoc Dominium cum Heembeke, uti dictum, obvenit  
emptione absolutâ a Rege anno 1649. *Joanni Bollart* Mercatori Antver-  
piensi, dein fuit *Susannæ Catharinæ Bollart* viduæ *Gerardi van Uffel* Æra-  
rii Regii Agri ac Provinciæ Mechliniensis Receptoris Generalis, quæ Do-  
minium *Heembeke Superioris* donavit filio suo Anno 1712. *Joanni Baptista*  
*van Uffel* Consiliario & Ærario Generali Financiarum Principis, in cujus  
gratiam hoc Dominium a *Philippo V.* Hisp. Rege die 6. Aprilis 1706. in  
Baronatum erectum est.

Erectum in  
Barona-  
tum.

Quoad rem sacram Ecclesia Patronum veneratur *S. Petrum* Apostolo-  
rum Principem. Pastoralis cura dependet ab Abbatia Diligemensi, quæ ad-  
ministratur per Parochum Heembece Inferioris huic proximè vicinum Ab-  
batiae Diligemensis Canonicum, ad quam Abbatiam spectat hujus pagi decima.

Has Parochiales Ecclesias obtinuit hæc Abbatia a *Nicolao* Episc. Camera-  
censi Anno 1145.

HOLAER tertio ferè lapide a Bruxella, ad fauces Sylvæ Soniæ, Præ-  
fecturæ Vilvordiensis. Ejus Dominium antiquum est Patrimonium Ducis Bra-  
bantiae.

In hoc pago est Dominium *Ter Heyden* insigni Castello instructum, habens  
Meyerum & Scabinos olim gentilium *Baltin*, inde viâ emptionis devenit ad  
familiam de *Bangart*.

Ecclesia dicata est *S. Clementi* Papæ & Mart. Patronatus ejus spectat ad  
Capitulum *S. S. Michaelis* & *Gudulæ* Bruxellis.

*A. Miræus* in Not. Eccl. Belgii Cap. CXCI. novæ edit. profert Diplo-  
ma quo *Leonius* Castellanus Bruxellensis Patronatum hujus Ecclesiæ confert  
Anno 1248. præfato Capitulo; en Diploma.

Universis, *LEONIUS* Castellanus Bruxellensis, Patronus Ecclesiæ de *Holaer*,  
cognoscere veritatem. Noverint universi, quod nos Patronatum de *Holaer*, ad no-  
stram spectantem collationem, Ecclesiæ *S. Gudilæ* Bruxellensis contulimus perpetuò  
possidendum . . . . . Actum anno Domini M. CC. XLVIII. mense Aprili.

1248.

Universis, *LEONIUS* Castellanus Bruxellensis salutem. Ad notitiam singulorum  
perveniat, quod *Amelricus* Thesaurarius Bruxellensis Ecclesiæ domistadium, in quo  
mansit quondam *Helsuend* Mulier, quod idem Thesaurarius emit à nobis jure here-  
ditario possidendum, Decano & Capitulo Bruxellensi contulit in eleëmofynam per-  
petuò possidendum.

Prædictus verò Decanus dictum domistadium à nobis relevavit; salvo jure annui cen-  
sûs duorum denariorum Bruxellensium, Nobis & Heredibus nostris in Natali Domini  
persolvendorum.

Datum anno Domini M. CC. XLIX. mense Januario.

1249.

TOM. II.

V

Hen.



*Henricus* vero I. Lotharingæ & Brabantiae Dux anno 1223. dedit Canonicis præfati Capituli fructus Ecclesiæ de Holaer. Ita *A. Sanderus* in Basili-câ *S. S. Michaelis & Gudulæ*.

Decima hujus pagi est tripartita, cujus duæ trientes spectant ad Abbatiam de Camerâ Ord. Cisterc. propè Bruxellam, reliqua tertia triens ad Parochum.

Intra limites hujus pagi est *Prioratus Viridis Vallis*, vernaculè *Groenedaele*, Monasterium Canonorum Regularium *S. Augustini*, situm in Sylva-Soniâ, primitus clusa sive unius Eremitæ reclusorium, ac domicilium fuit *Joanni a Busco* ex illustri Ducum Brabantiae stirpe oriundi. Annum fundationis exprimit Chronicon quod sequitur.

æDes saCrata Verna tVnC VaLLe LoCantVr  
sILVa VbI præCeLsis qVerCVbVs ante fVIt.

Exstant & alii de hac fundatione Versiculi.

I quater & mille ter C tunc floruit ille  
Qui Viridem Vallem fundavit ad æthera callem.

Huic eremitæ *Joannes II.* Lotharingæ & Brabantiae Dux Anno 1304. dictam vallem patentibus in perpetuum litteris liberaliter assignavit.

#### Diploma Donationis.

Nos JOANNES Dei gratia Lotharingæ, Brabantiae & Lymburgiæ Dux, notum facimus universis, quod nos intuitu Dei *Joanni de Busco* eremitæ, domum nostram sitam in nemore nostro Zoniæ, in loco dicto Gruenendael, & fossatum quod hætenus ibi de licentiâ nostrâ fecit, cum spatio intra fossatum dictum contento, tenendam quamdiu vixerit conferimus & habendam. Ita si a casu alibi illum transferri, aut mori contingat, ex tunc in posterum alter religiosus, & non alias, ad serviendum Deo ibidem perpetuis temporibus morabitur. Cui dictam Domum nos & nostri successores duximus conferendam præsentium testimonio litterarum nostro sigillo firmatarum. Datum die Veneris post assumptionem Virginis Mariæ, anno Domini millesimo trecentesimo quarto.

*Joanne a Busco* brevi e vivis sublato, successit ei *Arnoldus Diestenensis* ac tertius *Lambertus* viri omnes Sanctitate vitæ & morum integritate conspiciui Anno 1343. *Joannes Hincartius* Canonicus major ad *S. Gudulam* Bruxellis *Franco Frigidi-montanus* ibidem Canonicus minor, nec non *Joannes Rusbroquius* Capellanus ejusdem Ecclesiæ, Deo perfectius serviendi, urbe relicta, ad Viridem Vallem incolendum sese contulerunt, quibus supra dictus *Lambertus* locum cessit, atque in Bootendael, sumptus *Hincartii*, ut creditur, aliam clusam seu reclusorium excitavit. Quam cessionem *Guido Ventadorius* Cameracensis Episcopus approbavit & *Joannes III.* Brabantiae Dux eodem anno hoc Diplomate.

*Ita habet  
Sanderus  
in Brabantia  
Descript.*

JOANNES Dei gratiâ Lotharingæ, Brabantiae, ac Limburgiæ Dux, Sacrique Imperii Marchio: universis ad quos præsentis Litteræ pervenerint, salutem in eo qui est omnium salus . . . .

Noverint igitur universi, tam præsentis quam futuri, quod pro Nobis, nostrisque Heredibus & Successoribus intuitu Dei, nec non pro salute animarum nostrorum Prædecessorum, dilectæque collateralis nostræ piæ memoriæ, ac etiam pro salute nostra, Heredum, ac Successorum nostrorum, conferimus ac donamus in perpetuum dilecto Nobis in Christo Domino Franconi de Frigido-Monte Presbytero, quendam



locum dictum *Groenendael*, olim per Prædecessores nostros pro quadam eremo ibidem construendâ traditum & concessum, situm in nostro nemore de Zonia, in Parochia de *Hoelaert*, cum magno vivario ibidem adjacente: tali conditione, quod idem locus cum clausura & pertinentiis suis sit & maneat in futurum habitatio quinque Virorum Religiosorum ad minus, divina officia ibidem ad laudem & gloriam & honorem Omnipotentis Dei, & Gloriosæ Virginis Mariæ ejusdem Genitricis, omniumque Sanctorum, & Electorum suorum celebrantium, & exercentium.

De quibus duo ad minus erunt & esse tenentur Presbyteri, viventes religiosè. Et ut hæc nostra concessio in perpetuum firma permaneat & inconcussa, præsentem Chartam per appensionem Sigilli nostri fecimus communiri.

Datum Bruxellis feriâ quartâ in Festis Paschalibus; anno Domini millesimo trecentesimo quadragesimo tertio.

1543.

Anno insequente ibidem Capellam seu Sacellum excitarunt. Quo in loco cum *Joanne* Leeuwenfi Converso quem *Bonum Cocum* vocant, & aliis sociis in communi annos quinque vixerunt, veteri veste Clericali retentâ. Donec monente Priore Monasterii S. Victoris Parisiensis Ao. 1349. Institutum Canonicorum Regularium *D. Augustini* die 10. Martii per *Petrum Andream* Episc. Cameracens. sunt amplexi *Francone* ibidem Præposito constituto & *Rusbroquio* Priore. *Hincartius* autem, quod provectioris esset ætatis, & afflictioris valetudinis, apud eisdem consenuit in veste Clericali.

Cum hoc Monasterium modicis inceptum initiis paulatim augetur & piorum Religiosorum numero & pietate, omnium in se oculos convertit, & velut fecunda parens plures formavit sacras colonias. Unde effectum ut Anno 1409. assensu *Petri de Alliaco* Episc. Camerac. sub nomine Viridis Vallis Generale Capitulum institueretur subjiciens ei Monasteria Rubeæ Vallis, Corlendonck, Bethlehem propè Lovanium, Grobbendonck alias Throni B. M. prope Herendalium & *S. Barbaræ* Thenis, & ordinavit ut singulis annis Capitulum Generale institueretur: factum id initio seculi XV. Sed cum Windesemense apud Batavos Cœnobium, & ejus Capitulum Apostolica roboratum auctoritate ad famam veniret, se eodem Capitulo Windesemensi univerunt anno 1412. & denique ad normam Cœnobii Bethlehemiticæ perpetuæ inclusionis votum magno fervore amplexi sunt Anno 1447. die 23. Junii.

Inter primos hujus Vallis incolas vitæ Sanctimoniâ illustres vixerunt *Joannes a Speculo Curegemins* qui Ao. 1358. ibidem Sanctissimè obiit. Item *Joannes* cognomento *Cocus Bonus* natus Affligemii, functione cocus & humilis, sed cælesti sapientia dives & sublimis, prout testantur ejus scripta ascetica quæ vernaculo idiomate ibidem exstant M. S. item *Joannes Rusbroquius* (ita dictus a pago natali inter Bruxellam & Hallas sito) de quo præclara refert in Chronico Windesemensi *Joannes Buschius* lib. 1. Cap. 40. Obiit autem *Rusbroquius* anno 1381. sepultus primo in veteri templo, postea ad Chorum novæ Basilicæ per *Joannem Sercladium* Episc. Camerac. Anno 1386. translatus, in quâ exhumatione ut scribit *Joannes Schoonhovius* seu „ Pomerius, „ Corpus ejus integrum fuit repertum, & spatio trium circiter „ dierum visendum expositum, cujus tantus fuit odor & fragrantia ut non caver mortuum; sed potius aliquod videretur miræ suavitatis electuarium, „ prout a diversis, tum Religiosis, tum Laicis fide dignis fuit publicè relatum, qui idem religionis ergo sunt exosculati.”

Anno 1621. die 8. Novembris *Jacobus Boonen* Archiep. Mechl. piorum multorum desiderio annuens, corpus Venerabilis *Rusbroquii* solemni ritu de terrâ levavit, & capsæ ligneæ decentiori inclusit, sepultus ante summum altare in alio sepulchro magnifico & sumptuoso quod suis sumptibus fieri mandavit



& ornari Serenissima *Isabella Clara Eugenia* Hispaniarum Infans & Belgarum moderatrix, postquam in Monasterio Viridis Vallis Anno eodem die 17. ejusdem mensis Novembris ejus sacras Reliquias visitaverat. Dein hoc ei Epitaphium appositum.

Hic jacet translatus Devotus Pater  
Joannes de Ruysbroeck.  
I. Prior hujus Monasterii  
Qui obiit anno Domini M. CCC. LXXXI.  
II. Decembris.

## PRIORES VIRIDIS VALLIS.

- Primus hujus Coenobii fundator ac Præpositus fuit *D. Franco de Frigido* monte obiit Anno 1386.  
II. REYNERUS DE VALLE antea Ecclesiæ Bredanæ Canonicus & Decanus. Resignavit anno 1409.  
III. JOANNES SPIEGELS.  
IV. HENRICUS SELLE de Herenthals ex Rectore Virginum *S. Barbaræ* Thenis electus Præpositus atque ab Episc. Camerac. *Petro de Alliaco* creatus Inquisitor hæreticæ pravitatis.

## PRIORES.

- I. WALTERUS PETERCELS Lovaniensis cessit Prioratum anno 1414.  
II. JOANNES WYSONIS Leydanus obiit 1416.  
III. HENRICUS PETRI Lovaniensis 1421.  
IV. JOANNES PISTORIS ex pago Holaer 1431.  
V. HENRICUS POMERIUS Bruxellensis antea & post Prior septifontanus cujus Monasterii erat Professus. Cessit Anno 1432.  
VI. GERARDUS SMANS Turnhoutanus, ante Prior Thronianus. Obiit 1438.  
VII. JOANNES AB HASSELT, a natali solo oppido Hasselæti nomen sortitus; Professus in Rubeâ Valle, electus hic in Priorem anno 1445. hinc in Monasterio suæ Professionis Prior.  
VIII. HENRICUS MORTENBEECK Bruxellensis, electus anno 1447. Cessit post triennium.  
IX. CORNELIUS DE PLATEA Oosterhoutanus electus Prior 1450. Obiit 1457.  
X. OLIVERIUS VERBERCHT Zichemienfis. Obiit Anno 1467.  
XI. THOMAS MONINXs Bruxellensis. Obiit Anno 1483. die 3. Decembris.  
XII. PETRUS VANDEN EE Ziriczæa oriundus. Obiit Ao. 1491.  
XIII. JOANNES KEYAERTS. Bruxellensis. Mortuus Anno 1503.  
XIV. JACOBUS DYNTER. Obiit anno 1512. die 4. Martii.  
XV. EWALDUS VINXE Gandensis. Obiit Ao. 1423.  
XVI. DANIEL PETRI Bergensis ad Zomam mortuus Ao. 1534. die 17. Maii.  
XVII. HENRICUS DE STRATIS Bruxellensis. Obiit Anno 1548. die 4. Novembris.

XVIII.



- XVIII. QUINTINUS DIERIXS. Obiit Anno 1453. die 20. Martii.  
 XIX. ARNOLDUS DE WINTER Bruxellensis. Obiit 1454.  
 XX. THEODORUS SUPRAMONTANUS Bruxellensis. Mortuus die 25. Augusti 1566.  
 XXI. PETRUS WALSCHÆUS Bruxellensis. Anno 1569.  
 XXII. MARTINUS TALPARIUS Bruxellensis. Anno 1572.  
 XXIII. ADAMUS FABRI. ob geusianæ factionis tumultus transtulit suum cætum Religiosum ad refugium Bruxellense. Infectus peste ibidem obiit Anno 1577.  
 XXIV. JACOBUS STAMPION Bruxellensis variis jactatus tempestuoso armorum tempore calamitatum procellis, mortuus Bruxellis die 20. Octobris Ao. 1586.  
 XXV. JOANNES MEYS Thenensis. Obiit Ao. 1592.  
 XXVI. VICTOR SUCCANTIUS Brugenfis. Obiit Anno 1598. die 21. Junii.  
 XXVII. ANTONIUS BERCHIM Furensis, familiam religiosam per annos XX. Bruxellis exulantem anno 1606. ad Viridem Vallem reduxit, & destructa restaurare cœpit. Mortuus Anno 1622.  
 XXVIII. JOANNES SUCCANTIUS Antverpiensis ex Rectore Monialium in Jericho Bruxellis electus Prior. Mortuus Anno 1637. die 1. Maii.  
 XXIX. PETRUS PARYS Bruxellensis primo Commissarius, dein Prior Generalis Capituli Windesemensis. Obiit Ao. 1656.  
 XXX. JOANNES LAMANTIUS Bruxellensis ex Rectore Monialium in Jericho electus Prior Anno 1657. Obiit 1674.  
 XXXI. HERMANNUS SOLY. Mortuus Anno 1686.  
 XXXII. ENGELBERTUS COOL. Obiit Ao. 1690.  
 XXXIII. PETRUS ADAMS. Vitâ excessit Anno 1697.  
 XXXIV. MARTINUS CORLUI. Cessit, ac obiit Anno 1706.  
 XXXV. DOMINICUS JUDOCUS SCHOCKAERT S. T. B. F. Obiit Anno 1708.  
 XXXVI. GUILIELMUS VANDER HAEGHEN cessit Anno 1712. & obiit Jubilarius Ao. 1722.  
 XXXVII. JOANNES BAPTISTA JANSSENS. ex Pastore in Huldenberghe, præfens Prior.

HULDENBERGHE altero lapide a Lovanio, Præfecturæ Vilvordienfis, Nobilissimæ familiæ de Huldenberghe per aliquot secula olim nomen dedit, cujus Dominos inter Equestres Toparchas & Pares Brabantiae recensitos invenimus, eosque in pluribus Nobilium Brabantiae Conventibus & Diplomatribus subscripsisse, atque inter primos Patricios Lovanienses annueros.

Dominium de Huldenberghe cum ad filiam unicam *Catharinam de Huldenberghe* devolutum esset, per ejus cum *Arnoldo de Ordingen* nuptias ab eâ cœpit stirpe possideri. Et iterum *Catharina Ordingenia* Matre defunctâ obvenit *Henrico de Witthem* Dynastam de Boutersem, qui anno 1458. *Joanni de Hauthem* Equiti & Cancellario Brabantiae illud transcripsit. Denique cum per matrem *Adeliciam Joannes a Straesborch* idem obtineret, *Antonius de Hauthem*, ut in nomine perseveraret ab eo Anno 1541. redemit. Ab *Hauthemiis* seculo XVII. devenit in familiam de *Ryckewaert*, Toparchas de Tybercamp &c. ac tandem ab eâ Anno 1714. emptione publicâ obvenit *Clau-*



*dio Eugenio Bodequin*, summo Prætori Præfecturæ Vilvordienſis Domino de Peuty. Hoc Dominium inſignem habet Arcem quod nobis exhibet in Caſtellis Nobilium Brabantiã Baro *le Roy*.

Ereſtum in  
Baronia  
1112.

In extremitate hujus pagi verſus Lovanium eſt Dominium & Caſtellum Baronatus de *Loenbeke Wilrianae* ſtirpis, dein *Huldenbergicae*, nunc *vander Vorſtiorum*, Familiã patriciae & Conſularis Lovaniensis, ad quos devenit Anno 1500. cum *Joannes vander Vorſt* Cancellarius Brabantiã & *Joanna van Thielt* illud acquiſierunt a *Waltero de Huldenberghe*. Ereſtum eſt hoc Dominium in Baronatum a *Philippo IV.* Hiſp. Rege Diplomate dato Madridi die 19. Novembris Anno 1663. in gratiam *Philippi vander Vorſt* Equitis. Hodie illud Dominium poſſidet *Carolus Georgius vander Vorſt* per mortem Patris ſui, cujus inveſtituram adiit in Curiâ Feudali Ducatus Brabantiã Anno 1716. Bruxellis in Eccleſia D. D. Michaeli & Gudulæ ſacra legitur præfati *Joannis vander Vorſt* ejuſque Conjugis hæc inſcriptio Sepulchralis.

### JOANNI VANDER VORST.

Loonbeke Domino, Equiti Aurato, Juris & æquitatis Conſultiſſimo, Philippi Regis Caſtellæ, ac Caroli V. Imperatoris Brabantiã Cancellario, viro in rebus gerendis animi, & Conſilii præſentia conſpicio, Veritatis Juſtitiãque Aſſertori Severiſſimo, JOANNÆ VAN THIELT, matronæ, genere, pudicitia, pietate & quæ cum viro XIV. annos vixit concordia inſigni, vixerunt annos alter 48. altera 42. hic Idibus Maji, hæc Martii obierunt: Vorſtii filii pientiſſimi Parentibus optimis poſuerunt.

Quarteria.

*Vander Vorſt, Spaenbem, Poppendonck, Duffle:  
Van Thielt, Pipenpoy, Van Dorne, Vilters.*

Schema Caſtelli hujus Domini exhibetur in Caſtellis Nobilium Brabantiã Baronis *le Roy*.

In ſacris dependet a Prioratu Monaſterii Viridis Vallis, qui Patronatum hujus Parochialis (quæ *B. Mariæ* in Cæloſ Aſſumptæ dicata eſt) & Decimas ab Abbatia Corbienſi in Galliâ circa annum 1562. viâ emptionis obtinuit atque ex ſuis Canonicis hic Parochum conſtituit; ita ut Decimæ hujus loci ſint præfati Prioratus Viridis Vallis, aſſignatâ eſt certa pars Decimarum hujus Eccleſiæ ſacro miniſtro.

HULPE olim *Holpa*, Præfecturæ Hulpensis Caput, ad orientalem plagam Sylvæ-Soniæ, ſitum in Gallo-Brabantia, tribuſque milliaribus a Bruxella & quatuor a Lovanio, amplæ jurifſdictionis municipium continens ſub ſe pagos, *Ohain, Wauter-Braine, Plausenoy, Ophain, Chapelle S. Lambert, Genval, Ooſtkerke, Clabbeeck, Lello, & Wilterze*, ab Henrico I. Lotharingiæ & Brabantiã Duce oppidi jure donatum, illudque plurimis & amplis Privilegiis decoravit, quæ *Joannes II.* itidem Lotharingiæ & Brabantiã Dux confirmavit Anno 1230. Certe ante annos trecentos inter oppida Solitum ad Comitia vocari & Chartis ſubſcribere conſtat.



Forum solebat habere singulis Martis diebus; sed a multo tempore evanuit. Dominium hujus Municipii est Patrimonium Principis, continetque sub se Vicos (nostratibus *Gebuchten*) *Malaise* ubi Sacellum *D. Judoco* sacrum, *Bacquebosch*, & *Gallebart* appendices hujus Ecclesiæ Parochialis.

Anno 1666. Auspiciis *Caroli II.* Hisp. Regis erecta hic loci insignis mola aquatica pro chartis conficiendis, quæque unica exstat hodie in Brabantia, spectans ad *D. Franciscum Foppens* Bibliopolam Bruxellensem, qui etiam inibi possidet amplas & plurimas agri possessiones.

Anno 1563. die 24. Maii miserabili casu hoc Municipium flammis correptum & totum ferè tribus aut quatuor domibus exceptis conflagravit, & in cineres abiit.

Parochiale ejus templum (quod *D. Nicolao* Episc. sacrum est) suam ostendit antiquitatem. Chorus exstructus est Anno 1545. sacratus 5. Julii eodem anno a *D. Nicolao* Episc. a *Martino Cupero* Episcopo Chalcedonensi & Suffraganeo *Roberti de Croy* Episc. Cameracensis, Patronatum hujus Parochialis & duas partes decimarum acquirere Canonici Minoris præbendæ *D. Gundulæ* Bruxellensis ab *Henrico I.* Lotharingiæ & Brabantia Duce Anno 1226. Diploma exstat apud *A. Miræum* in Diplom. Belg. Lib. I. Cap. LXXX. novæ edit. quod exhibuimus in Bruxella pag. 7.

Hanc donationem confirmavit *Henricus II.* ejus filius Anno 1236. & *Godefridus de Condé* Camerac. Episcopus. Certam decimarum partem hinc possidet Abbatia Affligemiensis. Præcipuam ac potiore decimarum partem hodiè possidet hujus loci Parochus.

In hac Parochiali visitur sepulchrale monumentum *Caroli de Bailly* quondam Secretarii *Mariæ Stuartæ* Reginae Scotiæ, quam *Elisabetha* Angliæ Regina decolari jussit Anno 1585. die 18. Februarii, cujus est hæc Inscriptio.

*Cy gift Sr. Charles Bailly en son vivant de la Chambre & Secrétaire de la Reyne d'Escoffe decapitée en Angleterre pour la foy Catholique, & depuis Commissaire de Vivres du camp de sa Majesté qui trespassa a l'age de 84. ans le 27. Decembre 1624.*

*Et Damoiselle Democrite Swerts sa femme que trespassa a l'age de 92. ans le 3. jour de Mars 1633. lesquels ont été par mariage 50. ans par ensembles, priez Dieu pour leurs ames.*

Respice finem.

Quarteria.

*Bailly, Laviin, Perotte, Rollin,  
Swerts, Appelterre, Dongodt, Perovys.*

JETTE, Præfecturæ Merchtemensis, ad primum ferè a Bruxellâ lapidem. Dominium hoc cum Ganshoren, Ham, Relegem & Bever successive a variis jurepignoratitio fuit possessum, donec anno 1644. in auctione publicâ a *Philippo IV.* Hisp. Rege illud acquisivit Baro de Bouchour, a quo non multo post devenit ad *Franciscum de Kinschot* Dominum de Rivieren. Sub Ganshoren situm est præfatum Dominium & insigne Castellum de Rivieren erectum in Baronatum a præfato *Philippo IV.* Hisp. Rege Anno

1654. die 7. Octobris in gratiam *Francisci de Kinschot* præfati *Francisci* filii; Dein elevatum in Comitatum in gratiam præfati *Francisci de Kinschot* hoc Dominium de *Jette* sub nomine *S. Petri* Jettensis a Præfato Rege Anno 1659. die 18. Novembris. Castellum de Rivieren nobis exhibet Baro *le Roy* in Castellis Nobilium Brabantiae.

Cæterum ab annis non paucis devenère hæc dominia per nuptias ad *Jacobum Ferdinandum de Villegas*, cum titulo Comitis *S. Petri*, Baronem de Hovorst Dominum de Vierfel & Bouchout &c. Præsidentem Camerae Rationum.

Ecclesia *D. Petro* Apostolorum Principi sacra est, in qua jus nominandi & constituendi Parochum ab antiquo habet Abbas Diligemensis, hujus appendix est *Ganshoren*, in quâ Capella *D. Martino* Episc. sacra, habetque jus sepulturæ & in quâ singulis diebus Sabbatinis missa celebratur.

Inter quercus & Arboreta Domini de *Rivieren* est Sacellum *D. Annæ* sacrum, constructum Anno 1649. a Præfato *Francisco de Kinschot* & *Maria Gertrude de Lanchals* Conjugibus; cui hæc apposita inscriptio *Languentium Medicina*, in quo ab iis institutum fuit Cantuarium sive officium sacri hebdomadarii singulis diebus Martis, quod officium a Diligemensibus hæctenus præstatur, & magnus ibidem concursus populi. Visitationem autem hoc Sacellum profectricantibus & languentibus.

Bruxellis apud F. F. Minores olim fuere Epitaphia Dynastarum sequentia.

*Cy gist honorable homme Jean de la Marseille, Seigneur de Riviere, Jette & Ganshoren, Capitaine d'Infanterie Walonne pour le Service de sa Majestè lequel a Siege de Cambray receut un coup d'Arquebusade & mourut d'ycelle en la dite Ville le 19. d'Octobre 1595.*

P. D. P. S. A.

**Hier leyt begraben Heer Antonius de Vriese, in syn leven Ridder / Heere van Rivieren / Jette ende Ganshoren / die sterft den 14. dagh Julius 1638.**

**Ende Vrouwe Emerentiana des Mares synes huysvrouwe / die sterft Anno 1653. den 3. Julij.**

In Ecclesia Abbatiae Diligemensis legitur sequens Inscriptio sepulchralis.

D. O. M.

Æternæ memoriæ Nobilis Domini *D. Antonii de Vriese* & Tussis Equitis Aurati, Toparchæ de Rivieren, Jette, Ganshoren &c. & Illustris Matronæ *D. Emerentianæ de Mares* Conjugis ejus. Qui tribus hujus Ecclesiæ Canonicis in studio Theologico sustentandis impensas, pia munificentia legarunt. Devit



xit ille Idus Quint. M. DC. XXXVIII. Hæc vero anni M. DC. LIII. die VII. Optimis Mæcenatibus Reverendus admodum *D. Martinus Heckius* Abbas Diligemensis hoc debita gratitudinis Monumentum P. C. anno M. DC. XLIX. In Franciscanâ Bruxellis æde quiescunt ossa. Pios maneis heic pia vota juvent.

Huic pago de Jette non modicum decus est Abbatia Canonorum Ord. Præmonstratensis, quæ ab eo loco olim *Jettensis* & *Gethensis*, nunc *Diligemensis* appellatur.

Primordia hujus Abbatia referuntur ad annum 1095. eo enim tempore Nobilis Vir *Honulphus* de *Vulvethem* (hodie Wolverthem,) Sacellum hîc, & in eo altare ad honorem D. Virginis Deiparæ & *S. Joannis* Evangelistæ fundavit, quod 18. Kal. Octob. *Galcherus* sive *Gualterus* Cameracensis Episcopus consecravît, ac anno eodem idem *Honulphus* Canonicos Regulares *S. Augustini* ibi collocavit, licet aliqui ab anno 606. Canonicos Regulares a *S. Amando* fuisse constitutos asserunt.

Anno 1112. die 22. Septembris atrium consecravît *Odo* Cameracensis item Episcopus, qui eisdem Parochum Jettensem cum appenditio suo de *Ganshoren* contulit, cæteras Ecclesias Parochiales quas possident tradidit Anno 1145. *Nicolaus* Episcopus, verum jam Præmonstratensibus.

Itaque fundamenta hujus Abbatia jecit inclytus Eques *Honulphus* Dominus de Wolverthem, sed Monasterii Regularium *S. Augustini* sub *Waltelmo* Priore, dein sub initium anni 1106. primo Abbate, qui cum suis anno 1140. habitum & Reformationem Præmonstratensium amplexus est, advocatis e *Troncinio* juxta Gandavum IV. Canonicis Præmonstratensibus.

Fundatores primarii hujus Abbatia præter supradictum *Honulphum* fuerunt *Henricus I.* Lotharingiæ & Brabantia Dux Anno 1227. & ante eum *Godefridus III.* itidem Dux Brabantia anno 1185. & anno 1227. *Oliverrius* Dominus de Sottengien & Wolverthem Eques, & anno 1228. *Goswinus de Saventhem*. Item *Guilielmus* filius *Nicolai de Diedligem*.

Anno circiter 1218. floruit quidam *Egericus Abbas VIII.* qui per obitum Domini temporalis de Diligem obtinuit præfatum Dominium, a quo dein huic Cœnobio Diligem sive *Diligemium* nomen adhæsit, quod antea *Jeth* sive *Jettense* & *Geth* Cœnobium dicebatur ab hoc pago *Jethe*, ita ut Abbates usque ad ea fere tempora sese Abbates de *Geth* & *Jeth* usque ad seculum XIV. in Diplomatis quæ subscribebant, sese nominarent, quod notandum ne incauti decipiantur.

Sequuntur Diplomata Fundatorum & Benefactorum hujus Abbatia, quæ referuntur in Supplemento Diplom. A. Miræi parte II.

In nomine Sanctæ & Individuæ Trinitatis. Ego GALCHERUS gratiâ Dei Cameracensis Episcopus, Cellam quæ sita est in Villa quæ *Jetta* nuncupatur, ad laudem Salvatoris nostri JESU-CHRISTI, in honorem S. MARIE Virginis, octavâ decimâ Kalendas Octobris, Deo annuente, dedicavi, atriumque divisum benedixi, & ab hujus Villæ Parochia Altare, quidem favente Personâ ex nomine *Sichero* separavi, & ut ad nullum cujuscumque hereditatis, præter Sedem Cameracensis Ecclesiæ, respiceret, liberum confirmavi.

Ad usum autem Fratrum in hoc loco Deo famulantium, Beatique AUGUSTINI Regulam observantium exonigerando, *Honulphus de Vulvethem*, homo liber ac timens Deum duodecim Allodii sui jugera omnino libera transtulit, decimamque de

*Melbroeck* Deo suæque Genetrici pro redemptione animæ suæ, animarumque Matris suæ *Annæ*, Conjugisque suæ *Renewidis*, ac Filiorum suorum *Lamberti* & *Wiacis*, omnino liberam tradidit: & dimidiam partem illius decimæ, quam habebat in *Vulvethem*, similiter dedit.

Hic autem prædictus *Honulphus*, cum nostræ Dedicationis officio præsens esse non potuit, quendam servum suum ad me misit, qui supra Sancta Sanctorum juravit, se Fratribus Ecclesiæ, quæ prædicta sunt, dedisse. Præsentisque fuerunt quàm plures Liberi homines, qui testati sunt, se donum vidisse & audisse; præsensque fuit quidam liber homo, nomine *Steypo*, qui ex parte illius Domini hujus beneficium renovavit, & Altari in mea præsentia legitime adaptavit.

Ego verò, ne quilibet mandatorum Dei transgressor hoc Statutum violare præsumeret neque Solemnitatem Dedicationis infringeret, Pontificali banno interdixi, omnino etiam corroborans remotâ omnium Laïcorum potestate, Fratrum esse, Abbatem Liberè eligere, & Cameracensium Pontificis Pastoralem Curam attribuire & benedictionem exhibere.

*Ad quod Testes introducti Idonei sunt.*

Signum Radulphi Archidiaconi.

Signum Alardi Archidiaconi.

Signum Bernardi Archidiaconi.

Signum Alberici Præpositi.

Signum Fulgentii Abbatis. \*

Signum Albaldi Cappellani.

Signum Godfridi Clerici.

Signum Ancelli,

Signum Gerardi,

Signum Godefridi,

*Signa Clericorum Bruxellæ.*

Tudonis Decani,

Alberti Scholastici,

Langenradi,

Henrici.

*Signa Laïcorum.*

Steyponis,

Galteri Fratris ejus,

Alardi,

Godesonis,

Amelardi,

Ingrani,

Mazelini,

Franconis Filii ejus,

Franconis, Menzonis.

1095.

Hoc autem est factum anno Dominicæ Incarnationis M. XCV. Indictione III. prædicti quidem Pontificatus anno primo.

*Ex MS.  
Archivis  
Capit. Anderlecht.*

In nomine Sanctæ & Individuæ Trinitatis. Odo Dei gratiâ Cameracensium Episcopus pacem & salutem cunctis Christi Fidelibus.

Notum sit omnibus Christi Fidelibus tam futuris quàm præsentibus, quod in diebus nostris instinctu & hortatu nostro atque *Walthelemi* Abbatis, *Everardus Rodulphus* Tornacensis, ob Uxoris suæ *Helwidis* animæ memoriam, concessione & Traditione *Galteri* Filii sui decem & octo terræ bonarios cum domistationibus ad ipsos pertinentibus, & cum prato trium partium jugeri, liberos ab omni Advocatia Ecclesiæ *Jettenfi* & *Waltheimo* Abbati atque Successoribus ejus tradidit, absque alicujus contradictione.

Quidquid autem juris habebant in hoc beneficio *Waltherus* Sacerdos, & *Goda* Vidua quædam Religiosa supradicta, *Everardo* Rodulfo coram Hominibus suis, antea tradiderant & exstutaverant.

Quicumque aliquid horum infringere præsumpserit, maledictioni atque execrationi subiaceat. Pax igitur & benedictio conservaturos contegat; dissipatores verò ultio æterni ignis cum diabolo feriat. Et ut hoc ratum & inconvulsum perman-



maneat, Paginam hanc subnotato testimonio Sigilli nostri auctoritate armamus.

Actum Cameraci anno MCVI, Præsulatûs nostri anno primo.

1106.

In nomine Sanctæ & Individuæ Trinitatis. Ego Odo Dei gratiâ Cameracensis Episcopus.

Ex Archi-  
vis MS.  
Capit. An-  
derlecht.

Cellam quæ sita est in Villa, quæ *Jetta* nuncupatur, ad laudem Domini nostri Jesu Christi in honorem S. Mariæ, Virginis, octavo Kal. Octobris Deo annuente dedicavi, atriumque assignatum benedixi, & ut ad nullum cujuscumque hereditatis, præter Sedem Cameracensis Ecclesiæ respiceret, liberam confirmavi. Et si pro aliqujus culpa inbannitur terra, remotis omnibus inbannitis hæc cantet Ecclesia.

Et quia nos omnium domesticorum in exaltatione S. Ecclesiæ promptissimorum bonæ voluntari congaudere debemus, decet nos etiam, si quid à nobis petierint, non abnuere, ut semper ad vitam proficiant, nostro exemplo præeunte.

Ego itaque petitionem Galtelmi Abbatis Filii mei, quem propriis manibus consecravi, non reprobendam æstimavi, quærentis ut Parochialem Ecclesiam *Jettensem*, cum appendicio suo *Gansboren*, & *Mosengensem* Ecclesiam atque *Humbecensem* libertate donarem.

Quam petitionem bonam judicans, ideoque paternè exaudiens, prædictas Ecclesias ab omni exactione debitisque obsoniis liberas facio, & in Ecclesia S. Mariæ *Jettensi* Fratribus trado.

Deinde benignè concedo, ut suam Electionem liberè habeant in Abbate constituendo: Electus verò Cameracensi Episcopo præsentetur, ut ab eo sine ulla contradictione consecretur.

Ipsè quoque Abbas ad Synodum ire non cogatur, nisi sigillatis Episcopi Litteris fuerit ammonitus.

Ad usus autem Fratrum in hoc loco Deo famulantium, Beatique Augustini Regulam observantium *Onulphus de Wolverthem* homo liber ac timens Deum Fundator Ecclesiæ, ob redemptionem animæ suæ animarumque Matris suæ *Ava*, Conjugis suæ *Remudis*, Parentumque ac Filiorum suorum *Wilhelmi*, *Waltheri*, *Lamberti*, *Sigeri*, *Godescalci*, *Eustacii*, *Arnoldi*, nobilisque Filia suæ *Ava*, xiv. Allodii sui bonarios, & Cambam cum appendiciis suis, quæ solvit singulis annis x. & vi. modios avenæ ad mensuram Bruxellensem; & Allodium molendini in *Jeth*, & decimam quam habebat in *Wolverthem*, allodiumque decimæ de *Melbroeck*, Deo suæque Sanctæ Genitrici servientibus in supradicta Ecclesia tradidit.

Defuncto Filio suo *Lamberto* ix. terræ bonarios eidem dedit Ecclesiæ; pro anima Willelmi Filii sui vi. terræ bonarios contulit; pro anima *Sigeri* dederunt Fratres sui & Domina *Ava* Soror ipsorum ix. terræ bonarios & decimam totius Villæ, cum in ix. manipulis dividitur, duos manipulos & tertiam partem alneti superaddiderunt.

Eustacius vi. solidos dedit in \* *Rochem*, Domina *Ava* & Frater ejus, Allodium xii. bonariorum secus Villam quæ dicitur *Selleca* Ecclesiæ dederunt.

\* Vulgo  
Rossem,  
appendix  
de Wolver-  
them.

Nostræ verò Dedicationis officio interfuerunt duo liberi homines *Waltherus* & *Arnoldus* Filii *Onulphi* cum Sorore eorum Domina *Ava*, qui omnes donum prædictorum beneficiorum renovaverunt & Altari in mea præsentia legitimè attitulari fecerunt.

Ut autem hoc ratum omni tempore habeatur, atque à nullo præsumptore maligno violetur, quoslibet dissipatores horum beneficiorum à sinu Matris Ecclesiæ segregatos publicè excommunicavi, nisi ad emendationem & satisfactionem venerint.

Actum est hoc anno Dominicæ Incarnationis MCXII. Præsulatûs nostri anno vii, imperante Henrico v. 1112.

Testes hujus Confirmationis sunt hi.

Signum Joannis Archidiaconi.

Signum Ancelli Archidiaconi.

Signum Rodulfi Archidiaconi.

Signum Theodorici Archidiaconi.

Signum Everardi Archidiaconi.

Signum Erlebaldi Archidiaconi.

Signum Adæ Abbatis.

Signum Reneri Abbatis.

Signum Goffridi Abbatis.  
 Signum Ernaldi Abbatis.  
 Signum Mastelini.  
 Livini, Capellanorum.  
 Signum Roberti Cantoris.  
 Gerardi.  
 Herevardi.

Ego Gerinbaldus legi & recognovi.

*Ex iisdem  
 Archivis.*

NICOLAUS Divinâ miseratione Cameracensis Episcopus, tam præsentibus quàm futuris in perpetuum.

Debito charitatis affectu Ecclesiæ B. ac perpetuæ Virginis Dei Genitricis Mariæ de JETH compatientes, temporalibus beneficiis augmentare studuimus: illa omnia quæ Prædecessores nostri cæterique Fideles pro salute animarum suarum eidem Ecclesiæ legitimis Donationibus contulerunt, petitione & dilectione Fratris *Walteri* ejusdem Ecclesiæ Abbatis in hoc nostro Privilegio renovare & confirmare curavimus.

Altare videlicet in *Jeth*, cum appendicio suo *Gansboren*, Altare *Heembece*, exceptis obsoniis quæ nostri juris sunt, Altare *Inmechie*, Altare *Mosenchem*, quæ libera sunt.

Ad arcendas igitur quorumlibet infestationes, prævaricatores quoad resipuerint, excommunicationis nodo conligamus, & subsignato canonico Testimonio sub Sigilli nostri appositione hujus nostri Decreti Paginam confirmamus.

Signum Theodorici Præpositi & Archidiaconi ejusdem loci,  
 S. Johannis Archidiaconi,  
 S. Alardi Archidiaconi,  
 S. Evrardi Archidiaconi,  
 S. Gerardi Decani, & Archidiaconi,  
 S. Gualteri Cantoris,  
 S. Eremboldi,  
 Gualteri,  
 Gerardi, Sacerdotum.  
 S. Bartholomei,  
 Willelmi,  
 Radulphi,  
 Galteri, Levitarum.  
 S. Roberti,  
 Eustacii,  
 Geroldi,  
 Adam, Sublevitarum.

1145.

Actum anno ab Incarnatione Domini MCXLV. Indictione IX. Præsulatûs Domini Nicolai IX.

Ego Guntiboldus Cancellarius scripsi & recognovi.

*Ex iisdem  
 Archivis.*

EUGENIUS Episcopus Servus Servorum Dei, dilectis Filiis GUALTERO Abbati Ecclesiæ Sanctæ Mariæ Jettentis, ejusque Fratribus tam præsentibus quàm futuris regularem vitam professis, in perpetuum.

Desiderium quod ad Religionis propositum animarumque salutem pertinere monstratur, animo Nos decet libenti concedere, & petentium desideriis congruum impartiri suffragium.

Ea propter dilecti in Domino Filii vestris justis postulationibus clementer annuimus, præfatam S. Mariæ Ecclesiam sub B. Petri & nostra protectione suscepimus & præsentis scripti Privilegio communimus. Statuentes, ut quascumque possessiones, quæcumque bona eadem Ecclesia in præsentiarum justè & canonicè possidet, aut in futurum, concessione Pontificum, largitione Regum vel Principum, oblatione Fidelium, seu aliis justis modis Deo propitio poterit adipisci, firma Vobis vestrisque Successoribus & illibata permaneant.

In quibus hæc propriis duximus exprimenda vocabulis: Altare de *Jeth* cum Capella de *Gansborna*, Altare de *Heembece*, Altare de *Leerwa*, Capella de *Mosenghem*,  
 Ca-



Capella de *Himetbea*, cum omnibus pertinentiis eorum; decimam de *Melbrouck*; tertiam partem dicimæ in *Vulvethem* ex dono *Ornulphi* & Filiorum ejus, in quinquaginta jugera terræ & sex solidos in *Rochem*, molendinum in *Jeth*, alnetum quod est juxta Ecclesiam, ex dono *Euwani* & Sororis ejus; tria jugera terræ ex dono Ducis *Godefridi*; pratum de *Heembecca*, pluistrata lignorum de silvâ quæ *Zonia* dicitur singulis diebus; terram quam dederunt *Alardus* & *Reinerus*; ex dono *Godeffonis* duo jugera terræ; tria jugera terræ, quæ dedit *Radulfus*.

Decernimus ergo, ut nulli omnino hominum liceat præfatam Ecclesiam temerare, perturbare, aut ejus possessiones auferre, vel ablatas retinere, minuere, seu quibuscumque vexationibus fatigare; sed omnia integra conserventur, eorum, pro quorum gubernatione & sustentatione concessa sunt, usibus omnino profutura; salvâ Sedis Apostolicæ Authoritate, Dioecesaniq[ue] Episcopi canonicâ justitiâ.

Si qua igitur in futurum Ecclesiastica sæcularisve persona hanc nostræ Constitutionis Paginam sciens, contra eam temerè venire temptaverit, secundò tertiove commonita, si non satisfactione congruâ emendaverit, potestatis honorisque sui dignitate careat, reamque se divino judicio existere de perpetrata iniquitate cognoscat, & à Sacratissimo Corpore & Sanguine Domini nostri Jesu-Christi aliena fiat, atque in extremo examine districtæ ultioni subjaceat.

Cunctis autem eidem loco justa servantibus sit Pax Domini nostri Jesu-Christi, quatenus hic fructum bonæ actionis percipiant, & apud districtum judicem præmia æternæ pacis inveniant. Amen.

Ego Eugenius Catholicæ Ecclesiæ Episcopus signavi.

Ego Albertus Ostiensis Episcopus signavi.

Ego Odo Diaconus Cardinalis S. Georgii ad Velum aureum.

Ego Imarus Tusculanus Episcopus.

Ego Gregorius Diaconus Cardinalis S. Angeli.

Ego Hubaldus Presbyter Cardinalis.

H. Johannis & Pauli Signum.

Ego Gillebertus indignus Sacerdos.

Marci Signum.

Ego Jacintus Diaconus Cardinalis S. Mariæ in Cosmedinò.

Datum Catalauni per manum Brizonis S. Romanæ Ecclesiæ Diaconi Cardinalis Cancellarii, IX. Kal. Novembris, Indictione XI. Incarnationis Dominicæ anno MCXLVII, Pontificatûs verò Domini Eugenii Papæ III. anno III.

1147.

In nomine Patris & Filii & Spiritûs Sancti, Ego GODEFRIDUS Dux Lotharingiæ; quia Nos qui in sæculo, & secundum sæculum vivimus, tanto minus quæ Dei sunt cogitare possumus, quantò magis ad sæculi negotia effusi sumus, volumus quibusdam Christi pauperibus, scilicet Jettensis Ecclesiæ Fratribus, parumper misericordiæ impendere, ut quod à Nobis in his quæ Dei sunt minus agitur, ipsorum orationibus adjuvetur.

Ex iisdem  
Archivis.

Notum sit ergo omnibus tam præsentibus quàm futuris, quod sicut benignitate Patris & Avi mei Ecclesiis abundantioribus, & ob hoc minùs indigentibus, videlicet Hassiginien[s]i & Parchensi in eleëmofynam collatum est, ut si quid erga homines suos de feodo à manu ipsorum descendente acquirere possent, Allodium simul haberent; sic nihilominus ob salutem animæ meæ & Prædecessorum meorum in Abbatiam Jettensem Abbati HILDEBRANDO & Successoribus suis in perpetuum conferri & inviolabiliter liberè ac integrè, Ego & Uxor mea MARGARETA & Mater mea LUTGARDIS concessimus, ita ut postquam prænominata Ecclesia feoda acquisisset, sine tractatione & contradictione, & alicujus pretii exactione à me, & post me, à Successoribus meis Allodium acciperet.

Præterea quia pauperibus Ecclesiis multa violentia injustè frequenter inferitur, & ab omnibus ferè rapina magis quàm justitia diligitur, prædictam Ecclesiam in nostra protectione & tutela suscepimus. Et veraciter & constanter promissimus, ut si quis aliquid quod ipsorum est calumpniari & ante judicium vim inferre voiverit, quamdiu Abbas & Fratres justitiam offerunt & ad judicium debitum venire volunt, ullam injuriam Ecclesiæ inferri nullo modo patiamur.

Specialiter tamen ea quæ ob Avo & Patre meo descenderunt, & ad usum Fratrum legitimè collata sunt, videlicet pluistratum lignorum singulis diebus in *Zonia*, præ-

tum quoddam in *Heembeca*, sed & quicquid juris Dominus *Leonius* & Filius suus in Parochia *Jetten* in pascuis, in terris, & Villæ totius parte tertiâ Advocatiæ habuit, & ab ipso & Filio suo *Iwanus Miles* quidam, in eadem Ecclesia postea conversus in feodo tenuit, in nostra protectione suscepimus, & Donationem Domini *Leonii* & Filii sui, quæ legitimè facta est, confirmamus.

Ut autem hæc rata & inconvulsa permaneant, Scripto in memoriam nostrorum transfundi, & Sigilli nostri attestatione & Testium subscriptione confirmari fecimus. Hi enim Testes aderant.

Alardus de Birbeek,  
Arnoldus Stroisele,  
Henricus Hagene,  
Gerelmus,  
Daniel de Hische,  
Michaël,  
Simon.

Ex iisdem  
Archivis.  
MS.

**HENRICUS** Dei gratiâ Dux Lotharingæ, universis ad quos præsens Scriptum pervenerit, in perpetuum.

Notum esse volumus, quod Nos piâ intentione defensionibus Ecclesiarum, quæ in nostro Dominio sunt, intendentes, cum cæteris bonis Ecclesiæ *Jetten* etiam bonarium terræ juxta stratam Regiam, quæ ducit versùs *Strombecam*, quod *Walterus Miles* de *Wamblinis* eidem Ecclesiæ, cum angulo quodam terræ non longè abhinc terram aliam ipsius Ecclesiæ attingente, in eleëmofynam per manum & consensum nostrum contulit perpetuò libere possidendum; & alnetum dictæ Abbatiae contiguum quod priùs longo tempore tenuit & possedit; salices, quoque cum pasturis ibidem adjacentibus, usque ad viam quæ ducit versùs *Strombecam*, & paludem sitam ante Abbatiam, quæ vocatur *Harincbruc*, quæ & eis ad placitum includere, & ut placet utile sibi facere, concessimus liberè,

Præterea molendinum, & bonarium terræ in Parochia de *Laken*, quæ *Godinus* de *Nivella* gener *Berner* de *Cuckelberga* quondam Burgenfis de *Bruxella* similiter in eleëmofynam cum Filio suo *Gerardo* eidem contulit Ecclesiæ, cum censu cujusdam Curtis in eadem Parochia.

Insuper & decimam quamdam ab *Iwaino Rufo* de *Bodengem* emptam, quæ est in Parochia de *Jeth*, sub nostra & heredum nostrorum protectione secura & libera ad opus ipsius Ecclesiæ volumus in perpetuum permanere.

Si qui etiam advenæ, peregrini, orphani, sive etiam servi ad jus nostrum spectantes, si in præfata Ecclesia aliqua sub custode deposuerint, vel in eleëmofynam contulerint, sive etiam sine testamento obierint, omnia sæpèdictæ Ecclesiæ concessimus possidenda.

Quicumque ergo Ecclesiam præfatam in his aut aliis bonis ejus, quæ in terra nostra sunt, perturbare præsumpserit, nostram, quæ illi allata fuerit injuria, reputamus.

Hæc autem ut impofterum à memoria non decidant, Sigilli nostri appositione fecimus confirmari.

1217. Actum apud *Bruxellam* in Ecclesia *S. Johannis Baptistæ*; anno Domini *M. CC. XVII.* Testibus Viris venerabilibus.

Sigero Abbate,  
Waltero Priore,  
Gerardo Præposito,  
Sigero Notario,  
I. Decano Ten.  
Walthero de *Wanblinis*,  
Desiderio de *Helrode*, Militibus, & aliis multis.

Cæterum in Ecclesiâ hujus Abbatiae maximâ cum populi veneratione adservatur brachium *S. Blasii* Episc. & Mart. quod Anno 1300. *Margareta Eduardi* Regis Angliæ filia, & *Joannis II.* Ducis *Brabantiae* Conjux Canon-



nicis hujus Abbatiae dono dedit sub *Gerardo* Abbate XVIII. quod ut ab antiquo ita hodieque plurimis miraculis ibidem coruscat.

## ABBATES DILIGEMENSES.

- I. WALTERMUS. Vir pientissimus, relicto habitu Canonorum Regularium candidum Præmonstratensium assumpsit anno 1140. neque multo post supervixit. Mortuus anno sequenti die 28. Novembris.
- II. THEODORICUS ex Abbatia Tranciniensi juxta Gandavum, Ecclesiam veterem exstruxisse fertur. Obiit anno 1144. die 8. Julii.
- III. WALTERUS. Obiit circa annum 1150.
- IV. HENRICUS unus ex IV. Religiosis Troncinio missis ad Ordinem Præmonstratensium stabiliendum Diligemii. Historiam scripsisse traditur ordinis sui ac Monasterii, quæ interiit. Obiit Anno 1162.
- V. HILDEBRANDUS. Mortuus Anno 1200.
- VI. HENRICUS ex Abbatia *S. Joannis* Lauduni accersitus, post triennium resignavit Priori suo *Sigero* hujus Abbatiae Canonico.
- VII. SIGERUS. Obiit anno 1217.
- VIII. EGERICUS obtinuit feudum de *Didlegem*, unde Coenobium *Diligem* ab Anno fere 1218. nomen accepit, quo anno Abbas iste obiit.
- IX. WENNEMARUS Canonicus Abbatiae Laudunensis. Obiit Anno 1219.
- X. AMELINUS Abbatiae Averbodiensis Canonicus. Obiit anno 1220. (*Henricus VI.* Abbas qui *Sigero* resignaverat, iterum onus Abbatiale assumpsit ad annum usque 1226. quo plenus dierum migravit ad Dominum.)
- XI. GERINUS. Obiit anno 1230.
- XII. DANIEL Canonicus Abbatiae Ninhoviensis, dein a proprio Conventu in Abbatem postulatus circa annum 1240. ibidem obiit anno 1255.
- XIII. WALTERUS DE ROESBEKE Canonicus Abbatiae Grimbergensis, altero anno 1256. a proprio Conventu ad regimen Abbatiale postulatus, ibidem obiit An. 1259.
- XIV. GODESCALCUS Monasterium notabilibus Dominiis temporalibus ditavit in Heembeca, Dielbeca & alibi. Obiit anno 1274.
- XV. ONULPHUS. Excessit e vivis anno 1275.
- XVI. ÆGIDIUS Canonicus Abbatiae Troncinienfis. Obiit anno 1284.
- XVII. HENRICUS Obiit anno 1300.
- XVIII. GERARDUS Canonicus Abbatiae Parchensis. Anno primo suæ Prælaturæ 1300. procuravit Ecclesiæ suæ Reliquias *S. Blasii* Episc. & Mart. dono acceptas a *Margareta* Conjuge *Joannis II.* Brabantiae Ducis, resignavit ac devixit an. 1308.
- XIX. PETRUS. Obiit eodem anno 1308.
- XX. EUSTACHIUS. Obiit anno 1310.
- XXI. JOANNES DE CRAENE. Mortuus anno 1330.
- XXII. JOANNES CRUPELANT excessit e vivis an. 1338.
- XXIII. THEODORICUS. Obiit Anno 1345.
- XXIV. JOANNES DE ASCA. migravit e vitâ. An. 1377.
- XXV. NICOLAUS DE LEEUW dictus de *Herent* antea Prior, dein Provisor hujus Abbatiae. Obiit An. 1384.

XXVI. JOANNES DE MIDDELBORCH. Obiit Anno 1411.

XXVII. GUILIELMUS DE WOLF ex Provisore Abbas. Obiit Anno 1424.

XXVIII. JOANNES JACOBI antea Canonicus Regularis Viridis Vallis, ex amore disciplinæ professus in hac Abbatiâ, dein Prior, demum Abbas. Obiit anno 1440.

XXIX. GUILIELMUS CROES. Obiit Anno 1457.

XXX. JOANNES A QUERCU, vernacule *vander Eecken*, Mechliniensis. Obiit anno 1462.

XXXI JOANNES A LINNIACO, vernaculè *de Lenneke*, Teneramundanus. resignavit Anno 1469. & devixit anno 1487.

XXXII. ROLANDUS PIQUOT J. U. L. Acad. Lov. ex Suppriori & Novitiorum instructore electus Abbas, resignavit Anno 1501. & obiit An. 1507.

XXXIII. ROLANDUS SANDERS Canonicus Abbatiae Troncinensis, prius ibidem Prior, dein Præpositus Monialium in Tuschembeka ejusdem Ord. Præmonstr. quæ erat Præpositura eo tempore a Troncinensi Abbatiâ dependens, post annos V. resignavit, & factus Pastor in Heembeka, e vitâ migravit Anno 1515.

XXXIV. PETRUS VANDEN ZYPE Canonicus Abbatiae Grimbergenfis & Pastor in Wemmel, postulatus a Conventu Diligemensi. Obiit Anno 1512.

XXXV. CORNELIUS VANDER GOES Illustri familia natus, ex Abbatia Middelburgensi in Zelandia ejusdem Ord. Præmonstr. evocatus Abbas, obtinuit anno 1532. a *Clemente VII.* Pont. jus Mitræ & Pontificalium, dein Anno 1537. a Matrice sua Ecclesia Middelburgensi in Prælatum postulatus.

XXXVI. JOANNES DE TUEGELE sub decessore electus coadjutor. devixit Anno 1538.

XXXVII. JOANNES DE PUTEO, ortu Teneramundanus. Obiit anno 1540.

XXXVIII. ARNOLDUS MAHIEU Bruxellensis, sacri Oratorii Major Capellanus sub *Maria* Hungariæ quondam Reginâ, Belgii Moderatrice, ac pro Ecclesiastico statu deputatus Ordinarius. Obiit anno 1575;

XXXIX. LIVINUS VAN CAUWENBERGE. Bruxellensis, ex Pastore in *Muesegem* electus Abbas, præfuit acerbissimis Belgii temporibus. Vitâ excessit anno 1602.

XL. MARTINUS HECKIUS Campiniensis, Pastor in *Wolverthem*, paucis ante obitum mensibus sui prædecessoris factus temporalium administrator, eo defuncto electus Abbas. Vitam exiit Anno 1623.

XLI. JOANNES BAPTISTA HASELER Bruxellensis, primo Parochi munus egerat in *Jette*, dein sui Coenobii Provisor. Obiit Anno 1645.

XLII. MARTINUS HECKIUS Campiniensis, primo Supprior ac juvenum instructor, exinde Abbas, inauguratus anno 1644. ad divini cultus augmentum, construi fecit pretiosissima, quæ usque hodiè exstant Altaris & Ministrantium ornamenta, ex auro opere Phrygio artificiosè elaborata, villam adhæc e regione Abbatiae perpulchram anno 1660. ædificavit, & dum dormitorio moderno infatigatus instat anno 1662. die 17. Decembris e vivis abripitur, & Successori operis coronidem dereliquit.

XLIII. CORNELIUS LAMBERTI Antverpiensis ex Pastore in Zellick (ubi sumptus magnâ ex parte subministrante Martino Heckio, novam ædi-



ædificavit Ecclesiam; Capellam ibidem *S. Quirini* Reliquiis Româ relatis ditatam, concursu populi eandem veneraturi celeberrimam, Abbatia nostræ pro prædictis sumptibus oppignoratam relinquens) Abbas electus est, & die 11. Martii anni 1673. mitra solemniter insignitus. Mox dormitorio perfecto, Bruxellenſe Refugium novis ædificiis auxit, Sacelloque domestico decoravit, & dum alia plura meditatur vitâ excessit Anno 1678. mensis Julii 12.

XLIV. Quo eodem anno eligitur, nominatur, & 9. Octobris Infulis insignitur SIARDUS HUENAERTS ex Pastore in Wolverthem: Vir & suis & exteris etiam primæ notæ percharus, qui ingenii vivacitatem, animique benevolentiam vultu & specie exprimens, suorum animos præclara expectatione exhilarabat. Sed dignus illo non fuerit mundus, nam Coelum in flore ætatis rapuit anno 1680. Aprilis 25. cum vix 18. mensibus præfuisset, eique successit in Prælatura 26. Junii ejusdem anni, qui in Pastoratu fuerat substitutus,

XLV. FRANCISCUS KERREMANS Bruxellensis, debemus viro huic studium redivivum quotidianis succedere incrementis. Statutorum Ordinis rigidus ipse observator, aliisque exemplar erat, pudebatque non insequi Abbatem gnave præeuntem. Ædificandæ Domus Dei dum lapides, pecuniam, aliaque necessaria congregat, Deputatus Ordinum Brabantia Assessor ordinarius, munere suo defungitur 5. Junii anni 1689. collecta cum ædificandi onere successor relinqueris.

XLVI. HENRICUS HUYS itidem Bruxellensis, olim *S. Theol.* Professor, & in Mueseghem Pastor, vix septem hebdommadibus lapsis Antverpiæ in Abbatia *S. Michaelis* (Mechliniensi sede vacante) ab illius Urbis Episcopo consecratus die *S. Annæ* sacrâ. Anno 1707. factus Illustriss. Ordinum Brabantia primi Ordinis deputatus, exacto biennio veterem Ecclesiam collabentem destruit, novam ædificavit, Chorum sedilibus pulcherrimis exornat, Bibliothecam, picturis, libris, & his recundendis forulis instruit, Refectarium coemptis tabulis decorat, hortum efficit, fontium, Areolarum variegatione amœnum, tandem annis XII. integris deputationis in magnâ rerum vicissitudine, & injuriâ temporum decursis jam Jubilarius, subitanâ morte sublatus est anno Regiminis 32. seculi 1720. mensis Septembris die 12, eique successit denominatione Majestatis Cæsareæ exordiente anno 1721.

XLVII. HENRICUS CROCKAERT; & ipse Bruxellensis ex *S. Theol.* Professore, in utrâque Heembecâ ab anno 1700. Pastor, 26. Januarii in Ecclesiâ propriâ ab Eminentiss. Cardinali de Alsatia de Bouffu Archiep. Mechl., assistentibus Abbatibus Grimbergenſi & Bernensſi Mitra est redimitus. Vix tantâ dignitate insignitus, Frontispicium, & Ecclesiam Abbatia anteriorem cum turri artificiosè fabrefactâ perficit: nihil interim eorum, quæ ad vitam animæ, & bonum Spirituale subditorum spectant omittens. Det illi Deus, ut pacem, quam unicè cordi habet in secula fovere valeat, &

In Deo sibi sVisqVe regIMIne bIno frVCtIfICet.

LAKEN recensetur inter pagos qui libertate & jure oppido gaudent, In ejus territorio septem Toparchæ sunt, ac videntur ab ipsis septem Dynastis, qui VII. Patricias familias Bruxellis propagarunt, originem ducere.

In hoc loco miraculis innumeris clara est Virginis Matris Ecclesia; de  
TOM. II. Aa cujus



cujus initio agit *J. Gillemans* primâ parte Novalis Sanctorum. Item *A. Raifsius* in suo Auctuario ad Natales Sanctorum Belgii *J. Molani* ad diem 13. Aprilis, & ex eo *A. Wichmans* in Brabantiâ Marianâ Lib. II. Cap. IV. ad quem curiosum Lectorem remittimus.

Quonam vero præcisè tempore stupenda illa quæ ibidem narrantur contigerint non ita exactè adnotatum reperitur apud eos qui illorum meminerunt, ait prædictus *A. Wichmans*. Interim hoc omnino certum & extra dubium est, jam ante septingentos annos hanc Ecclesiam constructam fuisse, atque inibi Deiparam cultam. Sanctus enim *Guido* Anderlechensis, qui obiit juxta auctenticum ejus loci instrumentum anno 1012. multis annis velut alter *Nepotianus* in hac Ecclesia servivit floribus & ramis eam exornans, omnia in nitore conservans, atque in omnes Cæremonias piè sollicitus. Postea per septem annos peregrinatus est Romam & Jerosolymam & ad alia Sanctorum loca. Unde Anderlacum reversus, peste inguinariâ seculi ærumnas consummavit. Sepultus primo Anderlaci in Coemiterio; sed Deo per viri Sanctitatem miracula testante circa annum 1085. *Gerardus II.* Cameracensis Episcopus ejus sacra ossa e terrâ iustulit, & in capsâ honorificè collocavit, quiescit ibidem in sui nominis ac *S. Petri* Basilicâ (quod nota contra *J. Molanum* & *C. Baronium*, qui eum toto seculo posteriorem faciunt.)

Ecclesia Lakenfis, etiamnum hodie admodum celebris est, & visitatione & concursu solemnis; potissimum autem Principibus nostris eximiâ in veneratione.

Ex Archivis Abbatiae Affligemienfis constat Ecclesiam Lakensem primitus Antistitum Cameracensium juris omnino fuisse; horum vero largitate & (ut litteræ præferunt) eleemosynâ Nivellis Collegii factum peculium, a quo tandem & Parchensibus (quibus tertia pars Decimarum competebat) conventionione seorsim ac diversis transactâ temporibus ad Affligemienfem Cœnobium pervenit. Sic itaque tabulæ antiquissimæ pactionem Nivellensium cum Affligemienfibus quoad decimam de *Offeghem* complexæ habent.

„ Communi consilio & rationabili assensu ad petitionem Domini *Nicolai*  
 „ Cameracensium Episcopi Ecclesiæ de *Hassligen* in manu *Godescalci* ejusdem  
 „ Cœnobii Abbatis concessimus nostram decimam de *Offenghien* &c. ” &  
 mox „ *Lachen* autem mater est & capitalis Parochia: nostra quidem Eccle-  
 „ sia ex Cameracensium Episcoporum eleemosynâ, antiquâ, & ratâ posses-  
 „ sione, cum universis decimis & dote &c. Actum est anno Incarnati verbi  
 „ M. CLIX. Indictione VII. Epactâ nullâ, *Frederico* imperante, Do-  
 „ mino *Henrico* Leodiensi Episcopo, *Godefrido* Lovaniensi Duce, *Adelbe-*  
 „ de ipsam Obedientiam de *Laches*, obtinente. ” Ex scriptoribus qui illo  
 ævo vel circiter vixerunt colligitur Obedientiam hic sumi pro membro Monasterii, & proinde significat Prioratum vel Præposituram illius Monasterii.

Anno M. C. LXXVI. ” *Ada* Nivellensis Abbatissa, & ejusdem Ecclesiæ  
 „ Fratrum quam Sororum Conventus, facto consensu contulit Ecclesiæ  
 „ *Hassligeniensi* in perpetuum Ecclesiam de *Lachen*, cum omnibus appen-  
 „ dentiis suis, & cum omni integritate omnium, quæ ad eandem Ecclesiam  
 „ attinent, unâ concessit eidem Ecclesiæ villam de *Ham* &c. ” Quod pactum anno insequenti *Alardus* Episc. Camerac. ratum habuit. Ex illo quoque tempore Parchenses Canonici Præmonst. quibus tertia pars decimarum & proportionatum jus ad Patronatum adepti, idque ut putatur a fundatione Parchensis Monasterii, e *Godefrido Barbato* Duce Brabantiæ, cum Affligemien-



nienſibus concorditer Eccleſiam Lachenſem illiusque reditus adminiſtrarunt uſque ad annum M. CC. XIV. quo decima quoque Parchenſium ad Affligemienſes ſub annua penſione pervenit. Litteræ hujus pactus ſic ſe habent.

Notum ſit Uniſerſis Chriſti fidelibus hoc ſcriptum inſpicientibus, quod cum Domus Parchenſis haberet partem in Decimâ de Laken, in hoc convenerunt *Ywanus* Abbas & totus Conventus Parchenſis & *Robertus* Abbas totuſque Conventus Haſſigenienſis quod Abbas & Conventus Haſſigenienſis, ab Abbate & Conventu Parchenſi, per licentiam generalis Capituli Præmonſtratenſis ſuſceperunt dictam decimam perpetuo poſſidendam, ſub annuâ penſione duodecim modiorum Bruxellenſis menſuræ, videlicet ſeptem modios ſiliginis & quinque hordei in eadem Parochiâ ſub bonâ fide ſolvendorum. Et ut hoc ratum & inconvuſum permaneat, ſigillis Abbatis & Conventus Haſſigenienſis, & Abbatis Parchenſis eſt munitum. Ad majorem autem confirmationem appoſita ſunt ſigilla aliorum qui interfuerunt. Sigillum Abbatis Fliderbecenſis, S. Heſcelini Abbatis Grimbergenſis. S. Radulfi Abbatis Ninivenſis. S. Abbatis Jettenſis. S. Henrici Præpoſiti Lovaniienſis S. Capituli Bruxellenſis. Teſtes Godſcalcus Prior, Everardus Supprior, Simon Armarius, Willelmus Cellarius, Henricus Capellanus Haſſigenienſis Monafterii. Henricus Prior, Arnoldus Supprior, Vitalis, Remigius, Ywanus Parchenſis Eccleſiæ Canonici & alii quam plures. Acta ſunt hæc anno Domini M. CC. XIV.

Anno 1638. *Jacobus Boonen* Archiep. Mechl. Patribus Oratorii Inſtituti *Petri Berullii* S. R. E. Cardinalis hanc curam Paſtorales demandavit, qui Paſtoratus debet per aliquem ipſius Congregationis (cui unitus eſt) Presbyterum idoneum, a loci Ordinario dictæ Eccleſiæ approbandum, conſtituendumque adminiſtrari, prout magno Eccleſiæ bono hodieum rectè & cum magno fructu adminiſtratur.

Decima hujus loci hodie eſt tripartita, cujus duæ trientes ſpectant ad Abbatiam Affligemienſem, altera triens ad Parochum.

MACHLA S. GERTRUDIS, Teutonicè *S. Geertruyde Machelen*, ab hac Divâ nomen ſortita, ſeſquimilliarî a Bruxellâ, medio a Vilvordiâ, Præfecturæ Vilvordienſis.

Hoc Dominium Anno 1626. a Rege oppignoratum fuit gentilibus de *Gottignies*; Dein emptione abſolutâ in auctione publicâ a *Philippo IV.* Hiſp. Anno 1654. obvenit *Guilielmo Ignatio Hooff* Domino de Hove, a quo emptione publica anno 1667. devenit ad *Claudium Franciſcum* Comitem de Taſſis, inde emptionis tabulis Anno 1697. ad *Joannem Paulum Bombarda*, hinc ruruſum emptione publicâ illud acquiſivit *Petrus Antonius Baro de Colins*, qui ejus inveſtituram adiit in Curiâ feudali Ducatus Brabantiæ anno 1717. ac hodie hoc Dominium poſſidet.

In Machlâ *Lamoraldus* Comes de Taſſis & S. R. I. circa annum 1653. elegantis formæ caſtellum condidit, nuncupavitque *Beau-Lieu*; cujus ſchema nobis exhibet Baro *Le Roy* in Caſtellis Nobilium Brabantæ, quod hodie ſpectat ad præfatum Dynaſtam Baronem de Colins.

In hoc pago eſt Dominium cum Caſtello, præditum plurimis agri poſſeſſionibus ſpectans ad *D. Joſſan*.

Porro vocatur hic pagus *Machlinia S. Gertrudis* ut ab aliis ejusdem nominis locis diſtinguatur, vel potius quia Eccleſia in honorem hujus Divæ eſt conſecrata. Patronatus ejus ſpectat ad Capitulum S. S. *Michaelis & Gudulæ* Bruxellenſe, cui *Henricus I.* Lotharingæ & Brabantæ Dux Anno 1225. contulit ſuas Decimas in *Machla* reſignatas ſibi a *Waltero de Murſeke*.



Hodie Decima est tripartita cujus duæ trientes spectant ad præfatum Capitulum, tertia triens portio Parochi est cum Novalibus.

Cantuaria fundata in hac Parochiali anno 1710. annexa est Pastoratui promissa matutinali diebus sacris procurandâ.

MAIS vulgo *Meys*, Præfecturæ Grimberginæ, Dominium ad Nassovios, Bergenses, & alios pertinens, altero lapide a Bruxellâ & medio miliari a Grimbergâ pagus est latæ admodum extensionis, continens sub se plures vicos, & quasi appendices, videlicet *Ophem*, *Amelgem*, *Hasselt* & *Nieuwen-Rode*, latinè *Novum Sartum*, de quibus mox dicetur.

Plures sunt hujus pagi Toparchæ & universim in eo VI. Dominia recensentur ex quibus duo possident Nassovii, duo Bergenses, unum Baro de *Bouchout*, & unum Baro de *Hoghevorst* &c. habentque suam jurisdictionem personis & locis distinctam; inter quæ Castrum de *Bouchout* veteris Baronatus titulo illustre in clientelâ Ducis Brabantiæ, conditum referunt a Brabantiæ Duce cum Teneramundam *Theodorico* Flandriæ Comiti contradidisset. Hoc opportuno loco in limite ditionis suæ arcem struxit, Flandrorum excursionis intercepturam, & quia præsidium in perpetuâ, ut sic dicam, speculâ, structæ Arcis nomen fecit *Boocholt*, id est arcum tene. Ejus Toparchas a loco nomen adeptos, virtute sua inter primos Brabantiæ claruisse, bella sacra comprobant; & omni hominum, & Scriptorum memoria illustres fuisse constat; & varia probant diplomata *Bocholtanos* semper inter, subinde ante Primarios Patriæ Barones subscripsisse.

Hic Baronatus per nuptias *Margaretæ de Bouchout Danielis* filiæ, quæ obiit anno 1476. accessit *Everardo de la Marck* Dom. d'Aremergh, possessus ab Aremerbergiis aliquamdiu, donec *Robertus Aremergæ* Comes Ao. 1536. *Maximiliano de Transilvan* Equiti transcripsit, cujus ex *Catharina de Mol* filia *Joanna de Transilvan* Domina de Bouchout, Loupaigne &c. nupta *Francisco Prospero de Geneve* Domino de Lullin, Cuesingem &c. Dynastiam vendidit anno 1590. *Christophoro d'Assonville* Consilii Privati Consiliario primario &c. & tandem per nuptias filiæ ejus *Margaretæ d'Assonville* in prænobilem apud *Atrébates de France* familiam translatus est, indeque nuperis annis emptionis viâ devenit ad *Petrum Ferdinandum Roosé* Dominum de Froidmont, in cujus gratiam Bouchouti Baronatus diplomate Regio die 9. Maii 1683. confirmatus est; post cujus mortem illud possidet ejus filius *Melchior Franciscus Roosé*.

In Basilica *D. Gudulæ* visitur sequens Epitaphium præfati *Christophori d'Assonville*.

#### D. O. M.

*Christophorus ab Assonvilla*, Eques D. Altavillæ, Baro Bouchout, Philippo II. Hispan. Regi P. M. Deinde Alberto & Isabellæ nostris Principibus a Consiliis publicis & arcanis. *Margaretæ Scheiffæ* Conjugi Charissimæ ac *Guilielmo* filio optimo præmortuis hic sepultis, ac etiam sibi ipsi adhuc vivens (mortis memor) hoc Mon. P. C. anno 1602. Obiit 10. Aprilis anno 1606.

#### Quarteria.

*D'Assonville, Potier, Desprets, Du Jardin, Scheyfve, Berchem, Hoogelande, Nieuwerkercke.*

Item



Item in hoc pago Prætorium cum Dominio quondam gentis *vander Ee* Prætoris Bruxellensis, a qua viâ emptionis, devenit ad gentem de *Bourgois*, inde eadem via emptionis ad gentiles de *Vander Linden*, Patricios Lovanienfes, illudque hodie possidet *Philippus vander Linden* Baro de Hooghevorst.

Ecclesia tutelarem colit *S. Martinum* Turonensem Episcopum. Cura Pastoralis donata est Abbatia Grimbergenfi per *Odonem* Episcopum Cameraensem cum appenditiis suis (verba sunt Diplomatis) *Strombeca & Grimberga* quæ hodie sunt separatæ Parochiæ. Ita *J. B. Gramaye* in Grimberga, quo autem anno non indicat, neque nos invenire potuimus.

Ab hac Parochiali dependet sive ei spiritualiter subjecta *Ophem*, cujus Ecclesia dicata est *S. Stephano* Proto-Martyri, quæ per Vicarium ibidem ex Canonicis Præmonstr. Grimbergenfibus constitutum perpetuo administratur, in quo Sacellum de *Amelgen* D. Virgini sacrum.

Item ab hac Parochiali dependens est *Hasselt* in quo Sacellum *S. Eligio* Episc. Sacrum, item *Rodium S. Brixii*, & *Novum Rodium* sive *Novum Sartum*, Teutonicè *Nieuwen-Rode*, cujus Ecclesia D. Virgini in Cælos assumptæ sacra per Vicarium ex Canonicis Abbatia Grimbergenfis ibidem constitutum perpetuo administratur. In hoc loco olim fuit Cœnobium Monialium Ord. Præmonstratensis, quibus Anno 1177. *Alardus* Cameracensis Episcopus Altare de *Ruysbroeck* assignavit, Cœnobii Reliquiæ adhuc videntur, bona Abbatia Grimberganæ accefferunt, uti mox dictum in Grimberga.

MUESEGEM in Diplomatis *Mosenchein*, & *Mosegem* legitur. Præfecturæ Merchtemensis Dominium, tribus milliaribus a Bruxellâ. Olim non pauci ex illustri stirpe de Petershem Proceres illud possederunt, a quibus dotali jure devenit ad Merodios, in quâ stirpe hæsit, donec *Margareta Joannis de Merode* filia, *Joanni de Wittem* Domino de Beersele enupta, illud filia suæ *Mariæ* reliquisset; a quâ illud acquisivit anno 1606. cum *Wolverthem*, Impden & Rossem *Ludovicus Vereycken* Eques Aurat. Serenissimis Archiducibus *Alberto & Isabelle*, dein *Philippo II.* Hisp. Regi a Consiliis aulæ & belli, & variis legationibus clarus. Successit ei ex *Ludovica Micault* filius *Ludovicus Franciscus* Eques Aurat. Dominus de Hamme & Sart ad Thyliam, Impden, Ruart &c. pariter eisdem Serenissimis Archiducibus & *Philippo IV.* Hisp. Regi a Consiliis aulæ & belli. Hic ducta *Anna de Busleyden* *Ægidii* militis filia, in hac Dynastiâ filium successorem habuit *Carolus*, in cujus gratiam erecta est *Impda* (in qua est elegans prætorium amœnitate & fontium delitiis nulli secundum) Anno 1659. die 24. Decembris a *Philippo IV.* Hisp. Rege in Baronatum; a quâ stirpe per nuptias devenit in Illustram familiam Comitum de *Bouffu*; a quâ tandem Anno 1700. viâ emptionis venêre hæc dominia ad *Eugenium Alexandrum* Principem de la Tour & Tassis; pretium fuit 180000. flor. in quâ Illustri stirpe hætenus perseverat.

Bruxellis in Ecclesia D. Virginis de Capella, in quodam Sacello lateris Boealis navis Ecclesiæ, legitur sequens Epitaphium.

D. O. M.

*Ludovico Vereycken* Equiti D. de Hamme, Sart ad Thyliam, Ymden, Ruart &c. Serenissimis Archiducibus, & demum Phi-

TOM. II.

Bb

lip-



lippo IV. Hispaniarum Regi in Belgio a Consiliis statutus & Belli. Obiit XXIII. Octobr. 1621. Ætatis 69. & *D. Ludovicæ Micault*, ejus Conjugi obiit VIII. Julii 1622. Ætatis 55. Liberi mœstissimi optimis parentibus P. C. Requiescant in pace.

Domus Pitzenburgica Equitum Teutonicorum Mechliniæ hic loci a priscis temporibus possidet cum plurimis agri & Sylvarum possessionibus insignem Curiam censualem vulgo *Laethof*.

Quoad rem sacram, Ecclesia dicata est *D. Virgini Mariæ* ab Angelo salutariæ & *S. Nicolao* Episc. Sacrum ministrum in hac Parochiali constituit e suis Canonicis Abbas Diligemensis.

Appendix hujus Parochialis est *Impda* in qua est Sacellum *S. Quintino* Mart. sacrum, & amœnum Prætorium Principis de *La Tour* & *Tassis* uti mox pluribus dictum est, cujus schema visitur in Castellis Nobilium Brabantiae Baronis *Le Roy*.

MOLEBEECK in Suburbio Bruxellensi gaudens jure Urbis & Civium, Parochia ampla & lata secundum *Sennæ* fluvii decursum, dependens a Capitulo *S. S. Michaelis* & *Gudulæ*.

Cum anno 1357. producto Urbis pomerio potior incolarum pars mœnibus clauderetur, permissum Sacello Urbano *D. Catharinæ* fons baptismalis, administratio sacramentorum & Sepultura; ita ut Parochus ad *D. Catharinam* resideat, Vicarium interim foris habeat, quæ Ecclesia *S. Joanni Evangelistæ* & *S. Gertrudi* inscripta est.

*Franciscus Haræus* in Annalibus Ducum Brabantiae tom. I. refert quod *Carolus* Lotharingiæ & Brabantiae Dux partem Villæ, quæ vocatur *Molenbeca* *S. Gudulæ* tradidit, & sex famulas addidit & alia plura ornamenta donavit, dum in *S. Gaugerici* templo *S. Gudulæ* corpus intulisset circa annum 980.

In hoc templo est Monumentum perantiquum donationis in tabulâ pensili exaratum in hunc sensum.

Notum sit omnibus & singulis, quorum intererit *S. Gertrudem* fundum hunc seu aream in quo primo fundata fuit Basilica ad Dei omnipotentis, & *S. Joannis Baptistæ* honorem, Puteumque huic cæmeterio adjacentem, ab eadem *S. Virgine* sumpsisse nomen & virtutem, hodieque dici *S. Gertrudis* puteum, ex quo populares innumeri cum firma spe recuperandæ Sospitatis bibunt, ejusdem *S. Gertrudis* opem implorantes: & quibus plurimum obtingit optata Salus. Unde & laus & honor Deo bonorum omnium fonti.

Exstabat adhuc illa, de qua hic mentio est ante annos 130, sed exortu bellorum civilium, & injuriâ temporum subversa est cum aliis compluribus. Et verò quamvis humiliata sit usque ad terram, detractaque in pulverem omnis illa moles Basilicæ, tamen adhuc hodie postumat in eodem *S. Joannis* Sacello *S. Gertrudis* cultus. Puteo quoque sua non deest Religio.

NOS-



**NOSSEGHEM** in Diplomatis *Noscegem* legitur, altero lapide a Bruxella via nova lapidibus strata, qua itur Lovanium. Præfecturæ Vilvordienfis, habuit eodẽm Dynaftas quos Saventhem. Hodie illuftris familiæ de *Boiffes* Comit̃s de Erps Dominium. Vide de eo plura in Saventhem.

Habet hic locus celebre forum annuum die Mercurii poſt Paſcha.

Eccleſia Patronum veneratur *S. Lambertum* Tungrenſem Episcopum. Jus Patronatus ſpectat ad Abbatiam Cortenbergẽſem Ord. *S. Benediãti*, cum hujus pagi Decima, quod dono acquiſivit ab *Odone* Camerac. Episc. anno 1110, uti dictum in Cortenberga ubi Diploma produximus.

Sub hoc pago eſt Capella *S. Eligii* Episc. vulgo *Vos-Cappel*, diſtans fere medio milliari a Parochiali, in viâ antiquâ quæ Bruxella tendebat Lovanium.

**OPBRUSSEL**, latinè *Superior Bruxella*, vulgo *St. Gillis*, in ſuburbio Bruxellenſi ad portam Hallenſem, gaudens jure Civium Bruxellenſium, Senatui Urbano olim ſubjecta; ſed cum alia omnia Urbem quaquaverſum cingentia ad Spatium 100. paſſuum loca ſolere cum Urbe vectigal pendere, hujus unius vectigal ſolere Principi cedere, Diploma vetus oſtendit Anno 1295. datum.

Eccleſia tutelarem colit *S. Aegidium*, ſub Patronatu Abbatia Foreſtenſis Ord. *S. Bened.* hic in vicinia ſitæ. Hæc Eccleſia olim fuit ſatis ampla & inſignis; ſed Anno 1577. exuſta fuit in turbis Belgicis, quibus ceſſantibus Ao. 1600. Chorum erigere cœperunt, qui ſolus etiamnum viſitur, parietibus dumtaxat navis Eccleſiæ pro parte exſtantibus.

Erecta eſt hæc Eccleſia in Parochialem anno 1216. ſollicitante & rem promovente *Henrico I.* Lotharingiæ & Brabantia Duce, conſenſu Abbatiffæ & Monialium Foreſtenſium, uti nos docet hoc Diploma, nobis communicatum per modernum Parochum.

**HENRICUS** Dux Lotharingiæ, & Regni Marchio. Omnibus Chriſti fidelibus præſens ſcriptum intuentibus in perpetuum. Cum labilis & caduca ſit fragilitatis humanæ memoria, & de facili cauſa magni erroris ſubrepat oblivio, neceſſarium & perutile eſt conventiones, donationes, & res geſtas vivaci ſcripto quod oblivionis non recipit, perſervari. Notum ergo facio tam præſentibus quam futuris, quod Conventus de Foreſto ad petitionem noſtram liberaliter, & libenter conceſſit hominibus de *Obbruxella*, ut habeant Eccleſiam cum Baptiſterio, ſepultura & officio plenariè divino: ita quod donatio illius Eccleſiæ ad Capitulum de Foreſto pertinebit, & Presbyter loci illius in recognitionem dabit annuatim Conventui de Foreſto viginti ſolidos Bruxellenſes, decem in Natali, & decem in Pentecoſte perſolvendos, quoſque Eccleſia ad decem librarum lucrementum pervenerit, in optione ſtabit Capituli Foreſtenſis utrum amplius prædictam pecuniam a Sacerdote recipiant, vel cum eo jure Perſonatus in fructibus participare maluerint.

Dabit etiam Sacerdos annuatim duos ſolidos Cuſtodi de Foreſto prædictis terminis perſolvendos: Præterea Foreſtenſe Capitulum jus habebit præſentandi Presbyterum ad Eccleſiam ſæpe fatam, a Presbyterio loci nullam ſentiet de requiſitione competentis Beneficii iniquitationem vel moleſtiam, habebit autem Eccleſia talem diviſionem terminorum Curtis Ninii & Godefridi ſitæ prope quercum, pertinent ad Parochiam de Foreſto, ab eo autem loco uſque ad Crucem, quæ eſt prope Leproſos, omnia ad Eccleſiam de *Obbruxella* pertinebunt. Ut autem prædicta, inconvulſa permaneant & perpetui roboris firmitudinẽ fortiantur ad veritatis teſtimonium perhibendum; præſentem paginam deciſione Cyrographi & appenſione ſigilli mei in perpetuum muniri decrevi: Acta ſunt hæc Bruxellæ anno gratiæ milleſimo ducentefimo decimo ſexto menſe Auguſto. Et erant ſubſignati Adrianus Bais Pbr. & Philippus de Vleſchou-  
dere.

1216.



Notandum Leprosos, de quibus in Diplomate, hodie esse Monasterium *S. Petri*, vulgo *Ter Sieken*, supra Urbis moenia, quod propriè est Leprosarium.

Decimarum participes sunt numero V. scilicet Abbatia de Foresto percipit ultra quartam partem, Scholasticus & Fabrica *D. Gudula* medietatem; aliam partem percipit Monasterium Montis Frigidi: Capitulum *D. Gudula* gaudet decimis minutis. Anno 1719. Parocho assignata est a Senatu Brabantiae competentia 400. florenorum annuè, a præfatis decimatoribus præstanda, præter domum Pastoralem ab iisdem exstruendam.

Cæterum hic loci ad muros Urbis *Guilielmus Duvenvordius* Oosterhouti Toparcha, Monasterium secundæ Regulæ *S. Francisci* Virginibus suo ære struxit & dotavit Anno 1343. Hoc Monasterio per turbas Belgicas funditus everso sæculo XVI. attributa est Anno 1585. in Urbe Domus Fratrum vitæ Communis a *Gerardo magno* institutorum haud procul a Basilicâ Parochiali *S. Gaugerici* ad Sennam fluvium de quibus diximus plura in Bruxellâ.

OSSELE in Diplomatis *Offensele* legitur. Districtus Grimbergenfis, Dominium ad Nassovios pertinens, secundo lapide distat a Bruxellâ.

Ecclesia tutelarem colit *S. Joannem Baptistam*. Patronatus est Archiepiscopi Mechliniensis jure Abbatiali Affligemienfis, ad quam Abbatiam spectat uti & ad Parochum hujus loci decima, qui moratur in Brusselgem defectu ædis Pastoralis, & se inscribit Pastorem in *Ossele* & Deservitorem de *Brusselgem*.

OVER-YSCHE, Latine *Ysca Superior* Sylvæ-Soigniacensi fere contigua, Præfecturæ Vilvordienfis, quæ pari ab Urbe Bruxellâ & Lovanio Brabantiae Metropoli trium milliarium intervallo distat. Municipium nobile & elegans, oppidi titulo insigne, ac Natalibus Justî *Lipsii* celebre, olim in Brabantiae Conventu adesse solitum, & Sigillo diplomata munire, præferente Episcopum sole & lunâ stipatum. Peculium diu fuit inclytæ stirpis de *Isca*, dein ea hæreditas ad *Wittemios* jure pignoratitio devoluta est; inde eodem jure per nuptias ad Illustrissimam Hornanam stirpem devenit. Decoratum est honore & dignitate Principatus sub nomine de *Hornes* anno 1677. in gratiam *Eugenii Maximiliani de Hornes à Carolo II.* Hisp. Rege diplomate dato Madriti die 19. Octobris; post cujus mortem anno 1706. devenit ad ejus filium *Philippum Emanuelem* Principem de *Hornes*, qui fatis concessit Anno 1718. a cujus morte illud Illustre Dominium hodie possidet *Maximilianus Emanuel* ejus filius, natus Bruxellæ anno 1695. inibi insigne & illustre Dynastæ visitur Prætorium.

Anno 1626. a Rege mansit oppignoratum Dominium de *Isca* & *Rozieres* inclytæ stirpi *Hornanæ*. Stemma Comitum & Procerum familiæ *Hornanæ* invenies in Donat. Belg. *A. Miræi* novæ edit. pag. 470.

Forum solebat habere hebdommadarium & annales nundinas variis privilegiis exornatas, quæ jam a longo tempore cessarunt.

Quoad rem sacram, Ecclesia quæ multum insignis, consecrata est *S. S. Trinitati* & *S. Martino* Turonensi Episcopo, quatuor horologiis decorata, quæ licet anno 1694. die 24. Aprilis cum maximâ hujus Municipii parte igne fortuito conflagravit, paucis post annis tamen pristinum splendorem induit. Patronatus Curæ Pastoralis spectat ad Abbatissam Vallis Ducis Ord. Cisterc.

ad

Erectus in  
Principa-  
tum.



ad quam etiam spectat hujus Municipii decima, ex quâ annuè solvitur Parocho portio congrua in granis & nummis, scilicet summa 300. flor. & 100. Halsteria frumenti, filiginis, & hordei; quam decimam *Henricus II. Lotharingæ & Brabantiae Dux* anno 1235. præfatæ Abbatiae assignavit in partem dotis filiae suæ *Margaretæ* dum inibi Monasticem professæ est, quæ dein ibidem fuit II. Abbatissa, cujus tumulus etiamnum hodie illic in medio Choro Monialium constituta conspicitur, uti suo loco dictum, cum hanc Abbatiam descripsimus in Decanatu Lovaniensi. Ita *Dinterius* in Brabantiae Chronico M. S. loquitur.

In hoc Municipio tria sunt Sacella, quorum unum in Vico *Laen* erectum in *S. Michaelis* honorem, & alterum in Villâ *Ter Decht* situm *SS. Trinitati* sacrum, tertium in Municipii ipsius Xenodochio *S. Huberto* dicatum.

In hoc Municipio olim fuit Beginasium circa annum 1331. in honorem Deiparæ erectum, auspiciis *Joannæ Comperiae Cocqueroulæ*, & *Joannæ de Ridder*, sed injuriâ temporum & bellorum motibus jam pridem interiit, hodie a vetulis aliquot inhabitatur.

ROSIERES ad limitem Gallo-Brabantiae, Præfecturæ Vilvordienfis: Dominium Illustris stirpis Hornanæ jure pignoratitio.

Ecclesia dicata est *S. Andreae* Apostolo. Patronatus ejus spectat ad Abbatissam Vallis Ducis Ord. Cisterc. Potior pars Decimarum spectavit ad Abbatiam Affligemensem: at eam nuper cessit Parocho pro portione congruâ. Præfata Abbatia Vallis Ducis parvum inibi habet districtum decimarum.

SAVENTHEM, vulgo *Saveltom*, ita nuncupatum a septem (ut fama est) Romanorum tumbis. Municipium celebre, & antiqui nominis, sub Præfecturâ Furenfi, primo lapide cum dimidio a Bruxella, ad levam novæ viæ lapideæ quæ tendit Lovanium.

Hæc Toparchia describitur in jurisprudentiâ Heroicâ his verbis pag. 303.  
 „ Ejus Dominium spectavit olim ad *Danielem de Bouchout & Joannem*  
 „ ejus filium: imo & ad *Henricum de Flandria*, Dominum de Nihoven,  
 „ cui successit *Joannes Comes Clivensis*, huic *Theodorus de Hornes* Domi-  
 „ nus de *Perweys*; a quo acquisivit *Henricus de Cuyck*, Joannis & Catha-  
 „ rinæ Berthout, filiae Henrici de Bebbeken, & Margaretæ de Bochout,  
 „ filius, Dominus de Vorsele, Brecht, Eekeren, qui ducta uxore Gertrude  
 „ Petri Cotrelli filia, cecidit in Prælio Baeswilre anno 1371. Hujus filius  
 „ Joannes de Cuyck, Dominus de Hoochstraeten vendidit anno 1381. Do-  
 „ minia de Saventhem, & Sterrebeke, *Henrico vander Meeren* militi,  
 „ Walteri filio; in cujus nominis gentilibus permansit, donec Wilhelmus  
 „ vander Meeren, Philippi militis, & Mariæ vander Noot filius illa anno  
 „ 1605. Wilhelmo de Ryckewaert, hic anno 1608. vendidit *Ferdinando*  
 „ *de Boisschot* Ordinis militaris D. Jacobi Equiti. In cujus gratiam & remu-  
 „ nationem præclarorum Servitiorum, quæ jam non semel ad Galliarum  
 „ & Magnæ Britanniae Reges Legatus magnificè præstiterat; hæc Dynastia  
 „ 27. Martii anno 1621. ab Archiducibus *Alberto & Isabella* in Baronatum  
 „ erecta est. Obiit hic *Ferdinandus Comes* Erpsiae Baro de Saventhem Can-  
 „ cellarius Brabantiae, & Supremæ Feudalis Brabantiae Curiae locum tenens  
 „ &c. anno 1649. Postquam ex Annâ Mariâ Camudio Franciscum, Annæ  
 „ Margaretæ de Lannoy nuptiis clarum, horum Dominiorum hæredem &  
 „ filium Regi & Reipublicæ superstitem reliquisset.

Vetus hic Prætorium antiquâ turri insigne habuere Toparchæ, quod a gentilibus de *Ryckewaert* præfati Wilhelmi hæredibus hodie possidetur. Sed



hujus loco ampla & perpulchra *Boisschottorum*. Bruxellis domus a Rege infeudata, & Baronatui Saventhemiensi unita a pluribus jam annis Prætorii Saventhemiensis nomine decora est.

Hujus Parochialis Ecclesia, quæ satis insignis, consecrata est *S. Martino* Turonensi Episcopo. Ejus Patronatus spectat ad Capitulum Metropolitanum *B. Mariæ* Cameracense. Decima pro potiori parte hodie spectat ad Parochum, etiam illa quæ fuit quondam præfati Capituli; item decimarum partem habet Toparcha, & Cappellania in hac Parochiali fundata.

In ara laterali ad partem meridionalem est insignis & artificiosa tabula, depicta penicillo *Antonii van Dyck*, Pictoris excellentissimi, representans *S. Martinum* hujus Ecclesiæ Patronum, quam huic Ecclesiæ dono dedit in tesseram sui affectus cujusdam filiæ incolæ hujus pagi, quæ ipsi in amore erat, & cujus nuptias avide sollicitabat, & tamen obtinere non valuit.

In hoc Municipio initio seculi XVII. ingentis molis repertus fuit tumulus, miræ antiquitatis, in quo inventa est funeraria supellex, existimatur autem fuisse Procerum Salicorum, cum falsis diis adhuc addicti essent.

*SCHAEREBEECK* in Diplomatis *Scarenbeca* nominatur, extra portam Mechliniensem in ipso suburbio Bruxellensi, gaudens libertate & jure Civium hujus Urbis. Varia ibidem Nobilium Prætoria & Civium domus æstivales.

Ecclesia Patronum veneratur *S. Servatium* Tungrensem Episcopum, in arâ summa conspicitur tabula representans *S. Servatium* hujus Ecclesiæ Patronum eleganti penicillo Casparis de Crayere, Pictoris celeberrimi depicta. Patronatus hujus Parochialis spectat ad Capitulum Soigniacense in Hanoniâ.

Decima est tripartita cujus duæ trientes spectant ad Abbatiam Forestensem reliqua triens portio Parochi est.

Huic Ecclesiæ Parochiali adhæret antiquum & insigne reclusorium, quod a duabus piis Virginibus hodie inhabitatur. A paucis annis præclare restauratum & illustratum est impensis Illustrissimi Comitis de Monterey Belgarum & Burgundionum Præfecti, cujus insignia ibidem in frontispicio hujus reclusorii inserta vidimus.

Huic loco natales suas debet *Aleydis* Scarenbecana, quæ Monialis Abbatissæ de Camera, leprosa carne, sed spiritu sana & decora, ibidem beato sine quievit Anno 1250. & illic in magna veneratione est; de qua antea pluribus egimus in descriptione Abbatissæ de Camerâ.

*STERREBEKE* olim *Stertbeca* in Diplomatis nominatur; altero lapide a Bruxellâ. Præfecturæ Campenhoutanæ Dominium, Castro veteri instructum, olim Nobilium Dominorum & stirpium nutrix.

A duobus circiter seculis eisdem cum Saventhem Dominos habuit, qui hodie est Comes de Erps. Est in hoc pago antiquum Castellum cum dominio, quod nuper fuit Renati de Mol Baronis de Herent; quod nobis exhibet Baro *Le Roy* in Castellis Nobilium Brabantiae. Nuperis annis viâ emptionis devenit ad *Petrum Fariseau*.

Ecclesia Patronum veneratur *S. Pancratium* Mart. Patronatus ejus, & collatio curæ Pastoralis pleno jure spectat ad Archiepiscopum hujus Diocesis.



Decimarum participes sunt pro majori parte, Capitulum Metropolitanum Cameracense, Parochus, Capellania *B. Mariæ* ibidem fundata, & Toparcha.

**STROMBEKE**, Præfecturæ Grimbergensis, uno milliari cum dimidio a Bruxellâ. Dominium ad Nassovios spectans.

Ecclesia inscripta est *S. Amando* Tungrensi Episcopo. Parochum ibidem constituit Abbas Grimbergensis e suis Canonicis, ad quem spectat media pars decimarum, altera medietas portio Parochi est.

In spiritualibus dependet ab hac Parochiali *Bevere* olim *Beverna*, in quâ non exstat Ecclesia. Dominium temporale est Comitis *S. Petri* Jettenfis, Baronis de Rivieren de gente *Villegas*.

**UCKELE** antiquitus *Uccle*, Præfecturæ Rodensis. Pagus vastæ extensionis & maxime celebris ob tribunal privilegiatum, vulgo *de Camer van Uckel*, in centum & amplius pagos extensum. Antiquum est Dominium Ducis Brabantiae.

Continet sub se Vicos numero VI. videlicet primus *Stalle* simul & Dominium olim habuit Dynastas Bertholdicæ stirpis Proceres, hodie gentis *van Hamme*, insigni Castello hortoque decoratum, quod exhibetur in Castellis Nobilium Brabantiae Baronis *le Roy*, in Baronatum erectum a *Carolo II.* Hisp. Rege Anno 1686. die 27. Martii, in gratiam *Guilielmi van Hamme*. Ibidem Capella *B. M. V.* sacra, in quâ quibusdam festis Marianis divina celebrantur: Est in eâ Capellania ad collationem Abbatissæ de Foresto.

Secundus est *Droogen-Bosch*; Dominium dependens a Curia feudali Provinciae Mechliniensis quod fuit dudum familiae *Du Bois*. Anno 1717. illud acquisivit tabulis emptionis *Maria Henrica de Caretto*, vidua *Philippi Caroli Francisci*, Ducis Arembergiae, Arscoti &c. quæ hodie inibi exstrui curat illustre & nobilis Architecturæ Castellum destructo veteri, item hortum & Parcum amœnissimum. Ibidem Capella *D. Nicolao* Episc. sacra, in qua diebus sacris divina operantur.

Tertius est *Carloo*, Dominium gentilium de *vander Noot*, insigni Castello hortoque ornatum, quod exhibetur in Castellis Nobilium Brabantiae Baronis *le Roy*. Illud Dominium Anno 1638. die 18. Augusti a Rege oppignoratam fuit *Carolo vander Noot*. Dein Anno 1650. ejus posteris ab eodem Rege absolute venditum, ac Baronatus dignitate a *Carolo II.* Hisp. Rege decoratum 12. Septembris anno 1678. in gratiam *Walteri vander Noot*. Exstat in eo Vico Capella *D. Jobo* sacra, in quâ Dominicis & Festis celebratur.

In Ecclesiâ Parochiali de Uckel visitur Monumentum Sepulchrale in Capella laterali ad partem meridionalem, cum hac inscriptione.

D. O. M.

Monumentum Nobilis ac generosi Domini *Joannis vander Noot*, Equitis, Toparchæ de *Carloo*, qui obiit Anno 1643. mense Augusti die 18. Requiescat in pace.

Quarteria.

*Vander Noot, Hinckaert, Maluny, Bernard.*

*Engbien, Berchem, La Croix, Fourneau.*

Ibidem apud *F. Minores* in *Bootendael* in Marmore parieti inserto legitur sequens Inscriptio.

C c 2

D. O. M.



D. O. M.

Majoribus, sibi, posterisque perillustribus ac generosis Dominis *Rogerus Gualterus vander Noot*, Baro de Carloo, Illustrissimorum Ordinum Brabantiae e Nobilibus deputatus ordinarius, cum perillustre Coniuge Domina *Ludovica vander Gracht* e Baronibus de Vremde & Olmen.

P. C.

1705.

Quartus vicus est *Calevoirt*, in quo Sacellum dictum *B. Mariae Consolatrix*, cultu & Miraculis D. Virginis ab antiquo hodièque plurimum celebris vulgo *Ten Troost*, in quo Capellania ad collationem hæredum *Joannis van Ofhuys* hujus Sacelli fundatoris, qui anno 1425. insigne admodum rotundâ formâ Sacellum prout hodie conspicitur sumptu proprio exædificavit ac liberaliter dotavit. In eo quibusdam festis Marianis Sacrificium altaris offertur.

Quintus *Boondaël* vel *Bundaël*; hodie Dominium familiæ de *Cano*. In eo Sacellum Virg. Deiparæ & *S. Adriano* Mart. sacrum, ejusque Reliquiis solemniter ritu nuper ditatum. Anno 1463. a *Guilielmo Hulstbosch* 'D. *Gudulæ* Canonico secundæ foundationis, hîc in natali solo erectum est hoc Sacellum. Cura hujus Sacelli spectat ad Guldiam Solopetariorum Bruxellis; in eo. Dominicis & festis sacra celebrantur.

Sextus Vicus est *Neerstalle* vel *Eeckhout*.

Ecclesiâ Parochialis de Uckele tutelarem colit *S. Petrum* Apostolorum Principem. Patronatus ejus spectat ad Abbatissam de Foresto Ord. *S. Benedicti*, simulque media pars minorum decimarum, dono *Walteri* Archidiaconi Brabantensium Anno 1117. Diploma refert *A. Miræus* in Not. Eccl. Belg. Cap. LXII. quod protulimus supra pag. 61.

Majores decimas habet Scholasticus & Fabrica Ecclesiæ Collegiæ *S.S. Michaelis & Gudulæ* Bruxellis. Decimas minores æqualiter dividunt Abbatia de Foresto & Parochus qui habet insuper decimas Novales.

Annales Leodienses referunt *Leonem III.* Papam cum *Gerbaldo* Episc. Leod. anno 804. profectum fuisse Bruxellas, & præfatum Papam in ejus vicinia consecrassè Ecclesiam hujus Parochialis de *Uckele*. Teste *D. Mudtzaert* in Hist. Eccl. Belg. ad hunc annum.

Hic loci est Conventus *F. F. Minorum S. Francisci* vulgo *Bootenâël*, quod latine poenitentis Vallem sonat, situs medio milliari a Bruxella meridiem versus ad initium Soniæ-Sylvæ, quadrante horæ a Parochiali de Uckele. Hic Conventus initium sumpsit a quodam Eremitorio Nobilis Viri *Henrici Hinckaert*, Duci Burgundiæ a consiliis, fundo ædificato Fratribus Minoribus; sed nunc ab illis nunc ab Eremitis quibusdam inhabitato: donec tandem Anno 1467. auctoritate *Pauli II.* summi Pontificis, & *Joannis a Burgundia* Cameracensis Episcopi locus hic *F. F. Minoribus Regul. Observ.* assignatus, & in perfectam Cœnobii formam redactus, atque erectus sit, fundatrice *Isabella* Portugalliæ Infante & *Philippi Boni* Ducis Burgundiæ Brabantiae &c. Vidua.

Huic Monasterio reformationes suas totius ferè Brabantiae Monasteria acceptas ferunt.

Hic Conventus turbulentissimâ illa totius Belgii tempestate Anno 1579. a fidei hostibus Fratribus fugatis devastatus est; sed dein turbis cessantibus per



Serenissimi Belgarum Principes *Albertum & Isabellam* ac privatorum elemosynis restitutus est. Produxit hic Conventus Viros vitæ Sanctimoniâ celebres & scriptis in lucem editis claros complures.

**WATERMAELE** primolapide a Bruxellâ ad ingressum Sylvæ-Soniæ, Præfecturæ Rodensis. Hoc Dominium invenio primo oppignoratum a Rege Anno 1559. *Petro vander Noot*.

Anno 1648. reoppignoratum a *Philippo IV.* Hisp. Rege cum Dominio de *Auwerghem*, Baroni de *Hostalize*.

Nostri ætate illud acquisivit cum *Auwerghem* *Carolus de Man* Consiliarius Senatus Brabantiae, Dominus utriusque *Leunickæ* & de *Walcourt*, qui in Watermaele condidit insigne prætorium horto & fontibus amœnum, quod nobis exhibet *Baro le Roy* in Castellis Nobilium Brabantiae.

Ecclesia inscripta est *S. Clementi* Papæ & Mart. Patronatus ejus spectat ad Priorissam Monasterii de Auwerghem Ord. *S. Dominici*, cum potiori parte decimarum dono *Nicolai* Episc. Camerac. Anno 1271. Pastor in iis habet suam partem & Supplementum competentiae.

Hic loci fundatum est Monasterium Virginum Ord. *S. Dominici* Anno 1262. in honorem *SS. Trinitatis* ab *Aleyde*, *Henrici III.* Lotharingiæ & Brabantiae Ducis viduâ, nuncupatum *Vallis Ducissæ*, vernaculè *S. Hertboginnen Daele*, vulgo *Het Clooster van Auwerghem*, quia in eo Dominio situm. Ecclesiam habet satis commodam in qua adservatur una spinâ Coronæ *D. N. Jesu Christi*, quam *S. Vincentius Ferrerius* Ord. *S. Dominici* Thaumaturgus dono accepit a Francorum Rege, quæ in hac Ecclesia summâ veneratione colitur.

In hac Ecclesia plurimarum illustrium personarum corpora requiescunt, quorum monumenta incendio anni 1562. pro majori parte perierunt. Requiescit hic Cor piissimæ fundatricis *Aleydis* (cujus corpus in Choro Ecclesiæ Conventus Prædicatorum Lovaniensis sepultum est) cum hac inscriptione.

Mille semel & centum bis duo Septuaginta.

Luce Severini: fuit Aleydis data fini.

Quam tegit hæc tumba serpens fuit atque columba.

Notandum quod in Inscriptione quæ habetur supra sepulchrum ejus in Choro Lovaniensi referatur illam obiisse anno 1273. 23. Octobris. Unde hæc inscriptio nobis valde suspecta est, & ab aliquo recentiore & ignaro post incendium anni 1562. forsitan appositam esse suspicamur.

Hoc Asceterium situm est in loco peramœno & declivitate montis, a latere suo habet spatiosum Vivarium ob aquarum e fontibus in eo scaturientibus copiam & puritatem alendis piscibus peridoneum, ad amœnitatem loci facit proximitas Sylvæ-Soniæ & rivulus præterlabens *Volurwa*, Vilvordiae se in *Sennam* exonerans, & plurimæ fontes circumquaque scaturientes.

Watermaliae subjacet *Boetsfort*, ubi Ducale nemus, & Statio quondam ardearum. Ibidem Sacellum *D. Huberto* sacrum, & Capellania a Serenissimis Archiducibus *Alberto & Isabella* Monasterio Montis Frigidi donata. Hoc Sacellum vetustate collapsum, ejus loco anno 1715. aliud illustre & peramplum exstructum est; in eo Religiosi Montis Frigidi diebus sacris divina celebrant.



Huic loco vicinus est *Dry Borren* latine Castrum trium fontium, quod ad Principem spectat. In eo *Joannes III.* Dux Brabantiae Anno 1352. fundavit duas Capellanas in honorem Dei, & Virginis Matris, & *S. Catharinae*, quas liberaliter dotavit. Solebat ibidem Capellanus quater per hebdomadam rem divinam peragere; sed hoc ante praesentes domicili illius ruinas, nunc a tribus fontibus sive *Dry Borren in Boetsfort* illa sacra translata sunt, & Capellanae Donatae a *Philippo Bono* anno 1446. Monasterio *D. Jacobi* Montis Frigidi.

Intra limites Watermaliae in Sylva-Sonia situm est Monasterium *Rubeae Vallis* uno milliari distans Bruxella.

Cujus originem ita ferè ad verbum describit *Petrus Impens* Lib. 1. Art. 3. §. unico. Quidam Ecclesiae *S. Gudulae* Bruxellensis Capellanus dictus *Guilielmus Danielis*, dum in Sylva-Sonia quemdam Sacerdotem *Aegidium Oliverii* in Recluforio cujusdam Vallis dicto *De Bruxkens Cluyse*, sese divinis obsequiis dedicantem saepius visiteret, & ab eodem verba salutis exhortationis mundi contemptum redolentia reportaret, ea ejus cordi Spiritus S. gratia aspirante, tam altè infederunt, ut exemplo primorum Patrum Viridis Vallis statuit praedicto Aegidio adhærere, & Monasteriolum cum illo inchoare. Itaque Recluforio illo relicto, quod paludinoso loco situm, Monasterii exstructioni incommodum erat, ad locum altiore & capaciore dictum de *Clabotsborre* a *D. Joanna* Brabantiae Ducissâ Ao. 1366. impetratum se transtulerunt. Quibus se adjungit Vir quidam secularis honestus, *Walterus de Molendino* dictus. Qui simul bonis suis patrimonialibus in commune collatis Capellulam cum parvo campanili (cui campanula XVI. librarum imposita fuit) Cellulas quoque & ædificia novem personarum habitationi sufficientia in modum Monasterioli, construxerunt anno 1368. Ipsæ verò structurae, dum contra vim imbrium bitumine rubeorum Laterum, confractis minutatim partibus mixto, parietes illinitos haberet, a vulgaribus ut *Rubea Clusa*, seu *Rubeum Monasterium* diceretur, effectum est.

Anno vero 1369. consecrata est Capella cum uno altari in honorem Dei & *S. Pauli* Apostoli per ipsum Episcopum Cameracensem *Jacobum*.

Anno 1373. Januarii 17. *Joannes t'Serclaes* U. J. Doctor Archidiaconus Hannoniae & Canonicus Cameracensis, jussu Antistitis sui, *Guilielmum Danielis* Henricum de Angulo, & Henricum Wisse Sacerdotes ut Canonicos, & Walterum de Molendino alias de Dielbeeck ut Conversum investivit, praesentibus duobus Religiosis ex Viridi Valle. Post Offertorium vero missæ illo ipso die praedicti quatuor viri sic habitu Canonico investiti mox professionem solemnem fecerunt. Missa finita, invocato Spiritus S. Patrocinio, elegerunt dictum *Guilielmum Danielis* in primum Priorem: quem Archidiaconus praedictus debita cum solemnitate confirmavit. Ex his parvis initiis domus hæc in tantum succrevit, ut si temporalium rerum copiam, ædificiorum splendorem, religiosæ disciplinæ observantiam, numerumque personarum consideres vix ulli alteri Congregationis cedere judicetur.

Hoc Monasterium unitum est Anno 1412. Capitulo Windesemensi, & clausuram, seu Claustrii perpetui votum amplexi sunt Anno 1447. Hæc Clausura fuit in plerisque Cœnobiis Capituli Windesemensis, quæ Ao. 1635. auctoritate Capituli Generalis sublata & soluta est.

Floruit in hoc Cœnobio, Supprioris officio functus, *Joannes Gillemans*, Vir optimæ vitæ & magnæ lectionis, qui Vitas Sanctorum plurimas collegit & manu propriâ descripsit. Ex his *Hagiologium Brabantinorum*, sive *De Sanctis Brabantiae Tom. III.* *Novale Sanctorum Tom. IV.* quæ omnia manuscrip-



ta ibidem adservantur. Mortuus est Anno 1487. inter pios & Sanctos conatus. Est denique, fuitque hoc Monasterium præclarorum Virorum fœcunda parens & feminarium.

In hoc Monasterio visitur perampla Bibliotheca libris Manuscriptis referata, unde *Laurentius Surius*, *Joannes Molanus*, *Herib. Rosweydyus*, *A. Miræus*, & alii de vitis Sanctorum plurima hauserunt.

## PRIORES RUBEÆ VALLIS.

- I. GUILIELMUS DANIELIS. Obiit Anno 1392.
- II. HENRICUS WISSE. 1396.
- III. GUILIELMUS BROECKE. 1405.
- IV. LAURENTIUS GERUNTINUS. Absolutionem rogavit post annum & impetravit.
- V. DANIEL PISTORIS. Post annum 1415. abdicavit se Prioratui.
- VI. ANSELMUS FABRI. Obiit Ao. 1426.
- VII. JOANNES SAPIENTIÆ. Resignavit Ao. 1430.
- VIII. GERARDUS GOCH. Professus in Monasterio de Windesem, Prioratum abdicavit Ao. 1434.
- IX. ANSELMUS FABRI. Obiit 1440.
- X. JOANNES DOINBERGH. Professus in Corsendonck. 1451.
- XI. JOANNES VERON, Tornacensis. 1452.
- XII. JOANNES HASSELT, Hasselensis 1463.
- XIII. BALDUINUS HOUT Flander ex Rectore Monialium S. Elisabethæ Bruxellis 1464.
- XIV. JOANNES DOIENBERGH. 1472.
- XV. THEODORUS DE VESSEM. Ex Procuratore hujus Monasterii. 1482.
- XVI. CORNELIUS RYCKAERT. Ex Ilicæ superiore, Procurator hujus Monasterii. 1490.
- XVII. FREDERICUS BEZUYENS, Antverpiensis 1491.
- XVIII. JOANNES RAMPAERT, Bruxellensis 1521.
- XIX. STEPHANUS HEETVELT. 1528.
- XX. HUBERTUS DE WYSE, Antverpiensis 1555.
- XXI. LUDOVICUS DE WEERT, Bruxellensis 1585.
- XXII. MICHAEL DE RIDDERE, Rhodiensis, electus dein Generalis Capituli Windesemensis 1607.
- XXIII. PAULUS SCHOFF, dein Ao. 162.. Generalis Capituli Windesemensis. Obiit Ao. 1626.
- XXIV. JOANNES SMISMAN, Bruxellensis 1635.
- XXV. ADRIANUS VANDER REEST, Bruxellensis ex Rectore Monialium S. Elisabethæ Prior in Elzeghem, dein hic Prior electus. Obiit 1648.
- XXVI. ALEXANDER JOCQUET, Cameracensis, ex Procuratore Rector Monialium in Sion Cortraci, dein hic electus Prior. Obiit 1658.
- XXVII. LAURENTIUS STROOBANT, antea Procurator, dein Rector Cœnobii S. Petri Bruxellis, post Prior S. Mariæ & XII. Apostolorum Ultrajecti. Obiit 16... .
- XXVIII. FRANCISCUS LE ROY. S. T. L. cessit 1681.
- XXIX. JOANNES BAPTISTA SCHOFF, Bruxellensis, dein electus Prior Generalis Capituli Windesemensis. 1691.
- XXX. JOANNES VANDEN HECK inde secessit in Abbatiam Auræ Vallis



lis Ord. Cisterc. strictioris observantiæ, ibidem Religiosus professus  
1694.

XXXI. PETRUS JOSEPHUS DU MONT, Bruxellensis, dein Prior Generalis Capituli Windesemensis. Obiit 1712.

XXXII: CAROLUS FRANCISCUS VAN OUTERS, Bruxellensis, hodie præest.

Ereſtum in  
Barona-  
tum dein in  
Marchio-  
natum.

WEMMEL primo lapide cum dimidio a Bruxella. Præfecturæ Merchtemensis, Dynastia insigni prætorio ornata. Ab omni hominum & scriptorum memoria fuit inclytæ stirpis de *Taye*, acquisita a Duce virtutis merito in expeditione sacrâ exercitæ, aucta anno 1559. summa jurisdictione. Erecta in Baronatum 25. Augusti 1628. a *Philippo IV.* Hisp. Rege in gratiam *Engelberti de Taye* Equitis Aurati, & in Marchionatum a *Carolo II.* Hisp. Rege die 13. Martii Anno 1688. in favorem *Philippi Alberti de Taye* Wemmelaë Baronis, in qua stirpe hætenus perseverat, qui hodiè *Philippus Franciscus de Taye* Marchio de Wemmel.

Arcem habet elegantem & splendidam cujus schema exhibetur in Castellis Nobilium Brabantiaë *Baronis le Roy.*

Quoad rem sacram Ecclesia *S. Servatium* Tungrensem Episcopum veneratur, quæ dependet ab Abbazia Grimberganâ, quæ e suis Canonicis Religiosis ibidem Curionem constituit, & in ejus adjutorium Vicarium.

Hæc Abbazia gaudet hujus pagi decimis; Parocho ex iis datur competentia 600. florenorum annuè.

Hujus Parochialis appendix est *Relegem* olim *Radelegem* Dominium partim Comitum *S. Petri* Jettensis, partim Marchionis d'Assche de gente *Couteau*, uti dictum in pago de Jette.

Ecclesia inscripta est *S. Joanni Evangelistæ* Dominici Præcurfori.

Hic locus de Wemmel in Diplomate *Lietardi* Episc. Camerac. Anni . . . vocatur *Wamblinis* cum appenditiis *Barchelen* (hodie *Berchem*) *Radelegem* & *Rameſdonck*, quæ hodie sunt separata Parochiæ, excepta *Radelegem*, hodie *Relegem* uti mox dictum est.

WESEMBEECK altero lapide a Bruxella. Præfecturæ Vilvordienſis, Dominium cum Castello. Anno 1561. illud acquisierunt jure pignoratitio a Rege cum vico de *Ophem* gentiles de *Sweerts*, dein de *Boot*, exinde Anno 1626. reoppignorum a *Philippo IV.* Hisp. Rege *Cornelio van Schuyt*, a quo emptionis tabulis transcriptum Comiti de Rupelmonde, gentis de *Recourt*; exinde viâ emptionis obvenit Anno 1695. *Gaspardi de Burbure*, hodiè illud possidet ejus filius *Franciscus Josephus de Burbure*. Schema hujus Castellum exhibetur in Castellis Nobilium Brabantiaë *Baronis le Roy.*

Ecclesia tutelarem veneratur *S. Petrum* Apostolorum Principem. Ad Pastoralem curam nominat Capitulum *S. S. Michaelis & Gudula* Bruxellis dono *Burchardi* Episc. Camerac. Anno 1129. quod diploma protulimus supra pag. 60.

Decimarum participes sunt Abbazia de Camera Ord. Cisterc. propè Bruxellam, Cartusia Bruxellensis, Parochus, & Toparcha de *Ophem*.

Intra limites hujus pagi est Dominium de *Ophem*, Inclytæ stirpis cognomentum, oppignorum olim a Rege cum Wesebeeck uti dictum. Hodiè gentilium de *Pape*. In quo est Coenobium Beggardorum tertiæ Regulæ *S. Francisci*, fundatum anno 1474. a *Joanne Waltero de Heetvelde*, instinctu *Wilhelm Alemans* Professi Abbatiaë Villariensis docti piique, Conventus hujus primi formatoris.

WOL-



**WOLVERTHEM**, olim *Vulvretem* in Diplommatibus legitur, secundo lapide cum dimidio a Bruxellâ, Præfecturæ Merchtemensis. Ejus Dominium hodiedum spectat ad Principem de *la Tour & Tassis*, uti dictum in pago de Mueseghem ubi plura ad hoc Dominium spectantia diximus, ad quem curiosum lectorem remittimus, ne cogamur eadem sæpius repetere.

Ecclesia tutelarem colit *S. Laurentium* Mart. & *S. Gaugericum* Camerac. Episc. Dependet ab Abbatia Diligemenſi, quæ constituit ex suis Canonicis Religiosis sacrum Ministrum, & in ejus adjutorium Vicarium, ad quam Abbatiam spectat hujus pagi Decima, & plurimorum agrorum possessio.

Ad commendationem hujus loci facit, quod secundarius fundator Abbatiae de Diligem sit *Oliverius de Sottegem & Wolverthem* hujus loci Dominus.

In vicinia hujus loci in Impden circa annum 1682. tali initio coepit mirificus cultus Marianus Imagunculæ Virginis Deiparæ. In Silvâ Dynastæ anſosa stabat quercus, cui fidelium quorundam rusticanorum pietas affixerat, cultus causâ, exiguam Virginis Deiparæ statuam: Nec diu ibidem stetit cultaque sine prodigiis, quippe eam nocturnis cælestibus luminibus coruscare pluribus visum est, dein quantum advenarum quotidie crevit accursus, & devotio, tantum benigna & munifica fuit in cujusvis generis afflictos variisque laborantes morbos Virgo Mater, Sanctissimâque suâ apud filium intercessionem, crebra ibi fieri beneficia obtinuit: Quibus permotus *F. Hermannus Demunck* Canonicus Abbatiae Grimbergenſis ejus loci Parochus, dein anno 1698. Abbas Grimbergenſis, nobis proximâ consanguinitate conjunctus, singulari, quâ in Deiparam ferebatur affectu & pietate, venerationi augendæ, detractam arbore imagunculam in Sacello modico quod e tabulis juxta struxerat, ritè & piè collocavit; dein crescente indies populi devotione, Sacellum exstruxit eo loco ex lapide, in quo advenæ commodius suas profunderent preces, ipsaque sacra Imaguncula servaretur ab aëris & tempestatum injuriâ. In hoc Sacello hodie frequens populi concursus & devotio, præcipue festis Marianis, in quibus in eo Sacello divina celebrantur.

Appendix hujus Parochialis est *Rossem*, ubi Ecclesiæ tutelaris est *S. Medardus*, & *Gildardus*, in quâ diebus sacris divina celebrantur a Vicario hujus Parochi.

**WOLUWE S. LAMBERTI** vernacule *St. Lambrechts Woluwe* si-ve *Opwoluwe*, primo lapide a Bruxella. Præfecturæ Vilvordienſis Dominium, modo gentilium de *Berchem*, cujus hodie Dynasta *Franciscus Antonius de Berchem*.

Ecclesia, ut nomen indicat, *S. Lamberto* Episc. & Mart. sacra est, Patronatus ejus spectat ad Decanum Capituli *S. S. Michaelis & Gudulæ* Bruxellis.

Decima universa hujus pagi hodie spectat ad Parochum, cui anno 1686. suas inibi cesserunt decimas Abbatia de Foresto & Xenodochium *S. Joannis* Bruxellis.

**WOLUWE S. PETRI** vernacule *St. Peeters Woluwe*, primo lapide a Bruxellâ. Præfecturæ Rodenſis Dominium. Toparcha idem qui in *Woluwe S. Lamberti*.

Ecclesia, ut nomen ostendit, Patronum veneratur *S. Petrum*. Patronatus ejus spectat ad Abbatissam de Foresto. Decima est tripartita, cujus duæ trientes spectant ad præfatam Abbatiam, & altera triens ad Parochum.



Deferviri solebat hæc Cura Pastoralis per Pastorem de *Woluwe S. Lamberti*: at anno 1721. proprium accepit Parochum.

Quiescit sub altari hujus Parochialis *B. Maria* cognomento *Dolorosa* Virg. & Mart. vernacule *De Ellendighe Marie*: Cum enim eam de furto falso impius homo, castitatis ejus insidiator, accusasset, innocenter circa annum 1290. in terram defossa & fude transverberata fuit. Historia exstat ibidem & in Rubeæ Vallis Monasterio apud *J. Gillemans*, agit de eâ *J. Molanus* ad diem 18. Junii. Exstat etiam in hoc pago insignis ejus nominis Capella.

Hujus Parochialis appendix est *Stockel*, Dominium ejusdem Dynastæ. Hic locus distat a Parochiali ferè medio milliari; in eo est Capella visitatione Deiparæ celebris; hic enim, quamvis pro diversis solatiis ab afflicto hominum genere solebat invocari, peculiaris erat & potissimum contra Herniæ molestias, quia sæpius eas fugavit.

**WOLUWE S. STEPHANI** vernaculè *St. Stevens Woluwe* primo milliari a Bruxella, via nova lapideâ qua itur Lovanium. Præfecturæ Vilvordiensis Dominium, modo gentilium de *Berchem*, hodie ejus Dynasta *Franciscus Antonius de Berchem*.

Ecclesia, ut præfert nomen, *S. Stephano* Proto-Martyri sacra est. Patronatus spectat ad Capitulum Metropolitanum *B. Mariæ* Cameracense.

Decima pro unâ parte spectat ad Parochum, & altera dividitur in tres partes, quarum unam habet idem Parochus, & secundam Capellania in *D. Petri* Mechliniæ, & tertiam Comes de Erps & *N. Loyens*.

**ZELLICK** in Diplomatis *Selleka* indigetatur primo milliari a Bruxella, via nova lapidea, qua itur Alostum. Præfecturæ Merchtemensis, antiquum Dominium Ducis Brabantiae, Episcopus Gandavensis suam inibi habet jurisdictionem personis & locis distinctam, & quatuor opima prædia. Advenère quædam præfato Episcopatu in hoc loco bona, testamenti tabulis *Viglii Zuichemii* Præpositi Capituli *D. Bavonis* Anno 1577.

Ecclesia tutelarem veneratur *S. Bavonem* Gandensium Patronum. Ejus Patronatus spectat ad Episcopum Gandavensem jure Abbatis Bavoniani, & gaudet potiori parte decimarum; reliqua portio Parochi est, cui in Supplementum portionis congruæ dantur annuè 175. flor. a præfato Episcopo.

Cæterum cum *Othelboldus* XXVI. Abbas Monasterii *S. Bavonis* anno 1030. recenset Sanctos, & possessiones dicti Monasterii inter cætera recenset.

„ Et in pago Bragbatensi Villam *Selleka* cum Ecclesiâ & mensuris decem.” Prout patet apud *A. Miræum* in Donat. Belg. lib. I. cap. XIX. novæ & antiq. edit.

Abbatia Affligemienfis hic loci possidet ingentia rura & plura prædia dono *Rodulphi de Dongelbergis* anno 1107. dum in eo Monasterio Monachum induit.

In hoc pago est Capella *S. Quirino* Mart. sacra, quæ multum a populo visitatur; & ad eum Sanctum fit frequens peregrinatio, qui ibidem magnâ devotione colitur, contra dolorem aurium, aliasque hujusmodi infirmitates.

## FINIS DECANATUS BRUXELLENSIS.



# HISTORIA

## SACRA ET PROFANA

### ARCHIEPISCOPATUS

### MECHLINIENSIS.

---

#### DECANATUS LEEUWENSIS S. PETRI.

**A**LSEMBERGA altero lapide a Bruxella. Præfecturæ Rodensis Dominium, ad confinia Sylvæ-Soniæ. Hoc Dominium cum Rhode a Rege jure pignoratitio acquisivit anno 1648. N. vande Winckel Consiliarius Senatus Brabantiae; dein ab eodem Rege *Philippo IV.* Anno 1650. die 8. Novembris ei absolute venditum. Peculium hodie familiae de *Naus*.

Locus facer est & miraculosus, utpote a Dei Matre *Maria* miris prodigiis ac tribus apparitionibus illustratus, a Sancta *Elisabethâ* Thuringiae Lantgraviâ magnificâ trium navium Basilicâ ornatus circa annum 1030. a *Sophiâ* ejus filiâ uxore *Henrici II.* Lotharingiae & Brabantiae Ducis peralatum ex Hungaria Dei Genitricis miraculosam imaginem, ibidem veneratione expositam nobilitatus: a *Joanne III.* Lotharingiae & Brabantiae Duce sub annum 1350. insigni Choro per filum sericum in modum & formam ædificandi cælitus expansum adauctus, ac postmodum a multis Principibus ac Ducibus ob dignitatem frequentatus, ac munificè dotatus, uti monumenta & insignia ibidem usque hodiè perspicienda, satis superque demonstrant.

Hæc Basilica Mariana in edito loco sita est, præcellsa turri spectabilis, supra cujus lapideam structuram, fastigium superpositum erat anno 1505. pedum 44. Quod, pro dolor! fulgure consumptum est anno 1653. in Vigiliâ *S. Joannis Baptistæ*, salvis tamen majori Ecclesiæ nave & Choro.

Res sacra ac Patronatus Ecclesiæ dependet ab Abbate *S. Sepulchri* Ord. *S. Benedicti* Cameraci.

Decima est tripartita cujus duæ trientes pertinent ad Abbatiam *S. Gertrudis* Lovanii; tertia triens Parochi portio est.

AUDENAKEN sive *Oudenaken* præfecturæ Gaesbecanæ, ad limitem Hannonicum. Dominium Comitum de Tirimont.

In sacris Ecclesia Patronum veneratur *S. Petrum* Apostolorum Principem ejus Patronatus ad Abbatem Affligemensem spectat, in cujus juribus successit Archiepiscopus Mechliniensis.



Hujus Ecclesiæ Parochialis appendix est *Berchem S. Laurentii*, cui Divo hæc Ecclesia est dedicata. Anno 1615. unitus est *Berchem S. Laurentii* Parochiali de *Audenaken* unde communem cum ea habet Parochum. Decimarum in *Audenaken* participes sunt pro potiori parte Abbatia Affligemiensis, & Parochus, præfata Abbatia habet duas quartas decimarum, & Pastor unam quartam; certum districtum decimarum possidet Abbatia Walteri Braniæ, Monasterium Rubæ Vallis, & *M. le Febre*; in *Berchem* potiorrem partem decimarum possidet præfata Abbatia Affligemiensis, & reliquam Parochus.

BECKERSEELE altero ferè lapide a Bruxellâ. Præfecturæ Rodensis. Dominium Ducis Brabantiae.

Anno 1561. Dominum accepit *Carolus vander Eycken*; sed qui mox vendidit *Joanni Casenbroot*, *Lamoraldo* Comiti Egmondano, Flandriam Arthesiamque gubernanti a consiliis, qui docuit exemplo suo malum consilium consultori esse pessimum. Dum enim in Flandriâ violari ac spoliari a Calvinianis templa Catholicorum patitur, auctore potissimum *Casenbroot*, captus hic cum quibusdam aliis factionis illius fautoribus in arce Vilvordianâ, a Duce *Albano* capite plectitur anno 1568. Vir cæteroquin ingenii aliisque animi ac corporis dotibus in non paucis excellens; & ita devenit hoc Dominium ad fiscum Principis.

Anno 1626. illud jure pignoriatio a Rege obtinuit *Ludovicus Clarisse* Prætor Antverpiensis; verum anno 1664. jure retractus reaccessit ad Patrimonium Principis, mediante summâ decem millium florenorum.

Ecclesia inscripta est *S. Godardo* sive *Gildardo* Episc. Rothomagensi. Ad curam Pastoralem nominat Abbatissa Bigardiensis, in cujus vicinia hæc Abbatia sita est, & ad quam spectat potior pars decimarum, certum districtum, possidet Abbatia Affligemiensis. Præfata Abbatia Bigardiensis annuè solvit Parocho in Supplementum portionis congruæ 325. florenos, & Abbatia Affligemiensis 25. flor.

BEERSEELE altero milliari a Bruxellâ, Præfecturæ Rodensis Dominium, Castro veteri instructum, quod exhibetur in Castellis Nobilium Brabantiae *Baronis le Roy*, quondam peculium gentis de *Witthem*, ex qua nonnulli in Ecclesia permagnificè elevatis Monumentis illati, a *Witthemiiis* transit per nuptias in stirpem *s'Herenbergicam*, indeque in Domum de *Cusance*, hodieque illud possidet *Arembergiæ Dux*.

Arcem hujus pagi incoluerunt in turbis Belgicis per undeviginti annos Canonici Regulares Ord. *S. Augustini* Septifontium, usque ad annum 1606. quo ad suum Monasterium reversi sunt.

Ecclesia sacra est *S. Lamberto* Tungrensi Episc., ad curam Pastoralem præsentat Abbatissa de Foresto Ord. *S. Bened.*

Decimas majores possidet præfata Abbatissa; Pastor minores.

*A. Miræus* in Not. Eccl. Belgii Cap. CLXXXII. novæ edit. profert sequens diploma, quo *Leonius* Dominus de Beersele confert Abbatiae de Foresto omnem suam decimam quam habet in Beersele. Ao. 1277.

JOANNES Dei gratiâ Dux Lotharingæ & Brabantiae . . . . Noverint universi, quod *Leonius* de Bersele, Miles, omnem decimam suam, quam à nobis tenebat in feodum apud Bersele, in manus nostras reportavit. Testes

Godefridus frater noster,

Walterus Bertout Dominus Mechliniensis,



Egidius ejus Frater,  
Arnoldus de Lembeca,  
Daniel de Wanghe,  
Franco de Lovanio, Milites,  
Godefridus de Viana,  
Reinerus de Crainhem,  
Reinerus de Clutinc,  
Willelmus Blomart.

Actum anno M. CC. LXXVII.

1277.

In hac Ecclesia visitur tumba elevata *Henrici de Witthem* Domini de Beersele, & Bauterssem &c. cujus est hæc inscriptio.

*Cy deffoubs gist Henri de Witthem Seigneur  
De Beersele, en son tems bon Chevalier d'honneur,  
Qui fut de Bauterssem Seigneur jusques enfin,  
De Braine & Overisque Advoué de Corvin,  
De Placenoit, Schoutrine & Ruysbroeck aussi  
Seigneur de petit Reux Dieu l'en avoit party  
Chambellan fust second du Roy, de la Toison  
Chevalier tresprudent gouvernant la maison,  
Après que le dit Roy Philippe alla vers Castille  
Lui laissant son thresor, son noble fils & fille,  
Desquel fut gouverneur & Chambellan premier  
Don chacun se loua jusques a moindre officier  
Tellement gouverna le jeune Prince & Dames,  
Qu'il doit avoir loyer avec les saintes ames.  
Le dix-septieme de Septembre son ame a Dieu recommanda  
L'an mil cinq cens & quinze a cinq heures du matin de ce  
sicle trespassa.  
Dame Isabeau Despout sa compagne & Epouse.  
Gist apres lui, qui fut Dame tres vertueuse.  
Qui trespassa le dixieme du mois de Juin a dix heures de-  
vant midi  
En l'an mil cinq cens & trois, Dieu ait de benoiste ame mi-  
sericorde & mercy.*

In Ecclesiâ Parochiali Braniæ Allodialis, exstat Monumentum Sepulchra-  
le *Philippi de Witthem* ejusque Conjugis, cum hac inscriptione.

*Cy gist Philippe de Witthem en son temps Seigneur de Beer-  
sele, de Bauterssem, de Brayne-Laleux &c. qui trespassa l'an  
XVC. XXIII.*

*Et Madamoiselle Jehenne de Halewyn son Epouse qui tref-  
passa l'an XVC. XXI, priez Dieu pour leurs ames.*



In Ecclesiâ Collegiatâ S. S. Michaelis & Gudulæ Bruxellis legitur in Sacello Venerabilis Sacramenti sequens inscriptio lapidis Sepulchralis.

*Cy est la Sepulture de Haute, & puissante Dame, Madame Ernestine de Witthem en son vivant Baronne de Beauvois, Marquise de Berges, Comtesse de Champlite & de Walhain, Vicomtesse de Sebourg, Baronne & Dame de Peruwes, Cusance, & S. Julian, Wavre, Gele, Braine-la-Leu, Beersele, Opprebaix, Glymes, Tourbisoul. La quelle trespassa a Bruxelles le 24. de Janvier de l'an 1649.*

BEERTHE five *Beerde*, extremæ ditionis Angianæ pagus, ad limitem Hannonicum, spectans ad *Arembergia* Ducem, in clientela Ducis Brabantiae, estque Juris Brabantini.

Ecclesiæ tutelaris est Virgo Deipara *Maria*; ejus Patronatus spectat ad Capitulum S. S. *Michaelis & Gudulæ*.

Decimarum participes sunt, Præfatum Capitulum, Abbatia de Camera Ord. Cisterc., Cantipratana Canon. Regul. S. *Augustini* hic vicina, Parochus &c.

BODEGEM vulgo *Beughem*, Altero lapide a Bruxella, Præfecturæ & ditionis Gaesbecanæ. Nuperis annis devenit hoc Dominium emptione publicâ ad *Alexandrum Schockaert* Comitem de *Tirimont*.

Ecclesia inscripta est S. *Martino* Turonensi Episc. Ejus Patronatus spectat ad Personatum hujus Ecclesiæ, qui incorporatus est Capitulo Metropolitano D. *Rumoldi* pro Canonicis Graduatis, cum Decimis & agris personatui annexis.

Decimas hujus Personatus Capitulum jam pridem cessit Parocho in Supplementum portionis congruæ, exceptis in propriis agris huic Personatui annexis; sic ut hodie Parochus possideat ferè mediam partem decimarum hujus pagi, altera medietas spectat ad Xenodochium S. *Joannis* Bruxellis.

BOUGAERDE five *Bogarde*, utrumque sine delectu legitur, olim *Bongarden*; non uno loco in Diplomatis apud A. *Miræum* invenitur. Situs est ad limitem Hannonicum ditionis Angianæ; pagus tamen juris Brabantini & ejus feudum.

Ereclum  
in Comi-  
tatum.

Anno 1670. erexit hoc Dominium in Comitatum *Carolus II.* Hisp. Rex & *Anna* Regina Hisp. Regni moderatrix, in gratiam *Caroli Antonii de Colonne* litteris datis Madriti 14. Maii.

Sub hoc pago sita est Toparchia *Ter Cammen* peculium *Renati le Roux* Equitis.

Ecclesia tutelarem colit S. *Theodardum* Episc. Leodiensem. Ejus Patronatum gerit Abbas S. *Dionysii* in Bocqueroia Ord. S. Bened. prope Montibus.

Decimarum participes sunt Abbas Cantripratanus Ord. Can. Reg. S. *Augustini* & Parochus; ast hodie percipit annuè competentiam 350. flor. aprefatâ Abbatia.

BUYSINGEN olim *Bassinga*, ad limitem Hannonicum & fines Brabantianæ.



bantiæ Hallain versus. Præfecturæ Rodensis Dominium, spectans ad gentiles de *Varick*, constituit cum Eysinge & Huyfinge unum tribunal. Vide de eo plura in pago Eysinge.

Ecclesia Patronum veneratur *S. Vincentium* Confess. Ad Curam Pastoralem præsentat Capitulum Soigniacense in Haannoniâ.

Decima universa hujus pagi spectat ad Parochum, etiam illa quæ fuit pridem Capituli Soigniacensis.

BYGARDE. primo lapide a Bruxella. Præfecturæ Rodensis Dominium, olim ab inclytâ Byardienfi stirpe possessum, a qua per nuptias devolutum ad *Serclaes*, a quibus itidem jure nuptiarum ad varios devenit.

Anno 1626. a Rege oppignoratam fuit *Ludovico Clarisse*, Prætori Antverpiensi.

Hodie Dominium Illustris familiæ de *Boisschot*, qui est Comes Erpsia. Arx hic est vetus, opere & Sacello eximiis, ab *Everardo Serclaes* exornata ubi videre est familiæ istius egregia monumenta.

In Ecclesiâ Collegiatâ *S. S. Michaelis & Gudulæ* legitur sequens Epitaphium *Laurentii de Longin* Toparchæ Lembecæ & Bygardia.

*Cy gist Noble Homme*

LAURENT DE LONGIN

*Escuyer Seigneur de Lembeke & de la grande*

*Bygarde, Tresorier general de l'Empereur,*

*Qui mourut 1553.*

*Et Dame MARIE DE HEYLWEGEN.*

*Qui mourut le I. d' Aoust 1572.*

*Messire Rouland de Longin Chevalier*

*gist devant le*

*Portail de l'Eglise.*

Ecclesiæ tutelaris est *S. Ægidius* Conf. Ad Pastorale munus præsentat Dynasta hujus loci. Decimarum participes sunt Abbatia magnæ Bygardia Ord. S. Bened. Capitulum Anderlechtense, & Parochus.

Intra terminos hujus pagi sita est celebris & illustris Abbatia Virginalis Magnæ Bygardia Ord. S. Bened. quæ a Nobilibus ferè Virginibus inhabitatur, fundata anno 1133. a *Godefrido Barbato* Lotharingæ & Brabantia Duce, qui locum suæ ditionis tunc desertum & incultum *Bigarden* appellatum *S. Wivinae* (cujus nomen Martyrologii tabulis ad diem XVII. Decembris adscriptum est) & *Emwarae* piis Virginibus Monasterio exstruendo tradidit & Abbati Affligemiensi subjecit. Diploma hujus foundationis recitat *A. Miræus* in Cod. Piar. Donat. cap. LXXXVIII. novæ edit. ut sequitur.

In nomine sanctæ & individuae Trinitatis. GODEFRIDUS, divinâ miseratione, Dux & Marchio Lotharingæ, & Comes Lovanii, omnibus tam præsentibus, quam futuris in perpetuum. Admonet nos Scripturæ divinæ pagina, dicens: *Bene fac justo, & invenies retributionem magnam, & si non ab ipso, certè a Domino.*

Eapropter Ego magnæ illius retributionis partem invenire desiderans, his qui in hoc seculo, secundum judicium humanum, justi judicabuntur, bene facere disposui, ut eorum orationibus æternam apud Deum mercedem possim adipisci. Locum



igitur quendam desertum, in meo alodio situm, qui BIGARDIS dicitur, ancillis Dei WIVINÆ & EMWARÆ liberā devotione contradidi, ut quidquid in Deo fervientium merito accresceret, meæ & Successorum meorum saluti proficeret.

Et quia bonis initiis ipse cooperari solet, qui totius boni initium & perfectio est, cœpit idem locus & Sororum numero, & possessionum augmento succrescere; cujus ego congaudens profectui, & prospiciens utilitati, Sororum ibi congregatarum voluntate, assensu, & petitione, locum ipsum, cum omnibus suis pertinentiis, Cœnobio Hassligimensi subjeci, & Abbati regendum commisi, ut ipsius providentiâ & interior ancillarum Dei status ordinetur, & exterior substantia disponatur.

Quæcumque verò vel ex meo alodio eis concessi, vel ac aliis acquisita, ut liber Advocatus, suscepi, Deo & sanctæ ejus Genitrici, ad usum Sororum liberā donatione contrado, & ut in perpetuum rata & inconvulsa permaneant, præsentis privilegii auctoritatem, sigilli mei impressione, & testium adstipulatione, confirmo. In quibus hæc nominatim designo alodia, in *Auster, Helbeke, Berchem, Weve, Reusele, Beverne*. Testes autem, ubi locum præfatum ancillis Dei tradidi, hi interfuerunt:

Steppe de Brusella, & frater ejus.

Walterus Redescot.

Lambertus de Craynhem.

Sigerus de Anderlecht.

Arnulfus de Asca.

Franco Castellanus.

Amalricus de Bigardis.

Franco de Isca, & fratres ejus Godefridus & Amalricus.

Walterus de Ansilier.

Amandus de Brusella.

*Cum Abbate commissi fuerunt hi.*

Balduinus Decanus de Brusella.

Onulphus Presbyter.

Joannes de Anderlecht.

Franco Castellanus.

Ingelbertus de Atrio.

Franco Kalo.

1133. Actum est autem anno Dominicæ Incarnationis millesimo centesimo tricesimo tertio, Indictione undecimâ.

In hoc Cœnobio quiescit corpus B. *Wivina* primæ Abbatissæ, quæ ibidem beato fine quievit Anno 1170. die 17. Decembris, estque e terrâ elevata & in feretro collocata anno 1177. per *Arnulphum VI.* Abbatem Affligemensem jussu, *Alardi* Episcopi Cameracensis, qui eodem anno Ecclesiam Bigardiensem consecravit, in quâ consecratione candelæ ob festivitatem accensæ in processione extinguebantur, factâ autem Processione ante corpus Virginis candela quam *Ingelbertus* Presbyter gestabat, reaccensa est, quade causa candelam gestans depingitur.

Viget ibidem ad eandem Divam celebris fidelium concursus, invocatur potissimum contra ulceres, morbosque subitaneos, idque non sine evidenti multorum sublevamine.

Damus hic feriæm Abbatissarum.



ABBATISSÆ BIGARDIENSES.

- |   |   |
|---|---|
| I. <i>S. Wivina</i> . Obiit 1170. XVII. Decembris.              | XXI. <i>Joanna Herba</i> . Obiit 1485.                              |
| II. <i>B. Euwara</i> .  | XXII. <i>Philippa Smols</i> . Resignavit 1497.                      |
| III. <i>Beatrix</i> .   | XXIII. <i>Catharina de Douverayn</i> . Obiit 1539.                  |
| IV. <i>Besela</i> . Anno 1218.                                  | XXIV. <i>Francisca vander Straete</i> . Obiit 1542.                 |
| V. <i>Ida de Cotte</i> .  | XXV. <i>Catharina vander Straete</i> , Francisca Soror. Obiit 1571. |
| VI. <i>Helwiga de Quaderebbe</i> . Anno 1244.                   | XXVI. <i>Catharina vander Straete</i> . 1601.                       |
| VII. <i>Beatrix de Cobbegem</i> . Anno 1250.                    | XXVII. <i>Anna d'Ittre</i> . Resignavit 1619.                       |
| VIII. <i>Clara Seruranx</i> . 1259.                             | XXVIII. <i>Catharina Martigny</i> . . . .                           |
| IX. <i>Alicia</i> . 1262.                                       | XXIX. <i>Lucretia Scholastica de Fourneau</i> . Obiit 1664.         |
| X. <i>Catharina de Mechlinia</i> . 1293.                        | XXX. <i>Scholastica Placida de la Vieville</i> . Obiit anno 1689.   |
| XI. <i>Hedwigis de Lestelbeke</i> . 1299.                       | XXXI. <i>Maria Anna Reuckeroock</i> . Obiit Anno 1695.              |
| XII. <i>Gertrudis de Cleutinge</i> . 1308.                      | XXXII. <i>Isabella Du Quésnoy</i> . Obiit 1702.                     |
| XIII. <i>Aleydis de Heverla</i> . anno 1338.                    | XXXIII. <i>Anna Carolina Du Val-lejo</i> , præsens Abbatissa.       |
| XIV. <i>Margareta Pipenpoy</i> . Anno 1340.                     |   |
| XV. <i>Clarissa</i> . 1361.                                     |   |
| XVI. . . . <i>Pipenpoy</i> . Anno 1372.                         |   |
| XVII. <i>Joanna Erbaut</i> . Obiit 1383.                        |   |
| XVIII. <i>Gertrudis de Liere</i> .                              |   |
| XIX. <i>Helwigis de Lestelbeke</i> . 1397.                      |   |
| XX. <i>Margareta Pipenpoy</i> . Vixit 1401. adhuc præfuit 1448. |   |

CAPELLA S. UDALRICI, vulgo *St. Ulricx Capelle*, Latine per Syncopen *Fanum S. Ulrici*, Gallis *Chapelle S. Ulric*, atque ita nominatur ad distinctionem alterius Capellæ ad Aquæductum Bruxellensem, quæque vocatur *Cappelle op den Bosch*. Hoc Dominium subcensetur Præfecturæ Rodensi, distatque altero lapide a Bruxellâ.

Supremam hujus pagi jurisdictionem a Rege obtinuit Anno 1558. *Carolus de l'Espernoy* apud Flandros Senator, cujus uxor *Margareta de Longin* ei mediam jurisdictionem dotalem attulerat, & filius ejus *Philippus de l'Espernoy* Vice-Comes Terroanensis vendidit anno 1617. universam hanc Dynastiam & jurisdictionem *Theodoro de Fourneau* Equiti, Domino De Wilder, in Supremâ Brabantia Curia Senatori, qui frater fuit *Caroli de Fourneau* Equitis Melitensis admissi Anno 1590. Hic *Theodorus* per nuptias cum *Joanna de Rovelasca* Dominiade Renst & Millegem acquisivit, & ex *Maria Maes* Prioris thori uxore, *Philippi* Cameræ Regiæ Rationum Præsidis filia & ex *Aleyda de la Tour & Tassis Jacobi Maes* in eadem Brabantia Curia Senatoris nepte, genuit *Philippum Franciscum de Fourneau* Equitem *D. Jacobi*, Toparcham de Wodecq, Campenhout, Wambeke, Lombeke, Ternath &c. deinde Comitem de Cruykenbourg, in cujus gratiam Dynastia de la Chapelle, cum vico ten Broeck a *Philippo IV. Hilp.* Rege in Baronatum est erecta die 14. Martii 1650. Ei ex *Isabella de Berchem* filius successit *Philippus Theodorus* Baro de *Fourneau & de la Chapelle*, in quâ stirpe hætenus perseverat.

Erectum in  
Barona-  
tum.



In hac Parochiali extat Monumentum Sepulchrale præfati *Theodori* cum hac inscriptione.

*Cy gist Messire Theodore de Fourneau Chlr. Seigr. de la Chapelle, Ranst &c. fils de Charles, Escuier, Seigr. de Cruykenbourg.*

Sequens Epitaphium exhibitum a *Barone le Roy in Not. March. S. R. I.* pag. 109. visitur in templo Parochiali de Berchem propè Antverpiam.

*Icy gist noble & Illustre Dame Marie Anne de Berchem & de Dame Marie de Tassis, laquelle l'age de XXIV. ans, & son ancienne extraction de la maison de Berthout autrefois Sres. de Malines & Barons de Grimberges & d'autres semblables, mais perissables qualitez, n'ont peu exempter que son corps ne soit la nourriture de vers, & que ses cendres ne soyent egales a celles des moindres, ne lui estant reste, que sa seule vertu pour servir envers Dieu a son ame. Elle Epousa Messire Philip Theodore Baron de Fourneau & de la Chapelle, Sr. de Ranst, Maître de Camp d'un terce, & Capitaine d'une compagnie libre de cuirasses, qui étoit fils de Messire Philip François de Fourneau, Comte de Crucquenbourg, & de Dame Isabelle de Berchem, lequel tres affligé luy a rendu ce derniers devoir le XII. d'Avril 1663. Priez Dieu pour son Ame.*

Ecclesia, ut nomen indicat, dicata est *S. Udalrico* Episcopo Augustano, Cura Pastoralis confertur alternatim per Archiepiscopum hujus Diocesis, & Dynastam.

Decima spectat ad Abbatiam Majoris Bigardiæ hic in vicinia sitam & Parochum, cui insuper Toparcha annuè tenetur solvere censum 200. florenorum.

**DIELBEECK** primo lapide a Bruxella, Præfecturæ & ditionis Gaesbecanæ. Dominium Comitis de *Tirimont*. Antiquus est locus notus ob *D. Alenæ* memoriam, cujus Pater Dielbecæ Regulus erat, hodiè Toparcham diceremus; vide de eo plura supra in Foresto.

Anno 1690. Dominia de Dielbeeck, Itterbeke, & Beughem die 31. Martii a *Carolo II.* Hisp. Rege in Comitatum erecta sunt in gratiam *Ludovici Alexandri Schockaert* Equitis, Domini de *Tirimont*, sub nomine Comitis de *Tirimont*, in qua familiâ perseverant.

Ecclesia Patronum veneratur *S. Ambrosium* Episc. Ejus Patronatus spectat ad Capitulum Anderlechtense.

Anno 1230. *Henricus & Ægidius de Sottegem* conferunt omnem suam decimam, quam hic loci habebant, in usum Canonicorum Anderlechtensium, Diplomata recitat *A. Miræus* in Not. Eccl. Belgii Cap. CXLIX. novæ edit.



Universis Christi Fidelibus HENRICUS de Sottengem salutem.

Præsenti duxi committendum memoriali, quod Ego omnem decimam de allodio meo quod in Parochia de Dielbeka teneo, de consensu *Walteri* Fratris mei, Ecclesiæ B. Petri de Anderlecht, ad usus Canoniorum ibidem servientium, liberè contuli, & contra *Ægidium* Fratrem meum, cujus copiam de facili habere non potui, quia Parisiis studuit, & alios quoscumque, dictam Ecclesiam supra præfata decima promisi warandire.

Actum MCCXXV. mense Aprili.

1225.

Universis. . . Ego *Ægidius* de Sottegem omnem decimam in Parochia de Dilbeca in usus Canoniorum S. Petri Anderlectensis contuli. Testes interfuerunt,

Henricus Decanus,

Godefridus,

Joannes Scholasticus,

Theodoricus,

Andreas,

Michaël, Presbyteri;

Joannes,

Henricus,

Arnoldus,

Renerus,

Franco, Canonici Anderlectenses;

Vir Nobilis Leonius Castellanus Bruxellensis,

Hugo Miles de Borgevael,

Walterus de Ruchebruc, &

Wilelmus,

Franco,

Daniel, Fratres de Uckela,

Godefridus,

Leonius, Filii dicti Nobilis.

In hujus rei testimonium, præsentem Paginam, quia proprium non habeo Sigillum, Sigilli Avunculi mei dicti Nobilis appensione duxi communire.

Actum anno M. CC. XXX. mense Augusti.

1230.

Decima fuit tripartita, quarum duas trientes habuit præfatum Capitulum & alteram trientem Parochus; at ex conventionem nuper initâ cum Parocho præfatum Capitulum percipit omnes decimas & solvit annuè Parocho competentiam 370. florenorum ad vitam moderni Pastoris.

DORPE, Latine *Tornepia*, tribus milliaribus a Bruxella ad ingressum Sylvæ-Soniæ, Præfecturæ Rodensis Dominium. Illud anno 1626. jure pignoratitio acquisivit a Rège *Henricus Varick*, Marcgravius Antverpiensis, & anno 1649. 29. Octobris illud emptione absolutâ transcripsit *Philippus IV.* Hisp. Rex *Jacobo le Roy* Præsidi Cameræ Rationum Regiæ, cum altâ mediâ & infimâ jurisdictione hæreditariè possidendam, in quo ejus filius *Ignatius le Roy* Eques, similiter ejusdem Cameræ Præses condidit spectabile Castellum cum insigni fonte conspicuo, ruinam nuperis annis per incendiarios Gallos Castello illatam, augustius dein restauravit *Ignatii* filius. Hoc Dominium præfatus filius *Landelinus le Roy* anno 1701. emptionis tabulis transcripsit *Petro Fariseau*, post cujus mortem obvenit ejus hæredi *Petro Robyns*, cujus investituram accepit in Curiâ feudali Ducatus Brabantiae anno 1719. Hujus Castellum schema visitur in Castellis Nobilium Brabantiae *Baronis le Roy*,

Ecclesia tutelarem colit *S. Gaugerici* Episc. Camerac. Patronatus ejus spectat ad Abbatem S. Sepulchri Ord. S. Bened. Cameraci.

*A. Miræus* in Dipl. Belg. Lib. I. Cap. XIX. edit. novæ profert Diploma quo *Fulquinus* Vir potens anno 950. donat Monasterio Gemblacensi Ord.



S. Bened. in Gallo Brabantiâ prædium, cum dimidia Ecclesia de *Dorp* & aliis bonis: en Diploma.

Quisquis bene possideat res in præsentī seculo acquisitas, ille utique optimè possidet, qui de terrenis ac caducis sibi mercatur æterna.

Quamobrem ego in Dei nomine FULQUINUS, cum consilio vel suasu benignissimi Faraberti Episcopi, pro salute animæ beatæ memoriæ Richarii Episcopi, ipsius etiam Faraberti, pro salute nihilominus animæ meæ, filiorumque ac fratrum meorum, sive quoque gratiâ æternæ salutis, trado & perpetualiter tribuo Ecclesiæ Sanctæ Dei Genitricis Mariæ, beatique Petri Apostoli Apostolorum Principis, atque S. Exuperii, in loco, vocabulo *Gemblaus*, ubi præesse dignoscitur illustris Abbas Erluinus, quoddam juris mei prædium in pago *Braivibant* in loco, qui dicitur *Dorp*, cum dimidia Ecclesia, & cum una camba, & sedecim mansis, & cum quodam homine nomine *Iser*, seu cum omnibus ibidem aspicientibus, cum domibus & ædificiis, campis, terris, tam cultis quàm incultis, silvis, pratis, pascuis, communibus & parvis, aquis aquarumve decursibus, mobilibus, & immobilibus, præfidiis, pecuniis, omnia & ex omnibus, quidquid in Episcopio nostra videtur possessio vel dominatio, rem exquisitam, totum ad & integrum, tam de allodio, quàm de comparato, seu de quolibet attractu ad nos ibidem dignoscatur pervenisse, de nostro jure & dominatione, jam dicto Monasterio per hanc chartulam donationis, sive per festucam, ad opus Sanctorum, quorum mentionem supra fecimus, à die præsentī donamus, tradimus atque perpetualiter in omnibus transfirmamus.

Eâ verò ratione, ut Præceptores prædicti Monasterii ab hac die hoc habeant, teneant atque possideant, vel quidquid inde facere voluerint, liberam ac firmissimam, Christo propitio, in omnibus habeant potestatem. Et si quis deinceps (quod futurum esse non credo) si ego ipse, quod absit, aut quisquam de heredibus, vel proheredibus meis, seu quælibet externa persona, quæ contra hanc chartulam donationis venire aut calumniari eam præsumperit, & se exinde non subtraxerit, à liminibus sanctæ Dei Ecclesiæ excommunicatus & divisus existat, & insuper in die tremendi judicii propter hoc rationem reddat. Contra quem verò calumniam intulerit, auri uncias centum, argenti verò libras CCC coactus exsolvat, & quod repetit, nullo modo evindicare prævaleat, sed præsens hæc donatio, meis, & me rogante, bonorum hominum manibus roborata, quorum nomina vel signa subter tenentur, insertâ stipulatione, subnixâ, per diuturnum tempus, maneat inconvulsa.

Signum Gocteranni Advocati.

S. Fulquini & reliquorum.

OTTO Rex, CUNO Dux.

FARABERTUS Episcopus.

Aletrannus Cancellarius.

Idem *Miræus* refert in Not. Eccl. Belg. Cap. LXXVII. edit. novæ donationis tabulas, quibus anno 1138. *Nicolaus* Episc. Camerac. Altare de *Tournepia* (nobis Teutonicè *Dorpe*) concedit Abbati S. Sepulchri Cameraci cum Capellâ de *Ruschebroeck* (hodie *Ruysbroeck*) quæ annis plurimis hujus Parochialis appendix fuit, donec proprium nacta est Parochum. Hoc Diploma, protulimus supra pag. 27.

Decimas majores pro potiori parte habet Parochus, etiam quæ pridem spectarunt ad præfatam Abbatiam S. Sepulchri; altera pars spectat ad Xenodochium S. Joannis Bruxellis, earum etiam una pars est secularis; insuper Pastor in Huyfingen habet inibi parvum districtum decimarum.

ELINGE ad fines Brabantiæ Hannoniam versus, Præfecturæ & Ditio-  
nis Gaesbecanæ. Dominium Comitum de *Tirimont*.

Ecclesia inscripta est S. *Amando* Tungrensi Episc. Ejus Patronatum gerit Abbas S. *Petri* in Monte Blandinio Gandavi.

Decimas majores pro unâ tertia percipit Abbatia de *Walteri Brania* Ord.  
Ci-



Cisterc. Monasterium Viridis Vallis & *Gabriel le Fubere*. Est & alia decima quam percipit Capitulum Nivellense, item Novalia & Decimas carnum vi. contractus cum Parocho initi. Ecclesia percipit parvum districtum decimarum super quinque bonaria terræ.

EYSINGE olim *Afynga*, Præfecturæ Rodensis, ad Sennam fluvium & ad fines Brabantiae, medio milliari ab Hallis. Ejus Dominium cum Huy-singen & Buysingen acquisivit anno 1626. a *Philippo IV.* Hisp. Rege jure pignorat *Henricus Varick* Marcgravius Antverpiensis, dein successit filius *Carolus Hyacinthus Varick*, post cujus mortem ejus investituram adiit anno 1714. *Philippus Adrianus Varick*.

Ecclesia quæ *S. Amando* Episc. Tungrensi sacra, administratur per Canonicos Religiosos Abbatiae Bonæ Spei Ord. Præmonst., ad cujus Parochum spectat universa pagi decima, cum notabili parte Decimarum in Parochia *Leeuwe S. Petri* se extendente.

GAESBECA Præfecturæ & ditionis ejusdem nominis caput. Antiquus Vetus Baronatus. Baronatus, Municipium ac Dominium totâ Brabantia celeberrimum; meminit ejus *P. Divæus* Rerum Brabanticarum Lib. I. Cap. V. his verbis. „ In „ Hannoniam *Gaesbecanus* vergit ager pingui ac ubere glebâ omnem reli- „ quam Brabantiam vincens: nobilis & hic Baronum Familiâ, nec minus „ antiquâ: at quorum res gestas ignava obscuravit oblivio; Baronatus tan- „ dem interitu nobilissimæ stirpis, Ducali fisco cessit. Circa annum vero „ 1235. privatim gubernari cœpit a *Godefrido Lovaniensi* fratre *Henrici II.* „ Ducis, qui *Gaesbecæ* & *Harstalli* Dominus dicebatur. Successere *Hen-* „ *ricus*, *Joannes*; hinc *Apcondanorum* nobilis ex Hollandia familiâ, *Ga-* „ *sebecam* possedit: *Jacobus Apcondanus Philippo Hornano* Bausigniacen- „ si vendidit ante annum 1450.” Hactenus *Divæus*. Subsecutos *Gaesbe-* *cæ* Dominos alibi leges, nominatim in jurisprudentiâ Heroicâ pag. 282.

Transiit *Gaesbeca* nostra ætate anno 1687. emptione publicâ ad *Ludo-* *vicum Alexandrum Schockaert* Equitem, Comitem de *Tirimont* &c. Hodie illud illustre Dominium possidet ejus filius *Philippus Carolus Thomas Schoc-* *kaert* Comes de *Tirimont*.

Arcem *Gaesbecæ* ita describit Auctor jurisprudentiæ Heroicæ his verbis. pag. 283. „ Arx hic olim fuit pulcherrima & validè munita, structa a *Joan-* „ *ne* Baronum Brabanticæ stirpis secundo. Ea sub *Apcondiis* anno 1387. „ capta diruta & solo æquata est. Hic occasione postea alio loco non mi- „ nori quam prior splendore ædificata per *Philippum Hornanum* Baronem, „ quæ pro unâ parte anno 1566. igne absumpta est fortuito, novo dein „ splendidoque frontispicio ab *Alexandro de Renesse* *Gaesbecæ* Barone an- „ no 1658. Parisiis defuncto, adauctum & ornatum est.” Hoc Castellum anno 1695. igne injecto per incendiarios Gallos ambustum est, dein egregiè restauratum per præfatum Comitem de *Tirimont*, quod exhibetur prout fuit post ultimum incendium, in Castellis Nobilium Brabantiae *Baronis le Roy*.

Denique non omittendum hîc ad supremum tribunal *Gaesbecanum* viâ apellationis recurrere pagos XVII. nominatim *Goycke*, *Meerbeke Pamele*, *Strytem*, *Onse L. V. Lombeke*, *Wambeke*, *Ter Nat*, *Catherine Lombeke*, *Cruyckenburch*, *Wesemaels Laethof*, *Saventhem*, *Sterbeke*, & plures alii.

Ecclesia *Gaesbecana* quæ D. Virgini *Mariæ* sacra est dependet a Dyna-



stâ, cui competit Patronatus hujus Parochialis, & confert in eâ Capellania numero VI. præterquam in Castro, quarum prima est *S. Eutropii* unita Pastoratui, reliquæ sunt *S. Elisabethæ*, *S. Nicolai*, *S. Annæ*, *B. Mariæ*, & *S. Catharinæ*.

Anno 1382. erecta est hæc Ecclesia in Parochialem & separata a Parochiali Linniaci *S. Quintini* auctoritate *Joannis* Episc. Cameracensis & consensu Capituli Nivellensis, procurante *Swedero Apcoude* Barone & Domino Gaesbecano. Diplomata refert *A. Miræus* in Not. Eccles. Belg. Cap. CCXX, novæ edit. prout hic sequuntur.

JOANNES Episcopus Cameracensis notum facimus universis, quod licet aliàs de Capella & duabus Capelliis in Villa de Gasebeke sitis Ecclesiam ereximus Parochialem, eam extrahendo ab Ecclesia Parochiali *S. Quintini* de Lenniaco, consensu Capituli Ecclesiæ *B. Gertrudis Nivellensis* (cui ratione Juris Patronatûs, quoad præsentationem, dignoscitur subesse) interveniente, intentionis tamen nostræ non fuit, dicto Capitulo in aliquo jure eorum præjudicare.

1382. Datum anno millesimo trecentesimo octuagesimo secundo, die viii. Septembris.

Venerabilibus Dominis Decano & Capitulo Ecclesiæ *B. Gertrudis Nivellensis*, Diocesis Leodiensis, *Swederus* de *Apcoude* Baro Dominus de Gasebeke, Putte & Striene salutem. Cum Nos de Capella quondam *B. Mariæ* in nostra Villa de Gasebeke Ecclesiam Parochialem per Cameracensem Episcopum, loci Ordinarium, erigi, fundari & confirmari procuravimus, vestro Dominorum consensu & voluntate intervenientibus, præsentationi primi Presbyteri Parochialis ibidem instituendi mihi consensistis.

1382. Datum anno millesimo trecentesimo octuagesimo secundo, die xxviii. Aprilis.

Olim hic fuit Hospitale; sed a non paucis tempore desit.

Anno 1621. unita est Pastoratui de Gaesbeeck Cappellania de AA. fundata in Sacello in Parochia de Anderlecht, cum onere duarum missarum per hebdommadam; sed cum Sacellum destructum est, missæ celebrantur in hac Parochiali cum consensu Archiepiscopi. Item Pastor tenetur ad tres missas per hebdommadam ratione unionis duarum Capellaniarum Pastoratui.

GOYCK olim in Diplomatis *Gaugiaca*. Celebris, sub Præfectura Gaesbecanâ, Toparchia, longæ & vastæ extensionis; continet enim ultra 2000. terræ bonaria, arce veteri instructâ, quæ nostra ætate igne fortuito periit, ac saxa & rudera alibi delata & applicata. Ante aliquot secula fuit gentilium de *Crainhem*, inde devenit ad Dominos de *Bæsfrode*, atque ab iis per nuptias ad posteros Nobilissimæ familiæ de *Taye*. Erecta est hæc Dynastia in Baronatum a *Philippo IV.* Hisp. Rege die 9. Aprilis 1651. in gratiam *Engelberti de Taye*.

Erectum in  
Barona-  
tum.

Hodie illud possidet jure hæreditario cum titulo Baronis *Guilielmus Albertus de Grispe* meritissimus Cancellarius Brabantiae &c.

Ecclesiæ tutelariorum est *S. Nicolaus* Episc., ejus Patronatus olim erat Capituli Nivellensis, hodiè ad curam Pastorem præsentat persona Personatus hujus Ecclesiæ, qui cum anno 1600. die 31. Januarii unitus sit Poenitentiarie Ecclesiæ Metropolitanæ Mechliniensis, eo jure utitur Poenitentiarius præfata Ecclesiæ.

Decimas majores possidet præfatum Capitulum Nivellense & Parochus, cui insuper competunt Decimæ Novales. Minores decimas possidet Poenitentiarius Præfata Ecclesiæ ratione incorporationis, & unionis Personatus Poenitentiarie. Item Ecclesia, & Dynastia &c.

In-



Integro milliari ab Ecclesia Parochiali versus Nindhoviam exstat Capella *S. Crucis* in qua singulis feriis sextis solemner celebratur, & prædicatur per Parochum.

**HUYSINGEN** olim *Hunseghem* & *Huysinga*. Præfecturæ Rodensis pagus ad fines Brabantiae, contiguus Hallis Hannoniae, spectans jure pignoratio, uti ante dictum, ad gentem de *Varick* cum Eysingen & Buysingen constituentes unum tribunal. Vide supradicta in pago de Eysingen.

Ecclesia insignita est *S. Joanni Baptistæ*. Patronatus ejus est Abbatissæ de Camera Ord. Cisterc. in vicinia Urbis Bruxellensis. Olim fuit Patronatus Abbatiae Viconiensis Ord. Præmonstr., quæ transcripsit suum jus præfatæ Abbatiae de Camera cum duabus tertiis decimarum, quæ dein cessit suas decimas Parochia sub exigua recognitione annua, insuper habet Parochus certum districtum Decimarum in Dorpe.

Colitur in hac Parochiali *S. Leonardus* Mart. magna populi devotione & accursu, & ad eum fit plurima peregrinatio, pro cujusvis corporis infirmitatibus.

**ITTERBEECK** primo lapide a Bruxellâ, Præfecturæ & Ditionis Gaesbecanæ. Dominium Comitis de *Tirimont*.

Ecclesia inscripta est *S. Petro* Apost. Ad Curam Pastoralem præsentat Abbas S. Sepulchri Ord. S. Bened. Cameraci. Olim fuit appendix Parochiæ *Leeuwe S. Petri*.

De Decimis participant duos manipulos Abbatia Affligemienfis, Abbatia S. Sepulchri unum, & Pastor loci item unum, dein decimis item participant Ecclesia, & Mensa S. Spiritus hujus pagi, Monasterium Urbanistarum Bruxellis, Capellanus in Schepdale, item unus secularis.

Hujus Parochialis appendix est Capella *Peede S. Annæ*.

Item est Sacellum cœmeterio cinctum. Duæ sunt Capellaniæ una *S. Annæ* Pastoratui annexa Anno 1615. cum onere trium missarum per hebdomadam. Item Capellania animarum cum onere similiter trium missarum; sed ex reductione fiunt pro unaquaque Capellania duæ missæ per hebdomadam.

**LEERBEECK** seu *Laerbeke*, utrumque enim sine delectu legitur. Extremus ditionis Anghianæ, & ejus Dominis subjectus pagus, ad limites territorii Gaesbecani; juris tamen Brabantini pagus, spectans ad Principem de la *Tour* & *Tassis*.

Ecclesia inscripta est *S. Petro* Apost. sub Patronatu Illustris Capituli Nivellensis, quod hic loci possidet notabilem partem decimarum.

Anno 1162. *Ada* Abbatissa Nivellensis tali affectu afficiebatur *S. Gertrudi*, quæ in ejus Monasterio Nivellis educata & instructa fuerat, & ob suarum virtutum merita ad Abbatialem dignitatem evecta, ut contulerit Ecclesiæ Nivellensi cuncta sua bona, possessiones & decimas, quas potiebatur in Leerbeke; quam donationem anno sequenti confirmavit *Nicolaus* Episc. Cameracensis.

Eodem anno *Hisebeka* Nivellis Canonica etiam huic Capitulo cuncta sua bona donavit quæ possidebat in Leerbeke.

In hac Parochiali viget specialis cultus *S. Antonii*, & ad eum Divum fit plurima hic loci peregrinatio.



LEEUWA S. PETRI, Caput hujus Decanatus. Insignis maximæque jurisdictionis pagus, atque celebris, & illustris Dominatus, districtusque Gaesbecani primarius recensetur, familiâ Brabantiae antiquissimâ, insignia portat Brabantiae eadem. Amplius quod primi Barones Gaesbecæ titulum Leeuwæ soleant Gaesbecano præponere, uti pluries legitur in Trophæis Brabanticis *C. Butkens* Lib. VII.

Item quod Barones Gaesbecani primum a Leeuwnsibus recipi & ibi iuramentum fidelitatis dare & accipere soleant. Hic tribunal ad quod plures pagi appellant, scilicet *Itterbeke, Diebeke, Bodegem, Walcourt in Anderlecht* &c.

*Erectum in  
Barona-  
tum.*

Hoc Illustre Dominium a ditione dismembratum Gaesbecanâ in Curiâ Feudali Ducatus Brabantiae emptione publicâ anno 1687. die 22. Februarii devenit ad *Joannem Carolum Roose* Senatorem Magni Senatus Belgici, in cuius favorem anno 1690. die 20. Septembris a *Carolo II.* Hisp. Rege Diplomate dato Madriti, Baronatus titulo condecoratum est.

Arcem habet elegantem cujus schema visitur in Castellis Nobilium Brabantiae *Baronis le Roy*, quam plurimum decoravit & illustriorem reddidit *Joannes Carolus Roose* secundus Baro de Leeuw, de quo mox postea. Præfatus *Joannes Carolus Roose* primus Baro de Leeuw fatis concessit Anno 1694. die 5. Januarii, uti legitur in ejus prægrandi lapide Sepulchrali in Choro Ecclesiae de Leeuw, cujus est hæc inscriptio.

#### D. O. M.

*Cy gist Messire Jean Charles Roose, Baron de Leeuw St. Pierre, Seigneur de Miremont, Spy, Onoz, Calstre &c. Conseiller & Maître aux Requestes du grand Conseil, qui trespassa le 5. de Janvier 1694. age de 65. ans. Et Noble Dame Marie Florence de Varick son Epouse, fille de Messire Ciprien, Chlr. Seigneur de Carnin, Dieval &c. Chevalier d'honneur du Parlement de Tournay & grand Baillay de Lille, qui mourut le 31. May 1705. Prié Dieu pour leurs ames.*

Circum circa quarteria eorum sunt XVI. sine expressione nominum. Successit ei in hoc Dominio ejus primogenitus *Joannes Carolus le Roose* secundus Baro de Leeuw, cujus saxum Sepulchrale item visitur in Choro hujus Parochialis cum hac inscriptione.

#### D. O. M.

*Sepulture de Messire Jean Charles Roose Baron de Leeuw St. Pierre, Seigneur de Froidmont, Han, Mirmont, Onoz, Spy, Loupogne, Bassi, Calstre &c. Haut voue de Jemeppe, Pair de la Comté de Namur, Capitaine de Cavallerie au service de sa Majesté. Age de XXV. Ans decedé le XI. Novembre 1704. Prié pour son Ame.*

Quarteria ejus circum circa sunt hæc.

*Roose, Kintschot, De Ram, Honsem, Varick, Camponoso, Laurin, Vwens.*

Huic



Huic successit *Cyprianus Ambrosius Petrus Roose*, Baro de Leeuw & Toparcha dictorum locorum, frater & hæres dicti *Joannis Caroli*. Obiit die 12. Octobris Anno 1720.

Successor ejus *Philippus-Franciscus-Petrus Roose*, præsens Baro & prædictorum locorum Dominus, frater & hæres, duxit Ao. 1722. die 28. Octobris Tornaci *D. Franciscam-Carolam vander Gracht* filiam *Antonii Ignatii* Toparchæ de Fertin, Supremi Balivi Civitatis, & territorii Tornacensis, & *D. Mariæ Elisabethæ Bernard de Tintignies*.

Complectitur hoc Dominium sub se Vicos plurimos, videlicet *Mekinge, Laeck, Ruckelingen, Naestbeke, Bysbergen, Volcxum, Rattendael* &c. Inter quos eminent *Mekinge, Laeck*; in his exstant insignes Capellæ, in quibus divina celebrantur; prima sacra est *S. Mariæ Magdalene*, altera *Beatæ Mariæ*; in eâ est Capellania B. M. V.

Ecclesia quæ multum insignis, *S. Petro* Apostolorum Principi sacra est. Ejus Patronatum gerit Abbas S. Sepulchri Ord. S. Bened. Cameraci, *Dono Gerardi II.* Cameracensis Episcopi hoc Diplomate.

Ego GERARDUS, Præsul Ecclesiæ Cameracensis, lumine Prædecessoris mei Domini LIETBERTI succensus, & opus illius benè consummatum præ oculis habens, scilicet S. SEPULCRI Ecclesiam, quam ex integro ædificavit, & Abbatiam Monachorum eandem constituit, à sanctuario incipere & benè operari ratum considero.

Unde notum sit omnibus Christi Fidelibus, quod ad eandem S. Sepulcri Ecclesiam Abbati Waltero ac Monachis x. pauperibus Altare de *Liewes* Pontificali Auctoritate concedo, liberum ab omni consuetudine, exceptâ summâ duorum solidorum annuatim persolvendâ.

Signum mei Gerardi,  
S. Gerardi Archidiaconi,  
S. Widonis Præpositi & Archidiaconi.  
S. Maselini Archidiaconi.  
S. Hugonis Decani,  
S. Werimbaldi Scolastici.

Actum est hoc Cameraci, in eodem Monasterio S. Sepulcri, anno Dominicæ Incarnationis millesimo septuagesimo nono, Indictione secundâ, regnante Rege Henrico Lothariensium anno Episcopatus Domini Gerardi secundo.

1079.

Decimarum Participes sunt præfatus Abbas S. Sepulchri, Abbatia Vallis Ducis Ord. Cister. in agro Lovaniensi, quas decimas obtinuit anno 1238. a filio Domini Leonii Castellani Bruxellensis, ut patet hisce tabulis Donationis.

Ego LEONIUS Filius Domini Leonii Castellani Bruxellensis, ad notitiam fidelium volo pervenire, quod ego decimam totalem, sicut eam in Parochia de *Lewis* à Viro nobili Daniele de Wange in feodum tenebam, ad opus Abbatissæ & Dominarum \* *Vallis-Ducis*, Ordinis Cisterciensis, in manus ejusdem Daniëlis raportavi, in præsentia Hominum suorum, Giselberti Militis de *Wesembeke*, & Godefridi de *Sterbeke*, in eleëmofynam perpetuam.

\* 's Hertogendaele.

Et ut hæc collatio illibata conservetur, Sigilli mei appensione roborandam duxi, Sigillo Patris mei supra nominati eandem faciens roborari.

Acta sunt hæc M. CC. XXXVIII. sub testimonio Domini Walteri de Sottenghem Militis, & aliorum, feriâ post Assumptionem Beatæ Mariæ.

1238.

Ego DANIEL de Wanghe duxi significandum, quod *Leonius*, Filius Domini Leonii Castellani Bruxellensis, decimam de *Lewes*, quam à me tenebat in feodum, in manus meas, in præsentia Hominum meorum Giselberti Militis de *Wesembeke*, & Godefridi de *Sterbeke*, ad opus Abbatissæ & Conventus Vallis-Ducis reportavit, effestucavit & werpivit.

TOM. II.

Ii

Ego



Ego verò eandem decimam in manus præfatae Abbatissæ, ad opus ipsius sui que Conventûs, allodialiter contuli possidendam.

1238.

Acta sunt hæc M. CC. XXXVIII. sub testimonio Domini Walteri Militis de *Zotteghem*, & aliorum.

Has decimas præfata Abbatia nuper transcripsit Venditionis tabulis *Petro Fariseau*.

Item decimarum participes sunt Abbatissæ de Foresto, & de Camerâ, Præpositus Montis Frigidi Bruxellis, Capitulum Cameracense, Affligemium, Parochus, & varii seculares. Omnes simul cum prioribus numero XII, quos nimis longum foret omnes singulatim recensere.

In hac Parochiali est Capellania *S. Nicolai*, alternatim confertur a Dynastâ & Domino de AA. In arâ principe hujus Parochialis est insignis tabula representans martyrium *S. Petri* Apostolorum Principis, Patroni hujus Ecclesiæ, eleganti penicillo *Gasparis de Crayere* pictoris celeberrimi depicta.

In hoc Municipio olim ortum habuit & Parochi munus gessit *Ægidius a Leeuwis*, qui dein anno 1214. ubique locorum concionari incipiens, multa hominum millia Cruce signarat, qui anno 1220. Abbas XI. Viconiensis Ord. Præmonstr. electus est, atque anno 1237. cum Fratre *Andréa* Pastore & Canonico Ninhoviensi, *Joanne ab Outre*, & innumerabili multitudine Cruce signatorum turbâ ad terram Sanctam Barbaris eripiendam iter instituit. Teste *B. Miræo* in Chronico Præmonstratensi.

Item huic loco natales suas debet *Thomas Cantipratanus* Ord. S. Domini, qui communiter putatur fuisse Suffraganeus Episc. Cameracensis; at sine solido fundamento. Qui obiit plenus dierum ac meritis die 15. Maii anno 1261.

Item *Fr. Jacobus Gheelius* Ord. Prædicat. S. T. D. universitatis Lovanienfis, & per universum Archiepiscopatum Mechliniensem hæreticæ pravitatis Inquisitor. Qui obiit 1612.

Item *Joannes Malderus*, Laudatissimus Antverpiensium Episcopus, qui in vivis esse desiit anno 1633. septuagenario major.

Intra limites hujus vasti Municipii in Vico de *Zeune* est *Prioratus Virginum* Ord. S. Bened. vulgo *Cleyne Bygaerden*. Fuit hoc Monasterium primitus situm & fundatum in Monte *S. Mariæ* apud *Pepingam* loco qui dicitur *Varenbergh* Bruxellensis agri Vicum ad limitem Hannonicum, quod quidem circa annum 1234. dicto loco in suo fundo exstruxit Vir nobilis *Joannes a Monte*, Miles, sive Eques. Foundationem hanc *Henricus II.* Lotharingiæ & Brabantiae Dux, ac ejus successor *Henricus III.* *Gregorius IX.* Papa & *Godefridus* Cameracensis Episcopus suis tabulis confirmarunt, quas profert *A. Miræus* in Donat. Belg. Lib. I. Cap. CIV. & CV. novæ edit. quæ sic sonant.

HENRICUS, major Filius Ducis Lotharingiæ omnibus præsens Scriptum videntibus salutem. Noverint universi, quod Nos licentiamus G. de Bellengem, Monialem, Domum ædificare juxta loca infra nostrum dominium, & illam ædificatam recepimus in nostra custodia.

1234.

Datum anno Domini millesimo ducentesimo tricesimo quarto, mense Martio, apud Lovanium.

GREGORIUS Episcopus, servus servorum Dei, dilecto filio Abbati Cisteriensi salutem & Apostolicam benedictionem. Piæ mentis devotio specialem benignitatem Sedis Apostolicæ promeretur, Nosque affectui laudabili, ut ad debitum

ci-



effectum perveniat, favoris nostri præsidium, quantum cum Deo possumus, imper-  
timur.

Sane dilectus filius JOANNES Miles de MONTE Nobis humiliter supplica-  
vit, ut in Monasterio de Monte S. Mariæ, quod pro peccatorum suorum remedio  
in fundo suo construxit de bonis propriis, & dotavit, per te institui Conventum  
Monialium Cisterciensis Ordinis mandaremus.

Honestam itaque intentionem prædicti Militis attendentes, qui diebus nostris om-  
nes invitare cupimus ad exercenda opera pietatis, per quæ ipsorum animæ salvæ fiant,  
discretionis tuæ per Apostolica Scripta mandamus, quatenus si dictum Monasterium  
situ loci & facultatibus est congruum, ad Conventum hujusmodi Ordinis memorati,  
obtentio Episcopi Diocæsani consensu, satisfacias piis votis Militis supradicti. Datum  
Viterbii xix. Kalendas Januarii, Pontificatus nostri anno nono.

1235.

GODEFRIDUS Dei gratiâ Cameracensis Episcopus, universis præsentis litte-  
ras inspecturis salutem in omnium Salvatore. Notum sit universis præsentibus & fu-  
turis, quod O. Abbatissa, I. Præpositus, G. Decanus, totumque Capitulum Eccle-  
siæ Nivellensis, per suas patentes litteras Nobis demonstrarunt, quod cum à JOAN-  
NE Milite dicto de MONTE, in Parochia de *Bellengien*, & filia sua Priorissa de  
Tenremonde, Cisterciensis Ordinis, & ab aliis probis viris rogati essent, ut ad hoc  
adhiberent assensum, quod in Personatu suo de *Papengien*, in terra dicti Militis, in  
loco qui Mons S. Mariæ nunc temporis appellatur (solebat autem *Vareberga* antiqui-  
tus nuncupari) Abbatia Monialium Cisterciensis Ordinis fundaretur. . . .

Nè caritas tepescere videatur in hoc in quo cam valeamus accendere, precibus eo-  
rum grato concurrentes assensu, prædictam ordinationem superius annotatam,  
quantum in nobis est, ratam habemus, & impressione Episcopalis sigilli confirma-  
mus.

Datum anno Dominicæ Incarnationis millesimo ducentesimo tricesimo sexto, 1236.  
mense Octobri.

Universis Christi fidelibus tam præsentibus quam posteris, ad quorum notitiam  
præsens Scriptum pervenerit, GODEFRIDUS de LOVANO, Illustris Viri Hen-  
rici Ducis Lotharingiæ Frater, salutem & cognoscere veritatem.

Quoniam ea quæ geruntur in tempore facile oblivioni traduntur, nisi scripto me-  
moriæ commendentur, ideo universitati vestræ, tam sub notione Testium, quam  
tenore præsentium Litterarum declaramus, quod Joannes de Zona, in nostra & Sca-  
binorum nostroꝝ de Lewes, nec non & aliorum proborum virorum ac hominum  
nostrorum præsentia constitutus, omne jus hereditarium, quod continebat ei in de-  
cem bonariis terræ jacentis apud Zonam, in dominio nostro, & sub judicio & sen-  
tentia dictorum Scabinorum, sive sit plus sive sit minus, quæ terra solvit annua-  
tim ad Nativitatem Domini quadraginta & tres denarios Bruxellenses, & novem fer-  
tellas avenæ, cum mensura quæ dicitur *Honteister*, nomine censûs, supra quam ter-  
ram contingebant & adhuc contingunt Priorissæ & Conventui de MONTE S. MA-  
RIÆ, Cisterciensis Ordinis, centum & undecim libræ Bruxellenses, ratione assigna-  
menti & collationis in eleemosynam factæ Sorori Machtildi de Zona, Sancti-  
moniali loci prædicti, à prædicto Joanne Fratre suo, & G. Patre, & I. Matre  
dictæ Machtildis in manibus nostris, merâ nec non & spontaneâ voluntate, ad opus  
dictæ Priorissæ & Conventus loci memorati, liberè resignavit & absolute, omni  
reclamatione seu calangiâ, quæ à dicto Joanne, vel suis, ad præsens vel in posterum  
fieri posset, vel exactione quâlibet omnino remotâ.

Adfuerunt autem, cum hæc facta fuerunt, in testimonium vocati

Oliverius Miles,  
Goswinus Haac,  
Goswinus de Bruchem,  
Petrus de Cassenberge,

Scabini nostri de Lewes, sub quorum sententia dicta terra sita est, ut superius est  
expressum,

Et Stephanus de Zireembeke, qui tunc Balivus meus erat, & alii.

Cum igitur hæreditas prædictæ terræ in hunc modum in nostris manibus sit resi-  
gnata, Nos eandem hereditatem terræ sæpe dictæ cum omni commoditate ac ap-  
pendicio, sub testimonio dictorum Scabinorum de Lewes, Priorissæ & Conventui



prædicto loci prædicti contulimus in eleemosynam, sub testimonio etiam multorum Christi fidelium liberaliter & benignè jure hereditario & sine difficultate habendam & perpetuò possidendam.

Et ut hoc firmum permaneat & ratum, præsens Scriptum contulimus dictæ Priorissæ & Conventui, sigilli nostri munimine roboratum.

1238. Actum anno Domini millesimo ducentesimo tricesimo octavo, mense Martio.

Hoc in loco hodièque Sacellum visitur Monasterii veteris signans vestigia. In Diplomate tamen *Henrici II.* Ducis Brabantiae quod allegavimus in favorem hujus Monasterii dato anno 1234. dicit se *G. de Bellenghem* licentiam concessisse ædificandi domum Monialium. Ut ut sit illud constat, cum in Monte *B. Mariæ* jam dicto Moniales aquæ penuria obsitum loci altiore laborarent, ad locum qui *Ob-Bigarden* nuncupatur, in quo hodieque resident, transisse, quem locum cum adjunctis agris & pratis ipsis dederunt *Godefridus a Lovanio* Dominus de Leeuw *Henrici II.* Lotharingæ & Brabantiae Ducis frater & uxor ejus *Maria*. Diploma recitat *A. Miræus* Lib. I. Donat. Belg. Cap. CVIII. novæ edit. ut sequitur.

Quoniam humana memoria labilis est & caduca, ea quæ geruntur in tempore, æternari solent munimine Litterarum.

Notum sit igitur tam præsentibus quàm futuris, quod ego *GODEFRIDUS* de *LOVANIA*, Dominus de *Lewe*, & *MARIA* uxor mea, pro remedio animarum nostrarum, sex bonaria tam terræ arabilis, quàm prati jacentis in loco qui dicitur *Op-Bigarden*, super *Zonam*, in Parochia de *Lewe*, quæ nostri fuerant juris, & in quibus habuimus justitiam majorem & minorem, Abbatissæ & Monialibus de Monte *S. Mariæ* in puram contulimus eleemosynam, ad construendum & ædificandum sibi ibidem Monasterium Monialium Ordinis Cisterciensis.

Et volumus quod gaudeant in dicto loco tantâ libertate & æquali, quantâ Monasteria ejusdem Ordinis, ubicumque sita sunt, in Diocesi Cameracensi, usque in hodiernum diem gaudere consueverunt. Et in hunc modum dictam terram & pratum eis liberè & cum omni jure nostro conferimus, & quantum in nobis est confirmamus.

Concedimus etiam eisdem potestatem ducendi aquam prædictam, scilicet *Zonam*, quæ nostræ est jurisdictionis, secundum quod suæ placuerit voluntati. Nos verò & nostros Successores, tamquam fundatores & constructores dicti Monasterii, ad defensionem ejusdem volumus obligari.

1251. Ut igitur hæc nostra Donatio perpetuæ firmitatis fortiatur vigorem, præsentem Paginam Sigillorum nostrorum appensione fecimus roborari. Actum anno Domini millesimo ducentesimo quinquagesimo primo, mense Aprili.

In Supplemento Diplomatum *A. Miræi* Parte II. Cap. C. profertur Diploma quo Præfatus *Godefridus de Lovanio* anno 1251. transfert Cœnobium Monialium Minoris Bigardiæ in Parochiam Leeuvensem. En Diploma.

Ex Char-  
tulario  
Præpositi de  
Capella  
Bruxellis.

Universis præsentis Litteras visuris, *Godefridus* de *Lovanio* Miles, Patruus Ducis Brabantiae, & *Maria* ejus Uxor salutem in Domino.

Notum facimus universis, quod cum ad preces & petitiones nostras, viri Religiosi Abbas & Conventus *S. Sepulchri* Cameracensis in hoc consenserint, quod Nos Domum quamdam Religiosarum mulierum, quæ sita erat in loco qui dicitur *Veronberghe* juxta \* *Linnicum* transferremus & fundarem infra fines Parochiæ de *Lewes* in qua dicti Abbas & Conventus Jus habent Patronatûs, & Nos eisdem promissimus & adhuc promittimus, quod si ipsi Abbas & Conventus ob hoc dampnum aliquod incurrerint vel incurrant, vel ob hoc eos in posterum incurrere contigerit, quod dictæ Religiosæ quæ ibi ad præsens sunt, vel erunt pro tempore, restituent dictis Abbati & Conventui qui nunc sunt in Ecclesia *S. Sepulchri* vel erunt in posterum, quicquid

or-



ordinatum fuerit per viros providos & honestos, G. Scholasticum Cameracensem, Magistrum Petrum de Belvaco Canonicum Cameracensem, & Dominum Gerardum de Bousies Monachum S. Sepulchri Cameraci, Præpositum de Capella in Bruxella.

Quod si fortè contingeret, quod dictæ Religiosæ Ordinationi à dictis Personis factæ non parèrent, . . . . . Nos promissimus, & adhuc promittimus sub pœna centum Marcarum argenti, quod quicquid ædificatum esset per dictas Religiosas infra dictam Parochiam de *Leves*, propriis sumptibus nostris faceremus demoliri. Quàm pœnam dictis Abbati & Conventui solvere tenemur; & ad prædicta in posterum observanda Nos & heredes nostros sub prædicta pœna per præsentis Litteras obligamus, quas dictis Abbati & Conventui contulimus nostris Sigillis sigillatas.

Actum & datum annò Domini millesimo ducentesimo quinquagesimo primo; 1251.  
mense Junio.

In Choro hujus Coenobii conditus est marmoreo tumulo tumbâ elevatâ *Joannes de Lovanio*, Teutonica hac inscriptione additâ.

**Hier legt Jan van Lovene, wylen was Heere  
van Lobene / van Haerstal ende van Gaesbe-  
ke / die sterf den XXIII. dach van Oohst / int Jaer  
M. CCC. ende XXIV.**

Quæ Latinè sic sonat.

Hic jacet sepultus *Joannes a Lovanio*, qui olim fuit Dominus Lovanii, Harstalli & Gaesbecæ & obiit XXIII. Augusti anno M. CCC. XXIV.

Hic *Joannes* filius putatur fuisse præfati *Godefridi*.

A prima institutione hæ Moniales Cisterciensè institutum erant amplexæ; sed cum ab Abbate & Præfecto Generali Cisterciensis Ordinis in Societatem & communionem non admitterentur, Benedictinis sese adjuxerunt; *Henrico* Episc. Camerac. auctoritatem faciente anno 1253. Dein Cisterciensè institutum, ac vestem mixti coloris cum Benedictinâ nigrâ commutarunt.

Denique hic non prætereundum, quod Dynasta hujus Municipii tale jus prærogativum in hoc Coenobio habeat, quod nullas Religiosas admittere valeant sine prævio ejus consensu, & antequam ad habitum admittantur, panem suum ab eo emendicare oporteat. Insuper in eo Monasterio filiam pauperem mittere, quam alere oporteat, usque dum victum suum lucrare valeat; & post eam alteram ejus loco subrogare. Ita legimus in descriptione Dominiorum Præfecturæ Gaesbecanæ separatim in auctione publicâ sub hæstâ venditâ in Curiâ Feudali Ducatus Brabantiae, Bruxellis excusò 1670.

Medio fere milliari a Parochiali est Capella de *Gaspeldoren* prope villam ejusdem nominis, dependens ab Ordine Melitensi, quæ plurimas hic habet agri possessiones.

LIEFRINGE pagus Comitatus Alostani ad limitem Brabantinum contiguus agro Gaesbecano, est exiguæ extensionis, complectitur enim vix centum terræ bonaria. Ejus Dominium hodie spectat ad *Petrum Colins* Dom. de Eervelde.

Ecclesiæ tutelariorum est Virgo Deipara *Maria*. Pastorale munus confertur  
TOM. II. K k per



per Toparcham hujus loci. Univerſa pagi Decima ſpectat ad Parochum. Matricularius in iis habet parvum diſtrictum.

LINCKEBEKE altero lapide a Bruxella ad ingreſſum Sylvæ-Soniæ, Præſecturæ Rodenſis Dominium, illud anno 1646. a Rege jure pignoratitio acquiſivit *N. vanden Winckele* Conſiliarius Senatus Brabantiae, & venditione abſolutâ acquiſivit a *Philippo IV.* Hiſp. Rege Anno 1650. die 8. Novembris *N. Gagier*. Hodie illud poſſidet *N. Naus*.

Eccleſia, quæ olim erat appendix Parochialis de Uckel, dicata eſt *S. Sebaſtiano*, Mart. Patronatus ejus ſpectat ad Abbatiffam de Foreſto Ord. S. Bened.

Decima ſpectat ad Parochum, etiam illa quæ fuit præfatæ Abbatiae de Foreſto, quæ nuper ceſſit ſuas decimas Parocho, ſub recognitione annua. Capellania de Beerſele inibi habet parvum diſtrictum Decimarum.

LINNIACUM S. MARTINI, vulgo *S. Mertens Lennick*, ad diſtinctionem alterius *Linniaci* quæ eſt *S. Quintini* a quâ hæc Parochia anno 1514. eſt diſmembrata. Ejus Dominium (quod eſt agri Gaesbecani) noſtra ætate devenit viâ emptionis ad Cornelium de Man Conſiliarium Senatus Brabantiae, in qua familia perſeverat. Continet ſub ſe Vicos plurimos ſcilicet *Hondtweerdighem, Schepdael, S. Geertruyde Pede, Boſſuyt, Ter Elſt, Tombergen, Alſingen* &c. Solemne habet forum annuum poſtridie feſti *S. Martini*.

Eccleſia ut nomen indicat *S. Martino* ſacra eſt. Cura Paſtoralis adminiſtratur per Canonicos Religioſos Monafterii Montis Frigidi Ord. *S. Auguſtini* Bruxellis, qui jus Patronatus olim acquiſiêre a Capitulo Nivellenſi, uti mox dicitur.

Anno 1514. *Leo X.* Pont. Max. univit hunc Paſtoratum præfato Monafterio & ſeparavit a Parochia *Linniaci S. Quintini*, reluctantæ & invito primitus præfato Capitulo Nivellenſi, quod dein poſt longas concertationes ſub certis conditionibus & pactis initis cum præfato Monafterio Montis Frigidi conſenſit.

Decima ferè univerſa ſpectat ad Capitulum Nivellenſe.

Huic Eccleſiæ Parochiali ſubeſt Capella *De Schepdael*, & Capella *Pe-de S. Gertrudis*, in quibus diebus ſacris divina celebrantur.

LINNIACUM S. QUINTINI vernacule *St. Quintens Lennick*, Antiquitus *Lennecha*. Matrix plurium Eccleſiarum. Præſecturæ & ditionis Gaesbecanæ Dominium. Illud nuperis annis emptionis tabulis acquiſivit *Cornelius de Man* Conſiliarius Senatus Brabantiae, in quâ familiâ perſeverat.

Antiquum illud fuiſſe Patrimonium *S. Gertrudis* non dubito, ſiquidem in antiquis Imperatorum & Regum Diplomatis Eccleſiæ Nivellenſis paſſim pluries recitatur *Linniacum*. Creſcente in eo incolarum numero, ab eo diſmembrata eſt *Gaesbeca* anno 1382. & anno 1514. *Linniacum S. Martini* uti mox dictum eſt.

Hic pagus qui multum antiquus & vaſtæ extensionis eſt, diſcriminatur in plurimos Vicos, ſcilicet *Eyſeringe, Ten Hellicken, Tuytenberghe, Beuſingen, Ophem, Wolffhagen, Slingen* &c.

Forum ſolebat habere hebdommadarium, cum ſolemni ſtapulâ granorum; ſed a non paucis tempore frequentari deſiit.



Ecclesiæ tutelaris (uti nomen indicat) est *S. Quintinus*. Ejus Patronatum gerit Abbatissa Illustriſ Capituli Nivellensis, ad quod etiam spectat potior pars decimarum.

Huic Parochiali subest Capella de *Eyseringe*, habens suum Sacellatum, qui in eâ facris operatur, item Capella in Vico *Ten Hellicken*.

LOMBEKA CASTRI, vernacule *Burgrave Lombeck*, & per Synconpen *s'Graven Lombeck*. Pagus Comitatus Aloſtani ad limitem Brabantinum, & teste *l'Espinoſ* in ſuis de nobilitate Flandricâ commentariis Gallicis, *Vice-Comitatus* titulo illuſtris. Longo temporis tractu poſſeſſus fuit per familiam *De Gavere*, & *D. Margareta de Gavere Arnulfi* filia nuptui tradita *Joanni Villani a Gandavo*, ei attulit in dotem cum Dominio de *Liedekercke* & aliis bonis. A quâ Gandavenſium familiâ præſatum Dominium per nuptias filiæ hæredis etiam ante reſceſſerat. Ita ferè A. Sanderus tom. II. Flandriæ illuſtratae pag. 513. Vide de eo plura in pago de Liedekercke in Decanatu Aloſtano. Hodie hoc Dominium ſpectat ad Illuſtrem familiam *Alſatiam de Bouſſu*, in quâ Princeps Chimaceniſis & Comes de Bouſſu illud poſſidet.

Eccleſia tutelarem veneratur *S. Amandum* Tungrenſem Episcopum, Abbatia *S. S. Cornelii & Cypriani* Nihoviendiſis Ord. Præmonſt. conſtituit in eâ e ſuis Canonicis Religioſis ſacrum Miniſtrum.

Cum *Iwanus* Comes Aloſtaniſ dotat anno 1140. præſatam Abbatiam Nihoviendiſem, donat eidem inter cætera. „Eccleſiam de *Lièdekercke* cum „appenditiis ſuis *Lombecam & Stritem*.” Verba ſunt Diplomatiſ.

Huic Parochiali unitus eſt *Strythem* Dominium ſpectans ad *Henricum Franciſcum Huybrechts* ab anno 1710.

Eccleſia dicata eſt *S. Martino* Turoniſi Episc. Reſ ſacra curatur per Paſtorem Lombecæ Caſtri.

Primis foundationis anniſ Abbatia Nihoviendiſis Lombeca & *Strythem* nominantur appendices de Liedekercke, uti mox dictum.

LOMBECA S. CATHARINÆ, vernaculè *Ste. Catharine Lombeke*, Præſecturæ Rodenſiſ, ad fineſ Sylvæ Liedekercanæ. Dominium Comitiſ de Cruyckenbouch de gente *Fourneau*, uti alibi dictum.

Vocatur Lombeca *S. Catharinæ* ab ipſamet tutelari, ad diſtinctionem aliorum pagorum in hoc Diſtrictu.

Ad curam Paſtorales nominat Capitulum Metropolitanum *S. Rumoldi*, propter Perſonatum de *Wambeke*, cui hoc juſ competeſbat, qui anno 1660. incorporatus eſt eidem Capitulo pro Canonicis Graduatiſ.

Appendix olim erat Matriciſ Eccleſiæ Parochialiſ de Wambeke, ſed ab eâ a non pauco tempore diſmembrata eſt.

Decimarum particiſes ſunt præſatum Capitulum *D. Rumoldi* ratione incorporationiſ Perſonatiſ prædicti, & Capitulum Nivellendiſe, quod nuper ſuas quas hic poſſidebat Decimas emptioni expoſuit, qua devenerunt in familiam de *Reynghem*. Paſtori ſolvitur annuè competentia a præſato Capitulo *D. Rumoldi*.

LOMBECA B. MARIÆ, vernaculè *Marie Lombeke*, Præſecturæ & Ditioniſ Gaesbecanæ paguſ, cujuſ Dominium nuperiſ anniſ ſpectavit ad *Jacobum Ignatium Huybrechts*, poſt cujuſ mortem anno 1710. devenit ad ejuſ filium *Henricum Franciſcum Huybrechts*.



Ecclesiæ quæ D. Virgini *Mariæ* sacra est, Patronatum gerit Illustre Capitulum Nivellenſe, ad quod etiâ spectat maxima decimarum pars, in his Pastor suam quoque habet portionem.

PAMELE, Latinè *Pamella*, celebris sub Præfecturâ Gaesbecanâ Dynastia ad Teneram fluvium, Arce veteri instructâ. Ampli territorii pagus continens ferè 1600. bonaria terræ.

De antiquis Dynastis hujus Domini vide *J. B. Gramaye* in Bruxellâ pag. 34. novæ edit.

Hoc Dominium initio seculi XVI. ad *Croyos* devenit, indeque per nuptias *Annæ de Croy* Ducis Havræi Sororis ad *Claudium d'Ognies* Comitem de *Coupigny*, cui inter plures liberos peperit *Carolus Philippus d'Ognies*, Comitem de Swevegem, *Claram Albertam Franciscam de Paula* Canonissam Nivellenſem, uxorem *Jacobi Philippi* Comitis de Gomiecourt, *Mariam Theresiam* Canonissam Malbodii, uxorem *Joannis Francisci Coloma* Comitis de Bornhem, & *Balthasarem Guilielmum d'Ognies* Comitem de *Coupigny*, Baronem de *Blaesvelt*, Dominum de *Pamele* & *Lede-Berge*, Equitem Aurei Velleris, qui obiit 1709. a quo ex *N. De Bournonville* moderni Comites de *Coupigny* & de *Mastain*. Hujus familiæ stemma in Chronico Belgico *A. Miræi* ad annum 1612. reperies.

Ecclesia tutelarem colit *S. Gaugerico* Episc. Camerac. Ejus Pastoralis cura administratur per Canonicos Religiosos Abbatiae Nihoviensis Ord. Præmonst. cui competit pars immo duæ trientes decimarum, reliquatients competit Xenodochio *S. Joannis* Bruxellis, quod etiam plurimos agros, & opimum prædium hic possidet.

*C. Butkens* in suis Probationibus de Trophæis Brabanticis refert tabulas anni 1247. pag. 227. quibus *G. Dominus de Grimberge* & *Aleydis* ejus uxor ratum habent emptionem, qua præfatum Xenodochium acquisivit XL. bonaria terræ in *Ledeberge*, & decimam ibidem jacentem Diplomate ut sequitur.

*G. Dominus de Grimberge*, nec non *Aleydis* uxor sua, omnibus paginam præsentem intuentibus, noscere veritatem. Ad univerſorum notitiam volumus pervenire, quod emptionem, quam domus Hospitalis B. Joannis in Brussella in Dominio nostro de *Ledeberge*, contra illos de *Ledeberge*, circiter quadraginta bonaria terræ, parum plus vel minus, & de quadam decima ibidem jacente fecerunt, consentimus, ratum habemus & laudamus emptionem memoratam super qua nostras patentes literas ipsis in testimonium duximus conferendum. Actum anno Domini MCCXLVII. mense Junio.

1247.

Intra fines hujus pagi in Dominio de *Ledeberghe* (Latinè *Mons S. Leonardi*) degunt aliquot Fratres Minores Ord. *S. Francisci*; sed ad nutum Abbatibus Nihoviensis & Dynastiæ amovibiles.

Antiquus  
Principatus.

REBECQUE olim *Rosbeca*, vernaculè *Roosbeeck*. Antiquus Principatus, undique Comitatu Hannoniæ cinctus. Dominium ad Anghiae Dominum spectans, qui modo Dux Arembergiæ, qui solus summa jurisdictione potitur; at Ecclesia Nivellenſis in præsentiarum possidet infimam inibi jurisdictionem, vulgo *Seigneurie Fonciere*, præterque majorem decimam duas alias, quarum una spectat ad Capitulum, altera ad Xenodochium aliaque non exigua prædia.

Ecclesia dicata est *S. Gaugerico* Camerac. Episc. Ejus Patronatum gerit Illustre Capitulum Nivellenſe.

Ibi-



Ibidem loci est Hospitale fundatum initio seculi XIII. à *Mariade Retel Walteri I.* Anghie Domini uxore; a Sororibus olim administratum, dein in Monasterium Monialium titulo Prioratus conversus.

RODE Præfecturæ ejusdem nominis caput; ad fauces Sylvæ-Soniæ cis Alfembergam, cum qua constituit unum tribunal. Dives olim & amplius pagus, Municipium & inter Municipia subscribere solitum, & turrim vetustam loco insignium habet.

Seculo præcedenti possessum fuit jure pignoratitio a *Witthemis*. Anno 1650. *Philippus IV.* Hisp. Rex hoc Dominium emptioni exposuit cum Alfemberga, quâ obvenit *N. vanden Winckele* Consiliario Senatus Brabantiae, a qua familiâ emprionis tabulis devenit ad gentiles de *Naus*.

Ecclesia tutelarem veneratur *S. Genesum* Mart. Ejus Patronatus spectat ad Abbatissam de Foresto Ord. S. Bened. prope Bruxellam, quæ possidet portio-riorem partem decimarum, & in eis Pastor suam habet portionem. A paucis annis Abbatia præfata de Foresto cessit Parocho suas inibi decimas pro portione congruâ, sub recognitione annua eidem Abbatiae præstandâ.

Sub hoc pago ad ingressum Sylvæ Soniæ exstat Capella *S. Annæ*.

Rodæ adjacet Monasterium SEPTEM FONTIUM Canonorum Regularium *S. Augustini*, Vernaculè SEVEN-BORREN, quod tali propagatum est initio, & successu.

Anno 1380. Venerandus Dei Sacerdos *D. Ægidius Breedyck* Capellanus Ecclesiæ Anderlacen-sis sese penitus vitiorum subducere volens discrimini cum VII. aliis accitis sodalibus, vitam in communi ducere instituit. Quamobrem Anderlaco Bruxellæ primitus juxta Capellam *S. Laurentii* Mart. unâ cum prædictis sociis communem vivendi modum auspicatus est.

Cum autem hic locus non satis a tumultu seculi semotus videretur, tacitâ secum mente volvere cœpit, qualiter in viâ Domini meliori ac securi tramite posset ambulare. Itaque jam virtutum desiderii incensus animum suum quietis dulcedine captum, nec non vitæ solitariae, propositum collegis suis aperit; qui mox unanimiter in Domino sentientes, aliquem in secretis Sylvæ-Soniæ secessibus locum inquirendum censuerunt. Nec mora, obfirmato pariter proposito in iter sese conjiciunt, & per viarum aufractus, longam nemoris partem, tandem hanc quietis Sedem in convalle delegerunt, loco nomen (SEPTEM FONTES, Vernaculè SEVEN-BORREN) olim indigitarunt. Loci situm celebrem faciunt, non tantum fontes illi septem, sed alii multi magnâ vi aquarum e vicinis collibus eo illabentes: qui fistulis & canalibus ad diversa domiciliorum loca per convallis decliviâ in communem usum deductus, suo jucundissimo & commodissimo cursu ac murmure jucundum, lætumque incolis jam præbent spectaculum.

Divino itaque afflente spiritu cœpit præfatus *Ægidius* rigidioris vitæ propositum animitus arripere, & assumptis secum propositi commilitonibus *Joannam* Brabantiae Ducissam adit, cujus ditioni Soniacum suberat nemus, & locum deposcit. Hæc igitur piis eorum desideriiis, & postulatis addicta, lubens e vestigio annuit. Quibus insuper fontes, campos, Silvæ partem haud immodicam, aliaque ad inchoationem monasterii media sufficientia cumulatè suppeditavit; itaque locum istum Silvæ-Soniæ sibi suisque a *Joannâ* Ducissa donatum, illico cum illis adit, & ibi casas aliquas, nec non exigua tuguria ad inhabitandum ædificare cœperunt.

Dein Ecclesiam modicam excitarunt, & auctoritate *Thomæ de Bisdomme* Præpositi Sonegien-sis, & Vicarii ad hoc Deputati a Capitulo Cameracensi,



Deiparæ Virgini, ac S. Augustino sacram per *Jacobum* Episcopum Neopolitanum, & Suffraganeum Cameracensis Episcopi nuper defuncti *Joannis Serclafii* consecrari curarunt anno 1388. mense Aprili undecimâ, & sequenti die inter missarum solemnia præfatus *Ægidius*, & alii duo Sacerdotes veterè exuti tunicâ, habitu Canonorum Regulari induti sunt, & solemnem professionem emisèrunt, peractâ solemni missâ, Prioris indicta fuit electio, factoque breviter vocum scrutinio primus Prioratus dignitate insignitus est præfatus *Ægidius Breedyck*.

Carmen Chronographicum antiquam illius ævi musam, & si modo inusitatam redolens indicat annum, mensem, & diem, quibus hæc omniâ acta fuère.

M, C ter, L que, ter I, semel Vque, ter X in Aprili.  
Luce sub undena, Domini domus ista sacrata  
Exstitit: est habitus assumptus, & a tribus: unus  
Ex his *Ægidius* primus Prior est ibi factus.

Hic primus hujus Monasterii Prior, cum sese in officio Prioratus per annos 28. præclarè gessisset: ad Silvam Domini Isaack novam ibidem Christo editurus sobolem Anno 1416. evocatus fuit, in quo Monasterio similiter primus Rector, dein primus Prior electus est, ac ibidem obiit anno 1424. plenus dierum senex, & decrepitus.

Hoc Monasterium Capitulo Viridis Vallis unitum est anno 1401, & anno 1417. Capitulo Windefemensis, sub certis quibusdam restrictionibus; accedente consensu *Joannis Liedekercke* Episcopi Cameracensis. Denique anno 1442. claustri professionem fecerunt, quæ duravit usque ad Annum 1635. quando Capitulum generale hic & alibi cessavit.

Religiosi Coenobio per turbas Belgicas vastato, & deformato, in vicinâ arce de Beerîel per undeviginti propè annos se continuerunt, unde anno 1604. ad flebiles ruinas sui Monasterii redierunt illudque restaurare cœperunt, & egregiè admodum præstiterunt. Ecclesia hujus Monasterii quæ hodiè exstat, exstructa est sub *Jacobo Voetwaters* Priore XII, cujus consecrationis diem & annum denotant sequentes prisca illius ævi verius.

Hoc Domini templum fuit ad Genitricis honorem  
Christi sacratum, Mariæ Virginis almæ.  
Anno Milleno centeno bis geminato  
Ter numero deno duplicato, adjungito septem,  
Tum dena Augusti lux resplenderet & una.

Id est anno Christi 1467. die nimirum mensis Augusti undecimâ.

## PRIORES SEPTEM FONTIUM.

I. *ÆGIDIUS BREEDEYCK* electus anno 1388. inde anno 1416. Rector novelli Monasterii Sylvæ Ifacanæ, dein 1418. electus Prior ibidem. Obiit anno 1424.

II. *ALARDUS DE GILLIER*, Hanno. Obiit 1422.

III.



- III. HENRICUS A POMERIO Lovaniensis, professione Viridis Vallis. inde anno 1431. in Monasterio Viridis Vallis Prior.
- IV. JOANNES PISTORIS; Item ex Viridi Valle. Cessit anno 1432.
- V. JOANNES PINSALINCK, Flander. Cessit anno 1435.
- VI. JOANNES BRITONIS. ex Viride Valle. Obiit 1436.
- VII. GISEBERTUS WESSEL, Hollandus de Schoonhovia 1439.
- VIII. JACOBUS VOETWATERS, Flander. Cessit anno 1443.
- IX. BARTHOLOMÆUS PERGANS, Trajectinus Canonicus in Rubea Valle. Cessit 1448.
- X. JOANNES PINSALINCK, pro secunda Vice electus. Cessit 1454.
- XI. HENRICUS A POMERIO, pro secunda vice electus Prior. Iterum cessit 1455.
- XII. JOANNES LOOCKXBERGEN. Cessit 1458.
- XIII. JACOBUS VOETWATERS, reelectus Prior. Iterum cessit. 1467.
- XIV. THOMAS MONINCK, Bruxellensis Professione Viridis Vallis post triduum revocatus a Monasterio suæ professionis.
- XV. WILHELMUS A PIRO, ex Gallo-Brabantia, professione Viridis Vallis. Obiit 1474.
- XVI. PAULUS WERELE. Obiit eodem anno 1474.
- XVII. BALDUINUS PLOYS, Flander. Depositus anno 1481.
- XVIII. NICOLAUS ROBERTI. Obiit anno 1509.
- XIX. LAURENTIUS DE MORTERE, Vilvordiensis. Cessit anno 1513.
- XX. GASPAR DE MEET, Brugensis. Obiit 1523.
- XXI. HENRICUS DE COCK, Bruxellensis Confessarius Eminentissimi *D. Erardi a Marca* & Episc. Leod. Cessit 1525.
- XXII. JOANNES FRENTERS. Obiit 1555.
- XXIII. JOANNES HUARTUS, Hanno. 1557.
- XXIV. JOANNES ROELANTS, Leodius; simul Rector Viridis Vallis 1596.
- XXV. JUDOCUS BORCHGRAVE, Bruxellensis 1619.
- XXVI. JOANNES VERMEULEN, Mechliniensis 1636.
- XXVII. MARCUS MASTELINUS, S. T. L. & Professor, ex Viridi Valle, Præses Collegii Can. Reg. S. Augustini Lovanii 1651.
- XXVIII. HENRICUS DE BRUYNE, Bruxellensis 1662.
- XXIX. PHILIPPUS VANDE WAUWERE, Bruxellensis, ortus familiâ nobili 1666.
- XXX. ANTONIUS CUYERMANS Bruxellensis 1686.
- XXXI. THOMAS FRANCISCUS DE BRUYNE, Bruxellensis, antea Instructor Novitiorum & Supprior. Devixit anno 1691. die 27. Martii.
- XXXII. ÆGIDIUS RENTERS, antea juvenum Instructor & Supprior: at vix sex mensibus in ista dignitate supervixit. Mortuus 29. Octobris ætatis 49.
- XXXIII. PETRUS ADAM, Hanno-montensis, Canonicus Regularis Sylvæ-Isaacanæ; post septennium oneri pariter ac dignitati cessit; sed paucos post menses vitâ excessit anno 1698. die 16. Novembris.
- XXXIV. JOANNES FRANCISCUS USSELINX, Bruxellensis anno 1698. die 25. Julii omnium voce Prior denuntiatus; dein electus Commissarius Generalis Capituli Windesemensis anno 1721. hodie præest.

Porro Historiam Septifontanam stylo eleganti descripsit *J. B. Wiaert*



Canonicus Regularis Septifontanus, & publici juris fecit typis *Eugenii Hericri Fricx* anno 1688. ex quâ plura hæc nostra hausimus, & ulterius lectionem plura desiderantem ad eandem remittimus: Hujus vero Historiæ continuationem, scriptam ad hæc usque tempora ad nos nuper misit *C. de Culmbourg* Canonicus similiter Septifontanus ac S. T. ibidem Professor uti & litteras donationis *Joannæ Brab. Ducissæ &c.* expeditas 4. Novembris Anno 1388. quarum hic est tenor.

Ex Archi-  
vis Mona-  
sterii.

JEHANNE by der gracen Gods Hertoghinne van Luxembourg / van Lothryck / van Brabant / ende van Limbourg / Margravinne des Deplichs Rps. Doen cont in eweger gedincenisse allen lieden / dat wy in puerre aelmoessen / om die minne van Gode / en in verlichtenissen der Zielen alle onse hoorbaren Zeligier gedincenessen op dat sy / wy selve / en alle onse naecomelingen Hertogen in Brabant deplechtich werdden mogen des dienstis ons / diemen in tiden toecomende by den wille ons Heeren daer in begaen sal / gegeven hebben / en geven onsen geminden in Gode Heer Gielis van Bredepecke met zine gezellen / die hy daer nu heeft / of die daer in namaels comen zelen mogen erfspelt en ememeer die Cluze handen Zebenbornen mette stadt en plaetsen.

R U Y S B R O E C K antiquitus *Rüschebroeck & Ruselbroeck*. Pagus ad Sennam fluvium inter Hallas & Bruxellam, Præfecturæ Rodensis. Dominium olim longo temporis tractu gentilium de *Taye*, dein etiam gentis de *Witthem*, hodie spectans ad *Annam Vecquemans* viduam *N. d'Ive* Baronis d'Ostichem de Warelle.

Ecclesia Virgini Deiparæ *Mariæ* sacra est. Ejus Patronatus spectat ad Abbatem S. Sepulchri Ord. S. Bened. Cameraci. Olim fuit appendix Parochialis de Dorpe, uti supra dictum cum de eo pago egimus.

Decima partim spectat ad Abbatiam de Camera Monalium Ord. Cisterc. partim ad Parochum.

Huic loco natales suas debet *Joannes Ruysbrochius* Canon. Reg. Ord. S. *Augustini* in Viridi Valle, Sanctitate conspicuus, qui ibidem piè obiit anno 1381. de quo egimus, cum Viridem Vallem in pago Hoolaer in Decanatu Bruxellensi descripsimus.

T E R N A T H, Latinè *Natbun* Præfecturæ Rodensis. Populosus & magnæ extensionis pagus, continens sub se 800. ferè terræ bonaria, variis Prætoriis cum Dominiis annexis ornatus, quibus omnibus prælucebat *Cruyckenbourch* cum hujus loci Dominio. Illud primitus possessum fuit a Bygardienfium inclyta stirpe; inde per unicæ hæredis nuptias transiit ad *Tserclasios*, quorum successio cum in *Mariam* solam ex magno liberorum numero superstitem devenisset, marito *Joanni de Ghyn*, *Mariæ Hungariæ* Gubernatricis Thesaurario, tradita, traditum unâ Dominium; sed brevi per filix horum *Mariæ* matrimonium cum *Carolo de Fourneau*, ab eâ coemptum possideri familiâ, in quâ hæctenus permausit. Ita ferè *J. B. Gramaye* in Bruxellâ.

Superioribus temporibus Dominium Ter Nath variis oppignorum fuit a Rege Anno 1557. & reoppignorum anno 1616. 1630. & 1638. Donec in auctione publicâ cum Dominiis de Wambeke & Lombeké acquisivit hæreditariè possidendum anno 1643. a *Philippo IV.* Hisp. Rege *Philippus Franciscus de Fourneau*, Dominus Capellæ *S. Udalrici*, de Cruyckenbourgh &c. in cujus gratiam anno 1662. ab eodem Rege erectum est in Comi-

Erectum  
in Comi-  
tatum.



mitatum sub nomine de *Cruyckenbourgh* in qua stirpe haftenus perseverat, qui modo *Franciscus Philippus de Fourneau, Comes de Cruyckenbourgh &c.* Vita excessit anno 1724. mense Majo.

Ecclesia Patronam veneratur *S. Gertrudem* Virg. Ejus Patronatum gerit Capitulum Metropolitanum *D. Rumoldi*, jure incorporationis Personatus de Wambeke pro Canonicis Graduatis anno 1660. uti in pago de Wambeke infra dicemus.

Decimarum participes sunt Capitulum Nivellenſe, præfatum Capitulum *D. Rumoldi* & Parochus, quisque habens suum Decimarum districtum. Parocho insuper dantur in Supplementum portionis congruæ 150. floreni annuè, partim a Præfato Capitulo *D. Rumoldi*, partim a Nivellenſi.

Hæc Ecclesia Parochialis, quæ multum insignis est, fulgure de cælo tacta, ambusta est pridie *S. Bartholomæi* anno 1692. sed dein sensim restaurata.

TUBISE vernacule *Tubeke*, olim *Tobacio* & *Tubeca* in Diplomatis nominatur. Celeber admodum pagus est, uno milliari Hallis, tribus Nivella distans, partim in acclivi, partim in declivi loco situs, inferius quàm Sennam, Oistkerka illuc fluentem bibit. Pascuis abundat uberrimis, notabilibusque aliquot domibus, ac plateis silice stratis eminet, certatque fertile solum cum omnibus vicinis, gaudet jure terræ *Françæ* &c. Summum Dominium spectat ad Anghia Dominum, qui hodiè Dux Arembergia.

Ecclesia primaria ad pedem collis sita, miræ est antiquitatis. *S. Gertrudem* agnoscit tutelarem, sub Patronatu Illustris Capituli Nivellenſis.

Non dubito quin olim hic pagus spectarit ad Patrimonium *S. Gertrudis*, siquidem in antiquissimis Imperatorum Regumque Diplomatis ad Ecclesiam Nivellenſem attrinentibus, continuo *Tubeca* occurrit; in Diplomate *Caroli Calvi* anno 877. conscripto editoque ab *A. Miræo* in Donat. Belg. Lib. II. Cap. XIV. novæ edit. *Tobacem* reperimus; in Diplomate *Zuentboldi* in ipso Nivellenſi Monasterio conscripto anno 897. habetur *Tobacio*. Ibidem apud *Miræum* Cap. XV.

In Diplomate *Henrici Imp.* quo prædia Nivellenſis Ecclesiæ dividuntur anno 1095. editoque a prædicto auctore libro citato cap. XXIV. legitur *Tubeca* cum Ecclesia, & attribuitur Capitulo, quod hodieque inibi habet mediam & infimam jurisdictionem, Prætores, Scabinos, Grafiarium, aliosque justitiæ Ministros, & minorem decimam antiquitus, nec non etiam appendicis de *Hobruge*, acquisitum anno 1064.

Subest in sacris Ecclesiæ Tubecanæ *Clabbeck*, cujus jam olim erat appendix. Dominium quondam gentilium de *Coutereau*.

VLESENBECK primo lapide cum dimidio a Bruxellâ, Præfecturæ & Ditionis Gaesbecanæ. Dominium ejus nostrâ ætate tabulis emptionis acquisivit *Ludovicus Alexander Schockaert* Eques, Comes de *Tirimont* &c. in quâ familiâ perseverat.

Anno 1350. dismembratus est hic pagus in Spiritualibus & temporalibus a Dominio Leeuwæ *S. Petri*, cum quo ante ea tempora unitus erat.

Ecclesia Virgini *Mariæ* sacra est. Ejus Patronatum gerit Abbas S. Sepulchri Ord. S. Bened. Cameraci, cum potiori parte decimarum. In iis certam portionem habet Parochus, certum districtum decimarum habet Pastor Leeuwæ *S. Petri*, dictam *De Zyp Thiende*, item ibidem est decima, dicta *De Bosch Thiende*, quæ competit pro medietate præfato Pastori Leeuwæ *S. Petri*, & pro altera medietate præfato Abbati S. Sepulchri.



WAMBEKE veteri ævo *Wambacio*. *Wambace* & *Wambeca* in Diplomatribus legitur. Olim Dynastas habuit *Tserclafios*. Hodie Dominium Comitis de *Cruyckenbourgh* è gente de *Fourneau*.

Vetustus est hic locus, & venerandæ antiquitatis, ac verosimile est quod hic pagus olim spectarit ad Patrimonium *S. Gertrudis*, uti similiter diximus in pago de *Tubise*.

Ecclesia Patronum veneratur *S. Remigium* Episc. Patronatus ejus spectat ad Capitulum Metropolitanum *D. Rumoldi* jure Personatus, qui incorporatus est anno 1660. eidem Capitulo pro Canonicis Graduatis, uti jam sæpius diximus.

Hæc Parochialis olim Matrix fuit Ecclesiarum de *Ter Nath*, & *Lombecæ S. Catharinæ*, a quâ dein dismembratæ sunt.

Decimarum participes sunt Capitulum *Nivellense*, Metropolitanum *D. Rumoldi*, & Parochus.

Huic loco natales suas debet vir Eminentissimus ac celeberrimus *Franciscus Joannes Baro de Goes*, quem *Leopoldus I.* Imp. Consiliarium suum intimum creavit, & ad summi momenti negotia adhibuit. Anno 1675. designatus fuit Episcopus *Gurcensis* in *Carinthiâ*, & sequenti anno ad congressum *Neomagensem* in *Geldriâ* pro pace inter *Hispanos* & *Gallos* restituendâ Delegatus Cæsareus destinatus fuit. Anno 1686. ab *Innocentio XI.* Pont. Max. inter *S.R.E.* Cardinales adlectus fuit, ac tandem obiit *Romæ* negotiorum Imperii Protector die 19, Octobris Anno 1696. Benefecit moriens huic Ecclesiæ Parochiali, in quâ spiritum vitæ hauserat.

#### FINIS DECANATUS LEEUWENSIS S. PETRI.





# HISTORIA

## SACRA ET PROFANA

### ARCHIEPISCOPATUS

### MECHLINIENSIS.

---

#### DECANATUS ALOSTANUS.

**A**LOSTUM Caput hujus Decanatus. Vernaculè *Aelst*, Gal-  
lis *Alost*, situm ad Teneram fluvium. Primarium Flandriæ Im-  
perialis, quâ orientem spectat oppidum, (unde fortè nomen ha-  
bet) quasi *Al-Oost*, id est omnino orientale. Primum Burgus,  
exinde Castellum, seu vicus aliquis fuit, vel domorum conge-  
ries vallo fossaque munitâ castrorum instar, ut aliæ pleræque olim in Flan-  
driâ, imo ferè omnes Teutonum ac Germaniæ urbes. A Gothis conditum  
creditur circa annum 489. Civitas est perexigua, & pridem adhuc munita,  
muro lateritio, turribus undique interpolato cincta, portisque quinque pa-  
tens; at anno 1667. a Gallis intercepta pro parte, deinde ab Hispanis, ne  
Gallis receptaculum & munimentum umquam foret, portis & muris totali-  
ter nudata est.

Comitatus titulum ab antiquo habuit, Imperatoribus fidei Sacramento  
obligatum, atque hinc Flandriæ Comites se *Sacri Imperii Principes* scri-  
berè solent, ad quos anno 1174. Comitatus hic, mortuo *Theodorico, Iwani*  
filio devenit; quippe qui absque liberis discedens viam ad eundem Comita-  
tum aperuit *Theodorico Alsatio* Flandriæ Comiti, & sic Comitatus Alost-  
anus, qui antè proprios Comites habere solebat, tandem penes Flandriæ man-  
sit Comites. Priscos Alostanos Comites, qui & Domini Wasliæ fuerunt, re-  
peries in Chronico Belgico *A. Miræi* ad Annum 1038.

Ager Alostanus sive jurisdictio hujus Comitatus in CLXXII. pagos sese  
extendit, item in Gerardimontium oppidum. Complectitur has V. primarias  
& veteres Baronias, videlicet *Rodam*, quæ anno 1682. erecta est in Marchio-  
natum, *Schornacum*, *Boulariam*, *Gavriam* anno 1553. in Principatum  
erectam, & *Sottegemium*. Præter has continet hodiè Principatum de  
*Steenhuysse*, *Masminiensem*, *Comitatum de Op-Hasselt*, Marchionatum de  
*Lede*, Vice Comitatum de *Oomberghe*, *Baronatum Liedekercke*, *Rais-  
segem*, *Harderssem*, *Meere*, *Berlegem* & *Moorsele*, de quibus suo loco  
agemus.

Ad Alostum quod attinet (inquit *J. B. Gramaye*) omnis ejus antiquitas a  
re sacrâ merito petatur, eo quod *Rodolphus* Comes *Balduini Ferrei* filius &



Advocatus Cameracensis anno 870. tradatur Ecclesiam in honorem D. Virginis juxta Castrum *Alost*, ejusdem tituli apud Cameracenses Capitulo, donasse, cujus ipse ejusque hæredes permanere soli & legitimi Advocati, & hoc titulo Rex Catholicus tamquam Comes Alostanus, est Advocatus, seu Protector Ecclesiæ Cameracensis, quo titulo *Carolus V.* Imperator arcem ad muros Urbis Cameracensis, in monte ædificandam curavit adversus Gallos anno 1545.

Paulo ante tempora *Balduini Ferrei* tradunt *S. Ursinarum* Episcopum & Abbatem Lobensem Aldenburgi & alibi in Flandriâ Euangelii prædicandi causa, etiam huc delatum, & haud procul Alosto tugurium habuisse. Indeque postea surrexit in loco ponè oppidi muros Prioratus Lobensis titulo Cellæ *S. Ursinari* (ut veteri verbo utar); bellis porro frequentibus in hoc limite dejectum est, & prædia (teste Chronico Lobensi) *Iwano* Comiti Alostensi vili pretio venierunt. Is ædiculam seu Sacellum opere modico, ut peregrinorum accurrentium subveniretur pietati, restituit. *Margareta* porro Flandriæ Comitissa circa annum 1258. mansionem, ut vocant, *S. Ursinari* Fratribus Guilielmitis ad opus Coenobii, assignavit.

Sacellum hoc anno 1380. cum peregrinorum pietate dissipatum in oppido resurrexit, & ab eo tempore usque ad adventum *P. P. Soc. Jesu Guilielmitæ* juventutem litteris imbuerunt, nisi quod durante tumultu Belgico ad quinquaginta circiter annos functionem hanc intermiserant. Guilielmitis anno demum 1428. ex Suburbano translatis, assignatum eis fuit Xenodochium *D. Virginis ad Stellam*, pridem a *Theodorico* Comite structum, & Fratribus in communè viventibus commissum, qui tertiam Regulam *D. Francisci* amplexi, postmodum, ob nescio quid laxioris disciplinæ, locomoti sunt. Ex hoc Guilielmitarum Coenobio eductis quibusdam Monachis prodiit Monasterium ejusdem instituti in *Bevere* in Wasiâ anno 1459. fundante illud Toparchâ quodam Arscorano.

Quoad rem sacram, unica est in *Alosto* Collegiata & Curialis Ecclesia, *Deiparæ* Virgini & *D. Martino* Turonensi Episc. sacra, cujus titulum communiter gerit; opere structuræque insigni, & amplitudine ante incendium anni 1360. & vastationem Belgicam. Hujus Ecclesiæ Patronatus olim spectavit ad *Theaurarium* Capituli Metropolitani Cameracensis, quæ dignitas cum anno 1603. extincta est, & bona applicata fabricæ præfatæ Metropolitanæ. Jus Patronatus devolutum est ad Archiepiscopum hujus Diocesis, & præfatum Capitulum Cameracense alternis vicibus.

Abbatia Affligemiensis & Forestensis non immodicas sub Prætoriatibus Suburbanis percipit decimas, quæ extendunt se ad mille circiter bonaria. Porro Ecclesia Alostensis habet decimas harum decimarum.

Hoc Canoniorum Collegium primitus fundatum est in Ecclesiâ Parochiali *S. Gaugerici*, in pago vicino de *Haeltert*, primo lapide ab Alosto, anno 1046. ab *Ingelberto d'Oisy*, uti patet ex subjecto Diplomate.

Ex Archi-  
vis Capi-  
tuli Alo-  
stensis.

Quicumque res suas in locis Deo dicatis conferunt ad usus Deo famulantium, ad capescendam supernæ hæreditatis possessionem, hoc sibi non dubitent profuturum.

Quapropter notum sit omnibus hominibus tam futuris quàm præsentibus, quod Ego INGELBERTUS, ingenuis ortus Progenitoribus, cogitans de salute animæ meæ, Ecclesiam, *Haletrut* nuncupatam, in qua quidem Monachorum Ordo ab Antecessoribus meis fuerat constitutus, sed subripiante malorum infestatione propter loci penuriam est dispersus; ipsam inquam Ecclesiam cum terris ab Antecessoribus meis & à me inibi collatis, pro salute animæ meæ, & pro animabus Patris & Matris atque Uxoris meæ, nec non pro animabus Antecessorum meorum, & pro omnibus fidelibus Chri-



Christianis tam vivis quàm defunctis, tradidi ad Ecclesiam Cameracensem Sanctæ Dei Genitricis Mariæ.

Hoc videlicet Pacto inter me & Dominum Gerardum Episcopum constituto, ut ipse de prædictis rebus duodecim Canonicos ibi stabiliat, ex quibus unum constituat Præpositum. Dominus verò Episcopus de dono Præbendarum quando contigerit tertiam semper habeat, reliquas verò duas Canonicis dare permittat:

Ipse quoque Dominus Episcopus Altare ipsius loci quod sui juris est, ibi contulit, ab omni debito faciens illud immune, sub indicto anathematis, nisi quod duodecim denarios solvet pro respectu singulis annis.

Ego etiam Ingelbertus Advocationem ipsius loci in vita mea mihi retinui; ceterum nulli Successorum meorum eam habendam reliqui.

Ut autem hoc meæ parvitas donum firmum permaneat & inconvulsam, à Domino Gerardo Episcopo & à cuncta Synodo quam Cameraci congregaverat, sub interdicto anathematis est roboratum; præsentibus in ipsa Synodo Archidiaconis & Abbatibus, multisque ingenuis hominibus, quorum nomina subter signata notavimus:

S. Domini Gerardi Episcopi.

S. Mei ipsius Ingelberti, qui hoc Scriptum fieri jussi.

S. Johannis Abbatis Attrebatensis.

S. Hugonis Laubiensis.

S. Currelli Altimontensis.

S. Heribrandi de Cella Sancti Gislei.

S. Liberti Archidiaconi.

S. Adecelemi Archidiaconi.

S. Gerardi Archidiaconi.

S. Ivonis Archidiaconi.

S. Ingelberti Archidiaconi.

S. Robaldi Archidiaconi.

S. Aldonis Laici.

S. Walteri.

S. Johannis.

S. Oiwaldi.

S. Gilberti.

S. Renulfi.

S. Hostonis.

S. Inghelrami.

S. Stephani.

S. Onulphi.

Actum Cameraci anno Incarnationis millesimo quadragésimo sexto, Indictione decimâ quartâ, Regni Henrici Regis anno nono, Episcopatus Domini Gerardi trigésimo sexto.

1046.

Anno 1495. in Vigilia S. Thomæ Apost. hoc Capitulum propter bellorum injurias, translatum fuit cum suis insigniis (quæ exhibent Pellicanum aureum in scuto nigro) in oppidum Alostense per *Henricum de Berghes* Cameracensem Episcopum & *Philippum Austrium* Brabantiae Ducem, Comitem Flandriae &c. sequitur Diploma *Henrici* Episc. præfati.

In nomine Domini amen. Per hoc præsens publicum Instrumentum cunctis pateat evidenter & sit notum, quod anno à Nativitate Domini millesimo quadringentesimo nonagesimo quinto, indictione XIII, die verò Dominicâ vigesimâ mensis Decembris, Pontificatus Sanctissimi in Christo Patris & Domini nostri Alexandri Divinâ providentiâ Papæ Sexti, anno tertio, in mei Notarii publici & Testium infrascriptorum præsentia constitutus Reverendus in Christo Pater Dominus D. HENRICUS Dei & Apostolicæ Sedis gratiâ Episcopus Cameracensis, adstantibus sibi nobilibus & generosis Viris Dominis Petro de Lannoy Domino temporali de Tresnoy Ballivo Oppidi & Territorii Alostenfis, Cameracensis Diocesis, & Christophoro de Baronne Magistro Hospitalii Illustrissimi Domini nostri Philippi Archiducis Austriae, Burgundiae & Brabantiae Ducis Comitibus Flandriae &c. ejusdem Domini Archiducis Consiliariis Cameraariis seu Chambellanis, vocatisque ad se propter infrascripta Legislatoribus & Consu-

Ex Archi-  
vis MS.  
Capituli  
Alosti.

1495.



libus dicti Oppidi Alostenfis, idem Reverendissimus ibidem publicè dixit, exposuit, &c....

\* *Hæc sunt  
intelligenda  
de Philippo  
Archiduce.*

Considerans Capitulum seu Collegium Ecclesiæ Collegiatae & Parochialis S. Gaugerici Haeltherensis Diœcesis, quod per suos Progenitores \* ibidem erectum, fundatum & dotatum existit, in rure & loco minus tuto situari; adeoque Canonici ejusdem Ecclesiæ ibidem residentiam facientes, tempore guerrarum, quæ superioribus etiam proximis annis in patriis istis (proh dolor) vigerunt, tam pro suorum corporum quam bonorum suorum tuitione protectione ac custodia, ad Oppidum Alostense prædictum, locum quidem firmum, tutum ac munitum, fugam capere, & se transferre coacti fuere, prout verisimiliter cogentur, si similes guerras in eisdem partibus in posterum insurgere contigerit; cupiensque propterea ac etiam certis aliis ex causis ipsum ad hoc justè & pie moventibus, securitati & commoditati Canonorum & aliorum suppositorum dictæ Ecclesiæ providere & consulere, ut hic ipsi deinceps convenientius & quietius Altissimo famulari & Divina Officia, ad quæ obligantur, persolvere, absentes quoque Canonici ad personalem residentiam allici possent & valerent ipsum Reverendissimum in Christo Patrem Dominum Episcopum Cameracensem pluries rogari scivit & admonitum fecit, ut jam dictum Collegium Haltro cum suis insigniis, ex causis præactis, ac ut per illos dictum Oppidum Alostense etiam aliquantulum decoraretur, ad Ecclesiam Sancti Martini Parochialem dicti Oppidi Alostenfis suâ Ordinariâ & Pontificali Autoritate transferret.

Cujus siquidem Domini Archiducis requisitioni & desiderio ipse Dominus Episcopus Cameracensis, ut asseruit, satis facere volens, ad præactam translationem ritè & debitè faciendam, jure tamen cujuslibet in eadem translatione quodlibet interesse habentis, ac suo proprio in omnibus semper salvo, ad præactum Oppidum (ut subjunxit) declinaverit; Legislatores verò præfati ibidem præsentés, præmissis auditis præfato Domino Cameracensi cum debita reverentia gratias habentes, se ad singula concorditer agenda & tractanda quantum in eis esset & ad eos etiam spectaret, paratos obtulerent.

Acta fuerunt hæc in Domo seu Hospitio Reverendissimi Domini Cameracensis, tunc sito juxta Cœmeterium dictæ Ecclesiæ Parochialis Alostenfis, horâ quasi octavâ antè meridiem anni & diei præscripti.

Capitulum constat XII. Canonorum præbendis. Dignitates sunt Præpositus & Decanus.

Præbendas confert Pontifex per menses VIII., Capitulum vero per quadrimestre, excepto quod tertia juxta ipsam foundationem spectet ad collationem Episcopi quondam Cameracensis, nunc vero Archiepiscopi Mechliniensis, excepto quoque jure nominationum Universitatis, & Facultatis Artium Lovaniensis, item exceptâ collatione unius præbendæ laicalis, fundatæ 19. Junii 1498. a *Zegero de Hingene* Pastore Alostenfi & Thesaurario Antonienfi, qui fuit Pastor ab anno 1490. & obiit circa annum 1504. Bona dictæ præbendæ amortisata fuere 14. Aprilis 1516.

In hoc Capitulo in vim foundationis fuit dignitas Præpositi, de quo in actis Capituli habetur, quod ob exiguum proventum olim nullus voluerit residere, quodque capropter constitutus fuerit Decanus cum duplici præbendâ Decanatu annexa.

Pastor Haelterensis subinde fuit Canonicus hujus Capituli; sed ab anno 1610. Curæ de Haeltert unita & incorporata sunt bona unius præbendæ pro sua portione congruâ.

Decanatus sive Vice-Decanatus perseveravit usque ad annum 1673. quo iterum resuscitata fuit Præpositura, eique incorporati fuere omnes proventus Decanatus, tumque Pastoratus Ecclesiæ S. Martini Alostenfis unitus & incorporatus fuit Decanatu hujus Capituli, cum unione unius Præbendæ Canonialis. Præpositura confertur a Comite Flandriæ.

Anno 1674. omnes Præbendæ primitivæ foundationis hujus Capituli, anc-



toritate & decreto *Alphonfi de Berghes* Archiep. Mechl. Quoad proventus redacti fuere ad æqualitatem, quod & confirmatum tandem fuit anno 1714. decreto Regio, & plenum effectum sortitum sub *Thoma Philippo de Alsatia de Bouffu* Archiep. Mechl. circa annum 1718.

Damus hic Seriem Præpositorum & Decanorum, prout ex Archivis Capituli ad nos transmissum est.

## PRÆPOSITI ET DECANI S. MARTINI ALOSTENSIS.

- I. ÆGIDIUS Præpositus anno 1185. citatur in vetusto instrumento Capituli Haelterensis, in quo *Rogerus* Episc. Camerac. Collationem unius Præbendæ, vulgo hebdomadariæ Capitulo in perpetuum concessit.
- II. JOANNES Decanus anno 1243. de quo sic legitur in Actis. *Joannes* totumque Capitulum *S. Gaugerici* quod cum eo est, secundum Ecclesiæ nostræ consuetudines observatas a tempore pro nulla exstat memoria hominum, antequam in dictâ Ecclesia Decanus instituëretur &c.
- III. NICOLAUS Decanus anno 1258.
- IV. DANIEL PYNBROECK Decanus.
- V. JACOBUS RIBECKIUS.
- VI. JUDOCUS LIEVENS. Vicedecanus.
- VII. LAURENTIUS MUSCHESLIUS Alostanus, relicto Decanatu Haelterensi Cartusianam domum Capellæ *B. Mariæ* propè Angianum oppidum ingressus est, cui dein Prior Sanctissimè præfuit; fuit etiam spiritalis director *Margaretæ* Eboracensis, uxoris *Caroli* Ducis Burgundiæ &c. Obiit in odore Sanctitatis anno 1477. habetur ejus memoria inter Beatos Ordinis ad diem 3. Decembris. Vixit in Ordine annos plus minus XL. quem tantâ devotione ac vitæ Sanctimonia præditum fuisse referunt, ut divinis fuerit revelationibus dotatus.
- VIII. STEPHANUS BRAUWER. J. U. D. ac Professor in Academiâ Lovaniensi fuit Decanus circa annum 1490.
- IX. JOANNES WITTEVELDE, alias *Cleerbaut*, Vicedecanus anno 1498.
- X. JOANNES VANDER SMESSEN Vicedecanus anno 1566.
- XI. PETRUS VANDEN REGERE Vicedecanus anno 1570. Obiit 1574.
- XII. PETRUS VAN DAELE, Antverpiensis, J. U. D. Toparcha de Bal-lacr, Ghestele, Putte, Beersele, Cathedralis Ecclesiæ Antverpiensis Canonicus, & Alostanæ *S. Martini* Decanus. Obiit Anno 1582. ætatis 78. fundato prius Lovanii Collegio magnifico, ab ejus nomine vocato *Dalense*, inter cujus Burfarios locum quoque habere voluit Choraulos Alostanos.
- XIII. PETRUS WALTERUS Decanus ab anno 1574. vi permutationis cum *Petro van Daele* Decano. Obiit 5. Julii 1604.
- XIV. THEODORUS SAMMELIUS, Archiepresbyter Alostensis, & Decanus Capituli ab anno 1604. Obiit 1608.
- XV. JACOBUS BEECKMAN, Alostensis, S. T. L. & Decanus Capituli ab anno 1608. Obiit 30. Novembris anno 1630.
- XVI. JOANNES FRANCISCUS VANDEN DRIESCHE, J. U. L. Decanus



nus usque ad Annum 1658. quo electus Canonicus Graduatús Metropolitanæ Mechliniensis, ibique etiam dein Archipresbyter & Archidiaconus. Obiit ibidem anno 1684.

Die 23. Junii 1658. ob discessum R. D. Decani vanden Drielsche electus est a Capitulo in Vicedecanum *Ægidius Schoonenbergh*.

XVII. JOANNES FERNANDES GARRIDO, possessionem Decanatus adiit die 26. Martii 1659. qui ex Decano primus fuit institutus Præpositus anno 1673. Vivere desit. Anno 1687.

XVIII. ANTONIUS PAPENBROECK, Bruxellensis ex Decano & Pastore Alostenſi secundus Præpositus est a Rege nominatus anno 1687. Obiit die 6. Junii 1694.

XIX. IGNATIUS SOPHIE, Bruxellensis, S. T. & J. U. L. ex Canonico Anderlechtensi, & Præposito Casletensi nominatus Præpositus anno 1694. Obiit 1696.

XX. LUDOVICUS OOST, Anghienſis, antea Preſter. Congreg. Oratorii Jeſu, possessionem accepit Ao. 1697. quartus Præpositus. Vitâ functus menſe Decembri Anno 1724.

XXI. CORNELIUS NUYTS, Hoogſtratanus, ex Pastore ejusdem loci; Pastor & II. Decanus a reſuſcitata Præpoſitura possessionem adiit die 22. Decembris 1687. Obiit plenus dierum ſenex die 14. Julii anno 1723. in cujus locum & dignitatem ſucceſſit menſe Novembri ejusdem anni,

XXII. MATHÆUS BERTOMVILLE.

Hujus Collegiatæ ſingularis benefactor fuit *Cornelius Cabeliau*, *Judoci* ſub Haelteræ pago infra memorandi filius, de qua *Gramaye* in ſuo Aloſto teſtatur, & de verbo ad verbum a *Sandero* repetitur in ſua Flandriâ Illuſtrata tom. II. pag. 501. „ Quod Nobilis ille vir quindecies Conſul hujus Reip. „ prolapſam ſuperiorum temporum injuriâ, longo rerum uſu, & ſcientiâ in- „ ſtructus magnâ ex parte reſtituerit, ſuoque conſilio & prudentiâ reſerxit, „ & adminiſtraverit, cujus memoriæ non parum Reſpublica debeat.” Sepultus eſt in Choro ad gradus Summi Altaris, ubi legitur hoc Epitaphium.

#### D. O. M.

Sepulchrum Nobilis ac generoſi Domini *D. Cornelii Cabeliau*, Hammæ, Toparchæ &c. qui Conſulatus Aloſtenſis munere longâ annorum ſeriè digniſſimè functus, tandem & ipſe Conſul ſeptuagenarius obiit 30. Auguſti Ao. 1606. Tu ei Viator bene adprecare.

A latere ejusdem Sepulchri juxta tabernaculum cernitur figura ovata cum hac inſcriptione.

Ecce hic in pulvere dormit Generoſus Dominus *Cornelius Cabeliau*, Hammæ Dominus, qui legavit ter mille ducentos florenos in miſſas, eleemoſynas ac alios pios uſus, hebdommadatim æqualiter diſtribuendos. Obiit 30. Auguſti Ao. 1606.

In hac Eccleſiâ Collegiatâ videre eſt duas inſignes depictas tabulas, una Chri-



Christum Crucifixum representat eleganti penicillo *Francisci Flori*, quæ nuper pro dolor, detrusa in quadam Capellâ anguli Ecclesiæ est, altera quæ *S. Rochum* representat a *Philippo Paulo Rubenio* pictorum facile principe, eâ elegantia ut vix similem alibi in Belgio videas.

Viget in hac Ecclesiâ cultus specialis Virginis Deiparæ, cujus Rosarium magno concursu primis Dominicis cujusque mensis celebratur, & annuè primâ Octobris Dominicâ solemnis ejus agitur supplicatio.

Sodalitia item sunt *S. Barbara* & *S. Catharina* Virg. & Mart. quarum Divarum festa magnâ celebritate ibidem celebrantur.

Ecclesia hæc Parochialis protendit se latè extra hujus civitatis septa, in quo sita Abbatia Virginalis de *Roseis*, vulgo *Ten Roosen*, Ord. Cisterc. fundata anno 1228. de qua nihil ulterius acquirere aut indagare potui. Item in *Schaerebeke*, olim etiam in *Nieuwerkerke*, sed illic suus proprius jam pridem datus est Parochus uti suo loco dicitur.

In vico præfato de Meylebeke ad litem Brabantinum secus viam novam lapideam, quæ Alosto Bruxellas tendit, visitur insigne Castellum de *Overhamme* cum Dominio; cujus schema exhibet *A Sanderus* in Auctuario Flandriæ Illustratæ tom. II. pag. 37. Anno 1658. erectum est Dominium de Meere cum Overhamme in Baronatum in gratiam *Jacobi du Bosch*, Domini horum locorum &c. Porro Dominium de *Overhamme* a tribus ferè sæculis possessum fuit a Gentilibus *Du Bosch* e Grondsfeldicis olim citra-Mosanis oriundis. Devenit nuper hic Baronatus cum aliis pagis vicinis in familiam de *Blondel*, per nuptias *Joannis-Baptistæ-Bernardi Blondel* cum *Maria-Josephina-Gabriele-Anna du Bosch de Gronsfelt* horum locorum Baronissa, hic vitâ excessit Anno 1724. unicam relinquens filiam hæredem.

Alosto item subcensetur Dominium de *Poppenrode*, quod tenetur a Curia feudali Alostana, cujus Domini possessor legitur *Baldwinus* Castellanus Alostenfis ad 1290. Toparchia vero hæc cum Alostenfi Castellania per nuptias filia ejusdem stirpe Poppenrodia, devenit ad *Joannem Tollin* Equitem, & ad successores ejus; dein Dynastam de Poppenrode, lego *Ludovicum Cayro* circa medium sæculi præcedentis. Hodie illud Dominium possidet *D. Clara Theresia Stalins* vidua *Alberti de Coxie* Baronis de Moorlele &c. Sanctioris Senatus Præsidis via Successionis per mortem *Jacobi Stalins* Magni Senatus Mechliniæ Præsidis, ejus fratris sine liberis defuncti Ao. 1714. Sita est hæc Dynastia in vicinia oppidi Alostani ad Teneram fluvium.

## COENOBIA VIRORUM ET VIRGINUM.

Virilis sexus in hoc oppido Cœnobia sunt sequentiâ.

CARMELITARUM primitus fundatum in *Liedekerke*, in loco qui dicitur *Ter Muylen*, prout infra suo loco dicitur, translatum intra septa hujus oppidi, probante & consentiente *Philippo Austriæ*, Duce Brabantia, Comite Flandriæ &c. & *Henrico de Berghes* Cameracensi Episcopo, quod supra limen portæ hujus Cœnobii pridem legi solebat (teste *J. B. Gramayo*) his verbis.

Hic Conventus translatus est ex Muylem in Alostum auctoritate Philippi Austriæ, Ducis Brabantia, Comitis Flandriæ Anno 1497. Januarii 23.



Sed novâ deinde exstructâ portâ anno 1664. hæc verba amota sunt, ea-  
que non amplius illic leguntur aut videntur.

Litteras *Henrici de Bergbes* Episc. Camerac. excepimus ex chartulario  
hujus Coenobii ut sequuntur.

HENRICUS DE BERGHES Dei & Apostolicæ sedis gratia Cameracensis Episcopus, Universis & singulis præsentis litteras inspecturis pariter & auditoris Salutem in Domino; Quia pium est & rationi consentaneum veritati testimonium perhibere, testificamur per præsentis, quod nos auctoritate summi Pontificis nobis concessâ per quamdam Sixtinam, quæ mare magnum Privilegiorum Fratrum Ordinis Carmelitarum dicitur, exhibitam atque productam, transtulimus Conventum Mulensem Fratrum dicti Ordinis ad oppidum Aloftense nostræ Diocesis, cum omnibus bonis tam mobilibus quam immobilibus ad Conventum prædictum pertinentibus, ac gratiis & privilegiis & exemptionibus; quibus deinceps uti & gaudere poterunt, sicuti hucusque in proximo Conventu ipsorum usi & gavisi sunt: insuper volumus atque mandamus, ut omnes curati nostræ Diocesis, qui ab olim Fratres Muleses soliti fuerunt admittere, eosdem Fratres nunc Alofti residentes ad prædicationem verbi Dei, & confessiones Christi fidelium audiendas, admittant. Præterea ut cuncti ad benefaciendum Fratribus ejusdem per amplius animentur, omnibus qui pro Ecclesiæ eorum & Conventus complemento manus porrexerunt adjutrices vere contritis & confessis quadraginta dies indulgentiarum concedimus: jure cujuslibet in præmissis semper salvo; in cujus rei fidem præsentis litteras fieri, & per Secretarium nostrum subscribi, Sigillique Cameræ nostræ jussimus appensione communiri. Datum Brugis Tornacensis Diocesis die vigesima mensis Martii anno 1497. more Gallicano, & Subsignatum erat per Dominum Episcopum Phls. Hanewert.

In ambitu hujus Coenobii Sepulturam adepti sunt *P. Livinus Canisius* & *P. Petrus Wastelius*, ambo S. T. D. &c. cum hisce inscriptionibus Sepulchralibus.

Hac humo & Saxo corpore tenus quiescit AD. R. PR. P. LIVINUS CANISIUS S. T. D. qui in hac vitâ multiphariis functus Ordinis Officiis, Commissariatus, Sc. Generalis, Provincialatus, ac diversis in locis Prioratus, tandem etiam Carmelo huic præfectus; de eo Vir ipse pius & strenuus, intusque forisque domi & ad Dominam nostram de Mula magnopere meritis, ab hoc seculo migravit tertio secundi sui Prioratus anno mense Decembri festo die SS. Innocentium anno Domini M. DC. L. animæ ejus bene præcare lector.

Ad vivos e vivis abiit R. Adm. P: PETRUS WASTELIUS S. T. D. Professionis suæ Jubilarius, Alofti, Gandavi, Antverpiæ bene meritis Prior, Belgii iteratus Definitor, & Provincialis ibidem, & in Hiberniâ Generalis Commissarius, Joannis Jerosolymitani contra Card. Baronium vindex & propugnator irrefragabilis, dum Deo, ejusque Matri piè Ordini, & proximo justè, sibi castè, & temperanter vixisset annis LXXV. plus de Religione meritis, quam ipsa exolvendo sit, lugens interim mærensque hoc posito Sarcophago exolvens quod potest piis manibus apprecatur tertia Maii anno 1658.



In medio templi Choro hujus Coenobii humi est Monumentum cærulei lapidis *Adriani Du Bosch* defuncti anno 1543. benefactoris hujus Conventus, & in vitriis visuntur ejus quarteria *Lannoy, Liekercke, Lun & Schoutete*; porro ipsum Monumentum ornatum erat laminis æreis, sed in turbis Belgicis ablatae & destructae sunt; ita ut nullae figuræ vel inscriptio in eo superfit.

GUILIELMITARUM COENOBIUM, de quo jam antepriedem egimus, anno 1428. ex Suburbio translatum, assignato eis Xenodochio D. Virginis ad stellam.

FRATRES CAPUCINI primo ingressi sunt Alostum anno 1614. die 3. Maii, impetratis litteris commendatitiis a Serenissimis Belgarum Principibus *Alberto & Isabellâ*, ad Magistratum Alostensem directis, ab eodem Magistratu, & præcipuis incolis 21. ejusdem mensis Maii recepti & admissi sunt, hanc admissionem suo auxilio & industriâ, superatis omnibus difficultatibus & oppositionibus, maximè procuravit Nobilis D. *Joannes de la Quadra*, Ordini Seraphico Capucinorum summo opere addictus, qui primitus propriam suam eis concessit domum, in quam publicè die 12. Junii ejusdem anni Fratres deduxerunt, D. *Jacobus Beeckman* Decanus & Pastor Ecclesiæ S. *Martini* & D. *Justus van Heurne*. Hanc domum Fratres inhabitaverunt paucò tempore & inde migrarunt in domum cujusdam civis *Joannis Coecke*, sitam in loco ubi exstructus est dein Fratrum Conventus, quam domum cum duobus hortis adjacentibus eis pretio comparavit die 25. Martii anno 1616. Magistratus Alostensis, cum consensu totius territorii Alostani moderatorum. Exstruxit dein prædictus Magistratus cum territorii Alostani expensis publicis totum Fratrum Monasterium. Anno 1615. die 3. Maii solemniter more Ordinis in eo loco Crux Christi erecta est, & anno sequenti die 8. Martii peracto solemnì officio Clerus populo processionaliter ex Ecclesiâ Collegiatâ S. *Martini* ad locum præparatum pergens, lapidem fundamentalem posuit *Matthias Hovius* Archiep. Mechl. ex parte fundatorum Nob. D. *Philippus du Bosch*, Dominus de Maesdam, Consul Urbis Alostanæ, secundum posuit *Franciscus de Ideghem* Dominus de *Ideghem*, Consul Oppidi Gerardi-montensis, dein magni Ballivi territorii Alostani quisque ordine suo tamquam Monasterii fundatores.

Anno 1623. die 3. Maii consecrata fuit Fratrum Ecclesia a *Jacobo Boonen* Archiep. Mechl. unâ cum majori altari in honorem D. O. M. & B. *Mariæ Magdalene*.

Supra portam hujus Conventus hæc visitur inscriptio.

D. D. Administratores, Comitatus Alostani monitu Principum R. R. Patribus Capucinis Monasterium hoc exstruxerunt in honorem Dei omnipotentis & S. Francisci, Absolutum Ao. S. 1624.

PATRES SOCIETATIS JESU ad annum Christi 1619. in hoc oppido vocati fuere, invitante eos Capitulo & Senatu. Hi Patres ibidem litteris humanioribus juventutem informant, ac in Ecclesiâ Collegiatâ & pagis Comitatus Alostani variis functionibus sacris constanter intendunt.

Alterius sexus Coenobia sunt.



BEGINARUM CURIA circa annum inchoata est, attribuyente quodam *Waltero de Ghier & Gertrude* conjugē suā terram *Boudemarschhof* appellatam. Ubi ædem sacrari permisit anno 1266. *Margareta* Comes, sive probavit factum biennio ante a Senatu.

ANNUNTIATÆ VIRGINES. pridem fuere Sorores griseæ & tertiæ Regulæ *S. Francisci*, fundatæ a *Theoaurico Theerpenninck*. Anno 1477. Hæ Virgines annō 1641. arctioris vitæ desiderio ductæ, institutum Annuntiarum suscipiunt, accitis Lovanio dicti Ordinis Monialibus, quæ nascentem Alofti familiam excolerent, quindecim ex iis griseis Sororibus dicti instituti habitum induunt, atque anno probationis exacto professionem faciunt; quo in proposito modo Sanctè persistunt, agente maxime & rem primitus promovente *F. Josepho de Bergaigne* Ord. *S. Francisci*, Episcopo Sylvæducensi. Subiunt hæ Moniales regimini Guardiani Bruxellensis.

THERESIANÆ VIRGINES sub titulo *S. Annæ*, *S. Joseph* & *S. Theresiæ* hūc Sylvæducis profugæ, admittæ sunt anno 1632. subiunt Ordinario. Nostra ætate exstructa nova earum Ecclesia formâ orbiculari; quæ solemniter benedicta est per *R. D. Odonem de Craekere* Præpositum Affligemensem, ex commissione Illustriss. ac Eminentiss. D. Archiepiscopi Mechl. S. R. E. Card. anno 1722. die 15. Octobris, anno scilicet seculari quo *S. Theresia* inter Sanctos relata est.

Denique est *Nosocomium*, sed quo anno fundatum sit hætenus nemo indagare potuit. Habet privilegium dono civitatis, ut nullum ibidem granum vendi possit ruri advectum, quin inde certam mensuram (quam *Coclear* vocant) acceperint. Virgines hujus Nosocomii ægris ibidem subserviunt, quæ cum solutius viverent, in ordinem redactæ sunt, & reformatio in eo introducta per *Alphonsum de Bergbes* Archiep. Mechl. die 27. Julii 1687. evocatis tribus Religiosis ex Nosocomio *S. Joannis* Bruxellis, quæ eas formerent & normam darent. Præfecta constituta *Catharina Walravens*.

SORORES NIGRÆ anno 1474. a Senatu fundatæ, conferente fundum *Joanne Proost & Alexandrina Steelant* conjugibus, adjecto onere curandi ægros tam intra quam extra Coenobii septa.

TER ALPHENE, sive *Ter Elst*, pagus Comitatus Aloftani ad limitem Brabantinum, uno milliari cum dimidio ab Alofto.

Hoc Dominium devenit nuper jure nuptiali ex familiâ *du Bosch* ad *Joannem-Baptistam-Bernardum Blondel*, cum pago de Erembodeghem, constituentes unum tribunal. Item cum Baronatu de Meere & Overhamme. Hic pagus est ex illis XXII. quos proprium Comitis vocant, vulgo *'s Graven-Propre*.

Obiit anno  
1724.

Ecclesia inscripta est *S. Joanni Evangelistæ*. Patronatus ejus spectat ad Abbatem Affligemensem, quo jure utitur Archiepiscopus hujus Diocesis.

Univerſa pagi decima est Parochi, cui anno 1626. Abbatia præfata Affligemensis suas quas illic possidebat decimas in perpetuum contulit. Hic pagus est lupuli ferax optimi. In eo ortum habuit *Joannes de Alphenis* XX. Abbas Affligemensis qui obiit Anno 1429. cujus memoria annuè in obituario hujus Parochialis recolitur.



APPELS pagus ditionis Teneramundanæ ad Scaldim fluvium, a quo oppido distat medio milliari. Id nomen sortitus est (ut vult *Lindanus* in suâ Teneræmundâ) a *S. Apollonia*, quæ nostra linguâ (ut & *Apollonius*) *Appels* dicitur, nam & in eâ hæc diva ut tutelaris Ecclesiæ veneratur, ad cuius memoriam celeberrimo hic quotannis & toto anni tempore fit peregrinatio, quia cum primis creditur averrucare dolores dentium.

Anno 1232. *Margareta de Teneremunde*, *Roberti Betuniæ & Teneræmundæ* Domini Matertera, cum cælebs esset, legavit Abbatiæ *Swivecanæ* Ord. Cisterc. omnia sua mobilia, & omnia quæ propriis denariis comparavit (verba sunt diplomatis) in Parochiâ de Appels tam in Decimis quam in terris &c. & inter cætera Dominium hujus pagi, cum omni jurisdictione Civili & Criminali in totum pagum, excepta hæreditate Domini Teneræmundani, & in servis ejus: Quæ donatio, ut rata foret, curavit eam confirmari; Qua de re hoc exstat Diploma.

*Ferdinandus* Flandriæ & Hannoniæ Comes, & uxor ejus Flandriæ & Hannoniæ Comitissâ, omnibus præsentibus litteras inspecturis salutem; Noverint universi, quod *Margareta* Domicella de Teneræmunde in presentiâ nostrâ, & hominum nostrorum constitutâ, totum feodum quod de nobis tenebat, in manus nostras spontaneè reportavit, & absolutè: & coram nobis & hominibus nostris verpivit, & effestucavit. Nos vero divinæ pietatis intuitu, ad preces ipsius Domicellæ dictum feodum contulimus, in perpetuam elemosynam Abbatiæ de Teneramunde Cisterciensis Ordinis apud Sweveke, perpetuo tenendum, eo modo penitus, quo ipsa Domicella prædictum feodum tenebat: ab omni servitio ipsum feodum pro nobis & Successoribus nostris quitantes. In cujus rei testimonium præsentem paginam sigillis nostris fecimus roborari. Actum anno Domini millesimo, ducentesimo, tricesimo, mense Novembri. 1230.

Id probavit *Robertus* ex Sorore nepos Teneræmundæ Dominus, & seorsum, & cum avunculo *Guilielmo de Grimbergis* ejusque filio *Guilielmo*. Altam tamen Justitiam quoad raptum, meurtrum, incendium & suspensionem, & latronum vim ad se postmodum traxit, mutatione quinque bonariorum terræ jacentis in Parochiâ de Appels, in loco qui dicitur *Woestyne*, quam ad posteros Teneræmundæ Dominos in hoc ævum transmisit, omnes vero alias justitias Religiosæ sibi perpetuo retinuerunt. Ea de re hoc exstat Diploma.

Universis præsentibus litteras inspecturis, *Robertus* Atrebatensis Advocatus, Betuniæ & Teneræmundæ Dominus, Salutem in Domino. Universitati vestræ notum facimus, quod cum religiosæ mulieres, in Christo nobis charissimæ, Abbatisa & Conventus de Swiveke prope Teneræmundam, Cisterciensis Ordinis, in Villa de Appels, exceptâ hæreditate nostrâ & in servis nostris quos ibidem habemus, omnem justiciam tam altam quam bassam habent: nos ad petitionem ipsarum, in dictâ Villâ, & in viis ipsius Villæ, quinque altas justicias videlicet raptum, meurtrum, incendium, Suspensionem, latronum vim, per commutationem quinque bonariorum terræ, jacentis in Parochia de Appels, in loco qui dicitur *Woestyne*, quam propter hoc ipsis contulimus, acquisivimus ab eisdem tenendas in perpetuum, & liberè possidendas. Omnes vero alias justicias, præter quinque dictas, religiosè sibi perpetuò retinuerunt, in villâ superius nominatâ, exceptis hæreditate, & servis nostris. In cujus rei testimonium, fecimus præsentibus litteras sigilli nostri appensione roborari. Actum anno Domini CIO. CC. XLVIII. mense Junio. 1248.

Hic pagus gaudet immunitate a vectigalibus, teloniis, impositionibus, aliisque hujusmodi oneribus.



Decimarum participes sunt præfata Abbatia *Swivecana*, Parochus & Cantor Ecclesiæ Collegiatæ Teneræmundanæ.

In hac Parochiali est Personatus, cui Patronatus hujus Ecclesiæ & collatio duarum Capellaniarum & Matriculariæ fuit annexus.

Anno 1606. *Matthias Hovius* Archiep. Mechl. univit hunc Personatum Pastoratui, sibi suisque Successoribus reservans Patronatum Pastoratus, & penes Pastorem manente duarum prædictarum Capellaniarum & Matriculariæ collatione.

ASCA celebrè Brabantiæ Municipium & Nobile Dominium, hujus nominis Præfecturæ caput. Complectitur pagos VII. situm viâ circiter mediâ Bruxellis Aloftum. Hunc locum a Romanis inhabitatum fuisse, testantur numismata, quæ in campo vicino non raro inveniuntur, & nuper anno 1717. inventa sunt, uti & vallum Romanum in viciniâ, item via militaris vulgo *Kassèye*, quæ inde Bavacum ducebat. Nuper anno 1704. constructa est nova via lapidea Bruxellis per Aloftum Gandavum tendens, quæ Ascam pertransit.

Hic locus veteri eique clarissimæ *Ascanorum* familiæ diu nomen dedit, e quâ *Henricus* & *Godefridus* fratres in memorabili Asiaticâ expeditione sacrâ Anno 1096. rebus fortissimè gestis innotuere, ut *Guilielmus Tyrius* auctor est in Historiâ belli sacri.

Seriem Ascæ Dominorum exhibet *J. B. De Valdere* in suo tractatu Gallico, Brux. 1672. edito; cui titulus *Traité de l'Origine des Ducs, & Duché de Brabant*. pag. 222. item *C. Butkens* in Troph. Brabant. tom. II. pag. 154. & seqq. edit. 1724.

Porro in Ephemeribus Camerae Rationum Brabantiæ conscriptis de Dominiis pignoris, repignoris ac venditis, legitur Ascæ Præfecturam cum suis pagis annexis fiduciario jure translatum ultima Junii 1626. ad familiam de *Contrean*, pretiique caput fuisse quadraginta novem millia florenorum: quibus adhuc octodecim millia acceperunt 25. Februarii 1649. pro pretio absolutæ venditionis: nihilominus *Contreani* diu ante & ab initio seculi XVI. in hoc tractu dominati sunt, prout Epitaphia infra recensenda demonstrant.

Antiqua est *Contreanorum* familia, & a temporibus *Philippi Boni* in historiis memorata, dum in pugna ad montem Heritium objectu sui corporis *Robertus Contrean* Joannis filius *Carolus* Principem defendit & hostium manibus eripuit, quemadmodum post scriptores coætaneos *Oliverium de la Marche* Lib. I. cap. 35. & *Philippum de Comines* Lib. I. cap. 4. refert *Meyerus* Lib. X. Annal. Fland. ad annum 1465. Item *D. Lindanus* in suâ Teneræmundâ Lib. III. Cap. III. N. 25.

Hoc Municipium pristinis bellorum motibus, & tam nostrâ quam patrum memoriâ multum attritum est, & sæpius ab hostibus igne injecto deformatum, & novissimè anno 1684. cum a Gallis incendiariis etiam Ecclesia, ejusque miræ altitudinis turris in cineres redacta est.

Forum solebat habere hebdomadariū die Martis, at modo propter vicinitatem fori Urbis Bruxellensis & Mechtemenfis, a non paucis tempore frequentari desit. Nundinas tamen habet celebres annuas die Mercurii post Pascha. Continet hoc Municipium 2230. terræ bonaria.

In Ecclesia Parochiali in Choro ad partem borealem visitur Mausolæum Uxoris Joannis de *Fauce* Baronis de *Jasse*, Domini de *Asche* &c. *Marie Argenteau*, cum hac inscriptione.



Suæ amantiff. Conjugi *Mariæ d'Argenteau* Clar. Equitis *Joannis d'Argenteau*, Dochen & Winnen Domini filia, Clarus Eques *Joannes Coutereau* Baro Jaceanus de Wideu & in Asca Dominus poni jussit. Obiit 12. Octobris anno 1555.

In eodem Choro ad partem meridionalem visitur Sepultura *Catharinæ de Brandenburg* filia *Theodoricæ* & *Catharinæ Liedekerke* præfati *Joannis* alterius conjugis, cum hac Epigraphe.

*Cy repose Noble & Genereuse Dame Catherine, Baronne de Brandenburg, Dame de Gentines & de Steenockerssele, Vefve de feu Messire Jean de Coutereau, Baron de Jasse, Sire d'Affche, Wyden, Stayne &c. en son vivant Lieutenant de fiefs de sa Majesté Catholique en Brabant, ayant vescu en sa viduité 59. ans, trespassa le 12. de Janvier 1612. aage de 88. ans, priez Dieu pour son ame.*

In eodem Choro ante aram principem conditus est præfatus *Joannes de Coutereau*, cujus cærulæ lapidis Sepulchralis inscriptio est hæc.

Generosus Eques *Joannes Coutereau*, Baro Jaceanus, Dominus de Asca, & in Asca de Wyden, de Relegem &c. Curia feudorum Brabantia locum tenens, æqui amantissimus, Divini cultus & Reipublicæ Studiosissimus, relicta nobili *Catharina Brandenburga* uxore altera amantissima cum tribus filiis & una filia. annos 67. natus, defunctus est anno 1561. mensis Septembris. Requiescat in pace.

Ascæ Dominus est hæreditarius Vexillifer Ducis Brabantia, vulgo *Guidon*. Erectum est hoc Dominium in Marchionatum anno 1663. a *Philippo IV.* Hisp. Rege Diplomate dato Madriti die 22. Augusti in gratiam *Guiljelmi de Coutereau*, Baronis de *Fauche* &c. in quâ stirpe hætenus perseverat qui hodie *Joannes de Coutereau* Marchio d'Asche, Baro de *Jeauche* &c.

*Erectus in  
Marchio-  
natum.*

Hoc latè extensionis Municipium complectitur sub se Vicos VI. nostratibus *Gebuchten*, scilicet *Asbeke*, *Ter Linden*, *Couterverent*, *Crokegem*, *Walverghem*, & *Ter Heyden*, in quo exstat insignis Capella *S. Huberto* sacra, medio milliari distans ab Ecclesia Parochiali viâ Alostanâ; in eâ singulis duabus Septimanis quinque sacra celebrantur in vim Capellania ibidem fundatæ.

Quoad rem sacram Ecclesia quæ multum insignis est, & structuræ valde antiquæ tutelarem colit *S. Martinum* Turonensem Antistitem. Patronatus ejus incorporatus est Collegio *Adriani VI.* Pont. Max. Lovanii, ratione cujus Præses hujus Collegii constituit quoties hic Pastoratus vacat. Vicarium perpetuum, incorporationem Ecclesiæ Ascanæ huic collegio impetravit anno 1533, *Guillelmus Enchafortius* S. R. E. Cardinalis & Ultrajectensis Episcopus qui Romæ obiit Anno 1534.

Abbatia Affligemienfis possidet hic loci & in vicinia ingentia rura & Vil-



las non paucas, item potiozem partem decimarum, reliqua earum pars portio Parochi est, præfata Abbatia hæc possidet dono *Guilielmi de Grimberge & Isabellæ de Assche* ejus conjugis, Anno 1231. Hanc donationem confirmavit *Henricus II.* Dux Brabantiae, teste *C. Butkens* in *Trophæis Brabanticis* pag. 226.

In hac Ecclesia adservantur Sanctæ Cruces lignæ, miraculis & prodigiis stupendæ, ibidem repertæ circa annum 1335. de quibus informatus *Benedictus XII.* Pont. Max. anno 1337. indulgentias concessit plurimas eis qui devotè eas visitarent. Harum Crucium origines refert *A. Raissius* in auctuario S. S. Belgii *J. Molani* tertia Maii, quâ die magna populi undique concurrentis devotione celebrantur. Historia item harum Crucium inventionis refertur ad longum in primâ parte Novalis Sanctorum Brabantiae *J. Gillemans*.

Ad commendationem hujus Ecclesiæ Parochialis facit; quod inibi Parochi munus gesserint Præfatus *Guilielmus Encheffortius* S. R. E. Cardinalis &c. & nostra ferè ætate *Henricus Calenus* Archidiaconus Ecclesiæ Metropolitanæ Mechliniensis, & ejusdem Diocesis Vicarius generalis nominatus dein Episcopus Ruræmondensis, qui Bruxellis obiit anno 1653.

In hoc Municipio est Hospitale a priscis Afcanis Toparchis fundatum. Anno 1647. Soror *Elisabetha vanden Putte*, Mater Xenodochii Hulstensis cum XIII. Monialibus suis, a Statibus Foederatis Civitate Hulstensi interceptâ expulsa, Afcam advenit, atque hoc Hospitale consensu Archiepiscopi & Dynastæ incolendum obtinuit.

Hoc Hospitale dein instauravit Nobilis Domina *Maria de Coutereau* vidua Nobilis viri *Guilielmi de Coutereau* Baronis de *Jauce* & Domini de *Afca*, quæ in hoc Hospitali ante aram sepulta est cum hac lapidis Sepulchralis inscriptione.

#### D. O. M.

*Tres Noble & Genereuse Madame Marie de Coutereau de Westmal, veuve de feu Messire Guillaume de Coutereau, Baron de Jauce & de la Franchise & pays d'Assche &c. Restauratrice de la maison de ceans, la quelle deceda 26. Decembre l'an grace 1661. Priez Dieu pour son ame.*

Ipsa Præfata Mater *Elisabetha* obiit ibidem senio confecta anno 1673.

AUWEGEM, vel *Oudeghem*, antiquitus *Odegem*. Pagus ditionis Teneræmundanæ a quâ civitate distat tribus ferè horæ quadrantibus, ad Teneram fluvium viâ Aloftanâ.

Dominium hujus pagi spectat ad Capitulum Metropolitanum *B. Mariæ* Cameracensæ, quod partim est allodium, partim in clientelâ Curiae Teneræmundanæ. Quatenus allodium, datum est illi Ecclesiæ a *Gerardo II.* XXXIII. Cameracensium Episcopo anno 1089. En tabulæ donationis.

In nomine sanctæ & individuæ Trinitatis. GERARDUS Dei gratiâ Cameracensis Episcopus, omnibus in Christo renatis cælorum gloriam appetere remigio caritatis.

Sciant præsentès & his, qui nascentur, studeant enarrare: quomodo ego pro salutē animæ meæ & prædecessorum, meorum, trado ad usus fratrum sanctæ Cameracensis



sis Ecclesiæ, matris nostræ, alodium de *Lietscinis* & de *Wilrebem*, cum moneta, cum teloneo & macera & districto, cum molendinis, cum terris cultis & incultis, silvis, pratis, cum servis etiam & ancillis, alodium quoque apud *Odenghem*, quod ibi habeo, libera ab omni advocazione, & cetera quæ mihi in BRACBANT hereditario succedunt: unde in anniversario meo fratres cibentur & residua in usibus eorundem dispendantur.

Census quoque servorum & ancillarum, duo scilicet denarii à viro, unus à femina, in Nativitate S. Mariæ annuatim solvantur, & in lege, quâ ceteri sunt, eleemosyna teneantur, & dies anniversarius patris mei, matris meæ, fratrisque mei celebretur.

Dono etiam, Domini *Manscelini*, ejusdem Ecclesiæ Præpositi & Archidiaconi, petitione, altare de *Caldarico* eidem matri nostræ Ecclesiæ, liberum ab omni persona; sed annuatim persolvat quæ ceteræ ejusdem Archidiaconatus capitales Ecclesiæ; tali tamen conditione, ut ter in anno fratres ipsi in Refectorio conveniant, quintâ scilicet feriâ Absolutionis, & in festivitate S. GAUGERICI, quæ est in Augusto, & in sui obitus anniversario.

Dat etiam idem MANSCELINUS eidem Ecclesiæ alodium, quod apud *Maronis Waldum* habet, servos etiam & ancillas, concedentibus & assentientibus fratribus suis *Waltero*, & *Tietwino*, sicut jure possidet hereditario; servi tamen & ancillæ sub lege sint eleemosynæ. GERARDUS quoque *Cordella* alodium suum, quod apud eundem *Maronis Waldum* & circa *Teneram*, jure hereditario possidet eidem confert Ecclesiæ.

Horum igitur petitione, canonicâ fretus auctoritate, tam in ea præscripta, quàm sua huic confirmo Ecclesiæ chartâ & anathemate . . . . Ut autem ratum & inconvulsum hoc maneat, corroboro sigilli mei impressione, & subtus signatorum attestatione.

Signum mei ipsius GERARDI Episcopi.

S. ejusdem MANSCELINI Præpositi & Archidiaconi.

S. Desiderii Archidiaconi.

S. Gerardi Archidiaconi.

S. Frederici Archidiaconi.

S. Alardi Præpositi & Archidiaconi.

S. Aufridi Archidiaconi.

S. Hugonis Decani.

S. Wuerneboldi Scholastici.

S. Griodonis Cantoris.

*Signa Casatorum.*

Anselmi de Ribodimonte, Fulconis Vicedomini.

Walteri Tonitru.

Amultrici.

Arnulfi, Walteri.

Wenchelonis, Walteri Coleti.

Actum Cameraci anno ab Incarnatione Domini MLXXXIX, Præsulatus mei 1089.  
XIV Indictione XII.

Quatenus feudum id a Canonicis pretio emptum est, & suum fecere a *Raginaldo Boccardo* anno 1474.

Hic pagus immunis est a vectigalibus, teloniis, impositionibus, aliisque similibus oneribus.

In sacris Ecclesia inscripta est Virgini Deiparæ *Mariæ*, ejus Patronatum gerit Capitulum præfatum Cameracense, ita ut in sacris, & profanis hîc loci Canonici præfati Capituli principentur, ad quos etiam spectat potior & pinguior pars decimarum hujus pagi, cum plurimis agri possessionibus, reliqua earum pars sita ad orientem Parochi portio est.

In hoc pago, non procul à Parochiali est Sacellum D. Virgini sacrum, vulgo *Ter Cluyfen*, quod a febricitantibus multum invisitur.

AYGHEM. secundo lapide ab Alosto, sub Dominio de *Rotseleer* in  
T. M. II. Qq Co-



Comitatu Aloftano; antiquitus *Aynghem* & *Ayga* uti *Lipfius* in fuo Lovanio pag. 40. constituit cum Vlackem unum tribunal.

Ecclefia tutelarem colit *S. S. Nicolaum* Episc. & *Leonardum* Mart. Ejus Patronatus spectat ad Abbatem Aquicinctinum Ord. S. Bened. ad Scarpam fluvium propè Duacum, ad quam Abbatiam spectavit una pars tertiæ partis decimarum, quam illic habuit cum Parocho, hanc partem nuper cessit Parocho; ita ut hodie Parochus habeat tertiam partem decimarum, reliquæ duæ trientes spectant ad varios seculares. Præfata Abbatia hic loci & in ejus vicinia non paucas possidet agri possessiones.

Exstat in hoc pago medio quadrante horæ insignis Capella titulo Visitationis Deiparæ Virginis *Mariæ*, vulgo *O. L. Vrouw van Halen*: Ibid. Capellania sub eodem titulo gravata tribus sacris singulis duabus Septimanis.

Item Capella *S. Appollonia* Virg. & Mart. sacra, in qua interdum celebratur & in eâ magnus accursus vicinorum pro dolore dentium.

**BARDEGEM**, primo lapide cum dimidio ab Alosto viâ quâ itur Mechliniam. Præfecturæ Afcanæ Dominium ad cujus Marchionem spectat. Hic pagus continet ferè 400. terræ bonaria.

Ecclefia Patronam veneratur *S. Margaretam* Virg. & Mart. Speciali cultu ibidem colitur *S. Joseph* sponsus Deiparæ. Hujus Ecclesiæ Patronatum gerit Abbas Affligemienfis, in cujus juribus successit Archiepiscopus hujus Diocesis. Ad præfatam Abbatiam spectant duæ trientes decimarum; reliqua triens portio Parochi est, cui hæc Abbatia in redemptionem decimarum, a quibus villæ præfatæ Abbatia sunt immunes, in hoc pago solvit annuè 85. florenos. Capellania *S. Margareta* in hac Parochiali habet parvum districtum decimarum, item mensa *S. Spiritus*.

**BOLLEBEKE**. pagus Præfecturæ Afcanæ spectans ad ejus Marchionem, una ejus pars eaque exiguæ extensionis est sub præfecturâ Grimbergenfi ad Nassovios pertinens.

Item ibidem est Dominium dictum *Bollebeke Bougaert*, spectans hodie ad Bavonem de Wassenbergh, in quo suum habet tribunal & plenam jurisdictionem.

Ecclefia dicata est *S. Antonio*. Patronatus ejus spectat ad Abbatissam de *Foresto* Ord. S. Bened. Deservitur cura Pastoralis per Pastorem de Cobbegem a quo ferè distat medio milliari.

Univerfa pagi decima spectat ad præfatam Abbatiam de *Foresto* cum plurimis agri & sylvarum possessionibus. Pastori deservienti solvitur a præfatâ Abbatia annuè competentia.

**BRUSSEGEM**, altero lapide a Bruxellâ, Præfecturæ Grimbergenfis, ad Nassovios pertinens, mortuo *Guilielmo III.* Magnæ Britannia Rege anno 1702. lite contenditur inter Nassovios ad quem hoc Dominium devolutum sit.

Constituit cum Ossele unum tribunal. Hic pagus in eminentiori loco situs est, unde quaquaversum patet aspectus amœnus; distat uno milliari ab Afcâ.

Ecclefia tutelarem colit *S. Stephanum* Proto-Martyrem, ejus Patronatum gerit Archiepiscopus hujus Diocesis jure Abbatialis Affligemienfis. Dec-



cima spectat ad hanc Abbatiam, Parochum, Ecclesiam hujus Parochialis, & Capellaniam S. Annæ in eâ fundatæ.

BUGGENHOUT, olim *Bucholt* & *Buckenbolt*, ita non uno loco apud *A. Miræum* in Diplomatis legitur, altero fere lapide a Teneræmundâ. Præfecturæ Grimberganæ Dominium, duobus Dominis jam olim dominatur, unde duo ibidem sunt tribunalia, unum Ducis *Bournonville*, qui se Buggenhouti Dominum inscribit, quod a Nassoviis pridem obtinuit, & in cujus clientelâ id possidet, alterum est Principis Grimbergensis, gentis Bergensis, habentque jurisdictionem, locis & personis distinctam.

*Philippus* Comes Vianensis, ejusque uxor *Maria Pervessii* & *Grimbergæ*, & *Mariæ* filius *Godefridus* dant cognato suo *Henrico Grimbergo* in feudum Villam de Buggenhout, item XX. bonaria sylvæ in meliorationem prædicti feudi Anno 1261. & 1271. Utrumque Diploma refert *A. Miræus* in Not. Eccl. Belg. Cap. CCI. novæ edit.

Castellum quod inibi videre est, quod vulgo dicitur *Maison de la Chasse*, quondam Ducis Bipontini fuit, nunc Ducis *Bournonville*, cujus schema exhibetur in Castellis Nobilium Brabantiae Baronis *le Roy*. Erectum est hoc Dominium præfati Ducis in Principatum sub nomine *De Bournonville* in gratiam *Alexandri De Bournonville* Comitis de *Heunin* a *Philippo IV.* Hisp. Rege, Diplomate dato Madriti die 12. Julii anno 1658. in quâ illius stirpe perseverat, qui hodie *Philippus Alexander* Dux & Princeps de *Bournonville* &c.

Erectum in  
Principa-  
tum.

In sacris Ecclesia dicata est *S. Nicolao* Episc. cujus Patronatum gerit Archiepiscopus hujus Diocesis jure Abbatialis Affligemienfis. Decima est tripartita, cujus duæ trientes spectant ad hanc Abbatiam, tertia triens ad Parochum.

Decimas, & plurima rura quæ hic loci possidet præfata Abbatia dono acquisivit anno 1125. ab *Arnulpho* Comite Arscotano cum *Joannem* filium suum in hoc Monasterio collocasset, ut patet ex hoc Diplomate apud *A. Miræum* in Donat. Belg. Lib. I. cap. XLIV. novæ edit.

In nomine Sanctæ & Individuæ Trinitatis. Ego GODEFRIDUS, Dei gratiâ Dux Lotharingæ, & Marchio, omnibus Christi fidelibus in perpetuum. Quoniam auctore Deo, Hassligemensem Ecclesiam tam à me quàm à Fratre meo Comite HENRICO fundatam scio, paci & quieti in ipsa Ecclesia Deo famulantium modis omnibus providere debeo.

Unde notum esse volo tam futuris quàm præsentibus, qualiter ARNULFUS Comes de ADERSCHOT, cum duobus filiis suis, Godefrido & Arnulfo, in Curia mea Lovaniæ venit, & ad id, quod acturus erat, magnam hominum meorum multitudinem, liberorum, fervorum convocavit.

Præfatus igitur Comes Arnulfus quidquid apud Bukehoult habebat in terris, filvis, aquis & pascuis, cum omni decima & utilitate, quod ipse tenuerat, ad opus Hassligemensis Ecclesiæ, in qua JOANNEM filium suum jam Monachum fecerat, assentientibus & simul dantibus filiis, mihi liberaliter in manu dedit, coram hominibus & Baronibus meis, qui præsentibus erant....

Hæc omnia Comes Arnulfus cum legitimè fecisset, per me patriæ Dominum, & Ecclesiæ Advocatum . . . . Testes

Arnulfus de Grembergis,  
Gerardus Frater ejus,  
Filii Comitis Arnulfi, Godefridus & Arnulfus,  
Worwinus de Heverle, & Reinerus filius ejus,  
Sigerus de Wavera,  
Henricus de Bierbais,  
Henricus Loppoum,



Henricus de Asca,  
Eustathius de Tiesch,  
Arnulfus Dapifer,  
Arnulfus de Fitorch,  
Franco Castellanus,  
Franco de Sclufa,  
Alardus de Balterzem.

1125. Acta sunt hæc anno Dominicæ Incarnationis millesimo centesimo vicesimo quinto, Indictione tertiâ, Epactâ xiv, regnante Lothario Romanorum Imperatore.

Hanc donationem eodem anno confirmavit *Godefridus Barbatu*s Dux Lotharingæ & Brabantia, suo Diplomate, quod videre est in Suppl. Dipl. *Miræi* part. I. cap. XIX. ut sequitur.

In nomine Sanctæ & Individuæ Trinitatis, Ego GODEFRIDUS Dei gratiâ Dux & Marchio Lotharingæ, omnibus Christi Fidelibus in perpetuum. Quoniam auctore Deo Hassligeniensem Ecclesiam tam à me quàm à Fratre meo Comite HENRICO fundatam scio, paci & quieti in ipsa Ecclesia Domino famulantium, modis omnibus providere debeo.

Unde notum esse volo tam futuris quàm præsentibus, qualiter ARNULFUS Comes de Aderfcoth, cum duobus Filiis suis, Godefrido & Arnulfo, in Curia mea Lovaniæ venit, & ad id, quod acturuserat, magnam hominum meorum multitudinem, liberorum & servorum convocavit.

Præfatus igitur Comes Arnulfus quicquid apud Buckenholt habebat in terris sylvis, aquis & pascuis, cum omni decima & utilitate, quâ ipse tenuerat, ad opus Hassligeniensis Ecclesiæ, in qua JOANNEM Filium suum jam Monachum fecerat, assentientibus & simul dantibus Filiis, mihi liberaliter in manu dedit, coram hominibus & Baronibus Filiis, mihi liberaliter in manu dedit, coram hominibus & Baronibus meis, qui præsentibus erant, worpivit proprio & totius Curia meæ judicio, nihil sibi juris in his qua donaverat reliquit;

*Vulgo Maldere & Steenhuffel.*

Insuper quod apud *Malren* & *Stenosle* Ecclesia possidet, addidit. Summa autem omnium quæ dedit hæc est; medietas sylvæ, quæ Buckenholt vocatur, quicquid terræ cultæ & incultæ in ipsa Villa Buckenholt habuit, liberaliter dedit; medietas sylvæ quæ *Emelo* dicitur & mansus terræ qui sylvæ adjacet.

Sylvam quæ *Schriek* appellatur ex integro dedit, quia liberum Allodium suum esse cognovit, rusticis & colonis Ecclesiæ sive pauperes essent, sive divites, jus illud quod *Sach* appellatur in sylva de Buckenholt concessit, vechtinam autem de porcis hominum suorum Ecclesia habebit;

Hæc omnia Comes Arnulfus cum legitimè fecisset, per me Patriæ Dominum, & Ecclesiæ Advocatum confirmari postulavit.

Igitur ut ammonitus fueram, legitimam donationem præfatæ Ecclesiæ legitimè & liberaliter contuli; posteris meis tam in his quàm in omnibus tuendam Ecclesiam reliqui; contra Ecclesiam quicquam fieri sub districta gladii animadversione prohibui,

Quæ ut rata & inconvulsa permaneant, Scripto mandari, Sigilli mei impressione & Testium astipulatione placuit roborari. Testes

Arnulfus,  
Arnulfus de Grentbergis.  
Gerardus Frater ejus,  
Filii Comitis Arnulfi, Godefridus & Arnulfus,  
Goswinus de Heverle &  
Reinerus Filius ejus,  
Sigerus de Wavera,  
Henricus de Birbais,  
Henricus de Lepporum,  
Henricus de Asca,  
Eustachius de Thielth,  
Arnulfus Dapifer,  
Arnulfus de Filorh,  
Franco Castellanus,



Franco de Sclufa,  
Alardus de Baltersem.

Acta sunt hæc anno Dominicæ Incarnationis M. C. xxv. Indictione III. Epactâ 1125.  
xiv. regnante Lothario Romanorum Imperatore.

Item has Donationes confirmavit Anno 1202. *Henricus I.* Brabantix Dux suo Diplomate quod profertur in Supplem. Dipl. Miræi part. I. cap. LXIII.

Hic loci antiquitus fuit Coenobitica mansio seu Cella (ut veteri verboutar) Ord. S. Bened. Affligemiensi Abbati subjecta; sed quo seculo cœperit vel desierit assequi hæcenus non potuimus.

Capellania *S. Nicolai* fundata in hac Parochiali, & satis largiter dotata, unita est anno 1680. Pastoratui pro sustentatione Vicepastoris.

Nuperis annis in medio Silvæ Buggenhoutanæ erectum est a fundamentis insigne Sacellum D. Virgini sacrum incolarum & piorum eleemosynis, in quo diebus Sabbatinis Divina celebrantur, & solemnis instituta est, & peragitur Novena annua, Dominica tertia post Paschâ.

COBBEGEM, secundo ferè lapide a Bruxellâ, pagus Præfecturæ Merchtemensis. Ejus Dominium spectat ad Ducem Brabantix; constituit cum Zellick & Berchem unum tribunal sub uno Meyero. Marchio de Asca inibi habet suam jurisdictionem ac tribunal, ac se inscribit Dominum de Cobbegegem &c.

Ecclesia tutelarem colit *S. Mariam Magdalenam*, & *S. Gaugericum* Episc. Camerac. Patronatus ejus spectat ad Episcopum Gandavensem jure Abbatis Bavoniani.

Decimarum participes sunt Præfatus Episcopus, Parochus &c.

DENDER LEEUWE, pagus primo lapide ab Alost ad Teneram fluvium in Comitatu Alostano. Ejus Dominium spectat ad Comitem de Bouffu ex gente Alsatiâ, qui hodiè *Carolus Josephus Alsatius* Princeps Chimaensis Comes de Bouffu, Baro de Liedekercke &c.

Ecclesia præter Virginem Deiparam *S. Amandum* Episc. ut Patronum veneratur. Cura Pastoralis dependet ab Abbatia Diligemenfi Ord. Præmonstr. quæ per ejusdem Abbatix Canonicos Religiosos administratur cum Vicario.

Decima est tripartita, quarum duæ trientes spectant ad Dynastam, reliqua triens portio Parochi est, qui habet insuper plures agri possessiones.

In hac Ecclesiâ plures illustres Reguli Liedekercani olim conditi sunt, in Annalibus Diligemensibus sub titulo *de Gavera* nominatissimi; sed Sepulchralia eorum monumenta vetustate, & pristinis bellorum motibus interierunt.

Circa annum 1302. *Raso de Gavera* Dominus Liedekercanus contulit præfatæ Abbatix Diligemenfi Capellaniam sive Præbendam simplicem in hac Parochiali fundatam, hanc donationem confirmavit *Guido* Episc. Camerac.

EEREGEM, sive *Tddergem* & *Ildergem*, & in Diplommatibus apud *A. Miræum* non uno loco legitur *Tdrichem*. Pagus est inter Alostum & Ninhoviam.

Devenit hoc Dominium circa finem seculi præcedentis viâ emptionis cum



pago de Welle a gentilibus de *Grutere* ad *Franciscum Ignatium Vilain* Quæstorem Comitatus Aloftani; pretium fuit 3000. flor.

Ecclesia inscripta est *S. Amando* Tungrensi Episc., ejus Patronatum gerit Abbas *S. Adriani* in Gerardimonte Ord. S. Bened. cui Abbatia *Manasses* Episc. Camerac. anno 1696. contulit inter alia altare hujus loci, prout legitur apud *A. Miræum* in Dipl. Belg. lib. I. Cap. XLII. novæ edit.

Univerſa pagi Decima spectat ad hanc Abbatiam ex quibus solebat annuè solvere Parocho integram portionem congruam. Hodie univerſa pagi Decima, etiam illa quæ spectavit ad hanc Abbatiam Parocho pro portione congruâ relicta est.

Hic pagus olim in sacris appendix fuit pagi de Denderhauthem, ut videre est in præfato Diplomate, quod suo loco exhibebimus.

EKELGEM, primo milliari ab Alosto ad limitem Flandricum, Præfecturæ Aſcanæ, & ad ejus Marchionem spectans Dominium in viciniâ Abbatia Affligemienſis, intra cujus limites hæc illustris Abbatia pro parte sita est.

Ecclesia inscripta est *S. Michaeli* Archangelo Angelorum Principi, Patronatus ejus spectat ad Archiepiscopum hujus Dioceſis jure Abbatialis Affligemienſis.

Decima est tripartita cujus una triens spectat ad Parochum, reliquæ duæ trientes ad præfatam Abbatiam, ad quam præterea omnia ferè rura, & agri hujus pagi spectant.

EREMBODEGHEM, in Diplomatis apud *A. Miræum* non uno loco *Herenbaldegem* legitur, medio milliari ab Alosto, quem Tænera fluvius interfecat; protendit se pinguior hujus pagi pars ad alteram hujus fluminis partem ad limitem Brabantinum. Antiquitus *Vice-Comitatum* fuiſſe legitur apud *Eſpinoium* in ſuis de Nobilitate Flandricâ Commentariis Gallicis. Hodie ejus Dominium spectat ad *Joannem Baptistam Blondel* Equitem, jure nuptiali, cum pago *Ter Alphene*, conſtituentes ſimul unum tribunal.

Ecclesia Inſcripta est Virgini Deiparæ *Mariæ. S. Rochus* ibidem cultu ſpeciali colitur & viſitatur, cui exſtat in Eccleſia ara dicata. Hujus Parochialis Patronatum gerit Archiepiſcopus hujus Dioceſis jure Abbatialis Affligemienſis.

Decimarum participes ſunt, præfata Abbatia de *Groenenbriele* Monialium Ord. *S. Auguſtini* in Urbe Gandavenſi, & Parochus, quiſque habens ſuum diſtrictum decimarum, & parvum diſtrictum in decimis habet Paſtor in Welle.

Anno 1125. *Baldwinus Crassus* Comes Aloſtanus, ejusque frater *Iwanus* reddunt Abbatia Affligemienſi Eccleſiam de *Herenbaldegem*, item varia bona quæ mater eorum pridem præfatæ Abbatia contulerat; ut pater ex hoc Diplomate apud *A. Miræum* in Cod. Piar. Donat. Cap. LXXIX. novæ edit.

In nomine ſanctæ & individuæ Trinitatis. Ego BALDUINUS DE ALOST ac frater meus IWANUS, notum fieri volumus omnibus in Chriſto fidelibus, quod divinâ ut credimus compuncti inſpiratione de peccatis noſtris, & conſiderantes quàm breves ſunt dies hominum, reddidimus Eccleſiam de HERENBALDEGHEM in manum Episcopi, ad opus Eccleſiæ HAFFLIGEMIENSIS, pro redemptione animarum noſtrarum, & patris noſtri, parentumque noſtrorum.

Dedimus etiam eidem Eccleſiæ Haſſligemienſi duo curtilia in Herenbaldegem, jux-



juxta molendina jacentia, ac duos mansos terræ, qui jacent ante portam ipsius: qui mansi quoniam feodum erat L O T H E W I N I de Herenbaldeghem filii Livini; mutavimus unâ cum curtilibus erga illum cum libero alodio culturæ nostræ.

Reddidimus præterea molendina de Herenbaldeghem, quæ mater nostra pro anima patris nostri sæpefata Ecclesiæ contulerat; pro salute videlicet animarum nostrarum ac parentum nostrorum. Insuper alodium nostrum in T E S T R E P A, quod necdum alicui in feodum assignaveramus, eidem Ecclesiæ contulimus in omni jure libertatis & domini, quo illud tenebamus, à teloneo ac vectigali, in omni loco dominationis nostræ, ipsam Ecclesiam liberam facientes; ut participes efficeremur orationum Fratrum, tam vivi quàm mortui, & ut defunctis nobis facerent, quidquid uni ipsorum defuncto fieri solet.

Ut autem hæc nostra traditio rata & inconvulsa perpetualiter permaneat, hanc Chartam inde conscriptam sigilli nostri impressione fecimus confirmari, subscriptis etiam ac notatis testibus, quorum hæc sunt nomina.

Willelmus de Vorlelar.

Goselinus de Ordengem.

Folcardus de Asca.

Albertus de Herenbaldeghem.

Arnulfus Kerkescem.

Rudolfus de Nielle, filius Fromini.

Anselinus de Blaresfelde.

Ascelinus Amman de Bruxella, & filius suus Henricus.

Arnulfus ac Ingelbertus de Breda.

Henricus Vulpes.

Willelmus de Aloft, Dapifer.

Oldeius & frater suus Luardus, Gandenses.

Acta sunt hæc anno Domini M C X X V.

1125.

Cæterum hæc Parochialis Matrix fuit Ecclesiarum de *Ter Alphene & de Welle*: sed a non paucis tempore ab eâ separatae sunt & proprios suos accipere Parochos.

ERPE pagus medio milliari ab Alofto, viâ nuper publicâ, quâ tendebatur Gandavum; ast hodiè cum viâ novâ lapidibus strata est anno 1704, ab eâ distat ferè horæ quadrante.

Independens est ejus loci Toparchia, ac liberum ut vocant Allodium neque in clientelâ vel fide tenetur ullius, nisi Dei & Solis. Habet altam, mediam imamque justitiam, omnesque justitiæ ministros Toparcha constituit.

Dominium hujus pagi longo temporis tractu possessum fuit per gentem cognominem de *Erpe*, in Historiis & Diplommatibus notissimam, de quâ *Espinous* in suis de Nobilitate Flandricâ Commentariis Gallicis agit, pag. 266. Inde initio seculi XV. jure nuptiali *Balduini de Schoutete*, cum *Catharina de Erpe*, *Philippi Erpæ*, *Erondegem* & *Ottergem* Domini filia & ejus ex assè hæredis transiit ad gentiles de *Schoutete* alias *van Zuylen*, cujus gentis Originem & prosapiam profert *D. Lindanus* in suâ *Teneræmundâ* Lib. III. Cap. III. N. 288. & seq.

Permansit hoc Dominium in hac stirpe usque ad annum 1713. quo emptione publicâ devenit ad *Joannem de Wapenaert*, Scabinum Capitem ditionis. *Teneræmundanæ*, post cujus mortem anno 1724. jure Successionis, devenit ad natum ejus primogenitum *Carolus Philippum Wapenaert* Consiliarium Magni Senatus Belgici.

Erectum est hoc Dominium in Baronatum anno 16 . . . a *Philippo IV.* Erectum in Baronatum.

Hisp. Rege in gratiam *Caroli van Zuylen*.

Olim hic Castellum existit Dynastiarum; at injuria bellorum, & tem-



porum iniquitate, totaliter destructum est, & interiit; locus tamen & vallum ejus hodiè monstratur.

In Choro Ecclesiæ Parochialis de *Laerne* ad Scaldim fluvium exstat parieti insertum Monumentum Sepulchrale, cujus hæc est inscriptio.

*Cy gist le Cœur de Noble & Puissant Sr. Messire François van Zuyle dict d'Erpe, Chevalier, Sr. du dict Erpe, Erondegem, Ottergem tenu en francq Alleu de Dieu & de Soleil Sr. de Laerne, d'Estombes, Coutere, Caple & de Woestyne, Haulmoeschre, & Moeschre Ambacht &c. Fils de Mess. Pierne, & de Madame Isabeau vander Gracht, qui mourut 1599.*

*Cy gist Noble & Puissante Dame Madame Anne de Montmorency, Fille de Mess. Bauduin Chlr. Sr. de Croiselles, Houplines, Walencourt, Amogies, Russignies &c. & de Madame Anne de Rubempré, que fut Femme a Mess. François de dessus. La quelle mourut le XV. de Novembre 1575.*

*Priez Dieu pour leurs Ames.*

*Leur Corps gist a Lille.*

Quarteria vifuntur

*Van Zuyle, Liedekercke, Vander Gracht, Woestine. Montmorency, Lannoy, Rubempré, Bousyes.*

In Parochiali hujus pagi de Erpe exstat Monumentum Sepulchrale ultimorum Dynastarum hujus Dominii cum hisce inscriptionibus.

D. O. M.

*Icy repose le Noble & Illustrissime puissant Seigneur Messire Charles van Zuylen, Francq & Libere Seigneur, Baron d'Erpe, Sr. d'Hubermont, Mosscher, & Mosscher Ambacht, & de Dame Anne Michelle de Gavre Dame Baronne du dict lieu fille de Messire Charles de Gavre, Comte de Fresin, Baron d'Inchy, mourut le 17. Septembre 1667.*

*Et le Noble Illustre Seigr. Messire Philippe van Zuylen son fils unicq. Baron & Seigr. de susdits lieux procréé de Dame Emilie Juliane Pieck de Wolfswert, fille de Messire Walraven Pieck Sr. de Wolfswert. & lequel mourut le 15. May 1701.*

Ecclesia Patronum veneratur *S. Martinum* Turonensem Episcopum. Patronatum ejus possidet Abbatissa Premiæcensis Ord. *S. Augustini* olim extra, nunc in Urbe Cameracensi.

Decima spectat ad præfatam Abbatiam, item Trunciniensem Ord. Præmonstr. propè Gandavum, Parochum, & varios seculares.

ESCHENE, Altero lapide, ab Alosto. Pagus Præfecturæ Ascanæ, ad cujus Marchionem hoc spectat Dominium.



Ecclesia Patronam veneratur Virginem Deiparam *Mariam*. Ejus Patronatum gerit Archiepiscopus hujus Dioecesis jure Abbatialis Affligemienfis, ad quam Abbatiam spectat universa hujus pagi Decima, quæ insuper hic loci possidet agros plurimos & vivaria piscibus alendis percommoda. Ex hujus pagi decima solvitur annuè a præfata Abbazia portio congrua 400. floren.

In hac Parochiali est Capellania *B. Mariæ* cum onere duarum missarum hebdomadatim.

GHYSEGEM, Antiquitus *Ghifenghem* uti legitur apud *A. Du Chesne* in probationibus familiæ Gandavenfis pag. 222. distat æquali fere itineris spatio ab Alosto & Teneræmundâ ad Teneram fluvium.

Initio seculi XVI. invenio hoc Dominium fuisse penes gentem de *Leeuwerghem*; dein non paucio temporis spatio fuit gentilium *van Royen*; inde initio seculi XVII, via emptionis devenit in familiam de *Goubau* potentem ac divitem Antverpiæ, quæ hujus Domini castellum collapsum plurimum restauravit ac mirificè exornavit, cum multâ serie arborum, quæ loci amoenitatem mirabiliter auxit, & de longe sese spectandam præbet, in qua stirpe hodie perseverat, quæ hodie *Maria Goubau*.

Ecclesiæ (quæ *S. Martino* sacra est) Patronatus spectat ad Personam Personatus hujus Ecclesiæ.

Decima est tripartita, cujus una triens spectat ad Parochum, altera ad Monasterium Virginali *S. Birgittæ* Teneræmundæ, & restans ad Toparcham.

Hic pagus est ex illis XXII. quos Proprium Principis vocant, vulgo *s'Graven-Propre*.

In Ecclesiâ Collegiatâ B. M. Teneræmundæ exstat lapis Sepulchralis marmoreus cum hac inscriptione.

**Hier leyt begraven M<sup>er</sup>. Philips van Royen,  
Widdere / Heere van Ghysleghem / die starf int  
Jaer 1552.**

**Ende Wrauwe Magdalena Schats, syn Huys-  
vrouwe / sterf anno 1539. den 28. August.**

HAELTERT, sive *Aeltert*, latinè *Haltera*, primo lapide ad Alosto, sub Dominio Ditionis de *Rotselaer* in Comitatu Alostano, spectans ad gentiles *Happart Dieghem* cum suis.

Olim solebant Flandriæ Comites hunc pagum cum Præfecturâ de Ninhove & Herlinchove dare in elocationem certis Personis pro annis pluribus, prout apud nos latet Diploma lingua Gallicâ, quo *Philippus Bonus* Burgundiæ, Lotharingiæ & Brabantiae, Comes Flandriæ &c. pro annis XII. elocavit Præfecturam de Ninhove, Haeltert & Herlinchove *Joanni Cabillan*. Anno 1453. pro summa duarum millium librarum Parisiensium annue.

Ecclesia tutelarem colit *S. Gaugerici* Camerac. Episc. in eâque etiam singulari cultu veneratur *S. Laurentius* Mart.

Anno 1046. fundatum est in hac Ecclesiâ XII. Canonicorum Collegium. sub titulo *S. Gaugerici* ab *Ingelberto d'Oisy*, quod primitus fuit Monasterium



rium Monachorum verosimiliter Benedictinorum, quia isto ævo alia vix erant in Belgio Monasteria. Hoc Collegium Canonicorum inde anno 1495. consensu *Henrici de Berghes* Camerac. Episc. & *Philippi* Austriæ Burgundiæ & Brabantiae Ducis, Comitis Flandriæ &c. Alostum Flandriæ Imperialis oppidum translatum est. Diploma foundationis hujus Capituli exhibui supra in Alosto.

Hoc Capitulum possidet universam hujus pagi Decimam, Patronatum hujus Parochialis, ac multas agri possessiones & census. Parocho pro sua portione congrua Canonialis præbenda attributa est, quæ unita & incorporata est Pastoratui anno 1610. & insuper aliquot granorum mensuræ annuæ ei penduntur a Capitulo.

Intra limites hujus pagi est Capella *D.V. Mariæ* sacra, vulgo *De Capelle van Landegem*, in qua diebus Sabbatinis divina celebrantur.

**HARDERSEM**, Antiquitus *Herdinghem* & *Hardinghesem* uti legitur apud *A. Du Chesne* in probationibus familiæ Gandavenfis pag. 229. pagus Comitatus Alostani primo lapide ab Alosto, quâ itur Teneræmundam ad Teneram fluvium.

Ereſtum in  
Barona-  
tum.

Multo temporis tractu peculium fuit familiæ *Wter-Zwane*, dein per nuptias transiit in gentem de *Contereau*, vendiditque illud *Carolus de Contereau* Præfecto cuidam Urbis Teneræmundanæ, & hic brevi post *Antonio de Taxis* Equiti, Domino de Riviere, a quo anno 1619. die 4. Augusti pervenit hoc Dominium ad *Gasparum de Baldes* Arcis Gandavenfis Præfectum ob cujus virtutis merita anno 1620. Serenissimus Belgarum Princeps *Albertus* erexit in Baronatum, in quâ Stirpe hætenus permanſit.

In Sacello *S. Macarii* Ecclesiæ Arcis Gandavenfis exſtat cavea subterranea Sepulchralis Monumenti præfati *Gasparis de Baldes*, cui supernè in præfato Sacello inserta est inſcriptio Hispanico idiomate expreſſa, ut ſequitur.

*A Qui Yaze.*

*El Maestre de Campo*

*Gaspar de Valdes Cavallero*

*Del avito de San Tiago Baron de*  
*Herderssem, del Consejo supremo de*

*Guerra de su Magestad: a quien*

*Servio 59. Años, Aviendo sido*

*Castellano del Castillo de San Iian*

*Y Gouvernador de Melilla*

*Maestre de Campo de la Gente de Guerra*

*De las Fuercas y Castillos, de Alarache,*

*Alcayde de Ellas, Gouvernador y Justicia*

*Mayor de la villa: y ultimamente Castellano*

*De este Castillo, Gouverno por espacio*

*De 24. años y 8. Messes, Murio en el Señor,*

*Quien siempre vivio, y a quien siempre*

*Siervio: con General Sentimiento de todos*



*A los diez y seis de Diciembre de Mil seis  
Sientos y treinta y nueve: Años de  
Edead de 78.  
Requiescat in pace.*

Nuper ultimo masculinæ stirpis de *Baldes* defuncto Baronatus de Harderssem devenit jure uxorio in familiam de *Happart*. De jure Dynastiæ hujus lite contenditur hodie inter hæredes in Senatu Flandriæ.

Hic loci pridem Castellum fuit Dynastarum de Harderssem ad Teneram fluvium, cujus Schema nobis exhibet *A. Sanderus* in *Flandria Illustrata* tom. II. pag. 512.; sed hoc Castellum nostrâ ætate periit, & ita destructum est ut nulla ejus vestigia hodie supersint, funditus enim eversum est, ac faxa & rudera alibi delata.

Ecclesia Patronam veneratur Virginem Deiparam *Mariam*, colitur in eâ *S. Antonius* ritu festivo & Solemni.

Patronatus Ecclesiæ spectat ad Archiepiscopum hujus Dioecesis jure Abbatialis Affligemienfis. Decima est quadripartita, quarum tres partes spectant ad hanc Abbatiam, & quarta earum pars ad Parochum.

In hoc pago est Capella insignis & ampla, Dicata *B. V. Mariæ*, vocaturque vulgo *O. L. Vrouwe ter Linden*, quæ multum a populo frequentatur & invisitur, inque eâ non raro divina celebrantur.

HELDERGEM, pagus secundo lapide ab Alosto, & uno cum dimidio a Nihoviâ, sub Dominio Ditionis de *Rotfelaer*, spectans ad gentiles *Happart-Dieghem* cum suis.

Ecclesia inscripta est *S. Amando* Tungrensium Episc. Patronatum ejus gerit Abbas *S. Adriani* in Gerardimonte Ord. S. Bened. dono *Manasses* Episc. Camerac. uti legitur apud *A. Miræum* in *Dipl. Belg. Lib. I. Cap. XLII.* novæ edit.

Decima olim fuit tripartita, quarum una triens spectabat ad præfatam Abbatiam, altera ad Abbatiam *S. S. Cornelii & Cypriani* Nihoviensem, & tertia ad Parochum; sed hæc Abbatia a non paucis tempore præfatæ Abbatix *S. Adriani* cessit suas quas inibi percipiebat decimas pro XXX. saccis filiginis annuè, quos hodie dum annis singulis percipit: Parocho vero pro suâ parte decimarum annuè solvitur competentia 400. flor. a præfatâ Abbatia *S. Adriani* præter reparationes annuas domus Pastoralis.

Hic pagus olim appendix fuit in sacris pagi de Denderhauthem, uti non uno loco legitur apud *A. Miræum* in *Diplomatibus*, & jam ante diximus.

HOFSTADE, medio milliari ab Alosto ad Teneram fluvium, viâ regiâ quâ itur Teneræmundam. Ejus Dominium dudum spectavit ad gentem cognominem de *Hofstade* in *Diplomatibus* & *Annalibus* nostris celebrem, hodie gentiliū *Bette*, quod modo potitur *Joannes Franciscus Nicolaus Bette* Eques Aurei Velleris, Marchio de *Lede* &c.

In hoc pago varii dominantur habentes hic loci Dominia, suamque jurisdictionem & tribunalia locis & Personis distinctam. Inter ea eminet Dominium de *Wachene* instructum spectabili & insigni castello, quod pridem fuit *Alberti van Asche* Thesaurarii Statuum Brabantix, a quo per nuptias *Jac-*



*quelinea Isabella van Asche* ejus filia transiit ad *Joannem Comitem vander Steghem* Droffardum Brabantia in qua stirpe perseverat.

Ecclesia sacra est Virgini Deiparae *Mariae*, speciali cultu in ea celebratur festum *S. S. Crucis* sacrum; cujus ibidem insignis visitur Capella.

Sub Dominio de Wachene exstat illustris Capella *S. S. Trinitati* sacra, in qua non raro divina celebrantur.

Patronatus hujus Parochialis spectat ad Personatum hujus Ecclesiae, cujus Collatio competit Archiepiscopo hujus Dioecesis.

Decima est tripartita, cujus ex æquo participes sunt persona hujus Ecclesiae cum Parocho pro una triente, Abbatia de Foresto Ord. *S. Bened.* prope Bruxellas pro altera, reliqua triens spectat ad fabricam Ecclesiae *S. S. Michaelis & Gudulae* Bruxellis.

K E R C K X K E N, five *Haelter Kercxken*, primo lapide cum dimidio ab Alosto sub Dominio Ditionis de *Rotselaer*, spectans ad gentiles *Happart-Dieghem* cum suis. Constituit cum *Haeltert* unum tribunal, cui olim tam in secularibus quam sacris unitus fuit, quo autem anno separatio hæc in sacris facta sit hætenus indagare non potuimus.

Ecclesia inscripta est *S. Michaeli Archangelo*. Patronatus ejus spectat ad Capitulum Alostanum.

Decima est tripartita, quorum duæ trientes spectant ad præfatum Capitulum, reliqua triens ad Parochum, cui insuper in Supplementum competentia a præfato Capitulo dantur annuè 100. flor.

L E D E, Marchionatus titulo Illustre Dominium, primo lapide ab Alosto. Spectavit longo temporis tractu ad familiam antiquam & nobilem cognominem de *Lede* in Diplomatis & in Historiis notissimam, inde devenit ad gentiles de *Grutere*, a quibus anno 1549. per nuptias *Jacobi Bette* cum *Elisabethâ de Grutere* hærede hujus Domini, transiit in gentem *Bette* in qua hætenus permansit.

Ereċtum in  
Barona-  
tum, dein  
in Marchio-  
natum.

Ereċtum est hoc Dominium in Baronatum Anno 1607. in gratiam *Joannis Bette* a Serenissimo Belgarum Principibus *Alberto & Isabellâ*, & in Marchionatum a *Philippo IV.* Hisp. Rege, Diplomate dato Madriti 3. Augusti anno 1633. in favorem *Guilielmi Bette*, Magni Baillivi Gandavensis & Præfecti urbis Mosæ Trajectensis, deinde portus & Civitatis Dunckerkanæ anno 1646.; in cujus urbis obsidio, anno 1658. vulnere faucius vita excessit.

Hunc Marchionatum nuper possedit *Joannes Franciscus Nicolaus Bette*, Marchio de Lede, Equis aurei Velleris, Magnas Hispaniæ, Militiæ Hispanicæ terra marique Præfectus, qui fatis concessit Madriti 11. Januarii anno 1725. ætatis suæ 57.

Condidere hic olim Dynastæ insigne Prætorium, cujus prototypum nobis exhibet *A. Sanderus* in Flandriâ Illustratâ tom. II. pag. 512. illud plurimum nuper restauravit & decoravit, & decorare hodieum pergit præfatus Marchio.

Hoc Dominium est magnæ & vastæ extensionis, continet enim 900. terræ bonaria, situs est in eminentiori loco, unde aspectus ab omni parte amœnus. Ibidem est Dominium de *Ronckenburgh* spectans ad gentiles *De Smet*.

In hoc loco Basilica est amplissima, cujus vetus Patronus est *S. Martinus* Turonensis Episc. sed dein Deiparae Virginis Dolorosæ cultu & Miraculis



lis ab aliquot seculis longe notissima, qui in hoc loco incepit anno 1414. quando huc allata est quædam Deiparæ Virginis Imago Colonia Agrippinâ per Nobilem virum *Arnoldum van Neste*, quæ statim Miraculis coepit clarescere.

Anno 1582. Alosto occupato a fidei hostibus, & Regi rebellibus, templum Ledense ab eis in cineres redactum est, & totus pagus direptus cum hac imagine Deiparæ. Triennio post nova Matris Dolorosæ imago secundum pristinam formam in eâdem Basilica substituta fuit, quæ ob antiqua miracula nihilo segnius maximo populi confluxu honorari & frequentari coepit.

Colitur solemniter hæc imago Virginis Dolorosæ Dominica prima post Pentecostem ac per Novenam; siquidem omnes circumjacentes accolæ & etiam haud parum dissiti ex Brabantiâ, Flandriâ, Hannoniâ aliisque locis huc se voti & religionis causâ conferunt, ob miracula & beneficia, quibus divina bonitas hunc locum etiamnum honorare dignatur. Ita ferè *A. Raissius* in suo Auctuario ad Natales S.S. Belgii *J. Molani* Dominica prima post Pentecostem, verum errat cum ponit annum 1501. direptionis & exustionis hujus Ecclesiæ cum sit annus supra expressus.

Patronatus hujus Parochialis solebat spectare ad Personatum hujus Ecclesiæ, qui cum unitus est Pastoratui, eo jure utitur Archiepiscopus hujus Diocesis.

Decima hujus loci divisa est in portiones inæquales; potiore partem possidet Parochus, notabilem earum partem Abbatia de *Bodelo* Ord. Cisterc. in Urbe Gandavensi, minores earum partes potitur Decanus & Pastor Alostanus ratione Capellanix *S. Joannis* in hac Ecclesiâ fundatæ, item Ecclesiâ hujus Parochialis, Dynasta, Pastor in *Hofstade*, *Impe* &c.

Anno 1231. *Joannes* dictus *De Lede* cum *Isabellâ* uxore sua contulerunt præfatæ Abbatix de *Bodelo* totam decimam quam habebant apud *Ledam*; confirmavit hanc donationem Nobilis Vir *Gillebertus de Sottingham*, a quo hæc decima tenebatur in feudum.

LIEDEKERCKE, primo lapide cum dimidio ab Alosto versus limitem Brabantinum in Comitatu Alostano. Illustre titulo veteris Baronatus Dominium; peculium nobilissimæ Familiæ de *Alfatiâ* de *Bouffu* in quo Princeps Chimacensis, Comes de *Bouffu* &c. illud possidet titulo Baronis.

Vetus Baronatus.

Vetustam habet Arcem ad Teneræ ripam, in pago vicino de *Denderleeuw* sitam, in clientelâ Comitum Alostanorum, cujus schema exhibet *A. Sanderus* in Auctuario II. Flandriæ Illustratæ pag. 21. At plurimum de suo splendore deperdidit, cum pristinis bellorum motibus pluries infesta fuerit militari præsidio, & nunc ab his, nunc ab illis intercepta.

Hoc Dominium cum in ejus nominis familiâ multo temporis tractu hæsisset, per nuptias transiit in gentem de *Gavere*, inde ad *Rassingemios*, cum *Gerardus de Rassinghem* duxit *Aliciam de Gavere*, filiam *Philippi* Domini de *Liedekercke* & *Bredæ* quæ ei apportavit *Liedekercke* &c. circa annum 1320. Tandem aliis nuptiis iterum rediit ad familiam de *Gavere*, in qua *Margareta de Gavere Arnoldi de Gavere* & *Margaretæ de Banterssem* filia cum Dominio de *Rassengien* & aliis in dotem attulit eam *Joanni Villano a Gandavo Dom. S. Joannis ad Lapidem* &c. circa annum 1481, & ita tandem rediit ad *Rassingemios* familiæ Gandavensis a quibus pridem recesserat. *Adrianus Villanus a Gandavo* Dominus de *Leeuw*, *Basserode* *S. A-*



*mandi &c.* summus Prætor Gandavenfis Anno 1485. duxit *Josinam de Romerswaele*, quæ obiit post ipsum anno 1528. filios sustulit *Engelbertum* qui mortuus sine liberis, & *Margaretam Villanam* hæredem de Liedekercke &c. Quæ hæc Dominia attulit *Joanni Hannart* Equiti S. *Jacobi* Vice-Comiti Bruxellensi. *Maria Hannart* filia hæreditaria *Caroli Hannart* Burgravii Bruxellensis &c. *Joannis* supra nominati neptis nupsit *Jacobo de Hennin* Domino de Auffi anno 1579. filio Juniori *Caroli de Hennin* Comitis de Bouffu, *Jacobi* filius *Maximilianus de Bouffu* & Baro de Liedekercke sustulit *Petrum*, quo sine liberis defuncto, successit *Maximiliani Jacobi* filius Eques Aurei Velleris, qui in Comitatu de Bouffu sanguine proximus successit; duxit *Mariam Alexandrinam-Franciscam de Gavere* filiam Comitis de Fresin; obiit Anno 1624. Sustulit *Albertum*, *Eugenium* & alias proles utriusque sexus. *Albertus Maximilianus* Comes de Bouffu, duxit *Honorinam* filiam *Godefridi* Comitis Grimbergensis, cæsus anno 1640. ad Atrebatum, qui mortuus sine liberis, successit ejus frater *Eugenius* Eques Aurei Velleris &c. qui duxit *Isabellam Arembergicam* filiam Principis Chimacensis, mortuus anno 1656. Ex qua secutus inter varias proles utriusque sexus primogenitus *Philippus Ludovicus* Comes de Bouffu, Eques Aurei Velleris, qui mortuo *Ernesto Dominico* Principe Chimacensi Prorege Navarræ &c. Anno 1686. ejus cognato germano absque liberis, institutus est ab eo testamenti tabulis in Principatu Chimacensi & cæteris bonis; obiit Ao. 1688. Sustulit inter cæteras proles utriusque sexus *Carolus Josephum Albertum Alsatium*, Principem Chimacensem, Comitem de Bouffu, Baronem de Liedekercke &c. Aurei Velleris Equitem hodie in vivis. Vide stemmata Dynastarum de Liedekercke apud *A. Miræum* in Chronico Belgico pag. 412. & 434. item in Annalibus Hannoniæ Vinchant & Ruteau pag. 246. Porro stemma Comitum ac Principum Chimacensium invenies in Diplom. Belg. *A. Miræi* Lib. I. Cap. CXII. novæ edit. pag. 233.

Ante turbas Belgicas seculi XVI. exstabant sequentia Dynastarum Monumenta Sepulchralia in Choro hujus Parochialis inque eis imagines eorum, prisco habitu, effigie armatâ cum suis uxoribus & hisce inscriptionibus.

*Cy gist Messire Philippes Sire de Liedekercke & de Breda, qui trespassa l'an 1322.*

*Et icy gist Dame Adelisse de Raffeghien de Leyffe, de Liedekercke & de Breda, qui trespassa l'an 1343.*

*Et icy gist Dame Marie Dudit Philippes, qui trespassa 1373.*

*Et aussi gist Jehenne Dame de Raffenghien & Leyffe par son pere & de par sa mere Dame de Liedekercke & de Breda qui trespassa l'an . . .*

*Cy gist Collaert Villain Chlr. Sr. de Liedekercke, Vicomte de Lombecq, Heatable, Collateur d'Assenede qui trespassa l'an 1457.*

*Cy gist Marguerite fille de Guy de Ghistelle, qui trespassa au mesme an.*



Ita excepimus ex antiquo libro Epitaphiorum Flandriæ, conscripto ante turbas Belgicas.

Damus hic inscriptiones Sepulchrales Dynastarum de Liedekercke quilibet conditi sunt.

In Ecclesiâ de Nevele in Flandriâ visitur sequens Epitaphium in laminâ cuprea cælatum.

Hic jacet sepultus Dominus *Joannes de Montmorency* miles, quondam Dominus temporalis de Nivelles & Liedekercke, Consiliarius & Camerarius Ducis Burgundiæ, qui obiit anno incarnationis Domini M. CCCC. LXXII. mensis die XVI. Junii. Orate pro anima ejus.

Mechliniæ in Ecclesiâ Parochiali *D. Petri* in Capella B. M. V. in grandi lapide inserto parieti legitur sequens Epitaphium.

*Icy gist Noble & honorable Dame Joosine de Rymerſwale compaigne de feu Messire Adrian Villain, Seigneur de Liedekercke, van s'Borgraven, Lombeke &c. mourut le XXIII. jour de Septembre M. D. XXVIII.*

In Ecclesiâ Parochiali de Bouffu exstat sequens inscriptio Sepulchralis.

*Icy gist haut & puissant Seigneur Messire Maximiliain, Comte de Bouffu, Marquis de la Vere, Baron de Liedekercke & de Dender-Leeuw, Vicomte de Lombeque, Seigneur de Blangies, Bewry, Chocque, Fossé, Sally, Bourse &c. Chevalier de la Toison d'or, Maître d'hôtel des Serenest. Archiducs, Gouverneur de la Ville & Chasteau de Bethune, Colonel d'un Regiment d'Infanterie Walonne, Chef & Capitaine de quarante hommes d'Armes au service de sa Majesté &c. lequel trespassa au Chasteau de Liedekercke le 8. d'Octobre 1625.*

*Et haute & puissante Dame Marie Alexandrine-Françoise de Gavre, fille aînée de Messire Charles de Gavre, Comte de Fresin &c. son Epouse la quelle mourut . . .*

*Priez Dieu pour leurs Ames.*

Ecclesia inscripta est *S. Nicolao* Episc. Cura Pastoralis dependet ab Abbatia *S. S. Cornelii & Cypriani* Nihoviensis Ord. Præmonst., quæ sacrum ministerium ibidem e suis Canonicis Religiosis constituit, & in ejus adjutorium Vicarium. Decima est tripartita cujus duæ trientes spectant ad Dynastam, altera triens ad Parochum.

*A. Wichmans* in suâ Brabantia Marianâ Lib. III. Cap. XXXVIII. refert quomodo *Twanus* Comes Alostensis & Dominus Liedekerkenſis, post mortem *Waltelmi* primi Abbatis Diligemensis, Ecclesiam Liedekerkenſem, Decimas, & ligna Silvæ Liedekerkenſis, cum appendiciis suis *Lombeke & Strithem*



*them* (quæ hæcenus eidem *Waltelmo* subfuerant) ad usum Canonorum Præmonstratensium Nihoviensium transtulerit anno 1140. auctoritate *Nicolai* Episc. Camerac., unde non parva difficultas inter utrumque Cœnobium Diligemensē & Nihovienſe postea exorta est super hac donatione *Twani*, quam *S. Bernardus* Abbas Clarævallensis demum composuit, de quâ exstant litteræ apud eosdem ipsius *S. Bernardi* manu, ut fertur, exaratae, insigniis ejusdem, vel, ut suspicio est, Monasterii Clarævallensis infra dependentibus, quarum una pars apud Nihovienſes, altera apud Diligemenses adſervatur: utraque vero sibi conjuncta, integram Epistolam conficit.

Rem parum aliter narrat Chronicon *Balduni* Ninivenſis M. S. his verbis.

„ Cum autem circa idem tempus (ſcilicet M. CXXXVII.) Dominus „ *Woltelmus* Vir opinatiſſimus eſſet defunctus, qui *Jettbenſis* & *Liedekerckenſis* Eccleſiæ Abbas fuerat, Dominus *Twanus de Aloſt*, qui apud „ *Lidekerckam* tunc temporis dominium obtinebat, defuncto Domi- „ no *Woltelmo*, qui Abbas *Jettbenſis* & *Lidekerckenſis* Eccleſiæ fuerat „ (nam & hæc, ſicut illa, libera *Jettbenſi* Eccleſiæ nonquam fuerat ſub- „ jecta) accerſito Domino *Gilleberto* Abbate noſtro in eleemoſynam con- „ tradidit, & Episcopali auctoritate donum ſuum confirmari obtinuit. Sed „ illis de *Jeth* (ſic ævo iſta vocabatur Diligem) poſtmodum reclamantibus „ nos tamquam ſui juris invaſores conſtanter impetentibus, tandem poſt „ longas & varias concertationes, conſilio & auctoritate Domni *Bernardi* „ Clarævallensis Abbatis Apoſtolicæ ſedis Legati, factâ inter illos compo- „ ſitione, omnis hæc decisa eſt querela, & auctoritate Cameracensis Episcopi, & totius Ordinis, utrique Eccleſiæ indictum eſt ſilentium. ” Hæcenus Chronicon Ninivenſe M. S.

Intra limites hujus Domini in Sylvâ *Liedekerckanâ* fundatus eſt initio ſeculi XV. Conventus in honorem Virginis *Mariæ* Fratrum B. M. V. de *Monte Carmelo*, cujus tale fuit initium.

„ *Henricus de Flandria*, & *Robertus de Namurco* aliiſque Milites ac „ ſcutiferi Societatis de *Mula* Anno Domini 1349. Oratorium erigebant „ in honorem Virginis Matris in ſylva *Liedekerkanâ*, uti de his latè patet „ ex litteris *Joannis de Teneremunda* Abbatis Monasterii *S. S. Cornelii* & „ *Cypriani* datis ad tertiam Maii ejusdem anni, Patroni in ſpiritualibus illius loci, volentes ut aliquot Capellani ibi divina celebrarent canerentque „ quotidie ſeptem horas Canonicas. Hanc Capellaniam Generoſus ac potens vir *Arnoldus de Gavera* Dominus de *Raffenghem*, *Lens* & *Liedekercke* vertit in Monasterium Ordinis Carmelitarum, quo autem præciſè anno non conſtat, ſatis id colligere licet id factum circa annum 1411. ex „ litteris P. Generalis *Joannis Groſſi* eo anno 14. Decembris datis Brugis, „ quibus ut antea Gandavi in Capitulo concluſum erat, designat ex termino „ Gandenſi & Bruxellenſi Parœcias aliquot pro hoc Conventu (ut litteræ „ ſonant) ſito & noviter recepto propè Caſtrum & oppidum Domini de „ *Liedekercke* vocato vulgariter noſtræ Dominae ad *Mulum*.

„ Cum autem præſatus *Arnoldus de Gavera* uti ſpoſponderat P. Generali „ Carmelitarum ſe proviſurum ulterius de mediis pro XIV. Fratribus neceſſariis, morte præventus, integrè non impleviſſet, amici ejus nepotes „ & neptes ſuppleverunt per donationem duorum cum dimidio bonariorum „ terræ in Sylvâ *Liedekerkanâ* anno 1445. uti patet ex his litteris nobis „ gratioſè communicatis ex Monasterio Carmelitarum Aloſtenſium ex Flandrico a nobis in Latinum tranſlatis.

Nos



Nos **GUILIELMUS DE GAVERE**, Archidiaconus Campiniæ in Ecclesia Leodienſi, Præpoſitus Trajectenſis, Dominus de Raſſenghien & Liedekercke. *Cornelius de Gavere* Dominus de Lens, & Herchyſes. *Adrianus Villanus* Dominus de St. Jans ſteene Advocatus Tamifiæ. *Joannes Villanus* Dominus Ædium de Pamele & Leetberghe. *Hector Villanus* Dominus de Santvoorde. *Philippus Villanus* Dominus de Mourbeke. *Florentius de Saemſlacht* tam pro ſe, quam prout tutor ſuorum Fratrum ac Sororum. *Joannes de Patiſſes* cauſa Dominarum de Saemſlacht ejus legitimæ conthoralis, & Dominæ *Elisabethæ de Nuewe*. *Guido de Ghyſſele*, & *Petrus Roubaix* pro & nomine Dominæ de *Ghyſſele* legitimæ ejus conthoralis. *Adrianus*, *Philippus*, & *Joannes de Remerſwaele* Domini de Lodick fratres. Domina *Margareta de Remerſwaele* uxor legitima *Guilielmi de Cattendyck* auctorizata a ſuo marito ad ſequentem cauſam faciendam. Et *Antonius Quiret* pro & nomine Dominæ *Joannæ* ejus uxoris, & ut habens facultatem & commiſſionem a Domino *Philippo de Hynchy* & Dominæ *Antoniæ* ejus ſororis, quos in hac cauſa comprehendit. Notum facimus omnibus præſentes litteras viſuris & audituris, quod cum probè informati ſimus, & nobis clare conſtet, quod præteritis temporibus, Nobilis, Honorabilis, & Potens Dominus *Arnoldus de Gavere* noſter genitor ac progenitor Dominus de Raſſenghien, de Lens, & de Liedekercke tempore vitæ ſuæ fundaverit, & exſtrui fecerit Monafterium Noſtræ Dominæ ad Mulum in Sylva Liedekerckanâ ad honorem Glorioſæ Virginis Mariæ, & veluerit ut ibidem eſſent & reſiderent XIV. Perſonæ Fratres Ordinis Noſtræ Dominæ, dicti de Monte Carmelo, qui ibidem obſervarent ſeptem horas Canonicas in perpetuum, & quod prædictus genitor noſter & progenitor ſponſonderit Generali Ordinis prædictorum Noſtræ Dominæ Fratrum tum temporis exiſtenti, qui antequam conſenſum præbere vellet, ut prædictum Monafterium ad uſum dicti Ordinis conſecraretur, voluit ut idem Monafterium dotaret, & talibus cenſibus provideret, ut iidem XIV. Fratres inde ali poſſent, cum nulla eſſent dona, ut exinde prædicti Fratres viverent, & Monafterium conſtitueretur in ſaltu ſilveſtri extra & procul ab omnibus hominibus, quæ dotatio & promiſſio necdum impleta eſt ut oporteret, hinc metuentes ne anima ipſius deſuper gravata foret, & ad eam a prædicta pollicitatione exonerandam, & muneri noſtro hac in re ſatisfaciendum, ac etiam cauſâ aliarum certarum promiſſionum, quibus ſe Prior qui modo vocatus eſt *Fr. Ghyſbertus Strobbe*, & Communis Conventus Fratres infra nominati ſcilicet *Fr. Guilielmus Rempelberghe*, *Fr. Guilielmus Bontwerckere*, *Fr. Walterus Keerſmaeckere*, *Fr. Claudius de Coninck*, *Fr. Joannes de Smet*, *Fr. Henricus Knoop* nobis ſe obligarunt pro ſe & ſucceſſoribus eorum, quod ſingulis annis in perpetuum pro unaquaque ſtirpe ſupra nominatâ jubebunt fieri Anniverſarium novem lectionum, & ſequenti die Commendationes, & Miſſam de Requiem cum Diacono & Subdiacono, & pleno Choro, ac quamdiu ſupra ſcriptæ ſtirpes erunt in vivis, celebrabitur annuè pro unaquaque ſtirpe in vivis una Miſſa de ſpiritu Sancto, & veſperi habebuntur vigiliæ ut ſupra, ſicut hoc in Miſſali ejusdem Monafterii deſcriptum habebitur, ut omnes id intueantur, & neutiquam permittere poſſint annihilari, ſed in perpetuum duret, & permaneat uſque ad diem quo Monafterium exſtabit. Ideo nos omnes, & ſinguli in particulari pro nobis, Succeſſoribus, & hæredibus noſtris prænominato Monafterio ad honorem Dei, B. Mariæ Matris ejus Benedictæ ad ſacrum officium ſeptem horarum Canonicarum, Anniverſaria, Miſſarum & vigiliarum abundanter ſatisfaciendum, addimus, & donavimus, addimus, & donamus angulum quẽdam noſtræ ſylvæ Liedekerckanæ, ſitum ante idem Monafterium, cujus limes connectitur anteriori angulo agri Monafterii verſus occidentem, cujus fundum olim *Henricus Tolvin*, & Domina *Joanna Straters* ejus legitima uxor eidem Monafterio donabant, ſic ultra procedendo ab eo angulo ad locum *Elsbroucke* Monafterii de Afflighem, & angulum certi *Elsbrouck*, quem dabat quondam *Ægidius de Kempenaere* eidem Monafterio noſtræ Dominæ ad Mulum, & ſic ulterius procedendo ad torrentem *Hoelbeke*. Cujus donationis magnitudo tota conficere poteſt circa duo bonaria cum dimidio paulo minus vel plus. Mediante quo dono & aliis conſtitutionibus Nos Prior & Conventus ſupranominatus, quoad nos & Succeſſores noſtros, nos habemus contentos & ſolutos de promiſſis in toto, quæ prænominatus quondam Dominus *Arnoldus de Gavere* prædeceſſor noſter potuiſſet promiſſiſſe, & exoneramus ejus animam, in quantum in nobis eſt, coram Deo regni cæleſtis nunc & in perpetuum, & promittimus ſupra nominatis hæredibus litteras ſigillatas a noſtro Generali, quod ipſi in ſupraſcriptis ſatisfactum



erit, & litteras ejus per has transigentur in signum consensus & confirmationis illius quod supra scriptum est. Et quia nos, omnes supranominati Domini & Dominae volumus, & expetimus quoad nos, nostros hæredes & successores, ut hæc præscripta donatio, & ordinatio valida, firma, stabilis, & benè observata maneat in perpetuum absque ulla fraude, & sine aliquâ revocatione, ideo præsentis litteras nostris sigillis uniuscujusque proprio appendente munimus. Et nos Prior & Conventus supradictus similiter has litteras ordinario nostro firmavimus sigillo. In Notitiam veritatis. Datum Anno Domini M. CCCC. XLV. die XVI. Januarii.

In hoc loco Fratrum Carmelitarum habitatio fuit usque ad annum 1497. quo die 23. Januarii Auctoritate *Philippi Austriae* Ducis Brabantiae & Comitum Flandriae &c. & *Henrici de Berghes* Episc. Camerac. migrarunt in Aloftum, uti ante diximus.

Hic locus & Conventus *De Muylen* per centum & quinquaginta annos derelictus, iterum circa medium præcedentis seculi inhabitari coepit pereosdem Fratres B. M. de Monte Carmelo, & cum tempore magis, magisque excrevit & florescere coepit exstructis novis ædificiis; ita ut hodiè vocetur *Conventus B. Mariae de Muylem*.

MAZENZEELE, vulgo per Syncopen *Maseele* nuncupatur, altero lapide ab Alofto. Præfecturæ Ascanæ pagus, ad cujus Marchionem ejus Dominium spectat, continet ferè 200. terræ bonaria cum agris & sylvis.

In sacris Ecclesiæ tutelaribus est *S. Petrus* Apostolorum Princeps, titulo ad vincula. Ejus Patronatum gerit Archiepiscopus hujus Dioecesis jure Abbatialis Affligemienfis. Potior pars decimarum spectat ad Parochum, etiam illa quæ nuper fuit præfatæ Abbatiae, quam ei cesserunt. Mensa *S. Spiritus*, & Matricularius in iis notabilem aliquam partem habent.

MELDERT, primo milliari cum quadrante ab Alofto. Præfecturæ Ascanæ pagus spectans ad ejus Marchionem.

Ecclesia sacra est *S. Walburgi* Virg. & Mart. Patronatus ejus spectat ad Archiepiscopum hujus Dioecesis jure Abbatialis Affligemienfis. Decima est tripartita cujus duæ trientes spectant ad hanc Abbatiam, altera triens ad Parochum, cui præfata Abbatia in supplementum annuè solvit 125. flor. Ecclesia certam partem habet decimarum minorum tertiæ partis.

Hic loci est Sacellum *S. Petronillæ* Virg. & Mart. quod frequenter apopulo vicino visitatur & frequentatur, maximè die 31. Maii.

In hac Parochiali olim sepulturæ locum habuit teste *A. Sander* in Affligemio *Henricus de Asca* Abbas XXI. Affligemienfis.

Intra limites hujus pagi sita est pro magnâ suâ parte Illustris Abbatia Affligemienfis.

Abbatia  
Affligemienfis.

Hæc Abbatia initium sumpsit Anno M. LXXXIII. De anno foundationis legi olim solebant apud Affligemienfes hi versiculi.

Annus Millenus Octogenus quoque ternus  
Dum fertur, Locus hic Principium reperit. . .

Hæc Abbatia primaria est totius Brabantiae, Ord. *S. Bened.* cujus Abbas primus Prælatus est Ducatus Brabantiae; sita est sub Præfecturâ Ascanâ, a quo loco distat primo lapide ferè cum dimidio, ab Alofto primo, a Bruxella quarto, cujus tale fuit initium.

*We.*



*Wetherico* Monacho *S. Petri* Gandavi longe latèque contra seculi vitia acriter concionante, sex viri Nobiles, (quos ævo isto milites vocabant), sacris ipsius concionibus ad poenitentiam sunt conversi, quorum nomina *Gerardus Niger*, *Emelinus*, *Hargerus*, *Wibodo*, *Geldulphus*, & *Tibaldus*. Hi factâ prius humili peccatorum confessione *S. Annoni* Colonienfi Archiepiscopo, ad quem a *Wetherico* missi pro poenitentiâ fuerant, Anno 1083. in Vigiliâ Apostolorum *Petri & Pauli*, locum quemdam desertum, ac Sylvis horridum *Affligen* dictum, hodie *Affligem* (qui prius fuerat spelunca latronum) petierunt, & incolere cœperunt, ubi melioris vitæ initia posuere, qui omnibus abjectis, ita nudi ad ædificandum claustrum convenerunt (verba sunt *Sigeberti* in Chronico) ut nihil secum præter panes tres, dimidium caseum & pauca ferramenta detulerunt. Mox accessere duo Milites *Gerardus Albus* & *Heurardus* crudelitate & sceleribus famosi, dein poenitentiâ celebriores.

Tum a *Gerardo II.* Cameracensium Episcopo habitum Monasticum & magistros a quibus Monachicum Ordinem discerent expetunt. Hos ab *Alardo* Abbate Aquicinctino obtinuerunt, nempe *Titubaldum* Priorem & *Rodulphum*, qui paulo post revocati sunt. Vix tribus annis exactis ab eodem *Gerardo* in honore *S. S. Apostolorum Petri & Pauli* Ecclesiam dedicari faciunt, Comitissa *Adela* cum duobus filiis suis *Henrico* & *Godefrido* ad ædificandum inibi Cœnobium eundem locum libertate donarunt, eoque tempore *Affligemium* venerunt *Fulgentius* & *Herimannus* Monachi *S. Agerici* Cœnobii Virdunensis.

Hic *Fulgentius* (qui ex Gallo-Brabantiâ oriundus erat) electus est primus Abbas Anno 1088. in festivitate *S. Martini*, annoque sequenti Benedictionem Cameraci a præfato *Gerardo* Episc. in festivitate *S. Gregorii* accepit, variosque Nobiles, & opibus potentes ad poenitentiam & habitum admisit.

Fundata ac dotata est hæc Abbatia ab *Henrico III.* Comite Lovaniense & Brachbantenfe anno 1086. Diploma refert *A. Miræus* pluribus locis ut sequitur.

In nomine sanctæ & individuae Trinitatis. Ego HENRICUS, divinâ propitiante clementiâ, BRACBATENSIS PATRIÆ COMES & ADVOCATUS, omnibus tam præsentibus quàm futuris fidelibus, omne datum optimum & omne donum perfectum, descendens à Patre luminum.

Notum vobis facimus qualiter miles quidam meus, GERARDUS nomine, cum aliis quibusdam, quos æquè divina gratia & prævenit & subsecuta est, balteo militari deposito, ut meliorem invenirent hereditatem, militiam Jesu Christi professi sunt, & in Comitatu meo, loco ab Antiquis HAFFLINGEM vocato, modo autem novo Monasterio appellato, habitationem saltuosam adhuc & desertam elegerunt, ut quanto amplius remoti à secularibus, tanto sub regula beati Benedicti Deo servirent familiariùs.

Erexerunt autem Ecclesiam in honore beati Petri Apostolorum Principis, ut ubi antea erat spelunca latronum: habitatio inciperet tandem rectè viventium, & qui erat locus rapinæ & homicidii, mutaretur in possessionem pacis & fructus eleemosynarum.

Quoniam vero locus ipse ad Comitatum nostrum hereditario jure videbatur pertinere, \* Ego fraterque meus GODEFRIDUS, ab eisdem exorati fratribus, de alodio nostro, quod ibi juxta in villa, quæ dicitur Asca, tenuimus, XX mansos usui nostro subtraximus & pro remedio animarum nostrarum, omniumque antecessorum nostrorum, legitimè & ex toto liberè ad altare ipsius Ecclesiæ tradidimus: præterea, quoniam sæpissime probata valde nobis placuerit militaris eorum industria, tam pro seculari eorum amicitia, quàm pro remuneratione divina, de eodem alodio adja-

\* Scilicet  
Henricus.



cente, & ad servitium nostrum remanente, in silvis & pratis, in campis & pascuis, in piscationibus & venationibus, omnem eis usum habere nobiscum.

\* *Aliàs*  
*Wauria.*

† *Aliàs*  
*madharia.*

Ut autem per amplius beneficium, majus ad Dei servitium cresceret eis desiderium, Capellam nostram liberam in \* *Wavera* subterius sitam, cum tota decimatione superioris Ecclesiæ, cum debita instituendi Presbyteri subjectione, cum terris insuper aliquibus nostræ culturæ subsistentibus, cum teloneo & † *maceria*, cum molendinis, & curtibus ad nos in eadem villa pertinentibus, huic traditioni legitime addidimus.

Quod si, ut verè de misericordia Dei præsumimus, ad meritum eorum accesserit, & numeris Abbatem eligere, baculumque super altare positum ipsi committere, nullo Principe, nullo Episcopo contradicente, in eorum regulam eligatur, qui eligendus est, & per ostium Jesu Christi ingrediatur, qui ordinandus est, remotâ omni alienâ contradictione, & suspectâ occasione. Nos verò de aliqua sibi illata injuria, si appellare voluerint, quasi pro animabus nostris, pro eis nos exponemus, nec quidquam aliud de loco illo nisi orationes fratrum & Dei retributionem recipere volumus.

Et ut hæc nostra traditio vel conditio omnibus retro seculis rata & inconvulsa permaneat, chartâ & atramento rem, uti est, notamus & roboramus. Ante omnia Dominum Omnipotentem & Sanctos ejus citamus, & fideles nostros, qui huic traditioni interfuerunt, idoneos testes subterfirmamus.

(a) *Aliàs*  
*Cimberlaca*

(b) *Aliàs*  
*Makart.*

(c) *Aliàs*  
*Haingelthem.*

(d) *Aliàs*  
*Kalvartus.*

(e) *Handertensis.*

(f) *Aliàs*  
*Vultmerhem.*

Steppe Bruffellensis, & frater ejus Walterus.

Balduinus de Aloft. Gerardus de (a) Cumberfaca.

Adalbertus (b) Snakart. Theodericus de Budenghem.

Anselmus de Erpe. Sigerus frater ejus.

Herebrand de (c) Hordingoschen.

Folcardus & Godescalcus filii ejus.

Ingelbertus (d) Kalvarstert. Sigerus (e) Anderlechtenfis.

Onulfus de (f) Milverschem. Gillebertus de Laca.

Arnulfus & Otbertus de Ordengehem.

Henricus Cameracensis Ecclesiæ Canonicus.

Adelardus Canonicus, & Godeso & Meinerus, Clerici de Lovania.

Joannes Canonicus de Petingehem.

Gerardus de Leneca. Godefridus de Lathem.

Franco. Amandus. Hugo de Brussele.

Amulricus de Bekenfele. Sigerus de Aloft.

Walterus de Ascha. Walterus de Hamme.

1086.

Actum est hoc anno ab Incarnatione Domini millesimo octogesimo sexto, regni verò *Henrici* Regis tricesimo quinto, Præsulatûs *Gerardi* Episcopi decimo.

Anno 1096. *Ida* Comitissa Boloniensis (filiis suis *Godefrido Bullonio*, *Eustathio* & *Balduino* consentientibus) Ecclesiam & Decimas Genapiæ dat Monasterio Affligemienfi hoc Diplomate.

In nomine Sanctæ & individue Trinitatis.

Ego *IDA* Boloniensis Comitissa, humilis Christi ancilla, cunctis in fide manentibus gaudia promereri promissa fidelibus.

Notum fieri cupio, tam præsentibus, quàm futuris, signum meæ dilectionis, erga Dominos meos & fratres, videlicet Monachos Cœnobii *NOVI MONASTERII*, cui vocabulum *HAFFLINGEM* inditum erat ab antiquis. Quoniam quidem mihi multisque eorum complacuit conversatio, & religionis affectus, dignum duxi me commendare talium orationibus, nec in incerto divitiarum sperare, sed has potius cum eis participare.

Igitur in alodio meo & villa, quæ vocatur *GENAPIA*, pro salute animæ meæ, patris quoque mei Ducis *GODEFRIDI*, & Comitissæ *EUSTATHII* Domini mei, Ecclesiam cum decimis & universis ejus redditibus, firmiter perpetuoque jure tenendam dedi supradictis fratribus, in idipsum filiiis meis *GODEFRIDO*, *EUSTATHIO* & *BALDUINO*, mihi cooperantibus.

Filius quoque meus Dux *GODEFRIDUS* in eadem villa *Genapia* quinque mansos terræ donavit iisdem fratribus, ad quos ego postea in augmentum concessi quasdam par-



partes circumjacentes planè sextum mansum continentes, ab omni comitatu, & censu tributario liberas & expertes.

Insuper autem quidquid sibi vendicabant, quippe quod à prioris doni tempore possederant, & usibus suis assignaverant, sive in silvis, sive in pascuis, sive in fatis, eis concessi eadem libertate, quā tenui, sed & omne participium in silva, & reliquo usurario communi, in hoc nihilominus filiis meis consentientibus mihi.

Factum est autem hoc apud *Trajectum*, in Ecclesia S. SERVATII Confessoris, præsentibus etiam Reliquiis S. GERTRUDIS Virginis, pro simili negotio illuc tunc allatis. Ut autem hæc traditio omnibus retrò sæculis rata & inconvulsa permaneat, omnem rem, uti gesta est, litterarum memoriæ commendamus, & sigillis nostris Ego & GODEFRIDUS filius meus roboramus, & testes idoneos, qui huic rei interfuerunt, subtersignavimus.

*Maastricht.*

Signum Lamberti nostri Capellani.

S. Roberti Capellani.

S. Gerardi Comitis de Gelre, & fratris ejus Henrici.

S. Godescalci de \* Jacen.

S. Henrici de Cuck. S. Arnulphi de Rode.

S. Cononis de † Montaut.

S. Theoderici de Bemel.

S. Henrici de Birbaica.

S. Balduini de Osteruic.

S. Walteri de Grimberges.

S. Reineri Advocati Leodicensis.

Denique de scriptis testibus & illud notum facimus, quod Comes HENRICUS, qui eandem villam in beneficium à nobis tenuit, duobus annis, antequam hæc donatio confirmaretur, nobis reddiderit, ad opus fratrum, quod ad eum pertinuit.

Factum est autem hoc Incarnationis Domini anno millesimo nonagesimo sexto, Indictione quartâ, regnante Domino nostro Jesu Christo \*, anno etiam professionis Christianorum contra Paganos Jerusalem.

1096.

\* Hic mendum, vel aliquid ommissum.

In Ecclesia Affligemiensi conditi sunt *Godefridus Barbatas*, Dux Inferioris Lotharingæ, Comes Lovaniensis &c. præfati *Henrici* sine filiis defuncti frater ejusque successor, primarius hujus Monasterii benefactor, qui illud multis prædiis auxit, ac recensetur velut alter fundator. Obiit 1140. *Henricus* Comes Lovaniensis præfati *Godefridi* filius, qui in hoc Monasterio Monachus effectus, cito a Deo ex hac vitâ vocatus, obiit 1141. *Aleydis* præfati *Godefridi* filia nupta *Henrico I.* Anglorum Regi. *Maria Philippi* Francorum Regis filia, uxor *Henrici I.* Brabantiae, quæ obiit 1238. & multi alii nobiles, qui hanc Abbatiam plurimum dotarunt.

In hac Abbatia vivendi finem fecit *D. Antonius Sanderus* scriptis editis clarissimus & notissimus, quæ pleraque Bibliotheca Belgica *Valerii Andreae* recenset. Vir de Antiquitate Belgicâ præsertim Ecclesiasticâ præclare meritus, conditus hic ante aram S. *Mauri* in anteriori Ecclesiâ, ubi vivus sibi Sepulchralem posuerat lapidem, inscripto hoc sibi Epitaphio, ab eo dum viveret composito.

D. O. M.

Antonius Sanderus

Presbyter hic positus,

Piis fidelium precibus

Me Commendo,

Et a misericordia Christi expecto

Donec veniat immutatio mea.

Amen.

TOM. II.

Xx

Post



Post ejus ex hac vita discessum, annus obitus ejus apponi neglectus fuit, qui fuit annus 1664. uti notatum vidimus in *A. Ciaconio* De Vitis Romanorum Pontificum & S. R. E. Cardinalium Tom. IV. editionis Romanæ 1677. pag. 718.

Visebatur olim in hoc Monasterio B. Virginis *Mariæ* statua, quam cum *S. Bernardus* Abbas Clarævallensis, cum hic moraretur, de more salutasset, dicens AVE MARIA, illam protinus respondisse AVE BERNARDE, idque contigisse fertur sub *Godefranco V.* Abbate, teste Chronico Gemblacense. Hæc imago dein Affligemii fuit apud omnes in summâ veneratione. Ea in Ulnis *Christum* gestabat, sculpta ex candido & molliori lapide, aut sanè huic simillimo, arenâ nigrâ nonnihil insperfo (quem Brabanti *Lavendersteen* nuncupant) longitudine hominis mediocris, hoc est, quinque & amplius pedum, velo ex capite dependente in humeros. Locus autem quo primitus constituta permansit, & honorata fuit centenis aliquot annis, est in claustro sive ambitu Monasterii juxta ostium, quo ex illo in dormitorium ascenditur. Ubi & ejusdem basis ipsa modo visitur, eminens ex parte parietis antiquioris Ecclesiæ, ubi etiam alia modo constituta est Deiparæ Virginis statua cum hac subscriptione.

Virginis hancce piæ statuam venerare Mariæ,  
Præteriensque cave, ne taceatur Ave.

Præfata hæc Deiparæ Statua circa annum 1580. durante in Belgio fanatico Geusiorum tumultu, a protervo nebulone ex basi sua projecta, & contracta fuit, putans ligneam esse, ut inde ignem strueret, ex cujus dein contractis partibus duæ sculptæ sunt, quarum una Affligemii adservatur, altera Patribus Societatis *Jesu* Bruxellæ a Priore donata, quam in Collegium suum Bruxellense inferentes ibidem privato domesticorum cultu exposuerunt. Quæ tamen aliquot annis post Affligemienfibus reddita est, & *Wave-ra* collocata, ibidem impensius colitur.

Monumenta Affligemienfia tradunt, quum idem *Bernardus* anno circiter 1148. Affligemienfium Sanctam vitam oculis usurpasset, ita pronuntiasse fertur: *Ubique inveni homines; hic vero Angelos* Deinde quod ibidem duas habuerit conciones ad Monachos Affligemienfes, quibus eos frustra ad Cisterciensè suum institutum pertrahere conatus est.

Hinc vero discedens in amoris sui symbolum, partem baculi sui Pastoralis ibidem reliquit. Fuit hæc Pedi ejus Abbatialis pars superior, quæ ut plurimum illustrior & ornatior, fusa est ex cupro sive ære rubro inaurato, nullo tamen sumptu aut splendore elaborata, quæ ibidem in hodiernum diem religiosè adservatur.

In Choro hujus Monasterii visitur artificiosè constructa ara marmorea, & in eâ tabula e pereleganti manu & penicillo *Petri Pauli Rubenii*, quæ Christum bajulantem crucem ad montem Calvariæ repræsentat, quæ omnes in sui admirationem rapit, cujus præteritum æstimatur ultra decem florenorum millia. Sedilia Religiosorum in Choro summâ arte & artificio elaborata sunt; ita ut Belgium vix similia videat.

In Refectorio visiter insignis tabula depicta a *Gaspere de Crayer* pictore celeberrimo, quam intuens præfatus *P. P. Rubenius* ejus quondam magister. magnis laudibus extulisse fertur. Representat Historiam quo modo *Totila* Gothorum Rex exploraturus an *S. Benedictus* haberet spiritum Propheticum, Spatarium suum ornatu regio ad eum mittit qui se Regem simularet.

Ad



Ad laudem hujus Abbatiae accedere potest, quod & generosa fuerit, atque secunda aliorum quorundam Religiosè servientium locorum mater. Scilicet Abbatiae *S. Andreae* juxta Brugas *Vlierbacensis* propè Lovanium, *Bornhemii* (quondam etiam Abbatia) nunc Prioratus, & *Wavria* celebris etiamnum in Gallo-Brabantia Prioratus, sicut & de *Fraxinea* (vulgo *Fresne*) quæ similem titulum habuit.

Ad non minorem etiam ejus laudem facit, quod ex Affligemienſi Monasterio plures ad alias Ecclesias assumpti fuere Abbates, inter quos V. primi Abbates *Vlierbacenses*, qui omnes fuere ex hoc Monasterio, dein *Joannes Hantaert* item Abbas *Vlierbacensis* anno 1567. *Petrus Coels* dictus *Glymes* Abbas *Vlierbacensis* anno 1571. *Ghisebertus V.* Abbas *Eenamensis* dein anno 1132. Electus Abbas *S. Petri* in Monte Blandinio juxta Gandavum. Obiit ibidem anno 1138. *Snellardus VI.* Abbas *Eenamensis*. *Arnulphus VIII.* Abbas *Eenamensis*. *Gisebertus* Abbas IX. *Eenamensis*. *Sigerus* Abbas XIII. *Eenamensis*. *Gerardus III.* Abbas *Eenamensis* XXVIII. *Otho ab Hasten* XXIX. Abbas *Eenamensis*. *Guilielmus de Mechlinia* Prior in *Wavria*, electus Abbas ad *S. Trudonensem* qui obiit 1297. *Joannes de Hessen* Abbas *Lobienſis* anno 1483. *Cornelius Wampach* *Bruxellensis* Abbas XXV. *Munsteriensis* prope *Luxemburgum* anno 1549. *Martinus Massius* ex pago *Meerbeek* Abbas LX. *Epternacensis* Anno 1569. & *Henricus Zypæus* *Mechliniensis* ex Præposito *Affligemienſi*, Abbas *S. Andreae* juxta Brugas anno 1616.

*Affligemii* olim fuit illustris & instructissima Bibliotheca de quâ *L. Guicciardinus* in suâ descriptione Belgicâ ita loquitur. „ Est in hoc Coenobio celeberrima Bibliotheca, variis omne genus libris instructa; adeo quidem ut „ quod ad libros antiquos habeatur pro locupletissima & laudatissima uni- „ versi istius tractus. ” Non parva eorum pars, Codices erant M. S. e quibus a viris eruditis plures citantur & laudantur. *F. Haraeus* in suis Annalibus *Brabantiae* passim *Auctuarii Affligemienſis*, non semel integros periodos inseruit: quod ipsum *Auctuarium A. Miræus* *Sigeberto* *Gemblacensi* subjecit, ex *Lipsiano* M. S. ut ait codice, & publici illud juris fecit Anno 1608. Qui tamen M. S. Codices pro dolor! jam evanuerunt, & alienas Bibliothecas exornant.

Anno 1643. Librorum Manuscriptorum restantium Indiculum Bibliothecæ *Affligemienſis*, collegit *Odo Cambier* Bibliothecarius & Monachus *Affligemienſis*, quem typis evulgavit *Antonius Sanderus* in suâ Bibliothecâ Manuscriptâ parte II. anno 1644. Infulis typis *Toussani de Clercq.* in 4. Ubi inter alios M. S. codices in hoc Indiculo refert pag. 148. Monasterii *Affligemienſis* Chronicon ab anno 1083. usque ad annum 1637. studio V. D. *Huberti Valeſii* Supprioris ejusdem Monasterii, qui obiit anno 1638.

Nos cum anno 1717. Bibliothecam hujus Monasterii lustravimus, nullos M. S. Codices in eâ vidimus, vel nobis ostendi potuere, neque quod avidè desiderabamus præfati *H. Phaleſii* Chronicon *Affligemienſe*. Dolendum tamen tantum thesaurum Antiquitatis Manuscriptorum Codicum, quem majores eorum incomparabili labore & sumptu non modico acquisierunt, tam brevi temporis spatio ipsis ereptum.

Porro in Spicilegio Antiquitatum Domni *Luca d'Achery* exstat Tom. X. Historiæ *Affligemienſis* Liber unus incerto auctore, ex quo etiam plura hausimus.

Vidimus tamen anno 1723. quo hæc scribimus in *Affligemio* aliud M. S. Chronicon ejusdem Abbatiae præfati *Odonis Cambier*, amplum & accura-



tum quod anno 1651. morte præventus & typis paratum hæctenus ineditum est, cui annexa erat censura *J. Mantelii* Augustiniani S. T. D. anni 1650; quod utinam aliquando publicam lucem aspiciat.

Anno 1627. Viri Venerabiles *Benedictus Hæstennus* Præpositus hujus Monasterii, *Hubertus Phalesina* Bornhemienfis & *Michael a Porta Wavriensis* Priores, cum novem sociis reformatum sive primitivum Benedictinæ Regulæ institutum juxta ritum Congregationis *S. S. Vitoni & Hidulphi* apud Lotharingios, patrum memoria excitatæ, sunt amplexi, & expleto anno unius tyrocinio solemnem professionem die festo *S. Lucæ* fecerunt, Illustrissimo ac Reverendissimo *Jacobo Boonen* Archiep. Mechl. præsidente, & duobus Abbatibus *S. Dionysii* propè montes Hannoniæ & *S. Adriani* apud Gerardimontenses ibidem præsentibus ac laudantibus.

Hinc erecta fuit nova Congregatio *S. Placidi*, seu Monasteriorum *S. Benedicti* Reformatorum in Belgio, quæ sunt numero quinque, *S. Huberti* in Ardennâ, *Affligemienfe* in Brabantiâ, *Gerardimontense* in Flandriâ, *Giflenopolitanum* & *San-Dionysianum* in Hannoniâ.

Hæc Abbatia regitur per Præpositum ibidem constitutum, quorum feriem hic infra damus.

## ABBATES AFFLIGEMIENSES.

- I. FULGENTIUS, ex Gallo Brabantiâ oriundus, Monachus *S. Agerici* propè Virdünun, electus est primus Abbas anno 1088. Suscepit anno 1099. Cellam *Fraxineam* regendam, Anno 1120. Cellam *S. Andreæ* prope Brugas, Anno 1096. *Forestum* prope Bruxellam; *E. Dinterus* refert anno 1105. Anno 1120. Cellam in *Bornhem*, Abbate ejus & Canonicis Monachis factis; hodie est Prioratus ab Affligemio dependens. Notandum quod Benedictini olim suos Prioratus & minora Monasteria Cellas vocarent. Vivere desiit 1122. post mortem Miraculis clarus.
- II. FRANCO, Variorum librorum Scriptor doctissimus, multa per eum constructa sunt. Anno 1125. *Fliederbacum* Coenobium juxta Lovanium suscepit regendum a *Godefrido Barbato* Brabantiæ Duce. Item anno 1132. Majorem Bigardiam. Obiit die 13. Septembris 1135.
- III. ALBERTUS. Oneri ac dignitati mox cessit. Dein Mortuus 28. Septemb. 1144.
- IV. PETRUS. cessit eodem anno quo electus 1146. Mortuus 30. Novemb. 1147.
- V. GODESCALCUS. Hujus tempore *S. Bernardus* Abbatiam Affligemiensem invisit & laudavit. Item sub eo *Fliederbacenses* ab omni subjectionis jure quo Affligemienfis erant obnoxii, anno 1159. sunt absoluti, concessumque e suo corpore Abbates assumerent. Cessit anno 1164.
- VI. ARNULPHUS. ex Priore, ab Eenamensibus Abbas electus, abdicante *Godescalco* anno 1168. ab Affligemienfis in Abbatem est repetitus mortuus anno 1177. *Arnulpho* mortuo *Godescalcus* iterum Abbas electus est, sub eo anno 1187. Prioratus *S. Andreæ* juxta Brugas, agente *Willelmo* Archiepiscopo Remensi, & *Philippo Alsatio* Flandriæ Comite proprium Abbatem accepit. Obiit anno 1194. vel sequenti.
- VII. SIGERUS DE CRAYNHEM. Nobili ortus Prosapia. Obiit anno 1198.
- VIII. WILHELMVS I. abdicavit dignitatem. Anno 1203.
- IX. ROBERTUS. Obiit 20. Aprilis anno 1224.



- X. WILHELMUS II. Obiit 10. Aprilis 1242.
- XI. JOANNES I. hic adfuit e vitâ migranti *S. Lutgardi* Virg. in *Aquiria* Abbatia Ord. S. Bened. in Gallo-Brabantia anno 1246. Obiit 16. Aprilis Ao. 1261.
- XII. HENRICUS I. Obiit 22. Februarii 1264.
- XIII. HENRICUS II. Obiit 10. Januarii 1301.
- XIV. WILHELMUS LOEFIVS. Vixit anno 1311.
- XV. JOANNES II. Obiit 1. Januarii anno 1314.
- XVI. THOMAS, sub quo Anno 1333. Flandri cum Brabantos peterent, Affligemium combusserunt cum pluribus pagis vicinis. Vitâ abiit Anno 1334.
- XVII. JOANNES III. ejus anni obitus ignoratur.
- XVIII. JOANNES WOLMERoy, dignitate volens & liberè se exiit anno 1370.
- XIX. ALMERICUS TAYUS, a *Gregorio XI.* sibi & successoribus Mitæ, Annuli & Pontificalium usum obtinuit. Obiit 28. Augusti Anno 1398.
- XX. HENRICUS DE S. GAUGERICO, natus Bruxellæ familia Patriciâ. Obiit 9. Maii anno 1413.
- XXI. JOANNES ALPHIVS, abdicavit onus & dignitatem Anno 1425. & obiit anno 1429.
- XXII. HENRICUS DE ASCA, Nobili stirpe ortus, abdicavit, & cessit. Mortuus die 16. Januarii 1474. sepultus in Meldert.
- XXIII. GOSWINUS HERDINCX. Obiit 1493. post cujus mortem electus est Abbas *Gisfelbertus Marselarius*, qui palam inidoneitatem suam prædicans resignavit, Prioratu Waverensi contentus.
- XXIV. GUILIELMUS MICHAELIS, ex Priore Fraxinensi, & resignante prædecessore electus Abbas. Romam profectus, oblatam a *Julio Papa II.* Cardinalitiam dignitatem recusasse memoratur. Romæ existens impetravit exemptionem Monasterii sui ab omni jurisdictione Episcopali, 1512. resignavit anno 1516.
- XXV. GUILIELMUS DE CROY, ex Illustri Croyorum genere ortus, ex præscripto Julii II. Papæ emisit prius Professionem, mox fuit Coadjutor *Guilielmi* sui prædecessoris, cui anno 1516. dignitatem resignavit. Anno 1517. creatus S. R. E. Cardinalis & Archiepiscopus Toletanus. Obiit præmaturâ morte in Comitibus Wormaliæ, anno 1521. die 5. Januarii, ætatis suæ XXIII.
- XXVI. CAROLUS DE CROY, *Guilielmi* Frater, itidem hic professus ante completum tyrocinii annum dispensante summo Pontifice, dein anno 1524. Episcopus Tornacensis, & anno 1528. Abbas *S. Gisleini*, & Altimontensis rexit ad annum 1564. quò mortuus, apud *S. Gisleinum*, Ord. S. Bened. Abbatiam, in splendido monumento quod sibi vivus paraverat, tumulatus.

Electus est inde Abbas *Arnoldus Motmannus* Præpositus Affligemienfis, & litteris *Philippi II.* Hisp. Regis confirmatus, dignitatem iniit anno 1565. mense Majo. Verum cum interea in erectione novorum per Belgium Episcopatum, *Pius IV.* Affligemium Archiepiscopatu Mechliniensi incorporasset, coactus est cedere, ac Waveræ Prior simulque Fraxinæ constitutus insigni virtute claruit. Mortuus ibidem anno 1597. die 14. Junii.



Diploma Incorporationis hujus Abbatiae Archiepiscopatus Mechliniensis profertur in Supplem. Diplom. *A. Mirai* Parte II. Cap. CLIX. ut sequitur.

Ex MS.

Archivis  
Archiepiscopatûs.

Pius Episcopus, Servus Servorum Dei, ad perpetuam rei memoriam.

Romanus Pontifex, cui, ex suscepti Officii debito, Ecclesiarum & Monasteriorum omnium cura imminet generalis, ipsarum Ecclesiarum, & praesertim Metropolitanarum, eisque praesidentium Personarum, quas in partem sollicitudinis Altissimus evocavit, necessitatibus, ne illas debitâ sustentationis ope destitutas in temporalibus plura pati incommoda contingat, per opportunæ subventionis praesidia providenter occurrit, & de Monasteriis ejusdem interdum, etiam antequam vacent, disponit, prout locorum & temporum qualitate pensatâ, conspicit in Domino salubriter expedire.

Cum itaque, aliàs felicitis recordationis PAULUS Papa IV. Praedecessor noster considerans, eam partem inferioris Germaniae, quæ charissimo in Christo Filio nostro PHILIPPO Hispaniarum Regi Catholico etiam tunc hereditario jure subiecta erat, paucos habere Episcopos, nullumque Metropolitanum, qui eam regerent, uti illius amplitudo, ac longè lateque diffitorum Castrorum & Pagorum copia, animarumque multitudo, varium item idioma, & vitæ institutum, assiduæque hæreticorum, à quibus illa undique ferè cincta atque obsessa erat, insidiæ expostulabant: his & aliis gravibus causis eum impellentibus, volens periclitanti in partibus illis fidei succurrere, pioque desiderio dicti Philippi Regis satisfacere, Mechliniam, olim Oppidum Cameracensis Diocesis à sua Diocesi & Provincia diviseret & exemerit, illudque in Civitatem; ac S. Rumoldi illius Ecclesiam in Metropolitanam Ecclesiam pro uno Archiepiscopo, cum Mensa Archiepiscopali, & aliis Metropolitanæ Ecclesiæ insigniis erexerit, & instituerit,

Ac dictæ Mensæ pro ejus dote annum redditum quinque millium ducatorum auri de Camera ex certis decimis & bonis, ac fructibus, redditibus, & proventibus Ecclesiasticis per Nuntium suum postmodum ab eo illuc mittendum specificandis, & repartendis, ex tunc prout ex ea die, & è contra, postquam specificati & repartiti forent, etiam perpetuò applicaverit & appropriaverit, per quoddam sub plumbo, & deinde per alias in forma Brevis Literas suas dotem ipsam à certis Monasteriis & Praepositis dismembrari mandaverit, prout in sigulis Literis praedictis plenius continetur.

Nos cupientes Mensæ praedictæ de congrua dote providere, piumque & laudabile institutum Praedecessoris hujusmodi prosequi, atque confovere, animadvertentesque quod per dismembrationes hujusmodi, inveteratus cultus Monasticus læderetur; per unionem verò alicujus ex ipsis Monasteriis eidem Mensæ, loco dismembrationum hujusmodi, si fieret, Archiepiscopus praefatus Monasterii sic uniti curam sedulius gereret, & in illud devotionis vel quietis causâ interdum secedere posset, Monasterium Sanctorum Petri & Pauli Affligemienſe Ordinis S. Benedicti, olim Cameracensis, nunc verò Mechliniensis Diocesis hujusmodi, cujus Abbas pro tempore existens, primus Praelatus in Ducatu Brabantiae habetur,

Praemi-  
nentia Ab-  
batie Affli-  
gemienſis,

Cum primùm illud per cessum vel decessum dilecti Filii moderni illius Abbatis, etiam apud Sedem Apostolicam, aut aliàs quovis modo & ex cujuscumque persona vacare contigerit, vel etiam si nunc, ut praefertur, vacet, & tanto tempore vacaverit, quod ejus provisio juxta Lateranensis Statuta Concilii aut alias Canonicas Sanctiones ad Sedem eandem legitimè devoluta existat, & illa ex quavis causâ ad Sedem eandem specialiter & generaliter pertineat; ac super dicti Monasterii regimine & administratione inter aliquos lis, aut super illorum possessorio, vel quasi, molestia, cujus statum praesentibus haberi volumus pro expresse, pendeat indecisa;

Cum omnibus juribus, jurisdictionibus, & pertinentiis suis, ex nunc, prout ex tunc, & è contra, Mensæ praedictæ, ita quod ex tunc deinceps dilecti Filii Conventus dicti Monasterii, & singulares illius personæ Archiepiscopo Mechliniensi pro tempore existentis Abbati in omnibus & per omnia subsint, eique promittant & praestent obedientiam, prout olim ipsi Abbati praestare tenebantur; liceatque eidem Archiepiscopo per se, vel alium, seu alios corporalem possessionem, seu quasi, regiminis & administrationis, ac bonorum ejusdem Monasterii propriâ Auctoritate liberè apprehendere, &



& perpetuò retinere, illiusque fructus, redditus, & proventus in suos, ac Mensæ, & Monasterii prædictorum usus & utilitatem convertere;

Nec non omnia & singula Prioratus, Præpositus, Dignitates, Personatus, Administrationes, & Officia, cæteraque Beneficia Ecclesiastica cum cura & sine cura sæcularia, & quorumvis Ordinum Regularia ad collationem, provisionem, præsentationem, electionem, institutionem, confirmationem, & quamvis aliam dispositionem pro tempore existentis Abbatis dicti Monasterii, communiter vel divisim quomodolibet spectantia, illorum pro tempore occurrente vacatione, personis idoneis conferre, & de illis etiam providere, ac similes personas ad illa præsentare, & eligere, præsentatasque, & electas in illis instituere, & confirmare, ac aliàs de illis liberè disponere, Monasteriumque & Conventum huiusmodi sub Præposito Reformato in Reformatione facta in Capitulo Generali Bursfeldensi nuncupato dicti Ordinis ab annis ferè quadraginta in ipso Monasterio recepta dirigere;

Ac his quæ ad honestum vitæ usum, & ejusdem Monasterii eleëmofynas, ac Divini Cultûs in eo, & Conventûs ipsius conservationem & sustentationem solitas & consuetas ac debitas pertinent, prospicere, cujusvis licentiâ desuper minimè requisitâ, de Fratrum nostrorum consilio Apostolicâ Authoritate tenore præsentium perpetuò unimus, annectimus, & incorporamus, curam dicti Monasterii, ac huiusmodi Regimen, & Administrationem eidem Archiepiscopo in spiritualibus, & temporalibus plenariè committendo, bonaque, nec non fructus, redditus & proventus Monasterii huiusmodi dictæ Mensæ pro illius dote constituendo & assignando. Non obstantibus Lateranensis Concilii novissimè celebrati uniones perpetuas, nisi in casibus à Jure permissis, fieri prohibentis; nec non felicitis recordationis Bonifacii Papæ VIII. etiam Prædecessoris nostri, & aliis Apostolicis Constitutionibus, ac Monasterii & Ordinis prædictorum juramento, Confirmatione Apostolicâ, vel quâvis firmitate aliâ roboratis statutis, & consuetudinibus, cæterisque contrariis quibuscumque.

Volumus autem quod propter unionem, annexionem, & incorporationem prædictas Divinus Cultus, & solitus Monachorum & Ministrorum numerus in dicto Monasterio nullatenus minuat, sed ejus, & Conventûs eorundem congruè supportentur onera consueta.

Nulli ergò omninò hominum liceat hanc Paginam nostræ unionis, annexionis, incorporationis & voluntatis infringere, vel ei ausu temerario contraire.

Si quis autem hoc attentare præsumpserit, indignationem Omnipotentis Dei, & Beatorum Petri & Pauli Apostolorum ejus se noverit incursum.

Datum Romæ apud S. Petrum, anno Incarnationis Dominicæ M. D. LX, sexto Idus Martii, Pontificatûs nostri anno secundo. 1560.

*Erat Signatum:* CÆS. GLORIERIUS.

*Et in plica:* A. DE ALEXIIS.

*Sub plica vero:* FED. CARDINALIS CÆSIUS.

## PRÆPOSITI AFFLIGEMIENSES

a tempore quo Abbatia hæc Archiepiscopatu fuit unita.

I. HUBERTUS DU BRAY, Præpositus creatus est Anno 1602, qui in eâ dignitate obiit Anno 1605.

II. JUDOCUS COBBARTIUS, præcedenti successit cum titulo Prioris, non Præpositi Anno 1605. qui Anno 1612. Prioris officio se abdicare jussus, Duacum ad studia Theologica mittitur ab Archiepiscopo, inde non multo post Bornhemium revocatus, tædio præsentium, an vitæ perfectioris desiderio ad Franciscanos, quos Recollectos vocant transiit, & piè apud eosdem vitam exegit.

III. HENRICUS VANDEN ZYPEN, ampliore potestate & Præpositi titulo Cobbartio successit anno 1612, qui anno 1616. ab Alberto Belgarum Principe Abbas Monasterii S. Andreae juxta Brugas Flandrorum constituitur.

Primi tres  
huc acciti,  
& incorporati ex  
Monasterio S. Joannis Ipræ  
translati.



- IV. BENEDICTUS HÆFTENUS, præcedenti successit Anno 1616. qui eam dignitatem per 32. annos laudabiliter gerens, in eâ mortuus est, multâ eruditione & scriptis editis clarus. Obiit Anno 1648.
- V. ROBERTUS ESTRIX, ei succedit in Præpositurâ die 19. Novembris Anno 1648., fuitque mitratus die 28. Junii Anno 1662. Præposituræ dignitate se abdicavit Anno 1664. Obiit Prior Bornhemienfis anno 1675.
- VI. ÆMILIANUS VAN HOYVORST, ei in Præpositurâ succedit, anno 1664. qui in eâ dignitate obdormivit in Domino anno 1682.
- VII. RUPERTUS BEYDAELS, in eadem dignitate præcedenti successit anno 1682. Obiitque in eâ dignitate anno 1685.
- VIII. VEDASTUS VAN NUFFEL, in eadem dignitate Ruperto successit anno 1690. Sponte se abdicavit. Obiit Prior in Bornhem anno 1707.
- IX. ROMANUS SPRUYT, succedit Vedasto van Nuffel in dignitate Præposituræ anno 1690. die 29. Decembris, qui anno 1696. die 8. Augusti a Præpositurâ remotus est. Mortuus Affligemii 14. Februarii anno 1718.
- X. ODO DE CRAEKER, ei succedit anno 1696. die 8. Augusti, qui hactenus laudabiliter præest.

*Ereſtum in Barona-  
tum.* MERA, vernaculè *Meere* primo lapide ab Aloſto, ejus Comitatus pagus. Decoratus est titulo Baronatus à *Philippo IV.* Hisp. Rege anno 1658. Diplomate dato Madriti die 28. Aprilis in gratiam *Jacobi Du Boſch* Domini de Maesdam, Meere, Erembodegem, Ter Alphen &c.

Devenit nuperis annis hoc Dominium jure nuptiali ad *Joannem Baptistam Bernardum de Blondel* Equitem &c. qui hodie hunc Baronatum possidet cum supra nominatis Dominiis.

Hic pagus anno 1719. die 28. Aprilis igne fortuito conflagravit, domibus pluribus & turri Ecclesiæ igne consumptis.

Ecclesia tutelarem colit *S. Bavonem* Gandavensium Patronum. Patronatus ejus est Archiepiscopi hujus Diocesis jure Ordinarii.

Decima in tres divisa est manipulos, cujus duos percipit Cartusia Gandavensis, & tertium Parochus.

Ibidem est Capella *B. V. Mariæ* sacra.

MERCHTHEM, Municipium, & Præfecturæ istius nominis Caput inter Teneræmundam & Bruxellam, a quâ distat tertio lapide, inter Nobiliora Brabantiae Municipia recensitum ante annos 500. & sigillo vetus Castrum præferente diplomata munivisse ait *J. B. Gramayus* in Bruxella edit. novæ pag. 14.

Forum habet hebdommadarium diebus Mercurii, continet XVIc. terræ bonaria. Fuit & est diversorum Nobilium peculium, Supremæ autem jurisdictionis honorem a Rege obtinuit anno 1563. *Petrus Pipenpoy*, ab iis emit Ao. 1599. *Emanuel de Lalaing* Marchio de Renthuy, inde ad Principem rediit.

Anno 1626. mansit oppignoratam *Theodoro vander Laen* Urbis Mechliniensis Consuli. Dein devenit anno 1639. ad *Alexandrum vander Laen* cum suis, a quibus Anno 1687. emptione publicâ acquisivit *Joannes van Eelen* & *Anna van Eelen* post quorum mortem patruo suo prædicto *Joanni van Eelen* successit ejusque investituram adiit Anno 1714. *Michael Josephus Peeters*



*ters* dictus van *Eelen* hodiernus hujus Municipii Dynasta. Ita excepimus ex Codice Curiae Feudalis Ducatus Brabantiae.

Fuit hic olim Dynastarum insigne Castellum in vicinia Ecclesiae Parochialis, quod bellorum motibus, & injuriâ temporum interiit; locus & Vallum solum superest.

In hoc Municipio possidet insignem Curiam Censualem (vernaculè *Laet-Hof*) Marchio de *Spinola*, cum pluribus agri possessionibus & praerogativis annexis, vulgo *Het Hof ten Houte*. Item Curiam Censualem possidet Abbatia Affligemienfis, item *D. Pirreman* & *D. vander Veken*.

In sacris Ecclesia tutelarem colit *S. Petrum* Apostolorum Principem. Patronatum ejus gerit Archiepiscopus hujus Dioecesis, jure Abbatialis Affligemienfis, quæ Abbatia ibidem gaudet potiori parte Decimarum cum Parcho, unicuique est suus Decimarum districtus.

Viget in hac Parochiali cultus *S. Antonii*, cui ara erecta & dicata est, & in eâ tabula istius Diyi penicillo *Gasparis de Crayere* pictoris celeberrimi.

Non longe ab Ecclesiâ Parochiali est Sacellum Virginis Deiparae *Mariae*, vulgo *Spelt* dictum, & in eâ Capellania cum obligatione trium missarum in eo hebdomadatim.

In hoc Municipio olim fundatum fuit Hospitale, cujus parietinae, rudera & Coemiterium adhuc hodiè conspiciuntur. Bona illius hospitalis consensu *Matthiae Hovii* Archiep. Mechl. accesserunt initio seculi XVII. mensæ pauperum hujus loci.

MESPELAER, primo lapide a Teneramundâ ad Teneram fluvium, contiguum Auwengenio; Pagus Comitatus Aloftani.

Dominium hujus loci initio seculi XVI. fuit gentilium van *Royen*, inde seculo sequenti viâ emptionis devenit ad *Joannem Goubau*, in quâ stirpe hactenus perseverat.

In hoc pago anno 1607. Mense Aprili *Carolus vander Hoeve* homo rusticus, fodiendo in suo horto reperit mille quingenta amplius aurea vetusta numismata, & varios pretiosos lapillos & rutilantes Pyropos maximi pretii, insignem sanè thesaurum & qualis nec in mediâ fortè Italiâ simul uspiam erutus, omnes nummi aurei valoris erant isto ævo octo circiter florenorum. De eo agunt fusius *A. Miræus* in Chronico Belgico ad hunc annum, & *D. Lindanus* in suâ Teneramundâ Lib. III. Cap. VI. N. 53.

Porro in gratiam curiosorum nummum aureum ex isto thesauro in æs incidi curavimus, qui apud nos servatur, quemque progenitores nostri ab ipso rustico inventore pretio nacti sunt.



Ecclesia tutelarem veneratur *S. Aldegundim* Virg. ad quam Divam hictoto anni tempore durat peregrinatio a vicinis & multum dissitis populis, & plurimum in hac Ecclesiâ viget ejus cultus Reliquiarum, præcipuè Domini-

TOM. II.

Zz

câ

✱ Id est, Antonius Augustus Sins Sater Sater Tribunitius potestatis  
Consul III. L. 52



cà post Nativitatem Deiparæ & per Novenam, & ipso Divæ *Aldegundis* festo 30. Januarii.

Anno 1634. *Joannes Goubau* Toparcha de Ghysegem & Mespelaer procuravit huic Ecclesiæ ejusdem Divæ Reliquias, quas obtinuit ab Illustri Dominâ *Mariâ de Noyelles* Canonicâ Malbodiensi, dein istius Illustris Capituli Abbatissa, quæ anno præfato in præsentia Illustrissimi *D. Henrici Francisci vander Burchii* Archiep. Camerac. & *Antonii de Winge* Abbatis Lætiensis suas desuper testimoniales dedit, quæ Venerandæ Reliquiæ ab Illustrissimo *D. Jacobo Boonen* Archiep. Mechl. approbatæ sunt, & auctoritate ejusdem instituta est anno 1643. in hac Ecclesiâ ejusdem D. Confraternitas multis decorata privilegiis & gratiis; adeo ut exinde hæc Ecclesia multum celebris evaserit.

**MOLLEM**, olim *Molhem*, partim Præfecturæ Afcanæ, spectans ad ejus Marchionem, partim Grimbergensis ad Nassovios pertinens. Ibidem adhuc varia sunt parvi nominis Dominia, inter quæ eminet *Steenberghe* spectans ad *N. de Lindick*.

Ecclesia inscripta est *S. Stephano* Proto-Martyri, Patronatus est Archiepiscopi hujus Diocesis jure Abbatis Affligemiensis.

Decima ferè est bipartita, quarum una pars ad præfatam Abbatiam, altera ad Parochum spectat, unusquisque decimam habens in suo districtu.

**MOORSELE**, olim *Mortfella*, partim ditionis Alostanæ pro unâ triente & pro duabus alteris trientibus Ditionis Teneræmundanæ, quod ibidem Canonici Teneræmundani veterum præbendarum, ut vocant, possident, dono Dynastarum de Teneræmunda *Ringoti & Adelwidis*. Complectitur autem pagi duos trientes, habentque ibidem Majorem & septem Scabinos: quorum tres ex Wiefâ deliguntur, cæteri hinc. Ita ferè *D. Lindanus* in sua Teneræmundâ pag. 228. Incolæ ditionis istarum duarum trientium, & quatenus Canonicorum subditi, immunes sunt a vectigalibus, impositionibus aliisque hujusmodi oneribus, non autem reliquum quod Comitatus Alostano subcenfetur, quodque ex illis XXII. est quod Comitatus proprium vocant, vulgo *'s Graven-propre*.

Ereclum in  
Barona-  
tum.

Acquisivit hoc Dominium, in quantum subest ditioni Alostanæ, præcedenti seculo a *Cornelio Boyteux* viro Consulari Urbis Alostanæ, *Lucas Cayro* Vir armis & bellica virtute clarissimus. Erexit hoc Dominium in gratiam præfati *Lucæ Cayro* filii *Ludovici* in Baronatum *Philippus IV.* Hisp. Rex Anno 1661. die 13. Septembris, inde per nuptias transiit ad *N. Alvelda* filium Præfecti Urbis Teneræmundanæ, in quâ stirpe aliquot annis permansit, a qua anno 1698. emptionis tabulis devenit ad *Albertum de Coxie* Sanctioris Senatus Præsidentem cum Castello quod per eundem plurimum restauratum & decoratum est. Hoc Castellum exstruxit seculo XVI. *Carolus de Croy*, Tornacensis Episcopus, Abbas Affligemiensis &c. Liberum est allodium sub consuetudine Teneræmundanâ, in quâ stirpe de *Coxie* hætenus perseverat.

In Choro hujus Parochialis humi exstant Monumenta Sepulchralia *Joannis le Boyteux* & præfati *Lucæ de Cayro* Dynastarum de Moorsele cum hisce inscriptionibus.



Hier licht begraven Jonck-Heere Jan le Boyteux, in syn leven Heere van Hoorsel / Lantacker etc. die sterft den 31. Januarii 1631. Ende Grauwe Anna de Langhe, Grauwe van Beau lieu / Wolfshaegen etc. syne Huysbrauwe / die sterft den . . . . . Bidt voor de Zielen.

D. O. M.

Et æternæ memoriæ *Luca Cayro* Mediolanensi Toparchæ de Moorfele, Lingæ, Oldensaliæ &c. olim Gubernatori, qui postquam potentissimis Hisp. inde *Philippo II. III. IV.* Regibus, nec non *Alberto & Isabella Clara Eugeniæ* Archiducibus Austriæ Belgii Principibus per continuos LXIV. annos rarissimo desperatis illis temporibus exemplo, fidam & strenuam operam navasset, vel Aviamisala transmissio, obnitentibus frustra & freudentibus inimicis occupasset, in diversis conflictibus XIV. sub se desideratis equis, plurimis acceptis vulneribus victor evasisset, tandem per omnes militiæ gradus ad Promagistri equitum dignitatem virtute ascendit. Concessit fatis VIII. Kalendas Majas anno salutis MD. DC. XLII. ætatis suæ LXXXV. Et *D. Clara Lemens* Conjugi ei charissimæ IV. Martii An. M. DC. LII. ætatis suæ LXXVIII. hinc ereptæ *D. Ludovicus Cayro* Commissarius generalis equitum suæ Majestatis, Baro de Moorffel, Toparcha de Popenrode &c. filiali ac perenni debitiæ pietatis affectu patri atque matri natus hoc defert libens.

R. I. P.

Præfatus *Albertus de Coxie* erexit sibi vivus in Choro Ecclesiæ P. P. Prædicatorum Bruxellis magnificum Mausolæum marmoreum ad dexteram summi Altaris parieti insertum, cum hac inscriptione.

D. O. M.

Hic mortalitatis suæ exuvias deponi voluerunt ALBERTUS DE COXIE, Baro de Moorfele, Toparcha de Bousval, Laloux &c. Regi a Consiliis Status, & Sanctioris Senatus Præses supremus. Et CLARA THERESIA STALINS, Conjuges, qui quotidianum sacrificium cum Psalmo & Collectâ, ac Anniversarium solemne cum pridianis Vigiliis in perpetuum sibi, posterisque in hoc Choro fundari curarunt. Obiit ille 13. Novembris 1709. Hæc vero . . . . .



Hic loci vel ante decem secula Fanum fuisse *S. Salvatori* sacrum ex *D. Gudula* vitâ constat, & quod ejus Divæ corpus in *Ham* paternæ ejus hæreditatis peculium non sepultum sed depositum, mox ad alia loca devectum, non unum monumentum sortiri meruit. Hic locus de *Ham* non procul Vilvordiâ situs est, ut vult *A. Miræus* ad diem 15. Januarii, & ad diem 10. Julii in Fastis; sed non procul Alosto ad Teneram fluvium vicus est; Quo modo enim virgo *Gudula* ex vico de *Ham* propè Vilvordiam Sacellum *S. Salvatoris* in *Morsella* die ac nocte frequentare soleret, quod ab eo quinque ad minus distat milliaribus. In hoc ergo vico de *Ham* propè Alostum erant ejus paternæ ædes, hunc vicum dein *S. Ablebertus* Episc. Camerac. & hujus Virginis frater donavit Ecclesiæ Cameracensi, qui *Ablebertus* ibidem defunctus & sepultus est, post Malbodium translatus, ibi nunc quiescit. Ita *Baldricus* in Chronico Cameracensi; insuper hoc etiam indicat platea dicta Verna- culè *S. Goudèle-straet*, quæ ex Vico & Castro de *Ham* propè Teneram Moor- fellam ducit. Hoc Castrum de *Ham* injuria temporum destructum est & nostrâ ætate evanuit.

Translationes Reliquiarum *S. Gudulæ* factæ sunt complures, nam ex vico de *Ham* & paternis ædibus, ubi primitus deposita fuerat, *Morsellam Caroli Magni* ævo deportatæ sunt, inde vastatâ a Normannis *Morsella*, *Capræ- montem* vulgo *Chivremont* (oppidum fuit in Diœcesi Leodiensi) huc post li- minio revectæ, Bruxellæ a *Carolo* Duce, *Ludovici* transmarini Francorum Regis filio, Brabantiae Principe translatae sunt, atque in *S. Gaugerici* sacra æde collocatae, non ea quæ hodie Parochialis, quæ augustior priori, & ædificata a *Lamberto II.* Lovanienſi Comite *Caroli* genero (ut tradit *A. Miræus* in Chronico Belgico ad annum 948) in Sennæ fluminis insulâ, in quâ & palatium suum habebat præfatus *Carolus*: ac tandem anno M. XLVII. a *Lamberto Baldrico* Duce in *S. Michaelis* Ecclesia, quæ nunc communiter *S. Gudulæ* dicitur, honorificè reconditæ sunt, & magnâ cum veneratione as- servatæ; & fuerunt eæ quidem sex fermè seculis isthic religioſe custoditæ; sed ultimâ Belgicarum dissensione & turbis belgicis dispersæ fuerunt, & ab aliquot fidedignis pro parte repertas, in summo Odæi Altari venerationi ex- positæ hodie videntur.

Vixit *S. Gudula* ad annum ut vult *A. Miræus* in Chronico Belgico, D. CC. XII.

Cæterum *Carolus Magnus*, miraculorum numero ad *D. Gudulæ Morsellæ* quiescentis illectus, huc properavit, & religiosis oblati Deo precibus ad tu- mulum consanguineæ suæ Divæ (erat enim nata *S. Amelberga Pipini* Regis filia) Cœnobium hic condi jussit, ubi ad ejus Virginis memoriam, Virgines Deo viverent; quibus ad alimoniam, & sarta tecta memoratur tribuisse pa- gos de *Ham* & *Morselle*: stetitque illud donec communi Regionum & gen- tium clade a Danis eversum est, & a *Wennemaro* ejus loci Dynastâ ablatae hujus Cœnobii facultates sunt.

*C. Baronius* ad annum 978. his verbis ea complectitur., „Eo tempore (in- „quit) *Carolus* Dux *Lotharingiæ* frater *Lotharii* Regis pugnans adversus „*Hermenfredum* filium *Wennemari*, occupatorem Rerum Ecclesiastica- „rum, accepit ab eo corpus *S. Gudulæ* Virginis & Bruxellas intulit, inva- „sores autem possessionum illius & descendentes hæredes divina vindi- „cta jugiter est profecuta, ut omnes miserando vitæ finirent interitu.” Ita „ille.

Ne autem omnino *D. Gudulæ* hic loci aboliretur memoria, constructum dein est Sacellum huic Divæ sacrum, quod etiamnum exstat, Ecclesiæque Pa-



Parochiali ferè contiguum est, in quo ad ejus honorem crebrius hic divina celebrantur, & Capellania inibi fundata est, quæ anno 1701. Pastoratui unita est pro sustentatione Vicepastoris.

Ecclesia Parochialis tutelarem colit *S. Martinum* Turonensem Episc. ejus Patronatus est Archiepiscopi hujus Dioecesis, in quantum successit in juribus & prærogativis Abbatis Affligemienfis.

Decimarum participes sunt per portiones inæquales Capitulum Teneræmundanum, Parochus, Capellania præfata *D. Gudulæ & Carolus Borluut* Dominus de Schoonberghe.

Chorus hujus Parochialis destructo veteri, novus exstructus est multa luce illustratus anno 1663. prout saxum indicat exterius parieti insertum in parte boreali, & anno sequenti Capella transversa *S. Stephani* elevata est.

In sacris huic Parochiali subcenfetur Vicus de *Ghevergem*, quod allodium est Moorfele contiguum, in quod ex *Ringoti* Teneræmundæ Domini & *Adelwidis* ejus uxoris dono, soli Canonici Capituli Teneræmundani jus habent. Insigne ibidem & amplum Sacellum *D. Stephano* sacrum, in quo singulis duabus septimanis celebratur. In spiritualibus huic Parochiali subjectus est vicus permagnæ extensionis pagi de *Meldert*, Præfecturæ Afcanæ, vulgo dictus *Cleer-Haeghe*, continetque circiter 100. terræ bonaria.

NIEUKERCKE, vulgo *Nieuwerkercke* quasi nova dicta Ecclesia, subest jurisdictioni, seu Scabinatui (ut loquuntur) Civitatis Aloftanæ.

Ecclesia dicata est *S. Leonardo* Mart. Patronatus olim spectavit ad Thesaurarium Capituli Metropolitanæ Cameracensis, quæ dignitas cum anno 1603. extincta est & bona applicata Fabricæ præfatae Metropolitanæ, jus Patronatus devolutum est ad Archiepiscopum hujus Dioecesis.

Decimarum participes sunt pro potiori parte Abbatia Affligemienfis & Forestensis Ord. S. Bened. prope Bruxellam, item Parochus.

Anno 1709. Pastori assignata fuit in Concilio Flandriæ competentia annua 450. flor. a Decimatoribus præstanda, detractis decimis & terris Pastoralibus. Olim hæc Parochialis suberat Ecclesiæ Urbanæ Aloftanæ, ratione cujus Parochus Aloftanus hodiè inibi percipit mediam partem decimarum lini, caulium vulgo *Sloorfaet*, & Luteæ, vernaculè *Wouwe*.

In hoc pago exstat Capella *S. Rochi*, ejus Reliquiis celebris, in quo sæpius divina paraguntur, & visitatio plurima.

OPWYCK, pagus ditionis Teneræmundanæ, & ad ejus Dynastam, qui est Comes Flandriæ, hodie & ab antiquo spectans Dominium, a quâ Civitate distat primo lapide cum dimidio, duobus ab Alosto, & tribus cum dimidio a Bruxella.

Hic pagus est permagnæ extensionis, porrigit se ad limitem Brabantinum, continet enim centum & tredecim terræ bonaria, & constituit decimam partem, & parum ultra Ditionis Teneræmundanæ, complectitur sub se Vicos, vulgo *gebuchten*, numero VII. scilicet *Wayenbergh*, *Mansteen*, *Droeshout*, *Neyverseele*, *het Eycxke*, *de Claye* &c.

Ecclesia Patronum veneratur *S. Paulum* gentium Apostolum, hæc Ecclesia pulchritudine suâ, splendidis ornamentis, campanis bene sonantibus, & elegantibus tabulis sese reddit spectabilem. Patronatus ejus spectat ad Capitulum Teneræmundanum dono *Odardi* sive *Odonis* Camerac. Episc. anno 1108, ut patet ex hoc Diplomate.



In nomine sanctæ & individuæ Trinitatis, amen. ODARDUS, per gratiam Dei Episcopus Cameracensis, pro salute animæ meæ, meorumque prædecessorum, pro magna Ecclesiæ devotione, Dominæ ADELWIDIS, venerabilis uxoris REMIGII TENERÆMONDANI, & omnimoda supplicatione Canonorum Teneræmondensium, eos ab omni persona, omnique laica vexatione, auctoritate Dei & nostrâ emancipamus, & Canonicis ejus Ecclesiæ canonicam libertatem assignamus, concedentes ut Decanus, qui Canonorum ibidem Deo famulantium curam habuerit, in Ecclesiæ malefactores excommunicandi potestatem habeat. Sic tamen ut eadem Ecclesia, pro libertatis memoria, tres Teneræmondensis monetæ solidos Decano Bruxellensi ad usus nostros singulis annis persolvat.

Duo Ecclesiæ altaria de *Opwyck* & *Lebbeke* Ecclesiæ Teneræmondensis, sanctæ scilicet *Trinitatis* & *S. Christianæ*, solummodo ad ædificia sive ornamenta Ecclesiæ retinenda, libera canonicè tradidi: in quibus, salvis nostris redditibus Pontificalibus, Presbyteri per Decanum & Canonicos statuuntur, & ipsi nobis vel ministris nostris ad curam suscipiendam præsententur.

Præfatæ quoque Ecclesiæ alodia de *Winfia* in campis, in silvis, in pratis, de *Morsele* in campis, in silvis, in pratis, de *Gheverghem* in campis, in silvis, in pratis, cum omni justitia terræ & silvæ, liberè & integrè confirmamus: solis Canonicis usibus profutura.

Præterea quæcumque, à quibuscumque, in terris, in silvis, in pratis, seu in aliis possessionibus præfatæ Ecclesiæ oblata sunt, vel in posterum offerri contigerit, modis omnibus ad Canonorum usus permanere ac conservari decernimus. Quæ bona ne tradantur oblivioni, nostri sigilli imaginatione signamus: & ne ab aliquo violentur, auctoritate Dei & nostrâ, sub anathemate prohibemus. Hujus confirmationis testes sunt.

Signum Rodolphi Archidiaconi.

S. Anselmi Archidiaconi.

S. Everardi Archidiaconi.

S. Sigardi Decani.

S. Lamberti Subdecani.

S. Lamberti, Sanctæ Mariæ Canonici.

S. Gerardi Canonici.

S. Marcellini Canonici.

1108.

Peractum est hoc, anno Dominicæ Incarnationis millesimo centesimo octavo, Indictione primâ, prædicti Episcopi anno tertio. Salus & gloria omnibus Christianis.

Decima ferè est tripartita, quarum una triens ad Parochum, reliquæ duæ trientes ad præfatum spectant Capitulum.

Abbatia *Suivecana* Ord. Cisterc. in Civitate Teneræmundanâ ibidem habet certum districtum decimarum. *D. Lindanus* in suâ Teneræmundâ refert Lib. II. Cap. VI. pag. 124. Quomodo *Margareta* Domicella de Tenremonde cælebs legavit præfatæ Abbatix Anno 1232. omnia quæ habuit in *Opwyck* tam in decimis, quam in terris. Sunt & plures aliæ minutæ decimæ, scilicet Capellanix *B. Mariæ* & *S. Pauli* habentes parvum districtum.

TENERÆ-BELLA, vernaculè *Dender-Belle* ad Teneram fluvium, ad discrimen alterius Bellæ quæ est ad Scaldim, eâque ratione vulgo vocatur *Schelle-Belle* quasi *Scelde Bella*. Pagus est Ditionis Teneræmundanæ, a qua civitate distat medio milliari. Dominium Ducis *Bournovilla*, quod olim spectavit ad *Masminios*, dein fuit gentis *Uyter-Zwaenen*, & tandem *Tedegemii* &c.

Videntur hic parietinæ antiquæ Arcis ad fluminis ripam, quam incolæ affirmant multis ætatibus demolitam in ruinis jacuisse.

Ecclesia inscripta *S. Martino* Turon. Episc. structuræ est valde antiquæ, cujus Chorus restitutus, aut de novo exstructus est anno 1539. ut saxum indi-



dicat, quod exterius parieti insertum est. Patronatus ejus spectat ad Archiepiscopum hujus sedis jure Abbatialis Affligemienfis.

Decimarum varii sunt participes. Majores Decimæ dividuntur in tres partes, quarum unam ubique percipit Parochus, altera pars subdividitur in tres partes æquales, quarum unam habet Abbatia *Suivecana*, & vocatur magna Decima, alteram Matricularius Ecclesiæ Collegiatæ Teneræmundanæ & tertia pars est secularis. Minores decimas percipit Abbatia Affligemienfis, Ecclesia hujus pagi, & præfatum Capitulum Teneræmundanum.

Abbatia *Suivecana* obtinuit has decimas dono *Margaretæ de Tenremonde* anno 1232. teste *Lindano* in suâ Teneræmundâ Lib. II. Cap. VI. pag. 124.

WELLE, five *Welle-Tdergem* pagus Comitatus Aloftani à quâ Civitate distat uno milliari, viâ qua itur Nindhoviam, ejus Dominium cum pagi de *Eeregem* nuper acquisivit a Gentilibus de *Grutere* emptionis tabulis *Franciscus Ignatius de Vilain* Quæstor Comitatus Aloftani; pretium fuit 3000. floren.

In Choro hujus Parochialis exstat humi lapis Sepulchralis ex candido marmore cum hac inscriptione.

### D. O. M.

Hic in pulvere requiescunt, exspectantes beatam resurrectionem, ac sperantes rursus in carne videre Deum, Prænobilis Dominus, Dominus *Franciscus Ignatius Vilain*, Toparcha de Welle, Idderghem &c. Et Nobilis Domina *Isabella Josepha vander Meere*, uxor ejus, nec non proles illorum nimis cito obiit ille . . . . . Illa vero . . . . .

### XIIII.

#### Ostium Monumenti Familiæ Prænobilis Domini Vilain.

Ecclesia inscripta est *S. Petro* Apost. Ejus Patronatus spectat ad Archiepiscopum hujus Diœcesis jure Abbatialis Affligemienfis. Decimarum participes sunt præfata Abbatia Affligemienfis, item Abbatia Monialium de *Groenenbrielle*, Parochus & hæredes *t Kint*, at parvum districtum decimarum habet Pastor de Erembodeghem.

WIESE, in antiquis Diplomatis *Wiense* & *Winsia* appellatur. Situs est inter Aloftum & Teneræmundam, æquali ferè distans spatio, continet ferè 400. terræ bonaria, est autem partim Allodium, quod dono *Ringoti* & *Adelwidis* Dynastarum Teneræmundæ ab illius oppidi Canonicis possidetur, continetque circiter mediam totius pagi partem, estque hæc pars a vectigalibus, impositionibus, aliisque hujusmodi oneribus immunis; ad militares tamen expensas præsidii Teneræmundani cum hoc oppido contribuit, uti & *Moorsele* & *Ghevergem*: Reliquum feudum est, quod a Comitatu Aloftano tenetur.

In quantum subest Ditioni vel Comitatu Aloftano, inter illos XXII. pagos censetur qui *Proprium Comitit* nuncupantur, (ubi quotiescumque nasci contigit, servi conditionis sunt, dicunturque *Manus mortuæ*). Ab illâ servitute singulari quadam gratiâ in perpetuum immunitatem huic suo Dominio



comparavit *Jacobus van Tedeghem* Eques Wiefæ & Embiefæ Dominus, a *Philippo II.* Hisp. Rege Diplomate dato Bruxellis die 5. Julii 1564.

Hoc Dominium longo temporis tractu fuit Nobilis familiæ de *Wiese*, dein per nuptias filiæ *Joannis de Wiese*, devenit ad gentiles de *Tedegem*, de quibus plura in pago de *Tedegem* in ditioe Geratdimontanâ; a qua gente de *Tedegem* devenit emptionis tabulis nostrâ ætate ad N. de *Clercq* alias *Booninge*, coque nuper anno 1719. mortuo devenit ad ejus filium qui hodie hoc Dominium possidet.

Hic loci olim fuit insigne Dynastarum castellum, sed destructum & combustum est in turbis Belgicis, cujus rudera & parietinæ adhuc hodiè supersunt.

Hujus pagi templum *Deo Servatori* dedicatum est, situm sub Comitatu Alostano, quod primo combustum in turbis Belgicis anno 1578. & rursus casu fortuito anno 1666. Ejus pars extremæ est antiquitatis: reliquum autem ante sacra seculi XVI. tempestatis bella a *Jacobo van Tedeghem* Equite, superiore hujus loci Toparcha, accuratâ Symmetriâ structum, ubi columniarum capitibus, ad rei memoria n incisa sunt nomina superiorum *Wiese* Dominorum, eorumque Conjugum, cum armis gentilitiis, quæ cum ultimâ combustione & reparatione pro maximâ parte destructa sunt.

Jus Patronatus ad Abbatem spectat Affligemiensem, coque jure utitur Archiepiscopus hujus sedis, item Sacelli collatio. Ita fere *D. Lindanus* in suâ *Teneræmunda* pag. 228. sed hallucinatur dum refert, quod Sacelli collatio spectet ad Toparcham. Ibidem est Capellania *D. Virginis Mariæ*, fundata anno 1368. die 20. Aprilis a *Roberto van Tedegem* Wiefæ Domino.

Decimas sub Ditioe Alostanâ percipit Abbatia Affligemiensis & Parochus; unicuique est suus decimarum districtus, sub Ditioe Teneræmundana, seu ut vulgo dicitur, Capituli. Pastor percipit trientem, reliquæ duæ trientes, percipiuntur passim a præfato Capitulo, partim ab Ecclesiâ hujus Parochialis; unicuique est suus decimarum districtus. Novales Decimæ ubivis spectant ad Parochum.

## FINIS DECANATUS ALOSTANI.





# HISTORIA

## SACRA ET PROFANA

### ARCHIEPISCOPATUS

### MECHLINIENSIS.

---

#### DECANATUS GERARDIMONTENSIS.



GERARDIMONTIUM, Altera Flandriæ Imperialis Metro-  
 polis, Caput hujus Decanatus, vulgo *Gheerdsberga*, oppidum  
 ad Teneram fluvium, qui urbem præterlabitur. *Baldunus*  
*Montensis* Flandriæ & Hannoniæ Comes circa annum 1068.  
*Geraldimontem* in oppidi formam redegit, legibus firmavit, &  
 Privilegiis dotavit: quæ postea Anno 1190. *Philippus Alsatus*, & *Bal-*  
*duinus* Flandriæ & Hannoniæ Comes, post Imp. Constantinopolitanus circa  
 annum 1200. confirmarunt. Nomen a *Gerardo* seu *Geraldo* quodam Viro  
 nobili loci domino, sed incognitæ hæctenus prosopię retinuit, qui præfa-  
 to *Balduino VI.* Flandriæ & Hannoniæ Comiti vendidit. A venditoris no-  
 mine & monte, cui incumbit, placuit denominari *Geraldmons*, Gallis *Grand-*  
*mont*, pro *Gerardmont*. In Diplomatis modo *Geraldmons* nuncupatur.  
 Monumenta hujus oppidi tradunt, quod Dynasta Boulariensis, post diuturnas  
 cum præfato *Gerardo* rixas, auctis tandem pertinacibus odiis, *Gerardum* for-  
 tē obvium trucidaverit, iis Suburbis, quæ Ninhoviam itinere pedestri du-  
 cunt; ubi tantæ cædis indicium esse narrant vastam illam crucem, quæ ex vi-  
 vo constructo lapide etiamnum ibi conspicitur. *Baldunus* Comes intellecto  
 postea *Gerardum* tantæ auctoritatis virum stratum esse, in expiationem hujus  
 cædis *Gerardi* indignabundus duriores Boulariensi, ejusque posteris impo-  
 suit leges, quarum hæ præ cæteris, quod latas a Consulibus in reos crimina-  
 les sententias exequi minimè teneatur, at eos ad Senatoriæ domus gradus  
 deductos, Boulariæ Præfecto in manus tradunt, quem ipse porro sumptibus  
 Domini Boulariensis constituto supplicio mox plecti curat. Agit pluribus de  
 eo *J. van Waesberghe* in suo *Gerardiimontio* pag. 12.

Inter ædes sacras hujus oppidi non injuriâ principem locum damus Ab-  
 batix *S. Adriani* Mart. Ord. *S. Bened.* olim *D. Petro* sacrum, ex Declivi-  
 nio, vulgo *Dickelvenne*, Comitatus Alostani pago ad Scaldim inter Ganda-  
 vum & Aldenardam anno 1081. propter loci angustias auctoritate *Gerar-*  
*di II.* Cameracensis Episcopi huc translatum ac dotatum, ut hoc Diplomate  
 constat.

Abbatia  
S. Adriani



In nomine Sanctæ & Individuæ Trinitatis, Ego GERARDUS secundus humilis Cameracensium Episcopus, cunctis fidelibus utriusque vitæ Officii nostri dictatione, & Prædecessorum nostrorum monemur Auctoritate, Ecclesiarum incrementis Pastoralis curâ invigilare.

Eapropter Abbatia de DECLIVINIO, in Geroldimontem translata, propter indigentiam loci, Altare de *Huneghem* cum appenditiis suis, eodem scilicet Geroldimonte & Boulario, liberum sine persona & obsoniis, petitionibus ROBERTI junioris, Comitis Flandriæ, & STEPHANI de Boular acquiescentes tradidimus: ita sanè ut Abbatia in præfato Geroldimonte sita omnimodam libertatem cuilibet Abbatia congruentem habeat, ibique quidquid juris Parochialis est, tam in sepultura quàm in baptisterio & reconciliationibus, à Parochiali Sacerdote celebretur.

Ut hæc autem nostra Donatio inconvulsa & rata in perpetuum permaneat, Sigilli nostri impressione, anathematis percussione, & fidelium attestatione confirmamus;

Gualteri Bracbatensis Archidiaconi,  
Theodorici Archidiaconi,  
Derleboldi Præpositi,  
Gualteri,  
Adam, Abbatum,  
Roberti Comitis,  
Balduini,  
Gerbodi,  
Stephani de Boular.

1081. Actum in eodem Opido, anno Verbi Incarnati millesimo octogesimo primo, Indictione quartâ, Præsulatus verò nostri anno tertio.

Quæ transpositio instante Roberto juniore sic Hierosolymitano Flandriæ Comite, fuit confirmata per *Manassæ Gerardi II. Successorem Anno 1096.* consentiente *Manasse* Archiepiscopo Remense ejusque Coepiscopis, per hoc Diploma.

Ego MANASSES, Divinâ miseratione humilis Cameracensis Episcopus, considerans illud, quod in veteri Testamento scriptum est, *ædificavit Moyses Altare Domino Deo, super quod offerrent Sacerdotes Sacrificia* (sub hujus verè specie ædificationis ordo & mysterium subsequens Ecclesiæ designatur.)

Ad laudem Salvatoris nostri Jesu Christi, sanctæque ipsius Crucis victoriosissimæ, in honore quidem beatissimi Petri Apostolorum Principis, in loco qui GEROLDIMONS nuncupatur, Ecclesiam dedicavi, ibique consilio & assensu Domini ac Patris nostri Manassæ, venerabilis Remorum Archiepiscopi, ejusdemque Coepiscoporum Ecclesiæ, precibusque ac petitione Roberti Junioris Catholici Comitis Flandriæ, Dominique STEPHANI DE BOULARIO, Winniboldique ejusdem loci Castellani, ceterorumque plurium, Abbatiam Monachorum, propter angustias ac loci indigentiam, à *Declivio* translata, liberè & principaliter stabilivi.

Ita quidem, ut Abbas à Fratribus regulariter electus, pastorem baculum à manu Pontificis solummodo suscipiat, quorum usibus Fratrum, in Cœnobio suo sub beati regula Benedicti Deo militantium ad salutem animæ meæ meorumque Antecessorum, Comitisque præfati, Altare de *Huneghem* cum omnibus appenditiis, in eodem videlicet Geraldimonte & Boulario, sine persona & obsoniis, omnino liberum tradidi.

Ad cujus exaggerationem beneficii, idem Comes Robertus de alodio suo totam terram, quæ circa Ecclesiam in atria benedicta est & divisa liberè & legitimè eidem Ecclesiæ tradidit, quatuorque jugera terræ arabilis, duoque mansos dominicos supra fluvium aquæ: quæ Tenera nuncupatur.

Præterea Sapientum superscriptorum & divitum rationabili consilio, omnia beneficia, quæ primitus, dum ibi caput Abbatia positum fuerat, declivio appendebant, similiter Abbatia apud Geraldimontem translata, statuo, sicut prælibatum est, & innovatè consignata & adscripta sunt.

Altare videlicet de *Hauthem* cum appenditiis suis, *Heldrughem*, & *Idrihem* sine Per-



Persona, sed cum debitis obsoniis, Altare de *Okinghem*, Altare quoque de *Touricourt*.

Ut hæc verò Charta indissolubilis persisteret, sigilli nostri imaginatione firmata est. Hoc autem factum est anno Dominicæ Incarnationis millesimo nonagesimo sexto. 1096.

Hoc Monasterium famosum ac celebre reddunt *S. Adriani* Mart. Nicomedienfis Reliquiæ, eo translata & ibidem repositæ tempore *Senelardi* primi Abbatis, anno 1110. ex *Raulicuriâ* Hannoniæ pago, tantoque hominum piè peregrinantium accursu frequentatur, ut hoc Monasterium & Oppidum ipsum, etiam apud Brabantos & alibi *S. Adriani* nomine ferè innotescat.

*J. Meyerus* accuratus Flandriæ Annalium scriptor, refert ad annum 1110. Corpus *S. Adriani* Martyris ardente templo Raulicuriæ in Hannoniâ incendio ab *Eubaldo* Sacerdote substractum, deportatum Gerardimontem in Cœnobio, & hinc hæc Abbatia Sanctum *Petrum* Patronum Diyo *Adriano* permutavit. Vide ulterius plurima alia ad hæc spectantia apud *J. Molanum* ad Natales S. S. Belgii ad 8. Sept. & *J. van Waesberghe* in suo Gerardimontio pag. 151.

Anno 1627. die 22. Februarii primæva *S. Benedicti* Regula in hoc Monasterio est introducta sub *Martino le Brun* XXXII. Abbate, quod exemplum plura alia Monasteria Benedictinorum sunt secuti. Religiosi hujus Monasterii, juventutem huc undique confluentem Christianis moribus & litteris humanioribus optimè informant.

Abbas hujus Monasterii est Pastor primitivus dicti oppidi Gerardimontensis, possidet decimas ibidem omnium fructuum & carniū & medietatem candelarum in exequiis, in omni Ecclesiâ hujus oppidi, & ferè omnium beneficiorum est Patronus ac plurimis aliis gaudet.

Damus hic perfectam & exactam seriem Abbatum, prout a Priore hujus Abbatiae Anno 1717. ad nos missa est, quæ apud *J. van Waesberghe* in suo Gerardimontio mutila & vitiosa est.

## ABBATES GERARDIMONTENSES.

- I. *SENELARDUS* vel *Sevelardus* & *Snellardus*, inscribit se promiscuè vel Gerardimontensem, vel Declivinensem Abbatem, fortè quod in his duobus locis præfuisset. Obiit Anno 1111.
- II. *ESKELARDUS*. Signat litteras Anno 1112. Abbatiae Affligemienfis apud *A. du Chesne* in prob. familiæ Gandav. pag. 66. Incertum quo anno obierit.
- III. *GILLARDUS*. Obiit anno 1142.
- IV. *GERBODIUS*. Obiit anno 1149.
- V. *FULPOLDUS*. Obiit anno 1175.
- VI. *GERARDUS*. sub quo Abbatia, quæ prius *S. Petri* vocata fuit ob Reliquiarum *S. Adriani* præsentiam, & Miracula, ab ejus nomine vocari cœpit. Obiit anno 1180.
- VII. *GODEFRIDUS*. Obiit anno 1182.
- VIII. *GERARDUS DE NINIVE*. Obiit anno 1192.
- IX. *ROBERTUS*. mortuus anno 1199.
- X. *WALSCHERUS*. Obiit anno 1207.
- XI. *SIMEON*. Obiit anno 1218.
- XII. *GILLARDUS*. Obiit anno 1227.



- XIII. THEODORICUS Abbatiae *S. Petri* Blandiniensis juxta Gandavum, dein postulatus a suâ Abbatiâ in Abbatem anno 1230.
- XIV. WALTERUS. Obiit anno 1237.
- XV. GERARDUS II. Obiit anno 1246.
- XVI. PARVINUS. Obiit Anno 1258.
- XVII. GUILIELMUS. Obiit anno 1262.
- XVIII. PASCHASIUS. Obiit anno 1266.
- XIX. SIGERUS. Obiit anno 1285.
- XX. THOMAS. Obiit anno 1302.
- XXI. HENRICUS. Obiit anno 1328.
- XXII. JOANNES. Obiit anno 1332.
- XXIII. GUILIELMUS PAPE. Cujus tempore Monasterium igne fortuito conflagravit. Obiit anno 1343.
- XXIV. GUILIELMUS A S. GAUGERICO, Natus Bruxellæ Familiâ Patriciâ. Obiit 1368.
- XXV. ÆGIDIUS MEERSCH. Obiit anno 1376.
- XXVI. ADRIANUS VLEISCH. Obiit anno 1379.
- XXVII. LIVINUS VRANX. Obiit anno 1399.
- XXVIII. ÆGIDIUS VANDEN EECHOUTE sive de *Grimberghe* ex Nobili hujus oppidi familiâ patriciâ. Obiit anno 1417.
- XXIX. GUILIELMUS A VOORDIS *Gentis Tedegemiæ*, senio confectus resignavit anno 1439. Obiitque anno sequenti 1440.
- XXX. ADRIANUS KIMPE Consiliarius *Philippi Boni* Ducis Burgundiæ, Obiit postquam Abbatiam resignaverat suo successori anno 1457.
- XXXI. NICASIUS DE FRASNE. Obiit anno 1461.
- XXII. RASO VANDER SCHUEREN Consiliarius *Philippi Boni* Ducis Burgundiæ.
- XXXIII. GISBERTUS VAN OUWEGEM. Resignavit Abbatiam suo successori, obiitque Ao. 1506.
- XXXIV. JOANNES COPPENOLLIUS, sive de Cruce, Domum Abbatialem & ædificia areæ inferioris struxit. Univit Monasterio Capellanas *S. Catharinae*, *S. Mariæ* in *Hunnegem* & Parochiam *S. Bartholomæi* anno 1515. Obiit anno 1525.
- XXXV. HIERONYMUS RUFAULT. Denominatus a *Carolo V.* Interfuit anno 1550. Synodo Cameracensi, postea electus Abbas *S. Vedasti* Atrebatensis anno 1560. resignavit Abbatiam in successorem.
- XXXVI. SIMON DE WARLUSEL. Nobili prosapia apud Atrebatenses natus, *Alexandro* Parmæ Duci Belgarum Præfecto ab Eleemosynis, electus Abbas Eenhamensis resignavit in Successorem Anno 1583.
- XXXVII. JACOBUS VAN SCHOORISSE. Antea Prior, electus & designatus Abbas. Obiit ante inaugurationem anno 1584.
- XXXVIII. BENEDICTUS SEJOURNET, Monasterii Lætiens Religiosus, qui ob debita quibus hæc Abbatia gravata erat, denominationi & Electioni suæ cedens ad propriam Abbatiam se recepit anno 1587.
- XXXIX. HIERONYMUS DE MONCEAUX e Monasterio *S. Vedasti*, Præpositus de Haspre &c. Obiit anno 1606.
- XL. HENRICUS DE BUSIGNIES Prior *S. Dionysii* in Brocqueroya Vir Nobili stirpe natus, obtinuit sibi & Successoribus Mitram; hinc Anno 1612. ad præfatam Abbatiam *S. Dionysii* assumptus.
- XLI. GASPAR VINCKE, Tornacensis, Prior hujus Monasterii, hinc electus Abbas exinde Ao. 1624. Abbas *S. Dionysii*.



- XLII. MARTINUS LE BRUN. S. T. L. antea Canonicus Capituli *S. S. Michaelis & Gudula* Bruxellis, dein hic Religiosus, Raulicuriæ in Han-  
nonia Rector. Mortuus anno 1656.
- XLIII. HUBERTUS MEURANT: hic virtutum fulgore accrevit vivens:  
annis, non meritis decrevit moriens. Obiit 1677.
- XLIV. VICTOR WARNANT. Genere nobilis, pietate nobilior; Gandæ  
Abbatia suæ agens negotia, dum e vehiculo profiliens mortem effuge-  
re laborat, luxatâ tibiâ mortem invenit. Obiit anno 1686.
- XLV. LONGINUS FOUCQUIER. Nobili genere natus luctuosa belli tem-  
pora gemens, ut turtur simpliciter vixit, confidenter obiit Ao.  
1703.
- XLVI. GISELÉNUS COUCKE. natione Flander, qui labanti huic domui at-  
las fuit obiit anno 1713.
- XLVII. ADRIANUS ROELANTS. Gerardimonte natus post varia, ut The-  
saurarii, Subregentis, Prioris, & Pastoris *S. Bartholomæi* munia, re-  
novatis structisque funditus ædificiis, huic Abbatia, novum indies ful-  
gorem addit. Inauguratus est die 2. Februarii anno 1714. hodiè cum  
laude præest.

Quoad reliqua oppidi Monasteria & loca sacra, templum de *Hunnegem*  
*B. Mariæ* Patrocinio nobile, etsi olim loci dignitatem obtinuit, tamen simul  
atque coaluit oppidum exstructo Coenobio, Curiale *D. Lucae* proximum,  
Parochiale jus occupasse videtur. Ad civium vero commoditatem jus cum  
baptismali fonte (qui hodiè duobus hisce locis unicum est) translatus, com-  
municatumque *Bartholomæano*, quod forum respicit, unitum Abbatia per  
*Leonem X.* Pont. Max. Anno 1515.

Templum Curiale *D. Bartholomæo* sacrum, traditur *Maximiliani* Cæsaris  
ævo initium accepisse, & nomen a sacris *S. Bartholomæi* reliquiis, quas  
anno 1515. die 6. Julii a *Michaele* Priore Cartusiae *Ten Bosche* in *Lierda*  
*S. Martini* accepit.

Gaudet hoc templum *S. Bartholomæi* Collegio olim XII, nunc minore  
numero Sacerdotum titulo *D. Virginis* Deiparæ, quod horarias ejus pre-  
ces cum Pastore Præsidente suo exsolvit ad Dei, Virginisque gloriam, sancti-  
que Bartholomæi.

In oppido inferiore templum *S. Catharinae* antiquitate totius oppidi pri-  
mum a *S. Luca*, illud anno 1622. *Gaspar de Vincke* Abbas XLI. Fratri-  
bus, *S. Francisci de Paula* Minimis a *Philippa de Coulx* Wedergratæ Do-  
mina dotatis, consentiente Magistratu sub certis legibus tradidit. Anno  
1640. construxere novam Ecclesiam quæ consecrata est a *Francisco Hen-  
rico vander Burchio* Archiepiscopo Cameracensi die 4. Augusti anno  
1641.

Templum Hunneghemienſe de quo mox egimus consensu Abbatis & Ma-  
gistratus anno 1625. die 9. Decembris assignatum fuit Monialibus Regulæ  
Reformatæ *S. Benedicti* strictioris observantiæ sub certis conditionibus, quas  
recenset *J. van Waesberge* in suo *Gerardimontio* pag. 192. Duxit eas Ge-  
rardimontem *D. Anna Escudamour* Angla ex oppido Atrebatensi. Hinc  
evocatæ sunt, quæ anno 1655. Monasterium Benedictinarum Teneræmundæ  
formarent.

Coenobium Carmelitarium Virile; titulo Vallis *Josaphat*, eo quod in valle  
seu pede montis situm sit. Hoc fundatricem agnoscit *Mariam vander Grach-  
tiam* viduam *Rogerii d'Escornaix* Equitis, Hoorenbecæ Domini, quæ testa-



menti tabulis, præter alia prædia, domum suam (dictam *Het Casteel ter Gracht*) & dominium mero imperio, aliisque clarum prærogativis, reliquit Fratribus B. Virginis de Monte Carmelo mensis Octobris die septimo Anno 1481, quæ tandem piam animam reddidit proximè subsecuto mense Decembri, condita in medio Chori sub humili Sarcophago, quæ habet talem inscriptionem, quæ etiamnum legitur in novâ exstructâ Ecclesiâ Anno 1717.

**Hier licht Edele ende Weerde Ur<sup>e</sup>. Marie van der Gracht, Ur<sup>e</sup>. van Hoornebeke / Fondatresse van dese Kercke ende Clooster / W<sup>e</sup>. van M<sup>r</sup>. Rogier van Gavre, Heere van Hoornebeke / die in de Abdye van S. Adriaen licht. Obijt hæc Anno 1481. 3. Decemb.**

Nosocomium ante quinque secula a Flandriæ Comitibus fundatum est, institutis sex sororibus ad ægrotorum curam, quem numerum postea vexit augeri *Margareta* Flandriæ Comitissa anno 1266. ne quod ad ægrotorum curam fundatum est, Sorores validæ ampliore numero consumerent.

De Grisearum sororum Monasterii origine, quæ anno 1656. tertiam *S. Francisci* Regulam Poenitentium amplexæ sunt, nihil ad nos certi pervenit.

Beginasium quod ad Teneram fluvium in Oppido inferiore visitur, quis instituerit, omnino ambiguum & incertum est. Beginæ passim tradunt *Margaretam* Constantinopolitanam Flandriæ Comitissam ipsarum fundatricem esse, ita se a majoribus accepisse, quum ea præcipuè pia fuerit, & omnia penè Flandriæ Beginasia cum *Joannâ* Sorore condiderit.

In Gerardimonte olim fuit Domus Fratrum vitæ communis titulo *S. Gregorii*, qui ex suo instituto humaniores litteras docebant. Domus hæc vulgo *S. Joannis* domus dicebatur, sita erat ad Teneram fluvium, ejusque ludus litterarius a *Jacobo Marchantio Ninovia* in descriptione Flandriæ plurimum laudatur. Deficiente Fratrum numero, possessiones hujus domus Seminario Gandavensi accesserunt.

Plura qui volet de Oppido Gerardimontensi, adeat *J. van Waesberghe* in suo Gerardimontio edito Bruxellis Ao. 1627. typis J. Meerbecii in 4.

**NINHOVIA**, antiquis *Nieneve*, hodie *Ninove* & *Ninhoven*, latinè etiam *Ninive Flandrorum*, exiguum oppidum ad Teneram fluvium. Etymologia nominis incerta, circa annum 490. initium sumpsit, a Gothis, congestâ glebâ & cespite in propugnaculum contra Wandalos, interiorem Flandriam, & in eâ Gandam occupantes.

Pulcherrimam insidet & saluberrimi aëris planitiem: inde quâ Tenera serpit fluvius, virentibus semper pratis, & pascuis, inde omni frugum genere luxuriantibus campis conspicuam, quam etiam cingunt montes, Sylvis, arvisque distincti, conspectu amænissimo.

Hoc oppidum muro, vallisque cingi cœpit anno 1194. pristinis bellorum motibus, ac ultimis inter Hispanos & Gallos multum attritum, ac munimentis suis nudatum est, & ab exercitibus, qui pluries in ejus vicinâ steterè gra-



gravissimas calamitates incolæ & vicini perpeffi sunt. Anno 1339. aliarum urbium jus adepta est, olim separata a Comitatu Flandriæ fuit, ab eoque independentens, nec ullius, instar civitatis liberæ dominio subiecta; hinc cum suo territorio, separatam ab aliis ditionem constituens; eaque ratione proprium habet jus municipale sive consuetudines, & propriis legibus utitur.

Circa medium seculi XII. primum ejus Dominum seu Dynastam invenio *Amelricum* Flandriæ Constabularium, *Gerardi* Constabularii, & Fundatoris Abbatiae Nihoviensis avum. Subsequentium Dynastarum seriem reperies in *A. Sanderi* Flandriâ Illustratâ Tom. II. pag. 530. Hodie a morte *Caroli Henrici a Lotharingia* Principis Vaudemontani subest ab Anno 1723. *Beatrici a Lotharingia* Abbatissæ Remiramontanæ.

Abbatia Nihoviensis inibi possidet infimam jurisdictionem (*La Seigneurie Fonciere*) quam per Prætorem, Graphiarium, & septem pedarios (vulgo *Laeten* vocant) per notabilem oppidi partem exercet, in eaque jus inhæredandi & exhæredandi: itemque jus habet venandi & piscandi cum Dynastâ per totum districtum, & a pago Santberge usque ad Liedekercke. Item varii ei competunt census affectati super diversas domus & fundos.

Hoc oppidum nullum habet territorium, in quo aliquam jurisdictionem exerceat, præter agrum suburbanum, in quo aliquot villæ, domusque rusticanae sunt constitutæ titulo fiduciario, & subsidiario Ninive accensetur *Ridders-boven*. Curiam Equestrem appellat Gramajus, estque intra limites Toparchiæ Velsicanæ, Comitatus Aloftani pagi; de qua acturi sumus in Decanatu Oordegemienfi. Eodem titulo accensetur *Tempel-Mars*, seu templum Martis in tractu Insulensi, inter Seclinium & Insulas, cui titulo fiduciario accensetur *Vendovilla*, seu Vindorum villa, in eodem tractu insulensi.

Quoad rem sacram unicam habet Parochialem Ecclesiam D. Virgini sacram, quam curat e vicino Ordinis Præmonstratensis Cœnobio assumptus Parochus. In illâ pro divino officio celebrando septem sunt præbendæ, quas quotidianas vocant, quod iis provisi, quotidie teneantur frequentare Chorum. Horum primus & quasi Præpositus est Pastor, & eo ipso quo fit Pastor, de illâ quotidianâ provisus. Sex reliquas alternativè conferunt nunc Abbas, nunc Magistratus. Institutio, & introductio ad illa beneficia soli competit Abbati, uti & constitutio Matricularii seu Custodis, & collatio Scholasteriæ.

Ex Archivis Abbatia.

Ornatur potissimum hoc oppidum *Abbatia*, sub titulo B. M. V. & S. S. *Cornelii & Cypriani*, fundata anno 1137. a *Gerardo* hujus oppidi Advocato, seu Dynastâ, viro nobilissimo & piissimo, cognomento Constabularius, sive Comes stabuli, filio *Amalrici* Comitis stabuli, seu Magistro Equitis Comitum Flandriæ, erecta tali initio.

Abbatia Nihoviensis.

In Ecclesiâ Parochiali hujus oppidi, olim sitâ extra muros, vetus erat Canonicorum Collegium, & in eo erant duo Canonici celebris memoriæ viri *Balduinus Wala* & *Oiotus*, tertio eorum Collegâ defuncto nomine *Alondo*, ejus præbenda vacabat. His septem Canonicorum præbendis præfatus *Gerardus* Octavam addere præbendam disponebat, assignans pro eâ decimas suas de Herlichove & 21. bonaria terræ apud *Eychem*, ad refrigerium animæ uxoris suæ *Gislæ* defunctæ, & in eadem Ecclesia sepultæ. Verum suggerente præfato *Balduino Wala*, persuasum *Gerardo* loco illius præbendæ, fundare Abbatiam Ord. Præmonstratensis, toto tunc Belgio celeberrimi, & incrementa maxima facientis, in qua jugis in precibus & sacrificiis haberetur sui, suorumque memoria. Probatum piissimo viro *Gerardo* consilium *Balduini*, offerentis ad hoc pium opus, suam etiam præbendam, & alteram



tunc vacantem assignantes, si ita *Burchardo* Cameracensi Episcopo placuisset, qui maturo prius habito consilio Fratres Præmonstratenses censuit advocandos. Missa itaque legatione ad Ecclesiam Parchensem, advenit ejusdem Ecclesiæ Abbas *Simon*, & anno 1137. septem ejusdem Ecclesiæ Fratres, prima *Ninhoviensis* Abbatiae germina, in festo *S. Martini* advenientes, benignissimè accepti sunt, quibus per *Laudunensis* & *Parchensis* Abbates præficitur primus Abbas *Gillebertus* *Laudunensis* Abbatiae Canonicus, omnibus quæ erant Ecclesiæ in eorum usus assignatis, quibus præfatus *Gerardus* septem bonaria terræ apud *Rubroeck* (hodie *Ruysbroeck*) adjecit, & insuper quintam garbam in Parochiâ de *Herlickhoven* acquirere fratribus relaxavit. Quæ omnia *Nicolaus* Episcopus Cameracensis confirmavit diplomate dato 25. Decembris 1138. & eidem Abbatiae incorporavit Ecclesiam Parochialem *Ninhovientem*, cum tribus præbendis inibi fundatis. Diploma refertur in *Donat. Belg. A. Miræi* novæ edit. pag. 527. ut sequitur.

In nomine Sanctæ & Individuæ Trinitatis. Ego *Nicolaus* Dei gratiâ Ecclesiæ Cameracensis Episcopus. Quia propitiante Domino Pontificali Cathedrâ licet indigni præsidemus, etsi omnibus in communi nostræ Diœceseos fidelibus generalem curam debemus, illis tamen, qui felici naufragio, abjectâ sæculari sarcinâ, de mundi hujus fluctuante pelago ad tranquillum & placidum contemplationis portum innataverunt, speciali dilectionis & sollicitudinis necessitudine obligamur: ut ex nostris eis prodesse, & aliorum erga eos liberalitatem approbare & firmare studeamus, quatenus piâ vicissitudine de orationibus eorum aliquod imperfectioni nostræ subsidium comparemus.

Igitur tam præsentibus quàm futuris notum facimus, quod Ecclesiæ de *NINIVE*, quam cum Altari & atrio, atque omnibus appenditiis suis, piæ memoriæ Prædecessor noster *BURCHARDUS*, *AMULRICI* Constabularii *Flandriensis*, ceterorumque participantium devotissimâ petitione, liberam & ab omnimoda exactione quietam effecerat, quidquid in futurum concessione Principum, oblatione fidelium, seu aliis quibuscumque justis modis canonicè poterit adipisci, possidere gratanter annuimus.

Porro quoniam jacula prævisa minùs lædunt, præfatæ Fratres Ecclesiæ, secundum Apostolicam institutionem atque tenorem Præmonstrati Ordinis degentes, ne deinceps posterorum infestatione, sive quorumcumque sacrilegâ cavillatione inquietati, requietionis suæ amœnitate priventur, non inconsultè decernimus quædam beneficia privilegio commendari, quæ nullatenus ab Ecclesiastico jure convenit alienari.

Siquidem *GERARDUS*, liberalis vir, suprâ memorati *Amulrici* Filii, in omnibus aquis, quas ipse liberè possidet, exceptis solummodò vivariis solis, gratâ largitate Fratribus piscationem perpetualiter concessit. Præterea ex beneficiis ejusdem *Gerardi*, piscatorias rendiculas quatuor, quas vulgò *vieria* nominamus, in flumine *Teneræ* hereditario jure possidebunt.

Addidit etiam ideò *Gerardus* territorium de *Windresdala*, & adjacentia ejus; pratum videlicet & nemus, & aliud pratum secus *Teneram*, & allodium de *Roslaer*, & septem libras annuatim istis diebus determinatis in Villa *Testerep* persolvendas, *B. Joannis Baptistæ*, Sanctique *Remigii*, in Purificatione *B. Mariæ* & in media Quadragesima.

Nos verò de statu Religionis & Ordinis integritate quàm plurimum gratulantes, ne Claustralium pacem turbare potius quàm nutrire videamur, Domino *GISLEBERTO* Abbati *Ninivensi*, & decessoribus ejus, quidquid obsequii nostræ dignitatis ad honorem attinet, omninò dimittimus; excepto quod semel in anno, si tamen præmonitus fuerit, ad Synodum venire curabit. Item Ecclesiæ Beatorum Martyrum Christi *Cornelii* & *Cypriani* hujusmodi libertatem concedimus, quatenus Abbas electus, ad consecrandum iturus, Baculum Pastorale super Altari propriâ manu accipiat.

Contigit aliquoties, ut alicui infirmitate detento, & volenti converti, prohibitio Presbyteri sui obviaret. Quod quia contrarium *B. Augustini* Regulæ videtur, dicenti: *Suscipite infirmos*, omnibus infra nostri Episcopatus terminos simile quærentibus benignè concedimus, ut ad Ecclesiam *Ninivensem*, salvo tamen Presbyterorum, quo-



quorum Parochiani sunt, Offertorii proficuo. . . Si autem aliquo forefacto Principis Provinciæ sive aliorum quorumcumque terra in banno teneatur, remotis excommunicatis, foribus clausis, divinum in Ecclesia celebretur officium.

Nos quidem ex injuncto nobis officio, quidquid Reverendissimi Patres nostri Honorius atque Innocentius religiosè sanxerunt, viva voce prædicare debemus. Interdiximus itaque Apostolicâ auctoritate, ne in Ecclesia Ninivensi, in qua Fratres vitam Canonicam professi degunt, nulli omninò hominum liceat, secundum B. Augustini Regulam, ibidem constitutum commutare. Nullis etiam Episcoporum futuris temporibus audeat inde Fratrem abducere, nec professus quispiam ex eadem Ecclesia aut Claustro præsumat sine communi Congregationis permissione discedere; discedentem verò nullus Episcoporum, nullus Abbatum, nullus Monachorum, sine communi Litterarum cautione, suscipere.

Statuimus etiam, ut nulli liceat eandem Ecclesiam temerè perturbare, aut ejus Possessiones auferre, vel ablatas retinere, minuere, vel temerariis vexationibus fatigare; sed omnia integrè conserventur Regularium Fratrum & pauperum usibus profutura. Si qua igitur in futurum Ecclesiastica sæcularisve persona alienare ab Ecclesia, quidquid legitimè possidet, præsumperit, si non satisfactione, secundo tertiove commonita, congruè emendaverit, in extremo examine districtæ ultioni subiaceat. Cunctis autem eidem Ecclesiæ jura servantibus sit pax Domini Jesu Christi, quatenus & sic fructum bonæ actionis percipiant, & apud districtum judicem præmia æternæ pacis inveniant, amen.

Sancimus etiam, ut pro GERARDO, ejusdem Ecclesiæ Fundatore & constructore, in eadem Ecclesia jugis memoria in orationibus perpetualiter habeatur.

Signum Theoderici ejusdem . . . Archidiaconi,

S. Joannis, Alardi, Theoderici, Archidiaconorum,

S. Guidonis Præpositi,

S. Gerardi Decani & Archidiaconi,

S. Guidonis,

S. Walteri,

S. Guirenboldi, item Guirenboldi,

S. Hugonis, item Hugonis, Bartholomæi, Eustachii, Heriwardi, Radulphi, Canonicorum.

Actum anno Dominicæ Incarnationis millesimo centesimo trecesimo octavo, Indictione XV. Præfatus Domini Nicolai secundo. 1138.

Ego Guirenboldus scripsi & recensui.

Ejusdem ferè tenoris litteras dedit idem *Nicolaus* Camerac. Episc. anno 1139. & 1165.

*Eugenius III.* Papa confirmat possessiones Abbatiae Ninivensis, eamque eximit a subjectione Episcopali, & sub protectione *S. Petri* suscipit. Anno 1147. Diploma recitat *A. Miræus* in Donat. Belg. novæ edit. pag. 534. ut sequitur.

*Eugenius* Episcopus Servus Servorum Dei, dilectis Filiis GERARDO Abbati Ecclesiæ *S. Cornelii* Ninivensis, ejusque Fratribus tam præsentibus quàm futuris, canonicam vitam professis in perpetuum. Quoties illud à nobis petitur, quod Religionis & honestati convenire dignoscitur, animo nos decet libenti concedere, & petentium desideriis congruum impertiri suffragium.

Eapropter dilecti in Domino Filii, vestris justis postulationibus clementer annuimus, & præfatam *B. Cornelii* Ecclesiam, in qua divino mancipati estis obsequio, sub *B. Petri* & nostra protectione suscipimus, & præsentis Scripti patrocinio communimus. Statuentes quascumque possessiones, quæcumque bona in præsentiarum eadem Ecclesia justè & canonicè possidet, aut in futurum concessione Pontificum, largitione Regum vel Principum, oblatione fidelium, seu aliis justis modis Deo propitio poterit adipisci, firma vobis vestrisque Successoribus & illibata permaneant, in quibus hæc propriis duximus exprimenda vocabulis:

Totam decimam ejusdem villæ cum appenditiis suis, *Herlinchoven* cum tota decima, *Lidekerkensem* Ecclesiam cum tota decima & appenditiis suis, scilicet *Lombeca*,

TOM. II.

Ddd

Stri-



*Strithem*; partem decimæ apud *Menz*, curtem *Netherwich* cum prato, piscatione in *Tenera* ubique, cum Advocato, duo molendina cum mansis juxta Ecclesiam *Ninivensem*, curtem *Rubroc* cum circumjacentibus terris & silvis, terram *Hugonis Gantis*, & Fratris ejus *Gisleberti*; silvam *Mentogh* à Gerardo Advocato emptam, curtem *Wendencote* cum circumjacentibus terris & pratis; hereditatem *Henrici Gonversum* de *Herlincoven*, alodium de *Rofilar* cum nemusculo *Stonbecca*; alodium quod dedit *Herbrandus* de *Merbeca*; terram cum silva *Gualteri* de *Curia*, terram quam dedit *Theodericus* de *Inferno*; terram quam dedit *Castellanus Bruxellensis*, assensu *Guidonis* & *Gualteri* de *Hosdem* apud *Senesiam*; terram quam dedit *Uffo Pauper*, assensu Fratris sui *Gislardi* apud *Arken*; terram quam dedit *Albricus* cum silva & prato apud eandem villam.

Sane agrorum vestrorum, quos propriis manibus aut sumptibus colitis, sive de nutrimentis vestrorum animalium nullus à vobis decimas exigere præsumat. Prohibemus quoque, ut nullus Fratrum, post factam ibidem professionem, absque Abbatis sui permissione, ex eodem clauistro audeat discedere; discedentem verò, absque litterarum communium cautione, nullus suscipere vel retinere præsumat.

Decernimus ergò ut nulli omninò hominum liceat prætatam Ecclesiam temerè perturbare, aut ejus possessiones auferre, vel ablatas retinere, minuere, seu quibuscumque vexationibus fatigare; sed omnia integrè conserventur, eorum, pro quorum gubernatione & sustentatione concessa sunt, usibus omnimodis profutura, salvâ Sedis Apostolicæ auctoritate & Diocessani Episcopi canonicâ justitiâ.

Si qua igitur in futurum Ecclesiastica secularive persona hanc nostræ Constitutionis paginam sciens, contra eam temerè venire tentaverit, secundò tertiove communita, si non satisfactione congruâ emendaverit, potestatis honorisque sui dignitate careat, reamque se divino judicio existere de perpetrata iniquitate cognoscat, & à Sacratissimo Corpore & Sanguine Dei & Domini nostri *JESU CHRISTI* aliena fiat, atque in extremo examine districtæ ultioni subjaceat.

Cunctis autem eidem loco sua jura servantibus sit pax Domini nostri *Jesu Christi*, quatenus & hîc fructum bonæ actionis percipiant, & apud districtum judicem præmia æternæ pacis inveniant. Amen.

*Theodericus Alsatus* Flandriæ Comes anno 1142. in protectionem suscipit Abbatiam *Ninivensem* petente Fundatore *Gerardo*. Diploma refert idem *A. Miræus* in *Donat. Belg. novæ edit.* pag. 530. cujus hic est tenor.

In nomine Sanctæ & Individuæ Trinitatis. *THEODERICUS* Alsatus, divinâ dispensante providentiâ, Flandrensis Comes, tam futuris quàm præsentibus in perpetuum.

Quando ea, quæ justa, quæ utilia, quæ honesta, quæ denique divina sunt, postulamus, piâ alacritate nos condecet facilem præbere assensum.

Proinde petitioni devotæ Domini *GERARDI* de *NINIVE*, cognomento *Constabularii*, piè acquiescentes, Abbatiam de *Ninive*, sub nostro dominio & Flandrensi Advocatia tuendam, de manu ipsius *Gerardi* suscepimus, quasi Deo & hominibus pro ea responsuri, & mercedem æternam pro bene administrata protectione habituri.

Præfatus siquidem *GERARDUS* temporibus nostris in suburbanis suis Abbatiam, in honore sanctæ Dei Genitricis semperque Virginis Mariæ, & sanctorum Martyrum *Cornelii* & *Cypriani*, ob suam suorumque salutem instituit, ipsique summâ solertiâ necessaria procuravit. Sed quoniam vir sapiens & providus malis, quæ nostris temporibus perturbant Ecclesias, se resistere non posse consideravit, nobis & Successoribus nostris sponte suâ dominium & Advocatiam Abbatiae & possessionum ejus, ore & manu & testimonio nostrorum suorumque hominum, commisit & dedit; ut vel etiam ipsi, vel Sequacibus suis, vel quibuscumque malum præfatæ Ecclesiæ molientibus justitiâ & potestate nostrâ obviaremus.

Abbatiam igitur, quam liberam invenimus, liberamque suscepimus, liberam deinceps fore decernimus. Et si quis querelam in ipsam vel in res ejus habuerit, & ad præsentiam Comitum Flandrensis terminare noluerit, sed præsumptuosâ malitiâ ipsam vexaverit, Flandrensis Majestatis reus habeatur. Ut autem hæc bene ordinata optimè deinceps



deinceps teneantur, Testium, qui rei gestæ interfuerunt, subscriptione & Sigillino-  
stri impressione hanc Decreti Paginam corroborare decrevimus.

Signum Otgeri Notarii,  
S. Iwani de Gant,  
S. Willelmi de Boular.  
S. Michaëlis Constabularii,  
S. Theoderici de Beverne,  
S. Balduini de Wenteca,  
S. Rogeri Tribuni de Curtraco,  
S. Balduini de Sichein,  
S. Gerardi de Netherwic,  
S. Walteri Fityr.

Actum anno Incarnati Verbi millesimo centesimo quadragesimo secundo, Indictione quintâ, Epactâ XXII. Concurrente III. 1142.

Mirum quanta hæc Abbatia brevi temporis spatio tam in spiritualibus quam temporalibus incrementa fecerit, variis acquisitis per Brabantiam, Flandriam & Hannoniam possessionibus, juribus & prærogativis.

Pastoratus quos obtinet hæc Abbatia, quique a suis Canonicis administrantur sunt sequentes; Ninhoviensis cum ejusdem appendice de Herlinckhovia, Lidekeranus, Lombecæ Castri, cui unita est Ecclesia de Strythem, Pamelensis, Voordenis, & Okegemienis.

Ecclesia Parochialis Ninhoviensis præfato Cœnobio unita est anno 1138. per *Nicolaum* Episc. Camerac. uti supra dictum est.

Ecclesia Parochialis Lidekerana anno 1092. consentiente *Gerardo* Episcopo Cameracensi, per foundationem *Radulphi* Tornacensis & *Hellewigis* uxoris suæ, mutata fuit in Abbatiam Canonorum Regularium; Ejus Abbas erat ejusdem Ecclesiæ Pastor, & e suis Vicarios emittebat in Lombecam Castri & Strythem tamquam Ecclesiæ Lidekeranæ appendices. Anno 1140. *Iwanus* Comes Alostanus & Dominus Lidekeranus, amotis inde dictis Canonicis, cessit Abbatia Ninhoviensi Ecclesiam Lidekeranam cum præfatis appendicibus & memoratæ Abbatia possessionibus, donum confirmante *Nicolao* Episc. Camerac. & eo jure administratur per Canonicum Abbatia Ninhoviensis.

Ecclesia Lombecæ Castri unâ cum Strythemienis, olim (uti dictum) Lidekeranæ appendices per meros Vicarios ministratæ, hodie proprium suum Pastorem obtinet præfate Abbatia Ninhoviensis Canonicum, cui uni soli (licet sint duæ Parochiæ, ambæ baptisterio & reliquis Parochialibus propriæ proviæ) subjiciuntur per *Joannem* Episcopum Cameracensem anno 1198.

Ecclesia Parochialis de Pamella eidem Abbatia accessit anno 1179. cum Altari de Ledeberghe (quod hodie Sacellum est) dono *Rogerii* Episc. Camerac.

Ecclesia Parochialis de Voorde anno 1292. per *Guillelmum* Episcopum Cameracensem unita est Abbatia Ninhoviensi, in cujus favorem dictæ Ecclesiæ renuntiarunt, & sese abdicarunt Abbas & Conventus Montis S. Martini Ord. Præmonstr. in Picardiâ propè Casteletum Gallia oppidum.

Ecclesiam Parochialem de Okegem acquisivit Abbatia Ninhoviensis anno 1602. per cessionem & renuntiationem Abbatis & Conventus S. Adriani Ord. S. Bened. Gerardimontibus, & approbatione *Matthiæ Hovii* Archiepiscopi Mechliniensis.

Cætera jura & prærogativa libens prætereo ne solito sim prolixior proposito.

A pluribus seculis ad Ecclesiam Abbatialem frequentissimus semper fuit,



& hodiè perseverat concursus Epilepticorum seu morbo caduco & aliis infirmitatibus laborantium, qui ad Reliquias S. S. Mart. atque Pont. *Cornelii & Cypriani*, ut authentica probant testimonia, integram Sanitatem consecuti sunt & consequuntur. In ejusdem Abbatiae agro dicto Sylva de Ruysbroeck, territorio Ninhoviensis oppidi celebre visitur Sacellum, dicatum Deiparae Virgini sub titulo Mariae pacis, in quo aegri ac infirmi Deiparae devoti reconvalescere saepius, & plurima beneficia obtinere.

Floruit in hoc Coenobio *Baldwinus Ninivensis*, Chronographus, qui scripsit Chronicon breve a Christo nato usque ad annum 1294. quod assertur in hac Abbatia, quod nos ipsi hoc anno 1725. vidimus & inspeximus, ex eo se plurima transcripsisse fatetur *A. Miræus* in suo Præmonstratensi Chronico.

Damus hinc exactam seriem Abbatum; prout ex Archivis ex hac Abbatia ad nos missa est.

## ABBATES NINHОВIENSES.

- I. GILBERTUS, Canonicus Abbatiae Laudunensis, vir Religione, scientia & moribus apprimè ornatus. Post quinquennale regimen, cessione locum fecit alteri Gilberto anno 1142.
- II. GILBERTUS, Canonicus Abbatiae Parchensis, post regimen duorum mensium ad suos reversus anno 1143.
- III. GERARDUS, Canonicus Abbatiae Laudunensis rexit annis 44. irreprehensibiliter. Templum & claustrum aedificavit, ad quod suum deduxit gregem, veteri relicto, quod subitaneo opere erectum fuerat in atrio templi Parochialis, quod unâ reliquit. Obiit anno 1185. die 28. Sept.
- IV. ARNOLDUS WALA, primo professionis anno Prior constitutus, ejusdem Officii 45°. Abbatiale munus suscepit: quo toto quinquennio laudabiliter functo, defunctus est 8. Octobris anno 1190.
- V. MATTHÆUS DE SCORNACO, Canonicus Abbatiae Montis S. Martini. Vir fuit singularis doctrinae & Scriptis clarus, post quinquennale regimen cessit Ao. 1196. & ad locum unde exierat reversus, ibidem beato fine quievit.
- VI. ALGOTUS. Vir pius, post quinquennem administrationem, ob perpetuum languorem curam Pastoralem deposuit anno 1199.
- VII. STEPPHO, Abbatialem dignitatem suam laudabiliter illustravit, illustri ipse apud Hannonios stemmate natus, denatus est 15. Octobris anno 1204.
- VIII. HENRICUS, Abbatiae Montis S. Martini Canonicus, post biennium abdicavit anno 1206.
- IX. JOANNES DE SPINIS. Vir admodum religiosus, susceptae dignitati solo quadrimestri superstes, mortuus 7. Januarii anno 1207.
- X. RODOLPHUS, vir sive in Regulari observantia zelum, sive in provehendis temporalibus industriam spectes, multâ laude dignissimus obiit 18. Aprilis anno 1244. Sub hujus Prælaturâ anno 1221. mortuus est B. memoriae *Arnoldus a Swalma* Parochialis, oppidi Ninhoviensis annis fere 33. Parochus, ad cujus tumulum (qui in Coemiterio Abbatiali erat) cum crebra miracula fierent, corpus ejus ad Parochialem Ecclesiam translatum, ibidem honorificentius sepultum est.
- XI. SIGERUS, qui munere Abbatiali Septennio præclare functus, defunctus est Calendis Januarii anno 1251.
- XII. DANIEL, qui post Ecclesiam Jettensem & Grimbergensem providè suis



fuis temporibus gubernatam, ad suæ matris Ecclesiæ regimen, vitæ & scientiæ meritis exigentibus electus est: post cujus triennium, hoc quantum honoris & dignitatis, morte deposuit 19. Januarii anno 1255.

- XIII. GUILLIELMUS AB HALTERA, quamquam bonus Pastor, dispersionem tamen gregis sui passus est: Hannoniis Ninhoviam devastantibus per rebellionem contra *Margaretam* Flandriæ & Hannoniæ Comitem susceptam pro Avenienti ejus filio, quibus malis cedens, cessit & officio anno 1258.
- XIV. ÆGIDIUS, Canonicus Abbatiae Viconiensis, vir doctus, doctorumque fautor, qui dum annos XII. in Præfulatu vixisset, evixit 5. Februarii anno 1270.
- XV. PEREGRINUS; sed super terram, a quâ ut expeditior ad cælestem Patriam festinaret exacto circiter anno Abbatialem sarcinam deposuit anno 1271, & morte metam peregrinationis attigit 30. Augusti, ejusdem anni.
- XVI. HENRICUS AB ALOSTO, post triennium successorem vidit 12. Octob. 1274.
- XVII. JOANNEM DE HARBECA, virum multum memoriâ dignum, qui contractum per priorum temporum injurias alienum æs omne difflavit, & amplas Ecclesiæ suæ possessiones adjecit, ac tandem senio gravis, quietis ergo Abbatiale munus 20. Decembris anno 1305. resignavit
- XVIII. JOANNI MILLYS, Ninhoviensi, qui post novennale laudabile regimen fato concessit 28. Octobris anno 1314.
- XIX. JOANNES DE CHAMPS, ex Linnico, post triennale regimen successorem habuit
- XX. ÆGIDIUM DE CELLARIO, Ninivitam, virum verè religiosum, qui post Septennii præfecturam, ultrò eidem cessit 5. Maii 1324.
- XXI. Hunc post biennale regimen imitati sunt JOANNES DE IMPE anno 1226.
- XXII. Et SIMON DE COSTERE, anno 1328.
- XXIII. GUILLIELMUS BUSSERE, illustri ortus sanguine, moribus ipse & defensione jurium Ecclesiæ suæ illustrior, qui postquam annos VIII. præclare præfuisse, & profuisse, esse desiit 12. Sept. anno 1338, cui successit
- XXIV. JOANNES A TENERÆMUNDA, suam tenerè & mundè Ecclesiam dilexit & rexit annos XXII. dum tandem pedum fatigatus senio, & dein vitam deposuit 19. Februarii anno 1359.
- XXV. JOANNES VAN HAMME, Ninhoviensis, præfuit strenuè annis XXXIII. inter maximas Patriæ calamitates, quibus cum oppido Ninhoviensi suam vidit Ecclesiam involvi, diripi, incendi, ac penitus everti. Tandemque datâ pace domum Abbatialem cum Hospitio Gandavenfi acquisitam, a fundamentis innovatam construxit, & dum ferè respirat 1. Junii anno 1391.
- XXVI. JOANNES NEUCKERSTOCK, ex vetusto apud Flandros stemmate, dirutum coepit restaurare templum, & Monasterii claustrum: sed quasi omnibus perficiendis dum sibi videretur impar, spontaneâ cessione Abbatiale munus, munus fecit spectabili viro *Bartholomæo ab Hoemen* anno 1406. die 10. Julii.
- XXVII. BARTHOLOMÆUS AB HOEMEN, S. T. B. pro Ordine suo Præmon-



stratenſi Deputatus, interfuit Concilio Baſileenſi, a quo confirmatis Ordinis, & Eccleſiæ ſuæ privilegiis, obtinuit Mitræ & Pontificalium uſum, quibus tamen uſus humilitatis ergò fuit numquam, multisque tandem domi & foris præclare geſtis, cum rexiffet annis 43. plenus dierum, diem clauſit extremum Kalendis Octobris anno 1447.

XXVIII. JOANNES BEVERLINCK, Ninivita rexit annos 37. quorum 1450. 1451, & 1452. ſuæ Eccleſiæ funeſtiffimi fuère, miſcentibus omnia igne & ſanguine Gaudavenſibus, tanta vaſtitate ut ſua ſuis Eccleſia deſtituta incolis tantum non exſtincta fuerit. Ærumnoſam hanc vitam deſeruit 31. Julii anno 1484. Nec meliora naſtus eſt tempora Succellor ejus.

XXIX. GUILLIELMUS A CASTRO, iifdem ferè calamitatibus involutus ad annum uſque 1499. quo Abbatialem dignitatem depoſuit, poſtea vitam quoque deponens 4. Januarii anno 1505.

XXX. GERARDUS PARDEKE, egit tranquillius annis XI. quibus diſjecta & collapſa ſuæ domus ædificia reſtauravit, aliifque laudabiliter geſtis obdormivit in Domino 11. Decembris anno 1510.

XXXI. JOANNES CLERICI, Aloſtanus, electus annos natus 75. In tam frigido ſenio, ferventiſſimus jurium Eccleſiæ ſuæ deſenſor. Nonagenarius anno 1525. ceſſit officio & anno 1527. die 29. Novembris exceſſit e vitâ.

XXXII. CORNELIUS HEY, Bredanus, primus Mitrâ & Pontificalibus uſus eſt. Vir planè inſigniſſimus, qui poſtquam æs alienum (quo ſua Eccleſia gravabatur) omnino expunxiſſet, eamque variis ædificiis exornaret, Ipſontancè Mitram depoſuit anno 1544, ſuoque heroico actu novem annis ſuperſtes. Obit 1553.

XXXIII. JOANNES AB AVENA, Eccleſiam ſuam mirè provexit & ditavit. Ceſſit dignitati anno 1567. & obiit anno 1571. in feſto *S. Cecilie*, cui in vitâ ſpecialiter fuerat devotus.

XXXIV. MICHAEL MALENUS, origine Bruxellenſis, dum collabentis domus ſuæ reparationibus inſiſtit, operam perdit; nam anno 1578. hæreticis ſuſdeque vertentibus omnia, & profanis ſacra miſcentibus, Bruxellas (diſperſis huc illuc Fratribus) proſugere cogitur, ubi 18. Septembris ejuſdem anni peſte abreptus, in S. Gaugerici ſepultus eſt. Nec Maleno felicior ejus Succellor

XXXV. PETRUS ALOYSIUS, Bruxellenſis, qui ut ſibi ſuiſque provideret ſacra vaſa conflare, & Eccleſiæ ornamenta diſtrahere oportuit. Miſeriis hiſce immortalus eſt anno 1587. 13. Decembris.

XXXVI. ADRIANUS WASTEELS, Ninivita, verè inter tot ærumnas vir deſideriorum, & ad ſtuporem erga Deum, Divosque pius, ſpecialiter *S. S. Cornelium & Cyprianum* Eccleſiæ ſuæ Patronos, quorum ope miraculoſâ (ut in extremis faſſus) a prædonibus eſt liberatus, pièque in Domino obdormivit 5. Martii anno 1594.

XXXVII. ANTHONIUS DE LANGHE, apud Mechlinienſes Nobili ſtirpe natus, S. T. B. Vir doctiſſimus pariter & Eloquentiſſimus, qui in magnâ mediſorum tenuitate, per ſingularem œconomiam everſum Monasterium tertio ædificationis anno habitationi commodum effecit. Tantæ fuit apud omnes æſtimationis, ut a Concilio Flandriæ in Commiſſarium Curiae pro Clero electus ſit: tam ſui potens, ut binos Episcopatus ſucceſſivè oblatos recuſaverit. Tandem vero morte ſuâ 11. Aprilis anno 1606. Abbatialem infulam fecit & Bullam.

XXXVIII.



- XXXVIII. CHRISTIANUS VANDEN ABEELE non minus de spirituali quam materiali ædificatione optimè meritis, post septem Prælaturæ annos ex hac vitâ decedit 13. Julii anno 1613.
- XXXIX. JOANNES DAVID, S. T. B. parentibus Gerardimontensibus natus Hannoniæ Montibus; Vir doctus & munificus, Ordinum Flandriæ (ex parte Cleri) Deputatus Primarius, Ordinis Præmonstratensis in Curiâ Romanâ Syndicus, per utramque Germaniam, Hungariam, Daciam, Poloniam visitator generalis, *Alberto & Isabellæ* Belgarum Principibus a Consiliis intimis. Rexit annos 23. quibus perfecit cœpta a prædecessoribus Monasterii ædificia, & alia adjecit, dumque plura designat, & incipit, vitam finit anno 1636. die 25. Julii.
- XL. MICHAEL MORDACK, Bruxellensis, vix toto Semestri vixit, & ante benedictionem evixit 21. Martii anno 1637.
- XLI. CHRISTIANUS RÔELOFS, Gerardimontensis, S. T. B. Ordinum Flandriæ ex parte Cleri Deputatus Primarius, Regularis disciplinæ Zelandor egregius, cum viginti annis inter continuas temporum vicissitudines præfuisset, ex hac vitâ migravit 4. Maii anno 1657.
- XLII. JOANNES NEVIUS, (alias *de Neve*) Oulterensis, vir plane eruditissimus, de Ordine Præmonstratensi (Circator generalis) de Patriâ (Ordinum Flandriæ ex parte Cleri iterato Deputatus Primarius) denique de Ecclesiâ suâ optimè meritis, & in utraque fortunâ sui semper similis. Obiit 4. Martii 1685.
- XLIII. FERDINANDUS DE MOOR, Ninhovienfis ex Pastore Ninhovienfi ejusdem Cœnobii Abbas, vir zelo zelatus pro decore domus Dei, & disciplinæ Regularis exactissimus, post tredecim annorum laudabile regimen vitâ functus est 27. Februarii anno 1698.
- XLIV. CAROLUS CHARITE', Ninhoviâ ortus, omnibus amabilis, amore omnes complexus, & in omni scientiâ sine inflatione versatus: præcipuè Theologica, quam suis Confratribus uno & viginti annis prælegit denatus in vigiliâ Nativitatis Domini anno 1701.
- XLV. DIONYSIUS FREYSERS, Hasselæti in Eburonibus natus, ex Pastore Parochialis Ninhovienfis ad Prælaturam evectus, ad Dominum migravit post laudabile decem annorum regimen 13. Maii anno 1712.
- XLVI. FERDINANDUS VANDER HAEGHEN, Gerardimontensis, ex Provvisore electus & inauguratus Abbas die 3. Julii anno 1721. ad Comitatu Flandriæ ex parte Cleri deputatus primarius. Anno 1723. novam insignem Abbatialem Ecclesiam, penè seculo a prædecessoribus inchoatam ad perfectum deduxit, eamque solemni pompa die S. Jacobo sacra benedixit & primus in eâ sacrificium altaris obtulit, hodie feliciter præest & salutariter prodest.

Præter hanc Abbatiam & ædem Parochialem D. Virgini inscriptam, est *Gerontocomium* dictum *Nasareth*, fovendis septem senibus destinatum, anno 1576. ab *Antonio Vlaminc* Canonico, Officiali & Archidiacono, dein Decano Iprensi dotatum. Foundationem hanc confirmavit eodem anno die nonâ Julii *Antonius Perenotus* S. R. E. Cardinalis Granvellanus titulo *S. Petri* ad vincula, Archiepiscopus Mechliniensis.

Item Xenodochium seu Hospitale specialiter deputatum ut pauperes & infirmi ibi foveantur, & curentur, fundatum circa annum 1268. Benefecit inter cæteros illis olim anno 1295. *Joannes de Liedekercka* Eques & Dominus vanden Egene.



In oppido Nihovienſi olim fuit Beginaſium, quod nomen pontis vicini dicti *De Begyne-Brugge*, & nomen Capellaniæ ſatis indicant. Occuparunt illud anno 1504. Grileæ Sorores ex pago de *Viane* juxta Gerardimontes huc advenientes, profitentes tertiam Regulam *S. Franciſci*, ea lege & conditione admiſſæ, quod infirmis aſſiſtere, & contagiolo morbo laborantibus intervire teneantur. Circa annum 1662. reformationem & clauſuram amplexæ, cujus conſenſu vel auctoritate ignoratur, exinde Pœnitentes Recollectivæ cœperunt appellari; Paſtore tamen oppidi ſpiritualem in eis juridiſctionem privativè ſibi manuteneſcente, per Sententiam Magni Senatus, & Decretum Regium confirmatum.

*Herlinchoven.*

Appendix Eccleſiæ Parochialis Ninivenſis eſt *Herlinchoven* ſeu *Herlingi-Curia*, & *Herlinchovia*, ab *Herlingo* uno ex Gothorum Ducibus nomen ſortita, contigua ferè oppido Ninivenſi verſus Occidentem, unde quia hic pagus olim alium habuit Dominum, ſcilicet Abbatem *S. Amandi*, etiam modo *S. Amundum* populus veneratur annuo feſto ſeorſum a civitate Ninivenſi, cum tamen eundem habeat Paſtorem. Olim diſtincta videtur fuiſſe Parochia; in quodam antiquo enim libro vocatur Parochia: habet etiam proprium Magiſtratum, Graphiarium, menſam pauperum & ædituos. Paſtori tamen Ninivenſi in ſpiritualibus ſubjecta.

*Dominium de Rotzelaer.*

*A. Miræus* in Donat. Belgic. Lib. II. Cap. XLVII. novæ edit. refert Diploma quo *Eugenius III.* inter cætera confirmans poſſeſſiones Abbatii Ninivenſis Anno 1147. recenset totam decimam villæ ſcilicet de Ninive cum appenditiis ſuis, *Herlinchoven* cum totâ decima. Dominum & Prætorem criminolum agnoſcit eundem quem Ninive, olim tamen ante annum 1115. alium agnoſcebat Dominum (uti jam dicere incepimus) videlicet Abbatem Elnonenſem *S. Amandi* in pabulâ, qui dictum pagum commutavit, cum parte Allodii, quod *Balduinus* filius *Roberti* junioris Comes Flandriæ habebat in *Teſte-repti*. Non incongruè Ninive ſubjungimus Dominium de *Rotzelaer* in Comitatu Alooſtano, quod complectitur hoſce pagos *Dender-Hauthem*, *Ayghem*, *Heldergem*, *Haeltert*, *Kersken* & *Vlackem*. Spectavit olim ad Barones de *Rotzelaer* (& hinc Dominio nomen) in Brabantia. Donavit illud *Gerardo* filio majori Equiti *Joannes de Rotzelaer* cum aliis in Flandriâ prædiis Anno 1279. Devolutum eſt poſtmodum illud Dominium ad Duces Brabantie, & per *Joannem III.* anno 1331. venditum fuit *Henrico* filio *Guidonis Domprætæ* Comiti de *Loo* ſeu *Laude*, Domino etiam Ninivenſi. Quo ſine liberis deſuncto cum alia ejus hæreditate Dominium hoc ad peculia Comitatus Flandriæ acceſſit. Hodiè illud poſſident Gentiles de *Happart-Dieghem* cum ſuis.

*Dominium de Wedergraet.*

Dominium de *Wedergraet* quamdam habuit olim dependentiam cum oppido Ninivenſi, ratione ſubjectionis Feudalis quam habebat *Windeca-Teneræ*, unus e potiffimis ditionis Alooſtanæ, & territorii de *Wedergraet* pagus. Complectitur hoſce pagos *Windeca-Teneræ*, *Allodium* ſive *Neygene*, *Appeltere* cum *Eychem* & *Pollaer*. Porro nomen ſuum ſortitum videtur a Caſtro dicto de *Wedergraet*, quod in colliculo ad Teneram prope pagum de *Appeltere* ædificatum, jam planè dirutum eſt, colliculus tamen hodiè ibidem cernitur.

Hoc Dominium olim poſſedit *Oſto de Wedergraet*, Eques qui filiam unicam *Mariam* reliquit ejus hæredem, nupta hæc eſt primo *Joanni de Maſmines* Equiti Domino de *Axelles*: exinde *Danieli vanden Weerden* Scutifero circa annum 1411. Cum autem per illam Dominium hoc venditum eſſet, jure retractus occupavit illud *Antonius* Brabantie Baſtardus, at non ſi-

ne



ne lite. Ab illo devenit ad *Philippum* Burgundiæ Ducem, qui Cancellario suo *Petro de Goulx & Mariæ de Rye* uxori ipsius, illam terram donavit. In qua familiâ cum hæssisset usque ad *Gasparum de Goulx*, ab eodem in dote assignata fuit filiæ fratris sui *Guilielmi* Domini de Meerbeke, eâ tamen conditione, ut filius ex eâ nasciturus primus natu nomine *Goulx* insigniretur: sin læcus faxit, ad secundum genitum, qui illam conditionem servaret devolveretur. *Philippa* mixta *Joanni de Lille*, Domino de *Goulsin*, nullam ex ea edidit prolem: eadem nupta *Philippo Guilielmo de la Pierre*, Domino de *Fay*, eandem ditionem transmisit morte suâ filio suo natu maximo *Francisco Philippo* cui a morte avi Paterni obtigit amplum Dominium de *Bousies*, dein titulo Marchionatus decoratum.

Hic Marchio de Bousies Anno 1699. die 25. Novembris vendidit Dominium de *Wedergraet* cum suis annexis & dependentibus *Antonio van Caute-ren* Domino de *Nederbracle*; pretium fuit 60000. floren. post cujus mortem ejus filius *Antonius-Franciscus-Clemens* hoc Dominium hodie possidet.

**APPELTRE**, pagus Comitatus Alostani inter *Ninhoviam* & *Gerardimontem* Domini de *Wedergraet*; vide supra.

Ecclesia tutelarem colit *S. Gertrudem* Virg. sub Patronatu Abbatissæ Illustris Capituli *Nivellensis*.

Decima est tripartita cujus duæ trientes spectant ad præfatum Capitulum *Nivellense*, altera triens ad Parochum, cui insuper ab eodem capitulo annuè solvuntur in Supplementum competentiae 220. floreni.

Hujus Parochialis appendix est in spiritualibus *Eychem*, cujus Ecclesia sacra est *S. Martino* Episc. Dynastia est Domini de *Wedergraet*.

**ASPELAERE**, Municipium sub Baronatu de *Boulaer*, ad cujus Baronem ejus spectat Dominium, primo lapide a *Ninhoviâ* quâ itur *Gerardimontem*. Solemne habet forum annuum postridie Festi *S. Joannis Baptiste* die 26. Junii.

Ecclesia inscripta est *S. Amando* Tungrensi Episc. Ejus Patronatum possidet Abbas *S. Adriani* Gerardimontibus Ord. *S. Bened.* cum potiori parte decimarum, sola sexta earum pars cedit Parocho, cui in Supplementum competentiae annuè solvuntur a præfato Abbate 120. floreni.

Hæc Abbatia obtinuit Altare de *Aspelaer* cum appenditio suo *Halut* (verba sunt Diplomatis) a *Burchardo* Cameracensi Episc. Anno 1118. hanc donationem confirmavit *Baldwinus van Waesberghe* anno 1228. mense Martio.

Appendix hujus Parochialis est *Neer-Hastelt*, antiquitus *Halut* (uti mox dictum est) Dynastia est Baronatus de *Boulaer*, gaudet jure asyli, Ecclesiam habet *S. Amando* sacram in qua singulis mensibus divina celebrantur. Præfatus Abbas possidet in hoc loco multas agri & prati possessiones & census, item decimas carniū quarum Pastor habet medietatem.

**BOULARIA**, vernaculè *Boulaer*, Gallis *Boulers*, Illustris Flandriæ Imperialis vetus Baronatus qui in XII. pagos jurisdictionis suæ alas extendit, videlicet *Boulariam Superiorem & Inferiorem*, *Onckersle*, *Waerbeke*, *Goefferdighem*, *Niewenhove*, *Aspelaere*, *Nederhasselt*, *Yedeghem*, *Deeftingem*, *Vluerseghem*, *Smerlibbe*; non sunt quidem proprii Baronatus, sed vel ipsius Baronis ex alio titulo, vel ab eo moventur in feudum.



Tota Baronia solo amoena est, cælo læta, ubere glebâ dives, fœcunda pascuis, Tenerâ fluvio irrigua, Sylvis decora, incolarum numero prægna, præcipuè ante nupera Gallorum bella. Hic Baronatus est e quatuor Flandrensis Comitatus Beris, sive Paribus, magnis gaudentibus Privilegiis, & quantum Ursorum Flandriæ (ingenii Gothici signum) in bellum Domini Comitis Boularienses efferunt.

Boularia olim penes varias familias fuit; principio penes gentem de *Boulare* cognominem, dein omnium diutissimè fuit penes stirpem *Liedekerkanam* sive *Gavriam* illustrem atque potentem, a quâ ad *Reynghaerts Vlietios* transiit, a quibus ad *Bouchautanos* abiit Equites Brabantos Bruxellæ Vice-Comites; a *Maria Bouchautia* Boulariæ Dominâ pervenit ad Nassovios. Tandem *Philippus Guilielmus Nassovius*, Auriacæ Princeps *Guilielmi* filius initio seculi XVII. Boulariam venditione cessit *Francisco Bernardo de Cassinâ* Equiti, marito *Robertinæ de Noyelles* filix illustris *Ponti de Noyelles*, Bourly-Toparchæ, in qua stirpe perseverat, qui modo *Philippus Guilielmus de Cassina*, Comes de *Wonsheym*. Vide plura de Boulariæ Dynastis apud *J. Waesberghe* in suo Gerardimontio Lib. III. Cap. II.

In Sacello *S. Benedicti* Ecclesiæ Abbatix *S. Adriani* in Gerardimonte visitur Sepultura Nobilis *D. Mariæ de Bouchaulte*, cujus effigies in medio laminæ æneæ ad parietem affixæ habetur cum hoc Epitaphio.

*Ichby gist Dame, Dame Marie de Bouchaulte, Dame de Boullers, Beverweerden, Odyck &c. Vicecomtesse Douagiere de Berghes St. Winock, Gaesbeke, Lannoy, Rollencourt &c. la quelle trespassa le XXIII. de Juillet XV<sup>c</sup>. LXIII.*

Circum circa hæc ejus XVI. quarteria expressa sunt.

*Bouchaulte, Rochefort, Reygersvliet, Fosseulx, Vienne, Buren, Pouques, Borschelle, Luxembourg, Baux, Meleun, Abville, Ville, Rotselaer, Hamaide, Jaqueulle.*

Hæc lamina ænea in turbis Belgicis oblata fuit, & in Hollandiam asportata, quam *Guilielmus Nassovius* Auraicæ Princeps præfati *Philippi Guilielmi* Pater restitui fecit & Gerardimontem remisit, quæ dein suo pristino loco collocata est, ita Religiosi hujus Abbatix se a Senioribus per manus accepisse nobis indicarunt, cum hanc Abbatiam Anno 1723. quo hæc scribimus lustravimus.

Porro prædicta *Maria de Bouchaulte* filia *Danielis* & *Mariæ de Luxembourg* dicto de *Fiennes* primis nuptiis duxit *Hugonem de Lannoy, Rollencourt, &c.* qui mortuus Anno 1527. eique procreavit *Franciscam* filiam unicam hæreditariam, secundis nuptiis *Henricum de Hornes* Comitem de Hautkercke & Vicecomitem Bergæ S. Winoci, qui obiit sine prole Anno 1540.

*Francisca de Lannoy* filia præfati *Hugonis* duxit *Maximilianum Egmondanum*, Comitem Buranum, Leerdamenfem &c. Aurei V. Equitem, ille factis concessit Ao. 1548. illa vero Ao. 1562. Sustulit Anno 1533. *Annam Egmondanam*, quam duxit primis nuptiis Ao. 1551. *Guilielmus Nassovius* Auraicæ Princeps, ex quâ natus *Philippus Guilielmus* primogenitus, qui successit



fit in bonis paternis & omnibus maternis. Hæc *Anna* vitâ excessit ante matrem Anno 1558. die 24. Martii, sepulta apud conjugem in Ecclesiâ de Buren.

Præfata *Maria de Bouchaulte* fatis concessit, ut supra Sepulchralis inscriptio declarat Ao. 1563. adeoque vidit progeniem suam in tertiam generationem.

In Choro præfatæ Abbatiae ante aram Principem sub prægrandi cæruleo lapide Sepulturam habet Illustris familia de *Boulers* de gente *Cassina*, ubi pro Epitaphio leguntur sequentia.

D. O. M.

Illustri Dominæ *D. Robertinae de Noyelle*, Baronissæ de *Boulers*, Dominæ Parvi Rhodii propè Nivel, Matronæ corporis animique dotibus incomparabili, ad immortalitatem præmissæ, non amissæ *D. Franciscus Bernardinus de Cassina*, Eques, Flandriæ Berus, Baro de *Bollers*, Toparcha de *Schendelbeke*, Sereniss. *Alberti & Isabellæ* Belgii Principum Dapifer, conjugi bene merenti, XI. liberorum Matri mærens posuit decess. Ao. 1635. 15. Kal. Nov. æta. 54.

Supra hoc Sepulchrale Monumentum exsculpta sunt amborum supina simulacra. Quarteria circum circa expressa sunt hæc.

*Noyelle, Culembourg, Lannoy, Barbenchon,  
Rubemprè, Bousies, Dorlay, Baden.*

In eodem lapide separatim legitur sequeus Epitaphium.

D. O. M.

Viator Sta, & luge *Franciscum Bernardinum* filium bimulum rapuit mors, Patri spem, Matri delicias, utrique hæredem. abi & collacrymare, denatus est Anno 1613. 2. Aug.

Circum circa legitur hæc inscriptio.

*Franciscus Bernardinus* Pater, *Hugo-Joannes-Franciscus* filius, Barones de *Boullers*, hîc jacent, secuti ille Conjugem IX. Sept. Æt. LXXI. hic utrumque XXIV. Octob. Æt. XXXVIII. ambo Ao. Sal. M. DC. LIII.

Boularia dividitur in Superiorem & Inferiorem.

Boularia Inferior peculiari honore domicilii & præsentiae Dynastæ decoratur, ubi ambitiosum suum habet domicilium, quod veteri arce dirutâ, præfatus *Franciscus de Cassina* aquis cinctum quas præterlabens Tenera subministrat egregiè restauravit, quod nobis exhibet *A. Sanderus* in Flandriâ Illustratâ tom. II. pag. 525.

Boularia Inferior caret Ecclesiâ Parochiali. Decimæ spectant ad Abbatiam *S. Adriani* in Gerardimonte.



Boularia quæ Superior nominatur Ecclesiam habet *S. Aldegundi* Virg. sacram sub Patronatu Abbatis *S. Sepulchri* Ord. *S. Bened.* Cameraci, quod Monasterium a *S. Lietberto* de *Brakela* orto fundatum est anno 1064.

Decima est tripartita cujus duas trientes percipit hæc Abbatia & reliquam trientem Parochus, qui insuper a præfatâ Abbatia annuè in Supplementum competentiae recipit 108. florenos. Abbatia *S. Adriani* in Gerardimonte habet inibi exiguum districtum decimarum.

Hic pagus amoeno cum primis loco situs est ad Teneram fluvium qui eum interfecat & protendit se ultra alteram Teneræ ripam. Hunc Pastoratum *Matthias Hovius*, Mechliniensium Antistes inter suæ Dioeceseos amoeniores numerabat.

Hujus Parochialis appendix est *Goufferdinge* vulgo *Goeferdinge*, quæ Ecclesiam habet *D. Bavoni* sacram. Decimarum ibidem sunt participes eodem modo & jure qui in Boularia uti mox dictum.

BRAKEL INFERIUS, vernaculè *Neeibrakel*, pagus in clientelâ Baronis d'Heyne. Dominium hujus loci olim fuit gentis de *Lalaing*, item Saelinge & Pariche. Hodie spectat ad Dominum de Wedergraet qui nuper *Petrus Antonius van Cauterem*, modo ejus filius.

Forum habet hebdommadale diebus Mercurii & Nundinas annuas 7. Septembris.

Ecclesia inscripta est Virgini Deiparæ *Mariæ* & *S. Petro* Apostolorum Principi.

Decima divisa est in tres partes, cujus ex æquo sunt participes pro duabus partibus Capitulum Rothnacense, & pro restante tertia Parochus.

Patronatus hujus Parochialis spectat ad Thesaurarium præfati Capituli.

BRAKEL SUPERIUS, Teutonicè *Op-Brakel*, ad limitem Hannonicum, uno milliari cum dimidio a Gerardimonte.

Ecclesia sacra est *S. Martino* Episc. ad curam Pastoralem nominat Abbas Eenamensis Ord. *S. Bened.* propè Aldenardum.

Cujus Altare obtinuit a Manasse Episcopo Cameracensi Anno 1198. En Diploma.

Ex Archi-  
vis Abba-  
tia Fena-  
mensis.

In nomine Sanctæ & Individuæ Trinitatis. Ego *Manasses* Dei gratia Cameracensis Episcopus universis Ecclesiæ filiis præsentibus & futuris. Dum dignitas humanæ conditionis post primi parentis lapsum, solâ Christi gratiâ meruerit ut per fructum bonorum operum ad Societatem mereatur pervenire civium Supernorum, cavendum summopore est fidelibus Christi ut mancipando consortio eorum se quodammodo dignas faciat quilibet temporalibus bonis. Sicut enim per bona facta ad eorum Societatem pervenitur; ita per mala opera ab eâ receditur, ut autem animæ magis, quam corpori debeamus prospicere, divina nobis inculcant scripta crebrâ admonitione. Evanescent ceu fumus omnia quæ in mundo sunt temporalia, si quid vero boni egerimus, nullâ perire dignoscitur jacturâ, quod ego mecum reputans meditatione assiduâ ob abolenda meorum erratum incommoda ad Ecclesiam *S. Salvatoris* de Eiham perpetualiter & absque persona Altare de Bracla superiori trado præsentem ejusdem Cœnobii Abbate Tangrado, pro cujus Altaris respectu in perpetuum unoquoque anno in festivitate *S. Lucæ Evangelistæ* ipse Abbas sui que Successores mihi meisque successoribus XII. solvent denarios. Ut autem hæc Carta rata inconvulsa permaneat, sigilli mei impressione est consignata, & fidelium meorum testimonio est corroborata. Signum Domini *Manasses* Episcopi, *S. Domini Alardi* Abbatis *S. Vedasti*. *S. Rameri* Abbatis. *S. Hugonis* Abbatis. *S. Amandi*. *S. Adam* Abbatis, *S. Alberti* Abbatis *Hannoniensis*. *S. Hannerici* Abbatis. *S. Walteri* Abbatis. *S. Godefridi* Abbatis. *S. Windrici* Abbatis. *S. Erleboldi* Præpositi *S. Mariæ* Cameracens. *Radulfi* Archid. *S. Alardi* Præ-



positi. S. Theodorici Vernardi Archidiaconorum. S. Erlebaldi Decani. S. Segardi Decani. S. Werebaldi Scholastici. S. Godonis Cantoris. S. Anfelli Clerici. S. Fulconis Vicedomini. S. Amalrici Cafati. S. Walteri. S. Ingobrandi. S. Fulconis. S. Johannis. Actum est autem hoc anno Dominicæ Incarnationis millesimo nonagesimo Octavo, Indictione VI. Præfatus Domini Manasses III. anno.

Hoc Dominium primitus fuit penes gentem cognominem de *Brakel*, dein per nuptias *Joannæ de Brakel* cum *Collardo de Brugelettes* transiit in hanc familiam, dein per similes nuptias *N. de Brugelettes* Dominæ de *Brakel* cum *Joanne d'Imbiese* dicto *Beauleau* in illam stirpem devenit, inde eodem jure nuptiali obvenit *Victori de Herselle*, exinde hoc Dominium per plura annorum spatia fuit vetustæ & Nobilis familiæ de *Landas*, a quâ non ita diu jure nuptiali transiit in gentem de *Marocx*. Arcem inibi habet spectabilem. Stemma Familiæ de *Landas* invenies apud *A. Miræum* in Donat. Belg. Lib. I. Cap. 92. novæ edit.

Ab hoc loco *Brachantum* a *Brachanto* Brabantiam appellatam quidam volunt; in eâ sententiâ sunt *D. Lindanus* in sua *Teneræmundâ*, & *J. van Waesberghe* in suo *Gerardimontio* pag. 204. Hoc loco natum volunt *S. Lietbertum* Cameracensem Episcopum vocatum Brabantinum, teste *J. Meyero* ad annum 1077.

Porro in Ecclesia Parochiali de Op-*Brakel* ante turbas Belgicas visebatur hæc inscriptio Sepulchralis.

#### D. O. M.

*Erasmo*, Domino a *Brakel*, Equest. Ordinis viro, *Danielis Curtracensis*, *F. Erasmi*, *N. Rogerii*, *Pron. Sigeri* & *Petronillæ*, Dominæ a *Brakel* Conjugum Abn. tumulus ab annis CCXXXVI. erectum & vetustate collapsum duodecim liberi *Erasmi a Brakel*, & *Agnetis a Coyeghem*, ejus posterii pietatis & memoriæ ergo instaurarunt. Anno a nato Christo M. D. LXIX. Obiit Ao. 1333. Uxorem habuit *D. Idam de Wiese*.

DEFTINGE, medio milliari a Gerardimonte, antiquitus in Diplomatis legitur *Deptengem*. Dominium Baronatus Boulariensis, ad eundem spectans Baronem.

Ecclesiæ tutelar is est *S. Ursmarus* Sueffionum Episcopus qui in Flandriâ Imperiali anno DC. LVII. magno cum fructu de Religione differuit, ejus Patronatum possidet Abbas Hunnourtenensis Ord. S. Bened. propè Cameracum.

Decima in sex divisa est manipulos, cujus unus spectat ad Parochum, alter ad præfatam Abbatiam Hunnourtenensem, duo ad Abbatiam *S. Petri* in Monte Blandinio Gandavi, & reliqui duo ad Abbatiam *S. Adriani* in Gerardimonte: Pastori insuper dantur annuè pro Supplemento competentiae a præfatis decimatoribus XXV. libræ Flandricæ.

*J. van Waesberghe* in suo Gerardimontio pag. 215. hallucinatur, dum refert Patronatum hujus Parochialis esse Abbatiae Lobienensis, cum nobis certo constet spectare ad præfatam Hunnourtenensem.

Abbatia præfata *D. Petri* Gandavi hic loci possidet ingentia rura, & prædium opimum cum obligatione distributionis annuæ CL. Saccos siliginis



pauperibus hujus pagi, ita ut inopiâ laborantibus satis abundè hîc sit provi-  
sum.

Cæterum Distingæ natales suas debet *Gislenus de Timmerman* LVII. Ab-  
bas *S. Petri* Blandiniensis Gandavi, Superioribus Belgii motibus seculo  
XVI. pro Rege Catholico ad Seditiosos Ordines variis legationibus functus,  
qui obiit exul Duaci anno 1581. die 27. Martii, sepultus in suo Dominio  
de Harnes in Arthesiâ, hæreticis Calvinianis Blandiniensem Abbatiam tunc  
temporis occupantibus.

DENDER HAUTHEM, latine *Hauthem Teneræ*, ad distinctionem  
alterius *Hauthem S. Livini* in eodem Comitatu Alostano. Hic pagus situs  
est inter Alostum & Ninhoviam sub Dominio de Rotzelaer ad quod  
spectat.

Ecclesia Patronum veneratur *S. Amandum* Tungrensem Episc. Patronatus  
ejus spectat ad Abbatem *S. Adriani* in Gerardimonte.

*A. Miræus* in Dipl. Belg. Lib. I. Cap. 42. edit. novæ refert quo modo  
*Manasses* Camerac. Episc. anno 1096. contulit præfatæ Abbatiæ Altare de  
*Holtbem* (quod hodiè *Denderhauthem* dicitur) cum appenditiis suis *Hildre-*  
*gem* & *Idregem*, qui pagi hodiè *Heldergem* & *Eeregem* dicuntur uti suis lo-  
cis, cum de iis in Decauatu Alostano disseruimus, diximus, qui jam dudum  
suos nacti sunt proprios Parochos, & in quibus locis præfata Abbazia Pa-  
tronatum & Decimas possidet.

Decima hujus pagi pro majori parte competit præfatæ Abbatiæ *S. Adria-*  
*ni*, reliqua earum pars competit Parocho, quisque suum habet districtum  
decimarum. Præfata Abbazia hic loci plures agri & prati possessiones ac census  
possidet.

DENDER WINDEKE, latinè *Windeka Teneræ* olim *Winti Teneræ*,  
primo lapide a Ninhoviâ in Comitatu Alostano, sub Dominio de Rotzelaer,  
ad quod Dominium spectat. Pagus est permagnæ & vastæ extensionis  
complectitur enim ferè 1200. terræ bonaria, & totius ditionis Alostanæ ma-  
ximus.

Ecclesia inscripta est *S. Petro* Apostolorum Principi. Patronatus ejus de-  
pendet ab Abbatiâ Viconiensi Ord. Præmonst. in Hannoniâ, quæ ab hujus  
Abbatiæ Canonicis solebat administrari; ast nuper Parochum accepit ex  
Abbatiâ Truncinensi ejusdem Ord. Præmonst. prope Gandavum rogatu præ-  
fati Abbatis Viconiensis & consensu Archiepiscopali.

Universa pagi Decima spectat ad hanc Abbatiam, quæ competentiam  
annuè præstat hujus Ecclesiæ sacro Ministro. Præfata Abbazia Viconien-  
sis hic loci & in vicinia possidet plurimas agri possessiones & census.

Olim res sacra hujus Parochialis spectavit ad Abbatiam Veromandensem  
inter *S. Quintinum* & *Peronam* in Galliâ, uti in antiquo M. S. Codice Epis-  
copatus Cameracensis legitur, qui apud nos latet.

ESCA S. LIVINI. Vernaculè *S. Lievens Esche*, altero lapide a Ge-  
rardimonte. Creditur olim fuisse Patrimonium *D. Bavonis* Gandensium Pa-  
troni; locus amœnus, & fontibus irriguus, *B. Livini* Scotiæ Episco-  
pi, Gandensium & Alostanorum Apostoli Martyrio famosus; ille Patriâ  
Scotus convertendorum infidelium studio Gandavum venit, ubi a *Florberto*  
Abbate comiter ac benignè acceptus, ad *D. Bavonis* Sepulchrum per trigin-  
ta dies sacris operatus est, apud *Holtam* (quod hodiè *Hauthem S. Livini*



vocatur) malignos spiritus expulit, *Escae Bernam* & *Crapaildim* religiosas ac Nobiles matronas convertit, filio *Ingelberto* vitulum restituit oculorum. Tandem *Walbertus* & *Weylo* fratres, Patriâ Holtani sive de *Hauthem*, illum ferventius Escanis populis Euangelium annuntiantem hoc loco obtruncarunt anno DC. XXXIII. Postea in *Hauthem* (quod ab ejus Sepulchro *S. Livini* vocatur) conditum, dein *Crapaildim Escanam* quod Sanctum hospitio excepisset, & *Brixium Crapaildis* filiolum pari crudelitate eodem die obtruncarunt. Ita ferè *J. van Waesberghe* in suo Gerardimontio pag. 218.

Hoc Dominium est in clientelâ Baronis Boulariensis, & ab Egmondanis dudum possessum fuit, quod circa annum 1640. emptione publicâ devenit in Dammanorum familiam; pretium fuit 160000. flor. in quâ stirpe hætenus perseverat: cujus possessor nuper fuit *Carolus Damman*, Burgravius, seu Vicecomes de Oomberge, post cujus mortem anno 1721. sine liberis defuncti devenit ad ejus sororis filium *Carolus Franciscum de Preudhomme d'Ailly* Baronem de Pouques, &c. Vide plura de hac posteritate in Pago Oomberge, in Decanatu Oordegemienfi.

Olim hic loci arcem insignem habuit Dynasta, quæ pristinis bellorum motibus & iniquitate temporum interiit, ac destructa & solo æquata est; ita ut nihil hodie de eâ superfit; locus tamen & vallum ejus monstratur non procul ab Ecclesiâ.

In hoc pago est Dominium *Ter Herpen*, habens Baillivum, Scabinos & Curiam censualem, quod extendit jurisdictionis suæ alas in pluribus pagis circum vicinis; spectat ad Abbatem *S. Petri* Gandavi.

Ecclesia inscripta est *S. Martino* Turonensi Episcopo. Ejus Patronatus est Episcopi Gandavensis jure Abbatis Bavoniani.

Decimarum participes sunt Capitulum D. Bavonis Gandavi, & ejus Eleemosynaria, Parochus, Toparcha, Baro de Hoffalze &c. Parochus insuper annuè Supplementum competentiae recipit a Præfato Capitulo & Eleemosynariâ XLII. Libras Flandr.

Espinoius in suo libro Gallico de Nobilitate Flandricâ pag. 267. refert quomodo *Goswinus de Schendelbeke* vendidit Anno 1232. mense Febuario Monasterio *S. Bavonis* Gandavi duas partes decimarum de LXXII. bonariis terræ in Parochiâ d'Esche.

Hic loci est insignis Capella *S. Livino* sacra, constructa eo loco, in quo creditur hic Sanctus occisus, quæ multum celebris est, & in eâ Capellania eodem Divo intitulata, gravata tribus sacris hebdommadatim.

Huic Parochiali in Spiritualibus subest pars vici de *Wynhuysen*, spectans in temporalibus ad Sottegemium, in quo exstat insignis Capella B. M. Septem dolorum vulgo *De Capelle ten Schreye*.

GRIMMIGHEN, olim *Griemeghem*, medio milliari a Gerardimonte ad Teneram fluvium.

Hoc Dominium cum parte *Raspaliæ* Sylvæ & terrâ *Anghianâ* venditum est ab *Henrico IV.* Gallorum Rege *Carolo Arembergiæ* Principi &c. anno 1606. Inde hoc Dominium de Grimmighem anno 1612. ab eo Principe suæ Abbatiae pretio comparavit *Maria André* Abbatissa XXVIII. Bello-pratenfis, in quo Dominio hæc Abbatia sita est.

Ecclesia inscripta est D. Virgini Deiparæ *Mariæ*. Patronatus ejus spectat ad Abbatissam hujus loci.

Decima pro potiori parte spectat ad hujus Ecclesiæ sacrum Ministrum, qui est Pastor in Sant-Berghe, excepto quod agri hujus Abbatiae immunes



sint a decimis præstandis, insuper varii seculares hic habent suos districtus decimarum.

Abbatia  
Belloprati  
tensis vulgo  
Beaupré.

Hunc locum *S. Bernardus* honore sui transitus, & prophetico spiritu (ut habent monumenta Belloprati manuscripta) aliquando illustravit. Cum enim per immanem *Belloprati* solitudinem (*Raspaliæ* nempe) ferarum tum & latronum latibulum pertransiret, vaticinatus est aliquando locum illum fore hortum amœnissimum, pulcherrimis, odoriferisque rosis refertum, vivis inquam imaginibus divinæ Majestati gratissimis: uti ad majorem Dei gloriam evenit, condito ibidem anno 1228. per *Aleidem* Dominam Boulariensem ad honorem Virginis Matris Monialium Ord. Cisterc. Cœnobio, uti patet ex hisce Diplommatibus.

Ego *AELIDIS*, Domina de Boular, notum facio, quòd ego novem modios filiginis de redditibus meis, quos habebam in Parochia de *Grimengem*, & duodecim modios avenæ, & quadraginta capones & octo de redditibus pratorum jacentium in Parochia memorata, & octo bonaria nemoris & dimidium, & dimidium bonarium prati in eadem Parochia siti, contuli, de assensu liberorum meorum omnium, Sanctimonialibus Cisterciensis Ordinis de *Bello-prato* juxta *Grimenghem* in eleemosynam, & Chartam istam proprio signavi Sigillo.

\* Obiit  
1236.

Ego verò \* *Michaël* Constabularius Flandriæ, Ego *Philippus* de Boular, Ego *Osto* de Trazegnies, Ego *Ægidius le Brun*, heredes præfatæ Aelidis carissimæ Matris nostræ, eleemosynam prænotatam approbantes, eam nostro consensu firmavimus testimonio Sigillorum nostrorum.

Et quia Ego *Raso* proprium Sigillum non habeo, usus sum Sigillo Venerabilis Abbatidis Gerardimontis, sæpe dictam eleemosynam approbans. Ego quoque *Gosuinus* de Scendelbeka, Maritus filiae Dominæ memoratæ, meum appolui Sigillum, pleno favore confirmans eleemosynam supra dictam.

1229.

Actum anno M. CC. XXIX. mense Majo.

Ego *AELIDIS*, Domina de Boular, notum facio quòd *Ægidius le Brun* Filius meus resignavit in manus meas redditus duodecim modiorum avenæ & XLVIII. caponum, quos de me tenebat in feodum de redditibus pratorum jacentium in Parochia de *Grimengem* recipiendos, ad opus Sanctimonialium de Bello-prato.

Ego verò præfatos redditus, ad petitionem prædicti *Ægidii*, de consensu etiam omnium Filiorum meorum, & *Gosui* Domini de Scendelbeka, & Uxoris ejus *Adæ*, Filiae meæ, contuli præfatis Dominabus in perpetuum possidendos.

Ut autem Donatio prænotata perpetuà gaudeat libertate, præsentem Paginam Sigilli mei appensione munita, & præterea Sigillis Filiorum meorum, *Philippi* scilicet Constabularii, *Ostonis* de Trazegnies, *Ægidii le Brun*, *Gosui* de Scendelbeka, & Abbatissæ de Geraldimonte, pro *Rasone* Filio meo (quia proprium Sigillum non habet) corroboratam, contuli jam dictis Dominabus in munimen.

1230.

Actum anno M. CC. XXX. mense Julio.

Universis Christi Fidelibus, Ego *Ægidius le Brun* de Trazegnies Miles notum facio, quòd Arnulphus de Mergeen & Gertrudis ejus Uxor, Henricus etiam de Mergeen & Margareta ejus Uxor, à me in feodum duo bonaria terræ sita in Parochia de *Grimenghem* possederint, & dicti Arnulphus & Gertrudis ejus Uxor, tanquam veri heredes & Successores prædictam terram, de mea voluntate ac licentia, vendiderint Ecclesiæ B. Mariæ de Belloprato, Cisterciensis Ordinis, & in manu mea reportaverint ad opus ipsius Ecclesiæ.

Ego verò eandem terram, mutato jure feudali in Allodium, contuli jam dictæ Ecclesiæ perpetuò possidendam in Allodium. Attiterunt autem, cum hæc facta fuerunt, in testimonium vocati Homines carissimæ Matris meæ & Dominæ *Alidis*, Dominæ de Boulario, scilicet,

Oevo de Mourbeke,  
Simon de Vos,  
Joannes de Warembeghe,

Da-



Daniël de Hunebeke,  
Arnulphus de Overboular,  
Joannes Vleests, &

Michaël Piscator, & alii quàm plures. In cujus rei testimonium exhibui præsentēs  
Litteras ipsi Ecclesiæ, appensione Sigilli mei roboratas.

Actum anno M. CC. XXX. mense Julio.

1230.

Ego JOANNA, Comitissa Flandriæ ac Hannoniæ universis salutem. Innotescat  
præsentibus & sciant posteri, quod ego in eleemosynam contuli quinque bonaria ne-  
moris mei, quod dicitur *Raspaille*, siti juxta Geraldimontem, inter nemus nobilis  
Matronæ *Aelidis* Dominae de Boulario, & Nobilis viri nemus Domini *Ægidii* de  
*Hallut*, Monasterio Sanctimonialium, Cisterciensis Ordinis, de Bello-prato in perpetuum possidenda.

Actum publicè coram Hominibus meis, anno millesimo ducentesimo trigesimo sep-  
timo mense Septembri.

1237.

Auxerunt primam dotem procures de *Trazegnies*, *Lillare*, *vander Eec-  
houtte*, *Masseme*, *Oultre*, *Aubignies*, &c.

Subjecta est hæc Abbatia curæ Abbatis Camberonensis Ord. Cisterc. inter  
Athum & Montes Hannoniæ.

In medio Chori Monialium ante turbas Belgicas visebatur Monumentum  
Sepulchrale obductum laminâ æneâ cum hac inscriptione.

*Cy gist Madame Alis de Boulers, qui fut femme a Monsieur  
de Liedekercke & de Breda, qui trespassa l'an de grace 1293.  
en Nov. le jour de Ste. Cecille.*

Bello-prati complures vixere Virgines Religiosæ Sanctissimæ, ut ex multis  
*Clara Dullaerts* Abbatissa XXIII, quæ obiit in odore Sanctitatis Anno 1545.  
die 14. Octobris; *Margareta van Laken*, quæ ita Dei amore flagrabat, ut  
omni pæne loco in extasim raperetur. Obiit 1544. ipso die Paschæ Domini  
12. Aprilis.

Venerabilis *Joanna Flammeng*, humilitate & devotione maximè commen-  
data, quæ mortua An. 1550. die 5. Aprilis, Sorori suæ Germanæ ibidem  
religiosæ magnâ claritate refulgens, die quadam sub vesperam apparuit.

Venerabilis *Maria de Satillon*, quæ multis virtutibus excelluit, & in mā-  
gnâ Sanctitate vitæ suæ tempus transegit; vixit anno 1579.

*Agnes de Satillon* Suppriorissa præfatæ *Mariæ* Germana Soror, Regulæ  
suæ exactissima observatrix. Obiit Tornaci in ædibus paternis, tumultuum  
Belgicorum tempore die 28. Martii anno 1581.

*Joanna Spirinx* Gandensis, Nobili loco nata, tamen præ humilitate inter  
Laicas seu Conversas adscribi voluit, quæ post mortem cuidam Sorori suæ ap-  
paruit immenso lumine circumfusa. Obiit 4. Decembris.

Damus hic exactam seriem Abbatissarum, prout ex Monumentis hujus  
Abbatiaë excepimus, quæ apud *J. van Waesberghe* in suo Gerardimontio  
mutila est & imperfecta.

## ABBATISSÆ BELLOPRATENSES.

- I. *Adelidis de Ruschenbrouck.*
- II. *Oda de Bruxella.*
- III. *Helwigis de Bigardis.*
- IV. *Machtildis de Quarwanes.*
- V. *Machtildis de Meureville.*

TOM. II.

- VI. *Maria de Bodelo.*
- VII. *N. N. Religiosa ex Abbatia de  
Camera.*
- VIII. *Beatrix de Gerardimonte.*
- IX. *Sophia de Corte.*

Hhh

X.



- X. *Atelidis de Bouchout.*  
 XI. *Ida de Perken.*  
 XII. *Beatrix de Puteo.*  
 XIII. *Adelidis de Eechoute.*  
 XIV. *Beatrix de Platea.*  
 XV. *Margareta Apers.*  
 XVI. *Waldetrudis de Vreckem.*  
 XVII. *Elisabetha de Lombeke.*  
 XVIII. *Ida de Monte.*  
 XIX. *Ida de Pelken.*  
 XX. *Elisabetha Zoetamys.*  
 XXI. *Joanna de Novavilla*, sive de Nieuwenhove. quæ Dei adiutorio Sanctam Reformationem introduxit.  
 XXII. *Jacoba Henrici.* Obiit 1505.  
 XXIII. *Clara Dullaerts.* Obiit in odore Sanctitatis anno 1545.  
 XXIV. *Joanna Baillette.* Obiit Ao. 1552.  
 XXV. *Margareta Desbuijssons.*  
 XXVI. *Anna Sconinx.*  
 XXVII. *Antonia de Ligne.*  
 XXVIII. *Maria André*, quæ annis

- XXV. hanc Abbatiam benè rexit, XII. desertam annis restauravit, & nova Dominii de Grimminghem acquisitione auctam anno 1612. reliquit  
 XXIX. *Joanna van Tedeghem*, quæ novam Ecclesiam erexit, ac plurimum ad æternam sui nominis gloriam & celebritatem decoravit anno 1627.  
 XXX. *Maximiliana d'Oyenbrugge.* Obiit 1660.  
 XXXI. *Antonia de Quarre.* Obiit Ao. 1667.  
 XXXII. *Lutgardis de le Poire.* Obiit 1681.  
 XXXIII. *Angelina de lan Franchi.* Obiit Ao. 1704.  
 XXXIV. *Anna de Fraye.* Obiit Anno 1715.  
 XXXV. *Beatrix Fiefvet*, Benedicta XV. Decembris Ao. 1715. præfens Abbatissa.

HEMELVERDIGHEM S. JOANNIS, Vernaculè *S. Jans Hemelverdighem* primo lapide a Gerardimonte in Comitatu Alostano, spectabili arce, templo *S. Joannis Baptiste* Dominici præcursoris Patrocinio, & Miraculis nobili, quâ ratione magnâ populi frequentia visitatur, ait *J. van Waesberghe* in suo Gerardimontio pag. 234.

Dominium hoc olim nomen dedit familiæ de *Hemelverdigem*, prisci enim Toparchæ perlæpe nobilium more Dynastiæ nomen, relicto gentilitio plerumque inducunt, hoc autem semel indicasse sat erit, ne cogamur eadem sæpius repetere.

Successu temporis devolutum est hoc Dominium ad *Masminios* ex quâ gente illud possedit *Robertus Masminius* Eques Aurei Velleris Anno 1429. & ab illâ fuit per nuptias Comitum de *Maslaing*, & tandem in familiam *Dammanorum* in quâ permansit.

Forum celebre annuale hic celebratur die 23. Junii pridie Nativitatis *S. Joannis Baptiste*. Ecclesiæ Patronatus spectat ad Abbatem *S. Adriani* Ord. S. Bened. in Gerardimonte. *A. Miræus* in Donat. Belg. Lib. II. Cap. XLIV. novæ edit. refert Diploma, quomodo *Manasses* Camerac. Episc. contulit inter cætera præfatæ Abbatiae *S. Adriani* Altare de *Emelvordegem*, ratione cujus potior pars decimarum spectat ad hanc Abbatiam.

Longo temporis tractu deservita fuit hæc cura Pastoralis per Pastores *Lierdæ S. Martini*; at proprium nuper accepit Parochum, cui a præfata Abbatia annuè solvitur competentia 360. florenorum annuè.

LIERDA S. MARIE vernaculè *Marie-Lierde*, Antiquitus *Lergia* in Diplommatibus nominatur, olim Comitatus titulo insigne Dominium, pagus est notabilis extensionis continens ferè 700. terræ bonaria, situs est inter Nin-



Ninhoviam & Aldenardam, ad quintum cum dimidio ab urbe Gandavo lapidem juxta Gerardimontem a quo distat milliari.

Dominium ejus dudum fuit olim penes *Masminios*, ex quibus illud possedit *Robertus Masminius* Eques A. V. &c. dein per nuptias devolutum est ad Comites de *Mastaing*. Hoc Dominium consistit in tribus Toparchiis; una quæ est clientela Comitatus Aloftani; altera dicta *St. Pol* quod a nullo relevat, seu a nemine in fide tenetur, nisi a Deo & sole; tertia *Nieuburch*, sive *Nieuwenborch*, quæ tenetur in Clientelâ Comitis de *Pamele*; omnes potiuntur altâ, mediâ, & bassâ justitia. Hæc Dominia anno 1642. viâ emptionis acquisivit a *Joanne Francisco de Jauche* Comite de *Mastaing*. &c. *Joannes Baptista de la Faille* Consiliarius Senatus Flandriæ, dein Ao. 1650. ejusdem Senatus Præses, in quâ stirpe perseverat, qui hodie *Joannes Franciscus de la Faille*, Dynasta de *Eeckeloo*, *Affenede* &c.

In eodem pago est Dominium de *Waesberghe* spectans ad præfatum Dynastam, estque in Clientelâ Principis de *Gavere*, illud pretio comparavit præfatus *Joannes Baptista de la Faille* a *Marco Leurent* Anno 1663.

Præterea in eodem pago est Dominium *Ryen* spectans ad Dynastam *Lierdæ S. Martini* gentilium de *Puttem*, in quo habet Castellum quod condidit a medio circiter seculo *Joannes Franciscus van Puttem*.

Ibidem præterea est Dominium *Ten Broecke* spectans ad Abbatem *S. Adriani* in Gerardimonte.

Ecclesia tutelarem colit *S. Mariam Magdalenam*. Medio ferè milliari a Parochiali visitur Sacellum *D. Gertrudi* sacrum, quod ex omni parte invisitur, ad quod undique concursus crebrescit pro refrigerio ab æstu febrium.

Patronatus hujus Parochialis spectat ad Abbatem *S. Adriani* in Gerardimonte dono *Manassis* Camerac. Episc. uti videre est apud *A. Miræum* in Donat. Belg. Lib. II. Cap. XLIV. novæ edit. sub nomine Altaris de Lergia. Præfatæ Abbatiae competit hujus pagi decima, etiam illa quæ fuit Parochi, ex quâ eidem solvitur annuè integra competentia.

**LIERDA S. MARTINI**, vernaculè *Ste. Martens Lierde*, pagus Comitatus Aloftani, uno milliari a Gerardimonte, Dominium olim *Masminiorum* Procerum ex quâ gente *Robertus Masminius* Aurei Velleris Eques &c. illud possedit seculo XV.; dein jure nuptiali devenit ad Illustres Comites de *Mastaing*.

Hodie est gentilium de *Puttem*, qui nuper *Vincentius de Puttem* quo cælibe mortuo Ao. 1722. ad ejus hæredes devolutum est hoc Dominium.

Hic pagus est ex illis XXII. qui proprium Principis vocantur, vulgo *'s Graven-propre*. In hoc pago est Dominium *Ten Broucke*; hodie illud possidet *Anthonijs Matthys* summus Prætor Ditionis Schornacensis.

Ecclesia ut nomen præfert *S. Martino* sacra est, ejus Patronatum gerit Abbas *S. Martini* Ord. S. Bened. Tornaci, ad quam Abbatiam spectat potior pars decimarum. Parochus præter Novalia, medietatem decimarum lini, & seminis ac carniū habet ex novem manipulis, duos & insuper in Supplementum annuæ competentiae ab hac Abbatia percipit XLI. libras Flandricas, & quatuor florenos.

In narratione Historica restaurationis Abbatiae *S. Martini* Tornaci, scripta ab Herimano ejusdem loci Abbate, relata in Spicilegio Lucæ d'Acherii



novæ edit. Paris. 1723. tom. II. refertur circa annum 1092. pag. 912. ut sequitur. „ Thetbaldus Rhornacensis Præpositus, pater Radulphi, Came-  
 „ racensis Archidiaconi, ad conversionem veniens, dedit nobis Altare de  
 „ Ormegnies & de Balluel, & de Lierda S. Martini, ad quod Altare perti-  
 „ nebat quædam terra super Teneram fluvium, ubi Radulphus ædificavit duo-  
 „ decimam curtem, & optimum molendinum construxit.

Intra limites hujus pagi est *Cartusia* in villa *Ten Bossche* unde communiter vocatur *Ste. Martens Bossche*. Auctor hujus Monasterii est *Joannes Gheylinx* condicione rusticus non infortunatus anno 1328. siquidem ut Monachorum habet traditio, quum in nobilis magnæque apud *Ludovicum Nervenensem* Flandriæ Comitem auctoritate viri familiam se dedisset, primo curam Equorum, mox honestiora munia, ultimo heri gratiam, ejusque filiam uxorem sibi conciliavit, quâ tamen ad quietem se recipiente lacrymabunda quod patris stabulario sibi accubandum esse quereretur. *Quiesce*, respondit, *nil Stabularius tibi nocebit*, egressusque Solitariam vitam amplexus, neque Procerum, neque Pontificum monitu ad usus conjugales induci potuit, verum crescentibus declinante ætate, fortunis, pro sua suorumque salute, & ad Dei, Deiparæque honorem Monasterium Regulæ *S. Brunonis* exstruendum concepit, & habito maturo consilio, emptum est ab Abbatiâ *Ninivensi* prædium *Rodendriesch* unius bonarii & Virgarum quinque in Parochiâ de Schendelbeke, ubi Monasterium exstrueretur, obtentâ ad annum 1328. a Flandriæ Comite viginti octo vel triginta bonariorum terræ in *Lierdâ S. Martini* amortificatione.

Operis autem initio ferè posito, metuentes locum nimis esse vicinum publicæ viæ, ab opere desistunt, & maturiore inter se habito consilio definiunt Monasterium construendum in hoc loco, qui pro parte dotationis donatus fuerat, nimirum in villâ Domini fundatoris nomine *Sylva*, vernaculè *Ten Bossche* qui locus totus Solitarius erat habebatque commoditates non modicas & abundans terrâ arabili & pascuis, nec non vivariis & nutriturâ animalium. In hoc loco annuente Episc. Cameracense, & Abbate *S. Martini* Tornacensis Villæ Patrono, ac Comitis Flandriæ consensu, Monasterium inchoatum est. *Joannes Gheylinx* fundator jactis hujus Cartusiæ fundamentis variis eam prædiis auxit, quæ *Ludovicus Comes* anno 1348. amortifavit, aliisque privilegiis & immunitatibus domum impertivit; quæ dein confirmarunt, *Joannes*, & *Philippus Bonus* Flandriæ Comites, quorum commendatione factum est ut aliqui viri Nobiles domum bonis immobilibus auxerint. Agunt de hoc Monasterio pluribus *Arnoldus Raissius* in tractatu *Origines Cartusiarum Belgii* pag. 38. & *J. van Waesberghe* in suo *Gerardimontio* pag. 235. Anno 1723. quo hæc scribimus nova, & insignis in hac Cartusiâ exstructa est a fundamentis Ecclesia.

**MEERBEKE**, *Vredius Merrebecci* dictum putat. Municipium & antiquus pagus est in finibus Brabantiae, contiguum Flandriæ juxta Ninhoviam a quâ distat medio milliari, situm in Brabantiâ sub Præfecturâ Rodenssi, spectans ad Dom. de *Wedergraet*, qui nuper *Petrus Antonius van Caute*, hodie ejus filius *Antonius-Franciscus-Clemens*.

In extremitate hujus pagi habet Dynasta Castellum, in quo tenet suum domicilium.

In hac Parochiali visitur in Choro Monumentum marmoreum Sepulchrale parieti insertum cum hac Epigraphe.



*Cy devant gist enterré Noble & virtues Dame Catherine de Grispere en son vivant femme & epouse de Noble homme Messire Josse de Goux, Baron de la terre de Wedergraet, Seigneur de Meerbeke, Gages &c. Laquelle trepassa le XIII. jour de Juillet M. D. XL.*

*Prié Dieu pour son ame.*

Quoad rem sacram Basilicam habet structuræ valdè antiquæ *D. Petro* sacram, cujus Patronatum gerit Toparcha; in eâ quatuor Canonorum Collegium ad collationem ejusdem, & quinque Sacellanorum. In quâ *Nona*, *Celsa*, & *Berlendis* Virgines requiescunt, Sanctitatis titulo omnes illustres.

*S. Berlendis*, temporibus *Dagoberti* Regis, patrem habuit *Odelardum*, Matrem vero *S. Nonam* *S. Amandi* Tungrensis Episcopi sororem, post matris obitum a patre viduo exhæredata, patienter id tulit, & in Monasteriō *Morsellæ* propè Aloftum sacri velaminis habitum suscepit. Ex eo pauperrimo Monasterio propter Hunnorum vastationem, cum licentia *Merbeccam* rediit patre mortuo, quem in Ecclesia *S. Petri*, quam ipse ædificaverat juxta uxorem sepelivit, ipsaque in eadem Ecclesiâ permansit Domini Servitio mancipata: post mortem sepulta juxta tumulum parentum in vase exciso ex quercu. Trigesimo autem anno depositionis elevata est per *Aubertum* Cameraensem Antistitem. Cum eadem quiescunt elevatæ *Nona* & *Celsa* Virgines. De eis agunt *J. Molanus* ad diem 3. Februarii, & *A. Miraus* in Fastis.

Quoad horum Canonorum Collegium, refert idem *A. Miraus* in Cod. Piar. Donat. Novæ edit. pag. 32. sequentia.

„ *Merrebeci*, *Merbeca* vulgo *Meerbeke* Municipium haud procul a Nivellensi Flandriæ oppido: in quo *Odelardus*, Comes, ejusque conjux *Nona*, *S. Amandi* Tungrensis Episcopi soror Monasterium ædificarunt, quod est hodie IV. Canonorum Collegium & V. Sacellanorum.”

Majores Decimæ spectant ad illustre Capitulum Nivellense cum pluribus agri possessionibus. Canonici hujus loci inibi habent certos districtus decimarum.

In vitâ MS. *S. Berlendis* Meerbecanæ refertur quomodo ejus pater *Odelardus* Ecclesiæ Nivellensi bona sua offert per oblationem cultelli, quâ forsitan significabatur de cætero eum victurum ex mensâ dicti Monasterii aut offerre se Sylvas & arbores, quæ hujusmodi ferreis instrumentis cædi solent. Fuit enim olim ritus priscus, si quispiam aliquid Deo aut Sanctis ejus ad altare offerret, si id erat de prædiis immobilibus fumebat offerens glebam seu cespitem cui infixus ramus ex fundo vel terrâ Deo aut Sanctis dicanda, vel oblationem cultelli. Ita *J. Geldolphus a Ryckel* in vitâ *S. Gertrudis* pag. 346.

Cæterum *Merbeca* numeratur inter antiquiores Ecclesiæ Nivellensis possessiones, ac primo *Otto* Imperator Diplomate dato 966. apud *A. Miraum* in Not. Eccl. Belg. Cap. 26. novæ edit. recenset Villam *Merbecam* cum omni integritate. Dein *Henricus IV.* Imp. anno 1059. in Diplomate ibidem apud *Miraum* in Donat. Belg. lib. 2. cap. 24. cum prædia Ecclesiæ Nivellensis dividit in tres portiones, recenset ad Beneficium Abbatissæ *Meerbecam* cum Ecclesiâ.



Patronatum hujus Parochialis tradit Ecclesiæ Nivellensi *Odo* Camerac. Episc. anno 1112. Quomodo hodiè spectet ad Dynastam, hætenus indagare non potuimus.

MOERBEKE sive *Mourbeke* medio milliari a Gerardimonte in Comitatu Alostano, vicinum peramœnæ & amplæ Raspaliæ Sylvæ, Dominium gentis Egmondanæ.

In sacris, Ecclesia inscripta est *B. Maria* Virgini Deiparæ. Patronatum ejus gerit Abbatissa de Foresto Ord. S. Bened. propè Bruxellam.

Decimarum particeps sunt Præfata Abbatia de Foresto, Abbatia *S. Auberti* Can. Reg. *S. Augustini* & Parochus; cui præfata Abbatia de Foresto nuper cessit suas decimas sub annuâ recognitione 20. flor. Abbatia vero præfata *S. Auberti* solvit annue ex suis Decimis Parocho sex libras Flandricas pro conductione domus ad usum Parochi, ex conventione initâ inter præfatum Abbatem, & Parochum.

Huic pago contiguam est & adjacet in Sylvâ Raspaliâ *Vicariatus. F. F. Prædicatorum*, de cujus initio sic scribit Belgium Dominicanum *P. Bernardi de Jonge* nuper Bruxellis editum typis F. Foppens 1719.

„ Raspalia Sylva est pagi de Moerbeke prope Gerardimontem in Flandriâ.  
„ distat autem Teneræmunda, Aldenardâ, & Bruxellis quinque, Gandâ  
„ septem milliariibus, locus amœnus est, venationi, piscationi, & religiosæ  
„ solitudini aptissimus.

„ In hac Sylvâ quidam *Adrianus de Schrevel*, Pastor ovium, ex speciali  
„ erga Deiparam devotione imaginem arbori affixerat, & juxta illam domun-  
„ culam sibi extruxerat, in quâ vitam eremiticæ similem ducebat, successu  
„ su temporis incolarum & viatorum erga prædictam imaginem adeo ac-  
„ crevit devotio: ut Sacellum in honorem ejusdem Deiparæ ibidem fue-  
„ rit constructum.

„ Prænobilis *D. Philippus Guilielmus de Steenhuysse* Cancellarius Bra-  
„ bantiæ &c. ad magis magisque promovendam supradictam devotionem de-  
„ dit Patribus nostris Bruxellensibus prædictum Sacellum & aliquot mensu-  
„ ras terræ, plura daturus si supervixisset. ” Et post pauca.

„ Anno 1684. die 8. Octobris primum novi ædificii lapidem posuit *P. Jacobus de Bode* Conventus Bruxellensis, qui locum hunc egregiè promovit,  
„ & usque ad finem vitæ suæ singularem ejus curam habuit.

„ Anno 1689. die 18. Aprilis Domus Raspaliensis erecta fuit in Vicariatum  
„ a P. Mag. *Philippo Durand* Conventus Brunienfis, & Provinciæ nostræ  
„ Provinciali, qui in primum illius loci Vicarium instituit præfatum *P. Jacobum de Bode*, & illius Patronam tutelarem assignavit B. Virginem *Mariam de Lætitia*, in cujus honorem locus hic antea fuerat inchoatus. ”

Festo Annuntiationis Deiparæ hic maximus vicinorum populorum accursus, & hominum devotio.

NEYGENE, vulgo *Neyghem*, Latinè *Allodium* primo lapide a Ninvovia ad limitem Brabantinum in Comitatu Alostano, sub Dominio de *Wedergraet*, spectans nuper ad *Petrum Antonium van Cauteven*, hodiè ad ejus filium.

Forum solebat habere hebdommadarium diebus Sabbathi, quod dudum evanuit. Nundinas tamen habet celebres annuas postridie *S. Lucæ* Evang. die 19. Octobris. Pagus est exiguæ extensionis, continet vix 100. terræ bonaria.



Ecclesia inscripta est *S. Margareta* Virg. & Mart. Res sacra dependet a Præposito Montis Frigidi Bruxellæ Ord. Can. Reg. *S. Augustini*, cujus Religiosi hanc curam Pastoralem administrant, præfatum Monasterium gaudet universa hujus pagi decima.

*A. Sanderus* in Descriptione hujus Monasterii refert quomodo *Osto* Miles Dominus de Wedergraet & ejus filius primogenitus *Osto* contulerunt Monasterio *B. Jacobi* de Frigido monte Personatum seu jus Patronatus Ecclesiæ Parochialis de *Bevinge* (quæ hodiè tantum Capella est) cum omnibus pertinentiis, ut ab ipsis Religiosis liberè & absolutè in perpetuum possideri valeant. Actum anno 1148. quam donationem confirmavit anno 1259. *Nicolaus* Episc. Camerac.

Hæc Ecclesia Parochialis de *Bevinge* anno 1265. translata fuit ob locorum instantiam & difficultatem auctoritate ejusdem *Nicolai* Episc. Camerac. in *Allodium* sive in *Neygene*, ubi hactenus permansit, & *Bevinge* mansit Capella sub hac Parochiali.

In Ecclesiâ de *Neygene* exstat insignis tumba elevata Dynastarum terræ de *Wedergraet*, cum suis quarteriis gentilitiis adhuc hodiè conspicuis, quam anno 1596. extruxit *Gaspar de Goux* Dominus de Wedergrate &c. cui parietii inserta est sequens inscriptio.

*Patir pour parvenir aux Royaume celeste 1595. Dessous ce tombeau gissent Nobles Chevaliers & Dames, premierement.*

*Messire Guillaume de Goux Bourgoignon natif, Sr. dela terre de Wedergraete, dict Galice, Cotrige, Meerbeke &c. Conseiller, & Chambellan des tres haut, tres puissant Prince le Duc Philippe d'Austrice, Roy de Castille &c. fils Messire Pierre, Sr. de Goux, & de la terre de Wedergrate, Meerkercke, Meerbeke &c. Et Dame Machtilde de Rye, Dame de dict lieux, & de Neublant lequel Messire Guillaume, trespassa l'an 1506. le 8. de Novembre. Et Dame Isabelle de Hennin Lietart, dict Boussu, Dame de Gaiges sa Compne. fille de Messire Pierre de Hennin, Sr. de Boussu, Gaige, Game-rage, Blangie &c. Chevalier de l'Ordre de la Toison d'Or, & de Dame Isabelle de Lalaing, trespassa le 2. Octobre 1511. & aussi Messire Josse de Goux, leurs fils unique Seigneur de dits lieux trespassa le 3. May 1518. & Dame Catherine de Grispre sa Compaigne fille de Messire Guillaume de Grispre, Sr. de Eeghem, & Dame Isabelle de Luu trespassa 1540. le 13. de Juillet, elle est enterré au grand Chœur de Meerbeke. Aussi Messire Guillaume de Goux fils unicq. dedit Josse, Sr. du dit lieux trespassa l'an 1588. le 12. Mars, & Dame Bernardine de Mol, sa compaigne fille de Messire Jaspar de Mol, Sr. de Oettingen, & de Dame Adriane vander Noot, trespassa le 25. Juin 1552. & Sr. Jaspar de Goux, fils aîné dudit Messire Guillaume, aussi Sr. de dit lieux trespassa le 3. Avril*



1610. & Damoiselle Marie Minnaerts, Dame de Ophasselt, & Hasselt te Vryen sa Compaigne trespassa 1594. le 10. Juillet & Sr. Ingelbert de Goux, &c. fils du dit Messire Guillaume, en son vivant Capitaine pour le service de Monseigneur le Prince de Gavere, Comte d'Egmont, qui trespassa 1583. le 16. Juin. Cette Epitaphe a le fait mettre Sr. Jaspar de Goux, Sr. dudit lieux en memoire des ses Nobles predecesseurs estant issu de Bourgoigne de noble maison de Goux, de Rye, de Rupt, & de Cusance & venu premierement pardecha au service de treshaut memoire le bon Ducq de Bourgoigne 1440. & fut fait cet Epitaphe l'an 1596. Fondation, premierement a fondé en cette Eglise Messire Guillaume de Goux, fils de Josse, une messe tous le vendredy, avec un Anniversaire le 12. Mars. Sr. Jaspar de Goux, a fondé une messe tous le Jeudy, avec un Anniversaire le . . . . . Damoiselle Marie Minnaerts, sa Compaigne a fondé une messe tous le Samedy & un Anniversaire le 10. Juillet en lisant apres chaucune messe & Anniversaire de Profondis & autres prieres accoutumes priant pour leurs ames. Requiescant in Sanctâ pace. Amen.

NIEUWENHOVEN, olim Nova Curia de Waerebeke, Baronatus Boulariensis Dominium, Anno 1658. transiit titulo emptionis in Nobilem familiam de Steenhault Patriciam Bruxellensem in quâ hodie perseverat.

Ecclesia dicata est Virgini Deiparæ Mariæ, sub Patronatu Abbatis S. Sepulchri Ord. S. Bened. Cameraci.

Univerſa hujus pagi Decima spectat ad Parochum, etiam illa quæ nuper fuit præfatæ Abbatiæ, quam cessit huic Pastoratui. Pridem solebat habere communem Pastorem cum Waerebeke; at anno 1716. proprium accepit Parochum.

OKEGEM, pagus valdè exiguus, situs ad Teneram fluvium, quæ eam interfecat medio milliari a Nijhoviâ, lupuli ferax optimi.

Dominium pridem fuit Comitum Flandriæ, anno 1638. accepit ab eo impignus *Claudia de Liedekercke* Domina de *Hauſſi*, quæ intra limites hujus pagi possidebat Dominium de *Idevoorde* vulgo *Tvoorde*.

Hodie Dominium hujus pagi possidet *Joannes Baptista de Stortewagen* Dominus de *Tvoorde*.

In Ecclesiâ Parochiali de Zuytdorp propè Axelam visebatur in tumbâ elevatâ hæc inscriptio Sepulchralis.

**Hier licht Mr. Jan van Ghistele, Raddere/ Heere  
vanden Broncke/ van Hoere/ van Cauwen-  
burch/ van Borst/ ende van Okeghem/ die starf  
No. 1436. den 25. Mey/ ende M<sup>r</sup>. Marguerite Vi-  
lains syn wyf was/ dewelcke starf No. 1433. den  
XI. Lauwe. naer Cours van Utrecht.**



Ecclesia D. Virgini *Mariæ* sacra est. Ejus Patronatum gessit Abbas *S. Adriani* in Gerardimonte dono *Manasses* Episc. Camerac. anno 1096. Diploma in Gerardimonte retulimus, in quo inter cætera confert Abbatia *S. Adriani* Altare de Okegem, verba sunt Diplomatis. Ecclesia ditata est solemniter Reliquiis *S. Antonii* Ao. 1723.

Hodie omnis res sacra hujus Parochialis administratur per Canonicos Religiosos Abbatia *S. S. Cornelii & Cypriani* Nihoviensis Ord. Præmonstr.; eo titulo, quod præfata Abbatia *S. Adriani* anno 1602. Patronatum hujus Parochialis cesserit præfata Abbatia Nihoviensi, Archiepiscopo Mechliniensi interveniente & cessionem illam approbante.

ONKERSELE, medio milliari ad Tenèram fluvium, attiguus Boulario inferiori, cujus Baronatus Dominium est.

Ecclesia tutelarem colit *S. Martinum* Turonensem Episc. Ejus Patronatus est Abbatia *S. Adriani* in Gerardimonte, quæ Abbatia hic possidet agros plurimos prata & Sylvas, & potiore habuit partem decimarum, quas nuper cessit hujus loci Parocho, retenta sibi parte non exigua; contractu ad hoc inito specificante.

OPHASSELT; antiquitus *Haslutum*, celebre Municipium Comitatus Alostani, in Clientelâ Baronis Boulariensis, consistens tribus Toparchiis, videlicet *Hasselt*, in quâ est Ecclesia Parochialis, *Vrye*, & *Mounenbroeck*, olim *Moorenbroeck*; omnes tres altâ, mediâ, & infimâ jurisdictione potiuntur, quæ sua etiam habent Sacella cum Capellaniis annexis ad collationem Toparchæ. Dominia hujus loci olim nobilissimæ gentis de *Hasselt* cognomentum dederunt, pridem e gente *Walliâ in Steenlandicam*, e quâ per nuptias in Luxemburgensem *Du Faing* Baronis de Jamoigne migrarunt, qui nuper fuit *Alexander Georgius Du Faing*, Comes de Hasselt &c. Mortuus anno 1710. in quâ stirpe perseverat.

Erectum est hoc Dominium a *Philippo IV.* Hisp. Rege in Comitatum anno 1654. die 17. Octobris in favorem *Philippi Francisci Du Faing*, Baronis de Jamoigne &c. qui obiit An. 1680., cujus & prædecessorum Monumenta Sepulchralia exstant in Ecclesiâ Cathedrali D. Bavonis Gandavi.

In præfatâ Ecclesiâ subterraneâ in Capellâ *S. Margarete* ad partem borealem exstat Monumentum Sepulchrale cum hac Epigraphæ.

*Cy gist Pierre de Steenlant, Chlr. Sr. de Markegem, Hasselt &c. Du Conseil de feu Phls. Deuxieme & Sere<sup>mes</sup>. Archiducq. Albert & l'Infant Isabelle en leur Conseil; & Pais de Flandres, fils de Noble Homme Phlpe. aussi Sr. de Hasselt, decedé le XV. d'Aoust 1613. & de Dame Marg<sup>te</sup>. Martins, fille de Messire Jacques, Chlr. President de Flandre, laquelle termina le 23. de 7bre 1618. Priez Dieu pour leurs ames.*

Quarteria.

*Steenlant, de Heede, de Edinge, Immeloot;  
Martins, de Beths, Cabellian, Hildenbergh.*

In eadem Ecclesia D. Bavonis in Capellâ *S. Margarete* in ambitu Chori



ad partem borealem, supra limen portæ prædicti Sacelli in candido marmore legitur sequens inscriptio.

## D. O. M.

Hic situs est Perillustris Nobilis & Generosus Dominus *Ægidius Du Faing*, Equestris familiæ & ordinis, Baro de Jamoigne, Toparcha du Faing, Hasselt, Markegem, Royen, Vrye, &c. Regi Catholico a Consilio belli, & Aulæ Palatinis Serenissimorum Archiducum *Alberti & Isabelle* Principum domesticus, honorarius Consiliarius inter Nobiles viros Ducatus Luxemburgensis, supremus Flandriæ totius Baillivus, & Archiprætor, Capitaneus, Præfectusque Chinenfis, Gubernator Floren-Villanus, qui Virtute & prudentia inclytus, tres & viginti Legationes ad Reges, Principes, Dynastas in Germania, Lotharingia, Juliacensi Ducatu, Italia obiit, potissimum de mandato *Philippi III.* Hispaniarum Regis, ad Daniæ Regem luctus testandi causa ob mortem Reginæ conjugis ejus anno 1612. supra vero publicis sæpius & arduis negotiis admotus Regum & Principum suorum nomine in Diæti Imperialibus, deputationibus, Colloquiis, Tractibus & variis ad Provinciarum Ordines Propositionibus, earundem expectationi satisfecit. Obiit fato suo Gandavi 11. Decembris 1633. Candore gratus, Virtute clarus, meritis immortalis. Posuit mæsta Conjux Nobilis & Generosa Domina *D. Margareta de Steenlant* dictorum locorum Baronissa & Domina, quæ ex indicta Virtute ex alto cælibem vitam, bonis moribus adornans vivere desiit anno 1610. DC. LV. primâ Martii, ætatis suæ LXX.

In altari hujus Sacelli legitur hoc Epigraphe.

*A l'honneur de Dieu & de S. Marguerite ont fait dresser cet Autel. Messire Gillis du Faing, Baron de Jamoigne, Chevaillier, Seigneur de Faing, Linay, Hasselt, Markegem, Vrye, Hoyen, Pontrave, Rye &c. Du Conseil de guerre du Roy, & son Altesse Ser<sup>me</sup>. Gentilhomme de la bouche, Conseiller de Courte Robbe aux Conseil Pays Duché de Luxembourg, Souverain Bailly de Flandre &c. Et de Dame Marguerite de Steenlant sa femme Baronne & Dame des dicts lieux, & au dessoub de cette Chapelle & en celle d'embas est leur francise sepulture, & de leurs Successeurs 1626.*

In eodem Sacello exstat illustre marmoreum Monumentum parieti inferum *Philippi Francisci*, filii præfati *Ægidii du Faing*, cujus est hæc inscriptio.

D.O.M.



D. O. M.

*Cy gist Illustre Seigneur Philippe François du Faing, Comte de Hasselt, Baron de Jamoigne, Seigneur du Faing, Markgem, Hyon, Rye, Pontrave, Ronnecq &c. Conseiller de courte Robbe au Conseil de Luxembourg, Deputé ordinaire de l'Etat Noble de la Diète Province, Gentilhomme de la bouche du Roy, Prevost & grand Gruyer du Comté Chiny, qui trespassa le 2. Xbre 1680.*

*Et Illustre Dame Petronille Morel de Tangry, son Epouse, qui est la dernière de cette Noble, & ancienne famille, qui a l'aisnée des Enfans, & mourut le 7. Juillet 1686.*

Hæc Toparchia extendit jurisdictionis suæ alas in pagos circumjacentes, videlicet de Schendelbeke, Vluesegem, Hemelverdighem & Yedeghem, ubi & decimam quamdam non modici valoris Toparcha potitur.

In sacris Ecclesia Parochialis dicata est *S. Petro* Apostolo. Capella *Ter Vrye* inscripta *S. Joanni Evangelistæ*, in eâ Capellania amplam habens dotem, binisque per hebdomadam sacris gravata. Collator illius Toparcha. Capella *De Mounenbroeck* Matri Deiparæ Virg. *S. Annæ* inscripta est, adeo ut tres etiam cenferi pagi possent. Habet insuper Toparcha in Ecclesia Parochiali tres Capellantias collationi suæ obnoxias: Prima Deiparæ Virgini titulum habet, altera *S. Petri*, tertia ad Matutinum sacrum populo Dominicis festisque diebus celebrandum instituta, sed insufficiens dotata. Hæ Capellaniæ propter tenuitatem proventuum reductæ sunt per Archiepiscopum ad VII. Missas singulis diebus XV.

Patronatum hujus Parochialis gerit Abbas Hunnourtenensis Ord. S. Bened. prope Cameracum.

Univerſa fere pagi Decima spectat ad hanc Abbatiam; sexta earum pars est Parochi, & univerſa Decima Caulium (vulgo *Cool/aet*,) præterea præfata Abbatia solvit annuè Parocho in Supplementum competentiae XXIV. libras Flandricas.

OUDENHOVEN BEATÆ MARIÆ, quasi vetus Virginis *Mariæ*, Curia, vernaculè *Marie-Oudenhoven*, primo lapide a Sottegemio.

Dominium hujus pagi, quod est Præfecturæ Sottegemienſis pridem fuit gentis Egmondanæ, sed circa medium præcedentis seculi titulo emptionis illud a Comite acquisivit *Petrus de Blondel*, Eques, Sanctioris dein Concilii Senator &c. cum Dominio pagi de Michelbeke huic contiguo.

Anno 1675. die 28. Decembris decoratum est hoc Dominium a *Philip. 4<sup>to</sup>* Hisp. Rege titulo Baronatus in gratiam præfati *Petri de Blondel*. Erectum in Baronatum.

In eodem pago est Dominium *De Sillaers* cum arce spectabili & fatis commodâ, quod censetur unum inter quinque præcipua feuda Ditionis Sottegemienſis, cujus ab antiquo possessores fuere Proceres de *Herzelles*, ejusdem Arcis incolæ, & in Ecclesiâ Parochiali ibidem sepulti, ab his per nuptias devenit ad gentiles de *Rodoan* Dominos de Berleghem &c. a quibus illud viâ emptionis aquisivit præfatus *Petrus de Blondel*, qui illud plurimum



restauravit, in quâ stirpe hæc Dominia perseverant, qui modo *Petrus Jacobus de Blondel* Petri filius.

Ecclesiam habet Virgini Deiparæ *Mariæ* inscriptam, in quâ ad Pastoralem curam præsentare solebat, qui personatum in eadem Ecclesia possideret, qui cum anno 1682. unitus est Pastoratui, eo jure utitur Archiepiscopus. Anno 1716. decorata est hæc Ecclesia Parochialis Reliquiis *S. Huberti* Episc. cum indulgentiis a Sanctâ sede obtentis.

Decimas hujus pagi possident Abbatia Bellopratenfis Ord. Cisterc. ad Terneram fluvium prope Gerardimontem, Ecclesia & Parochus, unicuique suus est decimarum districtus, & habet quisque tertiam illius partem, qui annuè mutatur.

*Espinouius* in suis de Nobilitate Flandricâ commentariis Gallicis pag. 269. refert quomodo *Thomas de Montè* 1270. mense Junio donat suam decimam de *Audenhoven* præfatæ Abbatia Bellopratensi.

Hic loci quadrante ab Ecclesia est Capella D. Virgini sacra, vulgo dicta *ter Haut*.

OULTRE, sive *Aultre*, medio milliari a Ninhovia, pagus Comitatus Aloftani, in clientelâ Baronis Boulariensis. Ejus Dominium olim fuit penes familiam cognominem de *Oultre*; deinde eisdem habuit Dynastas, quos Santberge, utpote gentiles de vander AA, & *Engbien*, &c. quos refert ad longum *Espinouius* in suis de Nobilitate Flandricâ commentariis Gallicis pag. 269. Hodie ejus Dominium est in familiâ de *Musaert*, quæ & inibi arcem struxit nostra ætate spectabilem in quâ Toparcha suum tenet domicilium. Possedit hoc Dominium in fine seculi XIV. *Parcevaldus de Sone*.

Ecclesia inscripta est *S. Amando* Tungrensi Episc. Patronatum ejus gerit Abbas Hunnourcurtensis Ord. S. Bened. prope Cameracum. Plurimum annorum seric defervita est hæc cura Pastoralis per Canonicos Religiosos Abbatia Ninhovienfis Ord. Præmonst.; sed anno 1709. proprium suum accepit Parochum, & a decimatoribus per sententiam Senatus Flandriæ, confirmatam per Magnum Senatum Belgicum nova inibi constructa est Domus Pastoralis qua dudum caruit.

Potior pars decimarum possidetur a præfatâ Abbatia Ninhovienfi, reliquâ a præfatâ Abbatia Hunnourcurtensi. Parocho assignata est similiter a Senatu annua competentia a præfatis decimatoribus solvenda.

In extremitate & fines hujus pagi est Capella Virgini Deiparæ sacra, vulgo *Leebeke*, in quâ Sacellanus ad missam tenetur hebdommadalem.

PARIKE, olim *Parantia*, dein *Paricla*, ad limitem Hannonicum in Comitatu Aloftano sub clientelâ Baronis Boulariensis. Ejus Dominium olim fuit penes *Masminios*, dein spectavit ad gentiles de *Steenlant*; nostra ætate titulo emptionis illud acquisivit *Petrus Antonius van Cauterem*, in qua familiâ perseverat.

Hic pagus varia suo ambitu complectitur Dominia, ut *Hombrônck*, Majore & Scabinis decoratum, quod olim fuit gentis *Reyngaertsoliëti*. Nuper spectavit ad *N. Casier*, a quo emptionis jure devenit ad præfatum *Petrum Antonium van Cauterem*, cujus filius illud hodie possidet.

*J. van Waesberghe* refert in suo Gerardimontio pag. 218. „ Aliud in „ *Paricla* Dominium est *Herimez* cum Balivo & Scabinis gentis o- „ lim *Lewergemiæ*”. Dein de *Jauce* gentis de *Maslaing* Dynastas habuit.



*Parikam* Anno 1433. Gandenses incenderunt quo fortasse factum ut illam veteres Municipiumustum indigitarent.

In sacris Ecclesia dicata est *S. Lamberto* Tungrensi Episc. ejus Patronatus spectat ad Abbatiam Lobiensem Ord. S. Bened. ad Sabim fluvium.

Hæc cura Pastoralis longo annorum curriculo administrata fuit per Pastorem de Saerlinge, a quâ Ecclesiâ Parochiali ferè distat tribus horæ quadrantibus; sed anno 1709. proprium suum nacta est Parochum, cui decimatores omnes suas tunc cesserunt decimas, ita ut hodie universa hujus loci decima spectet ad Parochum.

POLLAER, pagus medio milliari a Ninhoviâ ad Teneram fluvium sub Dominio de Wedergraet, qui nuper *Petrus Antonius van Canter*, pluries a nobis nominatus, hodie ejus filius.

Primitus hoc Dominium fuit apud gentem cognominem de Pollaer, in Diplomatum notissimam. Anno 1270. devenit in familiam de AA. & de *Grimberge*, ut constat ex *Butkens* in suis Trophæis Brab. pag. 121, 275. & 313. inde devolutum est ad gentiles *De Vos*, in quo floruere plures Viri illustres, apud l'Espinoi de Flandricâ Nobilitate pag. 175. & alibi celebres; ubi refert, quod fuerint etiam Dynastæ de Laerne, Lovendeghem, & Zomerghem, quæ familia jam ferè seculo desit. Vide de hac Familiâ plura apud *D. Lindanum* in sua *Teneræmundâ* Lib. III. Cap. III. N. 244. & seqq. ubi varia exhibet Epitaphia, quæ modo injuriâ temporum perierunt, quibus addo sequentem inscriptionem in laminâ æneâ quæ ante Iconoclastiam visebatur in Sacello *S. Barbaræ*, tum temporis *S. Spiritus* Ecclesiæ Parochialis *S. Michaelis* Gandavi.

**De dese tafelen vanden Helegen Geest van S<sup>te</sup>. Michiels, in Gendt / hebben besedt M<sup>r</sup>. Baudewyn de Vos, Heere van Pollaer / van Laerne / ende van Zomerghem ende M<sup>r</sup>. Baudewyn de Vos, synen Zone / Buddere / Heere van Lovendeghem / van Laerne / ende van Zomerghem Baedt myns gheduchs Heeren ende Princen / alle Sondaghe Eeuwelic ende Erfelic (ghelyck 't Beset daer af souffisantelic ghedaen es voor Schepenen vander Keure in Ghendt / op den 21. dach van Hoymaendt) VII, waerf VII, maeckende XLIX. probenden / te deele de aerzen men van de Brochpe van S<sup>te</sup>. Michiels, elcke probende een broodt van III. d. Paris / ende daer in stekende eene penning van VI. d. Paris. Ende dese probenden moeten sy deelen met teek**



kenen vander wapenen van hem lieden ghelyck sy nu gemaect syn. Dit was ghedaen int Jaer ons Heeren MIII<sup>c</sup>. ende XLI. ende staet int Schepenen bouck vande selvenjaere fol. 142.

### Bidt Gode over de Zielen.

Ecclesia sacra est *S. Christophoro* Mart. cujus Patronatus spectat ad Dynastam hujus loci. Decima est bipartita, cujus una medietas est Parochi, altera est Canonici Scholastici Ecclesiæ de Meerbeeck, quæ est Matrix hujus Parochialis.

St. TENTELINS, latinè *S. Anthelini* pagus Comitatus Alostani, altero lapide a Gerardimonte, & uno cum dimidio a Ninhoviâ.

Dominium hujus loci cum *Woubrechtgem* spectat ad Abbatem *S. S. Cornelii & Cypriani* Ord. Præmonst. Ninhoviæ: Hoc circa annum 1633. a *Philippo IV.* Hisp. Rege emptionis titulo jure pignoratitio suæ Abbatiæ comparavit *Joannes David XXXIX.* Abbas præfatæ Abbatiæ.

Hic pagus est ex illis XXII. quos proprium Comititis vocant, vulgo *'s Graven-Propre.*

Ecclesia sacra est *S. Gertrudi* Virg. Ejus Patronatus spectat ad Illustre Capitulum Nivellense.

Decima est tripartita, cujus una triens spectat ad Parochum, reliquæ duæ trientes ad præfatum Capitulum cum variis inibi agri possessionibus & censibus. Parocho ex decimis dantur annuè in Supplementum competentiae XX. Libræ Flandricæ, imo hodie plures. Hæc Cura Pastoralis longo temporis tractu solebat deserviri per Pastorem de Woubrechtgem, verum Anno 1712. proprium accepit Parochum.

SALLARDINGEN, latine *Saerlinga*, vulgo *Saerlingen.* Pagus situs in extremis oris Comitatus Alostani ad limitem Hannonicum, medio milliari a Gerardimonte. Ejus Dominium spectat ad Dynastam terræ de Wedergaet, quod Dominium sibi nuper pretio comparavit a gentilibus de *Volkart*; olim spectavit ad Gentem de *Gavere*, a qua ad Procures *De Lalaing.* In hoc pago Dominium habet Abbas Lobiensis cum multis prærogativis, vi cujus creat Burgimagistrum & tres Scabinos, reliquos tres creat Dynasta.

Ecclesia inscripta est *S. Antonio*, qui cultu speciali ibidem veneratur & colitur, & plurimum visitatur ab Hannonibus, cujus Reliquiis hæc Parochialis est decorata, quæ inclusæ sunt insigni & grandi brachio argenteo. Patronatus hujus Ecclesiæ spectat ad Abbatem Lobensem Ord. S. Bened. ad Sabim fluvium.

Decima in sex divisa est manipulos, quarum unus spectat ad præfatam Abbatiam, tres ad Abbatiam Camberonensem Ord. Cisterc. duo ab Abbatiam *S. Adriani* in Gerardimonte, & unus ad Parochum. Nuper ei attributa est competentia 400. flor. annua, quâ ejus sextus manipulus elocatur annuè, quodque deest usque ad præfatam summam a præfatis decimatoribus pro ratâ cujusque decima, eidem annuè suppletur.



SANTBERGE, pagus amœnus ad Teneram fluvium, qui cum interfecat, inter Ninhoviam & Gerardimontem, æquali ferè distans spatio, Comitatus Aloftani, sub clientelâ & in fide Baronis Boulariensis.

Dominium dudum spectavit ad gentem cognominem de *Santberge*, deinde fuit procerum de *AA.*, *Outre*, *Liedekercke*, inde in gentem *d'Oisy*, & ab eâ in gentem *d'Engbien*, e quâ *Maria d'Engbien* hanc Toparchiam in dotem attulit marito suo *Jacobo de Lalaing* Domino de la Mouillerie, filio *Philippi* & *Florentiæ de Rechem* Vice Comitissæ Aldenardensis: *Jacobus* autem genuit *Carolus* Equitem, Dominum de Santberghe, cujus Epitaphium infra exhibetur, modo ejus pronepos *Maximilianus Josephus* Comes de *Lalaing* & de Thieldonck Gubernator Brugenſis, qui ad hanc Toparchiam de Santberghe pervenit per mortem patris sui *Jacobi de Lalaing* Vice Comitissæ Aldenardensis vide *Leroux* in suo Theatro Nobilitatis Belgicæ fol. 167. & 168.

Hoc Dominium Arcem habet spectabilem & elegantem, aquis munitam cum officinis & hortis ad ejusdem ferè fluminis oram; ibidem Capellania Castalis ad collationem Toparchæ cum onere missæ quotidianæ in præfatâ arce de Santberghe, quam fundarunt gentiles de Oisy.

In Choro juxta latus Evangelii aræ maximæ visuntur in fenestris vitreis penicillo adumbratis simulacra genus flexa militari sago induta, inornatis gentilitiis insignibus de *Lalaing*, item ejusdem familiæ insignia & quarteria.

In eodem Choro visuntur humi lapides Sepulchrales Dynastarum *d'Engbien*, *d'Oisy*, & *Lalaing* cum hisce inscriptionibus.

**Hier licht begraven** Wenchelyn van Oyſy, Ridder / Heere van Santberghe / Beauvolen / Beyer / van Vſſche / Heere van Beneghelst / die starf int jaer XIV<sup>c</sup>. LXXXIV. xxx. Maert / ende Urauwe Catharine Varnewyck, syne wettighe geselmede / die starf int jaer XIV<sup>c</sup>. LXX. XXIV. Sporkete. Bidt voor de zielen.

**Hier lecht begraven** Virgilius van Eeynghen, Heere van Santberghe / Beauvolen / ende in Benichgels / die sterf int jaer XV<sup>c</sup>. LX. En Gebron Agnes van Berghe, syne Huysvrouwe / die sterf int jaer XV<sup>c</sup>. XIV. IV. October.

**Hier leyt begraven** M<sup>re</sup>. Charle de Lalaing, Biddere / Heere van Santberghe / la Mouillerie / Maffle / Beauvolein / in Benichgels etc. die sterf den 2. April. 1632. ende Gebräuwe Catherine de Fourneau, syne wettighe geselmede / die sterf den 4. Mey 1648. Bidt voor de Zielen.



Utriusque Conjugis Quarteria erant

De Lalaing, Rechem, Enghien, Berchem,  
Fourneau, Baillet, De Geyn, t'Serclaes.

Ecclesia B. Virgini *Mariæ* sacra est, Patronatus ejus spectat ad Abbatissam Belloprati Ord. Cisterc. Quæ Abbatia huic loco vicina est.

Decima hujus pagi divisa est in sex manipulos, quorum quatuor percipit Abbatia de Camera Ord. Cisterc: propè Bruxellam, quintum præfata Abbatia Bellopratensis cum mediâ parte Novalium, sextum manipulum cum altera media parte novalium percipit Parochus, cui insuper ex decimis præfatae Abbatiae de Camera in Supplementum competentiae annuè solvuntur 100. floreni.

Decimas, quas hic possidet præfata Abbatia de Camera, acquisivit dono *Leonis de Bruxella* anno 1207. confirmante id *Alide de Boulaer*, a qua tenebatur in feudum Ao. 1235. ut patet ex his Diplomatis.

Modernis innotescat & posteris, quòd ego *LEONIUS* de Bruxella, de consensu Uxoris meæ *Clementiæ*, decimam quam in Parochia de Sanbergen possidebam, Abbatissæ & Conventui de Camera, Ordinis Cisterciensis, in eleemosynam donavi.

Signum Reinbaldi de Lake,

Danielis,

Reinbaldi de Dilbeke, Militum.

1207. Actum anno MCCVII. VII. Idus Aprilis in prædicto Camerae Coenobio.

*Sanberghe.* Alidis Domina de Boular omnibus notum facimus, quòd Nos donationem à Domino *Leonio* de Bruxella, Viro Nobili, Conventui de Camera quondam factam titulo eleemosynæ, de decimis de *Zanbergis*, quas ipse de manu nostra jure tenebat feudali, ratam habemus & gratam. Quidquid etiam juris habuimus in dictis decimis præfato Conventui in eleemosynam contulimus, de consensu Filiorum nostrorum, perpetuo jure possidendum.

1235. Actum anno Domini M. CC. xxxv. mense Martio.

Abbatia Bellopratensis acquisivit jus Patronatus hujus Parochialis a Capitulo Anderlechtensi sub annuo censu anno 1238.. uti constat ex hoc Diplomate.

*Ex Archi-  
vis MS.  
Capituli  
Ander-  
lecht.*

Universis Christi Fidelibus, quibus præsentis Litteras videre contigerit, Abbatissa & Conventus de Bello-prato in perpetuum:

Quum memoriam rerum gestarum conservant tenaciùs indicia Litterarum, notum facimus universis Scripti præsentis indicio, quod Decanus & Capitulum Anderlechtensis Ecclesiæ concesserint Nobis ad firmam perpetuam Ecclesiam suam de *Santerga*, singulis annis pro decem libris Parisiensis monetæ, de quibus unam medietatem infra Octavam Ascensionis Domini persolvere tenemur eisdem.

Si verò præfatæ pecuniæ statutis iis terminis à Nobis non fuerit persolutæ, tene-mur ex tunc ex condicito prædictis Decano & Capitulo de die in diem, in quinque so-lidis Parisiensibus nomine poenæ, quo usque plenariam de supradictis decem libris fa-ciamus solutionem.

Debemus autem personam idoneam eligere, & electam eidem Decano & Capitulo præsentare, & ipsi Decanus & Capitulum personam, si fuerit idonea, Domino Episcopo Cameracensi præsentare tenentur eandem.

1238. Datum anno Domini M. CC. xxxviii. Dominicâ post Ascensionem Domini.

SCHENDELBEKE, Inter Inferiorem Boulariam & Yedeghemium gratissimo ad Teneram fluvium situ jacet.

Ar-



Arcem olim habuit ingentem & validam, quæ per *Philippum Bonum* Ducem Burgundiæ obfessa & capta, solo æquata est anno 1453.

Hic pagus quidem Boulariæ minimè fubalternus, sed Boulariensi Dynastæ Proprius in Clientelâ Comitis Aloftani. Longâ annorum ferie fuit penes familiam cognominem, illustrem ac potentem in Historiis nostratibus & Diplommatibus notiffimam; sed quæ nunc cum pluribus aliis funditus interit.

Hoc Dominium exinde emptione devenit ad *Collardum de Bailleul* & *Machtildim de Liedekercke* ejus Conjugem Boulariæ Dominos, illudque annexerunt fuorum Baronatui Boulariensi anno 1334. a quo modo possidentur, qui hodiè *Philippus Guilielmus de Cassina*, Comes de Wonsheym &c.

In sacris Ecclesia inscripta est *S. Amando* Tungrensi Episc. Ejus Patronatus spectat ad Capitulum *S. Crucis* Cameraci. Decima possidetur a variis, scilicet a præfato Capitulo; ab Abbate *S. Adriani* in Gerardimonte, Hospitali ejusdem oppidi & Parocho, cui in Supplementum competentiae annuæ persolvuntur a præfatis decimatoribus XXV. Libræ Flandricæ.

Abbatia *S. Adriani* possidet hic plurimas agri, prati & sylvarum possessiones.

Hic loci primitus stetit *Cartusia* anno 1228. fundata, quæ hodiè est in pago *Lierdæ S. Martini*, emptum enim est ab Abbatia Nihoviensi prædium *Rodendriesch* unius bonarii & virgarum quinque in hoc pago, ut Monasterium construeretur; operis autem initio vix posito, ob urgentes rationes construi placuit in pago præfato, in villâ *Ten Boffche* uti suo loco dictum est.

**SMERLIBBE**, Boronatus Boulariensis Dominium, exiguus pagus & magis vici quam pagi nomen meretur, perpaucos enim habet incolas, vixque continet 150. terræ bonaria, contiguum est pago de Yedeghem, a cujus Parocho hæc cura Pastoralis administratur, qui singulis diebus XIV. ibidem divina celebrat.

Ecclesiam habet *S. Amando* Tungrensi Episc. sacram. Ejus Patronatus competit Abbati *S. Petri* Gandavi. Decima ferè universa spectat ad Parochum.

Hæc Abbatia hic possidet insigne prædium, quod complectitur plures agri, prati & Sylvæ possessiones, quæ immunes a Decimis præstandis, qualque hæc Abbatia sibi reservavit cum cessit suas decimas hujus loci Parocho.

**STEENHUYSEN**, Principatus titulo ante tria secula Illustre Dominium, exulum ac reorum asylum est, multis juribus & immunitatibus ornatum, uno milliari cum dimidio a Gerardimonte; Instructum est insigni Castro, condito (ut inscriptio ejus declarat) anno 1628; cujus schema visitur in Flandria Illustrata A. Sanderi tom. II. pag. 515.

Hoc illustre Dominium primitus habuit sui nominis Dynastas; inter eos primus legitur *Halcardus* Dominus de Steenhuyse & Swevegem circa annum 1300. dein *Gerardus* Eques, Princeps de Steenhuyse, mortuus circa annum 1379. cui successit ejus filius unicus *Otto* Princeps de Steenhuyse, cujus filius *Felix* Princeps de Steenhuyse Dominus de Avelgem, qui fuit supremus Flandriæ Prætor, mortuus circa annum 1424. cujus filia & hæres, Princeps de Steenhuyse nupsit *Joanni de Bruges*, per cujus nuptias hic Principatus devenit in familiam de *Bruges*. *Joannis* præfati filius fuit *Ludovicus* Eques A. V. Comes Wincestriæ, Princeps de Steenhuyse, Præfectus Hollandiæ, Zelandiæ,



diæ, Frisiæ &c. Duxit *Joannam de Borsele, Henrici* Comitis de Granprez & Equitis Aurei Velleris ex *Margareta Scoticâ* filiam. Exstat horum illustre Mausolæum a Sinistris Majoris Altaris in Choro Ecclesiæ Collegiatæ *B. Mariæ* Brugis cum hac inscriptione.

**Hier licht Hooghe ende Hoghende Heer Her Lodewyck van Brugge, Heere van Grunthuyse / Grave van Wincestre / Prince van Steenhuyse etc. Baedt ende Camerlinck van onsen geduchtighen Heere / ende Biddere van de Ordene / ende in synen tyt Gouverneur Generael van Hollant / van Zeelant ende van Ariellant / ende Ridder van Eeren onser geduchtighe Vrouwe Marie, die starf int jaer 1492. den 26. Novemb.**

**Hier licht Vrouwe Margarite van Borsele, Gheselle van myn Heere boven ghenacmt / dochter van Her Leyderick van Borsele, Heere vander Aere / Grave van Grandpre / die starf int jaer 1510. den 29. van Augst. Godt hebbe de Sielen.**

*Præfati Ludovici filius fuit Joannes de Bruges, Princeps de Steenhuyse, Comes Wincestriæ, Dominus de Oostcamp, Despieres, Gubernator Picardiæ, Eques Ordinis S. Michaelis. Pluribus additus ad annum 1512. apud Abbevillæam in Picardiâ, conditus ibidem in Abbatiâ S. Richarii Ord. S. Bened. cum hac Sepulchrali inscriptione.*

*Messire Jehan de Bruges, Prince de Steenhuyse, Seigneur de la Gruthuse, & Chevalier de l'Ordre, Gouverneur & Lieutenant General du Roy es pais de Picardie, Capitaine de cent hommes d'armes, trespasé a Abbeville en l'an mil cinq cens & douze, & fut grand & redoute Seigneur.*

*Joannis filius fuit Ludovicus Princeps de Steenhuyse &c. mortuus ad annum 1528. cui successit Renatus de Bruges Princeps de Steenhuyse &c. cujus filia & hæres nupsit Ludovico de Baulme, Domino de Peres, Baroni de S. Amour, & Montfauconet in Burgundia. Exinde transit Principatus de Steenhuyse ad Luxemburgicos Comites de Gaverâ, hinc ad Comites Egmondanos, a quibus tandem ad Richardotios in quâ stirpe mortuo in fine sæculi XVII. N. Richardoto Principe de Steenhuyse sine liberis, hodie incertum ad quem hic Principatus devolutus sit.*

Pos-



Possidetur hoc Dominium in Clientelâ Curiaë feudalîs de Hautsilly & Boisilly inter Athum & Anghiam, quæ Curia spectat ad Marchionem de Trazenies.

Ecclesia inscripta est *S. Petro* Apostolorum Principi, cujus Patronatum gerit Abbas *S. Petri* in Monte Blandinio Gandavi.

Decima est tripartita, quarum ex æquo participes sunt Parochus pro parte unâ sive triente, cum illâ scilicet, quas illi cessit per interim anno 1692. præfatus Abbas *S. Petri*; altera triens est gentis Borlutiaë Gandavi patriciaë, & tertia hodie spectat ad *Carolus de Borlunt* Dominum de Schoonberghe.

VIANE, tribus horæ quadrantibus a Gerardimonte ad limitem Hannonicum, Municipium non solum Baronatus, sed Comitatus titulo illustre, teste Elpinoyo in suis de Nobilitate Flandricâ Commentariis Gallicis pag 110. antiquo & insigni Castro olim instructum cujus modo rudera & ruinæ tantum supersunt. Asyli jure, annuisque mense Septembri postridie *S. Michaelis* Archangeli nundinis celebre; olim forum solebat habere hebdommadium, quod jam desit.

Hoc Dominium olim nomen dedit Illustri familiaë de *Vianen* in Historiis nostratibus & Diplomatis notissimæ, quæ hoc Dominium longâ annorum serie possedit, dein ad Luxemburgicos, Melunios & alios devolutum, Hodie peculium gentis Egmondanæ.

In sacris Ecclesia dicata est Virgini Deiparæ *Mariæ* in Coelos Assumptæ, cujus Patronatus spectat ad Abbatissam Gislengiensem Ord. S. Bened. inter Athum & Anghiam Hannoniæ oppida. Duas partes decimarum percipit Monasterium Divitum Clarissarum Gandavi, vulgo *Rycke-Claeren*, quod plures insuper inibi possidet agri possessiones; tertiam decimarum partem habet Parochus & Supplementum a præfato Monasterio centum florenorum annuè.

In hoc loco stetit adhuc initio seculi XVI. Monasterium Grisearum fororum *S. Francisci*, quæ inde migrarunt Nindhoviam anno 1504. Eorum loco dein surrexit hic insignis Capella *S. Rochi* patroni contra morbos pestiferos, in quâ diebus sacris ad commoditatem populi divina celebrantur.

In extremitate hujus exstat Capella *S. Nicolai* (quæ ferè jacet in suâ ruinâ) & in eâ Capellania fundata.

VLOESEGEN, olim *Fluersegem* & *Vluersegem* in Diplomatis legitur. Baronatus Boularienses Dominium, ad cujus Baronem spectat, primo lapide a Gerardimonte.

Ecclesia tutelarem colit *S. Mathæum* Apostolum sub Patronatu Abbatis *S. Petri* in Monte Blandinio Gandavi.

Decima spectat ad Abbatiam *S. S. Cornelii & Cypriani* Nindhoviæ, Præfatum Abbatem *S. Petri* & Parochum.

Deservitur hæc Cura Pastoralis per Pastorem de Schendelbeke, qui singulis diebus XIV. ibidem sacris operatur.

VOORDE, pagus Comitatus Alostani, primo lapide cum dimidio a Gerardimonte. Hoc Dominium primitus spectavit ad familiam cognominem de *Voorde*, olim in Diplomatis, & in Historiis rerum nostratium celebrem. Seculo XIV. possedit illud gens *Tedegemia*, inde devenit via emptionis ad gentiles de *Gruuthuyse* Principes de Steenhuyse &c. a quibus dein Anno 1486. eadem viâ transiit ad *Rolandum de Wedergrate* Equitem; hinc jure



nuptiali *Margaretæ de Wedergrate* hæredis hujus Dominii de Voorde &c. Anno 1494. cum *Georgio vander Meere* Equite, Domino de Huysgavre, Clessenare, Broan &c. devenit in familiam de *vander Meere*, in quâ stirpe hæcenus perseverat.

Hodiè illud possidet *Jacobus vander Meere*, Eques Dominus de Voorde, Huysgavre &c. qui inibi possidet spectabile ac insigne Castellum quod inhabitat. Exstructum est hoc Castellum anno 1540. a *Judoco vander Meere* Domino de Voorde &c. Incendio devastatum fuit per Regi rebelles Gandenses anno 1580. jussu *Oliverii vanden Tempel* Gubernatoris Bruxellensis; cessantibus turbis Belgicis, nostrâ ætate illud restauravit *Philippus vander Meere* Dominus de Voorde &c. qui obiit Ao. 1666.

In Choro hujus Parochialis exstat lapis Sepulchralis humi ante Sacristiam cum hac inscriptione.

**Hier leet begraven Vivien van Ytghem, alias van Voorde, sterf int jaer XIV<sup>c</sup>. XXVI. XII. dagh in Sporkеле. Hier leet Kristoffel van Ytghem, Vivien Sone sterf int jaer XIV<sup>c</sup>. LVII. XXIII. daghe in Hopymant.**

In alâ boreali ad latus aræ D. Virginis exstat tumba elevata ex cæruleo marmore, ad quatuor circiter pedes alta, sub quâ conduntur Dynastæ de Voorde in Caveâ subterraneâ, quam exstrui curavit *Roulandus de Wedergrate*, Dominus de Voorde, cui supernè exsculpta sunt ejus, & uxoris supina simulacra, appositis gentilitiis eorum insigniis, & circum circa litteris Teutonicis hæc inscriptio.

**Sepulture van Edele ende Weerde Heer M<sup>er</sup>. Rouland van Wedergrate, Rudder / Heere van Voorde / die overleet den VI. in Sporkеле XV<sup>c</sup>. XVIII.**

**Hier licht M<sup>er</sup>. Kateline van Kamere, geselnede van Her Rouland voorleit / Overleit. . . . .**

Hoc Dominium est clientela Curiae Feudalis de *Hautsilly & Boisilly* inter Athum & Anghiam Hannoniæ oppida, quæ Curia spectat ad Marchionem de Trazegnies.

Ecclesia Patronum colit *S. Petrum* Apost. Cura Pastoralis spectat ad Abbatiam *S. S. Cornelii & Cypriani* Ord. Præmonst. Ninhoviæ, quæ illic e suis Parochum subministrat, ad quam Abbatiam spectat universa hujus pagi decima, relictâ portione Parocho.

Pars hujus pagi extrema subest in spiritualibus Parochis de Steenhuyse & Smerlibbe.

YEDEGHEM, vulgo *Jeghem*, amcenissimum est Teneræ transitu: pascuorum commoditate, Abbatiae Virginalis Belloprati atque Raspaliæ Sylvæ affinitate municipium, via Ninhoviensi Gerardimontibus, extendit se ultra  
bis



bis mille passus in unam propemodum planitiem, frumentum profert bonitate præ reliquis territorii, & abundantia exteris notum, ac nomine a Scriptoribus, nominatim a *J. B. Gramayo* commendatum.

Dominium ejus spectat ad Baronem Boulariensem, sub cujus Baronatu comprehenditur. Dominium item hic habet, atque domum, quod olim Prætorium fuit cum Meyero & Scabinis, gens *Yedegemia*. Gentis *Yedegemie* cognomen, nunc gentilium de *Grutere*.

De Gentis *Yedegemie* numerosa cum præstantissimis Flandriæ Familiis affinitate atque militari laude, domi forisque in Oriente parta, multa referunt scriptores Flandriæ, inter eos *J. Meyerus* & *J. van Waesberge* in suo Gerardimontio Lib. I. Cap. VII. Quæ gens *Yedegemia* olim etiam Dominium de Voorde, Wiele in Comitatu Aloftano, & alibi plura Dominia possedit.

Ecclesiæ tutelaris *S. Petrus* Apost. Ejus Patronatum gerit Abbas *S. Petri* in Monte Blandinio Gandavi.

Decima hujus loci a variis possidetur sæcularibus, Comes de Op-Hasselt in iis notabilem partem percipit; tertia earum pars spectat ad Pastorem.

Viget in hac Parochiali specialis cultus & visitatio *S. Huberti* Leod. Episc.

WAEREBEKE, vulgo *Werebeke*, pagus exiguæ valdè extensionis in confinitate Comitatus Hannoniæ; pridem fuit Baronatus Boulariensis Dominium: Anno 1658. transit titulo emptionis cum *Nieuwenhoven* in familiam de *Steenbault* patriciam Buxellensem, in quâ hodiè perseverat.

Ecclesia tutelarem colit *S. Amandum* Tungrensem Episc. sub Patronatu Abbatissæ de Foresto Ord. S. Bened. in Suburbio Bruxellensi, ad quam Abbatiam spectat ferè universa pagi decima, ex quâ dantur annuè in Supplementum competentia Parocho 170. floreni, qui insuper habet parvam decimam & plures agri possessiones.

WOUBRECHTEGEM. pagus Comitatus Aloftani, æquali ferè spatio ab Alofto & Gerardimonte, altero scilicet lapide cum dimidio.

Dominium hujus loci cum pagi de *S. Tentelins* titulo emptionis suæ Abbatia comparavit jure pignoratitio circa annum 1633. a *Philippo IV.* Hisp. Rege *Joannes David* Abbas XXXIX. *S.S. Cornelii & Cypriani* Ord. Præmonstr. Nihoviæ, constituit cum præfato pago de *S. Tentelins* unum tribunal.

In hoc pago est Dominium de *Hollebeke*, quod se extendit per mediam circiter partem hujus pagi, quod Dominium fuit longo annorum tractu inclytæ familiæ *De Bette*, qui modo Marchio de Lede, habens inibi latam jurisdictionem, Meyerum, Graphiarium, Scabinos, & tribunal, item Curiam feudalem & censualem.

Hoc Dominium obvenit anno 1344. *Adriano de Bette*, ex parte Matris suæ *Gudulæ de Nevele* dictæ *vander Meerſche* per mortem suæ neptis *Elisabethæ de Grimberge* Viduæ *Francisci de Jausse* dicti *Mastain* Domini de Masseme, Baronis d'Heyne &c.

Ecclesia Patronum veneratur *S. Martinum* Turonensem Episc. Ejus Patronatum gerit Abbas *S. Petri* Gandavi, quæ Abbatia hodie nihil præter suos libros censuales hic loci possidet.

Decima est tripartita, cujus ex æquo participes sunt Præfata Abbatia Nihoviensis pro duabus trientibus; reliquâ triens est Parochi, cui insuper com-



petit univerſa lini decima, ipſique inſuper ſolvit hæc Abbatia in Supplementum competentiae annuè centum florenos.

Hæc Abbatia ratione ſuarum decimarum per ſententiam Senatus Flandriæ anno 1706. & confirmationem Magni Senatus exſtruxit hic loci novam domum Paſtorales.

Cæterum præfata Abbatia poſſidet in hoc loco ferè dimidiam partem pagi, tam in agris quam in Sylvis cum variis villis, item Curiam feudalem, pluribus feudis ab ea dependentibus illuſtrem (vulgo *Het Hof ten Berghe*) librum item cenſualem extendentem ſe per hunc pagum & plures circumvicinos.

# FINIS DECANATUS GERARDIMONTENSIS.





# HISTORIA

## SACRA ET PROFANA

### ARCHIEPISCOPATUS

### MECHLINIENSIS.

---

#### DECANATUS ROTHNACENSIS.

**R**OTHNACUM, Antiquis Baronatus, Caput hujus Decanatus. Oppidum ultra Scaldim in veteri Brachbanto, duabus cum medio ab Aldenardâ & quatuor a Gerardimonte situm milliaribus, vulgo *Ronsen*, Gallis *Renay*, & *Ernay*, antiquitus *Rotornacum* & *Rodenacum*, uti in antiquis diplomatibus legitur, apud *Baldericum* in Chronico Camerac. & Atrebat. Lib. I. Cap. LXXV. *Rotnasce* Villa Brabante. *Vetus Baronatus.*

Rothnacum emit anno 1280. *Guido Dampetra* Flandriæ & Namurci Comes a *Reinoldo* sive *Rainardo* Abbate *S. Cornelii* Indensis Ord. S. Bened. prope Aquisgranum, scilicet Rothnacensis villæ partem (ut veteri verbo utar) quam *Ludovicus* Imperator Indensibus dono dederat, nam alteram ab eodem Imperatore Rothnacensi Canonorum Collegio donatam iidem Canonici suo sibi jure retinuerunt. Diploma præfatæ emptionis refertur in Suppemento Diplom. *A. Miræi* Part. II. Cap. CXIV.

Deinde præfatus Comes Rothnacum in filium suum tertio genitum *Guidonem Rickeburgensem* transtulit anno 1289. a quo dein ad varios translatus & tandem ad *Perênotos*, a quibus illud Comes de *St. Amour* possedit; inde demum ad *Joannem Principem Nassavium de Siegen* devenit qui circa annum 1638. illustre a fundamentis in eo prætorium construxit, totius ausim dicere Belgicæ splendidissimum, cujus Schema nobis exhibet *A. Sanderus* in Flandriâ illustratâ tom. II. pag. 536. Hodie hoc illustre Dominium possidet *Alexis* Princeps Nassaviæ-Siegen &c.

Lovanii in Ecclesia P. P. Minimorum exstat insigne marmoreum Sepulchrale Mausolæum, parieti insertum, *Francisci Joannis Desiderati Nassaviæ* Principis &c. cum hæc Epigraphe.

Hunc ad tumulum Sta.  
Qui magna colis & ambis.  
Franciscus Joannes Desideratus  
Nassaviæ Princeps,

N n n 2

Co-



Comes in Catzenelboge, Vianden, & Dietz. &c.  
 Eques Aurei Velleris,  
 Sub Rege Cath. Supremus Campi Marechallus,  
 Limburgi & Geldriæ Gubernator, Capit. Generalis.  
 Nihil in humanis magnum reputans,  
 Nisi Deo Servire,  
 In hoc P. P. Minimorum templo & Conventu.  
 a suis fundato,  
 Inter Minimos, minimus cliens.  
 S. Francisci de Paula,  
 Cujus Patrocinio.  
 Piis parentum votis invocato  
 Conceptus uti desideratus  
 Eodem desperatæ valetudinis restitutus,  
 Cum dilectissima Conjuge  
 Isabella Clara Eugenia.  
 Comitissa de la Serre, & S. R. I.  
 Eiusdem Sancti tertio ordini adscripta  
 Sub hoc sibi in vivis structo Monumento.  
 Condi voluit  
 Ut Patrono suo  
 Cui vitam bis debuit, corpus redderet.  
 Vixit annis LXXIII. inter mortales.  
 Obiit M. DC. XCIX. XVII. Decembris,  
 Illa vero XIX. Octobris M. DCCXIV. ætatis LXIII.  
 Ut æternos vivat inter immortales,  
 Et cum ea quam Deus illi & vita junxit,  
 Nec tumulus separat.  
 Ad vitam resurgat æternam.  
 Lector Precare.

Ostium Monumenti  
 Serenissimæ  
 Familiæ  
 Principum de Nassau.  
 Fundatorum  
 R. I. P.

Multum deformatum est hoc oppidum incendiis; arsit enim Rothnacum anno 1478. immissis a præsidio Francorum Tornacensi ignibus, & anno 1519. plusquam septingentæ domus fortuito igne consumptæ sunt, item anno 1559. die 21. Julii plurimæ, imo ferè omnes hujus oppidi domus & tres Ec-



Ecclesiæ sitæ in eodem cœmiterio eodem incendio conflagrarunt, & novissimè anno 1719. die 31. Martii quo 380. domus incendio fortuito in cineres redactæ sunt.

Floruit olim mirum in modum hoc oppidum lanificio, eique olim famam opesque peperit. *Joannes I.* Lotharingiæ & Brabantiæ Dux anno 1263. in litteris quibus dotat præfatum Indense Cœnobium, concedit ut Pannarii de *Ronsen* habeant Stellagium in *Halla de Lovanio*, & in omnibus mercatibus terræ suæ sint sine censu & onere. Diploma recitat *A. Miræus* in Donat. Belg. Lib. I. Cap. CXXX. Similes immunitatis litteras concessit Rothnacensibus anno 1533. *Carolus* Geldriæ & Juliaci Dux, *Florentius* Hollandiæ Comes. *Fredericus* An... & *Georgius*, Episcopi Ultrajectenses anno 1551. Item *Philippus* Francorum Rex concessit Privilegium immunitatis anno 1273. Diploma recitat *A. Miræus* in Donat Belg. Lib. I. cap. XXIX. novæ edit.

Forum habet hebdommadarium diebus Mercurii & Sabbati, ac celebres annales nundinas 25. Junii & 30. Augusti.

Quoad rem sacram, Ecclesia prima Rothnaci fuit *S. Petri* a *S. Amando* Tungrensi Episc. inchoata: *Baldericus* enim in Chronico Cameracensi Lib. II. Cap. XLIV. ait „ in Vico Rothnasce Monasterium Canonicorum a „ *S.* quoque *Amando* in honore eorundem Apostolorum constructum “ *Georgius Colvenerius* *S. T. D.* Duacenus &c. ad hæc verba *Balderici* notat pag. 537. „ Quia vero a *S. Amando* constructum, non videtur dubitandum quin „ fuerint olim Religiosi Benedictini. “ Quando Monasterium hoc Rothnacenſe mutatum fuerit in Collegium Canonicorum, res plane incerta, cum nec *J. Meyerus* in Annalibus Flandriæ, nec *A. Miræus* illius mutationis ulibi faciant mentionem.

Porro ab hac *S. Petri* Ecclesiâ ortum habet Collegiata *S. Hermetis*, multum dein dotata atque possessionibus aucta, per gloriosissimos Principes *Carolus Magnus* ejusque filium *Ludovicum Pium*, *Lotharium Ludovici Pii* filium, *Lotharii* filium item *Ludovicum*, omnes Imperatores.

Accessit exinde altera *S. Martini* Parochialis, uti & ea quæ hodie *S. Petro* inscripta est, cum unica non sufficeret ob multitudinem populi; omnes tres in eodem cœmiterio, ea vero quæ Canonicorum, dein *S. Hermeti* dicata est.

Porro Parochialis *S. Petri*, plusquam ab annis XL. a populo frequentari desit & jacuit desolata; cujus Parochus interim usus est Ecclesiâ Collegiatâ *S. Hermetis*; at anno 1716. Capitulum hujus Collegiatæ obligatum fuit per sententiam Senatus Flandriæ eam reparare & ponere in statu debito, ut in eâ pro populo divina celebrarentur.

Fundatæ sunt in Ecclesia Collegiatâ Præbendæ XV. unaque earum Decanatus, altera destinata ad Phonaſcum & Choraules. Præterea Pastoribus *S. Petri*, & *S. Martini* pro competentia anno 1674. unicuique præbenda Canonialis attributa est. Uterque Pastor habet in sui adjutorium Vicepastorem, eisque in sustentationem attributa est anno 1679. præbenda Canonialis, hodiè vero unicuique Vicepastori a Capitulo solvuntur annue XL. Libræ Flandricæ. Dignitates in hoc Capitulo sunt Præpositura, & Thesaurarius.

Damus hic seriem Præpositorum prout ex Archivis hujus Capituli exactissimè & fideliter excerpſit ac pro suâ humanitate ad nos misit die 4. Aprilis hujus anni 1723. *R. Adm. D. Joannes Lucas van Delen* Cantor & Canonicus Rothnacensis.

Notandum aliquorum Præpositorum nomina non reperiri ob Manualium



Capitularium defectum vel interitum, qui forsan in generali incendio anni 1559. vel in turbis Belgicis brevi post supervenientibus perierunt.

## PRÆPOSITI ECCLESIAE COLLEGIATÆ S. HERMETIS ROTHNACENSIS.

EVERARDUS, ejus Anniversarium celebratur V. idus Augusti.

GERARDUS, fundavit suum Anniversarium celebrandum pridie idus Septembris.

JACOBUS, fundavit suum Anniversarium celebrandum VI. Kalendas Novembris.

JOANNES, ejus Anniversarium celebratur III. idus Octobris.

OSTO, ejus Anniversarium celebratur XVI. Kalendas Aprilis.

JOANNES DE LINEA, Ordinavit suum Anniversarium V. idus Februarii.

OSTO DE WATRIPONT, Fundator Capellaniæ *S. Servatii* in hac Ecclesiâ, & ordinavit suum Anniversarium celebrandum VIII. Kalendas Septembris.

Quoad præcedentiam vel prioritatem vel annorum tempus præscriptorum Præpositorum nihil reperitur expressum, tamen ante annum 1300. vixisse illos constat.

RASO DE SCORNACO, Nobili stirpe ortus fundavit suum Anniversarium celebrandum XVIII. Kal. Septembris; constat eum vixisse anno 1325.

ROBERTUS DE SCORNACO, Nobili prosapia, Rothnacensis & Tornacensis Ecclesiarum Canonicus, fundator duorum Anniversariorum VIII. Kal. Decembris & ipsis Kalend. Decembris.

LUDOVICUS REYNGHERSFLIETE, Nobili familia ortus Canonicus & Thesaurarius hujus Ecclesiæ & Canonicus Luthofanus, ordinavit suum Anniversarium pridie idus Novembris celebrandum; constat eum vixisse Anno 1366.

GUILIELMUS REYNGHERSFLIETE, Nobilistirpe natus, hujus Ecclesiæ Canonicus, fundavit suum Anniversarium celebrandum pridie Kalendas Junii.

Ab anno 1400. usque ad 1418. in Libro Lotizationum decimarum, reperitur Præpositus tamquam Canonicus Lotizans sine nominis expressione.

LUDOVICUS DE BUILLEMONT Canonicus Rothnacensis vixit circa annum 1424.

JOANNES DE BUILLEMONT hujus Ecclesiæ Canonicus, frater prædicti Ludovici, vi resignationis in sui favorem factæ, qua ei Præposituram resignavit anno 1446. obiit 20. Septembris Anno 1467.

BUSSARDUS BALDEWIN Canonicus hujus Ecclesiæ reperitur in Capitulo generali anno 1468. qui decessit circa annum 1473.

ALARDUS TUWART, vixisse reperitur Anno 1474.

JACOBUS BRUCQUET, cepit possessionem anno 1476. obiit circa annum 1481.

PETRUS DE LIGNO, Canonicus hujus Ecclesiæ reperitur in Capitulo generali Anno 1481. Fundavit Nigras sorores Rothnaci. Obit anno 1492.

LUDOVICUS DE WEYERE, J. U. L. Eleemosynarius primarius Principis  
*Phi-*



- Philippi* Archid. Austriae, Burgundiae &c. vi electionis Capitularis anno 1492. die 17. Septemb.
- MARCUS STEENBERGH, J. U. D. & Professor in Academia Lovanienſi, erat Decanus *D. Gudulae* Anno 1487. Canonicus hujus Ecclesiae, electus Praepositus Anno 1496.
- JACOBUS POCHON, hujus Ecclesiae Canonicus, Praepositus ab anno 1499. Obiit menſe Martio anno 1504.
- DANIEL DE CAPELLA, Canonicus Cameracensis & Rothnacensis, electus a Capitulo anno 1504. Obiit anno 1528.
- JOANNES MATHON, Canonicus Condatisensis, electus a Capitulo anno 1528.
- LUPUS alias WOLFGANGUS D'OTTIGNIES, obtinuit Praeposituram vacantem per resignationem *Joannis Mathon*, in ejus favorem inter manus Capituli factam.
- LUDOVICUS VAN WINGHENE, Canonicus Rothnacensis, nec non Rector Capellaniae *B. Mariae* in Ecclesia Parochiali *S. Catharinae* Bruxellis, obtinuit Praeposituram permutatione inita de dicta sua Capellania cum Praepositura *Lupi d'Ottignies*. Obiit circa annum 1579.
- NICOLAUS DE LA HAYE, cepit possessionem Praepositurae anno 1579.
- CORNELIUS VANDEN HEULE, J. U. B. obtinuit Praeposituram vacantem per resignationem *Nicolai de la Haye* anno 1595. inter manus Regiae Majestatis factam.
- JACOBUS THIENPONT, J. U. L. Canonicus hujus Ecclesiae obtinuit Praeposituram vacantem per resignationem inter manus Regias factam per ejus praedeceſſorem Ao. 1630.
- ANDREAS CATULLE, J. U. L. Canonicus Cathedralis Tornacensis, Officialis & Archidiaconus, obtinuit anno 1663. Praeposituram via permutationis de dicto suo Canonicatu cum Praepositura & Canonicatu ejus praedeceſſoris, vigore nominationis Regiae Majestatis in dicta permutatione consentientis. Vir libris editis clarus. Obiit 27. Septembris Ao. 1667.
- PETRUS ERREMBOUT, J. U. D. hujus Ecclesiae Canonicus Praepositus per obitum *A. Catulle* Vigore nominationis Regiae. Obiit anno 1686.
- JOANNES BAPTISTA DEL CROIX, J. U. L. Praepositus Vigore nominationis Regis Christianissimi, cum post pacem Neomagensis hoc oppidum usurparet.
- LUDOVICUS THEODORUS DONGNYES, ex Illustri prosapia *Dongnyes* ex Baronibus de Courrieres, utriusque Bavariae Ducis summus Eleemosynarius, Decanus Ecclesiae Cathedralis Brugensis, nec non ad Comitum Flandriae deputatus primarius &c. obtinuit Praeposituram cum Canonicatu annexo vi permutationis cum *J. B. de la Croix* ac nominationis suae Catholicae Majestatis anno 1705. hodie hac dignitate fungitur.

Ecclesiae Collegiatae *S. Hermetis*, Collegioque Canonicorum celebritatem ac frequentiam sibi miram conciliarunt praefatae *S. Hermetis* Martyris Reliquiae, ejurandis energumenis multum celebres.

Cæterum ad elucidationem hujus Basilicae *S. Hermetis* plurimum facit quod sequitur. Anno 851. *S. Hermetis* corpus Romae Indam (quod est Monasterium Benedictinorum *S. Cornelio* sacrum propè Aquisgranum) transferatur per *Lotharium Ludovici Pii* filium, qui postea Monachus in Prumia apud Treviros obiit, anno 855.



Anno 860. die 6. Julii *S. Hermetis* corpus Indâ Rothnacum ad Basilicam Canonicorum (a *S. Amando* Tungrensi Episc. inchoatum) translatum est per *Ludovicum Lotharii* Imp. jam nominari filium, patris sui voluntatem adimplere volens: qui & Reliquias *S. Cornelii* Papæ & *S. Cypriani* Episcopi Carthaginensis & *S. Cælestini I.* Papæ apud Rothnaceses deposuit, quo loco etiamnum quatuor istorum cælitum ossa a Canonicis piè & religiotè adservantur; adeo ut velut alter fundator post *S. Amandum* Ecclesiæ Rothnacenensis *Ludovicus* Imp. a Rothnacesibus habeatur.

Circa annum 940. Danis Belgicam vastantibus sub *Ottbone* Imp. *S. Hermetis* Corpus Indam est relatum, & inde Coloniam, rebus postea sedatis agente *Fulberto* Cameracensi Episcopo contra Indenses, qui sibi *S. Hermetem* vindicare conabantur, ejusdem Martyris ossa Rothnacum sunt reventa, pro quo beneficio Rothnaceses dederunt Ecclesiæ Cameracensi *Nivenhoviam* inter Gerardimontem & Nihoviam in Flandriâ, ut idem *Baldericus* Lib. I. Cap. LXXV. in præfato Chronico Cameracensi commemorat.

Anno 1089. *S. Hermetis* reliquiæ collocatæ sunt in novo feretro argenteo per *Gerardum II.* Cameracensem Episcopum.

Anno 1129. XVI. Kal. Octobris novum templum Rothnacense quod hodieque existat per *Burchardum* Episc. Camerac. *S. Hermeti* sacrum consecratur.

Anno 1526. *Robertus Croyus* Camerac. Episc. per *Godefridum* Ecnamensem Abbatem *S. Hermetis* Reliquias ex veteri feretro in novum transferri mandavit.

*Patres Congregationis Oratorii Jesu*, in hoc oppido admissi sunt anno 1712. hac inter alias conditione, ut litteris humanioribus juventutem informarent.

In hoc oppido est HOSPITALE fundatum circa annum 1432. fundatores ignorantur, ex eo quod hoc Hospitale bis incendio conflagravit, quo periêre omnia eorum documenta & litteræ foundationis: vetus tamen traditio est, quod fundatum sit a viro seculari ejusque conjuge, qui carentes prole hoc Hospitale fundarunt, illudque dederunt Religiosis Virginibus inhabitandum, uti hodie ab iis inhabitatur, & curatur.

Sunt insuper in hoc oppido NIGRÆ SORORES. Earum initium sumpsit cum *Petrus vanden Houte*, alias a *Ligno*, Præpositus & Canonicus Rothnacenensis testamenti tabulis legavit anno 1492. domum suam & fundum cum X. Libris annuè ad onus Civitatis Brugenſis ad fundandum Conventum in honorem *S. Annæ* pro piis Virginibus bonæ famæ & conversationis, ut ægris ibidem subservirent, & operam hujusmodi charitatis officiis impenderent. Ad hunc effectum consequendum Dynasta Rothnacenſis cum Senatu & populo sese contulerunt ad *Henricum de Berghes* Cameracensem Episcopum, qui eis velum ac Regulam *S. Augustini* & instituta particularia præscripsit, cæque forent sub ejus protectione, obedientia & correctione, ac in manus Archiepresbyteri, vel alterius ab eo deputati, tria vota solemniter emitterent. Datis litteris die 5. Septembris anno 1496.

AMONGIES, pagus ad limitem Hannonicum, & *Ronnam* fluvium qui Flandriam dividit a Comitatu Hannoniæ, uno milliari a Rothnaco, antiquum peculium Montmorenciorum. Incolæ utuntur linguâ Gallicâ.

Ibidem spectabilè Castellum Dynastæ ad *Ronnam* fluvium, quod inhabitat.



In hac Parochiali exstat in Choro tumba elevata ex nigro marmore ad dextram majoris altaris cum hac inscriptione.

*Sepulture de hault & puissant Seigneur Monsieur Anthoine de Montmorency, en son vivant Seigneur de Croiselles, Amongies &c. lequel mourut le XXI. Mars M. D. XXIX. avant Pasques.*

*Et de Damoiselle Jehenne de Beaufort, Dame de Beaiavel, seconde femme du dit Seigneur Anthoine, la quelle mourut le XI. de Juin M. D. XXXIII.*

Ecclesia D. Bavoni Gandensium Patrono sacra est; sub Patronatu Capituli Rothnacensis; ad quod spectat Decima, in qua Pastor habet suam portionem & insuper in Supplementum competentiae annue percipit a praefato Capitulo XL. Libras Flandricas XIII. Schell. & VIII. grossos.

BERCHEM, Gallis *Bernes*, ad Scaldim fluvium, qui tendit Aldenardam, a qua distat altero lapide. Peculium olim longo temporis spatio gentis, *Gaverane* dictae a *Scornaco*, in qua *Gerardus de Gaveré*, dictus a *Scornaco*, filius natu major *Arnoldi* hujus nominis IV. Domini Scornacensis, illud possedit, & suis posteris reliquit; devolutum postea ad Comites de *Bouffu*, exinde in familiam de *la Baume de St. Amour*, dein ad *Richardotios* Principes de Steenhuyse &c.

Anno 1710. emptionis tabulis devenit ad *Theodorum Ignatium vander Meersehe*, in qua stirpe perseverat, cujus filius illud hodie possidet.

Hic locus olim multum fuit insignis, ut viae stratae lapidibus & domus plurimae structurae lapideae satis sese declarant; verum bellorum continuis, motibus multum deformatus est, & de suo splendore plurimum deperdidit.

Ecclesia inscripta est B. Virgini Deiparae *Mariae*. Ejus Patronatus est Abbatibus *S. Theodorici* in Monte Aureo propè Remos in Galliâ; quae Abbatia cum anno 1695. in perpetuum annexa est mensae Archiepiscopali Remensi, eo jure utitur praefatus Archiepiscopus. Decima pro medietate spectat ad praefatam Abbatiam exceptâ portione Parochi.

Hic loci exstat vetus Hospitale a Monialibus olim inhabitatum, iisdem autem emortuis, tandem anno 1686. filiis devotis in communè viventibus, (vulgo *Apostolinnen*) consensu Regio & Archiepiscopali donatum est, quod ab iisdem inhabitatur, quibus plurimae hodie aggregantur. Earum praecipue cura est puellas ad bonos mores & pietatem instruere, & manuales artes edocere.

BERLEGHEM, pagus medio ferè itinere Gandavum & Aldenardam, Praefecturae Rodensis Dominium, titulo Baronatus illustre, in clientelâ Marchionis de Rodes.

Hoc Dominium olim spectavit ad gentem cognominem de *Berleghe*; inde ad gentem de *Grimbergis* Moesecae & alibi Dynastas; ab hac familiâ jure uxorio transiit ad gentem de *Maldegem*; ab eâ ad *Masminios*, & ab his ad familiam de *Hornes*, quae eo potita fuit usque ad tempora *Martini de Hornes* Equitis Domini de Gaesbeke, a quo a ducentis circiter annis titulo emptionis devenit ad *Ludovicum de Rodoan* Equitem, Dominum de *Doucourt*



Oeconomum magnum *Annæ* Ducissæ Lotharingiæ, & ab antiqua & Nobili familia de *Rodoan* oriundum, quæ ex Burgundiâ in Lotharingiam prius venerat; qui *Ludovicus* cum nuptias contraxisset cum *Isabellâ de Bette* commorandi causâ venit in Flandriam, cujus filius primogenitus *Carolus Philippus de Rodoan* hic loci in lucem editus est, qui vivens hoc cum primis loco multum delectabatur, quique post varios sacros honorum gradus ac dignitates, primo Middelburgensis, dein Brugenſis fuit Antistes laudatissimus & moriens inter alia, hic in loco suo natali fundavit sibi Anniverſarium.

Erectum in  
Barona-  
tum.

Ab hac familiâ devenit hoc Dominium viâ emptionis, seu potius jure retractus anno 1680 ad *Lopes Rodrigues d'Evora* & *Vega* Baronem de Rodes, in cujus gratiam a *Carolo II.* Hisp. Rege Diplomate dato Madriti 27. Julii anno 1682. erectum est in Baronatum, qui inibi insigne possidet Prætorium ab eo plurimum restauratum & decoratum, in quâ stirpe hoc Dominium hæcenus perseverat, qui modo *Emanuel Josephus Rodrigues* Marchio de Rodes &c.

Ecclesia tutelarem colit *S. Andream* Apost. Ejus Patronatum gerit Capitulum *S. Crucis* Cameraci; quod Capitulum anno 1701. cessit Parocho suas quas inibi percipiebat decimas, scilicet tertium manipulum habebat cum Parocho, & renuntiavit juri Patronatus, reliquæ duæ trientes decimarum spectant ad gentiles de *Damm* Vice-Comites d'Oomberge, idque jure (ut volunt) Capellaniæ Castralis de *Cnappenaerde*, cujus Capellæ destructæ parietinæ & rudera ibidem hodiedum propè Scaldim conspiciuntur, quæ Capellania gravata est hebdomadatim duabus missis.

BOST, vulgo *Roobst*. primo fere lapide a Sottegemio sub cujus præfecturâ est hoc Dominium. Olim peculium gentis Egmondanæ; hodie spectans ad *N. de Werckbove*.

Ecclesia dicata est *S. Dionysio* Mart. sub Patronatu Abbatis *S. Petri* Gandavi, quem dono acquisivit ab *Odone* Camerac. Episc. Anno 1108. Decimarum potior pars spectat ad præfatam Abbatiam, in iis Pastor habet suam portionem, & in Supplementum competentiae a præfata Abbatia VII. Libras Flandricas annuè. Communem habet Pastorem cum Roosbeek, & Weylighem.

BOUCLA S. BLASII, Præfecturæ Scornacensis. Dominium Comitis Egmondani.

Ecclesia ut præfert nomen *S. Blasium* Mart. veneratur. Patronatus ejus est Abbatis Eenamensis.

Decima est tripartita, cujus ex æquo participes sunt pro una triente præfata Abbatia Eenamensis, pro altera Abbatia *S. Petri* Gandavi, & tertia restans spectat ad Parochum.

Delervitur hodiè hæc cura Pastoralis per Pastorem Bouclæ *S. Dionysii*.

BOUCLA S. DIONYSII, Dominium vetus. Longo temporis tractu fuit penes gentem cognominem de *Boucle*, in Historiis & Diplomatis notissimam; inde per nuptias seculo XIV. transit in familiam *d'Ally* dictæ de *Fromelles*, atque ex illâ per similes nuptias *Margaretæ de Fromelles* filiæ *Joannis* cum *Gerardo Borluut* Equite initio seculi XVI. devenit in gentem de *Borluut* patriciam & Consularem Gandavensem, in quâ hæcenus permansit.

In Choro medio Ecclesiæ Parochialis de Oostkercke Gallo Brabantiae pa-  
go



go, visitur tumulus longitudinis septem pedum & quatuor latitudinis, tribusque pavimento sublimior & circum circa teutonicis litteris inscriptio talis.

*Cy gist Noble homme* Ingelbert d'Ally, *Chevalier Sr.* \* Dos-<sup>\* Oostkercke.</sup> kerque, de Fromelles, & de St. Denys Boucle, qui trespassa l'an XV<sup>e</sup>. XXIII. le IIII. jour de Novembre.

*Et Madame Jehenne de Luxembourg, fille naturel, de feu puissant Prince Loys, Comte de St. Pol, Connestable de France, qui trespassa l'an XV<sup>e</sup>. LVII. le XVI. de Juing. Pryez pour les ames.*

Super monumentum quod est ex cæruleo marmore exsculpta sunt amborum supina simulacra appositis gentilitiis insignibus.

In Ecclesia hujus Parochialis ante aram principem exstat lapis cæruleus Sepulchralis cum hac inscriptione.

**Hier licht begraven Edelen ende Weerden**  
**Jo<sup>r</sup>. Lieven Borluut, Heere van St. Denys**  
**Boucle etc. die sterf int jaer ons Heeren 1551.**  
**den 13. dach in Mayo. Bidt voor de Ziele.**

**Ende van M<sup>er</sup>. Joos Borluut, Riddere / Jo<sup>r</sup>.**  
**Lievens sone / die overleet den 21. Junii Anno**  
**1597. beede in huer lieder leven Heeren van S<sup>te</sup>.**  
**Denys Boucle. Bidt voor de Zielen.**

In eadem Ecclesia ad latus majoris altaris juxta parietem exstat tumbâ elevata, cujus hæc est inscriptio.

Anno 1642.

**Hier booren leggen begraven Edele ende**  
**Weerde Heere M<sup>er</sup>. François Borluut, J<sup>r</sup>. M<sup>er</sup>.**  
**Joos, in syn levende Heere van S<sup>te</sup>. Denys**  
**Boucle / Avart / Hooghermaerde / Woestyne /**  
**Cruystraet / Landuyt / ende Heere in Oostker-**  
**ke etc. Overleden den 3. Februarii 1637.**

**Ende Hebrauwe Isabeau Triest, Urauwe van**  
**Bupfere / Schoubroeck etc. Dobagiere vanden**  
**voorn. Heere / die overleet . . . . welcke se-**  
**pul-**



**pulture by haer ende haerlieder sone <sup>gher</sup>. Ghe-  
ron Borluut, Heere vande voorn. Heerlicheneden ter  
memorie is doen macken.**

Cui superne exsculpra amborum supina simulacra, & apposita hæc eorum insignia gentilitia.

<i>Borluut, Gorges, Daman, Ke- thulle, Borluut Serfandert, Triefst, Hembisse.</i>	<i>Triefst, vander Meere, Grute- re, Hembiese, Vuytenbove, Marselaere, de Baenst, Feron.</i>
---	--

Jus Patronatus Ecclesiæ, quæ *S. Dionysio*, (ut nomen indicat) sacra, spectat ad Episcopum Gandavensem jure Bavoniani.

Univerſa pagi decima spectat ad Capitulum Cathedrale Gandavense, ex quâ Parocho solvitur annuè competentia 400. florenorum.

DICKELVENNE, antiquitus, *Ticlivinni*; ad Scaldim fluvium, qui Aldenarda Gandavum tendit medio ferè itinere, Præfecturæ Gaveranæ, Dominium Comitis Egmondani.

Ecclesia Patronum veneratur *S. Hilduardum* Episc. cui dicata est, item *S. Christianam* Virg. *Migranimi* Anglorum Regis filiam.

Porro *Hilduardus* hic loci circa annum 750. post vitam sanctè exactam glorioso fine quievit; *Christiania* verò Angelico ductu patriam fugiens *Dickelvennam* pervenit, quo in loco Sanctissimam vitam exegit, inde sævientibus Normannis sub annum 846. horum sacra ossa *Teneræmundam* translata sunt, ibique permanſerunt, ubi a multis retro seculis magna popularium religione adſervantur. De quibus plura *J. Molanus* in Not. S. S. Belgii ad diem 26. Julii & 29. Decembris.

*J. Meyerus* in Annalibus Flandriæ refert anno 750. Conditum *Dickelvennæ* Cœnobium, quod Normannorum ævo interiisse verosimile est.

Hic loci dein anno 1068. *Baldunus IV.* Flandriæ & Hannoniæ Comes fundavit, vel potius restauravit hoc Cœnobium, vocatis eo Fratribus Ord. S. Bened. ex Abbatia Aquicinctinâ, hinc translatum Gerardimontibus per *Gerardum II.* Episc. Camerac. ad annum 1081. quæ translatio instante *Roberto* Juniore sive Hierosolymitano Flandriæ Comite fuit confirmata per *Manassen Gerardi II.* Successorem ad annum 1096. uti constat ex utroque eorum Diplomate quæ protulimus in Gerardimontio.

In hoc loci tractu varias possidet agri possessiones præfata Abbatia Aquicinctina ad Scarpam fluvium Ord. S. Bened. prope Duacum, cujus hæc Abbatia erat filia, & ad quam etiam hodiè pertinet hujus Ecclesiæ Patronatus.

Decimarum participes sunt præfata Abbatia, Parochus & varii alii seculares. Præfata Abbatia tenetur per sententiam Senatus Flandriæ anno 1718. annuè solvere Parocho pro Supplemento competentia 50. florenos.

Colitur in hac Parochiali speciali cultu *S. Antonius*, ad quem Divum hic frequens fit peregrinatio.

In extremitate hujus pagi est Vicus de *Bouchout* in quâ Capella Virgini Deiparæ sacra ab Abbatia *S. S. Cornelii & Cypriani* Ord. Præmonst. Ninhovienſi dependens, quam administrat Vicarius ejusdem Abbatia, (quem  
Præ-



Præpositum vocant) quæ illic & in vicinia plurimas agri & Sylvarum possessiones potitur. Item in eodem vico est alia Capellâ Mariana quæ a febricitantibus multum invisitur.

*A. Miræus* in Donat. Belg. Lib. II. Cap. XCVI. novæ edit. profert quod *Raso de Gavere* benefacit Capellæ de Bouchout sine expressione anni ut sequitur.

Ego *Razo de Gavere*, cum filio *Razone* liberè obtuli ad Capellam de *Bouchout* in honorem S. Dei Genitricis Mariæ constructam X. Solidos annuè in festivitate S. *Dionysii* solvendo de reditu meo in *Bouchout* ad comparandum oleum, quo lampas ardere & lucere debet coram Sancto altari ad memoriâ & salutem mei, liberorumque meorum.

EDELAER, antiquum Dominium Baronis de Pamele, qui hodie *Henrici Joachimi Bernardi de Roveroit* &c. distat ad medium milliare ab Aldenardâ, Sylvam habens mirè amœnam in acclivio montis, oppidanis conspicuam.

Ecclesia Patronum veneratur S. *Martinum* Turonensem Episc. Patronatus ejus spectat ad Abbatem Eenamensem Ord. S. Bened. quæ Abbatia huic loco multum vicina est ad Scaldim fluvium.

Decima tripartita est, cujus duæ trientes spectant ad Parochum, & tertia ad præfatam Abbatiam.

In hujus pagi districtu est Sacellum insigne Virgini Deiparæ sacrum (a ceraso nuncupatum, vulgo *Onse Lieve Vrouw van Keerselaer* dictum) quod ob miracula & beneficia, quibus divina bonitas per intercessionem Virginis *Mariæ* hunc locum honorare dignatur, a peregrinantibus eò voti causâ multum invisitur & frequentatur.

Hoc Sacellum exstructum est anno 1459. & solemniter dedicatum anno sequenti per *Godefridum* Episcopum Agensem Suffraganeum *Joannis a Burgundia* Episcopi Cameracensis die tertiâ Maii.

Cultus Marianus hic loci incepit anno 1455.

EENAMUM, *Superius & Inferius*, vernaculè *Eename*. Locus hic est antiquitate & dignitate memorabilis; veteres *Iham*, & *Einam* dixere. Fuit olim oppidum & Castrum munitissimum, sedesque principalis regni Lotharici, seu *Brabantensis*, & in Eenamensis Cœnobii vicinia, teste *D. Lindano* in suâ *Teneramundâ* Lib. I. Cap. V. Rudera quædam supersunt & veteris Sacelli parietinæ quod Sacellum Lotharicii vocant, ut & ipsum locum *Lotryck* id est *Lotharii* regnum: ab arce credo, aut prætorio ibidem a Lothario structo.

Hic loci tria Monasteria seu potius templa *Godefridus* cognomento captivus, Comes Viridunensis & Eihamensis, ejusque filius *Herimannus* fundarunt circa annum 1005. deputatis Canonicis secularibus (alii intelligunt Regularibus) Tria ista templa cum Castro Eihamensi, quod *Baldunus Pius* Flandriæ Comes ab *Herimanno* Comite emerat, cum anno 1033. essent destructa, everso castro de *Eiham*, conditoque ex ejus ruinis Monasterio, *Baldunus* præfatus & *Adela* ejus uxor Benedictinis Monachis anno 1063. tradidit cum magnis Privilegiis, cui *Walbertum* ex *Vedastino* Cœnobio evocatum Abbatem præfecit, juxta versiculos ibi Vulgares.

Anno Milleno sexageno quoque tercio,  
Claustrum fundatur per te Balduin Eihamense.



*Lietbertus* Cameracensis Episcopus huic Monasterio anno 1064. immunitatis Privilegium & alia largitus est, utrumque diploma *Balduini pii* & *Lietberti* Camerac. Episc. recitat *A. Miræus* in Diplom. Belg. Lib. I. Cap. XXXI. & XXXII, novæ edit. ut sequitur.

BALDUINUS gratiâ Dei Flandrensiū Princeps Walberto Abbati, & Successoribus ejus salutem in Domino.

Rerum omnium principium & auctor Deus est, & unus verè Princeps & Dominator. Is æterno consilio & altissimâ providentiâ ita Rempublicam ordinavit suam, ut etiam in cælestibus Angelis alii præsent aliis, & inter terrenos mortales alii principentur, subjecti sint alii.

Nempe invisibilem sui arbitrii deliberationem per visibilia administrat officia Principum, qui ejus vel placito, vel permissu ordinantur ad potestatem, secundum sacram divinæ Scripturæ doctrinam. Ad hoc leges institutæ, jura, vindictæ & auctoritates, quarum rerum aut copiâ populi feliciter reguntur, aut inopiâ miserè pessumdantur.

Cùm igitur nostra nihil horum nobis comparaverint merita, ordinante tamen divinâ gratiâ, imperii principatum sortiti sumus Flandriarum, & horum qui in circuitu sunt finium, atque ne secundum nostræ mediocritatis modum auctori vitæ nostræ & perfunctionis ingrati reperiatur, tum ceteris Ecclesiis, tum & ei cui Te præfecimus legaliter, sicut Abbates constituere jus est & mos, consulentes, sedulò providemus, ut quod facimus ratum sit & firmum, ô dilecte & fidelis noster Walberte.

Damus igitur tibi tum Abbatiam de EIHAM, tum etiam res, quæ infra dicentur, solemnī dono, & hac pariter scripturâ investimus, ut post geminam investituram nihil sit, quod infirmare possit, & Chartæ hujus auctoritas sit tibi & Successoribus tuis & Abbatiae tuæ validissimum munimen, & defensio adversus omnem vel manum vel linguam, in omni nostra terra & ditione, & ubique nunc, & ultra.

Damus porrò tibi, & scripto confirmamus Eiham antiquum Castellum, sicut nos recepimus de manu HERIMANNI Comit̃is, & sicut nos hætenus quietè & solidè tenemus, & aquam totam cum toto teloneo, & cum sex mansis de terra arabili, sicut sunt siti & positi; vel pariter vel separatim, pertinent tamen ad ipsum alodium: pasturam etiam totius clivi, id est, devexi montis; quod ab orientali plaga, post æquidum Autumnale, ipsas Ecclesias respicit, & extensum porrigitur in Austrum, & cæsuram, ubi fruteta occurrunt rusticis, ad ædificandas sepes; dimidium quoque decimam de Ecclesia S. Vedasti de inferiori Eiham: ad Dysbekam tria curtilia vestita, & tres mansos de terra arabili, & dimidium; ad Marcam duo curtilia vestita, & octodecim bunarios de terra, & partem prati de eleëmosyna Arnulphi; ad Swalmam unum curtile vestitum & octo bunarios terræ, cum dimidia aqua & dimidio molendino; ad *Eppingenbem* unum curtile vestitum, & sex bunarios terræ; ad Busmaras quatuor curtilia, & quindecim bunaria inter terram & pratum cum terra Machelmi, quam tenet de eleëmosyna uxoris meæ Adelæ: in Flandris quatuor ovilia instaurata pascuis, in loco videlicet qui Paradisus nuncupatur, nunc *Provisè* dictus, quem claudit Fledum, quod dicunt Holdfledum; in Pago Atrebatensi Ecclesiam de Afilogiis, cum omni decima, quæ ad ipsam Ecclesiam pertinet, exceptâ eâ, quæ Altare sequitur; item de eleëmosyna conjugis meæ.

Ex auctoritate igitur potestatis nostræ præcipimus per omnem terram nostram & ditionem, ne quisquam de his omnibus tibi aut sancto loco quidquam detrahere præsumat, vel sibi ullatenus mancipare. Et hoc itidem per bannum nostrum interminamus: quòd si quisquam contra Deum & bannum nostrum facere præsumperit, pro banno, vel mihi, vel heredi meo duodecim marcas auri persolvat, restituens sancto loco, & tibi, vel successori tuo capitale; insuper pro suo commissio decem libris additis.

Actum apud Insulam in præsentia Magnatum nostrorum.

Abbatum,

Erckenbaldi Atrebatensis, (a)

Fulconis Corbeiensis, (b)

Bovonis de S. Bertino, (c)

Nobilium,

Hugonis & Arnulphi de Aldenarda,

Rain-

(a) S. Vedasti.

(b) In Picardia.

(c) Andomaropoli.



Raingodi de Ganda, & Gerardi, & aliorum, anno ab Incarnatione Domini nostri millesimo sexagesimo tertio, Indictione primâ, regnante Philippo annis jam duobus.

1063.

In nomine Sanctæ & Individuæ Trinitatis, Patris & Filii & Spiritûs Sancti. LIETBERTUS gratiâ Dei Cameracensium Episcopus, præsentibus loco & tempore, & futuris fidelibus, in Christo omnem salutem in æternum, & ultra.

Hominum genus, quod solum cum Angelis rationis honore præditum est, id maxime curabit rectè, ut Opificis sui laudem & gloriam magnificando, supplici devotione perpetuet, & fraternis profit profectibus. Atque hoc satis oportuno facimus modo, si Ecclesias & Monasteria aut ipsi ædificamus, aut ædificatis tale administramus adiutorium, ut non deficiat in eis laus Dei de ore hominum, & Christianæ religionis sacer cultus, unde mortales ad beatitudinem aspirant.

Est igitur in territorio Bracbatensi locus quem dicunt EIHAM, qui jam pridem satis floruerat seculariter & membris & colonis, sed & Ecclesiarum religiosâ honestate. Verùm bello insurgente & invalescente, pompæ omnes interierunt, Ecclesiarum venustas migravit; sed nondum ruina maceriæ.

Comes præterea BALDUINUS, & religiosa ejus conjux ADELA, divino caritatis spiritu visitati, in eodem loco, pro pristina reverentia Ecclesiarum, ob suam suorumque perpetuam salutem, Cœnobium ædificare cupientes, nostram adierunt mediocritatem, quatenus suum inceptum nostra adjuvaret hic indulgentia, hinc auctoritas. At nos hanc petitionem justâ ratione vigere considerantes, ad gloriam divinam, & nostram Successorumque nostrorum, futurorumque servorum Dei in eodem loco, & omnium fidelium salutem, nihil difficiles ad petita fuimus.

Indulsumus ergo Cœnobio Fratrum liberrimam ab omni parte quietudinem, ut nihil à loco, nihil ab Abbate, & à Monachis & Ecclesiis, quæ ibidem sunt, exigatur, nihil in loco & rebus eorum aliud aliquid ab aliquo disponatur & cogatur, nisi ab Abbate. Non quisquam ibi conventus, non convivia, non placita celebret aut ordinet, non quidquam vetet, nihil quidquam quilibet jubeat. Et quoniam id divinæ caritatis reverentiæ nostra humilitas suppliciter concedit, ut nihil desit ad id quod intendimus, possideant omnia Abbas & Monachi stabili jure, & sine omni perturbatione Claustra sua & Monasterium, exclusis omnibus personis penitus à dominatione & coactione eorum: & idem jus, quod beatus Antecessor noster Vindicianus loco ter & amplius B. Vedasti concedendo indulgit, hoc idem nos imitando indulgemus Eihamensi Cœnobio.

Mater quoque Ecclesia, id est, B. Vedasti, de inferiori Eiham, ab omni reditu & inquietudine quiescet; tantum tres solidos in Pascha nobis persolvat, & Decanus noster, ex consensu Abbatis, ibi Synodum in populum celebrabit.

Hic invoco Successores nostros & omnes Fratres in Christo, ut in hac auctoritatis nostræ constitutione, nihil solvi, nihil mutari, vel à se, vel ab aliquo vel patiantur vel permittant, obsecrati per sanctum & venerabile nomen Patris, & Filii, & Spiritûs Sancti.

Quod si aliquis insanâ mente hæc aliquatenus negligenter accepit, ut saltem cogitet, horum quidquam solvere ad actum, hunc divini nominis formidandâ auctoritate, & totius S. Ecclesiæ, sed & nostrâ, irrecuperabiliter damnamus, & ab omni confortio Sanctorum in hoc & in futuro seculo excommunicamus, sicuti contemptorem divinæ gloriæ, & Ecclesiasticæ reverentiæ invaforem.

Eis porro qui servaverint, & etiam augendo adjuverint, optamus & oramus fructum perpetuæ beatitudinis in Christo, & ut ratum & incommutabile deinceps in omne ævum constet, idoneorum testium & auctoritas & subscriptio subjuncta est, quorum præsentia auditu & visu omnia comprobant.

Signum Gerardi Præpositi & Archidiaconi.

S. Gerardi Senioris & Archidiaconi.

S. Guidonis Archidiaconi.

S. Gualteri Archidiaconi.

S. Franconis Archidiaconi.

S. Guarmondi Archidiaconi.

S. BALDUINI junioris Comitis.

S. Otberti.

S. Guiderici.  
 S. Gozwini.  
 S. Hugonis de Sengin.  
 S. Gualteri de Lens.  
 S. Alconis.  
 S. Hugonis, filii Willelmi.  
 S. Elberti.  
 S. Christiani.  
 S. Abbatis Erchembaldi Atrebatensis.  
 S. Abbatis Alardi \* Laubacensis.  
 S. Abbatis Guirdrici de S. Gislano.  
 S. Abbatis Alberti de Maricolis.

\* Alijs  
 Lobienis.

Ego Frater Gualbertus ex ore Episcopi legi & subscripsi.

1064.

Actum Cameraci in Synodo, anno ab Incarnatione Domini nostri MLXIV. Indictione II. regnante Henrico anno xi. Præfatus Domini Lietberti anno xiv.

Idem *Balduinus Pius* Comes Flandriæ constituit *Arnulphum* Aldenardensem Pamelæ Dominum, ejusque Successores Subadvocatos Monasterii Eenamensis anno 1064. Diploma refert idem *Miræus* ibid. Cap. XXXIII. ut sequitur.

BALDUINUS, per Dei clementiam, Princeps Flandrensi Walberto Abbati de Eiham, ejusque Successoribus salutem. Quoniam Ecclesia Eihamensis, cui præestis, à me, & à conjuge mea ADELA, præcipue fundata de mensa nostra, beneficia, quibus Monachi vivere debeant, accepit, dignum duxi Advocatiam ejusdem Ecclesiæ, in manu mea, & Successorum meorum Comitum retinere.

Sed quia vicini ejusdem Ecclesiæ nonnullas molestias ei inferunt, pro quibus ad nos sæpe recurrere vos oportet, nos verò circa curam nostri Principatus occupati, de singulis minutis rebus non valemus ad adjutorium vestrum venire, aliâ viâ aggressi sumus vobis consultum facere.

Igitur Arnulpho de Aldenarda, qui vobis vicinus est; injungimus supplere vicem nostri, in parvis tantum negotiis, nobis majora reservantes. Quod ut opportunè & fideliter agat, vel quicumque Successorum ejus Turrim Aldenardensem tenuerit, de redditibus rusticarum, hospitum, aliorumque mancipiorum Ecclesiæ, pro quibus tuendis laboraturi sunt, centum solidos, per manus Abbatum, vel Monachorum, annuatim eis dari decernimus; eâ ratione, ut nec in Ecclesia, nec in omnibus his, quæ ad Ecclesiam pertinent, quidquam juris, vel districtiōis amplius requirere præsumant.

Tanta enim libertate ipsam Ecclesiam donavimus, ut omnium hominum, & aliarum rerum, ad eam pertinentium, in tota nostra ditione, nullum alium Advocatum præter me, vel heredem meum Comitem Flandiarum, esse decreverim.

Si ergo præfatus Arnulphus, vel quisquam Successorum ejus, hanc constitutionem nostri Privilegii transgressus, bannum nostrum infregerit, pro contemptu nostro, & temeritate sua, mihi: vel heredi meo XL. marcas argenti persolveret, & Ecclesiæ, quod suum est, restituet.

Actum est hoc apud S. Audomarum, præsentem conjuge meâ Adelâ, filiis meis Balduino & Roberto, Bovone Abbate S. Bertini, Hugone, Arnulpho de Aldenarda, Reingoto de Gand, anno Domini MLXIV.

1064.

Abbatia Eenamensis sita est medio ferè milliari ab Aldenardâ habens ad Orientem & Meridiem Sylvas & montesperquam jucundos, ad Occidentem & Aquilonem flumen Scaldim & prata mirum etiam suâ amoenitate placetia, neque defunt fontes & arvus.

Anno 1139. dejecta est vetusta Eenamensis Ecclesia, & incepta est nova a *Snellardo* Abbate VI. Introducta est in hoc Monasterio Reformatio *Bursfeldis* anno 1522. & aggregatum est aliis exemptis Benedictinorum in Belgio Mo-



Monasteriis anno 1620. & rem promoventibus Belgarum Principibus *Alberto & Isabellâ*.

Abbatia Eenamenfis plurima in agro Antverpienfi, nominatim in pago *Turnino* (vulgo *Deurne*) vicinifque locis jura & prædia poffedit, fimulque hujus loci animarum curam, quæ Coenobitis S. Michaelis Antverpiæ viâ emptionis anno 1308. a præfatis Eenamenfibus tranfcripta funt, quæ Abbatia S. Michaelis hodie ibidem poffidet. Tabulas hujus tranfcriptionis profert *Baro le Roy* in Not. Marchionatus S. R. I. Cap. I. & ex eo Supplem. Dipl. *A. Mirai* fequitur.

Universis præfentes Litteras inſpecturis, GERARDUS Dei patientiâ Abbas, & corundem Monasterii Eyhamenſis Ordinis Sancti Benedicti Cameracenſis Diœceſis, salutem in Domino ſempiternam.

*Ex Notitiâ  
Marchio-  
natûs S. R.  
I. authore  
Barone le  
Roy.*

Noverint univerſi, Nos ex urgenti neceſſitate ſolutionis debitorum noſtrorum vendidiſſe, effectuaſſe, tradidiſſe, ac perpetuo quitaviſſe, de conſenſu Virorum Venerabilium Vicariorum in ſpiritualibus & temporalibus Venerandi in Chriſto Patris Domini Domini P. Dei gratiâ Cameracenſis Epifcopi in remotis agentes omnia & ſingula bona noſtra, jura, juridiſctiones, & minores juſtitias quocumque nomine cenſeantur, quæ habebamus vel habere potuimus, & Nobis ſeu noſtro Monasterio competiverunt aut competere potuerunt, in Parochiis de *Deurne*, de *Borsbeeck*, de *Weſele*, de *Wynegem*, de *Wommelgem*, & de *Mercxem*, decima quæ de *Godtſenboven*, vulgariter nominatur, & bona quæ in *Deurne* deur. H. Ecchove dumtaxat exceptis, Religioſis viris Abbati & Conventui Monasterii S. Michaelis Antverpienſis Præmonſtratenſis Ordinis, pro certa parte ab eiſdem Abbate & Conventu in numerata pecunia plenariè perſoluta, & in ſolutionem noſtrorum debitorum totaliter converſa, prout hæc, & alia in noſtris Sigillis & Dominorum Vicariorum Sigillo ſigillatis, dictiſque Religioſis a nobis traditis plenius continentur.

Quæ quidem bona promiſimus & promittimus ipſis Viris Religioſis ab omni onere, ſervitio, calumpnia, penſionibus annuis, & quâlibet aliâ impeditiōe libera declarare & purgare, & ſpecialiter de receptione canum venaticorum Excellentie Principis I. Dei gratiâ Lotharingæ, Brabantie & Limburgie Ducis, quam in Hova noſtra apud *Eeckhove* præfata perpetuo aſſignamus: eandem Hovam ad hoc ſpecialiter onerantes & obligantes.

In cujus rei teſtimonium Sigillum noſtrum præſentibus Litteris duximus apponendum, ſupplicantes inſuper Dominum Ducem, quatenus omnia præmiſſa, approbare, laudare, warandare & quantum in ipſo eſt ratificare dignetur. Et ob hoc ſuum Sigillum noſtris Litteris præſentibus apponere.

Et nos *Joannes* Dei gratia Dux Lotharingæ, Brabantie & Limburgie, ad ſupplicationem Abbatis & Conventus Monasterii Eyhamenſis prædicti præmiſſa omnia & ſingula quæ in Nobis funt, laudamus, approbamus & ratificamus, & dicto Abbati & Conventui Monasterii S. Michaelis Antverpienſis legitime warandare promittimus.

Et ob hoc Sigillum noſtrum & in teſtimonium omnium præmiſſorum Litteris præſentibus duximas apponendum. Datum anno MCCC. VIII. Die Diviſionis & Apoſtolorum.

1308.

Seculo IX. per deſtructionem & vaſtationem Normannorum antiquum Monasterium *S. Fredegandi* quod fuit *Turnini* vaſtatum fuit; at aliud ibidem a Lotharingæ Ducibus ibidem fundatum eſt, illud Eenamum tranſlatum fuit anno 1063. ex quo illa bona Turnini vicinifque in locis poſſederunt Eenamenſes.

Hæc Abbatia Eenamenſis non ſolum ſuperioribus ſeculis, ſed etiam noſtrâ ætate graves & diras belli ruinas & calamitates perpeſſa eſt, atque hunc tractum variarum gentium exercitus multum vaſtarunt & depopulati funt. Cæterum anno 1708. die 11. Julii e regione hujus Abbatie ex altera parte Scal-



dis & in vicinia Aldenardæ infelicitè ab Gallis & Hispanis contra Foederatos præliatum est.

Dominium pagi tam Superioris quam inferioris *Eename* est Abbatis hujus Monasterii. Nundinas habet hic locus multum celebres postridiè *S. Laurentii*, in quibus omnis generis merces, & magna copia equi undequaque hic liberè inferuntur.

Ecclesia Parochialis Superioris Eenami (in quo sita est hæc Abbatia) *D. Laurentio* Mart. sacra est, at Inferioris Eenami *S. Vedasto* Episc. Atrebatensi. Utriusque Ecclesiæ Patronatus spectat ad Abbatem hujus Monasterii, & potitur ubivis decimis.

Anno 1618. unitum est Eenamum inferius in spiritualibus. Superiori Pastori datùr annuè portio congrua ab hac Abbatia.

Sequentem exactam seriem Abbatum Eenamensium, ac infra-scripta diplomata, & alia suis locis exhibita, hæctenus inedita, nobis gratiosè & benivolè communicavit Abbas Eenamensis.

## ABBATES EENAMENSES.

Ex Archi-  
vis Abba-  
tia.

- I. W ALBERTUS, primus Abbas, Assumptus ex Abbatia S. Vedasti Anno 1063. hic cum aliquamdiu præfisset, reliquit hanc Abbatiam desertam, & reversus est ad suam Abbatiam.
- II. L AMBERTUS I. assumptus ex Abbatia S. Bertini anno 1085.
- III. L AMBERTUS II. ex eadem Abbatia S. Bertini, qui ambo in Cœnobio Einamensi mortui, & Sepulturam adepti sunt.
- IV. T ANCARDUS. Vixit anno 1098. & 1101. non multo post iter Romanum assumpsit; sed in ipso itinere mortuus est.
- V. G ISLEBERTUS, Religiosus Abbatia Affligemienfis, dein Anno 1131. Abbas S. Petri Blandiniensis. Mortuus ibidem anno 1138.
- VI. S NELLARDUS, ex Cœnobio Affligemienfi postulatus Abbas. Hic destructâ veteri Ecclesiâ, anno 1139. novam exstruxit Basilicam Einamensem, exinde Abbatialem dignitatem exiit, & rediit Affligemium.
- VII. W ILMELMUS, qui Abbatiam hanc valdè tenuem in temporalibus invenit. Hic cum Theodorico Alsatio Flandriæ Comite ad bellum sacrum profectus est.
- VIII. A RNULFUS, ex Monacho & Priore Affligemienfi ab Einamensibus in Abbatem postulatus est, cum diu laudabiliter rexisset, ab Affligemienfibus in Abbatem repetitus est anno 1168. hic attulit caput S. Cælestini Papæ anno 1160. & eodem anno interfuit translationi corporis D. Cypriani Episc. & Mart. Rothnaci. Mortuus est Affligemii anno 1177.
- IX. G ISLEBERTUS II. ex Cœnobio Affligemienfi postulatus. Hic cum Reformationem Ordinis Cisterciensis introducere moliretur, plures passus est difficultates, tandem exauthoratus ad Cistercienses transiit.
- X. L AMBERTUS III. assumptus ex Abbatia S. Bavonis Gandensis, ubi Prior hujus Cœnobii fuerat.
- XI. L AMBERTUS IV. ex Conventu hujus Cœnobii in Abbatem assumptus, postea onus & dignitatem deponens ad Cistercienses transiit.
- XII. W ALTERUS II. Hic Abbatiam Eenamensem ædificiorum amplitudine de-

decoravit, tandem in Capitulo Eenamensi honorificè sepultus est anno 1206.

XIII. SIGERUS, ex Cœnobio Affligemienſi in Abbatem aſſumptus eſt, qui etiam in Capitulo condignam adeptus eſt ſepulturam anno 1227.

XIV. HENRICUS DE LONGO AGRO, vernaculè *Lanck-Velt*, qui plenus dierum obdormivit in Domino, Sepultus eſt ante Capitulum anno 1245.

XV. ARNULFUS II. Vir ſtrenuus & deſenſor hujus Eccleſiæ, Abbatiali curâ renuntians, poſt aliquot annos mortuus eſt in Senectute bonâ anno 1260.

XVI. BALDUINUS. Hic Abbatiam Eenamensem in redditibus & ædificiis ampliavit, poſtremo ad Cameracensem Episcopum perrexit, in reditu apud Tornacum mortuus eſt, & in Eccleſiâ Eenamensi honorificè ſepultus eſt ante altare S. Joannis Baptiſtæ.

XVII. GERARDUS I. præfuit annis XXXIII. & mortuus eſt plenus dierum.

XVIII. JOANNES DE MONTIBUS, ex Hannoniâ. Obiit anno 1300.

XIX. ÆGIDIUS dictus de SCHENDELBEKE.

XX. GISLEBERTUS DE JONGHE, Religioſus S. Petri Blandiniensis, vir in temporalibus & Spiritualibus expertus.

XXI. JOANNES II. ex Conventu hujus Monasterii in Abbatem aſſumptus, annis præfuit XXXIII. Obiit anno 1366.

XXII. JOANNES YSERMAN, omnium votis electus fuit ex hoc Monasterio in Abbatem, qui per Curiam Romanam confirmatus & benedictus eſt. Obiit anno 1390.

XXIII. GERARDUS GUISE, rexit Monasterium annis IV. Sepultus ante ostium Chori majoris obiit anno 1393.

XXIV. JOANNES DE THORALTO, dum XVI. annis præfuiſſet, mortuus eſt Sexagenarius anno 1420.

XXV. GODEFRIDUS DE SCORNACO, viâ reſignationis promotus in Abbatem, mortuus octuagenarius: Sepultus in tumbâ ſuâ anno 1465.

XXVI. WILHELMUS FABRI, Abbas digniſſimus, & quaſi novus fundator dici meretur, præfuit annis XXIV. vita functus anno 1491.

XXVII. GERARDUS III. ex Affligemio poſtulatus. Obiit & ſepultus eſt in Lotharingiâ in Eccleſiâ *B. Mariæ* anno 1497.

XXVIII. GODEFRIDUS DE BRACLE, receptor *D. Gerardi* ſui prædeceſſoris, & Præpoſitus, electus in Abbatem anno 1497. tranſtulit anno 1529. Rothnaci ex veteri feretro in novum Reliquias *S. Hermetis* Mart. Obiit plenus dierum ſenex anno 1538.

XXIX. OTHO AB HASTEN, Religioſus Affligemienſis a *Carolo V.* Cæſ. datuſ Coadjutor prædeceſſori. Obiit anno 1551.

XXX. PETRUS DE BECA. Obiit anno 1556.

XXXI. GERARDUS CANNART, ex Affligemio eligitur in Abbatem anno 1556. & moritur 7. Decembris anno 1559.

XXXII. ANTONIUS BYGIUS, hujus Cœnobii Prior, electus eſt in Abbatem Anno 1560. 24. Julii. Obiit ſequentis menſis die 5. ante benedictionem.

XXXIII. GABRIEL BACQUET, plurimas ſub ejus Præſulatu calamitates perpeſſa eſt Abbatia per iconoclaſtas. Obiit anno 1582. die 10. Julii rediens Atho Aldenardam: Sepultus in Eccleſiâ ibidem de Pame-



le in medio Chori ante summum Altare tamquam Patronus Ecclesiæ.

XXXIV. SIMON DE WARLUSEL, antea Abbas S. Adriani in Gerardimonte, inde electus Abbas Eenamensis, inauguratus 15. Novembris anno 1582. Obiit Gandavi 12. Novembris anno 1587. sepultus est in Choro Ecclesiæ de Pamele.

XXXV. JACOBUS DE LANNOY, qui collapsum Monasterium restauravit, moritur Aldenardæ die Conceptionis B. M. V. Sepultus ibidem in Choro Ecclesiæ de Pamele anno 1593.

XXXVI. CAROLUS PHILIPPUS DE RODOAN, Abbas administrator, dein Episcopus Middelburgensis, dein Brugenfis. Obiit in hac Abbatiâ anno 1616. die 7. Julii. sepultusque est partim in Conventuali Ecclesiâ, partim Brugis apud S. Donatianum.

XXXVII. HUGO D'ENGHIEN. obtinuit pro se & Successoribus a *Paulo V.* anno 1618. Mitram & Pontificalia: Præfuit annis XXI. Obiit Aldenardæ 29. Julii anno 1637. Sepultus in Conventuali Ecclesiâ Eenamensi.

XXXVIII. PETRUS ERNESTUS GARNIER hujus Abbatiæ Religiosus, per annos XXI. Præpositus tandem electus Abbas, præfuit annis XIX. Obiit anno 1657.

XXXIX. ANTONIUS LOOSE Bruxellensis, ex Priore inauguratus Abbas anno 1658. Vitâ excessit anno 1682.

XL. IGNATIUS DU SMET, Alostanus ex familiâ ibidem consulari, præfuit annis XXI. mortuus anno 1703.

XLI. ENGELBERTUS BUSLEYDEN, Bruxellensis ex Priore electus Abbas. Vitam exiit anno 1709.

XLII. LAURENTIUS REYNGODT, Brugenfis ex Priore inauguratus Abbas anno 1703. in Congregatione generali Eenamensi anno 1720. electus Præses & Visitator Monasteriorum Benedictinorum in Belgio. Hic Abbatiam plurimum renovavit, & decoravit. Hodie laudabiliter præest.

*Odo Episcopus Cameracensis confert anno 1110. Abbatiæ Eenamensi Ecclesiam de Pamelie in Aldenardâ.*

In nomine Sanctæ & Individuæ Trinitatis, Patris & Filii & Spiritus Sancti. Quoniam tanto quis gloriosorem apud dominum obtinebit remunerationem quanto studiosiorem circasacræ Religionis cultum adhibuerit Sollicitudinem, dignum duxi ego *Odo* Dei gratia Cameracensium Episcopus, in diœcesi nostrâ loca, quæ non erant religionis, quantulacumque potui virtute religioni dedicare. Itaque cum venerabilis Comes Flandriæ *Robertus* cum conjuge suâ *Clementia* nomine suo digna, in territorio nostro licentiam novæ Capellæ construendæ in Novoburgo apud Aldenardum supplici petitione requirerent, & ad opus atrii partem terræ determinatam liberam ab omni jure suo fecissent, annuente filio suo *Balduino*, ac *Mathilde* filia *Arnolfi* junioris Aldenardensis, quam terra eadem jure hæreditario contingebat, assensum dedi, accepta prius licentia a *Godefrido* in cujus erat Parochiâ sub testimonio Canoniorum suorum Ronnaensium *Gilleberti* scilicet, *Thietbaldi* & aliorum. Considerans etiam ferventissimum animum cujusdam viri timorati *Litberti* & uxoris suæ *Sigilindis* ad instaurationem ejusdem loci, cum Archidiacono ipsius Parochiæ *Radulfo* & quibusdam Abbatibus, & non parvâ multitudine Cleri, ac plebis ad ipsum locum accessi, & atrium a legatis Comitis Lamberto videlicet & *Aselino* designatum in honorem Domini nostri *Jesu Christi*, ejusque piissimæ Genitricis *Mariæ* consecravi, concedens baptisterium & sepulturam & cætera Parochialia jura eidem loco jure perpetuo, & ita finem ipsius Parochiæ dividens, quidquid diuturnior cursus fluminis Scaldi a citeriori termino se-



parat cum prato quod adjacet in jus terminale prædictæ Ecclesiæ cedat. Hanc quoque eandem Ecclesiam ab omnibus Episcopalibus obsoniis absolutam & solemnè libertate donatam Eihamenfi Ecclesiæ, & paternæ providentiæ dilecti filii *Gileberti* ipsiusque successorum prædictæ Ecclesiæ Abbatum ita subdere curavi, ut secundum augmenta elemosynarum, & possessionum, adaugeri debeat & numerus monachorum inibi Domino nostro *Jesu Christo* ejusque piissimæ Genitrici servitutorum. Ad quorum usus Altaria ista \* de Edelar & Leupengem, de Folkegem libera & imperfonata contradidi assensu & consilio ejusdem Parochiæ Archidiaconi *Rodulfi* & parentum suorum pro se recompensationes æternæ animarum Cameracensium Episcoporum; sed hoc tali conditionis nata facere procuravi quatenus Abbas prædictæ Ecclesiæ & annua obsonia Episcopo, ejusque ministris persolvat, & Synodali convocationi intersit, & Presbyteri eisdem altaribus servituri ab Episcopo curam animarum suscipiant. Ut autem firmum & inconvulsam hujus libertatis donatum permaneat, quisquis hoc sciens infringere tentaverit, Anathematis gladio percussus usque ad condignam satisfactionem marcescat, & præsens pagina cum Sigilli mei impressione, tum autentica testium subscriptorum annotatione corroborata non deficiat. Signum Rodulfi, Anselmi, Theodorici, Everardi Archidiaconorum. S. Fulgentii Abbatis. S. Sigebardi Abbatis. S. Ade Abbatis, S. Walberti Isenensis. S. Erriebaldi Cameracensis Præpositi, S. Gerardi, Mazelini, Hugonis, Joannis, Rynardi Cameracensium Canonicorum. Actum est hoc anno Incarnationis Dominicæ M. C. X. Indictione III. Episcopatus Domini Odonis anno III.

\* Pagi sunt  
in Vicinia  
Aldenardæ.

*Paschalis II. Papa idem facit an. 1116.*

Paschalis Episcopus Servus Servorum Dei Dilecto filio Gilberto Eihamenfi Abbati salutem & Apostolicam benedictionem. Oratorium S. Dei Genitricis Mariæ, quod in Cameracensis Episcopatu penes Novum Burgum apud Aldenardam a Religiosis conjugibus Lebberto & Sigelinde fundatum est, nos inter cætera Eihamenfis Monasterii membra cum universis appendiciis suis juxta eorundem fundatorum vota sub tutelâ Apostolicæ sedis pro tuâ petitione suscipimus. Volumus ergo ut oratorium ipsum ab Episcopalibus obsoniis absolutè in tuâ tuorumque successorum provisione permaneat & Parochialia jura ita liberè sicut ab Odone Cameracensi Episcopo constitutum, scriptum & confirmatum est, obtineat.

Porro illam fundatorum devotionem rationabiliter & stabiliter præcipimus observari, ut secundum augmenta Eleemosynarum, & possessionum adaugeri illic ad Dei servitium debeat & numerus monachorum. Nulli ergo liceat eundem locum, & ejus res temerariis vexationibus infestare, ut fratres illic commorantes Deo valeant quietius deservire. Datum Anagninæ XV. Kal. Novembris, Indictione IX.

*Nicolaus Cameracensis Episcopus confert Abbatia Eihamenfi Anno 1138.*

*Altaria de Bassilgi, de Tongra B. Mariæ & medietatem*

*Altaris S. Martini de Tongra.*

In nomine Domini *Nicolaus* divinâ miseratione Cameracensium Episcopus tam futuris quam præsentibus in perpetuum debitâ officii nostri commonemur ut justis petitionibus acquiescentes prosperis Ecclesiarum successibus invigilemus, proinde petitioni venerabilis fratris nostri Snellardi Eihamenfis Ecclesiæ Abbatis piè condescendentes Altare de Bassilgi, Altare de Tongra Beatæ Mariæ, medietatem altaris de Tongra S. Martini libera & sine persona salvis nostrorum & ministrorum nostrorum debitis, consilio Clericorum nostrorum eidem Ecclesiæ Eihamenfi concedimus. Ut autem hæc illibata & inconvulsa præfatæ Ecclesiæ permaneant data conservantibus benedictione, in prævaricatores quoad resipuerint, Excommunicationis sententiam enuntiamus, atque canonica subsignatione & sigilli nostri subimaginatione hujus nostri decreti paginam assignamus. Signum Theodorici eorundem Altarium Archidiaconi S. Joannis Alardi, Theodorici Archidiaconorum. S. Guidonis Præpositi. S. Gerardi Decani & Archidiaconi, Guidonis, Galteri, Gueremboldi. Item Gueremboldi, Willelini, Hugonis, Rotberti, Herewardi, Radulfi, Bartholomei, Eustacii Canonicorum. Actum Anno Incarnati Verbi M. C. XXXVIII. Indictione XV. Præsulatus Domini Nicolai secundo.

Ego Gueremboldus Cancellarius recensui.

TOM. II

Sss

Nota



Nota. Prædicta Altaria sunt hodie in Archiepiscopatu Cameracensi propè Athum Hannoniæ oppidum.

*Clemens III. Papa confirmat anno 1190. Abbatia Eihamensis  
Altaria de Roesbeke & de Dorne.*

Clemens Episcopus servus Servorum Dei, dilectis filiis Abbati & Conventui de Eiham salutem & Apostolicam benedictionem. Justis petentium desideriis dignum est nos facilem præbere consensum, quod vota quæ a rationis tramite non discordant effectu prosequente complere. Eapropter dilecti in Domino filii vestris justis postulationibus grato concurrentes assensu Altare quod in Ecclesiâ de Roesbeke in Episcopatu Tornacensi, & Altare de Dorne quod in Episcopatu Cameracensi Canonice estis adepti, sicut illa justè & sine controversia possidetis, devotioni vestræ auctoritate Apostolica confirmamus & præsentis scripti patrocinio communimus. Nulli ergo omnino hominum liceat hanc paginam nostræ confirmationis infringere vel ei ausu temerario contraire. Si quis autem hoc attemptare præsumperit indignationem omnipotentis Dei, & Beatorum Petri & Pauli Apostolorum ejus se noverit incursurum. Datum Lateran. XV. Kal. Julii Pontificatus nostri anno III.

Roesbeke, hodie Roosbeke in Dioecesi Gandavensi altero lapide a Cortraco.

Dorne hodie Duerne propè Antverpiam. Possident hunc Pastorum eumque administrant Cœnobitæ S. Michaelis Antverpiæ.

*Eugenius III. Papa confirmat possessiones & Privilegia Abbatia  
Eenamenfis Anno 1148.*

Eugenius Episcopus servus Servorum Dei, Dilectis filiis Snellardo venerabili Abbati Eihamensi ejusque Successoribus regulariter substituendis in perpetuum. Quociens illud a nobis petitur, quod Religioni & honestati convenire dignoscitur, animo nos decet libenti concedere, & petentium desideriis congruum impertiri suffragium. Eapropter, dilecte mi in Domino fili Snellarde Abbas justis postulationibus clementer annuimus, & prædecessorum nostrorum *Alexandri & Paschalis* bonæ memoriæ Romanorum Pontificum vestigiis inhærentes, *S. Salvatoris* Monasterium cui Deo auctore præfides & tam adjacentem ei Villam quam cætera omnia ad ipsum pertinentia sub *B. Petri* & nostrâ protectione suscipimus & præsentis scripti privilegio communimus, statuantes ut quascunque possessiones, quæcumque bona idem monasterium in præsentiarum justè & Canonice possidet, aut in futurum concessione Pontificum, largitione Principum, oblatione fidelium, seu aliis justis modis Deo propitio poterit adipisci, firma tibi successoribusque tuis & illibata permaneant, in quibus hæc propriis duximus exprimenda vocabulis.

In Episcopatu videlicet Cameracensi (1) Ecclesiam S. Laurentii & S. Vedasti, pasturam montis eisdem Ecclesiis adjacentis. In Novoburgo apud Aldenardum (2) Cellam S. Mariæ cum Parochiâ suâ liberâ cum Ecclesiis ad eam pertinentibus, id est (3) *Edelar*, *Luepeghem*, *Folkenghem* cum Ecclesia S. Mariæ de superiori *Horenbeke*, Ecclesiam (4) de *Cervia* cum servis & ancillis ad eam pertinentibus, totam villam (5) *Helbekam* cum Ecclesiâ & omnibus pertinentiis suis, Ecclesiam (6) de superiori *Bracela*, Ecclesiam (7) de *Wenlines*, Ecclesiam de (8) *Cimberfaca*, Ecclesiam de (9) *Melcines*, Ecclesiam de (10) *Mortfela* cum appendiis suis, Ecclesiam (11) de *Boucla S. Bavonis*, Ecclesiam de (12) *Tongra B. Mariæ*, jus quod habet in *S. Martini de Tongra*, Ecclesiam de (13) *Bassilgi* & medietatem ejusdem villæ.

In Episcopatu Tornacensi Ecclesiam, de *Harrizam*, Ecclesiam de *Merch*.

In Episcopatu Trajectensi Capellam *S. Mariæ Langbeca*.

In Episcopatu Atrebatensi duas partes decimæ messium de *Affiligiis Wlpra* & *Wilhelval*, in Flandriâ quatuor (14) *Bercarias* in loco qui paradisus dicitur, duas partes allodii de *Bossuut* supra Scaldam fluvium, Curiam de *Buri* cum allodio, Curiam de *Geron* cum terrâ Gerardi Camerarii, Curiam de *Astruis*, allodium de *Rugis*.

Quidquid vero libertatis & immunitatis ab Episcopis sive Principibus eidem monasterio rationabiliter collatum est, vobis nihilominus confirmamus. Obeunte vero te, nunc ejusdem loci Abbate, vel tuorum quolibet successorum, nullus ibi qualibet sur-

rep.



reptionis astutia seu violentia præponatur, nisi quem Fratres communi consensu vel Fratrum pars concilii sanioris secundum Dei timorem & Beati Benedicti Regulam de suo vel alieno, necesse fuerit collegio elegerint. Illud quoque adjungimus, ut vestri monasterii Advocato facultas non sit pro se personam aliquam in Advocatiâ supponere, per quam bona prælati Cœnobii dissipentur; sepulturam quoque ejusdem loci liberam esse decernimus, ut eorum qui se illic sepeliri deliberaverint devotioni & excommunicati vel interdicti sint, nullus obstat, salvâ enim justitiâ matricis Ecclesiæ. Si vero Cameracensis sedes vel vacat, vel Catholicum, quod absit, non habet Episcopum, liceat vobis a quovis Catholico Episcopo Consecrationum Sacramenta suscipere.

Si qua igitur in futurum Ecclesiastica sæcularive persona hanc nostræ constitutionis paginam sciens, contra eam temerè venire tentaverit secundo tertioque communita, si non congrua satisfactione emendaverit, potestatis honorisque sui dignitate careat, reamque se divino judicio existere de perpetrata iniquitate cognoscat, & a Sacratissimo corpore & Sanguine Dei & Domini nostri Jesu Christi aliena fiat, atque in extremo examine districtæ ultioni subjaceat. Cunctis autem eodem loco justa servantibus sit pax Domini nostri Jesu Christi, quatenus & hîc fructus bonæ actionis percipiant, & apud districtum judicem præmia æternæ pacis inveniant, amen. Datum Remis per manum Guidonis S. Romanæ Ecclesiæ Diaconi Cardinalis & Cancellarii III. Nonas Aprilis, Indictione XI. Incarnationis Dominicæ an. M. C. XLVIII. Pontificatus vero Domini Eugenii III. Papæ anno IV.

*Notæ hujus Diplomatis.*

(1) Ecclesia S. Laurentii, est in Eename superiori, in quo sita est Abbatia. Ecclesia S. Vedasti est in Eename inferiori.

(2) Cella B. Mariæ in Novoburgo. Hodie est Ecclesia in Aldenardâ.

(3) Hodie Edelaer, Luepeghem, Volckegem, & Horenbeka B. Mariæ, pagi sunt in viciniâ de Aldenardâ.

(4) *Cervia*, *Chievre* vetus Baronatus, & Hannoniæ Urbecula, distans Atho milliari, Sacello D. Virginis & Miraculis celebris.

(5) *Helbeka* hodie *Helbeque*, pagus inter Athum & Angiam Hannoniæ oppida.

(6) *Superior Bracla*, Vernaculè *Op-Brakel*, pagus in Comitatu Alostano ad limitem Hannoniæ in Decanatu Gerardimontensi.

(7) *Wenlines*, hodie *Weldene* ad Scaldim fluvium; in Decanatu Rothnacenfi.

(8) *Cimberfaca*. Hodie *Semmersake* ad Scaldim fluvium, propè Gaveram.

(9) *Melcines*, *Melsene* ad Scaldim fluvium Prioriloco vicinus in Episcopatu Gandavenfi.

(10) *Môrtfela*, *Moorzele* pagus in Decanatu Oordegemienfi.

(11) *Boucla S. Bavonis*, hodie *Boucla S. Blasii* in Decanatu Rothnacenfi.

(12) *Tongra B. Maria* in Hannonia propè Chievre, locus miraculis Deiparæ clarus, cui vicinus est *Tongra S. Martini* ambo in Archiepiscopatu Cameracensi.

(13) *Bassilgi*, hodie *Bassilli*, pagus inter Athum & Angiam in Archiepiscopatu Cameracensi.

(14) *Bercaria*, locus *Berbicibus* alendis idoneus, alius tamen ab *Ovili*, prædii species etiam cum certâ agri quantitate. Vide *Du Cange* in Glossario Lat.

ELST, altero lapide ab Aldenardâ, antiquum Dominium Baronis de Pamele jam nominati.

Ecclesia tutelarem colit S. Apolloniam Virg. & Mart. cujus cultus & visitatio hic plurimum viger. Patronatus spectat ad Capitulum Rothnacenfe, quod possidet duas partes decimarum hujus pagi, tertia pars portio Parochi est.

Deservitur hæc cura Pastoralis per Pastorem de Michelbeke.

ERMELGHEM, Antiquitus *Hermelegem*, ad Scaldim fluvium Præfecturæ Gaveranæ, Dominium Comitis Egmondani.

In hoc pago Dominium est, quod suam jurisdictionem ac bassam (ut loquuntur) justitiam habet, spectat ad illustrem familiam Gandavensem in quâ Princeps Issegemienfis illud possidet, qui suum ibi ponit Prætorem & Scabinos super realibus jus dicentes.

Ecclesia Patronum veneratur S. Mathæum Apost., in eâ jus Patronatus spectat ad Abbatem Aquicinctinum Ord. S. Bened. ad Scarpam fluvium, ad quem spectat hujus pagi decima.



Deservitur per Pastorem Swalmæ omnium Sanctorem qui singulis diebus XIV. exceptis festis Marianis in eâ divina peragit, qui percipit a præfatâ Abbatiâ annuè competentiam XX. Librarum Flandric.

ETICHOVE. medio milliari ab Aldenardâ, ibi Castellum visitur spectabile Dynastæ. Dominium quondam *Joannis de la Deuze*, qui ex *Margareta de la Motte* d'Inghoyeghem genuit *Franciscum* Dominum de Etichove patrem *Jacobæ* ex *Agnete de la Hamayde*, dicta d'Anvaing, filiâ *Adriani* & *Agnētis de Herzelles*. Hæc *Jacobæ de la Deuze* hanc Toparchiam in dotem attulit marito suo *Joanni de Kerckhove* Equiti Anno 1635. qui filius erat *Judoci de Kerckhove* Domini de *Vaulx*, nepos vero *Guilielmi* & *Isabellæ de l'Espinoy*, sororis *Philippi de l'Espinoy* Consilarii Cæsareæ Majestatis & Ecclesiæ *B. Rumoldi* Mechliniæ Decani defuncti 19. Julii 1557. & *Caroli de l'Espinoy* Domini de la Chapelle S. Ulric, quorum mentionem facit *R. P. Joannes Baptista Sollerius* in actis *S. Rumoldi* pag. 122. & 139. *Joannis* filius Dominus de Etichove duxit *Mariam Joannem de la Faille*, modo viduam *Francisci d'Ongnyes* Baronis de Courrieres gubernatoris Aldenardensis.

Hinc *Joannes Franciscus de Kerckhove*, modernus Dominus de Etichove, de la Deuze, & Vaulx, qui ductâ filiâ Baronis de Exaerde numerosa prole beatur. In *S. Michaelis* Gandavi pendet armarium honoris hujus familiæ cum VIII. hisce quarteriis.

*Kerckhove, De Berch, l'Espinoy, Nigri,  
Heurne, Heylbrouck, De Moor, Quickelberghe.*

Et infra leguntur sequentia.

**Ter eeren van Godt almaghtich / ende syne  
Weerdighe Goeder / en tot gedenckenisse van  
Joncker Joos van Kerckhove, Heere van Vaulx /  
Zoone van Joncker Guiliaume, de welcke naer  
langhe ende veele lofselycke diensten / als eersten  
Secretaris deser Stede ghedaen / ryp van jaer-  
ren / ende deughden overleden is den XI. van  
Mey XV<sup>c</sup>. XXIIII. Ende van Jonckvrouwe  
Joanna van Heurne, syn huysvrouwe / eenighe  
dochter van Joncker Jacques, in wien het man-  
nelyck hoir van wapenen ende oude geslachte  
van Heurne geent syn / deweltke overleden is  
den XIX. Julii 1637. Bidt voor de Zielen.**

Ecclesia tutelarem colit *S. Brixium* Turonensem Episc. Ejus Patronatum gerit Abbas Lætiensis Ord. S. Bened. in Hannoniâ.

Decimarum participes sunt pro unâ parte præfata Abbatia cum Parocho,  
pro

pro altera Abbatia Vallis Virginum Aldenardæ, & pro parte tertiâ Dynasta.

Anno 1712. Parochus, conventione inita cum præfatis Decimatoribus, cessit suas inibi decimas, qui ipsi annuè solvere tenentur pro sua portione, congruâ summam 500. flor.

**HORENBECA S. CORNELII**, vernaculè *Ste. Cornelis Hoorebeke*, primo lapide cum dimidio ab Aldenardâ, Præfecturæ Scornacensis, Dominium Comitis Egmondani.

Ecclesia ut nomen præfert colit *S. Cornelium* Papam & Mart. Patronatus ejus spectat ad Abbatem Nihoviensem Ord. Præmonst. qui gaudet posteriori parte decimarum, reliquæ spectant ad Parochum & varios seculares.

Deservitur hæc cura Pastoralis per Pastorem Horenbecæ *S. Mariæ*.

**HORENBECA B. MARIÆ**, Præfecturæ Scornacensis, Dominium Comitis Egmondani.

Ecclesia ut nomen indicat *B. Mariam* Virginem Deiparam ut Patronam veneratur. Patronatus ejus spectat ad Abbatem Eenamensem Ord. S. Bened. Item Decima, & in iis Parochus habet suam portionem.

**KERCKEM**, primo lapide cum dimidio ab Aldenardâ. Hoc Dominium spectavit in fine sæculi XIV. ad *Laurentiam de Eefene*, quæ obiit 13. Januarii anno 1450. hæc nupsit *Joanni de Rocquengien* filio *Joannis* militis & *Mariæ de Cabillau*: a quo nati *Ludovicus*, *Margareta* & *Robertus* Toparcha de Montifaut, Kerckem, De le Heyde & Etichove, qui duxit *Isabellam vander Gracht*, defunctam 10. Augusti anno 1480. horum filia *Judoca de Rocquengien* Domina de Kerckem, & de le Heyde uxor fuit *Judoci Blondel de Joigni* Domini de Pamele defuncti anno 1509. filii *Odoardi* & *Isabellæ d'Escornaix*, quorum posterii memorantur infra sub pago Meldene.

Hodie ejus Dominium est gentis de *Vinacourt* & in eâ Comitis de *Vlete-re*, constituit cum Marcke unum tribunal.

Ecclesia inscripta est *S. Petro* Apost. Patronatum ejus gerit Præpositus Capituli Rothnacensis. Decima spectat ad Parochum.

**LATHEM B. MARIÆ**, Præfecturæ Gaveranæ, Dominium Comitis Egmondani.

Ecclesia ut nomen præfert tutelarem habet Virginem Deiparam, sub Patronatu Capituli Cathedralis *D. Bavonis* Gandavi.

Decima est tripartita, cujus una triens spectat ad præfatum Capitulum, altera triens ad Ecclesiam, & tertia ad Parochum.

Deservitur per Pastorem Swalmæ omnium Sanctorum, qui singulis diebus XIV. hic rem divinam peragit & omnibus festis Marianis.

**LUEPEGHEM**, in vicinia Civitatis Aldenardæ a quâ vix distat horæ quadrante ad Scaldim fluvium, antiquum Dominium Baronis de Pamele ante nominati.

Ecclesia tutelarem veneratur *S. Amandum* Tungrensem Episc. ejus Patronatum gerit Abbas Eenamenfis Ord. S. Bened.; ad quam Abbatiam spectat hujus pagi decima & ex iis annuè solvitur Parocho integra competentia.



MARCKE, primo lapide ab Aldenarda. Hoc Dominium primitus habuit Dynastas sui nominis, deinde se subinde intitularunt de *Lummene*, subinde de *Marcke*: Ex familia de *Lummene* transiit in familiam *Adorniam* Patriciam apud Genuenses, quæ Brugas ante aliquot secula advenit, hodie Nobilis familiæ de *Vinacourt*, & in eâ Comitis *DeVleter*.

Constituit cum Kerckem unum tribunal.

Brugis in Ecclesiâ de *Jerusalem* exstat. Sepulchrale Monumentum *Hieronymi Adorne* Dynastæ de *Marcke* cum hac inscriptione.

*Cy gist Messire Jerosme Adorne, Chlr. Sr. de Niewenhove, Nieuwliet, Vive, Marque, Marquillies, Polvoorde, Baereghem, Walle, Overmalsache, Gentilhomme domestique de la sacrée Ma<sup>te</sup>. de Charles V. Empereur des Romains lequel tresp. en l'an de Grace 1558. le 11. d'Octobre.*

Ecclesia inscripta est *S. Eligio*. Ejus Patronatus spectat ad Abbatem *Lætiensem* Ord. *S. Bened.* in *Hannonia*.

Decima est tripartita, cujus una triens spectat ad præfatam Abbatiam, altera triens ad Capitulum Cathedrale *B. Mariæ Tornacense*, & tertia ad Parochum.

Ibidem loci quadrante horæ ab Ecclesiâ est Capella *D. Virginis* sacra vulgo *Ten Berge*.

MATERNA, vernacule *Matere*, primo ferè lapide ab Aldenardâ, Præfecturæ Schornacensis, Dominium Comitis Egmondani.

Priorissa seu Mater Nosocomii Aldenardensis habet ibidem suum Majorem & Scabinos, super realibus jus dicentes.

Ecclesiæ tutelariorum est *S. Martinus* Turonensis Episc. Ejus Patronatum gerit Abbas *S. Petri* in Monte Blandinio Gandavi, qui & opulentissimas in hoc loco possidet decimas. Pastor in iis suam habet portionem, & pro Supplem. competentia annuè percipit a præfatâ Abbatiâ 50. libras Flandr. Et Vice Pastor 25. Libras.

Anno 998. *Arnulphus* Comes Gandavenfis cum *Lietgarda* uxore suâ & duobus filiis suis Ecclesiam in Villa de *Materne*, hodie *Matere*, Monachis Blandiniensibus dono dedit. Diploma refert *A. Du Chesne* in probationibus familiæ Gandavenfis pag. 50. & ex eo profertur in Supplem. Diplom. *A. Miræi* parte II. Cap. XXII. novæ edit.

In nomine Patris & Filii & Spiritûs Sancti, Sanctæ & Individuæ Trinitatis, amen.

Cum satis notæ traditioni teneatur hoc præsens seculum æternaliter non habere subsistere, nec vitam hominis perpetualiter in eo manere, honestam eam utilitatem Christiana providit sibi devotio, illuc unumquemque tendere, ubi futurus æternus foret cum Deo: atque cum universis hoc arduum iter difficile foret scandere, Salvator omnium bonis actibus illuc currendo facile statuit perveniri eleemosynas facientibus, & pauperes Christi sublevantibus, cum maximè hiis qui terrenis patrimoniis cælestes thesauros heredarunt.

Quapropter Ego in Dei nomine ARNULFUS gratiâ Dei Comes, unâ cum Coniuge LIETGARDA, & Filio ADALBERTO consequi cupiens portiunculam beatitudinis cum hiis, qui patrimoniis suis Domino legaliter traditis cælestem pervenerunt ad hereditatem, salubre hoc visum est, ut ex bonis mihi à Deo clementer collatis, aliquam mihi providerem æternæ beatitudinis portionem.

Id-

Idcirco ad Monasterium *Blandinium* vocabulo, à sanctæ memoriæ Amando Patre in primitus constructum, & in honore Principis Apostolorum Petri, Doctorisque Gentium Pauli consecratum, processu verò temporis ab ARNULPHO glorioſo Marchiſo nobiliori funditus reædificatum ædificio, pro remedio animarum noſtrarum, ad prædictum locum Deo Sanctoque Petro perpetuò poſſidendum contrado allodium meum id eſt Eccleſiam in Villa *Materna*, cum omni integritate ad ipſam pertinente, in culturis, terris, mancipiis hiſ nominibus dictis, Goſelino, Otberto, Odulfo, Lamberto, Stemaro, Udone, Riperto, Theoderico, Tietboldo, Gherberto, Thielino, Uthelrico, Gerluida, Benemuf, Adulwino, Baldrico, Litardo, Bertſuinda, Berengero, Adalwit, & reliquis omnibus ad ipſam Eccleſiam pertinentibus, cum omni poſteritate eorum, & quidquid ſperetur pars hujus Eccleſiæ.

Hæc omnia à præſenti in futurum jugi ævo poſſidenda ipſis famulis Dei Regularibus inſtitutis in eodem Cœnobio ſervientibus contrado: quatinus hæc abſque ullius refragatoris inſeſtatione hereditariò poſſideant, quo expeditiores ſint in exequendis mandatis ſecundum Regulam Sancti Benedicti ſibi traditis, atque pro me meiſque Prædeceſſoribus Domini devotiùs exorent clementiam.

Si quis autem de Succeſſoribus meiſ, heredibus, aut proheredibus, injurioſus contradictor, ſeu quælibet extranea perſona huic Traditioni meæ contraire voluerit, in primis Dei Omnipotentis & Sancti Petri, & Sanctiſſimæ Virginis Amalbergæ, cujus etiam cognoscitur prædicta poſſeſſio extitiſſe, deinde omnium Sanctorum incurrat iram & offenſam, æternæque maledictioni ſubjaceat, ac tam iniqua præſumptio non obtineat effectum, ſed hæc nunc Traditio firma permaneat.

Actum publicè Verbi Incarnati anno DCCCXCVIII. Indictione XII. ROBERTO Rege regnante in Francia, Domno Abbate Rodboldo regente idem Cœnobium.

998.

Signum ipſius ARNULFI, qui hanc Traditionem fecit, & firmari petiit.

S. BALDUINI Junioris Marchiſi.

S. ADALBERTI Comitis, Filii Arnulfi.

S. THEODERICI Comitis, Filii Arnulfi Comitis.

S. Balduini,

S. Huberti:

S. Walcheri,

S. Geldolfi & Filii ejus.

S. Walkeri,

S. Stephani,

S. Widonis,

Item Stephani,

Heregaudi,

Aſſerici,

Bernardi,

Goteri,

Gerardi,

Lietberti,

Item Lietberti,

Gonteri,

Ego quoque Wicardus Monachorum indigniſſimus, vidi, & notavi.

Ex hoc Diplomate conſtat quod olim hujus loci Domina fuerit, ejuſque Patrimonium *S. Amalberga*, uti & in ejus vitâ vernaculo Sermone conſcripta refert *Jacobus Hendricx*. S. T. L. Parochus in Merlebeke.

Eſt in Eccleſiâ de Maternâ etiamnum Capellania Caſtralis titulo *S. Amalbergæ* in memoriam habitationis *S. Amalbergæ* munificentiſſimè dotata, in Patronatu Domini Scornaceniſis, ad honorem hujus ditionis, quam diva ſuo domicilio cohoneſtavit, non minus quam priſci Lotharingiæ Principes. Ejuſdem Divæ exſtat ibidem juxta cœmiterium inſignis Capella.

Hic pagus eſt permagnæ & vaſtæ extensionis, complectitur ſerè M. CC. terræ bonaria, & copioſum habet populum, numerat enim M. Communi- cantes.



MELDEN, Gallis *Meaulne*, primo lapide ab Aldenardâ ad Scaldim fluvium. Caput est Dynastiæ inter duos amnes *Marcam & Rosnam*, a Curiâ feudali Heinsbergenfi in Ducatu Juliacenfi dependentis. Cæteri pagi sunt Nieukercke, Marcke, Kerckem, Berchem, Quaresmont, Sulfike, Etichove &c. Hæc Dynastia ab *Isabellâ de Aldenardâ* Dominâ de Pamele pervenit ad filium *Guilielmum de Mortaigne* Berum Flandriæ, occisum in pugnâ Cressiacâ. Anno 1346. sine liberis: cujus soror *Maria de Mortaigne* Flandriæ Bera Domina de Pamele, eandem Dynastiam transmisit ad filium *Joannem Du Fay* dictum Aldenardensem a *Meyero* ad annum 1379. memoratum, in cujus præjudicium *Jolanthis de Mortaigne Mariæ* soror, maritum suum *Goswinum de Helnoit* in hominem feudalem terrarum inter *Marcam & Rosnam* a *Godefrido* Domino Heinsbergenfi Anno 1368. recipi procuravit. Tandem mortuo *Joanne Jolanthis* ejus amita, has ipsas terras donavit & cessit Anno 1384. filio suo *Ludovico de Kefnoit*, qui similiter periit sine liberis in prælio de Azincourt Anno 1415. eique successit soror *Maria du Quesnoy* Flandriæ Bera, Domina de Pamele, cui Dominus Heinsbergenfis Anno 1416. terras inter *Marcam & Rosnam* in feudum ac verum homagium concessit, uxor fuit *Joannis Blondel* Domini de Nery & Cantelem, quorum filius natu major *Joannes Blondel* harum terrarum investituram quidem accepit anno 1421. sed prævaluit donatio propter nuptias facta a matre filio natu minori *Odoardo* ducenti anno 1419. *Isabellam d'Escornaix*. Hic *Odoardus* Dominus Pamelæ & terrarum inter *Marcam & Rosnam*, propriis expensis reparari curavit Anno 1437. Monasterium Viridis Vallis in Sylvâ Zoniâ. A quo natus *Judocus Blondel* in iisdem terris investitus anno 1456. Ejus filius ejusdem nominis, dictus *Joigny*, harum terrarum investituram accepit Anno 1510 habuitque Sororem *Joannam Blondel*, dictam *Joigny*, uxorem *Philippi vander Gracht* Domini de Melfene, in Concilio Flandriæ Senatoris, defuncti Anno 1545. *Jacobus Blondel* dictus *Joigny* Judoci filius Baro de Pamele in iisdem terris investitus fuit 1. Octobris Ao. 1556. & improles obiit Anno 1574, a quo dicta Baronia de Pamele, cum Dominiis de Meldene & Nieukercke devenit ad *Annam vander Gracht* præfati *Philippi* filiam, & ab illâ ad gentem de *Locquengien*. Siquidem *Annæ* filius *Philippus de Locquengien* Baro de Pamele, post gravissimas lites in magno Senatu Belgico ventilatas, tandem arresto lato 2. Junii 1618. præactas Toparchias obtinuit. Fratrem habuit *Antonium de Locquengien*, patrem *Caroli* Baronis de Melsbroeck. *Philippo* successit *Guilielmus de Locquengien* Baro de Pamele, a quo natus *Philippus Franciscus*, qui Toparchias de Meldene & Nieukercke vendidit anno 1651. *Gaspari Francisco vander Heyden*, quarum investituram accepit Anno 1652. quemadmodum ejus filia *Barbara Antonia Augustina vander Heyden* Ao. 1693. quæ modo nupta est *Joanni Adriano* Baroni *De Bylant*, cujus stemma Genealogicum invenies apud *C. Butkens* in Annalibus Genealogicis familiæ de *Lynden* pag. 372. Ita extractum ex actis & probationibus operosæ litis de Toparchiis Meldene & Nieukercke in Magno Senatu Belgico.

Ecclesia inscripta est *S. Martino* Turonensi Episc. Patronatus ejus spectat ad Capitulum Metropolitanum *B. Mariæ* Cameracensē.

Decima spectat ad idem Capitulum, in quâ Parochus suam habet portionem.

MEYLEGEM, Præfecturæ Gaveranæ ad Scaldim fluvium. Dominium Comitum Egmondani.

Ec-

Ecclesia Patronum colit *S. Martinum* Turonensem Episc. Patronatus ejus spectat ad Archiepiscopum hujus Dioecesis jure Ordinario.

Universa ferè hujus pagi decima spectat ad Parochum.

Hæc Cura Pastoralis longo temporis tractu deservita est per Pastores de Berleghem, sed anno 1701. proprium facta est Parochum.

MICHELBEKE, Præfecturæ Sottegemienfis. Dominium pridem gentis Egmondanæ, a qua illud circa medium præcedentis sæculi titulo emptionis acquisivit cum Dominio de *Oudenhoven B. Mariæ, Petrus de Blondel* Sanctioris Concilii Senator, dein Præses, in quâ stirpe hætenus perseverat.

Ecclesia dicata est *S. Sebastiano* Mart. Ejus Patronatum gerit Cantor Ecclesiæ Collegiatæ *S. Hermetis* Rothnaci. Decima est tripartita cujus duæ trientes spectant ad præfatum Capitulum, tertia triens portio Parochi est.

NUYKERCKE, Latinè *Nova Ecclesia*, primo lapide ab Aldenardâ, vetus Dominium Baronis de Pamele. Vide de eo latius sub pago de Melden supra pag. 260.

Ecclesia dicata est Virgini Deiparæ in Cælos Assumptæ, sub Patronatu Capituli Metropolitanæ Cameracensis, ad cujus Capitulum spectat hujus pagi decima, exceptâ portione Parochi; olim propter numerosum populum in spiritualibus dismembrata a Parochiâ de Melden, ratione cujus dicta est nova Ecclesia, eique hoc nomen adhæsit.

PAUWE-LATHEM, Latinè *Lauthem Parvum*, Præfecturæ Gavranæ, Dominium Comitis Egmondani.

Ecclesiæ tutelaræ est *S. Gangulphus*. Decima est tripartita, duæ trientes spectant ad hanc Ecclesiam, altera triens est Parochi, quæ pridem partim spectavit ad Capitulum *S. Crucis* Cameraci cum Patronatu Ecclesiæ: Verum hanc decimam cum Patronatu anno 1701. præfatum Capitulum cessit Curæ Pastoralis, uti similiter dictum in Pago de Berlegem, a cujus Parochio deservitur.

QUARESMT, primo lapide cum dimidio a Rothnaco & altero ab Aldenardâ, nuper Dominium Principis Nassavii, quondam gentis de Ligne, quod per nuptias *Ernestinæ* Principis de Ligne cum Joanne Comite Nassavio, in illustrem stirpem Nassaviam devenit cum *Orroir, Sulseke & Ruyen*, quæ loca huic multum vicina sunt, constituentes simul unum tribunal & unum Magistratum excepto *Orroir*.

Anno 1715. emptionum tabulis illa Dominia acquisivit *D. Joachimus de la Serre* Cantor & Canonicus Ecclesiæ Cathedralis Gandavenfis, qui obiit anno 1717.

Ecclesia tutelarem colit *S. Amandum* Tungrensem Episc. Patronatus ejus spectat ad Abbatem *S. Theodoric* prope Remos in Galliâ, quæ Abbatia cum anno 1695. annexa est mensæ Archiepiscopali Remensi, eo jure utitur præfatus Archiepiscopus.

Decima est bipartita, cujus hodiè una medietas est Parochi, nam ea pars, quæ fuit præfatæ Abbatiae *S. Theodoric*, dein pretio vendita est anno 1335. a præfatis Monachis Benedictinis, Monialibus Ord. *S. Claræ* de Peteghem cum aliis bonis, cessa est anno 1706. Parochio, altera medietas spectat ad varios seculares.



ROOSBEKE, Præfecturæ Scornacenſis, Dominium quondam gentis *Lummeniorum*, modo Comitſ Egmondani.

Eccleſia Virgini Deiparæ inſcripta eſt ſub Patronatu Abbatis *S. Petri* Gandavi. Decima eſt tripartita, cujus una triens ſpectat ad hanc Abbatiam, altera ad Eccleſiam, & reliqua ad Parochum.

Olim hæc Eccleſia fuit appendix de *Weyligem*, erecta dein propter numeroſitatem populi in Parochialem, & ſenſim aucta eſt, adeo ut licet *Weyligem* ſit Matrix Eccleſiæ Roosbecanæ, ea ſenſim decreverit, hæc autem ſurrexerit, & ſupergraſſa ſit tandem matrem.

ROSIGNIES, vernaculè *Roofenaken*, antiquitus *Ruffignies*, medio milliari a Rothnaco, ad fines hujus Dioceſeos & limitem Hannonicum, ad *Rofnam* fluvium, vetus peculium gentis *Montmorenciæ*. Incolæ utuntur linguâ Gallicâ.

Eccleſia *S. Amando* Episc. ſacra eſt ſub Patronatu Capituli Rothnaceniſis. Decima ſpectat ad præſatum Capitulum & Parochum.

RUYEN. De hoc Dominio vide ſupradicta in pago de *Quaresmont*.

In ſacris hic pagus longo temporis tractu adminiſtrata fuit per Paſtores de Berchem, a quâ Parochiali diſtat integro milliari verſus limitem Hannonicum & numeroſiorem eo habet populum, eſtque majoris extensionis quam pagus de Berchem, complectitur enim 785. bonaria terræ.

Anno 1715. zelo & indiſtriâ incolarum hujus loci, conſtructum eſt in eo a fundamentis novum templum Parochiale, dicatum *S. Cornelio* Papæ & Mart. Patronatus ejus ſpectat ad Abbatem *S. Theodoric* juxta Remos in Galliâ; quæ Abbatia cum anno 1695. annexa eſt in perpetuum menſæ Archiepiſcopali Remenſi; eo jure utitur præſatus Archiepiſcopus.

Decima pro potiori parte ſpectat ad hanc Abbatiam, reliqua ad varios ſeculares, Paſtori de Berchem qui hætenus illius curam habuit, ſolvitur annuè ex præſatæ Abbatiae Decimis integra portio congrua.

Vetus Baronatus.

SCORNACUM, Gallicè *Eſcornaix*, vernaculè *Schooriſſe*, Antiquus Baronatus, Præfecturæ Schornaceniſis caput, primum familiæ cognominis, dein per plura ſecula Procerum Gaveranorum Dominium, inter quos multum eminet *Arnoldus de Gavere*, plurimum carus *Joannæ* Flandriæ & Hannoniæ Comitiffæ, quem ad Flandriæ & Hannoniæ gubernacula adhibuit durante captivitate *Ferrandi* ſui mariti in Galliâ anno 1214.

*Ludovicus Maleanus* Flandriæ Comes anno 1378. præter Equeſtrem balteum, etiam Baronis titulum *Arnulpho de Gavere*, Domino de Schoriſſe & de Croiſelles, conferendum omnino cenſuit, propter inſignem Aldenardæ contra Gandenſes novatam operam.

Deinde fuit Scornacum ſeculo XV. per nuptias *Joannæ de Gavere* Dominae de Scornaco cum *Simone de Lalaing*, Domino de Montigni illuſtris familiæ de *Lalaing*, a quâ item ſeculo XVI. jure nuptiali *Florentii de Berlaimont* cum *Margareta* Comitiffa de *Lalaing*, Domina de Scornaco tranſiit in prænobilem familiam de *Berlaimont*. Ejus Epitaphium exſtat in libro *des Armoiries de la Toiſon d'or* pag. 28.

Inde *Ludovicus* Comes Egmondanus Eques Aurei Velleris &c. itidem per nuptias *Mariæ Margaretæ* Comitiffæ & hæredis de *Berlaimont* anno 1621. illud ſuæ ſtirpi Egmondanæ aſſeruit, in quâ illuſtri ſtirpe hætenus perſeverat.

Arx hic olim splendida & valida commodaque fuit, latâque in gyrum fossâ cingebatur; at nunc ferè vetustate & incuriâ collabescit, cujus Schema exhibet A. Sanderus in Flandriâ Illustratâ tom.II. prout erat circa medium præcedentis seculi.

In Ecclesiâ hujus Parochialis exstant Sepulchralia monumenta Dynastarum sequentia cum hisce inscriptionibus.

In Sacello *S. Mariæ Magdalænæ* ad dextum Chori latus.

*Cy gist Madame Jaquelinæ de Gavere, Dovagiere de Sotteghem, Dame d'Escornaix, Romagies &c. Veufve de Noble & puissant Seigr. Jean de Luxemburg, Seigr. du dit lieu, qui trespassa en Portugal l'an 1486. le dixseptieme du mois d'Avril, & la dite Dame trespassa l'an 1505. le seisieme du mois de Mars. Priez pour leurs ames.*

Quarteria,

*Luxembourg, Melun, Beaulx, Abbeville.  
Escornaix, Ligne, Aumont, Barbanfon.*

Ad finistram Chori partem.

*Cy gist Arnoul de Gavere, Chlr. Seigneur d'Escornais & de Dieudonne, & Romagies & de Frayel, qui trespassa l'an de grace 1476. le 2. de Septembre.*

*Cy gist Sibille de Ligne, Dame d'Escornaix, de Dieudonne & Romagies, & de Frayel, que trespassa l'an de grace 1468. le 26. Juillet. Priez pour leur ames.*

*Cy gist Ernoul de Gavere, Chlr. Seigneur d'Escornais & de Dieudonne, & de Romagies, & de Frayel, qui trespassa l'an 1463. Priez Dieu pour son ame.*

*Cy gist Marie d'Aumont, Epouse au dessus dit Sr. heretiere de Brakele & de Sallardinghe, que trespassa l'an dessus dit 1. d'Octobre.*

In Ecclesiâ Abbatiae Belloprati Virginum Ord. Cisterc. in Urbe Duacenâ exstat sequens Epitaphium.

*Cy gist Messire Charles premier Comte de Lalaing, Baron d'Escornaix, Seigneur de Brakele & de S. Aubin en Douay en son temps Conseiller & Chambellan des treshaut & trespuissant Prince Maximiliain Roy de Romains, de Don Philippe de Castille, & de l'Empereur Charles V. du nom, Chevalier de l'Ordre de la Toison d'or, Gouverneur & Capitaine du Chasteau & ville d'Audenarde, fit plusieurs voyages tant en*



guerre qu'en paix. Et sudit sa femme Jaqueline de Luxembourg, eurent plusieurs beaux enfans ensemble & ayant toute sa vie vécu Catholicquement comme vraye amateur de Noblesse, trespas sa Chevalier sans reproche a l'aage de 59. ans au dit Chasteau d'Audenarde le 18. de Juillet 1525.

Epitaphium Caroli de Lalaing II. Comit̃is de Lalaing visitur in Ecclesiâ S. Aldegundis pagi de Lalaing, & profertur in libro *Le Blason & Armories de la Toison par Maurice* pag. 133.

Aldenardæ apud Recollectas in Choro solebat exstare monumentum Sepulchrale Joannis de Gavere Domini de Schornaco cupreâ laminâ obductum cum militari ejus effigie & hac Epigraphe.

*Cy gist Messire Jehan de Gavere Sr. d'Escornay. Obiit Anno 1301. 29. Martii. Cy gist Dame Willeme de Wavrin sa femme.*

Item ibidem aliud monumentum Sepulchrale cum hac inscriptione.

*Cy gist Haut & Noble Messire Arnoul de Gavre, Chlr. Sre. d'Escornay & Daschare. Obiit anno 1316. 18. Septembris.*

*Et Haute & Noble Dame Cathline de Rode Dame d'Escornay, & Daschare. Obiit Anno 1314. 12. de May.*

Quoad rem sacram Ecclesia Patronum veneratur S. Petrum Apost. titulo ad Vincula, sub Patronatu Abbatis S. Amandi Ord. S. Bened. ad Scarpam fluvium.

Decima est tripartita, cujus una tertia spectat ad præfatam Abbatiam cum pluribus agri possessionibus, altera tertia ad Parochum, & restans tertia ad varios seculares, nisi quod de tertiâ hujus tertiæ sit quæstio inter hæredes Dominici van Huffel & Pastorem de Kerckem.

Ibidem exstat Hospitale pauperum infirmorum titulo S. Margaretæ. Fundavit illud anno 1420. Margareta de Ghisella Domina Schornacensis, in Choro Ecclesiæ Parochialis sepulta, vidua Arnoldi de Gavera, quæ pluribus bonis hoc Hospitale dotavit, eamque foundationem confirmavit Joannes de Gavera Episcopus Cameracensis huic Hospitali Moniales aliquot Ord. S. Augustini præfunt. Curam hujus Hospitalis gerit Archiepiscopus hujus Diocesis, & computus bonorum fiunt a Priorissâ coram solo Archiepresbytero hujus districtus, & duabus Sororibus ex senioribus.

In hoc Hospitali adventantes olim excipiebant peregrinos. In eo est Capellania a Dominis fundata, cujus possessor ad quinque missas in singulis anni hebdommades tenebatur, quemadmodum & in ipso castro, & Ecclesiâ Parochiali Scornacensi titulo S. Mariæ Magdalene omnes Castrales. In Ecclesiam Parochialem munifica cum primis fuit, eique varia beneficia assignavit Jaqueline de Gavera Domina de Sottegem & Scornaci, quæ obiit Anno 1505. cujus Epitaphium supra exhibuimus.

SEGHELSEM, olim in Diplom̃atibus Singulfi-villa, & signanter in Di-

Diplômâte anni 1150. quo *Eugenius III.* confirmat bona & possessiones Abbatiae Lobienſis in Supplem. Diplom. *A. Miræi* parte III. cap. LV. Pagus eſt Præfecturæ Scornaceniſis, Dominium Comitis Egmondani, diſtans a Scornaco medio milliari.

Eccleſia tutelarem colit *S. Urſmarum* Epifc. ſub Patronatu Abbatis Lobienſis Ord. S. Bened. ad Sabin fluvium.

Decima eſt tripartita, cujus una triens ſpectat ad hujus loci Parochum, reliquæ duæ trientes ad præfatam Abbatiam.

In Chronico Lobienſi, Gallico idiomate edito per *Ægidium Waulde*, Montibus 1628. 4. poſt vitam *S. Urſmari* pag. 356. legitur quomodo ſeculo IX. per incurſiones Normannorum bona & poſſeſſiones Abbatiae Lobienſis in pluribus locis direpta & vaſtata fuere, præcipuè pagus *Singulſi-Villa* (hodie Segheſſem) propè Aldenardam, ubi erat Eccleſia dicata *S. Petro* & *S. Urſmaro*, proviſa XII. Canonicis ibidem inſtitutis & fundatis; ita ut ibidem nil remaneret niſi ruina. Memoria hujus vaſtationis adhuc recens erat tempore *Fulcuini* Abbatis Lobienſis anno 966. qui narrat, quod certa perſona adhuc in vivis erat, de quâ non exiſtat aliud indicium quàm ſolummodo ejus nomen, qui appellabatur vulgo *Brouderkin*, quem nos diceremus *Frère*, ſive latine *Frater*, qui dicebat ſe cognoviſſe hos Canonicos, & quod ipſorum Præpoſitus vocaretur *Sparnanus* vel *Sparniatus*. Ita præf. Chron. Lobienſe. Eadem ferè leguntur in geſtis Abbatum Lobienſium, authore *Fulcuino* Abbate Cap. XVI. in Specilegio d'Achery novæ edit. Pariſ. 1723. tom. 2. pag. 735.

SULSIKE, milliari cum dimidio ab Aldenardâ. Dominium olim gentis de *Ligne*, dein jure dotali ad Naſſavios devenit, uti latius dictum in pago de Quareſmont; inde anno 1714. emptione illud acquiſivit *Joachimus de la Serre* Cantor & Canonicus Cathedralis Gandavenſis, conſtituit cum Quareſmont & Ruyen unum tribunal.

Eccleſia Patronum veneratur *S. Joannem* Apoſt. & Evang. ad portam Latinam, Patronatus ſpectat ad Capitulum Metropolitanum Cameracenſe, ad quod ſpectat hujus pagi decima, in quâ Parochus ſuam habet portionem.

SWALMÆ MONACHORUM, vernaculè *Munnincx Swalm*, vetuſt peculium Abbatis Bavoniani, in cujus juribus ſucceſſit Epifcopus Gandavenſis, fertur fuiſſe Patrimonium *S. Bavonis*. Situs eſt hic pagus ad rivulum *Swalmam* qui non longe hinc ſeſe in Scaldim exonerat.

Hic pagus eſt ex illis XXII. qui proprium Comitis vocantur Vernaculè *s<sup>d</sup> Graven-propre*.

Eccleſiæ tutelaris in hoc loco eſt *S. Mathæus* Apoſt. ſub Patronatu Epifcopi Gandavenſis. Decima ſpectat ad Capitulum Cathedrale Gandavenſe, ex qua ſolvitur Parocho integra competentia.

Exiſtat ibidem Sacellum quod vulgo vocatur *Ste. Pieter ten Berghe*.

*A. Miræus* in Donat. Belg. Lib. I. Cap. XVII. novæ edit refert Diploma quo *S. Henricus* Imp. anno 1003. confirmat poſſeſſiones Monafterii *S. Bavonis* Gandeniſis, in quo inter cætera recenset. „ In pago Bragbatenſi „ Villam *Swalmam*, cum Eccleſiis duabus & omnibus adjacentibus ejus. ”

SWALMÆ OMNIUM SANCTORUM, ſive *Swalma Inferior* Vernaculè *Neer-Swalm*, vulgo *Alder Heyligen Swalm*, primo lapide cum



dimidio ab Aldenardâ, ad Rivulum *Swalm*, Præfecturæ Gaveranæ, Dominium Comitis Egmondani.

Ecclesia inscripta est omnibus cæli Sanctis, quorum festum die 1. Noyembris ad lucrandas in eâ largas Pontificias Indulgentias magnâ celebritate, devotione, & populi affluentia celebratur.

Patronatus hujus Parochialis spectat ad Archiepiscopum hujus Dioeceseos, jure Ordinarii. Decima universa spectat ad Parochum.

**VOLCKEGEM**, medio milliari ab Aldenardâ. Jurisdictio Suprema, quam altam justitiam vocant, spectat ad gentem *Triestiam* Dominos de *Ruddershove*, qui modo *Theodorus Triest* Vir Nobilis & Consularis Gandavensis, Dominium secundarium sive Bassa Justitia spectat ad Baronem de *Pamele*.

In Ecclesiâ Parochiali *D. Jacobi* Gandavi legitur sequens Epitaphium.

**Hier licht begraven Edele ende Weerde Jan van Kethulle, F<sup>o</sup>. Jans, in syn leven Heer van Assche / ende Volckegem / die starf den 25. dach van November Ao. 1524. Ende Gejonckbr. Margriete vander Poorten F<sup>a</sup>. Franchoven, syn geseluede / die starf den 8. dach van Sept. 1538.**

Quarteria.

Kethulle, Onredens, Vander Poorten, Dixmude.

Ecclesia tutelarem colit *S. Martinum* Tungrensem Episc. sub Patronatu Abbatis Eenamensis.

Decima in tres dividitur partes æquales, quarum una spectat ad præfatam Abbatiam Eenamensem, reliquæ duæ ad Parochum. Deservitur per Pastorem de Edelaere, a quâ Parochiali vix distat horæ quadrante.

**WELDENE**, olim *Wenlines* in Diplomatribus, primo lapide ab Aldenardâ ad Scaldim fluvium qui Gandavum tendit, duobus jam olim Dominis dominatur, unde duo ibidem sunt tribunalia, habentque suam jurisdictionem locis & personis distinctam. Unum Dominium est Comitis Egmondani ratione sui Baronatus Scornacensis, alterum est, quod nuper fuit familiæ *N. D'Hane*, quod acquisivit titulo emptionis a *Guilielmo Ernesto a Gandavo*, Baronis Arcis *S. Joannis* vulgo *St. Jans Steene* ex familia Gandavensi. Hoc Dominium anno 1715. emptionis tabulis devenit ad *Nicolaum Overstraeten* Mercatorem Alostanum, pretium fuit 13000. flor.

Ecclesia dicata est *S. Martino* Turonensi Episc. sub Patronatu Abbatis Eenamensis, dono *Odonis* Episc. Camerac. anno 1110. ut patet ex hoc Diplomate. Decima spectat pro potiori parte ad hanc Abbatiam, in quâ Pastor habet octavam partem & universas decimas lini; in Novalibus vero per primum triennium integras decimas, quæ dein devolvitur ad præfatam Abbatiam, in quâ ut ante habet octavam partem.

In nomine Sanctæ & Individuæ Trinitatis. Odo divinâ miseratione Cameracensium humilis Episcopus, præsentibus & futuris in perpetuum. Cum a Salomone qui ait fili memorare in omnibus novissima tua, & in æternum non peccabis. Ad animarum ædificationem invitemus generaliter nobis, quibus est Ecclesiarum commissa sollicitudo, specialius est insudandum, ne ea quæ Spiritus Sancti gratiam parvitatî nostræ gratis credita sunt gelidè dispensem, cum secundum Apostolum omnibus, maxime domesticis fidei milericordes & benefici esse debeamus. Proinde ad animæ nostræ & prædecessorum nostrorum salutem. Communicato Archidiaconorum nostrorum & Clericorum consilio. Reverendi filii nostri Gileberti Eihamensis Abbatis petitioni condescendentes Altare de *Wenlines* Salvis per omnia nostris & ministrorum nostrorum debitis, liberum & impersonatum Ecclesiæ Eihamensi assignamus. Eo utique canonicæ institutionis tenore. Ut Consilia nostra Abbas adeat, & Presbiter qui in eo cantaturus est curam de manu nostra recipiens, nobis & ministris nostris de Synodalibus respondeat.

Ex Archi-  
vis Abba-  
tie Eihamensis.

Ad hanc igitur traditionis nostræ immunitatem perpetuo consistendam. In prævaricatores anathematis gladium denudamus, atque subsignato canonicorum nostrorum testimonio, per hanc sigilli nostri subimaginationem insignimus. S. Radulfi, Johannis Antelli Archidiaconorum. S. Erleboldi Præpositi. S. Erleboldi Decani. S. Baldوين. Mazelini Canonicorum. Actum est hoc Anno Incarnati Verbi M. C. X. Indictione III. Præsulatus vero Domini *Odonis* Anno V.

WEYLEGEM, Dominium Comitis Egmondani, pagus exiguæ extensionis & magis Vicus quam pagus dici potest, complectitur enim tantum sub se 74. terræ bonaria, & incolas habet perpaucos.

Ecclesia tutelarem habet *S. Margaretam* Virg. & Mart. Ejus Patronatus est Abbatis *S. Petri* Gandavi.

Olim fuit Matrix Ecclesiæ Roosbecanæ quæ ævo isto dicebatur Capella de Weylegem, modo Roosbecca matrem supergressa est, & superavit. Deservitur a Pastore de Bost.

## FINIS DECANATUS ROTHNACENSIS.





# HISTORIA

## SACRA ET PROFANA

### ARCHIEPISCOPATUS

### MECHLINIENSIS.

---

#### DECANATUS OORDEGEMIENSIS.



**B**ALEGEM, Antiquitus *Badelgem*, Præfecturæ Rodensis, dudum spectavit ejus Dominium ad Dynastam ditionis Rodensis, de gente *Rodrigues*, nuper jure uxorio ex eâ gente devenit ad *Ignatium de la Tour Tassis & Joannem Baptistam de Heccart Dom. de Meaulne*, Consulem oppidi Aldenardensis. Constituit cum pago de Scheldewiendeke & Moortzele unum tribunal. Hic pagus est magnæ extensionis, continet enim ferè mille bonaria terræ.

In Balemio situm est Dominium de *Bottele* cum Prætorio ab aliquot seculis possessum a gentilibus de *Bette*, quod dein per nuptias *Elisabethæ de Bette* cum *Ludovico de Rodoan* Domino de Berleghem devenit in familiam de *Rodoan*, inde viâ emptionis in familiam *D'Hane*, in quâ illud hodie possidet *Sebastianns d'Hane De Bercè* Senator Concilii Flandriæ.

Visitur in eodem pago Toparchia, & vetus Prætorium, quod splendidum olim fuit, vulgo *Eesseghem* vel ipsis parietinis & ruderibus suis adhuc hodiè exstantibus multum conspicuum, spectans ad gentiles de *Bette*, qui modo Marchio de Lede.

In Ecclesiâ Cathedrali Gandavi visitur Monumentum ex nigro marmore perelegans, cum hac inscriptione.

D. O. M.

Generis Nobilitate animique virtute Clariss. Viro ac *D. Simoni Bette* Domino a Bottele, domi & militiæ magnis muneribus perfuncto, ejusdemque Conjugi Dnæ. *Eleonoræ de Watripont*, ab antiquâ prosapia Nobilis Matronæ, desideratiss. suis parentibus mæsti liberi posuerunt. Obiit ille Anno XV<sup>c</sup>. LIII. Nov. 2. Hæc vero Septemb. 2. XV<sup>c</sup>. XLVII.

Quarteria circumcirca hæc apposita.

<i>Bette, Triest, vande Meerse, Angrelles, Varnewyc, Lovendeghem, Munte d'Holland, Masseme,</i>	<i>Wadripont, Kegbele, Du Quen, van Stalle, Le Croix, Clozman, Lannoy, Cabillan.</i>
---	--

Quoad

Quoad rem sacram Ecclesia tutelarem colit *S. Martinum* Turonensem Episc. Ejus Patronatus spectat ad Capitulum Metropolitanum Cameracense, ad quod etiam spectat potior pars decimarum hujus pagi, reliquæ earum partes spectant ad Parochum, cui insuper præfatum Capitulum solvit annuè in Supplementum competentiae XLV. Libras Fland. item spectant ad Marchionem de Rodes, Abbatiam Ninhoviensem & varios seculares.

Incepit nuperis annis in hac Ecclesiâ specialis cultus & Veneratio *B. Joseph* sponsi Virginis Deiparæ, in cujus festo solemnis agitur supplicatio.

In hac Parochiali est Capellania *B. Mariæ* gravata missa Sabbathiali, unita Pastoratui Anno 1680.

Intra limites hujus pagi est Capella B. M. V. medio milliari distans a Parochiali, in qua diebus Rogationum fit statio, & feria II. Paschatis annuè habetur concio.

**BAMBRUGGE**, pagus Comitatus Alostani, a quo oppido distat milliari cum dimidio. Ejus Dynasta usufructuarius nuper fuit *N. van Hulte*, post cujus mortem 1721. rediit ad familiam *Deynaert*. Constituit cum Burst, Sonnegem & Cottem unum tribunal.

Ecclesia sacra est *S. Lamberto* Tungrensi Episc. Ejus Patronatus spectat ad Abbatissam de Foresto Ord. S. Bened. in Suburbano Bruxellensi, ad quam spectat potior pars decimarum, quam acquisivit dono ab *Ægidio de S. Auberto* Anno 1209. uti suo loco pluribus dicitur in pago de Burst, cujus Parochialis est appendix.

**BAVEGEM**, olim *Bavingem*, locus in antiquis Diplomatibus Bavonianis natissimus, sub Præfectura Rodensi. Verus Abbatiae Bavonianæ Dominium, in cujus juribus successit Episcopus Gandavenfis.

Ecclesia Patronam veneratur *S. Wilgefortem* Virg. & Mart. nobis Belgis *Oncomera*, vernaculè *Sinte Omcommer*. Patronatus est Episcopi Gandavenfis, uti Abbatis Bavoniani. Longo temporis tractu fuit appendix Ecclesiæ Parochialis de Vliederzele, a quâ separata est anno 1719. & proprium nacta est Deservitorem. Univerſa Pagi Decima est Capituli Cathedr. S. Bavonis Gandavi, quod sacro hujus Ecclesiæ Ministro hætenus annuè solvit competentiam 300. flor.

**BAYEGHEM**, Præfecturæ Gaveranæ, Dominium Comitis Egmondani.

Ecclesia sacra est *D. Bavoni* Gandensium Patrono. Ejus Patronatum gerit Abbas Aquicinctinus Ord. S. Bened. propè Duacum, qui & possidet potioſorem partem decimarum, reliquæ earum partes spectant ad Parochum & varios seculares, Parocho insuper annuè solvuntur a præfatâ Abbatia pro Supplemento competentiae sex Libræ Flandricæ.

Hæc Parochia licet distincta sit a Parochiâ de Munte eique contiguâ communem tamen cum illa Pastorem habet, qui alternis vicibus in iisdem Ecclesiis rem divinam operatur.

Anno 1096. *Manasses* Cameracensis Episc. donat Abbatiae *S. Petri* de Dickelvenna ad Gerardimontem translatae altare de *Badengeyn* (quod hodie *Bayeghem* nuncupatur), quod diploma exhibuimus in Gerardimonte: Præsumendum itaque est, quod permutatione bonorum, vel alias præfata Abbatia *S. Petri* transtulerit Patronatum & jus decimarum cum aliis bonis in præfata Abbatiam Aquicinctinam, cujus hæc Abbatia colonia seu filia est.



Huic Parochiali in Spiritualibus subest Vicus de *Makegem*, qui in temporalibus subest pago de Schelderode Præfecturæ, Rodensis Dominio.

**BORSBÈKE**, Gandavenfis familiæ vetus Dominium, qui modo Princeps Isegemienfis &c. Est clientela Comitum Alostani, a quo oppido distat altero lapide.

Ecclesia inscripta est *S. Antonio* qui speciali cultu hic loci veneratur & colitur, ipso Divi festo & Dominicâ ultima Augusti cum solemnibus peragitur supplicatio, totoque anni tempore ad eundem Divum peregrinatio perseverat non solum a vicinis; sed etiam a maximè dissitis populis.

Anno 1694. die 11. Maii Ecclesia igne fortuito de cælo lapso & turris cum aliquot vicinis ædibus consumpta sunt; sed e ruinâ suâ jam surrexit.

Decimarum præcipuam partem possidet Abbatia de Foresto Ord. S. Benedicti. propè Bruxellas, dono *Ægidii de Sto. Auberto* Ao. 1209. cujus donationis diploma exhibeo in pago de Burst; sextam vero decimarum partem donat Ao. 1232. *Baldwinus* Comes Alostani Capellaniæ Castri Gandavenfis sive Veteris Burgi, qui & hodie illas decimas possidet.

Præfata Abbatia de Foresto solvit hodie annuè ex suis decimis competentiam 400. flor. Parocho.

**BOTTELAER**, altero lapide a Gandavo, Præfecturæ Rodensis, ad cuius Marchionem spectat hujus loci Dominium.

Ecclesia tutelarem habet *S. Martinum* Turonensem Episc. ; sed cum circa Annum 1643. hic cæpit vigere cultus *B. Annæ*, ea exinde ut Patrona & tutelar agnoscitur & colitur, præcipuè vero feriâ 3. post Pentecosten & in ipso Divæ festo cum Novenâ.

Nostri ætate illic ex peregrinorum & piorum eleemosynis ac oblationibus ampla & illustris exstructa est Basilica *D. Annæ* sacra, in quâ magnus populi concursus & peregrinatio perseverat; ita ut hic locus prodigiorum & benefactorum celebris evaserit.

In hac Parochiali est Capellania *S. Crucis* unita Pastoratui anno 1611, item Capellania *B. Mariæ* Virg. unita eidem Pastoratui Anno 1684.

Patronatus hujus Parochialis spectat ad Abbatem *S. Petri* Gandavi.

Decima pro majori suâ parte spectat ad præfatam Abbatiam *S. Petri*, sola enim sexta earum pars spectat ad Parochum, in quibusdam tamen agris habet duas partes decimarum, at vero ubique novales, cui insuper in Supplementum competentiae dantur annuè a præfatâ Abbatiâ XXX. Libræ Flandr.

Hic loci est Vicariatus F. F. Ordinis Carmelitarum Ordinis B. M. V. de Monte Carmelo, fundari cæptus Anno 1667. a *Bertolpho de Paix*, & *Judoca de Paix* ejus sorore, qui ad hoc pium opus insigne prædium cum XXX. circiter bonariis terræ & sylvis hîc & in viciniâ sitis sub certis oneribus in perpetuum contulerunt, cum consensu & amortisatione Catholicæ suæ Regiæ Majestatis, & dein Anno 1671. ad effectum deductum sub certis conditionibus & limitationibus inter D. Archiep. Mechl. ex parte Pastoris loci ex unâ parte, & Patres Ord. B. M. V. De Monte Carmelo ex parte alterâ, quas condiciones hujus loci Pastor nobis gratiosè communicavit, & visum est hic referre.

Conditiones Concordati inter Illustrissimum & Reverendissimum D. Archiepiscopum Mechliniensem loco Pastoris unâ ex parte & Patres Ordinis B. M. V. de Monté Carmelo ex alterâ parte.

- I. Totis viribus omnes Carmelitæ commorantes in Bottelaer devotionem erga, S. Matrem *Annam* in Ecclesiâ Parochiali de Bottelaer promovebunt, nec ullos directè aut indirectè ab illâ avocabunt, idque secundum mentem fundatoris prout patet ex Supplicâ Regiæ Majestati oblatâ Bruxellis 23. Maii. 1667. hic pro majori claritate adjectâ.

*Représenté a son Excellence le Marquis Castel Rodrigo 23. de May 1667. Remonstrent tres humblement Bertolf de Paix, & Josine de Paix frere & sœur demeurant a Gand, que pour avancer l'honneur de Dieu & le culte de S. Anne, dont l'Image miraculeuse est honoré au village de Bottelaer Diocèse de Malines distant deux lieux de la ditte ville de Gand, & pour l'affection qu'ils portent a l'ordre de nostre Dame du Mont Carmel, ils ont intention de faire batir un petit Couvent pour douze, ou quinze Religieux du dit Ordre en la maison qu'ils ont au dit Bottelaer, & de leur donner vint six, ou trente bonniers de terre situé au dit lieux pour leur subsistence, afin que les dits Religieux puissent aider le Pasteur & son Chapelain a entendre les confessions de pelerins, qui y accourent de toute part. Ce pour quoy il supplient tres humblement vostre Excellence de leur donner permission de faire les dites fondations & devotion, & leur en faire depecher les lettres d'Octroy & amortissement au convenable, que faisant &c.*

- II. Ne ædificatio, ornatus, & intertentio dictæ Parochialis Ecclesiæ impediantur, nonquam directè vel indirectè impediunt eleemosynas, quas in conscientia putabunt ædificationi, ornatui & intertentioni dictæ Ecclesiæ Parochialis a devotis ad S. *Annam* confluentibus destinari.
- III. Ad requisitionem Pastoris & non aliter quam de illâ expressâ mittere tenebuntur ad Parochialem duos confessarios Dominicis, & Festis diebus, feriis tertiis totius anni, ac reliquis solemniis octavarum devotionis S. *Annæ* diebus, ac concionatorem decies per annum juxta determinationem Pastoris, cujus erit præmonere Superiorem octiduo ante.
- IV. Nonquam in Ecclesiâ Conventuali Catechismum faciant.
- V. Dominicis & Festis diebus, omnibus feriis tertiis totius anni, ac reliquis solemniis Octavarum devotionis S. *Annæ* diebus tenebuntur in Ecclesiâ Parochiali celebrare statutis a Pastore horis usque ad quatuor sacra sub stipendio octo assium solvendo ex obligationibus ratione cujuslibet sacri, quod officium non poterunt Reverendi Patres præstare nisi requisiti a Pastore, qui etiam poterit pauciores quam quatuor aut nullos vocare; si autem reliquerit vocatis intentionem liberam celebrandi, solventur cuilibet tres asses.
- VI. In Conventuali Ecclesiâ ne populus a Parochiali avocetur Dominicis & Festis diebus ad sacrum non pulsabitur nisi nolâ, nec R. R. Patres celebrabunt unquam ab horâ decimâ usque ad undecimam, similiter non celebrabunt a Dominicâ Resurrectionis usque ad festum omnium Sanctorum ab horâ septimâ usque ad Octavam, & ab eodem festo omnium Sanctorum usque ad Dominicam Resurrectionis ab horâ octavâ usque ad nonam. Diebus autem devotionis S. *Annæ* octavis earum & omni-



bus feriis tertiis toto tempore matutino Ecclesia Conventualis clausa manebit.

- VII. Vesperas decantare non poterunt nisi illis & Catechismo in Ecclesia Parochiali absolutis, id est non ante horam quartam pomeridianam.
- VIII. Editui Ecclesie Parochialis mensae Sti. Spiritus Dominicis & Festis sub solemni sacro Conventuali, & sub privatis aliis in Ecclesia dictorum patrum quaesturare seu eleemosynas colligere poterunt, Quaestore Conventus sequente.
- IX. Truncum seu gazophilatium debitis feris obserratum in quo piorum eleemosynae reponantur in aedificationem, ornatum Ecclesiae Parochialis, in Conventuali Ecclesia loco congruo poterunt constituere juxta nostram determinationem.
- X. Venerabile non exponent tota quindenae Paschatis, nec Communionem distribuent, multo minus diebus quibus clausa manebit Ecclesia Conventualis.
- XI. Supplicationibus publicis dictae devotionis cum crucibus & Conophaeis suis omnes Religiosi Conventus legitime non impediti tenebuntur interesse cum a Pastore requirentur.
- XII. Dicti Patres Carmelitae nec per se, nec per alias ullas oblationes aut eleemosynas ob missas in Ecclesia Parochiali celebrandas recipient in scio vel invito Pastore.
- XIII. Non poterunt dicti Patres in sua Ecclesia vel Oratorio ullum sepelire secularem, nisi prius celebratis in Ecclesia Parochiali exequiis per Pastorem loci aut ejus vicarium, & salvis manentibus Domino Pastori, aliisque omnibus Ecclesiae Parochialis ministris iisdem juribus ac si defunctus in Ecclesia ipsa Parochiali sepeliretur.

Si super praemissis (quod Deus avertat) aut aliis inde dependentibus vel annexis oriatur aliqua difficultas, super qua decisio vel interpretatio aliqua requiratur, R. R. P. P. Carmelitae uti & Dominus Pastor pro se & successoribus hisce promittunt, quod stabunt judicio & decisioni Illustrissimi Domini Archiepiscopi & Successorum ejus privative ad omnes, nec ab eo appellabunt, ad eum effectum renuntiantes omni privilegio contrario, has autem supradicti concordantes signabunt atque R. R. P. P. procurabunt approbationem illius in primo Capitulo, uti & a Generali Ordinis ubi fuerint requisiti, quae omnia subscripti acceptarunt hinc inde.

F. Franciscus Bonae spei Provincialis.

F. Daniel a Sta. Maria primus Definitor.

F. Sebastianus a Sto. Paulo secundus Definitor ac S. T. Professor.

F. Joseph a Jesu Maria tertius Definitor ac Magister Novitiorum.

F. Leo a Sto. Laurentio quartus Definitor.

F. Jacobus a Sto. Antonio assistens R. Adm. Patris Provincialis.

Concordat cum Originali quod attestor Bruxellis hac 7. Septembris 1671.  
& erat signatum F. Jacobus a Sto. Antonio assistens R. Adm. Patris Provincialis.

Haec Copia est conformis cum originalibus conditionibus signatis a Reverendis Patribus Provincialis ac Definitoribus, & asservatis in archivis Archiepiscopatus, & erat signatum. Quod attestor Jac. Ottaert Notarius Apostolicus 1671.

Exinde rescriptum est D. Pastori dicti loci de Bottelacr ex parte Illustrissimi D. Archiep. in hunc modum.

Con-

Concessit Illustrissimus D. Veniam aperiendi Oratorium in Bottelaer iis conditionibus, quas sperat sufficientes pro conservatione & adjutorio Ecclesiarum Parochialium, commendat utrique parti pacem & concordem in vineâ Domini laborem. Ego autem R. V. ad obsequia paratissimus servus Alb. de Scleslin, mitto conditiones, quas Illustrissimus D. ita vult observari, ut cesset supra-dicta venia si ullâ in parte infringatur. Mechl. 10. Septembris 1671.

BREYVELDE, sive *Grootenberghe*, Præfecturæ Sottegemienfis, Dominium Comitis Egmondani.

Ecclesia sacra est *S. Petro* Apost. titulo ad Vincula. Patronatum ejus obtinet Abbas *S. Martini* Ord. Præmonstr. apud Casteletum Picardiæ oppidum, qui modo Archiepiscopus Senonensis.

Decima pro sua medietate spectat ad *N. Felleri* Advocatum Tornaci, una quarta competit Capellaniæ castrali in Sottegem, alteram quartam habet Parochus cum medietate decimarum lini.

Deservitur hæc cura Pastoralis per Pastorem de Erteghem.

BURST, primo lapide cum dimidio ab Alosto, via quâ itur Aldenardam. Jus usufructuarium hujus Domini pertinet nuper ad *N. van Hulte*, post cujus mortem anno 1720. rediit ad familiam de *Deynaert*, prout Bambrugge, Sonnegem & Cottem qui vicus est in vicinia. Hæc Dominia sunt in Clientelâ Comitis Alostani, & inter illos XXII. censentur qui vulgo Proprium Comitis appellantur, vulgo *'sGraven-Propre*, & constituunt simul unum tribunal. In hoc pago Dominium habet Abbas Truncinienfis item Curiam censualem, qui sese extendit in Bambrugge, Sonnegem, Cottem, Vlierzeele & Baveghem, suum habens Baillivum & Scabinos super realibus jus dicentes.

Ecclesia tutelarem colit *S. Martinum* Turonensem Episc. Patronatus spectat ad Abbatissam de Foresto, cui & potior competit pars decimarum dono *Ægidii de S. Auberto* anno 1209. cujus Diplomatis prima & ultima verba solum recitantur ab *A. Miræo* in Not. Eccl. Belg. Cap. CC. XXXIV. veteris edit. quod integrum apud nos exstat, quodque inferi permisimus in Suppl. Dipl. *A. Miræi* parte I. Cap. XVI, cujus hic est tenor.

Notum sit omnibus Christi fidelibus, quibus præsens Scriptum videre contigerit, quod Ego *Ægidius*, Miles Dominus de Sancto Auberto, & M . . . Uxor mea, omnes decimationes in Parochia de *Bursta* & *Bambrugge* & *Vleckem* & *Borsbeka*, cum omnibus eorundem decimationibus, appendenciis, & omnibus novalibus, nunc temporis & impofterum ad Nos pertinentibus, sub testimonio proborum Virorum, liberè & absolutè in eleëmofynam Ecclesiæ contulimus Forestensi;

Fide & juramento ante fores Ecclesiæ de *Hautrive* Feriâ sextâ ante Ascensionem Domini præstitis, quod nec à Nobis, nec à nostris Successoribus præfata Ecclesiæ de *Forest* aliquam calumniam pateretur. Et pro injurioso delicto Forestensi Ecclesiæ à Nobis illato, bonarium dimidium terræ contulimus eidem Ecclesiæ apud *Bursta*, Donationem vero decimarum & terræ prædictæ sub periculo omnium bonorum nostrorum apud *Bursta*, Sigillo Domini Comitiſſæ & nostro promissimus legitime confirmari.

Nomina verò Testium, qui interfuerunt huic venditioni & Donationi, sunt hæc:

Willemus Præpositus de Forest, qui ex parte Ecclesiæ Forestensis fidei & juramenti interpositionem cum donatione ab utrisque, scilicet *Ægidio* Milite & M . . . Uxore suscepit,

Tom. II.

Zzz

Wil-



Willemus, Presbyter de Aloft,  
 Henricus & Rogerius Fratres,  
 Segerus & Rogerius, & alii quam-plures idonei, & competentes.  
 1119. Actum Incarnationis Dominicæ anno millesimo centesimo, nono-decimo, mense  
 Majo.

Præfata Abbatia de Foresto Anno 1680. cessit Pastoratui has suas decimas de Burst, Bambrugge & Vlackem sub annua pensione 300. flor. præfatae Abbatiae præstandâ & cætera onera exsolvenda quibus decimæ sunt subiectæ.

Capellania Castralis Gandavenfis, sive veteris Burgi in hoc pago, ac Bambrugge, & Borsbeca gaudet sexto manipulo decimarum, excepto lini, quæ solæ competunt Parocho, præfata Capellania has decimas acquisivit dono *Balduini de Aloft* anno 1232. ut patet hoc Diplomate.

FERDINANDUS, Flandriæ & Hannoniæ Comes, omnibus præsentibus litteras inspecturis salutem. Noverit universitas vestra, quod *Balduinus de Aloft* in præsentia nostrâ constitutus coram nobis & hominibus nostris spontaneâ voluntate werpivit pro se & successoribus suis omne jus, quodquod habuit vel habere poterat in decima de Burst, quod spectat ad Capellaniam Castri Gandensis, renuntians omni juris auxilio, quod sibi unquam possit competere in decimâ prædictâ. In ejus rei testimonium nostris præsentibus litteris sigillum nostrum fecimus apponi. Actum Gandavi anno Domini millesimo ducentesimo trigésimo secundo mense Septembri.

Viget in hac Parochiali cultus *S. Eligii* Episc. 29. Junii & 1. Decembris.

Cæterum præfata Abbatia Trunciniensis in hoc pago ampla & non exigua rura, & in vicino pago de Sonnegem possidet, Dono *Iwani* Comitis Aloftani & uxoris ejus *Lauretae* filiaë *Theodorici Alsatii* Comitis Flandriæ Anno 1139. cujus donationis Diploma proferemus infra in pago de Sonnegem.

CHERSCAMP, altero lapide ab Alofto, pagus Comitatus Aloftani, Dominium supremum sive alta justitia (ut loquuntur) hujus pagi spectat ad gentiles de *Cordes*, qui hodie *Lancelotus de Cordes*, Toparcha de Wichelelen &c. Media & bassa justitia, & Dominium fundi sive *Seigneurie Fonciere* spectat ad Præpositum & Dominam Monasterii de Tusschenbeka Ord. Præmonstr.

Hic pagus est ex illis XXII. qui proprium Principis, vulgo 's *Graven-Propre* vocantur; est ex aliquâ sui parte sylvofus, & glébâ non adeo felice, utpote qui miricetum olet.

In hoc pago item est Dominium de *Boyeghem* habens inibi suam jurisdictionem personis & locis distinctam quod Anno 1698. devenit ad *Petrum Huens*, in qua stirpe perseverat.

Ecclesia tutelarem colit *S. Dionysium* Mart. Patronatus ejus spectat ad Præpositum & Dominam Monasterii præfati de Tusschenbeka, cum pagi decimâ.

*Nicolaus* Episc. Camerac. confert anno 1248. Altare de Cherscamp. Abbatibus & Conventui Trunciniensi & anno 1252. Abbas & Conventus Trunciniensis conferunt Præposito & Sororibus de Cherscamp hoc Altare, quæ diplomata nos ipsi in præfato Monasterio vidimus. Ex virtute hujus donationis hanc curam Pastoralem administrarunt hætenus Præpositi hujus Monasterii.

Hic

Hic loci Anno 1138. fundatum fuit Monasterium Virginale Ord. Præmonstr. ab *Twani* Alostenfis viduâ.

Quis porro fuerit *Twanus* Alostenfis incertum, non fuisse *Twanum* Comitem Alostensem, qui paulo ante Truncinienses Canonicos in Regulares converterat, annorum ratio videtur repugnare, cum *Meyerus* tradat eum obiisse Ao. 1144. & *A. Miræus* Anno 1146.

Si vera sint quæ Annales domestici Truncinienses tradunt, quæ eum obiisse tradunt anno 1138. posset ejus viduâ hoc Cœnobium fundasse eodem scilicet anno quo hic *Twanus* obiit, interim res manet incerta, præcipuè cum antiqua Monumenta hujus Cœnobii in turbis Belgicis deperdita sint, ex quibus hoc erui poterat.

Cæterum quem locum Cœnobio suo eâ vidua legaverat, posteritas mutavit & anno 1256. cessit in loco vicino dicto *Tusschenbeke*; hâc præsertim ratione, quod ita circumquaque serpentes omnia infesta redderent, ut ne altaria quidem ab hoc malo essent tuta. Obit tamen adhuc Præpositus, quem hodie ab Abbate Grimbergenfi accipiunt Pastorale munus in Cherscamp, ne omnino primæ institutionis memoria abolita videatur.

Denique solebat a tempore foundationis hoc Cœnobium subesse Abbati Trunciniensi, eique mansit subiecta usque ad annum 1705. quo præfatus Abbas cessit Abbati Grimbergenfi ejusdem Ordinis, & abdicavit se omni suo jure, quod in præfato Monasterio & pastore de Cherscamp ipsi competeat, & ita hodiè subest præfato Abbati Grimbergenfi, qui in eo e suis Præpositum constituit, qui simul curam Pastoralem de Cherscamp administrat.

## SERIES PRÆPOSITORUM IN TUSSCHENBEKA.

*Wedericus*, Præpositus.

*Henricus*, Prior in Cherscamp.

*Guilielmus*, Prior de Cherscamp Anno 1229.

*Franco*, Præpositus in *Tusschenbeke* Ao. 1256.

*Walterus Wulfs*.

*Norbertus Asca*. Obit anno 1368.

*Joannes de Laet*. Obit anno 1372.

..... *Vanden Abeele*. Ao. 1448.

*Martinus de Gavere*. Anno 1473.

*Joannes Rouffens*. Anno 1508.

*Adrianns Adriaens*. Anno 1514.

*Rolandus Sanders*, dein postulatus Abbas Diligemensis XXXIII.

*Gerardus vanden Berghe*. Obit Ao. 1524.

*Ludovicus Cottem*. Anno 1540.

*Joannes Claes*. Anno 1573.

*Franciscus de Moor*. Anno 1605.

*Guilielmus Groeninx*, Can. Abbatiae Nihoyiensis. Anno 1637.

*Guilielmus de Stroopere*. Obit Anno 1638.

..... *Moerbefius*. Anno 1642.

*Georgius Snick*. Anno 1661.

*Amandus Annè*. Anno 1677.

*Franciscus de Grave*, dein alibi promotus obiit Anno 1695.

*Philippus Ronse*, dein alibi promotus obiit anno 1695.

*Claudius Stuperaert*, dein Anno 1693. electus Abbas Trunciniensis.

*Paulus Droesbeeck*, usque ad annum 1705. quo Præpositus constitutus est ab Abbate Grimbergenfi qui sequitur.

*Guilielmus de Vos*, dein anno 1720. Pastor in Berchem propè Bruxellas.

*Siardus Cosyn* ex Suppriori Abbatiae Grimbergenfis præfatus Præpositus.



Hanc Seriem Præpositorum ex tabulâ pensili in Abbatiâ Truncinienſi nos ipſi anno 1720. excepimus, exceptis duobus ultimis.

In hoc pago exſtat Capella *S. Crucis* (vulgo *Bruyne Cruys Capelle*) quæ a febricitantibus multum inviſitur & frequentatur, quæ ditata eſt Venerandis Reliquiis *S.S. Crucis*, in quâ feriâ ſextâ per annum ſacrum peragitur, magna autem in eâ ſolemnitas eſt Dominicâ V. poſt Paſcha & per Novenam in quâ magnus illic accuſſus eſt vicinorum.

DICKEL, tertio lapide a Gandavo, pagus Comitatus Aloſtani, in ſacris & profanis ſubeſt Abbati *S. Petri* Gandavi.

Eccleſia inſcripta eſt *S. Hilduardo* de quo pluribus egimus in pago de Dickelvenne in Decanatu Rothnacenſi.

Decima hujus pagi fuit præfatæ Abbatiæ *S. Petri* quam nuperis annis ceſſit huic Paſtoratui. Deſervitur hodiè per Paſtorem de Swalme Monachorum, qui alternis vicibus ibidem rem divinam operatur.

EERDEGEM, ſive *Erondegem* primo lapide ab Aloſto. Liberum eſt Allodium, neque in Clientela vel fide tenetur ullius, niſi Dei & ſolis. Habet altam, mediam & infimam juſtitiam. Dominium hujus loci longo temporis tractu fuit penes gentiles de *Schoutete* alias van *Zuyle*, cujus gentis originem & majores exhibet *D. Lindanus* in ſuâ *Teneræmundâ*, ab his devenit ſeculo XVII. viâ emptionis in familiam *De Wilde* cum medietate pagi de Ottergem, in quâ illud nuper poſſedit *Emanuel Guilielmus de Wilde*, poſt cujus mortem Anno 1716. ejus filio obvenit.

Reliqua medietas de Ottergem ſpectat ad familiam Gandavenſem & Oordegemio ſubcenſetur.

Eccleſia ſacra eſt *D. Petro* Apoſt. titulo ad vincula. Ejus Patronatus eſt Abbatis *S. Adriani* Ord. S. Bened. in Gerardimonte, ad quem etiam ſpectat non exigua pars decimarum, præcipua autem earum pars ſpectat ad Episcopatum Antverpienſem; hæc autem olim fuit Abbatiæ *S. Bernardi* ad Scaldim, quæ dum Anno 1649. dotavit Episcopatum Antverpienſem, aſſignavit ei inter cætera bona hanc decimam de Eerdegem, quam olim pretio acquiſierat a præfatâ Abbatiâ *S. Adriani* in Gerardimonte, quæ tamen notabilem partem decimarum hic loci & in Ottergem ſibi reſervavit & hodiè poſſidet, uti antè dictum.

Cæterum *Nicolaus* Episc. Camerac. dum Anno 1142. dotat præfatam Abbatiam Gerardimontenſem inter alia „ confirmat quod *Odo* Episcopus con- „ tradidit Altare de *Goldegem* (ita namque antiquitus vocabatur Eerdegem) „ cum appendentiis ſuis Impa & Ottergem. ” Verba ſunt Diplomatiſ quod recitat *A. Miræus* in Donat. Belg. Lib. II. Cap. XLIV. novæ edit.

Appendix hujus Parochialis eſt *Ottergem*, cujus Eccleſia inſcripta eſt Converſioni *S. Pauli* Apoſtoli.

ELENE, medio milliari a Sottegemio Dominium nuper gentis de *Lan- noy*, tenetur in clientelâ Principis de *Gavera*.

Hæc Toparchia Anno 1707. emptione publicâ cum vicino pago de Leeuwergergem devenit ad *Ludovicum Heyne*, in quâ familiâ perſeverat, conſtituit cum Leeuwergergem unum tribunal. Vide de eo plura infra in præfato pago de Leeuwergergem.

Eccleſia ſacra eſt Virgini Deiparæ. Ejus Patronatus eſt Archiepiscopi hujus Diœ.

Diocesis jure ordinarii. Decima est tripartita, cujus duæ trientes spectant ad Dynastam, & tertia triens ad Parochum.

Capellania Castralis, quæ est ad collationem Toparchæ, gravata est secundum reductionem *Alphonfi de Berghes* Archiep. Mechl. duabus sacris hebdomadatim.

**ERTEGHEM**, sive *Ertwetighem* Præfecturæ Sottegemienfis, Dominium Comitis Egmondani. In hoc pago est Dominium de *Hermis*, olim *Heremeis*, Clientelâ Curia Sottegemienfis Comitis Egmondani, hodie spectat ad *Joannem Franciscum de la Faille*, Toparcham de Eekeloo, Assenede, Marie Lierde &c.

Ecclesia inscripta est *S. Georgio* Mart. Patronatus ejus spectat ad Abbatem Montis *S. Martini* Ord. Præmonstr. apud Castelletum Picardiæ oppidum, qui hodie Archiepiscopus Senonensis. Hic cum Pastore decimas hujus loci possidet; unicuique suus est decimarum districtus. Pastor insuper solus habet decimas lini & in Supplementum competentia annuè *XLI. Libras* Flandr. a præfato decimatore.

**FORESTUM**, vernaculè *Vorst*, secundo lapide a Gandavo ad Scaldim fluvium, qui Aldenardâ tendit Gandavum, Præfecturæ Gaveranæ, Dominium Comitis Egmondani.

Ecclesia tutelarem colit *S. Martinum* Turonensem Episc. sub Patronatu Archiepiscopi hujus Diocesis jure ordinarii.

Decimarum participes sunt Parochus pro parte majori & Ecclesia, habens notabilem districtum decimarum.

**GONTRODE**, primo lapide cum dimidio a Gandavo, Præfecturæ Rodensis, ad cujus Marchionem spectat hujus loci Dominium, constituit cum Lantscautere unum tribunal.

Ecclesia *D. Bavoni* sacra est. Patronatus ejus spectat ad Episcopum Gandavensem, uti jurium Abbatis Bavoniani Successor.

Viget hic cultus VII. Dolorum Virginis *Mariæ*. Anno 1712. Decorata est hæc Parochialis ab Episcopo Gandavensi Venerandis Reliquiis *S. S. Crucis*.

Hujus pagi decima spectat ad eleemosynariam Capituli Cathedralis Gandavensis, ex quibus Parocho annuè solvitur integra competentia.

Præfata Eleemosynaria, & Capitulum hic loci possident plurimas agri possessiones.

**GODTVEERDEGEM**, sive *Grootveerdegem*, olim *Godeforsdeghe*, Præfecturæ Sottegemienfis, Dominium Comitis Egmondani.

Ecclesiæ tutelaris est *S. Paulus* Gentium Apostolus, ejusque Patronatum gerit Episcopus Gandavensis jure Abbatis Bavoniani.

Decima pro potiori parte competit Parocho; reliquaram participes sunt Capitulum Cathedrale Gandavense, Abbatia de Byloka Ord. Cisterc. Gandavi, & Capellania Castralis de Sotteghem.

**GYZEELE**, per Syncopen, antiquitus *Gyzenzeele*; secundo lapide a Gandavo, Præfecturæ Rodensis, ad cujus Marchionem hujus loci spectat Dominium.

Ecclesia *D. Bavoni* sacra est, sub Patronatu Episcopi Gandavensis, uti jurium Abbatis Bavoniani successor.



Univerſa hujus pagi decima ſpectat ad Capitulum Cathedrale Gandavenſe, ex quibus Parocho annuè ſolvitur competentia LV. Librarum Flandric.

Solebat hæc cura Paſtoralis adminiſtrari per Paſtorem de Gont-Rode a quo diſtat medio milliari; ſed anno 1720. proprium accepit Parochum.

Hujus Parochialis appendix eſt LANTS-CAUTERE, in Diplomatiſus *Lants-Cultra* legitur, ſecundo item lapide a Gandavo, præfecturæ Rodenſis, ejusque Marchionis Dominium.

Eccleſiæ Patronus colitur *S. Blaſius* Epifc. & Mart. cujus ſacris Lipſanis nuper ditata eſt. Viget in eâ ſpecialis cultus, veneratio & peregrinatio *S. Agathæ* Virg. & Mart., maximè in ejus Divæ feſto V. Februarii & per Novenam, prout & toto anni tempore, & in gratiam peregrinantium miſſa celebratur in honorem hujus Divæ ſingulis diebus Lunæ.

Ad curam Paſtorales nominaret Antiſtes Gandavenſis, uti Abbas Bayonianus.

Decimæ tripartitæ ſunt, cujus duæ trientes ſpectant ad hanc Eccleſiam, & tertia ad Parochum, qui hanc curam Paſtorales deſervit, qui hodie eſt Paſtor in Gyzele, qui ibidem alternis diebus ſacris rem divinam operatur.

HAUTHEM S. LIVINI, in Diplomatiſus *Holthem* legitur appellatum, Vernaculè *Ste. Lievens-Hauthem*, cui Divo hic locus ſacer eſt, tertio lapide a Gandavo, Dominio ejus potitur Epifcopus Gandavenſis, ut titulorum & jurium Abbatis Bavoniani ſucceſſor.

Advocatia hujus pagi antiquitus fuit pænes Berlegemios, e quibus *Gerardus* Dominus de *Berlegem Miles* (verba ſunt Diplomatiſus) & *Bèatrix* ejus uxor Anno 1202. tranſcripſerunt hanc Advocatiam Abbati & Conventui *S. Bavonis* Gandavi, quam tenebant a Domino *Gerardo de Rode* milite, ex quibus conſequitur quod ea ſit in clientelâ Marchionis de Rode. Ita ſerè *Eſpinoius* in ſuis de Flandriæ Nobilitate commentariis Gallicis pag. 265.

Hunc pagum acquiſivit Abbatia *S. Bavonis* circa annum 976. permutatione cum pagis de Norderwyck & Itegem in Taxandriâ, teſte Diplomate *Ottonis II.* Imp. apud *A. Miræum* in Donat. Belg. Lib. I. Cap. XIV. novæ & antiquæ edit., & ita ſentit *W. Boſſchaerts* Can. Abbatix de Tongerlo in ſuo Tractatu de Friſiæ Apoſtolis pag. 132.

Forum habet Spatioſum, inque eo annalis nundinatio celebris & famoſa Duplex die 30. Junii & 12. Novembris feſto *S. Livini*, ambæ mercatu celebres, & veſtigal, quod in illis Eccleſiæ penditur, dono accepit olim a Dynaſtis Berlegemiensibus.

Eccleſia quæ *S. Michaeli* Archangelo ſacra, eſt ſtructuræ valde antiquæ & Sepultura *S. Livini* Gandenſium Apoſtoli multum celebris, quem apud Eſcam pagum non longe hinc diſſitum homines impii multis vulneribus ſauciatum, atque etiam obtruncarunt Anno 633. uti ſuprà diximus, cum hunc pagum in Decanatu Gerardimontenſi deſcripſimus;

Porro ſepulti ſunt decenter in hoc loco ab ejus diſcipulis *S. Livinus* cum Brixii corpusculo, ac juxta eos ſeorſim Sancta Martÿr *Craphaildis*. *Theodoricus* Cameracenſis Epifcopus propter celeberrima miracula locum viſitavit anno 842. cumque majora quam audierat reiſpâ experiretur, quarto Calendas Julias corpora Sanctorum *Livini* & *Brixii*, omni cum reverentiâ & gaudio de terrâ fuſtulit, & loco celebriori decenter collocavit. Poſtmodum anno 1007. *Eremboldus* Abbas, qui peregrinum *Macarium* ſuſcipere meruit,



ruit, metuens Sanctorum corporibus in loco minus tuto, ex *Hauthem* Gandavum ad suum monasterium transportavit sacra illa pignora, omni ex parte integra. Quando communem lætitiā Deus etiam præsentibus miraculis magnopere promovebat. Ita ferè *J. Molanus* in Indiculo Sanctorum Belgii.

Anno 1171. translatio secunda facta est in Coenobio Gandavenſi per *Walterum* Tornacensem Episcopum sub *Bettone* Abbate, qui ibidem tunc præſens exiſtens, caput & corpus integrum *B. Martyris Livini* per manus præfati Episcopi oſtenſum cum devotione videre promeruit.

Viſitur etiamnum in hac Eccleſiâ ejus tumulus ingentis molis cum caveâ ſubterraneâ, verſibus aliquot additis, ſed pro more illius ſeculi rudioribus, quibus ſignificatur tumulum bellicis furoribus everſum, per *Jacobum* dictum de *Bruxella* Abbatem Monasterii *S. Bavonis* fuiſſe reſtauratum; qui obiit anno 1474.

### Verſiculi inſcripti tumulo S. Livini.

O Livine Pater tu Cœlicolis ſociatus.  
 Expers ſorde luti, maculamine purus;  
 Iſto conſcluſus ſaxo, per ſacra quieſcit.  
 Carnea membra quibus locus iſte paratur Olympo?  
 Angelicis qui dicatis manibus tua viſcera ſumit.  
 Sub ſexcentenis annis decies tribus auctis  
 Quem mala guerra dedit everſum funditus anno  
 Milleno Domini, ſic ciphra (jcl3) peracta  
 Sed pietas non parva viri cunctè venerandi  
 Præfati non immeriti, Jacobus cui nomen  
 Abbatis tunc Gandenſis, Sanctique Bayonis  
 Reſtituit Chriſto præſentia tempe decori,  
 Dum ſimul (jcl3) cifras facientia ſcribo,  
 Cujus amore preces profundas altifonanti.

In tumbâ & ſub effigio *S. Livini* poſita ſunt hæc verba.

Servientibus Angelis piè ſepelitur.

*J. Meyerus* accuratus Annalium Flandriæ ſcriptor refert; quod annua ſupplicatione a Gandavenſibus olim huc itum cum Reliquiis *S. Livini*.

Patronatus hujus Parochialis ſpectat ad Gandavenſem Antiftitem jure Abbatis Bavoniani. Decima univerſa ſpectat ad ejus capitulum Cathedrale; ex qua Parocho annuè ſolvitur competentia LXX. librarum Flandric.

Cæterum fertur Monachos. Bavonianos antiquitus hic loci & vicina per ſe divina officia juſto numero, & velut Prioratum conſtituentes, perfeciſſe; dein autem hic & in vicinis locis de *Vlierzeele*, *Baveghem* & *Gyzeele* conſtituiſſe Vicarios.

Denique in hoc loco fons monſtratur atque Sacellum quadrante ferè ab Eccleſiâ, erectum ad perpetuam Martyrii *S. Livini* memoriam, quouſ-



que Sanctus decollatum caput tulisse fertur, quod multum visitatur XII. Novembris.

HAUTHEM PARVUM, vulgo *Letter Hautbem*; sed melius dictum puto *Lutter Hautbem*, quasi *Parvum Hautbem*, respectu *Hautbem S. Livini* superius descripto, a quo distat horæ quadrante, Præfecturæ Rodensis, Dominium Abbatis *S. Petri Gandavi*.

Ecclesia dicata est exaltationi *S. Crucis*. Ejus Patronatus spectat ad præfatum Abbatem *S. Petri*, ad quem etiam spectat hujus pagi decima, cum certo districtu in Bavegem, quæ totales decimæ plerumque relinquuntur Pastori hanc curam deservienti, hodie dantur annuè *LVI. Libræ Flandr.* qui hanc curam administrat, qui est Parochus de *Hautbem S. Livini*.

Viget hic cultus *S. Cornelii* Papæ & Mart. & ad eum fit plurimum peregrinatio pro Epilepsia sive morbo caduco.

HERZEELE, pagus & vetus Dominium Comitatus Alostani, altero lapide cum dimidio ab Alosto, quod olim cognomen dedit illustri familiæ de *Herzelles*, quæ hîc & alibi multum principabatur, & per plura secula per proceres de *Herzelles* possessum fuit.

Circa Annum 1481. *Ludovicus Maleanus* Comes Flandriæ Dynastiam de *Herzelles*, quod *Sigerus* Dom. de *Herzelles* rebellium Gandavensium partes secutus fuerat, suo fisco addixit,\* eamque dein Anno 1412. *Joannes Burgundus* Comes Flandriæ *Sigeri* cognato *Joanni de Roubaix*, Equiti, ejusque Consiliario & Archi-Camerario intuitu meritorum ejus, & ob egregia ei præstita servitia, hoc Dominium concessit, & in perpetuum donavit. Hic *Joannes* dein a *Philippo Bono* Duce Burgundiæ institutione Ordinis Aurei Velleris, inter primos Equites ascitus est Brugis Anno 1429. Conjugem duxit *Agnetem de Lannoy* Dom. d'Ablancourt. Hic fati concessit die 7. Junii anno 1449. ætatis 90. Floruit sub tribus Burgundiæ Ducibus *Philippo Audace*, *Joanne Intrepido*, & *Philippo Bono*. Illa vero obiit die 8. Julii anno 1464. Ambo sepulti in Sacello *S. Joannis Baptistæ* Ecclesiæ Parochialis de *Roubaix*.

\* *Meyerus*  
in *Annal.*  
*Fland. Ao.*  
1381.

Successit horum filius *Petrus* Dom. de *Roubaix*, *Herzelles* &c. natus & baptisatus in *Herzelles* 1. Augusti 1415. Duxit *Margaretam de Guistelles* Dominam de *Brœucq*, & *Wasquehal*. Ille obiit 7. Junii anno 1498. hæc anno 1495. die 7. Octobris. Ambo sepulti in Sacello *S. Crucis* Ecclesiæ de *Roubaix*.

*Petrus* ditionum suarum hæredem reliquit *Isabellam*, ea *Jacobum Luxemburgium* Richeburgii Toparcham & *Petri S. Pauli* Comititis & *Margaretæ de Baux* filium per nuptias sibi conjunxit. Ex eo matrimonio non supermansit nisi *Jolendis* filia unica, & hæres. *Jacobus* pater obiit 20. Augusti Anno 1487. Conditus in Abbatia de *Cheriscamp* Ord. Cisterc. in Artesiâ. *Isabella* vero vidua piis operibus intenta fundavit & dotavit Anno 1488. in pago de *Roubaix* Nosocomium pro duodecim egenis & membrorum usu captis mulieribus perpetuo nutriendis. E vivis abiit Anno 1502. die 25. Maii, sepulta in eodem Nosocomio.

Postea hoc Dominium per conjugium præfatæ *Jolendis* ejus filiæ cum *Nicolaso Werchinii* Barone, Seneschallo Hannoniæ, in *Werchinii* domum transiit, & ab eâ subinde rursus per nuptias *Jolendæ de Werchin* cum *Hugone de Melun* primo Principe d'Espinoi, in eam familiam translatum, & tandem in



in Lignienſis Principis familiam devolutum eſt hujus pagi Dominium.

De hoc Dominio longo temporis tractu litigium fuit in Magno Senatu Belgico inter Illuſtres familias *De Melun-Eſpinoy*, & *de Ligne*, & tandem anno 1720. adjudicatum fuit cum pluribus aliis Dominiis & bonis Principi *de Ligne*, dein amicabili conventionem brevi poſt Pariſiis inita, cum approbatione Cæſareæ & Catholicæ Majeſtatis & Regentis Regni Galliarum eidem Principi *de Ligne* cum aliis Dominiis remanſit.

Vide *I. Buzelinum* in Gallo Flandriâ Lib. I. Cap. XVI. ubi pluribus agit de hoc loco in pago *Roubaiſiâ*.

Castrum hic olim fuit Dynaſtarum ſplendidum, & validum, latæque ingyrum foſſâ cinctum, modo pro magna ſua parte dirutum & collapſum, cujus pars etiamnum viſitur, item ejus parietinæ & rudera. Hujus ſchema exhibetur in Flandriâ Illuſtratâ *A. Sanderi* tom. II. pag. 511.

Forum habet hebdommadarium die Mercurii, & annale feria IV. poſt Paſcha.

Eccleſia tutelarem colit *S. Martinum* Turonenſem Episc. Anno 1147. *Nicolaus* Camerac. Episc. contulit altare hujus loci Abbati *S. Giſleni* Ord. S. Bened. in Hannonia ad Supplicationem *S. Bernardi*, item ſimul altare de Raiſſegem & Oomberge. Hujus Donationis Diploma excepimus ex Chartulario præfatæ Abbatia ut ſequitur.

NICOLAUS, divinâ miſeratione Cameracenſis Episcopus, tam futuris quam præſentibus in perpetuum, ex Pontificali adminiſtratione ſollicitudini noſtræ incumbit, ut Eccleſias, quæ ſub obedientiâ noſtrâ ſub Religionis titulo Domino ſerviunt, ex his quæ nobis collata ſunt, benigne & affluenter largiamur. Suſcepta igitur dignè & ut decuit Reverendi fratris noſtri *Egerici* Cellenſis Abbatis ſupplicatione, audita Venerabilis Domini *Bernardi* Claræ Valleniſis Abbatis cohortatione, Altare de Herzella, Altare de Raſſenghien, Altare Hunbergis, quæ duo dimidias Eccleſias eſſe conſtat, Eccleſiæ Beati *Giſleni* in Cella, cui præeſt, libera & imperſonata concedimus; ad arcendas itaque quorumlibet importunitates, data conſervatoribus benediſtione, in prævaricatores quoad reſipuerint, excommunicationis ſententiam exponimus, atque Canonica ſubſignatione noſtrâ ſubimaginatione hujus noſtri decreti paginam confirmamus.

S. Theodorici ejuſdem altarium Archidiaconi. S. Joannis Alardi, Eurardi Archidiaconorum. S. Gerardi Decani & Archidiaconi. Galteri, Guerinboldi, Gerardi Sacerdotum. Bartholomei, Guellelmi, Radulphi, Cirici, Galteri Levitarum, Adam, Euſtaci, Roberti, Galteri, Mathæi, Hugonis Sublevitarum. Actum anno Incarti verbi M. C. XLVII. Præſulatus Domini Nicolai XI. Ego Guerinboldus Cancellarius recenſui.

Anno 1423. die 18. Julii vendidit præſata Abbatia Decimam hujus pagi præſato *Joanni de Roubaix* Dynaſtæ de Herzelles, & ex iis decimis dantur annuè Parocho a Dynaſtâ in Supplementum competentia XX. Libræ Flandr. In hac venditione ſimul comprehendebantur XVIII. bonaria terræ & omnes cenſus quos præſata Abbatia hic loci percipiebat.

Hic loci olim fundatum fuit Hoſpitale, incertum nobis a quo, pro IV. Religioſis virginibus, quibus emortuis deſuit inhabitari. Anno 1646. die 10. Octobris bona hujus Hoſpitalis per *Jacobum Boonen* Archiep. Mechl. annexa ſunt Capellaniæ *S. Joannis* Caſtrali hujus Parochialis, hac inter alias conditione, quod præſatus Capellanus teneatur ad miſſam matutinalem diebus ſacris, & aſſiſtere officio divino in Parochiali, item obligatus ſit ad duas miſſas hebdommadatim, & ad reparationes facelli hujus Hoſpitalis &c.

In hoc pago quadrante horæ ferè a Parochiali eſt Capella *S. Rochi* cujus



festum hîc celebratur in populo, ac in eâ per Octavam missa celebratur & laudes vesp̄ri decantantur, & ad eam in diebus Rogationum fit statio. Circumcirca portam hujus Capellæ legitur hæc inscriptio.

Construxerunt Sancto 1636.  
Quod votum est tempore pestis 1635.

HILLEGEM, Antiquum Dominium Abbatis *S. Petri* Gandavi, qui & Patronatum Ecclesiæ possidet, quæ inscripta est *S. Bartholomæo* Apost.

Hic loci possidet præfata Abbatia opimum prædium, quod vocant *Het Hof ten Daele*. Ad hanc Abbatiam spectat potior pars decimarum, texta enim earum pars est Parochi, cui insuper in Supplementum competentiae solebant annuè solvi a præfatâ Abbatiâ XVII. Libræ Flandr. Abbatia de Biloka Ord. Cisterc. Gandavi inibi habet exiguum districtum decimarum.

Hæc Cura Pastoralis, quæ longo temporis tractu communem habuit Pastorem cum Oomberge, Anno 1711. iterum proprium suum accepit Parochum.

Anno 1718. Parochus cessit præfatæ Abbatiæ omnes suas decimas & terræ possessiones, cui solvit præfata Abbatia annuè competentiam 400. flor. cui & novam domum Pastoralem procuravit. Præfata Abbatia de Biloka ratione suarum decimarum contribuit in præfatâ competentiam partem decimam.

Huic Parochiali subest in spiritualibus. Dominium de *Cottem* quod caret Ecclesia Parochiali, quod anno 1723. acquisivit emptionis tabulis a familia Deynaert cum Dominiis de Burst & Bambrugge *Franciscus van Schille* Advocatus Senatus Flandriæ.

Cæterum notat *A. Sanderus* in suo Gandavo pag. 292. quod *Brunhardus* dedit *S. Petro* quidquid habuit in *Hildegem* sub *Foleardo* Abbate Anno 825.

HUNDELGEM, ab Hunnis nomen fortitum volunt, gentis *Rymiorum* antiquum Dominium. Seculo XV. possiderunt illud *Masminii* unde invenio Ao. 1389. *Philippum Masminium* Eeckæ & Hundelgemii Dominum, cujus exstat in Ecclesiâ Collegiata *B. Mariæ Teneræmundæ* in faxo ad parietem hæc sepulchralis inscriptio.

Hic jacet nobilis vir Dominus *Philippus de Masmines*, Eques, Eeckæ Dominus & Hundelghemi, Magnus Prætor Urbis & territorii Teneræmondensis, qui obiit vigesimo sexto Junii anno CIO. CCCXCI.

Devenit hoc Dominium in præfatam familiam Rymiorum initio seculi XVI. per nuptias *Barbaræ Clayffons* De Waellebeke Dominæ de Hundelgem cum *Gerardo de Rym* Consiliario Senatus Flandriæ. Hodie illud Dominium possidet N. de *Waesberge* & N. *Werebroeck* qui jurisdictionem Dominicalem exercet per duos annos & tertio anno præfatus N. De *Waesberge*.

Ecclesia sacra est *S. Amando* Tungrensi Episc. Ejus Patronatum possidet Capitulum Rothnacense.

Decima est tripartita, cujus duæ trientes spectant ad hoc Capitulum, altera triens

triens ad Parochum, qui est Pastor Swalmæ Monachorum, qui hanc curam Pastoralem administrat, & singulis diebus XIV. in eâ rem divinam celebrat. Præfatus Parochus in Supplementum competentiae habet annuè a præfato Capitulo Rothnacensi 50. florenos, & tres saccos tritici.

LEEUWERGHEM, Baronatus titulo olim celebre Dominium inter Alostum & Aldenardam æquali ferè distantia trium milliarium, prout & a Gandavo Ninhovia & Gerardimonte.

Primitus hoc Dominium nomen dedit clarissimæ familiæ de *Leeuwerghem*, & per nuptias a Sottegemienfibus devenit ad *Masminios*, inde a variis possessum fuit, quos recenset *A. Sanderus* tom. II. in Flandriæ Illustratæ auctuario parte II. pag. 20. Initio seculi XVII. devenit hoc Dominium jure uxorio ad *Philippum de Laloo* Equitem Ord. *S. Jacobi*, dein per nuptias *Isabellæ de Laloo* hæredis Dominiorum de Leeuwerghem Elene &c. transiit ad *Valentinum de Lannoy* Urbis Hultanæ Præfectum &c. a quâ stirpe anno 1707. devenit cum Dominio de Elene emptione publicâ ad *Ludovicum d'Heyne* Dominum de Waterdyck; pretium fuit 36000. flor. Independens est ejus loci Toparcha ac liberum ut vocant allodium sub se continens Elene &c. extendit etiam latè jurisdictionis suæ alas in pagos circumvicinos Hillegem & Oomberge; constituit cum Elene unum tribunal.

Ornatur hoc Dominium insigni Prætorio, quod præcedenti seculo multum restauravit & ornavit præfatus *Valentinus Lannoy*, & ejus filius *Eugenius de Lannoy*, prout & hodiè collapsum pulchre indies restauratur per præfatum *Ludovicum d'Heyne*. Prætorii hujus schema exhibet prout fuit præcedenti seculo *A. Sanderus* Flandriæ Illustratæ parte II. pag. 20.

In hac Ecclesiâ Parochiali unicum visitur Sepulchrale Monumentum cujus est hæc inscriptio.

Ob. Monumenti & Ill. *P. de Laloo*. Hujus Dominii Toparchæ, hic sepulti. Obiit VIII. Idus Decemb. anno M. DC. XX.

Ecclesia inscripta est *S. Amanda* Tungrensi Episc. Ejus Patronatum gerit Abbas *S. Petri* Gandavi.

Decima spectat ad Parochum, etiam ea pars exigua Abbatiae de Biloka Ord. Cisterc. Gandavi.

Viget in hac Ecclesiâ specialis cultus & peregrinatio *S. Eligii* Episc. die 25. Junii, & per octavam, cujus venerandis Reliquiis ditata est hæc Parochialis.

LEMBERGE, primo lapide cum dimidio a Gandavo, præfecturæ Rodensis Dominium, spectans ad gentem *Triestiam*, quod hodie possidet *Theodorus Triest* Eques, Vir Consularis Gandavi &c.

Ecclesia tutelarem colit *S. Aldegundim* Virg. Patronatus ejus spectat ad Abbatem Eenamenfem Ord. S. Bened. dono Burchardi Episc. Camerac. anno 1126. cujus Diploma proferemus infra in pago Moortzele.

Decima est tripartita cujus duæ trientes spectant ad Dominam *N. de Jeghem* altera ad Parochum, qui est Pastor in Bottelaere, a quo deservitur hæc cura Pastoralis, qui insuper habet decimas novales.



MASSEME, Gallis *Masmines*, utrumque in Diplomatribus legitur, Gandavum inter & Alostum æquali ferè distantia. Principatus titulo illustrè Dominium, quod olim Nobilissimæ familiæ de *Masseme* dudum nomen dedit. Datus est hic pagus Anno 1228. cum Calckene & Laerne pagi ditioris Teneræmundanæ a *Roberto* Advocato Atrebatensi & Teneræmundæ Domino in compensationem dotis Sorori suæ *Machtildi* cum *Gilleberto Sottengemio* Rassengemii Domino, ut patet ex Diplomate apud *A. Miræum* in Donat. Belg. Lib. I. Cap. CI. novæ edit. cujus hic est tenor.

Ego **ROBERTUS**, Advocatus Atrebatensis, Betuniæ & Teneræmondæ Dominus, notum facio tam præsentibus quàm futuris, quòd omnia quæ habebam in Parochia de **CALCKENE**, quæ Ego tenebam, & quæ à me tenebantur, dedi in feudum Domino *Gilberto de Sottenghem*, liberè cum omnibus justitiis majoribus & minoribus: excepto manso de *Raveschoot*, sicut est modo clausum, exceptis etiam quindecim bonariis wastinæ.

Et sciendum, quòd homagia, quæ Ego in dicta Villa habebam, mihi remanent. Et si homines mei ibidem manentes, exercitus meos vel equitaturas non fecerint, sicut debent, vel ad placita mea non venerint; Ego pro forefacto tali, sicut homines mei judicaverint, potero pendere super feudum, quod mei homines tenent de me & nullam aliam Justitiam majorem vel minorem in dicta Villa habebo.

Dedi etiam dicto *Gilberto* similiter in feudum omnia, quæ habebam in Parochia de *Laerne*, & quæ Ego tenebam, & quæ à me tenebantur: exceptis servis & hominibus Advocatiæ, quos Ego habeo in dicta Villa. Bona autem omnia cum alodio, quod dictus *Gilbertus* habebat in Parochia de *Masseme*, & quod habebit in posterum, recepit ipse à me in feudum.

Et sciendum quòd dictam Donationem ei feci pro mille libris, quas ei debebam de maritaggio *Machtildis* Sororis meæ, quam ipse habet in uxorem. Et quia Ego *Michael* Flandriæ Constabularius, & Ego *Walterus de Ghiselle*, de assensu Domini *Roberti* de Betune, & Domini *Gilberti* de Sottenghem, prædictæ rei fuimus ordinatores, ad ipsorum petitiones, & prædictorum testimonium, sigilla nostra præsentis Scripto duximus apponenda.

1228.

Actum anno millesimo ducentesimo vicesimo octavo, mense Martii.

Hoc Dominium mansit in hac stirpe usque ad initium sæculi XVI. cum per nuptias *Andreae de Jauce* Domini de Mastain cum *Margaretâ de Masseme* filiâ hereditariâ *Roberti de Masseme* & *Isabellæ de Leeuwergem*, devenit in prædictam familiam de Jauce dictam Mastain, in qua stirpe permansit usque ad annum 1559. quo *Maximilianus Villani a Gandavo* nupsit *Philippæ de Jauce* dictæ Mastain, quæ ei in dotem attulit Dominia de Masseme, Westrem, cum Oordegem & ipsorum dependentiis, quibus nuptiis devenit in familiâ Gandavensi, in qua hætenus permansit. Contractum antenuptialem refert *A. Du Chesne* in probationibus Genealogicis familiæ Gandavensis pag. 644.

Porro recensetur hoc Dominium inter illustres & primarias clientelas Curia feudalis Teneræmundanæ. Decoratum est titulo Principatus in favorem *Balthasaris Philippi Villani a Gandavo* Anno 1652. a *Philippo IV.* Hisp. Rege Diplomate dato Madriti die 1. Augusti, ei uniendo & annexando Calckene, Wettere, Oordegem, Westrem & Smetlede.

Ereſtum in  
Barona-  
sum.

## SERIES DYNASTARUM ET PRINCIPUM DE MASSEME.

**THEODORICUS**, Dom. de *Masseme* duxit *Mabiliam*, fustulit *Theodoricum*, *Gerardum de Masseme* & *Beatricem*. Signat litteras *Theodorici* Comit<sup>is</sup> *Flandriæ* Anno 1150. & 1151.

**GERARDUS DE SOTTEGHEIN**, filius *Goffuini* Dom. de *Rassenghien* duxit *Beatricem* filiam hæreditariam *Theodorici* Dom. de *Masseme*, *Laerne* &c. An. 1199. quæ ei procreavit *Giselfbertum* Dominum de *Rassenghien* & *Malmines*, & *Guilielmum*, qui subscripsit acta cum fratre An. 1229. Hic Gerardus reliquit uxorem suam *Beatricem* viduam Anno 1221.

**GISELBERTUS DE SOTTEGEM**, Dom. de *Rassegem* duxit *Machtildem* filiam *Guilielmi* de *Bethunæ*, Sororem *Roberti de Bethunæ* Advocati *Atrebatensis* Dom. de *Bethunæ* & *Teneræmundæ*, quæ ei apportavit in dotem An. 1228. *Masseme*, *Calckene* & *Laerne*, & quædam bona sita in *Wettere* a præfato fratre suo *Roberto*. Procreavit *Gerardum* Dom. de *Rasseghem*, *Robertum de Sottegem* Dom. de *Leeuwerghem* & *Elene*, *Giselfbertum* Dom. de *Masseme*, *Laerne* &c. & *Machtildim* filiam unicam. *Robertus* præfatus sine liberis mortuus An. 1271. instituit ex assè hæredem fratrem suum *Giselfbertum* Dom. de *Masseme* *Machtildis* uxor *Giselferti* de *Sottegem* mansit vidua An. 1238. vel ut *A. Miræus* vult An. 1243.

**GISELBERTUS DE SOTTEGEM**, alias de *Rasseghien* Dom. de *Masseme* &c. filius præfati *Giselferti*, duxit *Margaretam Dixmudanam*, fustulit *Gerardum* qui sequitur.

**GERARDUS DE RASSEGHIEIN**, Dom. de *Masseme*, *Calckene*, *Laerne* & in *Wettere* &c. Duxit *Isabellam de Maldeghem* Dom. de *Eecke* & *Wesseghem* hic obiit 1338. die 7. Maii, illa vero An. 1326. die 10. Januarii, Sepulti in *Masseme*. Huic filius fuit *Gerardus* qui sequitur.

**GERARDUS II.** Dom. de *Masseme*, *Laerne*, & in *Wettere* duxit *Margaretam de Axelles*, ex quâ

**GERARDUS III.** de *Rasseghem* Dom. de *Masseme*, *Laerne*, *Berleghem* &c. Duxit *Catharinam de Maldeghem* filiam *Philippi de Maldeghem* & *Mariæ de Grimberghes*, & *Moerseke*, cujus dote *Berlegemii* Dominium accepit. Signat cum Patre pactum dotale Fratris sui An. 1366. ex quâ inter alias proles procreatus

**WALRAVIUS**, Dom. de *Masseme*, *Berleghem* &c. Duxit *Margaretam de Maerschalck* filiam *Roberti Tincke* Mareicalli Comit<sup>is</sup> *Flandriæ* Dom. de *Blaesvelt* & *Beatricis de Flandria* filiæ naturalis *Ludovici Maleani* Comit<sup>is</sup> *Flandriæ*, ex quâ fustulit *Robertum* qui sequitur & *Isabellam*.

**ROBERTUS**, Dom. de *Masseme*, *Berleghem*, *Hemelvedeghe*, *Uytberghes*, *Lierde S. Martini* & *S. Mariæ*, *Parike*, *Westrem* &c. Eques *Aurei Velleris*. Duxit Anno 1430. *Isabellam de Leeuwerghe* filiam *Roberti de Leeuwerghe* & *Joannæ de Ghistelles*, quæ ei procreavit filiam unicam *Margaretam* hæreditariam de *Masseme* &c. *Robertus* cæsus est in proelio contra *Leodienfes* apud *Bovinas* Anno 1430.



- MARGARETA, Dom. hæreditaria de Masseme &c. Duxit *Andream de Jauche* Dom. de Mastain An. 1429. sustulit inter alias proles *Jacobum* qui sequitur. *Andreas* obiit An. 1456. ambo sepulti Brugeletti.
- JACOBUS DE JAUCE, Dominus de Mastain, Brugeletti, Masseme &c. Duxit 1. *Philippam de Lannoy* filiam *Balduini de Molenbaisæ* ex qua sustulit *Franciscum* qui sequitur. 2. nuptiis duxit *Joannam de Barbançon*. *Jacobus* obiit An. 1499. *Philippa* vero An. 1500. omnes sepulti Brugeletti.
- FRANCISCUS DE JAUCE, Baro d'Heyne Dom. de Masseme, supremus Prætor Gandavenfis obiit 22. Augusti 1529. Duxit *Isabellam vanden Eechoute* dictam de Grimberghe filiam hæreditariam d'Angrelles & Atreppe; filiam reliquit unicam *Jodocam de Jauce*. *Isabella* obiit anno 1544. ambo sepulti in Ecclesiâ de Masseme.
- JUDOCA DE JAUCE, Dom. de Masseme &c. nupsit *Christophoro de Rochendorff*, & *Gunderstorfi* Comiti, Condati Domino, Marefcallo Austriæ hæreditario, peperitque filiam in infantiâ mortuam, obiit sine liberis.
- GABRIEL DE JAUCE, Comes de Lierde, Baro d'Heyne & Pouques, Dom. de Mastain, Herimez, Masseme &c. filius *Antonii* Dom. de Mastain. Successit hæreditariè in Dominiis *Judocæ de Jauce*. Duxit *Catharinam de Lannoy* filiam *Philippi* Equitis Aurei Velleris, & *Franciscæ Barbansoni*, ex quâ sustulit tres filias, primogenitam *Philippam* Dom. de Masseme &c.
- PHILIPPA DE JAUCE, Dom. de Masseme, Westrem, Oordeghem, & eis annexa uxor Anno 1559. *Maximiliani Villani a Gandavo*. Ifegemii Comitis creati Ann. 1582. Baronis de Raffenghien, S. Jean Steene, Calckene, Wettere &c. Obit An. 1583. sepultus in Lomme prope Insulas. Sustulit inter alias proles *Jacobum Philippum* primogenitum.
- JACOBUS PHILIPPUS VILLANUS a Gandavo Comes Ifegemii, Baro de Raffenghien, Dom. de Masseme &c. Obit An. 1628. Duxit anno 1586. 1. nuptiis *Odiliam de Claerbout*, filiam *Jacobi* Baronis de Maldeghehem &c. & *Franciscæ d'Ongnyes*, quæ obiit An. 1595. & 2. nuptiis An. 1596. *Isabellam de Berghes* filiam *Ferrici de Berghes* Baronis Grimbergæ, & *Annæ Sterk* Dom. de Boucquoy, Wynegem, Sta-broeck, Lichtaert &c. ex primis nuptiis primogenitus fuit qui sequitur.
- PHILIPPUS LAMORALDUS VILLANUS a Gandavo Comes d'Ifeghem, Baro de Raffenghien, Dom. de Masseme &c. obiit 6. Januarii An. 1631. Duxit *Isabellam Margaretam De Merode*, filiam *Philippi* Baronis de Frentz, Vice-Comitis Iprensis, Dom. de Middelbourg & *Joannæ de Montmorency* Baronis de Croifelles. Ex quâ sustulit *Maximilianum* sine liberis defunctum An. 1636. *Balthasarem Philippum* qui sequitur & alias proles.
- BALTHASAR PHILIPPUS VILLANUS a Gandavo Comes d'Ifenghien, de Middelbourg, & d'Ongnyes, Vice-Comes Iprensis, Baro de Raffenghien, de Croifelles, & de Glaion, Dom. de Masseme &c. Eques A. V. Gubernator Ducatus Geldriæ &c. Mortuus 27. Februarii 1680. Creatus Princeps de Masmines Anno 1652. Duxit in Hispaniâ *Ludovicam Henricam* filiam *Didaci Sarmiento de Sotomayor* primi Comitis de Salvatierra &c. & *Eleonoræ de Luna*, mortua An. 1675. die 17. Sept. am-

ambo sepulti Venlonæ in templo F. F. Minorum. Inter proles utriusque sexus, procreavit *Joannem Alphonsum* primogenitum, natum Bruxellis An. 1655.

JOANNES ALPHONSUS VILLANUS a Gandavo Princeps de Masmines Comes de Middelbourg, d'Ongnyes, Baro de Raffenghien, de Frents &c. creatus a Rege Galliae Anno 1678. Princeps d'Isenghien. Obiit Parisiis 6. Julii anno 1687. Duxit anno 1677. *Mariam Theresiam de Crevant d'Humieres* filiam primogenitam *Ludovici* Marecalli Ducis de Humieres & *Ludovicæ-Antoniæ-Theresiæ de la Chastre*; ex qua procreavit inter cæteras proles utriusque sexus *Ludovicum* primogenitum.

LUDOVICUS VILLANUS a Gandavo princeps d'Isenghien & de Masmines &c. Marecallus Campi & exercitus Regis Christianissimi, natus Insulis An. 1678. die 16. Julii. Duxit 1. an. 1700. *Annam Mariam Ludovicam Principissam* de Furstenbergh, defunctam sine liberis mense Januarii 1706. 2. An. 1713. *Mariam Ludovicam Carolinam Pot de Simiane* Marchionissam de Rhodes in puerperio extinctam An. 1714. & 3. An. 1721. filiam *Antonii Grimaldi* Principis de Monaco, Ducis de Valentinois & *Mariæ de Lotharingia* d'Armagnac.

Sequuntur inscriptiones Sepulchrales Dynastarum de *Masseme* quæ ad notitiam nostram post exactam inquisitionem pervenerunt.

In Ecclesia Parochiali de *Masseme* fuere olim plura monumenta Sepulchralia *Masminiae* Dominorum, quæ in turbis Belgicis funditus eversa sunt *D. Lindanus* in suâ *Teneræmundâ* Lib. I. Cap. VI. N. 73. exhibet hæc bina subsequencia Epitaphia hic olim fuisse.

Septimo die mensis Maii obiit *Gerardus*, Dominus de *Masmines*, Miles, cujus anima per Domini misericordiam requiescat in pace Amen. Anno cto. ccc. xxxviii.

Decima Januarii obiit Domina *Elisabeth de Maldeghem*, Domina de *Eecke* & *Wesseghem*: uxor quondam Domini *Gerardi de Masmines*, militis, Orate pro anima ejus. Anno cto. ccc. xxvi.

Gerardi gentilitia insignia erant *Dixmude*, *Axele*, *Masseme*, *Nevele*.

Uxoris autem *Maldeghem*, *Rode*, *Ghistele*, *Reyghers-Vliet*.

Hæc Monumenta exstiterunt in anteriori Ecclesia hujus Parochialis humi ante aram Virginis Deiparæ, laminâ cupreâ obducta, cum eorum imaginibus ad vivum expressis, quam laminam uti & aliorum alibi hæretica pravitas & rapacitas cum ingenti antiquitatum cognoscendarum damno abstulit. Lapis Cæruleus adhuc hodie visitur. Ita didici ex antiquo Manuscripto libro ante turbas Belgicas conscripto & nobis ab amico Nobili Viro gratiosè communicato.

In Choro Ecclesiæ Parochialis *Brugelletti* prope *Athum* *Hannoniæ* oppidum exstant hæ Sepulchrales inscriptiones.



*Cy gist Messire Andrien de Jausse, Sr. De Mastain, De Bruggelette, de Herimez, qui trespassa l'an 1456. le jour de . . . . .*

*Cy gist Marguerite de Masmines, Dame de Masmines & de Mastain, qui trespassa . . . . .*

Ibidem.

*Cy gist Messire Jacques de Jausse, Chlr., Sr. De Mastain, de Herimez, de Bruggelette, Masmines, Westrem, Emelveerdegem, Lierde, de Sassignies, Court a Bois, Ayscoufé &c. qui tresp. le 20. Janvier l'an 1499. Et de Dame Philippe de Lannoy, son Epouse, qui tresp. en l'an de grace 1500. le 10. jour de Novembre. Priez pour leurs ames.*

Visitur Malminia in Villâ Principis Ifegemiensis e regione Ecclesiæ lapis Monumenti Sepulchralis olim parieti inserti in hac Parochiali in turbis Belgicis eversi, ex nigro marmore aureis litteris adhuc hodie clarè conspicuis *Francisci de Jasse* dicti Mastain, Masminia Domini &c. illic conditi, cujus est hæc inscriptio: prout nos ipsi vidimus & excerptimus ut sequitur.

*Cy gist Noble homme François de Jasse, Chevalier, Sr. de Masmines, Baron d'Heyne, en son temps Grand Baillu de Gand, qui trespassa l'an M. D. XXIX. le XXII. d'Augustus.*

Monumentum erat illustre Equestri effigie expressum.

In Choro F. F. Minorum Venlonæ ad latus Aræ Principis visitur insigne Marmoreum Sepulchrale Monumentum, cujus hæc est inscriptio.

D. O. M.

Hic requiescit Domina

D. Principissa *Ludovica Henriquez Sarmiento*

Juncta

Avito sanguine Legionis, Castellæ & Portugalliæ Regibus. Affinitate Regibus Arragoniæ, Navarræ, & Comitibus Foixii.

Conjugio Illust<sup>ma</sup>. utriusque sexus prole fecundo.

Excell<sup>mo</sup>. D. *Balthasari Philippo de Gand*

Ex veteri Biliusiæ, & Saxonie familia oriundo,

Principi de Masmines, & Glaion, Comiti de Ifenghien, & Middelburgh, Vice-Comiti Iprensi &c.

Equiti Aurei Velleris, Regiæ Catholicæ Majestatis.

Cubiculario, Gubernatori Capitanio generali Ducatus

Geldriæ, & Comitatus Zutphanie.

Qui

Qui hoc Monumentum Excell<sup>mæ</sup>. Conjugi  
Sibique commune statuit.

Illa e vivis abiit Venlonæ 17. Septembris 1675.

Ille 27. Febr. 1680. Defunctam secutus est,

Uterque ut Deum assequatur

Bene precare Viator

R. I. P.

Olim splendidum hîc habuere Prætorium Masminia Domini, cujus rudera & fundamenta adhuc conspiciuntur; sed pristinis bellorum motibus eversum, dirutum, & solo æquatum est. Pinguior & præcipua hujus Domini pars spectat ad Masminia Dominum. Domus Pitzenburgica, Equitum Teutonicorum in Urbe Mechliniensi non pauca rura & agros hic loci possidet cum universa pagi decima, de qua mox plura.

Bavoniani Monachi Gandavi hic & alibi plurima bona olim possiderunt, & fortasse omnia, quæ *Arnulphus* Flandriæ Comes suæ divisit nobilitati, teste *D. Lindano* in suâ *Teneræmundâ* Lib. III. Cap. VII. N. 30.

Quoad rem sacram Ecclesia inscripta est *S. Martino* Turonensi Episc. Ejus Patronatus olim spectavit cum tertiâ parte decimarum ad Capitulum *S. Crucis* Cameraci, quod deinde totum suum jus transcripsit Domui Pitzenburgicæ præfatæ, sub annuo censu IX. flor. & VII. stuferis cum dimidio monetæ modernæ, prout nos ipsi ex Chartulario Domus Pitzenburgicæ excepimus; vigore cujus transcriptionis possidet hujus Ecclesiæ Patronatum cum tertiâ parte decimarum, eoque titulo plures Ord. Teutonici hujus Domus Presbyteri hanc curam Pastoralem administrarunt; ultimus autem Anno 1605. ex quo tempore sine interruptione deserviri coepit per Pastores de Westrem usque ad An. 1710. quo nos ipsi hanc deservituram abdicavimus, & exinde proprium coepit habere deservitorem.

In Choro hujus Parochialis Sepulturæ locum nactus est *Christophorus Baro de Lutzenrode*, Commendator in Pitzenborch, sub grandi cæruleo lapide, cujus est hæc inscriptio.

**Hier leydt begraven den Hooghweerdigen en Welgeboren Heer / Heer Christofel, Baron van Lutzenrode des Lofweerdighen Duytschen Ordens Ridder / Commandeur van Pitzenborch binnen Mechelen / mitsgrs. Raedt van syne doorluchtige Hoogheyt den Aerts-Hertogh Leopoldus Willem, etc. die sterf den 22. September 1657. Wiens ziele Godt genadich sey.**

Quarteria.

*Lutzenrode. Gimminich. Sebach. Hathsfelt.*

*Coetsbause. Vischel. Broel. Orsbach.*



In extremitate hujus Domini Gandavum versus olim fuit Hospitale, erectum & fundatum a *Beatrice* Domina de Masseme circa annum 1220. ad vagos hospitandos & pauperes reficiendos. Diploma foundationis profert *A. Miræus* in Not. Eccles. Belg. Cap. CLII. novæ edit. cujus hic est tenor.

Notum sit omnibus, quod ego *Beatrix* Domina de Masseme, per consensum Filiorum & Filiarum mearum, ad consulendum animæ meæ & cari Mariti mei *Gerardi* de Sottengheem piæ memoriæ in wastina mea jacente prope Masseme, ad vagos hospitandos & pauperes reficiendos, novam Domum, scilicet Hospitale, feci construi & ædificari.

Ad eandem verò Domum sustentandam novem jugera terræ de præfata wastina, & duos manipulos liberæ decimæ Allodii mei in Masseme in perpetuum contuli.

Ad opus autem Capellani, in eadem Domo celebrantis, sexdecim mensuras terræ ad *Willemskerke* jacentes, quas Godefridus tenuit tribui.

Ut hoc autem ratum permaneat, præsens Scriptum Sigillo nostro & Sigillis Filiorum meorum feci communiri.

Verum hoc Hospitale succedentibus temporibus desiit, & tandem in oblivionem abiit; ita ut hodiè nulla ejus exstet memoria, bona, & duæ partes decimarum de Masseme, quæ erant hujus Hospitalis, dein occupavit præfata Domus Pitzenburgica, quæ hodie etiam cætera bona hujus Hospitalis possidet; sed quo jure aut titulo, hæctenus indagare non potuimus.

MELLE, in Diplomatis *Melna* legitur, distat primo lapide a Gandavo viâ Alostanâ, amæno cumprimis loco ad Scaldim fluv. sita, Præfecturæ Rodensis dominium, ad cujus Marchionem de gente *Rodrigues* hodie spectat; in sacris protendit se ultra Scaldim in pago de Heuldene, qui vicus ea ratione vocatur *Den Melle-hoeck*.

In hoc pago prætoria sua habent non parum venusta cumprimis *Jacobus Coppieters* Dom. de Hollebeke, situm in vico Quaetrecht, item N. Bellemans situm juxta novam viam lapideam, item *Livinus Triefst* Dom. de Ronsele, situm ad Scaldis ripam.

Hic loci visuntur vestigia insignis olim Prætorii, nuper *Ludovici de Melun* Marchionis de Richebourg, hodie ejus hæredis Marchionis de Becelaere, quod olim inhabitavit *Sigerus Cortracensis*, famosus ille & inter Magnates potens, diversus hic erat ab illo, quem vulgo *Courtrosyn* vocant, cui anno 1837. ad Castrum Rupelmondæ cervix jussu *Ludovici Nivernensis* Flandriæ Comitibus fuit præcisa, in hoc autem prætorio fundata fuit Capellania Castralis cum onere trium missarum hebdommadatim, fundata præcipuè in decimis hujus pagi a præfato *Sigero Cortracensi* Mellæ Domino, quæ & Capellania de *Courtrosyn* hodiedum nuncupatur. Spectavit ejus collatio nuper ad præfatum Marchionem de *Richebourch*, post cujus mortem ad ejus filiam nuptam Marchioni de Becelaere de gente de *Woestyne* hoc jus cum cæteris ibidem bonis devolutum est.

Ecclesia sacra est *S. Martino* Turonensi Episc. Ejus Patronatum gerit Persona hujus Parochialis, qui Personatus Anno 1643. per Illustrissimum *D. Jacobum Boonen* Archiep. Mechl. erectus est in Canonicatum in Ecclesiâ Metropol. *D. Rumoldi* Mechliniæ.

Decimarum varii sunt participes, etiam sæculares, quarum non exigua portio spectat ad præfatum Personatum, quem modo potitur *Alexander Ludovicus Roofe* J. U. L.

In hoc pago conspicitur jucundo situm loco ad Scaldim, Coenobium Canonicorum Regularium *S. Augustini* Congregationis & Capituli Windesemensis,



sis, quod ad Annum 1531. (ut archiva docent) fundavit Vir Nobilis *Ludovicus van Hole* Civis Gandavenfis, vocaturque Coenobium *B. Mariæ Ten Hole* in Parochiâ de Melle ditionis Aloftanæ. Fundat autem illud in suo fundo, & dotat de fuis bonis pro VIII. Canonicis, quorum sex erunt Sacerdotes, aliisque duo non Sacerdotes, donec de numero eidem loco de pluribus bonis fuerit prospectum, sub uno Priore ad VII. horas Canonicas quotidie decantandas, celebrandumque solemne sacrum, pro anima sua, ac majorum suorum, nec non posterorum benefactorum. Factum id coram Scabinis Gandavenfibus sexta Julii Anno 1431. Litteræ sunt conscriptæ Flandrico idiomate, quæ apud nos latent.

Exstant etiam litteræ erectionis sub *Joanne* Episc. Camerac. 21. Januarii eodem anno. De hac fundatione ulterius tractat *A. Sanderus* Flandriæ Illustratæ tom. II. pag. 503. & cujus Iconismum illic exhibet.

Seculo XVI. hoc Coenobium tumultibus Belgicis & bellorum motibus mirum in modum attritum est, ac pro magna sua parte exustum, ac totaliter ferè in cineres abiit; ita ut Religiosi exulare compulsi sint, & aliquot annis dein in Xenodochio Urbis Hulstianæ se continuerint, ex quibus ruinis rebus pacatis nonnihil surrexit & respiravit, ædificiis & templo reparatis aut exstructis.

Cæterum hoc Coenobium Colonia est seu filia *Busci Domini Isaaci* Diocesis Cameracensis ac Comitatus Hannoniæ Monasterii propè Nivellas. Sepultus hic fundator *Ludovicus van Hole Francisci* filius ante aram Principem; sed lapis Sepulchralis, & litteræ per turbas Belgicas evanuerunt, inscriptionem tamen hujus Sepulchralis Monumenti invenimus in libro Manuscripto ante motus Belgicos exarato ut sequitur.

**Hier licht Lodewyck van Hole, J. François, die dese Clooster dede sonderen op syn erve ter eeren van Godes / ende gaf daertoe lant ende renten / om daer mede te singen eenwelyck de seven getyden / over syne Ziele ende alle Zielen / die starck int jaer 1448. den 29. dach van December.**

## PRIORES MONASTERII IN MELLE.

Ad hanc Coloniam plantandam venit de mandato *Joannis de Liedekercke* Episc. Camerac. ex Monasterio Silvæ-Isaacanæ *Henricus Nulaets* cum quinque Religiosis *Joanne Maseselle*, *Joanne de Merica*, *Joanne de Poperinge*, *Joanne Hofmackere*, & *Joanne Vrancx*, a quibus primus Prior electus est.

JOANNES DE MERICA, sive *vander Heyden*, qui ibidem obiit An. 1447. die 6. Martii.

JOANNES PINSALINCK, Religiosus Septifontium, inde Ao. 1448. electus Prior in suæ Professionis Monasterio, in quo obiit An. 1470.

JOANNES VRANCK. Obit Anno 1475. die 26. Februarii.



GERARDUS FABRI.

PAULUS BRUNGAERTSOEN.

JUDOCUS DE PONTE. Obiit An. 1511.

GERARDUS TRIEST. Obiit 20. Martii An. 1534.

BARTHOLOMÆUS MEERBEKE. Obiit An. 1548.

JACOBUS GOETHALS. Obiit An. 1550.

CORNELIUS VANDER MOUREN. Obiit 27. Septembris.

JOANNES DE BRUNE. Obiit Anno 1565.

CORNELIUS SERLAMBRECHTS. Obiit An. 1595. die 20. Martii.

FRANCISCUS TORRENTIUS. Obiit Anno. 1605.

JACOBUS COIANUS. Obiit Anno 1617.

HENRICUS VAN HOLE. Obiit Anno 1634.

REYNERUS HALSBERGHE. Obiit An. 1646.

MELCHIOR MATTON. Obiit An. 1678.

JACOBUS MARIEN, Religiosus Monasterii de Bethleehem, inde Anno 1683. electus prior in Monasterio suæ Professionis, in quo obiit An. 1702.

JOANNES BAPTISTA COCK. Obiit Anno 1703.

JOANNES BAPTISTA PAIGE, ex Monasterio Rubæ Vallis. Cessit Anno 1713.

LAURENTIUS FLORIS, ex Monasterio Septifontium, electus Prior Anno 1713. qui hodiè præst.

Hanc Seriem ex Tabulario hujus Monasterii manu propriâ excepimus, & nonnullos in eo omisso, ac alibi inventos suo loco addidimus.

MERELBEKE, in Diplomatis *Marlebeca* legitur, primo lapide a Gandavo, quem irrigat Scaldis fluvius, qui Aldenardâ Gandavum tendit, pagus hic partim arabilis, partim Saluolus est, continet ultra mille terræ bonaria.

Hoc Dominium transiit initio seculi XVII. e gente *vander Cameren*, in qua dudum hæserat, in gentem *Triestiam*, ex qua illud primus acquisivit *Antonius Triest* Eques, & Consul Gandavenfis.

Dominium insigni Prætorio hortoque instructum est, quod hodie potitur *Theodorus Triest* Eques, Vir Nobilis & Consularis Gandavenfis.

In hac Parochiali in Sacello *S. Eligii* visitur Monumentum Sepulchrale *N. Vander Cameren* ejusque Conjugis tumbâ elevatâ, litteris plerisque obsoletis & fractis obiit Ao. 1372. qui fundavit in hoc Sacello tria sacra hebdomadatim.

Ante aram principem apud F. F. Recollectos Gandavi in magno saxo cæruleo humi legitur hæc inscriptio Sepulchralis.

M. S. Sta Viator & lege, hunc sibi posterisque suis locum delegit vivus, quem tegetet mortuus *Antonius Triest Judoci* filius, Eques Auratus Lovendegemii, Ruddershove, Merelebeke, & Lemberghe Toparcha. Vir præstantissimis animi virtutibus, dotibus, & patriæ suæ Consulatibus summâ cum laude clarus, pluribus dignum intercepit mors Anno 1621. 23. Aprilis cum vixisset ipse annos 75. optimus maritus, optima præ-

præfuit conjux *Anna de Vos*, Nob. V. *Joſs* Eq. Aurati Dñi de Herlebaut filia, non hic, ſed in D. Bavoniſ majorum ſuorum Monumento illata Ao. 1577. 24. Oct.

Quarteria,  
*Trieſt, Van Høyen, Borluut, Gorges.*  
*De Vos, Schoriſſe, Blaſere, Vos.*

Eccleſiæ tutelarem colit *S. Petrum* Apoſtolorum Principem, ædificata fertur a *Roberto Friſio* Flandriæ Comite teſte Chronico Aldeburgenſi & J. Meyero in ſuis Flandriæ Annalibus. Ejus Patronatum gerit Abbas *S. Petri* Gandavi dono *Odonis* Episc. Camerac. Anno 1108. cum ſuis appenditiis, ſcilicet Bottelaers, Schelrode & Munte, quæ hodie Parochiales Eccleſiæ ſunt, & jam dudum ſuos habuere Parochos.

Decima eſt tripartita cujus duæ trientes ſpectant ad præfatam Abbatiam, reliqua triens ad Parochum cum novalibus.

In hoc pago (teſte *A. Sander* in ſuo Gandavo pag. 453.) per aliquot annos moratæ ſunt Moniales Coenobii *Ter Haeghen* Ord. Ciſterc. An. 1269. animo hic ſtabilem ſedem ponendi, quam dein Anno 1272. prope Axelam poſuerunt, indeque propter illuviones aquarum recedere compulſæ ſunt, & Gandavum ſe receperunt, quæ Abbatia ibidem floreſcit.

Viget hic cultus & Veneratio *S. Eligii* Episc. ibique Capella huic Divo ſacra, & peregrinatio populorum.

MOORTZELE ſecundo lapide a Gandavo, Præfecturæ Rodenſis, ad cujus Marchionem pridem ſpectavit, nunc ad ejus natos indiviſim devolutum eſt. Hallucinatur *A. Sanderus* in Flandriâ Illuſtratâ Tom. II. pag. 508. dum putat hunc pagum eſſe qui eſt *Moorſele* prope Aloſtum, in quo quievit *S. Gudula* Bruxellenſium tutelaris & Patrona, cum ab eo diverſus ſit.

Eccleſia inſcripta eſt *S. Amando* Turgrenſi Episc. Ejus Patronatus ſpectat ad Abbatem Eenamenſem Ord. S. Bened. prope Aldenardam.

*Burchardus* Episcopus Cameracenſis anno 1126. confert Abbati Eihamenſi Altare de Lembergſ, uti patet ex hoc Diplomate a moderno Abbate nobis tranſmiſſo initio hujus anni 1725.

In Nomine Patris & Filii & Spiritus Sancti. *Burchardus* divinâ miſeratione Cameracenſium Episcopus tam futuris quam præſentibus in perpetuum. Scripturâ atteſtante quæ ait vide cui benefeceris, & erit gratia in donis tuis. Multa commonemur ne indiſcretè largiamur. Conſilio itaque Clericorum noſtrorum ſupplicationi filii noſtri Giſleberti Eihamenſis Abbatis condeſcendimus, & Eccleſiæ *S. Salvatoris* cui præeſt, & noſtræ ſollicitudini incumbit. Altare *S. Amandi* de Mortſela & Altare *S. Aldegundis* de Lembergſ, libera & ſine perſonâ ſalvis noſtris & miniſtrorum noſtrorum debitis, conceſſimus. Ad arcendas verò quaslibet importunitates, in prævaricatores quoad reſipuerint Anathema expoſuimus, atque canonicâ ſubſignatione noſtrâ, quod ſubimaginatione hujus noſtri decreti paginam aſſignavimus. *S. Anſelli* eorumdem Altarium Archidiaconi. *S. Joannis* Archid. *S. Erliboldi* Præpoſiti & Archid. *S. Theodorici* Archid. *S. Girardi* Archid. Signavi Giſlebert Abbatis. *S. Oilardi* Decani. *S. Rotberti* Cantoris. *S. Hadewini*. *Widonis*. *Radulfi*. *Runiordi*. *Hugonis*. *Gualcheri*. *Lamberti*. *Bernardi*. *Petri* Canonicorum. Actum anno incarnati verbi M. C. XXVI, indiſtione IIII. præſulatus Domni *Burchardi XI*. Ego *Gueremboldus* Cancellarius ſubſignavi.

Ex Archi-  
vis Abba-  
tia Een-  
menſis.



Decimarum participes sunt pro duâbus tertiis præfata Abbatia Eenamenfis cum Parocho, quas per interim. cessit totaliter Parocho, tertia pars est secularis spectans ad viduam *N. Gillis*, Advocati Gandavi.

Hic loci plura fuere Nobilium Prætoria Gandensium, interque ea quod gentis erat *Sanderiæ* non parum eminebat; sed bellorum & temporum injuria multum attrita sunt.

MUNTE altero lapide a Gandavo, Præfecturæ Rodensis Dynastia, contigua præfatæ Parochiæ de *Moortzele*, peculium Marchionis Rodensis. Mansit per plura secula penes gentem Nobilem & Consularem Gandavensem, cognominem *De Munte*, quæ connubia cum variis Nobilibus familiis Gandavi & alibi contraxit, teste l'Espinoys in suis de Nobilitate Flandricâ commentariis Gallicis signanter pag. 278. & 613.

Prætorium illic visitur spectabile quod dudum fuit penes Barones de Brouchem dein Baronis de Riviere, ejusdem Prætorii incolæ, conditi in hac Ecclesiâ, quorum armaria in Ecclesiâ illic visuntur. Ab hac familiâ nuper emptione publicâ devenit ad N. Borchgrave cum non exiguâ parte decimarum, & pluribus agri possessionibus, hodie spectat ad *N. van den Bende*.

Ecclesia sacra est *S. Bonifacio* Moguntinorum Episc. & Mart., sub Patronatu Abbatis *S. Petri* Gandavi, decorata nuper Venerandis Reliquiis S. S. Crucis cum Indulgentiis Anno 1718. a Sancta Sede obtentis.

Decimarum potior pars spectat ad Parochum cum Novalibus, cui præfatus Abbas cessit suas quas illic possidebat decimas, cum onere quod excedit portionem congruam, reparationis Ecclesiæ.

Cæterum plurimi in hoc pago possident exiguum districtum decimarum quos nimis longum foret recensere, cum sint numero XV.

OOMBERGE sive *Homberghe*, *Espinoyus* vocat *Oyenberghe* pag. 273. Nobilissimæ (si verbis utar *J. van Waesberghe* in suo Gerardimontio) *Dammanorum* Familiæ, vetus peculium Gandavi, *Meyeri*, *Marchantii*, *Guicciardini*, aliorumque historicorum paginis commendatæ in Clientelâ Baronis Boulariensis.

Hoc Dominium primitus invenio fuisse penes gentem *D'Oyenberghe*, deinde per nuptias in familiam de *Lombeke*, dein per similes nuptias circa Annum 1408. ad gentiles *vander Meerſch*, huic Ao. 1442. item jure nuptiarum ad *Nicolaum vander Sickelen* Dom. de Nazarette & Zeeuwerghem, inde iterum per nuptias obvenit *Joanni Pignon*, a quo hoc Dominium emptionis tabulis suæ familiæ acquisivit circa annum 1530. *Joannes Damman* cognomento dives, Vir Nobilis & Consularis Gandavi.

Erectum in  
Vice Comitatum.

Hoc Dominium erectum est in Vice-Comitatum in gratiam *Gasparis Damman* Equitis a *Philippo IV.* Hisp. Rege Anno 1645. Diplomate dato, Madriti die 17. Januarii. Ibidem est insigne Dynastarum prætorium, quod nobis exhibet *A. Sanderus* in Flandriâ Illustratâ tom. II. pag. 526.

Porro hoc Dominium annis plurimis possedit nostrâ ætate *Carolus Damman*, præfati Gasparis filius, post cujus mortem sine liberis defuncti, Anno 1721. die 18. mensis Junii, devenit jure successionis ad *Carolus Franciscum de Preudhomme d'Ailly* Baronem de Poucques, Sororis præfati *Caroli* filium, qui cum brevi post scilicet ultimâ Augusti ejusdem anni cœlebs fatis concessit, ejus Hæreditas & ampla possessio devoluta est ad *Marcum Antonium Albertum de Preudhomme d'Ailly*, Vice-comitem Neoportensem, qui vix anno elapso,

elapso, vita similiter excessit Anno 1722. de 11. Septembris relicto filio unico, annorum quatuor.

In Ecclesiâ Cathedrali D. Bavonis Gandavi visitur insigne monumentum marmoreum in sacello trium regum, Parieti insertum *Joannis Damman* Toparchæ d'Oomberge &c. cum hac inscriptione.

D. O. M.

Memoriæ & Virtuti Nob. V. *Joanni Damman* Oomberghæ, Varnoiser, Burghgracht, Vromenhove Domino, qui difficilimis temporibus Gandavi Patriæ suæ Primarius Consul, eademque æquitate summâ cum fortitudine & constantiâ egregiè perfunctus, Regi fidus, Civibus juxta ac magnatibus carus, omnibus gratus, vitâ & honore defunctus cœlo animam, terræ corpus hic reliquit, assitâ sibi dulcissimâ conjuge Nob. Matr. *Joanna van Waelbrouck* Dña de Houthage, obierunt ipse V. mensis Julii An. Sal. Chr. 1581. ista 24. Novemb. 1605.

Nundinæ annales hic binæ celebrantur, postridie festi inventionis S. Crucis die IV. Maii, & XXX. Julii.

In sacris Ecclesia tutelarem colit S. *Martinum* Turonensem Episcopum. Patronatum hujus Parochialis obtinuit Abbatia S. *Gislini* Ord. S. Bened. Anno 1147. dono *Nicolai* Episc. cum decimis Anno 1438. prædicta Abbatia cessit has suas quas hic possidebat decimas Toparchæ, simul cum decimis pagi de Raissagem sub annuo censu XIV. Librarum Flandricarum hodiernæ monetæ, qua ratione possidet Toparcha hujus Abbatiae decimas in hoc pago pro duabus trientibus, reliqua triens est Parochi.

Chorus hujus Parochialis multum restauratus & decoratus est per præfatum *Carolus Damman* Dynastam Anno 1701. ut saxum indicat exterius parieti insertum, cujus est hæc inscriptio.

1701.

D. O. M. *Cette Cheur a été basty par ordre & libéralité de Haut & Illustre Seigneur, Monseigneur Charle Damman, Viscomte d'Oomberghe, & d'Essche, Seigneur de Vilaines &c. a la plus grande gloire de Dieu, & de la Ste. Vierge Marie.*

O O R D E G E M. Caput hujus Decanatus. Situs est hic pagus viâ novâ lapideâ loco eminentiori, tertio lapide a Gandavo. Dominium ejus jam dudum fuit in illustri familiâ Gandavensi, in quâ per nuptias *Maximiliani Villani* a Gandavo cum *Philippa de Jauce* dicta *Mastain* cum aliis vicinis dominiis Anno 1559. devenit, uti diximus pluribus in pago de Masseme supra, in quâ Nobili stirpe perseverat.

Hic pagus possidetur in Clientelâ Comitum Alostani, in temporalibus sub censetur huic Dominio mediætas ferè pagi de *Ottergem*, licet in sacris totus subsit Parocho de Eerdegem, uti suo loco supra diximus.



Porro in hoc pago est Dominium de *Landegem*, clientela Abbatiae Affligemienfis. Anno 1708. emptione publicâ illud acquisivit *Petrus Huens*, habetque inibi suam jurisdictionem personis & locis distinctam. Excercet per suum Baillivum & Scabinos hujus loci Dynasta justitiam Civilem, non autem Criminalem, quia si quemquam criminis accusatum, convictum & condemnatum habeat, illum tradit Baillivo de Oordegem ut sententiam in executionem mittat.

In hac Parochiali exstant inscriptiones sepulchrales Dominiorum de *Landegem* sequentes.

**Theodorus vander Piet, Heere van Landeghem  
ende Boeyghem etc. Jongman out 68. Jaaren  
is gestorven 8. Octobris 1660. Bidt voor de  
Ziele.**

Aliud.

*Cy gist le Noble homme Pedro Huens, Sr. de Landegem  
Boeyghem, &c. qui mourut le 24. d'Aoust 1716.*

*Et Noble Dame son Epouse Catharine Carolina Craywinkel  
de Sombeke, la quelle mourut le 28. d'Aoust 1710. & leurs suc-  
cesseurs.*

R. I. P.

Ecclesia tutelarem veneratur *S. Martinum* Turonensem Episc. Patronatus ejus est Archiepiscopi hujus Dioecesis jure Abbatis Affligemienfis, ad quam Abbatiam spectat etiam præcipua & potior pars decimarum, ibique non pauca rura & sylvas possidet. Ecclesia hujus Parochialis habet notabilem districtum decimarum.

*A. Miræus* in Cod. Piar. Donat. Cap. XCVIII. novæ edit. exhibet Diploma quo Anno 1194. *Theodoricus* Comes Alostanus reparat damna Monasterio Affligemienfi illata, & inter alia concedit prædictæ Abbatiae Sylvam Fratrum apud Ordengem, quam seculari potestate vendi & succidi prohibuerat. Præfata Abbatiâ in hoc Pago suum habet tribunal, Majorem & Scabinos super realibus jus dicentes.

Ad commendationem hujus loci facit Archipresbyteratus huic Ecclesiæ circa annum 1623. annexus, qui antea erat in Oosterzele.

Appendix hujus Parochialis est *Smet-Lede*, ejusdem familiæ Gandavensis vetus peculium. Quomodo autem in hanc familiam devenerit supra dictum est, ne cogamur eadem sæpius repetere.

Ecclesia sacra est *S. Pharaildi* Virg. Universa hujus pagi decima spectat ad Parochum de Oordegem, qui etiam possidet notabilem districtum decimarum in Oordegem. In hac Ecclesiâ est Capellania *B. Mariæ* cum onere duarum missarum hebdomadatim. Anno 1676. hæc Capellania annexa est Pastoratui, ut ex ejus fructibus sustentetur Vicepastor.

OOSTERZELE præfecturæ Rodensis Dominium, spectans ad ejus Marchionem, secundo lapide cum dimidio à Gandavo. Pagus est magnæ extensionis & magnitudinis, continens ferè mille bonaria.

In

In hoc pago est insigne Dominium *Ter Burght* gentilium *Del Vael*, hodiè jure Successionis primogenituræ spectans ad *Maximilianum Guilielmum Del Vael*; dependet a Curia feudali de Schelderode, & Oosterzele; suum habet tribunal, Baillivum, Meyerum, Grafiarium & Scabinos. Hoc Dominium extendit insuper jurisdictionis suæ alas in plures circumvicinos pagos, videlicet Schelde-Windeke, Mortzele, Schelde-Rode, Bottelaer, Munte & Bavegem.

Ecclesia sacra est *S. Gangulpho* Confess. cui olim annexus fuit Archipresbyteratus, prout videre est in Synodo Provinciali Mechl. anno 1607. Sed circa annum 1623. Caput hujus Archipresbyteratus constitutum est Ecclesia Parochialis de Oordegem, eaque ratione Ecclesia ejus vocatur Archipresbyteratus seu Decanatus de Oordegem.

Patronatum hujus Ecclesiæ gerit Abbas Eenamensis Ord. S. Bened. Decima divisa est in sex manipulos, quorum ex æquo participant pro tribus partibus præfata Abbatia, duos percipit Abbatia de Foresto Ord. S. Bened. prope Bruxellam, & sextam restantem Parochus cum medietate Novalium; cui insuper a præfatis decimatoribus in Supplementum competentiae annuè solvuntur XXI. Libræ Flandr. Certum ibidem districtum decimarum percipit Capellania B. M. V. in eadem Ecclesia fundata, quæ gravata est duabus missis hebdommadatim.

In sacris hujus Parochialis appendix est vicus de *Bruynsbeke* qui in temporalibus subcensetur pago & Dominio de *S. Lievens-Hauthem*.

Viget in hac Parochiali cultus & veneratio *S. Rochi* pro pestiferis Patroni & solemniter ejuscelebratur festum die XVI. Augusti, ac sollemnis eo die fit Supplicatio ad Capellam hujus Sancti quadrante horæ distantem ab Ecclesia hujus Parochialis.

Anno 1716. exstructum est a *Carolo Maelcamp* Mercatore potente, & Cive honorato Gandavensi nitidum & illustre Sacellum, a Parochiali ferè distans horæ quadrante, viâ quæ Gandavo tendit Gerardimontem, dicata Virgini Deiparæ Lauretanæ, decorata anno 1717. Venerandis *S. S. Crucis* & *S. Rochi* Reliquiis.

OUDENHOVEN S. GAUGERICI, vernaculè *Ste. Guericx Oudenhoven*, præfecturæ Sorttegemienensis, Dominium Comitum Egmondani.

Prætorium hic loci olim habuere Rassingemii, quod dein per nuptias fuit familiæ Gandavensis; at injuria temporum & pristinis bellorum motibus ita attritum, ut nihil de eo supersit.

*J. van Waesberge* in suo Gerardimontio pag. 94. narrat quomodo *Adrianus Villanus* Rassingemii Dominus Anno 1490. die 12. Junii cum deserto *Adolpho Clivio* cum *Maximiliano* Romanorum Rege & Vidua *Mariæ Caroli* Audacis filiæ in gratiam rediisset, Gandavoque ad domum suam quam in *Oudenhoven S. Gaugerici* habebat cum quatuor famulis properaret a XVI. Cliviis Equitibus ex insidiis invasus, dimidio ab urbe milliari multis vulneribus confoditur, cujus cædis expiatio *Maximiliano* Cæsari multum curæ fuit, cui tandem certis conditionibus satisfactum est die 21. Martii 1492. annuentibus defuncti consanguineis; inter cætera autem conventum, ut missa hebdommadaria pro refrigerio animæ ejus peragatur, item annis singulis ejus Anniversarium die quo mortuus est, quæ peragantur hodiedum annuè in Parochiali de Raiffegem, de quâ statim agemus. Vide *A. Du Chesne* in probationibus familiæ Gandavensis pag. 634. & *l'Espino*y de la Noblesse de Flandre pag. 739.



Ecclesia (ut nomen indicat) sacra *S. Gaugerico* Camerac. Episc. Ejus Patronatus spectat ad Abbatem *S. Martini* Ord. Præmonstr. propè Castelletum Picardiæ oppidum, qui modo Archiepiscopus Senonensis, qui cum Pastore percipit hujus pagi decimas; sed portiones inæquales sunt, nam Pastoris portio vix transcendit quartam partem, qui solus percipit decimas lini & seminum caulium vulgo *'t Cool-Saet*.

Cæterum præfatus *A. Du Chesne* in Historiâ Genealogicâ familiæ Gandavensis pag. 415. refert quomodo *Joannes Masminius* Dominus de Calckene Anno 1436. obtinuerit pro vitâ suâ, item matris suæ *Margaretæ de Gistelles & Antonie* filiæ ejus Decimas præfatæ Abbatix hujus pagi a *Laurentio* Abbate & Conventu hujus Abbatix sub annuo censu.

Hæc Cura Pastoralis deservitur per Parochum de Strype.

*Vetus Baronatus.*

RAISSEGEEM, vernaculè *Reefegem*, Illustre titulo veteris Baronatus, & antiquum familiæ Gandavensis Dominium, in fide & clientelâ Gaverranæ Principis. *Espinoyus* a Sotregemienfibus loco cognominem familiam de *Raissegem* ortam existimat, inde ad gentem de *Gavere* migravit, in qua dudum permansit, donec anno 1447. in familiam Gandavensem pervenit.

Possedit hunc Baronatum nostrâ ætate Illustrissimus *D. Franciscus Villani a Gandavo* Tornacensis Episcopus, tamquam hæreditatis paternæ peculium cum Borsbecâ, Oordegemio & Smetlede, post cujus obitum anno 1666. devenit ad *Balthasarem Philippum Villani a Gandavo* primum Masminix Principem &c. ex fratre nepotem, in quâ illustri stirpe hæctenus perseverat.

Hic loci quondam stetit insigne Castellum Dynastarum Rassingemienfium, sed pristinis bellorum motibus & injuriâ temporum interiit.

Ecclesia inscripta est *S. Mauritio* Mart. Ejus Patronatus spectat ad Abbatem *S. Gislens* Ord. S. Bened. in Hannoniâ, quem obtinuit Anno 1147. a *Nicolao* Episc. Camerac. cum non exiguâ parte decimarum. Diplomâ hujus donationis exhibui in pago de Herzelee.

Cæterum has decimas cum illis de Oombergâ dein cessit hæc Abbatia Anno 1438. Dynastis de Oombergâ sub annuo censu XIV. Libr. Flandric., dein hæc decima viâ emptionis a prædictis Toparchis devenit ad varios, a quibus tandem Anno 1682. die 5. Februarii in Supplementum 200. flor. annue vindicata est a Pastore in Senatu Flandriæ & ita accessit Pastoratui de *Raissegem*; ita ut potior pars decimarum hujus pagi ad hanc curam Pastoralem hodiè pertineat, quæ deservitur per Pastorem de Borsbeke, Ecclesiæ hujus Parochialis & mensæ pauperum competit notabilis districtus decimarum, quas dividunt inter se; ita ut Ecclesia habeat duas partes & mensa *S. Spiritus*, seu pauperum partem tertiam istius decimæ. Valent ordinariè simul XX. Libras Flandr.

Abbatia de Biloka Ord. Cisterc. Gandavi & Matricularius, habent inibi exiguam valde partem decimarum.

In hac Ecclesia sunt plures fundatæ Capellaniæ, interque eas Capellania *B. Mariæ* Virg. ad collationem Toparchæ cum onere missæ quotidianæ; sed missæ celebrantur hodie pro ratione fructuum.

Deservitur hæc cura Pastoralis per Parochum de Borsbeke.

SCELDE-WINDEKE, Antiquitus *Wenteca*, *Winti-Scalde* & *Wien-deca* in Diplommatibus legitur, vocatur autem *Schelde-Windeke* ad distinctionem alterius *Windeca* ad Teneram fluvium in Decanatu Gerardimontensi.

Di-



Distat secundo lapide cum dimidio Gandavo, Præfecturæ Rodensis. Ejus Dominium nuper ex familiâ Marchionis Rodensis devenit jure uxorio ad *Ægidium Dons* Baronem de Lovendegem, *N. D'Hooge &c.*

Abbatia *S. Petri* Gandavi inibi habet Dominium dictum *Berchem ter Spiegelén*.

Ecclesia tutelarem colit *S. Christophorum* Mart. Ejus Patronatus spectat ad Capitulum Metropolitanum Cameracensē, cui competit potior pars decimarum, ex quibus Pastori annue datur Supplementum competentiae in granis & nummis, qui etiam habet parvum districtum decimarum, item Pastor in Balegem, Ecclesia inibi notabilem possidet partem decimarum, item de decimis etiam participant Marchio de Rodes, & varii seculares.

SCHELDE-RODE, Præfecturæ Rodensis caput; Antiquus & Illustris Baronatus, ita dictus est quod ad Scaldim situs sit, primo lapide cum dimidio a Gandavo. *Antiquus Baronatus.*

Præfectura Rodensis seu de Rodes complectitur sub se Vicos seu pagos XVII. scilicet *Sbelde-Rode*, *Bottelaer*, *Munte*, *Meile*, *Ghentbrugge*, *Schelde-Windeke*, *Balegem*, *Moortzele*, *Oosterzele*, *Gontrode*, *Lantscauter Vliederzele*, *Bavegem*, *Ghyssenzele*, *Letterhautem*, *Berlegem* & *Melsene*.

Olim hic fuit Castellum Dynastarum, locus & vallum monstratur, sed injuriâ temporum destructum.

Anno 1682. erectus est hic Baronatus in Marchionatum a *Carolo II.* Hisp. Rege Diplomate dato Madriti die 14. Julii in gratiam *Lopes d'Evora & Vega* de gente *Rodrigues*, in qua stirpe perseverat; qui hodie *Emanuel Josephus Rodrigues d'Evora y Vega*, Marchio de Rodes, Baro de Berlegem &c.

Hic Marchionatus est in Clientelâ Comitis Alostani. Hic pagus constituit cum Munte & Bottelare unum tribunal.

Inter antiquos hujus antiqui Baronatus Dominos habuit *Radulphum de Rodes*, qui cum *Joannâ* Flandriæ & Hannoniæ Comitissâ permutavit loca de *Nieukercke*, & *Merelbeke*, cum juribus quæ princeps illa habebat in *Melle*, *Gontrode*, *Lantrode*, *Bottelaer*, *Munte*, *Melsene*, *Schelde-Rode*, & *Gent-Brugge*, litteris de eâ datis ad annum 1216.

Hoc Dominio etiam potita fuit familia de *Ghistelles*, & ab hac per filiam hæredem transiit ad *Laxemburgicos*, inde ad *Bourbonios* Regiam in Galliâ stirpem, in quâ *Henricus* ejus nominis IV. Francorum Rex quem magnum appellant initio seculi XVII. eam ditionem vendidit potenti opibus viro apud Antverpienses Lusitano negotiatori *Simoni Rodrigues d'Evora Simonis F.* qui licet variis litibus fuerit a viris magnatibus impetitus, pacificus tamen ejusdem Domini & Baronatus possessor evasit. Ita ferè *A. Sanderus* in Flandriâ Illustratâ tom. II. pag. 505.

Quoad rem sacram Ecclesia inscripta est *S. Martino* Turonensi Episc. Ejus Patronatum gerit Abbas *S. Petri* Gandavi.

Ibidem est Capellania Castralis non tenuitèr dotata ad Collationem Baronis de *Feutiere*, quæ gravata est ad tres missas singulis diebus XIV.

Decima est bipartita, quorum una pars spectat ad Capellaniam præfatam, altera ad Parochum, Decima vero lini est tripartita cujus duæ trientes spectant ad hanc Ecclesiam, altera triens ad Parochum.

Porro hujus Ecclesiæ Parochus rem sacram curat in *Wasse*, in quo pro



majori parte percipit decimas, exiguam vero earum partem habet *N. Del Van*.

Hic locus est Ditionis Gaveranæ, olim pagus, licet exiguus hodie Vicus; ejus Ecclesia temporum & bellorum injuriâ diruta est, ac destructa, bona illius accesserunt Ecclesiæ Foresteni sive de Vurst, quæ est similiter Ditionis Gaveranæ, & huic loco maximè propinquæ.

SEMMERSAKE, præfecturæ Gaveranæ, Dominium Comitis Egmondani, situs est hic locus ad Scaldim fluvium, qui Aldenarda Gandavum tendit.

Ecclesia inscripta est S. Petro ad Vincula. Ejus Patronatum gerit Abbas Eenamenfis Ord. S. Bened. dono Burchardi Episcopi Cameracensis anno 1117. uti constat ex Diplomate mox producendo.

Decima est tripartita, quarum una triens est penes Parochum reliquæ duæ trientes spectant ad Abbatiam præfatam, quæ anno 1722. Parocho cessit inibi suas decimas ad sexennium pro Supplemento competentia.

Solebat hæc cura Pastoralis esse deservitura Pastoratus de Vurst; at anno 1711. proprium suum nacta est Parochum.

Ex Archi-  
vis Abba-  
tia Een-  
menfis.

\* Hodie  
Semmer-  
sake.  
† Hodie  
Melfene.

In nomine Sanctæ & Individuæ Trinitatis. *Burchardus* divinâ miseratione Camera-  
censium Episcopus, tam futuris quam præsentibus in perpetuum. Quia attestationi  
divinarum Scripturarum resistere ostensa est ei, quæ ait, ante mortem benefac, & se-  
cundum vires da pauperi, obnixius est cedendum ne de transgressione in oculis veri  
judicis arguamur severius, beatos igitur pauperes illos qui gloriæ mundi ab-  
renuntiare præelegerunt familiarius venerari peroptantes, Ecclesiam Eihamensem  
audita Venerabilis Fratris nostri *Gileberti* ejusdem Ecclesiæ Abbatis petitione, exalta-  
re disposuimus, concedentes præfatæ Ecclesiæ ob animæ nostræ & prædecessorum  
nostrorum salutem; Altare de \* *Cimberfaca* cum appendiciis suis. Altare etiam de †  
*Melcines* remota omni persona, salvis nostris, & ministrorum nostrorum redditibus,  
addita super hoc canonicâ institutione ut presbyteri qui ibidem serie temporum can-  
taturi sint curam de manu Episcopi accipiant, & de Synodalibus ministris suis respon-  
deant. Rata autem hæc & inconvulsa sæpèfatæ Ecclesiæ imperpetuum permanere de-  
cernentes, oblata conservatoribus pace, prævaricatores quoad respuerint ab omni Ec-  
clesiasticâ communione exterminamus, atque decreti nostri paginam sigilli nostri im-  
pressionem informantes, subsignato personarum notarum nostrarum testimonio corroboramus.  
Signum Radulfi eorumdem Altarium Archidiaconi. S. Joannis Anselini. Theodorici  
Everardi Archid. S. Erleboldi Præpositi, Exleboldi Decani. S. Balduini, Bernardi,  
Haduini, Alboldi, Radulfi, Wereboldi, Gerardi Canonicorum. Actum est hoc  
Anno Incarnati verbi M. C. XVII. Indictione undecima, Præfulatus vero Dni. *Bur-*  
*chardi II.* Ego Weremboldus Cancellarius scripsi & subicripfi.

SONNEGEM, altero lapide ab Alosto Dominium nuper spectans jure usufructuario ad *N. van Hulte*, post cujus mortem Ao. 1721. rediit ad familiam *Deynaert*. Constituit cum Burst, Banbrugge & Cottem unum tribunal. Prædicta Domina inter illos XXII. recensentur, quos vulgo appellant Proprium Principis, Vernaculè *s'Graven-Propre*.

Ecclesia tutelarem colit *S. Stephanum* Proto-Martyrem, dependet ab Abbatia Trunciniensi Ord. Præmonstr. quæ illic e suis Canonicis Religiosis Curationem constituit. Univerfa pagi Decima spectat ad Parochum.

Anno 1173. *Petrus* Episc. Camerac. contulit præfatæ Abbatiæ Altare de Sonnegem; ita annotatum vidimus in tabulâ pensili in Abbatia præfatâ.

Cæterum hæc Abbatia hic loci possidet opimum prædium, & plurimas agri possessiones, prout & in locis & pagis hic circumvicinis, dono *Iwani* Comitis Alostani & *Laureta* uxoris ejus filia *Theodorici Alsatii* Flandriæ Co-

Comitis, Diploma refertur in Cod. Donat. *A. Miræi* Cap. XCVI. novæ edit. ut sequitur.

In nomine sanctæ & individuæ Trinitatis, Ego I W A N U S D E G A N D. Quoniam plurima nisi scripta fuerint, à memoria elabuntur & revolutione temporum in oblivionem rediguntur, necesse est, litteris notari, quod postmodum expedit reminisci.

Notum igitur facio tam futuris quàm præsentibus, quod alodium meum in villa, quam B U R S T vocant, seu quidquid juris inibi erat exceptâ mancipatione servorum, ab omni nostra vel laica potestate omnimodo mancipatum, pro amplificando Dei nominis & laudis honore, ad usum Fratrum Trunciniensis Ecclesiæ, Præmonstratensem Ordinem profitentium, Deo Sanctæque Mariæ Genitrici suæ, perpetuæ Virgini, quæ loco præfato præsidet, liberè tradidi, unà cum uxoris meæ L A U R E T Æ, filiæ T H E O D O R I C I Comitis, cui quæcumque nostræ possessionis erant, in dotem dederam, gratuitâ concessione & devotâ petitione: & ipsum sub præsentia & manu Domini G O S U I N I, Fratribus suis coram positus, super sacrum altare Truncinis manu propriâ obtuli.

De feodo autem Comitis, quod Comes ipse concessit, petiit, pariterque donavit, videlicet totum pomœrium, cum quattuor mansionibus ei adjacentibus, quarum tres A V Æ D E O R N A C E, quarta verò cujusdam W I L L E L M I militis mei fuerant, annuatim etiam marcam argenti, sive identidem valens, terram quoque Arnulphi Falconarii, terram quoque Gripponis, & terram quandam paludosam, quam *Melvelt* appellant, & hæc Truncinis.

In W a s i a verò *Salichem*, cum circumposita terra, & villula, totaque palude, & duabus etiam partibus decimæ, quæ me contingebant, *Hulst* quoque & *Hulsterloe*, usque ad adjacentes Parochias, apud *Velseke* incultam terram, quæ jacet juxta *Punbeke* & juxta *Lokkeren*, curtim cum nova terra, insuper autem decimationem molenorum, per numerum hebdomadarum, & omnium reddituum meorum *Torcingis*, *Truncinis*, & in tota *Wasia* tam futurorum quam præsentium.

Hæc, inquam, Ego, & prænominata uxor mea in remissionem peccatorum nostrorum, subscriptæ testificationi fidelium assignantes, Deo liberè & votivè obtulimus: quæ præsentis paginæ scripto posterorum notitiæ transmittenda curavimus.

Signum Rasonis de Gavera.

S. Willelmi de Boulaer.

S. Gerardi Constabularii de Ninivæ.

S. Giselberti de Lidekerka.

S. Goselini Ordeghem.

S. Stepponis.

S. Balduini de Lethe.

S. Oilardi, & fratris ejus Theodoricus de Nivelæ.

S. Henrici patruelis eorumdem.

S. Willelmi de Viva.

S. Gerardi, & fratris ejus Hugonis.

S. Gervasii.

S. Hugonis de Affne.

Actum TRUNCINIS anno millesimo centesimo tricesimo nono Incarnationis Dominicæ, indictione II, Epactâ XVIII. Concurrente VI, X. Kal. Octobris.

1139.

S O T T E G E M, Antiquitus *Gottegem* a Gothis teste *J. van Waesberge* in suo Gerardimontio pag. 3. Municipium elegans, quarto lapide a Ganda-vo, situm amæno cum primis loco, & frequenti populo habitatum. Caput præfecturæ Sottegemienensis, & antiquus Baronatus Comitis Egmondani, qui illic splendidum habet prætorium, cujus prototypon nobis exhibet *A. San-derus* in Flandriâ Illustratâ tom. II. pag. 509. Domicilium olim fuit aliquot Egmondæ Comitum, verum plurimum hodiè de suo splendore deperdidit. Gaudet foro hebdomadali diebus Martis, nundinas item habet celebres duas,

TOM. II.

Ggg g

po-



postridiè *S. Marci* Evang. 26. Aprilis, & postridiè *S. Lucæ* Evang. 19. Octobris.

Sottegemium miserabilem in modum direptum fuit incensumque Anno 1452. sub *Philippo Bono* a *Stampano*, & Burgundiæ Notho. Item anno 1564. fortuito igne foedatum fuit, item anno 1645. ab exercitu Franco-Batavo, quando & Ecclesia in cineres redacta est, Ao. item 1708. Sottegemium fæde direptum fuit a militibus exercitus Fœderatorum. Denique Anno 1723. die 19. Maii pridie quo hæc scribimus igne malevolorum hominum manibus injecto exarsit Sottegemium, quo XXXI. domus absumptæ sunt.

Hoc Dominium habuit Dynastas sui nominis in Historiis & Diplomatis celeberrimos; dein per nuptias transiit in familiam *De Melun*, inde in *Luxemburgensem*, exinde per similes nuptias in Egmondanam ex quâ Illustri stirpe jure nuptiali devenit in eam, quæ est *Pignatelli*, qui hodie *Procopius Maria Antonius de Pignatelli* Comes Egmondanus, Princeps de Gavere &c. Porro stemma Dominorum ac Comitum Egmondanorum invenies in Donat. Belg. *A. Miræi* Lib. I. Cap. CLIII. novæ edit. pag. 465.

Visebantur olim in hac Parochiali plura monumenta Sepulchralia Dominorum Sottegemienfium, quæ incendio perierunt, existit inter alia ante incendium hujus Ecclesiæ anni 1645. ibidem tumba elevatâ ex alabastro ante Aram principem *Franciscæ Luxemburgensis* uxoris *Joannis* Comitum Egmondani cujus hæc erat inscriptio.

*Cy gist Haute & Puissante Dame, Madame François de Luxembourg, Comtesse de Gavre, & Dame de Baronnies de Fiennes, la Hamaide, Vieres, &c. & de Seigneuries d'Arquinghem, d'Armentieres & d'Auxi, en son temps Epouse a haut, & puissant Seigneur, Messire Jean Comte d'Egmont, Baron de Baer, Lathum &c. Seigneur de Hooghwaude, Aertswaude &c. Chevalier de l'Ordre, & Capitaine General pour l'Empereur Charles V. des chevaux legers, lequel gist a S. Marc a Milan & trespassa le 29. d'Avril 1528, & mourut Madame le 1. de Novembre 1557.*

Et inferius erat.

*Lamoral ab Egmonda*, Princeps a Gavre hæres mitis parentibus pientissimis & memoriæ ergo.

H. M. F. C.

M. Aug. die III. M. D. LXI.

Symbolum Principissæ *Franciscæ de Luxembourg* erat.

*La foy que j'ay*

In Ecclesiâ Collegiatâ Antonienfi ad Scaldim legitur hæc inscriptio Sepulchralis.

*Cy gist Isabeau, Dame d'Antoin, d'Espinoy, de Sottenghien & Chatelaine de Gand, jadis femme a Henry de Louvain, apres*

*apres a Mr. Alphonse d'Espagne & apres a Mr. le Viscomte de Melun, Chambellan de France, Sr. de Blangy & de Monstreuil-Bellay, qui trespassa le 6. de Decembre 1354.*

Hæc inscriptio idiomate latino exstat apud *A. Miræum* in Dipl. Belg. Lib. II. Cap. CI. pag. 315. novæ edit.

Anno 1568. sepultus est in hac Parochiali *Lamoraldus Comes Egmondanus*, Nobilitate, formâ regiâ, facundiâque & victoriis de Gallo partis, Flandriæ denique Gubernatione magis quam exitu vitæ Heros florentissimus, ait *J. Marchantius* in suâ Flandriâ pag. 37.

Cæterum Sottengemio Natales suas debet *Joannes de Meyer* Carmelita Conventus Gandavenfis S. T. D. Universitatis Lovaniensis. Episcopus Bibliensis, ac Suffraganeus *Philippi de Burgundia* Episc. Trajectensis. Sepultus Ultrajecti in Choro *S. Catharinæ*, quondam Carmelitarum Ecclesiæ sub Sarcophago cum pædo & hac inscriptione sepulchrali.

Hoc Saxum tegit ossa Reverendi Patris & D. Magistri JOANNIS MEYER, Episcopi Bibliensis ac *D. Philippi de Burgundia*, Episc. Trajectensis Vicarii. Obiit an. CIO. IO. XXII. V. Julii PERFER, VINCES.

Sottegemienfis item fuit *Joannes Villicus* Carmelita S. T. D. Universitatis Lovaniensis, teste Valerio Andreâ in Fastis Acad.

In sacris Ecclesia tutelarem venerat Virginem Deiparam *Mariam*, ab annis non paucis vigere in eâ coepit cultus specialis *S. Barbaræ* Virg. & Mart.

Erecta est hæc Ecclesia in Parochialem a tribus & quod excurrit seculis & separata ab Ecclesia Matrice de Strypen, cujus Pastori annuè penduntur ab hujus loci Parocho in hujus separationis recognitionem V. Sacci filiginis, & V. Sacci avenæ. Patronatus hujus Parochialis spectat ad Dynastam qui est Comes Egmondanus, Decimæ sunt Pastorales.

STRYPEN, Præfecturæ Sottegemienfis, Dominium Comitis Egmondani.

Ecclesia inscripta est *S. Andreæ* Apost. & *S. Romano* Episc. Rothomagensi. Ejus Patronatus spectat ad Abbatem Montis *S. Martini* Ord. Præmonstr. propè Castelletum Picardiæ oppidum, Diocesis tamen Cameracensis, qui hodie est Archiepiscopus Senonensis, qui decimas cum Pastore possidet; ad hunc autem spectat universa lini decima & feminum caulium vulgo *t'Sloor-Saet*, & in Supplementum competentix a præfato decimatore 100. flor. annuè percipit.

Ab hac Parochiali olim separatum est a trecentis circiter annis Sottegemium, sub recognitione annuâ huic Parocho solvenda, uti mox diximus.

Inter Sottegemium & hunc pagum exstat Capella *D. Andreæ* Apost. sacra.

VELSICK, præfecturæ Sottegemienfis, Dominium Comitis Egmondani. In Diplommatibus non uno loco apud *A. Miræum Felska*, & apud  
Ggg g 2 Gra-



*Gramayum* in Aldenardâ *Veltseca* legitur. Divēs Romanarum antiquitatum pagus est, & miræ vetustatis, quod hic loci plurima eruta Romanorum numismata satis indicant. Vide plura de hoc loco in *Flandriâ J. Marchantii* pag. 37.

Ecclesia *D. Martino* Episc. sacra est. Ejus Patronatum gerit Abbas Hasnoniēsis Ord. S. Bened. ad Scarpam fluvium, ad quam Abbatiam etiam spectat maximapars decimarum; sola enim nona earum pars est Parochi; sed Anno 1645. conventionē inita universa decima vici de *Ruddershove*, quæ in sacris huic Parochiali subest, spectat ad Parochum, & insuper in hoc pago de Velsick percipit decimas de XLVIII. terræ bonariis, reliqua totius pagi decima spectat ad præfatam Abbatiam Hasnoniensem, quæ gravata est pro competentia Vicepastoris annue solvere XXX. Libras Flandric.

In Chronico *Sigeberti* per *A. Miræum* edito Anno 1607. refertur, quod *Godefridi* Ducis dicti Eenamensis filius *Heriminus* & filia ejus *Berthildis*, cum adhuc juvenes essent, in Ecclesia apud Felsecam sint sepulti, qui postea multis miraculorum signis claruerunt; sed a Viridumensibus Monachis, hic furtivè ablati sunt.

Hic loci est Hospitale a Dynastis Sottegemiensibus a trecentis & quod excurrit annis fundatum, cujus Moniales Anno 1680. tertiam Regulam *S. Francisci* amplexæ sunt.

Cæterum in hoc pago est Dominium de *Ruddershove* sed melius puto *Riddershove*, quod titulo fiduciario & subsidiario Nindhovix accensetur, spectans ad gentem *Triestiam*, quod in sacris huic Parochiali subest, quod suum habet tribunal & Curiam censualem, & multis aliis prærogativis gaudet. Ibidem exstat Capella *S. Petri*. Hujus Domini universa decima, uti mox dictum, spectat ad Parochum. Capellania ejusdem vici gravata est missâ hebdomadali, annexa est nuperis annis Pastoratui, ut ex ejus fructibus pro parte sustentatur Vicepastor. In hoc pago de Velsick exstat prædium *den Cleyne Haendaert*, quod vulgus malè hodiè vocat *Het Casteelken Oranien*. Illud obtinuit Domus Pitzenburgica Equitum Teutonicorum in Urbe Mechliniensi Anno 1220. a *Gilberto de Sottegem* Diploma hujus donationis recitat *A. Miræus* in Not. Eccles. Belgii Cap. CLII. novæ edit. ut sequitur.

GILLEBERTUS DE SOTTEGEM omnibus Christi Fidelibus in perpetuum salutem. Noverint tam moderni quàm posteri, quod ego Gillebertus de Sotteghem contuli Fratribus Domûs B. Mariæ Teutonicorum de Jerusalem vastinam, quam habui inter Felseka & Elne, & ad opus prædictorum Fratrum liberè resignavi, salvâ tamen mihi & successoribus meis justitia de causâ sanguinis. Testes,

Hillinus Presbyter de Racengheem,  
Boidinus,  
Henricus, Fratres de Landengheem,  
Boidinus de Rode,  
Boidekinus van Larne, & alii multi.

1220. Actum anno Domini M. CC. XX. quintâ mensis Maii.

Hoc prædium prædicta domus seculo XV. dedit in Emphiteusim sub annuo censu XVI. florenorum cum medio, continetque sub se XXXIII. terræ bonaria, quod nuper pretio sibi comparavit cum tali onere *Justus Antonius de Jonge* Senatus Flandriæ Consiliarius, post cujus mortem An 1713. illud hodie jure uxorio possidet *Matthias Leonardus vander Noot* Baro de de Kielekem &c.

V L A C K E M, pagus Domini de Rotfelaer, quod pluribus pagis in Comitatu Aloftano dominatur, constituit cum Ayghem unum tribunal.

Ecclesia tutelarem colit *S. Lambertum* Tungrensem Episc. Ejus Patronatus spectat ad Abbatissam de Foresto Ord. S. Bened.

Anno 1686. unita est hæc Ecclesia Parochialis, Ecclesiæ de Burst.

Anno 1219. *Egidius de S. Auberto* & ejus uxor donat omnes decimationes in Parochiâ de Bursta, Bambrugge, Vleckem & Borsbekâ præfatiæ Abbatiae. Diploma hujus donationis produximus in pago de Burst.

Cæterum Abbatia Forestensis Anno 1680. ut ibidem etiam diximus cessit has omnes decimas Parocho de Burst sub annua pensione 300. florenorum.

V L I E D E R Z E L E, Præfecturæ Rodensis, altero lapide ab Alosto; in Diplomatis *Fliterfela* legitur, vetus est Abbatiae Bavonianæ peculium nunc Episcopatus Gandavensis, prout & Ecclesiæ Patronatus, quæ *D. Bavoni* sacra est. Universa pagi decima spectat ad Capitulum Cathedrale *D. Bavonis* Gandavi. Parocho solvitur ex illis annuè competentia 400. florenorum.

*Otho II.* Imp., uti *Meyerus* ad annum 974. inter possessiones Bavoniani Coenobii nominat Villam de *Fliterzele*. *A. Miræus* in Donat. Belg. Lib. I. Cap. XVII. novæ edit. profert Diploma, quo *S. Henricus* Imp. anno 1003. confirmat possessiones Monasterii *S. Bavonis* ubi inter cætera recenset *Flithersele* cum Ecclesiis & omnibus appendentiis earum.

Celebris est hîc memoria & cultus *S. Flederic* pro surdastris, qui natione Francus, & a parentibus Christianis natus, quod professus est in baptismo ab ineunte ætate observavit, litterarum & virtutum studio adolescentiam insumpsit, in Sacerdotum ordinem ascitus Pastorale munus subiit in hoc pago, & sicut *Aaron* vocatus, pietatem & sacram doctrinam suis subditis instillavit; fertur autem primitias Sacerdotii celebrans obtinuisse ranarum cum turbantium silentium. Ita fere *A. Sanderus* in Flandriâ Illustratâ tom. II. pag. 508. Vide plura apud *J. Molanum* in Nat. S. S. Belgii ad diem 13. Septembris.

Ad commendationem hujus Parochialis facit quod nostrâ ætate ab Anno 1672. hic Parochi munus egerit per quinquennium Vir per omnia celeberrimus *D. Franciscus vander Vliedt*, illud Mechliniensium decus, quem Lovanium Anno 1663. primum vidit in Scholis Artium & Anno 1677. S. T. L. eodem anno Seminarium Archiepiscopale suum S. T. Professore & Ecclesia Metropolitana per annos X. Canonicum Graduatum, & tandem Archidiaconum, qui dum hanc Diocesim ex Commissione Illustrissimi *Alphonsi de Berghes* Archiep. ferventi ætate lustrare aggreditur, ipse æstuanti febre correptus, præmaturâ morte extinctus est in flore ætatis Anno 1686. die 7. Julii ætatis suæ XLIII. Vir longiore vitâ dignus nisi ad meliorem transisset.

In finibus hujus pagi est Vicus *De Papegem* antiquitate suâ multum commendabilis, quia in pluribus antiquis Diplomatis Abbatiae *S. Bavonis* legitur expressum *Papegem*. In eo ab antiquo exstitit Sacellum cum Capellania annexâ, gravata missâ hebdomadali, nostris temporibus translata ad Ecclesiam Parochialem, cum illud Sacellum nostrâ ætate vetustate & iniquitate temporum collapsum est, ne tamen penitus ejus memoria aboliatur; in hoc loco Capitulum Bavonianum habet insigne prædium, vulgo nuncupatum *Het Hofte Papegem* cum pluribus agri possessionibus.



W A N N E Z E E L E, vulgo *Wanfele*, pagus ditionis Teneræmundanæ, uno milliari cum dimidio ab Alosto. Ejus Dominium spectat ad Marchionem de Lede qui hodie *Joannes Franciscus Nicolaus Bette* Marchio de Lede, &c.

Ecclesia *D. Bavoni* sacra est. Ejus Patronatus spectat ad Personatum de Schellebelle, qui Anno 1707. unitus est Pastoratui prædicti loci de Schellebelle, ut ex ejus fructibus sustentetur Vicepastor.

Decima spectat pro parte ad Hospitale de *Gantois* in Urbe Insulensi, & Parochum & pro parte ad præfatum Personatum.

Deservitur hæc cura Pastoralis per Pastorem de Ympe, qui alternis vicibus ibidem rem sacram operatur, ipsique in Supplementum competentiae dantur annuè a præfato Hospitali ex suis ibidem decimis VI. Libræ Flandr.

W E S T R E M, æquali distans spatio Gandavum inter & Alostum juxta novam viam lapideam, peculium inclytæ familiæ Gandavenfis, quomodo autem ad hanc familiam devenerit alibi in pago de Masseme diximus, ne eadem iterum necesse sit repetere.

In hoc pago est Dominium de *Voorde*, habens suum Baillivum & homines feudales, Curiam Censualem & Feudalem, jus investiendi & devestiendi; olim instructum Castro, item annexum habens prædium cum pluribus agris, Sylvis & possessionibus, tenetur in clientelâ Principis de Masseme. Hoc Dominium An. 1718. emptione publicâ acquisivit *Carolus Boschaert*; pretium fuit 6. millium & ferè centum florenorum.

Ecclesia inscripta est *S. Martino* Turonensi Episc. Ejus Patronatum gerit Persona hujus Ecclesiæ. Decima est tripartita, cujus duæ trientes spectant ad Parochum, altera triens ad Ecclesiam. Parvos tamen districtus decimarum hic ab antiquo possident Abbatia Affligemiensis, item *S. Michaelis* Antverpiæ, & Domus Pitzenburgica in Urbe Mechliniensi; unicuique est suus decimarum districtus.

Viget in hâc Parochiali cultus, & veneratio *S. Laurentii* Mart. cujus venerandis Reliquiis hæc Ecclesia ornatur. Solemnis hic in ipso Divi festo X. Augusti peragitur supplicatio, totoque anni tempore ad eundem Sanctum perseverat peregrinatio, tam a vicinis quam a longè dissitis populis.

W I C H E L E N, olim *Wichlines*, ad secundum a Teneræmundâ lapidem, & inter Comitatus Alostani maximos pagos. Toparchia familiæ *De Cordes*. Ejus Advocatia fuit olim penes varios, uti legitur apud Espinoyum, qui primitus refert fuisse penes *Joannem Flandrensem*, a quo tabulis emptionis devenit ad *Simonem de Serthomas* Anno 1351. qui illud tabulis venditionis transcripsit Anno 1364. *Joanni Masminio* filio *Philippi*; inde devenit in familiam *Wyter-Zwaene*, a quâ initio seculi XVII. viâ emptionis devenit in familiam de *Cordes*, cui accessit a Principe Anno 1616. hujus pagi Dominium, in quâ stirpe perseverat, quæ & illic insigne habet Castellum dictum *Het Hof ten Zype*. Item nostrâ ætate amœnum erexit prætorium ad Scaldim fluvium in vicinia Ecclesiæ.

In Ecclesiâ subterraneâ seu Cryptâ Cathedralis Gandavenfis in Capellâ Annuntiationis B. M. V. visitur insigne Mausolæum ad quatuor pedes elevatum *Margaretæ de Ghiselle*, uxoris *Danielis Masminii*, Toparchæ de Calckene &c. cui superius ejus effigies exsculpta est, & circumcirca ejus quarteria habens hanc inscriptionem litteris Teutonicis.

**Hier licht begraven Urauw Marg<sup>te</sup>. van Ghi-  
stelle , Ur. van Calckene / Vooghdessse van  
Wichelen ende van Serstcamp / die starf int jaer  
1431. Den 1. Augusti. Bidt voor de Ziele.**

In hac Parochiali visitur Monumentum Sepulchrale familiae De Cordes Dominorum de Wichelen , exstructum a moderno Toparcha , cujus hæc est inscriptio.

D. O. M.

*Epitaphe de la Noble & ancienne famille de Cordes.*

*Cy gist Messire Jean Charles De Cordes , Chlr. Seigneur de Wichele , Cerschamps , Reet , Waerloos &c. mourut le 18. d'Aoust 1641. Et la Noble Dame Isabelle van Dilst son Epouse fille de Messire Eduart, Seigneur de Leverghem, Dorne, trespasssa le 5. d'Avril 1612. Arnould de Cordes, Seigneur desdits lieux fils de Messire Jean Charles Chevalier, mourut le 25. Juin 1652. Et Dame Eleonore Elevine Wouters sa Compaigne, fille de Messire Jean Cheval. Seigneur de Vinderhaute, Merentre, Eeke, trespasssa le 20. d'Avril 1647. Et deux fils Lanslot François De Cordes, Seigneur de Wichelen, Cerscamp, Diesegem. Et Philippe de Cordes, Seigneur de Hoyberghe, Richove, J.C. Prothonotaire Apostolique. Priez pour leurs Ames.*

*Mort l'an  
1725.*

Quarteria.

*De Cordes. Groesdonck. Preunen. Bomberge.  
Vander Dilst. Bernuy. de Cordes. Preunen.  
Wouters. Diericx. Colins. Nieuhuysse.  
Bernard. Valencia. Wyts. Baillieul.*

Quoad rem sacram Ecclesia D. Gertrudi inscripta est. Ejus Patronatus est Illustris; Capituli Nivellensis; quod etiam possidet potiozem partem decimarum, reliqua spectat ad Parochum, uterque habens suum districtum.

In sacris subcentetur huic pago vicus de *Eeghene* qui est Ditionis Teneræmundanæ, & Dynastarum dono (teste D. Lindano in suâ Teneræmunda Lib. III. Cap. V. N. 69.) jam diu ad Abbatiam Affligemiensem translatus est; habeturque feudum, quod Teneræmundæ Domini beneficio possidetur. Suum tribunal habet, Majorem & Scabinos. Templum autem non habet; sed in ejus vicinia est Sacellum Deiparæ sacrum, vulgo *Schoonaerde Capelle*; in eâ est Capellania cum onere duarum missarum hebdomadatim. In hoc Sacello ad commoditatem incolarum hujus vici, & vicinorum, in hyeme per tres menses, diebus sacris celebratur. Univerfa hujus Vici decima, quæ satis ampla est, spectat ad Pastorem de Wichelen, cui in sacris subest.

Hoc Sacellum distat tribus horæ quadrantibus ab Ecclesia Parochiali de Wichelen. Vicus autem de *Eeghene* ultra milliare ab eâ se ulterius protendit. Cæterum pagus de Wichelen est ex illis XXII. qui proprium Comitum, sive



*s'Graven-Propre* vocantur, ratione cujus incolæ talium pagorum sunt variis servitutibus & oneribus subiecti.

YMPE pagus Comitatus Alostani, Dominium gentilium de *Bette*, qui hodie *Joannes Franciscus Nicolaus de Bette* Marchio de Lede, Aurei Velleris Eques &c.


Hic loci gentiles de *Grutere*, Domini de Biefelinck, insigne habent Castellum cum pluribus agri possessionibus.

Hic pagus pro non exigua sua parte Sylvosus est, & ex illis XXII. pagis recensetur qui proprium Comitis vocantur, vernaculè *s'Graven-Propre*.

Ecclesia inscripta est *S. Dionysio* Mart. sub Patronatu Abbatis *S. Adriani* in Gerardimonte Ord. S. Bened. qui decimas suas, quas hic loci habuit Anno 1708. cessit huic Pastoratui sub exigua recognitione annua.

Cæterum hæc Parochialis olim appendix fuit Parochiæ de Eerdeghem, quod declarat Diploma *Nicolai* Camerac. Episc. qui anno 1141. dum dotat Abbatiam Gerardimontensem inter cætera bona confirmat, quod *Odo* Episcopus contradidit *Altare de Goldeghem* (quod hodiè *Eerdeghem* sive *Erondeghem* vocatur) cum appendentiis suis *Impa & Otterghem*, verba sunt Diplomatis.

F I N I S.



ADDEN.

## A D D E N D A

## Quæ serius advenerunt.

Pag. 36. lineâ 15.

*Extractum ex magno Registro Capituli Metropolitane Sti. Rumoldi Mechliniæ, ubi titulo primo, Cap. 30. fol. 129. recto & 130. recto & verso habentur ea, quæ hic subjiciuntur.*

**J**ACOBUS Dei & Apostolicæ sedis gratiâ Archiepiscopus Mechliniensis ad perpetuam rei memoriam. Cum dilectus nobis in Christo consultissimus Dominus *Petrus van Cauteren*, Clericus Diœcesis Gandensis, jurium Licentiatus nobis exposuerit se pro augmento honoris Dei, Ecclesiæ utilitate, & animæ suæ salute intendere in Metropolitana Ecclesiâ *Sti. Rumoldi* fundare seu dotare ex bonis suis Canonicatum & præbendam, per nos de novo erigendos, sub eâ conditione, quod collatio eorumdem, & institutio ad nos, nostrosque Successores pro tempore existentes, jus vero Patronatus ad ipsum exponentem, ejusdemque Successores legitimos, & in eorum defectum ad alios de paternâ suâ familiâ pertineret. Ita tamen ut nullus ad hujusmodi Canonicatum & præbendam præsentari possit, nisi præhabito nostro, & præmemoratorum Successorum nostrorum consilio & assensu, & quod eam præbendam per cessum, vel decessum Domini exponentis, eo quo fertur modo, assecutus, non minus quam ii, qui in dictâ Metropolitana Ecclesiâ, præbendas graduatas obtinent, personalem residentiam facere, & nos, nostrosque Successores præfatos, operâ, & officio juvare teneretur, adeoque deberet esse sacræ Theologiæ, aut jurium Licentiatus, & alias qualificatus, prout sacrum Concilium Tridentinum, & bulla erectionis hujus Metropolitane Ecclesiæ, quoad Canonicatus graduatos exigunt. Hinc est quod nos præhabitâ deliberatione, cum admodum Reverendis & Venerabilibus D. Dominis Præposito, Decano & Capitulo dictæ vestræ Metropolitane Ecclesiæ, & eorum interveniente consensu, etiam factâ prius per dictum Dominum exponentem de suis bonis per suum Chirographum hodiè datum, assignatione de summâ sexcentorum florenorum, pro dote Canonicatus & Præbendæ; ita ut præfertur de novo erigendæ ad Dei honorem, Ecclesiæ utilitatem & animæ suæ salutem dicti Domini exponentis, piis & laudabilibus votis annuentes, auctoritate vestrâ ordinariâ novum Canonicatum, & præbendam, sub conditionibus & dote superius expressis in dictâ vestrâ Metropolitana Ecclesiâ ereximus, & per præfentes erigimus, eundemque Canonicatum & præbendam eidem Domino exponenti juxta præmissâ qualificato contulimus & conferimus, ipsumque eo Canonicè instituimus cum plenitudine juris Canonialis, absque eo tamen quod favore dotationis per eum factæ, ad residentiam, & ad operam, officiaque alia nobis, nostrove Successori præstando, nec ad aliud quidpiam ulterius obligabitur, quam ejus voluntas feret. Ad lectionem tamen horarum Canonicarum omnino tenebitur. Quo circa mandamus iisdem Admodum Reverendis & Venerabilibus Dominis, quatenus eum in corporalem, realem, & actualem possessionem dicti Canonicatus & præbendæ ponant & inducant, seu poni & induci faciant, stallumque in Choro, & locum in Capitulo assignent, adhibitis ubique solemnitatibus & ceremoniis in hujusmodi exhibere solitis & consuetis. Actum Mechliniæ in Palatio nostro Archiepiscopali die vigesimâ Augusti anno Domini millesimo sexcentesimo quadagesimo quarto, præsentibus Reverendissimo D. Henrico Caleno, designato Ruremundensi Episcopo, Vicario nostro generali, & Archidiacono Mechliniensi, & R. Domino Amato Coriache in eadem Metropoli Canonico & nostro Officiali, in cujus rei fidem præsentibus erectionis, & collationis, ac institutionis litteris manu propriâ subscripsimus, easque nostro sigillo, & Secretarii nostri signaturâ communiri mandamus, erat subscriptum *Jacobus* Archiepiscopus Mechliniensis, & inferius de mandato Illustrissimi & Reverendissimi Domini Archiepiscopi præfati, & signatum J. Herregauts Secretarius, & erat dicta bulla Sigillo, seu signato Illustrissimi Domini impresso hostiæ rubræ Sigillata, inferius habebatur, ita extractum ex magno Registro antedicto, in-



ventum est præfens extractum eidem conformè, quod attestor; signatum J. Attevoort Secretarius.

Possessor hujus Canonialis-præbendæ hodiè est D. C. P. *Hoynck*, J. U. L. Vicarius Generalis Eminentissimi & Reverendissimi Card. Archiep. Mechl.

Pag. 86. lineâ 31.

D. GREGORIUS LA BASTITA, Præpositus Vallis Liliorum subitâ morte extinctus est anno 1724. die 16. Maii, cui eodem anno successit

D. ELIGIUS RIGOUTS, antea S. T. Professor in Tongerlo, præfens Præpositus.

Pag. 95. lineâ 26.

Patricium Lovaniensem [adde] post cujus mortem successit ejus Primogenitus *Petrus Herckenrode*, qui hodieum Primarius Consul Lovanienfis, & Dominium illud possidet.

Pag. 104. lineâ 26. omiffa fequentia.

Ecclesiâ sacra est Virgini Deiparæ *Mariæ*, ejus Patronatum gerit Archiepiscopus Mechlinienfis jure Abbatiali Affligemienfis. Decima est tripartita, cujus una triens fpectat ad hanc Abbatiam, altera ad hujus loci Parochum, & restans tertia ad præfatum *D. Du Mont*.

Pag. 118. lineâ 43.

In Ecclesiâ Abbatiae Cortenbergensis Ord. S. Bened. inter Bruxellas & Lovanium, vifitur humi in candido marmore hæc infcriptio Sepulchralis.

D. O. M.

*Sepulture de Noble & tres-illustre Seigneur Sr. Diederick Comte de vander Nath & St. Remy, Baron de Cortersem franc Seigr. de Dessener & Winterhove, Colonel d'Infanterie & Cavallerie au Service de sa Ma<sup>te</sup>. Imperiale, decedè le 11. 9bre. 1693.*

*Et*

*Dame D. Marie Constancia Invrea, sa Compagne, Dame de Relegem, Wolput &c. decedè le 21. de Mars 1680.*

*Priez Dieu pour leurs ames.*

Pag. 130. lineâ 24.

In Ecclesiâ Parochiali Vilvordia legitur fequens Sepulchralis infcriptio.

Christo Refurgenti Sacrum.

HENRICI DE BRONCHORST

Viro nobili & antiqua e Geldris stirpe

Arcis hîc Præfecto,

Qui militiâ domi & foris peractâ.

In aulâ cælebs contenuit,

Primoribus gratus, omnibus charus;

Plena virtutis & candoris laude

Extrema quæris? virtutem indicant

Pauperes hujus oppidi hæredes fcripsit

Amicos, Patronosque legatis profecutus

Di-

Divinum quoque in hac æde cultum auxit  
 Missa Dominicis, & festis diebus dicenda  
 Ad medium duodecimæ, ubi navis Bruxellâ appulerit  
 Septem adolescentibus è septem familiis Patric. Bruxell.

In Academiâ Duacenâ novennio alendis  
 Mille & amplius flor. annuum censum reliquit.  
 Tu Lector imitare, & ut multi imitantur vove  
**MARCELLUS VILTERS J. C.**  
 Amicorum intimus, & testamenti executor P. C.  
 Obiit a ∞. 100. XXIX. XI. kal. Julii,  
 Postquam vixisset annos LXIX.

Pag. 131. lineâ 41.

A. Miræus in Donat. Belg. Cap. CIII. novæ edit.

Pag. 239. lineâ 13.

XXII. CÆLESTINUS ABLOOS, ex Priore Tongerloensi, modernus Præpositus.

Pag. 242. lineâ 47.

Monumenta collecta, & excerpta ex Archivis & variis manuscriptis Capituli exempti insignis Ecclesiæ Collegiatæ *B. Mariæ* Virginis Arscoti, nobis submissa in formâ authenticâ ex parte dicti Capituli initio hujus anni 1725. prout sequitur.

LUDOVICUS DE BOURBON, Dei, & Apostolicæ sedis gratia electus, & confirmatus Episcopus Leodiensis, ad futuram, & perpetuam omnium & singulorum memoriam. Sanè exhibitâ nobis pro parte Illustris Domini *Antonii de Croy*, Comitis de Porchien, ac Domini temporalis de Arscot, suæque devotæ ac generosæ Conthoralis *Margaretæ*, ac Villici, Burgimagistrorum, Scabinorum, & Consulum ac Mamburnorum, Luminarium seu fabricæ Ecclesiæ Parochialis, & singulorum incolarum oppidi Arscotensis nostræ Leodiensis Diœcesis petitio continebat, quod in eodem oppido unica dumtaxat Ecclesia Parochialis existit, sub titulo *B. Mariæ* Virginis dedicata, Parochiam amplam & populosam habens, in decimis & aliis suis emolumentis abundantem . . . . .

Quam præfati exponentes ad divini cultus augmentum, majoremque populi devotionem, ac domus Dei ornatum, ex intimo ac bono Zelo ducti in Collegiatam erigi ferventer cupiunt & desiderant, ad divinum Officium nocturnum ac diurnum collegialiter ibidem deinceps devotè celebrandum . . . . .

Quodque \* Investitus ejusdem Ecclesiæ, qui ex Canonicis Regularibus dicti Monasterii assumendus erit, præsentatio ad eundem Abbatem pro tempore existentem, & institutio ad Archidiaconum loci pertinebit, qui Investitus unâ cum Præposito & Cantore officium curæ Parochialis & missam Parochialem faciet & exercebit . . . . .

\* *Plebanus.*

Intendentes etiam in eâdem Ecclesiâ perpetuum officium Cantoriæ erigi debere, ad quod in perpetuum per dictum Abbatem pro tempore existentem, præsentetur unus ex dictis Canonicis Regularibus, qui omnia onera in dictâ Ecclesiâ consueta, quæ nunc tertius socius nuncupatus supportat, tenebitur sustinere . . . . .

Præfati vero tres Domini Regulares Præpositus, Investitus, & Cantor solito more obligati remanebunt ad onera missarum in Hospitali debitarum & fieri consuetarum. Pro quorum Præpositi, Investiti, & Cantoris debitâ sustentatione & vitæ necessariis assignari & deputari intendunt præfati exponentes de dicti Abbatis, & sui Conventus solemnibus & expresso consensu, omnes fructus, redditus, & proventus, decimas, & possessiones spectantes & pertinentes dicto Monasterio, prout dicti tres religiosi illis gaudere, & in suos usus convertere consueverunt . . . . .



Ultra autem prædictos, Præpositum, Investitum, & Cantorem creari & erigi in eadem Ecclesiâ intendunt decem præbendas, sive Canonicos præbendales, quarum omnium collationem & præsentationem in perpetuum habeat Dominus de Arscot, Capitulum vero erigendum admissionem, institutionem, & receptionem, quæ Presbyteris idoneis, seu clericis sæcularibus, infra annum a die præsentationis eorum sint adstricti ad ordinem Sacerdotii. Et ipsarum Canonicalium præbendarum unus ex Canonicis sæcularibus semper sit Decanus . . . . . Qui & omnes Canonici dictarum præbendarum ad personalem residentiam sint adstricti . . . . .

Quam residentiam personalem in eorum receptionibus jurent, quibuscumque privilegiis in contrarium, quocumque vel sub quorumcumque verborum formâ concessis seu concedendis renuntiabunt, quodque hujusmodi privilegiis etiam quarumcumque universitatum, seu communitatis vel Collegii in contrarium obtentis seu obtinendis nullatenus unquam utentur . . . . .

Pro quorum siquidem decem Canonicorum & Decani, qui semper unus ex dictis decem esse debet, sustentatione & vitæ necessariis assignari intendunt pias largitiones prælatorum Illustris Domini de Croy & suæ devotæ Conthoralis. . . . .

In processionibus verò & Choro Præpositus primum locum & eminentiorem in dextro latere obtinebit & Decanus in sinistro, qui Præpositus & Decanus in processionibus simul incedent, semper tamen Præpositus in dextro & eminentiori, deinde Investitus in dextro & Cantor in sinistro locabuntur: reliqui verò Canonici bini & bini juxta suarum receptionum prioritatem, ita ut prius receptatus præferatur.

Post cujus pro tempore Decani cessu renuntiationem, sive decessum, Præpositus, vacationis tempore, vices ejus geret, & cum Investito, Cantore, cæterisque Canonicis, vel saltem iis vocatis, perpetuis temporibus Decanum eligere poterunt, non unum ex tribus Canonicis Regularibus, sed duntaxat ex sæcularibus, qui per nos vel alios pro tempore Leodienses Episcopos ad præsentationem nostri Venerabilis Capituli confirmabitur, prout de aliis Decanis secundariorum Ecclesiarum nostrarum fieri est consuetum. . . . . Qui etiam Decanus personas Capitulares ad Capitulum super proponendis per eum sub pænis & modis rationabilibus ad hoc statuendis convocare & a majore & saniore parte Capituli, etiam ejusdem Decani voto pro unâ voce computato concludere tenebitur. Omnimodam jurisdictionem & correctionem personarum ejusdem Ecclesiæ cum sui Capituli consensu & aliter ad instar aliarum Ecclesiarum Collegiarum ipse Decanus habebit, salvo quoad jurisdictionem omnimodam in Cappellanos, Chorales, & alios officiatos ejusdem Ecclesiæ in solidum exercebit . . . . .

Ipse autem Præpositus, Decanus, Investitus, Cantor, Canonici, Capellani, Chorales Matricularius, \*Bastionarius, Organista, Receptor & alii officii ejusdem Ecclesiæ exempti erunt perpetuis temporibus, & per omnia secundum privilegia, usum & consuetudines dictarum nostrarum Ecclesiarum secundariorum.

. . . . . Cæterum fabrica dictæ Ecclesiæ, quæ competenter abundat, fructus suos & proventus præsentis ac futuros integraliter percipiet, pro ejusdem Ecclesiæ conservatione & reparatione retinebit, demptis XXX. Nobilibus prædesignatis ad distributiones quotidianas, ut præmittitur, convertendis, ac eidem Ecclesiæ de luminaribus & ornamentis decentibus ac competentibus ac libris rationabiliter providebit: & recipietur ad Ecclesiæ luminaria ultra solitum unâ Ecclesia in exequiis defunctorum sub regimine Mamburnorum per oppidum ad hoc annuatim solito more deputandorum, cum gremio dicti Capituli, qui omnes semel in anno in præsentia dicti Capituli, ac coram Villico & deputatis ejusdem oppidi & debitum & legalem computationem facere tenebuntur . . . . .

Quare pro parte dictorum exponentium de consensu dicti Abbatis sui que Conventus nobis fuit humiliter supplicatum, quatenus ad executionem piæ intentionis prædictæ, & conceptuum prædictorum procedere, ipsam B. B. V. *Mariæ* in Collegiatam quam ipsi exponentes, illiusque Parochiæ numerosa multitudo affectuosis hæctenus fitterent suspiriis . . . . .

Nos igitur Ecclesiam ipsam congruis honoribus prosequi volentes, & ad ipsius Domini cultus augmentum benignius intendentes hujusmodi supplicationibus inclinati de consensu Venerabilis Capituli nostri Leodiensis, dilectorumque Archidiaconi Brabantiae in Ecclesiâ nostrâ Leodiensi, & Decani Concilii prædictorum, prælatorum Abbatis & Conventus S. Gertrudis Lovanii, ipsam Ecclesiam *B. Mariæ* Virginis Parochialem

chiale in Collegiatam Ecclesiam ad instar aliarum Ecclesiarum secundariarum Leodienſium erigimus, nec non dictum Theodoricum Magiſtrum, qui pro tempore exiſtit, & in futurum erit in Præpoſitum, Dominum Petrum Corthys in Decanum, Engelbertum in Inveſtitum, Ludovicum in Cantorem & decem præbendas, ſive Canonias præbendales, quatuorque Capellanas & duo beneficia, una cum fructibus, redditibus & proventibus, ut ſuprà præmittitur deſcriptis & ſpecificatis ordinariâ noſtrâ authoritate ſub modis, formis, oneribus, libertatibus & exemptionibus ac immunitatibus ſuprà dictis. . . . .

Ut autem præmiſſa omnia & ſingula perpetui roboris obtineant firmitatem præſentibus ſigillum noſtrum ad cauſas apponi mandavimus. Datum in oppido Trajectenſi ſub anno a Nativitate Chriſti 1462. Indictione decimâ, die vero penultimo menſis Octobris, Pontificatus Sanctiſſimi in Chriſto Patris & Domini noſtri Domini Pii divinâ providentia Papæ ſecundi anno ſuo quinto. Sic ſignatum erat per Dominum meum Reverendiſſimum & de ejus ſpeciali mandato Hermanus de Elderen ex officio Secretarius.

Confirmatio & exemptio foundationis & erectionis hujus Capituli dein acceſſit Pontificia *Sixti IV.* anno incarnationis Dominicæ 1481. 16. Calendas Auguſti Pontificatus ejus anno X.

Porro Capitulum Arſcotanum componitur ex XIII. Canonicis, quorum tres ſunt Regulares, ſcilicet Præpoſitus, Inveſtitus (nota quod per Inveſtitum intelligatur Plebanus) & Cantor Religioſi Nobilis Abbatiae S. Gertrudis Lovanii, qui ad onera, ut ante erectionem tenentur. Collatio illarum Præbendarum pertinet ad Abbatem dicti Monafterii, admiſſio & introductio ad Capitulum. Alii decem Canonici ſunt de Clero ſeculari, ad collationem Ducis Arembergiæ & Arſcoti, admiſſio & introductio ad Capitulum, ex quorum numero eligitur a Capitulo Decanus, in ejus electione Regulares habent vocem activam, ſed non paſſivam. Qui obtinet Canonicatum debet infra annum juxta laudabilem conſuetudinem, & legem hujus Capituli fieri Sacerdos. Ex XIII. præbendis iſtis Canonicalibus quatuor ſunt dignitates ſcilicet Præpoſitura, Decanatus, Plebania, & Cantoria. Inveſtitus ſive Plebanus ut Canonicus admittitur & introducitur a Capitulo, & ut Paſtor inſtituitur ab Archidiacono loci, & assignatu ei altare S. S. Trinitatis ante Chorum, quod ſiquidem altare pro miſſis curæ incumbenſibus celebrandi, atque adminiſtrationi Sacramenti Eucharistiæ ſeu exercitio curæ Parochialis deputatur & appropriatur. Tres dicti Domini Regulares gaudent decimis Arſcotanis, quarum medietatem percipit Præpoſitus, & alteram medietatem dividunt æqualiter Plebanus & Cantor. Canonici verò ſeculares habent ſuas proprias fundaciones. Ex X. Canonicis ſecularibus quatuor ad confeſſiones audiendas ſunt adſtricti, qui eâ ratione percipiunt augmentationem particularis redditus quem alii ſex non percipiunt. Augmentatio harum IV. Præbendarum ſecularium facta eſt ab Illuſtri Dominâ Annâ de Croy Ducisſâ Arſcotanâ &c. Auctoritate & conſenſu *Philippi IV.* Hiſp. Regis anno 1647. die 12. Januarii ſub Illuſt<sup>mo</sup>. D. *Jacobo Boonen* Archiep. Mechl.

*Extrait de l'augmentation des Prebendes Seculieres du  
Chapitre d'Arſchot.*

PHILIPPES par la grace de Dieu Roy de Caſtille, de Leon, d'Arragon, des deux Siciles, de Jeruſalem, de Portugal, de Navarre, de Naples, de Grenade, de Toledé, de Valence, de Galice, de Majorques, de Seville, de Sardaigne, de Corduba, de Corſicque, de Murcie, de Jaen, des Algarbes, d'Algeſire, de Gibraltar, des Iles de Canaries, des Indes tant Orientales, qu'Occidentales, des Iles & terre ferme de la mer Oceane,



ne, Archiduc d'Austrice, Duc de Bourgogne, de Lothier, de Brabant, de Limbourg, de Luxembourg, de Geldres, & de Milan, Comte de Habsborg, de Flandres, d'Artois, de Bourgogne, de Tirol, Palatins, & de Hainau, de Hollaude, de Zelande, de Namur, & de Zutphen, Prince de Swave, Marquis du St. Empire, de Rome, Seigneur de Frise, de Salme, de Malines, des Cités Villes & Pays d'Utrecht, d'Overyssel, Groeningen, & Dominateur en Asie & Afrique, à tous ceux qui ces presentes nos lettres verront, ou lire oiront salut. Savoir faisons que ce jourd'hui date icelles par devant notre tres cher & feal Messire Ferdinand de Boiffchot, Chevalier de l'ordre militaire de St. Jacques, Comte d'Erps, Baron de Saventhem &c. Comparut par devant les hommes de fief de la Souveraine Cour feudale de sa Matè. en Brabant cy en bas denommée haute & puissante Princesse Madame Clara Eugenia par la grace de Dieu née Princesse d'Arenbergh, Princesse de Chimay, Baronne de Quievrain, Gomont, Wallers &c. au nom & de la part & comme Procuratrice generale & especiale d'aussi Haut & Prince Messire Philippe François par la Grace de Dieu Prince & Comte d'Arenbergh, Duc d'Arfschot &c. ensuite de l'instrument de procure en étant passé en la Cité de Gandie Roiaume de Valence couronne d'Arragon en Espagne par devant Balthasar Elua Notaire public admis d'autorité Roiale, & certains temoins y denommez le 30. de Mars 1643. cy veue & montrée en originel . . . . . en Icelle qualité a dit & reconnu, comme elle reconnoit par cette au profit des Doien & Chanoines Seculiers de la ville d'Arfschot une rente heritiere . . . . . le tout en bonne monnoie d'or ou d'argent courant selon les placcards de Prince audit tems, ayant la dite Dame Princesse comparante en cette obligé, ainsi qu'elle oblige par la presente la persone & les biens du dit Seigr. Duc son frere originel constituant & specialement la terre & Duché d'Arfschot les quatre Baronnies en dependantes Heverle, Merdal, Bierbeck, Rotfelaer & generalement tout ce qui est appendant & dependant du dit Duché, bois, prez, viviers, terres, & autres biens de quelle nature & condition qu'ils soient, le tout comme pands & contre pands & hypothèque especiale de la dite rente . . . . . Et chaque partie d'Icelle sera ponctuellement payée, fournie & satisfaite par les Receveurs des dites Baronnies terres & Duché presens futurs en vertu de la presente seule, sans pour ce avoir besoin d'aucune autre ordonnance ou assignation, mesme qu'iceux Receveurs & chacun d'eux sy devront obliger en leur propre & privé nom, tant qu'ils exerceront les dites recètes, nonobstant tous mandemens ou ordres que y pourroit avoir au contraire, ou pour divertir ailleurs au prejudice de la dite rente les dites recètes, ce que le dit Duc sera tenu de prevenir & laisser la presente sortir son plein & entier effet comme irrevocable, & accepté par partie, si seront les dits Doyen & Chanoines parmi ce tenus & obligés de fournir, accomplir & satisfaire aux charges & conditions portées par l'acte signé de Monseigr. Illustissime & Reverendissime Archeveque de Malines, & Messire Josse Bachelier Chanoine de l'Eglise Cathedrale, de Nostre Dame a Tornai, comme executeurs du testament de feu Haute & Puissante Dame Anne de Croy Duchesse d'Arfschot, Princesse & Comtesse d'Arenberg &c. . . . . Ce qu'a été ainsi le tout accepté par Maitre Laurent Impens Chanoine d'Arfschot & Procureur des dits Doyen & Chanoines muni de procuration especiale . . . . . ce qu'il a aussi promis de faire le tout approuver, agreer, & ratifier, tant pour eux, que pour leurs Successeurs sous obligation de leurs personnes & biens . . . . . Et celle rente libre de toutes charges, aides, & impositions soit de dixiemes, vingtiemes, centiemes moindres ou plus grands deniers & autres charges quelconques connus ou inconnus, mises ou a mettre soit par nous, ou nos Successeurs Ducs ou Duchesses de Brabant, ou par les Etats d'icelui notre pays sous quel pretexte que ce pourroit être . . . . . En nous faisant quant à ce cause de notre dit Duché de Brabant, es mains de notre dit Lieutenant, Hommage, foi & serment de fidelité & tous autres devoirs & services en tel cas necessaires & accoutumés de toute ancienneté, le quel notre Lieutenant le receut ainsi en notre hommage &c. donné par nous Roi en notre Ville de Bruxelles le 12. jour du mois de Janvier l'an de grace 1647. & de nos regnes le 26. en bas étoit à côté à grandes lettres par le Roi à la relation du Lieutenant &c. en dessous 1647. étoit signé J. Michiels, en bas y appendoit le sèel de sa Matè. à un cordon rouge & blanc.

## PRÆPOSITI ARSCOTANI.

- I. THEODORICUS DE BRAKEL, annò 1465. Abbas Gertrudanus.
- II. JOANNES PINNOCK, antea Prior, introductus est anno 1466.
- III. JOANNES WOELMONT, primo Pastor in Oosterwyck, dein Prior, exinde Præpositus.
- IV. RASO DE GRAVEN, ex Investito seu Plebano Præpositus. Obiit anno 1529.
- V. REINERUS DE LOUWE, ex Plebano Præpositus. Obiit anno 1539.
- VI. PETRUS DE GRAVEN, Obiit anno 1578.
- VII. PHILIPPUS VANDER NOOT, ex Pastore in Betecum Præpositus.
- VIII. ENGELBERTUS VANDER NOOT.
- IX. JOANNES DE DONGHELBERGHE, Bruxellensis, antea Prior, mortuus anno 1633. die 30. Januarii.  
JOANNES A RYCKEL, ab Oorbeeck ex Pastore in Betecum Provisor; denominatus Præpositus, moritur ante admissionem anno 1633.
- X. ÆGIDIUS HAPPART, ex Pastore in Nederlanden Præpositus, introductus est 9. Martii anno 1633.
- XI. PHILIPPUS RENATUS D'OYENBRUGGHE, Primo Supprior, dein ex Plebano Præpositus obiit anno 1647.
- XII. MAXIMILIANUS VAN LEEFDAEL, ex Plebano Præpositus, dein anno 1665. Abbas Gertrudanus.
- XIII. N. VAN DOORNE.
- XIV. CLAUDIUS FRANCISCUS DE LA VIEFVILLE, ex Præposito Abbas Gertrudanus anno 1668.
- XV. MICHAEL DE RAVERSCHOT.
- XVI. ISIDORUS DE LA VIEFVILLE, ex Cantore Præpositus 8. Augusti anno 1684.
- XVII. MAXIMILIANUS FLORENTIUS DE GLIMES DE BRABANT, ex Cantore Præpositus 28. Augusti anno 1704. Obiit 22. Januarii anno 1722.
- XVIII. GUILIELMUS JOANNES DE GELOES, Introductus est 18. Septembris anno 1722. modernus Præpositus.

## DECANI ARSCOTANI.

- I. PETRUS CORTYS, Rector Parochialis Ecclesiæ de Cytere Diœcesis Leodiensis, cessit Decanatum in favorem sui nepotis qui sequitur.
- II. WILHELMUS GHYSETBERTY.
- III. GERARDUS VAN DORNE, electus a Capitulo.
- IV. PETRUS CORTYS, per resignationem sui prædecessoris, & ita fuit primus & quartus Decanus.
- V. JOANNES A PORTA, per resignationem Decanus, obiit in oppido Diesthemienſi Sepultus ibidem in Ecclesiâ S. Sulpitii anno 1512.
- VI. JOANNES VANDEN HULLE, Decanus per resignationem obiit anno 1534.
- VII. PHILIPPUS DE SCHOONHOVEN, per electionem Capituli.
- VIII. SEBASTIANUS DE WITTE. Obiit Anno 1599.



IX. CLAUDIUS LONGIN, J. U. L. Obiit 14. Aprilis Anno 1601.

X. WILHELMUS HAGENS.

XI. JACOBUS ROSA.

XII. HIERONYMUS SWINNEN, Obiit 22. Julii anno 1603.

XIII. HENRICUS VAN RIVIEREN, electus 2. Septembris anno 1603.  
Obiit anno 1629.

XIV. GUILIELMUS MATTHYS, electus 10. Septembris anno 1635. qui  
& fuit Pastor Beginasii.

XV. PETRUS BUSEN.

XVI. JONNNES VAN RIVIEREN, Arscotanus S. T. B. electus 3. Maii  
anno 1659.

XVII. HERMANUS HARTS, Arscotanus, electus 16. Octobris. Obiit  
30. Martii anno 1685.

XVIII. ANTONIUS SMETS, Mechliniensis J. U. L. electus 6. Aprilis  
anno 1685. modernus Decanus.

Pag. 260. lineâ 17.

In hâc Parochiali est Capellania B. M. V. optimè dotata, gravata pluri-  
bus missis hebdommadatim, item missi matutinali diebus sacris, quæ initio  
seculi XVII. a *Matthia Hovio* Archiep. Mechl. annexa est Plebania *S. Leo-*  
*nardi*, uti supra dictum est in *Leeuwâ S. Leonardi*.

Pag. 278. lineâ 45.

Pastoratui annexa est Capellania S. Crucis Sacelli de *Raenrode*, vulgo *Reyn-*  
*rode*, Parochiæ de Donck Dioc. Leod. prope Diesthemium.

Tom. II. pag. 43. lineâ 48. subsunt jurisdictioni ordinarii, sub curâ Prioris  
Viridis Vallis ab anno 1445.

Pg. 50. lineâ 79.

Crescente in Suburbano numero incolarum circa hoc Sacellum, Sacrum  
Ministrum nacti sunt, qui ibidem in eo divina peragit, rem sacram curat  
& populo Sacramenta administrat. Anno 1714. hoc Sacellum magis am-  
plum & decorum redditum est propter numerositatem incolarum.

Pag. 136. lineâ 8. habetur nondum media pars Diplomatis Joannæ Ducis-  
sæ Brab. Ecce

*Integrum Diploma Joannæ Brab. Ducissæ.*

*Ex Archi-*  
*vis Mona-*  
*sterii.*

JEHANNE, by der gratien Gods Hertoginne van Lucembourg / van Toth-  
erpeck / van Brabant / ende van Limbourg / Marcgrabinne des Heylighs Rycks.  
Doen cönt in eenweger gedinckenisse allen lieden / dat wy in puerre aelmoessen /  
om die minne van Gode / en in verlichtenissen der Zielen alle onse voorbaren  
Zeliger gedinckenissen / op dat sy / wy selve / en alle onse naercomelingen Hertog-  
gen van Brabant deplechtich werden mogen des dienstis ons Heeren / diemen  
in tiden toecomende by den wille ons Heeren daer in begaen sal / gegeven heb-  
ben / en geven onsen geminden in Gode Heer Gielis van Bredepche met sine  
gesellen / die hy daer nu heeft / of die daer in namals comen selen mogen erffe-  
lyck / ende enemeer die Cluse banden Zebenborren mette stad en plaetsen alse  
wyt als sy daer ter stad es gelegen / en hen by onsen getrouwen Raet / en Gent-  
meester van Brabant Repnier Holland bewyft / ende met onsen boschteken van  
Zonien gehaeckt es / ende geteekent aldaer van onsen wegen / welcke stad en  
plaets

plaetse wy hen booz ons / onse hoir en nacomelinge bereygent hebben / en ver-  
 epghenen / en daer toe oock amortizeren als daer toe behoirt met desen tege-  
 woordigen briebe ome die los en by van allen comen boertaen ebbelic te hou-  
 dene / te hebbene / en te bezittene / en alsoe dat sy daer op een Goidshups en-  
 de Cloostere stichten mogen en maeken ter eeren Gods ons Heer ome sinen lof  
 daer in te begaen / en hem te dyenen / inden welken wy begieren in onsen Heer  
 alse ons by den wille ons Heere niet langer in dese werelt sal staen te ziele  
 onse jaergetide jaerlex begaen te werden solemplez en temelec des abonts met  
 Vigilien van negen lessen gezongen / en des morgens met comendatien en Mes-  
 sen gezongen als daer toe behoirt. Ende ome dat wy den boozsz. Persoenen /  
 ende hune nacomelingen die hier namaels inder selver stad ontsaen werden ze-  
 len dese onse gifte vaste stede / ende onverbrekelec gehouden willen wesen / ende  
 begheren ome Gods wille van hen / en hunne nacomelingen den boozsz. dienst  
 van onsen jaergetide inder manier dat boven verclaert es gedaen te zine / soe  
 hebben wy voor hen boer ons / en onse nacomelingen dese onse brieven daer op  
 doen geven met onsen Zegele bezegelt in besticheiden / en te weger getugenissen  
 der Waerhept. Gegeben te Bruessele vier dage in de maent van Novembre int  
 jaer ons Heeren dusent driehondert achtentachtentich.

Pag. 140. linea 37.

Abbatia Affligemienfis & Forestenfis, i tem N. Maelcamp secularis in agro  
 Aloftano (in tribus scilicet Præturis ruralibus *Nurwer-kercken*, *Mylbeke*, &  
*Schaerbeke*) non immodicas percipiunt decimas, in quibus Ecclesia Aloftana  
*S. Martini* habet XI. Manipulum.

Pag. 168. linea 28.

*Litteræ determinationis dissentionis inter Abbatem Jettensem & Niniven-*  
*fem de Parochia de Leeuw & Liedekerck per Dominum Bernardum*  
*Abbatem Clarevallenfem anno 1145.*

In Nomine Sanctæ & Individuæ Trinitatis, ego Bernardus Dei gratia Clarevallen-  
 fis Abbas, omnibus Sanctæ Ecclesiæ filiis perpetuam in Domino Jesu Christo Salu-  
 tem.

*Ex Archi-  
 vis Abba-  
 tiæ Nini-  
 vensis.*

Notum esse volumus tam futuris quam præsentibus dissentionem inter Abbatem Ni-  
 nivenfem & Jettensem pro Ecclesiâ de Liedekercke tali modo in præsentia nostrâ co-  
 ram Religiosis personis determinatam: consensit Abbas Jettensis fuscipere in partem  
 suam Altare & Ecclesiam de Lewes cum omnibus appartenentiis suis, videlicet in terris,  
 in decimis, censu, ædificiis, mancipiis utriusque sexus, vel si qua sunt alia, & si-  
 cut Tenera dividit Parochiam de Lewes, & eam de Liedekercke, præter decimam  
 unam in Parochiâ de Erenbaldegem, pertinentem ad Ecclesiam de Lewes quam Abbas  
 Jettensis possidebit cum cæteris rebus ejusdem Ecclesiæ, Abbate Ninivenfem reliqua  
 omnia ad Ecclesiam de Liedekercke pertinentia obtinente. Et ut hæc composi-  
 tio hortatu nostro & consilio facta in perpetuum permaneat rata, cartam hanc fieri  
 jussimus, Sigillique nostri pressione signavimus, subnotatis idoneis testibus qui inter-  
 fuerunt, consentientibus etiam fratribus, & invicem exfestucantibus utriusque Ecclesiæ  
 sc. Jettensis & Ninivenfis. S. D. Petri Abbatis Affligensis Ecclesiæ S. Roberti Abba-  
 tis de Dunis. S. Balduini Abbatis de Castellione. S. Gosuini Abbatis Truncinis. S. E-  
 verardi. M. Gerardi. M. Geraldi. No. Gualfridi.

Pag. 170. linea 34.

In Continuatione Chronici Affligemienfis relatâ in Spicilegio d'Achery  
 tom. II. editionis Parisiensis anni 1723. pag. 779. legitur de *Joanne IV.* dic-  
 Tom. II. LII I to



to *Wolmeroy* XVIII. Abbate Affligemiensi ut sequitur: „ Restituit solido opere Ecclesiam Meldrensem, eamque a Bardegemiensi auctoritate *Joannis Cameracensis* Episcopi, cujus erat appendicium, divisit.

Pag. 182. linea 13.

Patronatus hujus Parochialis spectat ad Capitulum Metropolitanum *B. Mariae* Cameracense; decima est bipartita, quarum una pars est Parochi, altera spectans ad hanc Ecclesiam, etiam in Novalibus.

Pag. 282. linea 42.

Hoc Dominium hodie possidet partim jure Successionis, partim emptionis  
LEONARDUS FRANCISCUS WERBROUCK.



# I N D E X

## ABBATIIARUM, CAPITULORUM, ET MONASTERIORUM DIOECESIS MECHLINIENSIS.

Nota quod Littera *a* denotet Tomum primum; *b* vero  
Tomum secundum.

### *Abbatie Benedictinorum.*

S. <b>A</b> driani in Gerardimonte.	<i>b.</i> pag. 191
Affligemienfis.	<i>b.</i> 170
Eenamensis.	<i>b.</i> 248
Vlierbacensis.	<i>a.</i> 186

### *Præpositura Benedictinorum.*

Capellensis in Urbe Bruxellensi.	<i>b.</i> 25
----------------------------------	--------------

### *Abbatie Benedictinarum.*

Cortenberga.	<i>b.</i> 56
Bigardia Major.	<i>b.</i> 115
Forestum.	<i>b.</i> 61
Anglicanarum Bruxellis.	<i>b.</i> 44

### *Prioratus Benedictinarum.*

Bigardia Minor.	<i>b.</i> 126
Gerardimontensis.	<i>b.</i> 193

### *Abbatie Virginum Cister- ciensium.*

Bellopratum.	<i>b.</i> 212
Camera B. Mariæ.	<i>b.</i> 48
Parcum Dominarum.	<i>a.</i> 229
De Rosiis, vulgo ten Roosen.	<i>b.</i> 145
Sartum B. Mariæ, vulgo Rottem.	<i>a.</i> 247
Vallis S. Bernardi Diefthemii.	<i>a.</i> 241
Vallis Ducis.	<i>a.</i> 213
Vallis Florida.	<i>a.</i> 199
Vallis Rosarum.	<i>a.</i> 134
Vallis Virginum.	<i>a.</i> 285
Vinea nostræ Dominæ Lovanii.	<i>a.</i> 172

### *Prioratus Virginum Cister- ciensium.*

Musinenfis Mechliniæ.	<i>a.</i> 81
-----------------------	--------------

### *Abbatie Præmonstratensium.*

Averbodium.	<i>a.</i> 251
Diligemium.	<i>b.</i> 85
Grimberga.	<i>b.</i> 70
Heyliffemium.	<i>a.</i> 282
Ninhovia.	<i>b.</i> 195
Parchum.	<i>a.</i> 189

### *Præposituræ Virg. Præmon- stratensium.*

Insula Ducis vulgo Gempe.	<i>a.</i> 231
Tusschenbeca prope Alostum.	<i>b.</i> 275
Vallis Liliorum Mechliniæ.	<i>a.</i> 83

### *Abbatia Canonorum Reg.*

#### *S. Augustini.*

S. Gertrudis Lovanii.	<i>a.</i> 159
-----------------------	---------------

### *Præpositura Can. Reg.*

#### *S. Augustini.*

S. Jacobi Montis Frigidi Bruxellis.	<i>b.</i> 20
-------------------------------------	--------------

### *Capitula Canonorum.*

Alostanum. S. Martini.	<i>b.</i> 140
Anderlechtense S. Petri.	<i>b.</i> 52
Arfcotanum B. Mariæ.	<i>a.</i> 242
Bruxellense S. S. Michaelis & Gudulæ.	<i>b.</i> 5
Diefthemienfense S. Joannis.	<i>a.</i> 235
Diefthemienfense S. Sulpitii.	<i>a.</i> 236
Leeuwenfense S. Leonardi.	<i>a.</i> 258
Lovanienfense S. Jacobi.	<i>a.</i> 152 *
Lovanienfense S. Petri.	<i>a.</i> 152
Mechlinienfense B. Mariæ.	<i>a.</i> 67
Mechlinienfense S. Rumoldi.	<i>a.</i> 24
Meerbecanum S. Berlendis.	<i>b.</i> 217
Rothnacensis S. Hermetis.	<i>b.</i> 237
Thenense S. Germani.	<i>a.</i> 272
LII 1 2	Prio-



*Prioratus Scholarium*  
*S. Augustini.*

Leeuwis.  
Mechliniæ.

a. 259  
a. 71

*Prioratus Can. Reg.*  
*S. Augustini.*

Bethleem prope Lovanium. a. 216  
S. Martini Lovanii. a. 165  
Melle prope Gandavum. b. 290  
Rubæa Vallis. } in Sylva Sonia. b. 106  
Septem Fontium. } b. 134  
Viridis Vallis. } b. 78

*Canonicarum Reg. S. Augustini.*

Albæ Dominæ Lovanii. a. 171  
Albæ Dominæ Thenis. a. 276  
Alnetum Marianum Sichemii. a. 251  
Barlaimontanæ Bruxellis. b. 46  
Betania Mechliniæ. a. 81  
Cabbecanum Thenis. a. 276  
S. Elisabethæ Bruxellis. b. 42  
S. Gertrudis Bruxellis. b. 42  
Jericho Bruxellis. b. 43  
Lætmons Mechliniæ. a. 80  
Lotharingæ Bruxellis. b. 47  
Lotharingæ Diesthemii. a. 241  
S. Mariæ Magdalænæ Bruxellis. b. 43  
S. Monicæ Lovanii. a. 175  
Mons S. Nicolai Arfcot. a. 243  
Sion Vilvordiæ. a. 132  
Thabor Mechliniæ. a. 81  
Vallis S. Barbaræ Thenis. a. 276  
Vallis B. Mariæ Diesthemii. a. 239  
S. Ursulæ Lovanii. a. 172

*Alexianorum.*

Bruxellis. b. 38  
Diesthemii. a. 239  
Lovanii. a. 170  
Mechliniæ. a. 77  
Thenis. a. 276

*Annuntiatorum.*

Alofti. b. 148  
Bruxellis. b. 46  
Lovanii. a. 174  
Thenis. a. 276

*Augustinianorum.*

Bruxellis. b. 36  
Diesthemii. a. 239

Lovanii. a. 164  
Mechliniæ. a. 73  
Thenis. a. 276

*Begginarum.*

Alofti. b. 148  
Anderlecht. b. 54  
Arfcoti. a. 243  
Bruxellis majus. b. 39  
Bruxellis minus. b. 39  
Diesthemii. a. 239  
In Isca Superiori est extinctus.  
Gerardimontibus. b. 194  
Leeuwis. a. 259  
Lovanii majus. a. 170  
Lovanii minus. a. 170  
Mechliniæ majus. a. 79  
Mechliniæ minus. a. 80.  
Thenis. a. 276  
Vilvordiæ. a. 132

*Beggardorum.*

Arfcoti. a. 243  
Bruxellis. b. 34  
Diesthemii. a. 239  
Leeuwis. a. 259  
Lovanii. a. 164  
Ophemii. b. 108  
Thenis. a. 275

*Brigittinarum.*

Bruxellis. b. 46

*Capucinarum.*

Alofti. b. 147  
Arfcoti. a. 243  
Bruxellis. b. 37  
Furæ Ducis. b. 67  
Lovanii. a. 167  
Mechliniæ. a. 75  
Thenis. a. 275

*Capucinarum.*

Bruxellis. b. 46

*Carmelitarum Mitigatorum.*

Alofti. b. 145  
Bruxellis. b. 37  
Gerardimontibus. b. 194  
Lovanii. a. 168  
Mechliniæ. a. 73  
In Muylen. b. 168  
Thenis. a. 274  
In

In Bottelaer prope Gandavum. *b.* 270 Anglicanæ Bruxellis. *b.* 47  
Lovanii. *a.* 175

*Carmelitarum Mitigatarum.*

Vilvordia ten Trooft. *a.* 132

*Carmelitarum Excalceatorum.*

Bruxellis. *b.* 38  
Lovanii Duplex. *a.* 168  
Mechliniæ. *a.* 76  
In Nethene prope Lovanium. *a.* 225

*Carmelitarum Excalceatarum.*

Alofti. *b.* 148  
Bruxellis. *b.* 45  
Lovanii. *a.* 175  
Mechliniæ. *a.* 82  
Vilvordia. *a.* 133  
In Willebroeck prope Mechliniam. *a.* 138

*Cartusianorum.*

Bruxellis. *b.* 37  
Lovanii. *a.* 166  
Sylvæ S. Martini prope Gerardimontem *b.* 216  
Mechliniæ, inde migrarunt Neoportum *a.* 75

*Celestinorum.*

In Heverleà prope Lovanium. *a.* 220

*Clarissarum Pauperum.*

Bruxellis. *b.* 44  
Mechliniæ. *a.* 82

*Clarissarum Mitigatarum.*

Bruxellis. *b.* 44  
Lovanii. *a.* 172  
Mechliniæ. *a.* 82

*Dominicanorum.*

Bruxellis. *b.* 34  
Lovanii. *a.* 161  
Ibidem Anglicani. *a.* 170  
Ibidem Hiberni. *a.* 169  
Mechliniæ. *a.* 76  
In Sylva Raspalia prope Gerardimontem. *b.* 218  
Vilvordia. *a.* 131

*Dominicanarum.*

In Auderghem prope Bruxellas. *b.* 105

*Equitum Teutonicorum.*

In Beckevoort prope Diefthemium. *a.* 245  
Mechliniæ in Pitzenbourg. *a.* 77

*Grisearum Sororum tertie  
Regule S. Francisci.*

Diefthemii. *a.* 240  
Gerardimontibus. *b.* 193  
Leeuwis. *a.* 259  
Lovanii. *a.* 172  
Ninhoviæ. *b.* 204  
Thenis. *a.* 277  
In Velsich in agro Aloftano. *b.* 304

*Guilielmitarum.*

Alofti. *b.* 147

*Leprosariarum.*

Bancum prope Lovanium. *a.* 196  
Mechliniæ. *a.* 83  
S. Petri Bruxellis. *b.* 242

*Hospitaliarum.*

Alofti. *b.* 148  
Arscoti. *a.* 243  
In Asca. *b.* 152  
In Berchem ad Scaldim. *b.* 241  
Bruxellis. *b.* 41  
Diefthemii. *a.* 241  
Gerardimontibus. *b.* 194  
Lovanii. *a.* 170  
Mechliniæ. *a.* 83  
Ninhoviæ. *b.* 203  
In Roosbeeck Gallis Rebecque. *b.* 133  
Rothnaci. *b.* 240  
Scornaci. *b.* 264  
Thenis. *a.* 276  
Vilvordia. *a.* 133

*Minimorum.*

Anderlecht. *b.* 54  
Bruxellis. *b.* 38  
Gerardimontibus. *b.* 193  
Lovanii. *a.* 169

*Minoritarum.*

In Bootendael. *b.* 104  
Bruxellis. *b.* 31  
Diefthemii. *a.* 239  
Lovanii. *a.* 164  
M m m m *ibi.*



Ibidem Hiberni.  
Mechliniæ.  
Thenis.

a. 168

a. 71

a. 274

*Oratorii S. Philippi Nerii.*

Aspricollis.

a. 244

*Nigrarum Sororum Ord.*

*S. Augustini.*

Alofti.  
Bruxellis.  
Lovanii.  
Mechliniæ.  
Rothnaci.

b. 148

b. 44

a. 172

a. 83

b. 240

*Oratorii Jesu.*

Bruxellis.  
Lovanii.  
Mechliniæ.  
Rothnaci.

b. 38

a. 169

a. 76

b. 240

*Societatis Jesu Collegia.*

Alofti.

Bruxellis.

Lovanii.

Mechliniæ.

b. 147

b. 37

a. 167

a. 76

*Visitantinae.*

Bruxellis.

b. 47

*Ursularum.*

Bruxellis.

Lovanii.

Mechliniæ.

b. 47

a. 175

a. 83

F I N I S.



# I N D E X

## TOPOGRAPHICUS ALPHABETICUS ARCHIEPISCOPATUS MECHLINIENSIS

. cum designatione cujusque Decanatus.

*Notandum quod A. denotet Decanatum Alostensem, B. Bruxellensem, D. Diestensem, G. Gerardimontensem, L, L. Leeuwensem S. Leonardi, L.P. Leeuwensem S. Petri, L. Lovaniensem, M. Mechliniensem. O. Oordegemiensem, R. Rothuacensem, & T. Thenensem.*

Litera *a* denotat Tomum primum, & *b* Tomum secundum.

### A.

**A** Etrode five Attenrode. T. *a.* pag. 277  
 Ter Alphen, alias Ter Elst. A. *b.* 148  
 Allodium, alias Neygene. G. *b.* 218  
 Alostum. A. *b.* 139  
 Alfemberg. L. P. *b.* 111  
 Amongies. R. *b.* 240  
 Anderlecht. B. *b.* 51  
 S. Antelini, alias St. Tentelins. G. *b.* 226  
 Appels. A. *b.* 149  
 Appeltere. G. *b.* 205  
 Archennes. L. *a.* 198  
 Arfcotum. D. *a.* 241  
 Aspelaer. G. *b.* 205  
 Aspricollis. D. *a.* 244  
 Asche five Asca. A. *b.* 150  
 Ast, appendix de Goetsenhoven. T. *a.* 281  
 Audenaken. L. P. *b.* 111  
 Aultre, alias Oultre. G. *b.* 224  
 Autgarde. T. *a.* 277  
 Auwegem vel Oudegem. A. *b.* 152  
 Ayghem vel Eygem. A. *b.* 153

### B.

**B** Alen, alias Bael. D. *a.* 242  
 Balegem. O. *b.* 268  
 Bardgem. A. *b.* 154  
 Bambrugge appendix de Burst. O. *b.* 269  
 Battel appendix B. Mariæ Mechl. M. *a.* 70  
 Bavegem appendix de Vlierzeelc. O. *b.* 269  
 Bautersm. T. *a.* 277  
 Bayegem. O. *b.* 269  
 Beckerfeel. L. P. *b.* 112  
 Beckevoort. D. *a.* 245  
 Beerthe. L. P. *b.* 114  
 Beerfele. L. P. *b.* 112  
 Beets. L. L. *a.* 260  
 Bella Teneræ, alias Dender-Belle. A. *b.* 186  
 Berchem appendix de Audenaken. L. P. *b.* 112

Berchem. B. *b.* 55  
 Berchem. R. *b.* 241  
 Berghen. M. *a.* 86  
 Berlegem. R. *b.* 241  
 Beerthem. L. *a.* 200  
 Betecum. D. *a.* 245  
 Bevere Appendix de Strombeke. B. *b.* 103  
 Beughem, alias Bodegem. L. P. *b.* 114  
 Beygem. B. *b.* 55  
 Beyssm. L. *a.* 224  
 Bierbeeck. L. *a.* 201  
 Binckem. T. *a.* 278  
 Blaesvelt. M. *a.* 88  
 Bogaerden. L. P. *b.* 114  
 Bollebeke. A. *b.* 154  
 Boenheyde M. *a.* 89  
 Boondael appendix de Uckel. B. *b.* 104  
 Boort-Meerbeek. M. *a.* 90  
 Borsbeke. O. *b.* 270  
 Boffut. L. *a.* 208  
 Bost, alias Roo-Bost R. *b.* 242  
 Botelaer. O. *b.* 270  
 Bouckel vide St. Blasius ende Denys Bouckel. R. *b.* 242  
 Boulaer five Boularium inferius G. *b.* 205  
 Boulaer five Boularium superius. G. *b.* 206  
 Brakel vide Neer-Brakel & Op-Brakel. G. *b.* 208  
 Braysem appendix de Cumptich. T. *a.* 279  
 Breyvelde appendix de Ertegem O. *b.* 273  
 Bruffegem. A. *b.* 154  
 Bueken. L. *a.* 209  
 Buggenhout. A. *b.* 155  
 Bungen, alias Budingem. L. L. *a.* 260  
 Bunsbeke. T. *a.* 278  
 Burgrave Lombeeck. L. P. *b.* 131  
 Burst. O. *b.* 273  
 Butfel. T. *a.* 279  
 Buyzingen. L. P. *b.* 114  
 Bygarden. L. P. *b.* 115



## C

**C** Alfoort. Appendix de Puers. M. *a.* 114  
 Calevoirt. Appendix de Uckel. B. *b.* 104  
 Campenhout. M. *a.* 92  
 Capella S. Udalrici. L. P. *b.* 117  
 Capelle, vulgo Nieu-Capelle. D. *a.* 245  
 Capelle op den Bosch. M. *a.* 92  
 Carloo. Appendix de Uckel. B. *b.* 104  
 Cherfcamp. O. *b.* 274  
 Cobbegem. A. *b.* 157  
 Corbeke over Deyle. L. *a.* 209  
 Corbeke over Loo. L. *a.* 210  
 Cortelke, alias Cortryck L. *a.* 210  
 Cortenaken. D. *a.* 245  
 Cortenberghe B. *b.* 55  
 Crayenem, alias Craynhem. B. *b.* 58  
 Cumptich. T. *a.* 279

## D.

**D** Eftingen. G. *b.* 209  
 Denderbelle. A. *b.* 186  
 Dender-Hauthem. G. *b.* 210  
 Dender-Leeuw. A. *b.* 157  
 Dender-Windeke. G. *b.* 210  
 Dickel. O. *b.* 276  
 Dickelvenne. R. *b.* 244  
 Dieghem. B. *b.* 58  
 Dielbeke. L. P. *b.* 118  
 Dieftum, feu Dieftthemium. D. *a.* 136  
 Dormael. Vide Neer- ende Op-Dor-  
 mael. L. L. *a.* 261  
 Dorpe, alias Tornepia. L. P. *b.* 119  
 Droogen-Bosch. Appendix de Uckel. B. *b.* 103  
 Duysborch. B. *b.* 60

## E

**E** Delaer. R. *b.* 245  
 Ekelgem. A. *b.* 158  
 Elinge. L. P. *b.* 120  
 Elewyt. M. *a.* 93  
 Eenam inferius & superius. R. *b.* 245  
 Eerdegem, alias Erondegem. O. *b.* 276  
 Eygenhove. L. *a.* 201  
 Eldene feu Elene. O. *b.* 276  
 Eliffem. T. *a.* 280  
 Elft. R. *b.* 255  
 Epegem. M. *a.* 93  
 Erembodegem. A. *b.* 158  
 Ermelgem. R. *b.* 255  
 Erpe. A. *b.* 159  
 Erps. M. *a.* 94  
 Ertegem O. *b.* 277  
 Eschene. A. *b.* 160  
 Esca S. Livini, vide Ste. Lievens Es-

che. G.

Etichove. R. *b.* 210  
 Etterbeke. B. *b.* 256  
 Evere. B. *b.* 60  
 Everberghe. L. *a.* 212  
 Eychem appendix de Appel terre. G. *b.* 205  
 Eycke-Vliet appendix de Puers. M. *a.* 114  
 Eygem, Vide Ayghem. A. *b.* 153  
 Eylinge. L. P. *b.* 121  
 Ezemacl. T. *a.* 280

## F.

**F** Enacum S. Martini vide S. Mertens  
 Viffenaken. T. *a.* 280  
 Fenacum S. Petri vide S. Peeters Viffe-  
 naken. T. *a.* 280  
 Forestum vide Vurft. B. *b.* 61  
 Forestum vide Vurft O. *b.* 277  
 Fura Ducis, alias Tervuren. B. *b.* 64

## G.

**G** Aesbeke. L. P. *b.* 121  
 Gerardimontium alias Geerards-  
 berghe. G. *b.* 189  
 Gerdeghe, appendix B. Mariae Mechl.  
 M. *a.* 70  
 Glabbeke. D. *a.* 245  
 Godtveerdegem. O. *b.* 277  
 Goefferdinge. Appendix de Over-Boulac-  
 re G. *b.* 205  
 Gont-Rode. O. *b.* 277  
 Goitsenhove. T. *a.* 281  
 Goyck. L. P. *b.* 122  
 Grez, alias Gravium. L. *a.* 212  
 Grimmigen. G. *b.* 211  
 Grimberghe. B. *b.* 67  
 Grimpde T. *a.* 281  
 Guerix. Oudenhove. O. *b.* 297  
 Guffenhoven. L. L. *a.* 262  
 Ghysegem. A. *b.* 161  
 Gyfenleele, alias Gyzele. O. *b.* 277

## H.

**H** Aeght. M. *a.* 95  
 Haeckendover. T. *a.* 281  
 Haesdonck, alias Natten Haesdonck. M. *a.* 95  
 Halen. D. *a.* 246  
 Haltera, alias Haltert. A. *b.* 161  
 Ham. B. *b.* 75  
 Hamme. L. *a.* 213  
 Harderssem. A. *b.* 162  
 Haren. B. *b.* 75  
 Hasselt, alias Op-Hasselt. G. *b.* 221  
 Hauthem S. Livini. O. *b.* 278  
 Hauthem parvum, alias Lutter-Hau-  
 them. O. *b.* 280  
 Hau-

Hauthem S. Margaretæ appendix de Buns-  
beke. T. a. 279  
Haut Heverle. L. a. 219  
Hauwaert. D. a. 247  
Heelen. L. L. a. 263  
Heffene. M. a. 96  
Heembeke inferior & superior. B. b. 76.  
& 77  
Heldergem. A. b. 163  
Hemelverdegem. G. b. 214  
Hemelgem, alias Humelgem. M. a. 97  
Herderlem. A. b. 162  
Herent. L. a. 215  
Herzele, alias Heersel. O. b. 280  
Hespen inferius seu Neer-Hespen. L. L. a. 263  
Hespen superius seu Over-Hespen. L. L. a. 263  
Hever. M. a. 97  
Heverle. L. a. 218  
Heyndonck, Appendix de Heffene. M. a. 97  
Heyliffem vide Neer- ende op-Heyliffem.  
T. a. 282  
Hillegem. O. b. 282  
Hofstade. A. b. 163  
Hofstade Appendix B. Mariæ Mechl. &  
Hevere M. a. 70  
Hollaer. B. b. 77  
Holeden. L. L. a. 264  
Holsbeke. L. a. 220  
Hombeke. M. a. 98  
Homberge, alias Oomberge. O. b. 294  
Hoorebeke vide Marie ende S. Cornelis  
Hoorebeke. R. b. 257  
Hout Heverle. L. a. 219  
Huldenberghe. B. b. 81  
Hulpe. B. b. 82  
Humbeke. M. a. 99  
Humelgem. M. a. 97  
Hundelgem. O. b. 282  
Huyfingen. L. P. b. 123

I.

I Dergem, alias Eeregem. A. b. 157  
Idegem, vel Yedeghem. G. b. 232  
Itterbeke. L. P. b. 123  
Jette. B. b. 83

K.

K Eerbergen. M. a. 102  
Kercxken, alias Kersken. A. b. 164  
Kerckem. R. b. 257  
Kerckem. T. a. 284  
Kersbeke. D. a. 247  
Kiefekem. D. a. 247

TOM. II.

L.

L Aere. L. L. a. 265  
Laken. B. b. 93  
Landen. L. L. a. 264  
Landen inferius five Neer-Landen. L. L. a. 265  
Lantscautere appendix de Gyzeele. O. b. 278  
Langdorp. D. a. 248  
Lathem vide Marie ende Pauwe Lathem.  
L. b. 257. 261  
Lede. A. b. 164  
Leeftael. L. a. 221  
Leerbeke, alias Laerbeke. L. P. b. 123  
Leeft. M. 75. a. 103  
Leeuwergem. O. b. 283  
Leeuw Teneræ, vide Dender-Leeuw. A. b. 157  
Leeuw S. Petri, alias St. Peeters Leeuw.  
L. P. b. 124  
Leopolis five Leeuw S. Leonardi. L. L. a. 258  
Lemberge. O. b. 283  
Linniacum vide St. Mertens ende St.  
Quintens Lenninck. L. P. b. 130  
Liefinge. L. P. b. 129  
Liedekercke. A. b. 165  
Lerde vide Marie ende S. Mertens Lier-  
de. G. b. 214. 215  
Liefsele M. a. 104  
Linckebeke. L. P. b. 130  
Linhout. D. a. 248  
Lintrum vide Neer- & op-Linter. L. L. a. 265. T. 284  
Lippelo. M. a. 104  
Lombeca B. Mariæ, vide Onse lieve Vrou-  
we Lombeke. L. P. b. 131  
Lombeca S. Catharinæ, vide S. Catlyne  
Lombeke. L. P. b. 131  
Lombeca Castri, vide Burgrave Lombeke.  
L. P. b. 131  
Londerseele. M. a. 104  
Lovanium. L. a. 140  
Lovenioul. L. a. 221  
Lubbeke. L. a. 222  
Luepegem. R. b. 257  
Lutter Hauthem, vide Hauthem parvum.  
O. b. 280  
Lynden. L. a. 223  
Lys-Mecl. L. L. a. 268

M.

M Achelen S. Gertruyde. B. b. 95  
Maldere M. a. 105  
Marcke. R. b. 258  
Nnn n Ma-



- |                                    |        |                                      |        |
|------------------------------------|--------|--------------------------------------|--------|
| Maria Lathem. R.                   | b. 257 | Neer Winde. L. L.                    | a. 270 |
| Marie Lierde. G.                   | b. 215 | Nethenc. L.                          | a. 224 |
| Marie Hoorenbeke. R.               | b. 257 | Neygene, alias Allodium. G.          | b. 218 |
| Marie Oudenhoven. G.               | b. 224 | Nieuwenhove. G.                      | b. 220 |
| Maseele. A.                        | b. 170 | Nieuwen-Rode, alias Rodium novum. D. | a. 249 |
| Masseme. O.                        | b. 284 | Nieuwen Rode, appendix de Meys. B.   | b. 96  |
| Matere. R.                         | b. 258 | Nieuw Capelle. D.                    | a. 245 |
| Mechlinia. M.                      | a. 1   | Nieuwkercke. A.                      | b. 185 |
| Meensel. D.                        | a. 249 | Ninhovia. C.                         | b. 194 |
| Meer, appendix de Goidsenhoven. T. | a. 281 | Nodebaix. L.                         | a. 225 |
| Meerbeke. G.                       | b. 216 | Noduwez. T.                          | a. 287 |
| Meerbeke. L.                       | a. 223 | Noffegem. B.                         | a. 99  |
| Meerbeke, vide Boort-Meerbeke. M.  | a. 90  | Nuykercke, five Nieuwekercke. R.     | b. 261 |
| Meldaert. T.                       | a. 286 |                                      |        |
| Melden. R.                         | b. 260 |                                      |        |
| Meldert. A.                        | b. 170 |                                      |        |
| Melin. T.                          | a. 287 |                                      |        |
| Melle. O.                          | b. 290 |                                      |        |
| Merelbeke, alias Merlebeke. O.     | b. 292 |                                      |        |
| Melsbroeck. M.                     | a. 109 |                                      |        |
| Mera alias Meere. A.               | b. 180 |                                      |        |
| Merchtem. A.                       | b. 180 |                                      |        |
| Mespelaer. A.                      | b. 181 |                                      |        |
| Misselbroeck. D.                   | a. 249 |                                      |        |
| Meylegem. R.                       | b. 260 |                                      |        |
| Meys. B.                           | b. 96  |                                      |        |
| Michelbeke. R.                     | b. 261 |                                      |        |
| Middelwinde, appendix Thenis. T.   | a. 270 |                                      |        |
| Mieufeldorp. D.                    | a. 249 |                                      |        |
| Miskum. L. L.                      | a. 269 |                                      |        |
| Moerbeke. G.                       | b. 218 |                                      |        |
| Molebeke. B.                       | b. 98  |                                      |        |
| Molebeeck. D.                      | a. 249 |                                      |        |
| Mollem. A.                         | b. 182 |                                      |        |
| Montaigu, alias Aspricollis. D.    | a. 244 |                                      |        |
| Moortzele. O.                      | b. 293 |                                      |        |
| Moorsele. A.                       | b. 182 |                                      |        |
| Muesegem. B.                       | b. 97  |                                      |        |
| Munte. O.                          | b. 294 |                                      |        |
| Muyfen. M.                         | a. 110 |                                      |        |
- N
- |  |        |   |        |
|--|--------|---|--------|
| <b>N</b> athum, vide Ter-Nath. L. P.     | b. 136 | Op Bruffel. B.                          | b. 99  |
| Neckerspoel, appendix S. Petri           |        | Okegem. G.                              | b. 220 |
| Mechlinia. M.                            | a. 71  | Oirbeke. T.                             | a. 287 |
| Neer-Brakele. G.                         | b. 208 | Oisterhem. L.                           | a. 216 |
| Neer-Dormael. L. L.                      | a. 261 | Oomberghe. O.                           | b. 294 |
| Neer-Eenam, vide Eenam inferius. R.      | b. 245 | Oordegem. O.                            | b. 295 |
| Neer-Heembeke, vide Heembeke infe-       |        | Oosterzele. O.                          | b. 296 |
| rior. B.                                 | b. 76  | Onckerseel G.                           | b. 221 |
| Neer-Hespen, vide Hespen inferius. L. L. | a. 263 | Onse lieve Vrouwe Lombeke. L. P.        | b. 131 |
| Neer-Heyliffem. T.                       | a. 282 | Onse lieve Vrouwe Wavere. M.            | a. 136 |
| Neer-Yffche. L.                          | a. 224 | Op Brakel. G.                           | b. 208 |
| Neer-Landen. L. L.                       | a. 265 | Op-Dormael. L. L.                       | a. 261 |
| Neer-Linter. L. L.                       | a. 265 | Opdorp, appendix de Maldere. M.         | a. 108 |
| Neer-Ockerseel. M.                       | a. 111 | Op-Hasselt, alias Haslutum. G.          | b. 221 |
| Neer-Velpe. T.                           | a. 288 | Ophem, appendix de Meys. B.             | b. 96  |
|  |        | Ophelyffem. T.                          | a. 282 |
|  |        | Op-Linter. T.                           | a. 284 |
|  |        | Opvelpe, alias Velpa superior. T.       | a. 288 |
|  |        | Op Woluwe, vide Woluwe. B.              | b. 109 |
|  |        | Opwyck. A.                              | b. 185 |
|  |        | Hoorebeke, vide Marie & Cornelis Hoore- | b. 257 |
|  |        | beke. R.                                | a. 269 |
|  |        | Orsmael. L. L.                          | b. 100 |
|  |        | Offele. B.                              |        |
|  |        | Ottergem, appendix de Eerdegem. O.      | b. 276 |
|  |        | Ottenborgh. L.                          | a. 225 |
|  |        | Oudenhove S. Gaugerici, vide S. Gue-    | b. 297 |
|  |        | rinx Oudenhove.                         | b. 223 |
|  |        | Oudenhove B. Mariae, vide Marie Ou-     | b. 224 |
|  |        | denhove. G.                             | b. 208 |
|  |        | Oultre, vide Aultre. G.                 |        |
|  |        | Over Boulare. G.                        | b. 77  |
|  |        | Over Heembeke, vide Heembeca Supe-      | a. 263 |
|  |        | rior. B.                                | b. 100 |
|  |        | Over Hespen. L. L.                      | a. 270 |
|  |        | Overysche. B.                           | b. 152 |
|  |        | Over Winde. L. L.                       | Pa-    |
|  |        | Ouwegem. A.                             |        |

P

**P** Amele. L. P. *b. 132*  
 Paricke alias Parantia. G. *b. 224*  
 Pauwe Lathem appendix de Berlegem R. *b. 261*  
 Pellenbergh. L. *a. 225*  
 Perck. M. *a. 112*  
 Peuty. M. *a. 115*  
 Pollaer. G. *b. 225*  
 Puers. M. *a. 113*  
 Putte, alias Waver S. Nicolai. M. *a. 115*

Q.

**Q** Uarebbe. M. *a. 116*  
 Quaresmont. R. *b. 261*

R.

**R** Aemsdonck. M. *a. 116*  
 Raetshoven. L. L. *a. 269*  
 Rebecque alias Roosbeke. L. P. *b. 132*  
 Reefegem. O. *b. 298*  
 Relegem appendix de Wemmel. B. *b. 108*  
 Rhodium S. Agathæ vide S. Achten-Rode. L. *a. 226*  
 Rhodium S. Petri, vide S. Peeters Rode. L. *a. 226*  
 Rhodium novum, vide Nieuwen-Rode. D. *a. 249*  
 Rhodium novum, appendix de Meys. B. *b. 96*  
 Rillaer. D. *a. 249*  
 Rode, alias Roda S. Genesii. L. P. *b. 133*  
 Roosbeke. R. *b. 262*  
 Roosbeke. T. *a. 288*  
 Roosbeke, vide Rebecque. L. P. *b. 132*  
 Roosenaken, alias Rosignies. R. *b. 262*  
 Rosieres. B. *b. 101*  
 Rossen appendix de Wolverthem. B. *b. 109*  
 Rothnacum. R. *b. 235*  
 Rotfelaer. L. *a. 227*  
 Ruyen appendix de Berchem. R. *b. 262*  
 Rumpsdorp. L. L. *a. 269*  
 Ruysbroeck. M. *a. 116*  
 Ruysbroeck. L. P. *b. 136*  
 Rymenam. M. *a. 117*

S.

**S** Allardingen, alias Saerlingen. G. *b. 226*  
 Santberge. G. *b. 227*  
 Saventhem. B. *b. 101*  
 Scaffen. D. *a. 250*  
 Schaerebeeck. B. *b. 102*  
 Schelde-Rode. O. *b. 299*

Schendelbeke. G. *b. 228*  
 Schelde Windeke, vide Windeke. O. *b. 298*  
 Schepdael, appendix de S. Mertins Lennick. L. P. *b. 130*  
 Scherpenheuvel, vide Aspricollis. D. *a. 244*  
 Schorisse. R. *b. 162*  
 Schrieck. M. *a. 118*  
 Segelfem. R. *b. 264*  
 Semmerlake. O. *b. 300*  
 Semps. M. *a. 118*  
 Siehene. D. *a. 250*  
 S. Achten-Rode, alias Rhodium S. Agathæ. L. *a. 226*  
 S. Blasius Bouckel. R. *b. 242*  
 S. Denys Bouckel. R. *b. 242*  
 S. Catlyne Lombeke. L. P. *b. 131*  
 S. Catlyne Waver, vide Wavria S. Catharinae M. *a. 134*  
 S. Cornelis Hoorebeke. R. *b. 257*  
 S. Geertruyde Machelen, vide Machelen. B. *b. 95*  
 S. Guerix Oudenhoven. O. *b. 297*  
 S. Lievens Esche. G. *b. 210*  
 S. Lievens Hauthem, vide Hauthem S. Livini O. *b. 278*  
 S. Mertens Lennick. L. P. *b. 130*  
 S. Mertens Lierde. G. *b. 215*  
 S. Mertens Vissenaken, alias Fenacum S. Martini. T. *a. 280*  
 S. Peeter Vissenaken, alias Fenacum S. Petri. T. *a. 280*  
 S. Peeters Rode. L. *a. 225*  
 S. Peeters Woluwe. B. *b. 109*  
 S. Quintens Lennick. L. P. *b. 130*  
 S. Stevens Woluwe, vide Woluwe. B. *b. 110*  
 S. Verone Capelle, alias Verona L. *a. 221*  
 S. Tentelins, alias S. Antelini. G. *b. 226*  
 S. Ulricx Capelle, alias Capella S. Udalrici. L. P. *b. 117*  
 Smerlibbe. G. *b. 229*  
 Smet-Lede, appendix de Oordegem. O. *b. 295*  
 Sonnegem. O. *b. 300*  
 Sottegem. O. *b. 301*  
 Stalle appendix de Uckel. B. *b. 103*  
 Steenuffel. M. *a. 129*  
 Steenhuyse. G. *b. 229*  
 Steynockerfeel. B. *a. 119*  
 Sterrebeke. B. *b. 102*  
 Stockel appendix de Woluwe S. Petri B. *b. 110*  
 Stroombeké. B. *b. 103*  
 Strypen. O. *b. 303*  
 Strythem, appendix de Burgrave Lombeke. L. P. *b. 131*  
 Stuyvenbergh, Appendix B. Mariæ Mechl. M. *a. 70*  
 Sulfike. R. *b. 265*



Swalme vide Alder-Heyligen & Municx  
Swalm. R. b. 265

## T.

**T**Er Nath, alias Nathum. L. P. b. 136  
Ter Vuren, vide Fura Ducis. B.

Thenæ, alias Thienen. T. a. 272

Theftelt. D. a. 256

Thieldonck. L. a. 227

Thielt } B. Mariæ. D. a. 256

          } S. Martini. D. a. 256

Thiffelt, appendix de Willebroeck. M. a. 139

Tornepia. L. P. b. 119

Tubife, alias Tubeca. L. P. b. 137

## V.

**U**Ccla, alias Uckele. B. b. 103

Velpa, vide Neervelpen & Opvel-

pen T. a. 288

Velfick. O. b. 303

Velthem. L. a. 228

Verona, vide S. Verone Capelle. L. a. 221

Vertryck, appendix de Boutersem. T. a. 278

Viane. G. b. 231

Vilvordia. M. a. 130

Vlackem, appendix de Burst. O. b. 305

Vlesenbeke. L. P. b. 137

Vliederzele. O. b. 305

Vloefegem. G. b. 231

Voorde. G. b. 231

Volckegem. R. b. 266

Vos Cappelle, appendix de Noffegem. B. b. 99

Voffem. L. a. 228

Vurft, alias Forestum. B. b. 61

Vurft, alias Forestum. O. b. 277

## W.

**W**Ackerseele. M. a. 133

Waelhem. M. a. 133

Wænroy. D. a. 257

Wærebeke. G. b. 233

Wæfmont. L. L. a. 269

Watermale. B. b. 105

Wambeke. L. P. b. 138

Wange, appendix de Neerwinde. L. L. a. 269

Wanfeel, alias Wannefele. O. b. 306

Waffem. O. b. 299

Wavria. { B. Mariæ. M. a. 136  
          { S. Catharinæ. M. a. 134  
          { S. Nicolai, vide Putte. M. a. 115

Webbecom Dieft. D. a. 257

Wechter. M. a. 136

Weert S. Georgii. L. a. 228

Weerde, alias Werda S. Martini. M. a. 137

Weersbeke. D. a. 257

Weldene. R. b. 266

Welle. A. b. 187

Wemmel. B. b. 108

Wezemacl. L. a. 228

Wefembeke. B. b. 108

Wefer. L. L. a. 263

Wefpelaer. M. a. 137

Westrem. O. b. 306

Wevere. T. a. 288

Wichelen. O. b. 306

Willebringen. T. a. 288

Willebroeck. M. a. 138

Winda Inferior & Superior, vide Neer &

Opwinde L. L. a. 270

Winde medium, appendix Thenis. L. L. a. 270

Windicke, alias Schelde-Windeke. O. b. 298

Windeke Teneræ, alias Dender Windeke.

G. b. 210

Wiefe. A. b. 187

Wolverthem. B. b. 109

Woluwe { S. Lamberti. B. b. 109

          { S. Petri. B. b. 109

          { S. Stephani. B. b. 110

Wommerfom. L. L. a. 270

Woubrechtgem. G. b. 233

Wulmerfom appendix, de Haeckendover.

T. a. 281

Wiltzele. L. a. 230

Winge. L. a. 230

Wincfel. L. a. 233

Weylegem. R. b. 267

## Y.

**Y**Edegem G. b. 232

Yfca { Superiora, alias Overysche. B. b. 100

          { Inferior, alias Neerysche. L. a. 224

Ympde, appendix de Muelegem. B. b. 98

Ympe. O. b. 308

## Z.

**Z**Ellick. B. b. 110

Zellick. D. a. 247

Zuerbempde. D. a. 246

# ERRATA

## T O M. I.

Pag. 2 linea 4 neque qui, lege quique. p. 3  
lin. 44 donationem adde post viā. p. 4 lin. 24  
Episcopo adde &c. p. 5. lin. 9 utut l. ut iis. ibid.  
lin. 39 dixisse l. dixisse constet. p. 6 lin. 37 ob l. ab.  
p. 7 lin. 31 vicinis l. vicis. p. 8 lin. 30 & perstitē-  
re l. & hī. p. 13 lin. 19 dividere l. divenderet.  
p. 18 lin. 23 dele in Hispaniam nuptiarum causā  
proficiscens. p. 20 lin. 33 Decif. adde III. p. 21  
lin. 48 STALIUS l. STALINS. p. 22  
lin. 41 notam l. notum. p. 24 lin. 5 subterfuerit  
l. subfuerit. ibid. lin. 10 fuerint l. fuerunt. p. 35  
lin. 10 & l. est. p. 36 lin. 37 Malayla l. Malayla.  
ibid. lin. 51 Hevera l. Havera. p. 39 lin. ultimā  
Herria l. Hevria. p. 42 lin. 5 Canonicali adde  
Atrebatensi. ibid. lin. 16 eodē l. eodem. ibid. in  
fine ex l. &c. p. 44 lin. 3 Incolarum adde exstui.  
ibid. lin. 45 undatum l. nudatum. p. 45 lin. 3  
LIII. l. LII. ibid. lin. 5 LIX. adde extensi. p. 49  
lin. 5 cæmitarii, l. cimiterii. ibid. lin. 10 Rumoldi l.  
Stephani. p. 50 lin. 36 Bisuntinum l. Bisuntium.  
ibid. in eadem lin. non abde in. p. 51 lin. 2  
H. l. A. ibid. lin. 11 & id genus morborum  
l. aliisque morbis hujusmodi. p. 52 lin. 14 eo  
l. se. p. 53 lin. 26 rexit l. surrexit in iras. p.  
54 lin. 24 quæ ea l. quæ ab. ibid. lin. 39 verius l.  
verus. p. 55 lin. 34 Diœcesis, adde in XI. Deca-  
nos. ibid. in fine Isabella l. Isabellæ. p. 56 lin.  
9 depositos l. desolatos. ibid. lin. 27 Begerbruch  
l. Beyerlinck. ibid. lin. 28 ejus l. ejusdem. p. 57  
lin. 21 ob hæreticos l. ab hæreticis deceptos. p.  
58 lin. 13 aliaque l. aliaque per. ibid. lin. 42 op-  
portunē l. importunē. p. 59 lin. 27 five l.  
fine. p. 60 lin. 45 qualem l. quale. p. 62 lin. 19  
requies, adde chara utique. p. 64 lin. 50 quod  
l. quos. p. 65 linea 10 regulariter l. regulariter. p.  
68 lin. 50 huic l. huc. p. 69 lin. 19 administran-  
dum l. ad ministrandū. p. 71 lin. 31 tumultos l.  
tumultus. p. 72 lin. 26. undata l. nudata. p. 73  
lin. 19 Andomarenfi l. Audomarenfi. p. 75 lin. 28  
summo Prætorē, l. summum Prætorē. p. 78  
lin. 10. ut adde nec. p. 81 lin. 14 institutis l. in-  
stitutus. ibid. lin. 21 eorum l. earum. ibid. lin.  
29. eorum l. earum. p. 82 lin. 10 altario l. al-  
tari. ibid. lin. 31. conjuges l. conjugibus. ibid.  
lin. penultima, Sylvæducis l. Sylvaducis. p. 83  
lin. 8 eorum l. earum. ibid. lin. 24 istā l. isti.  
ibid. lin. 29 eorum l. earum. ibid. lin. 40 qui l.  
quæ. ibid. lin. 44 decantare l. decantari. p. 84  
lin. 3 & l. ex. p. 85 lin. 14 ad l. de. ibid. lin.  
33 non tam, adde religioſe. p. 86 lin. 2 1574 l.  
1578. p. 87 lin. 27 memorari l. memorati. p.  
89 lin. ultima autem, addæ hæ. p. 92 lin. 2  
Officialis l. Archiepresbyteri. p. 93 lin. 5 habuit,  
l. habuisse. ibid. lin. 30 omiffus. In eo vetus præ-  
torium vulgo *Ten Steene* olim Principis Mansfeldi-  
ci hodie spectans ad gentem *De Brouckhoven*. p. 94  
lin. 37 Chartularia, l. Chartulario. ibid. lin. 46 quo-  
quo l. quoque. p. 95 lin. 26 vide addenda in fine  
Tom. II. pag. 310. p. 96 lin. 4 fundatum l. fundata.  
p. 97 lin. 2 possidetque eo jure l. quod hīc possi-  
det potiorum. ibid. lin. 22 est l. sit. ibid. lin. 38  
ambulationibus l. amænitatibus. ibid. lin. 43 156  
l. 1560. p. 98 lin. 47 jure l. juri. p. 99 lin. 36  
Sextarii l. Sextariorum. p. 102 lin. 11 qui l. ob-  
tinete illud. p. 105. lin. 35 superstes l. super-  
stite. ibid. lin. 38. Blavensi l. Blanensi. p. 108  
lin. 23 in ephimeribus, l. ephemeridibus. p. 111  
lin. 19 eorum l. earum. p. 113 lin. 18 est l. sit.  
ibid. lin. 21 quæ majores decimæ vocantur, reli-  
qua earum l. quæ major decima vocatur, alia de-  
cimæ pars. p. 114 lin. 28 durante l. durans. p.

117 lin. 46 Bornhemienſem, adde Abbatiam. p.  
118 lin. 35 inserti l. infecti. p. 119 lin. 7. ripiam  
l. ripam. p. 120 lin. 22. in hoc loco, adde præ-  
sertim. p. 129 lin. 35 celebrandas l. celebrandi.  
ibid. lin. 36 Pastor, adde cum Rectoribus Eccle-  
siæ. ibid. lin. 41 Sacellum, adde est. ibid. lin.  
ultimā possidet l. possidet. p. 131 lin. 12. afferre,  
adde poterit. ibid. lin. 26 Camaracensis, l. Ca-  
meracensis. ibid. lin. 41 A. Miræus, adde, in  
Donat. Belg. novæ edit. cap. 103. p. 132 lin. 26  
eorum l. earum. ibid. lin. 36 1648. adde a. ibid.  
lin. 42 Wintermolenbergh. l. Wintmolenberg. p.  
134 lin. 17 eorum l. earum. p. 135 lin. 1 fun-  
datorem, adde, quam dotatorem. ibid. lin. 15  
opinionē, adde, Sanctitatis. p. 136 lin. 5 Joannis l.  
Joannes. ibid. lin. 17 partem pagi, dele pagi. p. 137  
lin. 20 habens l. habet. p. 138 lin. 11 erectum,  
adde, in Baronatum. ibid. in fine & tandem  
dele, item quod sequitur & l. qui causā Romæ  
cognitā in Congregatione Episcoporum & Regu-  
larium, suppletus est auctoritate Apostolica, cum  
dein accessit Archiepiscopalis. p. 140 lin. 20 ut  
dele. p. 149 lin. 12 Lovanium a Gandavo l. a  
Lovanio Gandavum. p. 150 lin. 28 Hasbandam  
l. Hasbania & in hoc tractu, ac circumvicino.  
ibid. lin. 30 cultui l. cultu. ibid. lin. 43 1604. l.  
1606. p. 151 lin. 24 foti l. foli. ibid. lin. 42 fi-  
lius l. filiis. p. 153 lin. 1 sane sicut, adde pro.  
p. 156 lin. 53 utriusque l. utrique. p. 149 lin.  
39 1505 l. 1509. p. 150 lin. 37 Catimeliboci l.  
Catimeliboci. p. 157 lin. 13 ad annum, adde  
1679. p. 160 lin. 31 Eyntshouts l. Eynthouts. p. 164  
lin. 3 hic l. huc. ibid. lin. 4 qui l. quod.  
ibid. lin. 29 orationem, adde quæ typis. ibid.  
lin. 43 accedent l. accedente. p. 165 lin. 6 qui,  
adde vivens, ibid. formandam, l. formando.  
ibid. lin. 26. unitus, qui l. unitum, quod. p.  
166 linea 11 1612 l. 1602. p. 167 lin. 10 quæ  
ædes & fundi l. quas ædes & fundos. p. 168 lin.  
13 constitutus l. constitutum. p. 169 lin. 4 in dele.  
p. 170 lin. 12 consultius, adde visum. p. 171  
lin. 29. &, adde, ante. ibid. lin. 31 collec-  
tæ, adde sunt. ibid. lin. 33 paulum, l. paulo.  
ibid. lin. 35 compulsæ, adde sunt. ibid. qui l. quo.  
p. 172 lin. 27 equitus, l. equitis. p. 175 lin. 27  
solitus, adde erat. ibid. lin. 37 Lovanii l. Lo-  
vanium. p. 181 linea 46 Philosophici, adde  
Studii. p. 182 lin. 15 Gompel l. Gompel. p.  
183 lin. 14 Haveron, l. Hanneron. ibid. lin. 15  
1484 l. 1488. ibid. lin. 38 1505 l. 1504. ibid.  
lin. 47 fundavit l. fundatum. p. 189 lin. 40 Go-  
defridi, l. Godefrido. p. 194 lin. 38 anno adde  
1406. ibid. lin. 40 1534 l. 1434. ibid. lin. ultima.  
1392 l. 1492. p. 199 lin. 13 Alvensen l.  
Aluensem. p. 200 linea 33 Abbis l. Abbatis.  
ibid. linea 43 Corbiensium adde eorum. p. 201  
linea 24 Werda l. Werdam. ibid. lin. 42 limitas  
l. limites. p. 208 lin. 20 quadrantæ l. qua-  
drante. p. 209 lin. 7. qui eis l. quibus. ibid.  
lin. 35 Jurisprudentiæ adde Heroicæ. ibid. lin.  
39 Herentsuli l. Herentensi. p. 210 lin. 25 Be-  
naert l. Brenaert. ibid. linea 36. Parenſis adde  
notus. p. 213. lin. 1. Pielrebais l. Pieterbais.  
ibid. lin. 12 ambo l. ambos. ibid. lin. 24 reci-  
dit l. cecidit. p. 214 lin. 12 clauſtro l. clauſtri.  
p. 216 lin. 22 patentes l. patentiſ. p. 220 lin. 3  
Consul l. Scabinus. p. 221 lin. 22 primogenito  
Joanni l. primogenito Joannis. ibid. linea ultima,  
duodenis l. duodennis. p. 222 lin. 28 Syndicus  
l. Syndici. ibid. lin. 31 titulo emptionis, partim  
jure uxorio l. titulo emptionis, p. 223 lin. 43  
Clau-



## E R R A T A.

der l. Zelandre. p. 225 lin. 46 attrita l. attritus. p. 229 lin. 3 testes l. nempè. ibid. lin. 26 & id genus morbis l. & aliis morbis ejusmodi. ibid. lin. 33 habere l. debere. ibid. lin. 34 qui l. quibus. p. 231 lin. 13 Gertudana l. Gertrudana. p. 233 lin. 19 Nicolaus Baert de Berentode l. Nicolaus Baro de Baert. p. 241 lin. 24 nominant l. innominant. p. 242 lin. 13 & dele. ibid. lin. 47 juris l. jus. p. 243 lin. 11 loci, dele. ibid. lin. 30 vander Noot l. Eynatten. ibid. lin. 48 eorum l. earum. p. 244 lin. 8 millarii l. milliarii. ibid. lin. 48 & magis l. sit. p. 245 lin. 13 in Urbe l. in Urbem. ibid. lin. 18 ex quibus l. ex qua. p. 246 lin. 28 nonquam l. nunquam. ibid. lin. 35 Halæ l. Halam. p. 249 lin. 22 omnis l. amnis. ibid

lin. 23 difficultate l. difficultatem. ibid. lin. 37 Parochis l. Parochiæ. p. 254 lin. 41 zeli l. zelo. p. 258 lin. 34 ad hoc Capitulum l. ad Abb. & Cap. S. Dionys. p. 260 lin. 13 dominium adde obtinet. p. 261 lin. 11 de Weer l. Ayweer. ibid. lin. 16 Haelmael l. Hal. p. 263 lin. 38 Leeuwensi l. Leeuwenfis. p. 269 lin. 11 Censuales l. Censualis. p. 270 lin. 6 qui adde in. ibid. lin. 11 Audana l. Andana. p. 272 lin. 9 proventus l. provectus. ibid. lin. 21 nulloque l. nullumque. ibid. in eadem lin. genere l. genus. p. 276 lin. 37 ipforum l. ipsarum. p. 278 lin. 19 7000 l. 70000. p. 279 lin. 46 Benedictorum l. Benedictinorum. p. 285 lin. ultima Odore Sanctitatis, adde 1422.

## T O M. II.

**P**ag. 3 lin. 9 1514 l. 1540. p. 12 lin. 29 erecti l. evecti. p. 14 lin. 23 Cameracis l. Officialis Cameracensis. p. 15 lin. 36 *Stochaert* l. *Stockaert*. p. 29 lin. 41 antiquitatis adde celsæque altitudinis. p. 37 lin. 37 1637 l. 1607. p. 39 lin. 4 Labensem l. Lakensem. p. 41 lin. 20 Basilica l. Basilicæ. p. 43 lin. 48 subest l. subsunt ordinario sub curâ ab anno 1445. p. 47 lin. 44 ex l. &. p. 49 lin. 45 incument l. incruento. ibid. lin. 55 carus l. carne. p. 58 lin. 4 1596 l. 1594. ibid. lin. 26 *Burchem* l. *Berchem*. p. 64 lin. 10 1516 l. 1498. ibid. lin. 30 1638 l. 1637. p. 65 lin. 26 1638 l. 1663. p. 67 lin. 16 XXVI l. XVI. ibid. lin. 30 1627 l. 1626. p. 74 lin. 4 S. T. adde Professor. p. 75 lin. 5 S. T. adde Professor. p. 76 lin. 41 ad latus adde ex quâdam ad nomen *Crayenhoven* allusione. p. 77 lin. 5 S. Nicolaum Episc. l. S. Petrum Apostolorum Principem. p. 79. lin. 32 23 Junii adde quæ inclusio anno 1635 per Capitulum Generale terminata & finita est. p. 80 lin. 41 1423 l. 1425. p. 81 lin. 1 1453 l. 1525. ibid. lin. 2 1454 l. 1555. ibid. lin. 9 1577 l. 1578. lin. 33 1712 l. 1721. p. 83 lin. 4 anno a dele a. p. 84 lin. 37 *Tuffis* l. *Tassis*. p. 85 lin. 18 Parochum l. Parochiam. p. 91 lin. 33 1575 l. 1574. ibid. lin. 36 1602 l. 1603. p. 94 lin. 44 ficto l. facto. p. 95 lin. 45 *Jospan* l. *Jospain*. p. 104. lin. 20. Sclopetariorum l. Bombardiariorum. p. 107 lin. 22 *Hout* l. *Hont*. ibid. lin. 47 1691 l. 1692. p. 111 lin. 13 1030 l. 1230. p. 126 lin. 22 teste B. l. teste. A. p. 131 lin. 27 dele pro Canonicis Graduatis. p. 133 lin. 3 conversus, l. conversum. ibid. lin. 5 amplius l. amplus. ibid. lin. 24 Andernaco. l. relicto Andernaco. ibid. lin. 40 affluentæ l. afflante. p. 134 lin. 25. quando Capitulum l. quando per Capitulum. p. 137. lin. 6 pro Canonicis Graduatis dele & l. eidem Capitulo. p. 140 linea 37 Prætoratibus l. Prætoratibus. p. 143 lin. 15. pro l. quo. ibid. lin. 41. Choraules l. Choraules. p. 144 lin. 24 qua l. quo. p. 150 lin. 21 Val-

dere l. Vaddere. ibid. lin. 25 Ephemeribus l. Ephemeridibus. p. 158 lin. 5 1696 l. 1696. ibid. lin. 33. Abbazia adde item Abbazia de Groenenbriele. p. 159 lin. 45. 288. l. 208. p. 168 in fine. ade. ita J. B. *Lexana*, tom. iv. Annual. Ord. Carm. ad an. 1349. p. 176 lin. 5 Phalefina l. Phalesius. ibid. lin. 32 1135 l. 1133. ibid. lin. 37. 1144 l. 1148. p. 178 lin. 22 diviseret l. diviserit. p. 191. lin. 26 ac plurimis aliis, adde prærogativis. p. 192 lin. 27 Burgundiæ, adde obiit anno 1483. ibid. lin. 29 successori, adde anno 1494. p. 194 lin. 28 Marchantio Ninhovia, dele Ninhovia. p. 199 lin. 47 approbatione l. approbationem. p. 201 lin. 35 1338 l. 1336. ibid. lin. 45 respirat, adde expirat. p. 206 lin. 30 oblata l. ablata. p. 222 lin. 19 tractibus l. tractatibus. p. 225 lin. 19 jam ferè seculo l. jam ferè a seculo. p. 230 lin. 31 fut l. fuit. p. 235 lin. 6 Antiquis l. antiquus. p. 238 lin. 38 ex, dele. p. 242 linea ultima. in Choro l. in cujus Chori medio. p. 244 lin. 10 jure, adde Abbatis. ibid. lin. 19 Christiania l. Christiana. p. 252 lin. 43 quam l. qua. p. 255 lin. 6 & ex l. & extremæ voluntati nisi forte excommunicati. p. 266 lin. 33 Baronis l. Barone. p. 269 lin. 24 natissimus l. notissimus. ibid. linea 45 in Gerardimonte. Nota illud Diploma ibidem est contractus, vide illud in Not. Eccl. Belg. A. Miræi vet. edit. Cap. 129. p. 272 lin. 19 alias l. alios. p. 276 lin. 33 uti ante dictum, adde, nuper hanc decimam cessit Abbazia huic Parocho. p. 278 lin. 42 atque, dele. p. 293 lin. 7 Ecclesiæ l. Ecclesia. ibid. lin. 11 Botelaers l. Bottelare. ibid. lin. 31 Altare, adde de Mortfela & Lembergis. p. 294 lin. 34 huic l. hinc p. 299 lin. 16 Shelde-Rode l. Schelde-Rode. ibid. lin. 29 antiqui l. veteris. p. 309 lin. 32 vestra l. nostra. ibid. lin. 35 ipsumque, adde in eo. p. 310 lin. 16 Affligemienfis l. Affligemiens. p. 313 lin. 32 assignatu l. assignatur. p. 316 lin. 7 adde XIV. JACOBUS GHOBERT, electus 1629. Obiit 1635. ibid. lin. 12 Octobris, adde 1665.

### Avis au Relieur pour placer les Portraits.

Antonius Perenot de Granvelle *T.I.* pag. 49  
Joannes Hauchinus pag. 51  
Mathias Hovius pag. 54  
Jacobus Boonen pag. 56  
Andreas Creusen pag. 59  
Joannes a Wachtendonck pag. 61

### Bericht aan den Boekbinder om de Portraits te plaatsen.

Alphonfus de Berges pag. 62  
Humbertus Guilelmus a Precipiano p. 64  
Thomas Philippus de Allatia de  
Bouffu pag. 65  
Ecclesiæ S. S. Michaelis & Gudi-  
læ *T.II.* p. 5

















SPECIAL  
Folio

87-B  
1950

THE GETTY CENTER  
LIBRARY



